





*Col. XVI. Tav. 3. Num. 13.*



Ado Mako

Perbinet ad Con. Wood. Direct

1000

1000

1000

1000







Illustrissimo, ac Reuerendissimo

# D. FRANCISCO BONCOMPAGNO

S. R. E. CARDINALI AMPLISSIMO,

& augustæ Ciuitatis Perusiæ, ac totius  
Vmbriæ Legato à latere multis  
titulis meritissimo,

*D. BARTHOLOMÆVS A S. FAVSTO,  
Monachus Fulienfis, & Prior Monasterij S. Ioannis  
Baptista eiusdem Ciuitatis, volens,  
habénsque D D.*



FFERENDVM vniuersis meæ Congrega-  
tionis Regularibus tractatum hunc de tri-  
bus votis, tuæ etiam Celsitudini nuncupare  
visum est, CARDINALIS AMPLISSIME, &  
te vnum patronum, & fautorem è cunctis  
Ecclesiæ Principibus, & Præsulibus, cuius  
speciatim nominis fulgore illustraretur, eligere, tum niateria  
ipsa de sacris Regularium obseruantis pertractans postulauit  
(quippe qui te communem omnium Patrem veneramus) tum  
etiam ratio ipsa nostras partes esse indicauit, vt quæ in hac ce-  
leberrima Ciuitate, cui meritò præses, & Apostolica legatione  
\* 2 \_ fungeris,

fungeris, elaborata essent, Illustrissimæ Dominationi tuæ persoluerentur. Iste enim fœtus alibi quidem conceptus, sed hic sub tuis fœlicibus auspiciis partus confestim in tuam clientellam sese dare, & te solum Patrum, & Tutelarem eligere debuit, ut apud te magis, ac magis cresceret, & quæque benignitate foueretur: nam hoc moris esse apud homines quotidiana docet experientia, quod parentes ex vili, & per se ignoto genere, nullaque hominum commendatione oriundi, filios suos Magnatibus, nobilique prosapia ortis tradant in baptismatis fonte tenendos, ut vel sic parua eorum soboles illustretur, ac deinceps eorum patrocinio, ac tutela promoueatur. Hoc idem mihi ex industria proposuisse fateor, CARDINALIS AMPLISSIME, ut istum meum partum ex tenuitate, & infirmitate ingenij mei proficientem tibi fouendum, ac protegendum darem, ut tuo peculiari patrocinio securior in lucem prodiret, sese aliorum oculis præsentare non erubesceret, & de tua Celsitudine non nihil nominis, & splendoris acciperet; quod profectò votis meis cessurum spero, maximè cum nullum clariorem virtutibus, & genere patrum nancisci potuisse existimem. Quatuor enim nobilitatis species à Platone assignatas tibi multis nominibus deberi comperio. Nam prima, quæ est eorum qui ex viris frugi, & de castis, & sanctis moribus benemeritis prodierunt, iure quàm optimo tibi competit; tu enim ex probis parentibus, & omni genere virtutum imbutis prodisti. Et secunda, quæ est eorum qui ex sacro Procerum, & Principum, & Potentum stipite oriuntur, tibi etiam est ingenua; tu enim progenitores Proceres, Principes, & potentes agnoscis. Et tertia, quæ est eorum, qui ex clarissimis Avibus, & Proavis emanarunt, in te adhuc magis relucet, tu enim Maximum illum, & Sanctissimum Pontificem Gregorium XIII. Avum habuisti, cuius fama, etiam nunc pulsatur utrumque polum, nec humili meo elogio, & præconio indiget, qui ad summum dignitatis fastigium per multos honorum, & dignitatum gradus euectus  
in

in eminenti Apostolatus specula sedit vicé Christi, & sacram  
D. Petri hæreditatem, & principatum decem, & tribus annis  
æquissima animi lance, & sanctissimè est moderatus. Et de-  
mum quarta, in qua nõ solum Plato, sed & Socrates, Apuleius,  
& Quintilianus veram nobilitatem sitam esse commemorant;  
ad eos maximè spectat, qui eximio virtutum splendore, & ani-  
mi magnitudine pollent; & hanc tuo iure tibi vindicare po-  
tes, quam etiam tibi omnes tribuunt, nisi forsan quispiam ex-  
cellsi tui nominis impius oblatrator existat. Si enim præclaras  
animi tui dotes, virtutésque internas vellem attingere, modus  
epistolaris qui breuitatem vt plerunque sapere debet, in proli-  
xam, & panegyricam orationem deflueret, quæ profectò red-  
deretur auribus tuis molestior: non enim quæris auram hu-  
manam, sed potius gratiam diuinam; non gloriam terrenam  
moraris, sed magis ad cælestem festinas, tibi que fœlicissimam  
immarcescibilis gloriæ coronam continuò texere pergis. Quæ  
profectò cum molirer animo, animum ipsum perterruerunt;  
nec mihi met ipsi tanti fui, vt dignè aliquid de tua celsitudine  
enarrare posse præsumerem. Haud enim adeò parua molis  
esse putarim laudum tuarum magnitudinem attingere velle,  
vt quid ausim dicere qui tuis virtutibus commendandis non  
me solum, sed quemuis eloquentissimū semper fore imparem  
videā. At quorū in virtutibus tuis enucleandis diurius vel-  
lem immorari, quas locus quem tenes, dignitas qua polles, &  
potestas quā accepisti satis per se comprobant, ipsæ enim sunt,  
quæ te purpura induerunt, sacro pileo insignierunt, & cæteris  
Illustrissimis Cardinalibus æqualè dignitate fecerunt, & post-  
hac te magis, ac magis in gratiam summi Pontificis promoue-  
runt, ac postremò iam te ad summū, & Sacrosanctum legatio-  
nis gradum extulerunt. Quis ergo audeat præsumere animo  
cōplecti tuas virtutes, quæ te in vna ex potioribus, & celebrioribus  
Italiæ Ciuitatibus Viceuicariū Christi effecerunt: Quare  
nimio virtutum tuarum splendore percussus retrocedendum

cenſeo, meque accingo ad exponendas alias rationes, quæ non  
parum contulerunt ad ſuadendum ad hoc, vt opus iſtud Illu-  
ſtriſſimæ Dominationi tuæ commendaretur. Tanta enim eſt  
parentum tuorum in noſtrum Ordinem beneficiorum turba,  
tantæque extant apud nos eorum pietatis, ac Religionis mo-  
numenta, vt omnes, & ſingulos noſtræ Congregationis alum-  
nos tibi, totique clariffimæ tuæ ſtirpi mirifice deuinctos ha-  
beas. Extat in Alma Vrbe Monafterium D. Bernardi apud  
Thermas Diocletianas, pia, memorique Illuſtriſſimæ tuæ Auiæ  
D. Catharinæ Sfortiæ Comitiffæ Sanctæ Floræ liberalitate  
fundatum. Extant & alia duo Monafteria in terra Florentiolar  
prope Ciuitatem Placentiæ, vnum Sancti Ioannis Baptiſtæ,  
aliud verò Sanctorum Felicis, & Tranquillini, Baſilicæ Ducis  
nuncupatum, quæ multis prædiis, & redditibus dotata Illu-  
ſtriſſimus Cardinalis Franciſcus Sfortia tuus patruus mira li-  
beralitate Congregationi noſtræ donauit. Idcirco rem con-  
gruam officio meo fore putaui, ſi pro parte meæ Religionis  
munuſculum iſtud tibi deferrem, quod grati animi pro accep-  
tis à clariffima tua ſtirpe beneficiis, teſtimonium exhiberet.  
Præterea cum mihi perlatum fuiſſet te peculiari animi zelo,  
honore, ac pietate D. Patrem noſtrum Bernardum colere, mihi  
facile perſuaſi te munuſculum iſtud ab omnium filiorum eius  
inſimo, & indigniſſimo tibi oblatum ſerena, hilarique fronte  
ſuſcepturum: proindeque fore, vt hic liber deuotionem tuam  
erga Patrem noſtrum, iteratis tibi vicibus ad memoriam redu-  
ceret, ipſamque auget, auctamque diutius conſeruaret. Quæ  
fanè deuotio non minitum prudentiæ tuæ eſt argumentum,  
quippe qui ex omnibus Sanctis, quos omnes peculiari hono-  
re, ac pietate venerariſ, Bernardum noſtrum in peculiarem Pa-  
tronum tibi delegeris. Fortiſſimam arcem, & omnibus armis  
inſtructam conſcendiſti, cum Bernardum aſſumpſiſti; ipſe  
enim omnia inimicorum tela valebit retorquere, qui, multis  
ſuis laboribus pro Eccleſia Dei exantlatis, nomen Eccleſiæ  
pro



propugnaculi sibi vendicauit ; quod elogium tibi apponendum duxi , vt magis eius patrociniò innitaris , confidásque & gaudeas quòd fidelissimum , & potentissimum apud Patrem cœlestem, & Matrem nactus fueris Patronum. Omnino enim valde potens est in cœlis, qui tam magnus, & potens extitit in terris secundum magnitudinem gratiæ , magnitudine gloriæ exaltatus ; ausimque dicere, cum in nullis posse pati repulsam, cui adhuc viuenti in terris Christus suum sanguinem, & Maria lac sugendum dedit. Et ideo, ô Bernarde, mel, & lac sub lingua tua, quæ dum de laudibus Virginis agit, tua nectarea, & melliflua verba sic lectorum animos alliciunt, miræque suauitate demulcent, vt alumnus Virginis , & Citharista communi omnium ore nuncuperis. Quandiu ergo, **CARDINALIS AMPLISSIME**, cures in hoc spiritali stadio, ad comprehendendum brauium salutis, citharista noster citharam suam pulsabit in cœlis, quæ ita demulcebit animum Virginis, vt sicut aqua illius fontis Eleusini nuncupati, de quo meminerunt Aristoteles, & Solinus, ad sonum citharæ prosiliebat, ita ad sonum nostræ citharæ nũltas gratias ex hoc immenso, & limpidissimo gratiarum fonte tibi prosilire videas. Et sicut ad pulsus lyre David, Rex Saul à vexatione spiritus nequam extabat immunis, sic ad pulsus huius citharæ è mediis tentationum scopulis liber euades. Quæ cum ita sint, **CARDINALIS AMPLISSIME**, hoc à te magnoperè contendo, vt huic tuæ deuotioni erga nostram citharistam, vsque ad vltimam vitæ tuæ metam addictus semper & consecratus insistas, & nostram eius Congregationem tibi deuotam, quæ ex sacro Cisterciensis Ordinis gremio eduçta strictioris sibi vitæ normam præscripsit, toto cordis affectu complectaris. Irriga nouellas istas plantationes adhuc in iuuentute sua, vt sint tanquam ligna quæ plantata sunt secus decursus aquarum, & possint dare fructum in tempore suo, vt viridarij Fulienfis folium non defluat, in tempore siccitatis non sit sollicitum, nec aliquan

censeo, méque accingo ad exponendas alias rationes, quæ non parum contulerunt ad suadendum ad hoc, vt opus istud Illustrissimæ Dominationi tuæ commendaretur. Tanta enim est parentum tuorum in nostrum Ordinem beneficiorum turba, tantæque extant apud nos eorum pietatis, ac Religionis monumenta, vt omnes, & singulos nostræ Congregationis alumnos tibi, totique clarissimæ tuæ stirpi mirificè deuinctos habeas. Extat in Alma Vrbe Monasterium D. Bernardi apud Thermas Diocletianas, pia, memorique Illustrissimæ tuæ Auiæ D. Catharinæ Sfortiæ Comitissæ Sanctæ Floræ liberalitate fundatum. Extant & alia duo Monasteria in terra Florentiolæ prope Ciuitatem Placentiæ, vnum Sancti Ioannis Baptistæ, aliud verò Sanctorum Felicis, & Tranquillini, Basilicæ Ducis nuncupatum, quæ multis prædiis, & redditibus dotata Illustrissimus Cardinalis Franciscus Sfortia tuus patruus mira liberalitate Congregationi nostræ donauit. Idcirco rem congruam officio meo fore putavi, si pro parte meæ Religionis munusculum istud tibi deferrem, quod grati animi pro acceptis à clarissima tua stirpe beneficiis, testimonium exhiberet. Præterea cum mihi perlatum fuisset te peculiari animi zelo, honore, ac pietate D. Patrem nostrum Bernardum colere, mihi facillè persuasi te munusculum istud ab omnium filiorum eius infimo, & indignissimo tibi oblatum ferena, hilarique fronte suscepturum: proindeque fore, vt hic liber deuotionem tuam erga Patrem nostrum, iteratis tibi vicibus ad memoriam reduceret, ipsamque augetet, auctamque diutius conseruaret. Quæ fanè deuotio non minirum prudentiæ tuæ est argumentum, quippe qui ex omnibus Sanctis, quos omnes peculiari honore, ac pietate veneraris, Bernardum nostrum in peculiarem Patronum tibi delegeris. Fortissimam arcem, & omnibus armis instructam conscendisti, cum Bernardum assumpsisti; ipse enim omnia inimicorum tela valebit retorquere, qui, multis suis laboribus pro Ecclesia Dei exantlatis, nomen Ecclesiæ  
pro

propugnaculi sibi vendicauit; quod elogium tibi apponendum duxi, ut magis eius patrocínio innitaris, confidásque & gaudeas quòd fidelissimum, & potentissimum apud Patrem cœlestem, & Matrem nactus fueris Patronum. Omnino enim valde potens est in cœlis, qui tam magnus, & potens exitit in terris secundum magnitudinem gratiæ, magnitudine gloriæ exaltatus; ausimque dicere, eum in nullis posse pati repulsam, cui adhuc viuenti in terris Christus suum sanguinem, & Maria lac sugendum dedit. Et ideo, ô Bernarde, mel, & lac sub lingua tua, quæ dum de laudibus Virginis agit, tua nectarea, & melliflua verba sic lectorum animos alliciunt, miraque suauitate demulcent, ut alumnus Virginis, & Citharista communi omnium ore nuncuperis. Quandiu ergo, **CARDINALIS AMPLISSIME**, cures in hoc spiritali stadio, ad comprehendendum bráuium salutis, citharista noster citharam suam pulsabit in cœlis, quæ ita demulcebit animum Virginis, ut sicut aqua illius fontis Eleusini nuncupati, de quo meminerunt Aristoteles, & Solinus, ad sonum citharæ prosiliebat, ita ad sonum nostræ citharæ intulas gratias ex hoc immenso, & limpidissimo gratiarum fonte tibi prosilire videas. Et sicut ad pulsus lyræ Dauid, Rex Saul à vexatione spiritus nequam extabat immunis, sic ad pulsus huius citharæ è mediis tentationum scopulis liber euades. Quæ cum ita sint, **CARDINALIS AMPLISSIME**, hoc à te magnoperè contendo, ut huic tuæ deuotioni erga nostram citharistam, vsque ad ultimam vitæ tuæ metam addictus semper & consecratus insistas, & nostram eius Congregationem tibi deuotam, quæ ex sacro Cisterciensis Ordinis gremioeducta strictioris sibi vitæ normam præscripsit, toto cordis affectu complectaris. Irriga nouellas istas plantationes adhuc in iuuentute sua, ut sint tanquam ligna quæ plantata sunt secus decursus aquarum, & possint dare fructum in tempore suo, ut viridarij Fulcensis folium non defluat, in tempore siccitatis non sit sollicitum, nec aliquan

aliquando desinat facere fructum. Foue, & perfice vineam istam, quam plantauit sc̃elix dextera sc̃elicis admodum recordationis Ioannis Barrerij institutoris nostri, sc̃etatoris bonorum operum, Maiorum nostrorum pij imitatoris, huius vineæ cultoris, ruinæque Cisterciensis refartoris egregij : totaque nostra Congregatio auct, vt qui iam virtutes Sanctissimi Pontificis tui Aui es æmulatus, eius etiam Spiritus, zeli, propensionum, & amoris erga nos hæres existas. Cum enim sub sc̃elicissimis eius auspiciis primus lapis huius Spiritualis ædificij iaceretur, zelo salutis animarum incensus literis suis Apostolicis piis cohortationibus refertis, & ad præfatum institutorem nostrum missis, cœptum hoc spirituale ædificium promouit: ita & tu Sanctissimis eius vestigiis instans, hanc eandem Congregationem tuis gratiis, & fauoribus irriga, tua ope promoue, tuoque patrocinio defende: quandiu ipsa, tui certè obseruantissima, Deum Optimum Maximum enixè deprecabitur, vt qui tot, ac tantis animi dotibus te donauit, incolumem etiam diu seruet, ac tueatur, quo semper de ecclesia, sicut hætenus, ita & deinceps optimè merearis: dùmque tibi offero munusculum istud pro parte meæ præfatæ Religionis, ipsa interim nunquam tibi cesset acclamare, quod olim D. Pater noster Bernardus amantissimo suo Gaufrido Cardinali acclamauit, *Faciât te Deus in magna domo sua vas in honorem. Vale.*

Datum in Monasterio Sancti Ioannis Baptistæ augustæ Ciuitatis Perusiæ, anno à Christo nato 1623. die verò primo mensis Maij.

Rene

Reuerendissimo in Christo Patri

D. IOANNI A S. FRANCISCO

Superiori Generali Congregationis reformatæ B. Maria  
Fulienfis, caterisque Reuerendis Patribus,  
& charissimis fratribus eiusdem  
Congregationis,

D. Bartholomæus à sancto Fausto eorum collega,  
salutem & perpetuam felicitatem à  
Deo precatur.

**T**RACTATVM missum quem de tribus votis composui, inre  
mibi videor, Reuerendissime Antistes, & Patres in  
Christo amantissimi, nomini vestro, professione, ac pietati  
dicare debuisse; omnes enim norunt, quanta Religiosis om-  
nibus incumbat sollicitudo pergendi ad perfectionem, &  
quomodo succinctis, obseruantia bonorum actuum, lumbis  
per ducatum Euangelij, debeant semper ulterius progredi  
in viam virtutis, quæ, vt dicit electum Dei organum, & summus spiritalis  
Doctrina Magister Bernardus, finem nescit, tempore non clauditur, nec  
vnquam verus Religiosus arbitratu se comprehendisse, nūquam dicit,  
fatis est, sed semper esurit, sicutque perfectionem, ita vt si semper viue-  
ret, semper quantum in se est perfectior esse contenderet, semper de  
bono in melius proficere totis viribus conaretur. Non enim ad annum,  
vel ad tempus instar mercenarij, sed in æternum diuino se mancipas famulatur.  
Dicit enim cum Propheta: In æternum non obliuiscar iustificationes tuas,  
quia in ipsis viuificasti me. Proinde iustitia eius manet in sæculum sæ-  
culi: & sempiterna Religiosi esuries sempiternam mereatur refectionem; qui li-  
cet breui tempore consumatur, pro virtutis tamen perpetuitate expleffe  
tempora multa iudicatur; Semper ergo indefessum proficiendi studium, & in-  
gis conatus ad perfectionem Religiosorum mentibus inherere debes, nam, vt dicit  
idem noster mellifluus Doctor, minimè pro certo est bonus, qui melior esse

★★

non

non vult, & ubi incipit nolle fieri melior, ibi etiam desinit esse bonus. Ex quibus profecto verbis colligitur, quomodo nobis proficere ex vinculo nostrae professionis incumbat; at nulla potiora media ad perfectionem assequendam Religio nobis suppeditare potest, quàm essentialia vota paupertatis, castitatis, & obedientiae, ut pulchrè ostendit D. Tho. 2. 2. q. 186. ar. 7. Hi sunt enim tres clavi, quibus Christi nos configimus cruci, non per tres horas, aut dies, sed toto vita nostra curricula crucifigentes corpus clauo paupertatis; concupiscentiam carnis, clauo castitatis; & voluntatem propriam, clauo obedientiae: ita ut omnia ea obstacula qua gressus nostros poterant praepedire quominus scopum perfectionis attingeremus, his tribus indissolubilibus votorum nodis alligata inueniantur. Bonorum enim cupiditas, quibus homines apertis faucibus videmus inhiare, voto paupertatis innodatur; effrenata libidinis stimuli, voto castitatis compefcuntur; & pravi voluntatis affectus voto obedientiae pessundantur. Vel etiam dixerim, quod sint haec tria pretiosa vasa, in quibus omnia qua Religiosus cum Apostolicis reliquisse gloriatur, inclusa esse comperimus. Ea enim bona, qua mundus hominibus affluenter administrat, ad tria genera reducuntur; vel enim sunt diuitiae, & haec in paupertate; vel sunt delitiae carnis, & haec in castitate sepeliuntur; vel denique sunt alia bona, qua pendent ex hominum arbitrio, & haec in obedientia recondita Deo Optimo Maximo offeruntur. Quae cum ita sint, consideranti facile erit animaduvertere haec tria vota esse media omnium potissima ad adipiscendam perfectionem: quorum tamen eximius splendor, quia ignorantia tenebris sunt involuta, nequaquam potest quorundam Religiosorum mentibus illucere, & sic ipsorum premium in mediis tenebris delitescit. Atque ideo multi ea videntur parvipendere, quia bona ex illis promanantia non apparent, quantique sint momenti, non innotescit. Quae profecto ignorantia non excusat, sed magis accusat apud Deum eos, qui eorum sunt imperiti, qua scire, & possunt, & tenentur. Quapropter, vigilantissime Pastor, & venerabiles in Christo Patres, cum simus omnes membra capitis Christi, ex quo totum corpus Ecclesiae compactum, & annexum existit, lac, & cibum nobis inuicem subministrare debemus. Ideoque opusculum istud multis vigiliis, & laboribus partum, vobis apponere non dubitavi, praesertim cum hanc materiam satis raram, & singularem existimem; qua licet à paucis quidem fuerit pertractata, non tamen fortassis ita amplam diffusioribusque verbis, & argumentis inculcatam alibi reperietis: unde nonnihil utilitatis, & emolumenti ex hoc opusculo poteritis exfugere, in eo enim totam discipline monastica rationem viuís, ut porri, coloribus depictam intuebimini. Quod certe opusculum tanto vobis gratius fore existimaui, quanto materia quam secum affert, est utilior, ac dignior; ceteras enim (si fidei dogmata excipiamus) nobilitate, utilitate, pretioque antecellere videtur, vispote quae tria vota Religionis Deo solemmniter exhibita, & Religiosorum salutis essentialia complectitur. Quare vos omnes obtestatos, & obsecratos velim in Domino, quatenus tractationem istam

non

*non quidem de tenuitate ingenij mei depromptam, nonnullo tamen meo labore ex immenso doctissimorum hominum oceano velut expiscatam, vobisque in hac mensa spiritali appositam intueri non grauemini. Quamvis enim multos ex vobis me peritiores, sapientioresque esse non diffitear, non omnes tamen ad hanc mensuram doctrina peruenierunt, ut documentis non indigeant. Sunt enim in amplis familiis docti nonnulli, qui, & Magistri possunt nuncupari, plures vero discipuli, & addiscentes, & plurimi adhuc noui, & tyrones, qui lectione librorum, & aliorum dogmatibus adiuvantur. Quamobrem nemini vestrum alienum, absurdumque videri debet, si tractatum istum Religiosis omnibus nostrae Congregationis nuncupare constitui; in hoc enim sic variatum questionum copia exuberat, ut licet non abundet, quod doctus comedat; abundabit fortassis quod deleat; abundabit etiam quod paruulus sugat: ibi enim est lacteus potus, quo tenera Religiosorum nutriatur infantia, sanctaeque perfectionis accipiat incrementa: ibique prorsus ad salutem consulitur vniuersis, quos rerum omnium Dominus ad Religionem vocare dignatus est. Nam Monasteriorum Praepositi, qui animas susceperunt regendas, quibusque ex officio incumbit habenas disciplinae Regularis semper habere praemanibus, hic poterunt intueri quomodo cum suis, tum subditorum vota persolui debeant, & in quibus possunt delinquere; ut sic salutaribus remediis assumptis, iam suborta vitia radice amputent, suborundis obicem ponant, collabentes filios firmiter sustentent, collapsosque salubriter erigant. Audiant enim Diuum Patrem nostrum Benedictum in sua Regula munientem, quod in tremendo Dei iudicio culpae Pastoris imputabitur quidquid in ouibus Paterfamilias utilitatis minus potuerit inuenire. Ad vos vero potissimum Patres Reuerendi, & fratres desideratissimi, qui abrenunciantes propriis voluntatibus, Domino Iesu Christo vero Regi sub superioris clientela, & regimine militaturi obedientia fortissima, atque praerara arma assumpsistis, opusculum istud dirigitur, in quo de Monastica professionis obseruantia, & de explanatione ipsorum, quae coram Deo, & sanctis eius professi sumus, satis luculenter disputatur. Vtile iudicans futurum, si inter vos simplices, & rudes votorum suorum obligationem agnoscerent; sapientioribus enim qui exercitatos habent sensus, & altiora sapiunt, non me fugit, quin multo maiora debeantur. Et quomuis idem de mensa sacrae Scripturae comedant panem filiorum, non est tamen quod despiciant necas catellis largitas, vel ipsam petentem humiliter Canaanam: ausim enim dicere illud Propheta, quod multi paruuli petierunt panem, & non erat, qui frangeret eis. Quorum praesertim consideratio ad onus istud subeundum mihi (satis altoquin infirmo) animum, viresque suppeditauit, licet non inficias eam altam etiam rationem me impulisse: cum enim Admodum Illustriss. Dominus Ioannes Baptista Pontanus, stirpis Hieronymi Patris sui extremus, Monasterium B. Mariae de orphanis nuncupatum Monialibus Capucinis construxisset, & dotasset, eadem pia munificentia ductus*

ductus mea Congregationi reformatæ B. Maria Fulienfis, Ordinis Cisterciensis aliud Monasterium sancti Ioannis Baptista, redditibus dotatum, propriis sumptibus fundavit. Quæ profecto opera ætatem suam iam decrepitam æterno coronant nomine, totâque suam stirpem magnopere commendant, licet multis aliis titulis satis fuerit commendata, quæ tot viros graves, armis strenuos, pietate insignes, doctoresque eximios protulit. Nam, ut solum Guillelmum Patrum eius commemorem, ipse tali doctrina, prudentia, virtute, aliisque animi dotibus exornatus fuit, ut communi omnium consensu electus, dignusque iudicatus fuerit, qui legatus mitteretur ad sanctissimos Pontifices Clement. VII. Paulum III. & Iulium III. ut eis legationem nomine totius Civitatis exponeret, osculumque pacis à sanctitatibus suis reportaret. Ad quod accedunt & alia tum eius, tum etiam aliorum plena laudis, pietatis, ac prudentiæ opera, quæ brevitatis ergo silere cogor. Hæc duo tamen prædicti domini fundatoris nostri pietatis officia maiori gloria, ac commendatione totam stirpem dignam efficere non diffitendum. Cum igitur tanto nos obligationis vinculo apud ipsum obstrictos videamus, officij mei fore duxi, si tanto beneficio nomine totius mea dilectæ Religionis responderem. Idcirco opus istud in hac nobilissima Civitate Perusina, cuius ille civis existit, elaboratum typis mandandum dedi, ut perpetua nostra in eum observantia, gratique animi argumentum aliquod exhiberem, datæque pignus proventuum, quos ex his nonis palmitibus expectare debet. Hæc ergo præcipua rationes ad me permouendum accesserant, quò tertius hic vigiliarum, & laborum ingenij mei partus iam tandem egrederetur in lucem. Obtestans te, Reuerendissime Pastor, vosque omnes sodales mei perfectionis candidati, in quorum manibus, oculisque versari hoc opus contigerit, ne vos lenibus interdum maculis, aut naus offendatis; sed, si quid ex his meis incubrationibus vestro dignum studio inueneritis, illi acceptum referatis, à quo omne datum, & omne donum perfectum: si quid verò minus sapienter, & cogitanter dictum occurrerit, mihi tribuat. Valite. Dat. in Monasterio sancti Ioannis Baptista, Augusta Civitatis Perusina, anno à Christo nato 1623. Die vero primo mensis Maij.

CATA



CATALOGVS DOCTORVM OMNIVM,  
quorum testimonio Author innitur, ordine  
alphabetico distinctus.

A

Augustinus sanctus.  
Ambrosius sanctus.  
Anselmus sanctus.  
Antonius sanctus.  
Adrianus Papa.  
Albertus Magnus.  
Abulensis.  
Alexander Alensis.  
Alphonſus à Castro.  
Alphonſus Viualdus.  
Almaynus.  
Angelus.  
Armillæ.  
Archidiaconus.  
Andreas Siculus.  
Antonius Corſetus Siculus.  
Augustinus de Anchona.  
Antonius Gomeſius.  
Aristoteles.  
Auerroes.

B

Bafilus sanctus.  
Benedictus sanctus.  
Bernardus sanctus.  
Bernardinus sanctus.  
Bonauentura sanctus.  
Bernardinus sanctus.  
Beda venerabilis.  
Bonifacius Papa octauus.  
Bellarminus Card.  
Bartholus.  
Baldus.  
Bellamera.  
Bartholomæus Hugolinus.  
Bartholomæus à Medina.  
Bartholomæus Gomeſius.  
Bartholomæus Ledéſmius.

Rañon.

C

Cyprianus sanctus.  
Chryſoſtomus sanctus.  
Caietanus Card.  
Covarruias.  
Conradus.  
Calderinus.  
Coſinus Philarchus.

D

Dionysius Areopagita sanctus.  
Damaſcenus sanctus.  
Dionysius Carthusianus.  
Durandus.

E

Emmanuel Roderiquez.  
Emmanuel Sà.  
Eustachius à ſancto Paulo.

F

Felinus.  
Franciſcus Toletus Card.  
Franciſcus à Victoria.  
Franciſcus Suarez.

G

Gregorius Magnus sanctus.  
Gregorius Nazianzenus sanctus.  
Gerſon.  
Gùtierrez.  
Gregorius Lopez.  
Gabriel Biel.  
Gregorius Sayrus.  
Gabriel Vaquez.  
Gregorius de Valentia.

\*\* 3

Ga

Galenus,

H

**H**ieronymus sanctus.  
Hugo de sancto Victore.  
Hugo Cardinalis.  
Honorius Papa.  
Hostiensis.  
Henricus Henriquez.  
Hieronymus à Sorbo.

I

**I**sidorus sanctus.  
Innocentius Papa.  
Iason.  
Ioannes de Imola.  
Ioannes Maioris.  
Iulius clarus.  
Ioannes de Medina.  
Iosephus Angles.  
Iacobus de Graffius.  
Ioannes Azorius.  
Ioannes Salas.

L

**L**eo Papa.  
Lyranus.  
Eudouicus Lopez.  
Leonardus Lessius.  
Ludouicus Molina.

M

**M**artinus Ledesmius.  
Maiolus.  
Mercatus.  
Margarita Confessorum.  
Melchior Canus.  
Michael de Palatio.  
Martinus Nauarrus.  
Michael Salon.  
Michael Medina.  
Michael Vasquez.  
Marcus Tullius.

N

**N**icolaus de Iyra.

Okam.  
Origenes.  
Ouidius.

O

P

**P**aulus Apostolus.  
Pius Quinrus.  
Petrus Lombardus.  
Petrus Paludanus.  
Petrus de Palude.  
Petrus à Soto.  
Petrus de Castro.  
Petrus Damianus.  
Petrus de Ledesma.  
Petrus de Aragona.  
Pisanella.  
Petrus Nauarra.  
Palacios.

R

**R**ichardus de sancto Victore.  
Richardus de media villa.  
Raimundus.  
Rosella.  
Rebellus.  
Reginaldus.

S

**S**cotus doctor subtilis.  
Sorus.  
Stephanus Quaranta.  
Summa Confessorum.  
Speculum Confessoriorum.  
Syluester.  
Supplementum Gabrielis.  
Sanchez.

T

**T**homas Aquinas Doctor Angelicus.  
Tertallianus.  
Turrecremata.  
Tabiena.

V

Viguerius.  
Vega.  
Virgilius.  
Valetrius Maximus.

Z

**Z**abarella Cardinalis Zenzelinus.  
Index.

---

# INDEX LIBRORVM / TOTIVS OPERIS.

Theſaurus Religioſorum continet libros octo.

<b>P</b> rimus agit de voto ſimplici in communi.	pag.1.
Secundus de irritatione	150
Tertius de diſpenſatione	205
Quartus de commutatione	271
Quintus de Religioſo ſtatu, ac de voto ſolemni in communi.	309
Sextus de voto obedientia.	445
Septimus de voto caſtitatis.	565
Octauus de voto paupertatis.	586

FACVL

---

FACULTAS REVERENDISSIMI PATRIS  
*superioris Generalis Congregationis reformatæ  
B. Mariæ Fulienfis.*

**N**Os Dominus Ioannes à S. Francisco Superior Generalis Congregationis B. Mariæ Fulienfis, ordinis Cisterciensis facultatem facimus, vt liber inscriptus *Theſaurus Religioſorum, In quo de tribus votis ſolemnibus obedientia Caſtitaſ & Pauperiatis accuratiſſimè diſputatur, à Domino Bartholomæo à S. Fauſto aliâs Pirro Siculo Platienſi monacho Congregationis B. Mariæ Fulienſis ordinis Caſtere. &c.* compoſitus in lucem edatur ſi ſuperioribus quibus id competit ita placuerit in quorum fidem has litteras manu noſtra ſubſcriptas, ſigillo noſtro munitas dedimus in Monafterio noſtro ſanctæ Pudentianæ de Vrbe die 15. menſis Februarij anno Domin. Incarnat. 1623.

*Fr. IOANNES à ſancto FRANCISCO  
Superior Generalis præſatus.*

---

A P P R O B A T I O

**V**ERAS quibus operam dare debent Religioſi diuitias, ex iſto, quem Religioſus vir Bartholomæus à S. Fauſto, Congregationis S. Mariæ Fulienſis proponit, theſauro, colligant, quibus ſcatet, & quas vt habeant, palam prodire licetè poteſt, imo debet, nihil enim vetat. Lugduni 20. Aug. D. Bernardo Fulienſium Patrono, facta 1623.

*Fr. ROBERTVS BERTHELOT  
Epiſcopum Damafci.*

---

A L I A A P P R O B A T I O  
& permiſſio.

**T**heſauros inquirunt permulti, Inueniunt perpauci; neque omnes qui Religio-nem vouent Theſaurum Religionis inteniunt, niſi exactè obſeruent quæ in hoc Theſauro Religioſorum R. P. Bartholomæi à S. Fauſto diſputantur; quem librum à Doctõribus approbatum, vt in lucem edatur, permitimus. Lugduni die 29. Auguſti 1623.

MENARD. Vic. Gen. ſubſt.



# DE VOTO SIMPLICI IN COMMUNI, LIBER PRIMVS.

**D**E hac materia, quæ  
celebris est, cogni-  
tūque necessariissi-  
ma, disserunt Theo-  
logi cum Magistro  
in 4. dist. 38. D. Tho.

2. 2. q. 88. & Caiet. ibidem, & in sum-  
ma verbo votum. Sotus lib. 7. de iust.  
& iure. Ban. 2. 2. q. 13. Valent. 2. 2. d.  
6. q. 6. Arag. 2. 2. q. 88. Roder. p. 2.  
sum. cap. 89. Cord. in sum. casuum  
casu 149. Less. lib. 2. de iust. cap. 40.  
Sanch. in libris de matrimonio per  
rotum. Sayrus in clau. Reg. lib. 6.  
Nauar. cap. 12. à n. 24. & Couar. in  
cap. quamuis pactum. Canonistæ in  
titulo de voto, & voti redemptione.  
Summularij vero vt Angelus, Sylue-  
ster, Tabiena, Armilla, Pisanello, &  
supplementum verbo votum, & ver-  
bo religio.

Acturus (Deo dante) in hoc ope-  
re, maiori qua per me fieri poterit  
breuitate, ac perspicuitate de statu  
religioso; ac simul de tribus essentia-  
libus votis, nempe paupertate, casti-  
tate, & obedientia, quæ vniuersis  
vtriusque sexus regularibus sunt ac-  
commodata, operæ pretium duxi, an-

tequam horum tractationem aggre-  
diar, generatim, atque vniuersè de  
voto simplici disputare. Vt autem ea  
omnia, quæ authores in rota hac ma-  
teria tradunt, manifesta fiant, obser-  
uandum est primò, quòd votum ali-  
quando sumitur à Latinis pro bono  
animi proposito, ac desiderio, etiam si  
nulla intercedat promissio; quia ea  
quæ maximè cupimus, adhibitis votis  
à Deo petere solemus. Vnde qui de-  
siderij sui factus est compos, voti  
compos dicitur. Sic videtur sumi  
Prouerb. 31. *Quid dilecte mi, quid  
dilecte vteri mei, quid dilecte voto-  
rum meorum*, id est, desideriorum.  
Sic etiam exponi potest illud quod  
in canone Missæ dicitur: *Tibi que  
reddunt vota tua*, id est, pia deside-  
ria, & fidei, ac deuotionis sacrificia, vt  
Duran. lib. 2. de ritibus Eccles. cap. 34.  
exponit. Aliquando verò significat  
promissionem iuxta illud Ecclesiast.  
5. *Si quid voveris Deo, memor eris  
reddere, displicet enim ei infidelis, &  
fructa promissio*. Et hoc modo accipi-  
tur hic. Vnde votum dicitur à volun-  
tate iuxta D. Tho. 2. 2. q. 88. ar. 1. tan-  
quam à primo mouente rationem ad

A pro

promittendum. Et sic votum idem est, quod *voluntaria promissio*, non cuiusque facta sed Deo.

## Q V Æ S T I O I.

### *Quid sit Votum?*

**R**ESPONDEO, quod est *promissio deliberata facta Deo de meliori bono*. In qua definitione quinque particulæ continentur. Prima est, (*promissio*) quæ ponitur pro genere, ad denotandum, quod non sufficit ad votum, desiderium, neque propositum absolutum, etiam deliberatum faciendi, nisi simul adsit animus promittendi, ut clarè constat ex scripturis Eccles. 5. Deuter. 23. &c. in quibus locis semper fit mentio promissionis, ubi de voto agitur; & tradit eleganter D. Tho. 2.2.q.88.ar.1.

**2** Secunda est (*deliberata*) quia subita, & impræmeditata promissio non sufficit ad votum, sed requiritur plena rationis aduertentia eius quod promittitur: & sufficit ut fiat cum eo rationis iudicio, quod in materia ad meritum, vel ad peccatum mortale sufficit, ut post D. Thom. explicuit Illustrissimus Caietanus 2.2.q.88.ar.1. quia consentaneum est, eam considerationem, quæ satis est ad ligandum nos diabolo, sufficere posse ad obligandum nos Deo virtute promissionis. Et ratio est, quia votum est onus, quod quis sibi spontè imponit; nemo autem censetur velle onus spontè sibi assumere, nisi plenè aduertat quid agat, quidque illud, quod promittit. Hæc autem consideratio brevissimo tempore fieri potest, & ut Nau. cap. 1.2.n.26. dicit, in momento. Quod etsi locum habeat in Angelis, qui sine discursu operantur, at in ho-

minibus conaturali modo operantibus, id non contingit; quia sufficiens aduertentia, & deliberatio non habetur sine discursu, discursus autem in tempore fit. Et idè optimè dixit Caietanus, hanc deliberationem interdum fieri imperceptibiliter, quia licet in tempore fiat, temporis tamen successio non percipitur.

Tertia est (*facta Deo*) quia promissio quæ fit homini, non est votum, nisi ipsi fiat Deo tacitè, vel expressè, immediatè, vel mediatè in Sanctis suis. Et ratio est, quia cum religio sit virtus, quæ Deum respicit, etiam votum, quod est actus religionis soli Deo mediatè, vel immediatè fit, iuxta illud Isa. 19. *colent eum in hostiis, & muneribus, & vota vouebunt Domino, & soluent.*

Hinc, qui vouet Sanctis, finaliter censetur vouere Deo, quatenus ipse est in Sanctis, & ad ipsius honorem pertinent obsequia, quæ Sanctis ipsis deferuntur, tanquam iis, qui sunt per ipsum Sanctis, & quodammodo deificati, & participatione indissolubili facti dii, & in quibus honoratur piè, sicut & laudatur, iuxta illud psalmi vltimi: *laudate Deum in Sanctis eius*. Et idè promissio facta aliis hominibus viuus nondum beatificatis non potest dici votum, ut rectè docet Caiet. 2.2.q.88.ar.4. sicut ergo cum quis Sanctos orat, Deum principaliter orat, etiamsi proximè, & immediatè oret Sanctos ipsos ita etiam, quando vouet Sanctis principaliter, etsi mediatè vouet Deo, à quo sperat se impetraturum per Sanctorum intercessionem, quod petit. Sicut blasphemans aliquem Sanctum, intelligitur blasphemare Deum in Sancto illo, quia blasphemia solius Dei est.

Hinc, qui votum facit alicui Sancto pro sanitatis obtinendæ, talis debet esse

esse eius intentio, ut illam principaliter à Deo, ut omnium bonorum largitore speret obtinere, intercedente sancto illo, ut rectè suo more D. Anton. 2. p. tit. 1. cap. 1. §. ult. annotauit, qui addit laicos qui actualiter non ita dirigunt intentionem suam in votis Sanctorum, sed innituntur consuetudini fidelium, non esse statim in hoc condemnandos, sed piè interpretandam esse eorū intentionem, prout sancta Ecclesia in huiusmodi fieri docet, & intendit.

- 6 Hinc, promissio quæ fit sancto, quatenus est quidam homo per se sumptus, non autem ut est Deus participatiue, non est votum, nec religionis diuinæ actus, sed est actus singularis obseruantie, qua homo homini se astringit. Ita Caiet. 2. 2. q. 88. ar. 5. & Valent. 2. 2. d. 6. q. 1. p. 5.

Hinc, promissio, qua quis promittit alteri se non amplius lufurum, aut bibiturum vinum, non est votum, sed simplex promissio. Ratio est, quia non est promissio facta Deo.

- Hinc, vota quæ fiunt teligionum Prælaris, principaliter censentur fieri Deo, quatenus ipse est in Prælaris secundum dignitatis participationem, & potestatem, quam habent, secundum quam gerunt vicem illius. Unde promissio facta sanctis, vel Prælati cadit sub voto materialiter, in quantum scilicet homo vouet Deo se impleturum quod sanctis, vel Prælati promittit secundum D. Tho. 2. 2. q. 88. ar. 5. ad 3. quo etiam modo iurare licet per creaturas, referendo iuramentum saltem implicite ad Deum, prout ipse in eis telucet. Votum igitur Deo fit; in præsentia tamen Sanctorum, & Prælatorum, qui ut testes ad maiorem teuetentiā, vel tanquam aduocati, & Patroni exhibentur, quibus cupimus ea cordi esse, ut gratiam

ad exequenda promissa nobis impetrent.

Quarta est (*de bono*) ad insinuandum, quod promissio de te mala non est votum, sed conminatio.

Quinta, & vltima particula est (*meliori*) quæ ponitur non solum ad significandum, quod votum regulariter fit de his quæ sunt de consilio, quæ comparatione eorum, de quibus sunt data præcepta, proculdubio meliora sunt bona verum etiam ad denotandum, quod votum faciendi, vel omittendi aliquid, cuius oppositum secundum se est melius, nihil valet: non enim acceptat Deus obligationem sibi factam rei impediens maius suum obsequium, cuiusmodi esset votum de ineundo matrimonium.

Ex qua definitione colligitur, quinque esse de essentia voti. Primum est, deliberatio voluntatis.

Secundum, propositum seu intentionem obligandi se Deo.

Tertium, promissio.

Quartum, ut ea promissio fiat Deo.

Quintum, & vltimum, ut fit de meliori bono. Quæ omnia non est necessarium tempore distinguere, ut scilicet prius homo deliberet, postea proponat, & tandem promittat; sed sufficit simul ista facere, promittendo liberè, & spontaneè Deo: nam in hoc omnia includuntur, ut rectè suo more aduertit Caiet. 2. 2. q. 88. ar. 1. qui addit posse hæc omnia imperceptibiliter fieri.

## QUESTIO II.

*An votum sit opus per se bonum, & ad vitam perfectionem conducent?*

**R**ESPONDEO esse per se bonum. Ratio est, quia scriptura hortatur

A 2 nos

nos ad vouendum Psalm. 65. reddam tibi vota mea, quæ distinxerunt labia mea. Psalmo 69. redde altissimo vota tua. Psalm. 75. vouete, & reddite Domino Deo nostro. Ecclesi. 15. dicitur, vota iustorum placabilia. Isa. 19. in illo die, id est tempore gratiæ, colent Deum hostiis, & muneribus, & vota vouebunt Domino, & soluent: quod non faceret, nisi votum esset ex se bonum, & honestum. Vnde Matth. 19. dicitur, sunt eunuchi qui seipso castrauerunt propter regnum celorum; qui potest capere, capiat; excitans ad id præstandum, & laudans facientes, ut ibi D. Chrysostomus annotauit. Et D. Aug. dicto Psal. 75. ait, non sitis pigri ad vouendum, non enim viribus vestris implebitis, & Psal. 131. qui te hortatur ut ueneas, ipse adiunxit ut reddas.

### QVÆSTIO III.

*An opus factum ex voto sit melius, quàm sine voto?*

- 1 **R**ESPONDEO, esse melius. Ratio est, quia consilium est de meliori bono: sed Deus consulit facere votum, ut patet ex dictis; ergo opus factum ex voto est melius, quam sine voto.

Tum quia votum est actus religionis, quæ inter virtutes morales est præstantissima: quod autem sit nobiliori virtute, est melius.

Tum quia opus factum ex voto est actus virtutis, ad quam pertinet res voto promissa, & religionis, cuius actus est votum: opus vero factum sine voto est actus virtutis tantum.

- 2 Et confirmatur, homo per opus factum ex voto implet præceptum, & consilium, per opus verò factum absque voto consilium tantum implet.

Tum quia qui agit ex voto, agit ex proposito firmiore, magisque immutabili: at facere aliquid ex voluntate firmata in bonum ad virtutis perfectionem pertinet, ut docet Aristoteles 2. eth. cap. 4. ergo est melius.

Tum quia vouens plus se subicit Deo, quàm non vouens; ille enim subdit se Deo non solum quo ad actum ipsum, sed etiam quo ad potentiam, & facultatem operandi, cum de cætero non possit contrarium facere, sicut teste D. Anselmo lib. de similitud. cap. 84. plus donat qui arborem cum fructu, quàm qui solos fructus donat: at talis est, qui se, & sua Deo donat vouendo, ad differentiam illius qui dat sine voto; ergo.

Tandem, omissio operis voto promissi est maius peccatum, quàm si non esset promissum; ergo etiam facere illud, est maius bonum. Quia oppositorum eadem est disciplina: & quia maior malitia priuat maiori bonitate.

Ex quo sequitur, opus factum ex voto cæteris paribus esse magis meritorium quàm sine voto. Ratio est, quia bonum opus si procedat ex gratia, est meritorium; ergo quo melius fuerit, si cetera sint paria, erit magis meritorium.

### QVÆSTIO IV.

*An solum propositum absolutum etiam deliberatum faciendi aliquid ad honorem Dei, absque ulla promissione tacita, vel expressa sufficiat ad votum?*

**D**OCTORES iuris Pontificij communiter tradunt ad votum sufficere solum propositum voluntatis absque promissione, maxime quando opus iam est inceptum. Vnde dicunt quod si aliquis habeat propositum vouendi



vouendi religionem, illud erit sufficiens vt maneat voto astrictus, maxime si ipsam habitum suscipiat.

Suntque isti canonici Iuris periti in duas classes diuisi; quidam enim putant tale propositum voluntatis cum habitus susceptione, habere vim voti solemnis, adeo vt talis non possit postea contrahere matrimonium.

Alij vero affirmant huiusmodi propositum voluntatis æquipollere voto simplici, adeo vt qui intraret religionem cum proposito manendi in ea, & habitum susciperet, teneretur in illa, vel alia religione professionem emittere: non quia propositum sit votum, sed ex præcepto Ecclesiæ ita præcipiatis.

Cæterum concors est omnium Theologorum sententia, ad votum non sufficere propositum etiam deliberatum, sed requiri vltius promissionem. Sic D. Tho. communiter receptus in 1. 2. q. 88. ar. 1. Pro quo.

Primo dico, quod qui habens propositum vouendi religionem, ipsum habitum suscipit, non tenetur illud implere ex præcepto Ecclesiæ. Ratio est, quia tale præceptum nullibi in toto iure reperitur, ergo non est asserendum.

Secundo dico, quod propositum voluntatis, etiam si sequatur habitus suscepcio, non est votum solenne. Ratio est, quia votum solenne fieri non potest sine consensu Prælati ad professionem admittentis; vt constat ex cap. ad Apostolos de regul. Sed Prælati tribuens alicui habitum religionis, non consentit in illius professionem, sed tantum vult experiri Nouitij mores, ergo quamuis habeat propositum vouendi, & habitum suscipiat, non erit voto solenni astrictus.

Tertio dico quod propositum voluntatis, quantumcumque tempore

deliberatum, aut cōtinuatum, quamuis sequatur operis incæptio, non est votum simplex, sed vltra hoc requiritur promissio. Probatur primo ex scripturis, in quibus votum appellatur promissio. Deut. 23. dicitur. Si quid vouisti Domino, redde, quia promissisti: displices enim Deo stulta, & infidelis promissio: ergo ad rationem, voti vltra propositum voluntatis requiritur promissio.

Secundò probatur ex cap. litterarum de voto, vbi Alexander Papa III. expressè definit solum propositum ingrediendi religionem non obligare aliquem ad religionis ingressum.

Tertio, quia Conc. Trident. sess. 25. cap. 15. & 16. concedit Nouitiis annum probationis, & toto eo tempore vult illos esse liberos, vt si inueniant statum illum, quem suscipiunt, sibi non conuenire, liberè possint egredi: ergo solo proposito Concilium censet hominem non ligari.

Obiicies, cap. statuimus 23. de regular. vbi Gregor. Nonus dicit: *Nouitios posse liberè ad seculum intra annum redire, nisi euidenter appareat eos absolutè voluisse vitam mutare, & in religione perpetuò Domino seruire.* Hoc idem habetur in cap. consuluit 20. eod. tit. & in cap. non solum de regular. in 6. ergo solum propositum mutandi vitam cum habitus susceptione sufficit ad votum solenne.

Respondeo hæc, & alia iura, quæ contra hanc nostram sententiam adduci possunt, intelligi non de nudo proposito mutandi vitam, sed de proposito promissione vallato, aut cum intentione se obligandi. Vnde dispensationes quas D. Anton. 2. p. t. 11. c. 2. testatur se vidisse à summo Pontifice datas, ad scrupulos potius tollendos, quam quod voti obligationem habuerint, concedebantur.

- 8 Dices, qui habet propositum aliquid faciendi, & postea mutato proposito oppositum facit, mentitur, quia tenetur verificare suum propositum, ergo mutando propositum, peccat.

Respondeo, propositum cum sit actus voluntatis volentis aliquid facere in futurum, non est affirmatio, vel negatio alicuius rei, sed tantum consensus voluntatis, qui exprimitur hoc verbo *faciam*. At promissio, cum sit actus intellectus, importat affirmationem, vel negationem. Vnde qui habuit propositum aliquid faciendi, & postea non facit, non peccat, quia potuit mutare propositum: & sic licet falsum dixerit, non tamen mentitus est: quia tunc tantum dixit, quod putabat facere: nec postea mutando propositum peccat, quia nulla lege diuina, vel humana tenetur non mutare propositum. At qui promittit aliquid facere, & postea non facit, peccat, quia mentitur, cum faciat contra veritatem illius propositionis, *faciam hoc*, quam promissit semper facere veram.

- 9 Dices, qui meliora agere deliberat, & postea deliberata non facit, inconstans est, ergo peccat, ac proinde tenetur in proposito perseverare. Vnde in cap. 4. qui bona 17. 9. 1. dicitur *qui bona agunt, si meliora proposuerint, in conspectu Dei ceciderunt*.

Respondeo esse aliquam inconstantiam, ac proinde peccatum veniale, si sola animi leuitate quispiam propositum melioris boni deferat. Secus autem si aliqua iusta causa ab inccepto proposito desistat, ut quia videt opus illud sibi non conuenire.

\*\*\*

## QVÆSTIO V.

*An ut votum sit validum, necessaria sit formalis deliberatio in instanti, in quo emittitur; an vero virtualis sufficiat?*

ANGLES in floribus 2. p. q. de 1 voto art. 1. diff. 3. c. 2. tenet necessariam esse formalem deliberationem, neque virtualem sufficere.

Sed multò verius existimo sufficere virtualem deliberationem. Ducor, quia illa deliberatio requiritur, & sufficit ad valorem voti, quæ sufficit ad obligandum nos diabolo per peccatum mortale. Sed deliberatio virtualis sufficit ad obligandum nos diabolo, ut constat; ergo & ad vouendum.

Deinde intentio virtualis sufficit ad sacramentum conficiendum, & recipiendum: item ad orandum, immò ad impetrandum, ergo & ad vouendum erit sufficiens.

Hinc, qui deliberauit votum emitte, aut profiteri, postea verò tempore quo votum emittit, ad alia pergitur, talis professio est valida. Quia 3 ea distractione non obstante, censetur operari cum virtuali deliberatione, ac proposito vouendi. Er ideo ita tenent Caiet. 2. 2. q. 88. ar. 1. Nau. cap. 12. nu. 26. Lop. p. 1. c. 43. & Arag. 2. 2. q. 88. ar. 1.

## QVÆSTIO VI.

*An promissio quæ ad rationem voti requiritur sufficiat, ut sit implicita?*

RESPONDEO, sufficere implicitam, quæ censetur fieri, dum id agitur,

agitur, in quo illa continetur inclusa, qualis est illa quæ cernitur in recipiente ordines sacros: & hoc ex Ecclesiæ latinæ constitutione, quæ ordini sacro sollemnne castitatis votum copulauit, vt rectè docet D. Thom. 2. 2. q. 88. ar. 11. Vnde qui sacris initiatur, absque alia promissione explicata, eo ipso quod ordines sacros suscipit, voto castitatis constringitur. Quod est verissimum, quamuis ignorer inuincibiliter votum illis annecti: posito enim quod sacris initiari velit, necessariò censetur velle etiam continentiam vouere, sicut vult obligari ad recitandum officium diuinum, quod similiter est onus ordini sacro annexum. Ita Caiet. opusc. to. 1. tract. 27. de d. matrim. Sot. lib. 7. q. 4. art. 2. Tolet. lib. 4. c. 17. nu. 21. Nau. c. 22. nu. 5. Arag. 2. 2. q. 88. ar. 11. Hentiq. lib. 10. de sacram. ord. cap. 14. num. 7. Ban. 2. 2. q. 12. ar. 1. & Bellarm. in suis controuer. lib. 1. de matrimonio c. 21.

## QVÆSTIO VII.

*An ad rationem voti verba exigantur.*

**E**T quidem vt votum simplex apud Deum obliget, manifestum est sufficere internum vouendi consensum, nullis verbis, aut signis expressum, cum Deus cor, & mentem intueatur.

Sed totum cōtrouersię dissidium consistit de voto sollemnne. An. s. ad eius rationem verba exigantur, an potius signa sufficiant?

Quidam quos tacito nomine refert Couar. de pactis 1. p. initio nu. 4. tenent verba esse omnino necessaria.

Alij idem sentiunt in valentibus loqui: secus in non valentibus.

Cæterum absque dubio dicendum est verba non requiri, sed sufficere signa vocum indicantia. Ratio est, quia matrimonium carnale solis nutibus contrahitur etiam à potentibus loqui, vt latè probat Sanch. libr. 2. de matrimonio disput. 31. num. 5. ergo & votum sollemnne, quod est quoddam matrimonium spirituale, solis signis committi potest: quamuis ad maiorem voti sollemnis firmitatem regulariter, verba, testes, & scriptura illi adiungantur, vt non solum Dei metus, verum etiam humanus pudor nos firmiores reddat ad voti obseruationem.

## QVÆSTIO VIII.

*Quot modis votum diuidatur?*

**R**ESPONDEO multipliciter. 1. Primò diuiditur in votum simplex, & sollemnne. Est autem votum simplex, cum quis animo deliberato corde, vel voce sine sollemnitate aliquod promittit. Votum autem sollemnne est, quando tali promissioni subsequitur persona traditio realis in alterius potestatem. Votum enim sollemnizatur per acceptionem Dei, quæ fit per superiores, & Prælatos ipsius nomine. Est autem inter vtrumque triplex differentia.

Primò differunt, quia votum simplex est generale, comprehendens multam materiam, fit enim de castitate, religione, ieiuniis, eleemosynis, peregrinationibus, & multis alijs.

Sollemnne autem est particulare, non enim fit nisi de castitate in ordine sacro, & de religione per eadem Apostolicam approbata. Hæc enim duo, ordo sacer, & professio religionis sunt sollemnes quidam actus, à quibus  
votum

votum solemne dicitur. Vnde votum dicitur simplex, quia omni solemni intris formula, & qualitate caret, sicut solemne dicitur, quia illam habet.

Dixi notanter, *approbata*, quia votum factum in non approbata, etiam in tertia regula Sancti Dominici, & Sancti Francisci non solemne, sed tantum simplex nuncupatur.

3. Secundò differunt, quia votum simplex castitatis, & religionis impedit matrimonium contrahendum; non tamen inualidat, nec dirimit contractum, id est, qui habet votum simplex ingrediendi religionem, assumendi ordinis sacri, non ineundi coniugij, vel de castitate seruanda factum, non potest vxorem ducere: si tamen ducat, mortaliter peccat, tenet tamen matrimonium. Votum verò solemne castitatis, ac religionis, quod in traditione consistit, impedit, & dirimit: id est qui habet votum solemne religionis, vel est in sacris constitutus non potest matrimonium contrahere; si tamen contrahit, matrimonium est nullum.

Tertiò differunt, quia qui post votum solemne vxorem ducit, non solum peccat mortaliter, sed etiam excommunicationem maiorem incurrit. Qui autem post votum simplex castitatis vxorem ducit, licet contrahendo peccet mortaliter, non incurrit tamen excommunicationem, sed aliis afficitur pœnis.

Primò, post contractum tale matrimonium, tenetur seruare votum ex parte sua in quantum potest; & ita non potest petere debitum post consummatum matrimonium.

Secundò, antequam matrimonium consummetur, tenetur sub mortali intrare religionem, & ibi votum seruare,

Cæterum multò verius est hunc non teneri religionē ingredi; ac proinde minimè delinquere matrimoniū consummando, reddendo debitum: Et ratio est: quia ingredi religionem non est medium proportionatum, sed longè difficilius, & altioris ordinis, & nemo tenetur rem inferioris ordinis compensare cum re superioris onerosissima: vt qui debet pecuniam, quam absque vitæ, aur famæ detrimento restituere nequit, excusatur. At talis est religio respectu continentiae promissæ.

Et confirmatur, nam qui debet centum, quæ soluendo non est, nisi se in seruum vendat, ad id minimè tenetur. At religio est perpetua quædam seruitus, non ergo cum tanta iactura tenetur votum castitatis seruare. Et hoc ita tenet Sot. in 4. d. 38. q. 2. ar. 1.

Tertiò peccat mortaliter, quoties ante dispensationem debitum petit.

Quartò, mortuo coniuge, superstes matrimonium amplius contrahere non potest, quia tenetur seruare votum. Ratio est quia votum per matrimonium non erat ablatum, sed executio voti suspensa. Vide Suarez. to. 2. de religione lib. 2. cap. 1. 2. n. 1.

## QVÆSTIO IX.

*Sed non modica difficultas est, in quonam essentialiter consistat, hac voti solemnitas? Hoc est, quidnam sit illud, propter quod votum solemne dirimat matrimonium contractum; & idè differat à voto simplici: & quo iure sit in Ecclesia introducta?*

**I**N hac proculdubio graui, & perdifficili quæstione tres inuenio opinio

opiniones. Prima est Canonistarum in cap. Rursus qui clerici, assensum voti solemnitate essentialiter consistere in quadam personæ spirituali benedictione, quæ fit in religione: & in consecratione, quæ fit in sacri ordinis susceptione. Huius opinionis videtur esse D. Thom. 2. 2. q. 88. ar. 7. & 13. ubi dicit *solemnitatem voti attendi secundum benedictionem, & consecrationem*. Et quia hæc benedictio, & consecratio tantum est de iure pontificio, consequenter dicunt voti solemnitate esse de iure pontificio.

Sed hæc opinio falsa est, quia in deuota Societate Iesv, & in religione Sancti Dominici, & in aliis promissio sollemnis professionis, absque ea benedictione fit.

Tum quia professio tacita est vera, ac legitimis votis solemnibus tacite emissis constat, & tamē in ea nulla benedictio adhibetur. Nec D. Tho. est huius opinionis, sed vult eam benedictionem esse cærimoniam quandam accidentalem.

Secunda opinio est D. Thom. in 4. d. 18. q. 1. ar. 3. & in addit. ad 3. p. q. 3. ar. 2. Arag. 2. 2. q. 88. ar. 7. Sot. in 4. d. 38. q. 2. art. 2. Valent. 2. 2. d. 6. q. 6. p. 5. Henric. lib. 2. de matrim. cap. 5. §. 6. & 7. Couar. p. 2. de spons. cap. 7. §. 4. num. 7. & aliorum dicentium solemnitate voti, cuius ratione matrimonium dirimitur, consistere in actuali traditione sui ipsius in manum Dei, & eorum qui vicem Dei tenent. Et quoniam huiusmodi traditio de iure diuino & naturali talem personam inhabilem reddit ad tradendum se alteri per matrimonium, consequenter dicunt voti solemnitate esse de iure naturali, & diuino.

Ex quo inferunt Romanum Pontificem in voto sollemni dispensare non posse.

Tertia verò opinio est Scoti in 4.

dist. 38. in fine §. ratio igitur Caiet. 2. 2. q. 88. ar. 7. Med. lib. 4. de contin. cap. 23. Azor. lib. 12 c. 6. q. 1. & 2. & aliorum tenentium voti solemnitate essentialiter consistere in solo statuto, & constitutione Ecclesiæ præcipientis, vt professi in religione approbata, & in sacris constituti inhabiles sint ad matrimonium contrahendum: & quia hæc Ecclesiæ constitutio est de iure positiuo, consequenter dicunt, voti solemnitate, solum esse de iure positiuo Ecclesiastico. Ex quo colligunt Romanum Pontificem posse iusta de causa in voto sollemni castitatis, & religionis dispensare. Et hæc opinio mihi videtur verior, atque tenenda. Ducor, quia qui emittit tria vota castitatis, paupertatis, & obedientiæ in religione non approbata, non est ligatus voto sollemni, sed solum voto simplici, & non alia ratione, nisi quia deest auctoritas Ecclesiæ, ergo ex ea sola voti solemnitas dependet. Vnde sœminæ, quas Beatas vocant, licet voueant, & se tradant superiori, in cuius manibus vouent, non emittunt votum sollemne, quia Ecclesiæ ea vota tanquam sollemnia non approbat. Et si Ecclesiæ statueret, vt quodcunque vorum coram duobus testibus, vel alia cæmonia emissum fieret sollemne, esset vtique sollemne.

Tandem est conclusio definita à 4 Bonifacio VIII. in cap. vnico de voto, ubi decernit Pōtifex voti solemnitate ex cōstitutione Ecclesiæ esse inuētā. Idem docet Greg. Papa XIII. constit. 102. quæ incipit Ascendente Domino, Ann. à Christo nato 1584. 8. idus Iunij. Quam iurisdictionem D. Thomas, ceterique veteres Theologi videre non poterant.

Ex quo colligitur, per sollemne professionis vorum non dirimi matrimonium sequens ex natura rei, sed

sola

sola constitutione Ecclesiæ. Atque idem dicendum est de solemnii paupertatis voto, id enim solo iure ecclesiastico reddit professum inhabilem ad acquirendum alicuius rei dominium, vt Vasqu. 1.2.q.96. ar. 4.d. 165.c.7.num.73. & Azor. lib.12.c.6. q.4.tenent.

- 5 Dices, dato solemnitate voti sola Ecclesiæ constitutione esse inuentam, in quonam hæc voti solemnitas consistat?

Scotus, Caiet. & alij supra citati, dicunt hanc solemnitatem in eo consistere, quod per votum solenne matrimonium subsequens dirimatur, non autem per votum simplex.

- 6 Sed hæc opinio non placet, quia votum castitatis emissum post biennium in Societate Iesv est simplex, & tamen per illud dirimitur subsequens matrimonium vt ex extrauag. Gtæg. XIII. constat.

Tum quia id soli castitatis voto competit, cum tamen alia etiam similibus solemnibus sint.

Tum demum, quia votum paupertatis coadiutorum Societatis Iesv est simplex, & tamen eos reddit incapaces ad acquirendum alicuius rei dominium, vt ex eadem extrauag. Ascendente, constat.

- 7 Alij verò rectius docent de solemnitate voti eodem modo Philosophandum esse, ac de alijs contractibus, qui in iure dicuntur solennes. Vnde sicut testamentum dicitur solenne, quia solemnitatem iure requisitam habet, nimirum tabellionem, & certum testium numerum, &c. & in iis eius solemnitas consistit; ita votum dicitur solenne, quia fit cum ceremoniis, & solemnitatibus ab Ecclesiâ præscriptis: Ita Vasq. 1.2. q.96. ar. 4.d.165. cap.8. num.83. & Azor. lib.12. cap.6. q.2.

## QVÆSTIO X.

*Dices, quamam sint ista caremonia, in quibus ea voti solemnitas consistit?*

**R**ESPONDEO eas esse, vt vota emittantur in professione religionis à sede Apostolica approbatæ, & in susceptione ordinis sacri cum traditione, & acceptione ex vtraque parte perpetuis.

## QVÆSTIO XI.

*An votum simplex, & solenne sint eiusdem speciei?*

**D**OCTOR Angelicus in 4.d.38.1 & qui eius doctrinam sequuntur, tenent esse diuersæ speciei. Ex quo inferunt eum qui post votum solenne castitatis rem habet cum muliere, suæ conscientie non satisfacere, dicendo in confessione, se peccasse contra votum castitatis, sed tenetur dicere se peccasse contra castitatem solemniter professam: quia circumstantia, quæ mutat speciem, est necessariò consistenda.

Cæterum nullatenus placet mihi hæc sententia, sed existimo votum solenne, & simplex esse prorsus eiusdem speciei, & sola extrinseca accidentali differentia inter se distare: quia vt diximus, Ecclesiæ tantum decreto distinguuntur: at Ecclesiæ rei naturam non mutat, sed vim, & robur adiungit. Et ita vtrumque per se, & suapte natura æqualis est vinculi, & tamen per accidens magis obligat solenne ex Ecclesiæ institutione. Et hoc est, quod dixit Cælestin. Papa c. rursus qui clerici, vel vouentes, *votum simplex*

*plex non minùs obligare apud Deum, quàm solemne.*

Tum quia in quolibet voto etiam simplici est etiam traditio, cum per illud voluntatis libertas statim Deo tradatur, ac alligetur ad illud obsequium in posterum ipsi præstandum. Et proinde non differunt, nisi sicut traditio perfectior, & minùs perfecta, quæ specie non variant.

Tum denique, quia traditio vouentis, & acceptatio Prælatorum inuenta in voto solemni, & ad id requisita, sunt accidentaria voti differentia, & solo iure canonico petita, & ita non constituunt specificam, & substantialem voti differentiam. Et ideo hanc partem sustineat Caiet. 2. 2. q. 88. art. 7. & Vasq. 1. 2. q. 96. art. 4. d. 165. c. 7. num. 73.

3 Ex qua doctrina colligitur primò votum solemne esse totum quoddam per accidens, sicut corpus album: componitur enim ex voti substantia, & qualitate extrinseca, quæ est solemnitatis, ut rectè annotauit Med. lib. 4. de contin. cap. 38.

Secundò colligitur, vinculum voti solemnis esse arctius, quàm vinculum voti simplicis; non quidem per se, & ex natura voti, sed Ecclesiæ statuto, quo factum est, ut solemne religionis votum certos effectus habeat, quos non habet simplex.

Tertiò, & vltimò colligitur, peccata contra votum simplex, & solemne esse eiusdem speciei. Ratio est, quia specifica differentia actuum desumitur ex obiecto: at cum idem sit vtriusque voti obiectum, scilicet continentia, erunt actus eiusdem speciei. erit tamen peccatum contra votum solemne grauius ratione perfectioris status.

4 Secundò diuiditur votum in absolutum, & conditionatum. Absolutum est illud, quod simpliciter, &

sine conditione, vel determinatione temporis fit. ut *voueo religionem*, & talis tenetur id statim, id est, quam primum commodè potest, implere. Conditionatum vero est illud, quod cum aliqua conditione fit, ut cum quis vouet peregrinationem, *si ab infirmitate sanetur*: & talis non obligatur, nisi extante conditione.

Tertiò, votum conditionatum subdividitur in votum pænale, & non pænale seu purum. Pænale est, quod in pœnam alicuius peccati fit, ut cum quis vouet dare eleemosynam si luserit. Quod potest fieri bifariam.

Primò, si solùm voueat pœnam peccati, non autem liberationem, ut *voueo religionem si lusero*. Et hoc est simplex votum pænale. Vndè si lusi, non sum reus voti, sed solum ingredi religionem teneor.

Secundò, si non solùm voueat pœnam in euentum peccati, sed etiam liberationem peccati, ut *voueo non amplius blasphemare, alioquin dabo certam eleemosynam*. Hoc votum non est simplex, sed virtute duplex, quia duo vota continet; vnum absolutum de non blasphemando, alterum conditionatum pænale de danda eleemosyna: vndè si blasphemaueris, reus eris voti absoluti, & insuper eleemosynam donare teneris.

Votum autem conditionatum non pænale, sed purum est illud, in quo ponitur conditio non ut pœna, sed ut mera conditio, ut *si pater volueris, si conualuero ex infirmitate, ingrediar religionem*. Et hoc votum impleta conditione omnino æquiparatur absoluto.

Quartò diuiditur votum in perpetuum, & temporale. Temporale dicitur, quod ad certum, & præfixum tempus durat, ut si voueas te ieiunaturum feria sexta per annum. Perpetuum verò quod ad vitam promittentis perma-

net, vt si voueas perpetuam castitatem. Vnde si hic de morte ad vitam reuocaretur, huic voto non obligaretur, quia factum fuit tantum vsque ad mortem.

Quintò diuiditur votum, in expressum, & tacitum. Expressum est, quod verbis disertis exprimitur. Tacitum est, quod censetur fieri eo ipso, quod voluntariè aliquid suscipitur, cui ipsum annexum est. Tale est votum eorum, qui sacris ordinibus initiantur, & qui gestant habitum profectorum, expleto anno probationis.

- 7 Sextò, & vltimò, votum diuiditur in personale tantum, reale tantum, & ex vtroque mixtum. Personale tantum est illud, quod actionem personalem ipsius vouentis tangit, vt votum religionis, castitatis, ieiunij, &c.

Reale est quod pecuniam, vel aliquid pecunia æstimabile comprehendit, vt votum eleemosynæ, &c.

Votum vero mixtum, id est, partim reale, & partim personale est, quod ad rem, & personam spectat, vt votum peregrinationis, quod & reatibus sumptibus, & personæ opere expletur: & hoc votum est per se vnum, & formaliter personale, licet virtute sit reale. Quia quod formaliter promittitur, solum est actio personalis: quæ si fieri posset sine sumptibus, quantum est ex vi voti, licet etiam ita fieri posset, quia sumptus non cadunt directè sub voto, sed actio promissa illos secum affert. Vnde in voto hoc non potest auferri onus reale, relicto personali, quia est illi intrinsecè annexum: & ob eandem rationem è conuerso, ablato voto personali, tollitur reale, quia sequitur principale tanquam accessorium.

- 8 Vnde sub generali concessione circa personalia comprehendì mixta, etiam si in indulto nulla fiat mentio realium

votorum, quia hæc reuera sunt formaliter personalia.

## QVÆSTIO XII.

*An qui vouet sine animo vouendi vel promittendi, tali voto teneatur?*

RESPONDEO non teneri. Ratio est, quia exterior promissio est signum promissionis interioris, ergo quando homo interiori actui voluntatis non intendit vouere, vel promittere, promissio nulla est, sed fictio tantum promissionis, ac proinde nullam inducit obligationem coram Deo: sicut non tenetur, qui dicit rem donare, sine animo eam alienandi, quia quando actui apponitur expressè aliqua conditio contra eius substantiam, ille actus destruitur, efficiturque irritus, & nullus per talem resistantiam expressam. Itaque qui vouet sine animo vouendi, vel promittendi, re vera non vouet, sed fingit vouere externa specie verborum; quandoquidem dicens voueo, mentitur, quia loquitur contra mentem, qua interiùs contradicit, ac proinde peccat. Vnde in cap. humanæ aures 22. q. 5. dicitur, *in actibus humanis non sunt tantum consideranda verba, sed voluntas, & intentio, cum non intentio verbis deservire debeat, sed verba intentioni.*

Dixi notanter (coram Deo) quia qui coram aliis vt fit in voto solemnè religionis, sine animo promittendi vouet, votum seruare tenetur, non quidem ratione voti, quia fuit nullum, sed ratione scandalì, quod ex violatione voti sequeretur: poteritque Ecclesia sic vouentem ad præstandum votum compellere, quia cum Ecclesia non iudicet de occultis,

non



non tenetur illi credere, etiam si iuret intentionem vouendi non habuisse, quia dicens se mentitum Deo, meritò iudicatur mentiri quoque hominibus; si enim mentitus est, quando liberè vouit, quomodo credetur ei, quando contra suam voluntatē cogitur exequi ea quæ vouit? fraud enim, & dolus nulli debent patrocinari.

- 5 Tum quia aliàs magna sequeretur perturbatio in Ecclesiâ; nam religiosi, ac moniales statim ac aliquid triste illis accideret, dicerent se non habuisse animum vouendi. Item clerici, & coniugati dicerent, se non habuisse animum ordines assumendi, & matrimonium contrahendi. Vnde regulares, & Sacerdotes, laici efficerentur, & matrimonia omnia facillè dissoluerentur: ergo dicendum est, Ecclesiâ posse tales cogere, & ipsos teneri ei obtemperare, non quidem vi voti, sed ex præcepto Ecclesiæ propter vitandum scandalum.

Hinc, si talis potest fugere, & abire in prouinciam, in qua votum ipsius non sit votum, non tenetur tale votum seruare, cum ex se sit nullum, & tantum obliget ratione scandalum.

- 4 Si verò in eadem prouincia permaneat, tenetur facere secretè professionem; aliter enim non erit monachus, & dum falsò monachatum repræsentat, est in statu æternæ damnationis, cum non habeant Prælati in eum auctoritatem ligandi nec soluendi à peccatis, cum non sit religiosus, nec Nouitius, sed merus secularis Episcopo loci subiectus; & si in capitulo ad electiones officiorum concurrat, cum voce actiua, & passiuâ careat, peccat mortaliter; quapropter vel recedat à loco, & sine scandalo habitum deponat, vel secretè intra se votum religionis emitat, iuxta Caiet.

2. 2. q. 88. ar. 1.

### QVÆSTIO XIII.

*An qui vouet sine animo vouendi, vel promittendi, peccet?*

ET quidem certum est, hunc peccatum committere, quia mentitur.

### QVÆSTIO XIV.

*Sed dubium est, an peccet mortaliter?*

IN qua re etiam constat, in votis solemnibus, eum qui sic vouet, peccare mortaliter, quia in ea fictione magnam facit iniuriam religioni, & consequenter Deo, & Ecclesiæ; & vix potest quis hoc facere absque grauissimo scandalo, nisi grauis causa urgeat ad sic fictè vouendū, ut metus, vel sedare magnum scandalum, tunc enim erit solum peccatum veniale.

Tota igitur quæstio versatur in votis simplicibus.

Less. lib. 2. c. 40. dub. 1. tenet eum peccare mortaliter, quia in re graui mentitur.

At multo veriùs existimo, per se loquendo, & quantum ad substantiam actus non peccare nisi venialiter. Ratio est, quia qui sic vouet, nulum diuinum attributum euertit, nec grauem Deo contumeliam infert.

Tum quia nolle vouere, per se nullum peccatum est, ergo velle proferre verba vouendi, cum nolitione vouendi, vel se obligandi; non infert grauem irreuerentiam Deo, nec hominibus grauem iniuriam per se loquendo, ergo per se non peccat, nisi venialiter.

¶ Dixi notanter (per se) quia per ac-

B 3 cidens

cidens ratione circumstantiæ potest peccare mortaliter in tribus casibus.

Primò, si id facit intendens lo fallere Deum: quia tunc errorem in fide, atque adeò blasphemiam includeret.

Secundò, si id facit ex contemptu, aut cum graui scandalo, vt si votum emitteret in illius derisum, aut cum aliorum graui scandalo.

Tertiò, si inde fieret, vt aliquis graue damnum iniuste pateretur.

## QVÆSTIO XV.

*An qui vouet animo quidem vouendi, non tamen se obligandi per votum, quin potius possinè habet animum non se obligandi, tale votum sit validum, & obligatorium?*

ILLVSTRISSIMVS Caiet. 2. 2. q. 88. ar. 4. Sor. lib. 7. q. 1. ar. 2. & Arag. 2. 2. q. 88. art. 1. affirmant tale votum valere.

At verò Scotus in 4. dist. 38. Syluest. verbo metus, q. 8. & verb. pactum nu. 4. Medina C. de restitutione q. 23. Nauar. in Manuali cap. 12. nu. 27. citans Caiet. 2. 2. q. 88. ar. 1. Leonard. Less. lib. 2. de iust. & iure cap. 40. dub. 1. Sanch. lib. 1. de matr. d. 9. Val. 2. 2. d. 6. q. 6. p. 1. Azor. lib. 11. c. 41. q. 2. & multi alij negant. Pro quo.

Primò dico, quòd votum, sicut & iuramentum ex natura sua habet obligare ad sui obseruantiam. Ratio est, quia votum sicut & iuramentum est de iure naturali, & diuino iuxta illud Psal. 75. *vouere, & reddere*, &c. ergo votum ex sua natura, & non ex intentione vouentis habet inducere obligationem.

Secundò dico, quòd vt votum sit

verù votù, non necessariò requiritur, vt vouens habeat formalem intètionem se obligandi. Ratio est, quia votum ex sua natura est obligatorium, ergo qui vult vouere, virtualiter vult se obligare.

Hinc, qui sciens, ac volens emitte votum, nihil tamen cogitans an se voto obliget, an non, tali voto tenetur. Ratio est, quia ex ipso voto obligatio nascitur, ac profluit.

Tertiò dico, quòd regulariter probabilis est eorum opinio, qui diunt eum qui habet animum vouendi, quamuis interius nolit se obligare, adhuc manere voto astrictum. Ratio est, quia votum in sua ratione formali vim habet obligandi, & non ex voluntate vouentis, ergo qui habet animum vouendi, quamuis careat proposito se obligandi, adhuc manet voto astrictus.

Tum quia quamuis sit in hominis potestate votum emitte, non potest tamen efficere, vt non habeat vim obligandi, postquam est emissum: quemadmodum ducere vxorem pendet ex nostra voluntate; ea tamen supposita, ex natura rei oritur obligatio reddendi debitum vxori: ita etiam quamuis in nostra potestate sit vouere, qui tamen vouere vult, & vouet, velit, nolit, ex naturali quadam consequentia voto obligatus manet.

Et confirmatur, nam qui vult antecedens, vult necessariò consequens: sicut qui dat formam, subindè dat consequentia formam; sed obligatio consequitur promissionem, ergo qui vult promissionem, necessariò vult obligationem.

Dixi notantet (regulariter) quia quicquid ex ignorantia votum nullam vim obligandi habere, vel putans bona fide opinionem Scoti esse veram, emitteret votum, habens quidem animum vouendi, non autem se obligandi.

gandi per votum, tali voto non teneretur. Ratio est, quia tunc nec explicite, nec implicite vult obligari, eo quod facit actum, quo purat nullam obligationem contrahere.

Quartò, & vltimò dico, quod probabilior est sententia eorù, qui tenent eum qui habens propositum vouendi, non intendit tamen se obligare per votum, non manere tali voto obligatum. Ratio est, quia sicut lex non obligat, si legislator non habet intentionem obligandi subditum: ita nec votum quod est veluti lex quædam, quam quis sibi imponit, vim habet, si vouens intendit non se obligare: cum actus agentium ex libera voluntate, non operentur ultra intentionem eorum.

Tum quia qui vouet cum expressa intentione non se obligandi, reuera non vouet, sed fingit se vouere.

Tum quia quando actui apponitur aliqua conditio, quæ est contra substantiam actus, ille actus est nullus; vt eum quis duxit uxorem, nolens se obligare ad reddendum debitum. At hic apponitur talis conditio voto, saltem tacite, ergo votum est nullum. Et ideo hanc partem sustinendo ad argumenta in contrarium adducta oportet nunc respondere.

Et ad primum, distinguo antecedens; quando promissio est vera, fateor; secus quando non est vera, vt contingit, quando deficit animus se obligandi.

Ad secundum dico, quod volens efficaciter antecedens, vult consequens: at qui absque animo se obligandi vouet, minimè vult efficaciter vouere, sed simulat.

Hinc fictè promittens, ex vi promissionis non tenetur nisi ad penitendum de fictione, quia radix obligationis. scilicet voluntas obligandi se, defuit, tenetur tamen ad seruandum

promissum ratione scandali, vel damni, si alicui ob non seruatum promissionem obueneret.

## QVÆSTIO XVI.

*An votum sine animo se obligandi emissum, sit validum, & obligatorium, si iuramento firmetur?*

C A I E T. gloria Thomistarum in 2.2.q.89.ar.7. Sor. lib.8.q.1.ar.7. Lop.p.p.inst. conf. cap.42.Roder. p.2.sum.cap.94.nu.7.Arag.2.2.q.89.ar.7.& Couar. de pactis r.p.5.5.nu.2.censent tale votum obligare.

Mihi vero aliter videtur dicendum, nimirum non obligare ex vi iuramenti, nec esse votum. Probatur eisdem rationibus quibus in præcedenti quæstione id probauimus de voto: vtraque enim obligatio procedit ex spontanea hominis voluntate sibi legem imponentis: & colligitur ex cap. *Humana aures* 2.2.q.5.vbi habetur: *Deum inueneri cor, & intentionem iurantis, non verba.* Et ideo ita sentiunt Angel. verb. iuramentum 5.nu.8. Sylu. verb. iuramentum 4.q.7.& 17. Rosel. verb. iurare, nu.29. Armil. verb. iuramentum nu.14. Gutier. de iuram.1.p.cap.57.nu.20. Med.C.de confess. quæst. de dispensat. in reuelanda confessione. Philarch. de off. Sacerd. tom.1.p.2.lib.3.c.16. Sanch. lib.1.de marrim.disp.9.nu.9.& videtur esse expressa sententia D.Thom. lib.3.dist.39.q.1.ar.3. quæstiuncula 3.vbi ait, *iuramentum ex ipsa iuramenti, et iuramentum est ratione, non obligare, nisi iuxta iurantis intentionem.*

QVÆST.

## QVÆSTIO XVII.

*An qui vouet animo quidem promittendi, & se obligandi, non tamen implendi, tali voto teneatur?*

<sup>1</sup> **G**R E G. de Valent. 2. 2. d. 6. q. 6. p. 1. censet hunc ad id non teneri. Et probat, quia D. Tho. 2. 2. q. 88. ar. 1. docet promissionem procedere ex animo exequendæ rei promissæ: ubi supponit non stare veram promissionem cum animo non implendi promissum. Immo addit Valent. hanc esse communem sententiam.

Ego verò nullum alium authorem inueni huius sententiæ. Quare ea reiecta tanquam omnino falsa, dicendum est, eum tali voto teneri. Ratio est, quia hic verè promittit, & sese Deo obligat: nam ex promissione verè facta, sequitur obligatio tanquam naturalis effectus eius. Neque peruersum illud propositum non implendi, eximit ab ipso voti vinculo.

<sup>2</sup> Tum quia, non est de essentia promissionis, ut quis animum habeat præstandi promissum, sed solum ut habeat animum conferendi ius aliquod ad eam exigendum, & ad obligationem sibi imponendam.

Tum demùm, quia qui iurat se aliquid facturum, tenetur etiam si dum iurat, careat animo faciendi: ergo qui Deo aliquid promittit, tenetur, etiam si dum promittit non habeat animum implendi promissum. Antecedens per se patet. Consequentia verò probatur, quia vtriusque eadem est ratio. Et ideo huius sententiæ sunt Caiet. 2. 2. q. 88. art. 1. Sor. lib. 7. q. 1. art. 2. Nau. c. 12. nu. 38. Tolet. lib. 4. ca. 17. Mar. lib. 1. c. 13. q. 9. Arag. 2. 2. q. 88. art. 1. Lop. p. p. cap. 43. Roder. p. 2.

sum. cap. 94. nu. 7. Cord. de casib. conscientiæ q. 145. Suar. to. 2. de religione lib. 5. cap. 1. & alij communiter.

Dices, secundum D. Tho. 2. 2. q. 88. art. 1. tria necessariò requiruntur ad votum. scilicet deliberatio, propositum voluntatis faciendi, & promissio, ergo.

Respondet ista tria necessariò requiri ut votum rectè, & absque peccato fiat.

Tum quia D. Thom. solum refert, quod communiter euenit, nempe promissionem ex proposito rei faciendæ oriri.

Hinc, si quis alteri promissit soluere certam pecuniæ quantitatem, persoluere tenetur, etiam si intentionem habuerit non præstandi promissum, sed promittendi tantum, & decipiendi. Quare videat, quando vouent equites Melitæ: quia licet dicant, se non habuisse intentionem seruandæ castitatem, quam promiserunt, sufficit ad hoc, ut teneantur ad illam in conscientia, quod teneantur voto, quod verè fecerunt.

<sup>4</sup> Fateor tamen oppositum esse etiam probabile, quia qui habet animum non faciendi, non seriò, sed ioco promittit; nec verè vult obligari, sed fingit extrema specie verborum, ergo tali voto non tenetur.

## QVÆSTIO XVIII.

*An qui verè, & ex animo vouet, sine proposito adimplendi illud, peccet mortaliter?*

<sup>1</sup> **R**ESPONDEO eum ex suo genere peccare mortaliter. Ratio est, quia cum id sit verè votum, si materia voti legitima est grauis, peccabit mortaliter, si autem est leuis, venialiter. Erit autè duplex mortale in

in materia graui, alterum mendacij in re graui, quod est mortale ex obiecto, alterum vetò fractionis voti, quod vouens intendit transgredi in materia, quæ obligat vouentem ad mortale. At in materia leui duplex simile veniale.

## QVÆSTIO XIX.

*An votum sine plena, & matura deliberatione emissum, sit validum, & obligatorium?*

**N**OTANDVM est, in homine triplicem esse motum voluntatis. Primus est ita celer, vt nullo pacto sit in hominis potestate illum cohibere; & iste dicitur motus primò primus, in quo nec est peccatum, nec meritum.

Secundus motus est, qui impediri, & cohiberi potest, imperfectè tamen, & non plenè: & in isto motu potest, esse ratio meriti, & peccati, sed non plena, quia imperfectè liber est, & non sufficit ad peccatum mortale, sed solum ad veniale, & dicitur iste motus, secundò primus.

Tertius vero est, in quo est perfectè, deliberata, & plena libertas, vt homo possit emittere, & non emittere, & in hoc inuenitur plena ratio culpæ mortalis. Quo præmissis.

Primò dico, quod votum quod fit ex subito, & impræmeditato motu, & vt dicunt Theologi motu primò primo, non est validum, nec obligatorium. Ratio est, quia votum debet esse voluntarium. At motus primò primus nulla ratione est voluntarius, sed naturalis, ergo.

Hinc, si ebrius, aut iracundus impræmeditato, & subito passionis motu iuret, aut voueat se daturum certam elemosynam pauperi, si ite-

rum ludat, non perpendens siue bonum, aut malum tale votum facere, si postea votum non impleat, non peccat. Ratio est, quia cum primus motus non sit liber, quia non est in hominis potestate, votum tunc factum non valebit.

Secundò dico, quod deliberatio, quæ sufficit solum ad peccatum veniale qualis est illa, quæ à Theologis motus secundò primus dicitur) ad votum non sufficit. Ratio est, quia cum votum debeat esse ita deliberatum, vt obliget ad sui obseruantiam sub mortali, & motus secundò primus tantum est culpa venialis, non potest esse inductiuus talis obligationis; ergo nec talis motus voluntatis secundò primus, in quo tantum est culpa venialis, erit sufficiens ad votum.

Et confirmatur, votum suapte natura obligat ad mortale, ergo petit deliberationem ad mortale requiritam.

Tum quia per motum voluntatis, in quo solum culpa venialis inuenitur, non frangitur votum, vt omnes concedunt: ergo nec talis motus sufficiens erit ad inducendam voti obligationem. Patet consequentia ex paritate rationis.

Tertiò dico, quòd ad voti obligationem non est necessaria deliberatio illa, qua homo cuncta considerat, quæ illum cohiberent à vouendo, sed ea solum necessaria, & sufficiens est, qua iudicat quid sit id quod facit, & quæ satis est ad peccandum mortaliter. Ratio est, quia talis deliberatio sufficit ad tradendum se diabolo, ergo etiam sufficit ad obligandum Deo, cum æqua sit vtriusque ratio. Vnde si iracundia accensus, dummodo sit rationis compos, potest votum frangere, & mortaliter peccare, ita eadem passione dominante, potest per votum.

C

Deo

Deo se obligare, non enim maior libertas ad vouendum, quàm ad votum frangendum requiritur.

- 5 Hinc valida sunt vota illa, quæ bene potatus facit; nisi is ita ebrius sit, ut rationis vsu orbatus sit; tunc enim non teneret. Sicut etiam qui calore libidinis commotus iurat vxorẽ ducere, cogitur eam ducere. Et sicut iratas, aut bene potatus occidens hominem, non excusatur à toro, quin peccet mortaliter, ex quo non sic fuit extra se, quin sciret quid faceret, licet statim postea pœniteat, & nollet fecisse: quia statim pœnitere de peccato, arguit quidem illud non esse factum ex habitu, non tamen arguit, quin sit factum ex electione, licet passione turbante iudicium rationis.

- Quartò, & vltimò dico, quod vota ex repentina deliberatione, sufficienti tamen ad votum, secum afferunt causam, ut in illis Prælati faciliè dispensent. Ratio est, quia huiusmodi vota facta ex passione, vel timore quodammodo sunt inuoluntaria, & consequenter secum afferunt causam ut dispensentur, ut docet Caiet. 2. 2. q. 88. ar. 1. & Sor. lib. 7. q. 2. ar. 2.

- Ex qua doctrina colligitur, quoniam deliberatio sufficiens sit ad votum, illa, scilicet qua homo iudicat quid sit, quod facit, hæc enim, cum efficiat actum simpliciter, & in se voluntarium, & non solum in sua causa, sufficiens est ad hoc, ut homo possit per votum se obligare.

Hinc, qui sciens, & volens se inebriat, cognoscens quod ebrius solet vouere, si postea deficiens mente voueat, talia vota non valent. Quia non sunt in se voluntaria.

Dices, libertas in causa sufficit ad peccatum mortale, ergo sufficere debet ad constituendum votum.

- 8 Respondeo negando consequentiam. Ratio negationis est, quia ut

quid sit peccatum, sufficit quicumque defectus: ut verò sit bonum, est necesse, quod careat omni defectu: bonum enim teste D. Dionis. cap. 4. de diuin. nomin. non nisi ex integra causa consurgit, malum verò ex singulari defectu: vnde cum votum sit quoddam bonum, exigit ut in se formaliter, vel virtualiter sit volitum; at peccatum cum sit malum, satis est, ut in sua causa sit volitum.

Tum quia cum homo teneatur vitare peccatum, eo ipso quod sciens in ebrietate solere illa committere, & cum possit, non curat ea vitare, indirectè, & virtualiter ea vult. At non tenetur homo vitare vota: ergo non censetur voluntas virtualis circa illa.

Hinc valida sunt vota illa, quæ fiunt ob metum mali repentini, & mortis, tam naturalis, ut in grauiter infirmo, quàm accidentalis, ut patet de votis mulierum in partu, & viro- rum in periculis naufragij, incendij, &c. si enim habuerunt intentionem obligandi se Deo, cogitantes de causa; quæ mouebat eos ad vouendum. scilicet de infirmitate, vel periculo, & de fine. scilicet auersione periculi, ea adimplere tenentur, etiam si in angustiis, & periculis emissã sunt. Cap. sicut de regular. lib. 6. vbi clericus ex definitione Innoc. Papæ III. qui nimia ægritudine impulsus religionem vouit, iubetur ingredi. Et tamen probabile est, in nimia ægritudine non fuisse admodum maturam illam deliberationem. Et cap. qui opes 17. q. 4. vbi quidam, qui tumultuario mentis impulsu opes quasdam Ecclesiæ contulerunt, de temeritate quidem reprehenduntur, sed sacrilegi iudicantur, si donationem reuocent.

Hinc, falsa est Regula quàm tradunt Angel. verb. votum 1. §. 6. Tamen. verb. votum. 1. q. 1. & Supplem. Gabr. in 4. d. 38. q. 1. ar. 1. ad cognoscendum

scendum an votum sit validum; nec ne; dicunt enim quòd si post emissum votum, hominem transacta angustia statim pœniteat illius, vel ut ipsi aiunt, est male contentus, signum est votum fuisse indeliberatum, & nulum. Est inquam falsa, quia illa displicentia non arguit defuisse requisitam deliberationem, & proinde non obligare: quia sæpe eorum quæ ex magna deliberatione gesta sunt, facientem pœnitet. quanti enim sunt, qui contrahunt matrimonium, aut incunt contractus, quos statim pœnitet?

Tum quia licet pœnitentia post peccatum sequatur, non est signum, 1. peccatum non fuisse mortale, sed ad summum iudicatur non fuisse ex habitu, sed ex passione, vel repentina occasione.

Hinc falsa est Regula, quàm adducit Panor. cap. si verò de iureiur. num. 7. ad cognoscendum, an votum fuerit indeliberatè, & ex surreptione factum, an non; dicit enim, quòd si secluso iracundiæ calore votum emissum non fuisset, signum est quod votum non fuit deliberatè factum. Est, inquam, falsa. Quia calore iracundiæ multa fiunt deliberatione sufficienti ad culpam lathalem, quæ eo calore secluso minimè admitterentur, & nihilominus sunt valida. Nec enim passio non indicat fuisse omnino perturbatam rationem, sed ad summum indicat indiscretum, vel imprudens iudicium.

## QVÆSTIO XX.

*An peccet, qui sine debita, & matura deliberatione vouet?*

1. **R**ESPONDEO, peccare. Ratio est, quia votum est grauissimus actus.

religionis, & grauem inducit obligationem; ergo postulat prudentiam, & magnam considerationem vt rectè fiat; ergo qui præcipitanter, & absque matura consideratione vouet, peccat.

Tum quia facilè vouet, facilè etiam votum infringit, ergo peccat.

Tum quia Eccles. 5. non solum infidelis promissio reprehenditur, verum etiam stulta, qualis est, quæ ex leui deliberatione procedit. Et in hoc omnes Doctores conueniunt.

## QVÆSTIO XXI.

*Sed dubium est, An sic vouens peccet mortaliter?*

**R**ESPONDEO, regulariter hunc, solum peccare venialiter, quia vt plurimum votum magnam deliberationem non exigit, vt rectè docet D. Tho. 2. 2. q. 189. ar. 10.

Dixi (regulariter) quia interdum potest peccare mortaliter, vt si attempta vouentis propensione, votum est 2. adeò de re difficili, vt moraliter loquendo timeatur fore, vt sæpe violet: tunc enim ratione periculi, cui vouens se exponit, erit peccatum mortale sic vouere. Quod intelligitur, si periculum aduertatur, vel facilè aduerti possit, vt contingit, quando homo expertus est ex tali facilitate vouendi sumilia incommoda solere incurrere.

Potest tamen sic vouens esse sine 3. culpa, vt quando votum est de re minima, vt de dicendo quinque

*Pater noster*, quia in re modica matura deliberatio non requiritur.

C 2 QV

## QVÆSTIO XXII.

*An qui attentis omnibus circumstantiis est dubius: an votum cum debita, & matura deliberatione emisit, ad illius executionem teneatur?*

- R**ESPONDEO teneri. Ratio est, quia semper præsumitur debita deliberationem adfuisse: nam raro contingit, ut in tantum calor iracundiæ exardescat, ut rationis usum auferat: sicut rarissimè occidens alterum ex vehementi iracundia excusatur à mortali, & idè ex communiter accidentibus præsumitur in naturam considerationem adhibuisse.

## QVÆSTIO XXIII.

*An qui dubitat, an votum voverit, an non, ad illud observandum teneatur?*

- S**OTVS lib. 7. q. 3. art. 2. Barth. Med. lib. 1. c. 14. §. 7. Lop. p. 1. cap. 45. & alij negant hunc ad id teneri, ducuntque, quia in dubio melior est conditio possidentis.

Contrariam tamen tenent D. Th. in 4. d. 38. q. 1. art. 3. quæstiuncula 1. ad 6. Ang. verb. votum 1. nu. 12. Tab. verb. votum 3. nu. 2. Sylu. verb. Religio 2. q. 16. & 17. Nauar. lib. 1. conf. conf. 26. Cord. in sum. casuum q. 147. Gabr. Vasq. 1. 2. d. 65. ca. 3. Azor. to. 1. lib. 1. ca. 15. q. 2. Satyr. in clavi Reg. lib. 1. c. 13. n. 36. Salas 1. 2. q. 21. tract. 8. d. vnica sect. 17. n. 162. & sect. 25. n. 252. & 253. & alij. Quia in dubio facti tutior pars est eligenda, sed dubiū voti, est dubiū facti, ergo. Pro quo.

- 2** Primò dico, quod qui iudicat probabiliter se non vouisse, & si rationes habeat probabiles, quæ contrarium

suadeant, tali voto non tenetur. Ratio est, quia cum probabilitas sit in vtramque partem, licitum est homini, quā maluerit sequi. Immo quamuis contrariam partem probabiliorē existimet, adhuc integrum est minus probabiliorē amplecti: quia sequendo opinionem probabilem, periculum peccati evitatur.

Secundò dico, quod qui iudicat probabiliter se emisisse votum, nec habet in oppositum probabilia motiva, sed solum coniecturas insufficientes ad ferendum iudicium, tali voto tenetur. Ratio est, quia probabilitas facit certitudinē morale, quando non est alia similis in contrarium.

Tum quia in rebus humanis non est maior certitudo exigenda, cum vix aliquid per infallibilem evidentiam cognoscamus.

Tertiò dico, quod, qui in dubio negatiuo anceps animi est, id est qui neutram in partem habet rationes probabiles, non potest salua conscientia facere contra votum, antequam diligentiam adhibeat ad veritatem cognoscendam. Ratio est, quia stante tali dubio, evidenti periculo exponeret se committendi peccatū mortale.

Quartò, & vltimò dico, quod si is qui eodem dubio negatiuo anceps animi est, post sufficientem adhibitam diligentiam sciendi veritatem, adhuc est dubius, vtrum emisit votum, nec potest iudicium ferre, quod emisit illud, non tenetur ad talis voti observationem. Ratio est, quia ex Reg. 65. iuris in 6. in dubio melior est possidentis conditio, sed in hoc dubio voluntas possideri suam libertatem, cum de vinculo contracto dubitetur, ergo in hoc dubio pro libertate iudicandum est: ac proindè si hæsitet, an quippiā voverit, iurauerit, promiseritve, tutò iudicare potest se non vouisse, neque iurasse, aut promississe.



misisse. Et ita docent Sot. lib. 7. q. 3. ar. 2. Barth. Med. lib. 1. sum. cap. 14. 8. 7. Henric. lib. 10. de matr. c. 17. nu. 5. & lib. 8. de Euch. cap. 45. nu. 3. Lop. p. 1. c. 45. Suar. to. 5. in 3. p. d. 40. sect. 5. nu. 15. Sà verb. dubium n. 2. & verb. votum in principio nu. 2.

Et ad fundamentū contrariæ opinionis respondeo, Axioma illud, in dubio tutiorem partem esse eligendam, intelligendum est non de præcepto, sed de consilio, nam vt multi nobiles Doctores tradunt, satis est sequi partem tutam. Vel dic, quod in dubio eligendum est tutius, quando cætera sunt paria, id est, quando ex neutra parte intercedit ius possessionis.

Hinc, quando ex intentione vouentis, vel ex verbis, quibus emissum est votum, comprehendere non potest, quidnam sit de quo votum emisit, liberum est illi, ex his, de quibus dubitat, probabiliter eligere quod maluerit. Nec enim nunc renebitur amplecti id quod est rigorosius, quia non magis ad illud, quam ad hoc de quo dubitat, obligatur. Sic Suar. tract. 6. de Relig. lib. 4. c. 8. nu. 5.

Hinc, qui vouit, & æquæ est in vtramque partem incertus, voueritne castitatem absolurè, an tantum castitatem conjugalem, aut voueritne Religionis ingressum ad eam experiendam, an ad profitendam in ea, potest eligere partem minus onerosam, quando vtræque est æquæ incerta. Et ratio est, quia nemo censetur renunciare iuri suo, nec discedere à iure communi, nisi certo constiterit id intendisse. Immo vota secundum ius commune sic sunt interpretanda in casu dubij.

Hinc, qui sine limitatione suæ intentionis vouit aliquid quod potest rû maius, tû minus esse, satisfacit præstando illud quod est minus, v.g. dare in eleemosynam nummum aureum,

cum tamen omnis ralis nummus non sit eiusdem valoris, sed alius plus valeat, alius minus, potest quem velit dare.

Hinc, qui vouit dare alicui Ecclesiæ, 7 vel pauperibus annuatim vnā mensuram frumenti, quæ in vsu est diuersæ quantitaris, nec constare potest, quam determinauerit vouendo, potest eam quam vult eligere, vt expressè definitur in cap. ex parte de censibus. Et ratio est, quia in dubijs vnusquisque præsumitur minus seipsum voluisse grauare, quam potuerit: ergo nisi aliundè magna sit præsumptio, interpretatio facienda est in fauorem vouentis, ita vt minus grauetur.

Hinc, non est audiendus Syluest. verb. votū 2. q. 15. vbi ait in eo euentu teneri vouentem eam quantitatem dare, de qua cogitauit cum vouit, vel quam determinasset, si cogitasset. Non est, in quā audiendus, quia ad inducendam obligationē non sufficit cogitasse de tali quantitate, nisi re vera illam vouerit, sæpè enim habetur cogitatio sine intentione obligandi, vt patet.

Tum quia licet homini sit certum, quid determinasset, si cogitasset, tamen parum refert ad obligationem, si homo de facto illam quantitatem non determinauit, quia nemo obligatur, sicut nec meretur, nec demeretur, ex his quæ determinasset, si cogitasset, sed ex his, quæ postquam cogitauit, determinauit: & ideo, si mensura non fuit determinata, potest illam nunc determinare, prout vouens voluerit, & sic eligere minorem, etiam si probabiliter videatur. quod si tempore voti determinationem fecisset, maiorem mensuram elegerisset.

Hinc, qui vouit ingredi aliquam 9 Religionē, nec constare potest, quod Monasterium elegerit, ob eandem rationem liberum est ei ex Monasterijs illius Religionis eligere, quod velit.



velit, dummodo in eo essentialia Regule seruentur. Ratio est, quia cum huiusmodi votum fuerit ab initio gratuitum, benignius est eligendum.

Hinc, qui vouit Religionem, non satisfacit tali voto, si eligat Monasterium, in quo religiosè non viuitur, nec professio seruatur. Ratio est, quia vouere Religionem idem est, ac vouere statum in quo religiosè viuitur.

Hinc, qui vouit Rosarium, tenetur eligere locum, in quo possit id facere cum attentione. Ratio est, quia attentio pertinet ad substantiam orationis.

10 Hinc, qui vouit audire Missam, eo ipso obligatur illam attentè audire, quòd si non ita audiat, non implet votum, etiam si de attentione tempore voti nihil cogitauerit, aut intenderit, quia in ipso actu audiendi Missam attentio intinè includitur.

#### QVÆSTIO XXIV.

*An qui vouit peregrinari, nec determinauit in voto, an pedester, vel equester peregrinaturus sit, possit equester peregrinari?*

1 R E S P O N D E O posse. Ratio est, quia cum votum strictè interpretandum sit, ita ut in quantum fieri possit, minus obliget, ut quam maximè sacrilegæ transgressionis occasio, & peccati periculum vitetur, & cum equestri saluetur peregrinatio, natura promissæ, non est id votum de difficiliore pedestri peregrinatione intelligendum. Quod est verum etiam si dum vouit, habuerit animum eundi pedester, non tamen eam vouit. Quia non omnis intentio tunc concepta obligat sub voto, sed quæ sub illo comprehensa est.

#### QVÆSTIO XXV.

*An qui est certus, se emisisse votum, dubitat autem an animum vouendi, vel se obligandi habuerit, tali voto teneatur?*

R E S P O N D E O teneri? Ratio est, quia ibi est maxima præsumptio, quæ humano modo esse potest de veritate voti, & sufficiens motiuum ad probabiliter iudicandum tale votum factum esse cum intentione vouendi, quia verba de se sunt sufficientia signa animi ubi contrarium non constat; & nullus præsumitur dicere quòd in corde non habet, ut delicti præsumptio euinetur, ergo ubi constat de voto, dubitatur autem de animo se obligandi, præsumptio, & possessio est pro animo se obligandi verbis voti id significantibus.

Deinde obligatio naturaliter sequitur naturam voti, ergo si de voto constat, & dubitatur de animo contrario, præsumptio & possessio est pro obligatione.

Tandem probato facto, præsumitur interuenisse omnia ad facti substantiam necessaria, ut probat Panorm. in cap. 1. de his quæ vi, &c. nu. 9. Sed hinc constat de voto, ergo in dubio præsumitur animus vouendi, vel se obligandi ad eius valorem requisitus. Ita Sor. lib. 8. q. 1. ar. 4. Couar. 4. decret. 2. p. ca. 3. §. 5. num. 3. & Cord. in sum. q. 147.

#### QVÆSTIO XXVI.

*An si vouens sit anceps, an dum votum emisit, usum rationis habuerit, tali voto teneatur?*

R E S P O N D E O si is qui vouit septennium atigerat tempore voti

voti emissi, præsumitur in ea ætate vsus rationis, ac proinde votum valebit.

Et confirmatur, nam ius censet sponsalia post septennium ætatis facta, esse valida, ergo præsumit vsum rationis in illa ætate: quia sine vsu rationis nullus contractus potest esse validus.

Tum quia nemo ante legitimum illud tempus tenetur Ecclesiasticis legibus Sacramentorum, & ieiuniorum, ergo nec votis, nisi clarè constet, esse doli capacem. Si autem non attigerat, præsumitur vsus rationis defuisse, quia iura in ea ætate non præsumunt vsum rationis, nisi de contrario constet, & sic non valebit votum. Quod si dubium sit, an septennium attigerit, necne, credo in fauorem voti præsumendum. Quia de illo constat, excusatio autem est dubia.

Tum quia ante septennium nunquam, aut raro emittuntur vota, ergo ex his, quæ vix plurimum contingunt, in dubio præsumitur id votum post septennium emissum.

## QVÆSTIO XXVII.

*An qui est certus de voto, dubitat autem an illud emisit ex calore iracundie, &c. tali voto teneatur?*

**R**ESPONDEO teneri. Ratio est, quia solus calor iracundiæ regulariter non ita absorbet vsum rationis, ita vt tollat libertatem sufficientem ad peccatum mortale: & ideo non videtur inde oriri sufficiens dubium, quod obligationem voti impediatur.

Et confirmatur, nam licet inter-

dum huiusmodi passio omnino vsum rationis absorbeat, raro tamen id contingit: quæ autem raro eueniunt, non præsumuntur, nisi sufficienter probentur, ergo.

## QVÆSTIO XXVIII.

*An qui est certus de valore voti ex parte suæ voluntatis, dubitat autem an materia voti sit licita, tali voto teneatur?*

**S**ORTVS lib. 7. q. 1. ar. 3. negat. Alij vero rectius affirmant hunc ad id teneri. Ratio est, quia ad valorem voti duo necessarii requiruntur, primum, vt homo velit se obligare. Secundum est, vt Deus acceptet: quando ergo quis est dubius de honestate materiæ, non est dubius de valore voti ex parte suæ voluntatis, sed est dubius ex parte Dei acceptantis; ergo cum homo de voluntate sua sit certus, tenetur procurare vt de diuina acceptatione certior fiat; ergo tenetur consulere Christi vicarium in eo dubio, vt vel dispenset, vel interpretetur. Et ideo ita videtur sentire D. Tho. 2. 2. q. 88. ar. 2. ad 3. vbi ait in hoc dubio consulendum esse superiores.

## QVÆSTIO XXIX.

*An votum quod est irritum ob defectum vsus rationis, vel animi vouendi, aut ob aliam causam, reddatur validum, si postea ratum habeatur?*

**R**ESPONDEO quod sic, si hic ratum habens sciat prius votum fuisse nullum, & ex nunc velit illo ligari

Gari per reg. ratihab. de reg. iuris in 6. Quod si dubitet, an tunc meminerit prioris voti, aut an illius nullitatem scierit, non obligabit votum, quia cum sit sola prioris voti ratificatio, nulla est possessio pro voto. Ita Azor. lib. 11. c. 15. q. 8.

### QVÆSTIO XXX.

*An qui est certus de voto, dubitat autem an illud impleverit, teneatur illud servare?*

- R**ESPONDEO hunc ad id teneri. Ratio est, quia in hoc casu debitum est certum, & solutio est dubia, & ideo possessio est pro creditore.

### QVÆSTIO XXXI.

*An vouens dare centum Ecclesie pro anima sua, & postea noceat proximo in tantumdem, nec potens est utrique obligationi satisfacere, teneatur potius ad votum?*

- R**ESPONDEO hunc ad id votum non teneri. Ratio est, quia cum obligatio iustitiæ præponderet obligationi religionis, idcirco tenebitur prius compensare damnum proximo illatum, deinde votum exequendo dare illa centum Ecclesie.

### QVÆSTIO XXXII.

*An qui vouit confiteri tali mense, si in eodem mense incidat obligatio præcepti Ecclesiastici confitendi, teneatur eodem mense bis confiteri?*

- R**ESPONDEO non teneri. Ratio est, quia verisimile est vouentem voluisse se conformare obligationi

Ecclesie, cui per unicam actionem satisfacimus, ut contingit in duplici festo, & duplici ieiunio eodem die occurrentibus.

Hinc, qui vouet audire Missam die festo, non intelligitur vouere aliam Missam, præter eam, quam ex præcepto audire tenetur, nisi expressa intentione id determinet. Quia ex vi talis materiæ, id non sequitur: quia de ratione Missæ non est, quod sit, vel non sit præcepta.

Hinc, qui vouit se daturum eleemosynam alicui pauperi & postea eam dar Titio in extremis constituto, suo voto satisfecisse censetur, quia intentio vouentis interpretari debet fuisse dare eleemosynam pauperi, siue is esset in extremis, siue non. secus si animus vouentis fuit eleemosynam dare solum iis, quibus aliàs tantum de consilio, ac pietate erogare tenebatur.

### QVÆSTIO XXXIII.

*An si confessarius alicui in pœnitentiam iniungat, ut certam eleemosynam largiatur, hic confessario satisfecisse censetur, si eleemosynam quam voto erogare tenebatur, pauperi tribuat?*

**R**ESPONDEO non satisfecisse. Ratio est, quia cum confessarij pœnitentias imponunt pœnitentibus, intelligunt de iis quæ non sunt aliàs sub præcepto.

### QVÆSTIO XXXIV.

*An qui vouit tot missas in honorem Beata virginis, satisfaciat voto, si Sacerdotem gratis eas facere volentem inueniat?*

**R**ESPONDEO satisfacere, etiam si dum vouit animum erogandæ eleemo

eleemosynæ pro missis habuerit; non tamen eam vult. Ratio est; quia ille solum Missas vult, non autem eleemosynam. Quod est verum, etiamsi promississet erogare eleemosynam, quia intentio principalis vouentis est, ut sacra fiant, & eleemosyna tantum ponitur, quasi accessoria, & medium pro illis faciendis, ergo eis celebratis, siue gratis, siue eleemosyna largita huic voto satisfacit. Quod si non ut accessoriam, sed æquè principaliter vouerit eleemosynam, non satisfaceret, gratis illis factis.

### QVÆSTIO XXXV.

*Sed quid si vouens eleemosynam illam æquè principaliter promissam Sacerdoti celebranti traderet, & ille sponte sua eam remitteret?*

- R**ESPONDEO, si hic vult se daturum eleemosynam Sacerdoti, satisfaceret voto, si realiter absque tamen pacto retro donandi eleemosynam illam ei traderet, & ille liberè ei iterum eam donaret. Quia reuera ille eleemosynam largitus est.

### QVÆSTIO XXXVI.

*Quanam sit propria materia voti?*

- R**ESPONDEO bonum. Ratio est, quia votum est promissio facta Deo, sed nihil est Deo acceptum, nisi bonum, ergo solum bonum est propria materia voti.

### QVÆSTIO XXXVII.

*Quotnam requirantur, ut bonum possit esse legitima materia voti?*

- R**ESPONDEO tria. Primum, ut sit actus humanus, id est, ut sit in

nostra potestate ut sit, vel ut non sit. Hinc, votum de re simpliciter necessaria, vel impossibili, ut moriendi, vel non moriendi, volandi, vel non volandi, sydera manu tangendi, &c. non tenet. Quia est de re, quæ non est in nostra potestate.

Secundum, ut sit opus bonum secundum rectam rationem, ut potè quod debet esse gratum Deo.

Hinc, votum de re illicita seu peccato est irritum, & nullum. Ratio est, quia promissio semper est de re, quam quis in alterius gratiam pollicetur: sed omne peccatum est contra Deum, ergo de nullo peccato potest fieri votum. Vnde Isid. lib. 2. de synonymis, & refertur in decret. 2. 2. q. 4. in cap. in malis, dicit: *In malis promissis rescinde fidem. In turpi voto muta decretum. Quod incaute vouisti, ne facias. Impia est promissio, quæ scelere adimpletur.*

Hinc, votum de nimis corporis macerationibus, non valet quo ad excessum, quo limites prudentiæ excedit, quia tunc non sunt actus virtutis sed vitij: secundum D. Tho. 2. 2. q. 88. ar. 2.

Dixi (quo ad excessum) nam quo ad partem moderatam obligaret utique, nisi ea esset intentio vouentis, ut si aliqua pars non valeret, non teneretur ad reliquas.

Tertium, & vltimum, ut huiusmodi opus non sit maioris boni impeditiuum. Et ratio est, quia omnis promissio fit, ut alteri gratificemur, ergo debet esse de eo, quod illi est gratius. Hinc votum de contrahendo matrimonium non valet. Quia oppositum magis Deo placet.

Ex quo colligitur, non quemcunque virtutis actum esse legitimam materiam voti: sed illum solum, qui perfectius bonum

continet.

## QVÆSTIO XXXVIII.

*Quenam sit potissima materia voti?*

**R**ESPONDEO esse bonum supererogationis, & consilij. Ratio est, quia votum est promissio boni voluntarij, atqui bonum supererogationis & consilij est omnium maximè voluntarium, & Deo gratissimum. Ita D.Tho. 2. 2. q. 88. ar. 2.

## QVÆSTIO XXXIX.

*An qui vouet peccatum mortale, ut occidere inimicum, peccet mortaliter?*

**R**ESPONDEO eum peccatum mortale committere duplici ratione. Primò propter malam voluntatem, quam habet occidendi inimicum. Secundò propter contumeliam, quam per tale votum Deo irrogat, dum ei consecrat rem, quam ille maximè abhorret. Vnde utramque hanc malitiam necessariò tenetur in confessione explicare. Similis blasphemia erit, si eodem animo illud votum impleat.

## QVÆSTIO XL.

*An si hic voueat peccatum mortale sine animo se obligandi, & faciendi, etiam peccet mortaliter?*

**A**NGLES in materia de voto tenet hunc non peccare mortaliter. Quia voluntatem peccandi non habet, sed venialiter tantum, quia tale votum est otiosum.

Sed ista ratio solum probat eum non peccare mortaliter in propria materia actus promissi. At contra Re-

ligionem videtur peccare mortaliter ex duplici capite, nam & infidelis, & stultus promissor est in re graui.

Tum quia si grauis contumelia est minari graue malum Regi, etiam si id fiat tunc animo illud malum inferendi, aut se obligandi, quanto magis hoc contumelia censeretur debere, respectu Dei, ob verborum temeritatem? Quare secluso etiam animo faciendi, & se obligandi, sola voluntas proferendi talia verba grauis blasphemia mihi videtur esse.

## QVÆSTIO XLI.

*An votum quod fecit Iephthe Iud.*

II. quo promisit se immolaturum Deo, quidquid sibi reuerenti cum pace à filiis Amon, & à cede Amonitarum primùm de foribus domus sue occurreret, fuerit validum, & obligatorium? Perinde est, ac si quaeretur: An Iephthe verè unicam filiam suam virginem per mortem temporalem Deo immolauerit?

**N**ICOLAUS de Lyra in Iudic. XI. 1. putat Iephthe verè non occidisse filiam suam per mortem temporalem, sed civilem, & spiritualem, recludendo eam quasi in Monasterium Sanctimonialium, ubi quoad viueret, vitam calibem ageret.

At Patres communiter tenent Iephthe verè, & propriè filiam occidisse. Sic D. Chrysost. hom. 14. ad populum Antioch. & hom. de Iephthe. Tertullian. libro tertio contra Marcionem. Ambr. libro 1. de off. cap. 50. Hier. in Hieremiam cap. 7. D. Thom. 2. 2. q. 88. ar. 2. ad 2. Azor. to. 1. lib. 11. cap. 13. q. 2. & alij.

Ex

Ex quo sequitur votum Iephthe non fuisse validum, nec obligatorium, nisi ad immolandum animal occurrens immolatorium, & quo ad hoc fuit licitum, & placens Deo, prout victoria subsequuta ostendit. Vnde secundum Hieronymum occidendo filiam suam impius fuit, sicut vouendo stultus. Quod verò ibidem dicitur, Spiritu sanctum fuisse super Iephthe, vel intelligendum est secundum S. Tho. quia fides, & deuotio eius, ex qua motus est ad vouendum, fuit à Spiritu sancto; vel ut notat Sotus, quia ex zelo diuino animatus Amonitas Dei hostes adorsus est. Nec ex eo quod inter iustos antiquæ legis numeratur ab Apostolo Hebr. 11. sit consequens, illum non peccasse, quia recenset etiam Samsonem, & Dauidem, quos tamen constat nonnunquam peccatores fuisse, & quia probabile valde est, eum penituisse de facto iniquo, sicut multi alij penitentiam egerunt.

### QVÆSTIO XLII.

*An qui vouet peccatum veniale, ut mentiri iocose, vel proferre verba otiosa peccet mortaliter?*

**N**AVAR. cap. 12. num. 8. Sor. lib. 7. q. 1. ar. 3. Tolet. lib. 4. cap. 17. num. 5. & Arg. 2. 2. q. 88. ar. 2. censent eum peccare venialiter, & probant, quia bonitas, vel malitia alicuius actus desumitur ex obiecto: sed obiectum illius voti tantum est peccatum veniale, ergo & qui illud vouet, peccat tantum venialiter.

Tum quia qui implet tale votum, non peccat nisi venialiter; ergo, & qui facit, non peccabit nisi venialiter.

Tum quia qui iurat facere aliquod peccatum veniale, non peccat, nisi venialiter, ergo & qui illud vouet.

Consequentia patet, quia votum, & iuramentum quantum ad hoc æquiparantur.

At Illustrissimus Caiet. in summa verb. votum, Less. lib. 2. de iust. c. 40. dub. 7. & plerique alij docent eum peccare mortaliter. Et merito quidem, quia si is qui ita vouet, scit esse peccatum, & nihilominus Deo id vouet, grauem ei infert contumeliam, quia quantum in se est, destruit infinitam Dei bonitatem, quæ non patitur secum approbationem alicuius peccati: & est peccatum blasphemia, quia dum sciens, & prudens promittit Deo quod scit esse peccatum, insinuat Deo placere tale peccatum, eoque coli, & honorari, atque ex consequenti Deum non esse summè bonum. Vnde non excusatur in hoc casu à mortali ob leuitatem materiæ, sicut non est immunis à mortali, qui iurat mendacium, quantumvis minimum: quia qui illud iurat, infallibilitatem in Deo euertit, quod est ingens blasphemia.

Hinc, qui votum de committendo peccatum veniale implet, peccat mortaliter. Ratio est, quia idem est opere ipso Deum colere peccatis, & eodem animo per votum se obligare ad faciendum peccatum.

Posset tamen hic à mortali excusari ex inconsideratione inuincibili, qua quis non aduertit ad id quod facit, nesciens an promittat Deo, necne; aut saltem non aduertit tali suo voto, aut illius exequutione significare eiusmodi opus placere Deo.

### QVÆSTIO XLIII.

*An qui vouet peccatum veniale cum proposito exequendi, duplex peccatum committat?*

**R**ESPONDEO duplex peccatum committere, quia vltra peccatum

tum illud veniale, quod committit habendo propositum exequendi rem illam venialem, ipsum quoque votum peccatum est, & quidem mortale, quia gravis est iniuria religioni illata velle Deo vouere rem, quæ illi maxime displicet.

#### QVÆSTIO XLIV.

*An votum rei bonæ potestis malum euentum habere, sit validum?*

**R**ESPONDEO esse validum, vt votum obediendi Prælato in omnibus, quamvis ille aliquando rem malam præcipere possit. Ratio huius est, quia huiusmodi votum absolute emissum, ratam conditionem habet ex communi vouentium intentione, & vouendi formula, vt intelligatur in rebus licitis, & honestis: non enim est credibile velle vouentem peccare, intelligendo etiam in casu illicito. Ita tenet Soc. lib. 7. q. 1. ar. 3.

#### QVÆSTIO XLV.

*An votum emissum de opere meliori ob malum finem, sit validum & obligatorium?*

**A**D hoc primò dico, quod votum emissum de opere meliori ob malum finem, ita vt malus finis siue mortalis, siue venialis, sit finis ipsius rei promissæ, vt si voueas eleemosynam propter inanem gloriam, vt. s. ex ipsa largitione eleemosynæ gloriam humanam comparare queas, non est validum, nec obligatorium. Ratio est, quia materia huius voti est mala formaliter, ergo votum de ea emissum non est validum. Confe-

quentia est per se nota. Antecedens verò probatur: nam materia huius voti non est eleemosyna absolute, sed cum ordine ad malum finem, ergo est mala formaliter, & indebita materia voti.

Secundò dico, quod votum emissum de re meliori propter malum finem, ita vt malus finis siue mortalis, siue venialis sit finis non ipsius rei promissæ, sed causa ad vouendum excitans, & aliquod bonum vouetur, vt si voueas religionem vt luxuriose viuas, est validum, & obligatorium. Ratio est, quia obiectum huius voti est bonum formaliter, ergo votum est validum. Consequentia est per se nota. Antecedens verò probatur, nam obiectum huius voti est vita religiosa, nec libido est finis religionis, sed causa quæ ad vouendum compellit, quæ votum relinquit in sua natura, quod est bonum formaliter.

Hinc qui vouet se futurum presbyterum, vt obtineat beneficium, intendens eo abuti, tale votum est validum. Ratio est, quia sacerdotium est bonum, & Deo acceptum, quamvis intentio vouentis sit praua.

Tertiò dico, quod votum emissum de opere meliori propter malum finem, ita vt prauus ille finis, siue mortalis, siue venialis sit finis ipsius voti, referendo id votum ad Deum pro eo malo sine obtinendo, aut gratis agendis pro obtento, vt si voueas te daturum Deo censum vt victoriam iniustè tibi concedat, & castrum non tuum cōsequaris, vel ad aliquod maleficium patrandum, sit patronus, non est validum, nec obligatorium. Ratio est, quia iniquus ille voti ordinandi modus naturam voti penitus destruit, cum de voti ratione sit, vt res per illud oblata acceptari à Deo possit: Deus autem cum sit summè bonus acceptare nequit aliquid sibi oblarum



vt author peccati sit, nec in gratiarum actionem, quasi illius author fuerit.

Dices, victoria iniusta quantum ad substantiam actus est à Deo, ergo votum pro ea emissum est validum.

Respondeo votum non emittitur pro victoria absolute, nec pro substantia illius, sed pro victoria belli iniusti, quæ in genere moris est intrinsecè mala. Si tamen aliquis distingueret in malo actu, id quod est substantiæ ab eo quod habet tortuositatis, ratione cuius est peccatum, & solum pro eo quod est substantiæ seu entis emitterat votum, illud esset validum, vtpotè factum pro beneficio à Deo accepto.

Quartò, & vltimo dico, quod votum emissum de re meliori ob malum finem, ita vt malus finis siue mortalis, siue venialis, sit finis solius voti relati ad obtinendum illum aliquid quam à Deo, vel ad obtinendum à Deo bonum ex re mala confurgens, gratias agendum pro illo obrento, est validum, & obligatorium. Ratio est, quia quando malus ille finis alimunde intenditur, quam à Deo, non est rei promissæ finis, manet ipsa res promissa à mali finis contagione libera, & sic grata Deo, quamvis in ipso vouendi actu peccetur ratione illius mali finis. Quando autem votum refertur ad bonum ex malo confurgens, non refertur ad Deum id malum, sed bonum naturale inde confurgens, quod vtique ipsius beneficium est.

Hinc, qui vouit se daturum aliquid in elemosynam, si filius ex meretrice nascatur, tale votum est validum. Ratio est, quia votum non cadit super illicitum coitum, sed super natum filium, præsupposito illicito coitu. Non debet tamen retinere meretricem, vt faciat quod in se est, ad implendum votum, quia præsuppositum est intrinsecè malum & illicitum.

Hinc validum est votum, quo quis

rem illicitam exercens, vouet se aliquid facturum, si illud eueniat, vel non, tali illicito pendente, vt si fur dum est in furto voueat se dicturum virginem coronam, si non deprehendatur in delicto. Ratio est, quia tale votum non cadit super furtum, sed super euasione suspendij, quod est donum Dei.

Hinc validum est votum, quo Rex dum est in bello iniusto, vouet sedaturum censum pauperibus, si suus exercitus incolumis euaserit. Ratio est, quia quamvis victoria iniusta sit mala, tamen incolumitas exercitus donum Dei est. Hinc validum est votum, quo quis in duellum descendens vouet aliquid Deo pro vita, & incolumitate sua, si exinde saluus euadat. Ratio est, quia quamvis duellum sit malum, incolumitas tamen bona est.

Hinc meretrix quæ Deiparæ pollicetur se daturum dimidium turpis lucti, tali voto tenetur. Ratio est, quia licet causa lucri sit turpitudine, tamen est licitum.

Hinc validum est votum, quo quis ludens ludo illicito, promittit se daturum pauperibus partem lucri. Ratio est, quia licet ludus sit illicitus, luctum tamen ex ludo illicito, est licitum, & honestum.

## QVÆSTIO XLVI.

*An qui vouet ob malum finem peccet mortaliter?*

**A**RMILLA in sum. verb. votum 1 nu. 2. & Angl. in flor. 4. Sent. de voto, tenent eum peccare mortaliter.

Mihi tamen distinguendum sic videtur. Quando votum emittitur ob prauum finem, tale peccatum committit qui sic vouet, qualis est finis; ac proinde si finis rei promissæ est mor-

D 3 talis

talis peccabit mortaliter, si venialis, venialiter. Ratio est, quia ea res promissa efficitur mala mortaliter, vel venialiter iuxta finis apppositi qualitatem. At qui vouet rem mortalem, peccat mortaliter, & qui vouet rem venialem, peccat venialiter. Quod intelligitur, quando votum est simplex; si enim sit votum solemne religionis, peccabit mortaliter, etiâ si finis sit venialis, quia ratione talis finis redditur irritum, & nullum. Si vero vouens dirigat id votum in finem prauum assequendum aliunde quam à Deo, tale peccatum committet, qualis fuerit finis. Quod est verum etiâ si sit votum solemne, quia eo sine votum non irritatur.

### QVÆSTIO XLVII.

*An qui vouet ob prauum finem, duplex peccatum committat?*

**R**ESPONDEO duplex peccatum committere. Ratio est, quia præter malitiam prauæ intentionis ut vanæ gloriæ, ambitionis &c. peccat etiam contra reuerentiam Deo debitam; est enim irreuerentia Dei, illi aliquid vouere, intendendo malam intentionem, & ita abutendo voto, quod ad eius cultum, & honorem faciendum est, tanquam medio ad prauum illum finem consequendum. Existimo tamen hanc malitiam contra Religionem venialem esse, etiâ si contingat motuum vouentis ex obiecto esse mortale. Ut si quis profiteatur religionem animo indignè obtinendi prælaturas, peccabit quidem mortaliter propter prauum illud motuum, tamen contra religionem in malè vouendo, non peccabit nisi venialiter. Quia in ordine ad virtutem religionis non videtur grauem iniuriam continere, nisi contingat prauum mo-

tuum esse contrarium obligationi voti, ut si quis religionem profiteatur animo luxuriandi: istud enim motuum redundaret in voti perfidiam, quod esse peccatum mortale diximus supra.

### QVÆSTIO XLVIII.

*An votum non fornicandi nisi cum berta, sit validum, & obligatorium?*

**R**ESPONDEO esse validum, si amore castitatis seruandæ id votum emittat, excipit autem berta, quia valdè propensum ad fornicandum cum illa expertus, non vult se ad integram continentiam obligare. At, si eo voto se adstringit eo sine, quia turpi illius scemina amore captus, intendit ab aliis se abstinendo, potentior est ad fornicandum cum illa, vel quo illi placeat, illud votum emittit, tunc distinguendum est: si ille prauus finis sit finis rei quæ vouetur, tunc votum est irritum, & nullum; si autem is prauus finis sit solius voti finis relati ad obtinendum illud, aliunde, quam à Deo, est validum, & obligatorium. Ratio est, quia tunc res promissa manet bona, nec votum ordinatur ad malum à Deo obtinendum, sed ab ea scemina.

### QVÆSTIO XLIX.

*An votum de re indifferenti emissum sit validum & obligatorium?*

**ET** per rem indifferentem intelligo eam, quæ ex se nec habet rationem boni, nec mali, & cuius affectio non magis est utilis ad honorem

rem Dei, aut salutem animarum, quam eius priuatio: sicuti est fricare barbam, rescindere ungues in tali die, leuare festucam, non adire ad talem domum, non transire per talem vicum, aut quid simile. Quo posito.

Primò dico, quod votum emissum de re indifferenti, quatenus est indifferens, id est, quæ ex se nec bona est, nec mala, est irritum & nullum.

- 2 Ratio est, quia promissio in gratiam alicuius facta debet esse de re grata illi, & accepta: at res indifferens quatenus talis non est grata Deo, quia ut sic nil boni, vel mali præferret, ergo votum de ea emissum est irritum, & nullum.

Tum quia votum cum sit actus religionis, desiderat materiam cultui diuino deferuentem. At res indifferens non est huiusmodi: nil enim ad Dei cultum refert illam sic vel aliter fieri, ergo de ea non potest fieri votum.

- 3 Secundò dico, quod votum emissum de re indifferenti, quatenus per rationem ordinatur ad aliquem finem honestum, ut si quis voueat non ingredi talem domum, quia ibi sibi offertur occasio peccandi, est validum, & obligatorium. Ratio est, quia huiusmodi res indifferens, quando fit propter aliquem bonum finem, est actus virtutis, ergo de ea potest fieri votum. Quod intellige dummodo ipsa res indifferens per ordinationem vouentis ad bonum finem efficiatur bona, nam si adhuc post illam relationem, remanet indifferens, votum non erit validum.

- 4 Dixi notanter (*per ordinationem vouentis*) quia si voueret quispiam se non transiturum per talem vicum, in quo moratur mulier, quæ attrahit ad malum, at nullatenus eam spectaret, nec causa fornicationis vitandæ voueret, votum esset nullum: quia cum

res illa indifferens minimè sine illo honesto ex vouentis intentione vestriatur, remanet adhuc indifferens, ac proinde inepta materia voti. Quare ut votum vim habeat, non sufficit rem voto promissum posse ordinari in bonum finem, sed opus est, ut ad id tacitè, vel expressè à vouente dirigatur.

Hinc, qui vouet non ludere cum certa persona, vel in certa domo, quæ vouenti peccandi occasionem præbent, at vouens id non intendit, sed solum vindictam de illo sumendam, tale votum non tenet.

Hinc, vota quæ à mulieribus communiter fiunt de non filando, vel de non peccando caput in die Sabbathi ob cultum & venerationem Mariæ Virginis, sunt nullius valoris. Ratio est, quia hæc adhuc relata ad illum bonum finem, remanent in sua indifferencia, cum nihil conducant ad honorem Dei, & æternam vitam non filare, nec peccare caput in die Sabbathi, si in aliis operibus scruiilibus se exerceant. Vnde huiusmodi vota potius sunt deridenda, quam obseruanda, & sunt secundum Syluest. verb. votum 1. q. 4. sortilegia, & reliquæ quedam gentilitatis. Secus autem esset, si votum fieret de cessando ab omni opere scruiili, ut hac ratione vouens expeditior esset ad recitandum sapius Rosarium, tunc enim votum esset validum, quia in tali casu datur aliquid quod ad honorem Dei conducit.

Hinc, votum de non edendis capitibus animalium in honorem S. Ioannis Baptistæ, eo quod illi caput amputatum sit, est nullius valoris. Ratio est, quia hoc in eius honorem non cedit, cum integrum sit vouenti vesci aliis animalium partibus. Ita Sor. lib. 7. q. 1. ar. 3.

Hinc, votum de non edendis car-nibus

nibus igne assis in die S. Laurentij ob eius cultum, & honorem est irritum, & nullum. Ratio est, quia ad eius honorem nil hoc confert, cum vouens carnes coctas edere valeat. Ita Caiet. 2.1.q.88.ar.2.& Nau.c.12.n.37.

6 At ego existimo huiusmodi vota valere quando specialiter vouenti saperent carnes illæ, quatum esum sibi per votum interdixit, vt eo sapore se in honorem alicuius sancti priuaret; quia in his adest specialis circumstantia cum esum ex se indifferentem honestans. Secus quando abstinencia ab illo esu promissa nil speciale respectu vouentis haberet præ cæteris animalium partibus: tunc enim votum esset nullum, vtpotè quod est de re quæ ex se nil boni vel mali præferebat.

7 Hinc, votum abstinendi ab omni genere carniū in honorem cuiuscumque sancti, vt hac ratione liberius, & expeditius vacaret rebus diuinis, est validum, & obligatorium. Ratio est, quia id in Dei honorem cedit, cum sit magna virtus his omnibus cibis priuari. Quod si casu accideret, vt huiusmodi abstinencia esset aliis scandalosa, eo quod vouens redederetur suspectus de iudaismo, dicunt Syluest. verb. votum 4. q. 7. & Angel. ibidem 4. sine. id votum esse in aliud opus commutandum. Sed nihilominus dicendum est nulla opus esse dispensatione, aut commutatione talis voti, vtpotè quod nullam obligationem inducit: sed non omnino extingueretur voti obligatio, sed suspensa maneret durante ea causa, qua cessante reuiuisceret.

8 Hinc votum abstinendi ab omni cibo igne condito in die Sabbathi in honorem Beatæ virginis, est validum, & obligatorium. Ratio est, quia est magna abstinentiæ virtus ab his omnibus cibis abstinere, solòsque arborum fructus edere.

Hinc votum agitandi tauros in honorem alicuius Sancti est irritabile. Ratio est, quia id ad eius cultum minimè spectat.

Hinc, votum nunquam ingrediendi mare, eo quod vouens in eo passus est tempestatem: vel non equitandi super mulam, eo quod ab ea cecidit, sed sic super equum, vel nunquam negotiandi, quia negotiando ei accidit aliquid ingratum, non est validum, nec obligatorium. Ratio est, quia huiusmodi res nullius mali sibi sunt occasio, nec ab eis abstinere ei seruit ad aliquod bonum.

Hinc, votum non loquendi cum 10 persona determinata, vel non ludendi determinato ludo, quando solum fit, quia colloquium, vel ludus vouenti sunt molesta, non est validum. Ratio est, quia id ad bonum finem relatum non pertinet ad honorem Dei; secus autem esset, si fieret, quia ex huiusmodi actibus vouenti datur occasio peccandi, vel dilapidandi pecuniam, quia tunc esset validum, & obligatorium. Quia tunc res illæ non essent indifferentes, sed bonæ, & gratæ Deo.

Hinc, qui vouet non ludere cum determinata persona, vel in tali loco, quia concipit personam esse fortunatam, & locum illum esse sibi infelicem, tali voto non tenetur. Quia hæc prorsus vana, & superstitiosa sunt.

Hinc, votum adeundi Romam causa solius Ciuitatis inuiscende, non est validum. Ratio est, quia hoc nihil ad 1 honorem Dei cedit. Secus si causa adorandi reliquias Sanctorum id faceret, quia tunc votum obligaret, vtpote quod de re religiosa est. Ita Nau. cap. 12. nu. 28.

Hinc non sunt audiendi D. Anton. 2. p. tit. 11. cap. 2. §. 4. Angel. verb. votum 1. nu. 5. & Syluest. verb. votum 1. q. 4 qui dicunt in his casibus tutius esse,

esse, talia vota non frangere sine dispensatione superioris. Quia cum huiusmodi vota ex defectu materiae legitime sint nulla, ac subinde nullam obligationem pariant, vouens nulla indiget dispensatione, aut commutatione ut illis contrahatur.

---

### QVÆSTIO L.

*An votum vestiendi se veste alba ob honorem Beatæ Virginis sit validum?*

**C**AJET. in sum. verb. votum cap. 2. negat valere, quia id nil ad eius honorem pertinere putat.

Alij verò ut Sotus lib. 7. q. 1. ar. 3. & Mor. lib. 1. cap. 14. q. 5. tenent valere, & merito quidem, quia hoc est opus virtutis, cum sit memoriale quoddam castitatis, & innocentie Beatæ Virginis.

---

### QVÆSTIO LI.

*An votum induendi se veste vilis, & aspera sit validum?*

**R**ESPONDEO valere. Ratio est, quia talis amictus ad humilitatem, & pœnitentiam incitat.

Hinc, votum vtendi vestibus honestis est validum, quia hoc ad honorem Dei, & æternam salutem conducit.

Hinc, votum vtendi scapulari veste Beatæ Virginis, est validum, quia id in cultum, & honorem Beatæ Virginis cedit.

---

### QVÆSTIO LII.

*An votum nunquam ingrediendi salutem domum, nulla causa ad-*

*iecta honestante, obliget, si deinde contingat ibi habitare mulierem, quæ præbet occasionem peccandi?*

**N**AVAR. cap. 12. num. ultimo 1  
putat obligare.

Mihi vero longè probabilius videtur contrarium. Et ratio est, quia cum 2  
votum ab initio fuerit nullum, eo quod vouens nulla causa honestante adductus, occasio subsequens minime à vouente spectata non sufficit ad valorem voti iuxta Regulam 18. iuris: *Non firmatur tractu temporis; quod de iure à principio non subsistit.*

Hinc, qui vouit Deo se nunquam 3  
transituro per talem vicum, quia ibi datur occasio fornicandi, sublata tali occasione, potest illuc pertransire. Quia cessante illa occasione mali, opus ad suam redit indifferentiam, & idèd votum de eo emissum non ligat amplius. Si postea eadem occasio redeat, rursus eadem obligatio insurget, ut rectè docet Caietan. 2. 2. q. 88. art. 2.

---

### QVÆSTIO LIII.

*Quid si id votum fuerit ab initio ob aliquem bonum finem, & postea illa boni ratio mutetur in aliam, ut si voucas non ingredi talem domum ad vitandum periculum incontinentiæ, postea sublata ista occasione, succedit periculum furti. An in hoc casu possit vouens illuc ingredi?*

**N**ONNULI negant. Quia periculum peccati manet, & abstinere à tali domo est semper Deo gratum, & acceptum.

Ego tamen credo proculdubio  
E con

contrariam opinionem esse veriore. Quia id votum fuit solum emissum ad evitandum periculum incontinentiæ, ergo eo cessante, cessabit obligatio voti. Secus si votum fieret in genere ob periculum peccati, eo quod ibi personæ parum timentes Deum inhabitare soleant; tunc enim votum obligabit, cum quævis persona talis conditionis eam occasionem præbeat.

### QVÆSTIO LIV.

*An votum non peccandi v. g. cum Berta, relicta facultate peccandi cum aliâ sit validum?*

**M**VLTI Doctores putant, valere. Quia etsi non peccare cum Berta sit bonum, at non peccare potius cum illa, quam cum alia, nil ad Dei cultum confert.

Tum quia tale votum non fit Deo, in gratiam ipsius, sed in odium illius mulieris, eo quod sit deformis, &c.

Tum demum, quia eadem est ratio de voto non ludendi, vel non loquendi cum aliquo, quod diximus esse irritum, & nullum.

Sed tenendum est, tanquam multò probabilius, id votum esse validum, & obligatorium, si is finis siue moralis, siue venialis non sit finis rei promissæ, sed solius voti, etsi nullo alio fine honesto abstinencia ab illo concubitu vestiatur. Nec est simile de ludo, & colloquio cum aliquo, quia id ex se, nec habet rationem boni, nec mali: ac proinde sine extrinseco honestante indiget. At abstinencia à quacunque re illicita, est

de se honesta, ergo est legitima materia voti.

### QVÆSTIO LV.

*An in dubio, an res de qua fit votum, sit indifferens an non, obliget votum?*

**I**N qua re duæ extant Doctorum opinioniones. Prima sustinet tale votum non obligare: quia ad voti valorem requiritur ut materia promissæ sit suo contrario melior: at quando dubitatur, an res sit indifferens, non est suo contrario melior, ergo votum de ea re emissum non tenet. Ira videtur sentire Sor. lib. 7. q. 1. art. 3. dum ait, timorati animi esse, tunc dispensationem procurare, & ira videtur tenere, id tantum esse de consilio.

Secunda vero opinio, quam sequor, tenet tale votum obligare. Ratio est, quia quando de voti verbis constat, & dubia est excusatio, stat possessio pro voti valore, & ut votum valeat, præsumitur in eo dubio materiam esse bonam, & sic suo contrario meliorem. Quando verò sunt opinioniones, an materia sit indifferens, ac proinde an obliget votum, fas est quæcumque amplecti etiam minus probabilem: nam sequendo opinionem probabilem, periculum peccati evitatur.

### QVÆSTIO LVI.

*An semper peccet, qui rem indifferentem vouet?*

**R**ESPONDEO semper peccare, nisi inadvertentia, vel ignorantia excuseret. Et ratio est, quia vouet materiam indebitam.

Tum quia facit contra reuerentiam Deo debitam, nam offert ei aliquid, quod ei placere non potest, quod

quod est illi quodammodo illudere.  
Et in hoc omnes conueniunt.

## QVÆSTIO LVII.

*Sed dubium est, An peccet  
mortaliter?*

**Q**UIDAM existimant eum pec-  
care mortaliter.

Mihi sanè non placet hæc senten-  
tia, sed opposita, quæ docet hunc non  
peccare, nisi venialiter. Et ratio est,  
quia etsi res indifferens non sit apta  
materia voti, iniuriôsa tamen, & con-  
tumeliosâ Deo non est; nec illam vo-  
uens, significat aliquid de Deo repu-  
gnans ipsius bonitati, sicut vouens  
aliquod peccatum, ut censeri debeat  
tanquam blasphemus peccare morta-  
liter. Nam Deus potest esse author  
actus indifferentis, & velle illum; so-  
lum ergo deficit, quia promittit rem  
inutilem, vel quia in promittendo  
omittit bonum finem, quem debuif-  
set adhibere, ut promissio esset vali-  
da: hic autem defectus levis est, ex le-  
uitate materiæ.

## QVÆSTIO LVIII.

*An votum non ludendi sit vali-  
dum, & obligatorium?*

**I**N qua re conuenit inter omnes, vo-  
tum non ludendi ludo, in quo pec-  
catur mortaliter, vel solum venialiter,  
esse validum & obligatorium, quia  
per se, & simpliciter est de meliori  
bono.

Sed tota difficultas versatur de lu-  
do honesto, qui exercetur ratione ali-  
cuius iustæ delectationis, recreandi  
animi gratia.

Roder. p. 1. cap. 189. nu. 10. negat  
valere, quia est contra bonos mores,  
cum ludus honestus sit actus virtutis

Eutrapeliz, & dicit hanc opinionem  
esse D. Tho. 2. 2. q. 168. ar. 2. & Nau.  
c. 20. nu. 2.

At ego verius existimo, omnique<sup>2</sup>  
remoto dubio opinor id votum esse  
validum, & obligatorium: ducor, quia  
licet ludus honestus sit actus virtutis,  
ac proinde meritorius, at continet  
accessum ad creaturam, mentisque  
euagationem: quam ob rem garius  
Deo est, carnem domare, à recreatio-  
ne hac honesta abstinendo. Sicut va-  
let votum de abstinendo à matrimo-  
nio, quod tamen res bona, & Sacra-  
mentum est, quia ut rectè prospexit  
Palud. 4. dist. 38. q. 1. nu. 22. priuatio  
boni, qualis est hæc, quæ includit bo-  
num maius, non est mala, sed melior,  
& ideo est legitima voti materia.

Possent tamen opinio Roderici de-  
fendi in casu, quo à tali ludo abstinere,  
esset contra propriam salutem, vel  
contra necessariam vrbanitatem; tunc  
enim poterit esse, vel in præcepto, vel  
in consilio, & sic non erit legitima vo-  
ti materia.

## QVÆSTIO LIX.

*An votum non ludendi, nisi tali  
ludo sit validum?*

**R**ESPONDEO valere. Ratio est, r  
quia in honorem Dei cedit tot  
ludis se priuare, ac conducit multum,  
ne vouens nimium ludis vacet. fortas-  
sis enim non inueniet volentē eo ludo  
ludare, & is sæpe molestia afficiet, co-  
gētque vouentem à ludo cessare.

## QVÆSTIO LX.

*An votum non ludendi ob solum fi-  
nem non amittendi bona tem-  
poralia, sit validum?*

**R**ESPONDEO esse validum. Ratio  
est, quia non prodigere per lu-  
dum.

dum bona temporalia, est actus virtutis, melior suo opposito, ergo votum de eo emissum est validum.

### QVÆSTIO LXI.

*An qui vouit non ludere, possit tradere alij nummos, ut nomine ipsius ludat?*

- 1 **R**ESPONDEO posse. Ratio est, quia propriè hoc non est ludere.

### QVÆSTIO LXII.

*An qui vouit non ludere, possit ludere nomine alieno?*

- 1 **R**ESPONDEO si animus vouentis in hoc casu fuit, ne iacturam temporis faceret, tenetur ex vi illius voti non ludere per semetipsum, etiam si alieno nomine ludat. Quia hic dicitur verè ludere, eandemque iacturam temporis facit. Si finis fuit vitare iacturam pecuniæ, potest ludere nomine alieno, quia cum tunc nullam propriè pecuniæ iacturam faciat, mens & voluntas vouentis non fertur ad hunc casum. Si animus vouentis fuit vitare peccata blasphemix, vel iræ, potest ludere nomine alieno, quia hæc vitia ex dolore concepto ob propriæ pecuniæ iacturam oriuntur. Si autem eius intentio fuit recreatione ludicæ priuare, ne aliis malum exemplum præberet, nec nomine proprio, nec alieno potest ludere, quia eadem est recreatio, & idem malum exemplum. Et in casu dubij, an animus vouentis ad vtrumque se extenderit, diiudicandum est, posse hunc nomine alieno ludere. Quia ut diximus votum est semper restringendum ut minus obliget.

Tum quia mala, quæ ex ludo oriri solent, & quæ vouentes non ludere intendunt regulariter vitare, non oriuntur quoties quis nomine alieno ludit.

### QVÆSTIO LXIII.

*An votum ob bona temporalia assumenda sit inualidum?*

1 **I**NNOCEN. cap. scripturæ num. 1. de voto censet id votum esse simoniacum, ac proinde non valere.

Communis tamen Theologorum, quam Canonistarum sententia habet id votum esse validum. Quia hoc non est temporalia spiritali voto emere, aut cum illo commutare, sed rem aliquam voto promissam Deo offerre, si ille temporalia concedat, quod est licitum, ut constat, quia eo ipso Deum autorem illorum bonorum esse faretur, ac proinde res illa voto promissa conducit ad Dei honorem, & erit legitima voti materia. Et in hoc omnes conveniunt.

Totum ergo huius controuersix dissidium consistit, quando votum sit de rebus temporalibus obtinendis, quæ ex se indifferentes sunt, nec vouens eas dirigit ad alium, altiore finem, sed in illis sistit, an tale votum sit validum?

1 **A**ngel. verb. votum 1. nu. 4. Syluest. ibidem 1. q. 4. Palud. in 4. dist. 38. disp. 1. & Rich. in 4. dist. 38. q. 2. ar. 1. tenent valere, quia existimant votum rei bonæ non viciari propter finem indifferentem.

2 **A**t ego distinguendum existimo. Si res illa indifferens sit finis materiæ per votum promissæ, eo quod hæc materia solum dirigatur ad finem illum obtinendum, votum est irritum, & nullum. Et ratio est, quia cum res morales specificentur ex fine, talis est



est res, qualis est eius finis: vnde sicut si finis illius rei promissæ esset malus, ipsa quoque mala esset: ita si finis sit indifferens; ipsa quoque indifferens erit. At votum de re indifferenti, quatenus indifferens est, nullam obligationem parit. Vnde si voueas ieiunium, & illud dirigis vt sumptibus parcas, tale votum non est validum, quia est de re indifferenti. Si autem sit finis rei promissæ, dirigendo illam ad agendum Deo gratias pro illa re indifferenti obtenta, aut sit finis solius voti, ordinando illud, vt eam rem indifferenter assequatur, aut pro prædicta gratiarum actione, votum erit validum; vt si voueas ieiunium, non illud dirigat ad prædictum finem assequendum, sed pro gratiarum actione pro eo fine indifferente obtento, tenet votum. Tandem si omnibus hinc inde pensatis, res manet in æquilibrio, & æquè dubia, an res sit indifferens; vel si constet esse indifferenter, dubitatur tamen, an talis res indifferens sit finis rei promissæ, ita vt votum irritet, an potius sit finis ipsius voti, ita vt non reddat illud nullum, iudicandū est in fauorem valoris voti, vt diximus de dubio, an res sit indifferens, quod multò magis in hoc casu locum habet, cum constet materiam voti esse bonam, & legitimam.

#### QVÆSTIO LXIV.

*An qui vovit dare certam pecuniam pauperi ita vt velit per nullam aliam satisfacere voto, tali voto teneatur?*

**A**BYLEN. cap. 30. Nau. q. 54. affirmat hunc teneri ad dandam eam, vel æquivalentem.

Contrarium tamen est proculdu-

bio affirmandum. Et ratio est, quia hic eleemosynam absolutam non vovuit, sed supersticiosam, ergo tali voto non tenetur. Quod est intelligendum cum hac limitatione, nisi vouens speciali illius pecuniæ amore afficeretur, vt quia est aurea, &c. Et vt illa inordinata affectione in honorem alicuius Sancti se priuaret, voueret se illammet pecuniam pauperibus erogare.

#### QVÆSTIO LXV.

*An votum de rebus negatiue oppositis consiliis Euangelicis, vt non ingrediendi religionem, non dandi eleemosynam, non ieiunandi nisi in diebus ab Ecclesia præceptis sit validum?*

**H**O S T. in summa tit. de voto num. 3. ait votum esse temerarium, esse tamen validum, & obligatorium. Probatur, quia quod licitum est facere, licitum est vouere: sed licitum est, non sequi consilia Christi, puta non ingredi religionem, non mutare, non fide iubere, &c. ergo etiam licitum erit idem vouere. Communis tamen, & vera sententia docet, huiusmodi votum esse regulariter irritum, & nullum. Ratio est, quia votum cum sit promissio facta Deo, necessario debet esse de re grata illi, ea verò quæ sunt contra cōsilia, non sunt grata Deo, ergo vorū de illis emissum nō est validum, nec obligatoriū. Vnde etsi integrum sit cuius ea perfectionis cōsilia non amplecti, puta non ingredi religionem, non dare eleemosynam, &c. at non est integrum, si voto ad ea non obseruanda obligare, id enim Deus non acceptat. Quare nulla opus est commutatione, aut dispensatione ad contraveniendum huic voto, quia defectu materiæ est penitus irritum, & nullum.

- 3 Hinc votum non mutuandi, aut non fideiubendi non valet. Quia mutuare & fideiubere est consilij Evangelici, atque religionis actus.

Dixi notanter (*regulariter*) quia potest dari casus efficiens ut opus, quod ex se est consilij, tale non sit, & tunc valeret votum abstinendi ab eo, ut si in aliquo Monasterio obseruantia essentialis Regulæ non vigret, validum esset votum non ingrediendi illud, quia in hoc casu, melius est non ingredi, quam ingredi.

- 4 Hinc, si quis ita esset levis, & inconstans, viriisque carnis proclivis, ut viri prudentis iudicio, illi salubrius esset, non promoueri sacris ordinibus, validum esset votum non ascendendi ad illos durante ea ineptitudine.

Hinc, si quis gratia ingentis parentum necessitatis subleuandæ, teneretur manere in sæculo, validè voueret, se non ingressurum religionem, quamdiu in eis talis necessitas duraret.

- Hinc, si irregularis voueret se ad sacros ordines non ascensurum, tali voto teneretur, durante ea irregularitate. Ratio horum omnium est, quia in his casibus votum non est contra consilia, immo saluberrimum consilium est, seruare materiam illam voto promissam.

Hinc, votum religionis aut castitatis, aut non contrahendi matrimonium non tenet in eo qui cognoscit se fragilem, ac frequenter carnis temptationibus succumbentem experitur. Ratio est, quia attempta illius peculiaris fragilitate, salubrius est nubere, quam in statu cœlibatus permanere, ut rectè docet Valët. 2. 2. d. 6. q. 6. p. 2.

- Hinc, si quis voueat se non mutuaturum, vel non fideiussurum indiscriminatum pro omnibus, tale votum & licitum & validum est. Quia etsi mutuare absolute sit consilium, & simili-

liter fideiubere, tamen omnibus indiscriminatum mutuare, aut pro omnibus fideiubere, non est consilium, cum aliquando expediat non mutuare, vel non fideiubere.

## QVÆSTIO LXVI.

*An qui vouit se nunquam suscepturum ordines, tale votum sit validum & obligatorium?*

**H**OST in Sum. lib. 3. tit. de voto §. quod sunt. affirmat valere.

Mihi sanè non placet hæc sententia, sed opposita, quæ docet id votum esse inualidum. Et ratio est, quia votum suscipiendi statum clericalem est validum, ut Theologi communiter, ac iuris vtriusque Doctores fatentur, ergo est de meliori bono; ergo votum non suscipiendi ordines non potest esse de meliori bono, ac proinde erit nullum.

Deinde status clericalis est res sacra, & susceptio illius est actio diuini cultus, & de se non impedit maius bonum, ergo tale votum non est validum.

Tandem susceptio ordinum de facto includit votum castitatis, si ordo sit sacer, vel est via ad illud, si ordo sit minor, ergo tale votum ex se impedit maius bonum, scilicet votum castitatis, ergo est nullum.

## QVÆSTIO LXVII.

*An qui vouit se nunquam futurum Episcopum, vel Prælatum, tali voto teneatur?*

**S**YLVES. verb. iuramentum q. 1. affirmat non teneri. Quia status Episcopi est status perfectionis, ergo

ergo votum non assumendi statum illum, est impeditivum maioris boni.

- 2 Alij verò Doctores non minoris nominis docent eum ad id votum teneri.

Sed ut utrâque sententiam conciliem, sic distinguendum existimo: si hic vouit simpliciter se nunquam futurum Episcopum, tale votum non tenet. Quia potest occurrere casus, in quo sit melius, ut ille Episcopatum suscipiat, & votum non est impeditivum maioris boni. Si autem tale  
4 votum emisit ex consideratione periculi, imbecillitatis, & inhabilitatis suæ, sic votum est sanctum, & validum, quia de se est valde vtile ad spirituale profectum, occludit enim viam ambitioni, & refrænât affectum honoris, & dignitatis, & aliunde non impedit maius bonum. Quia licet status Episcopi dicatur perfectionis, quia supponit perfectionem in eo, qui ad talem gradum ascendit, non est tamen de se adeo aptus ad acquirendam propriam perfectionem, quin potius de se est multis periculis expositus.

- Huic fauet mirabiliter quod habetur in Const. Greg. XIII. quæ incipit, *Ascendente Domino*. Vbi professores deuotæ Societatis IESV ad omnem ambitionis occasionem excludendam, votum simplex emittunt de non procurando directè, vel indirectè aliquam Prælationem, vel dignitatem intra, vel extra Societatem, nec de præbendo assensu, quantum in eis fuerit, ut extra Societatem, ad aliquam dignitatem, aut Prælationem elegantur, nisi  
4 coacti obedientia eius qui id ipsis possit sub reatu peccati iubere.

\* \*

## QVÆSTIO LXVIII.

*An votum non querendi indulgentiam sit validum?*

RESPONDEO non valere. Ratio est, quia velle, quam citius esse cum Christo maioris amoris indicium est, quam paratum esse multo tempore pœnas purgatorij perferre.

## QVÆSTIO LXIX.

*An votum de non ingrediendo strictiorem Religionem sit validum?*

RESPONDEO non valere. Ratio est, quia id votum melius, & maius impedit bonum.

## QVÆSTIO LXX.

*An votum de ingrediendo laxiorem Religionem sit validum?*

RESPONDEO valere. Ratio est, quia Religio etiam laxior bonum est præstantius, Deoque gratius quam secularis vita.

Dices: talis ingressus est impeditivus ingressus perfectionis religionis: ergo.

Respondedo negando antecedens, nam religionem laxiorem ingressus, potest, si vult, ad religionem ætiorum, & perfectiorem ascendere.

## QVÆSTIO LXXI.

*An votum de seruiendo in perpetuum alicui hospitali, sit validum?*

VIDAM existimant id votum esse irritum. Quia aliud maius bonum

bonum impedit, nimirum ingressum religionis.

Sed oppositum est pro certo tenendum. Quia materia huius voti ad consilium evangelicum pertinet; estque multò melior quàm suum contrarium: nam melius est, seruire perpetuò hospitali, quàm non seruire.

Tum quia per hoc votum, via ad altiorem statum non præcluditur: nam relicto illo hospitalis seruitio, potest ad religionem transire.

## QVÆSTIO LXXII.

*Sed quid, si in tali voto præcluderetur via ad altiorem statum, ut si voueas te in seruum venditurum, ut pretio captiuos redimas?*

**R**ESPONDEO adhuc tale votum tenere. Ratio est, quia materia huius voti est actus charitatis, estque multò melior, quàm suum oppositum.

Tum quia, diuersa est ratio de voto status coniugalis assumendi, quia non solum non tenet, quia viam ad perfectiorem gradum præcludit; sed etiam quia ita præcludit, ut constituar vouetem in statu imperfectiori, quàm est ille, quem tunc vouens habebat, nimirum descensum à celibatu, ad statum coniugij.

Ex quo colligitur, quod ut aliquid sit legitima materia voti, non requiritur, ut sit simpliciter optimum, & bonum melius; sed satis est, quod sit bonum conducens, & iuuans ad salutem æternam, & non excludens simpliciter bonum magis Deo acceptum. Nam si quis certam peregrinationem voueat, tale votum tenet, licet alia res gratior sit Deo, & peregrina-

tio hæc incompatibilis sit cum præsentis religionis ingressu.

## QVÆSTIO LXXIII.

*An votum de non ingrediendo aliam religionem nisi hanc sancti Dominici sit ratum?*

**N**O TANDUM, hunc vouendi modum, nullam in conscientia obligationem inducere; sed liberum vouenti manet ingredi, & solum adstringit ad ingrediendum hanc, sub conditione, nempe si religionem ingredi velit. Quo posito.

Nonnulli existimant tale votum esse irritum, quia est impeditum maioris boni.

Cæterum, oppositum est verius, atque tenendum, quia materia illa promissa conditionalis melior est, quàm suum contrarium; nam melius est huic, ligatum esse obligatione condicionali huius religionis, quàm omni prorsus obligatione esse liberum.

## QVÆSTIO LXXIV.

*An votum de contrahendo matrimonium sit validum, & obligatorium?*

**I**N qua re conuenit in primis inter omnes, votum de contrahendo matrimonium ex genere suo esse irritum. Ratio est, quia votum cum sit promissio facta Deo, debet esse de rebus gratis illi; atqui non est gratum Deo, quòd homo voueat se nunquam sequuturum consilia Evangelica, ergo nec quòd voueat contrahere matrimonium, quod natura sua impedit caliba

cælibatum, ac statum religiosum.

Et confirmatur nam status coniugarum respectu status continentium est descensiuus; cum ergo non debeat homo disponere descensiones, sed ascensiones in vita spirituali iuxta illud Plal. 83. *Beatus vir cuius est auxilium abs te, ascensiones in corde suo disposuit*, fit, vt non sit Deo acceptum emittere tale votum de contrahendo matrimonium, quia est descendere à cælibatu ad matrimonium, & votum debet esse de meliori bono.

Obiicies, matrimonium est sacramentum à Christo institutum; ergo est res bona, & Deo accepta; ac proinde de eo potest fieri votum.

Respondeo, licet matrimonium sit res bona, quia tamen eius oppositum est melius iuxta illud Pauli 1. ad Cor.

7. *Qui matrimonio iungit virginem suam bene facit, & qui non iungit melius facit*, ideo votum de eo emissum non tenet.

Dices, iuramentum de contrahendo matrimonium valet; ergo & votum de eo emissum tenet. Valet consequentia, quia votum non magis obligat, quam iuramentum. Respondeo voti, & iuramenti disparem esse in hac re rationem: quia enim votum fit Soli Deo, cui magis placet cælibatus, quam matrimonium, fit, vt qui matrimonium vouit, non maneat voto adstrictus: at vero iuramentum quia fit homini, cui magis placet matrimonium, quam cælibatus, fit, vt qui tale fecit iuramentum, teneatur illud adimplere, ne faciat iniuriam illi, cui facta est promissio. Quamuis Sorus lib. 7. q. 1. ar. 3. teneat, quod non obstante iuramento, liceat religionem ingredi, quia tale iuramentum intelligitur factum, nisi voluerit ad meliorem frugem transire.

Sed totum huius controuersie dissidium consistit de eo qui cognoscit

se labilem, & difficile se potest continere, & nisi nubat casurum in multa peccata, & ex altera parte nullam in seipso procliuiratem, & inclinationem videt ad religionem: An si talis votum nuptiarum emisit ob vitandam fornicationem, illud sit validum, & obligatorium?

Sot. lib. 7. q. 1. ar. 3. Arag. 2. 2. q. 88. ar. 2. & plerique alij negant id votum valere. Quia semper tale votum manet impeditiuum maioris boni.

At communissima, atque multo superior sententia habet, tale votum esse validum, & obligatorium. Ratio est, quia votum debet fieri de meliori bono, & huic *melius est nubere, quam vri* vt Apost. 1. Cor. 7. docuit, ergo est validum, & obligatorium.

Et confirmatur: matrimonium vt remedium libidinis, & ad peccata, & peccatorum pericula vitanda, est à Christo institutum: at vniciuique fas est, vouere id, quod est remedium ad peccata vitanda: ergo. Vnde D. Hieron. in Apologia contra Iouinianum, *Si autem, inquit, se continere non possunt, & ardorem libidinis, non tam continentia volunt, quam fornicatione restringere, melius est nubere, quam vri, id est, melius est maritum ducere, quam fornicari*. Et ideo ita sentiunt Caiet. 2. 2. q. 88. ar. 2. Nau. cap. 1. 2. nu. 43. Lop. 1. p. inst. conf. cap. 44. Sanch. lib. 1. de Spons. disp. 4. nu. 7.

Dices, qui habet tale votum, potest sine dispensatione religionem ingredi; ergo illud votum erat nullum.

Respondeo negando consequentiam. Ratio negationis est, quia ratio cur hic non obitante tali voto, possit absque dispensatione ad religionem transire, non est quia votum de matrimonio fuerit nullum, sed quia posito, quod hic mutato proposito, velit religiosus fieri, talis materia desinit esse apta materia voti, cum incipiat

F. esse

esse impedimentum maioris boni, timorū ingressus religionis.

### QVÆSTIO LXXV.

*An votum nubendi, firmissimo animo ingrediendi, & profitendi religionem ante matrimonij consummationem, sit validum & obligatorium?*

**N**ONnulli putant id votum valere: Quia est de re bona, vt de Sacramento, cuiusque gratia recipienda.

Tum quia non præcludit viam ad maius bonum, cum ante matrimonij consummationem, possit vouens religionem ingredi, idque in animo habet, ergo.

At Palud. in 4. dist. 38. q. 1. nu. 22. Sot. lib. 7. q. 1. ar. 3. & Sayr. in clau. reg. lib. 6. c. 1. nu. 3. docent non valere.

**Et ratio est,** quia ducere vxorem eo animo est regulariter illicitum, vt inferius amplius dicemus.

Tum quia est votum de re inutili, & contra matrimonij naturam, quod propter copulam, & consummationem illius institutum est.

Tum quia quamuis matrimonium sit sanctum, ac gratiam conferat, votum illius non est Deo acceptum, eo quod eius oppositum est melius.

### QVÆSTIO LXXVI.

*An qui vouit se meretricem ducturum, vt eam libret à malo statu; vel virginem pauperem, cuius virginitas periclitatur, vt ei subueniat, tali voto teneatur?*

**R**ESPONDEO teneri. Ratio est, quia supposito quod vouens non

lit religionem ingredi, vel vitam cælibem seruare, melius est hanc mulierem ducere, quam aliā. Si tamen eam voluntatē reassumat, definit obligatio voti; quia absolute melius est pullam ducere. Ita Henric. lib. 1. de matr. c. 6. nu. 5. Philiar. de off. Sacerd. to. 1. p. 2. lib. 3. c. 17. nu. 3. & Sanch. lib. 1. de matr. disp. nu.

### QVÆSTIO LXXVII.

*An quando matrimonium est sub præcepto, possit esse apta materia voti?*

**R**ESPONDEO posse. Ratio est, quia in hoc casu, melius est ad Dei honorem ducere vxorem, quam non ducere: vt si ex eo matrimonio speraretur maxima totius Reipublicæ utilitas, vt pax inter Principes Christianos, bellorumque sedatio, vel copiosa ad fidem conuersio.

### QVÆSTIO LXXVIII.

*An qui vouit non contrahere matrimonium, & postea contraxit, possit licite debitum reddere, & petere?*

**I**LLUSTRISSIMVS Caiet. 2. 2. q. 88. ar. 3. negat: quia putat votum non nubendi æquipollere voto castitatis. Alij vero rectius posse affirmant. Ratio est, quia votum non nubendi non est votum castitatis.

Hinc, si qui tale votum fecit, cum muliere commisceatur, non committit duplex peccatum, vnum fornicationis, & alterum sacrilegij, vt Caiet. falsò opinatur, sed vnum tantum simplicis fornicationis peccatum: cum tale

le votum non æquetur voto castitatis. Unde tale votum non est reseruaturn Papæ, sed Episcopus potest in eo dispensare.

*rum nisi in scriptis, tale votum sit validum, & obligatorium?*

### QVÆSTIO LXXIX.

*An qui vouit ob finem, qui est cōtra consilia Euangelica, tali voto teneatur? Vt si voueat ieiunare ad finem, vt Deus concedat matrimonium.*

**R**ESPONDEO teneri. Ratio est, quia cū status coniugalī sit bonus, & à Deo institutus, ordineturque ex se ipso ad bonum finem, nimirum ad prolem procreandam, aut concupiscentiam reprimendam, nullus malus, aut indifferens finis adicitur, qui ineptam bonam voti materiam efficiat; ergo tale votum est validum, & obligatorium. nec id includit descensum ad imperfectiorem statum, quia votum non est de contrahendo matrimonium, sed de opere supererogationis ordinato ad eum finem, à Deo obtinendum.

### QVÆSTIO LXXX.

*An votum non vouendi sit validum?*

**R**ESPONDEO non esse validum. Ratio est, quia id votum cum Dei consilio pugnat; nam vouere sub consilio est, sicut vota seruare sub præcepto iuxta illud Psal. 75. *Vouete, & reddite Domino Deo vestro.*

### QVÆSTIO LXXXI.

*An qui vouet se amplius non votu-*

**R**ESPONDEO esse validum. Ratio est, quia hic non vouet absolute, se in posterum non voturum, sed non facturum votum sine eius expressione in scriptis, quod diuini consilij est, ne deinceps temerè, & præcipitanter aliquid voueat.

### QVÆSTIO LXXXII.

*An qui vouet, se in posterum non voturum nisi in manu sui confessorij, tali voto teneatur?*

**R**ESPONDEO teneri. Ratio est, quia per tale votum non retrahitur quis ab opere consilij, sed sibi cauet, ne illud temerè faciat, quod ad prudentiam, & diuinum consilium spectat.

### QVÆSTIO LXXXIII.

*An si is qui tale votum emisit, postea huius voti memor, sine voti expressione in scriptis, vel sine consilio sui confessorij voueat, tale votum sit validum?*

**S**VNT qui censent id posterius votum non seruatis prædictis circumstantiis emissum, esse irritum, quando ob vehementes scrupulos salubrius est illi non vouere absque illis circumstantiis, quam vouere. Quia tunc votum est de minori bono.

Aliorum tamen omnium opinio est, id esse validum. Ratio est, quia est de materia licita, & capaci obligationis, vt supponitur, & licet homo male faciat, mutando intentionem; factum

- 2 factum nihilominus tenet, quia per prius votum non se reddidit inhabilem, nec se priuauit potestate se obligandi aliter, licet se obligarit ad id non faciendum.

Tum quia marrinionium contra votum castitatis contractum validum est, vt constat ex *cap. unico de voto in 6.* licet is qui ita contrahit, peccet mortaliter.

Tum quia qui vouet se daturum aliquid Deo, non statim illius rei dominium à se abdicat, ergo eius donatio tenebit, non obstante voto.

- 3 Tandem, qui vouit non acceptare donationem sibi factam, & postea acceptat, quamuis peccet mortaliter acceptando, factum tamen tenet, vt per se constat: ergo.

Nec obstat ratio in contrarium adducta; Quia, si aliquid valeret, probaret omne votum absque maturatione consultatione factum esse nullius valoris, quia cum hic vouens peccet, melius est illi non vouere, quam sic vouere. Quare vt votum sit validum sufficit, vt id quod vouetur, sit melius suo contrario, etsi ratione modi vouendi, melius sit non vouere, quam sic vouere.

- 4 Specialis autem difficultas est de eo, qui immemor prioris voti sic conditionati, posterius hoc emisit absque prædictis conditionibus.

Sayr. in *clan. reg. lib. 6. c. 3. num. 27.* censet id posterius votum non valere. Quia in tali casu non præsumitur habuisse intentionem vouendi contra votum prius emissum, ac proinde ex defectu intentionis necessarii ad vouendum, æstimandum est tale votum nullam obligationem inducere.

- At ego existimo, posterius votum emissum cum prioris obliuione tunc solum esse irritum, quando vouens in priori eam expressam intentionem habuit, nullo alio voto se obligandi

in posterum, nisi illis circumstantiis adhibitis, ita vt velit expressè, vt nullatenus valeat votum à se aliter factum. Dum enim ea voluntas non retractatur, explicando se velle vt votum valeat, non obstante quacunque priori intentione, posterius votum absque illis circumstantiis emissum non valebit. Quamuis enim votum iure naturali, & diuino vim habeat, at id est dependenter à vouentis voluntate. Sicut si legislator declararet mentem suam non esse obligare per legem, nisi tale verbum addiderit, lex postea generaliter edita absque illo verbo, non valebit. Ita Pet. de Ledesin. 2. 10. *sum. trac. 10. c. 2. dub. 5.*

## QVÆSTIO LXXXIV.

*An votum non petendi dispensationem, irrotationem, vel commutationem voti sit validum?*

**S**YLVEST. *verb. votum. 2. q. 14. pu-*  
tat valere, quia est de re grata Deo, & ex suo genere bona, nimirum velle rigidius suum votum adimplere.

Verum omnino dicendum est, id votum non valere. Et ratio est, quia votum generaliter emissum, quod in quibusdam casibus aptum est, & vtile, in aliis autem est ineptum, & inutile, non tenet: quia ratione probauimus votum de non mutando, & de non fideiubendo generaliter emissum non obligare, quamuis sint casus, in quibus non mutare, & non fideiubere sint consilij. Et eadem ratione ostendimus votum de nunquam peccando, esse irritum etiam ad vitanda peccata possibilia.

QVÆST.



## QVÆSTIO LXXXV.

*An votum non petendi dispensationem, commutationem, aut irrationem absque iusta causa sit validum?*

**R**ESPONDEO valere. Ratio est, quia in omni euentu melius Dei obsequium est, velle quempiam ita se voto adstringere, vt ea obligatione liberari absque legitima causa nequeat. Si autem absque iusta causa petatur, ea voti irritatio teneret, quamuis petens peccaret, quia vouens nequit potestatem irritandi superiori competentem coarctare. Nec peccaret superior irritando, vt pote qui iure suo vitur, nec inferior postea vtendo illa. Quia votum fuit tantum de non petendo irrationem, quod sola petitione violatur; vsus autem cum illo voto non pugnat.

## QVÆSTIO LXXXVI.

*An qui vouit se non petiturum dispensationem, vel irrationem, possit petere puram commutationem?*

**R**ESPONDEO posse, quando non constar de contraria vouentis intentione. Ratio est, quia cum longè minor sit commutatio, vt pote quæ voti obligationem non tollat, sed in aliam materiam transferat; non censetur prohibita interdictis, dispensatione, & irratione: quæ maiora sunt, & voti obligationem ex toto dissolunt. Contra tamen si vouit se non petiturum commutationem, non potest petere dispensationem, vel irrationem. Quia qui sibi interdicit com-

mutationem, quæ voti obligationem non dirimit, sed in aliam materiam transfert, à fortiori irrationem, & dispensationem, quæ voti vincula tollunt, videtur sibi interdixere. Si vcrò vouit se non petiturum irrationem, non est ei integrum petere dispensationem, nec è contra. Quia mens, & intentio vouentis est, obligare se ad conseruandum illud votum, & se eo non liberandum: at nihil refert, siue dispensatione, siue irratione liberetur, cum vtroque modo voti vinculum omnino dissoluatur.

## QVÆSTIO LXXXVII.

*An votum non petendi dispensationem, vel commutationem ab alio, quàm à Romano Pontifice, sit validum, & obligatorium?*

**R**ESPONDEO esse validum. Ratio est, quia velle vouentem ita se ad aliquod diuinum obsequium adstringere, vt ea obligatione liberari nisi à Romano Pontifice nequeat, nil mali continet, immo cõsiliū Euangelicum est. Quod si in tali casu ab inferiori dispensatio petatur, ea voti dispensatio tenet, etsi peccet obtinendo, quia illi non est ablata dispensandi facultas. Et ideo ea obtemperata non teneretur hic ad Romanum Pontificem adire, quia votum fuit tantum de non petendo dispensationem ab alio quàm à Romano Pontifice, quod per solā petitionē violatur.

## QVÆSTIO LXXXVIII.

*An peccet, qui contra consilia vouet?*

**R**ESPONDEO peccare. Ratio est, quia rem, quæ Deo displicet, F 3 polli

pollicetur. Et in hoc omnes Doctores conueniunt.

Controuersia igitur tota est, an peccet mortaliter?

1. Sotus *lib. 7. q. 1. art. 3.* putat solum peccare venialiter propter paruitatem materie.

Alij vero contra affirmant, eum peccare mortaliter. Pro quo.

- Primò dico, quod si vouens non mutare, vel non dare elemosynam: ita vouet, vt velit se obligare, etiam quando hæc obligant sub mortali, 2. peccat mortaliter. Ratio est, quia dare elemosynam, vel mutare sæpè, sæpiùs est in præcepto. s. in articulo extremæ necessitatis, & qui tali animo vouet, peccat mortaliter; non solum quia habet propositum non seruandi præceptum, sed etiam quia per tale vorum contumeliam Deo irrogat, dum ei consecrat rem, quam ille maximè abhorret.

- Secundò dico, quod sciens opposita consilii displicere Deo, ea vouet eo animo, vt ei sic consulenti displiceant, peccat mortaliter. Ratio est, quia talis intentio continet directè odium, vel formalem contemptum 3. Dei, ac subinde magnam inordinationem voluntatis erga ipsum, vt rectè docet Caiet. 2. 2. q. 88. ar. 2.

- Quod dictum limitat Nauar. *cap. 12. nu. 35.* quando intentio vouentis esset ita per tale votum displicere Deo quemadmodum displicet peccans mortaliter. Secus si animus esset in tantum displicendi, in quantum displicet peccans venialiter.

Sed hæc limitatio displicet, quia quamuis peccatum veniale sit, materialiter eligere, quod Deo venialiter displicet, at id eligere animo sic displicendi Deo, est mortalissimum, ac charitati Dei directè oppositum.

Tertiò dico, quod si is qui contra

consilia vouet, satis quidem aduertit, quid facit, se nimirum tribuere Deo, quod ei minime conuenit (quale est eiusmodi votorum vincula acceptare) & nihilominus sciens, & prudens vult se illis adstringere, græue blasphemie peccatum committit, vt putà quia tribuit Deo, quod est ab eo alienum.

Quartò dico, quod qui de industria, & veluti in despectum religionis, talia vota emittit, vt quasi velit vt Deus ea acceptet in contemptum consiliorum, peccat mortaliter. Ratio est, quia hoc est deludere Deum.

Quintò, & vltimò dico, quod regulariter loquendo, qui vouet non mutare, vel non fideiubere extra necessitatis articulum non peccat nisi venialiter. Ratio est, quia regulariter hoc fit non ex contemptu Dei, & vt rem ingratam ei offerat, sed solum vt se in illo proposito confirmet. Et idem dicendum est, si quis huiusmodi propositum iuramento confirmet. Immo tanta potest esse apud nonnullos ignorantia, vt nullum peccatum committerent. Ita Caiet. 2. 2. *quest. 88. art. 2.* Nauar. *cap. 12. num. 29.* Sot. *lib. 7. quest. 1. art. 3.* & Suar. *tom. 2. de relig. lib. 5. tract. 6. cap. 2.*

## QVÆSTIO LXXXIX.

*An votum de rebus positis sub præcepto, vt de non furando, de non occidendo, &c. sit validum, & obligatorium?*

TABIEN. *verb. votum 1. nu. 2. Supplem. Gabr. in 4. dist. 38. q. 1. art. 3.* Et multi alij negant.

Ex quo inferunt, cum, qui vouet rem debitam ex præcepto, & contrarium facit, non plus peccare, quam

quàm si votum non fecisset.

Hoc idem videtur sentire D. Tho. in 4. d. 38. q. 1. art. 2. *quasiuncula* 1. ad 3. vbi ait fractionem voti de rebus ad salutem necessariis, non inducere nouum peccatum.

Communis tamen, & vera opinio docet tale votum esse validum, & obligatorium. Probatur primò ex praxi, & consuetudine eorum qui in Ecclesia religionem vouent, aut sacros ordines suscipiunt. Tales enim nouo vinculo voti obligantur abstinere à fornicatione, & adulterio, quæ tamen lege diuina & naturali prohibentur.

Secundò, Res quæ sunt sub præcepto, sunt Deo gratissimæ, & vltèrius sunt absolutè & simpliciter liberæ quantum ad executionem, & solum secundum quid necessariæ, nempe necessitate præcepti, ergo de illis potest fieri votum. Vnde Gen. 28. Iacob votum vouit Domino, se illum solum culturû pro Deo, si cum præseruaret à malo, ad quod tamen antea ex lege naturali, & diuina obligabatur.

Tertiò, iuramento possumus nos obligare ad præstidum ea, ad quæ tenemur, vt si iures te daturum centum in elemosynam pauperi in extremis constituto vt habetur 1. Esdra 10. vbi legimus populum iurasse seruare legem Domini, & Dauid Psal. 118. dicit, *Iuravi, & statui custodire iudicia iustitiæ tuæ.*

Et est conclusio expressè definita in Cap. si quis Episcopus 27. q. 1. vbi sacrilegæ appellantur mulieres, quæ post votum emissum, fornicationem committunt. Ex quo sequitur eas duplex peccatum commississe, vnum incontinentiæ, contra ius naturale, & diuinum: alterum sacrilegij, contra virtutem religionis, vt rectè docet Nau. cap. 12. nu. 25.

Ad autoritatem D. Tho. respon-

deo. Verum est, fractionem voti de re præcepta non inducere nouum peccatum, quia non est, nisi vnicius actus duplicem malitiam habens, quarum quælibet necessario debet in confessione explicari.

Dices: Ad opera posita sub præcepto, iam ante obligamur, eaque obligatio est sufficiens, frustra igitur homo sibi inducit vinculum voti.

Respondeo etsi obligatio rerum sub præcepto sit absolutè sufficiens ad inducendum nos ad eam executionem, sèpe tamen expedit vinculum voti superinducere, vt tepidam voluntatem nostram in bonum firmemus, & à præcepti fractione auertamur. Tum vt plus mereamur, dum duplici de causa facimus, duplicemque virtutis rationem intuemur.

## QVÆSTIO LXXXX.

*An votum emissum de rebus necessariis, necessitate præcepti, sit verè, & propriè votum?*

Respondo in 4. dist. 38. q. 2. ar. 3. Angel. verbo votum 1. nu. 1. & Tab. ibidem 1. nu. 3. negant. Hoc ipsum videtur sentire D. Tho. cum in 2. 2. q. 88. art. 2. asserit id esse verè & propriè votum, quod cadit supra opus supererogationis, & in 4. dist. 38. q. 1. ar. 2. *quasiuncula* 1. docuit votum de præceptis non habere perfectam rationem voti: vnde appellat illud votum commune, quasi improprie, & abusiue votum.

At verissima & communis sententia est, votum de rebus sub præcepto esse verè, & propriè votum, quamuis votum propriissimè sit de rebus cõsiliij. Et ratio est, quia promissio de opere posito sub præcepto est vera, & propria promissio, distinctam habens obligationem, ab ea quæ exurgit ex præcepto;

præcepto; ergo est verum, & proprium votum.

Deinde qui emittit votum de opere sub præcepto, vt de non furando, vel occidendo, & deinde furatur, vel occidit, non solum peccat contra iustitiam, sed etiam peccato sacrilegij se maculat, vt constat ex cap. *Impudicus, & ex c. Sacrilegij* 27. q. 1. sed hoc non esset, nisi illud esset verum, & proprium votum: ergo. Maior propositio patet. Minor verò probatur; nam illud opus non esset actus virtutis religionis, nisi esset verè, & propriè votum.

Hinc, omissio voti facti de bono supererogationis vnum tantum est peccatum, quia vnam tantum habet deformitatem, sed transgressio voti de re præcepta, duplicem deformitatem habet: & consequenter duplex peccatum constituit.

Nec obstat dictum D. Tho. quia quando asserit opus supererogationis esse propriè votum, idèd dicit, quia tale non solum ex parte formæ, sed etiam ex parte materiæ est propriè votum, cum materia illius sit propria voti, & nulla ratione cadat sub præceptum. At verò votum quod est de opere præcepto, quamuis sit verè, & propriè votum, materia tamen illius non est propria voti, sed communis illi, & præcepto. Et hoc est quod voluit dicere S. Tho. quando asseruit, votum de rebus positis sub præcepto, esse commune votum.

## QVÆSTIO LXXXI.

*An Christiani in baptismo emittant votum seruandis legem Evangelicam?*

**M**AG. Sent. quem veteres Theologi sequuntur in 4. dist. 38. tueretur partem affirmatiuam. Eiusdem

sententiæ videtur esse D. Tho. 2. 2. q. 88. ar. 2. ad 1. vbi ait, quod sub votum baptizatorum cadit abrenūtiare pompis diaboli, & fidem Christi seruare.

Sed contraria sententia est verissima, quam tenent Illustriss. Caietan. 2. 2. q. 88. ar. 2. *Sot. lib. 7. q. 1. ar. 2. Nau. c. 12. num. 32. Valent. 2. 2. d. 6. q. 6. p. 2. Mor. lib. 11. c. 14. q. 3. Arag. 2. 2. q. 88. art. 2.* Et alij communiter. Ratio est, quia in verbis quæ dicit baptizandus, nulla promissio continetur, quæ est de essentia voti, Solum enim dicit per se, vel per patrinum, *abrenuntio, volo, credo*, quæ verba nullam promissionem significant.

Tum quia in Sacramento pœnitentiæ, quæ est secunda tabula post naufragium, pœnitens renuntiat operibus diaboli, & vult suscipere pœnitentiam, ac etiam credit, & tamen nullum votum emittit, immo Ecclesiæ confessarij prohibet, ne huiusmodi vota à pœnitentibus exigant, hac sola ratione, ne ipsis nouus laqueus, & causa grauioris lapsus, absque necessitate tradatur.

Tum quia, in baptismo patrinus promittit pro altero, nullus autem alium voto ligare potest.

Tum quia, vouere est opus consilij, & baptizari opus præcepti: ergo fieri non potest, vt vnum in altero contineatur ex natura rei, quamuis ratione baptismi in baptizatis, oriatur obligatio seruandi legem Christi.

Tum quia alioquin omnia peccata Christianorum essent sacrilegia, quia contra voti religionem: & duplicem peccati speciem continerent, quia contra legem, & contra votum, quod est contra communem hominum sensum.

Hinc, Christianus qui furatur, aut aliud peccatum committit, non peccat duplici peccato, scilicet contra præceptum, & contra votum, sed vnum solum.

solum committit, quamvis sit gravius, quàm infidelis, propter noticiam veritatis quam habet ex fide, & propter sacramenta quæ peccando contemnit, vt patet ad Hebr. 10. *Quanto putatis deteriora mereri supplicia, qui filium Dei concitaueris, & sanguinem testamenti pollutum duxeris.*

Et ad D. Thom. respondeo quod loquitur de voto largo quodammodo, & improprie dicto, id est, de proposito mutandi vitam, quod interdum vocatur votum, quia speciem promissionis habet.

## QVÆSTIO LXXXII.

*An penitentes qui in confessione promittunt se amplius non peccaturos mortaliter, voueant?*

**R**ESPONDEO eos non vouere, quia solum suum firmum propositum confessario patefaciunt. In dubio autem an fuerit propositum, vel votum, quatuor regulæ solent à Doctoribus assignari. Prima est; si statim, postquam quis statuit aliquid facere, dubitat an voluerit voto ad id se adstringere, an tantum proponere, potest probabiliter credere se non vouisse. Nam huiusmodi votorum non solent homines tam citò obliuisci.

**2** Secunda regula. Quando quis pro comperto habet se non habuisse animum adimplendi promissum, potest probabiliter credere, se non habuisse animum vouendi. Quia vt plurimum qui habent animum vouendi, ac se obligandi, habent etiam propositum præstandi promissum.

Tertia regula. Quando verba quæ quis ore vel mente pronuntiauit non indicant suapte natura promissionem, sed solum propositum, vt *faciam*, *di-*

*cam*, potest probabiliter existimare se non vouisse. Quia cum verba non indicent promissionem, nulla in dubio pro voto est possessio.

Quarta regula. Quoties quis pro certo habet verba exteriori, vel interiori probata suapte natura esse promissoria, sed est anceps, an animum se obligandi habuerit, tali voto tenetur. Ratio est, quia verba sunt naturaliter signa intentionis, & nullus præsumitur mentiri, vt peccati præsumptio vitetur: ergo vbi quis certus est de promissionis verbis, sed est dubius de intentione, præsumptio, & possessio est pro intentione se obligandi. Si autem sint circa hoc opiniones probabiles, integrum est ad hæcere minus probabili, reputando se ad id votum non teneri.

## QVÆSTIO LXXXIII.

*An votum de re simpliciter necessaria, vel impossibile, sit validum, & obligatorium?*

**R**ESPONDEO non valere, sed esse stultum, & insanum. Vt si quis voueat se moriturum, aut non volaturum, aut sydera, aut arenam maris numeraturum, aut cælum ipsum manu tacturum, &c. Et ratio est, quia votum est promissio voluntaria, sed necessitas, vel impossibilitas tollit voluntarium; ergo votum de re absolute necessaria, aut impossibili non est validum, nec obligatorium. Nec tenetur ad aliquid loco horum præstandum, quia votum non obligat ultra intentionem vouentis, quæ non est obligandi se ad aliud, quam ad id quod vouet. Et in dubio, an materia promissa sit possibilis moraliter, an non iudicandum est in fauorem voti, vt potest quod possidet.

## QVÆSTIO LXXXIV.

*An votum nunquam peccandi absolute, sit validum, & obligatorium?*

**R**ESPONDEO non esse validum. Ratio est, quia est de re simpliciter, via ordinaria, impossibili, etiam cum gratia Dei, quæ de lege ordinaria datur iuxta illud Ioan. p. suæ Can. c. 1. *Si dixerimus quod peccatum non habemus, ipsi nos seducimus, & veritas in nobis non est.* Quod intelligitur de impossibilitate morali, quia si metaphysicè, ac de potentia logica agamus, cum nulla detur contradictio, non est negandum omnia enitari posse.

Tum quia id votum respicit omnia peccata sub vna ratione peccati generica, nec illa obligatio potest commodè diuidi, ita vt comprehendat vnā speciem, vel partem peccati, magis quam aliam: non enim potest assignari ratio, quæ magis obliget vouentem ad vitādum potius hoc, quam illud peccatum; & sic cum materia voti sit indiuidua quoad obligationem, & per consequens promittatur per modum vnius, quod est impossibile; neccēssariō consequitur, nullam oriri obligationem, cum impossibile nulla sit obligatio. Sic enim tenent *Sot. lib. 7. q. 1. art. 3. Arag. 2. 2. q. 88. ar. 2. Val. 2. 2. d. 6. q. 5 p. 2. Nauar. c. 11. nu. 65. Tolet. lib. 4. cap. 27. nu. 10. Azor. lib. 1. c. 14. q. 4. Roder. p. 2. c. 96. nu. 4* & alij communiter.

## QVÆSTIO LXXXV.

*An votum nunquam peccandi mortaliter sit validum?*

**N**AVAR. cap. 12. num. 65. insinuat non valere, quia est de re nimis difficile.

*Palud. in 4. dist. 38. d. 1. dicit forsan hoc votum non obligare.*

Nonnulli alij volunt in viro constanti id votum valere, secus in fragili. Quam opinionem censent esse probabilem Petr. de Ledesm. 2. tom. sum. tract. 10. cap. 2. & Sanch. lib. 4. decalogi cap. 5. nu. 6.

His tamen non obstantibus, dico longe verius, atque probabilius esse, affirmare tale votum esse simpliciter validum Ratio est, quia licet perdifficile sit omne peccatum mortale per totam vitam vitare, non tamen est moraliter impossibile: potest enim quis cum gratia Dei, quam omnibus conferre paratus est, omnia ac singula peccata mortalia cauere iuxta Conc. Trid. sess. 6. c. 5. Cum igitur tale votum sit de bono obiecto, & possibili moraliter (quod enim per amicos possumus, simpliciter posse censetur) proculdubio validum, & obligatorium esse, existimandum est. Quinvis ob rei difficultatem & periculum, expediret huiusmodi vota non fieri, & si fiant, esse sufficientem rationem, vt in tali voto dispensetur. Ita *Sot. lib. 7. q. 1. art. 3. Arag. 2. 2. q. 88. ar. 2. Roder. p. 2. c. 96. nu. 5. Tolet. lib. 4. c. 27. nu. 6. Azor. lib. 1. c. 14. q. 4. & Emission. Sa verbo votum num. 20.*

## QVÆSTIO LXXXVI.

*An homo fragilis peccet, id votum emittendo?*

**R**ESPONDEO cum peccare venialiter, quia imprudenter agit, at tanta posset esse imprudentia, & temeritas ratione nimis fragilitatis vouentis, vt ratione periculi, cui se exponit peccaret mortaliter: adhuc tamen votum esset validum: quia huiusmodi periculum non nascitur ex ipso voto,

voto, sed aliundè ex hominis negligentia, aut malitia.

### QVÆSTIO XCVII.

*An votum nunquam peccandi venialiter, sit validum?*

- I**N qua re convenit inter omnes, tale votum non expedire, neque esse consulendum regulariter, quia est parum utile, & potest esse occasio gravius peccandi, quia rari sunt homines qui diuinæ gratiæ ita cooperantur, ut nunquam deliberatè venialiter peccent.

### QVÆSTIO XCVIII.

*Sed dubium est: An tale votum sit validum?*

- S**VAR. 10. 2. de relig. ar. 1. 6. lib. 2. c. 3. nu. 4. putat valere.

Verùm contraria sententia est communis, & certa. Et Ratio est, quia nemo obligatur ad impossibile prout habet Regula iuris in 6. impossibile est autem moraliter homini in hac vita ab omnibus venialibus abstinere, etiam cum eo diuinæ gratiæ munere, quod de lege ordinaria nemini denegatur, ut habetur ex Conc. Trid. sess. 6. can. 23.

### QVÆSTIO XCIX.

*An votum de nunquam committendo certum peccati venialis genus, ut mendacia iocosa, sit validum?*

- R**ESPONDEO esse validum. Ratio est, quia est de re honesta, & possibili cum auxilio Dei ordinario. Sic Caiet. 2. 2. q. 88. ar. 8. Sot. lib. 7. q. 1. ar. 2. Nau. cap. 12. nu. 65. Arag. 1. 2. q. 88. ar. 2. Tolet. lib. 4. cap. 17. & Azor. lib. 1. 1. cap. 14. q. 4.

Hinc, qui votum vitandi tale, vel tale peccatum veniale, ut mendacium officiosum violat, duplex solum peccatum veniale committit, alterum contra votum, alterum vero contra naturale non mentiendo præceptum, quia id votum non aliter obligat, quam præceptum naturale vitandi illius venialis: quod tantum obligat sub veniali. Ita Nau. cap. 12. nu. 65. & Sot. lib. 7. q. 2. ar. 1.

### QVÆSTIO C.

*An votum, quo quis pollicetur se nunquam peccaturum in cogitationibus luxuria, vel iudicii temerarij, vel infidelitatis, vel in cibo & potu sumendis sit validum?*

**R**ESPONDEO non valere. Ratio est, quia hæc omnia venialia vitare est moraliter impossibile.

### QVÆSTIO CI.

*An qui vouit absolute se amplius non peccaturum, teneatur saltem ex vi voti, ab his peccatis abstinere, quæ saltem vitare potest, v. g. ab hoc, vel illo, quod in particulari vitare potest.*

**A**NGLES in floribus q. de voto ar. 1. diff. 8. putat teneri. Sicut qui promittit dare centum Ecclesiæ, & postea tot aureos reddere non potest, saltem tenetur dare quantum commodè valet, putà quinquaginta: ergo eadem ratione, qui absolute vouet à peccatis abstinere, tenetur saltem ea evitare, quæ ordinario Dei auxilio potest.

At verissima sententia est, hunc non teneri ex vi voti ab aliquo eorum abstinere. Ratio est, quia tale votum est de toto illo obiecto impossibili per modum vnius integre materie, cuius partes non intenduntur, nisi ut totum componunt. S. integram innocentiam, & carentiam culpæ.

Tum quia non est maior ratio de vno peccato vitando, quam de alio, nec inter illa potest fieri moralis electio; & ideo talis venialiter vel mortaliter peccans, non magis peccat, quam si votum non fecisset. Nec est simile de illo elemosynæ voto. Quia cum materia illa sit secundum se moraliter possibilis, & per accidens huic impossibilis, intelligitur id votum obligare ad partem possibilem. At quando quis expressè vouet omnia peccata vitare, votum cadit super totam materiam simul sumptam, quæ cum sit secundum se moraliter impossibilis, ipsum votum reddit irritum, & nullum. Et ideo hanc partem sustinent Sot. lib. 7. q. 1. ar. 3. Nau. cap. 12. num. 65. Valent. 2. 2. d. 6. q. 6. p. 2. Roder. p. 2. cap. 96. art. 4. Tolet. lib. 4. cap. 17. num. 6. Emman. Sa 2e b. votum num. 20. Arag. 2. 2. q. 88. art. 2. & Azor. lib. 11. c. 14. q. 4.

3 Dices; Qui vouet confiteri omnia peccata, ex vi voti tenetur saltem confiteri ea, quæ potest; ergo eadem ratione, qui absolute vouet à peccatis abstinere, tenetur saltem ea vitare, quæ ordinario Dei auxilio potest.

Respondco negando consequentiam, & ratio negationis est, quia qui vouet confiteri omnia peccata, cepsetur vouisse se confessurum omnia peccata, quæ moraliter memoriæ occurrunt, quando confessionem facit, quod votum præstare potest. Quod secus contingit in voto nunquam peccandi, quia voti illius obiectum

est secundum se moraliter impossibile.

## QVÆSTIO CII.

*Sed quid, si intentio vouentis esset, non se obligare ad vitandum omnia peccata, sed solum ad specialem diligentiam, tale votum valeretne?*

RESPONDEO valere. Et ratio est, quia ex vi talis voti non tenetur vitare omnia peccata, sed solum specialem diligentiam apponere ad vitanda singula peccata occurrentia, quod cum auxilio Dei ordinario est moraliter possibile. Quare hic satisfaceret voto: quando adhibita ea speciali diligentia succumbens tentationibus præ fragilitate peccaret. Quia ex vi voti ad nullum peccatum vitandum tenetur, sed ad eam solum specialem diligentiam adhibendam.

## QVÆSTIO CIII.

*An votum fatendi omnia venialia teneat?*

RESPONDEO non tenere. Ratio est, quia est de obiecto homini in hac mortali vita impossibili: quia peccata præsertim venialia quæ cogitatione admittuntur, non facile cognoscuntur. Si tamen intenderet se obligare ad confitendum omnia peccata non absolute, sed quæ mediocri adhibita diligentia memoriæ occurrunt in actu confessionis, catenus esset validum, & obligatorium, utpote quod de re moraliter possibile est. Ita Sotus in 4. d. 18. quæst. 1. art. 3. Arag. 2. 2. q. 88. art. 2. & Azor. lib. 11. cap. 14. quæst. 4.

QVÆST.



## QVÆSTIO CIV.

*An qui vovet se facturum confessionem omnium peccatorum suorum, & post factam confessionem aliorum meminerit, teneatur ex vi voti illa confiteri?*

**A** ZOR. lib. 1. cap. 14. g. 4. ait hunc ad id non teneri, quia censetur vovisse se tantum confessurum omnia peccata quæ in mentem, & memoriam venerint tempore confessionis.

Verùm Sententia hæc (pace tanti viri sit dictum) mihi displicet, quia si intelligit, vt non teneatur statim illa confiteri, rectè dicit, quia votum hoc obligat instar præcepti Ecclesiastici de confitendis mortalibus, quod ad statim fatenda oblita non obligat, sed satis est, ac sufficit tempore alterius confessionis ea confiteri. Si autem intelligat eum non teneri fateri ea peccata oblita: si tempore alterius confessionis eorum recordetur, reuera fallitur quia huiusmodi votum obligat instar præcepti de fatendis mortalibus, quoad oblita fatenda non statim, sed tempore alterius confessionis obligat.

## QVÆSTIO CV.

*An votum factum ex metu, quantumvis gravi ab intrinseco illato, sit validum, & obligatorium?*

**P**R O resolutione huius difficultatis permaximè scitu necessariz, breuiter hoc loco obseruandum est primò, metum alium dici grauem, vt-pote grauis mali, & qui virum constantem terret. Vt mors, mutila-

tio, &c. Alium leuem, qui in virum constantem non cadit.

Secundò est obseruandum, metum, alium incuti ab intrinseco, vel à causis naturalibus, vt à morbo, tempestate. Et dicitur ab intrinseco, quia non incutitur per actum liberum, sed per modum naturæ, vt rectè docet Sot. in 4. dist. 29. q. 1. art. 3. Alium vero ab extrinseco, id est à causa libera, vt ab homine. Qui rursus est duplex, quidam incussus ad extorquendum votum: alter verò ob aliam causam. Item alium iustè incuti, vt cum quis comminatur malum graue, quod iustè inferre potest, vt iust in delicti accusationem. Et alium iniustè, vt si id malum iniustè inferre velit.

His sic declaratis, Respondeo id votum esse validum. Ratio est, quia talis metus quamuis extenuet libertatem, non tamen tollit illam, sola enim vis est quæ libertatem aufert.

Et est conclusio definita in cap. si-cut de regular. vbi clericus qui nimia ægritudine statum religiosum vovit, religiosus esse compellatur.

Hinc, qui ad vitandum mortis periculum in mari, vel in bello votum emittit, tali voto tenetur. Ratio est quia cum hoc malum non inferatur ad votum extorquendum, si illud fiat, validum erit, nec dicitur ex metu ab extrinseco incussu emitti.

## QVÆSTIO CVI.

*An votum factum ex metu graui, ab extrinseco puta ab homine incussu ob alium finem, quam ad extorquendum votum, sit validum & obligatorium?*

**R**ESPONDEO esse validum, vt si quis in vincula, & carcerem

coniectus, aut ad mortem condemnatus, voueat, vt ab illo periculo liberetur. Ratio huius est, quia vouens in tali periculo constitutus non compellitur ad vouendum; sed sponte sua eligit votum, tanquam medium, quo, Deo propitio periculum euadat.

Hinc, si qui timens hostem persequentem ipsum iniuste, vouet ingressum religionis, vt Deus illum liberet de manibus inimici, tenet tale votum. Quia metus hic non est directe causa voti, sed solum occasio, qua quis voto utitur tanquam medio ad depellendum malum, quod timet.

Tum quia qui vouet, non facit hoc, vt satisfaciatur voluntati inimici, neque in eius gratiam illud exhibet, vt sit veluti pretium, quo cesset ab iniuria, sed illud offert Deo, vt ab eo impetret auxilium. Sicut cum quis iniuste oppressus à tyranno, promittit aliquid alteri, vt cum adiuet, tenetur promissum præstare. Immo si animus incutientis metum, sit, vt alter emitat votum, eo tamen animo non significato vouenti, nec per ipsum cognito, is religionem voueat, vt ex eo periculo liber euadat, votum tenebit. Ratio est, quia cum vouens prauam illius intentionem ignoret, non cogitur ex eo metu ad vouendum, sed sua sponte illud vt medium suæ liberationis eligit, & sic perinde est, ac si ob aliam causam, metus incuteretur. Ita Valent. 2.2.d.6.g.6 p.4.

## QVÆSTIO CVII.

*An votum emissum ex metu graui, & ab extrinseco, puta ab homine per iniuriam incusso, gratia extorquendi votum, sit validum & obligatorium? vt si dicas, occidam te, nisi votum religionis emisseris.*

**R**ESPONDEO non valere. Ratio est, quia votum debet esse voluntarium, atqui ignorantia, vis, atque metus tollunt voluntarium vt ait Arist. 3. *Eth.* ergo votum ex tali metu emissum non est validum, nec obligatorium.

Et confirmatur; Matrimonium ex tali metu celebratum est nullum; ergo & votum. Consequentia tenet ex paritate rationis. Antecedens verò habetur expressè 13.q.3. *cap. notificasti.*

Et est conclusio definita in *cap. Perlitum* 1. *de his que vi, metusue causa sunt*; vbi mulier quæ coniugis metu votum religionis emiserat, absoluitur. Et ita tenent Sot. *lib. 7. q. 2. ar. 1.* Arag. 2.2.q.88. *ar. 3.* Nauar. c. 12. *nn. 52.* Val. 2.2.d.6.g.6 p.4. Roder. p. 2. *cap. 95. nn. 1.* Tolet. *lib. 4. c. 17.* Et communis, à qua tamen recedit Syluest. *verb. metus* q. 8. vbi ait votum ex tali metu emissum, cenferi nullum, quia præsumitur vouentem non habuisse animum vouendi.

Sed hæc opinio Syluestri falsæ est, & contra communem sensum Ecclesiæ, quæ semper habuit irritum votum ob talem metum emissum, etiam si vouens fateatur se habuisse animum vouendi, vt colligitur ex *cap. 1. de his que vi, metusue causa sunt*, & tradit Nauar. *Tom. 2. de regul. nn. 13.* Lop. p. p. *inst. conf. c. 45.* Eimman. Sa verbo *metus nn. 2. & verb. votum nn. 8.*

## QVÆSTIO CVIII.

*An votum factum ex metu graui iuste incusso ab homine ad extorquendum votum sit validum, & obligatorium? Vt si vir comminetur mortem uxori in adulterio deprehensa via iuris inflegendam, nisi religionis ingressum voueat?*

Lop.

**L**OP. p.p. *instru. conf. cap. 45. Roder. p. 2. cap. 95. num. 3. & Vega 2. tom. sum. cap. 129. casu 17. negant valere.*

Contra tamen, & meo iudicio probabilius sentiunt *Sot. lib. 7. q. 2. art. 1. Med. lib. 1. c. 14. §. 6. Less. lib. 2. de iust. cap. 40. dub. 1. & Eman. Sa. verbo votum n. 8* nimirum id votum esse validum, & obligatorium. Ratio est, quia qui iuste cogitur, non censetur inuoluntarie consentire: quia volūtariē causam metus, & coactionis dedit: unde timor ille mali non censetur incuti ab extrinseco, sed ab intrinseco, nempe à propria voluntate, qua perpetratum est delictum, ac proinde consensus inde sequutus non censetur inuoluntarius, cum sit omnino voluntarius in sua causa. Quare id malum minans non censetur metum inferre, sed potius merum iam ex delicto conceptum auferre, offerendo immunitatem, si voueat.

Tum quia eiusmodi pœna illi debebatur à iure, & illam magis adu-tera effugere, quam libertatem pristinam retinendo in seculo remanere, & sic voluntariē, & non coactē religionem vouisse dicitur.

Hinc, qui contraxit sponsalia cum muliere, potest iure cogi vt contrahat matrimonium cum ea. *Cap. ex literis 2. de sponsal.* Et qui vi, dolo, vel fraude virginem stuprauit, compellitur eam ducere, vel dotare. Et qui promisit aliquid, ne accusaretur de crimine in iudicio, tenetur promissum præstare. Et Ratio est, quia si hi contractus essent irriti, & nulli, id esset ratione iniuriæ, quæ abest, quando metus iuste incutitur.

Hinc, si vir priuata autoritate minetur mortem vxori in adulterio deprehensæ, nisi votum religionis emittat, non tenet tale votum, vt potè metu iniuste incusso extortum, non

enim potest illam iure priuatim occidere. Si autem minetur, eam iudicis autoritate occidere, aut eam accusare in iudicio, votum est validum, quia iure potest id facere.

## QVÆSTIO CIX.

*An votum quod ex metu graui per iniuriam incusso est irritum, etiamsi postea iuramento confirmetur, adhuc sit nullum?*

**R**ESPONDEO adhuc esse nullum. Ratio est, quia votum necessarium debet esse voluntarium, iuramentum autem sortitur naturam ejus, quæ à principio inest actui, in quo præstat. Cum igitur votum cui adheret iuramentum debeat esse voluntarium, quod deesse censetur in casu posito, consequenter iuramentum ipsum, ipsi adherens erit nullum; iuramentum enim defectum consensus non supplet. Ita Couar. p. 2. de matr. c. p. 3. §. 5. nu. 3. *Cosm. Philiar. de off. Sacerd. p. 2. lib. 2. c. 7. & Roder. p. 2. c. 95. num. 4.*

## QVÆSTIO CX.

*An votum ex metu graui extortum sit iure diuino & naturali irritum?*

**S**COTVS in 4. dist. 29. 9. unica ar. 1. tenet huiusmodi votum esse nullum iure diuino naturali. Et probat; quia cum ad votum ex iure diuino naturali libertas requiratur, & ille metus tollat voluntarium; sit vt iure diuino naturali votum annullat.

Tum quia nullum violentum est perpetuum. Atqui votum ex se habet vt sit perpetuum: ergo. Hoc idem videtur

coniectus, aut ad mortem condemnatus, voueat, ut ab illo periculo liberetur. Ratio huius est, quia vouens in tali periculo constitutus non compellitur ad vouendum; sed sponte sua eligit votum, tanquam medium, quo, Deo propitio periculum euadat.

Hinc, si qui timens hostem persequentem ipsum iniuste, vouet ingressum religionis, ut Deus illum liberet de manibus inimici, tenet tale votum. Quia metus hic non est directe causa voti, sed solum occasio, qua quis voto utitur tanquam medio ad depellendum malum, quod timet.

Tum quia qui vouet, non facit hoc, ut satisfaciatur voluntati inimici, neque in eius gratiam illud exhibet, ut sit veluti pretium, quo cesset ab iniuria, sed illud offert Deo, ut ab eo impetret auxilium. Sicut cum quis iniuste oppressus à tyranno, promittit aliquid alteri, ut eum adiuuet, tenetur promissum præstare. Immo si animus incutientis metum, sit, ut alter emitrat votum, eo tamen animo non significato vouenti, nec per ipsum cognito, is religionem voueat, ut ex eo periculo liber euadat, votum tenebit. Ratio est, quia cum vouens prauam illius intentionem ignoret, non cogitur ex eo metu ad vouendum, sed sua sponte illud ut medium suæ liberationis eligit, & sic perinde est, ac si ob aliam causam, metus incuteretur. Ita Valent. 2.2.d.6.q.6 p.4.

## QVÆSTIO CVIL

*An votum emissum ex metu graui, & ab extrinseco, puta ab homine per iniuriam incusso, gratia extorquendi votum, sit validum & obligatorium? ut si dicas, occidam te, nisi votum religionis emisseris.*

**R**ESPONDEO non valere. Ratio est, quia votum debet esse voluntarium, atqui ignorantia, vis, atque metus tollunt voluntarium ut ait Arist. 3. *Etb.* ergo votum ex tali metu emissum non est validum, nec obligatorium.

Et confirmatur; Matrimonium ex tali metu celebratum est nullum; ergo & votum. Consequentia tenet ex paritate rationis. Antecedens verò habetur expresse 33.q.3. *cap. notificasti.*

Et est conclusio definita in *cap. 2. Perlatum 1. de his quæ vi, metusve causa sunt*; ubi mulier quæ coniugis metu votum religionis emisit, absoluitur. Et ita tenent Sor. *lib. 7. q. 2. ar. 1. Arar. 2.2.q. 38. ar. 3. Nauar. c. 12. nu. 52. Val. 2.2.d.6.q.6 p.4. Roder. p. 2. cap. 95. nu. 1. Tolet. lib. 4. c. 17.* Et communis, à qua tamen recedit Syluest. *verb. metus* q. 8. ubi ait votum ex tali metu emissum, censeri nullum, quia præsumitur vouentem non habuisse animum vouendi.

Sed hæc opinio Syluestri falsæ est, & contra communem sensum Ecclesiæ, quæ semper habuit irritum votum ob talem metum emissum, etiam si vouens fateatur se habuisse animum vouendi, ut colligitur ex *cap. 1. de his quæ vi, metusve causa sunt*, & tradit Nauar. *Tom. 2. de regul. nu. 13. Lop. p. p. inst. conf. c. 45. Emman. Sa verbo metus nu. 2. & verb. votum nu. 8.*

## QVÆSTIO CVIIL

*An votum factum ex metu graui iuste incusso ab homine ad extorquendum votum sit validum, & obligatorium? Et si vir comminetur mortem uxori in adulterio deprehensa via iuris instigendam, nisi religionis ingressum voueat?*

Lop.

**L** O R. p. p. *instru. conf. cap. 45. Roder. p. 2. cap. 95. num. 3. & Vega 2. tom. sum. cap. 129. casu 17. negant valere.*

Contra tamen, & meo iudicio probabilius sentiunt Sot. *lib. 7. q. 2. art. 1. Med. lib. 1. c. 14. §. 6. Less. lib. 2. de iust. cap. 40. dub. 1. & Eman. Sa. verbo votum n. 8* nimirum id votum esse validum, & obligatorium. Ratio est, quia qui iuste cogitur, non censetur inuoluntarie consentire: quia volūtariē causam metus, & coactionis dedit: vnde timor ille mali non censetur incuti ab extrinseco, sed ab intrinseco, nempe à propria voluntate, qua perpetratum est delictum, ac proinde consensus inde sequutus non censetur inuoluntarius, cum sit omnino voluntarius in sua causa. Quare id malum iminans non censetur metum inferre, sed potius metum iam ex delicto conceptum auferre, offerendo immunitatem, si vocat.

Tum quia eiusmodi pœna illi debebatur à iure, & illam mauius adu-tera effugere, quàm libertatem pristinam retinendo in seculo remanere, & sic voluntariē, & non coactē religionem vouisse dicitur.

**H**inc, qui contraxit sponsalia cum muliere, potest iure cogi vt contrahat matrimonium cum ea. *Cap. ex literis 2. de sponsal.* Et qui vi dolo, vel fraude virginem stuprauit, compellitur eam ducere, vel dotare. Et qui promissit aliquid, ne accusaretur de crimine in iudicio, tenetur promissum præstare. Et Ratio est, quia si hi contractus essent irriti, & nulli, id esset ratione iniuriæ, quæ abest, quando metus iuste incutitur.

**H**inc, si vir priuata autoritate minetur mortem vxori in adulterio deprehensæ, nisi votum religionis emittat, non tenet tale votum, vt potè metu iniuste incusso extortum, non

enim potest illam iure priuatim occidere. Si autem minetur, eam iudicis autoritate occidere, aut eam accusare in iudicio, votum est validum, quia iure potest id facere.

## QVÆSTIO CIX.

*An votum quod ex metu graui per iniuriam incusso est irritum, etiamsi postea iuramento confirmetur, adhuc sit nullum?*

**R**ESPONDEO adhuc esse nullum. Ratio est, quia votum necesse-riū debet esse voluntarium, iuramentum autem fortitur naturam ejus, quæ à principio inest actui, in quo præstat. Cum igitur votum cui adheret iuramentum debeat esse voluntarium, quod deesse censetur in casu posito, consequenter iuramentum ipsum, ipsi adherens erit nullum; iuramentum enim defectum consensus non supplet. Ita Couar. *p. 2. de matr. c. p. 3. §. 5. nu. 3. Cosm. Philiar. de off. Sacerd. p. 2. lib. 2. c. 7. & Roder. p. 2. c. 95. num. 4.*

## QVÆSTIO CX.

*An votum ex metu graui extortum sit iure diuino & naturali irritum?*

**S**COTVS in 4. dist. 29. g. unica ar. 1. tenet huiusmodi votum esse nullum iure diuino naturali. Et probat; quia cum ad votum ex iure diuino naturali libertas requiritur, & ille metus tollat voluntarium, sit vt iure diuino naturali votum annullat.

Tum quia nullum violentum est perpetuum. Atqui votum ex se habet vt sit perpetuum: ergo. Hoc idem videtur

detur sentire Sotus lib. 7. q. 2. art. 1. & lib. 8. q. 1. ar. 7.

2. Contrarium tamen est proculdubio asserendum cum Syluest. verb. meus q. 8. Henric. lib. 1. de matr. cap. 9. num. 1. & 3. Valent. tom. 4. d. 10. q. 3. p. 2. Arag. 2. 2. q. 88. art. 3. Nau. cap. 21. nu. 50. & Azor. lib. 11. cap. 15. q. 6. Et ratio est, quia stando in iure naturæ ea libertas quæ sufficit ad peccatum lethale, sufficit etiam ad vouendum. At hæc inuenitur in metu graui. nam si puella ex metu tali, stupro consentiret, proculdubio peccaret mortaliter ut rectè docet D. Thom. 1. 2. q. 6. ar. 6. ergo stando in iure naturæ, & diuino, si ex illo metu fiat votum, illud erit validum.

Tum quia matrimonium tali metu extortum iure naturæ est validum, ut Theologi communiter, ac iuris vtriusque Doctores fatentur. Similiter & iuramentum cap. si vero de iur. iur. cum tamen ita voluntaria sint, atque vincula perpetua, ac votum; ergo etiam & votum simili metu emissum eodem iure erit validum.

Nec obstant contrariæ opinionis argumenta. Nam ad primum dicimus falsum esse metum tollere voluntarium, quamuis illud minuat admiscendo aliquid inuoluntarij, vnde rectè docet Aristot. 3. eth.

Ad secundum. Respondeo, quod est simpliciter violentum non potest esse perpetuum; secus de violento secundum quid, quale est metu extortum.

## QVÆSTIO CXI.

*An votum ex metu graui extortum sit irritum saltem iure Ecclesiastico?*

1. SYLVESTR. verb. meus q. 8. negat tale votum esse ipso iure nullum,

sed esse Ecclesiæ authoritate irritandum: sicut iuramentum eo metu extortum est validum, relaxandum tamen per Ecclesiam. Ducitur, quia tale votum est voluntarium.

Suar. 10. 2. de religione tract. 6. lib. 1. cap. 8. num. 5. opinatur solum votum solemne tali metu emissum esse ipso iure irritum, non autem simplex. Ducitur, quia vnicus textus votum sic per metum extortum irritans reperitur, qui est cap. 1. de his qua vi, &c. At de solo voto solemni professionis loquitur.

Nos tamen contrariam sententiam, ut magis communem, & verio- 2 rem sequendam esse arbitramur, irritari eo metu omne votum, siue simplex, siue solemne. Hæc est expressa sententia Soti lib. 7. q. 3. ar. 2. Nau. cap. 12. num. 52. & Comment. 2. de regul. num. 13. Med. lib. 1. sum. cap. 14. §. 6. Arag. 1. 2. q. 88. art. 3. Tolet. lib. 4. c. 17. num. 5. Valent. 2. 2. d. 6. q. 6. p. 4. Lop. p. p. cap. 45. Rodet. p. 2. cap. 95. num. 1. Azor. lib. 12. c. 15. q. 7. Etman. Sa. verb. meus num. 2. & verb. votum num. 8. & Philiat. de off. Sacerd. tom. 1. p. 2. lib. 3. cap. 18. Et ratio est quia in dicto cap. Perlatum de his qua vi, metusue causa fiunt, per summum Pontificem declaratur professionem mulieris, quæ metu mortis à marito incusso religionem vouerat, ac professâ fuerat, esse ipso iure nullam. Et quamvis ibi non sit sermo de voto simplici, ac communis Theologorum, & Iurisperitorum sententia eandem decisionem extendit ad votum simplex: ut potè quod est supererogationis opus, & suam perpetuitatem habet. Quod est verum etiam si vouens, dum vouit se habuisse eo voto animum obligandi, affirmet. Quoniam Ecclesia eum consensum, ut non omninò liberum, inefficacem reddit ad valorem voti: sicut consensum clandestinum.

um irritat, ne ex eo obligatio matrimonij oriatur. Si tamen cessante metu, vouens sciens prius votum esse nullum illud ratum habeat, incipiet tunc valere.

3 Hinc, vota eo metu graui emissā ab infidelibus, sunt valida & obligatoria. Ratio est, quia vota tali metu extorta, solo iure Canonico irritantur, cui illi non subiiciuntur.

4 Hinc, qui metu mortis, aut mutilationis, sacris initiatur, ad votum castitatis ordini annexum non tenetur, quamuis characteris ordinis suscipiat. Ratio est, quia ut diximus, votum tali metu extortum non valet. Vnde poterit sine vlla dispensatione ad nuptias transire, si nolit in ordinis sacri vſu permanere. Quare Ecclesia cogit eum, aut ut votum castitatis denud emitat, aut ab vſu Sactorum ordinum abſtineat. Quod si ſemel ordine ſuſcepto vſus ſit, ad votum continentie tenebitur, quia eſt ordinis ſuſcepti ratificatio.

5 Dices, iuramentum metu graui extortum eſt iure Pontificio validum, ergo eſt votum.

Reſpondeo diſparem eſſe vtriuſque rationem; nam voti obligatio pendet ex pura voluntate vouentis, & ideo metus qui tollit voluntarium, tollit eius obligationem: obligatio autem iuramenti non ex voluntate iurantis, ſed ex iuramenti natura pendet: nam honor diuini nominis hoc requirit, ut nunquam homo falſum eſſe ſinat, quod iurat, Ita *Sot. lib. 7. q. 3. artic. 1.*

*metu mortis incutitur, niſi ieiunium frangat, an tunc comedendo peccet?*

**R**ESPONDEO non peccare. Ratio eſt, quia vouens intentionem obligandi ſe ad ſeruandum votum cum tanto detrimento non habuit.

Tum quia votum non obligat, niſi ad inſtar legis, lex autem Eccleſiaſtica ad ieiunium non eo rigore compellit, ut velit nos ſubire mortem pro ſui ieiunij obſeruatione: niſi in fidei, aut Chriſtianæ religionis contemptum, & Eccleſiæ contumeliā tyrannus eam minaretur, quia tunc potius deberet ſubire mortem, quam votum violare. Quod, ſi votum eſſet de re aliqua poſita ſub præcepto diſtincto, & naturali, ut de non adulterando, quod ut dicemus obligat cum eo mortis periculo, adhuc exiſtimo adulterantem ſolum peccare contra id præceptum, non autem contra votum, quod cum tanto rigore non obligat, ut illius ſemper gratia mortem optemus; adeo ut quando metus incutitur in fidei odium, & contemptum ad legem Eccleſiaſticam tranſgredendam, & ſi teneatur quis eam non violare, non tamen tenetur ex vi legis illius Eccleſiaſticæ non obligantis cum tanto rigore, ſed ex vi legis diuinæ obligantis ad tuendam fidem, & religionem cum mortis periculo. *Sot. lib. 7. q. 2. art. 1. Rodet. p. 2. cap. 95. num. 4. & Emman. Sæ vtr. b. v. num. 23.*

Hinc, Sacerdos qui metu mortis à tyranno compellitur celebrare coram excommunicato, vel comedere carnes in diebus ab Eccleſia prohibitis, celebrando, vel comedendo, non peccat, dummodo talis compulſio à tyranno in Eccleſiæ contumeliā non fiat, ut faciunt hæretici, quia præceptum

H

ptum

## QVÆSTIO CXII.

*An metus ſufficiens ad reddendum votum nullum, vouentem etiam ab eius executione liberet? v. g. nouit quis ieiunare, & poſtea ei*

ptum de tuenda vita est naturale diuinum.

### QVÆSTIO CXIII.

*An metus sufficiens ad liberandum aliquem ab executione voti, à culpa transgressionis Legis diuine aut naturalis excuset?*

- 1 **R**ESPONDEO non excusare. Ratio est, quia obligatio legis diuinæ non ex nostra voluntate, sicut in voto, sed Dei præcipientis oritur, atque ita in omni euentu obligat. Vnde si puella metu mortis in stuprum consentiret, non excusaretur à culpa mortali, cum nec ob mortem peccatum veniale committendum sit.

### QVÆSTIO CXIV.

*An metus leuis, qui in virum constantem non cadit, irritum reddit votum in foro conscientie, si per iniuriam gratia extorquendi votum incussus sit?*

- 2 **N**AVAR. cap. 17. nu. 15. & cap. 22. nu. 51. & Com. 2. de regul. nm. vltimo & Roder. p. 1. c. 8. nu. 10. affirmant, ducti eo fundamento, quia sæpe metus leuis non minùs perturbat hominem, & impellit nolentem ad consensum, quàm metus grauis cadens in virum constantem, ergo si hic irritat votum, etiam ille.
- 2 Contra tamen, & meo iudicio probabiliùs sentiunt Sor. lib. 7. q. 2. art. 1. Arag. 2. 2. q. 88. art. 3. Lop. p. 1. c. 45. Valent. 2. 2. d. 6. q. 6. p. 4. Azor. lib. 11. c. 15. q. 6. Emman. Si verb. metus num. 3. & Cosm. Phil. de off. Sacerd. to. 1. p. 2. lib. 3. cap. 18. nimirum metum leuem qui in virum constantem non cadit, non red-

dere votum irritum. Et Ratio est, quia talis metus non tollit voluntarium: ergo votum tali metu emissum est validum.

Et confirmatur, metus non irritat votum quia quomodocumque voluntarium tollit, sed quia prudenter, & rationabiliter aufert, eligendo rem tam grandem, vt est votum ratione illius timoris vitandi; quod non contingit quando metus est leuis, sed imprudenter, & irrationabiliter agitur.

Et videtur esse conclusio definita in l. metum ff. quod metus causa. vbi dicitur, *metum vani hominis non esse spectandum, sed eum, qui in constantissimum cadit*. Quando autem omnibus pensatis anceps res est, an metus sit grauis vel leuis, existimo diiudicandum esse in fauorem voti, vt non irritet. Quia cum constet de voto; & excusatio sit dubia, stat possessio pro voto.

### QVÆSTIO CXV.

*An votum ex errore factum, sit validum?*

1 **A**D hoc respondeo, quod si error sit circa substantiam voti, sitque causa vouendi, tunc votum est irritum vt communiter Doctores restantur. Censetur autem esse circa substantiam voti multis modis.

Primò, cum erratur circa vim voti, vt si credens votum non obligare sub peccato, voueat, talis enim ignorat naturam voti, quod facit. Debet tamen error esse causa actus, alioquin non reddet illum irritum.

Secundò, cum erratur circa personam, vt si voueas dare elemosynam Tirio, quem existimas esse tuum cognatum, & sit extraneus.

Tertiò, cum erratur circa partem notabilem rei promissæ, vt si voueas adire



adire Hierosolymam, putans eam propè esse, & quod absque nauigio possis illuc proficisci, cum tamen res longè aliter se habeat, voto non ligaris, cum ignorantia tollat voluntarium, quod est de essentia voti. Secus si deceptio sit circa aliquas conditiones, vel impertinentes, vel leuioris momenti, tunc enim valeret votum, quia parum pro nihilo reputatur.

Quartò, cum erratur circa materiam voti, vt si voueas certam pecuniam, quam putas argenteam, cum sit aurea: vel voueas ingredi certum cœnobium, putans in eo Regulam quoad essentialia seruari, cum tamen non seruetur.

Quintò, & vltimò, cum erratur circa causam finalem ob quam quis vouit, vt si voueas Rosarium pro salute patris, quem putas ægrotare, cum non ægroter. Et ratio est quia non extante causa finali, deficit intentio vouentis, quia deficit proprium, ac principale motiuum eius.

Tum quia ille finis est quasi obiectum intrinsecum talis actus; & ideo eo cessante, cessat eius obligatio.

4 Hinc, qui vouit dare singulis diebus, certam pecuniam Titio propter eius paupertatem, nunc autem factus est diues, non tenetur amplius ad votum. Quia eius indigentia, quæ fuit causa finalis sui voti, cessauit.

5 Hinc, qui vouit peregrinationem pro salute filij, & filius moriatur ante inchoatam peregrinationem, non tenetur amplius peregrinari. Quia eius causa finalis cessauit.

Hinc, qui promisit redimere Titium captiuum, & ante quàm possit suum votum explete, ipse fugam ineat, non tenetur amplius voto. Quia causa finalis illum redimendi cessauit.

6 Hinc, qui vouit religionem ingredi principaliter in tali Monasterio, & postea in eo non recipitur, ex vi

voti ad nihil aliud tenetur. Quia proprium motiuum sui voti cessauit.

Hinc, qui fingendo sanctitatem, legatum obtinuit, tenetur in conscientia illud restituere. Quia vt suppono, sanctitas quæ fuit causa finalis talis donationis, non extat.

Hinc, qui fingendo paupertatem, 7 multam pecuniam comparauit, tenetur in conscientia illam restituere. Quia paupertas fuit causa finalis talis donationis, qua cessante non tenebit donatio.

Hinc, qui falsò existimans se à Deo recepisse aliquod insigne beneficium, aliquid vouit in gratiarum actionem, votum non tenet. Quia causa finalis 8 voti cessauit. Secus si etiam tunc vouisset, & proinde fuit causa impulsiva, vel inductiua ad vouendum, quia cessante tali causa, cum permaneat principale motiuum, non est cur cesset obligatio voti. Quòd si votum duplicem habeat causam impulsivam, quamuis vna cesset, obligabit votum, nisi intendat vouens aliter non se obligare, nisi illa duplici causa existente. In dubio autem vtrum causa cessans sit finalis, aut impulsiva, iudicandum est, causam esse finalem, ac proinde obligare votum.

Ex quo colligitur, errorem circa 9 voti substantiam, non solum ipsum votum quoad eius substantiam irritare, sed etiam quoad circumstantias accidentarias illi substantiæ accessorias. Vt si existimans domum Lauretanam non habere iter nisi vnius diei, cum sit sex, voueas illam, indutus sacco visitare, sicut non teneris ob errorem ire domum Lauretanam, ita nec indui sacco, in quo non errasti. Ratio est, quia destructo principali, corrumpit etiam accessorium.

Regule. Cum principalis ff. de reg. iuris.

H 2

QVÆST.

## QVÆSTIO CXVI.

*An finis voti cadat sub votum?*

**R**ESPONDEO minimè, nisi fortè expressè vouentis intentio sit, se obligare ad votum ex certo bono fine seruandum. Ratio est, quia commune proloquium est, *finem præcepti non cadere sub præceptum*, at votum est veluti quoddam præceptum, quod vouens sua sponte sibi iniungit, ergo etiam votum non obligat ad finem, sed ad solam materiam promissam.

Hinc, qui vouit dare eleemosynam, vt satisfaciatur pro suis peccatis, non consetur violare votum, si ipsum executioni manet quidem, non tamen illo ipso fine, quo vouit. Quia non eo ipso quod quis aliquo fine motus est ad aliquid vouendum, censendus est vouisse, id ipsum promissum suum exequi ex eodem fuit.

Hinc, qui vouit ieiunium eo fine, vt corpus affligatur, ex vi voti non tenetur ieiunare ad hunc finem: vnde si debitam ciborum qualitatem, & formam ieiunij sequeretur, licet excedat in mēsurā, seruatur votum, sicut seruatur præceptum ieiunij, quia ex vi talis voti, solum ad ieiunandum se obligauit.

## QVÆSTIO CXVII.

*An modus implendi votum cadat sub votum?*

**R**ESPONDEO minimè. Et ratio est, quia ex vi voti non obligatur homo nisi ad id quod formaliter, vel virtualiter promittit; sed modus actus non promittitur, nisi vel ad substantiam actus promissi pertineat, vel formaliter, vel virtualiter promittat.

tur: ergo extra hos casus modus non cadit sub votum.

Hinc, qui vouit ministrare sacramenta, si ille administret in mortali, licet peccet contra ius diuinum, non tamen contra votum.

Hinc, qui vouit orare, tenetur ex vi voti, attentè orare. Quia modus est de substantia orationis.

## QVÆSTIO CXVIII.

*An votum factum de meliori bono, obliget vouentem ad eius obseruantiam sub peccato?*

**R**ESPONDEO votum ex genere suo obligare ad sui obseruantiam sub peccato. Ratio est, quia non stare promissis est vitium contra virtutem veritatis, & fidelitatis vt docet D. Thom. 2. 2. q. 88. ar. 3.

Tum quia promissio bona fide facta homini in conscientia obligat: ergo & promissio Deo facta obligationem inducit. Quia vtriusque eadem est ratio.

Et est conclusio definita in multis scripturæ locis. Prouerb. 20. dicitur: *Ruina est homini vota retractare.* Super quem locum D. Hieronymus, *damnationem (ait) eum incurrit, qui votum violat.* Et Deut. 23. *Cum votum voueris Domino Deo tuo, non tardabis reddere, quia requies illud Dominus Deus tuus: & si moratus fueris, reputabitur tibi in peccatum.* Si nolueris polliceri, absque peccato eris. *Quod autem semel egressum est de labiis tuis, obseruabis, & facies sicut promissisti Domino Deo tuo, & propria voluntate, & ore tuo loquutus es.* Ex quibus verbis manifestè colligitur in hominis potestate esse, vouere; post emissum autem votum, tenet sub præcepto ad illud obseruandum quod vouerat. Et satis

id probant verba illa Eccles. 5. *Displicet enim illi infidelis, & stulta promissio*: quod enim Deo displicet, peccatum est. Item verbum illud, *reddite* Psalm. 75. verbum præcepti est; sicut vouere est consilij, vt definiuit Innoc. III. in cap. *Magna de voto*. Atque ita bene docet D. Thom. opusc. 18. cap. 12. & quodlib. 3. art. 12. vbi ait oppositum esse hæreticum.

## QVÆSTIO CXIX.

*An votum obliget ad sui obseruantiam sub mortali?*

**R**ESPONDEO votum ex genere suo obligare ad sui obseruantiam sub mortali. Ratio est, quia redditio voti pertinet ad fidelitatem, quam homo tenetur Deo seruare: sed hæc ex genere suo obligat ad mortale: ergo.

Et confirmatur: Qui fidem homini datam sine iusta causa violat, grauiter eum offendere censetur: ergo multò magis offendit Deum, qui per perfidiam irreligiosam, votum ei sanctè factum infringit.

Deinde ponderari potest, quod in Psalm. 75. post illa verba, *Nonne, & reddite Domino Deo vestro*, subiungit Dauid: *Terribili, & ei qui aufert Spiritum Principum, terribili apud Reges terra*. Quibus verbis exaggerare voluit grauitatem peccati non reddendi Deo votum ex diuina Majestate, & potestate.

<sup>2</sup> Tandem est conclusio definita in cap. *Ananias* 17. q. 1. vbi habetur voti transgressionem dignam esse morte: pro vt constat ex eo quod gestum est in Anania, & Saphira, qui subitam mortem à Deo puniti sunt; quorum peccatum fuit voti transgressio erogandi omnia pauperibus, vt ex

contextu colligitur. Et in cap. *licet de voto, & voti redemptione*, vbi Innoc. iij. dicit, *Post votum non licere alicui sine proprio filius distendit resistere*. Et in prima ad Timoth. 5. vbi videtur quæ castitatem vouerunt, volentes non libere, dicuntur damnationem sibi acquirere, quia primi, vna fidem inriti fecerunt: non dicitur autem habere damnationem, nisi qui mortaliter peccat. Et in cap. 5. Eccles. vbi habetur, *Si quid vouisti, non moreris reddere: displicet enim Deo infidelis, & stulta promissio*. Vbi sunt ponderanda *ly displicet, & ly stulta, & ly infidelis*, quæ grauem quandam Dei offensam significant. Atque hinc ortum est illud D. Hieronymi attributum 17. q. 1. c. 2. *Vouentibus virginitali non solum nubere, sed etiam velle nubere damnabile est*. & habetur in Augustino de bono viduitatis cap. 9. Vnde, cap. 11. subiungit, *grauius esse violare castitatem contra votum, quam adulterare*.

## QVÆSTIO CXX.

*An violatio voti sit aliquando venialis?*

**I**N qua re conuenit inter omnes, violationem voti posse esse venialem ex surreptione, seu indeliberatione. Nam hic modus extenuandæ culpæ etiam in grauissimis peccatis infidelitatis, desperationis, odij Dei, locum habet; & in peccato periurij vt vniter fatentur.

Tum quia propter indeliberationem potest interdum omnis culpa etiam venialis excusari, vt patet si ex obliuione naturali votum non impleatur: ergo pari ratione poterit impediri culpa mortalis, & relinqui venialis: quia potest esse aliqualis negligentia, quæ ad culpam leuem, non tamen ad grauem sufficit.

## QVÆSTIO CXXI.

*Sed dubium est, An violatio voti sit aliquando venialis ob leuitatem materia, etiam si cum sufficienti deliberatione fiat?*

**I**N qua difficultate etiam conuenit inter Doctores, modicam quantitatem in quacunque materia respectu totius nunquam obligare ad mortale; vt si voueas Rosarium, & postea omittis vnam, aut alteram salutationem angelicam; vel si voueas dare centum in elemosynam, & omittis soluere vnum solidum. In his, & aliis casibus, non est plusquam veniale; quia respectu totius est transgressio in minima quantitate. Et ratio est, quia transgressio cuiuscunque præcepti ratione paruitatis materię, id est, parui nocumenti, solum obligat transgressores ad veniale, minimo enim nocumento charitas Deo & proximo debita non destruitur; & violatio voti, transgressio diuini præcepti est, quemadmodum & furti, & homicidij, quapropter, ratione modicitatis materię fractio voti, seu alterius præcepti erit tantum venialis.

## QVÆSTIO CXXII.

*Sed totum huius controuersia dissidium inter Doctores consistit: An fractio voti de re leui, quæ res leui est tota materia voti, sit peccatum mortale? Vt si voueas recitare semel orationem angelicam, & illam omittas.*

**I**LLVSTRISSIMVS Caietan. 2.2.q. 89. art. 7. Armil. verb. iuramentum num. 12. Tabien. verb. iurare q. 10. &

Cosm. Philiar. de off. sacerdot. p. 3. cap. 3. existimant semper esse mortale. Huius opinionis olim fuit Nauar. vt testatur in Manuali cap. 12 n. 10. & 40.

Communis tamen Recentiorum sententia, quam tenendam censeo, docet solum esse veniale, etsi materia parua, sit tota materia voti. Ratio est, quia promissio rei leui facta homini non obligat ad sui obseruantiam sub mortali, quamuis ipsa res leui, sit tota materia promissionis; ergo nec facta Deo: Antecedens est manifestum. Consequentia vero probatur; nam Deus non est rigidior exactor suarum promissionum, quam homo.

Tum quia votum est quædam lex, a quam vouens ex propria voluntate sibi imponit; ergo non debet magis obligare, quam si esset lex Ecclesiastica, vel diuina: sed lex diuina, & Ecclesiastica in re leui non obligat nisi sub veniali, ergo similiter & votum.

Tum quia fractio iuramenti promissorii in re parua est tantum venialis, vt ipsemet Caietan. fatetur. in summa, verbo iuramentum, ergo & voti. Patet consequentia ex paritate rationis.

Obiicies, qui in hoc casu frangit votum de re leui, frangit illud in totum, & notabiliter, quemadmodum contigit nostro primo parenti Adam in paradiso terrestri.

Respondeo, non omne totum esse quid notabile; immo aliquando paruum, cuius furtum non inducit peccatum mortale.

Dices: in peccato hæresis, desperationis, odij Dei, & in periurio paruitas rei à mortali non excusat: ergo neque in transgressionem voti.

Respondeo: malitia hæresis repugnat primæ veritati Dei, propriæ; desperatio infinitæ Dei misericordiæ,

ricordie; odium Dei, infinita ipsius bonitati; & periurium ipsius summæ perfectioni, qua nec mentiri, nec ulli iniquitati cooperari potest: At transgressio voti consistit in infidelitate, qua quis promissionem Deo factam frangit; quod tantum ostendit nequitiam hominis, nec pugnat directe, tanquam ex diametro oppositum, cum aliquo diuino attributo.

- 4 Dices: mendacium de peccato veniali si tota materia confessionis sit, est peccatum mortale, non tamen si solum sit pars materiæ, vt vniuersi tradunt; ergo similiter quando aliquando est tota materia voti, si violatur, erit peccatum mortale.

Respondeo dispare esse rationem, idem enim tale mendacium est peccatum mortale, quando est tota materia confessionis, quia reddit Sacramentum irritum, & nullum, quod non contingit in voto, cum iam præterierit, sed solum agitur contra obligationem eius remanentem, idque solum in re leui. Et idem huius sententiæ sunt Sot. lib. 7. q. 2. art. 1. Natuar. c. 12. nu. 40. Arag. 2.2. q. 88. art. 3. Lop. p. 1. c. 12. Roder. p. 2. cap. 101. nu. 1. Henriq. lib. 5. de pœnit. cap. 20. nu. 4. Azor lib. 1. c. 15. q. 4 & multi alij.

### QVÆSTIO CXXIII.

*Quomodo cognosci possit paruitas, aut magnitudo materiæ in voto, vt inde culpa mortalis, aut venialis censeatur transgressio?*

- 1 RESPONDEO si sit aliquod præceptum de illa materia, vel si de illa præceptum imponeretur, quantitas quæ reputatur magna, aut leuis in illius præcepti transgressione, reputatur talis respectu voti: in quocumque autem præcepto paruitas, & magnitudo materiæ spectatur in ordine ad

immediatum præcepti finem, in quem peccatur. Cum ergo immediatus voti finis sit honor Dei, & utilitas spiritalis vouentis: quantitas materiæ promissæ spectanda erit penes proportionem ad illa.

Hinc, vota vnius ieiunij, aut audiendi vnius sacri, vel semel Eucharistiæ suscipiendæ obligant ad mortale. Quia hæc ratione dignitatis rei promissæ, & utilitatis spiritalis inde consergentis reputantur materia grauis obligans sub mortali respectu præcepti Ecclesiæ.

Hinc, votum celebrandi vnâ Missam obligat sub mortali. Quia hoc in magnum Dei honorem cedit, & magis, quam recitare semel coronam.

Hinc votum faciendi confessionem, obligat ad mortale, etiam si hic sola venialia habeat. Quia confessio hæc in magnum Dei honorem & maximam vouentis utilitatem cedit.

### QVÆSTIO CXXIV.

*An vouens in materia graui, possit se ad solam culpam venialem obligare?*

IN qua re constat inter omnes hanc questionem non habere locum in voto solemnî: Si enim quispiam vellet religionem profiteri cum intentione se obligandi ad solam culpam venialem, mortaliter peccaret, & confessio esset nulla, tenereturque votum cum absoluto, & legitimo consensu iterare.

### QVÆSTIO CXXV.

*Tota igitur difficultas consistit de voto simplici.*

SOTVS egregius Thomista lib. 7. q. 2. ar. 1. Cord. in sum. q. 183. p. 1. & Vafqn.

Vasqu. 1. 2. d. 158. c. 4. num. 34. negant, quia non est in vouentis arbitrio situm, sub reatu mortali, aut veniali se obligare, sed culpæ qualitas ex quantitate, & necessitate obiecti perpendenda est.

At multò verius est, vouentem in quacumque materia graui posse se tantum sub veniali obligare. Ratio est, quia legislator potest imperare in materia graui, obligando tantum sub veniali vt rectè docent Nauar. c. 23. num. 49. & Castr. lib. 1. de lege pœnali cap. 5. Sed votum est quædam lex priuata; ergo idem poterit facere vouens, dum sua sponte sibi talem legem imponit.

Tum quia vouens in re graui, potest se ad solam pœnam obligare, vt docet Henriq. lib. 2. de pœnis. c. 21. nu. 5. ergo & ad solam venialem culpam. Probo consequentiam, quia facilius est minuire culpam, quam omnino auferre.

Tum quia licet obligatio sit de essentia voti, tamen obligatio sub mortali non est de essentia: ergo per intentionem vouentis poterit nunui illa obligatio.

Et confirmatur, nam actus agentium non operantur vltra intentionem eorum; Sed obligatio voti est ex morali actu hominis: ergo non potest excedere intentionem eius. Ita docet Henriq. lib. 2. de panis. cap. 21. num. 5.

### QVÆSTIO CXXVI.

*An vouens in re graui possit se ad solam pœnam obligare?*

**S**ANCH. lib. 1. de spons. disp. 9. dub. 1. num. 9. negat.

Sed contrarium mihi videtur verum cum Henriq. lib. 2. de panis. cap. 21. num. 5. Et ratio est, quia lex non

aliter obligat, quam is qui legem tulit, obligare intendit. At votum est lex priuata, quam vouens sua sponte sibi imponit, ergo non plus, nec minus, obligat, nisi in quantum vouens ipse vult se obligare, ergo potest se obligare ad solam pœnam.

Et confirmatur, nam potest dari lex purè pœnalis, non obligans in conscientia, vt in materia de legibus multi nobiles Authores tradunt; ergo & votum.

Tum quia obligatio ad solam pœnam vera obligatio est, & inter homines locum habet sine reatu culpæ: ergo etiam in promissione ad Deum,

Hinc, si quis generaliter proponat se nunquam per votum obligaturum, nisi ad solam culpam venialem, vel pœnam, & deinde non retractata ea voluntate, quamvis eius intentionis immemor voueat, non amplius quàm ad id voto obligabitur.

### QVÆSTIO CXXVII.

*An vouens in re leui possit se obligare ad mortale?*

**I**N qua re constar apud omnes, votum in re leui de se non obligare ad mortale.

Sed quod in dubium vertitur, est: An adiuncta saltem speciali intentione vouentis se grauius obligandi, inducat cum effectu talem obligationem.

Sayr. in clau. Reg. lib. 6. c. 6. num. 7. affirmant posse. Quia vnusquisque potest sibi hanc legem imponere.

Suar. ro. 2. de relig. iust. 6. lib. 4. c. 5. num. 20. est dubius.

Mihi vero longè probabilius videtur contrarium. Ducor, quia tale votum esset stultum, cum nec Prælati possit in re parua obligare ad mortale, vt rectè Sor. lib. 7. q. 2. art. 1. Cord.

Cord. in sum. q. 188. p. 1. Vasqu. t. 2. d. 158. A. r. num. 34. Et plerique alij docent. Vnde talis obligatio videtur excedere potestatem vouentis, quia non potest se obligare Deo, plusquam Deus ipse velit, vel quam materia patitur: sicut non potest homo homini obligare se sub obligatione graui in materia leui, quia excedit materie capacitatem.

## QVÆSTIO CXXVII.

*An qui centies idem votum repetit, & confirmat, centuplicem obligationem contrahat?*

**R**ESPONDEO eum qui votum semel factum sæpius repetit, & confirmat, nullam obligationem distinctam suscipit, sed veterem tantum renouat, ac confirmat: & consequenter qui votum centies, ac millies confirmatum negligit, vnum solum peccatum committit, cum omne vinculum, quod per tale votum induci potest, iam priori voto sit inductum, sicut qui multa conficit instrumenta eiusdem obligationis, non plus adstringitur, quam vnico confecto instrumento. Et eadem ratione idem est dicendum de iuramentis multiplicatis circa eandem rem. Erunt tamen duo peccata necessariò in confessione exprimenda, si votum, & iuramentum de eadem re facta violentur. Quia hæc duo vincula diuersa ratione pertinent ad religionis virtutem: nimirum votum ob fidem datam Deo seruandam; iuramentum autem ne Deus adducatur in testem falsum.

ita tenet Med. 1. 2. q. 72. art. 6. lib. 1. r. cap. 14. q. 1. Henr. lib. 5. de s. nu. 6. Rodet. p. 1. sum. cap. 23. tract. 6. de relig. lib. 2. cap. 6.

, qui in duabus religionibus

regularium bis votum solemne emisit continentia, quamuis grauius peccet, incontinenter viuendo; vnum tamen solum peccatum committit.

Hinc, cautè legendus est Angel. de voto diff. 9. qui dicit grauius peccare illum, qui frangit rem, quam sapius deuonit, quam illum qui semel eam solum deuonit. Quia debet intelligi de grauitate non mutante speciem peccati, cum non ducat secum distinctam malitiam, quàm si semel sit vota res.

## QVÆSTIO CXXVIII.

*An qui votum violat, vnum speciale peccatum committat?*

**S**UNT quidam qui tenent, hunc duo specialia peccata committere, quia contra duas virtutes peccat, nimirum contra fidelitatem, & contra Religionem.

Alij verò sentiunt, eum vnicum sacrilegij peccatum committere contra religionem, quia etsi voti transgressio sit contra fidelitatem, non est tamen distincta à peccato contra religionem; vna enim & eadem religionis virtus præscribit, vt ob Dei honorem res promissa, fideliter præstetur. Pro quo.

Primò dico, quod qui votum de opere supererogationis. s. ieiunij non positi sub præcepto frangit, vnum speciale peccatum committit. Quia vnus specialis virtutis rectitudinem, s. religionis infringit. Ita Caietan. 2. 2. q. 88. art. 5. Sot. lib. 7. q. 2. art. 8. & Valent. 2. 2. d. 6. q. 5. p. 4.

Secundo dico, quod qui votum de opere posito sub præcepto. s. de non occidendo, &c. violat, duplex speciale peccatum committit, vnum contra præceptum de non occidendo; alterum contra votum, quæ ambo necessariò sunt in confessione sacramentali explicanda. Ita.

I.

Nau..

detur sentire Sotus lib. 7. q. 2. art. 1. & lib. 8. q. 1. ar. 7.

2. Contrarium tamen est proculdubio asserendum cum Syluest. verb. meus q. 8. Henrici lib. 1. de matr. cap. 9. num. 1. & 3. Valent. som. 4. d. 10. q. 3. p. 2. Arag. 1. 2. q. 88. art. 3. Nau. cap. 22. nu. 50. & Azor. lib. 11. cap. 15. q. 6. Et ratio est, quia stando in iure naturæ ea libertas quæ sufficit ad peccatum lethale, sufficit etiam ad vouendum. At hæc inuenitur in metu graui. nam si puella ex metu tali, stupro consentiret, proculdubio peccaret mortaliter vt rectè docet D. Thom. 1. 2. q. 6. ar. 6. ergo stando in iure naturæ, & diuino, si ex illo metu fiat votum, illud erit validum.

Tum quia matrimonium tali metu extortum iure naturæ est validum, vt Theologi communiter, ac iuris vtriusque Doctores fatentur. Similiter & iuramentum cap. si vero de iur. iur. cum tamen ita voluntaria sint, atque vincula perpetua, ac votum: ergo etiam & votum simili metu emissum eodem iure erit validum.

Nec obstant contrariæ opinionis argumenta. Nam ad primum dicimus falsum esse metum tollere voluntarium, quamuis illud minuat admiscendo aliquid inuoluntarij, vt rectè docet Aristot. 3. eth.

Ad secundum. Respondeo, quod est simpliciter violentum non potest esse perpetuum: secus de violento secundum quid, quale est metu extortum.

## QVÆSTIO CXI.

*An votum ex metu graui extortum sit irritum falsè iure Ecclesiastico?*

1. SYLVESTR. verb. meus q. 8. negat tale votum esse ipso iure nullum,

sed esse Ecclesiæ authoritate irritandum; sicut iuramentum eo metu extortum est validum, relaxandum tamen per Ecclesiam. Ducitur, quia tale votum est voluntarium.

Suar. to. 2. de religione tract. 6. lib. 1. cap. 8. num. 5. opinatur solum votum solemne tali metu emissum esse ipso iure irritum, non autem simplex. Ducitur, quia vnicus textus votum sic per metum extortum irritans reperitur, qui est cap. 1. de his quæ vi, &c. At de solo voto solemnij professionis loquitur.

Nos tamen contrariam sententiam, vt magis communem, & veriorē sequendam esse arbitramur, irritari eo metu omne votum, siue simplex, siue solemne. Hæc est expressa sententia Soti lib. 7. q. 3. ar. 1. Nau. cap. 12. num. 52. & Comment. 1. de regul. num. 13. Mcd. lib. 1. sum. cap. 14. §. 6. Arag. 1. 2. q. 88. art. 3. Tolet. lib. 4. c. 17. num. 5. Valent. 1. 2. d. 6. q. 6. p. 4. Lop. p. p. cap. 45. Roder. p. 2. cap. 95. num. 1. Azor. lib. 12. c. 15. q. 7. Etymian. Sa. verb. meus num. 1. & verb. votum num. 8. & Philiat. de off. Sacerd. tom. 1. p. 2. lib. 3. cap. 18. Et ratio est quia in dicto cap. Perlatum de his quæ vi, metusue causæ sunt, per summum Pontificem declaratur professionem mulieris, quæ metu mortis à marito incusso religionem vouerat, ac professâ fuerat, esse ipso iure nullam. Et quamuis ibi non sit sermo de voto simplici, at communis Theologorum, & iurisperitorum sententia eandem declarationem extendit ad votum simplex: vt potè quod est supererogationis opus, & suam perpetuitatem habet. Quod est verum etiam si vouens, dum vouit se habuisse eo voto animum obligandi, affirmet. Quoniam Ecclesia eum consensum, vt non omninò liberum, inefficacem reddit ad valorem voti: sicut consensum clandestinum.



num irritat, ne ex eo obligatio matrimonij oriatur. Si tamen cessante metu, vouens sciens prius votum esse nullum illud ratum habeat, incipiet tunc valere.

3 Hinc, vota eo metu graui emissā ab infidelibus, sunt valida & obligatoria. Ratio est, quia vota tali metu extorta, solo iure Canonico irritantur, cui illi non subiiciuntur.

4 Hinc, qui metu mortis, aut mutilationis, sacris initiatur, ad votum castitatis ordini annexum non tenetur, quamuis characterem ordinis suscipiat. Ratio est, quia vt diximus, votum tali metu extortum non valet. Vnde poterit sine vlla dispensatione ad nuptias transire, si nolit in ordinis sacri vsu permanere. Quare Ecclesia cogit eum, aut vt votum castitatis de nouo emittat, aut ab vsu Sacrorum ordinum absteineat. Quod si semel ordine suscepto vsus sit, ad votum continentiae tenebitur, quia est ordinis suscepti ratificatio.

5 Dices; iuramentum metu graui extortum esse iure Pontificio validum, ergo est votum.

Respondet disparem esse vtriusque rationem; nam voti obligatio pendet ex pura voluntate vouentis, & ideo metus qui tollit voluntarium, tollit eius obligationem: obligatio autem iuramenti non ex voluntate iurantis, sed ex iuramenti natura pendet: nam honor diuini nominis hoc requirit, vt nunquam homo falsum esse finat, quod iurat, Ita *Sot. lib. 7. q. 3. artic. 1.*

*metus mortis incutitur, nisi ieiunium frangat, an tunc comedendo peccet?*

**R**ESPONDEO non peccare. Ratio est, quia vouens intentionem obligandi se ad seruandum votum cum tanto detrimento non habuit.

Tum quia votum non obligat, nisi ad instar legis, lex autem Ecclesiastica ad ieiunium non eo rigore compellit, vt velit nos subire mortem pro sui ieiunij obseruatione: nisi in fidei, aut Christianae religionis contemptum, & Ecclesiae contumeliam tyrannus eam minaretur, quia tunc potius deberet subire mortem, quam votum violare. Quod, si votum esset de re aliqua posita sub praeccepto diuino, & naturali, vt de non adulterando, quod vt dicemus obligat cure eo mortis periculo, adhuc existimo adulterantem solum peccare contra id praecceptum, non autem contra votum, quod cum tanto rigore non obligat, vt illius semper gratia mortem optemus; adeo vt quando metus incutitur in fidei odium, & contemptum ad legem Ecclesiasticam transgrediendam, & si teneatur quiseam non violare, non tamen tenetur ex vi legis illius Ecclesiasticae non obligantis cum tanto rigore, sed ex vi legis diuinae obligantis ad tuendam fidem, & religionem cum mortis periculo. *Sot. lib. 7. q. 2. art. 1. Roder. p. 2. cap. 95. num. 4. & Emman. Sā. ver. b. v. num. 23.*

Hinc, Sacerdos qui metu mortis à tyranno compellitur celebrare coram excommunicato, vel comedere carnes in diebus ab Ecclesia prohibitis, celebrando, vel comedendo, non peccat, dummodo talis compulsio à tyranno in Ecclesiae contumeliam non fiat, vt faciunt haeretici, quia praecceptum

## QVÆSTIO CXII.

*An metus sufficiens ad reddendum votum nullum, vouentem etiam ab eius executione liberet? v. g. nonis quis ieiunare, & postea ei*

prum de tuenda vita est naturalis diuinum.

### QVÆSTIO CXIII.

*An metus sufficiens ad liberandum aliquem ab executione voti, à culpa transgressionis Legis diuina aut naturalis excuset?*

- 1 **R**ESPONDEO non excusare. Ratio est, quia obligatio legis diuinæ non ex nostra voluntate, sicut in voto, sed Dei præcipientis oritur, atque ira in omni euentu obligat. Vnde si puella metu mortis in stuprum consentiret, non excusaretur à culpa mortali, cum nec ob mortem peccatum veniale committendum sit.

### QVÆSTIO CXIV.

*An metus levis, qui in virum constantem non cadit, irritum reddit votum in foro conscientie, si per iniuriam gratia extorquendi votum incussus sit?*

- 2 **N**AVAR. cap. 17. nu. 15. & cap. 22. nu. 51. & Com. 2. de regul. num. ultimo & Rodet. p. 2. c. 8. nu. 10. affirmant, ducti eo fundamento, quia sæpe metus levis non minus perturbat hominem, & impellit potentem ad consensum, quam metus grauis cadens in virum constantem, ergo si hic irritat votum, etiam ille.

- 1 Contra tamen, & meo iudicio probabilius sentiunt Sor. lib. 7. q. 2. art. 1. Arag. 2. 2. q. 88. art. 3. Lop. p. 1. c. 46. Valent. 2. 2. d. 6. q. 6. p. 4. Azor. lib. 11. c. 15. q. 6. Erman. Si verb. metus num. 3. & Cosm. Phil. de off. Sacrd. to. 1. p. 2. lib. 3. cap. 18. nimirum metum leuem qui in virum constantem non cadit, non red-

deret votum irritum. Et Ratio est, quia talis metus non tollit voluntarium: ergo votum tali metu emissum est validum.

Et confirmatur, metus non irritat votum quia quomodocumque voluntarium tollit, sed quia prudenter, & rationabiliter aufert, eligendo rem tam grandem, ut est votum ratione illius timoris vitandi; quod non contingit quando metus est levis, sed imprudenter, & irrationabiliter agitur.

Et videtur esse conclusio definita in l. metum ff. quod metus causa. vbi dicitur, *metum vani hominis non esse spectandum, sed eum, qui in constantissimum cadit.* Quando autem omnibus pensatis anceps res est, an metus sit grauis vel levis, existimo diiudicandum esse in fauorem voti, ut non irritet. Quia cum constet de voto; & excusatio sit dubia, stat possessio pro voto.

### QVÆSTIO CXV.

*An votum ex errore factum, sit validum?*

**A**D hoc respondeo, quod si error sit circa substantiam voti, sitque causa vouendi, tunc votum est irritum ut communiter Doctores restantur. Censetur autem esse circa substantiam voti multis modis.

Primò, cum erratur circa vim voti, ut si credens votum non obligare sub peccato, voueat, talis enim ignoraturam voti, quod facit. Debet tamen error esse causa actus, alioquin non reddet illum irritum.

Secundò, cum erratur circa personam, ut si voueas dare elemosynam Titio, quem existimas esse tuum cognatum, & sit extraneus.

Tertiò, cum erratur circa partem notabilem rei promissæ, ut si voueas adire

adice Hierosolymam, putans eam propè esse, & quod absque nauigio possis illuc proficisci, cum tamen res longè aliter se habeat, voto non ligaris, cum ignorantia tollat voluntarium, quod est de essentia voti. Secus si deceptio sit circa aliquas conditiones, vel impertinentes, vel leuioris momenti, tunc enim valeret votum, quia parum pro nihilo reputatur.

Quartò, cum erratur circa materiam voti, vt si voueas certam pecuniam, quam putas argenteam, cum sit aurea: vel voueas ingredi certum cœnobium, putans in eo Regulam quoad essentialia seruari, cum tamen non seruetur.

Quintò, & vltimò, cum erratur circa causam finalem ob quam quis vouit, vt si voueas Rosarium pro salute patris, quem putas ægrotare, cum non ægrotet. Et ratio est quia non extante causa finali, deficit intentio vouentis, quia deficit proprium, ac principale motuum eius.

Tum quia ille finis est quasi obiectum intrinsecum talis actus; & ideo eo cessante, cessat eius obligatio.

4 Hinc, qui vouit dare singulis diebus, certam pecuniam Titio propter eius paupertatem, nunc autem factus est diues, non tenetur amplius ad votum. Quia eius indigentia, quæ fuit causa finalis sui voti, cessauit.

5 Hinc, qui vouit peregrinationem pro salute filij, & filius moriatur ante inchoatam peregrinationem, non tenetur amplius peregrinari. Quia eius causa finalis cessauit.

Hinc, qui promisit redimere Titium captiuum, & ante quàm possit suum votum explet, ipse fugam inear, non tenetur amplius voto. Quia causa finalis illum redimendi cessauit.

6 Hinc, qui vouit religionem ingredi principaliter in tali Monasterio, & & postea in eo non recipitur, ex vi

voti ad nihil aliud tenetur. Quia proprium motuum sui voti cessauit.

Hinc, qui fingendo sanctitatem, legatum obtinuit, tenetur in conscientia illud restituere. Quia vt suppono, sanctitas quæ fuit causa finalis talis donationis, non extat.

Hinc, qui fingendo paupertatem, 7 multam pecuniam comparauit, tenetur in conscientia illam restituere. Quia paupertas fuit causa finalis talis donationis, qua cessante non tenebit donatio.

Hinc, qui falsò existimans se à Deo recepisse aliquod insigne beneficium, aliquid vouit in gratiarum actionem, votum non tenet. Quia causa finalis voti cessauit. Secus si etiam tunc vouisset, & proinde fuit causa impulsiva, vel inductiua ad vouendum, quia cessante tali causa, cum permaneat principale motuum, non est cur cesset obligatio voti. Quòd si votum duplicem habeat causam impulsiuam, quamuis vna cesset, obligabit votum, nisi intendat vouens aliter non se obligare, nisi illa duplici causa existente. In dubio autem verum causa cessans sit finalis, aut impulsiva, iudicandum est, causam esse finalem, ac proinde obligare votum.

Ex quo colligitur, errorem circa 9 voti substantiam, non solum ipsam votum quoad eius substantiam irritare, sed etiam quoad circumstantias accidentarias illi substantiæ accessorias. Vt si existimans domum Lauretanam non habere iter nisi vnius diei, cum sit sex, voueas illam, indutus sacco visitare, sicut non teneris ob errorem ire domum Lauretanam, ita nec indui sacco, in quo non errasti. Ratio est, quia destructo principali, corrui etiam accessorium.

Regula. Cum principalis ff. de reg. iuris.

H 2

QVÆST.

## QVÆSTIO CXVI.

*An finis voti cadat sub votum?*

**R**ESPONDEO minimè, nisi fortè expressè vouentis intentio sit, se obligare ad votum ex certo bono fine seruandum. Ratio est, quia commune proloquium est, *finem præcepti non cadere sub præceptum*, ac votum est veluti quoddam præceptum, quod vouens sua sponte sibi iniungit, ergo etiam votum non obligat ad finem, sed ad solam materiam promissam.

Hinc, qui vouit dare eleemosynam, vt satisfaciatur pro suis peccatis, non consetur violare votum, si ipsum executioni mandet quidem, non tamen illo ipso fine, quo vouit. Quia non eo ipso quod quis aliquo fine motus est ad aliquid vouendum, censendus est vouisse, id ipsum promissum suum exequi ex eodem fine.

Hinc, qui vouit ieiunium eo fine, vt corpus affligatur, ex vi voti non tenetur ieiunare ad hunc finem: vnde si debitam ciborum qualitatem, & formam ieiunij seruet, licet excedat in mensura, seruatur votum, sicut seruatur præceptum ieiunij, quia ex vi talis voti, solum ad ieiunandum se obligauit.

## QVÆSTIO CXVII.

*An modus implendi votum cadat sub votum?*

**R**ESPONDEO minimè. Et ratio est, quia ex vi voti non obligatur homo nisi ad id quod formaliter, vel virtualiter promissum; sed modus actus non promittitur, nisi vel ad substantiam actus promissum pertineat, vel formaliter, vel virtualiter promitta-

tur: ergo extra hos casus modus non cadit sub votum.

Hinc, qui vouit ministrare sacramenta, si ille administret in mortali, licet peccet contra ius diuinum, non tamen contra votum.

Hinc, qui vouit orare, tenetur ex vi voti, attentè orare. Quia modus est de substantia orationis.

## QVÆSTIO CXVIII.

*An votum factum de meliori bono, obliget vouentem ad eius obseruantiam sub peccato?*

**R**ESPONDEO votum ex genere suo obligare ad sui obseruantiam sub peccato. Ratio est, quia non stare promissis est vitium contra virtutem veritatis, & fidelitatis vt docet D. Thom. 2. 2. q. 88. ar. 3.

Tum quia promissio bona fide facta homini in conscientia obligat: ergo & promissio Deo facta obligationem inducit. Quia vtriusque eadem est ratio.

Et est conclusio definita in multis scripturæ locis. Prouerb. 20. dicitur: *Ruina est homini vota retractare.* Suppet quem locum D. Hieronymus, *damnationem (ait) cum incurrere, qui votum violat.* Et Deut. 23. *Cum votum voveris Domino Deo tuo, non tardabis reddere, quia requirit illud Dominus Deus tuus: & si moratus fueris, reputabitur tibi in peccatum. Si nolueris polliceri, absque peccato eris. Quod autem semel egressum est de labiis tuis, obseruabis, & facies sicut promissisti Domino Deo tuo, & propria voluntate, & ore tuo loquutus es.* Ex quibus verbis manifestè colligitur in hominis potestate esse, vouere; post emissum autem votum, teneri sub præcepto ad illud obseruandum quod voverat. Et satis id

id probant verba illa Eccles. 5. *Displacet enim illi infidelis, & stulta promissio: quod enim Deo displicet, peccatum est.* Item verbum illud, *reddite* Psalm. 75. verbum præcepti est; sicut vouere est consilij, vt definiuit Innoc. III. in cap. *Magna de voto.* Atque ita bene docet D. Thom. opusc. 18. cap. 12. & quodlib. 3. art. 12. vbi ait oppositum esse hæreticum.

## QVÆSTIO CXIX.

*An votum obliget ad sui obseruantiam sub mortali?*

**R**ESPONDEO votum ex genere suo obligare ad sui obseruantiam sub mortali. Ratio est, quia redditio voti pertinet ad fidelitatem, quam homo tenetur Deo seruare: sed hæc ex genere suo obligat ad mortale: ergo.

Et confirmatur: Qui fidem homini datam sine iusta causa violat, grauiter eum offendere censetur: ergo multò magis offendit Deum, qui per perfidiam irreligiosam, votum ei sanctè factum infringit.

Deinde ponderari potest, quod in Psalm. 75. post illa verba, *Vouete, & reddite Domino Deo vestro*, subiungit Dauid: *Terribili, & ei qui aufert Spiritum Principum, terribili apud Reges terra.* Quibus verbis exaggerare voluit gravitatem peccati non reddendi Deo votum ex diuina Majestate, & potestate.

<sup>2</sup> Tandem est conclusio definita in cap. *Ananias* 17. q. 2. vbi habetur voti transgressionem dignam esse mortem: pro vt constat ex eo quod gestum est in Anania, & Saphira, qui subita morte à Deo puniti sunt; quorum peccatum fuit voti transgressio erogandi omnia pauperibus, vt ex

contextu colligitur. Et in exp. licet de voto, & voti redemptione, vbi Innoc. iij. dicit, *Post votum non licere alicui sine proprio filius dispendio resilire.* Et in prima ad Timoth. 5. vbi videtur quæ castitatem voverunt, volentes nubere, dicuntur damnationem sibi acquirere, quia primò in fidem in vii im fecerunt: non dicitur autem habere damnationem, nisi qui mortaliter peccat. Et in cap. 5. Eccles. vbi habetur, *Si quid vouisti, non moreris reddere: displicet enim Deo infidelis, & stulta promissio.* Vbi sunt ponderanda ly *displicet*, & ly *stulta*, & ly *infidelis*, quæ grauem quandam Dei offensam significant. Atque hinc ortum est illud D. Hieronymi attributum 17. q. 1. c. 2. *Vouentibus virginitatem non solum nubere, sed etiam velle nubere damnabile est.* & habetur in Augustino de bono viduitatis cap. 9. Vnde, cap. 11. subiungit, *grauius esse violare castitatem contra votum, quam adulterare.*

## QVÆSTIO CXX.

*An violatio voti sit aliquando venialis?*

**I**N qua re conuenit inter omnes, violationem voti posse esse venialem ex surreptione, seu indeliberatione. Nam hic modus extenuandi culpam etiam in grauissimis peccatis infidelitatis, desperationis, odij Dei, locum habet; & in peccato perituri vt vniuersi facentur.

Tum quia propter indeliberationem potest interdum omnis culpa etiam venialis excusari, vt patet si ex obliuione naturali votum non impleatur: ergo pari ratione poterit impediri culpa mortalis, & relinqui venialis: quia potest esse aliqualis negligentia, quæ ad culpam leuem, non tamen ad grauem sufficiat.

H 3 QVÆST.

## QVÆSTIO CXXI.

*Sed dubium est, An violatio voti sit aliquando venialis ob leuitatem materia, etiam si cum sufficienti deliberatione fiat?*

**I**N qua difficultate etiam conuenit inter Doctores, modicam quantitatem in quacunque materia respectu totius nunquam obligare ad mortale; vt si voueas Rosarium, & postea omittis vnam, aut alteram salutationem angelicam; vel si voueas dare centum in elemosynam, & omittis soluere vnum solidum. In his, & aliis casibus, non est plusquam veniale; quia respectu totius est transgressio in minima quantitate. Et ratio est, quia transgressio cuiuscunque præcepti ratione paruitatis materię, id est, parui nocuenti, solum obligat transgressores ad veniale, minimo enim nocumento charitas Deo & proximo debita non destruitur; & violatio voti, transgressio diuini præcepti est, quemadmodum & furti, & homicidij, quapropter, ratione modicitatis materię fractio voti, seu alterius præcepti erit tantum venialis.

## QVÆSTIO CXXII.

*Sed totum huius controuersia dissidium inter Doctores consistit: An fractio voti de re leui, quæ res leuis est tota materia voti, sit peccatum mortale? Vt si voueas recitare semel orationem angelicam, & illam omittas.*

**I**LLVSTRISSIMVS Caietan. 2. 2. q. 89, art. 7. Armil. verb. iuramentum num. 12. Tabien. verb. iurare q. 19. &

Colin. Philiar. de off. sacerdot. p. 3. cap. 3. existimant semper esse mortale. Huius opinionis olim fuit Nauar. vt testatur in Manuali cap. 12 n. 10. & 40.

Communis tamen Recentiorum sententia, quam tenendam censeo, docet solum esse veniale, etsi materia parua, sit tota materia voti. Ratio est, quia promissio rei leuis facta homini non obligat ad sui obseruantiam sub mortali, quamuis ipsa res leuis, sit tota materia promissionis; ergo nec facta Deo: Antecedens est manifestum. Consequentia vero probatur; nam Deus non est rigidior exactor suarum promissionum, quam homo.

Tum quia votum est quædam lex, a quam vouens ex propria voluntate sibi imponit; ergo non debet magis obligare, quam si esset lex Ecclesiastica, vel diuina: sed lex diuina, & Ecclesiastica in re leui non obligat nisi sub veniali, ergo similiter & votum.

Tum quia fractio iuramenti promissori in re parua est tantum venialis, vt ipsemet Caietan. fatetur. in summa, verbo iuramentum, ergo & voti. Patet consequentia ex paritate rationis.

Obiicies, qui in hoc casu frangit votum de re leui, frangit illud in totum, & notabiliter, quemadmodum contigit nostro parenti Adamo in paradiso terrestri.

Respondeo, non omne totum esse quid notabile; immo aliquando paruum, cuius furtum non inducit peccatum mortale.

Dices in peccato hæresis, desperationis, odij Dei, & in periurio paruitas rei à mortali non excusatur: ergo neque in transgressione voti.

Respondeo: malitia hæresis repugnat primæ veritati Dei propriæ; desperatio infinitæ Dei misericordię,

ricordie; odium Dei, infinita ipsius bonitati; & periurium ipsius summae perfectioni, qua nec mentiri, nec ulli iniquitati cooperari potest: At transgressio voti, consistit in infidelitate, qua quis promissionem Deo factam frangit; quod tantum ostendit nequitiam hominis, nec pugnat directe, tanquam ex diametro oppositum, cum aliquo diuino attributo.

4 Dices: mendacium de peccato veniali si tota materia confessionis sit, est peccatum mortale, non tamen si solum sit pars materiae, ut vniuersi tradunt; ergo similiter quando aliquando est tota materia voti, si violatur, erit peccatum mortale.

Respondeo disparem esse rationem, idem enim tale mendacium est peccatum mortale, quando est tota materia confessionis, quia reddit Sacramentum irritum, & nullum, quod non contingit in voto, cum iam praeterierit, sed solum agitur contra obligationem eius remanentem, idque solum in re leui. Et idem huius sententiae sunt Soc. lib. 7. q. 2. art. 1. Natur. c. 12. nu. 47. Arag. 2. 2. q. 88. art. 3. Lop. p. 1. c. 12. Roder. p. 2. cap. 101. num. 1. Henric. lib. 5. de poenit. cap. 27. num. 4. Azor lib. 1. c. 15. q. 4. & multi alij.

### QVÆSTIO CXXIII.

*Quomodo cognosci possit paruitas, aut magnitudo materiae in voto, ut inde culpa mortalis, aut venialis censeatur transgressio?*

1 R E S P O N D E O si sit aliquod praecceptum de illa materia, vel si de illa praecceptum imponeretur, quantitas quae reputatur magna, aut levis in illius praeccepti transgressione, reputatur talis respectu voti: in quocumque autem praeccepto paruitas, & magnitudo materiae spectatur in ordine ad

immediatum praeccepti finem, in quem peccatur. Cum ergo immediatus voti finis sit honor Dei, & utilitas spiritualis vouentis: quantitas materiae promissae spectanda erit penes proportionem ad illa.

Hinc, vota vnius ieiunij, aut audiendi vnus sacri, vel semel Eucharistiae suscipiendae obligant ad mortale. Quia haec ratione dignitatis rei promissae, & utilitatis spiritualis inde consurgentis reputantur materia grauis obligans sub mortali respectu praeccepti Ecclesiae.

Hinc, votum celebrandi vnam Missam obligat sub mortali. Quia hoc in magnum Dei honorem cedit, & magis, quam recitare semel coronam.

Hinc votum faciendi confessionem, obligat ad mortale, etiam si hic sola venialia habeat. Quia confessio haec in magnum Dei honorem & maximam vouentis utilitatem cedit.

### QVÆSTIO CXXIV.

*An vouens in materia graui, possit se ad solam culpam venialem obligare?*

1 I N qua re constat inter omnes hanc questionem non habere locum in voto solemniter: Si enim quispiam vellet religionem profiteri cum intentione se obligandi ad solam culpam venialem, mortaliter peccaret, & confessio esset nulla, tenereturque votum cum absoluto, & legitimo consensu iterare.

### QVÆSTIO CXXV.

*Tota igitur difficultas consistit de voto simplici.*

S O T V s egregius Thomista lib. 7. q. 2. ar. 1. Cord. in sum. q. 183. p. 1. & Vasqu.

Vasqu. 1. 2. d. 158. c. 4. num. 34. negant, quia non est in vouentis arbitrio situm, sub reatu mortali, aut veniali se obligare, sed culpæ qualitas ex quantitate, & necessitate obiecti perpendenda est.

At multo verius est, vouentem in quacumque materia graui posse se tantum sub veniali obligare. Ratio est, quia legislator potest imperare in materia graui, obligando tantum sub veniali vt recte docent Nauat. c. 23. num. 49. & Cast. lib. 1. de lege pœnali cap. 5. Sed votum est quædam lex priuata; ergo idem poterit facere vouens, dum sua sponte sibi talem legem imponit.

Tum quia vouens in re graui, potest se ad solam pœnam obligare, vt docet Hentiq. lib. 2. de pœnis. c. 21. num. 5. ergo & ad solam venialem culpam. Probo consequentiam, quia facilius est minuere culpam, quam omnino auferre.

Tum quia licet obligatio sit de essentia voti, tamen obligatio sub mortali non est de essentia: ergo per intentionem vouentis poterit minui illa obligatio.

Et confirmatur, nam actus agentium non operantur ultra intentionem eorum; Sed obligatio voti est ex morali actu hominis: ergo non potest excedere intentionem eius. Ita docet Hentiq. lib. 2. de pœnis. cap. 21. num. 5.

## QVÆSTIO CXXXVI.

*An vouens in re graui possit se ad solam pœnam obligare?*

**S**ANCH. lib. 1. de spons. disp. 9. dub. 1. num. 9. negat.

Sed contrarium mihi videtur verius cum Hentiq. lib. 2. de pœnis. cap. 21. num. 5. Et ratio est, quia lex non

aliter obligat, quam is qui legem tulit, obligare intendit. At votum est lex priuata, quam vouens sua sponte sibi imponit, ergo non plus, nec minus, obligat, nisi in quantum vouens ipse vult se obligare, ergo potest se obligare ad solam pœnam.

Et confirmatur, nam potest dari lex purè pœnalis, non obligans in conscientia, vt in materia de legibus multi nobiles Authores tradunt; ergo & votum.

Tum quia obligatio ad solam pœnam vera obligatio est, & inter homines locum habet sine reatu culpæ: ergo etiam in promissione ad Deum,

Hinc, si quis generaliter proponat se nunquam per votum obligaturum, nisi ad solam culpam venialem, vel pœnam, & deinde non retractata eavoluntate, quamvis eius intentionis immemor voueat, non amplius quàm ad id voto obligabitur.

## QVÆSTIO CXXXVII.

*An vouens in re leui possit se obligare ad mortale?*

**I**N qua re constar apud omnes, votum in re leui de se non obligare ad mortale.

Sed quod in dubium vertitur, est: An adiuncta saltem speciali intentione vouentis se grauiter obligandi, inducat cum effectu talem obligationem.

Sayr. in clau. Reg. lib. 6. c. 6. num. 7. affirmant posse. Quia vniuersquisque potest sibi hanc legem imponere.

Suar. to. 2. de relig. iust. 6. lib. 4. c. 5. num. 20. est dubius.

Mihi veto longè probabilius videtur contrarium. Ducor, quia tale votum esset stultum, cum nec Prelatus possit in re parua obligare ad mortale, vt recte Sot. lib. 7. q. 2. art. 1.

Corda



Cord. in sum. q. 188. p. 1. Vasqu. 1. 2. d. 158. et. num. 34. Et plerique alij docent. Vnde talis obligatio videtur excedere potestatem vouentis, quia non potest se obligare Deo, plusquam Deus ipse velit, vel quam materia patitur: sicut non potest homo homini obligare se sub obligatione graui in materia leui, quia excedit materie capacitatem.

## QVÆSTIO CXXVII.

*An qui centies idem votum repetit, & confirmat, centuplicem obligationem contrahat?*

**R**ESPONDEO eum qui votum semel factum sapius repetit, & confirmat, nullam obligationem distinctam suscipit, sed veterem tantum renouat, ac confirmat: & consequenter qui votum centies, ac millies confirmatum negligit, vnum solum peccatum committit, cum omne vinculum, quod per tale votum induci potest, iam priori voto sit inductum, sicut qui multa conficit instrumenta eiusdem obligationis, non plus adstringitur, quam vnico confecto instrumento. Et eadem ratione idem est dicendum de iuramentis multiplicatis circa eandem rem. Erunt tamen duo peccata necessarii in confessione exprimenda, si votum, & iuramentum de eadem re facta violentur. Quia hæc duo vincula diuersa ratione pertinent ad religionis virtutem: nimirum votum ob fidem datam Deo seruandam; iuramentum autem ne Deus adducatur in testim. falsi. Et ita tenet Med. 1. 1. q. 72. art. 6. Azor. lib. 11. cap. 14. q. 1. Hent. lib. 3. de panis. c. 5. nu. 6. Roder. p. 1. sm. cap. 23. & Suar. trall. 6. de relig. lib. 2. cap. 6. num. 13.

**Hinc**, qui in duabus religionibus

regularium bis votum solemne emit, sit continentia, quamuis grauius peccet, incontinenter viuendo, vnum tamen solum peccatum committit.

Hinc, cautè legendus est Angel. de voto diff. 9. qui dicit grauius peccare illum, qui frangit rem, quam sapius denouit, quam illum qui semel eum solum denouit. Quia debet intelligi de grauitate non mutante speciem peccati, cum non ducat secum distinctam malitiam, quam si semel sit vota res.

## QVÆSTIO CXXVIII.

*An qui votum violat, vnum speciale peccatum committat?*

**S**UNT quidam qui tenent, hunc duo specialia peccata committere, quia contra duas virtutes peccat, nimirum contra fidelitatem, & contra Religionem.

Alij verò sentiunt, eum vnicum sacrilegij peccatum committere contra religionem: in, quia etsi voti transgressio sit contra fidelitatem, non est tamen distincta à peccato contra religionem; vna enim & eadem religionis virtus præscribit, vt ob Dei honorem res promissa, fideliter præstetur. Pro quo.

Primò dico, quod qui votum de opere supererogationis. s. ieiunij non positi sub præcepto frangit, vnum speciale peccatum committit. Quia vnus specialis virtutis rectitudinem. s. religionis infringit. Ita Caietan. 2. 2. q. 88. art. 5. Sot. lib. 7. q. 2. art. 8. & Valent. 2. 2. d. 6. q. 5. p. 4.

Secundo dico, quod qui votum de opere posito sub præcepto. s. de non occidendo, &c. violat, duplex speciale peccatum committit, vnum contra præceptum de non occidendo; alterum contra votum, quæ ambo necessarii sunt in confessione sacramentali explicanda. Ita.

I. Nau.

Nau. cap. 12. num. 34. Arag. 2.2. q. 88.  
ar. 5. & Val. 10. 3. d. 6. q. 6. p. 4.

tiz sunt separata, possunt seorsum  
tanquam diuersa peccata in confes-  
sione exprimi. Ita Henric. lib. 5. de po-  
nitentia cap. 5. num. 4.

### QVÆSTIO CXXX.

*An peccata contra votum sint  
eiusdem speciei?*

**Q**UIDAM asserunt peccata cōtra  
votum differre specie iuxta va-  
rias materias, de quibus votum emit-  
tur.

Ego tamen dicendum existimo  
peccata contra votum esse omnino  
eiusdem speciei, nec aliquo pacto va-  
riari ex diuersitate materiarū promissarū,  
quando ea alio præcepto præter vo-  
rum non est iniuncta. Et ratio est  
quia eiusdem rationis est irreueren-  
tia, & infidelitas erga Deum, siue in  
hac, siue in illa materia fiat. Ita Ca-  
rieran. 2.2. q. 88. art. 5. & Soc. lib. 7. q. 2.  
art. 3.

Hinc, si habentem votum castita-  
tis contingat fornicari, & confitea-  
tur hoc peccatum, omīssa per obli-  
uionem circūstantia voti, satis est, vt  
postea eidem vel alteri confessorio  
explicet, se toties fregisse votum in re  
grauī. Ratio est, quia peccatum for-  
nicationis abundē est intra propriam  
speciem detectum in confessione;  
peccatum autem fractionis voti est in  
quacunque materia eiusdem speciei.  
Cum ergo hoc solum fatendum su-  
per sit, satis erit illud, tacito peccato  
fornicationis explicare, vt doctē re-  
soluit Nau. cap. 6. in fine. & in cap. con-  
sideret in principio num. 104. Quæ ra-  
tio manifestē probat integrum esse  
data opera fateri seorsum id pecca-  
tum, & circūstantiam voti tanquam  
diuersa peccata, vt dicendo, toties ad-  
misi fornicationem, aut furtum, & to-  
ties fregi votum rei grauis. Quia  
quando maijta peccati, & circūstan-

### QVÆSTIO CXXXI.

*An peccata contra votum simplex  
& solemne sint eiusdem speciei?*

**R**ESPONDEO esse eiusdem spe-  
ciei. Ratio est, quia specifica dif-  
ferentia actuum delumitur ex obie-  
cto, at cum idem sit vtriusque obie-  
ctum. sc. continentia, erunt actus eius-  
dem speciei.

### QVÆSTIO CXXXII.

*An magis peccet qui frangit votum  
solemne quàm qui simplex circa  
eandem materiam?*

**E**T quidem certum est, grauius  
peccare eum qui votum solemne  
quàm qui simplex violat.

Sed quod controuertitur inter Do-  
ctores est, An absolutē, & semota ra-  
tione scandali, magis peccet, qui fran-  
git votum solemne, quàm simplex?

Respondeo in vniuersum eum qui  
solemne votum infringit, magis pec-  
care, quam qui simplex votum violat.  
Ratio est, quia votum solemne obli-  
gat, sicut traditio, votum autem sim-  
plex tantum sicut promissio, ergo vo-  
tum solemne quoad Deum plus, &  
firmius obligat de se, & consequen-  
ter qui illud violat, grauius peccat.

Nec obstat Cap. Rursus, qui clerici,  
vel vouentes, vbi Cælest. Papa iij. affir-  
mat simplex votum non minus obligare  
apud Deum, quàm solemne. Quia id in-  
telligitur quantum ad hoc, quod  
vtriusque voti transgressio est pecca-  
tum

tum mortale; quamvis vnus minus peccet alio. Et ideo ita sentiunt D. Thom. 2. 2. q. 88. art. 7. ad 1. Sot. in 4. d. 38. q. 2. art. 2. & lib. 7. q. 2. art. 5. Nau. c. 12. num. 32.

### QVÆSTIO CXXXIII.

*An obligatio voti sit maior, quàm iuramenti?*

**D**OCTOR Angelicus 2. 2. q. 89. art. 8. Sot. lib. 8. q. 1. art. 8. Nauar. cap. 12. num. 32. & Arag. 2. 2. q. 89. art. 8. tenent obligationem voti ex se, & sua natura esse maiorem, quam iuramenti; & probant, quia votum per se, & directè est promissio facta Deo, sed iuramentum per se, & immediatè non Deo, sed homini fit, quamvis Deus in testè adducatur: at maior est obligatio qua quis Deo, quàm ea qua homini se adstringit, ergo. Deinde, obligatio voti causatur ex fidelitate, quam Deo debemus, vt. scilicet promissa impleamus; at obligatio iuramenti causatur ex reuerentia, quam debemus eidem, & qua tenemur ad præstandum id quod per eius nomen promissimus. Vnde fractio voti ad infidelitatem spectat, fractio vero iuramenti ad irreuerentiam; infidelitas autem peior est, quàm irreuerentia, nam illa includit istam, & non è contra; ergo cæteris paribus maior est voti obligatio, quàm iuramenti.

**A** Alij verò vt Io. Maior in 4. d. 38. q. 5. Michaël à Medina lib. 5. de continentia cap. 23. Et multi alij è contra defendunt obligationem iuramenti esse longè maiorem, quam voti; quia votum etiam nonnunquam iuramento confirmamus, & non è contra; ergo signum est, iuramentum arctius ligare, quam votum; & in hanc potius partem inclinat Valenz. 2. 2. d. 6. q. 7. p. 4.

Cæterùm hæc dux opiniones possunt conciliari hoc modo; maioris obligationis est votum, quàm iuramentum, quod homini præstatur, & in hoc sensu vera est opinio D. Tho. 5. At iuramentum quo Deo aliquid promittitur, maioris est vinculi, quam votum, & in hoc sensu secunda opinio Maioris locum habet.

Dixi notanter (*per se*) quia per accidens ratione grauitatis materiæ contingere potest, vt grauius sit frangere iuramentum homini factum, quàm frangere votum Deo factum. quis enim dubitat, grauius esse crimen, frangere iuramentum dandi ex iustitia mille aureis creditori, quàm frangere votum de dando vnum argentum Deo in eius obsequium?

### QVÆSTIO CXXXIV.

*An qui vovit dicere singulis diebus vnum Pater noster, & postea illud quotidie prætermittit, peccet mortaliter?*

**R**ESPONDEO, si ita intendat se obligare in singulos dies, vt obligatio sit diei affixa, id est, in honorem diei, & vna cum die expiret, non peccat mortaliter, etiam si id votum semper violet, sed toties peccat venialiter, quoties illud votum omittit. Ratio est, quia cum obligatio non continetur, sed euanescat quotidie, non multiplicabuntur, quoque venialia exigua, ad constituendum vnum magnum, sed manebunt diuisa, sicut & obligationes. Secus autem si quis ita se obliget in singulos dies, vt obligatio non sit diei alligata, id est, non sit in diei honorem, nec expiret cum die, sed continetur; erit peccatum mortale, si per plures dies omittat. Vt si

1 2 vovisti.

vouisti dare quotidie vnum obolum pauperibus, tunc licet transgressio vnus diei, vel plurium, nunquam sit mortalis, tamen quando perueniet ad summam notabilem peccabis mortaliter; sicut ille qui furatur quotidie vnum denarium. Ratio est, quia licet priora peccata tantum sint venialia, tamen vltimum est mortale, vel ratione nocuenti, vel ratione grauitatis materię, quæ aufertur. Ita tenet Azor. *lib. 1. cap. 5. q. 3.* & Sayr. in *clau. reg. lib. 6. c. 6. nu. 6.*

Hinc vouens cecitate per singulos dies salutationem Anglicam, non alligans orationem diei, si postea per multas dies, illam prætermittat, peccet mortaliter. Quia suum debitum factum est notabile.

Et idem dicendum est, si vna volitione per multos dies velit talem orationem omittere: vt quando confessorius alicui imposuit in pœnitentiam, vt quotidie dicat *Miserere mei Deus*, non enim tunc obligatio est onus diei, sed diuiditur in plures dies, vnde si ornitatur, non ideo euanesce obligatio.

## QVÆSTIO CXXXV.

*An qui vouit se nunquam bibiturum vinum, aut comesturum carnes, toties peccet mortaliter, quoties illud bibit, & carnes comedit?*

**S**VNT multi qui absolutè dicunt, hunc peccare solum prima vice bibendo, vel comedendo.

Alij vt Palud. in 4. d. 15. q. 4. ad finem D. Anton. 1. p. 1. 11. cap. 2. & Tab. verb. *votum* 3. q. 3. distinguunt. Si votum sit non bibendi vinum in perpetuum, toties peccatur mortaliter, quoties illud bibitur: si autem sit non

bibendi certa die, peccat solum prima vice bibendo.

Cæterum absque dubio tenendum est, siue id votum sit perpetuum, siue temporale, toties eum peccare mortaliter, quoties illud bibit, & carnes comedit. Ratio est, quia votum ad instar præcepti, quatenus negatiuum est, obligat semper, & ad semper, id est, pro omni tempore quo emissum est. Quod intelligitur quando quis scienter violat votum, aut etiam ex negligentia, & obliuione vincibili, & culpabili, ex eo quod debitam diligentiam non adhibuerit, vt voti sui recordaretur: secus autem si ex obliuione inculpabili illud violaret. Ita Nauar. *cap. 12. num. 53.* Azor. *lib. 1. cap. 20. q. 8.*

Est autem hoc loco notandum, non quamcumque vini potati quantitatem esse mortalem, sed illius paruitatem excusari à mortali. Videtur vero requiri ad mortale, tantum vini potari, quantum in vno prandio sufficere posset pro potu communiter ventibus temperatè vino.

Hinc, fratres Minorum qui absque iusta causa vescuntur carnibus in quamcumque die aduentus peccant mortaliter toties, quoties illis vescuntur in illa die, qua tenentur ieiunare per præceptum suæ Regulæ; quod præceptum obligat eo modo quo alia præcepta Ecclesiastica ieiunij.

## QVÆSTIO CXXXVI.

*An qui vouit non bibere vinum possit ad sacerdotium ascendere, aut post promotionem ministrare?*

**R**ESPONDEO posse. Ratio est, quia in Missa fit conuersio totius substantiæ vini in sanguinem, & ideo celebrans Missam votum non violat, quia

quia vinum non bibit, sed sanguinem sumit, & quamvis purificationem, quæ vino fit, glutiat, attamen id non est voto prohibitum ob Ecclesiæ præceptum.

### QVÆSTIO CXXXVII.

*An votum non bibendi vinum violesur bibita ceruisia?*

**S**VNT multi qui tuentur partem affirmatiuam, ducti eo fundamentum quod hæc loco vini sumatur, ac instar illius inebrietur.

Mihi tamen, cum eorum bona venia, oppositum videtur tenendum. Ducor, quia cum votum sit strictè interpretandum, ita vt quam maximè fieri possit, minus obliget, vt fatentur vniuersi, prohibitio vini, quod præstantius, & appetibilius est cæteris inebriantibus, non debet ad ceruisiam extendi, quæ verum vinum non est, etsi loco illius bibi, & inebriare soleat.

### QVÆSTIO CXXXVIII.

*An qui vovit certum diem ieiunare, ab ovis & lacticiis abstinere teneatur.*

**R**ESPONDEO si ita expressè vovit, ita promissum adimplere tenetur: si autem de hoc nihil cogitavit, ad patriæ consuetudinem se accommodet. Nam iure communi solum in quadragesima ab ovis & lacticiis abstinetur; cætera vero ieiunia pro patriæ vario more, & consuetudine seruantur. Ita Azor. lib. 11. cap. 20. q. 6.

### QVÆSTIO CXXXIX.

*An qui vovit certa die ieiunare,*

*toties peccet mortaliter, quoties in illa die comedit?*

**I**OANNES de Neapoli in quodam quodlibeto dixit hunc toties peccare mortaliter, quoties intra illū diem comedit hora prohibita, etiamsi non carnes, sed cibos permixtos comedat. Quia præceptum ieiunij est negativum, quod semper, & ad semper obligat. Et ita hanc partem esse probabilem dixit Dur. in 4. d. 15. q. 1. Immo securiorem dixit Gerson alphab. 24. littera X. in reg. mor. cap. de gula.

Maiores in 4. dist. 15. q. 6. dixit esse problematicam quæstionem.

At vero Mod. q. 5. de ieiunio, & Couar. lib. 4. var. cap. 20. num. 13. putant probabiliorē.

Nos tamen in contrariam sententiam, vt magis communem, & veriorē sequēdam esse arbitramur, hunc solum peccare in secunda comestione. Ratio est, quia solum in secunda comestione frangitur ieiunium, quo semel iam violato, impossibile est amplius seruari. Et ita tenet Caiet. 2. 2. q. 147. ar. 8. Roder. p. 1. cap. 23. num. 1. Less. lib. 2. de iust. cap. 2. dub. 3. Nau. c. 21. num. 14. Et alij communiter.

### QVÆSTIO CXL.

*Sed dubitabit aliquis hoc loco, An hic toties peccet mortaliter, quoties ea die carnes edit?*

**A**ZOR. tom. 1. lib. 11. cap. 20. q. 8. affirmat.

Contrarium tamen mihi persuadeo, quia in hoc voto non promittitur per se, & directè abstinentia carniū, sed indirectè, & accessoriè, in quantum. scilicet ieiunij absque ipsa consistere nequit. Quare cū semel violato ieiunio, cesset obligatio principalis ieiunij

I 3 cessat

cessat quoque obligatio accessorie abstinentiæ à carnibus. Secus autem esset; si hic expressè promitteret in die vnicam comestione[m], tunc enim peccaret toties, quoties præter vnicam comestione[m] ederet illa die.

Dices, votum ieiunij obligat instar præcepti Ecclesiastici de ieiunio, at Ecclesia ieiunium præcipiendo ita abstinentiam à carnibus inducit, vt sit peccatum mortale, toties quoties eduntur.

- 3 Respondeo duplici ex capite abstinentia carniū in diebus ieiunij ab Ecclesia indictis præcipitur. Prius est indirectè, & accessoriè, quatenus est ad ieiunium necessaria, & hac ratione solum illis indicitur, qui ad ieiunium obligantur. Vnde à ieiunio immunes, siue quia illud semel fregerint, siue quauis alia ex causa, nō peccant contra id ieiunij præceptum comedendo carnes. Quia cū cesset obligatio circa principale, cessare videtur circa accessoriam abstinentiam à carnibus.

Posterius est, quia est præceptum aliud generale Ecclesiasticum directè & per se, & independenter à ieiunandi obligatione adstringens omnes Christi fideles ad carniū abstinentiam omnibus diebus ieiunij ab Ecclesia indictis, & contra hoc peccant edendo carnes excusati à ieiunio. Quibus sic positis, dico quod qui vouet ieiunare, non vouet abstinere à carnibus nisi priori modo. Quare à ieiunio immunis, etiam si culpa sua id frlegerit edendo carnes, non peccabit amplius, iterum carnes, vel quicquam aliud edens. Vnde magna est differentia inter obnoxium ieiunio ex vi præcepti Ecclesiastici, & inter obnoxium solum ex vi voti. Nam ille qui primavice sine iusta causa carnes comedit, duplex peccatum mortale committit: vnum contra ieiunij legem; alterum vero contra legem aliam generalem.

præcipientem abstinentiam carniū independenter à ieiunij obligatione. At qui contra solum votum carnes edit, vnum peccatum committit contra solum ieiunij votum, quatenus ea comestione id violatur.

## QVÆSTIO CXXI.

*An qui vouit ieiunare cum pane,  
& aqua peccet bibendo vinum?*

RESPONDEO peccare. At eo bibito in ea quantitate, quæ sufficit ad soluendum ieiunium, non est amplius peccatum illud bibere. Ratio est, quia abstinentia à vino non est promissa per se, & directè, sed quatenus est necessaria ad ieiunium in pane, & aqua. Quare cū semel bibito eo vino, id ieiunium seruari nequeat, non amplius obligabit abstinentia à vino. Et idem dico de eo qui vouit se ieiunaturum abstinendo ab aliquo peculiari cibo, vt piscibus: semel enim eis comestis, non tenetur amplius ab illis abstinere. Quia ea abstinentia non directè promissa est, sed vt accessoria tali ieiunio, quod tunc seruari nequit. Sicut qui vouit ire ad limina Apostolorum sacco indutus, nec potest ire, non tenetur sacco indui.

## QVÆSTIO CXLII.

*An qui vouit non comedere lacti-  
cinia teneatur à carnibus  
abstinere?*

QVÆSTIO hæc intelligitur, quando vouens non scit discernere vtrum intenderit, an non intenderit eas comedere.

Tab. verb. ieiunium g. 11. nu. 10. Syl-  
uest. verb. dominica nu. 2. & Beda in suis  
resp.

respons. 2. p. casu 3. opinantur hunc teneri ex vi voti abstinere à carnibus. Et probant, quia abstinencia lacticiniorum includit quoque abstinenciam carniū, eo quod illa sint carniū pars, vtpotè, quæ ab illa sementinam originem trahunt.

At ego arbitror hunc non teneri à carnibus abstinere. Ratio est, quia qui se priuat re minori, minùsque dilecta, non censetur se priuare re maiori, magisq; dilecta. Quòd est verum etiam si vouens certus sit, fore, vt si carniū abstinencia in mentem venisset, eam quoque vouisset, quia ad inducendam obligationem, aut ad eximendum ab ea, non attenditur, qualis voluntas habenda foret, si se obligans meminisset, sed qualis habita sit. Atque ita tenet Emman. Sà in aphoris. conf. verb. votum nu. 25.

### QVÆSTIO CXLIII.

*An qui vouit abstinere ab ouis, teneatur à lacticiiniis, & è contra abstinere?*

**Q**VÆSTIO hæc intelligitur, quando non constet de expressa intentione vouentis.

**R**espondeo non teneri. Ratio est, quia hæc sunt verè diuersa, nec vnum in alio includitur.

### QVÆSTIO CLXIV.

*An vouens abstinere à carnibus, teneatur ab ouis, & lacticiiniis abstinere?*

**Q**UIDAM affirmant hunc ad id teneri. Huius opinionis videtur esse D. Hieronymus lib. 2. contra Iovinianum vbi ex sententia veterū Ægyptiorum dicit *ovum*, & *lac nihil esse*

*aliud, quàm carnem liquidam, & sanguinem album.*

At communis, ac verissima sententia est, eum non teneri ab ouis, & lacticiiniis abstinere. Et Ratio est, quia re vera oua, & lacticia carnes non sunt, licet ex animalibus quæ carnes sunt, originem trahant. Nam cum ex eorum semine generentur, & semen caro non sit, vtpotè quod ex superfluitate alimenti procedit, ipsa etiam lacticia, vel oua carnes non sunt, neque ad carnes reducuntur.

Nec obstat dictum D. Hieronymi, quia est intelligendum quasi remotè de carne, & sanguine.

### QVÆSTIO CXLV.

*An vouens abstinere à carnibus, teneatur à iure abstinere?*

**R**OSELLA verb. ieiunium num. 31. putat non teneri.

Contrarium tamen mihi persuadeo ea ductus ratione, quia id votum absolute emissum obligat instar præcepti Ecclesiastici carnes prohibentis, quod subinde vetat ius, quo coëx sunt, vtpotè quod carniū substantiam in se imbibit.

### QVÆSTIO CXLVI.

*An qui iuxta de causa comedit oua & lacticia in ieiunio, ad quod tenebatur de voto, sua obligationi satisfaciat?*

**R**ESPONDEO satisfacere, si in reliquis formam ieiunij seruet. Ratio est, quia licet secundum D. Tho. abstinencia carniū sit de essentia ieiunij; abstinencia tamen ouorū, & lacticiniorū nō est de essentia: eum in quatuor temporibus, & annis dictus ieiunij

ieiunij intra annum, extra quadagesimum, possint comedi; & sic vescendo in die ieiunij votiui huiusmodi cibis de licentia medici, vetè suo voto satisfacit, dummodo vnicam comestionem faciat.

### QVÆSTIO CXLVII.

*An is, cui medicus concedit vsum onorum propter infirmitatem, sit reus voti, si edit caseum?*

**R**ODER. p. 1. cap. 24. num. 2. tenet eum esse reum voti, ac proinde peccare mortaliter, si caseus sit eius infirmitati nociuus. Et probat, quia cum talis cibus (vt suppono) sit prohibitus in die ieiunij, & vt comedetur, medicus non dedit, nec potuit dare licentiam illum comedendi, cum esset ei contrarius.

Cæterum, quamuis sententia hæc sit valde probabilis, probabilior tamen iudico contrariam. Et ratio est, quia id votum intelligitur instar præcepti Ecclesiastici, quod ita esum carniū, vel lacticiniorum prohibet per modum vnius, vt cui licet ex iusta causa vesci vna specie carniū, vel lacticiniorum, videntur aliæ species non interdici; & si aliunde sit peccatum, erit peccatum contra virtutem temperantiae, si illæ sint noxiæ, & poterit esse in tam pauca quantitate quod comeditur vt nullum sit peccatum. Et ideo ita tenet Med. in sum. fol. 102. p. 2.

### QVÆSTIO CXLVIII.

*An is, cum quo est dispensatum, quod possit comedere carnes in die ieiunij, sit reus voti, si canet?*

**I**LLVSTRISSIMVS Caietan. 2. 2. q. 147. 4. 7. & 8. absolute negat. Quia putat abstinentiam carniū esse de es-

sentia ieiunij, ac proinde qui est dispensatus ad carnem, eo ipso est dispensatus à ieiunio.

Ioannes Medina *trakt. de ieiun. q. 5.* absolute affirmat.

Alij vero vt Corduba in sum. q. 143. fol. 420. & Roder. p. 1. cap. 24. num. 9. docent hunc esse voti reum, si dispensatum fuit cum illo, quia lacticia, & pisces illi nocebant. Si tamen concessa fuit licentia, quia est infirmus, vel debilis, & vt melius possit conualescere, licite poterit carnare.

### QVÆSTIO CXLIX.

*An qui habet votum ieiunandi, possit ex vi Bullæ vesii lactiniis?*

**D**OCTOR Nauar. lib. 3. *conf. sit. de observatione ieiunij conf. 4.* negat ex eo quod Bulla tantum lacticiniorum vltimū concedat ieiuniis ab Ecclesia indictis, & cum sit priuilegium à iure exorbitans, non est ad ieiunia voti, iubilæi, aut pœnitentiæ extendendum.

Alij verò rectius docent posse omnibus his diebus lacticia edere. Ratio est, quia non alter Pontifex, Confessarius, aut vouens imponit ieiunium, quam ab Ecclesia iniungitur: At ieiunio Ecclesiastico satisfit edendo lacticia cum Bulla; ergo. Et ideo hanc partem sustinent Angles *trakt. de ieiunio. Med. lib. 1. c. 14. §. 10.* Roder. p. 1. cap. 184. num. 10. Lop. p. 2. cap. 132. & Petr. de Ledesma. 2. 10m. *sign. trakt. 27. cap. 2.*

### QVÆSTIO CLX.

*Sed dubium grauius, & magis controuersum inter Auctores est, An idem sit dicendum de carentibus Bulla?*

Multis



1 **M**VLTI visum est, & viris quidem peritis, in ieiuniis extra quadragesimam licere vesci lacticiiniis absque Bulla. Sic Henricus. lib. 7. de indulg. cap. 10 n. 4. & cap. 13 n. 31. Rod. p. 1. cap. 184. num. 10. Mod. lib. 1. c. 14. §. 10. & Angl. de voto.

Alij vero Doctores non minoris nominis docent ieiunia ex voto, pœnitentia, vel iubilæo præscripta seruanda esse eo modo quo ciuitas seruauit ieiunia, in quatuor temporibus, & vigiliis. Sic Azor. lib. 11. cap. 20. q. 6. vbi ait vouentem ieiunare, teneri seruare, accommodando se patrie consuetudini: nam, inquit, ab his abstinetur in quadragesima, extra verò iuxta patrie usum.

At ego arbitror idem esse dicendum de ieiuniis voto, pœnitentia, vel iubilæo indictis in quadragesima. Quia quamuis hic non habens Bullam peccet contra præceptum speciale Ecclesiæ interdicentis in quadragesima vesci lacticiiniis, non peccat tamen contra votum, pœnitentiæ tunc ieiunandi, & satisfacit eo ieiunio voto, vel pœnitentiæ, vel iubilæo. Ratio est, quia hic ex voto, pœnitentia, vel iubilæo solum tenetur ad ieiunium, eo modo, quo ab Ecclesia institutum est, & ad id, ad quod obligat præceptum ieiunij, vt sic. At præceptum ieiunij etiam quadragesimalis vt sic, non obligat ad abstinentiam à lacticiiniis: sed est distinctum omnino præceptum independens à ieiunio, vt habetur in c. Deniq. in 4. dist. Cuius signum est, quod in dominicis quadragesimæ præcipitur quoque hæc abstinentia, cum tamen non ieiunetur, & pueri, & omnes alij à ieiunio immunes, tenentur à lacticiiniis abstinere.

Dices; si hæc ratio valeret, idem quoque concluderet de esu carniū.

4 Respondeo disparē esse ratio-

nem, nam esus carniū vltra speciale præceptum, prohibetur quoque indirecte in ipso ieiunij præcepto, eo quod sit essentialiter requisita ad ieiunium. At abstinentia à lacticiiniis non est essentia ieiunij, nec in omni ieiunio præcipitur, sicut præcipitur abstinentia carniū. Vnde qui carnes edit in die ieiunij duplex peccatum committit, at qui in quadragesima lacticia edit vnum peccatum committit contra speciale prohibitionem abstinendi ab eis, & nullo modo contra ieiunium, & sic non tenetur fateri in confessione se edisse lacticia in die ieiunij, sed satis est dicere se ea edisse in die ab Ecclesia prohibito.

## QVÆSTIO CL.

An Religiosi professi minores viginti & vno annis, teneantur ad Regulā ieiunia?

1 **I**N qua re certum est Religiosos omnes ante vicesimum primum annum propter ætatis defectum, ad Ecclesiastica ieiunia non teneri.

Secundò etiam est certum, quoscunque adolescentes in hac minori ætate constitutos posse expressè explicitum votum emittere de ieiunando, & post emissum votum, eos ad voti obseruationem teneri, siquidem ætatem, & sufficientem ad vouendum discretionem habent, vt rectè docet D. Tho. 2. 2. q. 147. ar. 4.

## QVÆSTIO CLI.

Sed dubium est de ieiuniis regula:

**B**ARTH. Mod. lib. 1. sum. cap. 14. §. 10. & Graff. 1. 7. decu. lib. 1. cap. 37. num. 42. negant, sicut non tenentur ad Ecclesiæ ieiunia donec vicesimum annum expleuerint.

K

Sed

Sed tanquam certum tenendum est eos ad id teneri. Cum expressè ante eam ætatem per votum solemne ad ea ieiunia Regulæ se ligauerint. Et ideo huius sententiæ sunt Roder. p. 1.

2. *sum. cap. 24. num. 1. Cord. super Reg. D. Franc. cap. 3. q. 2. Azor. lib. 7. cap. 27. q. 3. Eniman. Sa verb. ieiunium num. 3. Petr. de Ledesma. 2 to. sum. tract. 27. c. 2. Syluest. verb. ieiunium q. 6. Vega lib. 1. sum. cap. 14. casu 6. & alij communiter.*

### QVÆSTIO CLII.

*An vouens abstinentiam carniū sit voti reus, edendo carnes in casu morbi, si aliās carnes illa sint sanitati noxia.*

1. **R**ODER. p. 1. cap. 24. num. 2. tuetur partem affirmatiuam, dum ait eum cui medicus ratione morbi concedit oua in quadragesima, teneri à lacticiiniis sibi noxiis ratione præcepti Ecclesiastici abstinere.

- Mihi vero longè probabilius videtur contrarium. Et ratio est, quia id votum intelligitur instar præcepti  
2. Ecclesiastici esum carniū, vel lacticiiniorū ita per modum vnius prohibentis, vt eo ipso quod liceat ex iusta causa vesci carniū vel lacticiiniis, non adstringat præceptum ad abstinendum ab aliis, etsi aliundè sit peccatum contra temperantiam, si illa noxia sint. Secus autem esset, si votum esset per modum plurium, vt si quis specialem carniū abstinentiam voueret, eo quod sibi sapiant; concessis quibusdam ratione morbi, non censerentur aliæ concessæ, ad quas causa excusans non se extendit.

### QVÆSTIO CLIII.

*An vouens non vesci lacticiiniis, possit illis uti, si ratione necessitatis concedantur sibi carnes?*

**R**ESPONDEO si ea abstinentia est tantum pro eo tempore, in quo esus carniū est sibi licitus, tenetur ab his abstinere, vtpote morbo non necessariis: quia independenter à carniū hanc abstinentiam vouit. Si autem pro illis diebus, quibus carnes interdiciuntur, hoc vouit, censetur in casu dubij dependenter à carniū vouisse, atque ita concessis ratione morbi carniū, censetur quoque lacticia concessa. Ratio est, quia hoc votum obligat instar præcepti Ecclesiastici de his non edendis, quod his vesci non interdicat, quoties ratione morbi carnes conceduntur. Secus autem esset si specialiter vouenti sapienter lacticia illa quæ se non comesturum vouit, vt eo sapore in memoriam dominicæ passionis se priuaret, tunc enim non censeretur abstinentia ab his promitti dependenter à carniū, & ideo concessis carniū, non censetur concessa lacticia.

### QVÆSTIO CLIV.

*An qui vouit se nunquam comesturum carnes in die veneris, & postea in ea eueniat festum Natalis Domini, teneatur in ea die à carniū abstinere?*

**I**N qua re conuenit inter omnes hunc ad id teneri, si dum tale votum emisit habuit intentionem se obligandi etiam pro illo die. Quia licet Ecclesia non prohibeat comedere

dete carnes illo die, non tamen prohibet ab illis abstinere; & ideo tale votum validum est.

Sed tota difficultas consistit, quando votum sit absolutè, absque advertentia ad illum diem, an tunc teneatur in ea die à carnibus abstinere?

Molin. tom. 2. de inst. dist. 272. & Azor. libr. 11. cap. 20. dub. 3. docent hunc non teneri à carnibus abstinere. Quia putant tale votum non comedendi carnes in die veneris, debere ad eum esum illicitum referri, & sic non esse ad natiuitatem Domini transferendum, cum talj die etiam si in sexta feria, esus carniū sit licitus.

Sed quamvis sententia hæc sit valde probabilis, probabiliorem tamen iudico contrariam, nimirum teneri adhuc, votum explere, etiam si sit dies Natalis Domini. Ratio est, quia ex quo vouit generaliter in sexta feria abstinere, tenetur abstinere in qualibet sexta feria, iuxta illud generale principium, *Qua generaliter, & sine conditione promittuntur, generaliter, & absolute sunt adimplenda.*

Et videtur esse conclusio definita ab Honorio III. in cap. fin. de obseruat. ieiun. qui Pragensi Episcopo rescribens, sic ait *Explicari per sedem Apostolicam, postulasti, & infra. Respondemus quod illi qui neque voto, neque regulari obseruantia sunt adstricti, in sexta feria, si festum Natiuitatis dominice die ipso venire contigerit carnibus, propter festi excellentiam vesui, possunt secundum consuetudinem Ecclesie generalis. Nec tamen hi reprehendendi sunt, qui ob deuotionem volunt abstinere.* Et ideo ita tenent Palud. in 4. d. 38. quest. 4. Syluest. verb. ieiunium 9. 10. Cord. sum. quest. 169. Roder.

tom. 3. de Regul. q. 45. art. 3. & Valq. 1. 2. d. 20. cap. 4.

## QVÆSTIO CLV.

*An voto vel statuto Regulari adstricti ad carnes non edendas in die veneris, possint eas edere eueniente in ea, festo Natalis Domini: si votum, vel statutum tollatur per priuilegium Apostolicum?*

**R**ESPONDEO posse. Ratio est, quia Honorius Papa in dicto cap. fin. excipit eos qui peculiari voto, aut regulari obseruantia adstricti sunt ad carniū abstinētiā seruandā. At in hoc casu hi neutro modo ligantur, cum vinculum iam cessarit per priuilegium; ergo possunt eas edere. Atque ita tenent Syluest. verb. dominica num. 2. & verb. ieiunium q. 10. & ibi Armilla num. 13. Tab. quest. 12. Beia in suis resp. 2. p. casu 3. Emm. Sa verb. ieiunium nu. 6. & Lop. p. 2. inst. confess. cap. 122.

## QVÆSTIO CLVI.

*An qui stantibus voto, & Regulari statuto, in tali die carnes edit, peccet contra ius commune, an contra solum votum, vel Regulare statutum?*

**B**ARTH. Medina lib. 1. sum. cap. 14. §. 10. affirmat hunc edentem carnes, non solum peccare contra votum, & statutum regulare, verum etiam contra ius commune. Quia Romanus Pontifex in d. cap. fin.

K 2 cum.

cum solis his dispensat in prohibitione iuris communis, qui nec voto nec statuto aliquo regulari ad carnes non edendas adstricti sunt.

- 2 At omnino tenendum est Romanum Pontificem cum omnibus fidelibus in ea prohibitione dispensare, relicta sola voti, vel statuti regularis obligatione; ac proinde qui illa die carnes ederet, non peccaret nisi contra votum, vel regulare statutum. Quippe hoc indicat ratio in eo textu tradita: nempe ob tanti festi excellentiam, in quo letari conuenit: quæ omnibus fidelibus est communis.

### QVÆSTIO CLVII.

*An qui ex voto tenetur ieiunare vigiliam Natalis Domini, possit serotinam refectionem tam longam sumere, vt in ea die vstatur?*

- 1 R E S P O N D E O si mens vouentis fuit ieiunare eo modo quo ea die ieiunium Ecclesiasticum seruari solet, poterit tunc tuta conscientia refectione illa sic consueta uti. Secus autem esset, si vouens intenderet se obligare ad ieiunandum instar aliorum dierum. Et in hoc omnes conueniunt.

Sed totum huius controuersie diffiduum consistit, quando de intentione vouentis non constat.

Roder. p. 1. sum. cap. 23. num. 10. negat.

- 2 Contrarium tamen est proculdubio tenendum. Et ratio est, quia votum de aliqua materia non obligat nisi ad instar legis Ecclesiasticæ de illa. At lex Ecclesiastica in hac die obligat ad ieiunium eo modo consuetudine explicato, ita vt refectione

serotina tam longa vtens censeatur verè ieiunare; ergo idem dicendum est de voto illius ieiunij.

### QVÆSTIO CLVIII.

*An votum quod est incompatible cum aliquo præcepto Ecclesiastico sit validum?*

R E S P O N D E O non valere. Ratio est, quia obligatio voti est voluntaria, sed præcepti necessaria. Quod est intelligendum, nisi materia illa promissa tanti esset honoris diuini, vt merito præferenda esset præcepto Ecclesiastico. Vt si quis voueat peregrinationem impediētem ieiunium Ecclesiæ, si huiusmodi peregrinatio tanti momenti esset, vt illi ieiunio anteponi deberet, & talis esset peregrinatio, vt ieiunio obstaret, obligaret tale votum; quia tunc nil mali continet, nec aduersum præcepto Ecclesiastico, vtpote quod in eo casu non obligat.

### QVÆSTIO CLIX.

*An votum factum contra superioris præceptum sit validum?*

R E S P O N D E O valere. Ratio est, quia etsi peccet subditus vouendo contra præceptum superioris, at cum res promissa non sit interdicta, ea manet bona, ac proinde legitima voti materia. Secus autem esset, si materia ipsa esset interdicta, quia tunc si subditus voueret se id adimplendum, absque superioris licentia, id votum esset nullum, vtpote de re mala, & in pta materia voti. Si autem absolute subditus sic voueret, non esset irritum votum, sed non posset illud adimplere, sine superioris licentia.

QVÆST.

## QVÆSTIO CLX.

*An qui vouit dicere Rosarium, satisfaciat sue obligationi, si illud sola mente recitet?*

**R**ESPONDEO non satisfacere. Ratio est, quia id votum accipiendum est instar præcepti Ecclesiastici de hac re, quod sola mentali oratione non impletur.

## QVÆSTIO CLXI.

*An qui vouit officium Beata virginis, vel Psalmos penitentiales, vel Litanias recitare, voto satisfaciat, si alternatim persoluat?*

**R**ESPONDEO satisfacere. Ratio est, quia hoc votum est intelligendum instar præcepti Ecclesiastici de recitando officio canonico, quod alternatim persoluitur. Ita Nauarr. c. Quando c. 10. nu. 17. & 18. & Azor. lib. 11. c. 10. q. 10.

## QVÆSTIO CLXII.

*An qui vouit dicere coronam Beata virginis, sue obligationi satisfaciat, si eam alternatim recitet?*

**S**APIENTISSIMVS Nauarr. c. Quando cap. 10. nu. 22. dicit problematice vtramque partem posse defendi, sed verius putat non satisfacere.

Azor. lib. 11. cap. 7. 9. 10. affirmat satisfacere. Quia huiusmodi votum interpretari possumus esse reddendum eo modo, quo officium diuinum persoluitur.

Mihi vero longè plus probatur opinio Nauarr. Ducor, quia consuetudo nunquam approbavit vt Corona Beate virginis alternatim persoluatur: sed contrarium omnino vsu receptum est, cui in dubio videtur votum se conformare.

## QVÆSTIO CLXIII.

*An qui pollicetur se ieiunaturum, vel auditurum sacrum, teneatur ieiunare, vel audire sacrum eodem prorsus modo, & attentione, qua obligat præceptum Ecclesiasticum?*

**R**ESPONDEO quod sic. Et ratio est, quia hæc vota non aliter obligant, quàm præcepta Ecclesiastica de eisdem rebus. Et sic eadem prorsus causæ quæ ab Ecclesiæ præcepto excusant, similiter à voto excusabunt. Quare ætas 60. annorum quæ secundum probabilem sententiam Nauarr. à præcepto ieiunij excusatur, excusabit quoque à voto ieiunij.

Hinc, scrupulosè locuti sunt Caiet. 2 in sum. verb. votum cap. 4. vbi ait à voto ieiunandi excusare morbum superuenientem, qui illicitum redderet ieiunium. Et Angelus verb. votum 3. num. 21. qui dixit à voto abstinendi à carnibus excusare periculum mortis imminens, si non edantur.

At dicendum est, quemcumque morbum, quamcumque causam iudicio boni viri excusantem à præcepto ieiunij, excusare quoque à voto, quod instar præcepti Ecclesiastici obligat. Secus autem esset, si vouens causam excusantem à simili præcepto ieiunij habens, voueret, quia tunc non excusaretur ob illam causam à voto. Vt si minor duodecim annorum, aut maior sexaginta vixeret, non excusabitur ra-

tione ætatis, quamvis ea à ieiunij præcepto excusaretur: quia cum eo impedimento se obligavit. At excusaretur, si ei superveniret maior notabiliter debilitas ratione ætatis, quia esset notabilis mutatio, nec sub voto inclusa.

#### QVÆSTIO CLXIV.

*An qui vovit se inuisurum imaginem Beate virginis distantem itinere trium dierum, sua obligationi satisfaciat, visitando imaginem illam delatam in locum vouentis, vel in alium multa minus distantem?*

**R**ESPONDEO duobus modis posse imaginem illam mutare locum vno modo mutando omnino domicilium in eum locum; & tunc satisfaceret voto ea inuisione. Altero vero modo non mutando domicilium, sed causæ aliqua peculiari, ut deinde proprio loco restitatur, & tunc non satisfaceret voto ea inuisione. Ratio est, quia principale obiectum huius voti fuit inuisio illius imaginis: labor autem itineris, & expensæ fuerunt accessorie promissæ; at cessante principali per transportationem imaginis in eum locum, cessat quoque obligatio ad accessorium.

#### QVÆSTIO CLXV.

*An qui vovit se iturum ad domum lauretanam, sua obligationi satisfaciat, si illuc causa alterius negotij, inuisit templum illud?*

**R**ESPONDEO si obiectum vouentis fuit solum visitare templum

illud, non habita consideratione distantie itineris, & expensarum tunc satisfacere suæ obligationi, qualitercumque adierit illum locum, & postea in eo se inueniens inuisit domum illam. Ratio est, quia obiectum vouentis hæc sola inuisio fuit, & hæc religiosè, & voluntariè fit. Secus autem esset, si obiectum illius voti esset inuisio illius domus vnà cum itineris labore, & expensis, quamvis labor itineris, & expensæ fuerint accessorias; arbitror illum non satisfacere suæ obligationi, si illuc eam solius alterius negotij expediendi adeat, & sic illuc se inueniens animo implendi votum, templum illud visitet. Ratio est, quia quando nulla pia peregrinationis ratione, sed causa solius alterius negotij illuc adit, nullum Religionis actum exercet. At verò si non stipendio conductus, nec vinculus à ministris iret voluntariè in eum locum causa visitandi domum illam, & si principaliter adierit causa alterius negotij, satisfaceret voto. Ratio est, quia peregrinatio illa esset quoad actus substantiam religiosa, & voluntaria, nec alio iure debita, & intentio expediendi aliud negotium non impedit quin illi satisfaciat. At in dubio præsumitur votum hoc posteriori modo emit: nam vouens se aliquem locum distantem inuisurum, apprehendit distantiam itineris, difficultates, & expensas illi voto accessorias, meritumque peregrinationis augentes.

#### QVÆSTIO CLXVI.

*An qui vovit se equum datum alicui loco pio, teneatur equum emere, ut votum suum impleat, si omnes sui equi perierunt?*

**R**ESPONDEO teneri, nisi expressè vnum ex his quos habebat vouisset

uisset. Ratio est, quia votum non fuit certæ speciei, sed generis, & ita destructa specie, votum non extinguatur. Sicut qui vult religionem in genere, & in vnam religionem non admittitur, tenetur aliam adire, vt recipiatur.

### QVÆSTIO CLXVII.

*An qui vult dare dotem puella ob amorem Dei, teneatur, si illa antequam nuberet, obiit?*

**R**ESPONDEO si hic tanquam pium opus, atque in animæ suæ salutem vult eleemosynam, veruntamen eligit illam puellam pauperem, quia est sibi nota, & propè eius domum habitat, ea mortua tenetur alteri tradere. Si verò in bonum duntaxat illius puellæ, non tenetur. Ar in dubio prior intentio præsumitur, vt frequentissima, & sic tenetur alteri largiri. Sic Azor. libr. 11. cap. 15. quest. 13.

### QVÆSTIO CLXVIII.

*Sed quid, si puella illa ex hac vita migravit, postquam vouens fuit in mora implendi suum votum?*

**R**ESPONDEO si tale votum non fuit intimatum, & acceptatum ab ea puella, arbitror adhuc extinguí in ordine duntaxat illius puellæ emissum. Ratio est, quia votum nondum acceptatum solum ex vi religionis ligat, ac proinde nullam in conscientia restituendi obligationem inducit.

### QVÆSTIO CLXIX.

*An qui habet votum celebrandi, suo voto satisfaciatur, si postea stipendio conductus celebret?*

**R**ESPONDEO non satisfacere. Ratio est, quia votum intelligitur de opere, quod non est aliunde debitum. Cum ergo ea celebratio sit ex stipendio debita, non satisfacit illa suo voto.

### QVÆSTIO CLXX.

*An difficultas noua superueniens, excuset à voti obligatione?*

**R**ESPONDEO quando difficultas superueniens non erat intrinseca rei promissæ, & in ipsius substantia inclusa, sed est noua, notabilisque mutationem in re promissâ faciens, si est temporalis excusat pro eo tempore, quo talis difficultas durat. Si vero perpetua, absolute excusat à voto. Vt qui vult ieiunare, aut dare eleemosynam: si enim factus est impotens ad ieiunandum propter infirmitatem, transacta infirmitate tenetur ad ieiunium: sin verò infirmitas sit incurabilis, & perpetua, excusat pro semper. Ratio est, quia ea notabilis mutatio facit, vt in eo euentu sit votum inuoluntarium. Et ideo ita tenet Molina 10.2. de iust. disp. 272.

Hinc, qui vult cilicium, & postea 2 perdit sanitatem, ita vt cilicium noceat ei notabiliter, excusatur à voto; illa autem, vel per naturam, vel per miraculum sublata, renetur votum adimplere. Ita Caiet. in sum. verb. votum §. 4. & Roder. p. 2. cap. 94. qui addit in hoc casu adeundum esse superiorem, si facultas adsit, quia in his

his quæ ad seipsum spectant, nemo est bonus iudex. Quod est verum in casu dubij; secus quando quis est certus, se non posse cilicium ferre.

- 3 Hinc, qui emissio voto aliquid difficultatis experitur, quam si præcogitasset, non vouisset, non ideo liber erit à voti sui obligatione; sed illud executioni mandare debet, ut rectè docet Sotus *lib. 7. q. 2. ar. 1.* Unde quod dicitur ex D. Tho. in 4. d. 38. q. 1. ar. 3. q. 1. ad primū. quod illud, quod ab initio impediret votum, postea superueniens tollit eius obligationem, intelligitur de eo quod impediret non quidem fieri votum, sed de eo quod impediret obligationem nasci ex voto, v. g. morbus qui obligationem voti impedit, si superueniat voto, auferet quidem obligationem ipsius, at difficultas superueniens, & quæ præiussa non impediret voti obligationem, sed tantum illud emitti, non auferet eius obligationem; aliàs plurima vota præsertim religiosorum & mulierum essent nulla ob inexperiencem difficultatum, quæ ante votum minimè præiussæ fuerunt, quæ tamen præiussæ retraxissent eos à vouendo. Et ideo ita docet Valenr. 2. 2. d. 6. q. 6. p. 4.

- 4 Hinc, qui cū esset iuuentis religionem ingredi votiv, nunc autem est ita senex, & debilis, ut ad religionis asperitates sustinendas non sit idoneus, est à voto excusatus. Ratio est, quia est notabilis mutatio rei promissæ respectu huius. Nec tenetur illud in aliud opus pium commutare, sed de præterita culpa pœnitere. Nec refert vtrum materia voti reddatur impossibilis ex culpa vouentis, aut sine culpa eius; nam quocumque modo superueniat, à suo voto excusatur, cū in vtroque modo eadem sit ratio; nam ad impossibilia nulla est obligatio. Ideo enim requiritur, ut pœni-

teat de negligentia præterita, ne aliqui possit is censeri voluntariè peccare in causa: per pœnitentiam enim cessat esse illi voluntaria causa illa, in qua executio voti facta est ei impossibilis.

## QVÆSTIO CLXXI.

*An qui duo vota incompatibilia emittit, ad vtrumque teneatur?*

AD hoc dico primò, quod qui sciens duo vota esse incompatibilia, ea simul emittit pro eodem tempore implenda, tali voto non tenetur. Ratio est, quia est de omnino impossibili. Si tamen voluit tantum ad alterutrum se obligare, ad id quod intendit, est obligandus: si de intentione est dubius, tenetur ad illud, quod est maioris perfectionis. Et si constat vtrumque esse paris perfectionis, aut id est dubium, datur electio vouenti, ut impleat partem quam vult.

Hinc, non est audiendus D. Anton. 2. 2. p. tit. 11. cap. 2. §. ultimo qui absolute dicit eum qui simul duo secum pugnantia vota fecit, posse vtrumvis illorum eligere, quia, inquit, non est maior ratio de vno, quam de altero. Non est inquam audiendus. Quia maior est ratio dignioris.

Secundò dico, quod qui successiue duo vota incompatibilia emittit, ut si prius voueat omnibus feriis sextis feruire in aliquo xenodochio pauperibus, & deinde omnibus diebus festis vacare confessionibus; & eueniat festum in feria sexta, tunc tenetur ad posterius, quod est maius. Ratio est, quia quando concurrunt duo præcepta incompatibilia, tunc quod est grauius, est præferendū minori. Quod si



si constar esse vtrumque æquale, datur electio vouenti, ut alterutrum impleat, altero omnino, nec emissi commutatione, aut dispensatione indiget.

Quare non approbo quod ait Azorius, teneri hunc ad votum prius emissum, eo quod posterius votum nequeat tollere prius æquale. Sed dico posse hunc vtrumlibet eligere, sicut potest propria autoritate commutare votum in euidenter æquale.

Quare falsa est opinio D. Anton. ubi supra, qui ait teneri hunc ad prius votum, ex eo quod obligatio prior posteriorem tollat incompatibilem. Sed dicendum est, non tollere, si posterior maior sit. Nam votum prius nequit esse maioris boni impedimentum.

- 4 Tertiò, & vltimò dico, quod qui vtrumque votum incompatibile differo tempore emittit, & dubius est, vtrum illorum maius sit, tunc tenetur ad prius, nulla posterioris relaxatione petita. Ratio est, quia prius illud votum auferri nequit, nisi per votum dignius superueniens incompatible aut æquale, commutando prius votum in posterius.

## QVÆSTIO CLXXII.

*Ex his omnibus planè liquet, quid sit dicendum de ea celebri questione: An qui vouit in vigilia sancti Bernardi se non comesturum panem, & postea, vel ante, vouit se nihil omnibus sexu's feriis sumpturum præter panem, si vigilia illa in sextam feriam incidat, teneatur vtrumque votum seruare?*

- 1 ET quidem si vouens sit certus de sua intentione, iuxta illam votum adimplere tenetur, cum iuxta illam

votum obliget, & non amplius. Et in hoc omnes conueniunt.

Sed dubium est, quando de sua intentione non constat.

D. Ant. 2. p. tit. 11. c. 2. §. vltimo ait ad vtrumque teneri si potest: si sunt incompatibilia, potest vtrumvis ex illis eligere.

Mihi tamen cum hac distinctione videtur respondendum: si hic cum posterius vouit, fuit immemor prioris voti, tenetur solum ad prius votum. Quia probabiliter prius excepisset, si illud in mentem ei venisset. Quod si prioris meminerit, nec illud 2 excepit, vtrumque, si potest, adimplere tenetur. Si autem vtrumque seruare nequeat, Rosella verb. ieiunium num. 31. dicit illum teneri ad prius. Quod Sylu. verb. voti 2. q. 17. & Azor. lib. 11. c. 20. putant esse verum, quando constat esse vtrumque æquale. Nam si alterum sit dignius, ait Azorius in illud commutandum esse votum minus, auctoritate Prælati.

At ego dico sic: Si constat vtrumque esse æquale, & incompatible, integrum est vouenti vtrumlibet eligere. Quod si constat alterum esse præstantius, id tenetur explere. Vnde si vnum esset maioris deuotionis, & alterum maioris afflictionis, cum deuotio mentis anteposenda sit afflictioni carnis, ex eo quod est actus excellentioris virtutis. scilicet religionis, & bona per se, afflictio verò carnis bona per accidens, & actus minoris virtutis scilicet temperantia, eligere debet id in quo habet maiorem deuotionem. In quibus casibus nulla minoris relaxatio necessaria est. Si dubium sit, vtrum sit maius, tenetur ad prius, nulla posterioris relaxatione petita. Si verò dubium sit, an vtrumque votum possit, implere, tunc illud ieiunium quod implere non potest, in aliam diem transferre, aut in aliud bonum aucto-

ritate Prælati commutare debet. Ratio est, quia in dubio positus an peccet votum seruando, partem tutiorem eligere debet.

### QVÆSTIO CLXXIII.

*An qui non potest suum votum adimplere, teneatur illud in aliquid aliud possibile in illo non inclusum commutare?*

**R**ESPONDEO non teneri. Ratio est, quia votum non obligat ultra intentionem vouentis, & vouens talem rem impossibilem non intendit promittere aliam omnino distinctam, & in illa non inclusam; ergo ad illam non obligatur.

Obiicies *Cap. Quod super his de voto*, ubi ob impedimentum superueniens, fit voti commutatio.

Respondeo dictum caput intelligendum esse non de impedimento impossibilitatis, sed difficultatis, quæ ut diximus, voti obligationem illud præstandi non tollit.

### QVÆSTIO CLXXIV.

*An qui vouit se aliquid facturum, & non potest ex toto illud implere, teneatur saltem ad partem, quam potest?*

**R**ESPONDEO teneri. Sicut qui non potest soluere totum debitum quod contraxit nimirum centum, tenetur soluere partem sibi possibilem scilicet quinquaginta: & qui non potest ieiunare totam quadragesimam, tenetur ad partem, quam potest, & qui tunc bina refectione indiget, tenetur à cibis veritis abstinere. Quod enim contingit in materia præcepti, id ip-

sum fieri debet in materia voti, quod ad instar præcepti obligat. Quod est verum, quando voti materia est diuisibilis, & per partes commodè seruari potest, secus autem si sit indiuisibilis, siue ex natura rei, siue ex intentione vouentis, qua nolit aliter se obligare nisi ad totum, quia tunc liber erit à voto; non solum ex solo, sed etiam ex parte, quam potest. Exemplum primi, ut si quis voueat ieiunare vigiliam alicuius Sancti, templum ædificare, litanias, vel coronam Beatæ virginis recitare, cum hæc communiter non diuidantur, non potens implere totum, non tenetur ad partem. Exemplum secundi, ut si quis voueat ieiunium totius quadragesimæ, recitare officium diuinum. Cum enim hæc communiter diuidantur, obligatio non erit per modum vnius, ac proinde excusatus à parte ratione impotentie, tenebitur ad partem aliam sibi possibilem.

### QVÆSTIO CLXXV.

*An votum quo quis pollicetur se nudum peregrinaturum Domum Lauretanam, sit validum, & obligatorium?*

**D**Anton. 2. p. 1. 11. cap. 1. §. ultimo 1  
putat valere.  
Nauar. cap. 12. nu. 39. docet esse irritum, & nullum.

Mihi verò, saluo peritorum iudicio, sic videtur sentiendum, ut votum sit validum, quantum ad substantiam rei promissæ, quæ est Lauretana peregrinatio: quantum autem ad modum illum honestati contrarium, nempe ire nudum sit irritum, & nullum.

Hinc, qui vouit ire Hierosolymam genibus flexis, aur cum rana rubeta in ore posita, tenetur ire, non tamen cum

3 cum his modis. Ratio est, quia substantia principalis promissa est peregrinatio, quæ est apta materia voti, modi autem sunt impossibiles. Ita Rodet. p. 2. sum. c. 94. num. 1. Lop. p. 1. cap. 44. & Emman. Sâ verb. votum num. 32.

### QVÆSTIO CLXXVI.

*An qui in die ieiunij votini sciens esse ieiunium sumpsit ientaculum, siue cum culpa, siue absque culpa, teneatur eadem die ieiunare?*

1 **M**OVET hanc difficultatem Nauar. cap. 21. nu. 27. cui respondet, non teneri, quia ieiunium iam est voluntariè violatum, nec potest illud reparari. Quod puto esse verum, si ille non posset reliquum diei sine cibo transigere, si enim id sine notabili incommodo posset, videretur teneri, quia ieiunium adhuc quoad vnicam comestionem seruari potest. Secus, si nesciens esse diem ieiunij ruane comedat, quia tunc tenetur reliquo tempore ieiunium seruare, ac si nihil comedisset, vnde poterit hora consueta vesci. Ratio est, quia illa prior comestio cum non fuerit voluta, non censetur per illam violatum ieiunium, Ita Sylu. verb. ieiunium num. 21. Viualdus de ieiunio nu. 60. & Nau. loco supra citato.

Putarem tamen ego hunc non posse in meridie prandere, aut sero cœnare, si, quia bonum ientaculum sumpsit, commodè posset reliquo diei abstinere, quia tunc absolutè posset seruare ieiunium quoad vnicam refectionem, quæ sola est de essentia ieiunij.

### QVÆSTIO CLXXVII.

*An causa urbanitatis, vel hospita-*

*litatis, mihi liceat aliquem ieiunio votiuo adstrictum inuitare, vt comedat?*

**N**AVAR. cap. 21. nu. 24. ex Caiet. 1 tenet id esse licitum, quia comestio est actus secundum se indifferens.

Sed oppositum est verius. Quia nemo potest inuitari ad id, quod sine peccato præstare non potest; atqui hic non potest sine peccato comedere vt suppono; ergo.

### QVÆSTIO CLXXVIII.

*An caupo peccet, si die ieiunij votini, cœnam apponat? Questio intelligitur quando constat hospitum ad ieiunium teneri.*

**R**ESPONDEO peccare, si id absque 1 suo graui incommodo possit negare. Ratio est, quia tenetur impedire offensionem Dei, & lapsum proximorum: atqui in hoc casu non solum non impedit, sed etiam cooperatur, præbēs illis instrumentum peccandi, quod potest negare. Quod arbitror esse verum, quando illi alibi cœnare non possunt; si enim alibi cœnaturi erant, nullum est peccatum in tali die cœnam apponere.

Idem dicendum est, si cœna negata, murmurando, conuitiando, maledicēdo grauius offensus essent Deū, vt latè probat Gabr. in 4. d. 16. q. 3. dub. 6.

Sed quid si excusatio sit dubia?

Respondeo vel hi commodè possunt de hoc interrogari, aut non. Si primum, sunt interrogandi, & iuxta quod responderint, faciendum. Si non possunt propter auctoritatem personarum, præsumendum est, à ieiunio votiuo excusari. Ratio est, quia in dubio nemo præsumitur esse immemor suæ salutis: & dubia in meliorem partem sunt interpretanda. Et ita tenet Less. lib. 4. de ieiun. c. 2. dub. 4.

L. 2 QVÆST.

## QVÆSTIO CLXXIX.

*An peccet mortaliter, quem sui  
voti facti pœnitent?*

- 1 **A**NGELVS *verb. votum* 3. §. 13. & Angl. *de voto* censent eum peccare mortaliter.

Alij verò negant. Pro quo.

- 2 Primò dico, quòd qui dolet de voto à se facto, vt liberiùs peccare possit, peccat mortaliter. Ratio est, quia finis est mortalis. s. libertas ad peccandum; ergo talis pœnitentia est mortalis.

Secundò dico, quòd qui ita dolet de suo voto, vt intendat illud non adimplere, & votum est de re graui, peccat mortaliter. Ratio est, quia habet propositum non seruandi votum; sed tale propositum est peccatum mortale contra obligationem voti; quia transgressio, & propositum eius, eandem habent malitiam; ergo.

- 3 Tertiò dico, quòd qui ita dolet de voto, vt tamen habeat propositum illud exequendi, non peccat mortaliter. Ratio est, quia vouere non est de necessitate salutis; ergo qui dolet vouisse, nullum peccatum committit, quia contra nullum præceptum agit.

Tum quia potest quis sine peccato nolle vouere in futurum; ergo & nolle se vouisse; si quidem non dolet de actu, ad quem tenebatur.

- 4 Quartò dico, quòd qui dolet se solemniter vouisse propter bonum finem, quia nimirum habet parentes necessitate oppressos, quibus extra religionem liberiùs subuenire posset, non peccat. Ratio est, quia talis pœnitentia est actus meritorius, quia finis est optimus.

Quintò dico, quòd qui dolet de voto propter difficultatem, & tedium operis, & tedium est tantum, tamque

perfeuerans, vt periculum probabile inducat non adimplendi votum, peccat mortaliter. Ratio est, quia qui amat periculum, peribit in illo; peccabit tamen venialiter, si solum esset periculum languidiùs implendi votum; quia contra rationem est de bono admissio pœnitere, cum proprium pœnitentiae obiectum sit res mala.

Sextò dico, quòd quamuis talis dolor voti ex genere suo nullum sit peccatum, dolere tamen de votis essentialibus, & perpetuis religionis, putà castitatis, obedientiae, paupertatis, aut aliis ita magnis, regulariter semper est peccatum veniale. Ratio est, quia, regulariter loquendo, nunquam potest dari causa iusta, ob quam melius sit, ista vota non emisisse.

Tum quia est quædam in Deum ingratitudo dolere de tanto beneficio, de quo gratiae maximæ essent agendæ.

Septimò dico, quòd qui de voto facto dolet, quantum ad opera quæ ex voto fecit, præsupposito adhuc voto, id est, qui dolet se fecisse illa opera, ad quæ ex vi voti tenebatur, peccat mortaliter. Ratio est, quia stante tali voto, illa opera sunt ad salutem necessaria; ergo qui se illa obseruasse dolet, peccat mortaliter. Secus si doleat de operibus factis ex voto, non tamen præsupposito voto, vt si doleat se professum esse, & tot annos in religione vixisse, non cutans an huiusmodi operibus caruisset, qui dolor non est de obseruatione voti; sed de applicatione animi ad votum, solum peccat venialiter.

Octauò, & vltimò dico, quòd opus factum ex voto cum illa displicentia, dolore, dummodo adsit propositum adimplendi votum adhuc est magis meritorium, quam si non fuerit ex voto. Ratio est, quia impletio voti est actus religionis, quæ est potior virtus, quam

quam v.g. abſtinentia, cuius actus eſt ieiunare. Vnde ieiunium ex voto factum, etiam cum aliquali triſtitia, magis meritorium eſt, quàm illud, quod non fit ex voto D. Thom. 2. 2. q. 88. artic. 6.

11. cap. 19. q. 14. & c. 21. q. vii. & Sanch. lib. 9. de matrim. diſp. 33. nu. 7.

## QVÆSTIO CLXXX.

*An qui virginitatem vouit, ſi eam ſemel amiſit, teneatur deinceps ex vi voti caſtitaſtem ſeruare?*

**R**ESPONDEO, ſi expreſſa intentione vouentis fuit ſe ſolum à primo actu libidinis abſtinere, quia ſolummodo volebat ſigillum virginis ſui corporis ſeruare, tunc eo ſemel amiſſo per primum actum, non tenetur de cætero caſtitaſtem ſeruare: quia materia eius facta eſt impoſſibilis, & caſtitaſ ſiſibilis ex intentione vouentis non fuit ſub voto comprehenſa: vnde poterit licitè, & contrahere matrimonium, & petere, & reddere debitum ſi contrahit. Secus autem ſi vouit abſolutè virginitatem animo perpetuò eam ſeruandi; quia cum tale votum ſit ſimpliciter negatiuum, putà de nunquam habendo turpitudinem veneream; etiamſi ea violata, votum fregerit, adhuc tamen tenetur ſe continere, atque adeò ſeruare in poſterum caſtitaſtem: aliàs torres mortaliter peccat, quories actum venereum exercet. Et in dubio de intentione, cenſendum eſt obligate ad perpetuam continentiam, quia votum ſuapte natura ad id obligat. Et idè ita ſuſtinent Caiet. 2. 2. q. 88. ar. 3. Sotus lib. 7. de iuſt. q. 2. art. 1. Nauar. in Man. cap. 12. nu. 43. Valent. 2. 2. diſp. 6. q. 6. p. 4. Arag. 2. 2. q. 88. art. 3. Lindou. Lop. p. 1. inſtr. confeſſ. cap. 44. Roder. p. 2. ſum. caſuum cap. 4. 8. nu. 1. Azor. lib.

## QVÆSTIO CLXXXI.

*An qui vouit ſe daturum eleemoſynam Eccleſie, ſuo voto ſatiſfaciat, erogato vno dipondio?*

**Q**UIDAM opinantur in hoc caſu confugiendum eſſe ad iuriſprudētis arbitrium, vt omnibus circumſtantiis perſpectis perſonæ vouentis, & cauſæ promittendi, explicet quantitatem præſumptam voti. Hinc ridiculum putant dicere Regem, qui ob cauſam grauiffimam promiſit ſe daturum eleemoſynam, ſuo voto ſatiſfacere, tradendo vnum dipondium.

Alij verò rectiùs docent hunc voto ſatiſfacere, erogata quantumcumque minima eleemoſyna. Ratio eſt, quia in illo dipondio eleemoſynæ ratio ſaluatur.

Tum quia vt quis etiam diſſiſſimus iubileum conſequatur, ſat eſt minimam eleemoſynam largiri: vt cum Tab. Ledefin. & Petr. à Soto tenet Henriq. lib. 7. de indulg. cap. 10. nu. 7.

Hinc, qui vouit indeterminatè ſe recitaturum orationem, abunde ſuo voto ſatiſfacit, dicendo vnam ſalutationem Angelicam.

Hinc, qui vouit ieiunare, non determinans ieiuniorum numerum, ſufficienter ſuo voto ſatiſfacit, ſi vnam diem ieiunet.

Hinc, qui pluribus diebus ſe ieiunaturum, aut recitaturum promiſit, nec certum numerum definiuit, ſuo voto ſatiſfacit, ſi duobus diebus ieiunet, vel recitet. Ratio eſt, quia pluralis locutio duorum numero eſt contenta. Regul. pluralis de Reg. iuris.

L 3 QVÆST.

## QVÆSTIO CLXXXII.

*An votum volendi Religionem ingredi, sit votum religionis?*

- R**ESPONDEO sicut aliud est facere, & aliud est velle facere *cap. ex parte de sponsal.* Sic aliud est vouere, & aliud velle vouere. Vnde is qui vouit volendi religionem, non vouet quidem religionem, sed promittit aliquando se habiturum animum ingrediendi religionem. Quare hic satisfaciet voto si aliquando eam bonam voluntatem habebit. Et ideo ita tenent Nauar. lib. 3. *conf. tit. de voto conf. 6. & Azor. lib. 11. cap. 22. q. 11.*

## QVÆSTIO CLXXXIII.

*An votum nolendi viuere in seculo, sit votum Religionis?*

- Q**VÆSTIO loquitur, quando non constar de vouentis intentione.
- R**ESPONDEO non esse votum religionis. Ratio est, quia tantum est votum non eliciendi huius actus voluntaris, volo in seculo viuere. Quare satisfaciet ei voto habendo se negatiuè.

## QVÆSTIO CLXXXIV.

*An votum moriendi in religione, sit votum Religionis?*

- R**ESPONDEO esse votum religionis. Ratio est, quia nemo potest in religione mori, nisi illam profiteatur. Azor. lib. 11. *capit. 22. quest. 11.*

## QVÆSTIO CLXXXV.

*An votum vite eremitica sit votum religionis?*

- R**ESPONDEO non esse votum religionis. Quia vita eremitica non requirit tria vota religionis essentialia.

## QVÆSTIO CLXXXVI.

*An qui venit Religionem ingredi, suo voto satisfaciat ingrediendo ordinem equitum D. Iacobi, Calatrane, & Alcantara, qui vulgo Commendatores appellantur?*

- N**AVAR. Iuris Monarcha lib. 3. *conf. tit. de regular. conf. 10. & lib. de reddit. q. 1. num. 95.* Michaël Med. lib. 4. *de sacrorum hominum continentia cap. 39. & Roder. tom. 1. quest. reg. q. 1. art. 8.* affirmant eum abundè satisfacere. Quia putant huiusmodi ordines militares esse verè, & propriè religiones.

Alij verò, vt Sotus lib. 7. *q. 5. art. 3. Arag. 2. 2. q. 88. art. 11. Molina tom. 1. de iust. d. 141. Azor. lib. 13. cap. 1. q. 2. & Roder. 2. p. sum. cap. 97. art. 8.* negant. Quia isti ordines verè, & propriè religiones non sunt, cum eorum professores non absolutam, sed conjugalem castitatem voueant, nec absolutam obedientiam, & paupertatem. Huius opinionis videtur fuisse D. Thom. 2. 2. *q. 186. ar. 4. ad. 3.* vbi ait, illos viuendi modos secundum quos homines matrimonio videntur, non esse simpliciter, & absolute loquendo religiones, sed secundum quid, in quantum, in aliquo participant quadam, que ad statum religionis pertinent.

Et hæc posterior sententia mihi plus placet: displicet tamen eius fundamenta.

3 *dammentum*, quia vt inferius dicemus sunt verè, & propriè religiones; vident enim eorum cultores castitatem, paupertatem, & obedientiam sub Regula à Sede Apostolica approbata, & quamuis hæc vota non sint de absolutis his rebus, vt in aliis religionibus promittuntur; at ipsa sedes Apostolica, cuius est religiones approbare, dispensauit, ne ita strictè emitterentur. Sed legitima ratio huius est, quia quauis eas verè, & propriè religiones esse censeam, adhuc dicendū est hunc non satisfacere voto religionis assumendo habitū equitum S. Iacobi. Quia regulariter, qui religionem vult, intendunt statum viuientium in communi, & alienum à tumultu, fastu, ac curis sæcularibus.

### QVÆSTIO CLXXXVII.

*An qui habet votum Religionis in communi, satisfaciatur suo voto assumendo habitum equitum Melitensium.*

1 **E**T quidem si ingrediatur religionem monialium, & clericorum in dicto ordine professorum in communi viuentium, certum est, hunc verè suo voto satisfacere. Quia isti veram vitam regularem in Monasteriis sub obedientia superiorum, instar aliorum religiosorum ducunt.

Sed tota difficultas consistit de religione prædictorum equitum commendatariorum, qui in domibus particularibus more sæcularium viuunt.

Arag. 2. 2. q. 88. art. 11. Roder. 2. p. sum. c. 97. n. 3. & Azor. lib. 13. cap. 4. q. 4. affirmant hunc suo voto satisfacere.

2 Quia hi absque controuersia sunt verè, absolute, & simpliciter religiosi, vt pote qui more aliorum, tria vota solemniter emittunt paupertatis, castitatis, & obedientie, sub Regula ab Ec-

clesia approbata, nimirum à Gelasio 2. anno Domini 1120. & ab Honorio 9. an. 1124. & in ipsis Pontificū diplomatibus absolute religiosi appellatur.

At multò probabilius est, non satisfacere propter rationem adductam, & ira tenet Cord. sum. q. 148.

### QVÆSTIO CLXXXVIII.

*An qui strictiorem Religionem vult, ingrediens postea laxiorem, peccet, & profitens maneat liber?*

**R**ESPONDEO hunc peccare mortaliter ingrediendo laxiorem. Quia minus præstat, ac soluit, quàm promisit. Nisi forte ea religio priuilegium habeat à sede Apostolica, vt tali voto obnoxios admittere possit. At ubi in laxiori professus est, manet omnino liber à voto strictioris religionis. Ratio est quia votum solemne in religione laxiori, quo quis se tradit religioni fortius est, quam votum simplex de intranda religione arctiori. Et ideo liberat à voto priori simplici, vt colligitur ex cap. penult. de reg. in 6. & tradit D. Th. 2. 2. q. 189. art. 8. & Nau. c. 12. n. 48.

### QVÆSTIO CLXXXIX.

*An qui aliquam particularem Religionem vult, licet possit aliā illā arctiorem, & præstantiorem ingredi?*

**R**ESPONDEO posse. Ratio est, quia si non posset ingredi, eius votum esset maioris boni impeditiuū: vt colligitur ex cap. licei de Regular. & tradit D. Th. 2. 2. q. 189. art. 9. & Caiet. ibid.

### QVÆSTIO CXC.

*An qui certam aliquam Religionem vult, possit in aliā aequè arctam propria autoritate transire?*

**R**ESPONDEO non posse. At si in ea equè dura, & arcta profiteatur, licet

licet peccet mortaliter, professio tamen rata est, & firma. Ita Nau. Comm. 4. de regul. num. 10. & Azor. lib. 11. cap. 22. q. 12. Quod intelligitur quando non certo constat ea æqualitas, quia ut inferius in tractatu de commutatione dicemus, votum potest propria autoritate, in euidenter æquale commutari.

### QVÆSTIO CXCI.

*An qui vouit se ingressurum Religionem possit fieri Episcopus?*

**R**ESPONDEO quamuis religiosus professus possit fieri Episcopus, ille tamen qui religionis ingressum vouit, suum votum non implet, Episcoporum gradum suscipiendo, sed prius debet religionem ingredi, quam Episcopus fieri, alioquin peccabit mortaliter pro ut expressè definitur in cap. Per tuas de voto, & voti redemp. & tradit Azor. lib. 11. cap. 22. q. vlt.

### QVÆSTIO CXCI.

*Ad quid teneatur qui absolute Religionem vouit?*

**R**ESPONDEO qui simpliciter, & absolute religionem vouit, ita ut intentio ipsius præcipue sit se obligare ad religionem in genere, & secundariò ad hanc, vel illum ordinem determinatum, tanquam sibi magis convenientem, tenetur prius conari, ut admittatur in illum determinatum, & si non admittitur, alios adire, ut votum suum impleat. Ratio est, quia hic virtualiter duplex votum emittit, vnum religionis vagè, & in vniuersum, alterum verò huius, vel illius ordinis: ergo si vtrumque impleri potest, implendum vtrique est, nitendo

prius in specialem illum ingredi, & non admissus quaerendo alium. Secus autem esset, si aliquis præcipue vouit ingredi religionem in hoc aut illo loco propter peculiarem conditionem eius; tunc enim exclusus ab illo, non tenetur alia loca adire. Ratio est, quia primaria intentio eius fuit ingredi in hunc locum, & ingressus religionis in genere fuit tantum secundariò intentus: cessante autem obligatione ad primarium, cessat ad secundarium. Et ideo ita tenet D. Tho. 2. 2. q. 88. art. 3. Sot. lib. 7. q. 2. art. 1. Nauar. c. 12. m. 46. Tolet. lib. 4. cap. 17. num. 12. Arag. 2. 2. q. 88. art. 3. Valent. 2. 2. d. 6. q. 6. p. 4. Lop. p. 1. cap. 44. Roder. p. 2. c. 97. m. 4. & Azor. lib. 11. cap. 22. q. 1. quorum sententiam amplector quando ille ordo specialis est ceteris strictior. Nam si alius strictior sit, potest ad illum tanquam meliorem transire.

Si autem dubium sit, an vouentis intentio fuerit se obligare ad religionem in genere, an potius ad aliquam determinatam, D. Tho. in 4. d. 38. q. 1. art. 3. q. 1. ad 6. communiter receptus dicit teneri hunc eligere quod tutius est, ne periculo infringendi votum se exponat. Cuius opinio mihi placet, sed ratio displicet: nam ut supra dictum est, non semper tenemur sequi quod tutius est, sed sufficit ut pars quam eligimus sit rata. Sed ratio legitima huius est, quia volentes dimittere sæculum, solent ut plurimum vouere religionem in genere, & ideo à communiori vouentium vsu præsumitur in hoc dubio votum sic emissum.

### QVÆSTIO CXCI.

*An qui certam Religionem vouit, nec in ea admittitur, teneatur aliam adire?*

**R**ESPONDEO in 4. d. 38. q. 4. art. 1. & Sot. lib. 8. q. 2. art. 1. dicunt vouentem certam



certam religionem, nec in ea admilsum teneri intrare aliam. Et probant, quia in eo voto implicite vouetur dimissio sæculi ergo tenetur modo sibi possibili à sæculo recedere, ingrediendo aliam religionem, si in speciali promissa repulsam patiatur.

- a At verissima sententia est, eum qui determinate vouit certam religionem ob specialem ad hanc affectum, illam solummodo petere, & amplecti debere, cuius si fuerit repulsam passus, non teneri aliam religionem exquirere. Ratio est, quia ad id non se obligauit, quandoquidem limitata causa limitatum producit effectum. Ita D. Thom. 2. 2. q. 88. art. 3. ad 2. & q. 189. art. 3. Nauar. cap. 12. num. 48. Less. lib. 2. c. 42. dub. 5. & alij.

- Et ad argumentum in contrarium adductum respondeo, quod licet in voto certæ religionis claudatur virtute dimissio sæculi, at ea non clauditur absolute, sed dependenter ab ingressu illius determinatæ religionis: si ergo is ingressus reddatur impossibilis, cessabit obligatio accessoria. *Reg. accessorium de Reg. iuris in 6.*

- 3 Hinc, qui ingressum certi Monasterij vouit, forte quia in eo studium literarum viget, & in illud non admittitur, nullum aliud monasterium explorare tenetur etiam eiusdem religionis, quamuis obseruatione Regulæ præstantius. Ratio est, quia intentio vouentis non fuit ad amplius se obligandum.

- Hinc, qui vouit aliquam determinatam religionem ingredi, & postea in se cognoscit aliquod impedimentum, ob quod repulsam patitur: vt si v.g. vouit se ingressurum religionem, in qua non nisi homines ex spectabili genere admittuntur, & postea in se cognoscit talem ignobilitatem, ad nihil amplius tenetur. Quia votum iam factum est illi impossibile.

Hinc, qui certam religionem, vel aliquod singulare cœnobium vouit, & postea incurrit aliquem perpetuum morbum, per quem in eo non recipitur, voti vinculo est solutus. Ratio est, quia impossibilium nulla est obligatio. Verum si impedimentum ob quod à religioso talis monasterij recusatur, fuerit temporale, vouens cessante impedimento religionem intrare compellitur. Ratio est, quia sublato impedimento, nulla subest excusationis causa. Ita Sot. lib. 7. q. 2. art. 1.

- 6 Hinc, qui vouit tempore determinato se transiturum ad religionem, vt intra hunc annum, vel certa die, non satisfacit huic voto, si illa die, aut vltima illius anni petat se admitti in religionem. Ratio est, quia nunquam eadem die potest admitti; cum examen, & informationes debeant præcedere, & consulere oporteat Generalem, vel Prouincialem, quæ vnica die fieri nequeunt.

Quæ omnia procedunt, quantumcumque vouens non solum promiserit ingressum religionis, sed etiam persequerantiam, & se professionem in illa facturum. Ratio est, quia tota hæc res dependet ex arbitrio Prælati, cuius est eum religioni incorporare, aut repudiare; repudiando autem reddit impossibilem talis voti executionem, & consequenter tollit omnem illius obligationem.

#### QVÆSTIO CXCV.

An voto Religionis satisfaciat, qui crimina patrat, ob quæ religionis ingressus sibi interdictus?

R ESPONDEO non satisfacere. Ratio est, quia admittens scienter

M                      impe

impedimentum implendi votum, peccat contra votum. Ita Syluest. *verb. votum* 3. *fine.* & Ang. *verb. votum* 1. *nu.* 12.

Hinc contra religionis votum peccat, qui petit admitti, sed nutibus aut verbis, aut ipso petendi modo significat se desiderare non admitti. Ratio est, quia qui sic petit, non seriò petit, sed derisorie petit: at votum religionis ligat vouentem ad faciendum quantum in se est, vt ad religionem admittatur. Secus si exterius nullo modo significaret interius sue repulse desiderium.

### QVÆSTIO CXCV.

*An qui vouit Religionem in communis, teneatur omnia religiosorum cœnobîa perlustrare, vt admittatur?*

**E**T quidem certum est in primis, non teneri hunc totum Christianorum orbem peragrarè, vt in religionem admittatur, vt rectè docet Syluest. *verb. religio* 2. *q.* 16. Immo etsi vouisset se totum orbem exploraturum, donec admittatur, non teneretur ad id. Quia huiusmodi votum esset stultum, & de re impossibili. Vnde teneretur in hoc casu bonam orbis partem perlustrare, quia perlustrata iudicaretur prudenter fore, vt inde recusatus, recusaretur ab aliis.

Secundò, si is qui vouit, voluit ita religioni se obligare, vt recusatus à monasteriis sue nationis, teneatur etiam exterarum nationum adire, id vi voti præstare teneretur, vt per se non stet, quo minus votum adimpleat. At si eius animus fuit tantum finitimos religiosorum ordines perlustrare, non teneretur petere externos. Ratio est, quia votum obligat tantum secundum intentionem vouentis.

### QVÆSTIO CXCVI.

*Punctus autem difficultatis consistit, quando non constat de speciali vouentis intentione.*

**A**BULEN. *cap.* 30. *num.* 9. § 2. Nauar. *cap.* 12. *num.* 48. & Pal. in 4. *diff.* 38. *A.* 1. censent hunc non admittendum à finitimis, & propinquis monasteriis, teneri ad remotiora, externaque se conferre, vbi sit aliqua probabilis spes quod recipiatur.

Tolet. *lib.* 4. *cap.* 17. *nn.* 12. & Cosm. Philiar. *de off. Sacerd.* tom 1. p. 2. *lib.* 1. *cap.* 1. dicunt tantum hunc teneri in propria Ciuitate, vel prope tentare ingressum, nec oportere hunc perlustrare prouinciam.

Alij verò vt Sot. *lib.* 7. *q.* 2. *art.* 1. & Cai. 2. 2. *q.* 88. *a.* 3. docent hunc non teneri extra proprium regnum adire, vt admittatur. Pro quo.

Primò dico, quod qui religionem vouit sine expressa, vel tacita limitatione huius, aut illius ordinis, vel monasterij, non liberatur, ex eo ab obligatione sui voti, quod ad vnum aliquod monasterium accedens, passus sit repulsam, sed accedere tenetur ad alia, quæ voto suo pariter comprehenduntur. Ratio est, quia latius patet intentio taliter vouentis, quam vouentis ingressus certi monasterij.

Secundò dico, quod si vouens sua culpa ad religionem non admittitur, teneretur tale impedimentum, in quantum potest tollere, rursusque vrgere, vt recipiatur. Ratio est, quia qui vouet religionem ingredi, tacite etiam vouet opportuna media ad hoc adhibere, & impedimenta, quantum in se est, amouere; alioquin non seriò, sed derisorie videtur Deo religionem promississe.

Tertiò dico, quod qui absolute religionem

gionem vult, non arctans se ad specialem ordinem, vel monasterium, si à religiosis sui Regni non admittitur, non tenetur extra proprium regnum, & linguam adire, vt admittatur, etiam si certus sit, se ibi admittendum. Ratio est, quia nemo obligatur nisi ad moralem adimplendi voti diligentiam. At non est in more, vt quis exteras nationes perlustraret, vt votum religionis adimpleat, nec id vouere solet. Nullus enim Italus vouens religionem intendit se obligare ad eundem in Galliam, aut Hispaniam cuius linguam ignorat, vt suo voto satisfiat; ergo id tanquam medium extraordinarium, & excedens moralem diligentiam, & communem vouentium intentionem, & consuetudinem, vouentem non obligabit. Immo si in sua patria reciperetur in vna, vel pluribus religionibus, de quibus probabiliter credit quod si vouens tempore voti cogitasset, non obligasset se ad earum ingressum, non teneretur illas ingredi, quandoquidem ad eas specialiter, neque actu, neque virtute intentio ipsius se extendit.

¶ Tum quia magna difficultas non cognita, nec praevisa vouenti, ac praeter eius opinionem superueniens excusat à voti obligatione. Hec autem est talis, nullus enim existimat se in suo regno non admittendum: & omnes grauissimum existimant debere causam huius ingressus exteras nationes perlustrare. Et ideo ita tenent Sor. lib. 7. q. 2. ar. 1. Arag. 2. q. 88. art. 3. Valent. 2. d. 6. q. 6. p. 1. Roder. p. 2. cap. 97. num. 4. Caiet. 2. 2. q. 88. art. 3. Azor. lib. 11. cap. 22. q. 1. & Emman. Sà verb. votum in principio nu. 12.

Opinio autem Tolci potest admitti in solis foeminis vouentibus religionem. Quia communiter non solent extra proprias Ciuitates vagari, vt ad religionem recipiantur.

Vnde optimè Caietanus, vbi supra, dixit adolescentulam, vel viduam quae vult religionem, & non admittitur in sua patria, vel prope, non teneri alia loca adire, vt admittatur.

## QUESTIO CXC VII.

*Quot Religiosorum monasteria teneatur explorare in suo Regno, qui ingressum in religionem vult?*

**D**OCTOR Nauar. cap. 12. num. 48. Abulen. cap. 32. num. quæst. 52. & Palac. in 4. d. 38. d. 1. dicunt teneri hunc omnia religionis illius quam vult perlustrare.

Verum dicendum est, si hic certi instituti nimirum sancti Bernardi religionem vult, satis est, ac sufficit, si quinque, vel sex eius domicilia perlustrat: quod si ab his non admittitur, probabiliter credere potest, se à cæteris quoque fore excludendum. Quod si religionem vagè, & indeterminatè vult, satis est, si quinque vel sex diuersi instituti ordines in sua Prouincia vel Regno constitutos exquirat. Ita Caiet. 2. 2. quæst. 88. art. 3. Sor. lib. 7. quæst. 2. art. 1. Arag. 12. quæst. 88. art. 3. Valent. 2. 2. d. 6. quæst. 6. p. 4. & Roder. p. 1. sum. c. 97.

Quæ doctrina est intelligenda, si hic quinque, vel sex cuiuslibet ordinis, ex his, cœnobis perlustrat. Quia perinde se habet hic respectu religionis in communi, ac vouens certi instituti religionem, tenetur quinque, vel sex monasteria perlustrare, vouens religionem in communi, tenebitur totidem monasteria cuiuslibet ex illis quinque, vel sex ordinibus. Aliquando tamen sufficiet vnum.

M 2. mona

monasterium explorare cuiuslibet religionis, quando viri docti ac instituti illius religionis consilij, indicant illum in nullum illius religionis monasterium admittendum.

stitatis, paupertatis, & obedientie vota in religione ab Ecclesia approbata emittunt. At in voto religionis vagæ, & indeterminatæ non comprehenduntur, vt supra diximus.

### QVÆSTIO CXCVIII.

*An si vouens Religionem in communi, non admittitur nisi in solam religionem arctissimam, vt Carthusianam, teneatur ad illam?*

**R**ESPONDEO non teneri. Ratio est, quia religio hæc arctissima specialem Dei vocationem petit: nec communiter à vouentibus apprehenditur. Sic Rich. in 4. d. 38. quest. 1. art. 5. Angel. verb. *votum* 3. num. 10. Syluest. verb. *religio* 2. q. 16. & Arin. verb. *votum* num. 18.

Hinc, non est audiendus Abulens. cap. 30. num. 9. q. q. vbi ait vouentem certam religionem, quia videt eius cultores laxè viuere, & ob id putauit suis viribus non imparem, teneri adhuc ad illam transire, et si per reformationem fiat arctior, ac suis viribus impar. Non est inquam audiendus, quia vt diximus notabilis rei mutatio à voti obligatione liberat.

### QVÆSTIO CXCIX.

*An vouens Religionem in communi, si in nullam aliam admittatur, teneatur ordinem equitum D. Iacobi Alcantara, Calatrana, & D. Iohannis intrare?*

**R**ESPONDEO non teneri. Ratio est, quia etsi verè, & propriè religiosi sint, vt potè qui tria solemnia ca-

### QVÆSTIO CC.

*An semel repulsus teneatur aliquantulum expectare, vt in eam recipiatur?*

**R**ESPONDEO, si talis repulsio facta est ad tempus, eo quod causa, ob quam tunc non admittitur est temporalis, tenetur adhuc expectare, rursusque vrgere. Quia non est simpliciter repulsus. At si repulsio facta fuit simpliciter, quia causa repulsæ est perpetua, non obligatur amplius expectare, sed omnino liber manet à voto. Quare quamvis postea religiosi velint eum ad religionem admittere, non tenebitur: quia quando duorum voluntas requiritur ad aliquem contractum, vno eorum renuente, alter liber manet ab obligatione contrahendi; alioquin toto vitæ curriculo teneretur accipi, & suspensio animo, nec posset vnquam ad nuptias transire, quod est absurdissimum.

Tum quia hæc voti obligatio tacitam habet conditionem, Si scilicet diligens moralis, religiosi admittere voluerint; cum ergo conditio illa admissio- nis defecerit; deficiet quoque omnino voti obligatio. Et idèd ita tenent Caiet. 2. 2. q. 88. art. 3. Val. 2. 2. d. 6. q. 6. p. 4. & Azor. lib. 11. cap. 22. q. 5.

### QVÆSTIO CCI.

*An qui vouit Religionis ingressum, cum eam petit, propalare teneatur se Deo religionem vouisse?*

Caiet.

**C**A I E T. 2.2.g.88.art.3. affirmat hunc ad id teneri.

Mihi verò longè plus probatur contrarium. scilicet eum minimè ad id teneri, sed satis esse, si se admittendum curet. Ratio est, quia solum vouit se ingressurum religionem, nec vnquam se id voti patefacturum promisit: votum autem eiusmodi sub hac tacita conditione factum esse censetur, *Si me religio admittere velit.*

Tum quia qui rem aliquam vouet, non censetur se obligare ad omne medium, quod iuuare potest ad illius executionem, sed tantum ad media communia, & natura sua sufficientia: huiusmodi autem est petere bona fide, vt admittatur: explicare autem votum, & si medium extraordinarium, etsi eo manifestato sciret se admittendum. Sicut nec tenetur intercessores ad id obtinendum querere, quamuis sciret id adiuturum ad receptionem. Et ita sentit Azor. lib. 11. cap. 12. g. 9.

## QVÆSTIO CCII.

*An interdum sufficiat alicui passum esse repulsam à Generali, vel Prouinciali religionis quam vouit, vt censeatur omnino liber ab eo voto?*

**D**OCTOR Nauar. cap. 12. nu. 61. negat id satis esse. Quia iure communi admissio, & refutatio volentis ingredi religionem ad Priorem monasterij cum consensu capituli pertinet: ergo non sufficit si Generalis, aut Prouincialis eum excludat.

Sotus lib. 7. q. 2. art. 1. insinuat vouentem liberum esse à voto, si à Generali, vel Prouinciali passus est repulsam.

**A**t ego satis esse censeo, in casu quo

à Generali, vel Prouinciali repellitur, penes quos est totum ius admittendi, & creandi religiosos: aut in eo casu quo Generalis, & Prouincialis iustis de causis monasteriorum Prioribus iubeant, ne aliquos sine eorum expressa licentia in religionis ordinem recipiant. Aut in casu quo Generalis, & Prouincialis rationem sufficientem reddiderint, ob quam creditur probabiliter fore, vt nullum monasterium suæ religionis eum admittat.

## QVÆSTIO CCIII.

*An qui vouit ingredi certam Religionem, & postea inuenit eam quoad substantialia esse collapsam, teneatur eam ingredi?*

**R**ESPONDEO non teneri, si non sit spes in breui fore reformatam, secus si substantialia seruentur, quamuis non ita districte, vt regularis obseruantia petat. Ratio est, quia in priori casu non meretur illa religionis nomen, nec est consilium illam ingredi ratione magni, ex impiorum sociorum familiaritate peruerisionis periculi. Nisi forte se sentiat adeò firmum, vt prudenter putet sibi non esse probabile periculum, quin potius speret se alios conuersurum. At in posteriori casu consilium est, & ea vita seculari præfertur. Caiet. 2.1. q. 189. art. 3. Nauar. cap. 12. nu. 46. & Valent. 2.2.d.6. q. 6. p. 4.

Quare non approbo quod docet Enaman. Sà verbo *votum in principio* num. 11. vbi ait se non audere hoc affirmare. Quia illicitum est religionem illam ita collapsam, nec proximè reformatam ingredi, quamuis ab Ecclesia toleretur, & hoc ratione periculi peruerisionis, quod ei imminet. Et ideo optime Nauar. cap. 12. nu. 51.

M 3 dicit

dicat peccare mortaliter parentes, qui filios vel filias educandas monasteriis ita deformatis tradunt.

### QVÆSTIO CCIV.

*An qui vovit Religionem in communi, & in unam admittitur, quam postea iusta de causa deseruit, teneatur ex vi voti ad aliam transire?*

**R**ODERICVS 2. p. sua summa c. 97. num. 2. affirmat teneri, sicut in vnam religionem petitam non admittitur, tenetur aliam petere.

Contrarium tamen est proculdubio affirmandum, nam hic non perseverantiam, sed ingressum religionis vovit: ergo ingrediendo in vnam bona fine, & ex iusta causa egrediendo, ut quia eius asperitates ferre nequeat, planè suo voto satisfacit.

Nec ratio Roderici concludit, quia nunquam admittitur non implevit votum. At semel ingressus, & ex causa iusta egrediens, abundè suo voto satisfacit.

Hinc, qui votum religionis determinatæ autoritate Apostolica commutavit in alterius religionis ingressum, & deinde ab illa, bona fide suscepta ob aliquam iustam causam recedit, non tenetur amplius ad prius promissam, sed prorsus manet à voto liber. Ratio est, quia per commutationem obligatio prioris voti extinguitur, & illius loco succedit res, in quam commutatur, ac si de ea sola votum esset emissum.

\* Et idem censo si ille morali diligentia religionem hanc in quam votum commutatur, petat, & in perpetuum tepellatur. Quia eadem ratione voto satisfecit.

Hinc, qui votum laxioris religionis

commutat propria auctoritate in strictiorem, & postea hanc bona fide susceptam deserit ex iusta causa, aut sufficienti diligentia appolita, ad illam non admittitur; non tenetur ad religionem prius promissam transire, etsi ad illam admitteretur, sed prorsus liber manet à voto.

### QVÆSTIO CCV.

*An à Religione promissa, & semel suscepta expulsus ob iustam causam temporalem, teneatur ea cessante ex vi voti iterum ingredi?*

**R**ODER. p. 2. summe cap. 97. nu. 5. 1  
Affirmat hunc ad id teneri. Diciturque à simili, quia si hic in vnam religionem petitam admittitur non est, tenetur aliam petere.

At oppositum placet. Nec est simile de petente admitti, & nondum admissio. Quia hic non censetur satisfecisse voto, quandiu est spes, ut in aliam religionem admittatur. At semel ingressum, & ex causa exeuntem dicunt uniuersi, implese suum votum; non ergo tenetur cessante ea causa, ingredi.

Quod intelligo primò nisi votum sit perseverandi in religione: tunc enim egressus, vel expulsus ex quantumvis iusta causa, aut impedimento temporali, tenetur his cessantibus ad religionem redire.

Intelligo secundò, nisi expellatur, defectu alicuius conditionis requisitæ, iuxta eius religionis statuta; tunc enim expulsus tenetur ad aliam religionem migrare, quia vouens religionem vagè, tenetur ad illam, cuius est capax. Nauar. lib. 3. *Constit. de voto m. 2. edict. conf. 23.*

QVÆST.

## QVÆSTIO CCVI.

*An voto Religionis ligatus, & in unam bona fide ingressus à qua sua culpa fuit expulsus, teneatur se corrigere, ut iterum admitatur?*

- 1 **T**OLET. lib. 4. cap. 17. num. 12. & cap. 18. num. 2. affirmat teneri. Azorius lib. 11. cap. 22. q. 9. negat. At verò Sanch. tom. 2. operis moralis lib. 4. cap. 16. has ambas opiniones sic conciliat. Si hic mediocrem diligentiam apposuit ad se religionis institutum accommodandum, sed ex passione, prauâque consuetudine in pristinas culpas incidit, verior est opinio Azorij, quia hic bona fide expertus est religionem, & inuenit se esse religioni ineptum; si verò eam diligentiam non adhibuit, sed ex crassa negligentia in eas culpas ruit, verior est opinio Toleti.

## QVÆSTIO CCVII.

*An exclusus à Religione, cui se per votum simplex obligauit, teneatur in saeculo manens seruare ea quæ sunt religionis, nempe paupertatem, castitatem, & obedientiam?*

- 1 **E**T quidem si is qui vouit religionem, per tale votum voluit se obligare ad omnia, quæ sunt religionis, id est, ad castitatem perpetuam, & ad alia religionis officia, etiamsi in illam non recipetur, postquam passus est repulsam, tenetur in saeculo manens illa omnia seruare.

Secundò, si is qui vouit religionem, habuit animum ad nihil se obli-

gandi, nisi in eam reciperetur, & profiteretur, postquam passus est repulsam ad nihil obligatur. Ratio est, quia obligatio voti non extenditur ultra intentionem vouentis. Hæc itaque certa sunt.

## QVÆSTIO CCVIII.

*Sed controuersia est, quando qui repulsam tulit, absolute vouit religionem, & nunc dubitat, quænam fuerit eius voluntas, an talis non admissus, aut reiectus teneatur in saeculo manens, castitatem & alia Religionis onera seruare?*

**P**ALVD. in 4. d. 18. q. 4. art. 1. num. 9. ait non admissum ad religionem, cui se per votum obligauit, teneri in saeculo viuere non seculariter.

Innoc. cap. Porreclum de regul. censet hunc teneri votum religionis in manu Episcopi emittere, & intra domum suam religiosè viuere.

Host. disto cap. Porreclum num. 14. de regul. Anchar. Cap. qui post votum initio notab. 1. eod. tit. in 4. & ibi Franciscus num. 1. dicunt hunc qui religionis voto emissio non admittitur, sed in perpetuum repulsam patitur, teneri sub Episcopi obedientia manere in saeculo, & eius religiosum esse.

At verissima sententia est, cum qui ingressum religionis vouit, ad quam siue ex culpa sua, siue citra culpam suam non est admissus, aut post ingressum est reiectus, non teneri in saeculo castitatem, aut alia religionis officia præstare, sed posse ad matrimonium transire. Ratio est, quia qui simpliciter promissit religionem, nullo modo paupertatem, castitatem, obedientiam, & alia illius ordinis munera promissit, sed solum promissit se hæc solemniter promissu

promissurum, si admissus fuerit. Unde nec admissus, ad hæc tenetur, sed solum ad votum horum peccato anno probationis faciendum, quo facto tenebitur. Nam sicut qui vouit se emissurum votum ieiunij, non tenetur ieiunare, antequam promittat: ita qui vouit religionem, non tenetur Regulam, ac alia religionis officia præstare, quousque per votum solenne religionem suscipiat.

Similiter qui vouit ordinem sacrum suscipere, quamuis peccet, non suscipiendo ordinem; non tenetur tamen diuinum officium persolvere, & castitatem seruare, quousque verè ordinem illum suscipiat: & qui vouit religionem Christianam amplecti, quamuis peccet non suscipiendo Baptismum, non tenetur tamen alia Ecclesiæ sacramenta, ac præcepta seruare ante Baptismum verè susceptum: ergo qui religionem vouit, non tenetur castitatem aut alia, quæ sunt religionis, præstare, priusquam eam per solam professionem suscipiat. Et ideo ita sentiunt Illustrissimus Caiet. 2. 2. *q. vltima art. 3. Nauar. c. 12. num. 47. & 48. Azor. lib. 1. c. 12. q. 3. & alij communiter. Quod etiam est verum, licet fuerit perseverandi votum, vt rectè docet Nauar. eo nu. 47.*

Hinc, si is qui votum religionis emisit, antequam professionem emitat, cum muliere commisceatur, solum peccat peccato fornicationis, aut adulterij, non autem sacrilegij, cum non vouerit castitatem, sed tantum religionem.

Hinc, si talis vxorem ducat, & matrimonium consummet, non peccabit petendo, ac reddendo debitum, quia nondum est religionem professus: peccauit tamen mortaliter, tam matrimonium contrahendo, quam ipsum primò consummando, vt rectè docet D. Thom. in 4. d. 38. q. 2. art. 1.

Quia consummando se inhabilem reddidit ad votum religionis implendum, cum matrimonium ratum, & consummatum per ingressum religionis non dissoluatur. Mortua tamen vxore, tenetur religionem intrare, quia cum obligatio voti non tollatur per matrimonium, sed tantum impediatur, sublato impedimento, votum in sua vi, atque obligatione manebit: nisi fortè per ætatem, vel corporis dispositionem, religioni factus sit ineptus, aut non possit nisi difficillimè religionis illius austeritates perferre. Ratio est, quia non videtur rebus ita notabiliter mutatis se voluisse ad hoc obligare.

## QVÆSTIO CCIX.

*Ad quid teneatur, qui in seculo vouit cuidam Priori paupertatem, castitatem, & obedientiam?*

ET quidem certum est, hunc non teneri ingredi religionem, quia id non promisit.

Secundò, certum est, hunc teneri paupertatem, & castitatem in seculo seruare, vt rectè docet Nauar. lib. 3. *constit. de voto consil. 9.*

Sed totalis est de obedientia.

Nauar. *vbi supra* negat. Quia id obedientiæ votum non fuit legitime acceptatum à prædicto Priore.

Sed multò verius existimo, teneri hunc quoque ad obedientiam. Et ratio est, quia sola religionis professio indiget acceptatione Prælati, vt potè quæ est mutus contractus. At obedientia in seculo seruanda acceptatione non indiget, quia id votum, sicut & alia duo paupertatis, & castitatis, emissum est Deo, in eius gloriam, & honorem, & non illius Prælati gratia, aut quasi cum ipso contrahendo.

QVÆST.



## QVÆSTIO CCX.

*An vouens Religionem ut sit Sacerdos, & non admittitur, nisi ut sit conuersus, vel è contra, teneatur ingredi?*

**A**D hoc dico primò, quod si is qui vouit religionem, proposuit illius esse ordinis, qui ad sacerdotium deputatur, ad quod se promouendum putabat, si non admittitur, nisi ut sit conuersus, manet à voto liber. Ratio est, quia vltra vouentis animum obligatio voti non se extendit, sic enim tenet Soc. lib. 7. q. 2. art. 1. Arag. 2. 2. q. 88. art. 3. & Azor. lib. 11. cap. 22. q. 4.

Secundò dico, quod si is qui votum religionis emisit, solum gradum conuersorum cogitauit, fortè ob maiorem sui submissionem, vel causa vitandi labores studiorum, aut scrupulos ex auditis confessionibus confurgentes, & nunc non admittitur, nisi ad statum Sacerdotum, à voti obligatione est liber. Ratio est, quia votum vltra intentionem vouentis obligare nequit. Et hæc certa sunt, quando intentio vouentis fuit comprehensa sub voto, ita ut eius animus fuerit eo solo modo, & non aliter se obligare.

Sed quod in dubium vertitur est, quando intentio vouentis non fuit comprehensa sub voto, ita ut sic, & non aliter velit se obligare, nec etiam contrarium decreuit, nempe velle se quomodocumque obligare.

**3** Ad hoc dico primò, quod si is qui religionem vouit, existimauit se ad Sacerdotium promouendum, non tamen limitauit votum ad illud, nec contrarium decreuit, quia ad hoc non aduertit, si non admittitur ad ordinem Clericorum, non tenetur ingredi ut sit conuersus. Ratio est, quia ingredi ad statum conuersorum est notabilis

mutatio reddens rem multò difficiliorem, quàm tempore voti existimabat vouens, ac proinde à voti obligatione liberat.

Secundò dico, quod si is qui votum religionis emisit, existimauit tempore voti, se recipiendum ad ordinem conuersorum, idque volebat ob maiorem sui submissionem, si ad hunc ordinem non admittitur, tenetur ingredi, ut sit Sacerdos. Ratio est, quia non est mutatio notabilis, quæ à voto deobligat.

Tertiò dico, quod si vouens volebat esse in ordine conuersorum, quia valdè difficile sibi existimabat choro, & studiis vacare, non tenetur ingredi ut sit Sacerdos, si alio modo non admittitur. Ratio est, quia est notabilis mutatio, & notabilis difficultas, quæ ut dixi à voto excusat.

## QVÆSTIO CCXI.

*An qui vouit Religionem ingredi, & in eam non recipitur, quia indoctus, aut quia nullum scit artificium, teneatur literas, vel artificium addiscere, ut in eam admittatur?*

**A**D hoc primò dico, quod si is qui Religionem vouit, credidit se ad Sacerdotum ordinem promouendum, sciuitque non aliter se ad hunc statum admittendum, nisi linguam Latinam callèat, proculdubio tenebitur, vel Grammaticam addiscere, ut ad eum admittatur, vel habitum conuersorum suscipere, ut voto satisfaciatur. Quia implicite promississe censetur media, quæ ad eum obtinendum exiguntur, ut tenent Soc. lib. 7. q. 2. art. 1. Arag. 2. 2. q. 88. art. 3. & Azor. tom. 1. lib. 11. cap. 22. q. 4.

Quod dictum intelligitur primò nisi

nisi putaret tempore voti, esse necessariam Grammaticam, addiscendam tamen intra religionem; si enim religio nolit eum ad clericorum gradum admittere, nisi in sæculo eam addiscat, non tenetur ingredi, quia superuenit magna difficultas ignorata.

Secundò intelligitur, si facultas discendi linguam Latinam suppetat, aliàs enim excusabitur à voto, ratione impotentiae moralis. Nec hic tenebitur ingredi in ordinem conuersorum, quia excedit suam intentionem.

Secundò dico, quod si is qui vouit, proposuit illius esse ordinis, qui ad Sacerdotium deputatur, bona fide credens, ad hoc non requiri literas, si id postea ab eo requiratur, non tenetur ex vi voti literas addiscere, si aliàs non admittitur. Quia est notabilis mutatio superueniente magna difficultate ignorata. Nec tenetur ad statum conuersorum transire, sed omnino manet à voto liber. Ratio est, quia id non vouit.

- 3 Et idem dicendum est de ignorante eas requiri, vel dum vouit, non meminit huius obligationis. Quia ignorantia inuoluntarium inducit. In dubio autem an vouens sciuerit, vel ignorauerit literas esse necessarias, praesumendum est id non ignorasse, quia pauci sunt, qui ignorant linguam Latinam esse ad sacerdotium necessariam.

- 4 Tertiò dico, quod si is qui religionem vouit, solum gradum conuersorum cogitauit, credens bona fide non esse necessarium scire aliquod artificium, non tenetur ex voto illud addiscere, ut admitatur. Quia est notabilis mutatio à se incognita. Si vero sciuit id requiri, tenetur addiscere, quia implicite censetur illud vouisse. Quod Arag. 2.2.q.88.vr.3. intelligit etiam si artificium sit facile scitum. Cui etiam fauet Azor. lib.11. c.22.q.4. ubi ablo-

lutè dixit non teneri illud addiscere.

Sed melius Sor. lib.7. q.2.vr.1. dixit, si artificium illud sit scitu difficile: quia quando de facili addisci potest, non est notabilis mutatio. Si autem dubium sit, an sciuerit, vel ignorauerit: id artificium requiri, iudicandum est à communiter contingentibus id ignorasse. Quia pauci sunt, qui sciunt id esse ad statum conuersorum necessarium.

## QVÆSTIO CCXII.

*An is qui Religionem vouit, sciens se ineptum esse ad discendum linguam Latinam, teneatur ad gradum conuersorum ascendere?*

**R**ESPONDEO teneri. Ratio est, quia appositio conditionis impossibilis, quamuis faciat, ut nullum sit votum, quantum ad ingressum in ordinem clericorum; ne tamen delusorium omnino sit, valebit quantum ad ingressum in ordinem conuersorum, tenebiturque ut conuersus ingredi.

## QVÆSTIO CCXIII.

*Sed quid, si hic tempore voti de nentro gradu cogitauit, & non admittatur nisi ad statum conuersorum?*

**R**ESPONDEO in hoc casu spectandam esse primò tacitam mentem ipsius: si enim ita erat affectus ad religionem, ut si id ipsum cogitasset, nihilominus eam vouisset, tenebitur ex voto habitum conuersorum suscipere. Quia tunc virtualem habuisset intentionem ad id tacite vouendum.

Secundò, spectandam esse conditionem

tionem, & qualitatem vouentis v. g. si sit iuuenis, nobili genere natus, vel mediocriter literatus; & hic si non admittitur, nisi ad statum conuerforum à voti obligatione est liber. Quia prudenter iudicari potest; si hoc dum vouit, ei in mentem venisset, nunquam talia vorum fecisset. Si verò vouens est ignobilis, & linguæ Latinæ ignarus, tunc tenetur ingredi vt sit conuersus, si alio modo non admittitur. Quia probabiliter præsumitur statum conuerforum intendisse.

Idem dicendum est, si religio nolit eum admittere, nisi ad ordinem Sacerdotum, & ipse his omnibus conditionibus caret, estque bubalus: puto enim eodem fundamento non teneri ingredi vt sit Sacerdos. Quia huiusmodi bubali communiter vouent, vt sint conuersi, & ad eum statum admitti solent, & est valde difficile in religione studio vacare: ergo qui sic vouit, censetur implicite vouisse, vt sit conuersus.

Hinc, si vouens iis dotibus, & conditionibus præditus sit, vt soleat ad altiora literarum studia admitti, non tenetur is religionem ingredi, si solum admittatur, vt Grammaticam ad discat. Quia attenta vouentis conditione, censetur in suo voto inclusa conditio, *Si ad ea studia admittatur, ad qua persona sua conditionis admitti solent.*

#### QVÆSTIO CCXIV.

*An qui vouit Religionem ingredi, ex vi voti teneatur perpetuè in religione perseuerare, & profiteri?*

**I**N qua re primo certum est, quod si vouens solum intendit expressè se obligare ad religionis ingressum,

causa experiendi, cum expressa intentione gaudendi libertate exeundi tempore nouitiatus, non tenetur ex vi voti perseuerare, & profiteri. Ratio est, quia votum cum sit voluntarium non obligat ultra intentionem vouentis: & ita potest intra annum probationis religionem quam elegit relinquere, eo solo quod ea vite norma ei displiceat. Ita D. Thom. 2. 2. q. 189. art. 4. Nauar. cap. 12. num. 47. & Arag. 2. 2. q. 88. art. 3.

Secundò certum est, quod si vouens dum vouit, solum de ingressu cogitauit, absque eo quod cogitaret de libertate exitus, vel de perpetuitate remanendi, solum videtur obligari ad ingressum Religionis secundum formam iuris communis, quæ est, vt ingredientibus detur annus probationis: unde non tenetur perpetuè perseuerare, sed poterit à Monasterio exire, si intra annum, inuenerit bona fide illum viuendi modum sibi non expedire. Ita S. Thom. 2. 2. q. 189. art. 4. & Calet. ibidem Sot. lib. 7. q. 2. art. 3. Nauar. cap. 12. num. 47. Arag. 2. 2. q. 88. art. 3. Azor. lib. 11. cap. 12. q. 6. & alij.

Tertiò certum est, quod si promittens, dum vouit non solum voluit se obligare ad ingressum Religionis, sed etiam proposuit in ea remanere, si intra annum nouitiatus videt Religionem non sibi conuenire, liberè potest exire, etiamsi nulla alia de causa moueatur, quam quod ille status ipsi displiceat, tanquam sibi incommodus, asper, & durus. Ratio est, quia cum tale propositum non comprehendatur sub voto, non tenetur vouens profiteri. Nauar. cap. 12. num. 47.

Idem dicendum est de eo, qui vouit se fore Religiosum, quia nisi aliud intellexit in mente sua, non cogitur in Religione permanere. Quia tale

N 2 votum.

votum non est de perpetua, & perfecta Religione, sed de ea, quæ est intra annum probationis, arque ita satis erit, si secundum iuris dispositionem probationis experimentum faciat, an illa viuendi formula sibi expediat. Ratio est, quia votum cum sit voluntarium, solum obligat secundum voluntatis intentionem.

Sed tota difficultas consistit, an etiam possit intra annum probationis exire à Religione, qui vouit non tantum ingredi, sed etiam in ea perseuerare, & profiteri, sicut poterat solo ingressu promisso.

D. Thom. 2. 2. *quest.* 189. *ar.* 4. & ibi Caietan. Nauar. *cap.* 12. *nu.* 47. Couar. *de pallis* 1. p. §. 3. *ad finem.* Valent. 2. 2. d. 6. q. 6. p. 4. Azor. *lib.* 11. *cap.* 12. q. 8.

† Roder. 2. p. *cap.* 97. *num.* 7. & alij docent teneri hunc ex vi voti perseuerare, & profiteri, & ideo non liberari voto egrediendo, sed teneri iterum ingredi, ac profiteri. Ratio est, quia hic duo promissit, nempe ingressum & perseuerantiam; non ergo solo ingressu satisfacit, nisi perseueret, & profiteatur.

Tum quia vouendo perseuerantiam videtur cedere iuri, quod tempus probationis sibi concedit. Vnde exire non potest sine dispensatione. Immo secundum Nauar. surreptitia esset dispensatio, si sic vouens solum exprimeret se vouisse Religionem, & subiceret, quod vouit etiam profiteri.

6 Alij verò vt Sot. *lib.* 7. *quest.* 2. *ar.* 1. Arag. 2. 2. q. 88. *art.* 3. Petr. de Ledesm. 2. 2. *sum. tract.* 10. *cap.* 3. Emman. Sa *verb. votum num.* 13. & multi alij docent hunc non obligari ad amplius, quam cum qui solum vouit ingredi, hoc est ad bona fide experiendum, an Religionis status sibi sit conueniens: & si iudicet bona fide illum minimè conuenire ob asperitatem,

vel aliam causam, poterit absque peccato ab ea exire, absolutusque manebit à voti obligatione. Ratio huius est, quia qui vouet Religionem absolute, etiam tacitè vouerit in ea profiteri, nam ingredi Religionem est fieri religiosum: hoc autem professionem includit; ergo est eadem ratio vtriusque.

Deinde, votum ingrediendi Religionem ex dispositione iuris humani includit hanc tacitam conditionem: *Si bona fide intra annum probationis deprehenderit eam sibi congruere*, ad hoc enim datur annus probationis: vnde quamuis quis voueat perpetuò perseuerare, & profiteri, poterit licitè ab ea exire, si experimento, bona fide, didicerit, non sibi formam illam viuendi conuenire.

Tandem Concl. Trid. *sess.* 25. *cap.* 15. *de regul.* irritam decernit professionem ante annum probationis expletum, ne scilicet novitio potestas retrocedendi, si intra annum inueniret eam vitæ normam sibi non conuenire. Et in *cap.* 16. inuoluit omnem renunciationem, & obligationem etiam cum iuramento, vel in fauorem cuiuscumque causæ piæ factæ ante annum probationis. Vnde mens dicti Concil. est, vt nemo possit etiam si velit, prædicto priuilegio se priuare: ac proinde nec potest absolute ante professionem facere votum validum perseuerantiæ, quo se eodem priuilegio priuet: sed omnis talis voti promissio intelligenda est sub ea conditione tacita, si bona fide deprehenderet illum ordinem sibi congruere. Et sic qui vouit religionem ingredi, & perpetuò in ea perseuerare, ac profiteri, potest tuta conscientia retrogredi, si bona fide intra annum probationis putet eam sibi non conuenire.

\* \*

QVÆST.

## QVÆSTIO CCXV.

*An qui vouit se Religionem ingressurum, possit sine peccato intra annum probationis absque ulla causa iusta ab ea exire?*

**E**T quidem si vouens solum voluit se obligare ad ingressum religionis causa experiendi illam, num sibi placeat, vel non, reseruata libertate remanendi, vel egrediendi; tunc non tenetur ex vi voti perseverare, sed illi satisfacit, ingrediendo bona fide, causa experiendi, etsi postea absque causa iusta egrediatur. Et in hoc omnes conueniunt.

## QVÆSTIO CCXVI.

*Sed dubium est, quando is votum Religionis emisit, nil prorsus de exeundi libertate determinando: An s. hic suo voto satisfaciat ingrediendo bona fide, causa experiendi austeritates religionis, & postea absque iusta causa nempe leuitatis, & temeritatis retrocedendo.*

**D**OCTOR Nauar. lib. 3. conf. tit. de voto in 2. edit. conf. 25. num. 1. & in Man. cap. 12. num. 47. & Palac. in 4. d. 38. d. 1. tenent hunc satisfacere voto.

Azor. lib. 11. cap. 22. q. 6. putat hunc solum peccare venialiter, si absque vlla iusta causa ab ea retrocedat, eo quod temerè, & quadam animi leuitate ab incœpto proposito desistat, sed contra votum minimè delinquit. Quia ius ei relinquit liberrimum egressum.

At vero Caiet. 2. 2. q. vlt. art. 4. Sor. lib. 7. q. 2. art. 1. Arag. 2. 2. q. 88. art. 3. Tolet. lib. 4. cap. 17. num. 12. & cap. 18.

num. 1. Less. lib. 2. de iust. cap. 41. dub. 3. Valent. 2. 2. diff. 6. q. 6. p. 4. Roder. 1. p. sum. cap. 97. nu. 2. Couar. de pallis 1. p. §. 3. ad finem. & Cosm. Phil. p. 2. lib. 3. cap. 20. rectius docent, hunc non satisfacere voto egrediendo absque iusta causa; & ideo si ea Religio experta ei placuerit, tenebitur sub mortali in ea perseverare, & profiteri: & si postea absque causa iusta egrediatur, tenetur iterum ingredi. Ratio est, quia ingressus absque intentione perseverandi est vanus, & inutilis, ac proinde inepta materia voti: ergo qui tali voto ligatur, tenetur in ea perseverare, & sic desistendo absque iusta causa, suo voto non satisfaciet.

Tum quia eam libertatem retrocedendi ius concedit nouitiis ingredientibus absque voto, non autem cum voto. In dubio autem an is promiserit hoc vel illo modo, præsumendum est hoc posteriori modo ex communiter accidentibus, ac proinde non posse absque iusta causa retrocedere.

## QVÆSTIO CCXVII.

*An qui Religionem vouit, suo voto satisfaciat si absque vllis probationis experimentis statim à Religione recedit?*

**A**D hoc dico primò, quod qui vouit Religionem ingredi, vt statim exeat, peccat. Ratio est, quia qui vouet, vt exeat, vouet ob malum finem: ergo peccat.

Secundò dico, quod qui vouit religionem ingredi eo animo vt statim exeat, potest absque vlla experientia statim ac ingressus est, exire. Ratio est, quia cum tale votum sit de re illicita, in conscientia nullam vim habet.

Tertiò dico, quod qui simpliciter habet votum ingrediendi religionem,

& illam ingreditur animo statim exeuendi, non satisfacit voto, sed tenetur voluntatem mutare, & bona fide experiri, num illud religiosæ vitæ institutum sibi conueniat: & si deprehenderit illud sibi conuenire, ex vi voti tenetur solemnem professionem emittere. Ratio est, quia qui vult aliquid, eo ipso implicite vult omne id, sine quo id esse non potest: atqui vorum ingrediendi Religionem, sine animo emanendi, vel experiendi, sed statim recedendi, proprie non est votum, cum sit malum: ergo eo ipso quod quis religionem vouit, vt suo voto satisfaciat, tenetur non solum ingredi, sed etiam habere animum experiendi, an vita religiosa sibi conueniat, cum talis experientia sit quid essentiale voti ingrediendi religionem.

- 3 Dices, qui iurauit soluere vsuras, satisfacit iuramento soluendi illas, cum animo vt statim eas in iudicio repetat, *cap. Debitores de iureiurand.* Similiter qui iurauit contrahere matrimonium, satisfacit iuramento, etiam si eo animo contrahat, vt statim Religionem ingreditur. *Cap. Commissum de spons.* ergo pari ratione satisfacit voto ingrediendi religionem, quæ eam intrat animo statim exeundi.

Respondeo disparem esse rationem, quia in predictis casibus intentio est de re licita: si quidem post solutas vsuras, illas repetere, & post matrimonium ratum, nondum consummarum ingredi Religionem, licita sunt de se. At verò post votum Religionis velle statim exire absque vlla experientia, de se illicitum est, cum sit ob malum finem.

### QVÆSTIO CCXVIII.

*An se Nouitius dum in anno probationis austeritates Religionis*

*experitur, sua culpa eiiciatur, aut ante ingressum peccatum aliquod committit, ob quod in monasterium non admittitur, suo voto ingrediendi religionem satisfecisse censeatur?*

RESPONDEO si hic ideo peccat, vt ad Religionem non admittatur; aut vt ingressus, ab ea eiiciatur, non solum peccat mortaliter talia impedimenta apponendo, sed etiam expulsus non manet tutus in conscientia, nisi bona fide iterum ingredi petat; & admissus bona fide experiat, quia iniuste, & cum dolo curauit, vt non admittèretur, aut vt ingressus excluderetur. Secus autem si non eo animo talia crimina commisit, sed ex praua consuetudine, aut ex humana fragilitate, quia tunc quamuis peccet, non admissus tamen, aut post ingressum eiectus, liber manet à voto.

### QVÆSTIO CCXIX.

*Quenim sint iusta egressus causa, vt vouens Religionem, egrediensque censeatur voto satisfecisse?*

CARIET. 2. 2. *quæst. ult. art. 4. & Nauar. cap. 12. num. 47.* censent esse legitimam causam, solam Religionis displicentiam.

Couar. *de pallis 1. p. §. 3. ad finem* censet esse iustam causam, si is Religionem ingressus inuenit eam non esse sibi commodam, aut gratam.

Sanch. *lib. 4. decalogi cap. 16. existimat* non requiri valde urgentem causam, sed mediocrem, & talem, qualis sufficeret, ne leuitatis argueretur egrediens à Religione.

At

At verò Maior. in 4. d. 38. q. 2. sine ait, esse causam sufficientem, si vouens inueniat Religionem esse suis viribus impatem.

### QVÆSTIO CCXX.

*An Religionem ingressus absque voto, possit licitè sine causa inita ad saculum redire?*

**N**ONNULLI putant licere. At Illustrissimus Caiet. 2. 2. q. 189. ar. 4. rectius docet eum peccare venialiter, eo quod temerè, & quadam animi leuitate, ab eo quod cœpit vitæ instituto desistat.

### QVÆSTIO CCXXI.

*An votum sub conditione factum, sit validum & obligatorium?*

**P**RO huius quæsti decisione obseruandum est primò, quod conditio aliquando est affirmatiua, vt, si Deus dederit mihi sanitatem, ingrediatur religionem. Aliquando est negatiua, vt, Si non castitatem seruauero.

Rursus, conditio alia est præteriti, aut præsentis temporis, vt si filium meum modo vixit, vel heri vixit, quæ tamen propriè conditio non est, cum consensum vouentis non suspendat. Alia est de futuro, quæ verè, & propriè conditio est. Et hæc alia est necessaria, & alia est contingens: & hæc alia honesta, & alia turpis: & ex turpibus, quædam sunt quæ contra voti substantiam pugnant, aliz verò minimè.

His suppositis, ad propositam quæstionem respondeo affirmatiuè, si conditio voto adiecta est honesta, & possibilis, & in præteritum, aut in præsens tempus confertur. Ratio est, quia talis

conditio non suspendit voti valorem, nec illud conditionale reddit, sed si ita in re contingit, statim obligat votum: si autem non ita contingit, minimè obligat votum deficiente conditione. Et idè ita tenet Azor. tom. 1. Inst. mor. lib. 11. cap. 15. q. 9.

### QVÆSTIO CCXXII.

*An votum sub conditione necessaria factum, sit statim validum, & obligatorium; vt si quis promissat ingredi religionem, si sol ab hinc duobus annis orietur?*

**R**ESPONDEO esse statim validum & obligatorium. Ratio est, quia cum ea conditio sit necessariò per naturam euentura, habetur statim pro impleta.

### QVÆSTIO CCXXIII.

*An votum factum sub conditione contingente futuri temporis, & honesta, sit validum & obligatorium? Vt si quis dicat, voueo Religionem, si filius meus ex Sicilia sanus redierit.*

**R**ESPONDEO esse validum, & firmum, & expleta conditione esse seruandum. Ratio est, quia ea est conditionis natura, vt actus valorem suspendat, quousque ea impleatur: & nullo iure reiciuntur à voto conditiones honestæ, & possibiles. Nec satis est partem conditionis impleti, sed integrè conditionem impleri oportet, vt votum obligandi vim habeat. Vt si voueas religionem, si pater tuus dimis ex Sicilia redierit, & redeat pediculis plenus, non teneris ingredi religionem.

QVÆST.

## QVÆSTIO CCXXIV.

*An votum sub conditione impossibili factum, sit validum, & obligatorium, ut si quis voueat se ingressurum religionem, Si cœlum digito tetigerit?*

**C** OSM. Philiar. de off. Sacerd. tom. 1. lib. 3. cap. 21. tenet valere, sicut valet matrimonium sub tali conditione contractum cap. final. de condit. appof.

Azor. lib. 11. cap. 15. q. 9. tenet esse validum in foro externo, non autem in foro interiori.

**2** At dicendum est absolute tale votum esse irritum, & nullum. Ratio est, quia vouens sub tali conditione non vult obligari, nisi ea existente; ergo quando conditio nequit existere, non manebit voto obligatus. Et ideo ita tenent Rich. 4. d. 38 q. 1. art. 1. Palud. 4. d. 38. q. 3. art. 2. Suppl. Gabr. ibidem quest. 1. art. 3. & Abulen. cap. 30. num. quest. 92.

Nec argumentum Philiar. concludit, quia cum id in solo matrimonio, & vltimis voluntatibus decifum iure humano sit, & eo secluso, non haberetur pro non adiecta, sed omnino irritam redderet dispositionem, non habet locum ea decisio in voto, in quo id iure humano non reperitur

**3** sancitum. Quare dicendum est, eas condiciones impossibiles non haberi pro non adiectis, sed irritum omnino reddere votum.

## QVÆSTIO CCXXV.

*An votum sub conditione turpi emissum sit validum, & obligatorium?*

**1** **S** VNT nonnulli qui censent id votum valere: quia talis conditio

habetur pro non adiecta, pro vt reicitur quoque à matrimonio, & censetur contractus purus cap. fin. de condit. appof.

At dicendum est, esse irritum, & nullum, quando talis conditio est contra eius substantiam, vt si voueas religionem ea conditione, vt illud explete non teneatis. Quia cum tali conditione substantia voti non subsistit: sicut non subsistere matrimonium cum ea conditione contractum decernitur Cap. final. citato. Quando autem conditio turpis, non est contra voti substantiam; si ea sit præteriti, aut præsentis temporis: vt si heri homicidium fuit commissum; vel modo committitur. certum est non reddi irritum votum, sed ea subsistente valeat, secus si non subsistat. At quando conditio illa turpis, est de futuro; vt si voueas castitatem, Si inimicum tuum occideris, non in sensu pœnali, sed in sensu verè conditionali, an valeat, diximus supra.

## QVÆSTIO CCXXVI.

*An votum sub pluribus conditionibus factum, sit validum, & obligatorium, si vna ex illis existat, & non alia?*

**R** ESPONDEO si mens vouentis sit se obligare dependenter ab omnibus illis coniunctim, deficiente vna ex illis, deficere quoque censetur obligatio voti: si verò mens eius sit se obligare dependenter diuifue, ita vt vna ex illis extante, maneat obligatus, obligabit votum vna conditione ex illis completa. Quia tota voti obligatio ex vouentis voluntate dependet.

In dubio aurem, vtrum vouens voluerit se obligare priori, vel posteriori modo; controuertitur inter Doctores.

D. Anton.



2 D. Anton. 2. *de iur. i. l. cap. 2 §. 4* ait  
tutius esse, censeri illum obligatum  
posteriori modo.

Syluest. *verb. votum 2. q. 2.* dicit non  
tantum hoc esse tutius, sed & esse  
necessarium.

Sed neutra opinio placet, quia cum  
sub pluribus conditionibus votum  
emittitur, possessio stat pro voluntatis  
libertate, dum ex omnes non imple-  
tur, sicut quando sub vna emittitur  
3 dum illa non impletur. Vnde quan-  
do votum sub pluribus conditionibus  
coniunctim emittitur, omnes debent  
impleri, ut votum obliget. Ut voueo  
centum, si pater, & frater ex Sicilia ve-  
nerint incolumes: Si autem disiunctiue  
fatis esset alterutram impleri: ut vo-  
ueo ieiunium, si pater, vel frater ex  
Sicilia venerint.

## QVÆSTIO CCXXVII.

*Sed quid si conditio enenerat tem-  
pore voti, & vouens hoc ignora-  
bat, an tale votum sit validum,  
& obligatorium? ut si quis pro-  
mittat dare centum pauperibus,  
si navis ex Sicilia intra sex dies  
incolumis venerit, & iam ve-  
nerat, vouente ignaro.*

1 RESPONDEO si votum fuit fa-  
ctum ad impetrandum aduen-  
tum navis à Deo, & navis iam vene-  
rat, non obligat. Et ratio est, quia fuit  
error circa causam finalem, quæ se-  
cundum communem Doctorum opi-  
nionem irritat votum. Secus autem  
si vouens intendebat se ad id obliga-  
re, quomodocumque verifica-  
retur, ut intra sex dies  
navis venerit in-  
columis.

\* \*

## QVÆSTIO CCXXVIII.

*An ut votum vim habeat, sufficiat,  
ut conditio non in propria for-  
ma, sed in æquivalenti implea-  
tur?*

RESPONDEO sufficere. Ut si  
quis voueat Religionem, si, vel  
quando pater suus obierit, ductus ea so-  
la ratione, quia pater erat pauper,  
eiusque ope indigebat, tenetur voto,  
patre ad eum statum deveniente, ut  
nullatenus eius auxilio indigeat. Ra-  
tio est, quia conditio æquipollenter  
censetur adimpleta, quando idem  
prorsus effectus intentus subsequitur.

## QVÆSTIO CCXXIX

*An vouens sub conditione, ex cu-  
ius culpa conditio non impletur,  
teneatur nihilominus votum ad-  
implere? Ut si quis voueat ali-  
quid, ut Deus ipsum à peccato  
aliquo praeseruet, tali voto te-  
neatur, cadens sua culpa?*

ANGELVS *verb. votum 1. nu. 10.*  
Tab. *verb. votum 2. num. 2.* &  
Supplem. Gabr. in 4. d. 38. q. 1. art. 3. 1  
absolutè dicunt hunc tali voti vincu-  
lo teneri. Quia ex sua culpa non im-  
pletur conditio, Deus enim adiua-  
ret, si quod in se est, ad vitandum il-  
lud ille faceret.

Sed hæc opinio falsa est, quia iuxta  
eam tale votum semper obligaret, ac  
subinde esset absolutum, cum impos-  
sibile sit, eam conditionem deficere,  
nisi ex vouentis culpa.

Nauar. *cap. 12. num. 42.* Lop. p. 1.  
*cap. 44.* & Syluest. *verb. votum 2. q. 2.* 1  
volunt hunc tunc tantum teneri voto,  
quando

Q

quando non fecit quod in se fuit, ne illud peccatum committeret, sicut fecisset, si votum non emisisset, vel sicut intendebat facere, dum vouit, vel sponte se precipitavit in illud peccatum, ne voto adstrictus maneret, alijs fraus ei patrocineretur.

Azor. lib. 1. cap. 20. q. ult. docet hunc obligari voto, quando scienter, & sua sponte, se in peccatum precipitavit, aut periculis obiicit, aut peccati occasiones quaerit, secus quando ex negligentia.

At vero alij censent hunc tunc solum teneri votum adimplere, quando data opera, ut voti obligationem effugeret, in illud peccatum precipitaret. Quia communiter in eo voto, vouentes intendunt, ut Deus in vitando illud peccatum conferat eis gratiam extraordinariam, & peculiarem, & non tantum communem & sufficientem; ergo ubi non constat de alia vouentis intentione, non tenetur voto, etiamsi ex sua culpa conditio non exret: quia intendebat quod per Dei gratiam specialem, & efficacem, ipse ab ipsa sua culpa praeservaretur. Quae opinio est valde probabilis.

Hinc, si quis aliquid Deo vouit, si Titius in domum suam ingrediatur, & deinde Titio saepius ad se venienti fores occluderet, ne in domum suam intraret, voti vinculo tenetur, eo quod per vouentem stetit, quo minus ingrediatur. Secus autem si id faceret ex incuria, negligentia, vel obligatione.

Hinc, qui vouit ingredi religionem, si Deus sanitatem concesserit, & postea in voti fraudem non vult vocare medicum, nec adhibere medicinas necessarias, quas adhiberet, si non vouisset, unde ex malitia ne voto teneatur, non recuperat sanitatem, peccat mortaliter contra votum, teneturque ad illud perire, ac si conditio impleta

esset. Ratio est, quia fraudulenter media ordinaria omittens, impedit euentum conditionis. Secus autem, si casu sine dolo, aut fraude in esu, potuue nimis excesserit, etsi excelsius fuerit mortalis, quia causa fuit sanitatis non recuperandae, quia tunc non tenebitur voto.

Hinc, qui vi, dolo, aut fraude impedit conditionis euentum, ne voto teneatur, peccat mortaliter. Ratio est, quia promittens aliquid sub conditione, censetur virtute duplex votum emitte, alterum conditionis non impediendae, alterum rei principaliter promissae. Ut si quis promittat centum Caio, Si ipsi opem ferat, virtute promittit illa centum & permittere eius opem, aut stare voto, ac si praesidium tulisset.

His tamen non obstantibus dico longe verius, atque probabilius esse, nunquam obligari vouentem sub conditione ad praestandum votum, non impleta conditione, etiam si data opera conditionis euentum impeditur. Ratio est, quia vouens non intendit ad votum se obligare, nisi impleta conditione: ergo quomodoecumque impediatur euentus conditionis, votum non obligat. v. g. vouit quis ingredi religionem, si pater suus consenserit, & procurat ut pater suus nesciat votum, hic peccare potest per nimiam dilationem: at in hoc casu non obligat votum ad religionem ante completam conditionem, sed obligat ad tollendum tale impedimentum. Et ideo ita tenet Suar. 10. 2. de Relig. lib. 4. c. 17. n. 22.

Hinc, qui vouit religionem ingredi si per annum integrum a ludo illicito abstineat, si per malitiam, ne voto teneatur, non abstineat, licet peccet contra votum, postea non tenetur ingredi, quia conditio non fuit impleta, nec impleri potest. Ita Suar. ubi supra num. 24.

Hinc,

Hinc, qui votum castitatis emisit, si Deus certum beneficium sibi concesserit, hic non tenetur ad castitatem, donec id beneficium obtineat: at tenetur interim non inire matrimonium quod aptum voto exequendo se seruet, si conditio euenerit. Ita Nauar. lib. 3. consilio de voto cons. 50.

*certa persona, vel in certo loco, vel ludo, in casu, quo hac indifferencia sunt, sub pœna certa peregrinationis, aut eleemosynæ, votum quoque de pœna imposita sit nullum?*

## QVÆSTIO CCXXX

*Ad quid teneatur, qui disiunctiue aliquid vovit? ut si promissit dare quotidie unum argenteum, vel Rosarium recitare?*

**R**ESPONDEO posse in hoc casu ad libitum eligere partem, quam vult, & sic vna die, vel pluribus erogare eleemosynam, & alia, vel aliis rosarium persolvere. Ratio est, quia vouens tenetur ex vi voti verificare suam promissionem: ad veritatem autem promissionis disiunctiue, sufficit alterutram illius partem eligere; ergo

## QVÆSTIO CCXXXI.

*An votum sub conditione pœnali factum sit validum, & obligatorium?*

**R**ESPONDEO esse validum, & firmum, & expleta conditione esse statim absque aliqua mora seruandum.

## QVÆSTIO CCXXXII.

*An quando principalis voti pœnalis materia est inepta, ita ut votum de illa emissum, sit irritum, ut votum non ludendi cum*

**R**ESPONDEO esse etiam nullum. Ratio est, quia votum pœnale non per se, & principaliter promittitur, sed ut accessorium voto principali. Cum ergo principale votum non obliget, nec accessorium, eius naturam sequens, obligabit. *Regul. accessorium de reg. iuris in 6.*

Hinc qui vovit non ingredi talem domum sub pœna religionis, quia ibi moratur mulier ad malum prouocans, si postea sublata tali occasione, illam ingrediatur, non tenetur ad pœnam, quia iam materia principalis promissa, nempe non ingredi illam domum, facta est indifferens, & inepta materia voti.

## QVÆSTIO CCXXXIII.

*An votum pœnale obliget ad pœnam, quando violatio voti contingit absque culpa? v. g. vovit quis se non lusurum sub pœna religionis, postea immemor voti lussit, an teneatur religionem ingredi?*

**R**ESPONDEO non teneri. Ratio est, quia pœna voto promissa fuit in illius peccati transgressionis pœnam: at tunc, ut suppono nullum fuit peccatum; ergo. Et idem credo, etsi in transgressionem, obliuione, aut ignorantia interuenerit culpa venialis. Quia tanta pœna soti veniali non imponitur.

## QVÆSTIO CCXXXIV

*An votum pœnale obliget pro sola prima transgressione, ad pœnam? ut votum non blasphemandi sub pœna dandi decem pauperibus?*

**E**MMANUEL Sà verbo *votum in principio num. 16.* tenet sola prima vice obligare, nisi constet expressam vouentis intentionem fuisse toties, quoties.

Contrarium tamen mihi persuadeo, nam qui absolutè vouet se non blasphematurum, non pro sola prima vice obligatur, sed semper; ergo nec qui vouet certam eleemosynam, si blasphemauerit, obligabitur sola prima transgressione ad pœnam. Probo consequentiam; nam pœna cum sit accessoria illi actui tanquam principali, debet eius naturam sequi.

Deinde, cum vtrumque votum sit æquè indeterminatum, vtrumque, aut neutrum debet obligare pro sola prima vice.

**2.** Posset autem opinio Emmanuelis recipi in pœna grauissima, & quæ iterari non solet, ut pœna religionis, peregrinationis Hierosolymitanæ, &c. Et sic quando non constat de alia expressa vouentis intentione, dicendum est eum voluisse pro sola prima vice se obligare. Vnde si commissâ blasphemâ ille ingrederetur religionem, & tempore nouitatus ex legitima causâ exiret, & sic iam voto pœnæ satisfecisset, etsi iterum blasphemaret, non obligaretur, rursus ingredi religionem, vel Hierosolymam adire. Secus esset, quando pœna esset mediocris, tunc enim obligaret toties, quoties. Et in dubio, an pœna sit grauissima, vel mediocris, idem puto esse dicendum. Quippe cum votum istud absolutè emissum obliget, suapte na-

tura toties, quoties, quando contrarium de intentione vouentis non constat, possidet votum, ut eo modo obliget.

## QVÆSTIO CCXXXV.

*An votum facti alieni sit validum, & obligatorium? ut si quispiam voueat fore, ut filius suus monachus euadat?*

**D**Tho. 2. 2. q. 89. ar. 7. putat id votum non valere, quia est de re vouenti impossibili.

Ego tamen existimo id votum esse validum, & obligare vouentem, ut bona fide adhibeat omnē diligentiam, quam rei qualitas exposcit, ut alter religionem ingrediatur, & si adhibita diligentia alter nolit, manet liber vouens.

## QVÆSTIO CCXXXVI.

*An qui per seipsum non potest votum suum personale implere, teneatur per alium illud perficere?*

**R**ESPONDEO regulariter non teneri. Ratio est, quia non se obligauit ad implendum per alium, nec ad procurandam commutationem, sed ad implendum per seipsum.

Tum quia in omni voto semper subintelligitur conditio illa generalis, *si Deo placuerit, si poterit*, & huiusmodi, etiamsi non exprimitur; quæ conditio si non erit, ruit obligatio voti.

Tum quia votum personale fit propter macerationem, aut afflictionem corporis, aut ad excirandam in se deuotionem, hæc autem nemo per alium assequitur: ergo.

Nec

Nec obstat, *Cap. Quod super his de voto*, vbi decernitur, iniungendam esse commutationē laborantibus impedimento perpetuo. Quia respondet Syluest. *verb. votum. 2. quæst. 6. & 10.* id non fuisse verum impedimentum reddens impossibile voti executionem, sed valde difficilem, quæ difficultas non excusabat.

Hinc, qui vouit se peregrinatum ad D. Iacobum, & nunc non potest peregrinari, non tenetur alium loco sui peregrinatorum substituere. Ratio est, quia cum res promissa sit sola personæ vouentis actio, si nequit per propriam personam exerceri, redditur res promissa impossibilis.

Hinc, qui simpliciter vouit ieiunium, non solum non tenetur, verum etiam nec potest votum suum implere per alium. Ratio est, quia ipse non vouit iubere, sed facere, quod longè diuersum est, & licet alter pro ipso ieiunet, ipse non ieiunat, & ita non facit quod promissit.

Dixi consulto (*regulariter*) quia in quatuor casibus tenetur is qui vouit, per alium adimplere, aut commutationem procurare; quod per se ipsum adimplere non potest.

Primo quando vouens expressè intendebat se obligare ad implendum per alium, in euentu quo per se non posset, tunc enim teneretur id curare.

Secundò, quando qui vouit, certus erat tempore voti se nullatenus posse per seipsum votum implere, tunc enim tenetur per alium illud implere, ne votum sit ridiculum. Secus autem si non erat certus de impedimento perpetuo, quamuis impedimentum erat temporale voti emissi, quia tunc solum tenetur quam primum commodè poterit.

Tertiò, quando votum eius est conditionis, vt per alium fieri possit, ac soleat, nec vouentis animus fuit

per se tantummodo votum præstare, vt votum opitulandi iis qui pugnant in terra Sancta, & superueniat impedimentum perpetuum talis perfectionis, non est omnino liber à voto: sed tenetur per alium, ac meliori modo quo potest, id ipsum subsidium præstare. Secus autem si vouit causa solius deuotionis visitare terram Sanctam, tunc chim non tenetur per alium adire, si per se non potest, vt habetur in *cap. Quod super his de voto*, & tradit Nau. *cap. 12. num. 55.*

Verum opinio hæc mihi displicet, quia *Cap. Quod super his*, &c. expressè loquitur tã de his qui pro defensione terræ Sanctæ, quàm de his, qui deuotionis gratia illuc peregrinari vouent.

Tum quia vt omnes Doctores restantur, non loquitur de impotentia per se excusante ab obligatione voti, sed de impedimento reddente difficilem, aut minus utilem voti observationem, quod ad commutationem, seu redemptionem sufficit. Quare si impedimentum sit per se sufficiens ad excusandam, non tenetur vouens expensas itineris mittere: in commutatione autem earum ratio habetur. *cap. Magna eod.* Quod est verissimum, si loquamur de peregrinatione terræ Sanctæ, quæ sola deuotionis gratia assumitur.

Sed dubium est, quando huiusmodi peregrinatio suscipitur in belli subsidium, quod duplex esse potest, pecuniarium, & operarium. De pecuniario certum est, esse per se distinctum onus ab ipsa peregrinatione, & ab expensis eius, ac proinde sub obligatione manet, licet peregrinatio reddatur impossibilis vouenti.

Sed tota lis versatur de subsidio operario, vt cum quis vouet ire Hierosolymam, & ibi militare, vel exercitui inferuire, an videlicet illa opere censeantur votum reale, ita vt licet is

qui vult excusetur à peregrinatione, & expensis eius intrinsecis, nihilominus obligetur suis sumptibus ad mittendum alium, ut pro se militet.

- 6 Innocent. Panorm. & multi alij docent absolute tales operas esse votum reale, & per accidens adiunctum peregrinationis voto; & ideo quoad illam partem obligabitur ad earum æstimationem, licet peregrinatio reddatur impossibilis.

Alij verò rectius docent tales operas esse votum personale. Vnde dicunt quod licet quis voueat per se in illius loci subsidium pugnare: non tenetur tamen per alium pugnare, si per se non potest, nec aliquid soluere pro earum redemptione.

- 7 Quartò, quando votum, etsi videatur personale, obligat tamen instar realis, ut est votum, quod Episcopi in sua consecratione emittunt, visitandi quotannis limina Apostolorum. Nam stylus Romanæ curiæ explicat id votum, ut visitent per se ipsos, vel per alium, & ita solent committere alicui Romæ commoranti, ut nomine suo visitet.

Angel. *votum* 3. §. 7. D. Anton. 2. p. tit. 11. cap. 1. §. 5. & Lop. p. 1. cap. 45. addunt quintum casum, scilicet quando vouens culpa sua effectus est impotens ad votum implendum, quia prius fuit in mora ad exequendum votum, ne ex culpa sua lucrum exemptionis ab ea obligatione reportet.

Sed ab hac sententia est omnino recedendum, dicendumque nil quo ad hoc referre, siue culpa sua, siue absque culpa in eam impotentiam inciderit. Vnde quando vouens fuit in mora soluendi, & ita sua culpa in eam impotentiam incidit, tantum tenetur de præterita culpa poenitentiam agere, ac propositum implendi habere, si fortè aliquando impotentia cessarit. Quia non aufertur res ex iustitia de-

bita, sed ex religione, cuius violatio nullam obligationem restituendi inducit. Val. 2. 1. d. 6. q. 6. p. 4.

## QVÆSTIO CCXXXVII.

*Sed quid si votum erat homini intinatum, & ab eo acceptatum, & vouens sua culpa in eam impotentiam incidit?*

HENRIC. lib. 13. de excommunicatione cap. 17. nu. 5. & 6. affirmat hunc non teneri nisi ad agendam poenitentiam de sua culpa.

Sed contraria sententia mihi plus placet, quæ dicit teneri eum restituere. Et ratio est; quia hæc promissio obligat ex iustitia, cuius transgressio obligationem restituendi inducit. Et ideo ita tenet Sanch. lib. 1. de matr. d. 5. num. 20. Med. lib. 5. de sacrorum hominum continentia cap. 232. Lop. p. 1. c. 180. & Molina tom. 2. d. 271.

## QVÆSTIO CCXXXVIII.

*An filius teneatur ad vota parentum nomine ipsius emissæ? ut si parentes voueant filij peregrinationem, aut aliquod opus pium.*

RESPONDEO non teneri, nisi votum suo nomine emissum ratum habeat. Ratio est, quia cum votum personale solam personalem vouentis actionem respiciat, nullatenus potest alterum obligare.

Hinc, si vouisti filium tuum alicui religioni offerre, tenebris quantum in te est illum ad amplectendam religionem inducere; ille autem tibi filiali obedientia parere tenetur, non tamen ex vi voti religionem ingredi.

Dices;

Dices ; Pater potest multa filio præcipere ; ergo & ingressum religionis.

- 2 **R**espondeo ; Pater non potest filio præcipere , nisi ea quæ ad domesticam disciplinam , & obseruationem mandatorum Dei , & Ecclesiæ spectant , non autem ingressum religionis : quia in his quæ ad statum vite pertinent , quisque est sui iuris , nec potest ad ea , nisi suo consensu obligari ?

Tum quia etsi ad hæc forsitan posset filium obligare præcepto , non tamen voto. Et ita tenet Sor. *lib. 7. q. 2. art. 1. Nauar. cap. 14. num. 12. & alij.*

### QVÆSTIO CCXXXIX.

*Sed quid , si presentibus filiis doli capacibus , & tacentibus , parentes vota eorum nomine emittant ?*

- 1 **R**ESPONDEO nisi adsit internus filiorum id votum approbantium , consensus , non teneri ea vota adimplere : & in rebus onerosis , qualis est obligatio voti , taciturnitas non est indicium consensus , vt latè probat Sanch. *lib. 1. de matrim. d. 5. n. 5.*

### QVÆSTIO CCXXXX.

*An qui per se ipsum non potest vota realia adimplere , teneatur ea perficere per alium ?*

- 1 **R**ESPONDEO teneri. Ratio est , quia huiusmodi vota non respiciunt personalem aliquam vouentis actionem , sed rem exteriorem , & ideo procurans dati ab alio nomine ipsius promittentis , præstat totam rem promissam. Ita Sor. *lib. 7. q. 2. art. 1.*

### QVÆSTIO CCXXXI.

*An vouens qui aliter nequit suum votum adimplere , teneatur pecuniam illam mendicare , aut artificio alicui vacare quod suum statum dedecet , vt votum adimpleat ?*

**R**ESPONDEO non teneri. Ratio est , quia ad hoc extraordinarium medium , quod suo statui non conuenit , nulla ratione visus est se obligare : teneatur tamen manibus laborare , ad votum implendum , si suo artificio viuere solitus erat ; quia ad id se obligare videtur , utpote quod suo statui , modòque viuendi conforme sit. Si tamen aliquid sibi donaretur , proculdubio teneretur illud acceptare , vt suo voto satisfaceret. Ita Sanch. *lib. 6. de matrim. d. 4. num. 9.*

### QVÆSTIO CCXXXII.

*An hæres teneatur adimplere vota defuncti ?*

**E**T quidem constat inter omnes , eum non teneri ad vota personalia defuncti , siue hæres sit necessarius siue non. Ratio est , quia obligatio votorum personalium est omnino personalis ; ergo nulla ratione potest hæres transire.

Tota igitur huius controuersie difficultas consistit in votis realibus.

Angles , *scribitur. 2. p. 9. unica de voto art. 2. post. r. 3. difficultatem dub. 4. affirmat tunc solum hæredem teneri implere vota realia defuncti , quando sunt in testamento relicta.*

Sed communis , & verior sententia est , hæredem ad ea teneri , quamuis non fuerint in testamento iniuncta.

Ratio

Ratio est, quia hæres tenetur soluere debita defuncti; at vota realia inter debita defuncti computantur: ergo. Immo quamuis defunctus expresse declaret nolle tale onus imponere hæredi, tenebitur vtique hæres vota

- 1 hæc realia adimplere, eo pacto quo ad id tenebatur defunctus, cum quoad hæc succedat in omnem eius obligationem. At constat ad hæc teneri (velit, nolit) defunctum: ergo. Et est conclusio definita in cap. Si heredes de testam. in cap. Licet de voto. in cap. Ex parte de censibus, & expressius in l. 2. ff. de pollicit. & tradit Nauar. cap. 12. num. 56.

Idem videtur dicendum, si defunctus vouerat adire ad limina Apostolorum ea intentione, vt si per se non posset, per alium exleret: tunc enim videtur tacite promississe sumptus itineris, ac proinde fecisse votum reale, ad quod hæres tenetur.

### QVÆST. CCXXXIII.

*An hæres qui à testatore iubetur personalia ipsius vota implere, teneatur ad id iure mandati?*

- 1 **A** BULENS. cap. 30. Num. q. 98. affirmat.

Sed hæc opinio non placet, quia testator solum potest de propriis bonis disponere, non autem de personalibus actionibus hæredis. Quare dicendum est primo, posse heredem à testatore compelli vt loco personalium ipsius defuncti votorum, elemosynam erogat, sicut ad alia legata pia, potest quoque per censuras adstringi.

Secundo potest hæres non necessarius à testatore grauati, vt sub conditione implendi ea vota succedat:

sicut potest grauari vt honestum matrimonium contrahat, & aliter non succedat.

Dixi consultò (*hæres non necessarius*) quia quando hæres succedit necessàriò iure hereditatis, non potest testator suo arbitrio illum grauare toronibus, & expensis, nec per se tenetur filius talia promissa paterna implere: vt rectè Couar. in cap. Si heredes de testam. in fine annotauit.

### QVÆSTIO CCXXXIV.

*Quo iure teneatur hæres adimplere vota realia defuncti?*

**S**UNT qui censcant eum ad id teneri ex vi voti.

Sed hæc opinio non placet, quia cum propria voti obligatio sit omnino personalis, non potest præter ipsam vouentis personam adstringere. Quare dicendum est, heredem ad id teneri ex tacito quasi contractus: quoniam eo ipso quod hereditatem adit, censetur contractum iniisse soluendi omnia defuncti debita: potestque compelli per censuras, ac hereditatis priuationem ad hæc vota persoluenda, quod obligationem ex hereditatis aditione contractam non impleat. Ita Azor. lib. 11. c. 15. q. 15.

Ex quo colligitur, heredem qui non curat explere vota realia defuncti, non peccare contra votum. Et ratio est, quia ipse nihil vouit: sicut hæres qui tenetur promissione testatoris iuramento firmata, non tenetur ex vi iuramenti, sed contra obligationem, qua defuncto adstringitur ratione hereditatis acceptæ.

### QVÆSTIO CCXXXV.

*An hæres teneatur adimplere vota testatoris*



*testatoris mixta, id est, partim realia, & partim personalia?*

- R**ESPONDEO si utraque pars realis, & personalis independenter ab alia, & æqualiter expressa sit, tenetur hæres ad realem solam. Vt si defunctus vouit ite ad domum Beatæ Mariæ Montis Regalis, & ibi calicem offerre, tenetur hæres solum eo mittere calicem. Quia quo ad eam partem est votum omnino reale. Si tamen sola pars personalis sit voto expressa, ad nihil tenetur hæres. Vt si testator vouit peregrinationem, aut ingressum religionis, hæres minimè tenetur ad sumptus itineris, nec monasterio conferre illa bona, quæ mortuus asportasset, si eam ingressus fuisset: quia sicut non tenetur ad peregrinationem, nec ingredi religionem, quæ sunt principalia, ita nec soluere expensas, vel tradere bona, quæ sunt voto personali accessoria; sublato enim principali, tollitur accessorium. *Reg. accessorium de Reg. iuris in 6.*

### QVÆSTIO CCXLVI.

*An Monasterium iure hereditario in bona professi succedens, teneatur ad vota realia, quæ professus existens in saculo fecerat, sed non expleuerat?*

- D**Anton. 2. p. sit. 1. cap. 2. §. 8. & Palud. in 4. dist. 38. q. 4. art. 3. affirmant teneri, quia putant per votum solemne religionis solum vota personalia extinguui.

Communis tamen, & vera opinio docet ad id non teneri, ea potissimum ratione, quia adstruit etiam vota realia in solemnī professione extingui.

- S**ic Caietan. 2. 2. quæst. ult. art. 3. Sot. lib. 7. q. 4. art. 3. Nauar. cap. 12. num. 78.

Couar. de palis 1. p. §. 3. num. 4. & alij. Et ideo tãquam penitus extincta, nec Monasterium, nec quemcũque alium hæredem obligabunt.

### QVÆSTIO CCXLVII.

*Sed quid, si religiosus professus voluit sua vota realia per solemnem professionem non extingui?*

**R**ESPONDEO si eam intentionem habuit religiosus paulò ante professionem, est eo ipso per professionem ab illis votis absolutus. Si verò in ipso professionis instanti, iudicandum est de illis votis, perinde ac de factis post professionem, quæ à superiore irritari possunt, quia censentur post professionem emissa. Cui consonat quod communiter Doctores tradunt. s. peccatum quod committunt qui indignè ad Baptismum accedunt, in ipso met commissum, censeri post commissum; & ideo esse debitam materiam sacramenti pœnitentiæ. At vota realia post professionem emissa, vt constat, nequeunt hæredem obligare.

Potest tamen recipi opinio D. Anton. in casu, quo vota realia ante professionem essent intimata parti, in cuius fauorem sunt, & ab ea acceptata: quia nunc cum esset iam ius illi parti acquisitum, non extinguuntur per solemnem professionem; ac proinde teneretur monasterium succedens in bona, aut quilibet alius hæres, ea persolvere.

### QVÆSTIO CCXLVIII.

*An donatarius omnium bonorum teneatur vota realia donantis persolvere?*

**R**ESPONDEO non teneri. Ratio est, quia vota realia non sunt ex  
p lege

lege iustitiæ, sed religionis debita, ac proinde eorum obligatio nisi à donante iniungatur, non transit ad donarium, sed solum ad hæredem, qui personam testatoris repræsentat, & acceptando hæreditatem, succedit quoque ex tacito pacto in omnia eius onera.

Tum quia Med. C. de restituit. q. 3. causa octava ad 5. Ledesim. 2. p. 4. q. 15. art. 5. & Petr. Nauarr. lib. 3. de restit. cap. 4. num. 174. docent donarium non teneri soluere debita iustitiæ donatoris, etiam si donator ob illam donationem fiat impotens ad illa persolueda, dummodo res donatæ non sint pro illis hypothecatæ. Quia valet donatio tanquam à vero Domino facta, donec per Iudicem reuocetur: ergo à fortiori de votis realibus, quæ sunt debita ex vinculo religionis, est hoc dicendum,

### QVÆSTIO CCXLIX.

*An hæres qui promisit vota realia testatoris implere, sed postea mutato consilio non adsit hæreditatem, teneatur ea persolvere?*

**R**ESPONDEO non teneri. Ratio est, quia solo ad id hæreditario iure tenetur. Secus autem si independenter ab hæreditate promiserit, quia tunc tenebitur ea persolvere. Ita Syluest. verb. votum 2. quest. 11.

### QVÆSTIO CCL.

*An hæres teneatur persolvere omnia vota realia defuncti, si vires hæreditatis excedant?*

**R**ESPONDEO non teneri. Ratio est, quia hæres solo iure hæredi-

tario in bona defuncti succedens, ad id tenetur. Ita Palud. in 4. d. 38. q. 4. art. 3. Syluest. verb. votum 2. quest. 11. Covar. cap. 1. de testam. num. 16. & Mol. tom. 1. de inst. d. 217. Palac. in 4. d. 38. d. 1. & alij communiter.

Covar. & Molina locis supra citatis hoc temperant dummodo hæres inuentariū fecerit, eo enim non facto, tenetur in utroque foro omnia vota realia defuncti etiam si hæreditatem excedant, adimplere. Et probant quia lex finalis C. de iure delib. decernit hæredem non conficientem inuentarium, teneri ad omnia debita defuncti ultra vires hæreditatis, quæ cum iusta sit, etiam in conscientia obligabit.

Sed hanc limitationem non approbo, sed existimo non teneri hæredem in foro conscientie vota defuncti explere, aut creditoribus aut legatariis soluere ultra vires hæreditatis, eo quod inuentarium non fecerit, sed id tantum procedit in foro exteriori.

Nec obstat lex citata, quia innititur præsumptioni fraudis occultationis alicuius bonorum, & ideo omisum sit inuentarium, ergo quotiescumque hæres non utitur fraude, sed reuera hæreditas non sufficit, non obligabit ea lex in foro conscientie ad soluendum ultra hæreditatis vires. Et ideo ita sentiunt Sot. lib. 6. q. 1. art. 4. & Petr. Nauarr. lib. 3. de rest. cap. 4. num. 137.

### QVÆSTIO CCLI.

*An saltem secuta sententia Iudicis, teneatur hæres integrè ad omnia debita defuncti?*

**M**OLINA tom. 1. de inst. disp. 217. 1. affirmat, ea potissimum ratione, quia iusta Iudicis sententia in conscientia obligat.

At

At ego verius existimo omnique remoto dubio opinor, hunc non teneri etiam secuta condemnatione. Ratio est, quia hæc iudicis sententia innititur præsumptioni fraudis occultationis alicuius, bonorum hereditariorum. At in casu nostro hæres nulla usus est fraude: ergo non ligabit ea sententia in foro conscientie.

### QVÆSTIO CCLII.

*An hæres necessarius teneatur ex-  
plere vota realia defuncti, etiam-  
si sua legitima praiudicent?*

**A**NGEL. verb. votum 3. q. 8. Sylu. verb. votum 2. q. 11. & Nauar. lib. 3. consil. sit. de voto cons. 16. num. 4. affirmant.

At ego existimo nullo modo teneri heredem necessarium vota hæc realia persolvere cum detrimento suæ legitimæ; sed ex ea sola parte hereditatis, de qua poterat testator liberè disponere.

Tum quia hæres tenetur hæc vota explere de defuncti bonis. At bona alicuius dicuntur, quod superest, deducto ære alieno. l. *Mulier bona ff. de iure dotium*. Vnde si hæres defuncti non fuerit filius, aut alius cui necessitudo debetur legitima, tenetur adimplere vota integrè, si sit de quibus. Et ideo ita tenet cum Greg. Lop. Roder. p. 2. sum. cap. 103. num. 112.

### QVÆSTIO CCLIII.

*Quanda vires hereditatis non suffi-  
ciunt pro omnibus votis solu-  
endis, qua vota teneatur hæres  
explere?*

**C**OMMUNIS fere omnium Do-  
ctorum consensus tenet nullum

ex illis votis integrè soluendum esse, sed pro rata vniuscuiusque voti detrahendum esse excessum.

Sed verius, ac probabilius multo est, quod docet Sanch. lib. 4. c. 25. n. 41. ubi sic ait, *Si heres pro certo habet vnum ex illis votis esse de re meliori, tenetur illud integrè persolvere alijs ommissis: Si autem sis dubius vtrum ex illis votis sis melius, tenetur explere, quod prius emissum*. Ratio est, quia hæres cum personam defuncti repræsentet, tenetur eo ordine implere, quo defunctus tenebatur. At defunctus quando vtrumque votum est incompatibile, tenetur omnino præferre quod est de re meliori: & quando est dubium, quod sit melius, tenetur ad prius emissum, ergo ad idem tenetur hæres. Quando autem constat vtrumque votum esse æquè bonum, aut dubium est, quod melius sit, ignorat autem hæres quod prius emissum sit, tunc quamvis testatori detur electio, vt quoduis ex illis impleat at hæredi non datur, sed tenetur pro rata diuidere.

### QVÆSTIO CCLIV.

*An quilibet hæres teneatur in so-  
lidum vota realia defuncti, aut  
debita de iustitia, vel legata sol-  
uere, quando pars hereditatis in  
quæ succedit, pro omnibus illis  
debitis est sufficiens?*

**R**ESPONDEO solum teneri pro-  
rata iuxta portionem heredita-  
riam, in quam succedit, ceteri alij no-  
lint suam partem solvere, vt habetur  
expressè in l. 1. ff. de v. ob. obligat. nisi  
quoniam res debita, vel legata in spe-  
cie possidetur ab vno, vel obligatio,  
est in diuidua: tunc enim tenetur  
ille eam integrè solvere; at habebit

actionem contra alios hæredes, vt suam sibi partem soluant pro ratione sue portionis hæreditariæ. Ita Sor. lib. 6. q. 1. art. 4. Syluest. verb. *hæreditas* 3. q. 11. Angel. verb. *hæres* num. 8. & ibi Tab. num. 6.

### QVÆSTIO CCLV.

*An quando hæres dubitat, An testator plus vel minus voverit, teneatur ad id, quod plus est.*

- 1 **R**ESPONDEO teneri ad id, quod minus est. Ratio est, quia hæres in solam defuncti obligationem succedit, quamvis diuerso titulo: ille enim tenetur ex quasi contractu, & quasi personam defuncti repræsentat, hic autem ex religionis vinculo; ergo tenetur eo modo vota implere, quo defunctus tenebatur. At defunctus in eo dubio ad solum minus tenebatur: ergo ad idem tenetur hæres. Si autem hæres pro comperto habet testatorem fecisse votum aliquod reale, & ex probabilibus coniecturis nequit coniecere id impletum, sed res est dubia, tenetur illud implere, Ratio est, quia in hoc casu debitum est certum, solutio autem dubia, & proinde possessio est pro debito.

### QVÆSTIO CCLVI.

*An successores teneantur ad implenda vota de obseruatione alicuius festi, aut ieiunij à populo emissæ?*

- 1 **E**T quidem certum est, apud omnes, successores ad id teneri. Sed quod in dubium vertitur est, qua ratione ad id teneantur. Sunt qui putent successores ad id

teneri ex vi pacti, quod in successores pertransiit.

Alij, ex vi consuetudinis.

Nauar. cap. 12. num. 79. & Roder. 2. p. cap. 101. num. 13. volunt eos ad id teneri ratione voti, quia successores sunt idem populus.

Sed hæc opinio non placet, quia propria voti obligatio est omnino personalis; ergo alios, præter ipsos vouentes, non adstringit.

D. Thom. 2. 2. q. 98. art. 1. ad. 4. docet successores ad id teneri ex quadam fidelitate.

Sed nec hæc opinio satisfacit; quia obligatio huius virtutis est etiam personalis, vt de se patet; ergo præter fidem dantem, neminem obligare potest.

Quare dicendum est, teneri successores hæc vota seruare ex vi præcepti, habet enim communitas potestatem ad obligandum singulos præsentem, & futuros successores, vel ad acceptandum tale votum, vel saltem ad implendum actum promissum; vnde eo ipso quod populi Rectores in tale votum sufficienter consentiunt, consequenter imponunt alijs præceptum obseruandi illud quo ad actum promissum, & ideo mortaliter peccabunt, & si non contra votum, saltem contra obedientiam non obseruando illud. Et ideo hanc partem sustinet Suar. lib. 4. c. 9. num. 9.

### QVÆSTIO CCLVII.

*An Regulares exempti teneantur hac vota seruare?*

**R**ESPONDEO teneri. Ratio est, quia regulares reputantur ciues illius oppidi, & ideo sicut reliqui vicini eius, tenentur ea custodire.

Tum quia in his interuenit consensus

ſensus Episcopī, & in legibus ſynodalibus Episcopī tenentur regulares obedire, vt expreſſe definitur in Cōc. Trid. *ſeſſ. 25. de regul. c. 12.* vbi præcipitur vt feſta ab Episcopis indicta, regulares obſeruent. Et ita ſentit Vaſq. *1. 2. q. 96. art. 5. ad 167. nu. 34. & q. 97. art. 3. d. 177. & Roder. p. 1. ſum. cap. 122. num. 1.*

## QVÆSTIO CCLVIII.

*An votum ſtatim ſit perſoluendum?*

**R**ESPONDEO ſi animus vouentis fuit ſe voto ad ſtatim exequendum obligare, tenetur ſtatim, id eſt pro prima opportunitate congrua, illud executioni mandare. Si verò ad certum tempus, eo expleto, ſtatim debet illud implere, ſi commodè poſſit. Et ratio eſt, quia cum voti obligatio ex vouentis intentione dependeat, eo ipſo quod intendit votum ſtatim, aut intra certum tempus adimplere, contrafaciendo peccat, niſi aliqua iuſta de cauſa excuſetur. Et ita tenet D. Tho. *2. 2. q. 88. art. 3. & Caiet. ibidem ſot. lib. 7. q. 2. art. 2. & Nauar. cap. 12. num. 41.* Et in hoc omnes Doctores conueniunt.

Sed tota controuerſia verſatur de eo, qui vouit, & tempus adimplendi votum non definiuit, nec deprehendere poteſt, ad quod tempus voluerit ſe obligare?

**2.** Illuſtriſſimus Caiet. in ſum. *verbo votum cap. 4. & 2. 2. q. 88. art. 3.* cenſet tempus illius voti exequendi, præſcribendum eſſe iuxta conſciētiā vouentis, nam ſi illa dicat non eſſe contra votum expectare vnum, vel duos annos, non erit in mora culpabili qui hoc tempore diſtulerit ſolutionem: quia tale dictamen conſciētiæ virtutalem vouentis voluntatem indicat temporis, quo ſe obligare voluit.

Sed, pace tanti viri ſit dictum, hæc regula incerta eſt, & pro iis qui timoratae ſunt conſciētiæ nimis ſcrupuloſa, pro aliis vero nimis laxa. Quippe ſcrupuloſi ſemper ſe in mora eſſe credent: ſuæ verò ſalutis parum memores, & ignari, aut nunquam, aut rariffimè ſe in mora eſſe putabunt.

Quare dicendum eſt, hunc teneri ſuum votum obſeruare, cum priuim iudicio prudentis commodè poterit. Hæc autem voti adimplendi commoditas non eſt intelligenda metaphyſicè, ſed moraliter reſpectu vouentis, quia multa tempora ſunt ex parte rei commodata, quæ tamen ſecundum morem vouentis non cenſentur conuinda, & ipſe intendebat ſe obligare tempore commodo in ſuo idiomate.

Hinc, qui nullo præſinito tempore vouit, poteſt ſuum votum diſſerre vſque ad illud tempus, in quo ſperat commodiùs, quietius, aut deuotius illud impleturum. Quia moraliter ea cenſetur commoditas implendi. Ita Sylueſt. *verb. votum 2. q. 3. Armiſ. verb. votum num. 20. Angel. verb. votum 3. num. 2. Tab. verb. votum 3. q. 3. & Arag. 2. 2. q. 88. art. 3.*

Hinc, qui nullo tempore præfixo ingreſſum religionis vouit, poteſt tuta conſciētia illum procrastinare vſque ad eam ætatem, qua aptus ſit ad auſteritates religionis perſerendas. Quia ea ætas ingreſſui illi commoda cenſetur.

Hinc, ſi iuueſcis duodecim annorum religionem Minorum voueat, poteſt ſecundum Cordubam in ſum. *q. 39.* ingreſſum diſſerre vſque ad 17. vel 18. annum, non autem vſque ad 25. vt perperam Roder. *1. p. ſum. cap. 97. num. 9.* docuit. Vnde non approbo quod Petr. de Ledefm. *2. tom. ſum. tract. 10. cap. 3. dub. penult.* dixit, iuuenem 16. annorum ſatiſfacere voto religionis, ſi intra triennium, illud impleat,

at esse voti reum, si octo vel nouem annorum spatio differat.

Hinc, qui nullo determinato tempore religionem vouit, volens esse de numero laicorum, potest vsque ad eam ætatem expectare, qua absque graui salutis suæ nocumento, ad labores laicorum illius religionis tolerandos aptus sit. Idem dico de votis aliquius perpetui obsequij, vt de voto inseruiendi in perpetuum hospitali, potest enim expectare eam ætatem idoneam ad labores illius hospitalis tolerandos.

5 Hinc, qui religionem vouit, proposuitque illius esse ordinis, qui ad chorum destinatur, potest differre ingressum quousque Grammaticam addiscat. Quia in nulla religione est commoditas illam addiscendi. Immo si propensus esset ad sacras literas addiscendas, aptusque ad illas, nec in religione promissa esset commoditas illis vacandi, posset expectare totum tempus quo illis studiis vacet, secundum Cord. in sum. q. 19.

6 Hinc, qui nullo præfixo termino votum religionis emisit, potest expectare tempus, in quo à parentibus ingressus minus molestè feratur. Ingens enim molestia parentum iustum huic dilationi causam subministrat.

tuo, non tardabis reddere: quia requirer illud Dominus Deum tuum. Et infra: Si moratus fueris, reputabitur tibi in peccatum. Item per illud Eccles. 5. Si quid vouisti Deo, ne moreris reddere: displices enim ei infidelis, & stulta promissio. Ex quibus verbis colligitur, peccatum porfidiæ irreligiøsæ contra Deum committi, non solum transgrediendo votum, sed etiam illud non statim implendo, cum impleri potest: quemadmodum peccatum iniustitiæ contra proximum committitur, non solum quando res aliena iniuste usurpatur, verum etiam, quando statim illa non restituitur. Tunc autem erit mortalis dilatio, quando est notabilis negligentia post opportunitatem implendi habitam, secundum Syluest. verb. votum 2. q. 3. vel vt ait Angel. quando est notabilis, & valde longa dilatio, vel denique secundum D. Anton. 2. p. tie. 17. cap. 1 §. 1. quando votum differtur non commoda opportunitate per longa tempora, & in ipsa nimia dilatione est periculum obliuionis, vel impotentie implendi.

Dixi notanter (regulariter) quia ratione paruitatis materiæ, vt quia mora illa est modica, potest esse peccatum veniale.

## QVÆSTIO CCLX.

### QVÆSTIO CCLIX.

An qui statim votum non implet post natam commoditatem illius implendi opportunitatem, peccet mortaliter?

An qui vouit se aliquis certa die facturum, puta ieiunare vigiliam alicuius Sancti: & sua culpa illud non expleuit, teneatur ea transacta adhuc votum suum adimplere?

RESPONDEO regulariter peccare mortaliter. Probat per illud Deut. 23. Cum uoueris Domino Deo

PANORAM. in exp. per tuas de voto num. 1. Angel. verb. votum. 3. nu. 3. Sylu. verb. votum 2. q. 4. & Tabusidem 3. quest.

3. *quest.* 7. putant teneri, qui addunt limitationem, nisi vouens intenderit determinatè se obligare ad illum diem: & addit Tab. hanc esse frequentius intentionem vouentium.

2. Alij vero negant. Pro quo.

Primò dico quod si is qui vouit præcipuè rationem habuit ad temporis deuotionem, vt ieiunare in die veneris in honorem passionis Christi; vel in die Sabbati propter deuotionem ad beatam Virginem; tunc si in tali die præfixa non ieiunat, ea transacta, quamuis vouens peccet mortaliter, non tenetur aliis diebus ieiunare. Ratio est, quia tale ieiunium est onus illius temporis, sicut ieiunia Ecclesiæ in quadragesima, in vigiliis, & in quatuor anni temporibus sunt onera illorum dietum præcisè; vnde qui in his diebus sine iusta causa non ieiunauit, vel vna die preces horarias non recitauit, non tenetur alia die ieiunare, vel bis horas canonicas persolvere, sed pro peccato omissionis pœnitentiam agere.

Tum quia tale tempus est intrinseca rei per illud votum promissæ circumstantia, atque per modum vnus vtrumque sub voto includitur. Cum ergo eo transacto sit impossibile rem promissam cum ea circumstantia implere, extinguitur prorsus voti obligatio.

4. Hinc, qui vouit recitare aliquam orationem coram imagine alicuius specialis Sancti, vel in aliquo peculiari loco, ex speciali illius imaginis, vel oratorij deuotione; si coram illa, vel in eo loco nequeat suum votum explere, liber est à voti obligatione. Secus autem si is, qui vouit, non habuit specialem illius affectum, sed præcipuè respexit ad orationem.

Hinc, qui anno Iubilei vouit se Romam peregrinaturum, eo tran-

facto, non tenetur ampliùs adire. Quia tunc intentio vouentis fuit in illo anno Romam visitare, & non in alio.

Secundò dico, quod si is qui vouit certo tempore ieiunare, non habuit respectum ad temporis deuotionem, sed præcipuè respexit ad ieiunium, si illo die non ieiunat, non solum peccat mortaliter, si culpabiliter omittit ieiunare; sed etiam tenetur illud adimplere, quam citius commode poterit. Ratio est, quia tale ieiunium non est onus illius temporis, sed tempus est appositum vt executionis voti terminus, intra quem implendum est, nec ultra differre liceat.

Et est conclusio definita in capite, 6. Cum dilecti, versu, præterea cum mandatur de dolo, & contumacia, vbi dicitur, iussum soluere certa die, teneri ea elapsa. Et in *I. Celsus §. 1. ff. de reept. arbitr.* vbi habetur iussum dare decem pauperibus certo tempore, duo præcepta habere, alterum dandi, alterum eo tempore, ac proinde transgressorem posterioris teneri ad prius. Et ita tenent Caietanus 2. 2. *quest.* 88. *artic.* 12. Sotus *lib.* 7. *quest.* 2. *art.* 1. Nauarr. *cap.* 12. *num.* 54. Valenr. 2. 2. d. 6. *quest.* 6. p. 4. Azor. *lib.* 11. *cap.* 15. *quest.* 11. & Roder. p. 2. *cap.* 10 1. *num.* 14.

7. Hinc, qui vouit ingredi religionem in die Natiuitatis Beatæ virginis ob deuotionem eius, si culpa sua illo die non ingressus est religionem, peccauit mortaliter, & nihilominus elapso eo tempore votum adimplere tenebitur. Ratio est, quia ingressus religionis fuit principalis materia voti, solemnitas autem temporis secundaria.

Tum quia huiusmodi tempus non ad finiendum, sed ad differendam obligationem fuit appositum.

Hinc,

Hinc, qui vouit ire Romam intra annum, si id non facit, peccat mortaliter, & adhuc votum persolueret teneatur, quamprimum commodè poterit.

- 8 Quia peregrinatio fuit principaliter intenta, & tempus ad expellendam moram fuit appositum.

Hinc, qui vouit ieiunare triduo intra præsentem mensem, cum tale ieiunium votium non sit onus illius temporis, sed tempus appositum sit, ut mensura, intra quam debeat impleri, si non ieiunat intra istum mensem, non solum peccat mortaliter, sed etiam tenetur ieiunare triduo, quàm primum commodè potest.

- 9 Hinc, si confessarius alicui in pœnitentiam iniungat ieiunium sextæ feriæ, tunc licet pœnitens in illa die non ieiunet, tenetur alia die ieiunare, quia tale ieiunium non est onus diei, sed personæ.

Tum quia licet confessor simul respexerit ad specialem deuotionem illius diei, tamen principaliter respexit ad ieiunium.

- 10 Tertiò, & vltimò dico, quod si is qui voto certum tempus assignauit, id fecit ad finiendam obligationem illius, eo elapso non tenetur ad aliquam compensationem: ut si quis voueat bis in hebdomada ieiunare, ita tamen ut in qualibet hebdomada sua obligatio finiatur, ne (si in illa impleta non fuerit) oporteat pluries in alia hebdomada ieiunare, nam ad hoc non vult obligari, non ob deuotionem, sed ne nimium grauetur.

## QVÆSTIO CCLXI.

*Sed quid si vouens sit anceps, an tempus sit assignatum præcipuè ob eius deuotionem, an potius ut determinatum executionis ipsius voti?*

**R**ESPONDEO in hoc casu censendum est tempus hoc posteriori modo esse præfixum, & ideo obligare votum eo tempore transacto, non quidem ut putat Azorius lib. 11. cap. 15. q. 2. quia hæc pars sit tutior, cum non teneamur semper partem tutiorem amplecti; sed quia obligatio voti est certa, ac proinde est in possessione, excusatio autem vouētis dubia.

## QVÆSTIO CCLXII.

*An qui non potest implere votum tempore præfixo, teneatur tempus præuenire ut illud adimpleat?*

**A**D hoc dico primò, quod quando opus vouetur, ut proprium onus certi diei, seu temporis, ut ieiunium feriæ sextæ in memoriam dominicæ passionis, non tenetur quis illud præuenire, ieiunando præcedente aliquo die, etiamsi præuideat se illo die impediendum à ieiunio. Ratio est, quia etiamsi id faciat, non implebit suum votum, quo specialiter promissit ieiunare feriam sextam in cultum illius diei dedicati memorie passionis Christi.

Tum quia eadem est ratio de postpositione, & præuentione; sicut ergo non tenetur postea facere, si in die proprio non potuit, ita neque tenetur antepone.

Et confirmatur à simili de præceptis eiusdem formæ, seu materie: nam non tenetur quis præuenire missam in die sabbati, etiam si præuideat ægritudinem seu febrem in die dominica impedituram, ne missam possit audire, & sic de aliis: ergo.

Secundò dico, quod si is qui voto certam diem apposuit, id fecit intentione suspendendi obligationem vsque ad



ad illum diem, non tenetur præueniendo adimplere promissum ante præfixum terminum, etiam si futurum impedimentum prævideat; sed poterit postponere vsque ad aliam diem, quando id votum non est illi diei alligatum. Ratio est, quia talis terminus non fuit appositus tam ad differendam solutionem, quam ad obligationem adimplendi inchoandam. Vnde sensus talis voti est, ex tali die hoc faciam.

Tertiò dico, quod si is qui votum certum diem præfixit, id fecit tantum ad differendam solutionem, non autem ad suspendendam obligationem, tenetur præueniendo adimplere promissum, si impedimentum postea futurum prævideat. Ratio est, quia talis dies statuitur vt terminus differendi voti, atque ita sensus talis voti est, promitto fore vt ultra id tempus non differam: ergo ne ultra differat, tenetur præuenire, quando tunc timet impedimentum. Quod intelligitur, nisi anticipando redderetur executio voti valde difficilior, quam vouens putabat. Vt si vouit ieiunium in die Veneris, non ob diei deuotionem, sed tempus assignauit, vt esset mensura, qua vult adimplere votum, ductus quod illa die cibi sunt ieiunio apti, aliis autem diebus minime, non tenetur præueniendo ieiunare, si prævideat habiturum in illo impedimentum implendi; sed poterit postponere vsque ad aliam diem sextam: cum id votum non sit tempori alligatum. Quia notabilis mutatio non solum à dilatione, verum etiam à transgressione excusatur.

Hinc, qui nouit se non posse confiteri in duodecimo mense, tenetur in vndecimo satisfacere tali suæ obligationi: & obligatus ad persoluendum diuinum officium, & præuidens se fore impediendum post meridiem,

tenetur præueniendo ante meridiem illud recitare.

Quartò, & vltimò dico, quod licet terminus temporis sit præfixus ad finiendam obligationem, si opus promissum non est peculiare onus alicuius determinatæ partis totius temporis vsque ad illum terminum, tenetur quis præuenire terminum illum, si prævideat habiturum in illo impedimentum implendi; v. g. vouit quis ieiunare decem dies mensis, non designando illos, si ille prævideat post quindecim dies ieiunare non posse, tenetur in prioribus diebus votum suum implere, & ita præuenire tempus. Ratio est, quia tunc totum tempus mensis est tempus absolutæ obligationis, quæ debet impleri in parte eius possibili.

### QVÆSTIO CCLXIII.

*An vota extinguantur morte, ita vt vouens ad vitam reuocatus liber ab eis maneat?*

IOANN. ANDR. & multi alij in cap. 1. fraternitatis de frigidis, & malef. negant.

At verò Angel. verb. mors num. 3. & Syluest. verb. resuscitatus num. unico affirmant, & merito quidem: quia hæc omnia vineula, sicut, & matrimonij pro solo vitæ curriculo obligant. Quare professus resuscitatus posset liberè matrimonium contrahere, cum matrimonio ineundo non obset nisi solum votum, quod per mortem est prorsus extinctum. At si hic esset Sacerdos non posset validè matrimonium inire, non quidem ratione voti, quod iam extinctum est; sed quia eum verus Sacerdos resurgat, tenetur ad leges canonicas, quarum vna est, vt ordine sacro insignitus nequeat

nequeat validè matrimonium contrahere.

### QVÆSTIO CCLXIV.

*An qui sua culpa non implevit votum tempore prefixo, ad aliquam compensationem postea teneatur?*

<sup>1</sup> **R**ICHARD. in 4. dist. 38. q. 1. art. 5. affirmat.

Ceterùm nullatenus placet mihi hæc sententia, sed existimo hunc ad nullam compensationem teneri. Ratio est, quia violatio voti non est peccatum contra iustitiam, quæ ad compensationem obligat, cum non damnetur Deum in suis bonis iuxta illud

<sup>2</sup> Iob. 35. *Si peccaveris, quid ei nocebit? & ideo licet sit gravis culpa in ratione irreverentiæ, & contra cultum Deo debitum, non tamen est propriè iniustitia, unde non requirit aliam satisfactionem, quam conversionis ad Deum ipsum per veram cordis contritionem.*

### QVÆSTIO CCLXV.

*An qui vovit ieiunare vigiliam S. Iohannis Baptiste, & postea vigilia illa incidit in dominicam, teneatur ieiunare in dominica, vel potius in sabbatho?*

<sup>1</sup> **R**ESPONDEO si intentio vouentis fuit per ieiunium carnem suam affligere, ut eam spiritui subdar, & Deo pro peccatis satisfaciatur, tenetur tunc iuxta communem Ecclesiæ morem sabbatho ieiunare, & non in dominica: si verò intentio fuit se ad deuotionem maiorem per ieiunium disponere, tenetur die do-

minica ieiunare: quoniam tale ieiunium est bonum opus conducens ad Dei gloriam. Quod si neutram intentionem habuit, aut est dubius an intenderit ieiunare, si dies illa in dominica venerit, necne; debet, ut diximus, Ecclesiæ consuetudini se conformare, & sic in die sabbathi ieiunare. Sin utramque intendit, tenetur eodem die ipsum seruare.

Hinc, qui vovit totum integrum annum ieiunare, si expressè dies dominicos non comprehendit voto suo, potest tuta conscientia se conformare vniuersali consuetudini Ecclesiæ, & sic iis diebus non ieiunare. Putat tamen Sayrus lib. 6. cap. 8. dub. 5. hunc teneri illis diebus abstinere à lactiniis prout fit in quadragesima.

Dices, in cap. si quis presbyter d. 30. ieiunium in dominica prohibetur.

Respondeo intelligitur hoc, quando ieiunatur in dominica ex contemptu diei dominicæ, vel ex superstitione, & errore Manichæorum, qui putabant tale ieiunium necessarium: non autem, quando fit ex deuotione.

### QVÆSTIO CCLXVI

*An Deus possit vouere?*

<sup>1</sup> **R**ESPONDEO non posse. Ratio est, quia vouere est actus Religionis, cuius Deus non est capax; cui enim cultum exhibebit illa suprema Maiestas? Quare licet promittere possit, ut constat, non tamen in cultum, vel obsequium, sed in beneficium eius cui promittit.

### QVÆSTIO CCLXVII.

*An Christus ut homo potuerit vouere?*

Respon

**R**ESPONDEO potuisse. Ratio est, quia Christus ut homo potuit Deum colere, & orare, sicut & illi obedire, & satisfacere; ergo & vouere: sunt enim hi omnes actus religionis.

Deinde Christus ut homo fuit capax obligationis præcepti: ergo, & obligationis voti. Et in hoc omnes conueniunt.

Tota igitur difficultas in eo sita est, An Christus ut homo de facto votum emiseric?

**S**unt quidam qui negant, tum quia Deus erat, tum etiam, quia ut homo propter vnionem habebat voluntatem firmatam in bono.

At multò verius est, Christum potuisse saltem ut viator erat votum proprium emitte, & credibile est illum sub initio suæ conceptionis tria essentialia, & substantialia religionis vota emisisse, nempe castitatem, paupertatem, & obedientiam, non quidem homini præstanda, id enim non decebat, sed Deo; & maxime in procuranda hominum salute, & offerendo seipsum in sacrificium pro Ecclesia sua. Vnde Hilarius exponens illud

**3** Psal. 131. *Sicut iurauit Domino, votum vouit Deo Iacob: Sic ait: Sic Christum gessisse omnia, ut sacramento religionis satisfacere videretur. Et paulò inferius ait: Impium, & propheta docens esse, si non omnia, quæ erga humanam salutem patri vouisset, expleret. Huic sententiæ fauent mirabiliter illa verba Psal. 21. *Vota mea reddam in conspectu aimentium eum.* In illo enim Psalmo, Christum esse qui loquitur, fatentur vniuersi. Vnde D. August. per votum intelligit sacrificium Christi, siue cruentum, siue incruentum.*

**4** Nec obstat, quod Christus habuerit voluntatem firmatam in bono, tum quia potuit pluribus modis, & titulis eam confirmare. Tum etiam, quia

votum non solum fit propter firmandam voluntatem, sed etiam propter honestatem religiosi cultus.

## QVÆSTIO CCLXVIII.

*An Angeli, & Beati possint votum emitte?*

**R**ESPONDEO posse. Ratio est, quia Angeli, & Beati habent omnia ad vouendum necessariò requisita, scilicet intelligentiam, libertatem, subiectionem ad Deum per religiosum cultum, & potestatem se obligandi: ergo possunt vouere.

Tum quia licet Angeli, & Beati habeant voluntatem firmatam in bono, adhuc sunt capaces boni voluntarij, quod per votum potest melius reddi, & aliundè sunt capaces obligationis, & præcepti; ergo possunt votum emitte.

## QVÆSTIO CCLXIX.

*An Angeli, & Beati de facto votum emittant?*

**R**ESPONDEO verisimilius esse, Angelos, & Beatos cum Christo regnantes nullum votum emitte. Ratio est, quia Beati iam sunt in termino, & extra statum merendi: vouere autem spectat ad statum viæ, propter futuras actiones, ut ad maiorem perfectionem, vel meritum tendant.

## QVÆSTIO CCLXX.

*An qui sunt alterius potestati subiecti possint licite aliquid vouere sine consensu superioris?*

**R**ESPONDEO posse, si materia promissa sit apta, qualem votum requi

requirit, id est, de materia honesta, ipsi non prohibita. Sic D. Thom. 2. 2. q. 189. ar. 8. ubi generaliter docet, subditos non peccare vouendo rem licitam.

## QVÆSTIO CCLXXI.

*An subditi possint firmiter aliquid vouere sine consensu superioris.*

**R**ESPONDEO non posse, quoad ea, in quibus alteri subiiciuntur. Ratio est, quia votum ut sit firmum, debet fieri de proprio, & id in quo quis alteri subiicitur, non est proprium: sed alienum, ergo.

Dixi notanter (*ut sit firmum*) ad insinuandum verum esse votum emissum à subdito, ante consensum superioris, quamuis sit conditionale, atque ad eò dependens quoad vim obligandi ex consensu superioris; qui si consentiat, tum demum obligat id votum: sin minus, dicitur id votum subditi irritari, hoc est, petinde esse, atque si non fuisset factum.

## QVÆSTIO CCLXXII.

*An pueri possint aliquid vouere?*

**R**ESPONDEO pueros ante vsum rationis ad peccandum mortaliter sufficientem, nullo modo posse aliquid vouere. Ratio est, quia sine voluntario consensu votum nō emittitur, sed ante vsum rationis homo non potest habere deliberatum consensum, ut constat: ergo nec votum. Et quidem ex iuris præsumptione ante septennium non præsumuntur habere vsum rationis: quod regulariter

verum est, nam quandoque accidere potest: ut pueri ante dictum tempus discurrere incipiant, & tunc, quantum in se est, voto se obligare poterunt.

Et eadem ratione, sub his comprehenduntur perpetuo amentes, & hi omnes pro eo statu, & dispositione, in qua uti ratione non possunt, ut sunt dormientes, phrenetici, ebrii, &c.

## QVÆSTIO CCLXXIII.

*An pueri ante annos pubertatis, si vsum rationis habent, possint vouere?*

**P**A L A C. in 4. distin. 38. fol. 870. 1  
Tenet in vniuersum pueros ante pubertatem nullum votum posse emittere, & si emittunt, esse ipso facto irrita.

Syluest. verb. religio 2. q. 15. affirmat impuberes non posse validè aliquid vouere, nisi sint prope pubertatem. Nam etiam ante eam ætatem rationis vsum ad peccandum sufficientem vtantur, non tamen sufficientem ad vouendum. Quia cum votum sit res grauissima, non quocumque rationis vsum contentum est, sed pleno, & maturo indiget, qualis prope pubertatem aduenit.

Angel. verb. votum 2. num. 6. & Rosell. verbo Nouitium nu. 8. dicunt impuberes doli capaces obligari omni voto, præter religionis.

At communis, ac verissima sententia est, pueros ante 14. annum, & puellas ante 12. si rationis vsum ad peccatum mortale patrandum sufficientem habent, omnia vota simplicia etiam religionis, quantum in se est, emittere posse. Ratio est, quia ad cuiuscumque simplicis voti valorem ea deliberatio sufficit, & necessaria est, quæ exigitur ad peccatum mortale contrahendum: ut egregiè docet D. Tho. 2. 2. q. 88. ar. 9. &

9. & q. vii. art. 5. ad 3. quem vniuersi sequuntur. Cum ergo ea reperiatur cum hoc rationis vsu, obligabit votum, quamuis parentes possint illud irritare.

Et confirmatur, nam hi cum tali vsu rationis possunt se obligare Diabolo per peccatum, & homini per sponsalia; ergo & Deo per votum.

Tandem est conclusio definita in cap. Puella 10. q. 2. & in cap. is qui de reg. in 6. & in cap. 30. Num. vbi dicitur, mulierem vouentem in domo patris, & in puellari etate adstringi voto, nisi pater irritet. Et ideo ita sentiunt D. Tho. 2. 2. q. 88. art. 9. & Caiet. ibidem. & in sum. verb. votum cap. 3. Sor. lib. 7. q. 3. art. 2. Nauar. cap. 12. num. 68. Arag. 2. 2. q. 88. art. 9. Roder. 2. p. sum. cap. 93. num. 1. Azor. lib. 11. cap. 16. q. 9. & Valent. 2. 2. d. 6. q. 6. p. 6.

domini est, siue ad personam, siue ad operas, siue ad res illud pertineat. Et ideo nec personalia, nec realia vota emittere potest: ac proinde nec peregrinationem, nec ieiunium, quibus à seruitio domini abstrahitur, vel debilius ad seruendum domino efficitur, vouere potest; & multo minus voto se obligare potest ad Religionis ingressum, quæ ex toto debitum domini obsequium perturbat, & impedit. Vnde à aliquod votum de istis faceret, à domino suo irritari, & annullari potest. Posset verò seruus cetera, quæ nihil prorsus domino officiant v. g. preces aliquas, castitatem & id gen. & alia, in quibus non est domino subiectus, aut ei non præiudicant: ita D. Thom. 2. 2. q. 88. art. 8. & Caiet. ibidem Sor. lib. 7. q. 3. art. 1. Valent. 2. 2. d. 6. q. 6. p. 6. & Arag. 2. 2. q. 88. art. 8.

#### QVÆSTIO CCLXXIV.

*An possit filius existens sub potestate patris facere votum dandi elemosinam bonorum castrensium, aut quasi castrensium quæ habet?*

**R**ESPONDEO posse. Ratio est, quia hæc bona sunt sua quoad dominium, & administrationem; & ideo pater non potest illud irritare vt cum D. Tho. & Nauar. tenet Roder. p. 2. q. 93. num. 3.

#### QVÆSTIO CCLXXV.

*An seruus possit firmiter aliquid vouere?*

**R**ESPONDEO seruum nullum votum emittere posse, in quo aliquo modo præiudicium domino infertur. Quia quidquid seruus habet,

#### QVÆSTIO CCLXXVI.

*An coniugati possint firmiter aliquid vouere?*

**I**N qua re consistit inter omnes, neutrum coniugum siue libero consensu alterius posse aliquid vouere, quod directè, vel indirectè tendat in præiudicium status matrimonialis. Ratio est: quia eorum est tantum de illis rebus, quæ nostræ subiacent potestati, non autem de illis, in quibus quis est alteri subditus. Cum igitur coniuges corporis potestatem commutariur coniugaliter, ideo in hoc sibi præiudicare non possunt.

Hinc, neuter coniux potest immoderatas abstinentias, vigiliis, longas peregrinationes, & alia huiusmodi vouere, quæ debito coniugali moderatè reddendo obstant. Quia neuter potestatem sui corporis habet, quoad debitum coniugale persoluendum.

Q 3 Quid

Quod si vnus aliquid horum vouit sine alterius consensu, potest illud ab alio irritari. Ad cætera verò quæ non sunt in alterius præiudicium, voto se obligare potest: vt si vouit aliquod ieiunium honestum, & moderatum, recitare aliquas breues orationes, & alia in quibus quoad debitum coniugale persoluendum vnus alteri non præiudicat. Nauar. cap. 12. num. 61. Roder. p. 2. sum. cap. 92. num. 9. & alij communiter.

### QVÆSTIO CCLXXVII.

*Sed quod in dubium vertitur, est: An in cæteris praterquam in reddendo, & petendo debito, coniuges sint pares, vt neuter possit sine alterius consensu aliquid vouere.*

<sup>1</sup> **A**NGEL. verb. votum 2. num. 8. Syluest. verb. votum 5. q. 1. & Nauar. cap. 12. num. 61. censent eos esse pares.

Sed contraria mihi plus placet, quæ dicit eos non esse omnino pares. Ducor, quia coniuges licet sint pares in hoc, quod neuter altero inuito potest in præiudicium debiti coniugalis aliquid vouere: eò quòd quantum ad debitum coniugale petendum, & reddendum sint æquales: in reliquis vir est caput mulieris 1. Cor. 11. & idèd sui iuris, & mulier sub eius potestate. Vnde vir inconsulua, & renitente vxore, potest ea vota emittere, quæ debiro coniugali persoluendo minimè nocent: sed vxor tanquam subdita nullum potest emittere votum sine consensu viri. Et idèd ita tenent Palud. in 4. d. 31. q. 3. art. 1. Rosell. verb. votum 2. num. 8. & 10. & Roder. 2. p. sum. c. 92. art. 9.

Ex quo sequitur posse maritum

irritare votum, quod vxor facit non mentiendi, aut non occidendi. Quia licet in his, & similibus vxor non sit subiecta viro suo, ita vt teneatur mentiri, & occidere ipso iubente, est tamen subiecta quo ad nouam obligationem, qua ipsa obligatur; cum ad virum pertineat inspicere, an hæc vota ei conueniant necne. Ita Arag. 2. 2. q. 88. art. 8.

### QVÆSTIO CCLXXVIII.

*An vota longa peregrinationis, magne abstinentiæ, & aliorum quæ debito coniugali præiudicant, sint ipso iure irrita, an potius valida donec irritantur?*

**S**OTVS lib. 7. de iust. q. 3. art. 1. & Roder. 2. p. sum. cap. 92. num. 2. Senriunt hæc vota emissã à viro inconsulta vxore esse irrita, ac proinde nulla irritatione indigere. Aditque Sotus, culpam admittere virum sic vouentem, cum voueat rem sibi prohibitam, & in alterius coniugis præiudicium, quia perinde est, ac si voueret, se minimè redditurum debitum.

Cæterum multò verius est, ea vota valida esse; posse tamen à coniuge grauato irritari. Vnde nec coniux absolute vouens peccabit, nisi expressè intenderet se ad ea vota obligare contra alterius voluntatem: tunc enim peccaret, & votum esset irritum.

Nec est simile de voto non reddendi debitum. Quia hoc contra substantiam matrimonij pugnat, ac proinde nullum. At votum longæ peregrinationis, vel nimix abstinentiæ, non est directè contra fidem matrimonij, sed est aliquod alterius coniugis onus: quare validum erit, licet integrum sit coniugi grauato dissentire. Et idèd hanc partem sustinent Nauar. cap. 12. num.

num. 61. Lop. 1. p. cap. 46. Anglin materia de voto, & alij.

### QVÆSTIO CCLXXIX.

*An coniuges possint sine alterius consensu habitum mutare, v.g. indui vestibus Eremita, vel tertij Ordinis sancti Francisci, &c.*

- R**ESPONDEO non posse. Ratio est, quia huiusmodi vestes coniugatos dedecent; horrorem, ac fastidium alteri coniugi afferunt, ac proinde debito coniugali perfoluendo nocent. Nau. cap. 1. 2. num. 61.

### QVÆSTIO CCLXXX.

*An possit vir absque vxoris licentia votum peregrinationis emittere?*

- R**ESPONDEO posse aliquam modicam peregrinationem ad domum disponendam, absque vxoris consensu vouere; cum sit caput mulieris, possitque absque voto illam exequi: non tamen poterit longam peregrinationem vxore inuita promittere, ex qua præiudicium quoad debitum reddendum vxori resultet: nisi forte eum longo aliquo tempore abesse oporteret lucræ, aut negotiationis gratia, & ad prouidendum sibi, & familie suæ de rebus necessariis. Ita Roder. 2. p. c. 92. num. 7. & Sayr. in clau. reg. lib. 6. cap. 5. num. 9.

### QVÆSTIO CCLXXXI.

*An possit vxor absque viri consensu aliquam peregrinationem promittere?*

- R**ESPONDEO non posse. Ratio est, quia vxor tem peregrinati non

debet, atq; ita est in viti præiudicium.

Tum quia in vouendi potestate non parificatur cum viro, cum vir sit caput: & vxor ipsi subdita.

### QVÆSTIO CCLXXXII.

*An quando vxor ante matrimonium contractum, aut post contractum, & consummatum ex licentia mariti votum peregrinationis, aut abstinentie emisit, teneatur ea vota seruare, si maritus eam postea reuocet?*

**R**ESPONDEO non teneri ea prestare, nec peccat non adimplendo. Ratio est, quia de iure dinino, & humano tenetur marito obedire, vt expressè colligitur ex cap. manifestum, & cap. Noluit 33. q. 5. & habetur expressè num. 30. Et ideo ita tenetur Caiet. 2. 2. q. 88. art. 3. Sor. lib. 7. q. 3. art. 1. Nau. c. 12. nu. 61. Lop. p. 1. cap. 46. & Cotin. Philiar. de off. Sacerd. lib. 3. cap. 4.

### QVÆSTIO CCLXXXIII.

*An vir absque vxoris consensu possit votum adueniendi Hierosolymam emittere?*

**I**n qua re constat apud omnes, virum pro subsidio terræ Sanctæ posse tale votum facere, & adimplere sine consensu vxoris, vt definiuit Innoc. III. in cap. ex multa §. in tanta de voto, & voti redempt. Et ratio huius est, quia vxor potest sequi virum, si vult; quod si nequeat, iustum est, vt ad tempus contineatur boni publici totius Ecclesiæ gratia. Quamuis non sit consulendum viro, vt crucem accipiat, si vxor eum non potest sequi, & de incontinentia timeatur.

Totum ergo huius controuersie dissidium consistit, quando vir non in  
subti

subsidium, sed solius causa deuotionis tale votum emittit sine licentia vxoris.

Quidam affirmant.

- 1 Alij verò rectius negant. Nam textus dicti Cap. multa de voto in subsidium terræ sanctæ disponit; & cum hæc sit res odiosa vxori, non est extendendus.

Tum quia ratio superius adducta ob fauorem boni publici non militat, quando peregrinatio solius deuotionis gratia assumitur. Et ideo hanc partem sustinent Supplem. Gabr. in 4. d. 32. q. 1. art. 2. Palac. in 4. dist. 32. d. 2. Stunica q. 3. de voto num. 69. Roder. 2. p. cap. 92. num. 8. Sanch. lib. 9. de matrim. d. 3. nu. 16. & Sayr. in cl. reg. lib. 6. cap. 5. num. 9.

- 2 At hisce nostris temporibus cum Hierosolyma possideatur à Turcis, vota quæ nunc sunt illuc adeundi, non sunt in subsidium terræ sanctæ, sed solius causa deuotionis, ac proinde non possunt nunc fieri à marito sine consensu vxoris.

#### QVÆST. CCLXXXIV.

*An vxor sine licentia mariti possit simile votum emittere, & adimplere?*

- 3 **N**AVARR. in Man. cap. 12. nu. 61. & Lop. p. 1. cap. 46. dicunt quod si vxor est iuuenis, & de incontinentia suspecta, non potest tale votum facere, & adimplere vito renitente, sed debet redimere illud. Si verò sit senex, & ita potens, vt possit milites armatos secum deducere, & habeat bona paraphernalia, id est bona vltra dotem, de quibus pro libito potest disponere; tunc huiusmodi votum sine viri licentia faciens, illud adimplere tenetur. Quia licet textus nihil

disponat de vxore, at militat eadem ratio in hoc casu.

Cæterum solidum huius sententiæ fundamentum non video; & ideo non placet, sed existimo non posse vxorē tale votum emittere, & exequi viro contradicente. Ducor, quia vxor eum præiudicio mariti nullum votum potest emittere, & adimplere sine eiusdem licentia, vt idem Nauarr. *vbi supra* testatur, sed tale votum est huiusmodi, vt constaret ergo.

Tum quia non videtur conueniens, vt mulier relicto domi viro cum gente armis munita, Hierosolymam, eodem inuito, profisciscatur: ergo par non est, vt dispositum in viro, ad vxorem extendatur.

Tum quia mulier non est ita apta ad subsidium, sicut vir, immo potius solet impedire.

Tum quia non potest mulier sic discurrete sine periculo castitatis, ac proinde nec tale votum facere, nec adimplere potest sine licentia mariti. Et ideo pro hac sententia sunt. D. Th. in 4. d. 32. q. unica art. 3. ad p. Palod. ibidem q. 2. art. 3. Sylu. v. votum §. q. 1. Sor. in 4. d. 32. q. unica art. 3. Roder. 2. p. sum. cap. 92. num. 8. Sayr. lib. 6. cap. 5. num. 10. & Suar. lib. 6. cap. 4. num. 15.

#### QVÆSTIO CCLXXXV.

*An alter coniugum possit sine alterius consensu se obligare ad non petendum debitum coniugale?*

1 **I**N hac proculdubio graui, & difficili questione primum oportet certa ab incertis, & ambiguis omnino discernere. Conuenit igitur inter omnes, post contractum matrimonium, & nōdum consummatum, posse vtrumque coniugem altero inuito tale votum emittere, illudque adimplere ingrediendo



grediendo religionem. Quia vt habetur ex cap. verum, & ex cap. Publico, post matrimonium contractum, sed nondum consummatum, datur spatium duorum mensium, vt possit deliberare, an religionem ingredi voluerit, an non. Quod si intrare religionem noluerit, tenetur debitum redde.

Secundò etiam conuenit, post consummatum matrimonium, posse alterum coniugum sine alterius consensu votum emitte se non petiturum debitum fauore sui, sed solum vbi alteri coniugi mos est copulam habere. Quia in hoc sibi soli praiudicat.

2 Tertiò etiam conuenit apud vniuersos, neutrum coniugum, post consummatum matrimonium, posse se obligare ad non reddendum debitum coniugale altero renitente. Ratio est, quia nemo potest per votum, alienum promittere.

Sed tota difficultas consistit: An alter coniugum post consummatum matrimonium, possit altero inuito, voto se obligare ad non petendum debitum coniugale?

3 Et quidem certum est, posse se obligare ad non compellendum consortem sibi reddere debitum. Quia hoc nullo modo est in alterius praiudicium, sed solum in praiudicium suum, cui renuntiare potest, ac proinde vnus non poterit tale votum alterius irritare.

## QVÆSTIO CCLXXXVI.

*Controversia igitur tota est: An alter coniugum possit absque alterius licentia se voto obligare ad non exigendum debitum?*

4 DOCTOR Angelicus in 4. dist. 32. q. vnica art. 4. ad 3. & in addis ad

3. p. 8. 64. art. 4. Nauar. cap. 12. num. 60. Arag. 2. 1. q. 88. art. 8. Valent. 2. 2. d. 6. q. 6. p. 6. Lop. 1. p. cap. 46. Vega 2. tom. cap. 129 casu 93. Emman. Sà verb votum num. 27. & multi alij absolute docent non posse tale votum emitte, sine alterius consensu; Ducunturque quia vergeret in graue praiudicium alterius, quem semper oporteret subire verecundiam in petendo debitum.

Victoria Sum. de matrimonio n. 280. & Angles de matrimonio sentiunt vxorem posse se tali voto ligare, non autem virum. Quia illi onerosum est prae pudore semper petere, huic autem minime.

At ego tamen libentiùs adhæreo 2 aliorum sententiæ, qui sentiunt hunc siue sit vir, siue vxor, posse tale votum emitte. Ratio est, quia quo ad hoc est sui iuris, nec vergit in praiudicium alterius, cum satis sit reddere, quando alter petit.

Et confirmatur, nam coniux non tenetur lege matrimonij petere, sed tantum reddere.

Et est conclusio definita in cap. Quidam de conuers. coniug. vbi sic habetur. Promissu se non exigere debitum, quod in eius potestate erat, idè quo ad hoc votum tenuit: non reddere autem non erat in eius, sed in alterius coniugis potestate. Et idè hanc partem sustinent Palud. in 4. d. 32. q. 2. art. 1. & Angel. verbo matrim. 4. §. 6. 3

Nec obstat ratio in contrarium adducta. Quia id votum non est ita onerosum, vt aduersarij opinantur, nam aliquoties potest petere, vt alteri morem gerat; & quoties in altero coniuge sentit vouens appetitum coitus, vel fornicationis periculum; quia petere 4 debitum in hoc casu, est potius reddere, alter enim tunc petit interpretatiuè vt rectè docet D. Tho. in 4. d. 38. q. 1. a. 3. q. 2. ad 4. Quod si adhuc sit aliquantulum onerosum, tenetur alter coniux id

R graua

grauamen subire, cum vouens utatur iure suo.

- 5 Ex quo colligitur votum hoc, cum sit duntaxat de debito non petendo, non obligare coniugem ad abstinendum à debiti redditione, quando ea est voluntaria ob alterius adulterium. Immo eo matrimonio soluto, posse aliud inire, animo non petendi. Nec adulterium admittens peccabit contra votum, quia non fuit castitatis, sed solum non petendi, cui nihil horum aduerfatur.

## QVÆSTIO CCLXXXVII.

*An alter coniugum possit absque alterius consensu votum castitatis emitte?*

- 1 IN qua re certi iuris est, post matrimonium contractum, & non consummatum, posse utrumque coniugem altero inuito votum castitatis emitte, illudque adimplere ingrediendi religionem. Quia ut habetur *ex cap. Verum. & ex cap. Publico.* post matrimonium contractum, & nondum consummatum datur spatium duorum mensium, ut possit deliberare, an religionem ingredi velit, necne. Quod si ingredi noluerit, tenebitur transacto bimestri ad coniugem redire, consummando matrimonium, cedendo, non autem petendo.

## QVÆST. CCLXXXVIII.

*Sed quod controuertitur inter Doctores est: An alter coniugum post matrimonium consummatum possit sine alterius licentia castitatem vouere?*

- 1 Thom. in 4. dist. 32. q. unica art. 4. Paludan. in 4. d. 38. q. 3. art. 5.

Supplem. Gabr. q. unica art. 2. Petr. à Soto *lect. 10. de matrim. 5. ult. Tab. verb. matrimonium 1. q. 3.* Armil. *verb. debitum num. 19.* Petr. de Ledefm. *de matrimonio q. 64. art. 4.* Barth. à Ledefmio *de matrimonio diff. 71.* Emman. Sa *verb. votum num. 27.* & plerique alij absolute negant, posse tale votum emitte, eo quod alteri coniugi sæpe sit molestum, & odiosum, maxime si sit vir, qui id votum fecit.

Abulensis *cap. 30. Numer. q. 82.* putat uxorem posse se tali voto ligare, non autem virum.

Alij vero rectius affirmant, posse utrumque tale votum emitte, tene-rique illud adimplere quoad non petendum debitum, non autem quoad non reddendum. Et ratio est, quia qui sic vouet, licet intendat integram castitatem vouere, at non vouet omnes eius actus per modum vnus: arque ita licet quidam actus, ut non reddere, sit malus, non desinet obligare votum quoad alios actus bonos, ut expressè colligitur ex cap. Quidam de conuersat. coniug. & ex cap. Placet de mulieri coniug. Et ideo ita tenent Caietan. 2. 2. q. 88 art. 8. Sot. *lib. 7. q. 3. art. 1.* Syluest. *verb. votum 4. q. 2.* Henric. *lib. 1. 1. de matrim. c. 25. n. 8.* & alij.

Ex quo sequitur primò votum hoc non solum obligare ad non petendum, sed etiam ad non ineundum aliud matrimonium, ut ex testibus supra citatis constat, vbi dicitur id votum eatenus obligare, in quantum coniux potuit se obligare: At certum est, potuisse se obligare ad abstinendum ab aliis nuptiis.

Secundò sequitur, id votum, cum obligare ad abstinendum à quouis actu libidinis extra matrimonium, eritque sacrilegus talis actus contra votum. Quia cum ad id se potuerit obligare coniux, censetur voto castitatis ad id se obligasse.

QVÆST.

## QVÆST. CCLXXXIX.

*An votum continentia, & non petendi debitum coniugale sit licitum?*

**R**ESPONDEO regulariter esse illicitum, & indiscrctum, nisi id fiat ex consensu coniugis, qui permittat vouenti, vt seorsim cubet. Ratio est, quia exponit se periculo violandi votum, si assidue cum coniuge cubet.

## QVÆSTIO CCXC.

*An si coniux voto castitatis adstrictus, post matrimonium consummatum debitum petit, alter qui non vouit, reddere teneatur?*

**S**YLVEST. verb. matrimonium 7. q. 5. Nauar. cap. 1. 6. num. 31. & Azor. lib. 11. cap. 21. q. 5. affirmant non teneri, quia hic ratione voti non habet ius exigendi. Immo Nauarr. docet, non solum non teneri alterum reddere, sed etiam peccare reddendo; quia qui reddit petenti cum peccato, cooperatur ipsius peccato.

Sed verius, ac probabilius multò est, quod docent Sotus in 4. dist. 31. q. unica art. 3. Couar. q. decret. 2. p. c. 3. §. num. 6. Med. lib. 1. sum. cap. 14. §. 6. & Sanch. lib. 9. de matrim. d. 6. num. 7. nempe hunc ad id teneri. Ducor, quia per votum non amittitur dominium corporis alterius coniugis per matrimonium acquisitum, licet petitio, & vsus redditus sit illicitus in ordine ad Deum, quia fides voti violatur; ergo tenetur coniux exactus reddere.

Tum quia qui reddit debitum, non cooperatur formaliter peccato exigentis; quia solum cooperatur copulæ ex sua natura licitæ coniugatis, & quam ipse ex iustitia tenetur alteri

reddere, quamvis aliunde sit peccatum in altero coniuge exigere.

Tum quia, si quis pecuniam suam exigat à debitore ad expendendam prodigè, alter eam reddere tenetur: sic etiam in casu nostro, quamvis coniux præcepto fraternæ correctionis petentem precibus auertere teneatur; si tamen alter instet; debitum reddere tenetur.

Opinio tamen Nauarri recipi potest, quando facile absque timore odij, indignationis, & incontinentiæ, qui non vouit, impedire potest peccatum alterius, qui cum voto, ac proinde cum sacrilegio debitum petit. Quia lex charitatis, fraternæque correctionis obligat ad retrahendum proximum à peccato mortali, vbi commodè absque suo detrimento fieri potest.

## QVÆSTIO CCXCI.

*An in casu quo coniux non tenetur reddere debitum alteri tali voto castitatis ligato, vt ratione adulterij, vel priori bimestri ante consummatum matrimoniū peccet, si debitum reddat?*

**C**OUARR. 4. decret. 2. p. cap. 3. §. 1. num. 6. putat eum peccare. Quia cum non teneatur reddere, videtur cooperari peccato exigentis.

At dicendum est, nullatenus hunc peccare reddendo debitum. Et ratio est, quia in hoc casu qui debitum reddit, non cooperatur peccato exigentis; sed eo aliunde supposito, solum cooperatur copulæ ex sua natura licitæ.

Tum quia si dubius de valore matrimonij petat debitum à non dubitante, potest hic qui non est dubius petere, & reddere: nam cum sit in possessione pacifica, potest vti plenè

R 2 sua

sua possessione, petendo, & reddendo debitum, nec aliquo modo illa spoliari/debet ob alterius dubium. Sic ergo in casu nostro, cum coniux innocens nullo voto sit adstrictus, non est cur ob votum alterius, quod solum vouentem afficit, iure, & possessione petendi, & reddendi priuetur.

Tandem petere debitum solum delectationis causa, est peccatum veniale, vt cum communi testatur Sotus in 4. dist. 31. q. unica ar. 3. & tamen nullum est peccatum reddere debitum petenti ex tali fine. Et ideo ita tenet Ledesma. 2. p. 4. q. 60. art. 4.

### QVÆSTIO CCXCII.

*An si coniux adulterium committat, teneatur alter qui voto castitatis ligatur, ei denegare debitum?*

**R**ESPONDEO teneri. Ratio est, quia tenetur suum votum seruare quantum potest sine alterius iniuria: tunc autem potest sine iniuria debitum denegare: ergo. Si tamen hic voto obligatus remitteret iniuriam adulterij alteri coniugi, aut pariter adulterium committeret, aut cognosceret coniugem adulteram, cum remissio illa teneat, & per hæc ipso facto amittat ius denegandi debitum, iam deinceps tenebitur reddere sicut prius. At talis remissio esset mortalis, quia sponte se reddit impotentem ad seruandum votum.

### QVÆSTIO CCXCIII.

*An coniux, cui iuxta prædicta, debiti redditio est libera, si vir instanter, & quasi cogens petat, possit absque culpa ei reddere debitum?*

**R**ESPONDEO posse. Ratio est, quia votum non obligat nisi ad instar legis; lex autem Ecclesiastica, non eo rigore compellit, vt velit nos subire magnum detrimentum pacis, pro illius obseruatione, esseque eam notabilem mutationem, vt votum prout tunc non obliget. Ita Abulen. cap. 30. Num. 4. 81. Vega 2. tom. sum. cap. 129. casu 77. & Anton. Gom. in Bulla clausula 10. num. 67.

### QVÆSTIO CCXCIV.

*An coniux qui continentiam vouit, possit aliquando debitum petere?*

**R**ESPONDEO posse, non quidem in gratiam sui, vt suo appetitui obsequatur, sed gratia coniugi complacendi, & ne ei onerosum sit matrimonium. Ratio est, quia hoc petendi genus est quodammodo reddere, cum in solius coniugis gratiam sit, quæ pro verecundia solet ab exactione debiti arceri. Sic enim tenent D. Tho. in 4. d. 38. q. 1. art. 2. q. 2. ad 4. Sot. in 4. d. 37. q. unica art. 1. & q. 38. quest. 2. art. 1. Nauart. cap. 16. num. 30. Cord. sum. 9. 136. Lop. p. 2. cap. 46. & multi alij.

Ex quo sequitur licitum esse viro ita voto ligato, exigere debitum, quoties voluntatem petendi in vxore non audente præ verecundia coniecerit. Quia id est in vxore petitio tacita, in viro autem redditio.

### QVÆSTIO CCXCV.

*Sed questio tota est de vxore tali voto adstricta: An videlicet possit aliquando debitum petere?*

**R**ESPONDEO non posse. Ratio est, quia cum nec viro indecens sit

fit, nec ipsum petere debitum coniugale pudeat, non redditur ipsi onerosum matrimonium, si semper dum appetit, cogatur exigere. Quare si ipsi non petenti mulier se offerat, censetur petere, quod ratione voti est sibi interdictum. Si tamen vir esset generis foemini, ita ut prae verecundia non auderet petere, tunc idem dicendum est de uxore eodem voto ligata: potest enim se aliquoties viro ad eum usum offerre, ab eoque debitum petere volente quidem coire, nec audente prae pudore petere. Nauarr. cap. 16 num. 10.

1. Hinc, licitum est coniugi, cui ratione voti petitio est interdicta, inuitare alterum, quem per signa agnoscit pati periculum ex graui tentatione carnis. Quia id, est reddere petenti interpretatiue.

Tum quia votum non obligat ad non petendum cum tanto detrimento salutis spiritualis alterius coniugis. Ita victoria sum. tract. de matrim. num. 293. Henric. lib. 12. de matrim. cap. 1. num. 9. & Palac. in 4. dist. 32. Immo puto teneri coniugem voto ligatum in tali casu petere, ut egregie docet Petr. de Soto lect. 14. de matrim. ad finem.

### QVÆSTIO CCXCVI.

*An si is qui votum castitatis emisit, periculum incontinentia patiatur, possit petere?*

1. **V**IGVERIVS lib. institut. cap. 16. §. 7. affirmat posse.

Cæterum absque dubio dicendum est hunc non posse debitum petere. Quia incontinentiæ periculum ipsiusmet vouentis, iustam causam præbet, ut secum à Prelato dispensetur, non autem vr ante eam obtentam possit

petere debitum, quia id nullo solido fundamento, aut iure licere probatur. Ita Couar. 4. decret. 2. p. cap. 7. §. 1. n. 5. & Gut. lib. 1. quest. Can. 623. n. 6.

### QVÆSTIO CCXCVII.

*An is, cui ratione voti prohibitum est petere, possit indicare alteri coniugi suum votum, ne eius petitionem expectet, reddaturque ei matrimonium onerosum?*

**R**ESPONDEO posse. Ratio est, 1. quia hoc non est exigere, quod solum interdicatur. Ita Palud. in 4. dist. 38. q. 3. art. 5.

### QVÆSTIO CCXCVIII.

*An voto castitatis adstrictus possit pronocare alterum coniugem, qui non vovit, ut debitum petat?*

**R**ESPONDEO non posse. Ratio 1. est, quia hoc exigere est, quod voto aduersatur.

### QVÆSTIO CCXCIX.

*An talis impeditus possit alteri, qui non vovit signa petitionis ostendere?*

**R**ESPONDEO non posse. Ratio 1. est, quia ea est petitio interpretatiua. Alter vero si reddat, non peccat, quia solum reddit debitum alteri, quod ex se est bonum, & ad quod lege iustitiæ tenetur. Ita Sanchez. lib. 9. de matrim. disp. 7.

num. 12.

R 3 QVÆST.

sua possessione, petendo, & reddendo debitum, nec aliquo modo illa spoliari debet ob alterius dubium. Sic ergo in casu nostro, cum coniux innocens nullo voto sit adstrictus, non est cur ob votum alterius, quod solum vouentem afficit, iure, & possessione petendi, & reddendi priuetur.

Tandem petere debitum solum delectationis causa, est peccatum veniale, vt cum communi testatur Sotus in 4. dist. 11. q. unica ar. 3. & tamen nullum est peccatum reddere debitum petenti ex tali fine. Et ideo ita tenet Ledesma. 2. p. 4. q. 60. art. 4.

### QVÆSTIO CCXCII.

*An si coniux adulterium committat, teneatur alter qui voto castitatis ligatur, ei denegare debitum?*

**R**ESPONDEO teneri. Ratio est, quia tenetur suum vorum seruare quantum potest sine alterius iniuria: tunc autem potest sine iniuria debitum denegare: ergo. Si tamen hic voto obligatus remitteret iniuriam adulterij alteri coniugi, aut pariter adulterium committeret, aut cognosceret coniugem adulteram, cum remissio illa teneat, & per hæc ipso facto amittat ius denegandi debitum, iam deinceps tenebitur reddere sicut prius. At talis remissio esset mortalis, quia sponte se reddit impotentem ad seruandum votum.

### QVÆSTIO CCXCIII.

*An coniux, cui iuxta prædicta, debiti redditio est libera, si vir instanter, & quasi cogens petat, possit absque culpa ei reddere debitum?*

**R**ESPONDEO posse. Ratio est, quia votum non obligat nisi ad instar legis; lex autem Ecclesiastica, non eo rigore compellit, vt velit non subire magnum detrimentum pacis, pro illius obseruatione, esseque eam notabilem mutationem, vt vorum pro tunc non obliget. Ita Abulen. cap. 30. Num. q. 81. Vega 2. tom. sum. cap. 129. casu 77. & Anton. Gom. in Bulla clausula 10. num. 67.

### QVÆSTIO CCXCIV.

*An coniux qui continentiam vovit, possit aliquando debitum petere?*

**R**ESPONDEO posse, non quidem in gratiam sui, vt suo appetitui obsequatur, sed gratia coniugi complacendi, & ne ei onerosum sit matrimonium. Ratio est, quia hoc petendi genus est quodammodo reddere, cum in solius coniugis gratiam sit, quæ pro verecundia solet ab exactione debiri arceri. Sic enim tenent D. Tho. in 4. d. 38. q. 1. art. 2. q. 2. ad 4. Sot. in 4. d. 37. q. unica art. 1. & q. 38. quest. 2. art. 1. Nauarr. cap. 16. num. 30. Cord. sum. q. 136. Lop. p. 2. cap. 46. & multi alij.

Ex quo sequitur licitum esse viro ita voto ligato, exigere debitum, quoties voluntatem petendi in vxore non audente præ verecundia coniecerit. Quia id est in vxore petitio tacita, in viro autem redditio.

### QVÆSTIO CCXCV.

*Sed questio tota est de vxore tali voto adstricta: An videlicet possit aliquando debitum petere?*

**R**ESPONDEO non posse. Ratio est, quia cum nec viro indecens sit

fit, nec ipsum petere debitum coniugale pudeat, non redditur ipsi onerosum matrimonium, si semper dum appetit, cogatur exigere. Quare si ipsi non petenti mulier se offerat, censetur petere, quod ratione voti est sibi interdictum. Si tamen vir esset generis fœminini, ita ut præ verecundia non auderet petere, tunc idem dicendum est de uxore eodem voto ligata: potest enim se aliquoties viro ad eum vsum offerre, ab eoque debitum petere volente quidem coire, nec audente præ pudore petere. Nauarr. cap. 16 num. 10.

- 2 Hinc, licitum est coniugi, cui ratione voti petitio est interdicta, inuitare alterum, quem per signa agnoscit pati periculum ex graui tentatione carnis. Quia id, est reddere petenti interpretatiue.

Tum quia vorum non obligat ad non petendum cum tanto detrimento salutis spiritualis alterius coniugis. Ita victoria sum. tract. de matrim. num. 293. Henric. lib. 12. de matrim. cap. 2. num. 9. & Palac. in 4. dist. 32. Immo puto teneri coniugem voto ligatum in tali casu petere, ut egregie docet Petr. de Soto lect. 14. de matrim. ad finem.

### QVÆSTIO CCXCVI.

*An si is qui vorum castitatis emisit, periculum incontinentia patitur, possit petere?*

- 1 **V**IGVERIVS lib. institut. cap. 16. §. 7. affirmat posse.

Cæterum absque dubio dicendum est hunc non posse debitum petere. Quia incontinentiæ periculum ipsiusmet vouentis, iustam causam præbet, ut secum à Prelato dispensetur, non autem ut ante eam obtentam possit

petere debitum, quia id nullo solido fundamento, aut iure licere probatur. Ita Couar. 4. decret. 2. p. cap. 7. §. 2. n. 5. & Gut. lib. 1. quæst. Can. 23. n. 6.

### QVÆSTIO CCXCVII.

*An is, cui ratione voti prohibitum est petere, possit indicare alteri coniugi suum votum, ne eius petitionem expectet, reddaturque ei matrimonium onerosum?*

**R**ESPONDEO posse. Ratio est, quia hoc non est exigere, quod solum interdictur. Ita Palud. in 4. dist. 38. q. 3. art. 5.

### QVÆSTIO CCXCVIII.

*An voto castitatis adstrictus possit pronocare alterum coniugem, qui non vovit, ut debitum petat?*

**R**ESPONDEO non posse. Ratio est, quia hoc exigere est, quod voto aduersatur.

### QVÆSTIO CCXCIX.

*An talis impeditus possit alteri, qui non vovit signa petitionis ostendere?*

**R**ESPONDEO non posse. Ratio est, quia ea est petitio interpretatiua. Alter vero si reddat, non peccat, quia solum reddit debitum alteri, quod ex se est bonum, & ad quod lege iustitiæ tenetur. Ita Sanchez lib. 9. de matrim. disp. 7.

num. 12.

R 3 QVÆST.

## QVÆSTIO CCC.

*An is qui non vovit, possit prouocare vouentem ut petat?*

**R**ESPONDEO non posse. Ratio est, quia hoc est prouocare ad peccatum quod non licet.

## QVÆSTIO CCCI.

*An coniuges voto castitatis ligati sentientes se affectare copulam, & petituros si eis liceret, possint licitè commisceri?*

**R**ESPONDEO posse. Ratio est, quia tunc neuter verè petit, sed reddit, cum neuter in gratiam sui, sed alterius accedat. Quod est verum, etsi communi consensu id votum emiserint; quia licet se non petituros promiserint, reddere tamen tenentur, illaque copula est quodammodo redditio. Et ita tenent Rosel. *verb. impedimentum, impedimento 4. num. 7.* Angel. *verb. matrim. 3. impedimento 5. n. 5.* & Emman. Sa *verb. debitum coniugale verb. cum uterque.*

## QVÆSTIO CCCII.

*An qui cum voto castitatis matrimonium contraxit, teneatur post matrimonium cōsummatum debitum reddere, si à coniuge expressè, vel tacitè exigatur?*

**R**ESPONDEO teneti. Ratio est, quia hic non obstante tali voto verum corporis sui dominium transtulit in alterum: maior autem est obligatio matrimonij, per quam fit hæc actualis corporum traditio, quàm

voti simplicis, quod metam promissionem importat: ergo si alter debitum exigit, tenetur ei reddere, quod si recusat, contra iustitiam peccat.

Dixi consultò (si alter debitum exigit) quia si non exigatur tanquam iure debitum, sed quasi ab amico petatur, atque adeò sine iniuria negari possit, præualere debet obligatio voti. Vnde falsa est eorum opinio, qui tenent post matrimonium semel consummatum licitum esse ei petere debitum; nisi cum D. Thom. intelligatur, quando ob alterius verecundiam, talis petitio interpretatiua redditio esset.

## QVÆSTIO CCCIII.

*An coniux conscius voti alterius, peccet si cum ipso matrimonium contrahat?*

**R**ESPONDEO peccare. Ratio est, quia contrahendo, eius peccato cooperatur. At contracto, & semel consummato matrimonio adhuc potest debitum petere, & alter tenetur sibi reddere, quia per illud matrimonium quamvis sacrilegum, verum ius, ac dominium in alterius corpus acquisiuit, nec ipse vovit, vel alterius voto consensit. Ita Sylu. *verb. matrimonium 7. q. 5.*

## QVÆSTIO CCCIV.

*An qui voto castitatis adstrictus matrimonium contraxit, possit debitum petere?*

**A**NGELVS *verb. matrimonium 3. impedimento 5. num. 3.* Veractus *p. p. Spec. art. 5. & Viger. lib. institut. cap. 16. §. 7.* sentiunt posse hunc tali voto ligatum, vbi semel matrimo-



nium consummauit, iam deinceps debitum petere, ac si nil vouisset. Hanc opinionem censent esse valde probabilem Vega 2. tom. sum. cap. 129. casu 118. & Emman. Sa verb. debitum coniugale vers. contrahens matrimonium.

At verissima sententia est, hunc tali voto ligatum, non posse debitum petere. Ratio est, quia coniux quod attinet ad debitum exigendum sui iuris est, & potuit se voto castitatis adstringere, & suo iuri petendi debitum cedere, ergo quoad fieri potest, tenetur suum votum seruare, ac proinde peccat contra votum, petendo debitum.

Et est conclusio definita in cap. Quidam de conuersat. coniugat. vbi sic habetur. *Promisit se non exigere debitum, quod in eius potestate erat, ideo quo ad hoc votum tenet.*

### QVÆSTIO CCCV.

*An qui post simplex votum castitatis, matrimonium contraxit, toties peccet mortaliter, quoties coniugale debitum petit?*

**H**OST. & Calder. in cap. Rursus qui clerici, docent eum semel tantum peccare, cum primum debitum petit, postea vero non item, alioqui enim matrimonium esset alteri coniugi molestum, & onus intolerabile. Quam sententiam Angelus verb. matrimonium 3. impedimento 5. num. 3. censet esse probabilem.

Verum communis sententia Doctorum est, hunc toties peccare mortaliter, quoties debitum petit. Ratio est, quia votum castitatis includit obligationem præcepti negatiui; per illud enim vouens obligatur ad abstinendum ab omni actu libidinis: ergo obligat semper, & ad semper; ac proinde toties peccat mortaliter, quoties suum votum violat petendo de-

bitum, nisi id faciat ad voluntatem alterius coniugis expressam, vel tacitam, ita vt potius reddere, quàm petere videatur. Et ideo ita sentiunt D. Thom. in 4. dist. 38. q. 1. art. 2. q. 2. ad 4. Caiet. 2. 2. q. 154. art. 1. ad 4. & in sum. verb. matrimonium c. ult. & verb. votum cap. votorum omisso. Sot. in 4. d. 38. quest. 2. art. 1. Cord. sum. q. 136. p. 2. Henriq. lib. 11. de marr. cap. 15. num. 8. Arag. 2. 2. q. 88. art. 3. Valent. 2. 2. d. 6. q. 6. p. 4. Lop. p. 1. cap. 50. Nau. c. 16. num. 30. & cap. 22. num. 73. Roder. p. 1. cap. 241. num. 3. & cap. 243. nu. 13. Couar. 4. Decret. 2. p. cap. 3. §. 1. num. 6. Tolet. lib. 4. cap. 18. Sa verbo debitum coniugale, vers. contrahens matrimonium Salôn 2. 2. q. 62. art. 8. & multi alij.

### QVÆSTIO CCCVI.

*An si uterque coniugum simplici voto castitatis ligatus matrimonium contraxit, tutia conscientia possit vicissim petere, & reddere debitum?*

**S**OTVS lib. 7. q. 3. art. 1. & Azor. lib. 11. cap. 21. q. 5. asserunt neutrum posse petere, aut reddere debitum: non primum, quia uterque est potestate petendi priuatus. Non secundum, quia cum neuter habeat ius exigendi, eo ipso alterutri non licet reddere.

Cæterum contraria sententia est multò probabilior. Ducor, quia cum per id matrimonium uterque transfunderet verum sui corporis dominium in alterum, nec votum emissum prius iure iustitiæ erga alterum sibi debitorem, tenebitur uterque alteri petenti reddere debitum. Et ideo tueritur hæc partem Adrian. quod lib. 2. ar. 1. Angel. verb. matrimonium 3. imped. 5. num. 5. Tab. verb. impedimentum, impedimento 2. q. ult.

2. 7. ult. Lop. p. p. cap. 46. Petr. de Le-  
delin. de matrim. q. 53. art. 1. & Angl.  
floribus de matrim.

### QVÆSTIO CCCVII.

*An coniux qui consensit voto  
continentia alterius, possit postea  
ab eo debitum petere, & subinde  
alter reddere teneatur?*

1. **A** BVLEN. cap. 30. num. 9. 81. Stu-  
nica de voto q. 3. num. 62. Palud.  
in 4. d. 32. q. 3. art. 2. & Adu. in 4. d. 14.  
de matrimonio sentiunt cum non possit  
petere, quia cum dedit vouendi fa-  
cultatem, videtur iuri suo petendi  
cessisse. Quare si is qui licentiam co-  
cessit, postea debitum petat, vouen-  
tem non teneri reddere, & si reddat,  
peccatum mortale committere.

2. Oppositum tamen est verius, atque  
tenendum. Ratio huius est, quia per  
talem consensum non censetur ces-  
sisse iuri suo quod habet petendi, sed  
solum ut alter non possit petere debi-  
tum ab eo, sed reddere. Et ideo ita  
sentiunt Nauas. cap. 12. num. 59. Sot. in  
4. d. 17. q. 3. art. 4. & lib. 7. quest. 3. art. 1.  
Med. lib. 1. c. 14. § 6. Lop. p. 1. c. 46. Vgo-  
lia. de matrim. cap. 30. num. 2. Roder.  
p. 1. cap. 243. num. 14. Vega 1. 10. c. 129.  
casu 77. & Emman. Sà verb. debitum  
conjugale num. 2.

### QVÆSTIO CCCVIII.

*An si unus coniux consentiat, ut  
alter omnimodam continentiam  
voveat, ita ut non possit petere,  
nec reddere debitum, is qui vo-  
uit possit reddere alteri petenti?*

1. **C** O S M. Philarch. de off. Sacerd.  
1. om. 1. p. 2. lib. 3. cap. 4. negat.  
Alij vero è contrariò affirmant.

Sed ut meam sententiam expli-  
cam, suppono primò eum qui talem  
licentiam concessit, posse validè id vo-  
tum quoad non reddendum irritare  
absque causa, sed peccare mortaliter; 2  
& cum causa, nullum peccatum com-  
mittere, ut inferius dicemus.

Secundò etiam suppono, esse taci-  
tam irritationem, quando conscius  
alterius voti de sua licentia emissi, de-  
bitum petat. At semel tali voto irrita-  
to, nullum esse peccatum debitum  
petere, quia præmissa irritatione, non  
manet voti obligatio.

3. Quibus sic præsuppositis ad pro-  
positam quæstionem respondeo sic.  
Si coniux siue vir, siue femina prius  
irritet votum illud de licetia sua emis-  
sum, quo ad obligationem non red-  
dendi, non peccat, si postea debitum  
petat, & alter tenetur de iustitia red-  
dere. Quia facta irritatione, iam om-  
nino extincta est obligatio voti. Immo  
si nolens coniux votum irritare, debi-  
tum petat, peccat quidem mortaliter  
petendo, at alter tenetur de iustitia  
reddere. Et ratio est, quia coniux per  
talem licentiam non abdicat à se ius  
iustitiæ in corpus coniugis, unde si  
petat, erit sacrilegus contra votum, at  
alter tenebitur reddere tanquam rem  
suam poscenti. Sicut Prælati dantes li-  
centiam religioso aliquid vouendi, si  
id votum irritet sine causa, peccat  
quidem mortaliter contra votum; at  
irritatio tenet, quia Perjurus per ta-  
lem licentiam non definit esse supe-  
rior, nec censetur amisisse ius illud  
quod habet in subditum quo ad illam  
actionem, ut D. Bonau. in 4. diff. 32. in  
expositione litæ a num. 4. & Sanch. lib. 9.  
de matrim. disp. 36. nu. 7. tradunt.

### QVÆSTIO CCCIX.

*An si coniux qui de licentia alterius  
censuratur*

*castitatem vouit, debitum petat, is qui talem licentiam concessit, non tamen vouit, teneatur debitum reddere?*

1 **N**AVARR. cap. 12. num. 59. & cap. 16. num. 31. Lop. 1. p. cap. 46. Roder. 2. p. sum. cap. 92. num. 5. & Vega 2. tom. cap. 129. cap. 77. putant non teneri, immo mortaliter delinquere, si reddat, quia cooperatur peccato petentis contra votum.

2 Sed verius, ac probabilius multò est, quod docent Palud. in 4. d. 32. q. 2. art. 2. Henric. lib. 11. de matrimonio cap. 15. num. 8. & Roder. sibi contrarius p. sum. cap. 243. num. 14. scilicet cum nullum peccatum committere reddendo, immò teneri sub mortali reddere. Ratio est, quia votum non priuat vouentem iure iustitiæ, quod habet ut alter coniux sibi reddat, qua ratione tenetur qui non vouit reddere debitum coniugi voto obligato; ergo si petiit, alter reddere tenetur.

### QVÆSTIO CCCX.

*An si uterque coniugum communi consensu post matrimonium contractum vouit continentiam, possit vicissim petere, aut reddere debitum?*

1 **V**ERACRVS p. spec. coniug. art. 15. in fine ait neutrum posse petere, at vtrumque teneri reddere.

At ego existimo neutrum posse sub mortali petere, aut reddere. Ratio est, quia eo ipso quod vterque ex mutuo consensu continentiam vouit, vterque videtur cessasse iuri suo, quod habebat petendi debitum. Ac proinde neuter ratione matrimonij tenetur reddere, immo nec potest, quia ratione voti castitatis tenetur continere, quando-

cumque sibi per matrimonium licuerit.

Et est conclusio definita in cap. Quod Deo 33. quæst. 5. vbi sic habetur. *Quod Deo pari consensu voueratis, perseueranter vsque in finem reddere debui- stis, à quo propositio si ille lapsus est, in saltem instantissime perseuera.* Et ideo ita sentiunt Nauarr. cap. 12. num. 59. & cap. 26. num. 31. Soc. in 4. d. 27. q. 1. art. 1. Henric. lib. 11. de matrim. cap. 15. num. 8. Arag. 2. 2. q. 88. art. 8. Roder. p. p. sum. cap. 243. num. 14. Vega 2. tom. cap. 129. casu. 68. Lop. p. p. cap. 46. & Azor. lib. 11. cap. 21. q. 5.

Ex quo sequitur solum Romanum Pontificem posse dispensare in huiusmodi voto, quia absolute reputatur votum integræ castitatis, cum de consensu vtriusque renúciauerint ius petendi, & soluendi.

### QVÆSTIO CCCXI.

*An votum non petendi, nec reddendi, mutuo coniugum consensu emissum, sit licitum?*

1 **P**ALVD. in 4. dist. 32. quæst. 2. art. 2. tenet esse illicitum, nisi coniuges sint senes, ac de incontinentia minimè suspecti.

Sed dicendum est id votum per se esse licitum, & honestum. Et ratio est, quia per id votum nulli irrogatur iniuria: ergo est licitum. Et est conclusio definita in cap. Quod Deo 33. q. 5. vbi dicitur. *Tanto sanctius inter vos coniuges manebatis, quanto sanctiora, ac concorditer placita seruabatur.* Et in cap. Sunt qui dicant 27. q. 2. vbi habetur. *Si vero vtrisque conueniat continemem vitam ducere, hoc quis audeat accusare.*

Dixi notanter (per se) quia ratione periculi, cui vouentes se exponunt violandi votum, si assidue in eodem

cubili dormiant, potest tale votum esse illicitum, & lethale peccatum. Sor. in 4. d. 27. q. 1. art. 4. & Vic. sum. de matrim. num. 280.

### QVÆSTIO CCCXII.

*An mutuum pactum non petendi, nec reddendi, communi placito emissum, sit validum?*

**H**VG O Card. 1. Corint. 7. explicans illa verba: *Nisi forte de consensu ad tempus*, ait, pactum non petendi esse validum, non autem non reddendi.

At tanquam certum tenendum est, tale pactum non petendi, nec reddendi mutuo consensu initum esse validum. Et ratio est, quia nulli eo pacto irrogatur iniuria.

Tum quia possunt coniuges se mutuo voto ad id obligare, ut constat, ergo & mutuo pacto. Consequentia patet ex paritate rationis. Poterunt tamen coniuges in hoc casu sibi vicissim hoc pactum remittere, & redire ad usum matrimonij. Quia *omnis res per quas. cuiusque causus nascitur, per easdem dissolvitur* cap. 1. de reg. iuris. Cum ergo mutuo pacto id conuentum sit, nec Deo sit promissa ea continentia, poterunt licite mutuo consensu id pactum dissolvere. Ita Nau. cap. 12. num. 59. Henric. lib. 11. de matrim. c. 15. num. 8. Lop. p. p. c. 46. Roder. p. p. sum. c. 243. num. 14. & alij.

### QVÆSTIO CCCXIII.

*An pactum de non petendo, vel reddendo debitum iuramento firmatum, possit mutuo consensu remitti?*

**R**ESPONDEO si id iuramentum sit factum solum in fauorem vtriuf-

que coniugis, ut vterque à seruitute coniugali sit liber, poterit mutuo consensu illud remitti, quia vnusquisque potest suo fauori cedere: secus si intuitu pietatis, ut continentiam ad Deum cultum obseruarent, tale pactum inierint, quia tunc non possent mutuo consensu ab eo recedere. Et in dubio intentionis idem puto dicendum, quia præsumitur intuitu pietatis id effectum esse. Si verò vnus coniux nolit remittere pactum, sed illi stare, non tenetur alter reddere debitum, quia per pactum ius acquisiuit, ut liber sit ab ea obligatione. At si periculum sit incontinentiæ in altero, credo teneri reddere, non quidem ex iustitiæ lege, sed ex charitate ad subueniendum periculo ruinæ coniugis.

### QVÆSTIO CCCXIV.

*An votum cuius emissum de licentia alterius coniugis, teneat, si alter postea licentiam reuocet?*

**D**E hac questione illud est certum, & compertum omnibus, quod si vnus coniugum continentiam vouit de consensu alterius, si alter reuocet sine causa facultatem, quam dedit, peccat mortaliter.

### QVÆSTIO CCCXV.

*An verò talis renocatio sine infla causa facta, sit valida, in controuersia versatur.*

**I**LLVSTRISSIMVS Caietan. som. 1. 1. opusc. 31. resp. 14. dub. 4. Nau. cap. 12. num. 59. & Cosm. Phil. de off. Sacerd. p. 2. lib. 3. cap. 4. tenent non valere, ac proinde non posse alterum qui de licentia alterius tale votum continen-

tiae

eius emisit, reddere debitum alteri, quia sic cooperaretur eius peccato, iuxta illud. Rom. 1. *Digni sunt morte, &c.*

At verò Sorus l. 6. q. 3. ar. 1. Arag. 2. 2. q. 88. ar. 8 & Roder. 1. p. sum. c. 91. num. 4. probabilius existimant, talem reuocationem valere, postquæ coniugium absque peccato reddere debitum præteriti post reuocationem. Ratio est, quia talis redditio fit ob finem honestum; ut scilicet ad fidem promissum in matrimonio, & iustitiam conservandam: & idè quāvis alter petendo peccat mortaliter contra votum, quia tamen adhuc habet ius iustitiæ ad petendum debitum coniugale, alius ex iustitia tenebitur reddere quod suum est.

### QVÆSTIO CCCXVI.

*An qui votum castitatis emisit, & deinde voto neglecto, matrimonium contraxit, & consummavit, possit eo matrimonio soluto ad secundas nuptias transire?*

- 1 **R**ESPONDEO non posse. Ratio est, quia obligatio est perpetua, id est, usque ad mortem, estque præstanda, quantum status præsens patitur. Non peccat tamen illud postea consummando, si ad alterius instantiam id faciat.

### QVÆSTIO CCCXVII.

*An præcet mortaliter, qui post votum simplex castitatis matrimonium contrahit?*

- 1 **I**N qua re vnum certum est, alterum verò dubium valde, & controversum. Certum est enim, quod

qui post votum simplex castitatis ante obtentam dispensationem summi Pontificis matrimonium contrahit, animo illud consummandi, peccat mortaliter. Ratio est, quia id facere nequit nisi violando votum.

### QVÆSTIO CCCXVIII.

*Controversia igitur tota est de eo, qui post votum emissum, voluntate ingrediendi religionem ante consummationem contrahit?*

**D**OCTOR subtilis in 4. dist. 38. q. 1. Caetan. in sum. verb. matrimonium, Angel. verb. matrimonium, impedimento 5. & Tabien. ibidem 2. q. 5. negant ea ratione, quia post matrimonium ratum, nondum consummatum, cuique coniugi fas est ad religionem ingredi cap. Ex publico 7. de conversat. coniugat.

Cæterum nullatenus placet mihi hæc sententia, sed existimo in vniuersum, eum qui post simplex votum castitatis, etiam animo non cōsummandi, contrahit matrimonium, peccare mortaliter. Ratio est, quia facit contra prohibitionem iuris in re graui. Cap. Rursus qui clerici, vel Pœnentes. Et cap. Si quis 27. q. 1. ergo peccat mortaliter.

Tum quia matrimonium idè contrahitur, ut postea consummetur; nam qui contrahit, debet habere intentionem illud consummandi. Vnde in disto cap. Pœnentes 27. q. 1. ex Hieronymo dicitur; *Pœnitem suam virginatatem non solum nubere, sed etiam velle nubere, damnum est.* At consummatio est contra votum castitatis emissum: ergo peccat mortaliter.

Tum quia qui matrimonium contrahit, regulariter se exponit periculo illud consummandi contra votum.

3 Tum quia qui sic matrimonium contrahit, alteri facit iniuriam, quippe quæ non ita facilè alij nuber, ob suspicionem copulæ cum illa habitæ.

Tum demum, quia futura profectio incerta est, utpote in aliorum arbitrio posita, atque adeo si dimittatur, vel non admittatur, à sponsa compelleretur consummare.

4 Nec obstat *cap. Ex publico* allatum, quia etli noui coniuges de iure possint se sead religionem conferte, si Deusillis interea propositum religionis inspiret; tamen quando contrahunt, non possunt animum determinatum intrandi habere: neque ius id eis concedit: solum enim ius tribuit facultatem ingrediendi, supponens contractum bona fide esse initum.

### QVÆSTIO CCCXIX.

*An qui post votum simplex castitatis, matrimonium peccando contraxit, illud prima vice consummando, peccatum denuo committat?*

1 **M**AGISTER SOTUS in 4. d. 38. q. 2. art. 1. Cord. in sum. q. 136. Henric. lib. 12. de matr. cap. 2. num. 8. Cofm. Phil. de off. Sacerd. 10. 1. p. 2. lib. 3. cap. 19. Emman. Sà *ver. b. matrimonium cap. de impedimentis dirimentibus, ubi de impedimento voti.* & Vega 2. tom. cap. 129. casu 118. distinguunt. Aut qui voto tenetur, matrimonium consummat. debitum petendo, & sic denuo in peccatum incurrit, quia petendo, & exigendo debitum, votum violat: aut consummat debitum reddendo, & sic nullum peccatum committit, cum ius alteri coniugi debitum soluat.

2 At D. Thom. in 4. dist. 38. q. 1. art. 3. q. 2. ad 3. & 2. 2. q. 189. ar. 8. ad 3. Scot. in 4. d. 38. quæst. unica ad finem Caiet.

*verb. matrimonium cap. 1. Tolet. lib. 4. cap. 18. Azor. lib. 11. cap. 21. q. 2. Nauar. cap. 12. num. 80. & cap. 22. num. 73. & Couar. de pactis 1. p. 3. 6. nu. 8. generaliter docent eum mortaliter delinquere, dum prima vice matrimonium consummat siue petendo, siue reddendo. Ratio est, quia ante consummationem potest votum illud castitatis implere ingrediendo religionem, quam potestatem sibi adimit consummando; ergo peccat mortaliter.*

### QVÆSTIO CCCXX.

*Totum huius controuersie dissidium in hoc consistit: An qui post huiusmodi votum, matrimonium contraxit, antequam illud consummet, ingredi religionem teneatur, ut suo voto satisfaciat?*

**D** THOM. SOTUS, Caietan. Tolet. 1 Azor. Nauar. & Couar. docent hunc ex vi voti teneri, etiam reclamante altero coniuge, religionem ingredi, ut votum castitatis seruet; quia cum hac sola ratione possit ante matrimonium consummatum votum castitatis persolvere, id præstare tenetur; & sibi imputer quod cum potuerit castitatis votum seruare manendo in sæculo, voluit sciens ac prudens matrimonium contrahere.

At verò Sotus, Corduba, Henric. Cofm. Philiar. Emman. Sà, Vega & multi alij docent non teneri hunc, religionem ingredi ut votum castitatis impleat, ac proinde minime delinquere matrimonium consummando, reddendo debitum. Et hæc opinio mihi videtur verior, atque tenenda. Ductor, quia hic castitatem, & non religionem vouit: quam ut seruet, non videtur vlla lege compelli ad religio-  
nis

nis ingreffum, rem nimis arduam, & intentione vouentis non comprehensam.

Pum quia ingredi religionem non est medium proportionatum, sed longe difficilius, & altioris ordinis, & nemo tenetur rem furto ablatam alteri restituere, patiendo iacturam in te altioris ordinis, vt pecuniam cum vitæ, aut famæ, aut proptiæ libertatis detrimento. Immo qui debet centum, & non potest ea soluere, nisi cum notabiliter maiori propriæ rei familiaris iactura, ad id minime tenetur. At talis profectò est religio, respectu continentie promissæ, nam religiosus & libertatem, & omnia propria bona amittit; non ergo cum tanta iactura tenetur votum castitatis seruare, ac proinde non peccat consummando matrimonium ad coniugis petitionem, & satis est, quod votum adimpleat meliori modo quo potest, saluo statu matrimonij, nempe reddendo debitum, & non petendo.

3 Tandem est conclusio definita in cap. unico extrinsec. *Antiqua concorsatione de voto* vbi Ioannes 22. decernit initiatum ordine sacro post matrimonium ratum, nondum consummatum non teneri ad religionem, vt votum castitatis obseruet, sed post biennale iure concessum teneri reddere debitum.

Ex quo loco sic argumentor. Si is qui post matrimonium ratum & nondum consummatum ad Sacros ordines ascendit, ac per consequens solemnne votum castitatis emisit, non tenetur religionem ingredi, vt suo voto satisfaciatur, multò minus, qui post votum simplex castitatis duxit uxorem, tenetur religionem intrare, vt suum votum seruet, ac proinde poterit ad petitionem uxoris matrimonium consummare.

4 Hoc idem dicendum est de eo qui

post matrimonium nondum consummatum castitatem vouit. Non enim tenetur religionem ingredi, vt votum adimpleat, sed satis est vt à petendo absteat: rationes enim supetius allatæ hoc idem probant.

## QVÆSTIO CCCXXI.

*An qui post votum assumendi ordines sacros, matrimonium contrahit, peccet prima vice consummando?*

PETR. de Ledefin. de matrimonio 1 q. 53. art. 1. & Roder. p. p. sum. cap. 241. num. 3. tenent hunc peccare, ac proinde teneri intrare religionem.

Sed contrarium videtur mihi verius: quia, vt dixi, hic non tenetur ingredi religionem: ergo non peccat matrimonium consummando; etiam ad sui petitionem, quia id votum non obligat ad castitatem: & sic vbi seruari nequit, vt contingit post matrimonium ratum, ad nihil obligat stante eo impedimento: at eo cessante, vt si cōtingat alterum mœchari, tenebitur innocens ad ordinem promoueri. Atque ita nec petere, nec reddere poterit.

Idem dicendum est de eo, qui post votum non incundi matrimonium. uxorem duxit: non enim tenetur ante consummationem, religionem ingredi, vt votum suum impleat, ac proinde nullum peccatum committit, si ad sui petitionem matrimonium consummet. Quia id votum non obligat ad castitatem.

## QVÆSTIO CCCXXII.

*An qui votum non contrahendū matrimonium emisit, teneatur eo*

S 3 contra

*contracto à debiti petitione abstinere?*

**P**ALVD. in. 4. d. 38. q. 3. art. 5. & Nauart. cap. 16. num. 30. affirmant teneri. Eiusdem opinionis est Caietan. in opuscul. tom. 2. tract. 1. de voto quest. 1. quia putat votum non nubendi æquipollere voto castitatis, & consequenter à solo Papa dispensari posse in tali voto.

At omnino tenendum est, hunc posse reddere, & petere debitum. Ratio est, quia id votum solum habet pro obiecto non contrahere matrimonium; & si obliget ad abstinendum ab omni vxorio concubitu, non est per se, & primario, sed mediatè, & supposito ipso matrimonio non contrahendo, quæ fuit primaria, & immediata voti materia: ergo quando primaria materia non est possibilis, quia contractum est matrimonium, non obligabit ad secundarium, nempe ad abstinentiam ab eius usu, nisi ita viuens voluerit expresse ad integram castitatem se obligare. Tenetur tamen vouens mortuo altero coniuge ab alio matrimonio abstinere. Quia votum non erat extinctum, sed suspensum durante matrimonij impedimento. Ex idè ita tenent Sor. lib. 7. q. 2. art. 1. & in 4. d. 38. q. 1. art. 1. Barth à Ledesm. dub. 31. de matrim. in fine, Petr. de Ledesm. de matrim. q. 53. art. 1. Vega 2. tom. sum. cap. 129. casu. 76. & alij.

Hinc, si is qui tale votum emisit, fornicetur, non peccat duplici peccato, vno fornicationis, altero sacrilegij, vt Caietanus perperam affirmauit, sed vno tantum simplicis fornicationis peccato, cum tale votum non æquipolleat voto castitatis.

Ex quo sequitur votum hoc non esse reservatum Papæ, sed Episcopum in eo dispensare posse, cum non sit votum castitatis,

## QVÆSTIO CCCXXIII.

*An qui vouit religionem ingredi, peccet mortaliter contrahendo?*

**R**ESPONDEO peccare, non solum contrahendo, verum etiam consummando. Ratio est, quia eligit statum, qui cum religione pugnat, & ante consummationem adhuc suum votum implere potest: post consummationem verò iam licitus est viroque modo coniugij vsus.

## QVÆSTIO CCCXXIV.

*An religiosus sine superioris sui licentia possit aliquid valide vouere?*

**P**ALVD. in 4. dist. 38. q. 3. art. 1. Richard. ibidem q. 3. art. 1. Angel. verb. votum 2. num. 5. Rosell. verb. votum 2. num. 24. & Valent. 2. 2. d. 6. q. 6. p. 6. tenent religiosum nullum votum posse emitte absque sui superioris licentia, quod si emittat, illud esse irritum, & nullum. Ducunturque hi in eam sententiam, quia votum non fit sine voluntate: religiosus autem non habet velle, aut nolle, quia totum est sub voluntate Prælati: ergo.

Alij verò Doctores non minoris nominis docent religiosum posse aliqua vota valida, & obligatoria emitte sine superioris consensu. Sic Caietan. 1. 2. q. 88. art. 8. Sor. lib. 7. q. 3. art. 1. Arag. 2. 2. q. 88. art. 8. Nauart. cap. 12. num. 67. Lop. p. p. cap. 48. Tolet. lib. 4. cap. 17. Roder. 2. p. sum. cap. 91. num. 3. & Azor. lib. 1. cap. 16. q. 7. Pro quo.

Primo dico, quod religiosus potest licite, & meritorie ea omnia bona opera vouere, quæ nec regulæ, nec superioris præcepto repugnant, nec

cum



3 eum à debito illius obsequio retrahunt. Ratio est, quia vouere per se est opus consilij, & aliàs non est religiosum prohibitum; ergo.

Et confirmatur, nam cum ea materia nullo pacto sit interdicta, & sit bona, est apta voto emittendo, & quamdiu non interdicitur, est sita in vouentium potestate; ergo huiusmodi vota sunt licita & meritoria, & statim obligant nullo expectato superioris consensu, donec ipse executioni contradicat. Talia sunt vota orandi, ieiunandi, &c.

4 Hinc, religiosus potest licitè vota personalia emittere de rebus positis sub præcepto, vt de non occidendo, non fornicando, &c. quia huiusmodi vota nullam conditionem imbitam includunt ex parte materiae: & ideo statim, & semper obligant, quousque legitimè à Prælato irritentur.

5 Hinc, religiosus potest licitè, & validè vouere de actibus suæ regulæ, ad firmandam suam voluntatem, & augendam obligationem in eorum obseruantia. Ratio est, quia huiusmodi non solùm sunt honesta, sed etiam sunt opera supererogationis, quia assumit tale votum, vt medium perueniendi ad perfectionem.

Hinc, religiosus potest licitè emittere vota de operibus supererogationis, quæ nec à Regula prohibentur, nec præcipiuntur. Ratio est, quia materia huiusmodi votorum est per se honesta, & opus supererogationis, & ideo statim obligant, licet inuoluant nisi superior resisterit.

6 Hinc, religiosus potest licitè, & validè vouere materiam excedentem obligationem suæ Regulæ, nempe transitum ad strictiorem religionem. Ratio est, quia tale votum est de meliori bono, quod per regulam prohiberi non potest, cum non sit contra Regulam, sed super illam, & ideo nul-

lam conditionem includit, dependentem à voluntate superioris.

Obiicies: religiosus non potest absque licentia sui Prælati strictiorem religionem ingredi: ergo votum inuoluit hanc conditionem.

Respondeo primò religiosum posse emittere tale votum sine licentia superioris.

Secundò, posse etiam illud implere sine licentia obtenta, & ideo quantum ad hoc nullam conditionem includit, licet non possit de facto transire sine licentia saltem petita ex ordinatione iuris.

Dices: in cap. Monach. 20. q. 4 habetur, *Monacho non licet vota vouere sine consensu Abbatis sui, si autem vouerit, frangendum erit.*

Respondeo ex hoc capite potius nostra sententia comprobatur; nam cum dicitur, frangendum est, satis indicat tale votum non esse ipso iure fractum, ac nullum.

Secundò dico, quod si religiosus vouit aliquid à Regula, vel à Prælato prohibitum, vt orare ea hora in Ecclesia, qua iuxta Regulam debet esse in cubiculo, non potest suum votum exequi, antequam superior consentiat, & in Regula dispenset. Ratio est, quia cum materia sit interdicta, non est apta voti materia, donec accedat superioris licentia ad illam implendam: illa autem accedente est licita, ac proinde apta materia voti: ergo vsque tunc non obligat, at ex tunc obligabit. Ita Sor. lib. 7. q. 3. art. 1. Less. lib. 2. c. 40. num. 71. Azor. lib. 11. cap. 16. q. 6. & Suar. lib. 3. c. 6. num. 9.

Contrarium tamen mihi persuadeo, quia quæ Regula simpliciter præcipit religioso, per se spectant ad maiorem eius perfectionem, & simpliciter consultius est vitare ea, quæ simpliciter prohibet: ergo licet votum de his fiat, non obligat, quia non est de meliori bono.

Terriò

Tertiò dico, quod quando res est religioso interdicta, quia est per se mala, votum illius emissum non est validum. Ratio est, quia materia voti debet esse materia virtutis, sed res per se mala non est materia virtutis: ergo votum de ea re emissum non est validum.

Quartò dico, quod si religiosus emittat votum de re à Prælatò, vel à Regula prohibita, quam ignorabat esse prohibitam, & postea certo cognovit illius rei prohibitionem, tale votum non tenet, nec obligatur illud Prælatò indicare, aut licentiam petere, ut votum adimpleat. Quia id votum est de re ingrata Deo, utpote quæ vetita est, nisi tacitè includatur conditio, si superior consenserit. At ratione ignorantie ea conditio non includitur; ergo id votum non est validum, nec inducit aliquam obligationem.

Quintò, & ultimò dico, quod si religiosus aliquid vovit, quod tempore voti non erat prohibitum, postea tamen prohibetur, tale votum adhuc est validum, & obligatorium, sed suspensum, quandiu illa prohibitio durat; arque ea cessante, illud reuiuiscit. Ratio est, quia non censetur religiosus velle se obligare stante tali prohibitione: immo quando votum illud emisit, subintelligebatur conditio, nisi Prælatum contradiceret.

Et ad argumentum Paludani respondendo, illud proloquium quod religiosus non habet *velle*, aut *nolle*, non esse ita intelligendum, ut nihil possit licitè velle, nisi quod illi positivè ordinatur, aut conceditur, quia nec religiosus hoc vovit, nec esset conueniens: debet ergo ita intelligi, ut nihil possit licitè velle, aut nolle contra voluntatem superioris, neque ita sibi proponere aliquid agendum, ut non sit paratus ad omitendum illud, si superior velit. Vnde notanter D. Tho.

dixit ea vota non esse firma, & non, esse irrita, quia sentit reuera esse valida, at non habere omnimodam firmitatem, quia habent tacitam conditionem pendentem à superioris voluntate.

### QVÆSTIO CCCXXV.

*An votum de materia per Regulam prohibita obliget vouentem ad petendam licentiam à Prælato ad præstandum promissum?*

**R**ESPONDEO obligare. Ratio est, quia hoc est intrinsecè inclusum in tali voto, aliàs irrisorium esset, nisi ad hoc saltem obligaret. Nam cum non obliget ad opus, nisi habita facultate, & hæc non solet dari, nisi petatur, inutile esset votum, nisi ad facultatem petendam obligaret.

### QVÆSTIO CCCXXVI.

*An in hoc casu teneatur religiosus votum suum patefacere superiori?*

**E**T quidem, si religiosus tempore voti specialem intentionem habuit ad id se obligandi, certum est ad id teneri. Quia illud est apta materia voti.

Sed tota controuersia versatur, quando de intentione vouentis non constat.

Sotus præclarus Thomista lib. 7. de iust. q. 3. art. 1. affirmat ad id teneri. Quia explicando votum, facilius facultatem obtineret.

At vero Illustrissimus Caiet. 2. 2. q. 88. art. 8. & in sum. verb. votum, c. 3. & Nauar. cap. 12. num. 69. rectius docent, satis esse petere facultatem à superiore ad.

ad præstandum opus per votum promissum, v. g. ieiunium, cilicium, &c. nulla facta mentione voti. Ratio est, quia ex vi talis voti non obligatur religiosus ad explicandum Prælato se id vouisse; ergo nulla ratione ad id tenetur. Consequentia est per se nota. Antecedens verò probatur, quia petendo licentiam ut expleat votum, adhibet medium necessarium, & sufficiens ut opus ei liceat, & consequenter ut votum perficiat: ergo non est, ut ad aliud in voto non inclusum teneatur.

### QVÆSTIO CCCXXVII.

*An si quando religiosus votum illud emisit, intendebat absolute se obligare, etiam si Prælatus prohiberet, tale votum sit validum?*

**P**ETRVS Arag. 2. 2. q. 88. art. 8. & Clavis Regia lib. 6. cap. 5. num. 21. putant valere, sed esse sopitum ob prohibitionem materiæ, qua cessante (quæ extinguitur extincto Prælato) rursus voti obligatio reuiuiscit.

Sed, pace tantorum virorum sit dictum, hæc sententia non placet, quia eatenus ea materia est apta voto, quatenus tacitam imbibit conditionem: si

**Prælatus consenserit**: ergo quando expressa vouentis intentione is consensus excluditur, erit voto inepta, ac proinde votum erit irritum, & nullum. Et idem huius sententiæ sunt Suar. lib. 3. c. 6. num. 9. & Azor. lib. 11. cap. 16. q. 5.

### QVÆST. CCCXXVIII.

*An religiosus qui rem à Prælato, vel à Regula prohibitam vouet ante consensum Prælati, peccet?*

**R**ESPONDEO si res quæ promittitur est prohibita, quia mala, votum de ea re emissum, non solum non tenet, sed etiam qui illud vouet, peccat, quia promittit rem absolute illicitam. Si autem res quæ promittitur est mala, quia prohibita, & aliàs potest esse apta materiæ voti, illam vouens sub conditione, nimirum, si Prælato placuerit, non peccat, quia hac subintellecta conditione, nihil illicitum vouet. Ita Sot. lib. 7. q. 3. art. 1.

### QVÆST. CCCXXIX.

*An integrum sit Religioso huiusmodi vota Prælato indicare, ut irritentur, vel potius teneatur illa celare?*

**R**ESPONDEO posse tuta conscientia facere vtrumque, cum in hoc religiosus utatur iure suo. Et quidem si vota emissâ commodè adimplere possit, potest ea celare Prælato, ne ab eo irritentur. Sed si grauius sint, poterit Prælato suam molestiam aperire, ut ea irritet; nec peccat sic faciendo, sed utitur iure suo, cum in his religiosus verè Prælato suo sit subditus, sic Arag. 2. 2. q. 88. art. 8.

### QVÆSTIO CCCXXX.

*An sufficiat taciturnitas Prælati, ut votum de rebus vetitis possit à Religioso impleri?*

**R**ESPONDEO sufficere, quia ea taciturnitas est quædam tacita superioris licentia, nam tacens in re ad se spectante, nec sibi noxia, cum possit commodè contradicere, consentire videtur. Regula quis acci de reg. iuris in 6. At concedere licentiam il-

T  
lius

lius voti, spectat ad Prælaturam, nec hoc est sibi noxium, & potest commodè prohibere: ergo iure optimo potest religiosus præsumere licentiam illius voti exequendi, dum superior non contradicit. Ita Valent. 2. 2. disp. 6. q. 6. p. 6.

### QVÆSTIO CCCXXXI.

*An religionum Prælati quippiam vouere possint?*

- R**ESPONDEO nihil eos vouere posse, quod eorum munus impediatur, superiore inconsulto. Cætera verò vota, quæ nihil eorum publicæ functioni, & administrationi officiant, vouere possunt.

### QVÆSTIO CCCXXXII.

*An Episcopi, & alij superiores Antistites quippiam vouere possint?*

- R**ESPONDEO Episcopos non posse inconsulto Romano Pontifice emittere votum, vel illud adimplere, per quod vinculum matrimonij inter ipsos, & Ecclesias suas dissoluatur, vt habetur ex cap. *Nisi cum pridem de renunciat*. Nec item possunt quippiam vouere, quod in graue suarum Ecclesiarum, quibus præsunt, damnum redundet, putà longam aliquam peregrinationem, propter quam abesse debent diu à suis Ecclesiis, quod intelligitur sine licentia Papæ. cap. *Si magna de voto, & voti redemptione*. Alia verò vota, in quibus ligati non sunt, vt abstinentiam, eleemosynam, & similia vouere possunt.

### QVÆSTIO CCCXXXIII.

*An si Episcopus votum religionis emisit, id votum adimplere teneatur?*

**E**T quidem si vouit religionis ingressum, antequam creatus sit Episcopus, manifestum est teneri suum votum adimplere. Ratio est, quia religionis professio non impedit, quominus religiosus in Episcopum eligi possit. cap. *Per tuas de voto, & voti redemptione*.

### QVÆST. CCCXXXIII.

*At discordia est, quando post adeptum Episcopatum, tale votum religionis emisit?*

**I**N qua re etiam constar apud omnes, id votum licet sit de re ipsi prohibita; quia tamen ea prohibitionem cessante, est materia consilij, non est omnino irritum, quia includit conditionem affirmatiuam, si Pontifex concesserit; ergo eo accedente, erit validum, & obligatorium.

### QVÆSTIO CCCXXXV.

*Sed totum huius controuersia dissidium versatur: An teneatur consensus Pontificium petere?*

**C**ORDVA in summa casuum q. 1153. negat.

At certissimum est, & omni dubio procul, hunc teneri quantum in se est, & quantum potest, illud adimplere: ac proinde consensum Pontificium exquirere, vt definitum est in cap. *Per tuas de voto, & voti redemptione*, vbi sic habet

habetur: Nos igitur tua discretioni cōsulimus, ut si tuam sanari cōscientiam desideras, regimen regis Ecclesia memorata, ac reddat Altissimo vota tua. Sic enim tenent D. Thom. 2. 2. q. 89. art. 3. Caietan. ibidem, & in sum. verb. votum cap. de quatuor conditionibus. Azor. lib. 11. c. 16. q. 2. & Suar. lib. 3. cap. 4. nu. 8. Non tamen tenebitur votum explicare, nisi ad id se obligarit, vel ut id votum à Pontifice irritetur. At tenebitur voto non explicato, petere iterum licentiā, quando prudētia id dictauerit.

---

### QVÆST. CCCXXXVI.

*An Episcopus possit absque Romani Pontificis licentia votum peregrinationis emittere?*

<sup>1</sup> **E**T quidem certum est, posse Episcopum sine licentia Papæ modicam peregrinationem vouere. Quia ratio ob quam ea licentia requiritur est, ne votum in præiudicium suæ Ecclesiæ vergat: atqui modica peregrinatio, ut constat, nullum tale nocumentum adfert: ergo nulla indiget licentia, nec pendet à dominatiua alicuius potestatis; sed in ea, & similibus minime præiudicantibus, est sui iuris ad vouendum. Ita Roder. 2. p. sum. cap. 90. num. 1. Azor. lib. 11. cap. 16. quest. 2. Sayr. lib. 6. cap. 5. num. 24. & Suar. lib. 3. cap. 4. num. 10. qui infert votum peregrinationis, quæ non excedit tempus anni iure concessum Episcopo ad absentiam, esse votum absolutum, & independens à Pontificia licentia. Quia in illa non læditur Ecclesia.

---

### QVÆST. CCCXXXVII.

*Sed dubium est de voto magna peregrinationis.*

**A**BBAS cap. Magne, nu. 5. de voto, tenet non posse, & si facit, illud esse ipso iure irritum.

Contrarium tamen mihi persuadeo, quia ut diximus vota subditorum de rebus sibi à superiore prohibitis sunt licita, & valida ratione cōditionis affirmatiuæ in ipsis imbibitæ: Si superior consenserit: ergo idem est de Episcopo dicendum.

Et est conclusio definita in cap. Magna de voto ubi summus Pontifex commutauit votum peregrinationis in subsidium terræ sanctæ, quod quidam Episcopus emiserat.

Possent tamen opinio Abbatis recipi, quando attentis circumstantiis iudicaretur maius Dei obsequium residere, nec petere eius absentia facultatem. Quia tunc tanquam obstat maior bono, non obligaret.

---

### QVÆST. CCCXXXVIII.

*An Episcopus, cui talis licentia à Pontifice denegatur, ad aliquid faciendum ex vi voti teneatur?*

**S**YLVEST. verb. votum 3. q. 1. Roder. p. 2. sum. cap. 90. nu. 1. Azor. lib. 11. cap. 16. q. 2. & Sayr. lib. 6. cap. 5. n. 14. tenent eum soluere debere impensas eundi, commorandi, & redeundi: laborem verò itineris vigiliis, ieiuniis, & orationibus compensare debere.

Sed hæc opinio non placet, quia <sup>2</sup> Episcopus ex vi voti tantum tenetur implere conditionem petendo licentiam à Pontifice; quod si ille denegeret, ad nihil aliud tenebitur. Si autem Pontifex licentiam concedat, tenetur votum adimplere, & si ille exequi velit, nulla opus est redemptione. Si autem exequi nolit, opus est commutatione, aut dispensatione.

## QVÆST. CCCXXXIX.

*An Episcopus possit inconsulto Romano Pontifice vouere peregrinationem in subsidium terræ sanctæ?*

- A**NTONIUS cap. Scriptura nu. 4. & ibi Abbas num. ult. affirmant. Alij vero vt Syluest. verb. votum 3. num. 4. Rosel. verb. votum 2. num. ult. Tab. ibidem 5. quæst. 3. & Azor. lib. 11. cap. 16. q. 2. rectius docent id olim licuisse Episcopis, quando omnibus generaliter patebat aditus ad terram sanctam. At cum hodie is aditus non pateat, indiget pontificia licentia.

## QVÆSTIO CCCXL.

*An Clerici omnes, præter Episcopos, possint votum Hierosolymitanum emittere?*

- R**ICH. in 4. dist. 38. q. 2. art. 4. affirmat posse. Alij vero rectius docent eos non posse nisi Romani Pontificis, aut Episcopi permissu tale votum emittere: vt habetur in cap. Fraternalitas de Clericis non residentibus. Id quod nostris temporibus certum est.

## QVÆSTIO CCCXLI.

*An denegata sibi tali licentia, teneantur soluere impensas, quas inter eundem, commorandum, & redeundum fecissent; & redimere laborem itineris ieiunij, vigilijs & orationibus?*

- S**YLVEST. verb. votum 3. quæst. 1. Angel. verb. votum 2. num. 1. &

Supplem. Gabr. in 4. d. 38. q. 1. art. 5. affirmant teneri.

At oppositum est omnino dicendum, sicut supra diximus de Episcopo.

## QVÆSTIO CCCXLII.

*An clerici in dignitate constituti, aut curam animarum, & beneficia residentiam exigentia habentes, quales sunt Parochi, Archipresbyteri, Archidiaconi, Praepositi, Priores, & similes quipiam vouere possint?*

**R**ESPONDEO eos non posse absque Episcopi licentia vouere longam aliquam peregrinationem, aut aliquid aliud cum graui Ecclesiarum, quibus præsunt detrimento: vt constat ex cap. Magne de voto, & voti redemptione. Cetera verò vota, quæ hoc præiudicium non afferunt, vt aliquarum orationum, modicæ peregrinationis, abstinentiæ, & similium vouere possunt absque alicuius licentia, & sunt omnino absoluta. Sic Syluest. verb. votum 3. q. 2. Roder. 2. p. sum. cap. 90. num. 3. Azor. lib. 11. cap. 26. quæst. 3. Sayr. lib. 6. cap. 5. num. 25. & Suar. lib. 3. cap. 4. num. 10.

## QVÆSTIO CCCXLIII.

*An quisvis Ecclesia Presb. etus, vel Clericus beneficiatus possit absque alicuius licentia votum religionis emittere?*

**R**ESPONDEO posse id votum emittere, & exequi sine licentia Episcopi, immo eo contradicente, deposita cura, aut Ecclesiastico beneficio, aut etiam non renunciato: eorumque beneficia nulli conferri iure possunt, nisi post professionem. Quia tanquam

tanquam speciale statuitur in Episcopo, ut eo voto nequeat se absque Pontificis licentia adstringere. *cap. Licet de regular.* Et in hoc omnes conveniunt.

# QVÆSTIO CCCXLIV.

*Sed tota difficultas versatur: An teneantur hi petere Episcopi licentiam, ut id votum explcant?*

1. **S**YLVEST. verb. religio 2. q. 8. Azot. lib. 11. cap. 16. q. 3. Lop. p. p. cap. 43. Sayr. lib. 6. cap. 5. num. 25. & Suar. lib. 3. cap. 4. num. 10. dicunt hos teneri licentiam petere. Ducuntur ex *cap. Licet de reg. & ex cap. Admonet de renunciat.* ubi iubentur beneficiarij non dimittere Ecclesias inconsulto Episcopo.

2. Ceterum nullatenus placet mihi hæc sententia, sed existimo hos non

teneri talem licentiam petere. Ducor, quia id nullo iure probatur, nam textus *cap. Licet de regul.* de solis religionis statuit eam licentiam petendam esse, quamvis non obtineatur. Aliàs Episcopus posset examinare, an hi bono zelo ducantur, ac subinde denegare licentiam eo deficiente: sicut contingit in religionis vouëtibus transitum ad arctiorem religionem. Nec etiam textus in *cap. Admonet.* aliquid probat, quia Glossa *ibi verb. inconsulto,* dicit eos tamē Clericos posse religionem ingredi. Huic etiam fauet textus *cap. final. 19. q. 2.* ubi absolutè Clericis transitus ad religionem conceditur. Et ita tenet Innoc. *cap. licet de regul. num. 3. ibi Hostien. nu. 7. Anton. nu. 7. Card. 3. q. 10. Abb. num. 14. & Sanch. lib. 4. cap. 25. num. 48.*

Et hæc de voto simplici in communi, pro instituti nostri ratione dicta sufficiant.



# D E V O T O R V M

## I R R I T A T I O N E ,

### L I B E R S E C V N D V S .

**R**ESUNT modi quibus auctoritate superioris obligatio voti tollitur, videlicet, irritatio, dispensatio & commutatio, de quibus disputant Theologi cum Magistro sententiarum in 4. dist. 38. Summisit verò *verbo votum*, & *verbo religio*. De his tribus sigillatim est nobis differendum, ac primum de irritatione hoc libro acturi, in sequentibus de dispensatione, & commutatione. Vnde quæritur in primis.

#### Q V Æ S T I O I.

*Quidnam sit irritatio voti?*

**R**ESPONDEO quod est annullatio voti facta ab eo qui super hoc potestatem & dominium habet. Vnde irritare votum nihil aliud est, quàm votum cassare, ne amplius obligandi vim habeat.

#### Q V Æ S T I O II.

*Quotuplex sit irritatio?*

**R**ESPONDEO duplex, quædam est propria & directa, quæ simpliciter

irritatio dicitur. Alia autem est impropria, & indirecta & secundum quid, quæ propriè dicitur quædam voti suspensio. Quæ tamen distinguuntur, nam quando est vera, & propria irritatio, omnino, & simpliciter tollitur vinculum voti, nec amplius reuiuiscit, nisi denuo fiat: ut si puer ante annos pubertatis votum religionis faciat, & à patre irriteretur, factus pubes, non amplius obligatur tali voto. Quando verò est sola voti suspensio, manet quidem vinculum voti, sed ob solam materiz prohibitionem, eius obligatio manet suspensa, quamdiu prohibitio durat, & ea cessante, votum incipit obligare; ut patet exemplo serui, si votum religionis emittat. Nam potest à domino prohiberi eius executio, at si dominus moriatur, tenebitur suū votū adimplere.

Ex quo sequitur irritationem propriam, & directam non esse actum iurisdictionis spiritualis, & Ecclesiasticæ, sicut dispensationem, & commutationem, sed dominij cuiusdam: ita ut talis persona sit ita sub alterius potestate constituta, ut voluntatem suam dependentem habeat ab illius voluntate, quoad vim se firmiter obligandi



obligandi: hanc potestatem habet pater in filium, Prælati in suum subditum, vir in uxorem, & dominus in seruum. At verò impropria, & indirecta interdum est actus iurisdictionis spiritualis, aut temporalis: vt quando Prælati iurisdictione spirituali, vel potestas publica iurisdictione temporalis suspendit materiam, præcipiendo aliquid tunc cum voto incompatibile. Quandoque autem non est actus iurisdictionis, sed cuiusdam domini; vt fit quando herus suspendit votum famuli, aut præcipit aliquid incompatible cum voto.

### QVÆSTIO III.

*An votum, quod irritari potest, an sequam irritetur sit validum?*

**R**ICH. in 4 dist. 38. q. 1. art. 4. Palud. *ibidem* q. 4. art. 1. D. Anton. 2. p. 1. tit. 1. cap. 2. §. 6. & Supplem. Gabr. in 4. dist. 38. q. 1. putant non valere, quia est de re, quæ alteri subiicitur, ac proinde aliena.

**A**t contraria sententia amplectenda est, quæ docet id votum esse validum. Et ratio est, quia votum subditi semper subintellecta habet conditionem, si suo superiori placuerit, aut si non displicuerit, vt docet D. Tho. 2. 2. q. 88. art. 8. nam quando votum fit de iis quæ prohibita sunt vouenti, debet, vt sit validum, subintelligi conditio, si superiori placuerit: quando verò fit de rebus, non prohibitis, debet intelligi conditio, si superiori non displicuerit: ergo valida sunt huiusmodi vota, quamuis non obligent absolute, sed tunc solum, cum extat conditio. Vnde subintellecta conditio si superiori placuerit: quamdiu deest, expectaturque superioris consensus, religiosus non peccat non adimplendo votum, quia

votum conditionatum non obligat ante positam conditionem. Subintellecta vero conditio, si superiori non displicuerit, quamdiu superiori non displicet, inferior ad voti sui obseruationem obligatur. Ita Sot. lib. 7. q. 3. art. 1. Nauar. cap. 11. nu. 69. & Caiet. in sum. verb. votum.

### QVÆSTIO IV.

*An ad irrationem voti causa legitima requiratur?*

**E**T quidem loquendo de irratione impropria, & indirecta, quæ proprie dicitur voti suspensio, nec fit per potestatem iurisdictionis, certum est, necessariam esse causam iustam: non solum vt irratio licita sit; sed etiam vt valeat. Ratio est, quia superior carens potestate dominatiua, non potest valide præceptum indicare impediens voti executionem, si nulla causa iusta ducatur. Ita Suar. lib. 6. c. 2. num. 9.

Sed dubium est, de irratione propria, & directa, & quæ simpliciter irratio dicitur.

In qua quæstione est etiam certum quod quando irratio procedit ex potestate dominatiua, nullam iustam causam ad eius valorem requirit. Ratio est, quia superior in hoc vtitur re sua, & iusta potestate, quam super illam habet.

Tum etiam quia tale votum fuit implicite conditionatum, & de facto conditio non impletur; quando aliter repugnat, siue ex causa, siue absque causa, suo arbitrio id faciat: ergo id satis est, vt votum non obliget, vt pote conditio non impleta.

\*\*\*

QVÆST.



# DE VOTORVM

## IRRITATIONE.

### LIBER SECVNDVS.

**R**ESUNT modiquibus auctoritate superioris obligatio voti tollitur, videlicet, irritatio, dispensatio & commutatio, de quibus disputant Theologi cum Magistro sententiarum in 4. dist. 38. Summisit verò *verbo votum, & verbo religio.* De his tribus sigillatim est nobis differendum, ac primum de irritatione hoc libro acturi, in sequentibus de dispensatione, & commutatione. Vnde quæritur in primis.

#### QVÆSTIO I.

*Quidnam sit irritatio voti?*

**R**ESPONDEO quod est annullatio voti facta ab eo qui super hoc potestatem & dominium habet. Vnde irritare votum nihil aliud est, quàm votum cassare, ne amplius obligandi vim habeat.

#### QVÆSTIO II.

*Quotuplex sit irritatio?*

**R**ESPONDEO duplex, quædam est propria & directâ, quæ simplici-

ter irritatio dicitur. Alia autem est impropria, & indirectâ & secundum quid, quæ propriè dicitur quædam voti suspensio. Quæ tamen distinguuntur, nam quando est vera, & propterea irritatio, omnino, & simpliciter tollitur vinculum voti, nec amplius reuiuiscit, nisi denuo fiat: vt si puer ante annos pubertatis votum religionis faciat, & à patre irritetur, factus pubes, non amplius obligatur tali voto. Quando verò est sola voti suspensio, manet quidem vinculum voti, sed ob solam materiæ prohibitionem, eius obligatio manet suspensa, quamdiu prohibitio durat, & ea cessante, votum incipit obligare; vt patet exemplo serui, si votum religionis emittat. Nam potest à domino prohiberi eius executio, at si dominus moriatur, tenebitur suū votū adimplere.

Ex quo sequitur irritationem propriam, & directam non esse actum iurisdictionis spiritualis, & Ecclesiasticæ, sicut dispensationem, & commutationem, sed dominij cuiusdam: ita vt talis persona sit ita sub alterius potestate constituta, vt voluntatem suam dependentem habeat ab illius voluntate, quoad vim se firmiter obligandi:

obligandi: hanc potestatem habet pater in filium, Prælatus in suum subditum, vir in uxorem, & dominus in seruum. At verò impropria, & indirecta interdum est actus iurisdictionis spiritalis, aut temporalis: vt quando Prælatus iurisdictione spiritali, vel potestas publica iurisdictione temporali suspendit materiam, præcipiendo aliquid tunc cum voto incompatible. Quandoque autem non est actus iurisdictionis, sed cuiusdam dominij; vt fit quando herus suspendit votum famuli, aut præcipit aliquid incompatible cum voto.

### QVÆSTIO III.

*An votum, quod irritari potest, an-  
tequam irritetur sit validum?*

**R**ICH. in 4. dist. 38. q. 1. art. 4. Palud. ibidem q. 4. art. 2. D. Anton. 2. p. 11. 11. cap. 2. §. 6. & Supplem. Gabr. in 4. dist. 38. q. 1. putant non valere, quia est de re, quæ alteri subiicitur, ac proinde aliena.

**2** At contraria sententia amplectenda est, quæ docet id votum esse validum. Et ratio est, quia votum subditi semper subintellectu habet conditionem, si suo superiori placuerit, aut si non displicuerit, vt docet D. Tho. 2. 2. q. 88. art. 8. nam quando votum fit de iis quæ prohibita sunt vouenti, debet, vt sit validum, subintelligi conditio, si superiori placuerit: quando verò fit de rebus, non prohibitis, debet intelligi conditio, si superiori non displicuerit: ergo valida sunt huiusmodi vota, quamuis non obligent absolute, sed tunc solum, cum extat conditio. Vnde subintellecta conditione si superiori placuerit: quamdiu deest, expectaturque superioris consensus, religiosus non peccat non adimplendo votum, quia

votum conditionatum non obligat ante positam conditionem. Subintellecta vero conditione, si superiori non displicuerit, quamdiu superiori non displicet, inferior ad voti sui obseruationem obligatur. Ita Sor. lib. 7. q. 3. art. 1. Nauar. cap. 11. nu. 69. & Caiet. in sum. verb. votum.

### QVÆSTIO IV.

*An ad irrationem voti causa legitima requiratur?*

**E**T quidem loquendo de irratione impropria, & indirecta, quæ proprie dicitur voti suspensio, nec fit per potestatem iurisdictionis, certum est, necessarium esse causam iustam: non solum vt irratio licita sit; sed etiam vt valeat. Ratio est, quia superior carens potestate dominatiua, non potest valide præceptum indicare impediens voti executionem, si nulla causa iusta ducatur. Ita Suarez. lib. 6. c. 2. num. 9.

Sed dubium est, de irratione propria, & directa, & quæ simpliciter irratio dicitur.

In qua questione est etiam certum, quod quando irratio procedit ex potestate dominatiua, nullam iustam causam ad eius valorem requirit. Ratio est, quia superior in hoc vitur re sua, & iusta potestate, quam super illam habet.

Tum etiam quia tale votum fuit implicite conditionatum, & de facto conditio non impletur; quando aliter repugnat, siue ex causa, siue absque causa, suo arbitrio id faciat: ergo id satis est, vt votum non obliget, vt pote conditione non impleta.

\* \*

QVÆST.

## QVÆSTIO V.

*Sed quod in dubium vertitur est, An irritatio ex potestate dominatina, sine iusta causa facta, sit licita?*

**E**T quidem, si non de sola irritationis natura loquamur, ut irritatio est, sed secundum naturam omnium actuum humanorum, manifestum est, esse veniale peccatum otiositatis irritare votum absque causa, & sine honesto. Ratio est, quia omnis actus humanus, ad hoc ut omni culpa careat, requirit aliquem finem honestum.

## QVÆSTIO VI.

*Quaestio igitur est, de irritatione, ut irritatio est: An videlicet sit licita, si absque causa legitima fiat? quod est querere, An peccet superior dum sine causa iusta votum subditi irritat.*

**I**N qua re etiam constat, superiorem qui absque iusta causa irritat votum subditi, nullum peccatum committere contra voti religionem, sicut peccaret, si in voto sine legitima causa dispensaret. Ratio est, quia cum illud votum sit conditionatum, & positum in arbitrio irritantis, nullam iniuriam Deo irrogat, qui illud absque iusta causa irritat.

## QVÆSTIO VII.

*Totum ergo huius controversia dissidium in hoc consistit: An superior qui virtute potestatis domi-*

*natus votum alicuius irritat absque vlla iusta causa, peccet?*

**E**T quidem certissimum puto, eum non peccare mortaliter.

## QVÆSTIO VIII.

*Quaestio igitur est, An peccet venialiter?*

**I**LLVSTRISSIMVS Caiet. in *summa* verb. *votum* cap. ultimo Naniar. cap. 12. num. 73. Tolet. lib. 4. cap. 18. num. 9. Lop. p. p. cap. 48. Azor. lib. 11. cap. 17. g. 5. Suar. tom. 5. in 3. p. d. 4. sect. 2. nu. 8. & Roder. qq. regular. tom. 1. q. 25. art. 5. & 2. p. sum. cap. 91. num. 9. & Emman. Sà verb. *votum* ubi de votis irritatione num. 1. docent non peccare. Duciunturque hi in eam sententiam, quia votum factum est ea tacita conditione, si illud superiori placuerit: nec vlla lege superior cogitur illud approbare, cum nec ipse vouerit, nec votis emitendis consensum præstiterit.

Tum quia vnusquisque liberè uti potest iure suo, quod habet ne subditorum vota sint absque eius consensu firma.

At verò alij, vt Sotus lib. 7. q. 3. art. 1. Med. lib. 1. sum. cap. 14. §. 7. Arag. 2. 2. q. 88. art. 8. Less. lib. 2. de iust. cap. 40. dub. 12. & Valent. 2. 2. d. 6. g. 6. p. 6. affirmant eum semper peccare venialiter. Ratio est, quia irritare votum alterius sine causa, saltem est actus otiosus, vel imprudens: ergo peccat venialiter.

Tum quia qui sine vlla prorsus causa votum irritat, abutitur potestate sibi concessa.

Tum quia vituperabile est, & malum, velle sine vlla causa, solo arbitrio bonum opus alterius impedire: ergo peccat saltem venialiter. Et hæc opinio

opinio mihi valde placet, quia superior vti debet iure suo rationabiliter, præsertim in re tanti momenti.

consequentia, quia petitio hæc pœnitentiam claudit, additque voluntatem illius irritandi.

## QVÆSTIO IX.

*An subditus in hoc casu peccet, si sui voti à superiore irrationem petat?*

**M**AGISTER Sot. lib. 7. q. 3. art. 1. Arag. 2. 2. q. 88. art. 8. Suar. lib. 6. cap. 7. num. 16. Roder. qq. reg. tom. 1. q. 25. art. 7. & Vega 2. tom. sum. q. 129. casu 89 negant.

At Petrus de Ledesm. 2. tom. sum. tract. 10. cap. 7. dub. 2. & Sayr. lib. 6. cap. 10. num. 14. affirmant eum peccare

venialiter. Ratio est, quia subditus qui talem irrationem petit, est causa culpæ venialis, quam superior irritans absque causa committet.

Tum quia nonnulla deformitas est, & negligentia velle sine vlla causa se obsequio oblaro Deo per votum liberare.

Hæc dux opiniones possunt sic conciliari, vt dicamus primam opinionem Soti esse veram regulariter.

**3** Quia quasi nunquam subditus petit irrationem voti, nisi quia in eius executione aliquam molestiam sentit, & non malè facit, sed vtitur iure suo, proponens superiori eam molestiam, vt iudicet, an expediat irritare, idque diiudicare non est inferioris, sed superioris, cuius sententiam potest tuta conscientia amplecti. E contra verò secunda opinio est vera, quando subditus apertè aduertit nullam esse causam, nec in eius executione grauamen sentit, tunc enim peccat venialiter, quia qui pœnitet se commisisse aliquod votum absque legitima causa, peccat venialiter: ergo à fortiori qui absque vlla causa irrationem petit. Patet

## QVÆSTIO X.

*Quinam possint vota irritare?*

**R**ESPONDEO eos omnes, qui potestatem habent dominatium in eos qui vota emisunt, vt sunt dominus, Pater, Tutor, Maritus, Prælati, comparatione seruorum filiorum, Pupillorum, Minimorum, & Religiosorum Ita Sot. lib. 7. quest. 3. art. 1.

Ex quo sequitur eiusmodi potestatem non esse spirituale, & Ecclesiasticam, sicut dispensandi, & commutandi; sed dominatium, & profanum: vt optimè Caiet. verb. votum cap. ultimo annotauit. Vnde hæc potestas irritandi vota non solum penes Christianos, sed etiam penes infideles reperitur.

## QVÆSTIO XI.

*An Episcopus possit vota secularium irritare?*

**R**ESPONDEO non posse. Ratio est, quia eius potestas non est dominatiua, sed spiritualis.

## QVÆSTIO XII.

*An saltem Romanus Pontifex possit omnia vota Christianorum secularium irritare?*

**M**ICHAEL Medina de sacrorum hominum continentia lib. 5. c. 44. & 45. & Llamas methodo curationis 3. p. cap. 44. §. 1. sine affirmant, ea ratione,

V quia

quia Pontifex habet supremam potestatem in terris, & illi sine limitatione dictum est in Petro Matth. 16. *quodcumque ligaueris, & quodcumque solueris*, &c. Ergo etiam illi data est potestas irritandi omnia vota.

Tum quia in omni voto censetur excepta autoritas Pontificis: ergo omne votum inuoluit conditionem, *nisi Pontifex restiterit*; sed hoc est fundamentum irritationis: ergo.

2. Alij vero rectius negant. Et ratio est, quia caret potestate dominatiua, cuius est vota subditorum pro suæ voluntatis libito irrita reddere. Et colligitur ex *cap. Magna de voto* ubi aperte supponit Innocent. III. non potuisse irritare votum cuiusdam Episcopi. Et idem colligi potest ex *solo tit. de voto*.

Nec hoc est contra supremam potestatem eius; quia illa est suprema in suo genere spiritualis iurisdictionis, quæ non extenditur ad actus, qui non sunt iurisdictionis, vt est propria, & directæ irritatio votiu-  
validi. Immo nec ratione iurisdictionis potest Pontifex pro suo libito prohibere fidelem subditum, ne opera consilij faciat, & ideo multo minus potest directè irritare vota de his operibus factis. Vnde falsum est, in omni

3. voto inuolui illam conditionem, *nisi Pontifex restiterit*; vt rectè annotauit Suar. *lib. 6. cap. 2. num. 3.* ubi declarat non omnia vota Christianorum pendere ex libera voluntate Pontificis, sed tantum illa, quæ versantur circa materiam concernentem Pontificem. Et idè ita tenent D. Thom. 2. 2. q. 88. art. 12. & ibi Caietan. *Sot. lib. 7. q. 3. art. 1.* Arag. 2. 2. *quest. 88. art. 8.* Suar. *lib. 6. cap. 2. num. 3. & 3.* Azor. *lib. 11. cap. 17. quest. 3. Valq.*

1. 2. *quest. 99. art. 4.*

& plerique  
alij.

## QVÆSTIO XIII.

*An Romanus Pontifex possit vota Clericorum secularium irritare?*

MICHAEL Medina *lib. 5. de sacro-*  
*rum hominum continentia c. 44.*  
affirmat posse.

Mihi verò longè probabilius videtur contrarium. Ducor, quia nec in illos Romanus Pontifex potestate dominatiua gaudet. Quod tamen dico  
2. nisi eorum vota ad gubernationē Ecclesiarum, & beneficiorum, & rerum Ecclesiasticarum pertineant, vt de beneficio renunciando, alienando, &c. quia tunc fas est Romano Pontifici ea vota irritare, quia tacita cōditione videntur facta, ea nimirum, *Si summo Pontifici placuerint*, quia aliqua ex parte eius supremæ potestati obstant.

## QVÆSTIO XIV.

*An vota Episcoporum, & Clericorum, quæ Papa irritat, verè, & propriè irritet, ita vt non reuiuiscant?*

SUAR. *lib. 6. cap. 1. num. 5. & cap. 2. num. 7.* tenet ea non verè irritari, sed solum suspendi; & idè dicit, ea vota postea reuiuiscere, si postea Episcopatus, vel beneficio Ecclesiastico renuncient, aut ab eisdem deponantur.

At omnino tenendum est ea verè irritari, ac proinde sic irritata nunquam reuiuiscere. Quia hæc vota im-  
2. bitam habent conditionem, *si Papa placuerint*, ergo tenentur requirere, si Papæ placuerint, vt impleant vota: si placent, tenentur implere, si non, irrita sunt vota. Et idè ita sentit Illustrissimus Cardinalis Caietan. in *summa, verbo votum*.

QVÆST.

## QVÆSTIO XV.

*An Romanus Pontifex possit irritare vota religiosorum, qua alij regulares eorum Prælati irritare valent?*

**R**ESPONDEO posse. Ratio est, quia Romanus Pontifex ex vi professionis religiosæ non minus est eorum Prælatus quam religionis Prælatus; immo est summus, ac supremus omnium religiosorum Generalis, vtramque potestatem spiritualem, scilicet & dominatiuam super eos habens. Ita D. Thom. 2. 2. q. 186. art. 5. ad 3. & ibi Caietan. Sot. lib. 7. q. 3. art. 1. Less. lib. 2. cap. 41. dub. 15. Valent. 2. 2. d. 6. q. 6. p. 6. & Suar. lib. 6. c. 7. num. 18.

## QVÆSTIO XVI.

*An Episcopus possit vota Clericorum secularium irritare?*

**R**ESPONDEO non posse. Ratio est, quia super eos potestatem dominatiuam non habet, sed spiritualem. Quod tamen optimè limitat Suar. lib. 6. cap. 2. num. 8. nisi clerici vouerint aliquid in Ecclesiarum detrimentum, ut si Parochus voueat longam peregrinationem.

## QVÆSTIO XVII.

*An vota Clericorum beneficium habentium, qua Episcopus irritat, verè irritentur, ita ut nunquam reuiscant?*

**R**ESPONDEO nunquam reuiscere. Ratio est, quia inclu-

dunt tacitam conditionem, si Episcopo placuerint. Ita Abulen. c. 30. Num. q. 71.

## QVÆSTIO XVIII.

*An Episcopus possit vota religiosorum irritare?*

**R**ESPONDEO non posse. Ratio est, quia cum modo ex privilegio omnes religiosi sint immediatè Romano Pontifici subiecti, nulla super eos potestate dominatiua gaudet: Ita Suar. lib. 6. c. 6. num. 8.

## QVÆSTIO XIX.

*Quo iure potestas irritandi vota competat superioribus habentibus potestatem dominatiuam?*

**S**OTVS lib. 7. q. 3. art. 1. Arag. 2. 2. q. 88. art. 8. & Azor. lib. 11. cap. 17. q. 3. docent hanc irritandi potestatem eis inesse ex iure naturali. Quia tota, in potestate, qua quis alteri subicitur, consistit. Vnde fit, ut hæc potestas irritandi sit non solum penes Christianos, sed etiam penes infideles. Et quamuis vota infidelium emissæ suis diis, sint irrita, & actus idololatriæ: possunt tamen valida vota Deo vero, lumine naturali cognito emittere. Quando ergo valet votum, censent esse hanc facultatem irritandi apud illos.

Alij verò tradunt potestatem hanc irritandi eis competere ex iure Canonico, quod in omnibus subditorum votis, eam conditionem tacitè inesse præscripsit, nisi superior contra dixerit: quamuis autem id statutum non expressè in iure inueniatur, deducitur tamen ex Ecclesiæ vsu. Ita Less. lib. 2. dub. & Valq. 1. 2. q. 96. art. 4. dub. 165. cap. 4. num. 29.

## QVÆSTIO XX.

*An si quis extra religionem approbatam, votum obedientie emitat in manibus alicuius, possit hic illius vota irritare?*

- R**ESPONDEO non posse. Ratio est, quia per illud votum obedientie, iure Canonico nulla iurisdic-  
tio in vouentem acquiritur, nec eius vota imbitam habent conditionem pendentem ex illius consensu. Ita Vasqu. 1.2. q.96. art.4. d.163. cap.4. num.25.

## QVÆSTIO XXI.

*An possit quis sua sponte ita sua vota alteri subiicere, ut ab eo irritari queant? Vt si quis ad vouendum proclius, protestetur se nullum votum absolute velle, nisi Confessarius illud approbaverit?*

- R**ESPONDEO posse. Ratio est, quia cum tota voti obligatio ex propria vouentis intentione dependeat, potest vouens absolute, aut cum aliqua se conditione obligare: ergo dum prior illa voluntas non fuerit mutata, poterit ille vota huius irritare.

## QVÆSTIO XXII.

*An superior possit irritare vota subditi nondum emissæ, sed in posterum emittenda?*

- R**ESPONDEO posse. Ratio est, quia ea vota nulla alia ratione sunt valida, nisi quia dependent à tacita conditione in eis imbita, si su-

perior consenserit, aut non contradixerit. Cum ergo obligatio consurgat ex superioris voluntate ad libitum volentis, aut contradicentis: cur sicut potest postea auferre conditionem illam, seu illam non ponere, non poterit etiam valide antecedenter id facere, auferendo conditionem, sine qua, votum nullam vim habet obligandi? Ita Suar. tom.2. de religione, lib.3. cap.3. num.15.

## QVÆSTIO XXIII.

*An superior possit subdito prohibere, ne ipso inconsulto voueat?*

- R**ESPONDEO posse. Ratio est, quia hoc non est, opus perfectionis impedire, sed modum, quo melius fiat, providere. Suar. lib.3. c.6. num.25.

## QVÆSTIO XXIV.

*An vota contra huiusmodi prohibitionem facta sint valida?*

- R**ICHARD. in 4. dist. 18. quest. 2. art. 4. putat non valere, quia Deus non acceptat obligationem contractam contra superioris præceptum.

At ego verius existimo, omnique remoto dubio opinor, talia vota esse valida, quando solus vouendi modus interdicatur. Ratio est, quia ad hoc ut votum teneat, sufficit ut materia sit Deo grata, etsi modus vouendi illi displiceat.

Et confirmatur, nam multa fieri prohibentur, quæ tamen facta, tenent. cap. Ad Apostolicam de regul.

Nec obstat ratio Rich. quia etsi tunc Deus non acceptet modum, acceptat tamen materiam illam voti aptam. Ita Suar. lib.3. c.6. num.25.

QVÆST.



## QVÆSTIO XXV.

*An superior possit facultatem irritandi alicui concedere?*

- 1 IN qua re constat apud vniuersos, posse superiorem irritare vota, quæ talis vir doctus irritanda præscripserit. Ratio est, quia tunc nulla irritandi potestas delegatur, sed ipsemet superior irritat sub illa conditione, & solum arbitrium illi tertio relinquitur. Sed dubium est, quando ipse superior non irritat, sed irritandi potestatem delegat.

Nonnulli negant.

- 2 Contrarium tamen est proculdubio affirmandum. Quia hoc nil aliud est, quam facultatem irritandi actum factum, absque domini consensu, committere; quam quidem dominus concedere potest ad rescindendam rei suæ alienationem ipso inconsulto factam. Et ideo ita tenet Suar. lib. 6. c. 6. num. 23. & cap. 7. num. 17.

## QVÆSTIO XXVI.

*An superior, qui potest vota sibi subditorum irritare, possit quoque propria vota irritare, vel suo Confessori committere, ut illa irritet?*

- 1 RESPONDEO non posse. Ratio est, quia ratione dominij absoluti, quod habet superior super voluntatem subditi, aut super materiam promissam inest iis votis conditio tacita, si superior consenserit, aut non contraxerit, & ideo irrationi superioris subduntur. At ipsa superioris vota nullam habent tacitam conditionem à sua voluntate dependentem, sed à voluntate sui superioris, ergo non po-

test sua vota irritare, aut aliis irritanda committere.

## QVÆSTIO XXVII.

*An irritatio voti fieri possit uolente inuisor?*

RESPONDEO posse. Ratio est, quia cum irritatio pendeat à dominatiua superioris voluntate, potest exerceri, velit, nolit inferior; quia non potest potestati superioris præiudicare. Ita Suar. lib. 6. cap. 1. ad finem, & Sayr. lib. 5. cap. 8. num. 6.

## QVÆSTIO XXVIII.

*An votum semel auctoritate legitima irritatum, reuiviscat, si superior suam irrationem retrahat? ut si superior postquam semel votum sine causa irritauit, penitentia ductus, facultatem illius adimplendi restituat subdito, An is teneatur denuo illud seruare?*

1 RESPONDEO non teneri. Ratio est, quia obligatio semel extincta, non reasumit vim obligandi, nisi denuo renouetur. 1. Cum ex causa C. de remiss. pignor. Et ideo ita sentiunt Sor. lib. 7. q. 3. art. 1. & Sayr. lib. 6. c. 10. dub. 4.

## QVÆSTIO XXIX.

*An possit superior irritare votum subditi de sua licentia emissum?*

1 IN hac re sanè dubia, & perplexa existimo in primis, quod si superior

det licentiam vt subditus voueat, postea verò eam licentiam reuocet, antequam ille votum emitat, & post illam reuocationem voueat, votum est nullum, nec superior peccat ex causa licentiam reuocando. Sin autem votum emisit ante reuocationem licentiæ, tenet votum.

Secundò existimo, quod quando res est omnino integra, quia nimirum inferior nondum votum emisit, tunc potest superior licentiam reuocare. Quia tunc nulli ius est acquisitum.

Hoc autem temperant Rich. in 4. d. 31. q. 2. art. 2. & Palud. ibidem q. 2. ar. 2. quando licentia priuarim concessa est; secus si publicè. Verùm hoc displicet, quia in neutro casu est ius acquisitum, sed manet res omnino integra.

Quæ omnia supradicta sunt intelligenda, quando idem superior, vel æqualis successor eam licentiam reuocat. Quia si eam concessisset superior volentis reuocare, non teneret reuocatio, cum inferior gesta à superiore retractare nequeat. At poterit hic inferior suspendere ex iusta causa executionem illius voti, quia quamuis careat potestate dominatiua ad illud irritandum necessarii non tamen tollitur omnino subiectio, vt ex iusta causa nequeat suspendere; idque recta gubernatio postulat.

Tertiò, & vltimo existimo, quod quando votum est emissum, & executioni mandatum tradendo rem promissam, tunc nullus superior potest talem licentiam reuocare. Ratio est, quia ob id integrum est superiori licentiam reuocare, quia ante traditionem manet adhuc dominus rei promissæ; at traditione facta, est iam translatum dominium in alterum; ergo iam non licebit reuocare. Hæc itaque certæ sunt.

Sed quod in dubium vertitur est,

quando votum est emissum, nondum tamen executioni mandatum.

Et quidem quando superior non absolutè, sed ad certum tempus, vel quamdiu voluerit, licentiam cōcessit, certum est, eum posse transacto eo tempore, votum irritare: quia in hoc casu licentia nō fuit absolutà, sed pendens à tempore, siue beneplacito; ac proinde finito tempore, aut cessante beneplacito poterit licitè absque voti emissi iniuria illud irritare.

### QVÆSTIO XXX.

*Tota igitur difficultas consistit, quando superior simpliciter licentiam concessit, vel pro determinato actu, vel tempore, & pro eodem fit irritatio voti.*

RICHARD. in 4. dist. 38. q. 3. art. 4. absolutè negat. Immo dubitat, an possit idem superior dispensare, quia ad voti firmitatem in subdito nil desideratur præter superioris consensum; ergo illo accedente manet firmū.

Cosmus Philarch. de officio Sacerdotis to. 1. p. 2. lib. 3. c. 4. soli Prælato religionis hanc potestatem concedit: quia inter superiores habentes potestatem dominatiuam ad irritandum vota solus ille habet simul spiritualem. At fundamentum eius nullum est; quia ad irritandum nil confert potestas spiritualis.

Sed communis, & verior sententia est, posse superiore irritare votum subditi de sua licentia emissum. Et ratio est, quia superior concedens talem facultatem vouendi, non abdicat à se dominium illius voluntatis subditi, & rei promissæ offerendæ per voti executionem: ergo tamquam dominus retinet adhuc potestatem irritandi.

Tum quia per prædictum consensum, non facit subditum sui iuris, sed solum

solùm concedit illi, vt operetur, & se obliget, semper tamen dependenter à superioris voluntate. Nec tunc subditus ( etiamsi superior sine rationabili causa facultatem reuocet) ea non implens, peccat, vt colligitur ex c. 30. Num. Et ideo ita sentiunt Caiet. 2. 1. 3. q. 88. art. 8. Sot. lib. 7. q. 3. art. 1. Nauar. cap. 12. num. 73. Azor. lib. 11. cap. 17. q. 6. Val. 2. 2. d. 6. q. 6. p. 6. Arag. 1. 2. q. 88. art. 8. Vega 2. 10. cap. 129. casu 91. Sayr. lib. 6. cap. 4. num. 12. Emman. Sà verb. de voti irrit. nu. 2. Suar. lib. 6. cap. 8. nu. 4. & alij.

## QVÆSTIO XXXI.

*An superior peccet, irritando votum ex licentia sua emissum?*

ET quidem si superior iusta de causa adductus postea irritat votum, non peccat. Quia tunc potestate non abutitur, cum possit occurrere casus, in quo vtilius esset ad Dei honorem irritare.

## QVÆSTIO XXXII.

*Sed dubium est: An peccet superior qui pro voluntatis sua libito, absque iusta causa irritat votum subditi, de sua licentia emissum?*

IN qua re etiam constat apud omnes eum peccare, quia sua potestate abutitur.

## QVÆSTIO XXXIII.

*Sed tota difficultas consistit. An peccet mortaliter?*

MAGISTER Sotus lib. 7. de iust. q. 3. art. 1. dicit eum solùm peccare venialiter.

Suares lib. 6. cap. 4. num. 22. tenet eum rarò peccare mortaliter, nisi vel scandalum, vel contemptus grauis intercedat.

Alij verò rectius docent, eum peccare mortaliter. Ratio est, quia sicut superior dans licentiam subdito promittendi aliquid Deo, coopetatur illi obligationi, & quantum est ex se, offert rem illam Deo; ita reuocans, est iniurius illi voto. Vnde peccatum superioris absque iusta causa irritantis reducetur ad sacrilegium transgressionis voti, quod ex genere suo mortale est. Et ideo hanc partem sustinent Caiet. 2. 2. quest. 88. art. 8. Nauar. cap. 12. num. 73. Lop. p. 1. cap. 48. Sayr. lib. 6. cap. 10. num. 12. & Vega 2. 10. cap. 129. casu 91.

Dixi notanter (ex genere suo) quia si materia voti esset ad veniale obligans ratione leuitatis; certum est eam irritationem esse solùm venialem; cum grauior culpa esse nequeat, quàm foret transgressio voti non irritati.

## QVÆSTIO XXXIV.

*An superior absque iusta causa irritans votum subditi sua licentia factum, teneatur implere votum illud, aut nouam licentiam concedere?*

ONSECA in annotatione ad marginem Caeetan. super cap. 30. Num. ad finem absolutè dicit hunc ad id teneri.

Alij verò censent teneri eum superiorem iterum concedere facultatem subdito implendi votum illud; sicut iniuste impediens volentem exequi votum, tenetur obstaculum remouere.

Verùm omnino dicendū est, hunc superiore ad nihil teneri. Et ratio est, quia

- 2 quia cum votum illud penitus per ir-  
 ritationem extinctum sit, nec iterum  
 consensu solius superioris reuiuiscere  
 possit, nulla obligatione superiorem,  
 nec etiam subditum afficere potest:  
 quod enim non est, operari nequit. At  
 si superior votum illud non irritaret,  
 sed obligationem suspenderet absque  
 iusta causa, teneretur licentiam exe-  
 quendi concedere; quia cum adhuc  
 obligatio voti vigeat, tenetur illius  
 impedimentum auferre.

### QVÆSTIO XXXV.

*An subditus in hoc casu peccet, si  
 absque causa iusta irrationem  
 petat?*

- 1 **R**ESPONDEO eum peccare, quia  
 superioris peccato cooperatur.  
 Quare sequendo opinionem, quam  
 supratenuimus, dicentem superiorem  
 peccare mortaliter, peccabit quoque  
 subditus mortaliter. At si subditus  
 anceps de causæ sufficientia, illam  
 proponeret superiori, cuius interest  
 iudicare, num causa sit iusta; non pec-  
 caret, quia potest iudicio superioris  
 stare.

### QVÆSTIO XXXVI.

*An superior aequalis succedens ei,  
 qui vouendi licentiam concessit,  
 possit absque causa irritare vo-  
 tum subditi de licentia præde-  
 cessoris emissum?*

- 2 **R**ESPONDEO posse. Ratio est,  
 quia cum par in par non ha-  
 beat imperium cap. *Innouit de ele-  
 ctione*, licentia præcedentis superioris  
 æqualis, nequit succedenti æquali  
 præiudicare, quominus possit validè

absque causa votum id irritare, pro-  
 inde ac si absque illa licentia factum  
 esset. peccabit tamen venialiter, si  
 absque vlla causa id votum irritet. Ita  
 Petr. de Ledesm. 2. som. sum. tract. 10.  
 c. 7. dub. ultimo.

### QVÆSTIO XXXVII.

*An petens irrationem voti de li-  
 centia superioris emissi, à supe-  
 riore illius superioris, aut ab  
 aequali successore, teneatur illi ex-  
 plicare votum esse ex alterius li-  
 centia emissum?*

**R**ESPONDEO non teneri. Ratio  
 est, quia nullo iure id exprimere  
 cogitur, cum superior illius superio-  
 ris, aut eius æqualis, perinde possit  
 illud votum irritare, ac si de nullius  
 superioris licentia esset factum. At si  
 ab eodem superiore immemore prio-  
 ris licentiæ peteret suum votum irri-  
 tari, teneretur illà exprimere, quia per  
 talem licentiam difficilior redditur  
 irritatio. Si tamen causa sufficiens, &  
 vera proponeretur; non teneretur ex-  
 plicare votum esse ex alterius licentia  
 emissum. Quia ob id solum eius ex-  
 pressionem opus erat.

### QVÆSTIO XXXVIII.

*An censeatur votum de licentia su-  
 perioris emissum, quando subdi-  
 tus, obstante licentia à superiore  
 aliquid faciendi, vouet se id fa-  
 cturum?*

**R**ESPONDEO minimè. Ratio est, 1.  
 quia votum est nouum onus,  
 quod subditus liberè vouendo, sibi  
 imponit, cui oneri superior per talem  
 licentiam non consentit; non ergo li-  
 centia aliquid faciendi, est licentia  
 vouendi

vouendi. Si verò superior est voti confcius, & consentit in opus, præsuntur consentire in obligationem voti, quia ideo videtur consentire, vt votum impleat; si non intenderet per hoc approbare votum, non confirmaretur.

sum suum differre, quousque maturius deliberet: ergo tacendo, & dissimulando non censetur votum approbare.

Nec obstat lex illa Numer. quæ hac taciturnitate inducebat consensum; quia quoad hoc, fuit ceremonialis, & ideo nunc non obligat, vt rectè Caietan. ibi annotauit.

## QVÆSTIO XXXIX.

*An si superior, voti inferioris confcius taceat, & dissimulet, censetur consentire, ac votum illius approbare, ita vt in posterum non possit amplius absque causa illud irritare?*

**A**DRIAN. in 4. q. 14. de matrimonio Abulen. cap. 5. Marth. q. 149. Syluest. verb. religio 2. q. 15. Valent. 2. 2. disp. 6. q. 6. p. 6. Sayr. lib. 6. cap. 10. num. 16. & multi alij tuentur partem affirmatiuam. Addunt tamen Abulen. & Sayrus, debere statim audito voto superiorem contradicere, ne votum maneat approbatum. Quod explicat Syluester, id est, eadem die, & non alia, & probat ex cap. 30. Num. ibi. *Quod si audiens vir tacerit, & in alteram diem distulerit sententiam, quid quid voverat, red. let.*

**2** Contrarium tamen est proculdubio affirmandum cum D. Thom. in 4. d. 32. fine, in expositione literæ, & ibi Palud. q. 2. art. 2. Caietan. in cap. 30. Num. Tab. verb. matrimonium 1. q. 3. & D. Anton. 1. p. ii. 1. cap. 22. §. 2. Et ratio est, quia superior potest tacendo habere se merè negatiue, nec assentiendo, nec dissentiendo.

Tum quia potestas irritandi est actus dominij: at domino integrum est vti, aut non vti re sua dum voluerit.

Tum quia superior potest consen-

## QVÆSTIO XL.

*An si superior audito voto taceat habens internum illius approbati consensum, talis taciturnitas sit sufficiens illius approbatio?*

**S**VNT quidam qui negant. At dicendum est sufficere, si verè superior voluit approbare votum. Ratio est, quia votum illud subditi ideo firmum non est, sed ad placitum reuocabile, quia tacitam habet conditionem, Si superior confcius consenserit, & non contradixerit, vt optimè docet D. Tho. 2. 2. q. 88. art. 8. ergo accedente consensu superioris etiam post votum factum, firmum redditur votum.

Nec obstat consensum superioris internum esse, quia iam aliquo signo externo exprimitur, nimirum taciturnitate, & dissimulatione illa.

Est autem hic vnum obseruandum, quod non sufficit in hoc casu consensus merè internus, nec quæcumque superioris audito voto taciturnitas; sed oportet audiri ab ipso subdito proponenti illud superiori, vt licentiam exequendi largiatur, vt rectè docent Caietan. super cap. 30. Num. & Suar. lib. 6. cap. 6. num. 14. Et in dubio consensu interni, is præsuntur ex superioris taciturnitate si materia voti  
X pertineat

pettineat ad solam debitam subordinationem, & gubernationem, vel ad bonum animæ subditi: secus autem si ea materia positiue cederet in superioris præiudicium, tunc enim taciturnitas non sufficeret ad voti approbationem, sed opus esset expressa facultate. Ratio huius est, quia in fauorabilibus tacens consentire videtur, secus autem in præiudicantibus sibi. Ita Caiet. *super cap. 30. Num. & Suar. lib. 6. c. 4. n. 20.*

## QVÆSTIO XLI.

*An votum subditi semel legitima auctoritate irritatum, finita superioris potestate reuiuiscat? Et intelligitur quæstio quando materia voti est talis, quæ possit pertinere ad tempus illud quo subditus est extra superioris potestatem?*

**P**ALVD. in 4. dist. 38. q. 4. art. 2. D. Ant. 2. p. tit. 1. c. 2. §. 6. & Rosell. verb. *votum* 2. num. 7. & 13. absolute docent vota semel irritata reuiuiscere cessante subiectione.

Alij verò nobiles authores asserunt in vniuersum, votum quodcumque siue vxoris, siue filij, siue religiosi semel irritatum ab habente potestatem dominariam, deficiente subiectione, non reuiuiscere, sed omnino extinguì. Ratio est, quia vota horum subditorum sunt conditionalia, habentque conditionem imbibitam pendentem à superioris voluntate, nimirum, *si superior consenserit, aut non contradixerit*: vt rectè docet D. Thom. 2. 2. q. 88. art. 8. ad 4. ergo sicut deficiente conditione, votum conditionale non obligat: ita vota subditorum non obligant, superiore irritante, quia tunc

deficit cōditio in ipsis imbibita: quando enim superior denegat consensum, voto contradicit. Ita tenent Caietan. 2. 2. q. 88. art. 8. Soc. lib. 7. quæst. 3. art. 1. Valent. 2. 2. d. 6. quæst. 6. p. 6. Nauart. cap. 11. num. 66. Roder. 2. p. cap. 91. num. 8. Tolet. lib. 4. cap. 18. num. 9. Azor. lib. 11. cap. 17. q. 4. Arag. 2. 2. q. 88. art. 8. Sayr. lib. 1. cap. 8. num. 6. & lib. 6. cap. 10. num. 13. Lop. p. p. cap. 48. & Veg. 2. 10. c. 129. casu 10.

At ego existimo sic in hac quæstione distinguendum: si is, cuius votum fuit irritatum, erat subditus non solum quoad materiam promissam, sed etiam quoad voluntatem, per quam vouit, (sicut est religiosus, vxor, & filius impubes) dicendum est, secundum se totum illud fuisse irritatum, neque amplius ad aliquid obligare vt tenet secunda opinio. Si autem quis erat subditus tantum quoad materiam promissam, & ea sit eiusmodi, quæ maneat in potestate subditi postquam is à superioris potestate eximitur vt si seruus vouisset dicere Rosarium singulis diebus per totam vitam omnino votum videtur obligare, quando talis subditus liberatur à potestate alterius. Ratio est, quia dominus non potest irritare votum serui, nisi quatenus potest illi subtrahere materiam promissam, sed non potest subtrahere materiam promissam, nisi pro tempore, quo vouens est illi subditus; ergo non potest irritare illud votum simpliciter, sed tantum quoad tempus subiectionis; ergo eo elapso, seruandum est à subdito id votum. Maior propositio per se patet, quandoquidem tantum est superior quoad materiam promissam. Minor verò probatur, quia pro illo duntaxat tempore materia voti est in superioris potestate.

\*\*\*

QVÆST.

## QVÆSTIO XLII.

*An superior possit irritare votum subditi emissum ab eo ante seruitutem, cum esset sui iuris?*

- 1 IN qua re conueniunt vniuersi, superiorem posse huiusmodi votum suspendere, si aliqua ex parte cedit in ipsius præiudicium: vt habetur ex cap. Noluit 33. q. 5.

## QVÆSTIO XLIII.

*Sed quæstio tota est de voto, quod subditus antequam in seruitutem deveniret, emisit, & nunc nihil superiori officit.*

- 1 RICH. in 4 d. 38. q. 1. art. 4. & Ro-  
scel. verbo votum 2. §. 7. & 14. affir-  
mant superiorem posse eius votum  
irritare. Quia etsi voluntas eius qui  
voverat, dum votum emitteret, alteri  
subiecta non erat, modo tamen sub-  
iicitur.

Mihi verò contraria sententia lon-  
gè verior videtur. Et ratio est, quia  
cum huiusmodi votum, ei minimè  
præiudicat, nullam habet tacitam  
conditionem ab ipsius consensu pen-  
dentem.

## QVÆSTIO XLIV.

*An possit superior irritare vota  
conditionalia subditi emissæ tem-  
pore libertatis, si conditio imple-  
tur tempore subiectionis?*

- 1 RESPONDEO non posse. Ratio  
est, quia tempore quo votum fa-  
ctum est, voluntas erat libera, ac sui-  
iuris, & sic non habuit conditionem  
imbitam ex consensu alicuius supe-

rioris pendentem, sed in genere voti  
conditionalis fuit perfectum, & exce-  
pta illa conditione fuit absolutum:  
ergo subiectio superueniens nequit  
nouam conditionem apponere, vt  
pendeat à consensu noui superioris,  
vt pote quæ naturam prioris voti non  
mutat.

## QVÆSTIO XLV.

*An votum quod emisit subditus  
sine superioris licentia imple-  
dum tempore quo fuerit sui iuris,  
possit à superiore irritari? Vt si  
v.g. adolescens promitteret se fu-  
turum eleemosynam, quando  
fuerit emancipatus.*

CAIET. 2. 2. q. 88. a. 8. Nauarr. c. 12. 1  
num. 66. Lop. p. p. cap. 48. Arag. 2.  
2. q. 88. art. 8. Roder. p. 2 sum. cap. 92.  
num. 10. & plerique alij absolute ne-  
gant. Quia votum emittitur pro eo  
tempore, quo materia voti non erit  
sub potestate superioris.

At verò Sotus lib. 7. q. 3. art. 1. &  
Vega 2. tom. cap. 129. casu 20. absolute  
docent, posse superiorem ea vota ir-  
ritare. Ratio est, quia tempore quo  
votum illud emittitur, voluntas illa  
subditi est sub potestate superioris,  
quantumcumque executio in aliud  
tempus differatur.

Tum quia licet executio pendeat  
in futurum, at talis voti grauamen, &  
obligatio præsentia sunt.

Tum deum, quia id votum sibi  
præiudicat, nam tempore quo est ve-  
rè superior, alter subditus eum non  
recognoscit, vovens sine eius licentia.

Hæ duæ opiniones possunt sic con-  
ciliari. Nam si est subditus solum quo  
adrem, quam vouet, vera est opinio  
Caietani, & ratio eius est optima: si  
verò quis subditus sit etiam quoad

X. 2. volun:

voluntatem, per quam vouet, tunc vera est opinio Soti. Nam licet tunc non possit irritari votum ex parte materię, potest tamen irritari propter subiectionem voluntatis, qua fuit emissum.

### QVÆSTIO XLVI.

*An superior possit irritare promissionem homini factam de eius licentia?*

**R**AGONA 2.2.q.88.art.8. affirmat ante traditionem posse irritare, quia ante traditionem superior semper est dominus.

At omnino dicendum est nullo modo posse validè irritare, sed teneri superiorem permittere subdito, vt promissionem adimpleat. Ratio est, quia licet dominium maneat apud superiorem, at est ius acquisitum homini, cuius ius non potest superior remittere, cum non gerat vicem ipsius. At cum gerat vices Dei ad gubernandam subditi voluntatem, potest remittere ius acquisitum Deo per votum, licet quando adest iusta causa, & illicitè quando absque causa remittit, semper tamen validè.

### QVÆSTIO XXXXVII.

*An censeatur superior votum irritare, quando illius ignarus petitam licentiam illius exequendi denegas?*

**R**ESPONDEO minime. Ratio est, quia cum voluntas ferri nequeat in non cognitum, non censeatur superior votum penitus ignoratum velle irritare. Et ideo ita tenent Cajet. 2.2.q.88.art.8. Sot. lib.7.q.3.art.1. Nau.

cap.12.num.69. Valent.2.2.d.6.q.6.p.6. & Suar. lib.6.cap.7.num.13. & 14.

### QVÆSTIO XXXXVIII.

*An subditus qui vouit rem, quam absque superioris licentia adimplere nequit, quia nimirum tempore voti materia erat prohibita, teneatur ex vi voti, antequam sit in mora soluendi, petere illius implendi licentiam?*

**I**N qua re certum est apud omnes, hunc ad id non teneri, si tempore voti habuit expressè intentionem non se obligandi ad petendam licentiam, sed solum ad opus illud exequendum quando prohibitio cessat. Quia votum non obligat ultra intentionem vouentis.

Secundò etiam constat, hunc non teneri eam licentiam petere, quando tempore voti credebatur talem licentiam non esse necessariam, quia obligatio eius petendæ oritur ex tacita vouentis voluntate, ignorantia autem tollit voluntarium.

### QVÆSTIO XXXXIX.

*Sed difficultas est, quando de eius expressa intentione non constat.*

**R**ESPONDEO hunc ad id teneri. Et ratio est, quia cum votum illud impleri nequeat absque superioris licentia, vanum, & irritorium esset, nisi obligaret ad eam licentiam petendam. Secus si res erat permissa, nec opus erat licentia ad exequendum, & postea superior prohibet, quia tunc non renetur ex vi voti petere licentiam. Ratio est, quia votum non obligat ultra vouentis intentionem tacitam



tacitam, aut expreffam: at neutra fuit obligandi fe in hoc cafu ad eam licentiam petendam, vt pote quæ tunc neceffaria non erat. Quare excufabitur fubditus ab eo voto implendo durante prohibitione illa, & poteflate illius fuperioris, & his ceffantibus reuiuifcet votum, quia non erat irritum, fed fufpèfum. Quod limita, niſi quando fubditus vouit, intenderet fe obligare, non obftante futura fuperioris prohibitione, tunc enim ea fecuta tenebitur fubditus petere licentiam. Ita Roder. p. 2. fum. cap. 92. num. 3. & Vega 2. tom. cap. 129. caſu 90.

## Q V Æ S T I O L.

*An ſi fuperior voti ignarus denegat licentiam exequendi opus, teneatur fubditus ei aperire votum?*

**I**N hac re, fanè dubia, & perplexa, vnum certum eſt, alterum vero cõtrouerſum. Certum eſt enim, quod ad irritandum quidem votum, vt videlicet non habeat vim obligandi, requiritur in fuperiore notitia voti facti, vt optime docuit Caiet. 2. 2. q. 88. art. 8. quem communiter fequuntur Doctores.

Difficultas autem eſt, An ad hoc vt faltem ad tempus excuſetur fubditus ab executione operis, ſatis ſit ſuperiorem negare facultatem exequendi opus, tamen ſi inſcius ſit voti facti, vel requiratur vt conſcius voti, neget facultatem exequendi operis?

**I**lluſtriſſimus Caietanus in *ſumma verb. votum cap. de 4. conditionibus* Sor. lib. 7. q. 3. art. 1. Arag. 2. 2. q. 88. ar. 8. Valent. 2. 2. d. 6. q. 6. p. 6. Roder. p. 2. cap. 91. num. 5. & Azor. lib. 11. cap. 16. q. 6. affirmant teneri fubditum manifeſtare votum ſuperiori, peteretque ab eo li-

centiam, vt votum illud exequatur, vbi ſine licentia impleri nequit. Nam facilius ſuperior voti conſcius licentiam concedet, quàm forte negaret illius ignarus.

His tamen non obſtantibus dico, longe verius, atque probabilius eſſe, affirmare hunc ad id non teneri. Et ratio eſt, quia vouens ſolum obligatur ad implendam conditionem incluſam in voto, & qua poſita manet integrum, & validum votum: ſed hanc ſatis implet petendo licentiam tacito voto; ergo ad nil amplius tenetur.

Tum quia vouens non tenetur efficere, totum quod in ſe eſt, quo votum impleat, ſed id ſolum, ad quod faltem tacitè ſe obligauit per votum. Ar vouens rem prohibitam, non ſubinde ſe obligauit ad manifeſtandum ſuperiori votum, ſed dumtaxat ad petendam exequendi licentiam. Quare vt teneatur fubditus aperire votum, opus eſt expreſſa vouentis intentione, quæ ad id aperiendum ſe obligarit vt rectè docuit Caiet. 2. 2. q. 88. art. 8. Nec ſatis eſt ad eſſe intentionem tempore voti illud aperiendi, ſed neceſſarium eſt ad eſſe expreſſam illam ſe obligandi intentionem. Quia ſolum propoſitum, quale eſt intentio illa, nullam vim obligandi inducit: & in caſu dubij, an videlicet vouens habuerit talem intentionem, iudicandum eſt in fauorem vouentis, vt non obligetur, cum nulla ſit poſſeſſio pro voto, ſed tota pro voluntatis libertate; cum ſola aperiendi intentio nullam obligationem inducat. Et ideo huius ſententiæ ſunt Nauar. cap. 12. num. 69. Palac. in 4. d. 38. d. 3. Caiet. ſupra citatus & Suar. lib. 3. cap. 6. num. 15.

Hoc idem dicendum eſt, quando ſuperior non prohibet materiam voti, ſed eius inſcius occupat fubditum tempore quo neceſſariò erat votum impleturus: non enim tenebitur ſub-

X 3 ditus

ditus ad votum ei manifestandum. Quia occupatio illa est quædam prohibitio operis cum illa incompatibilis;

### QVÆSTIO LI.

*An si superior voti ignarus deneges omnino licentiam, teneatur subditus iterum atque iterum eam petere?*

**R**ESPONDEO teneri. Ratio est, quia cum votum illud superiori incognitum adhuc semel negata licentia vim obligandi habeat, utpote quod non irritatum, sed sopitum solum erat, obligabit ad petendam iterum implendi licentiam, quando recta ratio dictauerit tempus esse congruum. Vnde si licentia non fuit in perpetuum denegata, sed pro certo tempore, eo transacto tenebitur iterum, atque iterum opportunis temporibus pro ut prudentia suaserit petere. Ita Caiet. in sum. verb. votum & Suar. lib. 6. c. 7. num. 15.

### QVÆSTIO LII.

*Sed quid si superior omnino, & simpliciter neget licentiam, dicens se nolle ut unquam impleat, teneatur subditus cessante illius superioris potestate, iterum petere licentiam?*

**R**ESPONDEO teneri. Ratio est, quia cum ea prohibitio superioris non sit per modum constitutionis, non est perpetua, sed temporalis tantum, nempe pro tempore subiectionis illi superiori, & obligatio petendi licentiam durat, dum voti obligatio non est extincta. Quare votum quod

tantum suspensum erat, finita ea subiectione, obligabit ad iterum petendam licentiam à suecessore. Quod limita, nisi votum sit alligatum tempori & pro illo petatur facultas, & superior neget; tunc elapso eo tempore, non tenebitur facultatem iterum petere, nam votum per lapsum temporis est extinctum, quia pro tempore pro quo obligabatur impleri non potuit v. g. vouit quis certa die ieiunare, & superior prohibuit illi ieiunium, petiuit licentiam tacito voto, eamque superior denegauit, non tenetur ea die ieiunare, nec iterum ea transacta, iterum petere licentiam, quia elapso eo tempore, extinctum est votum. Ita Suar. lib. 6. c. 7. num. 15.

### QVÆSTIO LIII.

*An superior censeatur votum irritare, quando voti conscius, dicit subdito, nolo ut facias, quod vouisti?*

**Q**VÆSTIO est, cuius meminit Caietanus in sum. verbo votum; Respondendum est ergo iuxta mentem eius affirmatiuè. Et ratio est, quia votum subditi habet imbibitam conditionem, si sit de rebus licitis, nisi superior contradixerit; si autem de prohibitis, si superior licentiam concesserit, ut rectè docuit D. Thom. 2. 2. q. 88. art. 8. At in casu posito, quando superior voti memor dicit subdito se nolle, ut impleat, cessat prorsus conditio imbibita in voto; ergo verè irritat. Et colligitur ex c. 30. Num. ibi. Si autem statim ut audieris, contradixeris pater, vota eius irrita erunt. Vbi sola contradictio reputatur irritatio voti. At si superior non ita absolute explicet suam voluntatem, sed dicat, nolo ut pro nunc exequaris, non censeatur votum irritare.

tate.

tare, sed suspendere, quia irritatio non ad tempus sed in perpetuum cassat obligationem. Quare si votum illud non sit onus temporis, tenebitur subditus eo tempore elapso votum implere, si sit de re permilla; aut licentiam implendi petere, si de re interdicta sit. Si autem in honorem temporis sit, eiusque onus, non tenebitur amplius ad id votum, nisi intra implendi tempus superior licentiam concedat. Et in casu dubij iudicandum est in fauorem voti, ut illud, quam minime fieri possit laedatur, ne in dubio priuatur possessione obligandi in qua est.

### QVÆSTIO LIV.

*An vir possit irritare omnia vota vxoris, (dempto castitatis voto) emissa inito matrimonio pro tunc implenda?*

**D**E C I S I O huius quæstionis dependet ab alia. An videlicet vxor subdatur viro quoad solam voti materiam, an etiam quoad voluntatem, qua vouet?

Dux in hac quæstione sunt inter se pugnantibus Doctorum sententia. Prima docet vxorem ratione solius materiz promissæ subdi viro, ac proinde virum sola vota posse irritare, quæ sibi, suæque familiæ, vel gubernationi afferunt præiudicium. Ut si vxor voueat peregrinationes, abstinentias, ieiunia, potest vir hæc vota irritare: Cætera verò non item, cuiusmodi sunt vota recitandi preces aliquas, largiendi elemosynam ex bonis, quæ habet ultra dotem. Et ratio est, quia vir non est caput spirituale vxoris, sed tantum politicum, sicut dominus serui, quem tamen constat sola sibi præiudicantia posse irritare.

Tum quia matrimonium non ordinatur per se primò, & vltimate nisi ad bonum prolis, & familiæ: ergo vxor non subditur viro primariò, & per se propter gubernandam ipsius vxoris voluntatem, sed propter bonum prolis, & familiæ: ac subinde sola vxoris vota, quæ sibi in vsu matrimonij, educatione liberorum, & gubernatione familiæ præiudicant, poterit irritare. Ita tenent Nau. cap. 12. nu. 65. Caiet. 10. 1. opusc. tract. 3. 1. resp. 14. dub. 4. Azor. lib. 11. cap. 16. q. vltima, & cap. 17. quæst. 12. & 14. Less. lib. 2. cap. 40. dub. 15. Sayr. lib. 6. cap. 5. num. 8. & cap. 10. num. 19. Valent. 2. 2. d. 6. q. 6. p. 6. Lop. p. p. cap. 46. & Suar. lib. 3. cap. 6. num. 26. & lib. 6. cap. 4. num. 2.

Hinc, si vxor voueat res positas sub præcepto, ut non furari, non mentiri, vir non potest ipsius talia vota irritare. Ratio est, quia in his soli Deo subditur, nec in ipsius præiudicium cedunt.

Hinc, si vxor votum voueat peregrinandi, ieiunandi, &c. illud viro manifestare tenetur, ut vel illud in irritum reuocet, vel licentiam adimplendi concedat.

Ex quo inferitur, talia vota, quamdiu vir non contradicit, esse valida, & obligatoria, quia vxor non prohibetur vouere, cum sit actus virtutis, sed solum viro inuito votum seruare.

Secunda verò opinio (cui tanquam probabiliori adhaereo) ait vxorem subdi viro, non tantum quoad voti materiam, sed etiam quoad voluntatem, qua se voto adstringit, ac proinde integrum esse viro irritare omnia vota vxoris emissa inito matrimonio, pro tunc implenda, si absque eius licentia facta sint. Ratio est, quia quauis quoad actum coniugalem, vir, & vxor sint pates, ac in cæteris vir est caput mulieris. Vnde Genes. 3. absolue dicitur

citur vxori à Deo, *Sub viri potestate eris, & ipse dominabitur tui.* Et ad Ephes. 5. *Mulieres viris suis subdita sint, sicut domino; quoniam vir caput est mulieris, sicut Christus caput est Ecclesie. Sed sicut Ecclesia subiecta est Christo, ita & mulieres viris suis in omnibus.* Vbi pondero, *subiectionem in omnibus viro, & tanquam eum capiti.* Sicut enim omnes corporis actiones capiti subduntur, ab eoque gubernantur, ita omnes actiones vxoris viro, vt ab ipso gubernentur. Et in cap. 30 Num. eodem prorsus modo, & sub eadem verborum generalitate dicitur, vota vxoris non esse firma absque licentia viri, ac vota puellæ existentis in parentis domo, sine consensu patris.

Tum quia nullum est tempus, in quo non possit vir vxorem ordinare in bonam gubernationem domus, & familie.

Tum quia mulier est imprudens, & facilis in verbis & promissis, & ideò Deus subdidit eius voluntatem viro in votis emittendis. Et ideò hanc partem sustinent Sorus lib. 7. q. 3. art. 1. Arag. 2. 2. q. 88. art. 8. Roder. tom. 2. cap. 92. num. 9. Vega 2. tom. cap. 129. casu 93. & 94. Sanch. lib. 9. de matrimonio disp. 93. Stunica de voto q. 3. num. 74. Emman. Sa. verb. votum, vbi de voti irratione num. 1. Et videtur esse expressa sententia D. Thom. 2. 2. q. 88. art. 8. ad 3. vbi sic ait, *Quia nullum tempus est, in quo Prælatus non possit subditum circa aliquid occupare, nullum votum religiosi est firmum nisi sit de consensu Prælati: sicut nec votum puellæ existentis in domo, nisi sit de consensu patris: nec vxoris, nisi sit de consensu viri.* Quid clarius? Comparat enim D. Thom. vxorem in vouendo religioso, cuius vota posse Prælatum in vniuersum irritare, nemo dubitat. Hanc opinionem dicit esse tutam, & probabilem Lop. p. p. c. 47.

Ex quo inferitur, posse virum etiam irritare votum vxoris de rebus positis sub præcepto, vt de non fornicando, de non mentiendo, de audiendo sacro in diebus festiuis, &c. Ratio est, 6 quia licet vxor non sit subdita viro quoad materiam præceptorum Dei, subiicitur tamen quoad nouam obligationem, quam sibi imponit per votum seruandi illud; virque est videre, expediâtne vxorem eo nouo voti vinculo obligari. Potest enim imprudenter id promittere.

Hanc autem doctrinam limitat Graffius p. p. decis. l. b. 2. cap. 29. num. 8. nisi vir notoriam fornicationem corporalem, aut spiritualem admittat, tunc enim dicit non posse virum irritare vota vxoris, etiam sibi præiudicantia. Quia coniux adulter ius petendi debitum à coniuge innocente amisit. Cap. Agathosa 27. q. 1. ac proinde dominium in corpus, ac voluntatem eius.

At si hæc limitatio esset vera, idem 7 dicendum esset de fornicatione occulta, per quam pariter idem ius amittitur. Quare sic distinguendum est: si coniux innocens velit iure suo vtens, à nocente recedere, non poterit adulter eius vota irritare. At si nolit eo iure vti, sed maritaliter viuere, poterit alteruter coniux irritare alterius vota, quæ eo adulterio non admissio, posset. Quia coniux adulter non omnino admittit ius petendi, sed infauorem innocentis, si hic velit eo iure vti.

## QVÆSTIO LV.

*An vir possit irritare votum castitatis constante matrimonio ab vxore absque sua licentia emissum: & pro tunc implendum?*

CAIET. in sum. verb. votum cap. 1 de conditionibus ex parte vouentis §. scito,

§. feito, & in opufe. tom. 1. traft. 3. 1. 16. reff. 14. dubio 4. Nauarr. cap. 12. num. 64. Valent. 2. 2. d. 6. q. 6. p. 6. Lop. p. 1. cap. 47. & multi alij negant. Quia vir non habet dominium in vxorem in ordine ad actum coniugalem, fed quo ad eum funt pares cap. Gaudemus de diuortio. & cap. Si quis vxorem 32. q. 1. Nec vir eft caput mulieris quo ad eum actum, vt reat Durandus in 4. d. 38. q. 1. art. 1. annotauit: ergo nullo modo poterit votum vxoris circa eum actum emiffum irritare.

Sed quamuis fententia hac fit valde probabilis, probabilior tamen iudico contrariam, nimirum poffe virum id votum irritare. Ratio eft, quia quamuis vir, & vxor funt pares quoad libertatem non petendi, & obligationem reddendi, & ita materia illa non fit viro fubiefta; at quoad illam nouam obligationem, quæ accidentaria eft, vxor fubditur viro tanquam capiti, cuius eft voluntatem ipfius dirigere, ne imprudenter voueat.

Atque idem fentio, licet votum fit integræ caftitatis, poteft enim vir illud omnino irritare, quia militat eadem ratio. Nam illa noua obligatio, qua vxor inconfulto viro fe adftrinxit, fubditur viro. Vnde fi ea irratione facta, vxor adulterium committat, non erit voti rea, nec foluto matrimonio tenebitur ab aliis nuptiis abftinere, ad quæ ex vi voti tenebatur, quia irratione eft extinctum. Et ideo ita fentiunt D. Thom. in 4. d. 32. in fine, in ex pofitione literæ Magiftri, Sot. lib. 7. q. 3. ar. 1. & in 4. d. 35. q. 1. ar. 3. Arag. 2. 2. q. 88. art. 8. Rodet. p. p. fum. cap. 243. nu. 8. Veg. 2. tom. c. 129. cafu 12. & Sayrus lib. 6. cap. 5. num. 13.

Et ad argumentum contrariæ opinionis refpondeo, quod quamuis vir non habeat dominium in eam materiam, habet tamen in voluntatem, qua fe obligat.

## QVÆSTIO LVI.

*An vir irritare poffit votum vxoris, quod de eius licentia emiffum?*

**R**ESPONDEO poffe. Ratio eft, quia licet vir det licentiam, non abdicat à fe proprium dominium, vel poteftatem: nam femper manet dominus materiæ promiffæ, nec cenfetur licentia conceffa, vt votum deinde fit independens à viri voluntate, fed adhuc inuoluit tacitam conditionem, nifi vir contradixerit. Nec tunc vxor id non implens peccat, vt habetur cap. 30. Num. ibi. Sin autem contradixerit ( vtique maritus ) poft quam refciuit, portabit ipfe iniquitatem eius, f. vxoris; quia nimirum illa non peccabit transgrediendo votum, fed maritus reddet rationem pro illa. Et ita intelligit eum locum ibi D. Aug. & habetur in cap. Manifeftum 33. q. 1.

## QVÆSTIO LVII.

*An fi maritus talem licentiam renocet, & votum irritet, peccatum committat?*

**E**T quidem fi maritus poftquam dedit licentiam vxori ad vouendum, illam poftea reuocat ex rationabili caufa motus non peccat, quia poteftatem habet, & per priorem licentiam non fe obligauit ad non reuocandum, interueniente caufa iufta.

## QVÆSTIO LVIII.

*Quæftio ergo procedit, quando maritus fine caufa irritat votum vxoris de fua licentia emiffum.*

Y SOTUS

- 1 **S**OTVS lib. 7. q. 3. art. 1. dicit cum solum peccare venialiter.  
 2 Suar. lib. 6. cap. 4. ad finem tenet cum raro peccare mortaliter, nisi vel scandalum, vel contemptus grauis intercedat.

## QVÆSTIO LIX.

*An vxor possit irritare aliqua viri vota absque sua licentia emissa?*

- 1 **S**OTVS lib. 7. q. 3. art. 1. & Azor. lib. 11. cap. 16. q. ult. & cap. 17. q. 13. negant. Quia vxor non habet dominiū voluntatis viri, immo ipsi tanquam capiti subest, nec etiam materiz promittit, quoniam hoc maximè locum haberet quoad actus matrimonij, quoad illos autem coniuges sunt pares cap. Gaudemus de diuoritiis.

Cæterum absque dubio tenendum est, posse vxorem ea tantum vota viri irritare, quæ in ipsius præiudicium cedunt quoad moderatam debiti redditionem, aut mutuam cohabitationem. Et ratio est, quia per contractum matrimonij, vxor habet dominium, & potestatem corporis viri quoad debitum sibi moderatè reddendum, & cohabitandum 1. Cor. 7. ergo vota huic dominio præiudicantia irritare poterit. Sic tenent Nauarr. cap. 12. num. 64. Tolet. lib. 4. cap. 18. Arag. 2. 2. q. 88. art. 8. Lop. p. 1. cap. 47. Rodet. p. 2. sum. cap. 92. num. 3. Sayt. lib. 6. cap. 3. num. 9. & cap. 10. num. 10. & Suar. lib. 6. cap. 4. num. 8.

- Hinc, si maritus absque vxoris consensu longam peregrinationem voueat, potest id votum ab vxore irritari. Quia hoc actum matrimonialium impedit. Vnde non rectè ait Abulen. cap. 27. *Leuit. q. 10.* posse virum omnem peregrinationem præter ultra marinam vouere, absque vxoris licentia.

Hinc, si vir absque vxoris licentia eas preces, abstinentias, aut vigilias voueat, quæ ita debilitent vires, vt ineptus sit ad reddendum moderatè debitum, possunt talia vota ab vxore tanquam sibi præiudicantia irritari: secus autem si illa sint moderata. Ita Suar. lib. 6. cap. 4. numer. 6. & 13.

## QVÆSTIO LX.

*An quando ea vota debitam mensuram excedunt, possit vxor ea vota in totum renouare, an solum excessum sibi præiudicantem?*

**R**ESPONDEO solum excessum. Ratio est, quia solum potest irritare vota, in quantum actum matrimonialium impediunt, at solus excessus ille promissus est huiusmodi: ergo solus ille irritari poterit cap. Quidam & cap. Placet de conuers. coniug.

Hinc, si maritus absque vxoris beneplacito voueat mutare habitum, vt induere habitum eremitæ, aut tertij ordinis D. Francisci, potest id votum ab vxore irritari. Quia hortorem generat, ac subinde obligationi reddendi debitum nocet. Suar. lib. 6. cap. 41. num. 12.

Hinc, si maritus aliquid in familiaria, ac rei familiaris præiudicium voueat, vt etogandi magnas eleemosynas, id votum non potest ab vxore irritari. Ratio est, quia tota administratio domus, & bonorum pertinet ad virum, independenter ab vxore. Quod intelligitur, nisi aded copiosam elemosynam voueat, vt implete nequeat, nisi dissipando aut alienando aliquid de bonis vxoris. Ita Suar. lib. 6. cap. 4. num. 8. & Sor. lib. 7. quest. 3. art. 1. Quod si votum illud in

in vitium prodigalitatis, aut iniustitiæ tenderet, non haberet vim obligandi, & ita non indigeret irratione.

## QVÆSTIO LXI.

*An vxor possit irritare votum  
ultramarinum quod maritus in-  
nita vxore emisit?*

**A**BYLEN. cap. 27. *Leuit. quest. 10.* affirmat posse. Quia hoc actum matrimonialempedit.

Sed tanquam certum tenendum est id votum non posse ab vxore irritari, vt expresse definitur in cap. *Ex multa §. in tanta & in cap. Quod super his de voto.* Nam propter commune bonum potuit Ius priuare vxorem suo priuato iure. Quod intelligitur non de voto ultramarino causa solius deuotionis facta, sed de voto in subsidium terræ sanctæ; nam de illo loquuntur textus citati, & Sanch. lib. 9. de matrimonio disp. 4. num. 15. Sayr. lib. 6. cap. 5. num. 9. Immo addit D. Thom. quodlib. 4. art. 11. virum non posse personaliter implere tale votum, si vxor nolit eum comitari, & sit iuuenis, relinquaturque in periculo incontinentiæ. quia ex iure naturæ tenetur vir periculum illud vxoris præcauere: vnde tunc satisfaceret redimendo votum. Nec tenetur vxor illum comitari, cum sit res valde onerosa.

**S**ed hæc hodie quoad praxim non sunt necessaria, quia non est occasio faciendi tale votum: esset tamen si bellum pro recuperanda terra sancta moueretur.

## QVÆSTIO LXII.

*An vxor possit irritare votum de*

*non petendo debitum, factum  
à viro absque eius licentia?*

**I**N hac questione duo certa sunt, <sup>1</sup> vnum verò controuersum. Et primò certum est, non posse vxorem tale votum irritare, quatenus obligat ad abstinendum à venereis extra matrimonium, & ab alio matrimonio. Ratio est, quia id votum nullatenus sibi præiudicat.

Secundò etiam certum est, non posse vxorem irritare votum viri de non exigendo debitum coniugale. Ratio est, quia id votum cum importet solam obligationem ad non compellendum vxorem ad reddendum sibi, & ided libera maneat petendi absque illa coactione facultas nullatenus est in eius præiudicium, sed commodum. <sup>2</sup>

## QVÆSTIO LXIII.

*Sed quod in dubium vertitur, est:*

*An vxor possit irritare votum  
viri de non petendo debitum  
absque eius licentia factum?*

**D** THOM. in 4. dist. 32. quest. unica <sup>1</sup> art. 4. ad 1. Henric. lib. 11. de matrimonio cap. 15. num. 8. Roder. p. 2. sum. cap. 92. num. 3. Philarch. 10. 1. p. 2. lib. 3. cap. 4. Vega 2. 10. cap. 129. casu 93. Lop. p. 1. cap. 46. & plerique alij docent posse vxorem tale votum irritare. Quia cedit in maximum eius grauamen, quia contra naturalem mulierum verecundiam cogitur semper petere. Hanc opinionem dicit esse probabilissimam Arag. 2. 2. q. 38. art. 8. Et videtur eam tenere Nauar. cap. 12. nu. 60. cum hoc temperamento, nisi sit votum non petendi in fauorem sui, sed tantum, quando mos est gerendus alteri coniugi.

Cæterùm quamuis hæc sententia sit <sup>2</sup> satis probabilis, probabiliorem tamen

Y 2 credo

credo non posse irritare. Ratio est, quia id votum non est contra fidem matrimonij, quæ solum adstringit virum ad reddendum debitum, nec vxor dominium aliquod aut potestatem habet in virum, vt compellat ipsum ad petendum debitum, sed quoad id sunt pares, & ambo sui iuris, & ex altera parte vxor non est caput viri, sed ei subdita.

Et confirmatur; nam non petendo nulli facit iniuriam, vritur enim iure suo, non enim lege matrimonij tenetur petere, sed solum se paratum exhibere.

Tum quia onus petendi, quod imponitur coniugi est parui momenti: potest enim minimo signo petere, & alter tenetur reddere: & eo voto emisso tenetur vir se aliquoties offerre ad vsum coniugalem. Et ideo ita tenent D. Thom. *quodlib.* 3. *art.* 18. *Less.* lib. 2. *cap.* 40. *dub.* 15. *num.* 99. *Palac.* in 4. d. 38. d. 2. *Angles de voto*, *Stunica* q. 3. *de voto num.* 60. *Anton. Gom.* *super Bull. cruciat.* *clausula* 10. *num.* 67. & expresse colligitur *ex cap.* *Quidam* 3. *de conuers. coniug.* vbi dicitur, eum qui inuita vxore professus fuerat, etsi professio non valuit, non posse petere debitum, quia cum esset in eius potestate id promittere, votum quoad hoc tenuit. Secus tamen esse quoad non reddendum debitum, quia id non erat in eius potestate. Et idem habetur in *cap. places eodem tit.*

#### QVÆSTIO LXIV.

*An vir irritare possit votum de non petendo debitum vxoris, quod absque eius licentia emisit?*

D. Thom. in 4. *dist.* 32. *quest.* 2. *Sot.* lib. 7. q. 3. *art.* 1. *Nauarr.* *cap.* 12. *nu.* 60. *Lop.* p. 1. *instruit. confess.* *cap.* 46. & plerique alij affirmant posse virum

tale votum irritare, quia vergit in eius præiudicium, cui onus imponitur semper debitum petendi.

At verò Caietanus 2. 2. q. 88. *art.* 8. & in *sum.* verbo *votum* existimat non posse tale votum à viro irritari, quia hoc non præiudicat viro, cui non subicitur ea ex parte, sed est ipsi par; & ideo potest sine facultate ipsius se taliter obligare vnde vxor abundanter satisfacit debito matrimoniali, reddendo debitum.

Ex his opinionibus, prima quæ est; D. Thom. mihi videtur verior, atque tenenda. Ducor, quia quamuis vir, & vxor sint pares quoad libertatem non petendi, & ita materia illa non sit viro subiecta; at quoad illam nouam obligationem quam sibi imponit per votum, vxor subditur viro tanquam capiti, cuius est voluntatem ipsius dirigere, ne imprudenter voueat.

#### QVÆSTIO LXV.

*An vir irritare possit votum castitatis vxoris, quod post consummatum matrimonium de eius licentia emisit?*

D. Thom. in 5. d. 32. in *exposit. lue.* 1. *va Mag. Syluest. verb.* *votum* 5. q. 2. *Nauarr.* c. 12. *num.* 61. & *Less.* lib. 2. *cap.* 30. *dub.* 15. *negant.* Quia materia huius voti non est viro subiecta. Hoc idem sentit *Roder.* p. 2. *sum.* *cap.* 92. *num.* 5. qui id temperat, nisi in quantum votum castitatis præiudicat viro, vnde ait, non licere irritare, vt vxor possit petere.

At omnino dicendum est, posse virum id votum irritare. Ratio est, quia licet vir non sit dominus materie illius promissæ, sed in illa sit æqualis vxori, at tanquam caput est dominus illius actus liberi, quo vxor tempore subiecta



subiectionis se voto illo obligauit: & quamuis ex viri consensu id votum sit factum, id conferet, vt vir absque iusta causa irritans peccet mortaliter, non tamen, vt irritatio sit nulla; nec vt sit illicita, quando causa iusta irritandi subest; quia mulier manet subdita viro, non obstante licentia; nec maritus potest à se abdicare potestatem eam gubernandi, & ideo valebit irritatio. Nec tunc vxor id non implens peccat, vt habetur cap. 30. Num. ibi, Si audiens vir tacuerit, & in alteram diem distulerit sententiam, quidquid voverat, atque promiserat, reddet. Si autem contradixerit, postquam rescinit, portabit ipse iniquitatem eius. vbi quamuis non dicar expresse Scriptura, vxorem esse culpæ immunem, dum viro contradicente, non seruat votum, at tacite id significat, ibi dum ait, culpam vxoris redundare in virum. Et ita intelligunt eum locum D. Aug. lib. 4. q. 59. in Num. & refertur in cap. fin. 33. q. 5. & ideo ita tenent Sotus lib. 7. q. 3. ar. 1. Arag. 1.2. q. 88. art. 8. Valent. 1. 2. d. 6. q. 6. p. 6. Sayr. lib. 6. cap. 10. nu. 19. Vega 2. so. sum. c. 129. casu 21. & Suar. lib. 6. cap. 4. num. 19.

Idem cenſeo dicendum, quamuis vxor de consensu viri vouisset omnimodam castitatem contra Philarchum de off. sacerdot. tom. 1. p. 2. lib. 3. c. 4. dicentem contrarium, eo quod tunc maritus ipse videatur vouisse castitatem, quod fundamentum falsum est.

Idem dicendum est de votis de rebus ad salutem necessariis factis ab vxore de consensu viri: potest enim vir ea valide irritare, quia eadem militat ratio. Cum adhuc licentia data, maneat vir dominus illius actus liberi, quatenus nouam obligationem induxit.

Idem dicendum de aliis votis communi consensu emissis, vt ieiunandi, orandi, dandi elemosinam, potest

enim vir ea vota irritare. Quia post talem licentiam, adhuc manet dominus materię promissæ.

Eadem ratione vxor poterit irritare vota viri ex licentia sua facta, quæ posset, si absque eius licentia fierent. Quia ea licentia non tollit pristinum materię promissæ dominium, & vota manent semper condicionalia. Sot. in 4. dist. 27. q. 1. art. 4.

## QVÆSTIO LXVI.

An vir consentiendo, vt vxor voueat castitatem, possit petere debitum?

RESPONDEO posse. Ratio est, quia consentiendo, non videtur renunciare iuri suo petendi, nisi id explicet: vnde tale votum solum obligat illam ad non petendum debitum, & ad abstinendum ab omni actu carnali illicito; tenetur tamen marito petenti reddere debitum, nec vir petendo peccat, cum nec ipse voverit, nec iuri suo cedere cogitauerit. Ita Nauar. cap. 16. num. 31. & Less. lib. 2. de iust. & iure cap. 40. dub. 15.

## QVÆSTIO LXVII.

An quando ambo de communi consensu votum castitatis emittunt, possit vir id votum irritare, & de contra?

PALAC. in 4. dist. 32. dist. 2. affirmat posse. Quia adhuc manet matrimonium, & potestas viri in vxorem.

At dicendum est, neutrum posse in hoc casu alterius votum irritare. Ratio est, quia vterque tunc iuri quod habebat, tum debitum petendi, tum votum irritandi, cessit. Vnde neuter  
Y 3 absque

absque sacrilegio aduersus votum, & peccato contra iustitiam, infringendo pactum cum ea initum, poterit ante dispensationem siue reddere, siue petere debitum coniugale. Ita Sot. lib. 7. q. 3. art. 1. Arag. 2. 2. q. 88. art. 8. Lop. p. p. cap. 46. Sayr. lib. 6. cap. 5. num. 15. & Less. lib. 2. cap. 40. dub. 15.

### QVÆSTIO LXVIII.

*An maritus possit vota ab uxore emissa post matrimonium ratum, nondum tamen consummatum, irritare?*

**R**ESPONDEO posse. Ratio est, quia autoritas mariti in uxorem acquiritur per matrimonium ratum; ergo si mulier vouit, poterit illud ab eo irritari. Ita Sayr. lib. 6. cap. 5. num. 12.

### QVÆSTIO LXIX.

*An si mulier ante consummatum matrimonium religionem voueat, possit id votum à viro irritari?*

**R**ESPONDEO non posse. Ratio est, quia in hoc casu tenetur mulier inuito viro non consummare matrimonium, sed votum implere ingrediendo religionem. Verum si mulier neglecto voto matrimonium consummet, non poterit sine consensu viri religionem intrare; quia consummato matrimonio illud ius intrandi amittit, & tenetur viro debitum reddere: & quia non vouit castitatem, poterit etiam petere. Soluta tamen matrimonio, vel vxor sui iuris effecta renebitur voto satisfacere, quia non fuit extinctum, sed suspensum.

### QVÆSTIO LXX.

*An vxor possit irritare vota facta à viro post matrimonium ratum nondum consummatum, animo ingrediendi religionem, & ibi implendi?*

**R**ESPONDEO non posse. Ratio est, quia ipsi minimè præiudicant. At si non eo animo; vel eo animo votis factis, consummaret matrimonium; posset irritare ea omnia, & sola quæ sibi quoad actum coniugalem præiudicant. Quia dominium vxoris in corpus viri acquiritur per matrimonium ratum, cui maritus præiudicare nequit, nisi religionis ingressu.

### QVÆSTIO LXXI.

*An possit vir irritare vota vxoris ante matrimonium emissa?*

**A**ZOR. lib. 11. cap. 17. q. 2. affirmat posse, si ei, & administrationi familix, reique domesticæ noceant. Alij vero absolute negant. Pro quo.

Primò dico, quod vir non potest irritare vota emissa ab uxore ante matrimonium contractum. Ratio est, quia quando talia vota fuerunt emissa, mulier erat sui iuris, nec vllò pacto voluntati viri subiecta; ergo non potest ea irritare.

Hinc, si factò diuortio ob viri adulterium, aut condemnationem hæresis, mulier voueat, non poterit vir postea reconciliatus illud votum irritare. Ratio est, quia mulier cum vouit erat sui iuris, & omnino independens à potestate mariti.

Secundò dico, quod vir potest ta-

lia

lia vota vxoris suspendere, quatenus obsequio ei debito præiudicant. Ratio est, quia obligatio voti contracta ante matrimonium non potest impedire obligationem iustitiæ consurgentem ex nouo matrimonio vt constat ex cap. *Noluit* 33. q. 5. vbi sic habetur. *Ita si adhuc in nuptia concesserit pater vota persolvere, si antequam persolverit, nupsit, & viro eius hoc cognitum non placuerit, non persoluat, & hoc omnino sine peccato.* Mortuo autem marito vota sua reuiuiscunt, pristinamque obligationem recuperant, quia illa vota non fuerunt mortua, sed mortificata tempore matrimonij. Ita Azor. lib. 11. c. 17. *quest.* 14. Valent. 2. 2. d. 6. *quest.* 6. p. 6. Sayr. lib. 6. cap. 10. num. 11. & 19. & Suar. lib. 6. cap. 4. num. 16. & cap. 6. num. ultimo.

Idem dicendum est de voris realibus vxoris ante matrimonium emissis. Quia cum administratio omnium bonorum vxoris pertineat ad virum, executio eorum votorum damnum infert huic administrationi, & ideo ratione huius grauaminis potest vir ea suspendere. Et si postea vir licentiam concedat, tenebitur vxor ea vota adimplere, vt pote quæ non extincta, sed suspensa dumtaxat erant. Quod est intelligendum quoad materiam, ad quam votum illud, cessante subiectione obligat. v. g. vouit vxor ante matrimonium se quotidie recitaturam officium paruum Beatæ Virginis, aut ieiunaturâ omnibus sextis feriis totius vitæ: irritauit postea vir, nō tenetur soluto matrimonio ad officia, & ieiunia omnia tempore suspensionis voti; quia fuerunt onus diei, ac proinde transacto die cessauit obligatio: sed tenebitur ab eo tempore soluti matrimonij, ad recitandum quotidie officium, & ieiunandum sextis feriis.

Similiter vota personalia viri an-

te matrimonium facta, posse quoque ab vxore suspendi; si aliquo modo damnum sibi inferunt; ac proinde pro tunc non obligabunt, donec soluatur matrimonium. Quia obligatio iustitiæ contracta ex nouo matrimonio præualeat obligationi consurgenti ex voto.

Tertiò, & vltimò dico, quod si quando vota fuerunt emissâ, vxor erat impubes, vel vota erant talia, quæ Parentes, Tutores, vel Curatores irritare poterant, in vniuersum omnia eius vota, possunt à viro irritari. Ratio est, quia vir succedit in locum Parentis, Tutoris, & Curatoris ad eam gubernandam, eiusque leuitari, & imprudentiæ succurrendum.

## QUESTIO LXXII.

*An vota vxoris irritata à viro, aut viri irritata ab vxore soluto matrimonio reuiuiscant?*

REGOR. de Valent. 2. 2. d. 6. *quest.* 6. p. 6. tenet reuiuiscere.

Sed contraria sententia mihi plus placet, quæ dicit non reuiuiscere. Ratio est, quia per irrationem obligatio voti est omnino extincta; at obligatio semel extincta numquam reuiuiscit vt habetur in l. Cum ex causa Cod. de remiss. pignori. Quia cum iam perierit esse, vires reallumere non poterit, nisi denuo renouetur. Sicut lex semel cassata non potest amplius obligare, nisi iterum à Principe imponatur. Et ideo ita sentiunt Nauarr. cap. 12. num. 66. Tolet. lib. 4. cap. 18. Sot. lib. 7. *quest.* 3. a. 1. 1. Lop. p. 1. cap. 48. Vega 2. tom. cap. 12. g. c. 95. & Philarch. de offic. Sacerd. tom. 1. pa. 1. 2. lib. 3. cap. 4. Eiusdem opinionis est Caietanus 2. 2. *quest.* 88. articulo 9. vbi id probat ex capite Quidam

Quidam de conuersat. coniug. vbi vir reuocatus à religione per uxorem, non tenetur defuncta vxore ad eam redire, in qua professus fuerat. Sed (pace tanti viri sit dictum) hic textus nihil facit ad propositum, quia ea reuocatio non innititur irritationi, sed nullitati professionis.

### QVÆSTIO LXXIII.

*An votum quod emisit vxor implendum post mortem mariti, possit à marito irritari?*

**I**N NOCENT. & Panormit. in cap. Scriptura num. 7. de voto, & voti redemptione, affirmant.

**A**lij verò negant, & merito quidem, quia nihil viri potestatem in administranda re familiari, & domestica lædit, aut impedit. Ita Nauarr. cap. 12. num. 76. Arag. 2. 2. q. 88. art. 8. Valent. 2. 2. d. 6. q. 6. p. 6. Caetan. 2. 2. q. 88. art. 8. & Azor. lib. 11. cap. 17. q. 3.

### QVÆSTIO LXXIV.

*An votum integræ castitatis quod vir de licentia uxoris emisit, possit ab uxore irritari?*

**R**ESPONDEO posse uxorem ex iusta causa licite irritare id votum quoad redditionem; & absque iusta causa valide, sed cum peccato: quia post talem licentiam adhuc domina manet corporis viri, ac proinde materię promissæ, non posse autem quoad reliquos effectus. Vnde vir in hoc casu tenebitur non petere, & ea mortua à secundis nuptiis abstinere, & si cum aliena commisceatur, peccabit contra votum: quia cum tantum habeat dominium corporis viri quoad obligationem, quam habet vir red-

dendi; non autem quoad ceteros effectus actus, ad quos votum obligat, non poterit irritare, nisi quoad illum solum actum.

### QVÆSTIO LXXV.

*An possit vir irritare vota uxoris sine sua licentia emissâ implenda post mortem viri?*

**R**EG. de Valent. 2. 2. d. 6. q. 6. p. 6. 1. Negat. Quia vxor tantum subditur viro quoad materiam promissam, quæ, vt constar, tempore executionis, non est in potestate eius posita.

Sed quamuis sententia hæc sit valde probabilis, probabiliorem tamen iudico contrariam, nimirum posse virum ea vota uxoris irritare. Ratio est, quia vxor non tantum subditur viro quoad materiam promissam; sed etiam quoad voluntatem, qua vouet, ne imprudenter voto se liget. Ita Sotus lib. 7. q. 3. art. 1. Lop. p. 1. cap. 50. & Vega 2. 10. cap. 129. casu 20.

### QVÆSTIO LXXVI.

*An possit vir irritare votum castitatis factum ab uxore sine sua licentia, implendum pro tempore, quo sui iuris erit?*

**L**OP. p. 1. sui instruct. confess. cap. 50. 1. Negat.

Alij verò rectius affirmant. Ratio est, quia voluntas uxoris dum id promittit, est sub viri potestate, ab eoque gubernanda, ne imprudenter voto se liget: potest autem imprudentia reperiri in promittenda castitate in tempus soluti matrimonij.

QVÆST.

## QVÆSTIO LXXVII.

*Sed maius dubium est de voto religionis.*

- E**T quidem si vxor post contractum matrimonium, nondum tamen consummatum, votum religionis emisit pro tunc implendum; certum est non posse virum id votum irritare, quia est votum, per quod eximenda est vxor à viri potestate, dissoluendumque est matrimonium.

## QVÆSTIO LXXVIII.

*Sed tota difficultas eò pertinet, quando votum emissum, est exequendum post mortem viri?*

- R**ESPONDEO posse virum id votum irritare. Ratio est, quia id votum tempore subiectionis emissum est, & dum subiecta est, irritatur, nec per illud eximitur à viri potestate. Et ideo ita sentiunt Sot. lib. 7. q. 3. art. 1. & Stronica de voto q. 3.

## QVÆSTIO LXXIX.

*An vir succedens possit irritare vota uxoris facta tempore prioris viri, absque eius licentia?*

- R**ESPONDEO posse. Vt si mulier nupta, absque viri licentia votum emisit, quod ille poterat irritare, & non irritauit, poterit sequens vir ea irritare: & similiter si nondum nupta, & impubes emisit votum personale, vel pubes, minor tamen, votum reale absque Parentum, aut Tutoris licentia; poterit vir cui postea nubit, ea irritare: sicut poterant parentes, aut

Tutores. Ratio est, quia maritus succedit in locum Patris, aut Tutoris, et gubernet eandem voluntatem.

## QVÆSTIO LXXX.

*An vir possit irritare obligationem, quam vxor ante vel post matrimonium de eius licentia cum homine contraxit?*

**R**ESPONDEO non posse, propter ius homini acquisitum, cum nullo iure cautum sit, et obligationes illius contractæ cum hominibus, imbitam habeant conditionem pendentem à superioris consensu, sicut dictum est in votis.

## QVÆSTIO LXXXI.

*An vota coniugum emissæ tempore integri matrimonij, nec post diuortium confirmata possint tempore diuortij ab altero coniuge irritari?*

**R**ESPONDEO non posse. Ratio est, quia diuortio durante suspensa est irritandi potestas; cap. Agathosa 27. q. 2. & cap. veniens de conuersat. coniug.

## QVÆSTIO LXXXII.

*An votum coniugum emissum tempore diuortij, aut post diuortium confirmatum, possit ab altero coniuge irritari?*

**R**ESPONDEO si coniux reus votum emittat, aut confirmet, licet innocentia facta reconciliatio illud irritare,

Z

irritare, ac suspendere, casu quo id efficere posset circa votum illaeso matrimonio emissum. Quia cum diuortium fiat in ipsius fauorem, ac dependenter ab eius voluntate, nimirum dum ipse noluerit eum ad pristinam amicitiam restituere; nequit alter illius iuri præiudicare: ac subinde illius votum habet eandem imbibitam conditionem, quam haberet, si integro matrimonio emissum esset. Si autem innocens id votum tempore diuortij emittat, aut confirmet, non poterit reus id votum irritare. Quia tunc innocens est omnino sui iuris, ac proinde potens independentem ab altero vouere.

Hinc, si innocens tempore diuortij votum religionis, aut castitatis emittat; cum sit sui iuris quoad hoc implendum, tenetur ad illud, & nequit alteri remittere adulterium, ne votum illud infringere cogatur. At facta semel reconciliatione, aut instaurato matrimonio ob simile innocentis adulterium, excusabitur pro tunc à religionis voto, donec coniuge defuncto liceat religionem ingredi.

### QVÆSTIO LXXXIII.

*An si maritus dicat uxori, se illi dare facultatem irrenocabilem vouendi, possit adhuc validè irritare?*

**R**ESPONDEO posse. Ratio est, quia maritus non potest à se abicere curam, & potestatem gubernandi uxorem. Nec potest etiam concedere illi bonorum administrationem independentem à sua voluntate, ac proinde poterit omnia eius vota realia irritare.

### QVÆSTIO LXXXIV.

*An Pater possit vota omnia impuberum irritare?*

**N**OTANDUM, in homine tres ætates posse considerari. Prima est infantia, in qua nondum viger usus rationis, quæ communiter vsque ad septennium completum durat.

Secunda dicitur pueritia, quæ incipit à septennio, & durat in foeminis vsque ad duodecimum annum completum, in masculis autem vsque ad decimumquartum completum: & in hac ætate masculus dicitur pupillus, & foemina pupilla, & ambo dicuntur impuberes.

Tertia verò ætas vocatur pubertas, quæ durat vsque ad 25. annum completum, in qua ætate tam masculus, quam foemina dicuntur minores, suntque sub cura parentum in rebus quæ pertinent ad administrationem suorum bonorum: ira ut sine licentia eorum non possint illa administrare.

Quando dicimus infantiam durare vsque ad septennium, & pueritiam vsque ad decimumquartum; hoc debet intelligi secundum præsumptionem iuris, quod iudicatur de rebus pro ut regulariter accidunt: potest tamen accidere, quod puer ante decennium non habeat usum rationis, & alij ante septennium.

His positis, Vivaldus *candelab. sacramen. 3. p. cap. 4. nm. 99.* ait patrem posse irritare omnia vota realia filij, & filie impuberum, non tamen omnia personalia, sed solum sibi præiudicantia.

At verissima sententia est posse patrem irritare quæcumque impuberum vota, siue realia, siue personalia, siue mixta, etiam si sint religionis, vel castitatis. Ratio est, quia ante pubertatis annum non præsumitur filius passim

passim habere satis iudicii, vt maturè,  
 3 & prudenter vouere queat. Quare  
 ne imprudenter se votis inuoluat, vo-  
 luit ius omnia eius vota esse subiecta  
 potestati patris, cui subest per tacitam  
 conditionem, quæ votis inest. Pote-  
 ritque talis subditus irritationem hu-  
 iusmodi votorum petere, immo non-  
 numquam confessarius consulere po-  
 test, vt talem irritationem petat. Et est  
 conclusio definita in cap. 1. de regul.  
 in 6. & in cap. 14. Mulier 32. q. 2. & in  
 Concil. Tolet. 10. cap. 6. & refertur cap. 1.  
 20. q. 2. Et ideo ita sentiunt D. Thom.  
 2. 2. q. 88. art. 9. Sor. lib. 7. q. 3. art. 2.  
 Nauarr. cap. 12. num. 64. Arag. 2. 2. q.  
 88. ar. 8. Valent. 2. 2. d. 6. q. 6. p. 6. Tolet.  
 lib. 4. cap. 18. Azor. lib. 11. cap. 17. q. 7.  
 Molina 10. 1. d. 131. & d. 130. & 10. 2. d.  
 161. & Suar. lib. 6. cap. 6.

### QVÆSTIO LXXXV.

*An vota personalia, aut realia, aut mixta, quæ filius impubes emisit exequenda tempore pubertatis, aut plena libertatis, pater possit irritare? Vt si v. g. vouit religionem, aut aliud personale votum emisit adimplendum mortuo patre, aut post pubertatem.*

- 1 ILLUSTRISSIMVS Caietan. 2. 2. q. 189. ar. 5. & Nauar. cap. 12. num. 66. negant. Quia pater non est dominus actionum personalium filii impuberis tempore quo votum exequendum est. Contrarium tamen est proculdu-  
 2 bio affirmandum. Et ratio est, quia omnia vota filii impubis habent tacitam conditionem, ex dispositione iuris, ob defectum plenæ animi deliberationis, & iudicii qui in omnibus illius votis locum habet.

Tum quia paterna potestas irritandi vota, est præcipue collata ad

omnimodam impuberis gubernan-  
 dam voluntatem imperfecto rationis  
 vsu gaudentem, quæ ideo errare po-  
 test, non minus circa obligationes  
 implendas post pubertatem, quam  
 circa implendas dum est impubes. Et  
 ideo ita tenent Sor. lib. 7. q. 3. art. 1. Va-  
 lent. 2. 2. d. 6. q. 6. p. 6. Azor. lib. 11. cap.  
 17. q. 8. Emman. Sa, ubi de voti irritat.  
 num. 7. Less. lib. 2. cap. 40. dub. 14. Sayr.  
 lib. 6. cap. 10. num. 29. & 30. & Suar.  
 lib. 6. cap. 6. num. 7. & 17.

### QVÆSTIO LXXXVI.

*An vota personalia, aut realia filii- familias ante pubertatem emis- sa, exequenda post pubertatem, si semel à patre irritentur, eo tamen mortuo renouiscant?*

RESPONDEO non reuiuiscere. 1  
 Ratio est, quia iura non ideo concedunt patri potestatem irritandi vota filii impubis, quia ei aliquo modo nocent, sed quia intra illud tem-  
 pus non censetur filius eo vt iudi-  
 cio, & deliberatione, quam votum  
 necessariò requirit.

### QVÆSTIO LXXXVII.

*An si Pater vota personalia, aut rea- lia à filiofamilias emissæ, dum erat sub potestate patris, id est impubes, non irritauit; possit pos- tea dum est extrai illius curam, id est pubes, illa irritare? v. g. emisit filium ante annum 14. vo- tum aliquod personale, vt casti- tatem, vel religionem vel ante 25. votum aliquod reale, vt elee- mosynam, quæ à patre his tem- poribus non fuerunt irritata. Du- bium est: An possint nunc ab eo irritari?*

1 **S**OTVS lib. 7. *quæst.* 3. art. 2. Arag. 2. 2. q. 88. art. 9. Roder. p. 2. *sum. cap.* 93. num. 6. Vega 2. *tom. cap.* 129. *casu* 90. & 91. & Angles *de voto* negant posse patrem talia vota irritare: quia potestas irritandi vota est solum concessa durante subiectione: ergo ea finita non poterit amplius irritare. Sicut si dominus votum serui dum in illius potestate erat, non irritauit, postquam is est libertatem consecutus non potest irritare.

Sed quamuis sententia hæc sit valde probabilis, probabiliorem tamen iudico contrariam, nempe posse patrem vota illa postea irritare. Ratio est, quia nulla facta est mutatio in votis ex parte rei, per hoc quod filius annos pubertatis exiuit: vnde ipsa adhuc manent implicite conditionata, sicut erant à principio, nempe *nisi pater contraxeris*; ergo post annos pubertatis irritari possunt à patre, sicut intra annos pubertatis potuerunt. Itaque cum conditio adhuc maneat, & firmitatem voti quasi suspensam teneat; si pater nolit esse firmam, desinet obligatio; quia vt ex *reg. iuris* in 6. habetur: quæ à principio non tenent, tractu solo temporis non firmanantur.

Tum quia vota illa à principio fuerunt infirma, & irritabilia & nunquam fuerunt confirmata, vt suppono: ergo semper retinet illam imperfectionem; ergo semper irritari possunt.

Huic fauet mirabiliter textus *cap. final. de sententia excommunicationis* vbi decernitur impuberem posse ab Episcopo post pubertatem absolui à percussionem Clerici tempore impubertatis facta: etsi nequeat à facta post pubertatem: & subditur ratio his verbis: *Cum propter defectum ætatis. in qua fuit commissum delictum. rigor sui mansuetudine temperandus.* Quæ ratio clare probat in usu potestatis concessæ circa actus impuberum, non spectan-

dum tempus, quo in actus illos potestas exerceretur; sed tempus quo effecti sunt. Et ideo huius sententiæ sunt Caietan. 2. 2. q. 189. art. 5. Lop. p. 1. *cap.* 48. Valent. 2. 2. d. 6. q. 6. p. 6. Nauarr. *cap.* 11. num. 71. Azor. lib. 11. *cap.* 17. q. 7. Suar. lib. 6. *cap.* 6. num. 8. & Sayr. lib. 6. *cap.* 10. num. 26.

Et ad argumentum contrariæ opinionis respondeo disparem esse rationem: nam in votis filij, irritatio patri conceditur, quia iudicium illius est imbecille, & imperfectum: in votis verò serui, domino facultas irritandi datur propter præiudicium, quod ei ex talibus votis irrogatur. Vnde quando ea in eius præiudicium non redundant, non potest irritare: vota autem impuberum possunt semper irritari, quia sunt ea ætate emissa, quæ sæpe iudicij maturitate caret; quæ qualitas semper manet in illis votis, nisi denuo confirmantur.

Possent tamen commodè hæc duæ Doctorum dissentientes opiniones ita inter se conciliari, vt dicamus primam opinionem esse veram quando pater non ignorauit votum filij, & illud infra tempus ei concessum non irritauit; tunc non potest amplius post pubertatem illud irritare; quia tacendo, censetur tacite votum illud confirmasse, iuxta regulam iuris in 6. *Qui tacet, consentire videtur.* E contra verò secunda opinio est, quando pater solum post annos pubertatis sciuit votum filij ante dictum tempus emissum, tunc etiam post pubertatem illud irritare poterit; quia fuit de re, quæ tunc à voluntate patris pendebat, & taciturnitas filij non potest ei præiudicare. Quod intelligitur dummodo statim, ac conscius factus est voti, contradicat: si enim non statim contradicat, videtur consentire. *cap. Mulier 32. quæst.* 2.

QUEST.



## QVÆSTIO LXXXVIII.

*An si pater dubitet, an filius familiaris 14. annum habeat ratione voti, possit adhuc illud irritare?*

**R**ESPONDEO posse. Ratio est, quia pater possidet ius suum, quo non priuatur in casu dubio.

Tum quia est fauor debitoris, & ideo ampliandus.

Tum demum, quia in simili dubio non iudicatur impubes factus pubes quoad alios effectus, v.g. quoad agendum in iudicio, &c. & ideo ita tenet Suar. lib. 6. cap. 6. num. 4.

## QVÆSTIO LXXXIX.

*An si filius familiaris post adeptam pubertatem votum antea factum denuo ratificet, possit à patre illud irritari?*

**R**ESPONDEO non posse. Ratio est, quia tunc perinde est, ac si filius post annos pubertatis voueret; & ita nullatenus eius vota imbibunt conditionem pendente ex patris voluntate.

## QVÆSTIO XC.

*An impubes censeatur votum ratificare, quando post adeptam pubertatem credit tale votum valere?*

**R**ESPONDEO minimè. Ratio est, quia credere pertinet ad intellectum: ratificare autem ad voluntatem.

## QVÆSTIO XCI.

*An impubes censeatur votum ratificare, quando post annos pubertatis credens suum votum valere, decernit illud seruare?*

**R**ESPONDEO minimè. Ratio est, quia etsi propositum hoc sit actus voluntatis; non tamen respicit ipsum votum, aliquam firmitatem ei tribuens: sed ad solam ipsius executionem spectat.

Hinc, si Titius ante annos pubertatis votum emisit, & postea eum est sui iuris, credens suum votum esse absolute validum, proponit centies, aut milies illud seruare, non propterea coram Deo approbasse, aut ratificasse votum censetur: sed opus est, vt cognita eius nullitate, de nouo voueat; vel velit, vt votum primò factum, de nouo valeat, ac si antea valuisset. Ita Caiet. 2. 2. q. ult. ar. 5. Valent. 2. 2. d. 6. q. 6. p. 6. Azor. lib. 1. cap. 17. q. 7. Suar. lib. 6. cap. num. 12. & 13. & Sayr. lib. 6. cap. 10. num. 28. Eiusdem sententia est expressè Nauar. cap. 12. num. 71. vbi sic ait: *Ut aliquis votum suum inualidum ratificasse censeatur, non satis est credere votum quod emisit, validum fuisse, & ideo proponere illud adimplere: sed oportet vt rescias illius nullitatem, & velit illud nouè validare.* & Less. lib. 2. cap. 40. dub. 14. num. 83. vbi ait: *Ut quis censeatur votum ratificare, necesse est, vt sciens esse inualidum, velit esse validum.*

## QVÆSTIO XCII.

*An censeatur votum ratificari, quando pubes ille memor prioris voti, illud ratificat, ignorans id esse irritabile?*

Z 3 Respon

**R**ESPONDEO minime. Ratio est, quia ignorantia tollit voluntariam confirmationem ex ea procedentem.

### QVÆSTIO XCIII.

*An sit ratificatio, quando impubes post pubertatem votum suum in aliud commutat?*

**R**ESPONDEO si impubes sciens prius votum esse irritabile, illud post annos pubertatis in aliud commutat, existimo esse veram confirmationem. Ratio est, quia cum conscius remedij facilioris, noluerit eo uti, sed transtulerit prioris materię obligationem in posteriorem, censetur confirmare omnino prius votum, volens prorsus ipso ligari, etsi circa nouam materiam. Si verò ignorauit, aut prorsus immemor fuit, non est confirmatio prioris voti, quia iterata prioris voti emissio cum hac ignorantia, aut obliuione non est eius confirmatio vt diximus, nedum hæc commutatio.

### QVÆSTIO XCIV.

*An pubes censeatur votum ratificare, si post pubertatem voueat se non petiturum irrationem, dispensationem, aut commutationem voti, tempore impubertatis emisit?*

**E**T quidem certum est, hoc posterius votum non posse à patre irritari, quia post pubertatem fuit emissum.

### QVÆSTIO XCV.

*Tota autem difficultas eò pertinet: An scite hoc posteriori voto, possit irritatio prioris illius voti coeque?*

**R**ESPONDEO non posse. Ratio est, quia cum pubes sponte sua se hoc remedio per posterius votum priuarit, censetur velle suum prius votum esse deinceps absolutum, & non subiaccere irritationi. Quando autem vouens, solum dispensationem, & commutationem exclusit, non censetur prius votum confirmasse: & ided poterit irritari. Quia cum ipse irrationem non excluderet, est apertum signum eum noluisse ita votum suum confirmare, quin irrationis remedium sibi maneret.

### QVÆSTIO XCVI.

*An possit pater irritare vota, quæ impubes ex sua licentia emisit?*

**F**RANCISCVS Suar. lib. 6. c. 8. nn. 7. negat, quia in impubere voluntas patris solum desideratur, ob prudentem voti emissionem, quæ per vnicam confirmatur approbationem, & ided amplius non pendet votum à patre.

Cæterum nullatenus placet mihi hæc sententia, sed existimo patrem ea vota posse validè, etiam si non licitè, irritare. Ratio est, quia etsi imprudentia in vouendo sit radix dominij, quod pater habet in voluntatem impubcris, vt eius vota irritare possit: at potestas hæc non pendet in conseruari ab ea imprudentia, quia aliàs non posset pater irritare, quoties sapientissimorum hominum consilio voueret.

### QVÆSTIO XCVII.

*An si impubes votum personale emittat, implendum post pubertatem, possit post illam pater irritare? vt si impubes voueat religionem, cum fuerit pubes.*

RESPON

- 1 **R**ESPONDEO posse. Ratio est, quia id votum est verè ab impubere emissum, & habet imbibitam conditionem pendente ex patris consensu ob imbecille, ac imperfectum impuberum iudicium. Unde cum nulla mutatio in ipso facta sit aduentu pubertatis, si post pubertatem non fuerit confirmatum, poterit pater illud irritare post pubertatem, sicut poterat prius.

### QVÆSTIO XCVIII.

*An si pater dicat filio impuberi, se illi conferre facultatem irrevocabilem vivendi, seque illum eximere à sua potestate quoad id votum, possit adhuc illud validè irritare?*

- 1 **R**ESPONDEO posse adhuc irritare. Ratio est, quia ob ætatis imbecillitatem non potest pater à se abdicare curam, & gubernationem votivantis impuberis.

### QVÆSTIO XCIX.

*An votum impuberis semel irritatum à patre aliquando reuiviscat?*

- 1 **S**VAR. lib. 6. cap. 8. num. 7. tenet votum reuiviscere.  
- At verissima sententia est, votum nunquam reuiviscere. Ratio est, quia talis irritatio cadit in ipsum votum directe: ergo extinguit illud, cuiusque obligationem; ergo non reuiviscit.  
Tum quia votum illud fuit in hac parte conditionatum, & conditio non fuit impleta: ergo fuit votum extinctum. Ita Caiet. 2. q. 88. art. 8. & Sot. lib. 7. q. 3. art. 1.

### QVÆSTIO C.

*An vota personalia facta à filiofamilias post annos pubertatis expletos, possint à patre irritari?*

1 **I**N hac questione sanè ardua, & difficili omnes auctores conveniunt, votum religionis vel castitatis à filiofamilias emissum post annos pubertatis, non posse à patre irritari: ut habetur expressè ex pluribus canon. iuris. Et ratio est perspicua, quia in rebus, quæ pertinent ad electionem status non est subiectus filius parentibus: immo si filius habuerit 16. annum, poterit religionem profiteri, etiam inuitis parentibus. Quod debet intelligi, nisi parentes sint nimis egestate oppressi: quia tunc non possent filij ingredi religionem, sed potius tenerentur ab ea exire.

### QVÆSTIO CI.

*Quæstio ergo tantum est: An alia vota personalia, ut votum ieiunij, orationis, & etiam mixta, quæ per se primo sunt personalia, ut votum peregrinationis post annos pubertatis à filiofamilias emissæ, possint à patre irritari?*

**S**YLVESTER egregius Thomista, & Spariterque in iure peritissimus verbo votum 4. q. 2. & Tabiena ibidem 5. q. 5. affirmant posse. In hac opinionem quamvis anceps inclinat Ouand. 4. d. 38. disp. unica, & tenet esse probabilem Sot. lib. 7. q. 3.

2 At ceteri auctores volunt patrem nullum votum personale factum à filiofamilias post annos pubertatis posse irritare. Ratio est, quia filius post annos pubertatis cum habeat perfectum

perfectum vsum rationis habet, quantum ad ea quæ ad suam personam spectant plenum ius: ergo votum personale ab eo emissum, ita erit validum, ut à patre irritari non possit. Et ideo ita tenent Sotus lib. 7. *quest.* 3. *art.* 2. Arag. 1. 2. q. 88. *art.* 9. Nauarr. *cap.* 12. *num.* 64. Azor. lib. 11. *cap.* 17. *quest.* 7. Suar. lib. 6. *cap.* 6. *num.* 4. & 5. Roder. p. 2. *sum.* *cap.* 93. *num.* 8. Tolet. lib. 4. *cap.* 18. Sayt. lib. 6. *cap.* 5. Valent. 2. 2. *disp.* 6. q. 6. p. 6. Et videtur esse expressa sententia D. Thom. in 4. d. 38. q. 1. *art.* 11. q. ult. ad 2. ubi sic ait: *Ex quo homo venit ad annos pubertatis, non est sub potestate alterius, si sit libera conditionis, quantum ad ea quæ ad suam personam spectant.*

## QVÆSTIO CII.

*An pater possit irritare vota personalia puberum, si ea vota patria potestati praiudicent?*

**R**ESPONDEO posse. Ratio est, quia etsi filius possit tunc independenter à patre, de actionibus suis personalibus disponere, nequit tamen quoties id aliqua ex parte potestati patris sub qua est, praiudicat. Quia cum huiusmodi vota ex parte maritæ sint illicita, utpote quibus læditur ius paternum, nisi includant conditionem, si pater consenserit, aut saltem, si non contraxerit, (quod est fundamentum potestatis irritandi) irrita sunt, & nulla. Et ideo ita sentiunt Nau. *cap.* 12. *num.* 64. Azor. lib. 11. c. 17. q. 2. Lop. p. 1. c. 47. Sayt. lib. 6. *cap.* 10. *nu.* 24. & Suar. lib. 6. c. 5. *nu.* 4.

**A.** Quod arbitror verissimum, quando graue, & alicuius momenti esset praiudicium. Secus esset, quando modicum. Quia cum modicum pro nihilo reputetur, praiudicium est quasi nullum. Sed quæres.

## QVÆSTIO CIII.

*Quando vota personalia dicantur patria potestati praiudicare?*

**R**ESPONDEO quando liberum, & expeditum domus aut familiæ regimen impediunt. Ratio est, quia cum gubernatio domus ad patrem pertineat, quidquid huic aliqua ex parte officit, dicitur rectè patri praiudicare. Sic tenent Syluest. *verb. votum* 3. q. 6. Nauar. *cap.* 12. *num.* 70. Lop. p. 1. *cap.* 48. Azor. lib. 11. c. 17. q. 7. Suar. lib. 6. *cap.* 10. *num.* 4. & 9. Huius sententiæ est clarè D. Thom. 2. 2. q. 88. *art.* 8. ad 2. ubi sic ait: *Pater post pubertatem non est sui potestatis quoad dispensationem domesticam; unde circa hoc non potest aliquid vovete, quod sit ratum sine consensu patris.*

Huius autem exemplum affert Azorius, ut si sit votum peregrinationis. Quod intelligo, quando peregrinatio esset longa.

**2.** Secundum exemplum apponit Rossella *verb. votum* 2. *num.* 15. quando filius familias voueret ieiunia. Quod intelligo, quando extraordinaria essent, ita ut periculum morbi afferrent.

Tertium exemplum sit, si filius familias tor preces promitteret, ut impedimento esset obsequio paterni, aut studio cui vacat ex patris precepto. Quia hoc iuri, potestati, & domesticæ gubernationi patris nocet, cum eius sit curare, ut filius studio, aut alij operi ad vitam transigendam necessario incumbat.

## QVÆSTIO CIV.

*An pater possit hac vota integrè irritare, an verò quatenus eius obsequium & potestatem perturbant?*

RESP.

**R**ESPONDEO si ea vota diuifibilia sint, nequit integrè irritare, sed solum quatenus eius iuri præiudicant. Secus si sint indiuisibilia.

### QVÆSTIO CV.

*An hæc vota personalia puberis sibi præiudicantia, possit pater irritare propriè, ita vt cessante patris potestate, non reuiuifcant, an verò tantum suspendere, donec pubes fuerit sui iuris?*

**R**ODER. 2.p. sum. cap. 93. num. 9. est dubius; ait enim, posse patrem hæc vota irritare, aut saltem suspendere.

Sayrus lib. 6. cap. 10. num. 24. dicit esse valde probabile posse patrem verè irritare.

Sed dicendum est, absolutè posse patrem verè, & propriè irritare. Ratio est, quia hæc vota imbibitam habent conditionem pendentem à consensu patris; ergo ratione huius conditionis imbibitæ, poterit verè irritare, ita vt nunquam reuiuifcant.

### QVÆSTIO CVI.

*An pater possit irritare votum, quod pubes minor 25. annis emisit cundi Hierosolymam?*

**N**AVAR. in Mat. cap. 12. num. 70. & Roder. 2.p. sum. cap. 93. num. 9. negant ea ratione, quia in cap. Ex multis, de voto, datur licètia viro exequendi id votum inuita vxore; ergo multò magis intelligitur concessa filiofamilias maioris ætatis, inuito parente: quia magis præiudicat vxori absentia mariti quam patri absentia filij.

Sed hæc ratio non placet, quia cum caput prædictum id viro concedens in vxoris præiudicium, sit à iure exorbitans; non est extendendum ultra casum in quo loquitur, propter aliquam similitudinem: sicut nec extenditur ad seruum, nec ad religiosum; eo vel maximè, quod dispar sit ratio; filius enim est propriè subiectus patri, non sic autem vir vxori, immo est eius caput.

Quare dico primo, quod si id votum sit peregrinationis Hierosolymitanæ tantum ob deuotionem, posse à patre irritari. Quia vt diximus supra, nec vir potest id votum exequi absque vxoris consensu.

Secundò dico, quod si huiusmodi votum sit in terræ Sanctæ subsidium, sitque expensis parentum exequendum, posse à patre irritari. Ratio est, quia filius ante 25. annum expletum, non potest de bonis paternis disponere.

Tertiò, & vltimò dico, quod si id subsidium esset tantum personale adiuuando, s. per seipsum, vel militando, vel consulendo, vel aliud ministerium vtile ad bellum exequendo, crederem non posse à patre irritari, non tam ex iure humano, quam ex naturali. Quia ratio boni communis præponderaret iuri paterno. Suar. lib. 6. cap. 5. num. 11.

### QVÆSTIO CVII.

*An pater possit irritare vota realia, qua filius familias, etsi pubes, minor tamen 25. annis emisit?*

**R**ESPONDEO posse. Ratio est, quia filius ante eam ætatem non habet liberam suorum bonorum administrationem, sed pater. Ita Nauar. cap. 12. num. 71. Sor. lib. 7. q. 3. art. 2. &

Molina *tom. 1. d. 129*. Quod intelligitur de votis, quæ principaliter sunt realia: nam si votum principaliter est personale, & accessorie tantum reale, non poterit à patre irritari, quia accessorium sequitur naturam principalis. *regula Accessorium de reg. iuris in 6. ut si filius pubes sub patria potestate adhuc constitutus expressè religionem voueat, & simul sua bona per professionem illi dicare; non potest pater irritando impedire, quominus illius bona cum persona ad monasterium transeant. Ita Valent. 2. 2. d. 6. q. 6. p. 6. & Sayr. lib. 6. cap. 10. num. 24.*

### QVÆSTIO CVIII.

*An pater possit irritare vota realia puberis exequenda pro tempore quo fuerit sui iuris? Ut si voueat elemosynam dandā tempore quo liberam bonorum dispensationem habuerit?*

1 **S**OTVS *lib. 7. quest. 3. art. 1.* affirmat posse.

Contrarium tamen est proculdubio affirmandum. Dugor, quia pater non habet hanc potestatem irritandi propter fauorem puberis, bonamque illius gubernationem; sed præcipuè ob conseruandam suam potestatem, ac se indemnem seruandum in votis illis: ergo nequit irritare vota, quæ illius obsequium non impediunt, qualia sunt implenda tempore quo sui iuris fuerit.

2 Tum quia, si pubes emisisset votum dandi elemosynam de bonis castrensibus, non posset pater id votum irritare, ut fatentur vniuersi: ergo neque quando eam vouet relictam ad tempus in quo sui iuris erit, liberamque suorum bonorum administrationem habuerit. Ita tenet Lefsi. *lib. 2. cap. 4. dub. 14.*

### QVÆSTIO CIX.

*An pater possit irritare vota realia, quæ pubes de sua licentia emisit?*

**R**ESPONDEO posse. Ratio est, quia pater concedens eam facultatem non abdicat à se dominium illius voluntatis filij, & rei promissæ offerendæ per voti executionem, ergo tanquam dominus retinet adhuc potestatem irritandi.

Tum quia eam licentiam concedendo, non facit filium sui iuris; sed solum concedit illi, ut operetur, & se obliget, semper tamen dependenter à patris voluntate, ea tacita conditione, nisi pater contraxerit. Ita Suar. *lib. 6. cap. 5. num. 12.*

### QVÆSTIO CX.

*An pater possit irritare vota realia emissā à pubere ante 25. annum explem de peculio suo castrensi. 1. in bello, vel quasi castrensi. 2. in officio publice acquisito, puta legendo, docendo, aduocando, medicando, aut seruiendo Regi, &c.*

**R**ESPONDEO non posse. Ratio est, quia in hoc genere bonorum, filius reputatur paterfamilias, & sui iuris, ut constat ex l. 1. ff. ad Senat. Consult. Maced. & tradunt egregiè Nauar. c. 12. n. 70. Roder. p. 2. sum. cap. 93. nu. 3. Arag. 2. 2. q. 88. art. 9. Sor. lib. 7. q. 2. art. 2. Suar. lib. 6. c. 5. num. 4. Sayr. lib. 6. c. 5. nu. 6. & c. 10. num. 25. & Azor. lib. 11. q. 17. q. 7.

### QVÆSTIO CXI.

*An vota realia emissā à filiis familiaribus*

*lias ordine sacro insignito, possint à patre irritari?*

- 1 **N**ON intelligitur questio, an vota realia emissa de bonis post clericatum acquisitis possint à patre irritari, quia cum huiusmodi bona sint in ipso quasi castrensis, poterit sine consensu patris de illis aliquid vouere, quia ratione huius generis bonorum filius est sui iuris.

### QVÆSTIO CXII.

*Questio ergo tantum est de aliis bonis?*

- 1 **S**YLVEST. & Armilla, verbo *patria potestas*, statim à principio, affirmantes ratione ordinis sacri filium eximi à patria potestate, & fieri emancipatum, coguntur allere vota realia post ordinem sacrum à filio emissa, non posse à patre irritari.

- At dicendum est per ordines sacros, etiam presbyteratus, non eximi filium à patria potestate, ut expressè definitur in *auth. presbyteros l. 1. C. de Episcopis, & clericis*. Et in *cap. Per venerabilem, qui filij sunt legitimi*: tanquam quid speciale decernitur, eximi filium patriâ potestate per dignitatem Episcopalem: ergo id ordini inferiori tribuendum non est, ac proinde vota realia post ordinem sacrum à filio emissa, posse à patre irritari. Et ideo ita tenent Sylvest. verb. *peculium*. & Mol. *tom. 1. de iust. disp. 229.*

### QVÆSTIO CXIII.

*An vota realia, quæ filius familias ante pubertatem emisit, & post illam confirmavit, possint à patre irritari?*

- 1 **R**ESPONDEO. posse. Ratio est, quia filius, etsi pubes, minor, ta-

men 25. annis, non habet liberam suorum bonorum administrationem, sed pater: nisi fortè habeat peculium castrense, vel quasi castrense, quia ratione huius generis bonorum filius est sui iuris; ut *Sot. lib. 7. q. 3. ar. 2.* & *Nau. cap. 12. num. 70.* annotarunt.

### QVÆSTIO CXIV.

*An vota realia facta à filio pubere non emancipato, quæ durante patriâ potestate irritata non fuerunt, possint à patre post emancipationem irritari.*

**S**VAR. *lib. 6. c. 6. num. 1.* negat, quia hæc potestas irritandi fundatur in patriâ potestate: sed hæc ablata est per emancipationem: ergo & potestas irritandi.

Cæterum, etsi hæc sententia sit satis probabilis, probabilius tamen credo posse ea vota à patre irritari, dummodo non sint post emancipationem confirmata. Ratio est, quia eadem videtur ratio de his factis post pubertatem, nec confirmatis post emancipationem, ac de personalibus impuberum non confirmatis post pubertatem. Cum utraque tempore quo emissa sunt, imbibere conditionem à patris consensu pendentem, nec vota naturam suam mutarint, & in utroque casu est sola personæ vouentis mutatio. Et ideo hanc partem tuentur Philarch. *de off. sacerdotum l. 1. p. 2. lib. 3. c. 18.* & Sayr. *lib. 6. cap. 19. num. 27.*

### QVÆSTIO CXV.

*Quamdiu duret hæc potestas in patre ad irritandum votum filij puberis?*

**S**VNT, qui putent eam durare vsque ad 25. annum, quia vsque ad illud tempus censetur minor.

AA 2 Con

Contra tamen, & meo iudicio probabilius sentit Suar. *lib. 6. cap. 5. num.*

12. nimirum eam potestatem durare, quamdiu durat patria potestas, id est, quamdiu filius non est emancipatus. Potest enim esse emancipatus ante 25. annum per matrimonium, & tunc iam pater non poterit irritare vota eius. Deinde potest filius esse sub potestate patris, sed non emancipatus post 25. annum, & tunc poterit pater vota filij irritare. Ratio est, quia hæc irritatio non fundatur in defectu iudicii ad vouendum, sed in defectu materiæ propter subiectionem: ergo ex duratione subiectionis pendet duratio potestatis, non ex ætate.

#### QVÆSTIO CXVI.

*An pater nouitius possit irritare vota filij manentis in seculo, vel existentis etiam in nouitiatu?*

1. **R**ESPONDEO posse. Ratio est, quia per neutrius nouitiatum amittitur aliquid patriæ potestatis, aut iuris in filios.

#### QVÆSTIO CXVII.

*An Pater professus possit vota filij sine puberis, siue impuberis irritare?*

1. **R**ESPONDEO non posse. Ratio est, quia per professionem, nec patriam potestatem, nec aliquam filij curam retinet, sed ea tota transit in Tutorem, vel Curatorem: & si his omnibus caret, erit sui iuris: vt definitur in *lib. Sic eneniet 21. ff. ad leg. Jul. de adult. & tradit Molina tom. 1. de iust. disp. 229.*

#### QVÆSTIO CXVIII.

*An pater possit irritare vota filij professi?*

**R**ESPONDEO non posse. Ratio est, quia filius ratione professionis est extra eius curam, & potestatem.

#### QVÆSTIO CXIX.

*An Tutor possit omnia impuberum vota realia & personalia irritare instar patris?*

**R**ESPONDEO posse. Ratio est, quia Tutor succedit loco patris ad consulendum inbecillitati intellectus impuberum, ne imprudenter votis se inuoluant. Ita Suar. *lib. 6. c. 6. num. 22.*

#### QVÆSTIO CXX.

*An sicut pater vota filij emissa ante pubertatem, irritare potest pubertate inchoata, si confirmata non sint; possit etiam Tutor?*

**N**AVAR. *cap. 12. num. 71. Lop. p. 1. cap. 48. & Emman. Sà verb. votum vbi de voti irritatione num. 5. affirmant*, quia Tutor quoad omnia impuberis vota, eiusque personæ, & rerum gubernationem gerit in omnibus vicem patris.

Contrarium tamen arbitror esse dicendum, quia eo ipso quod pupillus sit pubes, definit Tutor esse Tutor; & incipit esse tantum Curator; cui directè non persona pupilli, sed res & bona eius committuntur. Amisso autem Tutoris officio, amittitur hæc potestas. Pater verò semper manet



net pater, nec mutat conditionem paternæ potestatis, ratione cuius votum filij ante pubertatem factum semper tacitam conditionem imbibitam habet, Si patri placuerit, aut non contradi- xerit. Ita Suar. lib. 6. c. 6. num. 25.

non obligans: si autem votum illam conditionem imbibitam includat, non obstat iuramentum, quominus irritari possit.

### QVÆSTIO CXXI.

*An Curator possit irritare vota realia, & mixta puberis minoris 25. annis sicut pater?*

- R**ESPONDEO posse. Ratio est, quia Curator in plenas patris vices succedit. Ita Nauar. cap. 12. num. 64. & Suar. lib. 6. cap. 5. num. ultimo.

### QVÆSTIO CXXII.

*An curator possit irritare vota realia quæ Minor de peculio castrensi, vel quasi castrensi emisit?*

- R**ESPONDEO non posse. Ratio est, quia Minor ratione huius peculij est sui iuris. l. 2. ff. ad Senat. Consult. Macedon. Ita Sayr. lib. 6. c. 10. num. 25. & Emman. Sâ verbo votum, ubi de irriti. num. 1.

### QVÆSTIO CXXIII.

*An si votum reale Minoris iuramento confirmetur, possit à Curatore irritari?*

- R**ESPONDEO posse. Ratio est, quia votum illud ut sit validum, debet inuoluere conditionem, nisi Curator contradicat; aliâ iniuria illi fieret, & consequenter iuramentum confirmans illud votum sine huiusmodi conditione esset iniquum, &

### QVÆSTIO CXXIV.

*An possit Curator irritare, vota personalia puberis, quæ liberum, ac expeditum domus regimen impediunt instar patris?*

**R**ESPONDEO posse. Ratio est, quia in plenum ius patris succedit. Nauar. cap. 12. num. 64. Suar. lib. 6. cap. 6. num. ult. & Emman. Sâ ubi de irratione voti nu. 1.

### QVÆSTIO CXXV.

*An votum reale quod impubes ante pubertatem emisit, nec post eam confirmauit: aut post pubertatem emisit, aut tunc confirmauit, possit à Curatore irritari, quando pubes est sui iuris effectus, nec in hoc tempore confirmauit?*

**R**ESPONDEO non posse. Ratio est, quia statim cessat omnino eius officium, & est persona priuata.

### QVÆSTIO CXXVI.

*An Curator possit irritare vota personalia, quæ impubes emisit tempore quo patri, vel Tutori erat subiectus, nec post pubertatem confirmauit?*

**S**ANCH. lib. 4. decalogi cap. 30. num. 1  
15. affirmat posse.

At contrarium est verius. Quia  
Aa 3 Cura

Curator non succedit in potestatem, Tutori, & patri competentem, tempore impubertatis circa personam impuberis; sed in solam potestatem circa res familiares regendas: Curator enim non persone, sed rebus datur *l. In copulandis 9. C. de nuptiis*, & ideo Curator non poterit vota personalia sui Minoris irritare.

### QVÆSTIO CXXVII.

*An mater possit vota filij impuberis, aut minoris 25. annis irritare.*

1. IN hac graui, & perdifficili quæstione, certi iuris est, matrem quæ est Tutrix, aut Curatrix constituta, posse irritare vota eodem prorsus modo, quo alij Tutores, & Curatores. Cum eorum fungatur officio. Et in hoc omnes Doctores conueniunt.

### QVÆSTIO CXXVIII.

*Controuersia igitur tota est, quando non est assignata Tutrix, aut Curatrix filiorum?*

1. PALVD. in 4. dist. 38. q. 4. art. 2. Syluest. verb. votum 4. q. 2. & verb. religio 2. q. 13. Azor. lib. 11. c. 17. q. 7. Nau. cap. 12. nu. 64. Lop. p. 1. cap. 47. & Less. lib. 2. cap. 40. dub. 14. hanc potestatem matri negant, cum filios sub sua potestate non habeat, vt constat ex §. fœminæ instit. de adoptionibus.

At Roder. p. 2. sum. cap. 93. num. 10. Cosm. Philiarech. de off. Sacerdotis 10. 1. p. 2. lib. 3. c. 4. & Margarita confess. ubi

2. de irratione voti fol. 134. affirmant posse matrem adhuc Tutricem, vel Curatricem non institutam, vota hæc irritare. Pro quo.

Primò dico, quod mater quæ filiorum curatrix non est, nullatenus potest irritare vota realia puberum. Ratio est, quia nec ipse pater potest hæc vota irritare, quando administrationem bonorum filij non habet: sed mater non Curatrix nullam administrationem bonorum filij puberis habet, sed ea tota, deficiente patre, ad Curatorem spectat: quod si nullus Curator sit, pertinet ad ipsum puberem. Non ergo poterit ea vota irritare.

Secundò dico, quod mater, viuo, aut non longe absente patre, nulla filij impuberis vota potest verè irritare. Ratio est, quia soli patri hæc facultas competit, utpote qui solus est caput totius domus, & familiæ, & habet plenam rerum administrationem, & personarum gubernationem: ergo voluntas filij, non est posita in voluntate matris, sed solius patris.

Tertiò dico, quod mater, defuncto patre, nulla filij impuberis vota potest verè irritare, si impubes ille Tutorem habeat. Ratio est, quia adeo Tutor, qui in plenas patris vices succedit.

Quartò, & vltimò dico, quod si mortuo patre, nec Tutores, nec Curatores sint, mater ipsa etsi Tutrix non sit, potest ad instar patris, & Tutoris, quibus in curam filiorum succedit, omnia vota realia, & personalia eorundem irritare. Et deficiente matre succedant Aui, & Auiæ, & reliqui ascendentes propinquiore. Quia est eadem ratio, & quia hi sunt veluti parentes, ac eorum loco, & omnibus his tenetur ille impubes obedire. Ira Suar. lib. 6. c. 6. num. 22. & Sanch. lib. 4. c. 35. num. 79.

### QVÆSTIO CXXIX.

*An possint herus, confessarius, dominus; serui impuberis & Tutor caren.*

*earentis, & nutritius expositi  
vota irritare?*

1 SVAR. lib. 6. cap. 6. num. 23. & Sayr.  
lib. 6. cap. 10. num. 18. affirmant  
posse.

At verò Palud. in 4. dist. 38. q. 3. ar. 1.  
D. Anton. 2. p. 1. 11. cap. 2. & Margarita  
confess. ubi de irrit. voti fol. 134. docent  
huic impuberi integrum esse votis se  
2 astringere independenter ab alterius  
voluntate. Et ratio est, quia sunt om-  
nino sui iuris: utrumque probabile.

### QVÆSTIO CXXX.

*An dominus possit quacumque vo-  
ta serui irritare?*

1 DOCTOR Angelicus in 4. dist.  
38. q. 1. ar. 1. q. ult. ad 3. tenet ab-  
solutè posse dominum vniuersa vota  
seruorum irritare. Idem docet Abu-  
len. cap. 30. Nu. q. 91. qui statim à prin-  
cipio ait, posse dominum irritare om-  
nia vota serui, siue illi præiudicent, si-  
ue non. Et tenet expressè de omni-  
bus votis, solo castitatis excepto, Petr.  
de Ledsen. 2. tom. sum. tra. 10. cap. 7.  
dub. ult. & Arag. 2. 2. q. 88. ar. 8.

Cæterum verissima sententia est,  
ea tantum vota dominum posse irri-  
tare, quæ eius obsequium impediunt.  
Ratio est, quia dominus non est su-  
2 perior quoad voluntatem serui sim-  
plicitè; sed eius in illum potestas  
est ratione seruitutis ei debite; ergo  
ea sola vota potest irritare, quæ eius  
obsequio ac potestati aliqua ex parte  
officiunt. Et ideo hanc partem susti-  
nent Sor. lib. 7. q. 3. ar. 1. Nauar. cap. 12.  
num. 64. Lop. p. 1. cap. 93. num. 11. Sayr.  
lib. 6. cap. 9. num. 7. & cap. 10. num. 18.  
Azor. lib. 11. cap. 17. q. 9. Less. lib. 2. de  
in. l. cap. 40. dub. 14. nu. 86. Valent. 2. 2.  
disp. 6. q. 6. p. 6. Vega 2. tom. 6. 129. casu  
100. Suar. lib. 6. cap. 3. nu. 2. & 3.

Hinc, sequitur primò, non posse  
dominum irritum reddere votum ca-  
stitatis sui serui. Quia in hoc non sub-  
ditur domino, nec ipsi præiudicat.

Secundò sequitur, non posse do-  
minum irritare votum serui aliqua-  
rum orationum. Quia preces mode-  
rata non obstant domini obsequio,  
nec ita illi adstrictus esse debet, ut pe-  
nitens aliquantulum orare instar Chri-  
stiani non sibi liceat. Idem dicendum  
est de votis ieiunij, & abstinentiæ ser-  
ui: nec enim omnia hæc poterit domi-  
nus irritare, sed quando seruitium  
domini diminunt. Secus quando ita  
moderata sunt, ut non præiudicent.  
Suar. lib. 6. c. 3. nu. 2.

Tertiò sequitur, non posse domi-  
num irritare vota præceptorum à ser-  
uis emissæ, ut audiendi Missam in  
festo, & similia. Quia in his quæ nec  
diminunt, nec defraudant seruitium  
domini, seruis ei subiectus non est,  
sed sui iuris. At quia possent aliqua  
vota præceptorum impedire aliquan-  
do Domini obsequium, ut votum ie-  
iunandi tempore præcepti, & votum  
audiendi Missam in diebus festis,  
quando dominus indigeret operis  
serui excusantibus à ieiunio, & ab au-  
dienda Missa, posset suspendere voti  
obligationem pro eo tempore: non  
enim serui votum potest impedire,  
quominus dominus omni tempore  
eum occupet.

Dixi notanter (*suspendere*) & non  
irritare, quia ex se est permissum id  
votum seruo, nec est ex iis, quæ domi-  
ni seruitium impediunt: & ideo sola  
suspensio permittitur domino.

Quartò sequitur, posse dominum  
irritare votum, quod seruis emisit de  
religione intranda; aut de peregrina-  
tione facienda, &c. Quia per hæc ab  
obsequio domini subtrahitur. cap. Si  
quis seruum 17. q. 4. & docet D. Thom.  
2. 2. q. 88. ar. 5. ad 2.

Quintò

Quintò sequitur, posse dominum irritare fere omnia vota realia serui; vt de eleemosyna facienda. Ratio est, quia seruus nullum habet patrimonium, sed quidquid habet, domini est.

Dixi autem (*fere*) quia ex conuentione cum domino potest seruus aliquid propriū habere iuxta *Glossum in l. quid attinet 3. ff. de reg. iuris*, & tunc si de eo faciat votum reale, irritari non poterit, cum in nihilo domino præiudicet. Quare non approbo quod dicit Anro. Gomes in *Bulla cruciata clausula 10. num. 75.* nempe hanc limitationem intelligendā esse, quando seruus de eo proprio modicam eleemosynam voueret, *nam si magnam* (inquit,) *posset dominus irritare.* Quia cum id proprium subsit omnino dispositioni serui, nil nocet domino, siue parua, siue magna sit eleemosyna promissa; & ideo in neutro casu potest dominus irritare.

### QVÆSTIO CXXXI.

*An dominus vota serui sibi præiudicantia possit in totum irritare, an tantum quatenus præiudicant?*

**R**ESPONDEO si vota domino præiudicantia sint indiuisibilia potest dominus in totum. Si verò diuisibilia, solum potest, quatenus sibi præiudicant.

### QVÆSTIO CXXXII.

*An dominus possit irritare vota personalia, vel realia, qua seruus de sua licentia emisit?*

**R**ESPONDEO posse. Ratio est, quia dominus concedens eam facul-

tatem, non abdicat à se dominium illius voluntatis subditi, & rei promissæ offerendæ per voti executionem: ergo tanquam dominus retinet adhuc potestatem irritandi.

Tum quia licentiam concedendo non facit subditiū sui iuris, sed solum concedit illi, vt voueat; semper tamen dependenter à superioris voluntate, & ea tacita conditione, *nisi dominus contraxerit.*

### QVÆSTIO CXXXIII.

*An dominus possit vota irritare, que seruus ante seruitutem emisit?*

**R**ESPONDEO posse ea vota suspendere, quæ suo obsequio præiudicant. Ratio est, quia dominus ius habet irritandi vota serui in seruitute facta, si eius seruitutem perturbant: ergo habet quoque potestatem ea vota suspendere, quæ ante seruitutem sunt facta, si eius potestati aliqua ex parte officiant. Vnde eo mortuo, & seruo libertatem adepto reuiuiscunt.

### QVÆSTIO CXXXIV.

*An dominus irritare possit vota serui implenda tempore libertatis? Et si seruus voueat seruire hospitali, si libertatem consequatur?*

**M**AGISTER Sorus lib. 7. q. 3. ar. 1. affirmat posse.

Alij vero rectius negant. Ratio est, quia hæc non præiudicant domino ex parte obligationis, & ideo non possunt ab eo irritari. Ita Azor. lib. 12. cap. 17. q. & Lop. p. 1. §. 10.

QVÆST.

## QVÆSTIO CXXXV.

*An si votum serui expressè referatur ad utrumque tempus, nempe subiectionis, & libertatis possit dominus illud irritare?*

- S**YLVEST. verbo votum 4. q. 2. & Emman. Sà verb. votum ubi de voti irritat. num. 3. affirmant, posse.

Cæterum nullatenus placet mihi hæc sententia, sed existimo dominum non posse id votum irritare, nisi pro eo subiectionis tempore. Ratio est, quia solo eo tempore, potest domino obesse. Et ideo ita tenent Azor. lib. 1. cap. 17. q. 11. Suar. lib. 6. cap. 6. num. 18. & Sayr. lib. 6. c. 10. nu. 18.

## QVÆSTIO CXXXVI.

*An si dominus vota à seruo emissam dum erat sub ipsius potestate non irritauit, postea soluta eius domini potestate, possit illa irritare, si post eam libertatem non sunt confirmata?*

- R**EG. de Valent. 2. 2. d. 6. q. 6. p. 6. affirmat, posse.

Alij verò rectius negant. Et ratio est, quia potestas irritandi vota est solum illi concessa durante subiectione: ergo ea finita cessat potestas. Sic enim tenent Sayr. lib. 6. c. 10. nu. 16. Lop. p. 1. c. 48. Beda in suis respons. 1. p. casu 49. & Suar. lib. 6. c. 6. num. 1.

## QVÆSTIO CXXXVII.

*An paterfamilias possit vota famulorum irritare?*

- I**N hac quæstione conveniunt omnes: posse patremfamilias eorum

vota suo obsequio præiudicantia suspendere usque ad tempus finitæ subiectionis.

## QVÆSTIO CXXXVIII.

*Difficultas autem in hoc versatur: An possit verè, & propriè irritare; ita ut finita servitute, non veniscent?*

**R**ESPONDEO non posse. Ratio est, quia cum illi mancipia non sint, minime subduntur dominatui eius potestati. Sic Sol. lib. 7. q. 3. art. 1. Vega 2. tom. sum. cap. 129. casu 88. & Suar. lib. 6. cap. 3. num. 6.

## QVÆSTIO CXXXIX.

*An praelatus regularis possit irritare votum religiosi transcundi ad strictiorem regulam?*

**I**N qua re certum est, posse Prælatum tale votum subditi dispensare. Ratio est, quia tempore quo religiosus huiusmodi votum facit, ita est sub Prælati potestate, ut teneatur in omnibus sequi eius voluntatem: ergo poterit iusta de causa, eius gravamen tollere per dispensationem.

Tum quia non est votum religionis reservatum Papæ, sed votum transcundi ad aliam arctiorem, quod non est summo Pontifici reservatum: & ideo poterit eius Prælatus dispensare cum eo, ut possint Episcopi dispensare in illis subditorum suorum, si non sint reservata Papæ.

## QVÆSTIO CXL.

*Difficultas autem non modica versatur: An Prælatus possit tale votum irritare?*

B b

RESPON

**R**ESPONDEO non posse. Ratio est, quia est de re, in qua religiosus non est suo Prelato subiectus: nam *cap. Licet de regul.* cuilibet religioso conceditur libera facultas ad arctiorem religionem transire petita, etsi non obtenta superioris licentia: & dum per professionem traditur voluntatis dominium superiori, intelligitur ab eo is transitus exceptus.

Tum quia est de te, quam religiosus prestare tenetur, postquam fuerit extra Prelati obedientiam: ergo Prelatus non habet super illam plenam potestatem; atque ex consequenti non potest illud votum irritare. Et ideo ita tenent *Soz. lib. 7. q. 3. art. 1. Caietan. 2. 2. quest. 88. art. 8. Azor. lib. 11. cap. 17. quest. 18. Suar. lib. 3. cap. 6. num. 23. & lib. 6. c. 7. num. 9.*

### QVÆSTIO CXLI.

*An in uniuersum omnia alia vota à religioso emissa siue sint realia, siue personalia possint à Prelato irritari?*

**R**ESPONDEO regulariter posse. Ratio est, quia respectu horum habet Prelatus potestatem dominatiuam: ergo potest illa vota irritare.

Tum quia religiosus non est sui iuris, sed Dei, cuius vices superior gerit, ita ut *velle, & nolle* non habeat; sed ex illius, quem vice Dei supra caput suum posuit, & cuius imperio se subiecit, voluntate dependeat; ex qua dependentia prouenit ut prelatus vota omnia tum realia, tum personalia sui religiosi irritare possit. Ita D. Thom. 2. 2. q. 88. art. 8. ad 3. communiter receptus.

Dixi consultò (*regulariter*) quia non potest Prelatus vota religionis essentialia irritare, sicut nec votum tran-

seundi ad strictiorem religionem, ut diximus.

### QVÆSTIO CXLII.

*An votum à religioso emissum de rebus positis sub precepto, ut de non mentiendo, de non furando, &c. possit à Prelato irritari?*

**I**n qua re conuenit inter omnes, id votum à religioso emissum posse à Prelato in aliud commutari, aut in eo, si subsit iusta causa dispensari, propter spirituales potestatem, quam super illum habet.

### QVÆSTIO CXLIII.

*Sed dubium est: An possit tale votum à Prelato irritari?*

**I**LLVSTRISSIMVS Caiet. 2. 2. q. 88. art. 8. negat id votum posse irritari à Prelato religionis: & probat ea ratione, quia talis materia non est in potestate Prelati, cum sit præcepta iure naturali, & diuino. Hanc opinionem Caietani appellat valde probabilem. *Less. lib. 2. cap. 40. dub. 13. num. 74.* & dicit esse probabilem Petr. de Ledes. 10m. 2. sum. tract. 10. c. 7. & eam valde probabilem existimat Sanchez. lib. 4. cap. 33. num. 6. quamuis immerito eam falsam appellet Sayr. lib. 6. cap. 10. n. 9.

Cæterum absque dubio dicendum est, simpliciter omnia vota religiosi etiam de præceptis naturalibus, posse irritari à Prelato. Ratio est, quia voluntas religiosi debet esse perfecte subdita, & dependens à voluntate Prelati in omnibus quæ ad vite directionem pertinent, ac proinde in nouis obligationibus suscipiendis.

Tum quia Prelatus est dominus volun-

voluntatis religiosi quantum ad ea, quæ non sunt de necessitate salutis, & debent sub eius voluntate adimpleri: sed illa noua obligatio quæ ex voto oritur, est huiusmodi: ergo illius est dominus Prælatus, ac proinde poterit tale votum irritare.

Tum quia licet Prælatus non sit dominus absolute illius materiæ, quatenus est præcepti, est tamen dominus quatenus ad nouam voti obligationem ortam ex subditi voluntate quæ in omnibus subdita est Prælato: atque ex consequenti poterit ex hac parte id votum subditi irritare. Et ideo ita sentiunt D. Thom. 2.2. q. 88. art. 8. ad 3. & in 4. dist. 38. q. 1. art. 1. q. ultim. ad 3. Sot. lib. 7. q. 3. art. 1. Nauarr. cap. 12. num. 65. Arag. 2.2. q. 88. art. 8. Azor. lib. 1. cap. 17. q. 16. & 17. Valent. 2.2. d. 6. q. 6. p. 6. Veg. 1. tom. sum. c. 129. casu 91. & Suar. lib. 6. c. 7. n. 7.

#### QVÆSTIO CXLIV.

*An Prælatus religionis possit irritare vota religiosi emissæ in religione, quando hic religiosus est e monasterio eiec-tus?*

**R**ESPONDEO si eiec-tio fuit iniusta; aut iusta, sed temporalis, ita ut Prælatus teneatur eum admittere, poterit irritare emissæ in religione, & extra illam. Quia adhuc est illius religionis membrum, & subest Prælato. Si autem eiec-tio sit iusta, & perpetua non poterit Prælatus irritare vota in religione emissæ. Quia tunc est suspensa eius iurisdictio in illum, utpote qui est veluti membrum abscissum à corpore, & nullatenus subest superioribus suæ religionis. Si tamen ad religionem postea redierit, poterit superior huius vota irritare,

quia solum erat suspensa Prælati potestas pro eiec-tionis tempore, & dum ad religionem non redibat.

#### QVÆSTIO CXLV.

*An Prælatus possit irritare vota, quæ Religiosus emisit exequenda pro tempore quo fuerit sui iuris? ut si v. g. Religiosus ueneat ieiunare quando erit Episcopus, an Prælatus possit nunc id votum irritare, ita ut si postea Episcopus fiat, irritatio sit valida?*

**I**N qua re constat inter omnes, posse Prælatum tale votum in aliud commutare, aut in eo dispensare propter spirituales potestatem, quam super eum habet.

Vis igitur quæstionis in eo posita est. An possit illud irritare?

Illustrissimus Caiet. 2.2. q. 88. art. 8. 2. Nauar. cap. 12. num. 66. Lop. p. 1. cap. 48. Arag. 2.2. q. 88. art. 8. Roder. p. 2. sum. cap. 91. num. 8. & Angles negant, ex eo quod opus promissum non est in potestate Prælati præsentis, sed futuri.

Sed quamuis hoc sit valde probabile, probabilius tamen existimo, omnique remoto dubio opinor, in hoc casu posse Prælatum absolute, & in omne tempus votum sui subditi irritare ita ut non reuiuifcat. Ratio est, quia religiosus omnem suæ voluntatis potestatem tradidit Prælato, ut eum vice Dei in omnibus, quoad tempus omne, gubernaret. Vnde religiosus in hoc, filio impuberi comparatur. Nam sicut iure pater vota filij ante annos pubertatis annullat, etiamsi filius ea emisit, referendo se ad tempus, quo fuerit sui iuris, sic etiam Prælatus pari ratione, & iure, religiosi similia vota

irrita facit, quia voluntas religiosi est Prælato in omnibus subiecta. Et ita tenent Valent. 2. 2. d. 6. q. 6. p. 6. Azor. lib. 11. cap. 17. 3. 19. Soc. lib. 7. q. 3. art. 1. Sayr. lib. 6. cap. 10. num. 10. Leni. lib. 2. cap. 40. dub. 13. Lop. p. 1. cap. 50. Vega 2. tom. cap. 219. casu 10. & Emman. Sa-  
verb. votum num. 3.

### QVÆSTIO CXLVI.

*An superior possit irritare vota religiosi in religione emissa, licet ille religiosus sit iam creatus Episcopus?*

1. **E**MMANUEL Sà verbo votum, ubi de irratione, nu. 5. affirmat posse. Sed contrarium quod defendit. Suar. lib. 6. cap. 7. num. 10. videtur mihi verius. Ducor, quia cessavit eo tempore iurisdiclio omnium religionis superiorum in illum, & sunt veluti personæ priuatæ respectu illius, excepto Romano Pontifice, cui immediatè subiectus manet, non solum ut Episcopus, sed etiam ut religiosus. Ac proinde solus Pontifex poterit vota illius irritare. Quod si deposita dignitate ad religionem redeat, poterit superior religionis irritare non solum vota facta in religione, sed etiam facta in sæculo tempore dignitatis.

### QVÆSTIO CXLVII.

*An vota religiosi ante ingressum religionis emissa, possint à Prælato irritari?*

1. **I**N qua re convenit inter omnes, solemni professione vota omnia simpliciter emissa ante ingressum religionis cessare, quia in ipsum religionis votum perpetuum communi iure commutantur cap. Scriptura de voto.

### QVÆSTIO CXLVIII.

*Sed quod habet difficultatem, est de votis, quæ vouens noluit per votum religionis commutari?*

**L**ESSIVS lib. 2. cap. 40. dub. 13. 1. Negat; quia quando talia vota fuerunt facta, religiosus non erat voluntati Prælati subditus; ergo non possunt ab eo irritari, possunt tamen ab eo suspendi, quando eorum executio est illi molesta. Vnde si talis religiosus in Episcopum postea assumeretur, eiusmodi vota reuiscerent, vimque suam obligandi reassumerent.

Ar verò Sayrus lib. 6. c. 10. dub. 3. affirmat. Cui opinioni fauer Azor. 2. lib. 11. cap. 17. q. 2. & ultima: & hæc posterior sententia plus mihi placet, quia si eam intentionem habuit non commutandi vota in professionem ante instans ipsius, adhuc ipso facto commutantur; si verò in ipso instanti professionis, reputabuntur ac facta post professionem, & sic poterit illa irritare. Sicut peccatum commissum in baptismi susceptione, reputatur tanquam admissum post baptismum: & ita potest esse materia sacramenti pœnitentiæ. Sylvest. verb. votum 4. quest. 7.

### QVÆSTIO CXLIX.

*An Prælatus possit irritare votum religiosi eundi Hierosolymam?*

**E**T quidem certum est, posse Prælatum id votum irritare, quando solius causa deuotionis sit. Quia Innoc. III. in cap. Ex multa §. in tanta de voto, & voti redemptione solum de voto in subsidium terræ Sanctæ disponit.

QVÆST.



## QVÆSTIO CL.

*Controversia autem potissima in hac re est, quando religiosus non solum causa deuotionis, sed in subsidium Terra sanctæ tale votum emittit.*

**H**OST, cap. Ex multa de voto nu. ult. & ibi Ioannes And. num. 6. dicunt fas esse Religiosis id votum emittere, & adimplere absque superioris licentia, ac proinde Prælaturum non posse illud irritare, ducunturque ex dicto cap. Ex multa de voto, & quamuis pugnare nequeant, satis auxilij pugnancibus afferunt suis exhortationibus.

**2** At dicendum est, id non esse verum de simplicibus Religiosis, sed de solis Prælati Regularibus; & id non in præsentem, sed antiquis temporibus, quando erat generalis licentia pontificia eundi in id subsidium.

## QVÆSTIO CLI.

*Quo iure Religiosorum superiores possunt vota irritare?*

**R**ESPONDEO non solum iure canonico, sed etiam naturali, & diuino. Ratio est, quia eo ipso quod quis Religionem proficitur, subiicit voluntatem suam arbitrio Prælati. Unde facta professione iure naturali, & diuino, non potest absque superioris iniuria voluntatem suam ab obedientia superioris subtrahere; & consequenter superior iure naturali, & diuino ob ius dominatum voluntatis subditi illius vota irritare potest. Ita Caiet. 2. 2. q. 38. art. 8. & Arag. ibidem.

## QVÆSTIO CLII.

*An potestas irritandi vota Religio-*

*rum competat quibuscumque Religionis Prælati?*

**R**ESPONDEO competere vniuersis Prælati Regularibus, vt Generalibus, Prouincialibus, & superioribus locorum. Quia ad hos omnes votum obedientiæ extenditur, suntque veri Prælati: habent enim iurisdictionem spiritualem, & præcipere possunt in virtute sanctæ obedientiæ: & ideo ex vi sui muneris hanc participant potestatem.

## QVÆSTIO CLIII.

*An superiores Equitum militarium, qui vulgò Commendatores appellantur, possint eorum vota irritare?*

**S**ANCH. lib. 4. cap. 33. nu. 24. est circa hoc dubius.

At dicendum est, posse. Ratio est, quia sunt veri Religiosi, præsertim milites sancti Ioannis, qui instar aliorum tria essentialia Religionis vota emittunt.

## QVÆSTIO CLIV.

*An Superior in absentia Prioris possit ea vota Religiosorum irritare, que potest Prior?*

**R**ESPONDEO posse, si iurisdictionem generalem habet ad omnes causas, & negotia, & non restrictam ad aliquas determinatas causas. Ratio est, quia tunc plena Prælatorum vice fungitur, & sic est verus Prælatus, & potest subditorum audire confessiones, & alius audendas committere. Ita Azor. lib. 11. c. 17. q. 3. Suar. lib. 6. c. 7. num. 17. & Sanch. lib. 4. c. 33. nu. 16.

## QVÆSTIO CLV.

*An Abbatissa possit vota Monialium irritare?*

**A**ZORLEO citato ait posse hanc irritare vota quæ religioſæ familiar ſunt incommoda.

- <sup>1</sup> Rodet. 2. p. ſum. cap. 91. nu. 9. cenſet poſſe hanc irritare vota Monialium emiſſa de operibus ſupererogationis, ac ſiberis. Et ſic videtur aſſerere, non poſſe irritare vota de rebus poſitis ſub præcepto.

- Contra tamen, & meo iudicio probabilius ſentiunt Leſſ. lib. 2. c. 40. dub. 13. Sayt. lib. 6. cap. 10. nu. 7. Suar. lib. 6. cap. 7. num. vlt. Valq. 1. 2. q. 96. art. 4. d. 17 c. 4. & alij, nimirum poſſe Abbatiffam omnia Monialium vota irritare, ita vt non reuiuifcant, ſiue ſint illa de operibus ſupererogationis, ſiue ſub præcepto. Ratio eſt, quia non ſolum Prælatiſ, ſed etiam ipſi Abbatiffæ emittitur votum obedientiæ; & ideo earum vota non ſunt firma, ſed includunt tacitam conditionem, ſi Abbatiffa conſenſerit, aut ſaltem non contraxerit.

Et confirmatur, nam mater, ſaltem ruxrix, irritare poteſt votum filij im- puberis ob dominium, quod ſuper illius opera habet: ergo & Abbatiffa poterit, cum maiorem authoritatem, & dominium ſuper actiones monialium habeat, cum ad hanc poteſtatem non ſit neceſſaria iuriſdictio, ſed profeſſionis obligatio ſufficiat.

## QVÆSTIO CLVI.

*An votum à religioſo emiſſum ex licentia Prælati, poſſit poſtea à Prælato irritari?*

- <sup>1</sup> **E**T quidem conuenit inter omnes, quod Prælatuſ dans licentiam re-

ligioſo aliquid vouendi, ſi eam reuo- cet, antequam ille votum emittat, & poſt illam reuocationem voueat, vo- rum eſt nullum, nec Prælatuſ peccat ex cauſa licentiam reuocando. Si au- tem votum emiſerit ante reuocatio- nem licentiæ, tenet votum.

## QVÆSTIO CLVII.

*Quæſtio ergo tantum eſt, An idem Prælatuſ, qui vouendi licentiam dedit, poſtea queat illud votum irritare?*

**R**ICHARD. in 4. diſt. 38. q. 3. art. 4. <sup>1</sup> negat. Quia ad voti firmitatem à religioſo emiſſi, ſolum requiritur con- ſenſuſ Prælati; ergo accedente eius conſenſu, ita firmuſ eſt voxum, vt amplius ab eo irritari non poſſit.

Contrarium tamen eſt proculdu- bio aſſertandum. Ratio eſt, quia Præ- <sup>2</sup> latus dando licentiam non priuat ſe ſuo dominio, & poteſtate reuocandi illam: ergo per illam poteſt retractare, quod antea fuerat, & votum irritare.

Et confirmatur: Prælatuſ dans li- centiam ſubdito, non facit illum ſui iuriſ. ſed ſolum concedit illi, vt ope- retur. aut ſe obliget, ſemper tamen de- penderet ab ipſo.

Et eſt concluſio definita in cap. No- <sup>3</sup> tui 33. q. 5. vbi aperte dicitur, quod ſi marituſ conſentiat voto vxoriſ, & poſtmodum conſenſum reuocet, non tenebitur amplius vxor voto, ergo idem etiam eſt dicendum de Prælato reſpectu ſubditi, atque ex conſequen- ti poterit illud irritare. Et confirmatur ex lib. Num. cap. 30. vbi dicitur, *Quod ſi vir poſtquam conſenſerat voto vxoriſ, illi denno contradicat, vxor non erit voti rea, ipſe tamen portabit iniquitatem eiſ.* Et ideo ita ſentiunt Caiet. 2. 2. q. 88. art. 8. Soc. lib. 7. q. 3. art. 1. Arag. 2. 2. q. 88.

q. 88. art. 8. Valent. 2. 2. d. 6. q. 6. p. 6.  
Lop. p. 1. c. 48. Nauar. cap. 12. num. 73. &  
Roder. 2. p. c. 91. nu. 6.

### QVÆSTIO CLVIII.

*An irritatio voti facta à Pralato sine  
causa iusta, sit valida?*

**R**ESPONDEO esse validum.  
Ratio est, quia Superior in hoc  
vitur iure suo, quamuis in eius vfu  
peccet. Nec peccat subditus, si non  
adimpleat tale votum, quod sine iusta  
causa irritatum fuit, sed si quid culpæ  
sit, id totum superiori imputatur. Ita  
Sot. lib. 7. quæst. 3. art. 1. Arag. 1. 2. q. 88.  
art. 8. Valent. 2. 2. d. 6. quæst. 6. p. 6. Lop.  
p. 1. cap. 48. Nauar. cap. 12. num. 73. &  
Azor. lib. 11. cap. 17. q. 6.

### QVÆSTIO CLIX.

*An peccet Religiosus votum irrita-  
tum implens?*

**R**ESPONDEO peccare, quia facit  
contra obedientiam, & contra  
iustitiam, vtendo aliena operatione  
inuito domino. f. Prælato. Ita Sayr. lib.  
6. cap. 10. num. 13. Vega 2. tom. sum. cap.  
129. casu 193. & Roder. 2. p. sum. cap. 91.  
num. 7. qui etiam addit, tunc impleri  
contra voluntatem superioris, quando  
non ad subditi instantiam, sed propria  
sponte irritauit.

### QVÆSTIO CLX.

*An inferior Prælatus possit irritare  
votum subditi factum ex supe-  
rioris licentia? vt si Prior velis  
irritare votum subditi emissum  
ex facultate Præncialis, vel  
Generalis?*

**R**ESPONDEO non posse. Ratio  
est, quia potestas superioris siue  
iurisdictionis, siue dominatiua non  
pendet ab inferiori; ergo non potest  
irritare inferior, quod fecit superior.  
At poterit hic Prælatus inferior in-  
terdicere subdito executionem illius  
voti, donec superiorem, qui licen-  
tiam vouendi concessit, certiorum  
faciat de causis eius voti irritandi.

### QVÆSTIO CLXI.

*An superior Prælatus vt Generalis,  
vel Præncialis possit irritare  
votum subditi emissum ex licen-  
tia inferioris vt v. g. Prioris?*

**R**ESPONDEO posse. Ratio est, quia  
superior Prælatus tam in volun-  
tatem vouentis, quam superioris li-  
centiam concedentis potestatem ha-  
bet, & vtriusque vota irritare potest:  
vnde et si id votum sit legitime fa-  
ctum, non tamen est omnino absolu-  
tum, sed pendens à voluntate supe-  
rioris Prælati; & habet imbibitum  
conditionem, nisi ille resistit, nec vo-  
luntas, & consensus Prælati inferioris  
potest ipsum ligare, aut impedire, ne  
libere irritet. Sic Suar. lib. 6. c. 8. num. 3.  
& Roder. 2. p. sum. c. 91. nu. 7.

### QVÆSTIO CLXII.

*An Prælatus aequalis alteri succe-  
dens in eodem officio, possit vota  
subditi de prædecessoris sui li-  
centia emissæ irritare?*

**E**T quidem certum est, posse ea vo-  
ta subditi suspendere. Ratio est,  
quia potest occupare subditum illum  
in omni tempore: at cessante superio-  
ris potestate, ea vota reuiuiscunt.

QVÆST.

## QVÆSTIO CLXIII.

*Sed dubium est, an possit ea vota irritare, ita ut nunquam renouescent?*

- R**ESPONDEO posse. Ratio est, quia potestas in utroque eadem omnino est, & illa personarum distinctio quasi materialis est: ergo si prædecessor potuit ea irritare, poterit & successor.

Tum quia cum par in parem non habear imperium *cap. Innotuit de elect.* licentia præcedentis superioris æqualis non potest succedenti æquali præiudicare, quominus possit validè absque causa iusta votum id irritare, perinde ac si absque vlla licentia factum esset. Peccabit tamen venialiter, si absque iusta causa id votum irritet. Sic *Suar. lib. 6. cap. 9. num. ultimo.*

## QVÆSTIO CLXIV.

*An si Prælatas irritans præstet assensum, teneatur subditus votum irritatum adimplere?*

- R**ESPONDEO non teneri. Ratio est, quia obligatio semel extincta non redit, nisi tenouetur: neque etiam in præfenti potest à superiore imponi, quia obligatio voti personalis est, & à propria voluntate omnino pendet. Ita *Nau. sup. 12. nu. 66. & Suar. lib. 6. cap. 7. nu. 13.*

## QVÆSTIO CLXV.

*Sed quid, si votum non fuit verè irritatum, sed suspensum, teneaturne subditus votum illud adimplere?*

- R**ESPONDEO teneri. Ratio est, quia tunc vinculum voti manet

bar, & ob solam materię prohibitionem eius obligatio erat suspensa; & ideo ea cessante, pristinas obligandi vires recuperabit votum.

## QVÆSTIO CLXVI.

*An si Prælatas dicat Religioso se illi concedere facultatem irrevocabilem votendi, possit adhuc valide irritare?*

**R**ESPONDEO posse. Ratio est, quia Prælatas nequit abdicare à se dominium voluntatis Religiosi, hoc enim repugnat statui, & obedientię religiosę; nec potest etiam concedere illi liberam bonorum administrationem, & independentem à voluntate superioris; id enim paupertati religiosę repugnat. Ita *Suar. lib. 6. c. 8. num. 6.*

## QVÆSTIO CLXVII.

*An peccet Religiosus qui à superiore petit irrationem voti?*

**R**ESPONDEO non peccare. Ratio est, quia vitur iure suo. Nec est peccatum se ostendere propensum ad irrationem, quia hoc nec est contra votum, neque contra aliud præceptum; & quia melius est, ut Prælatas habeat notitiam talis voti, ut de subdito disponat, pro ut expedire iudicaverit; ergo proponere votum Prælati, ut illud irritet, non est malum: sicut ergo non peccat superior irritando, ita nec subditus petendo.

## QVÆSTIO CLXVIII.

*An peccet Prælatas, qui sine causa iusta votum sui subditi irritat?*

RESPON

**R**ESP. sunt quidam qui tenent, eum non peccare. Quia utitur iure suo.

Alij verò docent, eum peccare venialiter, quia abutitur potestate in spirituale Religiosi bonum sibi concessa.  
 2 Tum quia est vituperabile, & malum velle absque vlla prorsus causa impedire promptitudinem illam subditi ad exhibendum cultum Deo per votum. Et hæc posterior opinio mihi placet, quia Prælati debet uti iure suo rationabiliter.

### QVÆSTIO CLXIX.

*An peccet Religiosus, si absque vlla causa petit à Prælati suum votum irritari?*

**Q**UIDAM eum ab omni culpa liberant. Alij verò rectius docent eum peccare venialiter. Ratio est, quia si Prælati sine peccato non potest votum illud irritare, putà quia deest causa iusta: ergo religiosus qui talem irrationem scienter petit, peccat etiam venialiter, quia petendo, peccato sui Prælati cooperatur.

### QVÆSTIO CLXX.

*An peccet Prælati, si irritet votum ex sua licentia emissum?*

**E**T quidem, si Prælati iusta de causa adductis postea irritet votum, non peccat, quia Prælati adhuc post datam licentiam, manet dominus materiæ, quousque eius fiat traditio per voti adimpletionem: & sic ex rationabili causa poterit illud votum irritare absque aliquo peccato. Cæterum siue ex causa iusta, siue absque illa votum irritet, irritatio valida est: nec peccat subditus, si non adimpleat

tale votum, quod sine rationabili causa irritatum fuit. Caiet. 2. 2. q. 88. art. 8. Sot. lib. 7. q. 3. art. 1. & Arag. 2. 2. q. 88. art. 8.

### QVÆSTIO CLXXI.

*Vis igitur quæstionis in co posita est: An Prælati peccet qui, pro suo arbitrio, sine legitima causa, irritat votum subditi, in quod antea consenserat?*

**Q**UIDAM placet eum non peccare, quia Prælati dando licentiam non contraxit specialem obligationem non retractandi illam, quia nec hoc vouit, nec promisit.

Tum quia in ipsa licentia subintelligitur conditio, usque ad beneplacitum concedentis.

At communis, ac verissima sententia est, hunc aliquod peccatum committere, quia abutitur sua potestate in voti iniuriam, ac Dei irreuerentiam, cui se quodammodo obligauit, quando voto consensit. Et ideo ita tenent Caiet. 2. 2. q. 88. art. 8. & alij supradicti.

### QVÆSTIO CLXXII.

*Sed dubium maius est, an hic peccet mortaliter?*

**S**OTUS lib. 7. q. 3. art. 1. Barth. Med. 1. lib. 1. instruat. confess. c. 14. §. 7. & Valent. 2. 2. d. 6. q. 6. p. 6. volunt eum solum peccare venialiter.

Cæterum quamvis hæc sententia sit satis probabilis, probabilius tamen credo, eum peccare mortaliter. Ratio est, quia est infidelis Deo in re gravi: ergo peccat mortaliter. Sic Caiet. 2. 2. q. 88. art. 8. Nauar. c. 12. nu. 73. Roder. 2. 2. p. sum. cap. 9. 1. num. 6. & Sayr. lib. 6. cap. 10.

cap. 10. nu. 10. Quod intelligo quando materia promissa est talis, ut violentia voti sit mortifera: secus si materia voti esset levis & ad veniale obligans, tunc enim solum peccaret venialiter.

### QVÆSTIO CLXXIII.

*An successor qui in votum non consensit, peccet si votum illud irritet?*

**R**ESPONDEO non peccare. Ratio est, quia cum non consenserit in illud, non est cur obligetur non irritare. Sicut enim iuramentum prioris Prælati, quo promisit non reuocare facultatem subdito à se concessam, non adstringit successorem, ita nec consensus in votum subditi, quia hæc obligatio, cum sit personalis, non transit in successorem. Et videtur esse conclusio definita in cap. Noli 33. q. 5. ubi aperte colligitur, maritum posse sine peccato irritare votum quod vxor in puellari ætate cum consensu patris emiserat.

### QVÆSTIO CLXXIV.

*An religiosus qui de prohibitis votum emisit, atque ad eò sub conditione, si Prælato placuerit, votum fecit, teneatur ex vi illius exquirere, an ei placeat?*

**R**ESPONDEO teneri. Ratio est, quia aliàs promissio esset vana, & ridicula.

### QVÆSTIO CLXXV.

*An religiosus dum talem facultatem petit, teneatur dicere Prælato se de eo votum fecisse?*

**I**N qua re certum est, quod ad hoc ut ad tempus excusetur subditus ab

executione voti, sufficit tantum petere facultatem faciendi quod vovuit, quamvis ei non parefaciat ad id se voto obligasse, ut rectè docent Nauar. c. 12. nu. 69. & Suar. lib. 3. c. 6. nu. 15.

### QVÆSTIO CLXXVI.

*Totum ergo huius controuersie dissidium cõsistit: An ad irritandum votum, ut videlicet non habeat vim obligandi, requiratur in superiore notitia voti?*

**R**ESPONDEO requiri. Ratio est, quia ad hoc ut votum irritetur, requiritur superioris voluntas irritandi, quam non censetur habere si nesciat votium opus esse de quo fit petitio. Ita Nauar. c. 12. nu. 69.

### QVÆSTIO CLXXVII.

*An Prælati religionis possint vota nonitiorum irritare?*

**R**ESPONDEO, directè non posse ea irritare. Ratio est, quia eorum voluntas nondum à superioris voluntate pendet, sicut illa professorum, in qua dependentia fundatur directæ irritatio. Ita Nauar. c. 12. nu. 65. Lop. p. 1. c. 48. Azor. lib. 11. c. 17. q. 20. Less. lib. 2. c. 40. dub. 13. num. 80. Roder. 2. p. sum. cap. 91. num. 10. & 99. regul. tom. 2. q. 25. ar. 8. & Suar. lib. 6. cap. 7. num. 11. Quod est verissimum, etiam si nouitij illi ex sua deuotione emisserint tria essetialia religionis vota, quia ceteris illis in ordine ad Deum maneant adstricti; religio tamen nullum dominium super eorum voluntatem acquirit, nec per ea efficiuntur religiosi. Quod si nouitius expressa, ac priuata intentione apponeret in voto suo conditionem, si Prælatus, vel Magister nonitiorum probauerit votum, poterit Prælatus, vel Magister illud irritare per subtractionem conditionis appositæ.

Dixi

Dixi notanter (*directè*) quia indirectè, seu ex parte materiæ, probabile est, posse Prælaturum irritare vota nouitiorum, quæ gubernationem eorum impediunt: quia quantum ad hoc habet Prælatus potestatem in nouitios non prouenientem ex voto, sed ex iurisdictione, cui pro tunc nouitij subiecti sunt.

Si nouitius in sæculo existens, vel in anno probationis emisit vota in ætate, in qua pater, Tutor, vel Curator possent irritare, eadem poterunt à Magistro nouitiorum, vel Prælato irritari: cum in eorum potestatem succedat.

### QVÆSTIO CLXXVIII.

*An Prælatus possit vota nouitiorum suspendere durante nouitiatu?*

**C**OVARI. de palliis 1 p. §. 3. nu. 4. & Graff. p. 1. decis. lib. 2. c. 30. num. 2. tenent omnia vota nouitiorum, siue personalia, siue realia posse à Prælato suspendi.

Palud. in 4. d. 38. q. 4. art. 3. D. Ant. 2. p. iii. 11. c. 2. §. 8. Syluest. verb. votum 4. q. 7. & Lop. p. 1. c. 48. dicunt absolute sola vota personalia nouitiorum posse à Prælato suspendi.

**H**is tamen non obstantibus, existimo sola vota personalia, quæ probationem impediunt, posse Prælaturum suspendere: qualia sunt quæ vel exercitiis regularibus obstant, vel nimis onerosam reddunt religionem. Ratio huius est, quia cum nouitius subsit curæ Prælati pro tunc gubernandus, ut ipse possit austeritatem religionis experiri, & religio ipsius mores; consonum est rationi, eum omni iurisdictione necessaria ad hunc finem potiri: unde alia vota quæ tale præiudicium non afferunt, non possunt à Prælato suspendi. Ut si votum sit seruandi præcepta regulæ, aut seruandi

præcepta Dei, aut Ecclesiæ. Ita Less. lib. 1. c. 40. dub. 13. nu. 80. & Suar. lib. 6. cap. 7. num. 12. & cap. 12. num. 8.

Ex quo colligitur, vota nouitiorum realia non posse à Prælato suspendi, quia eorum executio religionis obseruantiam non impedit. Sic Lop. p. 1. c. 48. Azor. lib. 11. c. 17. q. ult. & cap. 19. q. 21. Less. lib. 2. c. 40. dub. 13. nu. 80. & Suar. lib. 6. c. 7. nu. 12.

### QVÆSTIO CLXXIX.

*An Magister nouitiorum possit vota nouitiorum suspendere?*

**R**ESPONDEO posse. Ratio est, quia Rest verè eorum superior, & ipsi specialiter, & immediate eorum cura incumbit. Sanch. lib. 4. cap. 33. nu. 35.

### QVÆSTIO CLXXX.

*An vota personalia nouitiorum, quæ exercitiis operum religionum impediunt, sint ipso iure suspensa?*

**R**ESPONDEO esse ipso iure suspensa, & sic non obligare toto eo tempore, quo durat nouitiatus. Ratio est; quia cum multò melius sit pro tunc nouitiis exequi religionis opera, ut religionem experiantur, ipsique satisfaciens admittantur; vota hoc impediens nequeunt pro tunc obligare, utpote quæ maiori bono implendo obstarent. Solemni vero professione religionis emissâ, omnia vota nouitij tam realia, quàm personalia ex iuris dispositione extinguuntur, quoniâ in ipsum religionis votum perpetuum eo ipso commutatur. Ita Palud. in 4. d. 38. q. 4. art. 3. Syluest. verb. votum 4. q. 7. Roder. 2. p. sum. cap. 91. num. 10. Azor. lib. 11. c. 17. q. ult. Less. lib. 2. c. 40. dub. 13. nu. 80. Sayr. lib. 6. c. 10. num. 15. Lop. p. 1. c. 48. & Sanch. lib. 4. cap. 33. num. 37.

Hic tamen aduerte, quòd quando vota nouitiorum solum suspenduntur, si contingat illos redire ad seculum ante professionem, tunc reuiuiscunt, ac pristinas obligandi vires reasumunt; vt rectè docet D. Thom. 2. 2. q. 83. art. 12. Lop. p. 1. cap. 48. Less. lib. 2. c. 40. dub. 13. & Suar. lib. 6. cap. 7. Quod intellige, nisi vota essent annexa tempori ex vouentis intentione; tunc enim eo tempore elapso, non obligarent vota: non quia sunt irritata, sed per lapsum temporis, quo obligabant. Ex ad tollendos scrupulos sanum consilium erit, vt autoritate Prælati, aut propria, commutentur ea vota in opera nouitiatu exequenda: vt Roder. 2. p. sum. cap. 91. num. 10. & 99. regul. 1. 10. q. 25. art. 8. & Alcozet in summa cap. 16. Quod censet esse verum Less. lococitato etiam de votis reabilibus; quia cum per ea, tanquam parti non intimata, nullum ius acquisitum sit, possunt eodem modo, quo personalia commutari.

## QVÆSTIO CLXXI.

*An Prælati possit in votis nouitiorum dispensare?*

ANGLIES in floribus quæst. theol. tractatu de voto negat. Et dicit esse tutius Lop. p. 1. cap. 47.

Cæterum multò verius est. Prælatum posse in votis nouitiorum dispensare. Ratio est, quia quamuis Prælati non habeant potestatem dominationis in eorū voluntatem, nondum sibi per professionem traditam, habet tamen spirituale iurisdictionem: vt docet Nau. cap. 12. num. 65. Henric. lib. 7. de indulg. c. 22. num. 7. Roder. qq. regul. tom. 1. quæst. 25. art. 8. & plerique alij.

Addit tamen Henric. posse similiter Episcopum cum illis dispensare: quia nondum plenam exemptionem, & subiectionem Prælato regulati consecuti sunt, ac proinde possunt se Episcopo subicere, vt cum ipsis dispent.

*Et hac de irritatione dixisse sufficiat.*





# DE VOTORVM DISPENSATIONE. LIBER TERTIVS.

**A**CTENVS superiori libro de primo modo, quo obligatio voti dissolui potest, qui est irritatio, locuti sumus: nunc in hoc libro agendum est de secundo modo, qui est dispensatio, de qua disputant Scholastici cum Magistro in 4. dist. 38. D. Thom. cum Caietano 2. 2. q. 88. Summis ita verò verbo *votum*, verbo *religio*, & verbo *dispensatio*, in cuius tamen gratiam, vt à definitione eius exordiamur, quaeritur in primis.

## QVÆSTIO I.

*Quid sit dispensatio voti?*

**R**ESPONDEO, quoddam est *voti relaxatio*, qua cum vinculum tollitur per auctoritatem à Christo Domino nostro Ecclesia relictam.

## QVÆSTIO II.

*An dispensare in voto sit idem, quod declarare materiam voti non esse Deo gratam?*

**S**VNT multi qui existimant esse solam declarationem, qua Prælatus

declarat votum in eo euentu non obligare; quia Prælatus nequit in iure diuino, & naturali dispensare: atque obligatio voti est de iure diuino, & naturali vt constat: ergo. Ita tenent D. Bonau. in 4. dist. 38. q. 3. art. 2. & Couar. de pactis. 1. p. §. 3. num. 3. Huius sententiae videtur esse D. Thom. 2. 2. q. 88. art. 1. o. ad. 2. vbi sic ait. *Autoritate superioris dispensantis fit, vt hoc quod continebatur sub voto, non contineatur, in quantum determinatur in hoc casu hoc non esse congruam materiam voti.* Hoc idem docuit Caietan. verb. *votum cap. de dispensat.* & ibi Armilla num. 13. vbi aiunt, tunc locum esse dispensationi voti, quando eius executio reddita est illicita, aut inutilis, aut impediens maius bonum.

Palud. in 4. dist. 38. q. 4. art. 4. D. Anton. 2. p. tit. 11. cap. 2. §. 9. & Syluest. verb. *votum* 4. q. 3. tenent dispensationem potius esse interpretationem voti, quam relaxationem.

Cæterum verissima sententia est, dispensationem esse propriam, & veram relaxationem voti, quod ea sublata, verè obligabat; vt constat ex traditione, & perpetuo vsu Ecclesiae à tempore Apostolorum vsque ad

præfens: frequentiffimè enim Ecclefia difpenfat in religionis, & caftitatis voto ob incontinentiæ periculum ortum ex vouentis fragilitate; cùm tamen certum fit ea difpenfatione feclufa, votum obligare.

Tum quia fi difpenfatio eſſet ſola declaratio, quilibet vir doctus poſſet in voto difpenſare, immò melius Præſolato indocto.

Tandem eſt conſeclufa definita in cap. 4. de iurciurando ubi Romanus Pontifex apertè diſtinguit inter declarationem & difpenſationem iuramenti, dicitque *ineptè peti relaxationem, cùm in eo caſu iuramentum non obligaret: & ideo non erat opus relaxatione, ſed declaratione.*

4 Ex quibus omnibus colligitur per difpenſationē tolli vinculum; per interpretationem non tolli, ſed declarari tantum in re ipſa non eſſe; & ſic difpenſationem per ſe eſſe actum iuriſdictionis; interpretationem verò per ſe eſſe actum ſcientiæ, ſeu doctri-næ. Et ideo ita tenent D. Thom. in 4. diſt. 38. q. 1. art. 4. Sot. lib. 7. q. 4. art. 1. Valent. 2. 2. d. 6. q. 6. p. 7. Arag. 1. 2. q. 68. art. 10. Sayr. lib. 6. cap. 11. nu. 9. Tollet. lib. 4. cap. 18. Azor. lib. 1. c. 18. q. 5. Hentiq. lib. 8. de Euch. cap. 13. num. 2. & lib. 7. de indulgent. cap. 13. nu. 5. Valq. 1. 2. q. 97. art. 4. d. 178. num. 8. & communis.

### QVÆSTIO III.

*An Eccleſia poſſit in votis diſpenſare? Perinde eſt, ac ſi quaeretur.*

*An Eccleſia poſſit in iure diuino, & naturali diſpenſare.*

1 MICHAEL Canus reſcrt. de pœnitentia parte 5. tenet Eccleſiam poſſe diſpenſare in iure diuino naturali.

Et quidem ſi hæc opinio Cani intelligatur de iure diuino naturali propriè, ex diuino arbitrio deriuato, falſa eſt. Quia inferior non poteſt legem ſuperioris relaxare, ſed ſolùm declarare, id ius in eo euentu non obligare: vt D. Thom. communiter receptus in quodlibet 4. art. 3. teſtatur.

Quæſtio ergo tantum eſt de his, quæ ſunt de iure diuino ab humana voluntate orto, vt de voto & iuramento.

Sylueſt. verbo *votum* 4. q. 3. dicit poſſe Eccleſiam in his diſpenſare, non quidem tollendo eorum obligationem, ſed ſolum declarando in eo caſu ob circumſtantias occurrentes, votum non obligare.

Sed hæc opinio diſplicet, quia aliud eſt declarare votum, quod pertinet ad doctorem; & aliud in illo diſpenſare, quod pertinet ad poteſtatem ſpiritualem, quam habet Eccleſia reſpectu voti.

Richard. in 4. diſt. 38. q. 1. art. 9. ait poſſe Eccleſiam in voto diſpenſare. Quia in omni voto ſubintelligitur conditio imbibita, ſi Papa placuerit. Et ideo ſi votum ei non placet, ceſſat eius obligatio.

Sed nec hæc opinio placet, quia hæc ratione poſſet Papa ad libitum ſine cauſa in votis ſubditorum diſpenſare, quod eſt falſum.

Vera ergo & catholica ſententia eſt, poſſe Eccleſiam propriè & vere in votis diſpenſare, tollendo eorum obligationem; vt patet ex frequenti, & diuturna Eccleſiæ conſuetudine, quæ multis retro ab hinc ſæculis obſeruat: & colligitur ex generali conceſſione ei ſpecialiter facta à Chriſto Domino noſtro in Diuo Petro per illa verba Ioannis 21. *Pæſce oues meas* & Matth. 16. *Tibi dabo clauſes regni cœlorum, & quodcumque ſolueris ſuper terram, erit ſolutum & in cœlis.* Quæ verba

verba cum generalia sint, debent intelligi de omni vinculo contracto ab homine erga Deum, quod recte administrationi Ecclesie solui aliquando expedit.

Nec qui in voto dispensat, censetur in iure diuino & naturali dispensare. Quia qui in voto dispensat, non tollit legem diuinam naturalem, quæ est vt votum Deo reddatur: nec facit potestatem, vt manente voto integro, liceat illud violare: id enim esset contra ius diuinum, sed solum tollit eius obligationem, determinando votum non esse seruandum etiam in casu, quo ante dispensationem obligabar: lex enim diuina non iubet votum esse adimplendum, nisi durante vinculo voti, quod per dispensationem tollitur. Sicut quando Princeps in lege humana dispensat, non facit vt subditus legi non obtemperet, quod est contra ius diuinum & naturale; sed solum vt lex in illo casu cesserit.

4 Dices; obligatio voti est de iure diuino: ergo qui illam per dispensationem tollit, dispensat in iure diuino.

Sot. lib. 7. q. 4. art. 1. & lib. 10. q. 3. art. 4. Couar. de testam. cap. 2. num. 12. & Mich. Med. lib. 5. de contin. sacerdot. cap. 50. dicunt Ecclesiam dispensantem in voto, immediatè tollere obligationem, quatenus ex voluntate hominis ortum duxit, quæ quodammodo est lex humana.

5 Sed hæc responsio non placet, quia licet obligatio voti ex parte hominis sit humana, ex parte Dei est diuina, quatenus diuina ad illam concurrat, acceptando illam, & suo modo acquirendo ius ratione illius: ergo non potest Ecclesia in illa obligatione dispensare: quia dispensaret in lege diuina.

Quapropter dicendum est, in hac voti dispensatione concurrere Præla-

tum, ex parte Dei, remittendo obligationem Deo factam, & declarando sibi esse gratum, vt non seruetur. Et tunc non dispensat in iure diuino, sed in iure Deo acquisito per votum. Nam si potest remittere peccata, quibus homo maximè efficitur debitor Dei, quid mirum, quod possit remittere debitam promissionem Dei.

Ex his sequitur primò, dispensationem esse actum iurisdictionis spiritualis: vt constat ex eius origine, quæ est à Christo Domino; & ex fine qui merè spiritualis est; & ex materia, quæ diuinum cultum, & honorem continet; & ex vsu, & traditione Ecclesie. Ita Suar. lib. 6. cap. 10. num. 1.

Secundò sequitur, hanc potestatem non esse apud infideles, immo nec apud Principes seculares. Quia est spiritualis, & Ecclesiastica, & circa materiam spiritualem.

3 Tertiò sequitur, nec laicum, nec clericum coniugatum esse huius iurisdictionis capacem. Quia laicus non est persona Ecclesiastica: nec reputatur clericus coniugatus persona Ecclesiastica; nisi quoad sola canonis, & fori priuilegia: vt habetur ex cap. vnico de cler. coniug. in 6. & ex Concil. Trident. sess. 23. de reformat. cap. 6. & idè non est capax potestatis dispensandi.

Quartò sequitur, posse hanc facultatem competere iure ordinario, aut delegato Clerico solius primæ tonsuræ. Quia cum non sit actus ordinis, nullum speciale ordinem requirit, sed solum vt dispensans sit persona Ecclesiastica, vel vt sit capax iurisdictionis spiritualis, ad quod sufficit prima tonsura: nam ea sola insignitus potest esse vicarius Episcopi, & habere potestatem excommunicandi, & absoluedi in foro externo ab ea excommunicatione: vt ex praxi constat: ergo & in voto dispensandi.

Quintò

10 Quinto sequitur, hanc dispensandi facultatem, iure ordinario, competere solis Prælatiſ habitibus iurisdictionem in foro externo: ſicut de poteſtate excommunicandi tradunt vniuerſi. Quia vtraque poteſtas pertinet ad externam Eccleſie gubernationem. Vnde Bernard. *in libro de precepto, & diſpenſat. Sed non omnibus in huiusmodi credita eſt diſpenſatio, niſi his dumtaxat, qui cum Apoſtoliſ dicere poſſunt: ſic nos exiſtmet homo, ut miniſtros Chriſti, & diſpenſatores myſteriorum Dei.* Quales ſunt Romanus Pontifex, Epiſcopi, ac cæteri Eccleſiarum Antiquitates, & religionum Prælati, vt Generalis, Prouincialis, Prior, &c. qui Epiſcopalem authoritatem habent, & poteſtatem. Ex delegatione tamen, vel privilegio ſedis Apoſtolicæ, poteſt etiam aliis conuenire, qui in foro externo iurisdictionem non habent. Nauar. cap. 12. num. 75. Leſſ. lib. 2. cap. 40. dub. 17. Sayr. lib. 6. c. 11. num. 94. & Suar. lib. 6. cap. 10. num. 15.

11 Sexto, & vltimo ſequitur, Romanum Pontificem in toto orbe poteſtatem habere ſuper omnia vota etiam ſæcularium: Epiſcopos in ſua diœceſi habere poteſtatem diſpenſandi omnia vota ſimplicia ſuorum ſubditorum, præter ea quæ Papæ reſeruantur: Prælatos verò regulares eandem poteſtatem habere quoad ſibi ſubditos. D. Th. 2. 2. q. 88. art. 12. Valent. 2. 2. d. 6. q. 6. p. 7. Nauarr. cap. 12. num. 75. & alij communiter.

#### QVÆSTIO IV.

*An poſſit quis facere ſuum votum indiſpenſabile?*

1 RESPONDEO, nō poſſe. Ratio eſt, quia nullus homo poteſt ſua voluntate arctare ſui Prælati poteſtatem.

#### QVÆSTIO V.

*An Cardinales, qui Apoſtoliſ legati non ſunt, poſſint in votis diſpenſare?*

RESPONDEO non poſſe. Ratio eſt, quia non habent plebem ſibi ſubiectam. Suar. lib. 6. cap. 10. num. 10.

#### QVÆSTIO VI.

*An legatus Papa, ſeu Nuntius apoſtolicus poſſit in ſua Prouincia ſibi commiſſa, diſpenſare in votis, in quibus poteſt Epiſcopus in ſua diœceſi?*

RESPONDEO poſſe. Ratio eſt, quia legatus ratione ſui muneris, & dignitatis eadem poteſtate gaudet in ſua prouincia, qua Epiſcopus in ſua diœceſi: vt late probat Sanch. lib. 8 de matrimonio d. 9. nu. 15. & tradunt Henriq. lib. 14. de irreg. cap. 18. num. 2. Ant. Gomes in Bulla cruce. clauſula 10. nu. 61. & Suar. lib. 6. c. 10. nu. 10.

#### QVÆSTIO VII.

*An ſummus Pœnitentiarius Romani Pontificis, poſſit iure ordinario in votis diſpenſare?*

RESPONDEO poſſe. Ratio eſt, quia quamuis eam poteſtatem ex Pontificis commiſſione habeat; eſt tamen ſuo officio perpetuū annexa, ac proinde ordinaria. Ita Suar. lib. 6. cap. 10. num. 10.

#### QVÆSTIO VIII.

*An Epiſcopus poſſit iure ordinario in votis diſpenſare in ſua diœceſi?*

ROSELLA

**R**OSELLA *verb. votum* 5. nu. 5. & *verb. Papa* num. 1. negat. Atque idem diceret de Archiepiscopis, Primatibus, & Patriarchis, cum eadem iurisdictione Episcopali gaudeant in suis diocesisbus.

At communis, ac verissima sententia est, eum posse iure ordinario ratione sui muneris dispensare in votis cum suis subditis. Ratio est, quia in illos habet veram iurisdictionem Ecclesiasticam, & spirituales in utroque foro. Et est conclusio definita in cap. 1. de voto ibi. Et secundum hoc habet exinde dispensare. Poteritque hic, facultate hac uti, quamvis nondum consecratus sit, dummodo sit à Pontifice confirmatus. Quia à tempore confirmationis est verè Prælati, gaudetque omnibus, quæ ad solam iurisdictionem spectant.

Subditi, quoad hoc, consentunt omnes, qui in diocesi habent domicilium, vel ibi habitant cum animo permanendi maiori anni parte: ut docet Nauar. 5. in *Leuit. notab.* 32. §. *incola*, nu. 43. & c. *Placuit* 3. de penit. d. 6. num. 92. Henric. lib. 3. de penit. cap. 14. Sanch. lib. 3. de matr. d. 23. nu. 13. & Suar. so. 1. de relig. lib. 2. c. 14. num. 6. si autem sint vagi, potest Episcopus ubi reperiuntur, cum illis dispensare. Quia cum nullibi domicilium, aut parochiam habeant, sortiuntur diocesim, in qua tunc inveniuntur. Sanch. ubi supra d. 25. nu. 5.

## QVÆSTIO IX.

*An Episcopus existens intra diocesim, possit in votis dispensare cum subdito extra illam ad tempus commorante?*

**R**ESPONDEO posse. Ratio est, quia cum ille domicilium non

mutarit, est verus illius Prælati. Et eadem ratione poterit Episcopus existens extra diocesim dispensare cum subdito commorante in diocesi: ut rectè docet Sanch. lib. 3. de matrim. d. 19. num. 8. & Suar. lib. 6. cap. 11. num. 10.

## QVÆSTIO X.

*An Episcopus possit in votis Catechumeni dispensare?*

**H**ENRIQ. lib. 7. de indulgentiis cap. 18. quamvis anceps, affirmat posse. Quia in favorabilibus pertinet ad Ecclesiæ iurisdictionem. Huic opinioni fauet Nauar. 9. in *Leuit. notab.* 31. nu. 47. & notab. 32. nu. 9. ubi tenet catechumenis indulgentias prodesse, quod fateretur esse probabile Suar. 4. tom. n. 2. p. d. 35. sect. 4. nu. 8.

Contrarium tamen est procul dubio affirmandum, quia nulla est Ecclesiæ in catechumenis iurdictio. Suar. supra.

## QVÆSTIO XI.

*An Archiepiscopus possit in votis dispensare cum subditis suorum suffraganeorum?*

**R**ESPONDEO non posse. Ratio est, quia nec ex iure speciali habet talem potestatem, nec ex consuetudine, nec ex vi muneris: quia ipse non est ordinarius pastor talium personarum, neque in eis immediatam habet iurisdictionem. Vnde nec potest confessiones eorum audire, nec à casibus reservatis suis Episcopis eos absolovere: ergo multò minùs potest eum eis in votis dispensare. Et est conclusio definita in cap. *Pastoralis* de Dd off.

*offic. ordin. & tradit. Sot. lib. 7. quest. 4. art. 3. Arag. 2. 2. quest. 88. artic. 12. Henric. lib. 14. de irregul. cap. 18. num. 3. Sayr. lib. 6. cap. 11. num. 80. & Suar. lib. 6. c. 10. num. 8.*

## QVÆSTIO XII.

*An autem Archiepiscopus saltem quando visitas possit dispensare in votis cum subditis suffraganeorum, Doctores discordant.*

**S**VNT multi qui affirmant hunc posse dispensare, sicut potest confessiones audire, & absolvere iuxta c. ultimum de censibus in 6.

At probabilius est, non posse; quia talem iurisdictionem non habet etiam dum visitat; quia non est coniuncta cum potestate absolvendi in confessione: ut per se constat: ergo non colligitur ex dicto cap. ultimo. & ideo ita tenet Suar. lib. 6. cap. 10. num. 9.

## QVÆSTIO XIII.

*An Archiepiscopus possit in votis Episcopi sui suffraganei dispensare.*

**S**UAR. lib. 6. cap. 11. num. 3. dubitat. Alij verò rectius affirmant posse Ratio est, quia est illi immediatè subiectus. Ita Palud. in 4. d. 38. q. 4. art. 4. D. Anton. 2. p. tit. 11. c. 2. §. 9. Henric. lib. 14. de irregul. cap. 18. num. 3. Sayr. lib. 6. cap. 11. num. 79. & Auila de censuris 2. p. cap. 7. dub. 10. & idem dicendum est de Archiepiscopo, respectu Patriarchæ, vel Primatis.

## QVÆSTIO XIV.

*An capitulum, sede vacante, possit in omnibus votis dispen-*

*sare, in quibus potest Episcopus.*

**R**ESPONDEO posse. Ratio est, quia succedit in Episcopi iurisdictionem. Ita Henric. lib. 6. de pen. cap. 6. n. 1. Arag. 2. 2. quest. 88. art. 12. Sayr. lib. 6. cap. 11. num. 84. Roder. 2. p. cap. 102. & Emm. Sà verb. capitulum. num. 1.

## QVÆSTIO XV.

*An Generalis Episcopi Vicarius possit in votis dispensare?*

**A**LCOZER in sum. cap. 16. pagina penultima affirmat.

At dicendum est nullatenus posse. Ratio est, quia ex generali vicariatus officio non habet dispensandi potestatem: ut latè probat Sanch. libro de matrimonio disp. 40. nu. 12.

## QVÆSTIO XVI.

*Utrum Abbates habentes diacensim sibi subditam, possint cum suis subditis in votis dispensare?*

**R**ESPONDEO posse. Ratio est, quia hi eadem iurisdictione gaudent, qua Episcopi. Ita Nauar. cap. 12. numero 75. Arag. 2. 2. quest. 88. art. 12. Azor. lib. 11. cap. 19. quest. 2. Valent. 2. 2. d. 6. quest. 6. p. 7. Sayr. lib. 6. cap. 11. numero 83. Roder. 2. p. cap. 102. num. 3. Lop. p. 1. cap. 49. & Suar. lib. 6. cap. 10. num. 13.

## QVÆSTIO XVII.

*An Archipresbyteri, Archidiaconi, Penitentiarii, & alij Episcopo inferiori*

- 1 inferiores possint in votis dispensare?

**R**ESPONDEO, non posse: nisi ad hoc privilegio, aut legitima præscriptione muniantur. Ratio est, quia hi nec sunt ordinarii Prelati, nec iurisdictionem in foro externo habent: & ideo ea sola possunt, quæ illis specialiter concessa reperiuntur. & ideo ita tenent Nau. cap. 12. num. 75. Sot. 1br. 7. quæst. 4. artic. 3. Azor. lib. 11. cap. 19. quæst. 2. & Suar. lib. 6. cap. 10. num. 12.

### QVÆSTIO XVIII.

*Quantum temporis exigatur ad hanc præscriptionem?*

- 1 **P**ALVD. in 4. disp. 38. q. 4. art. 4. tenet requiri spatium centum annorum si præscribatur potestas dispensandi in votis Papæ reservatis. Quia id tempus requiritur ad præscribendum contra Ecclesiam Romanam, cap. Ad audientiam.

- 2 Alij verò rectius docent requiri quattrecennium ut cum communi tradit Molina 10. 1. de iust. disp. 77. Couar. in regula possessor p. 2. §. 1. num. 6. de reg. iuris in 6. & Sanch. lib. 4. cap. 38. Centenarium solum exigitur, quando præscribitur contra bona immobilia ecclesiæ Romanæ, non autem contra leges latas à Romano Pontifice; ut est in casu nostro.

### QVÆSTIO XIX.

*An simplex Sacerdos possit in votis dispensare?*

- 1 **G**ABRIEL in 4. disp. 38. q. 1. art. 5. affirmat posse.

- 2 Verum contraria sententia est communis & certa; nam facultas dispen-

sandi ad iurisdictionem spirituales in foro externo spectat, quæ simplex sacerdos caret. Vnde quamvis simplex sacerdos, in articulo mortis constitutum à peccatis omnibus, & censuris, quantumvis reservatis, deficiente superiore, absolvere possit; non tamen potest eum à voto liberare. Ita Nau. cap. 12. num. 79. Sot. lib. 9. quæst. 4. art. 3. Sayr. lib. 6. cap. 11. num. 85. & Suar. lib. 6. cap. 10. num. 10. & 11.

### QVÆSTIO XX.

*An Parochus possit in votis non reservatis suorum subditorum dispensare?*

**R**ODER. tom. 2. qq. regular. 1 quæst. 46. artic. 9. affirmat posse, quando Episcopus commodè adiri nequit.

At communissima, atque multo verior sententia habet, Parochum non posse in votis dispensare. Ratio est quia nullam iurisdictionem habet pro foro externo, qualem requirit dispensatio in voto, cum spectet ad externum regimen subditorum.

Tum quia etsi ex consuetudine Parochus possit dispensare in festis, & in ieiuniis, ubi non est aditus ad Episcopum; at hæc consuetudo non est extendenda ad vota. Quod procedit etiam si vouens sit in articulo mortis: quia licet tunc possit à quouis Sacerdote absolui à transgressione voti, etiam Romano Pontifici reservati, iuxta Concil. Trid. sess. 14. cap. 7. utpotè quia hoc necessarium est ad spiritualem morientis salutem: in voto tamen dispensari nequit, nisi ab eo qui peculi-

peculiarem ad id habeat auctoritatem ordinariam, vel delegatam. Et ideo ita sentiunt Sot. lib. 7. q. 4. art. 3. Nauar. cap. 12. nu. 79. Sayr. lib. 6. cap. 11. num. 85. & Suar. lib. 6. c. 10. nu. 10. & 11.

## QVÆSTIO XXI.

*An Prælati regulares possint in votis suorum religiosorum dispensare?*

**P**ALVD: in 4. dist. 38. q. 4. art. 4. & D. Anton. 2. p. 1. 1. c. 2. §. 9. negant posse.

Sed communis sententia, quæ multo probabilior est, vult Prælatos regulares posse in votis suorum subditorum dispensare, si sint exempti ab ordinario (quales modo sunt ferè omnes ex summi Pontificis priuilegio.) Ratio est, quia habent iurisdictionem quasi Episcopalem in vtroque foro erga religiosos sibi subditos. Ita tenent Sot. lib. 7. q. 4. art. 3. Nauar. c. 12. num. 75. Arag. 2. 2. q. 88. art. 8. Valent. 2. 2. d. 6. q. 6. p. 7. Lop. p. 1. cap. 49. Roder. qq. reg. 10. 1. q. 25. art. 7. Sayr. lib. 6. cap. 11. nu. 88. & 89. Tolet. lib. 4. c. 18. nu. penult. Suar. lib. 6. cap. 10. nu. 14. & 15. Sanch. lib. 8. de matrim. d. 3. num. 9. Azor. lib. 11. c. 18. q. 4. & alij.

## QVÆSTIO XXII.

*An hac iurisdicctio sit in Prælati religionum ordinaria?*

**R**ESPONDEO esse ordinariam. Ratio est, quia eis competit ex vi officij pastoralis, & est ei perpetuo annexa. Ita Suar. lib. 6. cap. 11. nu. 105. qui bene infert posse hos Prælatos hanc potestatem dispensandi alijs delegare.

## QVÆSTIO XXIII.

*Quid nomine Prælati hoc loco intelligatur.*

**R**ESPONDEO eos omnes qui toti congregationi, vel monasterio præfunt: vt sunt Generales, Prouinciales, Abbates, Priores, Prepositi, Rectores, Guardiani. Immo etiã Viceprouinciales, Supprieores, Vicerectores, & Viceprepositi seu Vicarij qui plenè vicibus Prælatorum funguntur, habentes plenam conuentus curam. Ratio est, quia hi omnes habent iurisdictionem quasi Episcopalem in suos, & sunt Pastores ordinarij suorum, sicuti Episcopi sæcularium. Ita Sayr. lib. 6. c. 11. num. 89. Azor. lib. 11. c. 18. q. 4. Arag. 2. 2. q. 88. ar. 12. Sot. lib. 7. q. 4. art. 3. Sanch. lib. 8. de matrim. d. 3. nu. 9. & Suar. lib. 6. cap. 10. nu. 24.

## QVÆSTIO XXIV.

*An Abbatissa possit in votis suarum Monialium dispensare?*

**R**ESPONDEO non posse. Ratio est, quia iurisdictione spirituali, ad quam pertinet facultas dispensandi caret. Ita Sot. in 4. dist. 20. q. 1. art. 4. Couar. cap. Alma mater 1. p. 5. 11. nu. 2. Less. lib. 2. c. 40. dub. 18. Roder. tom. 1. qq. regul. q. 25. art. 7. Sayr. lib. 6. cap. 11. nu. 94. & Suar. lib. 6. c. 10. nu. 16.

## QVÆSTIO XXV.

*Quis possit cum ipsis Prælati religionum dispensare?*

**R**ESPONDEO posse dispensare Priorem, Guardianum, Rectorem, Præpositum & similes à Prouincialibus hunc



hunc à Generali; Generalem autem à tota religione, quæ illi superior est: potest enim habere designatam personam ad hoc munus, vel potestatem eligendi confessorum cum tota hæc potestate, quam religio virtute suorum privilegiorum confert. Ita Suar. lib. 6. cap. 11. num. 5.

Azor. lib. 11. cap. 19. q. 21. & Roder. p. 2. cap. 91. num. 10.

## QVÆSTIO XXVI.

*An Prælati regulares possint in votis nouitiorum dispensare?*

**I**N qua re certum est, posse Prælatum religionis pro anno nouitiatus suspendere executionem quorumcumque votorum nouitij, quæ vel opera religionis, & ordinem impediunt, vel nimium onerosa illa reddere possunt. Quia pro illo tempore nouitius est commissus regimini Prælati religionis, ut eum gubernare possit, prout oportuerit ad finem probandi illum, & ut ipse etiam probare possit religionem: unde habet omnem iurisdictionem necessariam ad hunc finem.

Hinc, vota quæ non sunt onerosa vitæ religiosæ, ut sunt votum simplex castitatis, aut obedientiæ secundum illam regulam, aut sunt de exequendis ipsiusmodi exercitiis religionis, ut de seruando silentio, &c. non possunt à Prælato religionis suspendi. Quia cessat ratio adducta.

Secundò etiam est certum, posse Prælatum religionis in votis nouitiorum dispensare, aut ea commutare in exercitia religionis, eo modo quo potest vota laicorum, qui nouitij non sunt: nimirum ex vi privilegiorum, quibus vota laicorum relaxari possunt. Quia nouitij non sunt peioris conditionis, quam seculares. Et ita fateantur Sayr. lib. 6. cap. 11. num. 92.

## QVÆSTIO XXVII.

*Tota igitur difficultas consistit de directa, & propria dispensatione, qua simpliciter tollitur vinculum voti?*

**I**N hac quæstione, quæ controuersa est inter Doctores duæ celebres sunt opiniones. Prima sustinet non posse, sed hoc pertinere ad Episcopum. Ita Lop. p. 1. cap. 47. Angles in materia de voto Azor. lib. 11. cap. 19. q. 21. Sayr. lib. 7. cap. 11. num. 92. & Suar. lib. 6. cap. 11. num. 9.

Secunda verò sententia (cui tamquam probabiliori adhaereo) tenet posse Prælatum religionis in votis nouitiorum dispensare. Ratio est, quia in illos Prælatus habet iurisdictionem Episcopalem, ut optimè tradit Nauarr. cap. 11. num. 65. & ideo est exemptus nouitius, dum est in probatione à iurisdictione Episcopi; nec potest de delictis nouitij cognoscere, nisi nouitius se illi subdat; sed totum hoc pertinet ad Prælatum religionis.

Tum quia probabilius est, nouitios gaudere privilegiis religionis: ut egregiè tradunt Molina tom. 1. de iust. disp. 139. Henriq. lib. 7. de indulgent. c. 21. num. 7. Azor. tom. 1. lib. 7. cap. 30. & lib. 12. cap. 2. q. 10 & constat ex nostro compendio privilegiorum verbo *communicatio*; & refertur in compendio Societatis LESV §. 5. Et ideo hanc sententiam tuerentur Roder. qq. regul. 10. 1. q. 25. art. 8. & 2. p. sum. cap. 91. num. 10. Less. lib. 2. c. 40. dub. 18. Henriq. lib. 7. de indulgent. c. 22. n. 7. Sanch. lib. 9. de matrim. d. 39. Corduba in suo quæstionario lib. 1. q. 40. & multi alij. Et idem tradunt de votorum commutatione.

D d 3 QVÆST.

## QVÆSTIO. XXVIII.

*An Episcopus possit in votis  
nouitij dispensare?*

- R**ESPONDEO posse. Ratio est, quia cum nouitius non sit religiosus effectus, nondum plenam exemptionem, & subiectionem regulari Prælati adeptus est: ac subinde potest se Episcopo subiicere, ut cum eo dispense, aut eius vota commutet. Ita Henricus. lib. 7. de indulg. c. 22. n. 7.

## QVÆSTIO XXIX.

*Quis censetur proprius Episcopus nouitij?*

- S**VAR. lib. 6. cap. 11. num. 9. putat esse Episcopum antiquæ habitationis, quia non censetur nouitius mutasse prius domicilium, cum non habeat animum perpetuo ibi remanendi, sed experiendi tantum religionis austeritatem.

- Sed multò verius existimo proprium Episcopum, ut cum nouitio in votis dispense, esse Episcopum diocesis in qua nouitius est in probatione. Ratio est, quia nouitius ex parte sua habet animum perire ibi permanendi, ac proinde prius domicilium deferendi; & hoc animo affecti omnes religionem ingreditur: quamvis nouitius sit ad experiendum religionis austeritatem; ut si fortè nouitius ferre non potuerit, integrum sit ei egredi, cumque animum habeat.

## QVÆSTIO XXX.

*An Prælati regulares possint iusta  
de causa cum consensu tamen ca-*

*pituli dispensare, ut professus ex  
arctiori transeat ad laxiorem?*

**R**ESPONDEO posse. Ratio est, quia id non est dispensare in substantia religionis absolute, sed in quadam religionis qualitate, hoc est in excessu vnius religionis ad alteram, quod nullibi reservatur. Ita Sor. lib. 7. q. 3. art. 1. Nauarr. comment. 4. de regular. num. 22. Henricus. lib. 7. de indulg. ca. 22. num. 7. Arag. 2. 2. q. 88. art. 8. Roder. 2. p. cap. 91 num. 4. Sayr. lib. 6. ca. 11. num. 90. Azor. lib. 11. cap. 22. q. 12. Suarez. lib. 6. cap. 10. num. 16. & alij.

## QVÆSTIO XXXI.

*An religionum Prælati possint dis-  
pensare in votis suorum subdi-  
torum de eorum licentia factis?*

**R**ICHARD. in 4. dist. 38. q. 3. art. 4. dubitat: ait enim tutius esse alium superiorem adire.

Cæterum absque dubio dicendum est, posse, quia siue ea licentia præiudicat potestati dominatiue, siue non; nullo tamen modo præiudicat spirituali, à qua dispensatio pendet, cum utraque potestas sit valde diuersæ rationis. Et ideo ita tenet Caietan. 2. 2. q. 88. art. 8. Suarez. lib. 6. cap. 10. num. 18. & Arag. 2. 2. q. 88. art. 8.

## QVÆSTIO XXXII.

*An Prælati regulares possint dis-  
pensare in voto quod religiosus  
emisit de non committendo ali-  
quod peccatum, ut de non men-  
tendo, de non occidendo, &c.*

**I**N qua re conuenit inter omnes, posse Prælatum id votum commu-  
tare,

rare, ut etiam testatur Caietan. 2. 2. q. 88. art. 8.

Sed dubium est, An possit in eo voto dispensare.

2 Angles floribus 2. p. q. unica de voto ar. 7. diff. 2. in 3. conclus. negat.

3 At dicendum est posse. Ratio est, quia etsi Religiosus non subdatur Prælato quoad obligationem vitandi peccata; subditur tamen quoad novam obligationem, quam per votum sibi imponit. Et ideo ita sentiunt Arag. 2. 2. q. 88. art. 8. Sayr. lib. 6. cap. 10. num. 8. & Roder. 2. p. summ. cap. 19. num. 5.

### QVÆSTIO XXXIII.

*An Prælati Regulares possint dispensare cum Religiosis factis Episcopis, aut alias exemptis, aut in perpetuum iuste ciectis?*

1 **R**ESPONDEO non posse. Ratio est, quia hi omnes sunt extra eorum obedientiam, & potestatem. Secus si sunt ciecti ad tempus, donec corrigantur; vel ut delicti pœnas luant; aut sunt damnati ad tempus trirēmibus; aut qui ex licentia extra Monasterium commorantur. Quia hi omnes manent subditi.

### QVÆSTIO XXXIV.

*An Prælati nostra Congregationis possint dispensare in votis volentium eandem cōgregationem intrare?*

1 **R**ESPONDEO posse virtute cuiusdam privilegiij concessi ab Eug. Papa IV. Monachis sancti Benedicti Congregationis Casinensis, alias sanctæ Iustinæ de Padua anno 1436. Pridie Kal. Iulij; ubi superiores dictæ

Cōgregationis possunt dispēlare cum omnibus, & singulis præscriptis, & futuris intrare volentibus in eandē congregationem, in omnibus, & singulis votis peregrinationis etiam ultimarinae, & Apostolorum Petri, & Pauli & sancti Iacobi, & quibuscumque aliis votis, etiam si talia sint, propter quæ sedes Apostolica merito sit consulenda: & ea in alia pietatis opera commutare, vota religionis duntaxat excepto, quandiu sub obedientia dictæ Congregationis vixerint.

### QVÆSTIO XXXV.

*An Romanus Pontifex possit in votis Religiosorum dispensare?*

**E**T quidem, loquendo de votis simplicibus Religiosorum, certum est, posse Romanum Pontificem in eis dispensare, non solum quatenus est generalissimus omnium Religiosorum Prælatus; sed quatenus est vniuersalis Ecclesiæ Pastor. Quia utroque modo subiiciuntur omnes Religiosi spirituali eius potestati. Sor. lib. 7. q. 3. art. 1. & Cord. lib. 4. sui questionarij q. 1. proposuit. 8.

### QVÆSTIO XXXVI.

*Sed totum controuersie dissidium consistit de voto solemnij religionis: An videlicet Romanus Pontifex possit cum Religioso in tribus votis solemnibus dispensare, ita quod Religioso de licentia Romani Pontificis liceat à Monasterio exire, ut uxorem ducat, proprium habeat, ac nulli sit in particulari subiectus?*

**D** Thomas 2. 2. question. 88. art. 11. quem scilicet omnes Thomistæ sequuntur,

sequuntur, negat posse Romanum Pontificem dispensare cum Religioso in aliquo horum trium votorum essentialium, quæ promittit Deo in professione solemnī; quia hæc vota sunt essentialia, & intrinseca vetæ, & perfectæ religioni.

Tum quia per solemnem professionem Religiosus consecratur, & totaliter mancipatur cultui diuino: sed Romanus Pontifex facere non potest, vt quod semel est Deo consecratum, non sit consecratum: sicut non potest facere, vt calix consecratus, desinat esse consecratus si maneat integer: ergo nec facere potest, vt ille qui est Religiosus, non sit religiosus, hoc est, vt Religiosus non sit votis religionis adstrictus.

Tum quia *extra. de statu Monachorum, in fine illius decretalis. Cum ad Monasterium*, dicitur: *Abdicatio proprietas, sicut & custodia castitatis adeo est annexa Regula monachali, vt super ipsam, neque summus Pontifex valeat indulgere.*

Sed his non obstantibus, concors est Theologorum, & Canonistarum sententia, posse Romanum Pontificem dispensare in solemnibus Religionis votis obedientiæ, paupertatis, & castitatis ex iusta, & graui causa, propter commune bonum, & communem totius Ecclesiæ vtilitatem, pro alicuius Regni reparatione, conuersione, aut pace, quæ non aliter fieri, aut sperari ita commodè valet. Ratio est, quia vna ex præcipuis rationibus dispensandi in quolibet voto est, si illud sit impeditiuum maioris boni: vt pote si per id periclitetur bonum totius multitudinis, aut per contrarium matrimonium alicuius Religiosi, aut femine sanctimonialis, posset pax, & tranquillitas totius Regni sperari & procurari: ergo in tali casu licita erit huiusmodi dispensatio, vel

bonum commune sit fortius, atque diuinius & præferendum cuicumque bono priuato. Vnde vt in *cap. Non mediocriter de consecrat. dist. 5.* dicitur. *Non mediocriter errant, qui bono magno præferunt mediocre bonum.* Sempërque cauendum est, vt admonet B. Bernardus in *libro de precepto*, ne quod pro charitate institutū est, contra charitatem pugnare videatur. At certè contra charitatem faceret qui votum solemnē Religionis cōmuni Ecclesiæ bono, accedente Romani Pontificis auctoritate præferret; cum in persona Ecclesiæ scriptum sit Cant. 2. *Ordinauit in me charitatem.*

Tum quia Pontifex potest relaxare votum simplex Religionis, vt omnes Doctores fatentur: ergo & solemnē. Probo consequentiā, quia solemnitas voti solo Ecclesiæ decreto est introducta, vt expressè definitur in *cap. unico de voto in 6.* ergo summus Pontifex si subit iusta causa, potest in eo dispensare. Quia potest suum decretum relaxare.

Tum quia Pontifex potest dispensare in voto solemnī Clericorum, vt etiam D. Tho. communiter receptus testatur: ergo etiam poterit dispensare in voto solemnī religionis. Probo consequentiā, quia cum vtrumque sit solemnē, æqua debet esse vtriusque ratio.

Et confirmatur: multæ historię tradunt Romanum Pontificem de facto cum multis Religiosis dispensasse, vt matrimonium contraherent. Primò cum Nicolao Iustiniano Monacho in Monasterio S. Nicolai Ordinis S. Benedicti, ad instantiam Vicalis Venetorum Ducis, dispensauit Alexander III. vt posset uxorem ducere Annam, scilicet, dicti Ducis filiam ne familia tam illustis extingueretur. Ex qua sex filios masculos, & tres filias genuit. Qui tamen post infinitas gratias

Den

Deo peractas, ad Monasterium rediit, miraculis postea clarus. Vt habetur in *vita S. Laurentij Iustiniani*, & apud Volaterranum *lib. 4. Historia.*

Secundò cum Ramiro filio Santij Regis Aragoniæ, qui cum esset Monachus professus in Monasterio S. Pontij de Tomeriis in Territorio Narbonensi, & deinde Abbas Monasterij SS. Facundi, & Primitiui in Hispania, & postea Pompelonensis Episcopus, & eius pater sine filii obiisset, Romani Pontificis autoritate est votis Monasticis solutus, vt relicta Religione, Regnum susceperet, & uxorem duceret Agnetem Guillelmi Comitis Pitauientis sororem. Qui cum vitæ sanctitate Religionem coniunctam habens, & S. Patris Benedicti habitum sub vestibus regalibus continuè gessit; Monasteria multa construxit, totusque in operibus pietatis manens, tandem in Monasterio S. Petri veteris ab ipso in Osea ciuitate constructo, ac Monachis S. Benedicti donato, Regni resignatione Petronillæ filiæ prius facta anno 1137. reliquum vitæ, in habitu monastico & pœnitentia peregit, mortuusque est anno Domini 1147. vt Lucius Marineus Siculus *lib. 8. de memorabilibus Hispaniæ cap. 2. 4.* Ioannes Vaseus in *chron. cap. 18.* Petr. de Palud. in. 4. d. 38. q. 4. art. 4. & plerique alij annotarunt.

Tertiò, cum Constantia filia Rogerij Regis Siciliæ, & Neapolis Moniali professa in Monasterio Pañormitano, vt nuberet cum Henrico sexto Federici Imperatoris filio, dispensauit Cælest. III. vt refert Platina in *vita eiusdem Cælest.*

Quartò cum Casimiro filio Regis Poloniæ, qui cum esset Monachus professus in Monasterio Cluniacensi, prope Matisconem; autoritate Clementis Papæ huius nominis secundi,

votis monasticis solutus, & ad regnum suorum maiorum euectus, uxorem duxit, & liberos procreauit, Regnumque, & populum sibi commissum per 18. annorum spatium tam bene rexit, vt moriens 4. Kal. decembris 1058. conspectu diuino beari meruerit. Vt testatur Mart. Chromerus *lib. 4. de orig. & reb. gestis Polonorum*, qui addit, quod pro hoc beneficio agnoscunt Poloni tria præcipua, & egregia sibi fuisse à Romano Pontifice iniuncta. Primum est, vt singuli exceptis nobilibus, seu equitibus & qui sacris addicti sunt, quotannis obolum vnum in lucernam perpetuò in Ecclesia S. Petri Romæ arsuram penderent, qui etiam nunc S. Petri pumplus vocatur.

Secundum est, vt omnes Poloni rotunda in modum Monachorum, tonsura capillorum vterentur, nec infra auriculas more barbarico quicquam omnino comam nutriret.

Tertium est, vt in festis solemnibus dum sacra fiunt, singuli equites fasciam lineam candidam in modum stolæ, qua in sacris vtuntur sacerdotes, à collo suspensam ferrent.

Quintò, & vltimo, cum fratre Illustrissimi Card. Ioyosæ Galli sacerdote professio, & Prouinciali ordinis Capucinatorum dispensauit Greg. XIII. 8 & ideo ita sentiunt Sot. in 4. d. 32. q. 3. Caietan. 2. 2. q. 88. art. 11. Mich. à Med. *lib. 1. q. 24.* Nauart. *cap. 12. num. 75.* Couar. *cap. 2. de testam. nu. 10.* Valent. 2. 2. d. 6. q. 6. p. 7. Azor. *lib. 12. cap. 7. q. 1.* Less. *lib. 2. ca. 4. dub. 5.* Cord. *lib. 1. q. 9. q. 14.* Emm. Sa *verb. votum. num. 13.*

Hinc, qui ita ex vrgentissima causa autoritate Romani Pontificis est votis monasticis solutus, mortua uxore, & cessante iam causa dispensationis non tenetur ad Monasterium redire. Quia obligatio semel extincta non amplius reuiuiscit.

Et ad fundamentum N. Thom. respon

E c

respon

respondeo quod quamvis tria vota sint essentialia, & intrinseca Religioni, nec ab ea possint separari, potest  
 9 tamen efficere summus Pontifex ex vrgentissima causa, vt qui antea erat Monachus, non sit, & sic vxorem ducat, proprium habeat, & nulli in particulari sit subditus.

Et ad cap. *Cum ad Monasterium* respondeo primò, respòsum illud Innoc. intelligi non de Romano Pontifice, sed de Episcopo. Pro cuius intelligentia, nota primò, olim Religiosos omnes fuisse Episcopis subiectos vt  
 10 habetur ex Conc. Niceno *Can. 14.* & refertur in cap. *Quidam 15. q. 2.* & quantũ coniici potest ex Cone. Later. *can. 12.* huius Episcopalis subiectionis iugum tempore Innoc. III. perdurabat.

Secundo nota, in Europa, & Asia Episcopos olim summos sacerdotes, summosque Pontifices apud antiquos patres fuisse appellatos: vt expressè habetur ex Anacleto Papa *epist. 1. ad Episcopos Italia,* & Melchiade Papa in *epist. ad Hispanos Episcopos,* & tradit *Ilid. lib. 7. etymol. cap. 12.* quo posito, dico illa verba Innoc. prædicti cap. *Cum ad Monast.* Nec summus Pontifex potest indulgere, intelligenda esse de Episcopo, non autem de Romano Pontifice.

11 Secundo respondeo Innoc. Papam eo in loco, hanc facultatem cum Monacho dispensandi, Romano Pontifici denegasse, Monacho manente in statu monachali; id enim Romanus Pontifex non potest efficere. 1. proprietatem cum paupertatis voto, matrimonium cum voto castitatis, & libertatem cum obedientie voto vna, & simul coniungere. Non tamen ibi Romano Pontifici, potestas denegatur, quo minus possit id facere successiue, ex aliqua vrgentissima causa, faciendo de Monacho non Monachum, & sic exemptum à Religione, vxorem du-

cere, proprium habere, & nulli in particulari esse subiectum. Et hæc interpretatio ex dicti cap. contextu aperte colligitur quia ibi Innoc. contra illum Abbatem Sublacen. qui existimabat ipsum habere facultatem concedendi Monacho, vt haberet proprium sic argumentatur. Pontifex non potest cum Monacho in hoc dispensare; ergo neque Abbas. At ibi non fuit dubitatum an Abbas posset Monachum facere non Monachum, sed tantum an posset Monacho tali existenti proprietatem aliquam indulgere, quod Innocentius negat, ea motus ratione, quia hoc nec Romanus Pontifex potest Monacho tali permanenti indulgere; quia implicat contradictionem, quod quis voto solemnii integro teneatur, & quod quis incapax dominij rei pecuniariæ sit, & quod fiat dominus talis rei. Ratio huius est, quia votum paupertatis est de essentia & substantia Religionis, vt cum D. Thom. omnes Doctores fatentur: at sublata aliquius rei essentia, certum est rem ipsam perire.

Tertiò respondeo, Innocentium eo 12 in loco non id definiuisse, sed tãquam Doctorem illius fuisse opinionis, & alios Pontifices contrarium tenuisse, & in huiusmodi votis, ex causa vrgentissima dispensasse. Vnde miror Sylvest. verbo *votum 4. q. 5.* & Sor. lib. 7. q. 4. art. 2. qui ausi sunt negare huius rei veritatem, vt summus Pontifex ita cum eis de plenitudine potestatis, non de iure dispensasse: aut eos nondum fuisse profectos, sed nouitios: aut eos non vsque adeò spontaneè solemniter vouisse: aut quod peius est, hæc cum scandalo totius Christianitatis fecisse.

Demum obiicies D. Thomæ auctoritatem, qui in 2. 2. q. 88. art. 1. docet Romanum Pontificem non posse votum solenne, Religionis relaxare.

Respon

- 13 Respondeo ipsi sancto Thomæ, ipsummet sanctum Thomam opposimus, qui in 4. dist. 38. q. 1. art. 4. quasi sententia 1. ad 3. disertis verbis fatetur summum Pontificem posse in voto solemnii religionis dispensare.

Profecto nunquam persuadere mihi potui, S. Thom. hanc facultatem summo Pontifici negasse; sed solum docuisse, fieri non posse autoritate summi Pontificis, ut quis sit religiosus, & liber, & coniux, & dominium habeat: pugnat enim cum natura Religionis; libertatis, coniugij, & dominiij usus. At Pontificia autoritate fieri potest, ut religiosus desinat esse Religiosus, & sic sit liber, coniux, & proprietarius.

### QVÆSTIO XXXVII.

*An legatus Apostolicus possit in votis simplicibus Regularium dispensare?*

- 1 RESPONDEO posse, si sit à latere, quia solus legatus à latere est legitimus Religiosorum superior. Ita Henric. lib. 6. de pœnit. cap. 16. num. 8.

### QVÆSTIO XXXVIII.

*An Episcopus loci possit in votis Religiosorum dispensare?*

- 1 RESPONDEO non posse. Ratio est, quia ab eius iurisdictione sunt exempti, & immediatè sedì Apostolicæ subiecti.

### QVÆSTIO XXXIX.

*An Regulares possint ex licentia suorum superiorum se Episcopo subiacere, ut ab eo absoluantur, & dispensentur in omnibus casibus, & irregularitatibus etiam reserua-*

*tis in quibus Episcopus ex Conc. Trid. sess. 24. cap. 6. potest cum suis subditis?*

IN hac graui, & perdifficili questione, certissimum est, & omni dubio procul, posse religiosos ex superioris licentia potentis in his casibus absoluerè, aut dispensare, se subiicere non solum Episcopo, sed etiam cui-cumque capaci potestatis absoluendi, & dispensandi. Quia tunc nulla opus est cessione exemptionis, cum ille tanquam delegatus à superiore, & eius vices gerens absoluat, aut dispense.

### QVÆSTIO XL.

*Quaestio ergo quam hic inquirimus est, quando superior non poterat absoluerè, nec dispensare?*

ET quidem etiam certissimum est, Religiosos fruèntes priuilegijs Mendicantium posse virtute eorum priuilegiorum se subiicere Episcopo, ut eos absoluat, & cum eis dispense, obtenta superioris licentia. Quia ut Corduba in compendio priuilegiorum Mendicantium in suis addit. verb. absolutio ordinaria quoad fratres §. 1. testatur, diuersa reperiuntur Pontificum priuilegia concedentia hanc subiectionem Episcopo de superioris licentia faciendam, ut ab ipso impetretur absolutio.

### QVÆSTIO XLI.

*Sed quaestio tota est: An secluso priuilegio religiosus exemptus possit de licentia superioris subiici Episcopo, ut ipsum absoluat, aut cum eo dispense?*

Ecce RODER.

**R**ODER. tom. 1. q. 99. regul. g. 36. ar. 5. & tom. 2. q. 63. art. 10. & Suar. lib. 6. cap. 11. num. 7. absolute negant.

Sed quamvis sententia hæc sit valde probabilis, probabiliorem tamen iudico contrariam, nimirum id fieri posse. Ratio est, quia exemptio religiosorum est potissimum inducta in fauorem religionis, ut eas religiosi quietius Deo famulentur, & ne passim ab ordinariis perturbentur; unde in iis quæ quietem, & fauorem religionis concernunt, non debent esse peioris conditionis, quam non exempti. Nec est rationi cõforme, ut exemptionis priuilegium in hoc casu contra eius finem operetur. Quare in his fauorabilibus censetur per *irruentem* tota religio consentire. Et ideo hanc partem tuerentur Molina tom. 4. de iust. disp. 61. num. 4. Henric. lib. 6. de poenit. cap. 16. num. 8. & lib. 10. de sacramento ord. cap. 20. num. 2. & Roder. sibi contrarius p. 1. cap. 131. num. 2.

Censetur autem regularis tacite habere licentiam sui Prælati quando Prælati esset impeditus, quia nominatim denunciatus, aut longè abest, aut si mortuus est, aut iniuste negat licentiam, quia per *irruentem* non est censendum voluntatem summi Pontificis, & religionis esse, ut Episcopus in eo euenta non absoluat, & cogatur regularis vagari pro obtinenda absolutione. Ita Henric. lib. 6. de poenit. cap. 16. num. 8. & Molina tom. 4. disp. 61. num. 5.

## QVÆSTIO XLII.

*An Prælati religionis possint seipso subiacere Episcopo, ut ab eo absoluantur, & cum eis in votis dispenset?*

**R**ESPONDEO posse. Ratio est, quia possunt uti licentiis, quas subditis

concedere possunt. Ita Henric. lib. 7. de indulg. cap. 25. num. 2. Suar. 10. 5. in 3. p. d. 41. sect. 2. num. 12. & Auila de censuris 2. p. c. 7. d. 1.

## QVÆSTIO XLIII.

*An Prælati regulares dispensare possint cum seipsis in casibus, in quibus dispensare possunt cum sibi subditis?*

**N**OTANDUM, duplicem esse dispensationem: quædam est propriè dicta, quæ est vera iuris relaxatio, actusque iurisdictionis. Alia, impropriè, quæ potius dicitur licentia quædam seu facultas, quàm relaxatio iuris; ut quando Regula non interdicat aliquid adsolutè, sed fieri absque superioris licentia: tunc superior licentiam concedens non relaxat regulæ præceptum, sed solam conditionem petitam in Regula apponit; nec licentia illa est propriè actus iurisdictionis, sed cuiusdam superioritatis.

Et quidem si de hac impropria dispensatione loquamur, certum est primò posse Prælatos secum dispensare utendo nimirum licentiis, quas dare possunt suis subditis, ne sint peioris conditionis, quàm subditi. Ita D. Tho. 2. 2. q. 185. art. 3. & Roder. tom. 1. q. 99. reg. g. 45. art. ultimo.

Secundò, quando Prælati dispensant in vniuersum cum subditis in aliqua lege ex iusta causa, certum est hanc dispensationem ad ipsos quoque Prælatos extendi: ut si Prælati religionis iusta de causa dispenset, ut totus conuentus carnes comedat, ut non ieiunct, &c. poterit quoque eadem dispensatione uti. Sicut D. Thom. in. 4. dist. 20. q. unica art. 5. admittit Prælatos concedentes generaliter indulgentias posse illis frui.

Quia



Quia hoc non est directè vti iurisdictione in seipsum, sed indirectè vtendo dispensatione in vniuersum concessa.

Tertiò etiam est certum, posse Prælatos alicui ex subditis dare facultatē, vt cum ipsis dispenset in omnibus casibus, in quibus, ipsi possunt cū subditis; ne deterioris conditionis subditis sint. Sicut suo confessorio possunt dare facultatem, qua ipsos absoluat à peccatis etiam reueratis: vt habetur *ex cap. fin. de pœnit. & remission.* In quo casu confessor non accipit iurisdictionem à Prælato, qui cum illam non habeat, neque illam ei communicare poterit, sed illam accipit communicatam ei à superiore, mediante tamen illius Prælati electione talis personæ, vt secum dispenset. Similiter confessorius à Papa electus, potest cum ipso in votis dispensare, non potestate à Papa ipso accepta, sed à Deo mediante tamen Pontificis electione, prout etiam in absolutectione à peccatis contingit, quo in casu Pontifex non tribuit Sacerdoti authoritatē absolvendi supra seipsum.

#### QVÆSTIO XLIV.

*Sed quod in dubium vertitur est: An possint Prælati secum directè, verè, ac propriè dispensare in omnibus in quibus possunt cum subditis?*

**I**N qua re etiam conuenit, non posse Ecclesiasticos Prælatos secum dispensare in iis, in quibus iure diuino personarum distinctio requiritur. Vnde nemo potest se baptizare, confiteri, à peccatis absolueret, ordinare, &c. Quia in his ex Christi institutione distinctio personarum requiritur. Quare eodem fundamento non po-

terunt seipsum excommunicatione, suspensione, vel interdicto afficere.

#### QVÆSTIO XLV.

*Difficultas autem est in aliis, in quibus id non est iure diuino interdictum.*

**S**AYRVS *lib. 6. cap. 11. num. 107. & Suar. lib. 6. cap. 11. num. 4.* absolute negant. Quia nemo potest esse iudex in sua propria causa, nec superior sibi ipsi.

Tum quia inter dantem, & recipientem debet esse distinctio personarum, & proinde inter agentem, & patientem: ergo inter dispensantem, & dispensatum. Vnde nec Papa secum, nec Episcopus, vel Prælatus regularis secum dispensare valet.

Henriq. *lib. 6. de pœnit. cap. 4. nu. 3. & cap. 7. num. 5. & lib. 7. de indulgent. cap. 18. num. 1.* Azor. *lib. 5. cap. 15. q. 6.* Roder. *tom. 1. qq. regul. q. 45. art. fin. & Cordub. in addit. ad compend. privileg. Mendic. verbo accedere ad monasteria monialium, ad finem id soli Pontifici concedunt.* Quia in Prælatis aliis inferioribus non inuenitur plenissima potestas, qualis est in Pontifice: nec urget necessitas in eis, quæ cogit Pontificem vt secum dispenset: hic enim caret superiore, at illi Pontificem habent.

Alij vero rectius docent, omnes Prælatos habentes iurisdictionem ordinariam dispensandi in votis & aliis rebus cum subditis, posse quoque directè secum dispensare in eisdem: immo & habentes iurisdictionem delegatam dispensandi in vniuersum cum aliqua communitate, cuius ipsi sunt partes, possunt in iisdem rebus secum quoque directè dispensare. Ratio est, quia hic non requiritur di-

E 3 distinctio

flinctio personarum propter specialem institutionem, sicut in absolutio-  
ne sacramentali: nec etiam requiritur  
propter vsum iurisdictionis, quia in  
iurisdictione voluntaria non est in-  
conueniens eundem operari in seip-  
sum, sicut de indulgentiis dictum  
est.

Tum quia sicut Prælati possunt  
dispensare eum suis subditis in legi-  
bus etiam superioris, quando id eis  
permittitur, vt in lege ieiunij, estis  
carnium, audiendi sacri, recitandi  
officij, ita in eisdem possunt dispensa-  
re. Non enim hic plus iurisdictionis  
requiritur in seipsum, quàm ibi.

4 Tum quia Papa potest sibi ipsi  
cōferre indulgentias absoluendo se à  
debito pœnæ, etiam iniunctæ vt docet  
D. Thom. in 4. dist. 20. q. unica art. 5.  
Henriq. lib. 7. de indulg. cap. 22. ergo  
etiam potest secum dispensare in vo-  
tis, & aliis, in quibus potest eum sub-  
ditis. Et ideo huius sententiæ sunt  
in primis D. Thom. loco citato vbi di-  
cit, neminem posse seipsum excom-  
municare, quia excommunicatio fer-  
tur per modum sententiæ, quam ne-  
mo in seipsum ferre potest, cum idem  
non possit esse iudex & reus; posse ta-  
men sibi dare indulgentias, quia in-  
dulgencia non datur per modum sen-  
tentiæ, sed per modum cuiusdam  
dispensationis. Ex quibus verbis col-  
ligitur posse etiam Prælatus se exi-  
mere ab obligatione sui voti: quia hæc  
est propriè dispensatio.

Greg. de Valent. 4. p. dist. 7. quest.  
10. p. 3. asserens Prælatus obtinere  
posse indulgentias ab ipso concessas,  
eam reddit rationem. Quia licet is  
sit actus iurisdictionis, non est talis,  
qui vim coactiuam exerceat, ita vt  
necessarium sit, eum exerceri circa  
aliquem alium.

Molina rom. 1. de iust. dist. 248. di-  
cit sic: Superiorem monasterij quas

facultates, & dispensationes pote<sup>st</sup>  
aliis concedere, iisdem posse vti.

Emman. Sà verbo religio nu. 47. Pra-  
lari, inquit, in religione possunt secum  
dispensare, sicut cum subditis.

Caietanus 1. 2. quest. 96. art. 5. &  
Sot. in 4. dist. 18. quest. 1. art. 5. docent  
superiorem posse dispensare secum  
in lege ieiunij, & aliis, in quibus potest 6  
eum suis inferioribus, ne sit deterio-  
ris conditionis, quàm subditi: quare  
poterit etiam in votis, & aliis in  
quibus potest cum subditis, cum sit  
eadem ratio. Eandem sententiã se-  
quuntur Durand. in 4. d. 20. quest. 4.  
num. 10. Palud. in 4. dist. 38. quest. 4.  
art. 4. Couar. cap. Alma mater 1 p. 5. 1.  
num. 7. Henriq. lib. 6. de pœnit. cap. 4.  
num. 3. & lib. 7. de indulgent. cap. 28.  
nu. 1. & plerique alij.

Ex quo sequitur, non solum Ro-  
manum Pontificem, sed etiam Epi-  
scopos, & Prælatos regulares, qui  
toti congregationi, aut conuentui  
præsunt, vt sunt Generales, Prouin-  
ciales, Priores, Præpositi, Rectores, 7  
Guardiani & similes: immo etiam Vi-  
ce-Priores, & vice-Rectores, qui in  
absentia aliorum regunt, posse secum  
dispensare in omnibus, in quibus pos-  
sunt cum suis subditis. Quia hi om-  
nes iurisdictione Episcopali fungun-  
tur, & sunt Pastores ordinarij suo-  
rum subditorum, & non debent esse  
in hoc peioris conditionis, quàm  
subditi, cum quibus ipsi dispensare  
possunt.

Hinc, qui limitatam potestatem  
habet dispensandi eum certis perso-  
nis, non potest in iisdem rebus se-  
cum dispensare. Ratio est, quia po-  
testas illa non extenditur vltra con-  
cessionis limites. Cum ergo sit ad cer-  
tas personas, in quibus ipse non  
comprehenditur, non po-  
terit ea vti erga  
seipsum.

QUEST.

## QVÆSTIO XLVI.

*Quæ, & quotnam sint vota Romano Pontifici reservata?*

**D**OCTOR Angelicus 2. 2. q. 88. art. 12. ad 2. ait de iure duo vota esse reservata Papæ, nimirum castitatis, & subsidij terræ Sanctæ. Et sub nomine castitatis, vt rectè notat Suar. lib. 6. cap. 21. num. 3. religionis votum comprehendit, de quo in aliis locis statim citandis mentionem facit. Duas autem peregrinationes omisit, quia vt ait Sot. lib. 7. q. 4. art. 3. ad 3. suo tempore fortè non erant reservatæ. Et quest. 185. art. 4. & quest. 189. art. 6. & 7. & in 4. dist. 38. quest. 1. art. 4. quest. 2. idem D. Tho. tenet omnia vota perpetua esse Papæ reservata. Quod Illustrissimus Caiet. 2. 2. q. 88. art. 1. 2. ad 3. intelligit de votis quæ per se, & natura sua sunt perpetua, qualia sunt castitatis, & religionis, non autem de votis quæ ex intentione vouentis, & quasi per accidens perpetua sunt, vt cum quis vouet perpetuam orationem, vel ieiunium.

Richar. in 4. dist. 18. q. 2. art. 9. docet  
2 sola tria vota. scilicet castitatis perpetuæ, religionis, & peregrinationis Hierosolymitanæ Papæ reservari.

Angelus verbo votum 4. num. 6. & Viuald. candel. sacram. 3. p. cap. 14. num. 63. dicunt sola vota castitatis, & religionis semper Romano Pontifici reservari: vota peregrinationum Romanæ Compostellanæ, & Hierosolymitanæ non semper, sed solum quando in eorum locorum subsidium emittuntur: ac proinde esse Episcopo reservata, quando gratia solius deuotionis fiunt. Hoc idem dicunt loquentes de peregrinatione Hierosolymitana Grass. 1. p. decis. lib. 3. cap. 31.

num. 21. & Emman. Sà verbo votum vbi de votorum irritatione num. 11. & verbo iuramentum num. 33.

At concursus est aliorum Doctorum sententia hæc quinque non solum quoad dispensationem, sed etiã quoad commutationem esse Romano Pontifici reservata, nempe votum Religionis, votum perpetuæ castitatis, votum peregrinationis Romanæ ad limina Apostolorum sanctorum Petri, & Pauli, votum peregrinationis Hierosolymitanæ ad visitandum sanctum Dei sepulchrum, (quod vocatur vltimatum) & votum peregrinationis compostellanæ ad inuisendum D. Iacobum. Et quamuis iure solum inueniatur reservatum votum Hierosolymitanum, quando in eius loci subsidium fit, vt patet ex c. multa de voto: at stylus curiæ Romanæ iam extendit, vt sit quoque reservatum quando causa solius deuotionis emittitur. Sic colligitur ex extrauag. Etsi dominici 2. de panit. & remiss. vbi excommunicantur qui prætextu confessionalium Sixti 4. absque speciali sedis Apostolicæ licentia prædicta vota commutare præsumunt. Vbi Pontifex non reservat hæc vota, sed supponit ea esse reservata. Ratio autem, seu conuenientia huius reservationis sumenda est ex illo principio, quod grauioribus causis meritis ad summum Pontificem referuntur: hæc autem supradicta, sunt huiusmodi: ergo summus Pontifex reservantur. Et ideo ita tenent Sot. lib. 7. q. 4. art. 3. Nauar. c. 12. num. 79. Arag. 2. 2. quest. 38. art. 12. Roder. 2. p. summ. cap. 99. num. 2. Less. lib. 2. cap. 45. dub. 18. num. 121. Azor. lib. 11. cap. 18. quest. 4. & Suar. lib. 6. cap. 21. num. 4. & 5.

Hinc, non satis circumspectè dixisse Sayrum libro 6. capite 11. num. 35. & 36. iure quoque communi hæc quinque vota Papæ reservari.

Quia

5 Quia nullus est in iure textus, qui hæc vota referuet, præter votum vltamarinum in eius loci subsidium. Nec in prædicta *Extravag. etsi dominici* referuantur, vt diximus.

Hinc, non rectè dixisse Azorium *lib. 1. c. 19. q. 3.* in iure solùm expressè referuari votum vltamarinum: at quia causæ arduæ ad Papam deferendæ sūt *C. maiores de baptismo*; & huiusmodi sunt vota Religionis, & castitatis; censi hæc quoque tacitè in iure referuari. Quia ille textus non agit de votorum dispensatione: vnde virtute illius non censentur hæc vota seruata.

6 Hinc, non est audiendus Natar. *in sum. bisp. cap. 12. num. 78.* qui his quinque votis referuatis addit votum applicandi bona incerta in subsidium terræ sanctæ. Quia nec textus, nec ratio, nec consuetudo probat hanc reservationem esse extensam ad votum dandi bona incerta in terræ Sanctæ subsidium; ergo non est asserendum; aliter etiam esset dicendum omne votum faciendi eleemosynam locis piis terræ sanctæ esse referuatum Papæ. Et caput. *Magna* quod pro eo adducitur, de solo peregrinationis voto in subsidium terræ sanctæ loquitur.

7 Hinc, non est approbandum quod air Abulen. *cap. 10. Num. q. 108.* nempe esse Papæ referuatum votum assumendi crucem in qualibet expeditione, quam Pontifex fecerit. Quia id nullo iure, nec consuetudine comprobatur.

8 Hinc, nec est audiendus Nauar. qui *comm. 1. de Regul. num. 21.* iis supradictis votis addit votum visitandi Domum gloriosam gloriosissimæ virginis Mariæ Lanteranam. Quia id nulla firma ratione probatur. Et quamuis Suar. *lib. 6. c. 21. nu. 14.* nouum appellet, & valde singulare præfatum Nauarri assertum; nec se vidisse exceptionem

aliquam fieri eiusmodi voti in aliquo priuilegio, vel diplomate; manifestè tamen constat de reservatione prædicta tempore Greg. 13. qui in quodam Breui sub die Martij Pontificatus sui anno 4. concessit oratorio Vallicellæ vrbis commutationem votorum, excepto tamen prædicto Lauretano, & aliis quinque solitis. Nunc autem reservationem prædictam non attendi in praxi testatur Azor. *lib. 11. cap. 10. quest. 4.*

## QVÆSTIO XLVII.

*An qui absque Romani Pontificis licentia in his quinque votis referuatis dispensat, ac ea commutat, sit ipso iure excommunicatus?*

RESPONDEO eum esse ipso **R**iure excommunicatum, si prætextu confessionalium à Sixto 4. concessum, aut in posterum concedendorum in eis dispenset, vel ea commutat: vt habetur ex illis verbis *extravag. etsi dominici. Prætextu facultatum huiusmodi concessarum a nobis, aut auctoritate nostra, quæ quomodolibet concedi coninget.* Ita Suar. *o. 1. in 1. p. d. 22. sect. 5. nu. 28.* Verùm, vt bene Nauar. annorauit, extrauagans illa nullius ferè est, quoad hoc momentum: cum confessionalia illa Sixti 4. cessauerint. Immo verò qui in dictis votis, prætextu confessionalium Sixti 4. dispensaret, non propterea incurreret excommunicationem. Quia ibi non agitur de dispensatione, sed de commutatione. Et licèt minus sit commutare, quàm dispensare; non tamen faciendæ est in hac parte consequentia ab vno in aliud, cum inhærendum sit verbis canonis prædictæ *extravag.* & in pœnis talis interpretatio faciendæ est,

est, ut non excedant proprium casum  
cap. Pana. Et facit Regula, Odia de  
reg. iuris in 6.

## QVÆSTIO XLVIII.

*An possit augeri numerus votorum  
reservatorum ex voluntate, &  
intentione vouentis. Perinde est,  
ac si quæreretur: An possit quis  
ita se voto suo obligare, ut in-  
tendas nullum posse in suo voto  
dispensare præter Pontificem?*

**R**ESPONDEO non posse. Ratio  
est, quia nullus inferior potest  
sua voluntate arcere superioris po-  
testatem.

Tum quia in peccatis non potest  
quis facere, ut peccatum suum sit re-  
servatum, etiam si id intendat, vel  
promittat: idem ergo est in votis, quia  
est eadem ratio. Ita Sayr. lib. 6. cap. 21.  
num. 15.

## QVÆSTIO XLIX.

*An concessio absoluta omnium vo-  
torum à Romano Pontifice facta,  
extendatur ad huiusmodi quin-  
que reservata?*

**I**N qua re certum est, hanc conces-  
sionem non extendi ad votum Re-  
ligionis, & castitatis.

Sed quod in dubium vertitur est,  
de aliis tribus votis reservatis.

Sorus lib. 7. q. 4. art. 3. Roder. p. 2.  
cap. 99. num. 1. & Sanch. lib. 8. de ma-  
trim. disp. 9. num. 2. tuentur partem  
affirmatiuam, quia putant vota pere-  
grinationum non esse tanti momen-  
ti, sicut alia duo; vel quia eorum reser-  
uatio non est tam antiqua.

Contrarium tamen est proculda-  
bio affirmandum: quia, ut habetur ex  
cap. 8. de penis. & remiss. num. 6. sub  
generali concessione non veniunt cas-  
sus reservati, sed aliqua speciali con-  
cessione indigent.

Tum quia in extranag. c. si domi-  
ni Sixtus IV. declaravit non conce-  
di talium votorum commutationem,  
nisi ex speciali, & certa scientia Apo-  
stolicæ sedis. Ita Suar. lib. 6. cap. 25.  
num. 4.

## QVÆSTIO L.

*An concessio absolute votis reser-  
uatis, intelligantur concessa vota  
religionis, & castitatis?*

**R**ESPONDEO sic. Ratio est, <sup>1</sup>  
quia satis censentur concessa, ex-  
plicata reservatione, cum ratione  
duntaxat illius, indigeant speciali li-  
centia Pontificis. Ita Suar. lib. 6. cap. 25.  
num. 5.

## QVÆSTIO LI.

*An concessio absolute omnibus vo-  
tis præter votum castitatis, & re-  
ligionis, censeantur concessa re-  
liqua tria peregrinationum re-  
servata?*

**R**ESPONDEO sic. Ratio est, quia <sup>1</sup>  
exceptio illa firmat concessionem  
quoad alia, quæ sine dubio sunt mi-  
nora, & facilius conceduntur. Ita Suar.  
lib. 6. cap. 25. num. 7.

## QVÆSTIO LII.

*An Pontifice concedente omnia vo-  
ta præter peregrinationem ultra-*

ff mari

## QVÆSTIO LX.

*An Episcopus possit dispensare in votis reservatis, quoties sunt emissa ex metu grani per iniuriam incusso ad extorquendum votum?*

**S**VAR. lib. 6. cap. 26. num. 1. affirmat posse.

Sed hæc sententia non placet, quia quando metus est gravis cadens in virum constantem, & est ab extrinseco per iniuriam incussus ad extorquendum votum, tale votum non est validum: ut recte tenent Sot. lib. 7. q. 2. art. 1. Nauar. cap. 12. num. 52. Arag. 2. 2. q. 88. ar. 3. Valent. 2. 2. d. 6. q. 6. p. 4. Tolet. lib. 4. cap. 17. & Roder. p. 2. sum. cap. 95. num. 1. ac proinde nulla dispensatione indiget.

## QVÆSTIO LXI.

*An Episcopus possit in his votis reservatis dispensare, quoties magnum periculum imminet transgressionis voti, aut alia æquivalens necessitas urget, postulans dispensationem, nec præ inopia, aut alia iusta causa potest conveniri Pontifex?*

**R**ODER. in Bulla §. 9. dub. 1. Lop. 2. p. ubi de clau. cap. 9. & Sayr. lib. 6. cap. 11. num. 53. negant. Quia non potest Episcopus in lege Pontificis dispensare, quia hæc vota reservata sunt.

Cæterum nullatenus placet mihi hæc sententia, sed existimo posse Episcopum in tali casu dispensare. Ratio est quia quamvis regulariter nequeat

Episcopus in lege Pontificis dispensare: potest tamen in casu magnæ necessitatis, quando ad Pontificem aditus non patet: sed in casu posito occurrere vigens necessitas: ergo poterit Episcopus ratione huius necessitatis dispensare.

Tum quia fortior est reservatio dum Pontifex reservat sibi absolutionem alicuius criminis, præterquam in mortis articulo, & tamen Sylvest. verb. dispensatio q. 9. Nauar. cap. 22. num. 85. Henric. lib. 6. de penis. cap. 16. num. 1. & Lop. 2. p. c. ult. tenent posse Episcopum absolvere, quando ratione alicuius impedimenti non est recursus ad Pontificem: quia iure optimo credi potest, non esse mentem summi Pontificis velle in hoc euentu, id crimen sibi reservare: nec est verisimile velle eum, ut animæ laqueis irretitæ in tanto periculo versentur. Et ideo ita tenent Nauar. cap. 12. num. 76. Henric. lib. 6. de penis. cap. 14. num. 7. Emman. Sæ verb. votum. ubi de votorum irrit. nu. 11. Valent. 2. 2. d. 6. q. 6. p. 7. Arag. 2. 2. q. 88. art. 12. Roder. 2. p. sum. cap. 102. num. 3. & Suar. lib. 6. cap. 26. nu. 9.

Hoc tamen limitat Vasq. 1. 2. q. 47. art. 4. d. 178. cap. 2. num. 6. nisi Episcopus possit subleuare pauperiem eorum, cum quibus dispensandum est, ministrando sumptus ad id necessarios.

Sed hæc limitatio non placet, quia ad has expensas ministrandas Episcopus nulla ratione tenetur.

Veruntamen observare hic etiam oportet: cum hæc doctrina solum fundetur in quadam *77. similia*, seu pia interpretatione, non est extendenda ultra id, quod moralis necessitas exigit. Unde non potest dispensare, ut ille voto castitatis adstrictus, eo matrimonio soluto, ad aliud transeat, nisi tunc eadem necessitas occurreret: tunc enim posset iterum dispensare:

pendere:

spensare: nec similiter, ut vitet sacrilegium contra votum castitatis fornicando. Quia cum sola necessitas hanc dispensandi facultatem tribuat, in tantum extendetur potestas, in quantum necessitas urget, quæ solum urget ad tunc contrahendum matrimonium. Ita Suar. lib. 6. cap. 26. num. 13.

## QVÆSTIO LXII.

*An si in omnibus his casibus facile adiri possit Nuntius, vel alius habens dispensandi commissionem, possit Episcopus dispensare?*

**A** VII A de censuris 2. p. cap. 7. d. 1. dub. 6. affirmat. Quia ius soli Pontifici reservatur dispensatione; cum ergo is adiri nequeat, poterit Episcopus tanquam Pastor ordinarius dispensare.

Alij verò negant, & merito quidem, quia cum potestas dispensandi in his casibus competat Episcopo ratione solius necessitatis, & defectus potestatis commodè ad eundem Pontificem; non posset Episcopus in hoc dispensare, si posset absque eo periculo adiri habens privilegium Pontificis ad dispensandum.

Tum quia habens privilegium dispensandi, habet vices Pontificis: & ideo recursus ad illum, videtur esse recursus ad Pontificem: ergo iam cessat necessitas Episcopalis dispensationis, & consequenter cessat potestas, quæ solum propter necessitatem illi conceditur. Et ideo hanc partem sustinent Couar. 4. decret. 3. p. cap. 6. §. 10. num. 11. Henric. lib. 1. 2. de matrim. c. 3. Sanch. lib. 8. de matrim. d. 9. num. 29. & Suar. lib. 6. cap. 12. num. 15.

## QVÆSTIO LXIII.

*An confessarii regulares qui virtu-*

*te suorum privilegiorum possunt commutare, & dispensare in omnibus votis Episcopo iure communi, & ordinario reservatis; possint id ipsum facere in votis quæ ipsi iure speciali, id est ratione urgentis necessitatis; compesunt?*

**R**ESPONDEO non posse. Ratio est, quia hi non dicuntur proprie casus Episcopales, sed papales, & ne Christi, & Ecclesiæ iugum durum merito videatur, ex quadam iuris benignitate Episcopo censentur permitti; in quibus videtur electa industria personæ: aliis autem de quorum solertia, & iudicio non tantum confiditur, prædicta facultas non extenditur. Ita Henric. lib. 6. de penis c. 14. n. 7.

## QVÆSTIO LXIV.

*An possit Episcopus eos casus delegare, quæ iure ordinario Romano Pontifici reservantur, & solum sibi competunt ratione urgentis necessitatis?*

**R**ESPONDEO posse. Ratio est, quia iurisdicção ex Principis privilegio competens non personæ, sed perpetuæ dignitati, vel officio, non est delegata, sed ordinaria: ergo potest aliis delegari. Ita Couar. lib. 3. var. cap. 26. num. 6. Henric. lib. 6. de penis. cap. 7. num. 3. & Nauarr. lib. 2. consil. de foro compes. conf. 2. num. 3.

## QVÆSTIO LXV.

*An Episcopus possit dispensare in voto sub disunctione factæ de materia*

Ff 3 - materia

respondeo quod quamvis tria vota sint essentialia, & intrinseca Religioni, nec ab ea possint separari, potest  
 9 tamen efficere summus Pontifex ex vrgentissima causa, vt qui antea erat Monachus, non sit, & sic vxorem ducat, proprium habeat, & nulli in particulari sit subditus.

Et ad *cap. Cum ad Monasterium* respondeo primò, respòsum illud Innoc. intelligi non de Romano Pontifice, sed de Episcopo. Pro cuius intelligentia, nota primò, olim Religiosos omnes fuisse Episcopis subiectos vt  
 10 habetur ex Conc. Niceno *can. 14.* & refertur in *cap. Quidam 15. q. 2.* & quantũ cuius potest ex Conc. Later. *can. 12.* huius Episcopalis subiectionis iugum tempore Innoc. III. perdurabat.

Secundo nota, in Europa, & Asia Episcopos olim summos sacerdotes, summòsq; Pontifices apud antiquos patres fuisse appellatos: vt expresse habetur ex Anacleto Papa *epist. 2. ad Episcopos Italia*, & Melchiade Papa in *epist. ad Hispanos Episcopos*, & tradit *Isid. lib. 7. etymol. cap. 12.* quo posito, dico illa verba Innoc. prædicti *cap. Cum ad Monast.* Nec summus Pontifex potest indulgere, intelligenda esse de Episcopo, non autem de Romano Pontifice.

11 Secundo respondeo Innoc. Papam eo in loco, hanc facultatem cum Monacho dispensandi, Romano Pontifici denegasse, Monacho manente in statu monachali; id enim Romanus Pontifex non potest efficere. 1. proprietatem cum paupertatis voto, matrimonium cum voto castitatis, & libertatem cum obedientie voto vna, & simul coniungere. Non tamen ibi Romano Pontifici, potestas denegatur, quo minus possit id facere successiue, ex aliqua vrgentissima causa, faciendo de Monacho non Monachum, & sic exemptum à Religione, vxorem du-

cere, proprium habere, & nulli in particulari esse subiectum. Et hæc interpretatio ex dicti cap. contextu aptè colligitur quia ibi Innoc. contra illum Abbatem Sublacen. qui existimabat ipsum habere facultatem concedendi Monacho, vt haberet proprium sic argumentatur. Pontifex non potest cum Monacho in hoc dispensare, ergo neque Abbas. At ibi non fuit dubitatum an Abbas posset Monachum facere non Monachum, sed tantum an posset Monacho tali existenti proprietatem aliquam indulgere, quod Innocentius negat, ea motus ratione, quia hoc nec Romanus Pontifex potest Monacho tali permanenti indulgere, quia implicat contradictionem, quod quis voto solemnii integro teneatur, & quod quis incapax dominij rei pecuniariæ sit, & quod fiat dominus talis rei. Ratio huius est, quia votum paupertatis est de essentia & substantia Religionis, vt cum D. Thom. omnes Doctores fatentur: at sublata aliquius rei essentia, certum est rem ipsam perire.

Tertiò respondeo, Innocentium eo 12 in loco non id definiuisse, sed tãquam Doctorem illius fuisse opinionis, & alios Pontifices contrarium sensisse, & in huiusmodi votis, ex causa vrgentissima dispensasse. Vnde miror Syluest. *verbo votum 4. q. 5.* & Sot. *lib. 7. q. 4. art. 2.* qui ausi sunt negare huius rei veritatem, aut summos Pontifices ita cum eis de plenitudine potestatis, non de iure dispensasse: aut eos nondum fuisse professos, sed nouitios: aut eos non vsque adeò spontaneè solemniter vouisse: aut quod peius est, hæc cum scandalo totius Christianitatis fecisse.

Demum obiicies D. Thomæ auctoritatem, qui in 2. 2. q. 88. *art. 1.* docet Romanum Pontificem non posse votum solenne, Religionis relaxare.

Respon



- 13 Respondeo ipsi sancto Thomæ, ipsummet sanctum Thomam opposimus, qui in 4. dist. 38. q. 1. art. 4. *quæstiuncula 1. ad 3.* disertis verbis fatetur summum Pontificem posse in voto solemnî religionis dispensare.

Profectò nunquam persuadere mihi potui, S. Thom. hanc facultatem summo Pontifici negasse; sed solum docuisse, fieri non posse autoritate summi Pontificis, ut quis sit religiosus, & liber, & coniux, & dominium habeat: pugnat enim cum natura Religionis; libertatis, coniugij, & dominijs usus. At Pontificia autoritate fieri potest, ut religiosus desinat esse Religiosus, & sic sit liber, coniux, & proprietarius.

### QVÆSTIO XXXVII.

*An legatus Apostolicus possit in votis simplicibus Regularium dispensare?*

- 1 RESPONDEO posse, si sit à latere, quia solus legatus à latere est legitimus Religiosorum superior. Ita Henric. lib. 6. de pœnit. cap. 16. num. 8.

### QVÆSTIO XXXVIII.

*An Episcopus loci possit in votis Religiosorum dispensare?*

- 1 RESPONDEO non posse. Ratio est, quia ab eius iurisdictione sunt exempti, & immediatè sedis Apostolicæ subiecti.

### QVÆSTIO XXXIX.

*An Regulares possint ex licentia suorum superiorum se Episcopo subiacere, ut ab eo absoluantur, & dispensentur in omnibus casibus, & irregularitatibus etiam reserua-*

*tis in quibus Episcopus ex Conc. Trid. sess. 24. cap. 6. potest cum suis subditis?*

IN hac graui, & perdifficili quæstione, certissimum est, & omni dubio procul, posse religiosos ex superioris licentia potentis in his casibus absoluere, aut dispensare, se subiicere non solum Episcopo, sed etiam cui-cumque capaci potestatis absoluendi, & dispensandi. Quia tunc nulla opus est cessione exemptionis, cum ille tanquam delegatus à superiore, & eius vices gerens absoluat, aut dispense.

### QVÆSTIO XL.

*Quæstio ergo quam hic inquirimus est, quando superior non poterat absoluere, nec dispensare?*

ET quidem etiam certissimum est, Religiosos fruantes priuilegijs Mendicantium posse virtute eorum priuilegiorum se subiicere Episcopo, ut eos absoluat, & cum eis dispense, obtenta superioris licentia. Quia ut Corduba in compendio priuilegiorum Mendicantium in suis addit. verb. absolutio ordinaria quoad fratres §. 1. testatur, diuersa reperiuntur Pontificum priuilegia concedentia hanc subiectionem Episcopo de superioris licentia faciendam, ut ab ipso impetretur absolutio.

### QVÆSTIO XLI.

*Sed quæstio tota est: An secluso priuilegio religiosus exemptus possit de licentia superioris subiici Episcopo, ut ipsum absoluat, aut cum eo dispense?*

Ecce 2 RODIA.

**R**ODER. *tom. 1. qq. regul. q. 36. ar. 5.*  
*& tom. 2. q. 63. art. 10. & Suar. lib.*  
*6. cap. 11. num. 7. absolutè negant.*

Sed quamvis sententia hæc sit valde probabilis, probabiliorem tamen iudico contrariam, nimirum id fieri posse. Ratio est, quia exemptio religiosorum est potissimum inducta in fauorem religionis, ut eas religiosi quietius Deo famulentur, & ne passim ab ordinariis perturbentur; unde in iis quæ quietem, & fauorem religionis concernunt, non debent esse peioris conditionis, quam non exempti. Nec est rationi cõforme, ut exemptionis priuilegium in hoc casu contra eius finem operetur. Quare in his fauorabilibus censetur per *7. inueniatur* tota religio consentire. Et ideo hanc partem tuentur Molina *tom. 4. de inst. disp. 61. num. 4.* Henriq. *lib. 6. de pœnit. cap. 16. num. 8.* & lib. 10. *de sacramento ord. cap. 10. num. 2.* & Roder. sibi contrarius *p. 1. cap. 13. 1. num. 1.*

Censetur autem regularis tacite habere licentiam sui Prælati quando Prælatus est impeditus, quia nominatim denunciatus, aut longè abest, aut si mortuus est, aut iniuste negat licentiam, quia per *7. inueniatur* non est censendum voluntatem summi Pontificis, & religionis esse, ut Episcopus in eo euentu non absoluat, & cogatur regularis vagari pro obtinenda absolutione. Ita Henriq. *lib. 6. de pœnit. cap. 16. num. 8.* & Molina *tom. 4. disp. 61. num. 5.*

## QVÆSTIO XLII.

*An Prælati religionis possint seipso subiacere Episcopo, ut ab eo absoluantur, & cum eis in votis dispensent?*

**R**ESPONDEO posse. Ratio est, quia possunt uti licentiis, quas subditis

concedere possunt. Ita Henriq. *lib. 7. de indulg. cap. 25. num. 2.* Suar. *to. 5. in 3. p. d. 41. sect. 2. num. 12.* & Auila *de censuris 2. p. c. 7. d. 1.*

## QVÆSTIO XLIII.

*An Prælati regulares dispensare possint cum seipsis in casibus, in quibus dispensare possunt cum sibi subditis?*

**N**OTANDUM, duplicem esse dispensationem: quædam est propriè dicta, quæ est vera iuris relaxatio, actûsque iurisdictionis. Alia, impropriè, quæ potius dicitur licentia quædam seu facultas, quàm relaxatio iuris; ut quando Regula non interdicit aliquid adsolutè, sed fieri absque superioris licentia: tunc superior licentiam concedens non relaxat regulæ præceptum, sed solam conditionem petitam in Regula apponit; nec licentia illa est propriè actus iurisdictionis, sed cuiusdam superioritatis.

Et quidem si de hac impropria dispensatione loquamur, certum est primò posse Prælatos secum dispensare vtendo nimirum licentiis, quas dare possunt suis subditis, ne sint peioris conditionis, quàm subditi. Ita D. Tho. *2. 2. q. 185. art. 8.* & Roder. *tom. 1. qq. reg. q. 45. art. ultimo.*

Secundò, quando Prælati dispensant in vniuersum cum subditis in aliqua lege ex iusta causa, certum est hanc dispensationem ad ipsos quoque Prælatos extendi: ut si Prælatus religionis iusta de causa dispenset, ut totus conuentus carnes comedat, ut non ieiunet, &c. poterit quoque eadem dispensatione uti. Sicut D. Thom. *in. 4. dist. 10. q. unica art. 5.* admittit Prælatos concedentes generaliter indulgentias posse illis frui. Quia

Quia hoc non est directè uti iurisdictione in seipsum, sed indirectè utendo dispensatione in vniuersum concessa.

Tertiò etiam est certum, posse Prælatos alicui ex subditis dare facultatè, vt cum ipsis dispenfet in omnibus casibus, in quibus, ipsi possunt cū subditis; ne deterioris conditionis subditis sint. Sicut suo confessorio possunt dare facultatem, qua ipsos absoluat à peccatis etiam reueruatis: vt habetur *ex cap. fin. de pœnit. & remission.* In quo casu confessor non accipit iurisdictionem à Prælato, qui cum illam non habeat, neque illam ei communicare poterit, sed illam accipit communicatam ei à superiore, mediante tamen illius Prælati electione talis personæ, vt secum dispenfet. Similiter confessorius à Papa electus, potest cum ipso in votis dispensare, non potestate à Papa ipso accepta, sed à Deo mediante tamen Pontificis electione, prout etiam in absolutione à peccatis contingit, quo in casu Pontifex non tribuit Sacerdoti authoritatè absoluedi supra seipsum.

#### QVÆSTIO XLIV.

*Sed quod in dubium vertitur est: An possint Prælati secum directè, verè, ac propriè dispensare in omnibus in quibus possunt cum subditis?*

**I**N qua re etiam conuenit, non posse Ecclesiasticos Prælatos secum dispensare in iis, in quibus iure diuino personarum distinctio requiritur. Vnde nemo potest se baptizare, confiteri, à peccatis absoluerè, ordinare, &c. Quia in his ex Christi institutione distinctio personarum requiritur. Quare eodem fundamento non po-

terunt seiplos excommunicatione, suspensione, vel interdicto afficere.

#### QVÆSTIO XLV.

*Difficultas autem est in aliis, in quibus id non est iure diuino interdictum.*

**S**AYRVS *lib. 6. cap. 11. num. 107. & Suar. lib. 6. cap. 11. num. 4.* absolutè negant. Quia nemo potest esse iudex in sua propria causa, nec superior sibi ipsi.

Tum quia inter dantem, & recipientem debet esse distinctio personarum, & proinde inter agentem, & patientem: ergo inter dispensantem, & dispensatum. Vnde nec Papa secum, nec Episcopus, vel Prælatus regularis secum dispensare valet.

Henriq. *lib. 6. de pœnit. cap. 4. nu. 3. & cap. 7. num. 5. & lib. 7. de indulgent. cap. 28. num. 1. Azor. lib. 5. cap. 15. q. 6. Roder. tom. 1. qq. regul. q. 45. art. fin. & Cordub. in addit. ad compend. privileg. Mendic. verbo accedere ad monasteria monialium, ad finem id soli Pontifici concedunt. Quia in Prælatis aliis inferioribus non inuenitur plenissima potestas, qualis est in Pontifice: nec vrget necessitas in eis, quæ cogit Pontificem vt secum dispenfet: hic enim caret superiore, at illi Pontificem habent.*

Alij vero rectius docent, omnes Prælatos habentes iurisdictionem ordinariam dispensandi in votis & aliis rebus cum subditis, posse quoque directè secum dispensare in eisdem: immo & habentes iurisdictionem delegatam dispensandi in vniuersum cum aliqua communitate, cuius ipsi sunt partes, possunt in iisdem rebus secum quoque directè dispensare. Ratio est, quia hic non requiritur di-

stinctio personarum propter specialem institutionem, sicut in absolutio-  
ne sacramentali: nec etiam requiritur  
propter vsum iurisdictionis, quia in  
iurisdictione voluntaria non est in-  
conueniens eundem operari in seip-  
sum, sicut de indulgentiis dictum  
est.

Tum quia sicut Prælati possunt  
dispensare cum suis subditis in legi-  
bus etiam superioris, quando id eis  
permittitur, vt in lege ieiunij, esus  
carnium, audiendi sacri, recitandi  
officij: ita in eisdem possunt dispensa-  
re. Non enim hic plus iurisdictionis  
requiritur in seipsum, quàm ibi.

- 4 Tum quia Papa potest sibi ipsi  
cōferre indulgentias absoluendo se à  
debito pœnæ, etiam iniunctæ vt docet  
D. Thom. in 4. dist. 20. q. vnica art. 5.  
Henriq. lib. 7. de indulg. cap. 22. ergo  
etiam potest secum dispensare in vo-  
tis, & aliis, in quibus potest cum sub-  
ditis. Et ideo huius sententiæ sunt  
in primis D. Thom. loco citato vbi di-  
cit, neminem posse seipsum excom-  
municare, quia excommunicatio fer-  
rur per modum sententiæ, quam ne-  
mo in seipsum ferre potest, cum idem  
non possit esse iudex & reus; posse ta-  
men sibi dare indulgentias, quia in-  
dulgentia non datur per modum sen-  
tentiæ, sed per modum cuiusdam  
dispensationis. Ex quibus verbis col-  
ligitur posse etiam Prælatum se exi-  
mere ab obligatione sui voti: quia hæc  
est propriè dispensatio.

Greg. de Valent. 4. p. disp. 7. quæst.  
20. p. 3. asserens Prælatum obtinere  
posse indulgentias ab ipso concessas,  
eam reddit rationem. Quia licet is  
sit actus iurisdictionis, non est talis,  
qui vim coactiuam exerceat, ita vt  
necessarium sit, eum exerceri circa  
aliquem alium.

Molina tom. 1. de iust. disp. 148. di-  
cit sic: Superiorem monasterij quas

facultates, & dispensationes pote-  
at aliis concedere, iisdem posse vti.

Emman. Sà verbo religio nu. 47. Præ-  
lari, inquit, in religione possunt secum  
dispensare, sicut cum subditis.

Caietanus 1. 2. quæst. 96. art. 5. &  
Sot. in 4. dist. 18. quæst. 1. art. 5. docent  
superiorem posse dispensare secum  
in lege ieiunij, & aliis, in quibus potest  
cum suis inferioribus, ne sit deterio-  
ris conditionis, quàm subditi: quare  
poterit etiam in votis, & aliis in  
quibus potest cum subditis, cum sit  
eadem ratio. Eandem sententiam se-  
quuntur Durand. in 4. d. 20. quæst. 4.  
num. 10. Palud. in 4. dist. 38. quæst. 4.  
art. 4. Couar. cap. Alma mater 1 p. §. 1.  
num. 7. Henriq. lib. 6. de pœnit. cap. 4.  
num. 3. & lib. 7. de indulgent. cap. 28.  
nu. 1. & plerique alij.

Ex quo sequitur, non solum Ro-  
manum Pontificem, sed etiam Epi-  
scopos, & Prælatos regulares, qui  
toti congregationi, aut conuentui  
præsunt, vt sunt Generales, Prouin-  
ciales, Priores, Præpositi, Rectores,  
Guardiani & similes: immo etiam Vi-  
ce-Priores, & vice-Rectores, qui in  
absentia aliorum regunt, posse secum  
dispensare in omnibus, in quibus pos-  
sunt cum suis subditis. Quia hi om-  
nes iurisdictione Episcopali fungun-  
tur, & sunt Pastores ordinarij suo-  
rum subditorum, & non debent esse  
in hoc peioris conditionis, quàm  
subditi, cum quibus ipsi dispensare  
possunt.

Hinc, qui limitatam potestatem  
habet dispensandi cum certis perso-  
nis, non potest in iisdem rebus se-  
cum dispensare. Ratio est, quia po-  
testas illa non extenditur ultra con-  
cessionis limites. Cum ergo sit ad cer-  
tas personas, in quibus ipse non  
comprehenditur, non po-  
terit ea vti erga  
seipsum.

QVÆST.

## QVÆSTIO XLVI.

*Quæ, & quotnam sint vota Romano Pontifici reſeruata?*

**D**OCTOR Angelicus 2. 2. q. 88. art. 12. ad 2. ait de iure duo vota eſſe reſeruata Papæ, nimirum caſtitatis, & ſubſidij terræ Sanctæ. Et ſub nomine caſtitatis, vt rectè notat Suar. lib. 6. cap. 21. num. 3. religionis votum comprehendit, de quo in aliis locis ſtatim citandis mentionem facit. Duas autem peregrinationis omiſit, quia vt ait Sor. lib. 7. q. 4. art. 3. ad 3. ſuo tempore fortè non erant reſeruata. Et quæſt. 185. art. 4. & quæſt. 189. art. 6. & 7. & in 4. diſt. 38. quæſt. 1. art. 4. quæſt. 2. idem D. Tho. tenet omnia vota perpetua eſſe Papæ reſeruata. Quod Illuſtriſſimus Caiet. 2. 2. q. 88. art. 12. ad 3. intelligit de votis quæ per ſe, & natura ſua ſunt perpetua, qualia ſunt caſtitatis, & religionis, non autem de votis quæ ex intentione vouentis, & quali per accidens perpetua ſunt, vt cum quis vouet perpetuam orationem, vel ieiumum.

Richar. in 4. diſt. 18. q. 2. art. 9. docet ſola tria vota. ſ. caſtitatis perpetuæ, religionis, & peregrinationis Hieroſolymitanæ Papæ reſeruati.

Angelus verbo votum 4. num. 6. & Vivald. candcl. ſacram. 3. p. cap. 14. num. 63. dicunt ſola vota caſtitatis, & religionis ſemper Romano Pontifici reſeruari: vota peregrinationum Romanæ Compoſtellanæ, & Hieroſolymitanæ non ſemper, ſed ſolum quando in eorum locorum ſubſidium emittuntur: ac proinde eſſe Epifcopo reſeruata, quando gratia ſolius deuotionis fiunt. Hoc idem dicunt loquentes de peregrinatione Hieroſolymitana Graſſæ, p. decif. lib. 2. cap. 31.

num. 21. & Emman. Sà verbo votum vbi de votorum irritatione num. 11. & verbo iuramentum num. 33.

At concors eſt aliorum Doctorum ſententia hæc quinque non ſolum quoad diſpenſationem, ſed etiã quoad commutationem eſſe Romano Pontifici reſeruata, nempe votum Religionis, votum perpetuæ caſtitatis, votum peregrinationis Romanæ ad limina Apoſtolorum ſanctorum Petri, & Pauli, votum peregrinationis Hieroſolymitanæ ad viſitandum ſanctum Dei ſepulchrum, (quod vocatur vltamarinum) & votum peregrinationis compoſtellanæ ad inuiſendum D. Iacobum. Et quamuis iure ſolum inueniatur reſeruatum votum Hieroſolymitanum, quando in eius loci ſubſidiũ fit, vt patet ex c. multa de voto: at ſtylus curiæ Romanæ iam extendit, vt ſit quoq; reſeruatum quando cauſa ſolius deuotionis emittitur. Sic colligitur ex extranag. Eſſi domini 2. de panit. & remiſſi. vbi excommunicantur qui prætextu confeſſionalium Sixti 4. abſque ſpeciali ſedis Apoſtolice ſcientia prædicta vota commutare præſumunt. Vbi Pontifex non reſeruatur hæc vota, ſed ſupponit ea eſſe reſeruata. Ratio autem, ſeu conuenientia huius reſeruacionis ſumenda eſt ex illo principio, quod grauiores cauſa merito ad ſummum Pontificem reſeruantur: hæc autem ſupradicta, ſunt huiusmodi: ergo ſummo Pontifici reſeruantur. Et ideo ita tenent Sor. lib. 7. q. 4. art. 3. Nauar. c. 12. num. 79. Arag. 1. 2. quæſt. 38. art. 12. Roder. 2. p. ſumm. cap. 99. num. 2. Leſſ. lib. 2. cap. 40. dub. 18. num. 121. Azor. lib. 11. cap. 38. quæſt. 4. & Suar. lib. 6. cap. 21. num. 4. & 5.

Hinc, non ſatis circumſpectè dixiſſe Sayrum libro 6. capite 11. num. 35. & 36. iure quoque communi hæc quinque vota Papæ reſeruati.

Quia

5 Quia nullus est in iure textus, qui hæc vota referuet, præter votum vltamarinum in eius loci subsidium. Nec in prædicta *Extravag. etsi dominici* referuantur, vt diximus.

Hinc, non rectè dixisse Azorium *lib. 1. c. 19. q. 3.* in iure solùm expressè referuari votum vltamarinum: at quia causæ arduæ ad Papam deferendæ sūt *C. maiores de baptismo*; & huiusmodi sunt vota Religionis, & castitatis; censi hæc quoque tacitè in iure referuari. Quia ille textus non agit de votorum dispensatione: vnde, virtute illius non censentur hæc vota reservata.

Hinc, non est audiendus Natuar. in *sum. bis. cap. 12. num. 78.* qui liis quinque votis referuariis addit votum applicandi bona incerta in subsidium terræ sanctæ. Quia nec textus, nec ratio, nec consuetudo probat hanc reservationem esse extensam ad votum dandi bona incerta in terræ Sanctæ subsidium; ergo non est asserendum; alia etiam esset dicendum omne votum faciendi eleemosynam locis piis terræ sanctæ esse reservatum Papæ. Et caput, *Magna* quod pro eo adducitur, de solo peteginationis voto in subsidium terræ sanctæ loquitur.

Hinc, non est approbandum quod ait Abulen. *cap. 10. Num. 9. 108.* nempe esse Papæ reservatum votum assumendi crucem in qualibet expeditione, quam Pontifex fecerit. Quia id nullo iure, nec consuetudine comprobatur.

Hinc, nec est audiendus Nauar. qui *comm. 1. de Regul. num. 11.* iis supradictis votis addit votum visitandi Domum gloriosam gloriosissimæ virginis Mariæ Lauretanam. Quia id nulla firma ratione probatur. Et quamvis Suar. *lib. 6. c. 21. nu. 14.* novum appellet & valde singulare præfatum Nauarri assertum, nec se vidisse exceptionem

aliquam fieri eiusmodi voti in aliquo priuilegio, vel diplomate; manifestè tamen constat de reservatione prædicta tempore Greg. 13. qui in quodam Breui sub die Martij Pontificatus sui anno 4. concessit oratorio Vallicellæ vrbis commutationem votorum, excepto tamen prædicto Lauretano, & aliis quinque solitis. Nunc autem reservationem prædictam non attendi in praxi testatur Azor. *lib. 1. 1. cap. 10. quest. 4.*

## QVÆSTIO XLVII.

*An qui absque Romani Pontificis licentia in his quinque votis reservatis dispensat, ac ea commutat, sit ipso iure excommunicatus?*

RESPONDEO eum esse ipso iure excommunicatum, si prætextu confessionaliū à Sixto 4. concessit, aut in posterum concedendum in eis dispenseret, vel ea commutet: vt habetur ex illis verbis *extravag. etsi dominici. Prætextu facultatum huiusmodi concessarum à nobis, aut auctoritate nostra, quæ quomodolibet concedi coningeret.* Ita Suar. *10. c. 1. in 1. p. d. 22. scilicet. 5. nu. 28.* Verum, vt bene Nauar. annotauit, extravagans illa nullius ferè est, quoad hoc momentū confessionalia illa Sixti 4. cessauerint. Immo verò qui in dictis votis, prætextu confessionaliū Sixti 4. dispenseret, non propterea incurreret excommunicationem. Quia ibi non agitur de dispensatione, sed de commutatione. Et licet minus sit commutare, quàm dispensare; non tamen faciendū est in hac parte consequentia ab vno in aliud, cum inherendum sit verbis canonis prædictæ *extravag.* & in pœnis talis interpretatio faciendū est,

est, vt non excedant proprium casum  
cap. *Pana*. Et facit Regula, *Odia de*  
*reg. iuris* in 6.

## QVÆSTIO XLVIII.

*An possit augeri numerus votorum  
reservatorum ex voluntate, &  
intentione vouentis. Perinde est,  
ac si quæreretur: An possit quis  
ita se voto suo obligare, vt in-  
tendas nullum posse in suo voto  
dispensare præter Pontificem?*

**R**ESPONDEO non posse. Ratio  
est, quia nullus inferior potest  
sua voluntate archare superioris po-  
testatem.

Tum quia in peccatis non potest  
quis facere, vt peccatum suum sit re-  
servatum, etiam si id intendat, vel  
promittat: idem ergo est in votis, quia  
est eadem ratio. Ita Sayr. *lib. 6. cap. 21.*  
*num. 15.*

## QVÆSTIO XLIX.

*An concessio absoluta omnium vo-  
torum à Romano Pontifice facta,  
extendatur ad huiusmodi quin-  
que reservata?*

**I**N qua re certum est, hanc conces-  
sionem non extendi ad votum Re-  
ligionis, & castitatis.

Sed quod in dubium vertitur est,  
de aliis tribus votis reservatis.

Sorus *lib. 7. q. 4. art. 3.* Roder. *p. 2.*  
*cap. 99. num. 1.* & Sanch. *lib. 8. de ma-*

**2** *trim. disp. 9. num. 2.* tuentur partem  
affirmatiuam, quia putant vota pere-  
grinationum non esse tanti momen-  
ti, sicut alia duo; vel quia eorum reser-  
uatio non est tam antiqua.

Contrarium tamen est proculda-  
bio affirmandum: quia, vt habetur *ex*  
*cap. 8. de penit. & remiss. num. 6.* sub  
3  
generali concessione non veniunt cas-  
sus reservati, sed aliqua speciali con-  
cessione indigent.

Tum quia in *extranag. nisi domi-*  
nisi Sixtus IV. declarauit non conce-  
di talium votorum commutationem,  
nisi ex speciali, & certa scientia Apo-  
stolicæ sedis. Ita Suar. *lib. 6. cap. 25.*  
*num. 4.*

## QVÆSTIO L.

*An concessis absolutè votis refer-  
uatis, intelligantur concessa vota  
religionis, & castitatis?*

**R**ESPONDEO sic. Ratio est, **1**  
quia satis censetur concessa, ex-  
plicata reservatione, cum ratione  
duntaxat illius, indigeant speciali li-  
centia Pontificis. Ita Suar. *lib. 6. cap. 25.*  
*num. 5.*

## QVÆSTIO LI.

*An concessis absolutè omnibus vo-  
tis præter votum castitatis, & re-  
ligionis, censeantur concessa re-  
liqua tria peregrinationum re-  
servata?*

**R**ESPONDEO sic. Ratio est, quia **1**  
exceptio illa firmat concessionem  
quoad alia, quæ sine dubio sunt mi-  
nora, & facilius conceduntur. Ita Suar.  
*lib. 6. cap. 25. num. 7.*

## QVÆSTIO LII.

*An Pontifice concedente omnia vo-  
ta præter peregrinationem ultra-*

ff mari

*marinam, censeantur concessa  
alia duo peregrinationis vota?*

**Q**UÆSTIO est, cuius meminit Suar. lib. 6. cap. 25. num. 7. Respondendum est ergo iuxta mentem eius quod sic. Et ratio est, quia absque dubio sunt minus grauius, & multo facilioris dispensationis.

### QUÆSTIO LIII.

*An Pontifice concedente omnia vota, præter triplex votum peregrinationis reservata, censeantur concessa vota castitatis, & religionis?*

**R**ESPONDEO non. Ratio est, quia exceptio minorum votorum arguit mentem Pontificis esse denegare à fortiori maiora. Similiter si Papa concederet reservata præter aliqua minora, non censerentur concessa maiora, sed inferiora, aut æqualia reservata, exceptis. Si tamen nullum esset reservatum æquale, aut minus exceptis, intelligerentur concessa similia maiora, non autem dissimilia, ut si Papa concederet reservata præter duplicem peregrinationem, Romanam videlicet & Hierosolymitanam, censeretur concedere Compostellanam, quæ est exceptis similis: non autem vota religionis & castitatis, quæ sunt multo maiora, & dissimilia: si demum concederentur reservata præter triplex illud votum peregrinationis, tunc intelligerentur concessa vota religionis, & castitatis. Quia aliàs concessio esset inutilis, & ridicula. Ita Soc. lib. 7. quaest. 4. artic. 2. & Suar. lib. 6. cap. 25. num. 8.

### QUÆSTIO LIV.

*An si concessio fiat sub hac forma, Concedimus omnia vota, etiam castitatis, tacito religionis voto, vel è contra, censeatur utrumque concedi?*

**R**ESPONDEO ceneri solum concessum votum quod exprimitur ex illis duobus, & non concessum quod tacetur. Ratio est, quia cum sint æqualia, aut ferè æqualia, ex concessione vnius non possumus colligere aliud esse etiam concessum.

Tum quia à diuersis non fit illatio.

Tum quia maius est utrumque, quam vnum concedere. Ita Suar. lib. 6. cap. 25. num. 8.

### QUÆSTIO LV.

*An legatus à latere possit in his votis reservatis dispensare?*

**R**ESPONDEO non posse. Ratio est, quia legatus à latere in tota provincia sibi commissa, potest dispensare in voto, eo modo quo Episcopus in suadicecesi. Ita Sanch. lib. 8. de matrim. disp. 9. num. 25.

### QUÆSTIO LVI.

*An Episcopi possit in his votis dispensare, quoties de eorum valore sis dubium?*

**R**ESPONDEO posse. Ratio est, quia cum dispensationis reservatio sit odiosa (quod ordinaria Episcoporum potestati deroget) est restringen



stringenda ad casus certos: dubij enim non comprehenduntur sub reservatione. Ita Sanch. lib. p. decalogi cap. 10. num. 74. & Suar. lib. 2. cap. 26. num. 6.

sacram. 3. p. cap. 14. num. 56. affirmant posse. Quia Episcopus potest dispensare in casibus communiter accidentibus: ut docet Caietan. 1. 2. quest. 97. art. 4.

## QVÆSTIO LVII.

*An possit Episcopus dispensare in votis reservatis, quoties ea emittuntur ab impuberibus, & à parentibus irritari possunt?*

**G**VTTIER. lib. 2. quest. can. cap. 22. num. 49. affirmat posse. Quia si pater, vir, dominus possunt vota hæc irritare; à fortiori poterit Episcopus in eis dispensare.

Contraria tamen sententia mihi plus placet: primò quia cum hæc duæ potestates irritandi & dispensandi sint diuersæ, & ex principijs distinctis oriuntur; non bene ex vna ad aliam argumentum deducitur: ergo ex eo quod pater possit irritare hæc vota filij impuberis, non rectè colligitur posse Episcopum in illis dispensare.

Secundò, quia Pontifex votà hæc sibi reservando, minimè intendit derogare potestati dominariæ, cui irritatio innititur: sed iurisdictioni, quam subtrahit, ac limirat: ergo licèt, facta reservatione, pater possit irritare, nihilominus non potest Episcopus dispensare. Ita Suar. lib. 6. cap. 26. num. 3. & Sanch. lib. 8. de matrim. disp. 9. n. 4.

## QVÆSTIO LVIII.

*An quoties vota reservata solent frequentissimè emitti, possit in eis Episcopus dispensare?*

**H**ENRIQ. lib. 7. de indulgentiis cap. 30. num. 6. & Viuald. candel.

Sed oppositum est verius, nam frequentia casuum non dat iurisdictionem Episcopo ad dispensandum, vel absoluendum, nisi alias specialis necessitas interueniat: nam et si impedimenta, iure canonico, matrimonium dirimentia, sint frequentissima, nullatenus potest Episcopus in eis dispensare: ergo. Et ided ita tenet Suar. lib. 6. cap. 26. num. 7.

## QVÆSTIO LIX.

*An quoties hac vota sunt ex metu leui facta, licèt non sufficienti ad ea irrita reddenda, possit Episcopus in eis dispensare?*

**S**VAR. lib. 6. cap. 26. num. 5. negat. 1 Sed multò verius existimo, posse Episcopum in eis dispensare tanquam in votis, quorum valor adhuc sub iudice est. Ratio huius ea esse potest, quia cum id votum non sit omnino voluntarium, nil mirum si non ita Papæ referretur, ac quando sponte factum est. 2

Tum quia hæc reservatio est valde stricti iuris: & ideo restringenda: ergo debet intelligi de votis certis, & indubitatis: nam dubia vota, non sunt vota simpliciter, sed secundum quid.

Tum etiam, quia de peccatis, & censuris reservatis similis regula ab omnibus admittitur. Et ita tenent Nauarr. cap. 12. num. 59. Roder. p. 1. summ. cap. 242. num. 14. & Henric. lib. 11. de matrim. cap. 15. num. 8.

FF 2 QVÆST.

## QVÆSTIO LX.

*An Episcopus possit dispensare in votis reservatis, quoties sunt emissa ex metu graui per iniuriam incusso ad extorquendum votum?*

**S**VAR. lib. 6. cap. 26. num. 1. affirmat posse.

Sed hæc sententia non placet, quia quando metus est grauis cadens in virum constantem, & est ab extrinseco per iniuriam incussus ad extorquendum votum, tale votum non est validum; vt recte tenent Sot. lib. 7. q. 2. art. 1. Nauar. cap. 12. num. 52. Arag. 2. 2. q. 88. ar. 3. Valent. 1. 2. d. 6. q. 6. p. 4. Tolet. lib. 4. cap. 17. & Roder. p. 2. sum. cap. 95. num. 1. ac proinde nulla dispensatione indiget.

## QVÆSTIO LXI.

*An Episcopus possit in his votis reservatis dispensare, quoties magnum periculum imminet transgressionis voti, aut alia æquiualens necessitas urget, postulans dispensationem, nec pra inopia, aut alia iusta causa potest conueniri Pontifex?*

**R**ODER. in Bulla 5. 9. dub. 1. Lop. 2. p. vbi de clau. cap. 9. & Sayr. lib. 6. cap. 11. num. 53. negant. Quia non potest Episcopus in lege Pontificis dispensare, quæ hæc vota reservata sunt.

Cæterum nullatenus placet mihi hæc sententia, sed existimo posse Episcopum in tali casu dispensare. Ratio est quia quamuis regulariter nequeat

Episcopus in lege Pontificis dispensare: potest tamen in casu magnæ necessitatis, quando ad Pontificem aditus non patet: sed in casu posito occurrit vrgens necessitas: ergo poterit Episcopus ratione huius necessitatis dispensare.

Tum quia fortior est reservatio dum Pontifex reservat sibi absolutionem alicuius criminis, præterquam in mortis articulo, & tamen Syluest. verb. dispensatio q. 9. Nauar. cap. 22. nu. 85. Henriq. lib. 6. de pœnit. cap. 16. nu. 1. & Lop. 2. p. 6. vlr. tenent posse Episcopum absolueri, quando ratione alicuius impedimenti non est recursus ad Pontificem: quia iure optimo credi potest, non esse mentem summi Pontificis velle in hoc euentu, id crimen sibi reservare: nec est verisimile velle eum, vt animæ laqueis irretitæ in tanto periculo versentur. Et ideo ita tenent Nauar. cap. 12. num. 76. Henriq. lib. 6. de pœnit. cap. 14. num. 7. Emman. Sà verb. votum. vbi de votorum irritu. nu. 11. Valent. 1. 2. d. 6. q. 6. p. 7. Arag. 2. 2. q. 88. art. 12. Roder. 2. p. sum. cap. 102. num. 3. & Suar. lib. 6. cap. 26. nu. 9.

Hoc tamen limitat Vasq. 1. 2. q. 47. art. 4. d. 178. cap. 2. num. 6. nisi Episcopus possit subleuare pauperiem eorum, cum quibus dispensandum est, ministrando sumptus ad id necessarios.

Sed hæc limitatio non placet, quia ad has expensas ministrandas Episcopus nulla ratione tenetur.

Veruntamen observare hic etiam oportet: cum hæc doctrina solum funderetur in quadam *ty. vntula*, seu pia interpretatione, non est extendenda ultra id, quod moralis necessitas exigit. Vnde non potest dispensare, vt ille voto castitatis adstrictus, eo matrimonio soluto, ad aliud transeat, nisi tunc eadem necessitas occurreret; tunc enim posset iterum dispensare:

spensare: nec similiter, ut vitet sacrilegium contra votum castitatis fornica-  
cundo. Quia cum sola necessitas hanc  
dispensandi facultatem tribuat, in  
tantum extendetur potestas, in quan-  
tum necessitas urget, quæ solum ut-  
get ad tunc contrahendum matrimo-  
nium. Ita Suar. lib. 6. cap. 26. num. 13.

## QVÆSTIO LXII.

*An si in omnibus his casibus facile  
adiri possit Nuntius, vel alius  
habens dispensandi commissio-  
nem, possit Episcopus dispensare?*

2. **A** VILA de censuris 2. p. cap. 7. d. 1.  
dub. 6. affirmat. Quia ius soli  
Pontifici reservatur dispensatione; cum  
ergo is adiri nequeat, potest Episco-  
pus tanquam Pastor ordinarius dis-  
pensare.

Alij verò negant, & merito qui-  
dem, quia cum potestas dispensandi  
in his casibus competat Episcopo ra-  
tione solius necessitatis, & defectus  
potestatis commodè aduocandi Ponti-  
ficem; non posset Episcopus in hoc dis-  
pensare, si posset absque eo periculo  
adiri habens priuilegium Pontificis  
ad dispensandum.

Tum quia habens priuilegium dis-  
pensandi, habet vices Pontificis: &  
idedò recursus ad illum, videtur esse  
recursus ad Pontificem: ergo iam ces-  
sat necessitas Episcopalis dispensatio-  
nis, & consequenter cessat potestas,  
quæ solum propter necessitatem illi  
conceditur. Et idèd hanc partem su-  
stinent Couar. 4. decret. 3. p. cap. 6. §. 10.  
num. 11. Henriq. lib. 1. de matrim. c. 3.  
Sanch. lib. 8. de matrim. d. 9. num. 29. &  
Suar. lib. 6. cap. 12. num. 15.

## QVÆSTIO LXIII.

*An confessarij regulares qui virtu-*

*te suorum priuilegiolorum possunt  
commutare, & dispensare in om-  
nibus votis Episcopo iure com-  
muni, & ordinario reservatis;  
possint idipsum facere in votis  
quæ ipsi iure speciali, id est ratio-  
ne urgentis necessitatis; compe-  
sunt?*

**R**ESPONDEO non posse. Ratio  
est, quia hi non dicuntur propriè  
casus Episcopales, sed papales, & ne  
Christi, & Ecclesiæ iugum durum  
merito videatur, ex quadam iuris be-  
nignitate Episcopo censentur permis-  
si; in quibus videtur electa industria  
personæ: aliis autem de quorum so-  
lertia, & iudicio non tantum confidi-  
tur, prædicta facultas non extenditur.  
Ita Henriq. lib. 6. de pœnis. c. 14. n. 7.

## QVÆSTIO LXIV.

*An possit Episcopus eos casus dele-  
gare, quæ iure ordinario Romano  
Pontifici reservantur, & solum  
sibi competunt ratione urgentis  
necessitatis?*

**R**ESPONDEO posse. Ratio est,  
quia iurisdictio ex Principis pri-  
uilegio competens non personæ, sed  
perpetuæ dignitati, vel officio, non est  
delegata, sed ordinaria: ergo potest  
alijs delegari. Ita Couar. lib. 3. var.  
cap. 26. num. 6. Henriq. lib. 6. de pœnis.  
cap. 7. num. 3. & Nauarr. lib. 2. cons. sit. de  
foro compet. cons. 2. num. 3.

## QVÆSTIO LXV.

*An Episcopus possit dispensare in  
voto sub distinctione facto de  
ff 3 materia*

*materia reſervata, & non reſervata; ut de caſtitate perpetua, vel de ieiunio perpetuo, vel de peregrinatione Romana, vel Lauretana?*

**R**ESPONDEO, ſi res adhuc integra exiſtit, id eſt, ſi vouens nondum elegit partem reſervatam, ita ut teneatur ad illam, Episcopuſ poteſt in eo voto diſpenſare. Ratio eſt, quia cum id votum non obliget præciſe ad rem reſervatam, nullatenus comprehenditur ſub reſervatis. Quod ſi eligat partem reſervatam, obligando ſe præciſe ad illam, non poteſt Episcopuſ in illo diſpenſare, quia tunc quali novum votuſ reſervatum emittit. Ita Azor. lib. 11. c. 19. q. 10. Sayr. lib. 6. cap. 11. num. 62. & Suar. lib. 6. c. 24. num. 1. & 2.

#### QVÆSTIO LXVI.

*An Episcopuſ poſſit diſpenſare in voto ſub diſiunctione facto circa utramque materiam reſervatam ut circa caſtitatem, vel religionem?*

**R**ESPONDEO non poſſe. Ratio eſt, quia in illo quidquid eligatur, Romano Pontifici reſervatur. Suar. ſupra.

#### QVÆSTIO LXVII.

*An ſi votum non obliget præciſe ad rem reſervatam ex voventis electione, ſed quia altera pars non reſervata, eſt reddita impoſſibilis, poſſit Episcopuſ in eo voto diſpenſare? ut ſi quis vovit religionem ingredi, vel ſalem eleemoſynam facere, & poſtea factuſ eſt impoſſens ad eleemoſynam.*

**R**ESPONDEO poſſe. Ratio eſt, quia id votum per ſe, & ſuapte natura nunquam obligavit ad materiam reſervatam, ſed talis obligatio ad illam inſurgit ex ſolo facto, ſeu ex impoſſibilitate materiæ, quæ eſt per acciſdens, non ex vi voti. Ita Suar. lib. 6. cap. 24. num. 4.

#### QVÆSTIO LXVIII.

*An quando votum reſervatum, eſt commutatum à Pontifice in non reſervatum, poſſit poſtea Episcopuſ in hoc diſpenſare? v.g. Titimuſ votum caſtitaſis emiſerat, quod Romani Pontificiſ beneficio in certam eleemoſynam commutatum fuiſt, & deinde cauſa ſubeſt, ut in tali eleemoſyna diſpenſetur. Queritur nunc, An poſſit Episcopuſ in illa diſpenſare?*

**N**ONnulli negant, quia ſubrogatum ſapere debet naturam eiꝰ, pro quo ſubrogatur. Et in hanc partem inclinat Azor. lib. 11. cap. 18. q. 11. dicens dubiam ſibi eſſe contrariam ſententiam.

Sed verius eſt, poſſe Episcopuſ in ea diſpenſare, eamve commutare. Ratio eſt, quia per commutationem illam fuit extinctum votum reſervatum, & aliud loco illiuſ ſubſtitutum, quod reſervatum non eſt: ac ſubinde eſt novum votum per ſe non reſervatum.

Tum quia votum illud non eſt per ſe reſervatum, ſed ratione ſolius materiæ reſervatæ: ergo mutata materia, ceſſabit reſervatio. Sicut peccatum, cui annexa eſt excommunicatio Romano Pontifici reſervata, deſinit eſſe reſervatum, excommunicatione ſemota: ita etiam votum caſtitaſis, ſi in aliam materiam non reſervatam à

Papa

Papa commutetur, non est amplius ei reſervatum: quia reſervatio eſt ratione materiæ: ea igitur ablata, reſervatio ceſſat, ac proinde poteſt Epiſcopus in illa diſpenſare, vel commutare.

Tandem, ſi votum non reſervatum commutaretur in materiam voti reſervati, proculdubio maneret reſervatum: ut ſi quis feciſſet votum lauretanum, & Præſatus commutaret illud in votum Romanum, iam iterum non poſſet commutari niſi per Papam; ergo &c. è contrario. Et ideo ita tenent Sylv. verb. votum 4. q. 7. Arag. 2. 2. q. 88. art. 12. Sayr. lib. 6. cap. 12. nu. 23. Cord. in ſumma caſuum q. 150. Emman. Sà verb. votum nu. ult. Henric. lib. 7. de indulg. cap. 30. nu. 5. Roder. p. 2. c. 93. nu. 5. & Suar. lib. 6. c. 20. nu. 15. & 16.

## QVÆSTIO LXIX.

*An ſi vouens voluit ſe his votis adſtringere ſolum ad culpam venialem, aut ad ſolam penam, poſſit Epiſcopus in illis diſpenſare?*

**R**ESPONDEO poſſe. Ratio eſt, quia tunc valde à voti perfectione deficiunt, & leuiſſima reputantur. Ita Sanch. lib. 4. decalogi cap. 40.

## QVÆSTIO LXX.

*An poſſit Epiſcopus diſpenſare in voto ſeruandi caſtitaſtem ad tempus, puta decem, vel viginti annorum?*

**R**ESPONDEO poſſe. Ratio eſt, quia Romano Pontifici ſolum votum perpetuæ caſtitaſtis reſervatur, quod ſimpliciter votum caſtitaſtis dicitur. Ita D. Tho. 2. 2. q. 88. ar. 11. ad 2. Sayr. lib. 6. c. 11. n. 48. Nau. c. 12. nu. 76. Soc. lib. 7.

q. 4. ar. 3. Azor. lib. 11. c. 19. q. 6. Valent. 2. 2. d. 6. q. 6. p. 7. Arag. 2. 2. q. 88. ar. 12. Lop. p. 1. c. 49. Henric. lib. 7. de indulg. c. 30. nu. 6. & Roder. p. 2. ſum. c. 98. n. 5.

## QVÆSTIO LXXI.

*An poſſit Epiſcopus diſpenſare in voto ſeruandi caſtitaſtem uſque ad aſatem centum annorum?*

**R**ESPONDEO non poſſe. Ratio eſt, quia cum vita hominis non amplius durare præſumatur, id votum erit moraliter perpetuum, ac Romano Pontifici reſervatum: Ita Leſſ. lib. 2. de iuſt. c. 40. dub. 18. nu. 123. & Sanch. lib. 2. de matrim. d. 46. nu. 1.

## QVÆSTIO LXXII.

*An poſſit Epiſcopus diſpenſare in voto expreſſe promittendi caſtitaſtem?*

**R**ESPONDEO poſſe. Ratio eſt, quia id non eſt votum caſtitaſtis, ſed illius promittendæ: quare ſi hic cum muliere commiſceretur ante promiſſam caſtitaſtem, non peccaret contra votum. Suar. lib. 6. c. 21. nu. 7.

## QVÆSTIO LXXIII.

*An poſſit Epiſcopus diſpenſare in voto non fornicandi, aut non tangendi mulierem?*

**R**ESPONDEO poſſe. Ratio eſt, quia neutrum eſt votum totius, & integræ caſtitaſtis, ſed partis: nam contra prius non peccat, qui habens tale votum, matrimonium contrahit: nec contra poſterius, ſi ſe polluat abſque deſiderio mulieris: ac propterea eius relaxatio vel commutatio nequa

nequaquam est Romano Pontifici re-  
servata. Ita Henric. *lib. 7. de indulg. c.*  
*30. num. 6. Azor. lib. 11. cap. 19. q. 6. &*  
*Less. lib. 2. cap. 40. dub. 18. num. 123.*

### QVÆSTIO LXXIV.

*An possit Episcopus dispensare in  
voto non nubendi?*

**I**LLUSTRISSIMVS Caietan. gloria  
Thomistarum *2. tom. opusc. tract. 1. r.*  
*q. 1. & 2.* tenet non posse. Quia putat  
votum non nubendi æquivalere vo-  
to castitatis, quod Papæ reservatur.

Sed absque dubio dicendum est,  
posse Episcopum in tali voto dispen-  
sare. Ratio est, quia votum non nu-  
bendi non est votum integræ castita-  
tis, sed partis; nam facit contra illud,  
qui contrahit, non autem qui fornicat-  
ur; quia votum solum est de non  
contrahendo: & si post tale votum,  
contrahit matrimonium, non peccat  
petendo, vel reddendo debitum. Et  
ideo ita tenet Sor. *in 4. dist. 38. q. 2. art.*  
*1. Arag. 2. 2. q. 88. art. 12. Nauar. cap. 12.*  
*num. 76.* qui ait in sacro pœnitentia-  
riæ pratorio sic servari, Henric. *lib. 7.*  
*de indulg. cap. 30. num. 6. Valent. 2. 2.*  
*dub. 6. q. 6. p. 7. Roder. p. 2. sum. cap. 98.*  
*num. 5. Azor. lib. 11. cap. 19. q. 5. Less.*  
*lib. 2. c. 40. dub. 18. num. 124. Sayr. lib. 6.*  
*cap. 11. num. 47. & Suar. lib. 6. cap. 21.*  
*numero 9.*

### QVÆSTIO LXXV.

*An possit Episcopus dispensare in  
voto non nubendi emissio non  
solum causa deuotionis, verum  
etiam in gratiam alterius coniu-  
gis qui tale votum accepit?*

**R**ESPONDEO non posse. Ratio est,  
quia non potest ius illud per pro-

missionem voto firmatam illi acqui-  
situm tollere. At si ille, in cuius gra-  
tiam factum est votum, remittat ius  
sibi acquisitum, poterit Episcopus in  
illo voto dispensare. Quia non est vo-  
tum omnimodæ castitatis, ac cessat  
præiudicium tertij. Ita Sor. *lib. 8. q. 1.*  
*art. 9.* qui ait idem esse dicendum de  
iuramento, Sanchez *lib. 8. de matrimonio*  
*disp. 9. & alij.*

### QVÆSTIO LXXVI.

*An Episcopus possit cum eo qui  
post votum simplex castitatis,  
ratum solum matrimonium con-  
traxit, sed nondum consumma-  
uit, dispensare ut debitum  
petat?*

**R**ESPONDEO quod quamuis  
hic sic contrahendo peccauit, &  
adhuc votum adimplere possit, si ve-  
lit religionem ingredi, etiam altero  
coniuge inuito; quia tamen vt dixi-  
mus in primo libro non tenetur ad  
religionem transire; poterit Episco-  
pus dispensare vt debitum durante  
eo matrimonio petere possit. Quia  
non dispensat in voto omnimodæ cas-  
titatis. Idem dicendum est de eo, qui  
post votum simplex castitatis, matri-  
monium contraxit, & consummauit.  
Quia quamuis consummando pec-  
cauit; quia tamen matrimonium tenet,  
poterit Episcopus cum eo dis-  
pensare.

### QVÆSTIO LXXVII.

*An Episcopus possit dispensare in  
voto non petendi debitum  
conjugale?*

**R**ESPONDEO posse. Ratio est,  
quia non est votum integræ cas-  
titatis;

ritatis, sed partis: integrum enim huic est reddere, & eo matrimonio soluto, ad aliud transire: at reservatio voti tanquam odiosa, de integræ castitatis voto est intelligenda.

### QVÆSTIO LXXVIII.

*An Episcopus possit dispensare cum eo qui post matrimonium consummatum, votum castitatis emisit, ut debitum petat?*

- R**ESPONDEO posse. Ratio est, quia non est votum castitatis simpliciter, sed tantum non petendi debitum. Ita Sot. in 4. d. 38. q. 2. art. 1. & Arag. 1. 2, q. 88. art. 8. Et idem dicendum est, quando votum castitatis emissum est post matrimonium ratum: si enim pœnitet postea voti, & religionem ingredi nolit, poterit Episcopus ad modum dictum dispensare.

### QVÆSTIO LXXIX.

*An Episcopus dispensare possit cum eis qui post matrimonium consummatum de communi consensu, simplex votum castitatis emiserunt?*

- R**ESPONDEO non posse. Ratio est, quia cum uterque in hoc casu iuri suo de petendo, & reddendo debitum cedat; votum censetur perpetuæ castitatis, in quo solus Papa dispensat.

### QVÆSTIO LXXX.

*An possit Episcopus dispensare in voto, quo alter vel uterque con-*

*iux ex licentia alterius, vel communi consensu promissit, se non petiturum debitum?*

**R**ESPONDEO posse. Ratio est, quia id votum non est omnimodæ castitatis: nam eo matrimonio soluto, integrum est utrique ad secundas nuptias transire, & neuter adulterando peccat contra votum.

### QVÆSTIO LXXXI.

*An Episcopus possit dispensare in voto servandi castitatem coniugalem?*

**R**ESPONDEO posse. Ratio est, quia non est votum absolutæ, & perfectæ castitatis, quod solum Romano Pontifici reservatur: tenetur enim reddere debitum, & potest eo matrimonio soluto ad secundas nuptias transire. Ita Sanch. lib. 8. de matrim. disp. 9. num. 7.

### QVÆSTIO LXXXII.

*An Parochus possit aliquando dispensare in votis, in quibus potest Episcopus?*

**R**ODER. tom. 2. q. 99. regul. q. 46. art. 1. 9. affirmat posse, non quidem ex iure ordinario, ac communi, sed ex præsumpta Pontificis voluntate, nempe in casu necessitatis, quando non est facilis aditus ad Episcopum. Et probat, quia dispensatio in voto est instar dispensationis in lege, ut docet D. Thom. 2. 2. q. 88. art. 10. At Parochus potest ex consuetudine in lege ieiunij, & in esu carniū dispensare, quando commodè Episcopus non potest adiri: ut docent Caietan. verb. ieiunium c. 3.

& Nauarr. cap. 21. num. 21. Immo præfente Episcopo, posse Parochum dispensare, tenent idem Caietan. 2. 2. q. 147. art. 4. Valent. 4. p. d. 9. quæst. 2. p. 5. Azor. lib. 7. c. 2. q. 3. & Medin. lib. 1. sum. cap. 14. §. 10. ergo & in votis, in quibus Episcopus potest dispensare.

- 2 Sed oppositum iudico probabilius. Ducor quia iuxta communem, nullus qui iurisdictione quasi Episcopali caret, potest in votis dispensare, nisi ex privilegio, vel consuetudine præscripta id ius habeat: at nulla extat consuetudo in Ecclesia vr Parochus in votis dispense; ergo. Nec Rodericus rectè argumetur ex potestate dispensandi, consuetudine recepta in lege ieiunij, ad potestatem dispensandi in votis. Quia consuetudo hæc, cum sit contra ius commune, est restringenda.

### QVÆSTIO LXXXIII.

*An Episcopus possit dispensare in votis populi, ac eius successorum?*

- 1 ET quidem, si loquamur de votis respectu eorum, qui ea emisserunt, certum est, posse Episcopum cum eis iuxta de causa dispensare. Quia ea vora non sunt ex quinque Romano Pontifici referuatis.

### QVÆSTIO LXXXIV.

*Sed tota controuersia versatur de successoribus.*

- 1 RESPONDEO posse Episcopum etiam cum eis dispensare, sicut potest in suis præceptis & in festis à se indictis. Ratio est, quia successores non tenentur ad hæc ex vi voti, sed ex statuto, ac Episcopi præcepto, absque quo nullatenus obligari possunt:

ac proinde per dispensationem illam non rollitur votum, sed statutum quoddam Episcopi: ergo poterit Episcopus in eo dispensare: sicut in aliis particularibus suæ diocesis præceptis, in quibus valida est dispensatio sine causa. Ita Sanch. lib. 4. decalogi cap. 15.

### QVÆSTIO LXXXV.

*An Episcopus possit dispensare in voto emisso, non solum in fauorem Dei, sed etiam certe Ecclesie, aut pauperis, absque illius consensu? Et si voueas te datum centum tali Ecclesie, vel pauperi.*

1 AZORIVS lib. 11. cap. 19. quæst. 12. negat, quia illi acquisitum est ius, contra quod non valet dispensatio.

Ceterum multò probabilius est posse Episcopum in huiusmodi voto dispensare, absque consensu eius, in cuius fauorem factum est votum. Ratio est, quia ex voto nullum ius acquiritur piis locis, aut personis ante acceptionem, ac proinde votum illud manet, sicut factum soli Deo, dum illud Rector illius Ecclesie aut pauper ille non acceptet; & ideo per dispensationem non fit illi præiudicium, ac proinde non est necessarius consensus eius, in cuius utilitatem votum cederet. Et ideo ita tenent Caietan. 10. 2. tract. 11. q. 3. Nau. cap. 12. num. 78. Henric. lib. 7. de indulg. cap. 30. num. 5. Emman. Sa. verb. votum ubi de irritantique votorum num. 14. & Suaz. lib. 6. cap. 15. num. 2.

### QVÆSTIO LXXXVI.

*An huiusmodi votum possit propria auctoritate in melius commutari?*

SYLVESTR.



- S**YLVEST. verb. votum 4. quaest. 7.  
& Henric. lib. 5. de poenit. cap. 20.  
num. 5. & lib. 7. de indulg. cap. 30. nu. 5.  
negant.

Ac, multò probabilius est, posse.  
Quia cum per id votum nullum ius  
sit tertio acquisitum, est de illo iudi-  
candum, ac de aliis votis in Dei so-

- 2** lius cultum emissis. Et ita tenet Sayr.  
lib. 6. cap. 11. num. vlt. & Less. lib. 2. cap.  
40. dub. 16.

### QVÆSTIO LXXXVII.

*An si votum dirigatur ad sanctum  
illius Ecclesie, vt, Promitto  
Beatæ Mariæ Montis Regalis  
me daturum eius Ecclesie  
centum, possit Episcopus in eo  
dispensare?*

- 1** **R**ESPONDEO posse. Ratio est, quia  
votum quod fit sanctis, semper  
intelligitur factum Deo, & eatenus  
participat rationem voti, quatenus  
ipse est in sanctis, & ad cuius hono-  
rem spectant obsequia, quæ sanctis  
ipsis deferuntur: & ideo per votum  
soli Deo ius acquiritur, in cuius iure  
Episcopus, vt Dei vicarius potest di-  
spensare. Ita Caietan. in suis quodlib.  
10. 2. tract. 11. qui est de voto q. 3. Less.  
lib. 1. cap. 40. dub. 16. & Suar. lib. 6. cap.  
15. num. 10.

### QVÆSTIO LXXXVIII.

*An in voto emisso in fauorem ter-  
tij, & ab eo acceptato possit Epi-  
scopus absque illius tertij con-  
sensu dispensare?*

- 1** **R**ESPONDEO non posse. Ratio  
est, quia tunc ei acquisitum est  
ius per acceptationem. Vnde talis di-  
spensatio, absque eius consensu facta,

cederet in illius præiudicium, fieret-  
que illi iniuria Suar. lib. 6. cap. 15.  
num. 3. & 7.

### QVÆSTIO LXXXIX.

*Quando dicatur votum fieri soli  
Deo, vel etiam alteri?*

**R**ESPONDEO quando votum ad  
solum Deum dirigitur, vt, Pro-  
mitto Deo me daturum centum pauper-  
ibus, censetur votum soli Deo fa-  
ctum. Quia tunc nullus cum homine  
initur contractus, sed totum votum  
fit Deo: pauper autem ille se habet vt  
materia, circa quam id votum exer-  
ceri debet. Si autem dirigatur ad pau-  
perem illum, vt, Promitto Deo me tibi  
daturum centum, tunc vtrique fit. Vn-  
de quamuis in priori casu pauper ille  
sit præsens, & illud votum acceptet,  
talis acceptatio non impedit quo-  
minus Episcopus possit in eo voto di-  
spensare; quia non acquirit aliquod  
ius in eo voto, vt pote quod non fit  
factum in gratiam, & utilitatem ipsius,  
sed principaliter in Dei cultum. Et  
ita sentiunt Caietan. 2. 2. q. 88. art. 1. 2.  
& Petr. Nauar. lib. 2. de rest. cap. 1. dub.  
3. num. 14.

### QVÆSTIO XC.

*An vota realia defuncti transuen-  
tia in heredem possint irritari,  
commutari, & dispensari sicut  
poterant, quando defunctus vi-  
uebat?*

**R**ESPONDEO non posse. Ratio  
est, quia illa voti obligatio tam-  
quam personalis, est prorsus extincta  
morte vouentis, & transit illius im-  
plendi obligatio in heredem ex quasi  
cōtractu: eo enim ipso quod adit quis  
hæreditatē, suscipit omnia onera, quæ

G g 2 defun

defunctus imponit, vel quæ ipse iam contraxerat: hæc enim cum hereditate ad heredem transeunt. At irritatio, commutatio, & dispensatio in obligationem iustitiæ non cadunt: sicut nec in obligationem aliorum debitorum.

- 2 Hinc, si promissisti Titio te eius votum impleturum, non potes ex vi privilegiij, vel Bullæ, vel lubilei hoc onere liberari: quia ad id teneris ex vipacti, & talis dispensatio cederet in præiudicium tertij.

Nec obstat, quod origo huius obligationis sit ex voto, & votum iusta de causa possit dissolui: quia non potest relaxari nisi ex consensu vouentis, qui cum sit mortuus, non potest consentire.

### QVÆSTIO XCI.

*An Episcopus possit dispensare, ut qui simplici castitatis voto ligatus, matrimonium contraxit, possit in posterum debitum petere?*

- 1 **E**T quidem certum est, posse in eo dispensare, quando ad Romanum Pontificem, vel alium eius vices habentem non facilis patet accessus, præ paupertate, vel alia causa, & ob moram incurrit incontinentiæ periculum, ut quia iuuenis est qui vouerat.

Sed dubium est, quando ipse Pontifex, aut alius habens privilegium dispensandi, potest facile adiri.

Sayrus in clavi Regia lib. 11. nu. 53. negat.

- 4 Sotus in 4. dist. 38. q. 2. art. 1. vult post huiusmodi votum, iure posse matrimonium consummari, ac proinde censet in hac re nullam dispensationem Episcopi requiri.

Sed omnino dicendum est, posse Episcopum dispensare ad petendum debitum, siue matrimonium consummatum sit, siue non. Ratio huius, est consuetudo legitimè præscripta, quæ obtinuit posse Episcopum in hac debiti petitione dispensare. Verùm quia in hoc casu Episcopus id votum absolute, & simpliciter non relaxat, sed solum ex parte, & secundum quid nempe ad solum petendum debitum, mortua coniuge, tota voti obligatio teuiuit, & tenetur castitatem seruare. Ita Sanch. lib. 8. de matrimonio disp. 12. nu. 3.

### QVÆSTIO XCII.

*An Episcopus possit dispensare cum coniuge habente votum religionis, ad petendum, vel reddendum debitum, quando nondum est matrimonium consummatum?*

**R**ESPONDEO non posse. Ratio est, quia cum tunc possit hic implete suum votum, ingrediendo religionem, tenetur ad id. Ita Sotus in 4. dist. 38. q. 2. art. 1.

### QVÆSTIO XCIII.

*An cum eo qui habet votum virginittatis possit Episcopus dispensare?*

**R**ESPONDEO non posse. Ratio est, quia votum virginittatis per se & ex natura sua censetur idem cum voto castitatis, & proinde eodem modo summo Pontifici reseruatur: nisi vouens expressè nolit se ad castitatem obligare, sed solum seruare se integrum

tegrum à primò actu libidinis , per quem virginitas deperditur; quia tunc ea per primum peccatum semel amissa, extinguitur obligatio voti, quia res promissa facta est impossibilis. Ita Sayr. lib. 6. cap. 11. num. 5. & Azor. lib. 11. cap. 19. q. 10.

## QVÆSTIO XCIV.

*An possit Episcopus dispensare in voto assumendi ordines sacros?*

**R**ESPONDEO posse. Ratio est, quia id non est votum castitatis: ut patet ex obiecto : nam per se est votum affirmativum, votum autem castitatis est negativum. Vnde licet hic fornicetur, non peccat contra votum: & licet contrahat matrimonium, & in eo peccet, non tamen peccabit postea petendo debitum, nec etiam aget contra votum adulterando. Iusta autem causa, qua eiusmodi votum Episcopi autoritate relaxari potest, est, si is qui vouit, beneficium, aut patrimonium non habeat. Ita Nauarr. cap. 12. nu. 47. Henric. lib. 7. de indulg. cap. 30. num. 6. Valent. 2. d. 6. q. 6. p. 7. Azor. lib. 11. cap. 19. q. 9. Arag. 2. 2. q. 88. art. 11. Roder. p. 2. cap. 98. art. 5. & Suar. lib. 6. cap. 21. num. 7. & cap. 24. num. 2.

Dices, illud obiectum includit virtualiter castitatem.

Respondeo includere illam ut promittendam, non ut promissam, quod non sufficit, ut præiens votum sit castitatis, ac Romano Pontifici reservatum. Vnde si tali voto ligatus commisceatur cum muliere, antequam facris initiatur, votum non violat, quia castitatem non vouit.

## QVÆSTIO XCV.

*An Episcopus possit iussu de causa*

*dispensare cum eo, qui habet votum religionis arctioris, ut laxiorem ingrediatur?*

**D**OCTOR Nauarr. comment. 4. de regular. num. 10. negat. Quia voti religionis dispensatio Papæ reservatur.

Cæterum nullatenus placet mihi hæc sententia, sed existimo Episcopum posse in huiusmodi voto dispensare. Ratio est, quia hoc non est dispensare in substantia religionis absolute: manet enim hic obligatus ad illam, sed in quadam religionis qualitate, quæ nullibi reservatur. Vnde cum eo qui pedibus vouit visitare limina Apostolorum, dispensare potest, ut eque. Similiter potest Prælati regularis, cum consensu tamen capituli, dispensare, ut professus in arctiori, transeat ad laxiorem. Roder. p. 2. sum. cap. 98. num. 5. Henric. lib. 7. de indulg. cap. 22. num. 7. Azor. lib. 11. cap. 18. q. 8. & Sayr. lib. 6. cap. 11. num. 63.

## QVÆSTIO XCVI.

*An Episcopus possit dispensare in voto religionis non approbata, & in voto paupertatis & obedientie perpetue in tali religione?*

**R**ESPONDEO posse. Ratio est, quia tale votum, non est veræ religionis votum, cum religio non approbata à sede Apostolica non sit religio, quæ sola Romano Pontifici reservatur. Ita Sanch. lib. 8. de matrim. disp. 9. num. 15. Sayr. lib. 6. cap. 11. num. 64. & Suar. lib. 6. cap. 21. num. 8.

Hinc, si Berta vouit fore Beatam, poterit Episcopus in tali voto dispensare, quia is status non est religionis. Arag. 2. 2. q. 88. art. 12. Henric. lib. 6.

de indulg. cap. 30. num. 6. & Roder. p. 2.  
98. num. 5.

etorum homin. contin. lib. 7. contr. 7. c. 39.  
& Roder. 10. 1. 99. reg. q. 1. art. 8.

## QVÆSTIO XCVII.

*An Episcopus possit relaxare votum  
ingrediendi ordinem equitum  
militarium?*

**E**T quidē si loquamur de equi-  
bus ordinis sancti Ioannis Hiero-  
solymitani, qui communiter equites  
Melitæ nuncupantur, certum est, Epi-  
scopum non posse in eo voto dispen-  
sare: quia is ordo est vera religio, in  
quā more aliarum tria vota solemnia  
emittuntur, paupertatis, castitatis, &  
obedientię, sub Regula ab Ecclesia  
approbata; nimirum à Gelasio 2. *an.*  
*Domini* 1120. & ab Honorio 11. *an.*  
1124.

Sed tota controuersia consistit de  
equitibus sancti Iacobi in Hispania,  
Calatravæ, & Alcantaræ & similium.  
Sorus lib. 7. q. 5. art. 3. Arag. 1. 2. q. 88.

*art.* 11. & Cord. in suo *quæst. lib.* 1. q. 24.  
affirmant posse, quia hi ordines mili-  
tares non sunt proprie, & simpliciter  
religiones, sed solum improprie, & se-  
cundum quid: quia non simpliciter,  
& absolute promittunt castitatem,  
sed castitatem coniugalem.

**A**t verò alij negant posse Episco-  
pum in eo voto dispensare. Quia sunt  
verè, & proprie religiones, cum earum  
cultores more aliarum, tria solemnia  
vota emittant sub Regula à Sede  
Apostolica approbata: & quamvis hæc  
vota non sint de tam absolutis his re-  
bus, ac in aliis religionibus promit-  
tuntur: at ipsa sedes Apostolica, cuius  
est religionum instituta confirmare,  
dispensauit, ne ita stricte emitteren-  
tur. Et ideo ita tenent Nauar. de *red-*  
*dit. Eccl.* q. 1. mon. 55. nu. 5. Couar. 4. de  
*erect.* 2. p. cap. 3. §. 1. num. 18. Med. de *sa-*

## QVÆSTIO XCVIII.

*An possit Episcopus dispensare in  
voto perseverandi in  
religione?*

**E**T quidem certum est, non posse  
Episcopum dispensare circa in-  
gressum religionis, quia id votum est  
Romano Pontifici reservatum:

Sed dubium est de perseverantia  
in illa, ita ut possit hic tempore pro-  
baionis exire, si expertus religionis  
austeritates, inuenit illum statum sibi  
minimè conuenire?

Respondeo posse, in eo voto dis-  
pensare. Ratio est, quia non in voto  
religionis absolute, sed in qualitate  
adiuncta, quæ nullibi reservatur, dis-  
pensat. Ita tenet Sanch. lib. 8. de *ma-*  
*trim. disp.* 6. num. 17.

## QVÆSTIO XCIX.

*An possit Episcopus dispensare in  
differenda executione voti Papa  
reservati, ut religionis, ut si quis  
vovit intra annum fieri religio-  
sus, & nunc subest causa iusta, ut  
per alium annum differat.*

**S**VAR. lib. 6. cap. 26. num. 11. & 12.  
negat.

Sed multò probabilius est, posse in  
tali dilatione dispensare. Ratio est,  
quia hoc non est dispensare in sub-  
stantia voti reservati; sed in quadam  
eius qualitate seu celeritate. Ita San-  
ches libro 8. de *matrimonio dispensatio-*  
*ne* 6. num. 76.

## QVÆSTIO C.

*An votum Romanum, & Composellanum, quæ sunt solum causa deuotionis; non autem in subsidium, possint auctoritate Episcopi dispensari?*

**S**UMMA Armilla verb. dispensatio num. 16. & Vivald. candelabr. sacram. 4. p. cap. 14. num. 63. affirmant posse.

Cæterum solidum huius sententiæ fundamentum non video & ideo non placet, sed existimo hæc vota non posse auctoritate Episcopi reservari, cum oppositum nec secundum ius possit defendi, quia ius nil de illis disponit, nec secundum consuetudinem, vti ijdem Doctores fatentur: & per se constat, quia illa vota nunquam fieri consueverunt in subsidium belli, de quo ius loquitur, quando agit de voto ultramarino.

## QVÆSTIO CI.

*An possit Episcopus dispensare in voto peregrinationis Romanae, vel Composellane, non in eius loci deuotionem emissio? ut si voueas adire Romam ad osculandos Pontificis pedes, vel ad impetrandam alicuius peccati absolutionem?*

**R**ESPONDEO posse. Ratio est, quia textus, etsi dominici de pernit. & remiss. vbi hæc peregrinationes reseruatæ reperiuntur, loquitur de votis ex deuotione prædictorum locorum factis.

Tum quia huiusmodi votum est solum materialiter, & per accidens Romanæ peregrinationis, & illi satis-

faceret adeundo ad alium locum, vbi esset Pontifex.

## QVÆSTIO CII.

*An reservatio voti Hierosolymitani in subsidium terræ sanctæ, sit extendenda ad omnia vota cruci?*

**H**OSTIENSIS in summa de voto §. qualiter, tuetur partem affirmatiuam.

Sed communis, & verior sententia est in contrarium. Quia hæc reservatio ex iure sumenda est: ius autem solum agit de voto Hierosolymitano pro expeditione terræ sanctæ: vti expressè habetur ex cap. ex multa & cap. quod super his; ergo cum simus in materia odiosa, non debet ad alia extēdi.

## QVÆSTIO CIII.

*An votum ultramarinum, quod sit tantum causa deuotionis, non autem in subsidium terræ sanctæ, possit auctoritate Episcopi dispensari?*

**A**NGELVS verbo votum 4. §. 6. 1 Tab. verb. dispensatio nu. 11. Armil. ibidem num. 16. & Angles de voto art. 8. diff. 9. affirmant posse.

Nihilominus tamen more, & consuetudine curiæ Romanæ receptum est, vti in vniuersum votum ultramarinum quodlibet, siue tantum causa deuotionis, siue in subsidium, ad Romanum Pontificem reseruetur. Sic Nau. 2 c. 12. nu. 75. Arag. 2. 2. g. 38. art. 12. Azor lib. 11. cap. 19. dub. 4. Roder. in 2. part. sum. casuum cap. 99. nu. 1. & alij.

## QVÆSTIO CIV.

*An Episcopus possit dispensare in circumstantia his peregrinationibus*

*nibus adiuncta? ut si vouisti pedibus peregrinari, eques adeas.*

- R**ESPONDEO posse. Ratio est, quia Runc non dispensat in voto Romano Pontifici reservato, sed in qualitate per accidens annexa, quæ non est reservata. Ita *Less. lib. 2. cap. 40. dub. 18.*

### QVÆSTIO CV.

*An Episcopus possit dispensare in voto nunquam petendi dispensationem ab alio, quàm à Romano Pontifice?*

- R**ESPONDEO posse. Ratio est, quia id votum non est vnum ex illis quinque reservatis supra enumeratis. Ita *Azor. lib. 11. cap. 19. q. 15. & Sayt. lib. 6. cap. 11. num. 67.*

### QVÆSTIO CVI.

*An quando ista quinque Romano Pontifici reservata, sunt pœnalis, possit Episcopus in eis dispensare?*

- H**ÆC quæstio petit, ut inquitamus. Quando hæc vota dicantur pœnalis?

Et quidem certi iuris est, esse votum pœnale, quoties animus vouentis non est affectus ad rem, sub pœna promissam, sed illam sibi in pœnam proponit, ut eius incutendæ timore, à crimine quod cauere desiderat, se contineat: ut si quis se non iururum voueat, sub pœna ingressus in Religionem: in quo voto eius animus directè fertur ad vitandum ludum: & solum in pœnam ludi vouet religio-

nem, & quando sub hac forma emittitur votum, certum est, id esse pœnale.

Sed totum controuersie dissidium est, quando votum est de sola pœna, & crimen ponitur sub conditione; ut voueo religionem, si lusero: in quo casu constat votum esse solius religionis, & sic vouens ludendo non est voti reus, sed tantum tenetur religionem ingredi.

*Navarrus in Man. cap. 12. num. 43. 2*  
& *Azor. lib. 11. cap. 19. q. 13.* tenent id votum esse merè conditionale.

*Sorus lib. 7. q. 2. art. 1. Roder. p. 2. smm. cap. 99. num. 2. Vega 2. tom. cap. 129. casu 10. & Tolet. lib. 4. cap. 18. num. 9.* dicunt id votum esse pœnale.

*Ac Greg. de Valent. 2. 2. d. 6. q. 6. p. 3*  
*7. Cord. smm. q. 152. & Lop. p. 1. c. 44.* utramque sententiam sic conciliant. Si animus vouentis non sit ad religionem affectus, sed quò crimen in conditione positum caueat, proponit sibi in pœnam religionem, est verè pœnale: & in hoc sensu vera est opinio Soti. Si vero ex affectu religionis id votum emittat, casu quo luserit, quia. seam eligit non tanquam odiosam, sed tanquam rem sibi gratam, & acceptam offert Deo in eius cultum, & ut in eo statu vitam quietam traducat, abstinens à ludo, est verè conditionale, & in hoc sensu vera est opinio Navarri. His itaque declaratis, queritur nunc.

### QVÆSTIO CVII.

*An quando ista quinque Romano Pontifici reservata, sunt pœnalis possint per Episcopum, vel alios habentes generalem facultatem dispensari?*

- I**N qua re conuenit inter omnes, 1  
non posse Episcopum dispensare in  
his

his votis pœnalibus, quando conditio est de præterito, aut de præfenti: vt si voueas religionem in pœnam, si peccatum quod heri admisisti, vel nunc proponis admittere, fuit, vel est mortale. Ratio est; quia conditio de præterito, aut de præfenti, non suspendit consensum, nec impedit votum esse verè absolutum: & ita vel tunc est omnino validum, si conditio ita se habet; vel est omnino irritum, si conditio non ita se habet.

Sed dubium est, quando conditio est de futuro: vt, *Voueo religionem, vel castitatem, si inebriatus fuero, vel occidero meum inimicum.*

In qua quæstione etiam certum est, ante perpetratum delictum, & sic conditione non impleta, posse Episcopum talia vota relaxare. Ratio est, quia huiusmodi vota ante commissum delictum non sunt vota religionis, aut castitatis, sed solùm non ludendi, aut non se inebriandi, super quibus Episcopus potest iusta de causa dispensare.

Sed quod in dubium vertitur est: An etiam post perpetratum delictum, & sic conditionem impletam, possit Episcopus in eis dispensare?

Sorus lib. 7. q. 2. art. 1. Navarr. cap. 12. num. 43. Couar. in cap. *Quamuis pœnũ* p. 1. §. 3. num. 12. de pœnis lib. 6. & Azor. lib. 11. cap. 10. q. 3. & cap. 19. q. 13. negant. Quia post completam conditionem. vota hæc religionis, & castitatis sunt omnino absoluta, & independentia à futuro euentu. At in his votis absolutis nequit Episcopus dispensare.

Sed quamuis hæc sententia sit satis probabilis, & in praxi tuta, probabilius tamen credo posse Episcopum dispensare in his votis ante & post incursum culpam. Ratio est, quia in hoc casu religio, & castitas non vouentur vt volitæ, sed tanquam non optatæ,

& pœnæ grauissimæ, & vt volitæ secundum quid; simpliciter autem non volitæ: sed Papa quando sibi referuat vota religionis, castitatis, &c. illa sibi referuat, quatenus sunt per se volita, & habent propriam rationem voti, & non pœnæ.

Tum quia referuatio votorum cum sit onerosa, est strictè interpretanda, & ad proprios, & formales terminos restringenda; vt tunc vota referuentur, quando sunt de re simpliciter volita: ergo siue ante, siue post impletam conditionem, poterit Episcopus, vel confessorius virtute Cruciatæ, aut Iubilei dispensare. Atque ita tenent Caietan. 2. 2. q. 88. art. 3. Henric. lib. 7. de indulg. cap. 30. num. 6. vbi ex iunioribus refert innumeros Auctores, & Doctores vniuersitatis Salmanticensis Tolet. lib. 4. cap. 18. Roder. tom. 1. qq. regul. q. 63. art. 7. & p. 2. sum. cap. 99. num. 2. Vega. 2. tom. sum. cap. 119. casu 10. Emman. Sa. verbo *votum* vbi de votorum irritis num. 11. Sayr. lib. 6. cap. 11. num. 72. Valent. 2. 2. d. 6. q. 6. p. 7. Lop. p. 1. cap. 44. dicit esse sententiam Doctorum huius ætatis. Arag. 2. 1. q. 88. art. 12. affirmat esse communem opinionem. Barth. Med. in sua instruct. confess. lib. 1. cap. 14. §. 6. ait esse opinionem Doctorum huius ætatis. Suar. lib. 6. cap. 23. num. 1. Viuald. cand. sacram. in add. ital. 14. de voto num. 50. docet multos Doctores Salmanticenses de hac re interrogatos ita sensisse, & esse tutam opinionem in praxi. Et num. 57. duos Prælatos Hispaniæ, videlicet Episcopum Salmanticensem, Archiepiscopum Compostellanũ viros doctissimos, & religiosissimos, in huiusmodi votis pœnalibus, etiam adimpletâ conditione sæpe dispensasse. Et dicunt esse probabilem Sot. lib. 7. q. 4. art. 3. & Cosm. Phil. de off. sacerdot. 10. l. p. 2. c. 22.

## QVÆSTIO CVIII.

*An quando ista quinque vota sunt merè conditionalia, possint per Episcopum dispensari? Vt si voueas religionem, si Deus te ab hoc periculo liberet, aut filius tuus ex Sicilia incolumis redierit?*

**H**ÆC quæstio petit vt inquiremus. Quando hæc vota dicantur conditionalia.

Sorus *lib. 7. q. 2. art. 1. Arag. 2. 2. q. 88. art. 1. 2. & Vega tom. 2. cap. 129. casu. 99.* censent esse votum cōditionale, quoties vouens desiderat v.g. religionem; at quia aliquo impedimento tenetur, quominus possit eam ingredi, religionem vouet cessante eo impedimento, quasi posito sub conditione si cessauerit. Vt, *voueas religionem, si pater meus obierit.*

**2** At hæc opinio non placet. Quia si ego impeditus nunc, proponam post annum me ingressurum religionem, idque voueam, est votum absolutum. At huic æquiualeat, si voueam me ingressurum religionem, *si pater meus obierit.* Nam dictio *si*, æquiualeat aduerbio *quando*, atque ita potius est determinatio temporis, quo votum implendum est. Vnde quando dictio, *si*, æquiualeat aduerbio *quando*, vt sensus sit, *quando hoc veneris*, tunc non est verè conditio, sed potius est temporis voti implendi determinatio, solumque conditionis effigiem habet. Nam reuera, qui sic vouet, nullo modo habet suspensum consensum, sed omnino, & absolutè vouet: tamen quia pater indiget eius auxilio, non vult exequi votum illud eo viuente.

## QVÆSTIO CIX.

*Quæres, quando ergo dictio, si, sit vera conditio, & reddat votum conditionale?*

**R**ESPONDEO quando affectus vouentis non fertur directè in rem promissam, sed in aliud, quod cupit obtinere, quod ponitur sub conditione: vt cum quis in infirmitate positus vouet religionem, *si sanus euaserit*, in quo casu voluntas vouentis non est directè circa religionem, sed in sanitatem ad quam obtipendam offert Deo religionem, pendetque obligatio hæc à futuro euentu. Si autem animus vouentis affectus sit omnino ad religionem, at defectus sanitatis impediat, voueatque religionem si à morbo liberetur, votum est absolutum; quia huius voti sensus est, *quando sanus euasero, ingrediar religionem.* His itaque declaratis: Quæritur nunc.

## QVÆSTIO CX.

*An quando ista quinque vota sunt merè conditionalia, possit Episcopus in eis dispensare?*

**E**T quidem quando vota hæc non sunt purè conditionalia, sed tantum apparenter, eo quod dictio, *si*, æquiualeat aduerbio, *quando*, certum est, non posse Episcopum in eis dispensare ante aut post impletam conditionem. Quia sunt verè absoluta.

Secundò certum est, non posse Episcopum dispensare ante, aut post conditionis euentum, quando conditio est necessaria, vt si voueas castitatem, *si sol eras oriatur.* Quia cum ea conditio sit necessario euentura, habetur pro



Pro impleta, ac proinde votum est per se absolutum.

Tertio certum est, non posse Episcopum dispensare ante aut post impletam conditionem, quando conditio est de præterito, aut de præsentī, ut si voueas religionē, *si filium tuum hodie viuū, aut nudū interitus vixit*. Quia cum ea conditio non suspendat consensum, votum est omnino absolutum, si conditio tunc vera sit, siue vouens sciat, siue ignoret conditionem extare.

### QVÆSTIO CXI.

*Sed dubium est, quando votum est merè conditionale de futuro. Ut voueo religionem, si frater meus habuerit filios?*

1 **I**N hac quæstione tres extant Doctorum opiniones. Prima sustinet nec ante, nec post impletam conditionem posse Episcopum dispensare. Ita *Sot. lib. 7. q. 2. art. 1. Arag. 2. 2. q. 88. art. 13. Nauarr. cap. 12. num. 43. Valent. 2. 2. d. 6. q. 6. p. 7. Vega 2. 10. sum. ca. 129. casu 99. Cord. sum. q. 152. Azor. lib. 11. cap. 19. q. 13. & Roder. in Bull. cruce. §. 9. num. 115.*

2 Secunda opinio docet posse Episcopum dispensare, ante impletam conditionem, non tamen post. Quia licet votum fuerit à principio conditionatum, impleta conditione purificatur, & tam perfectum manet, ac si à principio fuisset sine conditione factum; ergo. Ita *Less. lib. 7. cap. 40. dub. 18. num. 119. Sayr. lib. 6. cap. 11. num. 77. Roder. p. 2. sum. cap. 99. num. 2. & Suar. lib. 6. cap. 22. num. 3. & 12.*

Tertia verò sententia, quara sequor, tenet Episcopum iure ordinario, vel delegatum habentem facultatem generalem dispensandi vota,

posse dispensare ante, & post impletam conditionem; Ratio est, quia vota hæc conditionalia non sunt ex affectu religionis, sed commodi, quod vouens à Deo expectat. Ut v.g. cum in mortis periculo quis promittit peregrinationem, *si euaserit*, non id facit ex affectu peregrinationis, sed ex affectu vitæ, & timore mortis. Vnde obtento beneficio, multi dolent se vouisse.

Et confirmatur; Episcopus potest 3 dispensare in votis pœnalibus etiam post culpam commissam, quia ea, ut diximus, ex affectu rei promissæ non procedunt, sed potius ex affectu ad ipsam conditionem: ergo & in votis conditionalibus poterit similiter dispensare ob eandem rationem.

Nec obstat, quod post conditionem impletam videantur absoluta, & perfecta; quia semper proueniunt ex radice imperfecta: & ideo ad illa non extenditur referuatio. Et ideo ita tenent *Sanch. lib. 8. de matrim. disput. 10. num. 13. Tolet. lib. 4. cap. 18. & Antoni. Gomes in Bulla cruce. clausula 10. num. 99.* dicit praxi virorum sapientissimorum receptam esse hanc sententiam.

### QVÆSTIO CXII.

*An Episcopus possit dispensare in voto castitatis, quod alter coniux absque alterius licentia emisit?*

**L**OP. p. 1. cap. 47. & Sayr. lib. 6. cap. 11. num. 52. negant.

2 Alij verò rectius docent posse Episcopum in hoc voto dispensare. Ratio est, quia id votum non est omnimodæ castitatis, cum ad non reddendum debitum obligare nequeat.

H h 2 Ita

Ita Roder. 2. p. sum. cap. 92. & Arag. 2. 1. g. 88. art. 8.

Et hæc opinio mihi videtur certa in casu, quo id votum emissum est post matrimonium consummatum: quia non est votum integræ castitatis, & ita minimè obligat ad non reddendum.

### QVÆSTIO CXIII.

*Sed tota difficultas consistit, quando is hoc votum emisit ante matrimonij consummationem?*

**S**ED respondeo per distinctionem sic: Si is tale votum fecit animo ingrediendi religionem, sciens non aliter posse suum votum seruare, sed manendo in sæculo teneri reddere debitum; non potest Episcopus in eo voto dispensare: quia censetur votum omnimodæ castitatis, quod vouens potest, & tenetur tunc adimplere, ingrediendo religionem. At si vouens animum non habuit ingrediendi religionem, nec de opposito cogitauit, vel si habuit tunc animum ingrediendi, voluit expressè non se obligare ad illam; aut solum habuit animum ingrediendi, ignorans id esse vnicum medium seruandi perfectam castitatem, potest Episcopus dispensare. Quia cum hic in nullo horum casuum ingredi religionem teneatur, potest absque culpa reddere debitum: & ideo non est votum omnimodæ castitatis, quod solum Romano Pontifici referuatur. Ita Sanch. lib. 4. decalogi cap. 40.

### QVÆSTIO CXIV.

*An quando alter solus cum licentia alterius continentiam venit, pos-*

*sit Episcopus in hoc voto dispensare?*

**V**E GA 2. tom. sum. cap. 129. casu 1 77. & Roder. p. p. c. 243. num. 14. tenent posse Episcopum dispensare, vt vouens petat debitum.

At ego distinguendum existimo sic. Aut hic tale votum cum licentia alterius coniugis emisit ante matrimonium consummatum animo ingrediendi religionem, sciens id esse medium necessarium ad votum seruandum: & tunc cum censeatur velle se ad religionem obligare, non poterit Episcopus etiam ad petendum debitum dispensare. Aut iam matrimonio consummato tale votum emisit, & tunc cum nequeat ad religionem transire, & teneatur non obstante ea licentia reddere debitum, poterit Episcopus cum eo dispensare, vt possit petere debitum.

### QVÆSTIO CXV.

*An Episcopus possit dispensare in voto castitatis, quod vterque coniux emisit absque alterius licentia?*

**R**ESPONDEO posse. Ratio est, quia non est votum integræ castitatis, si quidem eo non obstante, tenetur vterque reddere debitum. Secus si vterque ante matrimonium consummatum animo ingrediendi religionem id votum emisit: tunc enim est votum integræ castitatis, nec potest Episcopus in eo voto dispensare.

### QVÆSTIO CXVI.

*An quando vterque coniux seorsum*

*sum continentiam vouit cum alterius licentia, non per modum contractus, & reciproca conuentionis, facio, vt facias, sed independenter ab alterius voto, possit Episcopus in eo voto dispensare?*

**R**ESPONDEO posse. Ratio est, quia non est votum absolutæ, & omnimodæ castitatis. Siquidem eo non obstante, tenetur alter alteri debitum reddere.

### QVÆSTIO CXVII.

*An possit Episcopus dispensare in voto castitatis, quod vterque coniux communi consensu per modum contractus emisit?*

**M**AIOR in 4. dist. 32. q. 2. absolute affirmat, posse Episcopum in hoc voto dispensare.

Roder. 10. 1. qq. reg. q. 63. art. 2. tenet posse tunc Episcopum dispensare ad petendum debitum.

Sed omnino dicendum est, non posse Episcopum dispensare cum his coniugatis vt matrimonio vtantur, siue petendo, siue reddendo. Ratio est, quia est votum absolutæ, & integræ castitatis, & obligat prorsus vtrumque coniugem ad non petendum, nec reddendum debitum. Et ideo ita tenent Sorus in 4. dist. 26. q. 1. art. 4. Hentiq. lib. 11. de matrim. q. 15. num. 8. Arag. 2. 2. q. 88. art. 8. Lop. p. 1. cap. 46. Vega 2. 10. sum. cap. 34. casu 10. 4. & cap. 129. casu 68. & multi alij.

### QVÆSTIO CXVIII.

*An quando ratione necessitatis fit hæc Episcopi dispensatio, sit so-*

*lum ad petendum, & reddendum debitum in eo matrimonio?*

**R**ESPONDEO sic, quia ad hoc solum necessitas vrget. Vnde coniux hic si cum meretrice commisceatur, aut eo matrimonio soluto, ad aliud transeat, erit voti reus. Sanch. lib. 8. de matrim. d. 9. num. 22.

### QVÆSTIO CXIX.

*An Episcopus possit dispensare cum eo, qui voto castitatis adstrictus matrimonium contraxit, vt petat debitum?*

**Q**UIDAM absolute docent non posse Episcopum in hoc voto dispensare, nisi in casu grauis necessitatis, quando. s. voto ligatus caret sumptibus necessariis ad impetrandam dispensationem, vel periculum incontinentiæ ex mora illius imminet. Ita Tolet. lib. 4. cap. 18. nu. 1. Azor. lib. 11. cap. 19. q. 8. & plerique alij.

At verissima sententia est, posse semper Episcopum dispensare ad petendum debitum cum eo qui voto castitatis adstrictus matrimonium iniit. Ratio Roder. p. 1. sum. cap. 241. nu. 2. & Henric. lib. 12. de marr. cap. 2. num. 9. est, quia id non est in voto castitatis dispensare; sed ad quemdam solum effectum, nimirum vt debitum petat: nam hac dispensatione non obstante, si coniux fornicetur, aut eo matrimonio soluto ad secundas nuptias transeat, erit sacrilegus contra votum.

Sed hæc ratio non placet, quia etiam probaret posse Episcopum dispensare ad eum solum effectum, vt voto castitatis adstrictus semel matrimonium contrahat, manente voto integro

integro quoad reliquos effectus, quod nullus dicit.

Quare legitima ratio huius est, quia licet attento iure hæc dispensatio ad solum Pontificem pertineat: at consuetudine, quæ iurisdictionem præbet *cap. Cum contingat, de foro competenti*, introductum est, posse Episcopum in eo voto dispensare, nec necessarium est in hoc casu cōfugere ad potestatem habentem ex privilegio dispensandi: quia ratione dictæ consuetudinis id potest Episcopus etiam præsentē Papa. Atque ita tenent Sor. in 4. dist. 37. *quæst. unica art. 1. Cordub. sum. q. 146. p. 2. Henric. lib. 12. de matrim. cap. 2. num. 9. Roder. p. 1. cap. 241. num. 2. Vega 2. som. sum. cap. 129. casu 51. & casu 118. p. 2. Valent. 4. p. d. 10. q. 5. p. 5. Lop. p. 1. c. 46. Emman. Sæ verb. Debitum coniugale num. 4. & plerique alij.*

### QVÆSTIO CXX.

*An Episcopus possit dispensare cum eo qui voto castitatis ligatus matrimonium contraxit, quando nondum matrimonium est consummatum?*

<sup>1</sup> IN qua re conveniunt omnes, Episcopum non posse dispensare omnino in voto castitatis cum eo qui post illud, matrimonium contraxit. Quia est votum absolutæ, & integræ castitatis, quod Romano Pontifici referuatur.

Sed dubium est, An possit cum eo dispensare, ut debitum petat?

<sup>2</sup> Azorius lib. 11. cap. 19. q. 20. qui dicit hunc ratione voti castitatis implendi teneri ingredi religionem, tenetur subinde dicere non posse Episcopum in eo voto dispensare. Quia ille potest adhuc implere votum, ingrediendo religionem.

At quia multò probabilius est, hunc non teneri religionem ingredi, sed posse matrimonium cōsummare reddendo debitum; asserendum est, posse Episcopum dispensare, ut hic tali voto ligatus debitum petat. Quia tenetur debitum reddere, nisi ad religionem transeat, ad quam ut diximus minimè tenetur. Vnde versabitur in magno incontinentiæ periculo, si petitio debiti sibi interdicatur: ac proinde poterit cum illo Episcopus dispensare ad petendum debitum. Ita Sor. in 4. dist. 38. q. 2. art. 1. & Roder. p. 1. cap. 241. num. 2.

### QVÆSTIO CXXI.

*An qui ex commissione potest dispensare in votis, vel iuramentis Deo factis, possit eadem etiam commutare?*

<sup>1</sup> ILLUSTRISSIMVS Caiet. 2. 2q. 89. art. 9. Nauarr. cap. 12. num. 79. Valent. 2. 2. d. 6. q. 6. p. 7. Azor. lib. 11. cap. 10. q. 4. & cap. 18. q. 7. & Sanch. lib. 8. de matrim. disp. 2. num. 15. absolutè negant. Ducunturque quia hæc facultates sunt omnino inter se distinctæ: ergo cui conceditur una, non eo ipso conceditur altera.

Tum quia maior peritiam desideratur ad rectè commutandum, quàm ad dispensandum: nam ad commutandum expendi debet, an sit æquiualens id, in quod votum commutatur, quod non est cuiusvis definire.

At dicendum est, eum cui facultas dispensandi in votis vel iuramentis Deo factis delegata est, posse consequenter eadem commutare. Ratio est, quia ex Regula 53. *Cui licet de reg. iuris in 6.* Cui licet quod amplius est, licet quoque id quod minus est. Quæ regula

gula ad minus verum habet secundum omnes, quando minus continetur in maiori tanquam pars in suo toto, vel tanquam species in suo genere. At commutatio est minus, quam dispensatio, cum contineatur in ea tanquam pars in suo toto: quia dispensatio omnino vinculum voti dirimit; commutatio autem dissolvit solum in parte, nempe ut impleatur in alia materia æquivalenti: ergo qui potest ex commissione dispensare, potest etiam commutare.

Tum quia, qui potest totum debitum remittere, multò magis potest etiam partem eius remittere: Sed qui habet potestatem dispensandi, potest totum voti vinculum remittere: ergo multò magis & poterit partem, nempe ut id in aliam rem æquè gratam Deo, quod est commutare.

Tum quia, qui habet potestatem dispensandi, non cogitur relaxare votum, sed potest imponere aliquod onus licet minus; hoc autem est commutare in minus, vel ut alij loquuntur partim relaxare, partim commutare; immò, ut rectè Caiet. annotavit 2. 2. *quest.* 88. *art.* 1. regulariter est melius non dirimere votum purè, sed miscere semper aliquam commutationem, quia sic certius est non errari.

Et confirmatur, nam quando Papa dispensat, ita facit: ergo qui alteri committit potestatem dispensandi, concedit illi ut meliori, & securiori modo illa utatur: ergo non cogit illum ad dispensandam purè, sed meliori modo quo id fieri potest: ergo si ipse iudicet expedire commutationem miscere, potest facere ex vi illius potestatis.

Tandem potestas dispensandi, ut rectè notat Nauarrus §. in *Leuit. notab.* 27. est favorabilis: ergo tanquam privilegium Principis est amplè inter-

pretandum & extendendum ad commutationem. Et ideo ita tenent Sor. *lib.* 7. *q.* 4. *art.* 3. *Arag.* 2. 2. *q.* 88. *art.* 12. Couar. *cap.* *Quamvis pactum* p. 1. §. 3. *num.* 10. Tolet. *lib.* 4. *cap.* 18. Sayr. *lib.* 6. *cap.* 12. *num.* 15. Less. *lib.* 2. *cap.* 16. *num.* 104. Henric. *lib.* 7. *de indulg.* *cap.* 30. *num.* 5. & Suar. *lib.* 6. *cap.* 12. *num.* 10.

Dixi notanter, ex commissione, quia qui iuris autoritate habet potestatem ordinariam dispensandi, potest etiam commutare, ut patet de Episcopo, & de eo qui iure, vel consuetudine, vel præscriptione Episcopalem habet iurisdictionem, & de hoc nullus vnquam dubitavit: Sed quod in dubio versabatur, erat de eo qui ex commissione potest vota dispensare.

Et ad primum argumentum contrariæ opinionis, respondeo, dispensationem simpliciter, & commutationem voti non esse omnino diuersas, sed vnā in altera contineri: sicut pars in toto, & minus continetur in maiore: vel sicut secundum quid continetur in simpliciter, sub eodem genere dispensationis; nam omnis commutatio etiam in æquale, est dispensatio quædam vinculi, saltem quoad determinationem ad talem speciem solutionis.

Ad secundum respondeo, non minorem peritiam desiderari ad rectè faciendam puram dispensationem, quàm ad commutationem, quia in dispensatione expendi debet, an subsit causa iusta, ut votum omnino condonetur, quod sanè difficilius est, quàm aliquid inuenire, quod æquè sit gratum Deo. Et ideo qui est idoneus, ut ei concedatur potestas dispensandi, sine dubio reputari debet idoneus ut detur ei potestas commutandi.

QVÆST.

## QVÆSTIO CXXII.

*An is, cui conceditur facultas dispensandi vota, iure possit quoque iuramenta relaxare?*

- I**N qua re convenit inter omnes, cum qui ordinariam, vel delegatam potestatem habet dispensandi in votis, non posse dispensare in iuramentis promissorii homini factis: quia tunc intercederet præiudicium tertij.

## QVÆSTIO CXXIII.

*Sed dubium est de iuramentis qua soli Deo fiunt.*

- I**N qua quæstione etiam est certum, cum qui ratione muneris, quo fungitur, ordinariam habet auctoritatem dispensandi vota, posse quoque iuramenta soli Deo facta dispensare: ut patet de Episcopo, & de eo qui iure, vel præscriptione Episcopalem habet iurisdictionem.

## QVÆSTIO CXXIV.

*Tota igitur quæstio est de eo, qui virtute tubilei, vel privilegiorum delegatam facultatem habet dispensandi in votis: An eo ipso possit in iuramentis qua soli Deo fiunt dispensare?*

- I**LLVSTRISSIMVS Caietan. 2.2. q. 89. art. 9. Sor. lib. 8. quæst. 11. art. 9. Henric. lib. 7. de indulg. cap. 30. num. 5. Arag. 2.2. q. 83. art. 12. Sayr. lib. 5. cap. 8. num. 9. & Suar. lib. 6. cap. 14. num. 6. affirmant.

At verò Nauarr. cap. 27. num. 275.

allegans in suum patrocinium D. Th. 2.2. q. 89. art. 8. Less. lib. 2. c. 40. dub. 16. num. 108. Azor. lib. 11. cap. 10. q. 2. & Petr. de Ledesm. 2. tom. sum. tract. 11. cap. 4. rectius negant. Et ratio est, quia votum & iuramentum sunt vincula omnino specie diuersa: ergo in facultate dispensandi in votis, non intelligitur concessa facultas dispensandi, vel commutandi iuramenta.

Dices; cui conceditur maius, censetur etiam concessum quod est minus, cap. Cui licet de reg. iuris in 6. Sed iuramenti promissorii vinculum per se spectatum minus est, quam votum; ergo.

Respondeo hanc regulam iuris intelligendam esse quando illa sunt subordinata, & minus includitur in maiori, tanquam pars in toto, vel in genere; non autem quando disparata, & omnino distincta sunt.

## QVÆSTIO CXXV.

*An facultas, quam Concilium Tridentinum sess. 24. cap. 6. de reformat. concedit Episcopis, absolventi, & dispensandi circa casus omnes occultos, excepta irregularitate ex homicidio voluntario, competat etiam aliis Prelatis habentibus iurisdictionem quasi Episcopalem, & Prelatis religionum.*

**F**RANCISCVS Suar. de censuris disp. 41. sess. 2. nu. 13. negat.

At verò Rodet. tom. 1. qq. regul. q. 61. art. 9. affirmat, & merito quidem. quia hi in sua diocesi plenam Episcoporum iurisdictionem habent, ab illisque sola consecratione distinguuntur, & confessarios pro suis diocesis approbant.

Tum

- 3 Tum quia id Concilij decretum, cum sit fauorabile, ample est interpretandum.

Tum quia Religionum Prælati in suis Monasteriis iurisdictionem habent quasi Episcopalem.

Tandem, Pius V. hoc ipsum declarauit in Breui quodam dato ad petitionem Prouincialis Prouinciæ Castellæ ordinis Prædicatorum, cuius tenorem refert Roderic. *vbi supra*.

### QVÆSTIO CXXVI.

*An dispensatio absque consensu Prælati facta valeat?*

- 1 **R**ESPONDEO non valere. Ratio est, quia actus non operantur ultra agentium intentionem. *l. Non omnis initio ff. si certum petatur. Suar. lib. 6. cap. vlt. num. 2.*

### QVÆSTIO CXXVII.

*An dispensatio absque consensu subditi acceptantis facta, sit valida?*

- 1 **R**ESPONDEO regulariter non valere. Ratio est, quia regulariter intentio superioris non est, cum subdito inuito dispensare: Et in hoc omnes conueniunt.

Sed quod in dubium vertitur, est: An si Prælati velit omnino votum subditi relaxare, valeat dispensatio, quamuis subditi repugnet?

- 2 **A**rag. 2. 2. q. 89. art. 9. & Suar. lib. 6. cap. 1. *ad finem*. putant non valere. Probat Aragon. quia est actus iurisdictionis spiritualis.

Sed hæc ratio non valet, quia absolutio ab excommunicatione est actus iurisdictionis spiritualis, & tamen confertur inuito.

Suares autem probat, quia dispensatio est beneficium, quod in inuitum non confertur.

Nec hæc ratio valet, quia irritatio, & absolutio ab excommunicatione sunt etiam beneficia, & fauores, & tamen concessæ inuito valent.

Quare pro certo tenendum est talem dispensationem valere. Ducor, quia subditus non potest sua voluntate præiudicare spirituali superiorum potestati, quæ est ad liberandum voti obligatione, dispensando in eo, si causa iusta subsit.

### QVÆSTIO CXXVIII.

*An, ut dispensatio conualescat ob defectum consensus, satis sit, ut scilicet consentiens internum consensum præstet?*

1 **R**ESPONDEO sufficere, sicut quando matrimonium est nullum ob defectum consensus alterius coniugis, id conualescit, accedente postea vero illius consensu. Cum enim externæ dispensatio sit valida, & solus consensus internus deficeretur, eo accedente, nil ad eius valorem deest.

### QVÆSTIO CXXIX.

*An voto adstrictus, teneatur aliquando eius relaxationem petere?*

1 **R**ESPONDEO teneri, & hoc in duobus casibus. Primò quando vouenti imminet graue, ac proximum transgressionis periculum; tunc enim vouens non quidem ex vi voti, sed lege charitatis tenetur sub mortali consulere suæ salutis spirituali, petendo eius voti relaxationem.

Secundò, quando dubitat, an sit peccatum exequi, vel non exequi suum votum, nec id dubium potest aliter vincere: tunc enim, ut ea perplexitate liberetur, tenetur relaxationem sui voti petere.

## QVÆSTIO CXXX.

*An ad dispensationem voti, iusta, & rationalis causa requiratur?*

- 1 **R**ESPONDEO requiri. Ratio est, quia potestas dispensandi data est Prælato ad ædificationem, non ad destructionem: ut habetur 2. Cor. 10. Atqui ad destructionem cedet, si Prælatus sine aliqua debita, & iusta causa in votis dispenseret. Ita D. Thom. 2. 2. q. 88. art. 12. & Caiet. ibidem. Sot. lib. 7. quest. 4. art. 4. Valent. 2. 2. d. 6. q. 6. p. 7. Arag. 2. 2. quest. 88. art. 12. Nauarr. cap. 11. num. 76. Tolet. lib. 4. cap. 18. & Lop. p. 1. cap. 49.

## QVÆSTIO CXXXI.

*An dispensatio facta sine iusta causa teneat? Et si Prælatus sine iusta causa dispense in voto, vel iuramento, & quocumque alio præcepto obligante ex iure diuino.*

- 1 **Q**UIDAM, quos tacitis nominibus refert D. Thom. 2. 2. q. 88. art. 12. ad 2. putant posse Prælatos ad libitum absque alia causa validè dispensare in votis subditorum: sicut pater, dominus, ac vir possunt ad libitum sine causa validè irritare vota filij, scrui, & vxoris. Fundamentum horum authorum est, quia in omni voto includitur illa conditio, *Nisi Prælatus aliud disposuerit*, quam colligunt ex cap. Penitentes de iurjur.

Communis tamen tam Theologorum, quàm Canonistarum sententia habet, dispensationem in voto, & iuramento, & quocumque alio præcepto obligante ex iure diuino, concessam, etiam à Romano Pontifice, absque legitima causa esse irritam, & nullam. Ratio est, quia voluntas inferioris non est per se efficax ad mutandam voluntatem superioris solo suo arbitrio.

Tum quia potestas dispensandi data est Ecclesiæ ad ædificationem, non ad destructionem: esset autem manifestissima destructio, si Prælatus pro sua mera voluntate, absque iusta causa votorum vincula relaxaret: ut restatur D. Bernard. lib. 3. de considerat. ad Eugen. cap. 23. & tradit eleganter D. Thom. 2. 2. quest. 88. art. 12. Caiet. ibidem, & in summ. verb. dispensatio. Nauarr. cap. 12. num. 76. & Sot. lib. 7. q. 4. art. 3.

Hinc, non valet dispensatio cuiuscumque inferioris in lege superioris, si iusta, & legitima causa desit: ut si Episcopus dispenset in lege Papæ, aut ieiunij, aut obseruationis festorum, &c. Quia tunc dispensatur in alienis bonis, & in aliena voluntate superioris, atque adeò Prælatus dispensans, non id instar domini efficit, sed instar ministri, & economi, qui, si contra domini voluntatem bona dissipat, non transfert dominium, utpote qui sola administrandi, iuxta domini beneplacitum, potestate fungitur: ergo Prælatus indiget causa iusta vt validè dispense in lege superioris.

Quare non est audiendus Rodericus p. 1. sum. cap. 24. nu. 5. qui dicit inferiorem habentem plenitudinem potestatis à superiore concessam, qualem habet Nuncius Apostolicus in casibus sibi à Pontifice commissis, posse valide absque iusta causa dispensare. Quia illa potestatis plenitudo



rudo non accipienda est ad dissipationem, sed ut secundum iura dispenseret: atque ita dispensatio ab ipso absque iusta & legitima causa facta, est irrita.

Hinc, dispensatus à Papa super pluralitate beneficiorum sine causa iusta, non est tutus apud Deum: & similiter religiosus dispensatus à Papa, ut ad laxiorem religionem transiret, si causa legitima non subsistat, non est tutus in conscientia. Quia in his quæ iuris diuini, & naturalis sunt, Papa ius non habet, quando nulla iusta, & rationabilis causa subest, & consequenter peccat mortaliter Papa sic dispensando sine causa, & qui scienter huiusmodi voti dispensatione utitur, eodem etiam modo peccat.

Nec obstant quæ in contrarium sunt adductæ. Nam primò Pater, Dominus, ac vir potestate dominatiua sunt præditi, & ideo liberè possunt tanquam domini voluntatem filij, serui, & uxoris infringere, eorum vota ad libitum irritando. At potestas spiritualis Prælatorum, est solum dispensatoria, & cum non sit in destructionem, sed in ædificationem data, nequeunt ad libitum vota suorum subditorum relaxare.

Secundò falsum est eorum fundamentum: quia nulla talis conditio includitur in votis: aliàs non probaretur inde posse Papam dispensare in votis: sed posse irritare illa, quod falsum esse supra ostendimus.

Nec in cap. *Veniens*, dicitur in iuramento voluntatem Prælati esse exceptam, sed ius superioris, quod longe diuersum est.

*spensauit, sit tutus in conscientia, si postea constet causam non fuisse omnino iustam?*

**N**AVARRVS *prælud. 9. num. 13. & Philarch. de off. sacerdot. tom. 1. p. 2. lib. 3. cap. 4.* tenent non esse tutum.

Cæterum absque dubio dicendum est, ad validam dispensationem sufficere, ut causa prudenter, ac bona fide, adhibita diligenti consideratione, pro rei qualitate à Prælato putetur iusta, licet verè non sit omnino talis. Quia non est credendum aliam esse Pontificis intentionem circa suas leges, & Dei circa suas, in quibus permittitur inferiori dispensare. Id enim recta Ecclesiæ gubernatio postulat, quod scrupulis obuietur, ac tutæ sint conscientiæ subditorum. Atque ita tenet Azor. *tom. 1. lib. 7. cap. 29. quæst. 6.* ubi sic ait: Si Prælati aliquis bona fide lege ieiunij aliquem liberet, putans causam esse iustam, relaxatio prodest: quia bona fide facta est. & Sanch. *lib. 8. de matrimonio disputat. 17. num. 9.* sic ait. Nisi Prælati prudenter, ac bona fide dispensaret indicans eam causam esse iustam, tunc enim tutus erit subditus, quamuis postea constet causam non fuisse sufficientem. Et Less. *lib. 2. de iust. cap. 40. dub. 17. num. 19.* Sic ait. Sufficit tamen ut causa bona fide, adhibita diligenti examine pueretur iusta: tunc enim dispensatio erit valida, etiamsi postea causa deprehendatur non fuisse omnino talis: Deus enim ab homine non aliud exigit, quam ut faciat quod in se est.

## QVÆSTIO CXXXII.

*An is, cum quo Prælati in voto, vel iuramento, aut lege humana dis-*

## QVÆSTIO CXXXIII.

*An si Prælati nulla causa cognitione premissa dispēset in lege diuina,*

*ut voto, aut humana superioris, cum reuera erat causa legitima, talis dispensatio sit valida?*

plem. Gabr. in 4. dist. 38. quæstion. 1. artic. 5.

**N**AVARR. Cap. fin. num. 4. de simonia Azor. tom. 1. lib. 5. cap. 15. quæst. 9. & 10. Sanch. lib. 8. de matrim. disp. 34. num. 26. & Sitar. lib. 6. cap. 27. num. 7. negant esse validam.

Cæterum quamuis hæc sententia sit satis probabilis, probabiliorem tamen credo contrariam, quæ asserit talem dispensationem esse validam in foro cōscientiæ. Ratio est, quia cognitio ista non est absolute necessaria, ut valeat dispensatio, sed ut legitimè, & absque peccato fiat: nec se exponat periculo faciendi actum inualidum contra ius diuinum: si ergo ex parte Dei subest iusta causa, dispensatio valet, etsi cognitio causæ non præcesserit.

Tum quia valet lex temerè, & absque causæ cognitione indicta, si reuera causa boni communis intetcedat: ergo idem de legis dispensatione dicendum est.

**Tum quia** Henrig. lib. 12. de matrim. c. 3. in fine ait, clausulam dispensationis, (*si preces veritate nitantur*), non habere vim conditionis, sed monitionis, cum instructione, & præcepto quodam.

Tum quia ut rectè Minchata lib. 1. contr. su. Illustr. cap. 28. num. 6. tenet factum in foro cōscientiæ, valere, quando finis habetur, quamuis forma, & solemnitas eiusdem iuris præmittatur.

**Dices:** Conc. Trident. sess. 25. cap. 18. decernit dispensationem sine causæ cognitione factam esse subreptitiam.

Respondeo Concilium intelligi præsumptiue pro foro externo. Et idè ita tenent Armil. verb. dispensatio num. 14. Lop. p. 1. cap. 4. & Sup-

## QVÆSTIO CXXXIV.

*An, ut dispensatio sit valida, requiratur ut causa sit manifestè iusta?*

**R**ESPONDEO ad dispensandam non requiri ut causa sit manifestè iusta, sed sufficere, si prudentis arbitrio sit dubium an sit iusta: quia in hoc dubio ad antiorrem partem inclinandum est.

Tum quia multis scrupulorum occasionibus exposita esset dispensandi potestas, si ad causas solas certas extenderetur, & vix auderent superiores dispensare. Immo inutilis esset hæc potestas, cum rarè cōstet de causæ sufficientia. Et ita sentit D. Thom. 2. 2. q. 88. art. 12. Syluest. verb. dispensatio q. 14. num. 20. vbi sic ait. *Prelati dispensare possunt, quando eis constat de causa legitima, & etiam si dubitent. Quia ad clementiorem partem declinandum est.* Palac. in 4. dist. 38. dist. 3. vbi dicens dispensationem exigere causam iustam, addit: *Et per causam huiusmodi, subaudi non euidenter iustam, sed probabilem, vel dubiam.* & Sanch. lib. 8. de matrim. disp. 17.

## QVÆSTIO CXXXV.

*An, si causa est notoria, peccet Prelatus si absque causæ cognitione, dispenset?*

**I**OANNES Medina tract. de penitent. 1. quæst. de dispensat. super confessione reuelanda, affirmat peccare.

At pro certo tenendum est, eum non peccare. Er ratio est, quia in notoriis non requiritur ordo iuris, nec notorium eget examinatione causæ.

Tum

Tum quia id examen exigitur, ne Prælati temerè dispensent, quæ temeritas cessat, ubi certus est de causa.

## QVÆSTIO CXXXVI.

*An cum dubia est sufficientia cause ad dispensandum, dispensante superiore, aut habente ad id privilegium, subditus sit tutus in conscientia?*

**R**ESPONDEO esse tutum. Ratio est, quia in hoc dubio subditus potest stare iudicio dispensantis. Ita D. Tho. 2. 2. q. 88. art. 12. ad 2. Sor. in 4. dist. 21. q. 2. art. 2. ubi tractans de dispensatione voti à Pontifice concessa absque causa esse irritam, subiungit, si manifestus error non interueniat, præsumi causam iustam. & lib. 7. de iust. q. 4. art. 2. ubi ait, tunc dispensationem in voto esse irritam quando manifestè constar nullam esse causam. Sayr. lib. 4. cap. 12. num. 25. Arag. 2. 2. q. 88. art. 12. & Suar. lib. 6. cap. 17. num. 6. & 20.

## QVÆSTIO CXXXVII.

*An, quando Prælati in voto dispensat, censeatur ex iusta causa dispensare, cum de ea non constet?*

**R**ESPONDEO censeari iusta de causa dispensare. Ratio est quia subditi non est facta sui Prælati discutere. Ita Sor. in 4. dist. 20. q. 2. art. 2. & lib. 7. q. 4. art. 3. & Suar. de censuris disp. 41. sect. 3. ubi ait, in foro interno sufficere, ut non constet subdito de causæ defectu, quamuis in externo opus sit causam probare.

## QVÆSTIO CXXXVIII.

*An, qui absque causa legitima in lege dispensat, peccet?*

**E**T quidem certum est, eum qui in re graui absque iusta causa in lege diuina, aut cuiuscunque superioris dispensat, peccare mortaliter. Quia ea dispensatio est ipso iure irrita, & ideo à legis transgressione non excusat.

## QVÆSTIO CXXXIX.

*Sed dubium est, quando quis in propriis legibus dispensat.*

**P**ALVD. in 4. disp. 38. q. 4. art. 4. docet eum non peccare.

At pro certo tenendum est, eum etiam si Romanus Pontifex sit, qui absque causa iusta cum aliquibus, in suis legibus dispensat, peccare. Quia violat ius naturæ dictans partem suam toti congruere debere, excipiens temerè, & imprudenter aliquos per dispensationem. Vnde talis dispensatio potius dissipatio censenda est auctore D. Bernard. lib. 3. de consid. ad Eug. ad finem, & colligitur ex Conc. Trident. sess. 24. de matrim. c. 5. & tradit D. Tho. 1. 2. q. 97. art. 4. Caiet. 1. 2. q. 96. art. 5. & in sum. verb. dispensatio in initio. Sor. lib. 1. q. 7. art. 3. Valent. 2. 2. d. 5. q. 7. p. 2. Azor. lib. 5. c. 15. q. 2. & alij.

## QVÆSTIO CXL.

*Sed, An hic legislator, qui in propria lege dispensat absque iusta causa, peccet mortaliter, non conueniunt Doctores.*

**C**AJET. in 16. verb. dispensat. in princ. tenet eum peccare mortaliter.

I 3 At

At verius est, cessante scandalo, ac aliorum iniuria, cum non peccare nisi venialiter. Ratio est, quia his cessantibus, non est res gravis, quempiam à legillatore, absque iusta causa, à legis obligatione eximi. Cum lex illa à legillatoris voluntate vim habeat. Ita Valent. 1.2.d.7.q.5.p.9.& Nauar.preludio 9.num.14.

### QVÆSTIO CXLII.

*An qui talem dispensationem petit, sciens deesse causam iustam, peccet?*

**E**T quidem certum est, cum peccare. Quia rem illicitam petit à legillatore, estque ei in culpa adiutor.

Sed tota difficultas consistit, an peccet mortaliter?

Petr. de Ledesm. sum. Sacrament. ubi de 2. matrim. cap. 27. num. 6. ait hunc peccare mortaliter.

Couar. 4. decret. 2. p. c. 6. §. 9. num. 7. ait cum peccare venialiter, & forsan mortaliter.

At tenendum est, hunc eodem modo peccare, quo peccat qui sic dispensat. Vnde si dispensans peccat mortaliter, vel venialiter iuxta supradicta; petens quoque reus erit culpe mortalis, vel venialis; quia cooperatur dispensantis peccato, ad idque inducit.

### QVÆSTIO CXLIII.

*An, qui dispensatione sine causa concessa utitur, peccet?*

**N**AVAR. in Mon. cap. 12. num. 57. tenet eum, si desit scandalum, ac aliorum damnum, non peccare.

At verius est, cum in usu talis dispensationis peccare. Quia licet ablata sit illius legis humanæ obligatio, ratione dispensationis: at superest obligatio legis naturalis, quæ dicitur neminem debere absque causa legitima à suo toto discrepare. Vnde, etsi hic non peccet aduersus illam legem humanam, at peccat contra hoc ius naturæ. Et ideo ita tenent Caiet. 1.2. quæst. 96. art. 5. Sot. lib. 1. quæst. 7. art. 3. Valent. 1.2.d.7.q.5.p.9. Cord. in suo quæst. lib. 4. q. 8. & Azor. lib. 5. cap. 15. q. 3.

### QVÆSTIO CXLIII.

*Sed maius dubium est, An hic qui tali dispensatione utitur, peccet mortaliter?*

**P**ETR. de Ledesm. sum. Sacram. ubi de 2. matrim. cap. 27. ait eum peccare mortaliter.

At omnino tenendum est, cum non peccare, nisi venialiter, si desit scandalum, & iniuria aliorum notabilis. Quia qui tali dispensatione utitur, non consentit peccato dispensantis; cum id peccatum omnino transierit: solumque superest in illius usu ea partis cum toto deformitas, quæ secluso scandalo, vel alio damno, non est ita gravis, ut peccatum mortale inducat. Ita Nauar. Sotus, Couar. Cord. Valenz. & alij supra.

### QVÆSTIO CLXIV.

*An hic, cum quo sine causa legitima est dispensatum in lege, teneatur iure natura, non obstante dispensatione, talem legem adimplere?*

**R**ESPONDEO teneri. Ratio est, quia si hic peccat venialiter utens tali

tali dispensatione, quia agit contra ius naturæ, quod dicitur indecens esse partem non conformari suo toto: ergo eodem iure naturæ, tenetur legem seruare sub culpa veniali.

### QVÆSTIO CXLV.

*An ad dispensandum in voto, requiratur causa illius executioni obstants?*

**R**ESPONDEO requiri causam obstantem. Ratio est, quia ut dispensatio hæc legitima sit, debet redundare in Christi honorem, aut Ecclesiæ utilitatem: ut rectè docet D. Th. 2. 2. quæst. 88. artic. 1. 2. ex illo Pauli 1. Cor. 2. *Nam & ego quod, &c.* At deficiente causa obstante voto exequendo, non cedit in honorem Christi, aut Ecclesiæ utilitatem, sed potius expedit id votum impleri; ergo. Ita Caietanus 2. 2. q. 88. art. 1. 2. *Sot. lib. 7. quæst. 4. art. 3.* Nauar. *de indulg. super 5. in Lennit. notab. 27. nu. 2.* Arag. 2. 2. quæst. 88. art. 1. 2. Valent. 2. 2. d. 6. q. 6. p. 7. & Sanchez lib. 8. de matrim. disp. 20. nu. 3.

### QVÆSTIO CXLVI.

*An eadem causa executioni voti obstants sit necessaria, dum votum commutatur in minus?*

**R**ESPONDEO sic. Ratio est, quia tunc admiscetur nonnulla voti dispensatio. *Sot. lib. 7. quæst. 4. art. 3.* Arag. 2. 2. quæst. 88. art. 1. 2. & Sanchez lib. 8. de matrim. disp. 20. num. 4.

Hinc non est iusta dispensandi causa, conferre magnam pecuniæ summam, si nulla causa executioni voti obstants reperitur. Quia ut diximus dispensatio causam obstantem executioni voti requirit. At posset esse commutatio, si elemosyna hæc eroganda,

esset æqualis obsequii diuini, ac votum. Ita Arag. 2. 2. q. 88. art. 1. 2.

### QVÆSTIO CXLVII.

*Quanam sint cause iustæ dispensandi in votis?*

**R**ESPONDEO in hoc certam regulam dari non posse, sed arbitrio superioris esse relinquendum, quæ sit iusta causa, iuxta Nauar. cap. 12. num. 77. tamen ex D. Thom. in 4. dist. 38. q. 1. art. 4. q. 3. & 2. 2. q. 88. art. 1. 2. *Soto lib. 7. q. 4. art. 3.* Sylu. *verbo votum* 4. §. 6. & aliis infra citandis colliguntur aliquæ causæ in particulari, quibus adductus superior in votis dispensare potest.

Prima causa iusta dispensandi in voto est utilitas Ecclesiæ, & honor Dei.

Secunda causa dispensandi est difficultas magna superueniens, casu quo non sit talis, ut voti obligationem extinguat, ut v. g. vouit quis peregrinationem ad limina Apostolorum, iterque illud pedibus conficere: & postea effectus est podagricus, ex quo non potest commodè votum implere, tunc licitè cum eo dispensari potest. Quod intelligitur quod hæc difficultas est denuo suborta. Quia si à principio inerat, & fuit cognita, vel præuisa, non est iusta causa dispensandi, nisi aliquid noui accidar dispensatione dignum. Quia tota illa difficultas fuit voluntariè Deo oblata. Ita Suar. lib. 6. c. 17. nu. 11.

Tertia causa sufficiens ad dispensandum in voto, est vehementis transgressionis periculum in eo qui vouit, hoc est, quando verisimiliter timetur vouentem sæpius violaturum esse votum. Ut si coniugatus habeat votum castitatis, est causa sufficiens ad dispensandum cum illo, ut possit pectere debitum, ne obligatio pro charitatis perfectione inducta, vergat in eius dispendium: idque in

in Christi honorem, ac Ecclesie utilitatem redundat, ne homines laqueis irreti sint. Ita Nauar. cap. 12. num. 78. Suar. lib. 6. c. 17. num. 9. Sayr. lib. 6. cap. 12. num. 30. & Valont. 2. 2. d. 6. q. 6. p. 7.

4 Temperat hoc Magister Sotus lib. 7. q. 4. art. 3. quando transgressionis periculum confurgit ex infirmitate, vel passione, quibus attentis votum est seruatu difficile, ac viribus impar. Secus si periculum confurgat ex malitia, ac prauo eiusdem vouentis habitu.

At hæc limitatio displicet, quia eo habitu supposito, & magna fragilitate inde acquisita, res illi promissa, est reddita viribus impar, ac votum illi est factum inutile, utpote quod non medicina, sed laqueo, non vitandis peccatis, sed augendis deseruit.

Hinc, non est iusta dispensandi causa v. g. in voto, vel iuramento non ludendi, vchemens ludendi desiderium, ac tentationes pati; vt rectè docet 5 Nauar. cap. 12. num. 11. Sed tunc tantum, quando ex tentationes eò vouentem trahunt, vt frequenti voti transgressionem, voti transgressionis eum periculo exponant.

Hinc, non est audiendus Sotus, qui, loco supra citato, ait, solam priuatam vouentis utilitatem, non esse causam dispensandi in religionis voto. Nam contrarium constat ex dictis, diximus enim frequentes voti transgressionem ex praua vouentis affectione prouenientes, esse iustam causam, vt cum eo ad ineundum matrimonium dispenseretur; Cum tamen priuatum vouentis bonum causa hæc respiciat. Nauar. cap. 12. num. 77. Azor. lib. 1. cap. 19. q. 17. & Lop. p. 1. cap. 49. Quod Sanch. lib. 4. decalogi cap. 41. intelligit dummodo aliqua commutatio miscetur, vt solet Pontifex miscere. Immo Caiet. om. 1. opuscul. 1. 7. defendit priuatam utilitatem esse iustam

causam dispensandi in voto castitatis solemnem, nedum in simplici. Cuius opinio quamuis quoad votum solemnem displiceat, placet tamen quoad votum simplex, de quo in presenti loquimur.

Quarta causa dispensandi est necessitas boni communis: vt v. g. vouit 6 quis ingredi religionem, sed commune bonum Reipublice postulat, vt matrimonium contrahat; in hoc casu hæc iusta causa est, vt cum eo dispensetur. Quia bonum commune est priuato præferendum. Ita Caiet. 2. 2. q. 88. art. 12. vbi bene ait, nihil referre, etiamsi illa boni communis causa sit excitata ex hominum malitia, vt si bellum sedari non posset, nisi puella voto castitatis ligata nuberet, est iusta dispensandi causa.

Hinc, non est iusta causa dispensandi in voto castitatis, aut religionis, 7 neecessitas conseruandi progeniem alicuius nobilissimi Ducatus, aut Marchionatus, nisi aliqua commutatio commisceatur: vt rectè Nauar. lib. 3. conf. tit. de voto conf. 32. num. 3. & Henricus lib. 12. de matrimon. cap. 3. num. 9. annotarunt.

Quinta causa sufficiens ad dispensandum in voto, est copia, & numerositas familie, eiusque noementum ex absentia patrisfamilias si peregrinationis, quam vouit, exequatur votum. Quia his subuenire, est quidem opus pietatis, sed interdum præfertur operi religionis. Nauar. cap. 12. num. 77. Sayr. lib. 6. cap. 12. num. 30. & Suar. lib. 6. cap. 17. num. 13.

Sexta causa dispensandi in voto, 8 est repentina deliberatio, vt quando quis ex subito iracundie calore, aut alia subita passione non tollente iudicium necessarium ad voti valorem, aut ex leuitate, aut facilitate aliquid vouet. Ratio est, quia cum obligatio voti vim habeat ex libera vouentis voluntate,

luntate, qua se ad id adstrinxit, diminutio huius voluntatis de se minuit obligationem : & ideo præbet iustam dispensandi causam : vt colligitur ex *cap. 2. de voto ibi. Nos autem, &c.* & tradit Nauarr. *cap. 12. num. 26. & 77.* Caietan. *2. 2. quæst. 88. art. 1.* Sot. *lib. 7. q. 1. art. 2.* Arag. *2. 2. q. 88. art. 1.* Sayr. *lib. 6. cap. 12. num. 30.* & Suar. *lib. 6. cap. 17. num. 8. & 14.* qui hoc limitat, vt intelligatur hæc causa, nisi votum noccat, sed reperiatur postea vile: tunc enim non erit hæc causa sufficiens dispensandi in voto.

- 9 At hæc limitatio displicet, quia non tollitur defectus prudentis, ac maturæ deliberationis, ex accidentario euentu, qui hæc dispensandi causam præbet.

Ex quo colligitur primò, metum mortis procedentem ex naufragio, aut ex alia causa non ineussa ad extorquendum votum, præbere sufficientem dispensandi causam. Quia regulariter is metus prudens consilium, ac maturam deliberationem excludit. Quod est verum, etiam si is metus sit levis, si matura deliberatio defuit. Quia cum defectus prudentis deliberationis præbeat hanc causam, nil refert qualitas metus ad votum conducen- tis. Ita Suar. *lib. 6. cap. 17. nu. 8.* & Sayr. *lib. 6. cap. 12. num. 30.*

- 10 Secundò sequitur, dolum quoque quo votum emissum est, esse iustam dispensandi causam. Quia ille valde minuit voluntarium. Ita Sayr. *lib. 6. cap. 12. num. 30.*

Tertiò sequitur, errorem circa causam voti impulsivam, aut quando ea causa cessauit, præbere iustam dispensandi causam. Quia minuit etiam voluntarium.

Dixi consultò (*impulsivam*) quia quando est error circa causam finalem, qui omnino impedit valorem voti, nulla dispensatione indiget.

- 11 Septima causa dispensandi in voto

est, quando materia promissa est facta mala, aut inutilis, aut moraliter impossibilis, aut maius bonum impediens : vt docent D. Thom. *2. 2. q. 88. art. 10.* & ibi Caietan. communiter recepti. Quod intelligitur in casu dubij, quia quando clarum est aliquam ex quatuor causis supradictis intervenire, potest tale votum absque vlla dispensatione, vel commutatione omitteri. Ratio est, quia votum debet esse de re licita, utili, possibili, ac meliori. Vnde deulat à fine, & ratione voti, non solum quando contrarium est certum, sed etiam in casu dubij: nam etiam id dubium derogat securitati voti. Sic enim explicant D. Tho. *2. 2. q. 89. art. 9. ad 3.* Sot. *lib. 8. q. 1. art. 1.* & Azor. *lib. 11. cap. 19. q. 17.*

Octava causa dispensandi in voto, <sup>12</sup> est maior utilitas, & maior spiritualis ipsius vouentis fructus. Ratio est, quia per votum principaliter intenditur spiritualis vouentis utilitas. Ita Suar. *lib. 6. cap. 17. num. 10.* qui optimè addit, id esse verum, quamuis ea spes sit cum aliquo dubio.

Nona causa dispensandi in voto est, cum ob defectum debitæ materiæ, aut finis, vel alterius circumstantiæ redditur dubia voti obligatio, quamuis id dubium non sufficiat ad irritandū votū. Quia aliàs esset inutilis auctoritas Prælatorum ad dispensandū, cum dispensatio nulla exigatur in casibus certis excusantibus à voti obligatione. Ita D. Thom. *2. 2. q. 89. art. 9. ad 3.* Cord. in *summ. q. 147.* Azor. *lib. 11. cap. 19. q. 17.* & Suar. *lib. 6. cap. 17. num. 10.*

Decima, & vltima causa dispensandi <sup>13</sup> in voto est incommoditas inplendi, vel difficultas ex parte operis, vt quia res voto promissa est ardua, & viribus vouentis impar, vt ansterum aliquod ieiunium, aut longa peregrinatio pedestris: non tamen quando ex corrupta eiusdem vouentis affe-

etione procedit; quia tunc non est causa legitima dispensandi, si illa difficultas fuit causa vouendi. v. g. Titius videns se esse deditum gulæ, propter hoc vult ieiunare, dum postea hoc facit cum magna difficultate, difficultas ista non potest esse causa idonea dispensandi, quia cum id votum sit factum ad medendum huic prauo habitui, hæc non potest illius tollendi causa esse legitima. Quod Philarch. *de offic. sacerdot. tom. 1. lib. 3. cap. 4.* censet esse verum, quando est spes emendationis: et quando non est talis spes, est causa legitima ad alleuandum eius peccatum, ne sit etiam contra votum.

- 14 Hic autem est aduertendum, quod non semper singulæ causæ supradictæ sufficiunt ad totalem voti dispensationem, cui nulla commutatio admixta est, sed sæpe plures debent concurrere, aut aliqua commutatio commisceri: & quo causa dispensandi maior fuerit, eo minori commutatione opus erit. Et ideo Pontifex semper admiscet aliquam commutationem, dum dispensat, quia raro concurrat causa sufficiens ad meram dispensationem: vt rectè docent Caiet. 2. 2. q. 88. art. 12. Suar. *lib. 6. cap. 17. num. 4.* & Sayr. *lib. 6. cap. 17. num. 15.*

### QVÆSTIO CXLVIII.

*An peccet, si facultatem dispensandi, ac commutandi habens, dispenset omnino, nulla commutatione admixta?*

- 1 SOT. *lib. 7. de iust. q. 4. art. 3.* & Roder. *p. 1. sum. cap. 102. num. 4.* affirmât. Quia infidelis dispensator est, qui cum minori iactura potens aliquid efficere, cum maiori facit. Et idem dicunt de petente.

Cæterum tenendum est vtrumque culpa vacare, quando causa sufficiens talis dispensationis adest. Ratio est, quia certum est Prælatos gaudere potestate non solum commutandi vota, verum etiam dispensandi omnino absque commutatione admixta: ergo quoties adest iusta causa totalis dispensationis, nullum est peccatum ea vti. Quia tamen causæ ad omnino dispensandum sunt raræ, est optimum consilium admiscere dispensationi aliquam commutationem; & quo causa dispensandi maior est, eo minor commutatio exigitur. Atque ita tenent Caiet. 2. 2. q. 88. art. 12. vbi sic ait. *Possumus Prælati ex causa dispensando, in minus commutare, sicut etiam possunt ex causa dispensare absolue.* Nauarr. *cap. 12. num. 63.* vbi sic ait. *Qui habet auctoritatem dispensandi poterit omnino relaxare absque eo quod loco voti aliquid iniungat.* Hoc idem docent Suar. *lib. 6. cap. 17. num. 18. & 21.* & Less. *lib. 2. cap. 40. dub. 17. num. 120.*

### QVÆSTIO CXLIX.

*An maior causa exigatur ad dispensandum in voto, quam in lege humana?*

QVÆSTIO est, cuius meminit 1 Suar. *lib. 6. cap. 17. num. 14.* Respondet autem ipse affirmatiuè. Quia strictior est obligatio iuris diuini naturalis, quo votum obligat, quam obligatio iuris humani, quo lex humana obligat.

### QVÆSTIO CL.

*An minor causa exigatur ad dispensandum in tempore executionis voti, quam in ipso voto?*

RESPON



**R**ESPONDEO sic. Ratio est, quia priori casu eademmet obligatio manet, & sola executio differtur, at posteriori tota aufertur. Et quo maior est dilationis mora, eo maiori causa opus est, quia est maior dispensatio.

---

### QVÆSTIO CLI.

*An quando votum sapius repetitur circa eandem materiam, dispensatio illius maiorem causam requirat, quàm si semel tantum emissum esset?*

**Q**VÆSTIO est cuius meminit Azor. lib. 11. cap. 14. q. 1. Respondendum est ergo iuxta mentem eius negatiuè. Ratio est, quia votum repetitum idem reputatur, & nullam novam obligationem inducit, sed solam pristinam confirmat.

---

### QVÆSTIO CLII.

*An sit causa iusta ad dispensandum in voto castitatis, morbus cui periti medici indicant actibus venereis solis succurri posse?*

**E**T quidem loquendo de solemniori voto castitatis, clarum est, non esse causam sufficientem. Quia cum eius voti dispensatio in graue damnum status religiosi cedat, multo grauiorem causam dispensandi, & solum boni communis petit. D. Thom. 2. 2. q. 88. art. 1. ad 3. & ibi Caiet.

---

### QVÆSTIO CLIII.

*Sed dubium est de voto castitatis simplici?*

**D**ANTON. 2. p. tit. 11. cap. 2. §. 9. ad. 1. finem negat esse causam sufficientem.

Sed contrarium tenent Sotus hb. 7. q. 4. art. 2. & Sanch. lib. 8. de matrim. disp. 20. num. 26. & merito, quia negari nequit materiam voti notabiliter esse mutata, & grauem difficultatem superuenisse à vouente non excogitata: & quamvis iure optimo possit vitæ periculum eligere ob castitatis seruandæ amorem: at res ita ardua est, ut merito credendum sit, velle Deum, qui huius obligationis creditor est, ut Prælatus vices eius gerens, ex hac causa id votum partim relaxet, partim verò commutet.

---

### QVÆSTIO CLIV.

*Quanam causa sit iusta dispensandi cum aliquo religioso, ut ad aliam religionem laxiorem se transferat?*

**R**ESPONDEO ad hoc, ut aliquis religiosus se transferat ad aliam religionem laxiorem, iusta, & sufficiens causa est infirmitas, seu debilitas, & delicata complexio ad obseruandas austeritates suæ religionis. Item vrgens parentum necessitas vt pote, si in religione propria non sit commoditas ad subueniendum eis. Item iusta ignorantia eorum quæ promittuntur in tali religione, vt si quis propter suam simplicitatem non intellexit regulam, nec eius præcepta obligatoria tempore professionis, & postea videt se strictius obligari, licitè posset Prælatus cum illo dispensare, ut ad aliam religionem laxiorem transeat.

## QVÆSTIO CLV.

*An causa sufficiens ad dispensandum, ut quis possit ad laxiorem ordinem transire, sit difficultas, & molestia observandi præcepta religionis?*

- R**ESPONDEO si difficultas sit in re ipsa, quia temerè non commensurando vires suas, & religionis austeritates cum sua tenui complexione professionem emisit, sufficiens est causa dispensandi. At verò & difficultas illa ortum habet ex pravo suo habitu, & depravata consuetudine, non est causa sufficiens dispensationis. Quia nemo debet ex delicto reportare commodum. Ita Sotus lib. 1. q. 7. art. 3.

## QVÆSTIO CLVI.

*An si difficultas ex aliqua causa accidat post professionem, utpote ex aliqua infirmitate, vel ex quacumque alia ratione, sit causa iusta ad dispensandum, ut quis ad aliam laxiorem religionem transeat?*

- R**ESPONDEO non esse causam sufficientem. Ratio est, quia in tali casu religionum præfecti cum ipso dispensare possunt, & debent in austeritatibus religionis. Verùm si dicti superiores nollent cum eo dispensare, & fratres murmurarent, dicentes hunc relaxare religionem, magis præ oculis habentes exteriorem austeritatem, quàm charitatem, causa sufficiens erit ad dispensandum cum illo. Ita Sot. lib. 1. q. 7. art. 3. & Roder. tom. 3. qq. regul. q. 5. 2. art. 9.

## QVÆSTIO CLVII.

*An persecutio magna sit sufficiens causa ad dispensandum, ut ille qui persecutionem patitur, ad aliam laxiorem religionem transeat?*

- R**ESPONDEO esse causam sufficientem, si is qui persecutionem sustinet non dedit causam ad talem persecutionem, sed gratis odio habetur. Ratio est, quia tunc ad Christianam charitatem talis causa referri potest. Sed si dedit causam talis persecutionis, minimè erit talis persecutio causa sufficiens ad dispensandum. Quia nemo ex peccato debet commodum reportare. Ita Nauarr. in cap. Statuimus num. 10. Quod Roder. tom. 3. q. 5. 2. art. 9. limitat, nisi ipse prædictæ causæ datæ iam egerit penitentiam, & per signa exteriora contritionis emendatum se ostenderit: nam si hoc non obstante, persecutio apud falsos fratres non cessat, non video (ait Roder.) cur ipsi dispensatio debeat denegari.

## QVÆSTIO CLVIII.

*An ex taciturnitate veri, aut falsi expresse corruat dispensatio?*

- M**OLINA tom. 3. de iust. disputat. 650. num. 2. & Couar. 4. decret. 2. p. cap. 8. §. 9. n. 1. tenent dispensationem esse irritam, quoties veritas illa tacita non tantum est causa finalis, sed etiam impulsiva concessionis: quia nimirum ea veritas significata retraheret Prælarum, vel à dispensatione, vel saltem eam difficilius concessisset.

Syluest.

Syluest. *verb. rescriptum* q. 6. & 7.  
 2. & *verb. legitimus* quest. 3. docet solum  
 vitiari dispensationem tacita veritate,  
 quæ est causa finalis dispensationis,  
 id est, quæ cognita minime Prælati  
 concessisset: secus quando est solum  
 causa impulsiva, quia nimirum ea de-  
 clarata, tandem dispensasset, quamvis  
 maiori cum difficultate.

Ar verò Nauar. *cap. 12. nu. 86. Hen-  
 riq. lib. 12. de matrim. cap. 1. nu. 6. Lop.  
 p. 2. cap. 112. & Emman. Sà verb. dispen-  
 satio num. 10.* docent non ex omni  
 3. veritatis taciturnitate reddi dispen-  
 sationem irritam, quamvis ea narrata  
 Prælati non concessisset, sed tunc  
 solum, quando tacetur veritas, quam  
 iura iubent exprimi. Pro quo

Primo dico, quod quando ex iure  
 positio, aut stylo curiæ, aut ex con-  
 suetudine est aliquid in dispensatio-  
 nis impetratione exprimendum, taci-  
 turnitas illius, aut falsa eius expressio  
 reddunt dispensationem irritam, etiam  
 si ignoranter id factum fuerit, &  
 quamvis constet, quod veritate co-  
 gnita, Prælati eadem facilitate con-  
 cessisset. Ratio est, quia tanquam for-  
 mam exigunt iura eius rei expressio-  
 nem. At forma ad vnguem est obser-  
 uanda etiam in minimis l. 1. ff. de li-  
 bert. & posthum. Quare ea deficiente,  
 corrumpit dispensatio. Ita Suar. *lib. 6. c. p.  
 ult. num. 5. & Sanch. lib. 8. disp. 21.  
 num. 15.*

Secundo dico, quod quando nec  
 ex iure, nec ex stylo curiæ, nec ex  
 consuetudine constat, aliquid specia-  
 liter esse in dispensatione exprimen-  
 dum, existimo sententiam Syluestri  
 esse verissimam, nimirum tunc dis-  
 pensationem esse subreptitiam ex ve-  
 ritatis taciturnitate, quando ea veritas  
 tacita est circa qualitates intrinsecas  
 5. tangentes substantiam ipsius voti, &  
 illis expressis Prælati illam non con-  
 cederet, vel non eodem modo, quo

concessit, sed quibusdam moderatio-  
 nibus adhibitis: secus quando veritas  
 tacita est circa qualitates dispensatio-  
 nis extrinsecas, & eodem prorsus mo-  
 do concederet, et si difficilior. Atque  
 ita solius causæ finalis taciturnitas vi-  
 tiabit gratiam. Et in casu dubij an cau-  
 sa in dispensatione tacita, vel falsò ex-  
 pressa, sit finalis, ita vt sine illa dubi-  
 tatione non concederetur, vel tantum  
 sit impulsiva, præsumi esse causam  
 impulsivam, vt latè probat Sanch. *lib.  
 8. de matrim. d. 21. num. 10.*

Hinc, non est audiendus Nauar. 6  
*lib. 5. consil. de homic. cons. 4. num. uni-  
 co*, ubi asserit dispensationem irregu-  
 laritatis ex homicidio presbyteri con-  
 tractæ, esse subreptitiam, si taceatur  
 occisum fuisse presbyterum. Quia  
 cum irregularitas homicidij inducta  
 sit, non tam ob delicti gravitatem,  
 quam ob defectum perfectæ lenitatis,  
 fuisse presbyterum, aut quemcumque  
 alium hominem interfectum, est qua-  
 litas omnino extrinseca, & nil ad ir-  
 regularitatem faciens.

Hinc, qui vult in religione profi-  
 teri, & postea intendens super tali vo-  
 to dispensationem obtinere, solum  
 Romano Pontifici expressit se vovisse  
 religionem, subreptitia est talis dis-  
 pensatio. Quia non satis explicavit  
 substantiam voti, quod emisit: vovisse  
 enim ingrediendi, & profitendi sunt  
 substantialiter diuersa: nam primum  
 solum obligat ad ingressum bona fi-  
 de, ita vt tempore probationis liceat  
 ex iusta causa egredi. At secundum  
 omnino obligat ad profitendum, vt  
 rectè docet Nauar. *cap. 12. num. 46.  
 Lop. p. 1. cap. 44. Roder. p. 2. cap. 97.  
 nu. 5. & Vega 2. tom. cap. 129. casu 29.*

Hinc, qui vult se futurum reli-  
 giosum, & deinde volens super tali  
 voto dispensationem impetrare, so-  
 lum Romano Pontifici explicavit, se  
 vovisse religionem, valida est ista dis-  
 pensatio.

8 pensatio. Quia vtrumque votum solis verbis differt, & re ipsa idem est, ad solúmque ingressum bona fide ad experiendum, obligat: vt contra Caiet. qui perperam inter vtrumque votum distinguit, tenet Azor. lib. 11. cap. 22. quæst. 7.

Hinc, qui habens votum castitatis, dicit se vouisse non ducere vxorem, vel non fornicari, & petit dispensationem, subreptitia est talis dispensatio. Quia est error in substantia voti dispensandi.

Hinc, qui vouit se suscepturum ordinem sacrum, & deinde petit dispensationem voti non nubendi, subreptitia est ista dispensatio. Quia illa vota sunt substantialiter diuersa; & licet ex priori sequatur etiam obligatio ad non nubendum, plus tamen inuoluit.

Hinc, qui habens votum certum, petit dispensationem voti dubij, subreptitia est dispensatio. Quia est error in substantia rei, in qua dispensatur, cum votum dubium non sit verè votum. Quæ ratio idem probat in commutatione, & irritatione.

### QVÆSTIO CLIX.

*An omnis expressio falsi vitiet dispensationem?*

1 NAVAR. cap. 12. num. 86. Lop. p. 2. cap. 112. Roder. 2. tom. 99. regul. g. 46. art. 6. & Couar. 4. decret. 2. p. cap. 6. §. 10. num. 14. tenent in vniuersum dispensationem esse subreptitiam, etiamsi causa falso expressa sit impulsua.

At pro certo tenendum est, solius causæ finalis falsæ expressione vitari dispensationem, nimirum quando Prælati ea falsitate non expressa, 2 gratiam minimè concessisset. Secus

quando concessisset, etsi multo maiori difficultate. Ratio est, quia eandem libertatem exigit donatio, ac gratia à Prælato concessa, cum vtrumque à mera alterius voluntate emanet: immo maiorem postulat donatio, vtpote quæ nullam debiti rationem habet; quam tamen habet aliquo modo dispensatio ex iusta causa concessa. Sed donatio procedens ex causa falsa impulsua, non est irrita, sed tantum vbi falsitas processit ex causa finali: vt rectè Med. C. de restit. q. 24. Nauar. cap. 17. num. 107. ergo dispensatio Prælati procedens à causa impulsua falsa, valet.

Tum quia clausula in his literis contenta, si preces veritate nitantur, intelligitur de substantialibus, id est de his ex quibus dispensatio pender, ita vt alias non concederetur. Ita Henricus. lib. 12. de matrim. cap. 3. num. 7.

### QVÆSTIO CLX.

*An dispensatio sit subreptitia, si votum non contrahendi matrimonium, sit factum in fauorem tertij, qui illud acceptauit, & hæc circumstantia taceatur?*

RESPONDEO esse subreptitiam, 1 quia ultra votum, est ius parti acquisitum, quod absque eius consensu, relaxari non potest.

### QVÆSTIO CLXI.

*An dispensatio qua fit ex duplici causa, una vera, altera falsa, sit valida?*

RESPONDEO si causa vera sit 2 sufficiens ad dispensationem eodem modo concedendam, quo concessa

cessa est; & falsa solum faciliori concessioni deferuiat, valida est dispensatio; quia cum sola ea causa vera, sit omnino sufficiens, illa reputatur causa finalis, & sufficienter fundat dispensationem. Secus autem quando neutra per se sufficit, sed solū vtraque simul, quia cū neutra per se sufficiat, censetur vtraque simul causa finalis. Ita Nauar. lib. 5. Conf. iii. de penit. & remiss. conf. 20. num. unico Cord. in sum. q. 45. Henric. lib. 12. de matrim. cap. 3. num. 7. & Vega 10. 1. sum. cap. 88.

Hinc, qui vouit se peregrinaturum, & postea petens super tali voto dispensationem, vltra debilitatem, quæ cum aliqua commutatione est sufficiens ad dispensandum, allegauit falsam paupertatem, & ideo absolute fuit cum eo dispensatum, subreptitia est dispensatio. Quia non expressa causa falsa, non concederetur pura dispensatio, sed admixta cum aliqua commutatione.

## QVÆSTIO CLXII.

*An quando substantia voti falsa exprimitur, ut dicendo esse votum non contrahendi matrimonium, cū sit castitatis, aut religionis, dispensatio sit subreptitia?*

**R**ESPONDEO esse subrepticiam. Ratio est, quia est error in substantia voti commutandi. Suar. lib. 6. cap. vlt. num. 6.

## QVÆSTIO CLXIII.

*Sed quid, si proponatur votum grauius, cū sit minus, ut si non fornicandi sit, & castitatis proponatur: aut sit votum Compostell-*

*lanum, & proponatur vltimatum?*

**R**ESPONDEO si vtrumque est omnino diuersum, ita ut neutrum includatur in alio est subreptitia dispensatio: ut si proponatur votum vltimatum, cum sit Compostellanium, aut votum castitatis, cum sit ieiunandi. Cum enim sint diuersa vota, nec vnum includatur in altero, dispensatio in vno nequit explicari, ut censetur in altero concessa. Si tamen vnum includatur in altero, tanquam pars in suo toto, ut si sit votum non fornicandi, vel non nubendi, & explicetur votum castitatis, valida erit dispensatio. Quia cū dispensans in toto censetur in eius parte dispensare, illa vota verè emissā clauduntur in dispensatione. Ita Suar. lib. 6. c. vlt. num. 8.

Hinc qui vouit non contrahere matrimonium, & deinde volens super tali voto dispensationem impetrare, dixit esse votum ordinis sacri, valet talis dispensatio: quia hoc vltimum obligat ad non contrahendum matrimonium, & ad aliquid amplius.

Hinc, qui vouit non fornicari, & dixit esse votum suscipiendi Sacerdotium, dispensatio est subreptitia. Quia votum suscipiendi sacerdotium, non obligat ad non fornicandum, ac proinde votum verum non clauditur in expresso falso.

## QVÆSTIO CLXIV.

*Sed quid si sit votum, & proponatur inrumentum?*

**R**ESPONDEO esse validam dispensationem. Ratio est, quia etsi ex natura rei votum, & inrumentum factum Deo in eius cultum sint diuersæ speciei, ac moraliter, & in ordine ad dispensationem æquiparantur, & id inrumentum habet eundem modum

modum dispensationis, & commutationis cum voto.

### QVÆSTIO CLXV.

*An ad dispensandum, irritandum, & commutandum vota, sufficiat interna superioris voluntas?*

- 1 **R**ESPONDEO non sufficere. Ratio est, quia voluntas humana non potest inter homines operari, nisi illis innotescat. Suar. lib. 6. cap. ultim. num. ultim.

### QVÆSTIO CLXVI.

*An ad dispensandum, irritandum, & commutandum vota, certa verborum forma requiratur?*

- 1 **R**ESPONDEO non requiri, sed sufficit ea quibusvis verbis, aut signis vel factis nota fieri subdito. Ratio est, quia nullo iure certa verborum forma præscribitur. Suar. lib. 6. cap. ult. num. ultimo.

### QVÆSTIO CLXVII.

*An is qui potestatem dispensandi habet, censeatur facto ipso dispensare, quoties admittit ad aliquem actum eum, quem scit impedimentum iuris habere? Vt si admittat ad matrimonium eum, quem scit votum castitatis habere?*

- 1 **E**T quidè si is qui admittit, sit supremus Princeps vt Papa, vel Rex alius non cognoscens superiorem, eo ipso dispensare creditur, quoties im-

pedimentum est iuris humani, & sciens admittit, vel concedit contrarium. Vt si Papa ad ordines, vel beneficia promoueat eum, quem scit esse irregularem; vel Rex, lege inhabilem, vt seruum, Iudicem constituat. Ratio est, quia vt valida sit supremi Principis in lege humana dispensatio, non exigitur causæ cognitio, sed eius voluntas dispensandi satis est, de qua satis colligitur, si inhabiles scienter promoueat.

Quod intelligitur primò, nisi Princeps urgente necessitate tales iure humano impeditos promoueat: tunc enim non censetur perpetuò dispensare, sed ad tempus illius necessitatis.

Secundò intelligitur, vt censeatur tacita dispensatio, ea promotio quoad eum solum actum, ad quem Princeps scienter admittit. v. g. si irregularem admittit ad ordines, non censetur dispensare ad beneficia; nec si ad minores ordines admittat, videtur dispensare ad maiores.

### QVÆSTIO CLXVIII.

*Sed dubium est, An inferiores admittentes iure impeditos censeantur dispensare?*

1 **I**N qua re etiam est certum, eos censi dispensare, quando impedimentum est eorum legibus inductum & scientes id impedimentum, promouent, quamuis nullam causæ cognitionem præmittant: vt si Episcopus scienter iubeat, vel concedat fieri aliquid contra suam constitutionem, censetur tacitè dispensare in illa. Quia militat eadem ratio. Ita Nauar. præludio 9. num. 15. & cap. 25. num. 74. & Azor. lib. 13. cap. 13. q. vlt.

QVÆST.

## QVÆSTIO CLXIX.

*Sed quod vertitur in dubium est.*

*An Prælati inferiores admittentes scienter, iure communi inhabiles ad actum, quem dispensare possunt, censeantur dispensare?*

**I**N qua quæstione duæ extant Doctorum opiniones. Prima absolute negat, quia huiusmodi dispensatio causæ cognitionem requirit. Sic Caietan. 2. 2. q. 104. art. 5. Nauarr. preludio 9. num. 15. & cap. 25. num. 74. Henricus lib. de excomm. cap. 13. num. 3. Azor. lib. 5. cap. 15. q. fin. Roder. tom. 2. qq. regul. q. 46. art. 1. & plerique alij.

Secunda verò opinio, quam sequor, tenet, censeri eos dispensare, quamvis causæ cognitionem non præmittant. Vt si Episcopus ordinet eum, quem scit esse irregularem, vel superior mittat subditum impeditum ad ordines; vel sciens votum, vel impedimentum subditi, videat illum facere contrarium, & non contradicat, cum facile possit, ceterum hac ipsa dissimulatione dispensare. Ratio est, quia nisi tali dissimulatione intenderet dispensare, mortaliter peccaret non reprehendendo, cum nullam habeat causam tacendi, ut suppono.

Tum quia talis dissimulatio censetur ratihabitio de præsentī, quæ etiam confert iurisdictionem ad assistendum matrimonio, & ad audiendas confessiones: ut cum Parochus videt aliquem sacerdotem assistere matrimonio, vel audire confessiones, nec contradicit, cum facile possit, censetur hac ipsa præsentia, & taciturnitate ei conferre auctoritatem pro illis actibus, in quibus dissimulat, alioquin gravissime peccaret, non contradicendo: ergo eadem sufficiunt ad

dispensationem. Quia cum Prælato ex officio incumbat delictis subditorum obuiare, cum ea videt, ac facile contradicere potest: præsumeretur gravissimum Prælati delictum non contradicentis, nisi ipsum censeri dispensare dicamus. Et quamvis non præmiserit causæ cognitionem, id efficit, ut temerè dispensarit, atque ob id puniri possit, non tamen dispensationem esse irritam, si vere causa dispensandi aderat. Et ideo ita tenent Roder. p. 1. sum. c. 24. nu. 6. Emman. Sa. verb. dispensatio num. 8. Suarez de censuris disput. 41. sect. 3. & Sayrus thes. casuum tom. 1. lib. 7. cap. 14. num. 11. 12. & 13. addit idem esse dicendum, siue Prælatus ille iure communi, siue ex privilegio, vel consuetudine possit dispensare. Quia eadem est ratio, cum concurrat potestas, & voluntas præsumatur ex illo actu.

Dixi (*scienter*) quia si per ignorantiam, vel errorem id fecerit, tacite cõstitutionem non creditur relaxare: quoniam quod ita fit, voluntarium non est.

Nec obstat, quod Prælatus non possit absolvere ab excommunicatione per solum factum: ut colligitur ex cap. Cum consideres. Quia forma verbalis excommunicationis est à iure præscripta, ut ex loco citato constat, quamvis non certorum verborum formula, secus in dispensationibus.

## QVÆSTIO CLXX.

*An dispensatio prosit à tempore concessionis?*

**R**ESPONDEO dispensationem solum prodesse, suumque effectum sortiri à tempore quo de ea certior fit is, cui conceditur. Ratio est, quia dispensatio est quasi quadam donatio, hæc autem non valet absenti ante ac-

L l      ceptatio

ceptionem. Que ratio à fortiori idem concludit de commutatione.

Sed an idem sit dicendum de irratione, non conueniunt Doctores. Sed omnino dicendum est, non esse eandem rationē, cum non sit tam beneficium eius cui votum irritatur, quàm actus dominij, omnino independentis à subdito; & ideo prodest  
2 à tempore quo superior irritauit, quamuis vt licetè vouens agar contra votum sic irritatum, opus sit, in eo notitia irritationis. Ita Vasq. 1. 2. q. 95. art. 3. d. 156. cap. 4. num. 30. & 31.

### QVÆSTIO CLXXI.

*An, qui facultatem habet relaxandi vota, possit id facere per alium.*

**E**T quidem certum est, eum qui iuris autoritate habet potestatem ordinariam dispensandi, posse id facere per alium: vt patet de Episcopo, & de religionum Præfectis, qui Episcopalem habent iurisdictionem.

### QVÆSTIO CLXXII.

*Sed dubium est de habente potestatem delegatam.*

**R**ESPONDEO, non posse. Ratio est quia ei non demandatur iurisdictionis potestas, sed nudum ministerium, v.g. vt votum commutet vel relaxet. Ita Syluester verbo *delegatus* quaest. 8. Obseruandum tandem hic est, easdem causas desiderari, ac sufficere ad relaxanda iuramenta, quæ non homini, sed in solius Dei honorem sunt facta; quæ desiderantur, ac sufficiunt in similibus votorum dispensationem, quia huiusmodi iuramenta sunt instar votorum.

### QVÆSTIO CLXXIII.

*An confessorij nostra Congregationis possint ex vi Privilegiorum, in votis dispensare?*

**Q**VÆSTIO est, cuius meminit Roder tom. p. 99. regular. & in 2. p. summa casuum conscientia, dicendumque est iuxta mentem eius, quod per privilegium concessum ab Innoc. VIII. Mendicantibus, possunt confessorij nostra Congregationis dispensare in votis, in quibus possunt Episcopi, exceptis votis peregrinationis ultra duas dietas, vt habetur in compendio privilegiorum Mendicantium verb. *dispensatio*, & per duas dietas intelligit viginti leucas idem Roder. in addit. ad Bullam Cruc. 5. 9. nu. 141. quatuorvis in sum. p. 2. cap. 100. num. 3. dicat esse quatuordecim leucas; sed creditur esse error textus.

Item per privilegium, Benedictinis concessum ab Eugenio IV. à Martino V. & Pio II. possunt confessorij nostri dispensare in votis quorumcumque fidelium vtriusque sexus, etiam Episcopo reservatis, & ea commutare in alia pietatis opera toties, quoties expedire videbitur. Vt habetur in compendio Benedictinorum vallis Oletti pag. 45. & refertur in compendio Societ. Iesu verb. *dispensatio* §. 10.

### QVÆSTIO CLXXIV.

*An virtute huius privilegij possint confessorij nostri dispensare in quinque votis sedi Apostolicæ reservatis, quando in eis potest Episcopus dispensare?*

**R**ESPONDEO posse confessorios nostræ Congregationis virtute huius



huius privilegij dispensare in omnibus votis Romano Pontifici reservatis, quando hæc, licet videantur cadere in materiam reservatam, reuera reservata non sunt: vt sunt vota pœnalia, & conditionalia, vel vota partialia, aut temporalia &c. in quibus diximus supra posse Episcopum dispensare. Secus autem quando hæc vota reuera sunt reservata: tamen per accidens in aliquo casu ratione vrgentis necessitatis diximus fas esse Episcopo dispensare. Ratio prioris partis est, quia Pontifex in eo privilegio concessit religiosis omnia vota Episcopo reservata, id est, in quibus iure ordinario, & per se possunt Episcopi dispensare: at in casu posito possunt Episcopi per se, & iure ordinario dispensare, eo quod reservatio cum sit odiosa, non intelligitur nisi de votis, quæ ita suam perfectionem consequuntur, vt Pontifici sint reservata: ergo. Ratio autem posterioris partis est, quia in iis casibus sunt verè vota illa reservata, nec iure ordinario potest Episcopus in illis dispensare, sed per accidens ex quadam benigna voluntatis reservantis interpretatione: nam tunc eius industria specialiter desideratur. Ita tenent Henric. lib. 6. de pœn. cap. 14. num. 7. Roder. to. 1. q. regul. q. 41. art. 9. & q. 63. art. 6. Suar. lib. 6. cap. 26. num. 18. & 19. & Sanch. lib. 8. de matrim. d. 15. num. 10.

2 Per Privilegium concessum à Pio V. Franciscanis de observantia, possunt confessarii nostri, si sint viri docti, & iuxta normam Conc. Trident. approbati, ex commissione Prouincialis dispensare ad petendum debitum, cum his, qui post votum simplex castitatis matrimonium contraxerunt. Vt habetur in cœpendio Societ. Iesuv. dispensatio. §. 4 & in cœpendio Minorum vir. dispensatio, & testantur Card. in sum. q. 136. p. 2. Roder. to. 1. q. regul. q.

63. art. 2. Henric. lib. 12. de max. cap. 2. num. 9. & Sanches lib. 8. de matrim. disp. 16. num. 3.

## QVÆSTIO CLXXV.

*An virtute huius Privilegij possint confessarii nostri in eo voto dispensare, si nondum sit matrimonium consummatum?*

A ZORIVS lib. 11. cap. 19. q. 10. negat posse tunc dispensare, & probat, quia ante matrimonij consummationem tenetur hic religionem ingredi.

At multò probabilius est, posse confessarios nostræ Congregationis in eo voto dispensare, quamvis nondum matrimonium sit consummatum. Et ratio est, quia verius est, hunc non teneri religionem ingredi, vt votum castitatis servet: & ita si manet in sæculo provt licet potest tenetur consummare matrimonium, reddendo debitum, ac subinde in magno incontinentiæ discrimine versabitur, si petere debitum illi interdicatur.

Tum quia facultas generalis est, ergo generaliter est intelligenda.

Tum quia dispensantes in hoc casu, non dispensant in voto castitatis, cum non obstat matrimonio remaneat obligatus qui fecit votum ad eius impletionem, & si coniugi sit superstes, non potest iterum contrahere absque dispensatione impediementi. Et ideoq. ita tenet Roder. p. 1. sum. cap. 241. num. 2. Sayr. lib. 6. cap. 11. nu. 104. & Vega 2. tomo summa cap. 129. casu 118. p. 2.

## QVÆSTIO CLXXVI.

*An virtute huius privilegij possint confessarii nostri dispensare ad*

L1 2 peten

*petendum debitum, si votum castitatis sit emissum post matrimonium?*

- R**ESPONDEO non posse. Ratio est, quia id privilegium expressè loquitur de voto castitatis ante matrimonium emissio. Ita Roder. p. 1. *sum. cap. 2.42. nu. 14. & tom. 1. qq. regul. q. 63. art. 2. & Vega 2. to. 1. 129. casu 77.*

## QVÆSTIO CLXXVII.

*An confessarij nostri virtute huius privilegij possint dispensare, ut petat, vel reddat debitum, si id votum sit religionis, & matrimonium nondum sit consummatum?*

- R**ESPONDEO non posse. Ratio est, quia solum ad dispensandum in voto castitatis ad petendum debitum, privilegio fruuntur.
- I**tem per privilegium concessum à Paulo III. Societ. Iesu Cōfessarij nostrę Congregationis possunt commutare omnia vota, exceptis vltamarinis, & Petri, & Pauli de Vrbe, S. Iacobi in Cōpostella, castitatis, & religionis. Quod privilegium cum eadem exceptione extendit Greg. XIII. ad vota iurata, dummodo commutatio non fiat in præiudicium tertij: vt habetur *in compendio eiusdem Societatis tit. commutatio §. 1.*

- P**er Privilegium concessum ad Eugenio III. Monachis. S. Benedicti Cōgregationis Casinensis, alijs S. Iustinz de Padua an. 1536 pridie Kal. Iulij superiores nostrę Congregationis dispensare possunt cum omnibus, & singulis præsentibus, & futuris intrare volentibus in eandem Congregationem in omnibus, & singulis votis pe-

grinationis etiam vltamarinę, & Apostolorum Petri, & Pauli, & S. Iacobi, & quibusvis alijs votis; etiam si talia sint, propter quę sedes Apostolica merito sit consulenda, & ea in alia pietatis opera commutare, voto religionis duntaxat excepto, quamdiu sub obedientia dictę Congregationis vixerint.

Per Privilegium concessum ab Eugenio III. Congregationi S. Iustinz, superiores nostrę Congregationis possunt dispensare eum ingredientibus in Congregationem in voto religionis, etiam si arctiorem religionem ingredi voluissent; si quis tamē à Congregatione ante professionem recesserit, dispensatio nulla erit. Hoc privilegium refertur *in privilegijs Dominicanorum fol. 152. & in compendio Minorum tit. Novitius, & tit. Dispensatio §. 28. & in compendio privilegiorum Societatis Iesu tit. commutatio.*

Per Privilegium eiusdem Eug. III. Congregationi sancti Georgij in Alga concessum, de quo in impressis fol. 113. possunt recipi in Congregationem quicumque aliquam religionem intrandi, & ibi permanendi ex quavis causa, votum fecerint.

Aduertendum ramen, quod ad hoc semper requiritur causa rationabilis. Nam Romanus Pontifex non concedit nisi id quod potest: at communis est sententia, ipsum non posse dispensare, nisi ex causa legitima; vt aliquis ex strictiori ad laxiorem transeat. Sed causa videtur esse iusta, & rationabilis ad id, si is existimet melius Altissimo famularum dedicare in hac Religione, quàm in arctiori.

Quę doctrina intelligitur, quando hic post emissum votum strictioris Religionis, ad laxiorem transit virtute supradicti privilegij: at quando non virtute huius dispensationis, sed sua sponte laxiorem ingreditur Religionem,

nem, profitereturque in illa, licet proficundo suo voto satisfaciatur, non tamen liberatur à peccato mortali, quod commisit intrando laxiorem, cum promississet strictiorem. *Navar. c. 12. n. 48.*

## QVÆSTIO CLXXVIII.

*An confessarii nostri possint uti hac dispensandi, aut commutandi vota, facultate, cum solis subditis Episcopo Diœcesis, in qua sunt Religiosi?*

**R**ODER. *super Bullam* § 9. *nn. 120.* affirmat. Quia privilegium concedit sola vota in quibus potest Episcopus dispensare: sed Episcopus illius diœcesis in solis votis suorum subditorum potest dispensare: ergo idem dicendum est de Religiosis illius diœcesis.

At omnino tenendum est, nostros confessarios virtute prædicti privilegij posse dispensare, & commutare vota, non solum subditorum illius diœcesis in qua sunt; sed etiam quorumcumque, vnde cumque ad se venientium. Ratio est, quia illa restrictio, ut possunt dispensare in solis votis, in quibus possunt Episcopi, intelligitur sic, ut nequeant dispensare in votis Romano Pontifici, qui toti orbi præest, reservatis: nec est cur ea restringenda sit ad subditos illius diœcesis, in qua sunt Religiosi.

## QVÆSTIO CLXXIX.

*Utrum confessarii hac dispensandi in votu facultate possint in solo Sacramento confessionis uti?*

**E**T quidem certum est, superiores erga suos subditos posse commutare, & dispensare etiam in foro exteriori. Quia hoc faciunt per viam auctoritatis, & ordinariæ potestatis,

quemadmodum Episcopi erga suos subditos.

## QVÆSTIO CLXXX.

*Sed quod vertitur in dubium est, de confessariis, qui ex commissione possunt vota dispensare?*

**C**ORDUBA *in sum. q. 11. l. 2. Sayr. lib. 3. cap. 8. num. 10.* & Sorbus *in compendio privilegiorum Mendicantium verb. votum in suis annotationib.* tuetur partem affirmativam. Quia in prædictis privilegiis petitur, ut dispensaturus sit confessor ab ordinario approbatus.

At multò verius est, posse confessarios ea facultate dispensandi, vel commutandi uti extra confessionem. Ratio est, quia in privilegiis dispensandi, concessis Religiosis supra relatis, nulla fit mentio confessionis, quia ea potestas non est data simul cum potestate absolvendi à peccatis.

Tum quia quando privilegium non restringit expressè ut dispensatio fiat in Sacramento confessionis, aut in foro pœnitentiæ, non est opus confessione, licet petat ut dispensans sit confessor approbatus, quia nomen confessoris est magis munus, quàm actualis exercitij, & solum requiritur, ut pro munere audiendi confessiones sit approbatus: Nec etiam sufficit ut dispensatio necessario fieri debeat in confessione, si privilegium dicat, dispensationem concedi pro solo conscientie foro, quia forum conscientie latius patet, quàm forum pœnitentiæ sacramentalis, & per illam clausulam solum excluditur, ne dispensatio valeat pro foro externo. Nā Episcopis concedit Trid. sess. 24. *de reform. c. 6.* absolute in solo conscientie foro à quibuscumque casibus occultis. Et tamen praxis habet, ut extra confessionem absoluant. Et idè ita tenent *Navar. lib. 3. Constit. de privileg. conf. 11. n. 2.* ubi ait verba, hæc absolute in

foro conscientie, non importare, ut absolutio sit in solo penitentiae foro, sed ut nullatenus pro foro externo proficit. Et in *Man. cap. 27. nu. 41.* cum multis aliis tuetur, iudicem nedum sacerdotem, posse absolvere ab excommunicatione in foro conscientie: cum tamen sit incapax audiendi confessiones. *Emman. S. verb. excommunicatio, ubi de absolutione ab ea nu. 1.* ubi ait, habentem facultatem absolventi, vel dispensandi in foro interiori, posse id extra confessionem exequi. *Suar. lib. 6. cap. 16. num. 4. Roder. 10. 1. qq. regul. 10. 1. q. 61. art. 10. & Sanch. lib. 8. disp. 34. nu. 19.*

4 Nec obstat ratio in contrarium adducta, quia prædicta privilegia petunt, dispensaturum esse confessarium approbatum ab ordinario, non eo quod necessario auditurus sit confessionem, sed quia, ut sciat dispensare, exigitur scientia, & cum hæc non constet summo Pontifici, petit, ut sit ab ordinario approbatus, & ad audiendas confessiones idoneus.

Ex quo sequitur dispensationes commissas à sacra penitentiaria discreto confessori pro solo conscientie

foro, posse expediri extra confessionem, ut Sanch. & Suar. ubi supra annotarunt.

## QVÆSTIO CLXXXI.

*An Privilegia dispensandi, & commutandi vota, & absolventi à reservatis, concessa religiosis nostra Congregationis quoad sacculares, suspendantur per Bullam cruciatam?*

NAVARR. lib. 5. conf. tit. de privileg. 1  
conf. 16. num. 1. Lop. 2. p. cap. 2. & Roder. in addit. ad Bullam §. 12. nu. 4. censent ea suspendi. Immo in anno Iubilei suspendi, tenet Navar. §. in Leuit. notab. 28.

Contrarium his omnibus merito 2  
affirmant Henric. lib. 6. de penit. c. 16. num. 7. & lib. 7. de indulg. cap. 28. nu. 7. Roder. tom. 1. qq. regul. q. 61. art. 14. Immo nec in anno Iubilei centesimi suspenduntur, ut tenet idem Henric. eodem libro 7. de indulg. cap. 28. num. 7. & cap. 21. num. 3. & dicit probabile idem Navar. eod. notab. 28. sine.

*Et hæc satis de dispensatione.*



# DE VOTORVM COMMVTATIONE. LIBER QVARTVS.

**E**XTIMVS de irritatione, & dispensatione votorum, consequens nunc est, vt de eorum commutatione in hoc libro exactè disputemus, de qua differunt Scholastici cum Magistro Sent. in 4. dist. 18. D. Thom. 2. 2. q. 28. art. 12. & Caietan. *ibidem* Sotus lib. 7. de iust. q. 4. art. 1. Valent. 2. 2. dispus. 6. q. 6. Suar. lib. 6. de relig. cap. 18. Sayr. lib. 6. cap. 12. & Nauarr. in *Men.* cap. 12. Summisitæ verò, vt Syluest. Tab. Ang. Armil. & alij verbo *votum*, & verbo *commutatio* & vt à definitione eius exordiamur, queritur in primis.

## QVÆSTIO I.

*Quid sit commutatio voti?*

**R**ESPONDEO quod est *Permutatio materię voti in aliam materiam meliorem, vel aequalem.* Vt si votum peregrinationis commutetur in ieiunium, vel orationem. Vnde quamuis per dispensationem voti vinculum dissoluatur per commutationem tamen non dissoluitur, sed sola

materia voti transfertur, manente eodem vinculo. Quare vouens, ad id in quod votum commutatur, tenetur ex eiusdem voti vinculo, non autem ex vi alicuius alterius præcepti; vt testè Caietan. in *summ. verb. votum cap. ultimo.* & Sotus lib. 7. de iust. q. 4. art. 1. annotarunt. Vnde non est audiendus Syluest. *verb. votum. 4. in principio* qui dixit in commutatione annulationem obligationis voti interuenire.

Hinc, plus est in voto dispensare, quàm votum commutare. Quia per dispensationem voti vinculum relaxatur, non item per commutationem.

## QVÆSTIO II.

*An ad commutationem voti, regulariter superioris auctoritas requiratur?*

**R**ESPONDEO requiri. Ratio est, quia cum votum sit promissio facta Deo de illo, quod ipsi est gratum, voti commutatio fieri debet tantum in id, quod Deo est gratum, & acceptum. Quid autem tale sit, pendet ex ipsius voluntate, quod definire, spectat regu

regulariter ad Prælatos, & Pastores, qui in Ecclesia gerunt vicem Dei, de quibus dixit Luc. 10. *Qui vos audit, me audit.* Et ita tenet D. Thom. communiter receptus 2.2. q. 83. art. 12.

Dixi consulto (*regulariter*) quia interdum quis propria sua auctoritate votum suum commutare potest.

### QVÆSTIO III.

*Quinam possint vota commutare?*

**R**ESPONDEO, Prælati habentes iurisdictionem spiritualem in foro exteriori. Quales sunt Romanus Pontifex, Episcopi, ac cæteri Ecclesiarum Antistites, qui in aliquos Episcopalem iurisdictionem habent. Unde Prælati religionum, ut Generales, Prouinciales, Abbates, Priores, Suppiores eandem potestatem habent circa suos subditos: quia eorum iurisdictione quasi Episcopalis reputatur. Sed inferiores sacerdotes nullatenus possunt vota commutare, nec etiam Parochi curati: quia non habent iurisdictionem quasi Episcopalem, nisi ad hoc priuilegio pontificio muniantur. Romanus igitur Pontifex vniuersim potest omnia, & omnium Christianorum vbique degentium vota commutare. Episcopi in sua diocesi habent potestatem commutandi omnia vota simplicia suorum subditorum, præter ea, quæ reseruantur à Papa. Prælati verò Regulares eandem potestatem habent circa suos subditos.

Ex quo colligitur primò, nec laicum, nec fœminam esse huius auctoritatis capacem. Quare Abbatissa nequit vota Monialium commutare, sicut etiam ostendimus eam non posse in Monialium votis dispensare. Quia vtraque potestas est actus iurisdictionis spiritualis.

Secundò colligitur, hanc potesta-

tem commutandi vota non esse apud infideles. Quia in eis nulla potest esse iurisdictione spiritualis. Quæ omnia secus se habent, loquendo de potestate commutandi vota in id, quod certò, & euidenter est melius; cum enim ea nullius iurisdictionis actus sit, sed proprio cuiusque vouentis arbitrio fieri possit, est apud laicos, & fœminas, & infideles.

### QVÆSTIO IV.

*An Prælatus possit cogere subditum, ut commutationem acceptet?*

**R**ESPONDEO non posse. Ratio est, quia subditus non vult nisi, v. g. ieiunium: si ergo illud non permittitur, non potest cogi ad aliud diuersum: quia non potest cogi ad vouendum, cum votum sit actio personalis.

### QVÆSTIO V.

*An commutatio sine consensu subditi acceptantis, sit valida?*

**B**EAT. in suis responsis p. 2. casu 9. affirmat valere.

Arbitror tamen contrarium esse tenendum: nam per commutationem illam, acceptatur, & emittitur votum circa materiam subrogatam: at obligatio voti circa illam materiam nequit contrahi absque vouentis voluntate, cum votum sit actio personalis.

### QVÆSTIO VI.

*An ut commutatio valeat ratione facti consensum, sufficiat, ut facti consensum*

*consentiens consensum internum  
præstet?*

- 1 **R**ESPONDEO sufficere, quia cum talis commutatio externè sit valida, & solus consensus internus desideretur, eo accedente, nil ad eius valorem deest.

## • QVÆSTIO VII.

*An ad commutandum votum in melius, & magis Deo acceptum, superioris auctoritas requiratur, an potius propria vouentis auctoritate commutari valeat?*

- 1 **E**T quidem, si res sit dubia, an id in quod votum debet commutari, sit melius, necne, non potest quis votum illud absque Prælati licentia in aliud commutare. Ratio est, quia cum votum sit promissio facta Deo de re illi grata, voluntas Dei non per subditum, sed per Prælatum Christi vices gerentem exploranda est, ut ipse in persona Dei definat quid Deo gratum, & acceptum sit. Ita D. Thom. 2. 2. q. 88. art. 12. Caiet. ibidem, Sot. lib. 7. q. 4. art. 3. & Suar. lib. 6. cap. 18. n. 8.

- 2 **E**x quo colligitur, non satis esse opinionem probabilem excessus illius materiæ subrogatæ. Quia etsi hæc sufficiat ad rectè operandum non tamen satis est ad soluendum vnum pro alio, quando de creditoris voluntate non constat.

Tum quia hic assensus opinatius non affert euentiam, sed solam probabilitatem ut rectè docet Valent. 2. 2. disp. 6. q. 6. p. 7.

Sed quod in dubium vertitur est: An ad commutandum votum in id quod certò, & euidenter est melius, superioris auctoritas exigatur, an po-

tiùs propria vouentis auctoritate commutari valeat.

Quæstio hæc intelligitur, quando nulla est iusta causa commutandi, sed sola pro ratione voluntas.

Richard. in 4. dist. 38. q. 1. art. 8. D. Bonau. ibidem q. 2. art. 1. Palac. dist. 3. fol. 875. & Syluest. verbo votum 4. q. 7. tenent exigi Prælati auctoritatem. Ex-  
3  
cipiunt tamen. votum religionis, in quod ex iuris dispositione, omnia alia vota commutari possunt sine Prælati licentia. Huius sententiæ videtur aperte D. Thom. in 4. dist. 38. q. 1. art. 4. q. ult. in corpore, ubi hæc ait. Commutatio est quidam contractus, qui perfici nequit, absque consensu viriusque partiu, & ideo nequit fieri sine consensu eius, qui vicem Dei gerit in terris. Quare si virumque  
4  
votum est compossibile, debet virumque seruari, nisi auctoritate superioris minus præcedens in votum maius commutetur. Hæc S. Thom.

Angelus verbo votum 4. num. 2. ait, sufficere ad hanc commutationem licentiam petitam, etiam si non sit ob-  
5  
tenta.

Sed dicendum est, nulla opus esse superioris auctoritate ad commutandum votum in rem euidenter præstantiorem, & meliorem, sed quemcumque posse propria auctoritate sic commutare. Ratio est, quia votum ideo obligat, quia est promissio de re grata Deo, sed qui commutat votum in rem meliorem, reddit Deo rem gratiorem: ergo satisfacit voto, etiam si non accedat Prælati auctoritas, cum hæc ex D. Thom. 2. 2. q. 88. art. 12. re-  
6  
quiratur ad voti commutationem, ut ipse definat in persona Dei id in quod fit voti commutatio, esse Deo gratius, & acceptius: quoties igitur hoc certum est, nulla erit auctoritas Prælati necessaria.

Tum quia in eo quod melius est, censetur contineri, quod minus est.

M m Vnde

Vnde dando melius, optimè soluit, quod promiserat.

Et est conclusio definita in *cap. Peruenit 2. de iureiur. vbi dicitur, Promissum etiam iuratum non frangit, qui in melius illud commutat.* Et in *cap. Scriptura de voto*, dicitur, *Res fracti voti non habetur, qui temporale obsequium, in perpetuam noscitur religionis obseruantiam commutare.* Et ideo ita sentiunt D. Thom. 2. 2. *quæst. 88. artic. 12.* Caictan. *ibidem & in summ. verb. votum cap. vltim.* Sor. *lib. 7. quæst. 4. art. 3.* Nauarr. *cap. 12. num. 75.* Arag. 2. 2. *quæst. 88. artic. 12.* Cord. *summ. quæst. 149.* Azor. *lib. 11. cap. 18. quæst. 1.* Sayr. *lib. 6. cap. 12. num. 5.* Valent. 2. 2. d. 6. q. 6. p. 7. Toler. *lib. 4. cap. 18. nu. penult. & Suar. lib. 6. cap. 18. num. 4.*

Obiicit, debitor soluens rem meliorem, non satisfacit suæ obligationi, sed tenetur rem promissam soluere, vt habetur in *lib. 2. ff. si certum petatur: ergo.*

Respondeo disparem esse rationem de homine, & de Deo; non enim quo melior est res, est homini gratior: At Deo, quo opus est melius, eo est gratius.

Dices, in *cap. 1. de voto, & voti redempt.* dicitur, commutationem voti pendere ab arbitrio superioris.

Respondeo esse necessariam superioris auctoritatem, quando commutatio fit in æquale, vel quando dubitatur, an id in quod fieri debet commutatio voti, sit melius.

Dices, religionem laxiorem professas non potest ad actiorem religionem transire, nisi petita facultate à superiore *cap. Lucet de regularibus.*

Respondeo cum quis laxiorem religionem est professus, se illi iam tradidit: & ideo non potest ad aliam religionem transire, præsertim cum canones eiusmodi transitum prohibeant, ne cum detrimento religionis, vel ex

ira, leuitate animi, aliæ perturbacione fiat.

Ex quo colligit Arag. 2. 2. q. 88. art. 8. votum castitatis, & religionis in nullam aliam rem posse commutari sine auctoritate Prælati, quia nihil his votis potest esse melius, vt constat ex illo Prou. 16. *Omnis ponderatio non est digna anima continentis.* Hoc idem colligit Sorus *lib. 7. quæst. 4. art. 3.* de voto vltimario, quia Romanus Pontifex in *cap. Ex multa de voto.* Eius commutationem sibi reſeruat. Sed verius est dicere, quod si constar id, in quod fit commutatio esse melius, non esse necessariam Prælati auctoritatem.

## QVÆSTIO VIII.

*An vota que in alicuius tertij utilitatem sunt, possint propria auctoritate in euidenter melius commutari?*

HENRIQ. *lib. 7. de indulg. cap. 30. num. 5.* & Syluest. verbo *votum 4. q. 7.* negant.

Cæterum, quamuis hoc satis probabile sit, at probabilius existimo posse, dummodo talia vota purè, & nudè soli Deo fiant, & non homini. Ratio est, quia per hæc vota, soli Deo oritur obligatio & nullum ius acquiritur homini: & ideo per commutationem, non fit illi præiudicium, etiam si cedat in aliquod incommodum eius, seu in carentiam commodi, quod est longè diuersum.

## QVÆSTIO IX.

*Quid nomine maioris boni hic intelligantur?*

RESPON



**R**ESPONDEO non intelligi omne id, quod ex genere suo est opus excellentioris virtutis, atque adeo gratius, & magis acceptum ex natura operis; sed id quod omnibus expensis est melius, commodius, & aptius vouenti ad finem voti sibi propositum. Vnde in voti commutatione, potius attendenda est utilitas vouentis, quam materię magnitudo.

Hinc, qui ad carnis macerationem vouit ieiunium, si illud postea sine licentia Prælati commutet in eleemosynam, non censetur rectè votum commutasse in melius: quia licet per se, & ex suo genere melior sit eleemosyna, quàm ieiunium, cum hoc sit opus temperantię, & illa misericordię actus, quam constat esse temperantię excellentiorem; tamen ad libidinem refrænandam non est adeo utilis, ac ieiunia, & alię corporis castigationes. *Suar. lib. 6. cap. 18. numer. 8.*

Hinc, qui ad avaritiā comprimentam, eleemosynam vouit, non potest deinde ipsemet eiusmodi votum in orationem commutare. Quia licet oratio ex natura rei sit opus maioris virtutis, tamen ei, qui vouit est minus aptum, & opportunum remedium ad eum finem consequendum.

Hinc, votum recitandi septem Psalms pœnitentiales, potest sine licentia Prælati commutari in votum dicendi Rosarium, & peregrinationem ad Beatam Mariam Montis Regalis, in peregrinationem ad Domum Lauretanam; & ieiunium ordinarium in ieiunium solius panis, & aque, aut in aliam austeriorem pœnitentiam, vt flagellationis, vel cilicij: & votum inseruiendi alicui hospitali paruo, quod parum indiget suo seruitio, in votum seruiendi alteri maiori in quo, ob multitudinem inser-

morum est multum laborandum: & omnia vota personalia, & realia in votum religionis: & votum ingrediendi religionem laxiorem in arctiorem. Ratio horum est, quia hæc vota commutantur in id, quod continet id quod vouit, & aliquid amplius, ac proinde est aptius remedium ad finem voti consequendum.

Hinc, qui vouit dare centum alicui Ecclesię, & postea occurrit occasio dandi ea in dorem puellę, cuius honor alijs periclitaretur, potest sine licentia Prælati, huic ea præstare.

## QVÆSTIO X.

*An ad voti commutationem in id, quod est æquale bonum, Prælati auctoritas requiratur?*

**E**T quidem, si res sit dubia, vtrum id, in quod votum debet commutari, sit æquè bonum, necne, manifestum est, ad hanc voti commutationem necessariam esse superioris auctoritatem, vt expressè definitur, in *cap. de voto, & voti redempt.* & tradit eleganter Sotus *lib. 7. quæst. 4. art. 3.*

Quæstio igitur est, quando pro certo, & manifestè constat id, in quod fit commutatio, esse æquè bonum, & gratum Deo.

Bartholomeus Medina in sua instructione confess. *lib. 1. cap. 14. §. 7. Lop. p. 1. cap. 49. Roder. p. 2. cap. 102. num. 4. Henriq. lib. 7. de indulg. cap. 30. num. 5.* Et multi alij tenent in hoc casu non esse necessariam superioris auctoritatem; sed quemcumque posse propria auctoritate sic commutare: nam eo ipso, id in quod votum commutatur, est Deo æquè

Mm 2 gratum,

gratum, & acceptum. Hanc opinionem censent esse probabilem Arag. 2.2.q.88.art.12. & Suar. lib.6.cap.20. num.4.

- 2 Ex quo inferant, eum qui vouit intrare certam religionem, & postea eligit aliam æqualem; vel si promisit certam pecuniam, & postea dat calicem eiusdem valoris, abundè suo voto satisfacere.

- 3 Sed communis, & verior sententia est, non posse propria vouentis auctoritate commutationem voti fieri in rem æquè bonam, sed superioris auctoritate indigere. Et ratio est, quia non est certum acceptari à Deo eam commutationem, cum nulla utilitas in ea eluceat: ergo oportet intercedere auctoritatem Prælati interpretantis vice Dei eam voluntatem.

Tum quia in hac æqualitate materia promissa excedit, eo quod ad Dei cultum spectet perseverantia in priori voto, ubi aliquid euidenter melius loco illius non præstatur, quo compensetur recessus à priori voto.

- 4 Tum quia cum sit difficillimum, immo ferè impossibile vtriusque materie æqualitatem nosse euidenter, non est verisimile talem commutationem esse relictam vouentis arbitrio; sed potius ad eam requiri superioris auctoritatem, qui loco Dei eam ipsam æqualitatem definiat.

- 5 Et videtur esse conclusio definita in cap.1. de voto, ubi dicitur, requiri auctoritatem Prælati, quoties incertum est, an res sit gravior Deo: ergo multò magis requiritur, quando ad summum constat esse æqualem, & non meliorem. Et idè ita sentiunt Caiet. 2.2.q.88.art.12. & in sum. verbo votum cap.vlt. Sot. lib.7.q.4.art.3. Couar. de pactis 1.p.5.3.num.4. Cord. sum.q.149. Toler. lib.4.cap.18. num.penult. Arag. 2.2.q.88.art.12. Azor. lib.11. cap.18.q.2. Sayr. lib.6. cap.12. num.8. Emman.

Sà verb. votum num.2. Suar. lib.6.cap.19. num.3. & alij communiter.

Potest tamen prima opinio recipi in casu, quo vtriusque materie æqualitas esset euidenter; at dubium est, an posterior in quam debet fieri commutatio, sit melior, aut probabile est, eam esse præstantiorem. Quia tunc talis commutatio cederet in maiorem Dei gloriam, si quidem potest augere, non tamen minuire Dei cultum.

## QVÆSTIO XI.

*An commutatio voti in bonum euidenter æquale, possit arbitrio, vel iudicio privati confessoris fieri?*

LESSIVS lib.2. de inst. cap.40. dub. 16. num.105. & Vivald. candel. Sacram. 3.p. cap.14. num.16. affirmant.

Alij verò rectius negant. Ratio est, quia iurisdictio ordinaria confessoris carentis potestate delegata ad commutandum, solum extenditur ad forum penitentiae, ad quod nec dispensandi, nec commutandi potestas pertinet, sed ad Ecclesie gubernationem in foro externo; & sic censetur in hoc casu quasi persona priuata. Sic Suar. lib.6. cap.19. num.6.

## QVÆSTIO XII.

*An qui vouit rem usu consumptibilem, ut v. g. vinum, satisfacias voto, dando oleum eiusdem valoris?*

RESPONDEO satisfacere. Ratio est, quia inter hæc non est moralis mutatio, sed tanquam idem reputantur. Quod secus contingit in alijs

aliis, quæ non habent tam facilem commutationem, & quæ ratione suæ speciei peculiarem æstimationem habent, ut domus, equus, & id genus alia, quæ non unico usu consumuntur. Vnde si promissisti pecuniam, non satisfacis voto, dando calicem valoris eius pecuniæ, quia fortasse Ecclesiæ est utilior pecunia, quam calix, qui licet ratione materiæ, & operis possit vendi, tamen illud ipsum est grauius minuens æqualitatem. Vnde in his rebus, sicut nemo in cuius utilitatem res cedit, potest inuitus ad commutationem compelli, ita etiam respectu Dei fieri non potest, sine consensu eiusdem partis vel superioris, qui vice Dei solutionem approbet. Ita Suar. lib. 6. cap. 19. num. 9.

Hinc, qui vult tradere filium determinatum religioni, non satisfacit suo voto offerendo alterum. Quod probant rationes allatæ. Quod intelligitur nisi filius oblatas cæteris omnibus pensatis, sit aptior religioni illi, quia tunc commutatio esset in euidenter melius: nec filius promissus tenebatur religionem ingredi, utpote qui paterno voto ligari nequit, nec ipse vouit.

### QVÆSTIO XIII.

*An hæc æqualitas in votis commutandis, sit accipienda mathematicè?*

**R**ESPONDEO minimè, sed moraliter; & ad boni viri arbitrium cessante fraude, & lata culpa, iudicanda est; ita ut prudenter aut nulla, aut parua differentia esse credatur. Ratio est, quia cum æqualitas mathematica consistens in puncto indiuisibili, sit cognitiuè impossibilis, vana esset commutandi potestas, si hæc æqualitas sic

scrupulosè capienda esset.

Tum quia Deus non est superstitiosus, sed potius est illi acceptum cæteris paribus, quod alacriori, & promptiori voluntate ei persoluitur. Ita Suar. lib. 6. cap. 19. num. 9. & Lop. p. 1. cap. 50.

### QVÆSTIO XIV.

*An qui absque debita æqualitatis inuestigatione commutat vota, peccet mortaliter?*

**R**ESPONDEO eum peccare mortaliter. Ratio est, quia deficit in re graui, lædit enim diuinum cultum notabiliter. Quare optimum consilium erit, quando mera commutatio sit, commutari in aliquid parum melius, quia sic commutans tutius & Dei negotium fideliter agit. Ita Caiet. in summa verbo votum cap. ultimo. Suar. lib. 6. cap. 19. num. 14. & alij.

### QVÆSTIO XV.

*An commutatio fieri possit in materiam, de cuius æqualitate dubitatur?*

**R**ESPONDEO posse. Ratio est, quia quando res est ita dubia, modica potest esse inæqualitas, & ista censetur æqualitas moralis. Quia in moralibus iuxta Aristotelem, quod parum distat, quasi nihil distare videtur. Et ob hæc dubia, conceduntur potissimè priuilegia commutandi, censendumque est voluisse delegantem concedere aliquam benignitatem. Ita Suar. lib. 6. cap. 19. num. 9.

## QVÆSTIO XVI.

*An qui priuata autoritate commutat suum votum in rem euidenter aequalem, peccet mortaliter?*

**S**VAR. lib. 6. cap. 19. num. 14. tenet eum peccare mortaliter. Quia facit actum nullum; nisi per ignorantiam, vel adhesionem ad aliam opinionem, quam putat probabilem, excusatur.

Caterum nullatenus placet mihi hæc sententia, sed existimo eum solum peccare venialiter. Quia est infidelis in re modica, quæ deficit, ut res illa sit melior. Sicut peccat venialiter, qui modicum materiæ promissæ omittit. Nec ratio in contrarium allata obstat, quia eam commutationem valere ostendimus inferius. Et ideo ita sentit Petr. de Ledesm. 2. tom. sum. tract. 10. cap. 8.

## QVÆSTIO XVII.

*An ad commutandum votum in minus bonum, superioris auctoritas requiratur?*

**R**ESPONDEO requiri. Ratio est, quia in tali commutatione admiscetur dispensatio, qua condonatur pars eius, quod ex voto debetur Deo: ad dispensationem autem, ut diximus, semper necessaria est Prælati auctoritas: ergo & ad commutationem in minus bonum. Quare admonet Caiet. 2. 2. q. 88. art. 1. 2. quod quando petitur commutatio simul etiam petatur dispensatio, ut commutatio sit securior.

## QVÆSTIO XVIII.

*An commutatio absque consensu Prælati facta, sit valida.*

**R**ESPONDEO non esse validam. Ratio est, quia actus non operantur ultra agentium intentionem. 1. Non omnis initio ff. si cerium petatur.

## QVÆSTIO XIX.

*An cum in Iubileis, aut per Bullam cruciatam, vel privilegium concessario datur absolute facultas commutandi vota, intelligatur concedi facultas etiam commutandi in id, quod est minus bonum?*

**B**ARTHOL. Med. in sua instruct. lib. 1. cap. 14. §. 7. Arag. 2. 2. q. 88. art. 12. Lop. p. 1. cap. 47. Tolet. lib. 4. c. 18. num. penult. Sæ verb. votum ubi de votorum irrit. num. 10. Henric. lib. 7. de indulg. cap. 30. nu. 5. Less. lib. 2. cap. 40. dub. 16. num. 109. & Roder. 2. p. sum. cap. 102. num. 4. volent concedi etiam facultatem commutandi vota in aliquid minus. Quia aliis privilegium nihil operaretur, cum absque eo possint vota absque iusta causa in melius, & Deo gratius autoritate propria, & in æquè bonum cum causa iusta auctoritate Prælati commutari.

Tum quia beneficium Principis est largissimè interpretandum 1. Beneficium ff. de constitut. Principum. Et eo modo est intelligendum, ut aliquid operetur, quod stando in iure communi, non licebat.

Angelus verbo votum 3. n. 26. Cord. sum. q. 140. & 150. & Viuald. candel. sacram. p. 4. cap. 14. nu. 20. & 58. idem admittunt cum hac limitatione, si iusta commutandi causa adsit.

Alij verò rectius docent, non intelligi concedi facultatem commutandi in id quod est minus bonum. Ratio est, quia et si Privilegia hæc fauorabilia sint, non sunt tamen extendenda.

tendenda vltra verborum proprietatem, commutatio autem propriè significat æqualitatem.

Et confirmatur; nam voti commutatio, eo ipso quod fit in minus, transgreditur limites puræ commutationis, & nonnihil habet dispensationis admixtum: ergo qui commutat, in minus, ex parte voti vinculum soluit, cum tamen facultas commutandi id minime significet, quoniam permutatio rerum, æqualitatem inter ea quæ permutantur, requirit, vt Arist. 3. *Eth.* testatur.

Nec tamen rectè inferunt, parum, aut nihil operari priuilegium commutandi vota, quia cum in euidenter æquale propria autoritate commutatio fieri nequeat, non parum est beneficium, vt in illud possit commutari autoritate confessoris.

Nec placet limitatio Angeli &c. quia causa illa nõ potest variare commutationis naturam, & concedere facultatem admiscendæ dispensationis ei, qui sola commutandi gaudet. Et idè huius sententiæ sunt, Sorus egregius Thomista lib. 7. q. 4. art. 3. Caiet. 2. 2. q. 88. art. 12. & in sum. verbo *votum cap. vltimo* Syluest. verb. *votum* 4. sine Palud. in 4. d. 38. q. 4. art. 3. & ibi Supplem. Gabr. q. 1. art. 5. Rosel. verbo *votum* 5. nu. 6. Alcozer. sum. cap. 16. vbi de *commut. votorum*. Beia in suis responsis 1. p. cap. 49. Couar. de palliè 1. p. § 3. nu. 4. Azor. lib. 11. cap. 18. q. 6. Sayr. lib. 6. cap. 12. nu. 9. & Suar. lib. 6. cap. 12. nu. 6. & cap. 19. nu. 7. & 8.

## QVÆSTIO XX.

An ad commutandum votum iusta, & legitima causa requiratur?

INNOCENTIUS cap. 1. de voto nu. 1. Inico, & Archid. cap. Presbyter disp.

82. nu. 3. censent ad commutandum votum, etiam in melius, necessariam esse causam legitimam.

Lopius p. 1. instr. confess. cap. 49. 2. & Rodet. p. 2. sum. cap. 102. nu. 4. dicunt requiri causam, quando commutatio fit in minus. Et idè sentire videntur, secus esse, quando fit in melius, aut in euidenter æquale. Pro quo,

Primò dico, quod commutatio quæ fit in id, quod certo, & euidenter est melius, iustam, & rationabilem causam non requirit. Ratio est, quia huiusmodi commutatio nulla Prælati autoritate eget, sed proprio vouentis arbitrio fieri potest.

Tum quia, cum ex ea commutatione magis augeatur cultus diuinus, is solus excessus est legitima causa. 3. Ita Sor. lib. 7. q. 4. art. 3. Sayr. lib. 6. cap. 12. nu. 25. Azor. lib. 11. cap. 18. q. 3. & Suar. lib. 6. cap. 18. nu. 9.

Secundò dico, quod quando commutatio fit in rem certò æqualem & probabile est, esse meliorem, aut dubium est, an sit melior, nulla causa desideratur. Ratio est, quia vt diximus hæc commutatio potest propria vouentis autoritate fieri.

Tum quia, qui sic commutat, fideliter tractat negotium Dei, cum sit certus de nulla iactura, & dubius de lucro. Ita Suar. lib. 6. cap. 18. nu. 10.

Tertiò dico, quod commutatio in æquale bonum, iustam, & debitam causam requirit. Ratio est, quia hæc commutatio indiget autoritate Prælati, cuius vsus non potest esse ad libitum, sed rationi consentaneus: ergo aliquam causam requirit.

Tum quia, eo ipso quod opus reddendum secundum se non est melius, est magis consentaneum excellentiæ diuinæ, ac fidelitati ei debitæ, soluere in propria specie, quod fuit promissum: ergo vt non fiat hoc, quod per se debitum

debitum est, aliqua causa postulatur. Sic Caiet. 2. 2. q. 88. art. 12. Couar. de pactis 1. p. §. 3. num. 4. Sayr. lib. 6. cap. 12. num. 8. & 25. Azor. lib. 11. cap. 18. q. 3. & Suar. lib. 6. cap. 19. num. 5. & 14.

Quartò dico, quod quando commutatio fit in minus, aut in rem, de cuius æqualitate dubitatur, à fortiori iusta aliqua causa desideratur. Ratio est, quia huiusmodi commutatio Prælati auctoritate indiget.

6 Tum quia miscetur dispensatio; ad dispensationem autem ultra Prælati auctoritate, semper necessaria est causa. Ita Suar. lib. 6. cap. 18. num. 10. & Roder. p. 2. summ. cap. 102. num. 4.

Quintò, & ultimò dico, quod priuilegium non confertur simpliciter, sed cum aliquo onere, ob bonum commune, vt fit per Bullam Cruciatam, vel Iubilæum, & tunc nulla alia est opus causa, quàm conferre elemosynam in belli subsidium præscriptam in Bulla, & exequi opera in Iubilæo definita. Quia ob eam causam Pontifex id priuilegium concedit. Ita Suar. lib. 6. cap. 19. num. 10. & Roder. in addit. ad Bullam Cruc. §. 9. n. 107.

est, si id in quod commutatur, sit melius, & Deo gratius. Immo, vt ait Illusterrimus Caiet. sufficit, id in quod fit commutatio, esse æquale: redundar enim honor Christi, & utilitas Ecclesiæ ex hoc etiam, quod Prælati in persona Christi gratiosum se præbet ei, qui suæ Maiestati voluntariè se obligauit, condescendendo benignè illi, & acceptando illud, quod est æquale, & ad quod exequendum maior est vouentis propensio, vt non quasi gemens, sed cum gaudio debitum suum soluat, quandoquidem hilarem datorem diligit Deus 2. Cor. 9.

Sic enim facilius homines inducentur hac benignitate ad vouendum. Quamquàm vt commutans tutior sit, conari debet, vt commutet in aliquid parum saltem melius. Si autem sit dubium, an sit æquale, sufficit notabilis aliqua molestia in implendo, vel magna fragilitas cum periculo violandi, vel repugnantia parentum. Et ideo ita tenent Caiet. 2. 2. quæst. 88. art. 12. & in sum. verbo votum cap. olim. Cord. sum. q. 149. Lessi. lib. 2. cap. 40. dub. 16. Valent. 2. 2. d. 6. q. 6. p. 7. & Suar. lib. 6. cap. 19. num. 10.

## QVÆSTIO XXI.

*An ad commutationem voti requiratur causa illius executioni obstat?*

1 SOTUS lib. 7. q. 4. art. 3. Sayrus lib. 6. cap. 12. nu. 26. & Azor. lib. 11. cap. 18. q. 3. volunt, requiri causam obstantem, qualis est impotentia, vel incommoditas, seu difficultas præstandi promissum.

Nihilominus contrariam sententiam existimo veriorem. Et ratio est, quia per commutationem non tollitur voti vinculum, sed eo manente, sola materia commutatur, vnde satis

## QVÆSTIO XXII.

*An commutatio qua fit in æquale, aut minus bonum sine iusta causa sit ipso facto irrita?*

1 NAVAR. lib. 3. cons. sit. de voto, cons. 19. num. 1. Lop. p. 1. cap. 50. & Azor. lib. 11. cap. 18. q. 12. tenent absolute commutationem in minus bonum, sine iusta causa, esse ipso facto irritam.

Alij verò è contrario docent eam esse validam. Pro quo

Primò dico, quod si Prælati sine causa commutet votum in æquè bonum,

num, talis commutatio tenet. Quia in hoc casu adest potestas in superiore, vultque de facto commutare, & in solo modo peccauit. Nec puto aliquid supplendum, cum substantiæ commutationis nihil desit, sed soli rationabili vsui, idque iure leuissima cum leuissimam causam petat commutatio.

Secundò dico, quod si Prælati sine vlla causa legitima commutet votum in minus, valet quidem commutatio, sed tenetur vouens supplere ad æqualitatem faciendam. Ratio est, quia mitius agitur cura Deo, quam cum hominibus, l. Celsus ff. de receptis arbitris. At inter homines commutatio iniusta defectu æqualitatis inter res permittatas, non est omnino irrita, sed valet, cum obligatione supplendi excessum, vt constat ex l. C. de rescind. vendit. & tradit Molina tom. 2. de iust. disp. 349. ergo à fortiori idem est dicendum in commutatione voti, quæ est contractus initus à vouente cum Deo. Quod existimo tunc fieri posse ad arbitrium boni viri, sine nouo consensu Prælati, quia iam quantum in ipso est, in commutationem consensit ex causa iusta, vt supponitur.

Tertiò dico, quod quando commutatio voti est facta proprio vouentis arbitrio, aut alterius carentis iurisdictione in bonum æquale, aut in minus, non est omnino irrita: sed tenetur vouens vel ad prius votum redire, vel supplere quod commutationi defuit, vt esset in bonum euidenter melius. Ratio est, quia Deus pro sua benignitate semper est paratus ad acceptandam voti commutationem factam à quocumque: & quando fit à non habente iurisdictionem in æquale, aut in minus, est iniurus quoad solum modum: ergo verè satisfiit Deo, supplendo propria authoritate, quod ad iustam commutationem deerat.

## QVÆSTIO XXIII.

*An Prælati commutans votum in bonum æquale, aut minus, absque causa iusta, peccet mortaliter?*

VAR. lib. 6. cap. 19. num. 14. tenet 1  
Seum peccare mortaliter. Quia abutitur sua potestate in re graui, facitque actum de se nullum.

At ego existimo Prælatum, qui commutat votum in æquale absque iusta causa, solum esse, culpæ venialis reum. Quia vt diximus, talis commutatio valet, & abusus potestatis est in re leuissima, parumque in ea cultus diuinus lædatur, cum commutatio hæc leuissimam causam petat. s. vt vouens libentius, & alacrius Deo seruiat, & vt gratitudo quædam ex parte Dei ostendatur.

## QVÆSTIO XXIV.

*Quanam sint iusta causa dispensandi, & commutandi vota?*

RESPONDEO in hoc, certam omnino regulam dari non posse, sed arbitrio Prælati, vel prudentis confessoris definiri debet, quæ sit iusta causa. Nihilominus ex D. Thoni. in 4. d. 38. q. 1. art. 4. q. 3. Sor. lib. 7. q. 4. art. 3. Nauar. cap. 12. nu. 76. Sylu. verb. votum 4. §. 6. & aliis colliguntur aliquæ iustæ causæ in speciali, quibus motus superior dispensare, vel commutare poterit. Quarum prima est leuitas, vel facilitas vouentis.

Secunda est infirmitas, ac debilitas eiusdem ad exequendum votum. scilicet ad ieiunandum, vel peregrinandum.

Tertia est, habere numerosam familiam,

miliam, quæ absque notabili nocu-  
mento, patrisfamilias absentiam, tole-  
rare non potest.

Quarta est necessitas publica, vel  
priuata.

Quinta est metus etiam ab intrin-  
seco conceptus, vt in naufragio.

Sexta est repentina deliberatio.

Septima est utilitas vouentis, &  
magna fragilitas eiusdem.

Octaua est puerilis ætas.

Nona est incommoditas implendi,  
vel difficultas ex parte operis.

Decima est, quando vouens facile  
executionis voti obliuiscitur, & faci-  
lius illud frangit.

Vndecima, & vltima, quæuis causa  
reddens executionem voti illicitam,  
vel inutilem, aut moraliter impossibi-  
lem, aut maioris boni impeditiuam,  
est satis iusta, & rationabilis causa ad  
dispensandum, vel commutandum vo-  
ta secundum D. Tho. 2. 2. q. 88. art. 10.  
& Nauar. cap. 12. num. 76. Quod non  
procedit, quando clarum est, aliquam  
ex quatuor causis prædictis interueni-  
re, quia tunc commutatio necessaria  
non est, sed sufficit interpretatio, qua  
declaretur votum in eo casu non ha-  
bere vim.

## QVÆSTIO XXV.

*An, qui à Papa priuilegium habet  
commutandi vota, possit eadem  
reseruata commutare?*

**R**ESPONDEO, non posse. Ratio  
est, quia vt habetur ex regula 8. r.  
iuris in 6. generali concessione non  
veniunt ea, quæ quis non esset veriti-  
militer concessurus. Ex qua regula in  
cap. Si Episcopus de penis. & remiss. in 6.  
probat, quod si Episcopus suo sub-  
dito generaliter concedat facultatem  
eligendi sibi confessarium, non ideo  
potest electus absolueret à casibus

eidem Episcopo reseruatis.

Tum quia in *extranag. etsi dominici 2.  
sub finem de penis. & remiss.* habetur ta-  
lium votorum commutationem non  
concedi nisi ex speciali causa, & certa  
scientia Papæ.

## QVÆSTIO XXVI.

*Quot, & quanam vota commutan-  
da Romano Pontifici refer-  
rentur?*

**R**ESPONDEO quinque. s. vo-  
tum castitatis perpetuæ, Religio-  
nis, peregrinationis in Hierusalem, ad  
sacra limina Apostolorum Petri, &  
Pauli in urbem, & ad sanctum Iaco-  
bum Compostellæ, vt habetur ex *ex-  
tranag. Etsi dominici*, vbi Sixtus IIII inter  
cætera, sedi Apostolicæ, horum  
quinque vota reseruauit. Et ita obser-  
uat praxis Curie Romanæ, quia in  
priuilegiis ad solam commutationem  
concessis per Bullam, aut Iubileum,  
aut alia religionis indulta, solent hæc  
omnia, aut aliqua illorum excipi. Quia  
ob horum votorum grauitatem, vo-  
luit Pontifex ea in propria specie sol-  
ui, nisi aliud ipse indulerit.

## QVÆSTIO XXVII.

*An possint hæc commutari in opera  
evidenter meliora, præter re-  
ligionem?*

**A**RAG. 1. 2. q. 88. ar. 12. Sayr. lib. 6. 1  
cap. 12. nu. 14. & Valent. 2. 2. d. 6.  
q. 6. p. 7. affirmant, quia cum commu-  
tatio hæc in maiorem Dei cultum ce-  
dat, non censetur à Pontifice impedi-  
rit: id enim videtur contra bonos mo-  
res, utpote quod meliori bono obstat.

At omnino dicendum est, id fieri 2  
non posse. Ratio est, quia iure optimo  
potuit Pontifex in his votis grauioti-  
bus,



bus, hoc sibi iudicium referuare, an expediat illa commutari: ac proinde ex quo sibi referuauit, tollitur inferioribus qualicumque ea commutandi facultas. Nec hoc est contra bonos mores, quia per hoc non prohibetur simpliciter maius bonum, sed præscribitur modus transeundi ad illud ex licentia superiorem vicarij Christi, cui aliud bonum erat in specie promissum. Ita Sot. lib. 7. q. 4. art. 3. Sanch. lib. 4. decalogi cap. 52. num. 4. & Suar. lib. 6. cap. 21. num. 17.

### QVÆSTIO XXVIII.

*An votum religionis possit commutari in perpetuam continentiam?*

- R**ESPONDEO non posse. Ratio est, quia etsi id votum non obliget ad profitendum, sed solum ingrediendum ad experiendum, & si ei religio placuerit, manendum ibi perpetuo: præstantius tamen bonum reputatur, quàm quodcumque aliud perpetuum votum. Vnde vniuersi fatentur, quodcumque votum possit in votum religionis commutari.

### QVÆSTIO XXIX.

*An votum peregrinandi in terram Sanctam, possit propria auctoritate in votum solenne religionis commutari?*

- S**OTUS lib. 7. q. 4. art. 3. negat. Quia Papa in cap. Ex multa de voto, illud sibi referuat.  
Alij verò rectius docent, huiusmodi votum regulariter posse sine licentia Papæ in votum solenne religionis commutari. Ratio est, quia bonum religionis est melius, Deoque gratius.

Vnde quando Papa sibi referuat aliquis voti commutationem, est intelligendum hoc, quando non pro certo constat id, in quod votum commutatur, esse melius. Et ideo ita sentit Less. lib. 2. de iust. disp. 40. dubit. 1. 6.

Dixi consulto (regulariter) quia si aliquis magnus Princeps votum faceret de acquirenda terra Sancta, non posset ita facile huiusmodi votum in vitam religiosam commutare. Quia in re tam graui probabiliter dubitari potest, an vita religiosa sit melior. Vnde in hoc casu consulendus esset summus Pontifex, & secundum eius auctoritatem faciendum. Quidquid contra hoc obmurmuret Syluester 3 verb. votum 4. q. 7. qui putat sine licentia Papæ posse huiusmodi votum in votum solenne religionis commutari, auctoritate iuris canonici in cap. Scriptura de voto, & voti redempti. vbi Pontifex absolute decernit omnia vota in religionem licite commutari posse. Quod non est improbabile.

### QVÆSTIO XXX.

*An, qui à Papa privilegium habet commutandi vota, possit unum referuatum in aliud referuatum euidenter melius præter religionem commutare? ut votum S. Iacobi in votum ad limina Apostolorum, vel hoc in votum Hierosolymitanum, vel hoc in votum castitatis, &c.*

- R**ESPONDEO non posse. Ratio est, quia cum Pontifex hanc sibi commutandi facultatem absolute referuarit, præcluditur inferioribus aditus ad hæc etiam inter ipsa commutanda. Ita Suares, libro 6. cap. 21. num. 17.

Nn 2 QVÆST.

## QVÆSTIO XXXI.

*An hac possint in votum solemne religionis commutari?*

- 1 ET quidem certum est apud omnes, in vniuersum omnia vota non reſeruatà, in ſæculo, vel in nouitiatu emiſſa, non ſolùm perſonalia & mixta, verùm etiam & realia, poſſe ex natura rei, vel certè ipſius iuris auctoritate, in votum ſolemne religionis commutari: vt expreſſè colligitur ex ap. *Scripturæ de voto*, & tradit D. Tho. 2. 2. quæſt. 88. art. 12. communiter receptus.

## QVÆSTIO XXXII.

*Sed dubium eſt de votis Romano Pontifici reſeruatis.*

- 1 SVNT, qui negant. Communis tamen opinio habet, abſolutè, & in vniuersum omnia vota ſimplicia etiam reſeruata Papæ poſſe in votum ſolemne religionis commutari. Ratio eſt, quia omnia alia vota ſunt operum particularium: per religionem verò homo totam vitam ſuam Deo dedicat: particulare autem in vniuerſali includitur.

Tum quia qui ſolemniſter profiteſtur, totaliter moritur mundo, & viuut Deo, ad quam vitam ſolemniſ illa profeſſio dirigitur: quo fit; vt ceſſante præterita vita, ceſſent etiam omnia vota in ipſa facta, non ſolùm perſonalia, ſed etiam realia, & mixta.

- 2 Tandem eſt conſuſio definita in dicto cap. *Scripturæ de voto*, vbi Alexander III. ait: *Rem fraſti voti non habetur, qui temporale obſequium in perpetuam religionis obſeruantiam noſciunt commutare.* Et idè ita ſentiunt D. Thom. 2. 2. q. 88. art. 12. Caiet. *ibidem*,

Sot. lib. 7. q. 4. art. 3. Nauarr. cap. 12. nu. 78. Arag. 1. 2. q. 88. art. 12. Valent. 2. 2. d. 6. q. 6. p. 7. & Azor. tom. 1. lib. 11. cap. 18. quæſt. 1.

## QVÆSTIO XXXIII.

*An omnia vota, etiam religionis, poſſint in Episcopatum commutari?*

VIV ALD. *cand. ſacram. p. 3. cap. 14. num. 73.* affirmat poſſe, quia bonum Episcopatus eſt melius, Deoque gratius.

Contrarium tamen arbitror eſſe dicendum, quia talis commutatio fieri non poteſt ſine aliquo iure poſitiuo: hoc autem non inuenitur in Episcopali ſtatu, ſicut in religioſo. Nec immeritò, quia licet Episcopatus ſit perfectior: tamen quoad onera votorum, & exercitia religionis, & quoad ſubiectionem voluntatis excedit ſtatus religioſus, & idè magis liberari debuit ab antecedentibus votis, & oneribus voluntariis.

Tum quia Episcopii ſtatus dicitur perfectior, non quia hominem perfectiorem, Deoque gratiorem reddat, quàm religio, aut illum ad perfectionem magis adducat; ſed quia ſecundùm rectum ordinem perfectionem ſupponit: eſt enim ſtatus poſtulans perfectam charitatem, qua poſſit animam ſuam ponere pro ouibus ſuis, & eas ad perfectionem adducere.

## QVÆSTIO XXXIV.

*An vota perſonalia Nouitiorum ante profeſſionem emiſſa poſſint durante nouitiatu commutari in exercitia conſueta religionis?*

RESPONDEO poſſe, non ſolùm auctoritate Prælati, vel Magiſtri

gistris Nouitiorum, verum etiam priuata ipsorum, in exercitia probationis commutari, donec vel proficiantur, vel egrediantur. Ratio est, quia hæc commutatio fit in id, quod certò, & euidenter est melius. Regulariter tamen hæc vota etiam Papæ reserua-  
ta, non solent commutari, sed suspendi, donec per professionem transeant in onus religionis. Si tamen contingat eos tempore nouitatus habitum religionis dimittere, tenebuntur illa vota implere, quia solum facta est commutatio, vel suspensio pro tempore nouitatus. Ita Less. lib. 2. de iust. cap. 4. o. dubit. 16.

### QVÆSTIO XXXV.

*Sed de votis realibus Nouitiorum est maior difficultas?*

**S**YLVEST. verbo votum 4. quæst. 7. Negat.

Alij verò docent posse commutari in onera religionis auctoritate Prælati. Ita Lessius loco citato. Quæ opinio certa mihi est, in casu, quo ex huiusmodi votis realibus non esset ius alicui tertiæ personæ, vel Ecclesiæ acquisitum, aut debita essent incerta, quæ non cedunt in præiudicium tertiæ alicuius cognitæ. Vt si vouit dare calicem certæ Ecclesiæ, aut Monasterio, aut dotem alicui puellæ pauperi, cum ex tali voto non acquiratur ius tertiæ personæ, seu Ecclesiæ. Secus si esset ius acquisitum alicui tertio ex huiusmodi votis factis ab eo, vt si promisit dare alicui centum, & ipse promissionem accepit; quia tunc si habet unde soluat ante religionis ingressum, soluere tenetur, nec per professionem huiusmodi, vota extinguuntur: vt recte docuit D. Thom. 2. 2. q. 189. art. 6. ad 3.

### QVÆSTIO XXXVI.

*An votum ingrediendi religionem arctiorem possit auctoritate Episcopi in laxiorem religionem commutari?*

**R**ESPONDEO posse. Ratio est, quia hoc non est commutare votum religionis absolute, sed quandam religionis qualitatem. Si tamen quis duriorem religionem fuerit professus, posset Prælarus regularis iusta de causa, cum consensu tamen capituli, huiusmodi votum in laxiorem religionem commutare, vt cum Sylva. & D. Anton. resoluit Less. lib. 2. c. 40. dub. 18. nu. 124.

### QVÆSTIO XXXVII.

*An qui vouit religionem strictiorem ingredi, possit id votum commutare in votum profutendi in laxiori?*

**R**ESPONDEO posse. Ratio est, quia ratione prioris voti non tenebatur perseuerare, si postea inueniret bona fide eum statum sibi non conuenire. At ratione posterioris tenetur perseuerare in laxiori. Plus autem est, teneri in hac profiteri, quam illam ingredi ad experiendum, cum libertate non permanendi. Ita Palud. in 4. d. 38. q. 3. art. 1. D. Anton. 2. p. sit. 11. c. 2. §. 8. & Sylva. verb. votum 4. q. 7.

### QVÆSTIO XXXVIII.

*An qui potest vota, vel inramenta commutare, possit etiam in eisdem dispensare?*

**E**T quidem de potestate ordinariam commutandi habente, vt  
Nn 3 de

de Episcopo, & religionum Prælatiſ, qui Episcopalem habent iurisdictionem erga suos subditos, nullus dubitat.

Sed tota difficultas est de eo, qui ex commissione potest vota vel iuramenta commutare.

- 2 Sylvest. *verb. votum. 4. quest. 3. Tab. verb. dispensatio* §. 9. Toletus *lib. 4. cap. 18. & Palac. in 4. d. 18 d. 3. affirmant.*

Sed omnino asserendum est, eum cui per privilegium facta est facultas commutandi vota, vel iuramenta, non posse eo ipso in eisdem dispensare. Ratio est, quia longè minus est commutare, quam dispensare: nam qui in voto dispensat, ex toto dissolvit obligationem voti: sed qui commutat, obligationem voti non tollit, sed transfert in aliam materiam, quod longè minoris est difficultatis: ergo qui ex commissione potest vota commutare, non potest in eisdem dispensare. Vnde cum in Iubileis, & in Indulgentiis solum concedatur confessoribus facultas commutandi vota, non autem dispensandi, qui aliunde facultate dispensandi in votis, vel iuramentis Deo factis non gaudent, virtute illorum, vota, & iuramenta solum commutare, non autem dispensare possunt: id quod Parochi, & alij confessores, qui solum virtute Iubilei, & Privilegiorum commutare possunt, diligenter animadvertere debent, ne alioquin in errores facile incidunt.

### QVÆSTIO XXXIX.

*An, qui potest voti vinculum commutare, vel dispensare, possit quoque iuramentum soli Deo factum commutare, vel dispensare, & è contra?*

IN qua re certi iuris est, eum qui ordinaria autoritate potest vota commutare, vel dispensare vota, posse quoque iuramenta soli Deo facta commutare, vel dispensare, ut patet de Episcopo, & de eo qui iure, vel præscriptione Episcopalem habet iurisdictionem.

### QVÆSTIO XL.

*Sed dubium est de eo, cui per Bullam, aut Iubileum, aut Privilegia Religionis, commissæ est facultas in foro conscientie commutandi, vel dispensandi vota, an eo ipso auctoritatem habeat commutandi, vel dispensandi iuramenta quæ soli Deo fiunt?*

ET quidem iuxta concessionem factam confessariis devotæ Societatis JESU à Paulo III. qua ipsis indulget, ut possint vota etiam iurata commutare, non est dubium, quin confessarij qui fruuntur privilegiis Societatis (quales sunt omnes confessarij nostri) possint commutare etiam iuramenta, quæ non vergunt in præiudicium tertij.

### QVÆSTIO XLI.

*Totum ergo huius controversiæ dissidium versatur de eo, qui huiusmodi Privilegio Societatis caret.*

CAIET. 2. 2. q. 89. art. 9. Henric. lib. 7. de indulg. cap. 30. ar. 5. Arag. 2. 2. q. 89. art. 9. Suarez. lib. 6. cap. 14. num. 6. Sayr. lib. 5. cap. 8. num. 9. & Roder. p. 1. sum. cap. 892. num. 10. ubi refert Sor. lib. 8. q. 1 art. 9. affirmant.

At verò Nauarr. cap. 27. mem. 275. allegans

allegans in suum patrocinium D. Th. 2. 2. q. 89. art. 3. Azor. lib. 11. cap. 10. q. 2. Less. lib. 2. cap. 41. dub. 12. num. 60. & alij multi recentiores negant, & meritò quidem, quia iuramenti vinculum est specie distinctum à voto: ergo privilegium præcisè concessum ad vota, non potest extendi ad iuramenta: quia privilegium etiam favorabile non potest extendi ultra proprietatem terminorum, quibus conceditur iuxta regul. textus in cap. Porro de privileg. Cum ergo iuramentum non sit votum, extensio ab vno ad aliud esset progredi ultra terminos privilegij.

Tum quia, quando Pontifex vult vtrumque concedere, vtrumque exprimit: ergo quando alterum tacet, signum est, tantum alterum velle concedere.

- 2 Dices, cui conceditur maius, censetur etiam concessum quod est minus cap. Cui licet de regulis iuris in 6. Sed iuramenti promissorii vinculum per se spectatum, minus est, quàm votum: ergo in facultate concessa ad vota comprehenditur à fortiori potestas similis super iuramenta, quia communiter hæc iuramenta reputantur vota.

Respondeo hanc Regulam iuris intelligendam esse, quando id quod minus est, in maiori continetur tanquam pars in toto, vel species in genere, non autem quando disparata, & omnino diuersa sunt.

## QVÆSTIO XLII.

An, qui per Bullam, aut Iubileum, aut privilegium potest vota commutare, vel dispensare, possit quoque commutare, vel dispensare iuramenta adiecta contractui, in quo est turpitudine ex parte creditoris, ut quando est metu extortum, aut solvendi usuras, &c.

**B**ARTHOLOMEVS à Ledesm. in sum. sacram. tract. de matrim. dub. 23. & Roder. p. 1. sum. cap. 231. num. 4. & cap. 244. num. 4. affirmant posse. Quia per huiusmodi iuramenta nullum homini illi, cui fiunt, ius acquiritur, sed soli Deo, & subinde voti rationem induunt, non aliter, quàm si soli Deo fierent.

At dicendum est, non posse. Ratio est, quia etsi per illa nullum homini, cui fiunt, ius comparetur, at cum non fiant intuitu pietatis, nec Deo, nullam voti rationem induunt, sed meræ promissionis humanæ, ac proinde nomine votorum non clauduntur. Et idè ita tenent Sanch. lib. 1. de matrim. disp. 32. num. 17. & Suar. lib. 6. cap. 14. num. 13.

## QVÆSTIO XLIII.

An huiusmodi iuramenta possint relaxari, vel commutari virtute privilegiorum concedentium relaxationem, vel commutationem iuramentorum absque tertij præiudicio?

**R**ESPONDEO posse. Ratio est, quia cum in his iuramentis extortis nullum ius acquiratur tertio, ex illorum relaxatione, nulli infertur præiudicium. Ita Petr. de Ledesm. de matrim. q. 47. art. 3. dub. 3.

## QVÆSTIO XLIV.

An qui ita iuravit possit adire Iudicem, ut compellat creditorem ad remittendum huiusmodi iuramenta?

**R**ESPONDEO posse. Ratio est, quia cum possit cogere ad secundum iuramentum, eadem ratione potest

potest compellere ad relaxandum, quando ratio ad id faciendum præscribit. Immo si pars nolit, Iudex etiam secularis poterit id efficere, non quidem absolviendo, vel relaxando, sed decernendo aduersarium nullam actionem habere aduersus iurantem.

### QVÆSTIO XLV.

*An is, cui per priuilegium concessa est facultas delegata ad vota commutanda, possit quoque vota iureiurando communita commutare?*

- 1 **E**T quidem, quando priuilegium est ad vota iurata, quale est in nostra Congregatione ad ea commutanda, non est dubium, quin possit, qui tali priuilegio gaudet, vota iuramentum firmata commutare.

### QVÆSTIO XLVI.

*Sed questio est, quando in priuilegio de sola votorum commutatione mentio fit, ut contingit in Bulla Cruciana, & Iubileo, qua solam commutandi vota, facultatem concedunt.*

- 1 **S**VAR. lib. 6. cap. 14. num. 19. tenet Senm, qui potest vota commutare, posse etiam, licet sint iuramento firmata. Quia etsi votum, & iuramentum speculatiue sint duo vincula specie diuersa, tamen moraliter in ordine ad Deum, & religionem æquiparantur.
- 2 Hentiq. lib. 7. de indulg. cap. 30. num. 5. Azor. lib. 11. cap. 10. quest. 2. & cap. 18. quest. 16. & cap. 19. q. 19. & Roder. tom. 1. qq. regul. q. 63. art. 5. & 2. p. sum. cap. 102. in fine & Sayr. lib. 5. cap. 2. num.

9. & Nauarr. in Man. cap. 27. nu. 278. negant habentem facultatem commutandi vota, posse etiam vota iurata commutare.

At verò Sanch lib. 8. de matrimon. disp. 2. distinguit. Si iuramentum præstetur ad voti emissi confirmationem, tunc qui per priuilegium potest vota commutare, potest eadem iureiurando communita commutare: & in hoc sensu putat veram esse primam opinionem. Quia tunc iuramentum est voto accessorium, ac proinde, satis est sola potestas ad tollendum voti vinculum, quo sublato, cessat iuramenti obligatio. Si verò non præstetur in voti confirmationem, sed independentem ab illo, vt si prius peregrinationem vouit, & postea huius voti immemor, vel omnino independentem ab illo, eandem peregrinationem iurauit, tunc qui per priuilegium facultatem habet vota commutandi, non potest votum, & iuramentum simul concurrentia commutare. Quia eum sine duo vincula diuersa, nec vnum pendeat ab alio, vt sic illo sublato cesset maiora, & fortiora sunt vno solo, quod priuilegium indulget. Et in hoc sensu vera est opinio secunda. In dubio autem an iuramentum posterius factum sit præstitum ad solam confirmationem voti, credit sic præsumi, quia semper solet sic præstari, quoties votum præcessit: ac proinde facultas concessa circa vota, extenditur in eo dubio ad votum simul cum iuramento.

Ex his opinionibus, secunda mihi videtur verior, arque tenenda. Ducor, quia in hoc casu concurrunt duo vincula expressa diuersæ speciei, quæ appetit fortiora sunt vnico solo expresso, quod ea priuilegia concedunt.

Tum quia potestas ad dissoluendum minus vinculum, non extenditur ad maius: sed votum iuratum est maius vinculum,

vinculum, quàm nudum votum: vt D. Thom. 2. 2. q. 89. art. 2. facetur: ergo facultas data tantum ad votum, nōn potest extendi ad votum iuratum.

5 Tum quia votum metu extortum est nullum, ac iuramento firmatum subsistit: & qui simpliciter promisit soluere vsuras, nullo iure cogitur eas soluere; cogitur tamen qui promisit, & iurauit se soluturum: ergo non eo ipso quod votum relaxatur, iustitrandum dirimitur.

Tandem, nostra Congregatio per concessionem factam deuotæ Societati IESV à Paulo III. habet priuilegium commutandi vota: quod priuilegium extendit Greg. XIII. ad vota iurata, dummodo commutatio non sit in præiudicium tertij: ergo signum est prius priuilegium non extendi ad talia vota.

6 Dices: quando votum est materia iuramenti, necesse est, vt cui vi priuilegiorum, vel Iubilei facultas committitur commutandi vota, habeat quoque vt possit commutare iuramentum, quia sublata materia iuramenti, iuramentum ruit.

Respondeo ex priuilegio, vel Iubileo solum concedi facultatem commutandi votum simplex, non autem quod est iuramento communitum.

## QVÆSTIO XLVII.

*An Priuilegia Bullæ, & Iubilei sint fauorabilia?*

1 NAVARR. lib. 2. consil. tit. de irreuer. conf. 1. nu. 6. censet esse odiosum, & restringenda, quia continent iuris communis relaxationem.

Sed dicendum est esse fauorabilia, & amplianda. Ratio est, quia Priuilegia sunt beneficium Principis, sine præiudicio alicuius; sunt opus libe-

ralitatis, clementiæ, & charitatis: ergo sint fauorabilia, & amplianda.

Tum quia talia priuilegia ordinantur immediatè ad pleniorè absolutionem faciendam, quæ quoad hanc partem est fauorabilis: vt latè probat Suar. de indulg. in 3. tom. disputat. 56. sect. 2.

Tum quia hæc indulta ordinantur principaliter, non ad bonum priuatum, sed ad publicum totius Ecclesiæ, ad subueniendum publicæ eius necessitati; ergo sunt fauorabilia. Sic Nauarr. 6. in Leuit. notab. 34. num. 46. Lop. 2. p. cap. 9. Henricq. lib. 6. de panis. cap. 16. num. 3. & lib. 7. de indulg. cap. 30. num. 4. & Suar. lib. 6. cap. 16. num. 3. qui addit multos viros doctos nostri temporis id sensisse. Quam opinionem Sanch. lib. 4. decalogi cap. 54. num. 7. putat esse probabilem.

## QVÆSTIO XLVIII.

*An, qui potest commutare, vel relaxare vota, possit etiam commutare, aut relaxare pœnam ob eorum violationem incursum? Et si nonisti non ludere sub pœna erogandi centum aureos pro qualibet illius voti transgressionem, & iussisti decies, & ideo teneas in elemosynam dare mille ex illa voti violatione.*

1 NAVARR. lib. 3. consil. tit. de voto conf. 43. & 35. Azor. lib. 11. cap. 18. q. 11. Graff. 1. p. decif. lib. 1. cap. 28. num. 4 & Sayr. lib. 6. cap. 12. num. 20. negant. Quia aliud est pœna, aliud votum, & ideo potestas concessa ad commutandum votum, non est concessa ad pœnam mutandam, quia illa priuilegia nullam pœnæ mentionem faciunt.

Tum quia hanc pœnam non produxit votum, sed eius violatio.

At multò verius est, posse confessorum per Bullam, vel Iubileum, vel Priuilegium, non solum voti obligationem, sed pœnam incursum ex fractione eiusdem voti commutare, vel relaxare. Ratio est, quia illa pœna non debetur, nisi ex vi voti, quod ab initio obligauit ad illam: ergo potestas commutandi, vel dispensandi in eo voto, extendit se ad pœnam incursum ob violatum votum.

Tum quia, si materia principaliter ac directè intentata potest commutari, multò magis ipsa pœna, quæ per quandam consequentiam fuerat promissa.

Tum quia virtute Bullæ, vel Iubilei, aut Priuilegij potest commutari, vel relaxari votum pœnale castitatis, vel religionis, etiam iam post incursum pœnam non solum quoad votum in posterum, sed etiam quoad pœnam iam ex voti violatione debitam: ergo. Immo, cum solus Deus sit huius pœnæ creditor, poterit ea commutari proprio vouentis arbitrio in rem euidenter meliorem. Et idè ita tenent Sanch. lib. 8. de matrimonio disp. 15. nu. 14. Less. lib. 2. cap. 40. dub. 16. & Suar. lib. 6. c. 1. num. 19.

Neque contra hoc vrget fundamentum Nauarr. quia quando pœna tantum debetur ex voto, non rectè distinguitur contra votum: nam est quoddam particulare votum, vt dictum est.

## QVÆSTIO XLIX.

*An per Priuilegium possint commutari, aut dispensari non solum ea vota, quæ quis fecerat ante id priuilegium, sed etiam alia quæ fecit post illud?*

**E**T quidem, quando priuilegium est perpetuum, certum est, posse commutari, aut dispensari, non solum vota ante id priuilegium facta, sed etiam facienda. Quia cum priuilegium sit perpetuum, amplectitur omne tempus. Ita Suar. lib. 6. c. 13. n. 2. Secundo etiam constat, quando priuilegium est temporale, vt Bullæ cruciatæ, vel Iubilei, posse commutari, aut dispensari vota quæcumque emissæ non solum ante concessionem Romæ factam; sed etiam postea, ante tamen publicationem. Quia cum ex tunc incipiat priuilegium hoc suum effectum sortiri, vota usque tunc emissæ censentur, ante concessionem facta Suar. supra num. 3.

## QVÆSTIO L.

*Sed quod in dubium vertitur est: An possint commutari, aut dispensari etiam vota emittenda post publicationem?*

**S**OTVS lib. 7. q. 4. art. 3. Cord. sum. 1. Sg. 149. Angles de voto & Lop. 1. pari. cap. 50. tenent virtute Iubilei, aut Bullæ. Commutari, aut dispensari non posse, nisi vota ante publicationem facta. Ducuntur, quia commutatio, aut dispensatio ad instar legis non extenditur nisi ad præterita.

Mihi verò longè probabilius videtur, posse commutari, aut dispensari vota tam facta, quàm facienda post publicationem Bullæ, vel Iubilei. Ratio est, quia, vt Glossa in cap. Quia circa de priuileg. testatur, verba indefinitè, & generaliter expressa in priuilegiis extenduntur ad futura. Atqui verba Bullæ, & Iubilei, quæ votorum commutationem indulgent, sunt generalia, & indefinita, vt constat: ergo extenduntur ad vota etiam futura.

Tum



Tum quia potestas absoluendi à censuris, & casibus referuatis concessa in Iubileo, vel Bulla, extenditur ad futura, vt omnes Doctores tradunt: ergo & potestas dispensandi, & commutandi: Paret consequentia ex paritate rationis.

Tum etiam quia fauores sunt ampliandi. *Argum. cap. Odià de reg. iuris in 6.* maxime quando ex tali ampliatione nulli infertur nocumentum. Cum ergo facultas commutandi, vel dispensandi vota ex Iubileo, vel alio priuilegio concessa sit in fauorem poenitentis lucrantis Iubileum, intelligi debet facultas hæc se extendere ad omnia vota, quæ tam ante, quam post publicationem Iubilei, vel priuilegij facta sunt. Et ideo ita sentiunt Nauarr. §. in *Leuit. notab. 24. num. 4.* & cap. 12. num. 30. Arag. 2. 2. quæst. 88. artic. 12. Henric. lib. 6. de poenit. cap. 16. num. 3. Roder. in *Bulla* §. 9. num. 111. Azor. lib. 11. cap. 18. quæst. 9. Lop. p. 2. cap. 9. ubi de clauibus. Emman. Sa verbo *votum* num. 21. Petr. de Ledesm. 2. tom. *summ. tract. 11. cap. 4. dub. 5.* Suar. lib. 6. cap. 13. num. 4. Et in hanc partem inclinat Cordub. in suo quæst. lib. 5. quæst. 37.

Illud tamen est hoc loco obseruandum, quod si indulgentiam Iubilei consecutus indigeat absolurione à referuatis, simulque commutatione votorum, poterit vtrumque pro libito à diuersis confessariis obtinere, puta adeundo vnum confessarium, vt eum à referuatis absoluat, & alium, vt commutet. Immo non est necessarium, vt commutans vota sit confessarius eius, qui commutationem petit: non enim id requirit forma Iubilei, sed tantum vt sit confessarius ex approbatis ab ordinario.

*vnus Ecclesia, possit commutari in opus quod sit in commodum alterius? Vt si vniuersti te daturum 100. Ecclesia B. Maria Montis Regali, & postea vides pauperes fame morientes: An possis in eorum subsidium illa centum donare?*

**R**ESPONDEO, si votum tuum est secretum; per quod nullam Ecclesie B. Marie Montis Regalis habet contra te actionem, potes tale votum propria autoritate, & sine consensu alicuius in euidenter melius commutare, applicando illa centum pauperibus fame morientibus, vel dando illa alteri operi magis pio. Ratio est, quia cum per huiusmodi votum nullum ius sit tali Ecclesie acquisitum, est de illo iudicandum, perinde ac de votis in Dei solius honorem factis, in quibus diximus; licitam esse talem commutationem. Dixi (*in euidenter melius*) quia in æquale, vel in minus bonum, necessaria est Episcopi autoritas absque consensu illius Ecclesie, vel personæ. Si autem votum tuum fuit iam norum, & Prior prædictæ Ecclesie illud votum sciens tibi gratias egit, acceptando illud, tunc non potes absque eiusdem Prioris consensu illa centum alteri operi magis pio donare. Ratio est, quia ei acquisitum est ius per acceptationem. Vnde talis commutatio cederet in illius præiudicium, heretique illi iniuria. Ita Caietan. tom. 2. opus. de voto quæst. 3. Nauarr. cap. 12. num. 78. Syluest. verb. *votum* 4. quæst. 7. Less. lib. 2. cap. 40. dub. 11. Azor. lib. 11. cap. 19. quæst. 12. Sayr. lib. 6. cap. 11. num. vltim. & Suar. lib. 6. cap. 15. num. 7.

## QVÆSTIO LI.

*An votum factum in fauorem*

OO 2

QVÆST.

## QVÆSTIO LII.

*An si votum dirigatur ad sanctum illius Ecclesie Patronum, ut promitto D. Bernardo me daturum eius Ecclesie calicem, possit propria autoritate in melius commutari?*

- R**ESPONDEO, si votum dirigatur ad sanctum, solum acquiritur ius ipsi sancto, cui gratum est, tale votum in melius commutari. Si autem dirigatur ad Prælatum illius Ecclesie, Prælatus nullum ius acquirit, nisi votum acceptetur. Unde ante acceptationem potest in melius commutari ad commodum alterius, propria auctoritate. Post acceptationem non potest sine eiusdem Prælati consensu, quia ei acquisitum est ius per acceptationem. Ita Suar. lib. 6. cap. 18. nu. 11.

## QVÆSTIO LIII.

*An confessarius requisitus per Bullam, aut Iubileum, ut votum commutet, si nolit sine iusta causa commutare, peccet?*

- R**ESPONDEO eum peccare. Ratio est, quia cum confessarius sit iudex delegatus in pœnitentis favorem, tenetur ius ex privilegio illo sibi concessum tribuere. Sicut Episcopus dicitur infidelis cap. Quanto 2. quasi. 5. denegans dispensationem subdito petenti ex iusta causa. Ita Sayr. lib. 6. cap. 12. num. 18.

## QVÆSTIO LIV.

*An confessarij Regulares habentes privilegium absolvendi à casibus*

*reservatis vel dispensandi, aut commutandi vota, teneantur pœnitentes ab eisdem absolvere, seu cum ipsis dispensare, aut ipsorum vota commutare?*

**R**ODER. in explicat. Bulla cruce. 9. 1. 9. num. 144. & qq. regular. tom. 1. q. 61. art. 15. & Sanch. lib. 4. decalogi cap. 54. num. 12. negant eos ad id teneri, sed posse, & interdum debere in gravioribus criminibus pœnitentes ad proprios ordinarios remittere. Quia nullus adstringitur suo privilegio uti. At verò Henric. lib. 7. de indulg. cap. 28. num. 2. & Nauar. prælud. 9. num. 12. allegans Caietan. 1. 2. q. 96. art. 5. docent confessarios prædictos habentes legitimum privilegium, vel Bullam omnino teneri eos pœnitentes absolvere, & cum eis dispensare, vel eorum vota commutare. Ratio est, quia licet unusquisque possit privilegio suo renuntiare, non tamen in casu, quo id vergit in præiudicium alterius, ut in proposito contingit: nam postquam confessarius pœnitentis peccata in confessione audivit; iniuriam ei proculdubio irrogaret, si ipsum, cum possit, non absolveret; aut eum non dispensaret: hoc enim esset cogere pœnitentem cum ipsius confusione, & verecundia bis propria peccata confiteri, quod gravamen est, atque iniuria non parva: ac proinde si sine iusta causa audita confessione reservatorum, remitteret ad ordinarium pœnitentem, graviter peccaret.

Hinc, qui potest dispensare, vel commutare, & non vult sine causa iusta, peccat ad minus venialiter.

## QVÆSTIO LV.

*An commutatio voti virtute Bullæ, vel Iubilei, vel Privilegij confessarij fieri debeat in confessione?*

NON

**N**ONnulli sentiunt eam debere fieri in confessione. Quia in Iubileo; & in privilegiis regularium, ubi hæc facultas committitur, expressè dicitur, *confessionibus diligenter auditis.*

Tum quia in eo triplici privilegio datur hæc facultas soli confessorio per ordinarium approbato, & ideo videtur in sola confessione concedi, in quo solo est confessor, & iudex qui commutat. Ita Lop. 2. p. cap. 9. ubi de clauibus. Sayt. lib. 6. cap. 11. num. 105. & lib. 5. cap. 60. num. 10. Vega 2. 10. sum. cap. 129. casu 34.

2 Alij verò rectius negant. Pro quo, dico primò posse vota commutari à confessorio approbato per ordinarium virtute Bullæ cruciatæ extra confessionem. Ratio est, quia in dicta Bulla nullatenus dicitur: vt auditis confessionibus commutatio fiat: sed solum vt fiat à confessorio ex approbatis ab ordinario, & pro solo conscientie foro. Ita Suard. lib. 6. cap. 16. num. 4. Sor. lib. 7. q. 4. art. 3. Henric. lib. 7. de indulg. cap. 30. num. 6. & dicit esse probabile Roder. 2. p. sum. cap. 101. nu. 6.

Secundò dico, posse etiam vota commutari à confessorio per ordinarium exposito virtute Iubilei, aut privilegiorum religionis extra Sacramentum confessionis. Ratio est, quia cum adeo multum inter se distent absolvere à peccatis, & vota commutare, nec hoc confessione indigeat, non credendus est Pontifex velle totum privilegium limitare per illam clausulam, *auditis confessionibus.* Sed singula singulis referenda sunt, & ita illa refertur ad absolurionem à peccatis, quæ immediatè sequitur.

3 Tum quia in privilegiis religiosorum pulla fit mentio confessionis: quia non est datum simul cum potestate absolueri à peccatis.

Non obstat, quod datur hæc facul-

tas soli confessorio, quia nomen confessoris magis est muneris, quam actualis exercitij.

Nec etiam obstat, quod dicatur in foro conscientie tantum, quia forum conscientie latius patet, quàm forum penitentiae sacramentalis: & per illa verba solum excludit, ne dispensatio valeat pro foro externo, sed tantum ad conscientie securitatem. Et ita docuit Navar. in ordine ad absolurionem à censuris in Conf. 11. de privileg. & Roder. lib. 1. q. 99. regul. 6. 1. art. 10. Est autem eadem ratio de commutatione votorum, vt per se constar, & oprimè tractat Sanch. lib. 8. de matrim. d. 34.

Ex qua doctrina oprimè colligit Henric. lib. 7. de indulg. cap. 10. num. ult. non opus esse, vt commutans vota virtute Bullæ, aut Iubilei, aut Privilegiorum religiosorum, sit confessor vouentis. Quia solum requirunt, vt sit confessorius per ordinarium approbatus.

## QVÆSTIO LVI.

*An confessorium vi Bullæ, vel Iubilei, vel privilegiorum religionis possit commutare vota emissæ sub spe obtinendi prædicta privilegia?*

**R**ESPONDEO posse. Ratio est, quia contrarium nullo iure, vel ratione probatur.

Tum quia quamvis dissidium sit inter Authores, an facultas absolueri à referuatis ibi concessa, extendatur ad referuata ex illorum privilegiorum confidentia commissa; probabilius tamen sententia haber, illam extendi. Quod absque dubio dicendum est de commutationis, & dispensationis privilegio, cum non sit malum vouere sub spe obtinendi

commutationem, vel dispensationem. Et ita tenent Sanch. *lib. 4. decalogi cap. 54. num. 18.* & Suar. *lib. 6. cap. 13. num. 7.*

## QVÆSTIO LVII.

*An possint virtute Bullæ, vel Iubilei, vel Priuilegiorum commutari vota reservata in eis excepta, quando potest in eis Episcopus dispensare?*

**R**ESPONDEO posse commutari, quoties Episcopus in illis potest dispensare, eo quod à perfecta votorum reservatorum ratione deficiunt, aut quia non est dispensatio in substantia voti reservati, sed in aliqua eius circumstantia. Quia aperta Pontificis mens est, in eo solo casu vota hæc reservare, in quo Pontifici reservantur, & ita praxis explicuit. Secus quando Episcopus potest in eis dispensare ratione solius necessitatis imminuentis, eo quod Pontifex non possit facile adiri: tunc enim non possunt ea, per hæc priuilegia commutari.

**H**inc, virtute Bullæ, vel Iubilei, vel Priuilegij potest commutari votum temporale castitatis, ut ad decem, vel viginti annos: ut docet Henricus. *lib. 7. de indulg. cap. 30. num. 6.* Et votum castitatis coniugalitatis, & votum non petendi debitum etiam ex alterius licentia emissum. Immo & votum non petendi, nec reddendi ex communi consensu factum. Et votum virginitatis seruandæ, quando constat mentem vouentis fuisse nolle se ad castitatem obligare, sed solum se integrum seruare à primo libidinis actu. Similiter votum assumendi ordines sacros, vel habitum tertij ordinis

B. Dominici, & B. Francisci: & votum disunctionium, cuius altera pars est reservata, ut castitatis perpetuæ, vel ieiunij perpetui, si nondum pars reservata electa sit; & votum perseverandi in religione, ut tempore probationis liceat ex iusta causa egredi. Tandem potest commutari, ut votum religionis non impleatur tempore definito, sed aliquamdiu eius executio differatur. Ratio horum omnium est, quia in his omnibus potest Episcopus dispensare. Henricus. *lib. 7. de indulg. c. 30. num. 6.* Arag. *2. 2. q. 88. ar. 12.* Sayr. *lib. 6. cap. 12. num. 23.* & alij.

Hinc, vota castitatis emissa à coniugatis posse commutari per Bullam, vel Iubileum in iis omnibus casibus, in quibus, eo quod à vera perfectione voti deficiant, diximus posse in eis Episcopum dispensare. Quia hæc non sunt vota omnimodæ castitatis.

Hinc, vota pœnalia, & conditionalia castitatis, & religionis etiam post incursum penam, & impletam conditionem, posse per Bullam, vel Iubileum, vel priuilegium commutari. Quia hæc non sunt Romano Pontifici reservata, sed potest Episcopus in eis dispensare.

## QVÆSTIO LVIII.

*An virtute Bullæ, vel Iubilei, vel Priuilegij possit commutari votum castitatis eius, qui eo ligatus matrimonium contraxit, ut possit petere debitum?*

**V**IYALD. *candelab. sacram. 3. p. cap. 14. num. 41.* affirmat. Quia in hoc potest Episcopus dispensare.

At probabilius existimo contrarium. Quia, etsi verum sit posse Episcopum in hoc dispensare; id tamen non est quasi iure ordinario, & ex natura

rura reservationis, sed id est solius Pontificis, & sola consuetudo iurisdictionem in hoc tribuit, quæ id non obtinuit, vt id votum per priuilegia prædicta commutetur.

### QVÆSTIO LIX.

*An virtute Bullæ, vel Iubilei possit commutari votum arctioris religionis in laxiorem?*

**I**N qua re conueniunt omnes, id votum posse commutari per Iubileum, qui in quodcumque opus pium commutari vota concedit.

Sed dubium est, an etiam virtute Bullæ commutari possit?  
Lop. 2. p. instruct. confess. cap. 9. de clauibus, negat, quia Bulla tantum concedit commutationem in temporale belli subsidium.

At multo probabilius est, posse id votum per Bullam commutari in alia pietatis opera, addita aliqua elemosyna in belli subsidium, quæ supplicant eum religionis strictioris excessum.  
Ratio huius est, quia, vt inferius dicemus, non est necessarium, totam commutationem voti in belli subsidium fieri, sed partem.

### QVÆSTIO LX.

*An votum, quod in suis alijs per potestatem habentem legitime commutatum, possit iterum quoad illam materiam subrogatam virtute horum trium priuilegiorum commutari? v.g. vouit quis ieiunium, fuit ei hoc votum commutatum in elemosynā. Queritur nunc: An per hoc triplex priuilegium, hac elemosyna possit in aliam materiam commutari?*

**R**ESPONDEO posse. Ratio est, quia per hoc triplex priuilegium datur generalis facultas commutandi vota omnia, exceptis Romano Pontifici reservatis.

Tum quia, si per hæc priuilegia conceditur eorum votorum commutatio, quæ omnem vim, & robur ad sui obseruantiam habent, cur ergo eadem vota iam aliquantulum per commutationem primam mollificata, & modificata non poterunt per eadem priuilegia iterum commutari? Ita Cord. in sum. q. 150.

### QVÆSTIO LXI.

*An possit Iubileum bis obtineri illis duabus hebdomadis?*

**H**ENRIQ. libro 7. de indulgent. cap. 11. num. 1. & lib. 6. de penit. cap. 16. num. 3. affirmat. Cui fauet Nauarr. §. in Leuit. notab. 32. num. 47. & notab. 37. num. 7. quæst. 4. vbi agens de anno Iubilei, dicit posse aliquem pluries intra illum annum, effectum, & omnem gratiam illius Iubilei obtinere, si Romæ existens pluries opera requisita faciat.

Cæterum nullatenus placet mihi hæc sententia, sed existimo Iubileum semel tantum in vna, vel altera hebdomada obtineri posse, & non semel in prima, ac iterum in secunda, quod forma Iubilei satis aperte id demonstret: non enim dicit copulatiue vt in vna, & altera hebdomada obtineri possit: nec indefinite, vt pro illis duabus hebdomadis comparatur; sed expresse sub forma disiunctiua dicit, qui prima hebdomada post publicationem, vel in sequenti post illam. Ita Suarez, lib. 6. cap. 16. num. ultimo.

QVÆST.

## QVÆSTIO LXII.

*An commutatio voti necessario fieri debeat præcisè intra tempus, quo Bulla, vel Iubileus durat? Perinde est, ac si quæreretur: An commutatio hoc modo fieri possit.*  
Ex nunc commutato votum tuum in id, quod ego postea, aut talis vir doctus præscribet.

**R**ESPONDEO: posse, sicut potest confessarius ex nunc absolvere pœnitentem remittendo vt de obligatione pœnitentiæ, vel restitutionis consulari vtrum doctum. Ratio est, quia verè fit commutatio intra tempus Iubilei, nec illi viro docto delegatur facultas commutandi, non enim ille commutat, sed confessarius. Præscriptio autem materiæ subrogandæ non est necessarium vt intra Iubilei, vel Bullæ tempus, fiat, potestque cuicumque viro docto committi: etiam si sit laicus, non est enim iurisdictionis actus, sed prudentiæ. Et ideo ita sentiunt Nauar. in *Man. cap. 26. num. 13.* Roder. *addit. ad Bullam §. 9. num. 115.* Viuald. *3. p. cap. 14. num. 40. Less. lib. 2. de inst. cap. 40. dub. 16.* Sayr. *lib. 6. cap. 12. num. 21.* Graff. *1. p. decis. lib. 4. cap. 15. num. 47.* & Suar. *lib. 6. cap. 16. num. 15.*

Hinc, si pœnitens recordetur se emisisse votum, non tamen speciei eius in particulari, poterit prudens cōfessarius determinare aliquam materiam per modum commutationis, vel omnino tollere votum per dispensationem, si causa iudicata fuerit generaliter sufficiens: vel etiam poterit aliquod maius tempus concedere ad renouandum in memoriam speciem voti, etiam si opus sit transgredi tempus præfixum Iubilei. Quia iam

acceptauit potestatem, & inchoauit causam, & quodammodo concessit commutationem, vel dispensationem tempore habili, quod sufficit ad firmandam iurisdictionem, vt tempore congruo possit in particulari commutatio consummari. Ita Suar. *ubi supra.*

## QVÆSTIO LXIII.

*An hic peccet contra votum, si antequam confessor, aut vir ille doctus materiam præscribat, prius votum frangat?*

**R**ODER. *add. ad Bullam §. 9. num. 115.* affirmat. Quia illa voti commutatio est in pendentem, donec confessarius, aut vir doctus materiam subrogandam definiat.

At dicendum est, hunc non peccare contra votum, etiam si ante præscriptionem nouæ materiæ contra prius votum faciat, quia obligatio voti circa materiam prius p̄missam iam est extincta, & translata in aliam materiam in genere: ille enim acceptando talem commutationem, implicite vouit id quod ille Doctor præscripturus est, ac proinde ante illius præscriptionem, votum non obligat. Ita Less. *lib. 2. de inst. cap. 40. dub. 16. num. 109.*

## QVÆSTIO LXIV.

*An, qui tempore Iubilei, aut Bullæ per obliuionem, vel alia de causa non curauit vota sua commutari, vel relaxari, possit postea votorum illorum commutationem ab eodem confessore, vel ab alio approbato ab Ordinario petere etiam post annum?*

RESPON

**R**ESPONDEO posse, si durante tempore Iubilei, aut Bullæ opera ad Iubilei consecutionem præscripta præstitit, & præcessit aliqua commutatio generalis, quia nimirum confessorius tempore Iubilei omnia pœnitentis vota commutauit in id, quod ipse, vel alius vir doctus iudicauerit. Quia iam tempore habili vota commutata sunt, sola materię subrogandæ declaratione in posterum relicta. Atque ita in simili loquentes de absolutione generali à censuris reseruatis & dispensatione in irregularitatibus tradunt Nauar. cap. 26. n. 13. Sayr. tom. 1. lib. 7. cap. 14. num. 8. & 9. ubi dicunt generalem absolutionem aut dispensationem virtute priuilegij factam, extendi ad obliuioni tradita: ac proinde quæcumque postea in mentem venerint, iam cessasse reseruationem. Quare colligunt sanum semper consilium esse, vt tempore Iubilei, aut Bullæ faciat pœnitens secum dispensari, & se absolui, quantum extenditur potestas confessoris, vt sic gaudeat dicto priuilegio quoad oblita. Et in hoc omnes Authores conueniunt.

### QVÆSTIO LXV.

*Sola difficultas est, quando ea commutatio generalis non præcessit, quia aut nulla vota commutauit, aut ea sola quæ pœnitens commutanda confessori patefecit.*

**1** **S**VAR. lib. 6. cap. 16. num. 36. negat. Quia ea commutandi potestas delegata confessorio est ad tempus limitatum, quo Iubileus, aut Bulla durat; ergo eo exacto expirauit omnino facultas.

**2** Sed multò verius existimo, posse transacto Iubilei tempore commutari vota oblita, quæ tempore Iubilei commutari poterant, ac dispensari in irre-

gularitatibus, & absolutionem à reseruatis impendi. Ratio est, quia quauis opera in Iubileo præscripta ad eum assequendum, alligentur temporari designato in eo, ita vt eo tempore elapso fieri nequeant; at iis completis eo tempore, pœnitens comparat priuilegium, vt absoluarur ab omnibus reseruatis, & in quibuscumque secum dispenseretur, & vt commutentur sibi vota vsque ad finem Iubilei facta, quod vtrique priuilegium certo tempore non alligat Iubileus, vt ex eius tenore constat: ergo.

Tum quia ratio, ob quam peccata tempore Iubilei oblita, non manent eo elapso reseruata, non est quod pœnitens sit ab eis tempore illo Iubilei indirectè absolutus dum à cæteris confessis absolutus est, vt rectè docet Suar. 4. tom. in 3. p. d. 31. sèct. 4. num. 20. Sed quia ius acquisiuit pœnitens per ipsum Iubileum, vt possit postea cuilibet ea reseruata confiteri, quorum oblitus est. Quæ ratio æquè in hoc casu militat: similiter enim dicemus per Iubileum acquisisse ius, quo posset eius vota relaxare. Quippe eodem tenore vota reseruata, & peccata reseruata conceduntur. Quæ doctrina diligenter annotanda est à confessoribus, qui non aliunde, quàm ex virtute Iubilei vota commutare possunt. Et idè huius sententiæ sunt Sanch. lib. 8. de matrim. disp. 15. num. 17. Suar. de panis. disp. 31. sèct. 4. Hentiq. lib. 7. de indulg. cap. 11. num. 4. Sà verb. indulg. num. 14. & Less. lib. 2. cap. 40. dub. 16.

### QVÆSTIO LXVI.

*An si pœnitens tempore Iubilei, votis emissi memor, noluit commutationem petere, possit postea, Iubileo transacto eam petere?*

Pp RESPON

- 2 **R**ESPONDEO posse. Ratio est, quia etsi semel noluerit eo privilegio uti, cum tamen id sit perpetuum, poterit mutata sententia pro casibus ante Iubileum admisis, eo uti. Et idem dic de irregularitatibus, & reliquis in Iubileo contentis. Ita Sanch. lib. 8. de matr. disp. 32. n. 2.

### QVÆSTIO LXVII.

*An, qui tempore Iubilei nullam confessionem fecit, quia premisso diligenti examine non inuenit in se culpam mortalem, impleuit tamen cetera opera in Iubileo præscripta, possit eo transacto, a reservatis obliis tempore Iubilei absolutionem, & votorum commutationem, & aliorum in eo concessorum, obtinere?*

- 1 **H**ENRIQ. lib. 7. de indulgent. cap. 12. num. 2. negat. Quia tempus delegationis præterit, nec causa intra illud cœpta est.

- 2 Sed multò verius existimo, posse. Ratio est, quia semel obtentus Iubileus dar ius omni tempore eligendi confessorem pro iis, quæ usque ad Iubilei finem reservata erant. Ita Sanch. lib. 8. disp. 15. num. 19. Hanc opinionem censet esse probabilem Henric. ubi supra.

### QVÆSTIO LXVIII.

*An virtute Iubilei, possit quis initio hebdomada à reservatis absolutus, ac eius vota commutari antequam requisita ad illam comparandum perficiantur?*

- 1 **R**ESPONDEO posse, dummodo bona fide procedat, & cum pro-

posito obtinendi Iubileum. Ratio est, quia nullus ordo in Iubileo præscribitur, ut absolutio à reservatis, aut commutatio votorum reservatorum fiat in fine post obtentam indulgentiam, vel post factas alias diligencias; sed simpliciter conceditur in ordine ad indulgentiam.

### QVÆSTIO LXIX.

*An si absolutus à reservatis per Iubileum, postea prætermittat ieiunium, orationes, vel alia opera necessaria ad consequendam indulgentiam, reincidat in pristinam casuum reservationem, à quibus absolutus erat?*

1 **E**T quidem si tempore absolutionis, verè eum non intendebat lucrari, certum est, eum non manere à reservatis, & à votis commutatis liberum. Quia Pontifex Iubilei privilegium non concedit nisi in ordine ad illum obtinendum.

### QVÆSTIO LXX.

*Sed dubium est, quando tempore absolutionis habebat propositum illum lucrandi, & postea verè non lucratus est.*

1 **A**NGLES de confess. q. 3. art. 5. Roder. in Bulla 6. 2. num. 8. Viuald. candel. Sacram. in 3. p. cap. 14. & Suar. lib. 6. cap. 16. num. 6. affirmant hunc reincidere in pristinam casuum reservationem. Quia ea absolutio tacitam habet conditionem, si postea Iubileum obtineatur.

2 At omnino dicendum est, nullatenus hunc reincidere in eandem casuum reservationem, sed manere verè absolutum. Ratio est, quia quâvis hic fuerit à reservatis absolutus in ordine ad futuram



futuram Iubilei consecutionem; at absolutio non pendet ab ea, ut à conditione de futuro, sic enim absolvere non licet. Nec absolutio illa à censuris, data est ad reincidentiam; id enim Iubileus non explicat, & solet Pontifex exprimere, quando id intendit, ut patet ex c. *Eos qui, de sententia excommunicat, in 6. Ita Nauar. de oratione missel. § 9. num. 223. Cord. in sum. q. 21. Henric. lib. 6. de pœnit. cap. 16. & lib. 7. de indulg. cap. 11. num. 4. Roder. p. 1. sum. cap. 184. num. 15. Hugol. de censur. ab. 1. cap. 10. num. 4. Emm. Sa. verb. absolutio num. 19. Sanch. lib. 8. de matr. disp. 15. num. 20. & Suar. tom. 4. ubi de confess. d. 11. sect. 4. num. 5. & tom. 5. de censur. d. 7. sect. 5. num. 30.*

### QVÆSTIO LXXI.

*An si quis in ea confessione oblitus est aliquod peccatum reservatum, vel censuram confiteri, extincta sit reservatio, adeo ut postea, possit cuicumque confessori illud confiteri?*

1 **S**VAR. 4. *tomo ubi de confessione disp. 31. sect. 4. num. 23.* tenet esse valde probabile manere reservationem, & in hanc partem magis inclinat.

2 **C**æterum contraria sententia est frequentissima, & tenenda, cuius Ratio est, quia cum confessio illa fuerit valida (ut suppono) confessor absolvens directe à peccatis confessis, & indirecte ab oblitis virtute Iubilei, intendit omnino reservationem tollere, cum absoluat in quantum potest, & re vera possit: ergo ea reservatio non reuiuiscit, non obrenro postea Iubileo. Et ideo ita tenet Roder. p. 1. sum. c. 184. n. 15. Et idem dicendum est de irregularitate & dispensatione vel commutatione votorum si eorum dispensatio per priuilegium concedatur, & per

obliuionem omittatur. Nauar. c. 26. n. 13. & Maior. lib. 5. de irreg. cap. 51. nu. 6. Quod intelligitur quando tempore Iubilei pœnitens aliquam confessionem præmisit secus si nullam confessionem fecit ob peccati mortalis defectum quia Iubileus non tollit ipso facto reservationem contractam, sed indulget facultatem confessario illam auferendi per absolutionem sacramentalem, quæ tunc non est impenfa, nec modo impendi potest, cum Iubileus non sit obtentus.

### QVÆSTIO LXXII.

*An vota commutata virtute Iubilei, quem postea pœnitens non lucratur, quia negligit facere opera ad Iubileum necessario requisita, reuiuiscant.*

1 **I**n hac questione duæ extant Doctorum opiniones. Prima sustinet ea reuiuiscere. Sic Angles de confess. q. 3. ar. 5. diff. 4. & Roder. in Bulla 8. 2. num. 8. Hanc opinionem tribuit Suar. lib. 6. c. 16. nu. 7. Viuald. candel. sacrament. p. 3. c. 14. nu. 63. Sed malè, quia oppositum tenet.

2 **S**ecunda verò opinio, quæ mihi magis arridet, tenet ea nequaquam reuiuiscere, sed manere verè commutata. Ratio est, quia talis commutatio absolutè, ac nulla conditione apposita, sicut & absolutio à reservatis, concessa est. Vnde cum semel legitime facta fuerit, ac proinde extinxerit eorum obligationem, non est dicendum ea postea reuiuiscere, non obento Iubileo. Et ideo huius sententiæ sunt Henricus. lib. 7. de indulg. c. 11. n. 4. Roder. p. 1. sum. c. 184. n. 15. Einma. Sa. verb. absolutio nu. 18. Viuald. candel. Sacram. 3. p. c. 14. nu. 59. & 60. Sanch. lib. 8. disp. 15. nu. 22. & Suar. lib. 6. c. 16. nu. 9.

3 Et idem dicendum est, quando confessarius commutauit quidem votum, sed materiam in voti locum subrogandam non præscripsit, sed eam à se, vel ab alio postea determinandam remisit, quia verè iam erat facta commutatio. Secus autem est de votis tunc oblitis: non enim possunt finito Iubileo non obtento commutari. Quia cum ea non sint verè sublata, nec auferendi priuilegium sit verè comparatum, nequibunt aufertur. Secus etiam est, quando confessor non verè commutauit vota tempore Iubilei, sed ea commutanda distulit in aliud tempus post dictum Iubileum: tunc enim si postea non lucretur, nequibunt vota commutari. Quia res erat integra, priuilegium verò non est obtentum. *Suar. lib. 6. cap. 16. num. 15.*

4 Illud tamen est obseruandum, quòd confessarius potest non dispensare, vel commutare vota si velit, donec omnes diligentie ad Iubileum requisitæ compleantur: aut ante dispensare, vel commutare sub conditione, vt ea non fortiantur effectum, donec impleta sint omnia ad Iubileum assequendum necessaria. Quod non habet locum in absolutione à casibus reservatis, & censuris, quæ debet præcedere & esse absoluta. *Suares, lib. 6. cap. 16. num. 10.*

### QVÆSTIO LXXIII.

*An si is intendebat lucrari iubileum, & fuit virtute illius absolutus à reservatis, & votorum commutationem obtinuit, & postea voluntariè omittat onera Iubilei, peccet mortaliter?*

1 SVAR. *lib. 6. cap. 16. num. 11.* putat seum peccare grauiter. Quia facit contra virtuale pactum inclusum in

eo beneficio recepto. Nam absolvens ac commutans virtute iubilei, censetur imponere onus exequendi necessaria ad eius consecutionem. Idque est tanquam pœnitentia iuncta, & acceptata in satisfactionem pro talibus culpis.

Sed contrarium tenent Henricus, *lib. 6. de pœnitent. c. 16. num. 6.* & Sanchius, *lib. 3. de matrim. disp. 15. num. 24.* Ducunturque, quia hic nihil promissit, nec obligationem aliquam illi imposuit confessarius, nec iubileus talem obligationem requirit: nec de tali Pontificis intentione constat. Nec aliqua ratione probatur ex natura rei tale pactum in ea actione includi, sed satis est, vt pœnitens bona fide propositum habeat illum lucrandi.

### QVÆSTIO LXXIV.

*An quando virtute alicuius Iubilei, vel Bullæ datur facultas commutandi vota in subsidium certa rei, v.g. belli contra infideles, possit arbitrio confessarii fieri commutatio in subsidium spirituale, quales sunt orationes, sacrificia, ieiunia pro felici belli exitu?*

QVI DAM affirmant possit. Quia priuilegium absolute petit conferri aliquid in belli subsidium, nec minoris efficacis est subsidium spirituale, quàm temporale, sed maioris. Alioquin vota pauperum tunc commutari non possent, nam nihil subsidij temporalis conferre possunt, vel certè adeò parum, vt pro nihilo reputetur. Sic tenent Ant. Gom. in *Bullæ cruce. clausula 10. num. 54.* *Suar. lib. 6. c. 19. num. 18.* & putant esse probabile *Viuald. candel. sacram. 3. p. cap. 14. num. 19.* & Less.

& Less. lib. 2. cap. 4. dub. 16. num. 119. Idem tenet Llamas meth. curator. 3. p. cap. 4. §. 45. limitans quando vota sunt personalia, & vouens ita pauper, vt non sit sufficiens subsidio temporali erogando. & Anton. Gomes vbi supra dicit posse virtute Bullæ, commutari vota in subsidium belli, vel aliud opus pium, si vouens pauper sit.

- 2 Alij verò rectius docent talem commutationem debere esse in temporale belli subsidium. Et ratio est, quia privilegia iuxta eorum tenorem sunt interpretanda.

Tum quia praxis ipsa ita id satis testatur, & quando Pontifex est contentus orationibus, aut aliis piis operibus, id solet explicare: vt constat ex alijs eiusdem Bullæ clausulis. Et ideo ita tenent Sor. lib. 7. q. 4. art. 3. Arag. 2. 2. q. 88. art. 12. Lop. p. 1. cap. 50. & p. 2. cap. 9. Nauar. cap. 12. num. 80. Cord. sum. sum. q. 149. & 150. Roder. add. ad cruc. §. 9. num. 109. Angles de voto, Vega 2. 10. cap. 129. casu 106. Petr. de Ledesm. 2. tom. sum. tract. 10. cap. 8. Sayr. lib. 6. cap. 12. num. 17. Azor. tom. 1. lib. 11. cap. 18. q. 9. & Sanch. lib. 8. de matrimonio disp. 12.

### QVÆSTIO LXXV.

*An tota commutatio debeat esse in temporale belli subsidium?*

- 1 SOTVS, Aragona, Lopes, Nauar. Angles, Vega, Corduba, Rodericus, & Petrus de Ledesm. vbi supra affirmant totam commutationem debere esse in temporale belli subsidium.

At verò Henric. lib. 7. de indulg. cap. 30. num. 6. Suaz. lib. 6. cap. 9. num. 18. Sanch. lib. 8. disp. 13. & Viuald. cand. sacram. p. 3. c. 14. num. 39. rectius docent, posse commutari partim in temporale

belli subsidium, & partim in alia quouis pietatis opera pro felici belli exitu. Quod clarè indicant verba ipsius Bullæ ibi. *In aliquod subsidium huius expeditionis commutari.* Quasi dicat, aliquam commutationis partem debere esse in eleemosynam pro belli expeditione. Nam si tota commutatio esset necessario facienda in id subsidium, pauci vellent tali privilegio uti, quia vel carerent pecunia æquali bonitati rei promissa, vel nollent tantam pecuniæ quantitatem contribuere, quod in eius præiudicium redundaret. Arbitror tamen non sufficere minimam pecuniæ quantitatem, facta reliqua commutatione in alia opera pia, quia videtur id intentioni Bullæ aduersari, quæ potius subsidium temporale, quam spirituale subsidium spectat; sed eam prudentis confessoris arbitrio faciendam esse, attentis gravitate voti commutandi, ac facultatibus vouentis.

### QVÆSTIO LXXVI.

*An commutato voto in aliam materiam, omnino extinguatur prioris voti obligatio?*

RESPONDEO quando commutatur votum in aliam materiam, extinguatur omnino vinculum voti circa priorem materiam, & transfertur idemmet in posteriorem materiam subrogatam: ac proinde hæc obligabit sub eodem voto. Quia Prælati commutans non remittit priorem voti obligationem; sed solam materiam mutat, eo pacto, vt loco illius, accipiet vouens aliam sub eiusdemmet voti obligatione. Sic D. Thom. in 4. d. 38. q. 1. art. 4. q. 3. Caiet. 2. 2. q. 88. art. 12. Valent. 2. 2. d. 6. q. 6. p. 7. Arag. 2. 2. q. 88. art. 12. Emman. Sæ verb. votum vbi

de voti irrit. nu. 17. Henric. lib. 7. de indulg. cap. 30. num. 5. Sayr. lib. 6. cap. 11. num. 120. & cap. 12. num. 2. & Suar. lib. 6. cap. 20. num. 1. & 5.

- 2 Hinc, si Prælati votum commutauit, ut peregrinationem in ieiunium, & hic ieiunium non seruat, propter hoc non manet obligatus ad primum votum; sed bene fit reus transgressionis secundi voti. Quia obligatio semel extincta, non reuiuiscit.

Et idem dicendum est, quando commutatur iuramentum in aliam materiam, non enim extinguitur prioris iuramenti obligatio, sed extinguitur circa solam priorem materiam, & transfertur eademmet in materiam subrogatam: ut rectè Arag. 2. 1. q. 89. art. 9. & Suar. 10. 2. de relig. tract. de iurament. lib. 2. c. 36. nu. 8. annotatur.

- 3 Hinc, qui iurat certo termino soluere, tenetur ex vi iuramenti soluere, prorogato eo termino per creditorem. Quia in hoc casu, nulla noua obligatio inducitur, sed est eademmet soluendi debiti ab initio contracta, solæque solutionis dies differtur: ergo manet affecta obligatio illa eodem iuramento. Ita Azor. lib. 11. c. 10. q. 13. & Suar. lib. 2. cap. 36. num. 12. & 13.

## QVÆSTIO LXXVII.

*An is, cui votum commutatum est, si non impleuit commutationem, teneatur ad prius votum?*

- 1 **R**ODER. addit. ad Bullam §. 9. nu. 177. & 118. Sor. lib. 7. q. 2. art. 1. Arag. 2. 2. quest. 88. art. 1. Veg. 2. tom. cap. 129. casu 79. & Graff. 1. p. decis. lib. 2. cap. 30. num. 3. affirmant hunc obligari ad prius votum, quando culpa sua materiam subrogatam non impleuit. Et probant, quia facta commutatione, est licitus transitus ad prio-

rem materiam: ergo manet obligatio disiunctiua vnius, aut alterius materiæ.

Et confirmatur; nam quando vna materia commutatur in aliam, sub tacita conditione commutatur, *Si executioni mandetur materia loco prioris sufficiens.*

Cæterum nullatenus placet mihi hæc sententia; sed existimo hunc, qui ratam habuit commutationem voti, quamuis per maliciam omiserit materiam, in quam commutatum est, nullatenus teneri ad prius votum. Ratio est, quia per commutationem, votum circa priorem materiam est prorsus extinctum, & obligatio eius voti est prorsus translata in materiam subrogatam. At obligatio semel extincta non reuiuiscit, nisi propria voluntate iterum assumatur. *l. Qui res §. aream ff. de solut.*

Tum quia, etsi facta commutatione, liber maneat vouenti reditus ad priorem materiam, non inde sequitur obligationem manentem, facta voti commutatione, esse verè alternatiuam, sed verè est determinata ad materiam subrogatam, quamuis eo priuilegio fruatur vouens, ut possit loco illius priorem materiam exequi; & ideo obligatio per se cadit in materiam posteriorem, quamuis in priori impleri valeat ex interpretatio, & fauorabili creditoris consensu.

Nec iure probatur eam commutationem sub cōditione fieri; nec quando commutatur votum, ea conditio apponitur. Quod si is qui vouit, commutationem fictè acceptauit, non intendens ad illam obligari, non manet votum commutatum, ac proinde illud obligat. Verum quia ex parte commutantis fuit valida commutatio, satis est, ut illa possit vouens uti, ut internè commutationem acceptet. Si verò illam acceptauit, sine proposito tamen

tamen illam adimplendi, valuit quidem commutatio, & tenetur vouens tale propositum mutare, illamque complere.

## QVÆSTIO LXXVIII.

*An si quis absolute religionem vouit, & ingressus eiicitur post professionem in perpetuum, reuiviscat prius id votum, ac proinde teneatur hic aliam religionem ingredi?*

**S**OTVS lib. 7. q. 1. art. 1. Arag. 2. 2. q. 88. art. 3. Roder. add. ad Bullam 9. 9. num. 117. & 118. Viuald. cand. sacram. 3. p. cap. 14. num. 28. Vega 2. som. sum. cap. 129. casu 79. & Corrad. in suis responsis 1. p. q. 285. tenent id prius votum reuiuiscere ac subinde teneri hunc aliam religionem intrare. Quia huiusmodi votum non fuit determinatæ religionis, sed indeterminatæ, & vagæ.

Arbitror tamen contrarium esse affirmandum. Et ratio est, quia vota omnia in sæculo, vel in nouitiatu emissæ, siue sint temporanea, siue perpetua, siue personalia, siue realia vel mixta prorsus per professionem extinguuntur. cap. Scriptura de voto. At obligatio semel extincta, non reuiuiscit, ac proinde si facta tali commutatione, contingat professum eiici, non tenetur aliam religionem ingredi.

## QVÆSTIO LXXIX.

*An post factam commutationem, liceat vouenti redire ad priorem materiam, & omittere commutationem?*

**I**N qua re certum est in primis, quod si commutatio aliqua iusta causa

facta est in minus bonum, integrum est vouenti non uti commutatione, sed implere votum prout à principio factum fuit. Ratio est, quia unicuique fas est propria authoritate suum votum in melius commutare, nedum redire, omiſſa commutatione ad materiam meliorem prius promissam. Suar. lib. 6. cap. 20. nu. 2.

Secundò, etiam certum est, quod si commutatio facta est in æquale bonum, non obstat, quin vouens possit satisfacere voto implendo quod vouit, relicto eo in quod commutatum fuit ipsius votum. Ratio est, quia talis commutatio facta est in fauorem, & commodum vouentis, ut ipsius utilitati prospiciatur, ac facilius possit votum implere in materia subrogata: sed liberum est unicuique non uti fauore sibi concessio: ergo.

Tum quia ea totali æqualitate existente, æquè colitur vtraque Deus, & aliquantulum excedit materia prior promissa, cedit enim in voti fauorem, ut prius votum in propria materia potius quàm in alia æquali impleatur.

Tum demum, quia huiusmodi commutatio tacita conditione hac fieri censetur, si nolis prius votum adimplere, in qua re, nec repugnantia, nec iniustitia cernitur. Et ita tenet Azor. lib. 11. cap. 18. q. 10.

## QVÆSTIO LXXX.

*Sed tota difficultas est, quando commutatio voti facta est in melius?*

**A**ZOR. lib. 11. cap. 18. quest. 10. 1. & 12. Sayr. lib. 6. cap. 12. nu. 12. Less. lib. 2. cap. 40. dub. 16. num. 111. & Sanch. lib. 9. de matrim. disp. 4. num. 21. existimant hunc, qui vouerat posse propria authoritate ad illud, quod ante

ante promiserat tuta conscientia redire. Quia talis commutatio siue fiat in rem æqualem, siue in meliorem, tota est in fauorem vouentis, quia putat se facilius posse in materia illa siue æquali, siue meliori votum implere: sed is cui priuilegium datur, potest eo uti, & non uti, sicut illi placet, alioqui non tam esset fauor, quam onus.

- 1 Alij verò probabilius sentiunt, non esse in potestate vouentis iterum ad prius votum redire, ommissa materia, in quam facta est commutatio. Ratio est quia illa commutatio vim habet noui voti, quo acceptans talem commutationem obligat se ad reddendum Deo aliquid melius, quàm antea promiserat: ergo iam non licet illi respicere retro, quia illud virtute erit melius votum in minus commutare, quod propria autoritate non licet.

Tum quia commutatio in melius est absoluta, nec fit in vouentis fauorem, sed solius Dei, & in maiorem eius cultum, ergo is reditus non licebit, quando commutatio est facta in melius. Et idem ita tenent Franc. Suar. *lib. 6. cap. 20. num. 1. & 4.* Quam opinionem cenfeo esse verissimam in euentu, quo acceptans commutationem in melius, id efficeret consuleto ad maiorem Dei cultum augendum, quia ea commutatio non in sui, sed in Dei fauorem est facta.

Hinc, qui prius Sacerdotium vouit, & deinde tale votum commutauit in votum religionis, non potest postea relicta religione Sacerdotium sumere. Quia posterior obligatio potuit derogare priori, & præualere.

### QVÆSTIO LXXXI.

*An voto sæpius commutato, fas sit ei qui vouit, ad quamcumque materiam ex eiu, in quas facta est commutatio, redire?*

RESPONDEO si omnes huiusmodi commutationes fuerunt iustæ, & licitæ in æquale bonum, integrum est ei qui vouit seruare posteriorem commutationem, vel ad suum primum votum redire si velit, vel primam, aut secundam voti commutationem eligere, reliquis posthabitis, v.g. peregrinatio est legitime commutata in confessionem, & hæc in ieiunium, & hoc in Rosarium: satisfacit vouens recitando Rosarium, aut exequendo peregrinationem, aut confessionem illam, aut illud ieiunium. Quia omnes huiusmodi commutationes in vouentis fauorem sunt factæ. Ita Azor. *lib. 11. cap. 18. q. 12.* Less. *lib. 2. cap. 4. dub. 16. num. 111.* & Sayr. *lib. 6. cap. 12. num. 22.*

### QVÆSTIO LXXXII.

*An postquam vouens rediit ad prius votum nolens commutatione uti, possit iterum panitere, & ad materiam commutationis redire?*

QVIDAM, quos tacitis nominibus, refert Suar. *lib. 6. cap. 20. num. 13.* negant.

Sed existimo sic distinguendum. Si commutatio facta fuit in minus, non potest is qui vouit, ad materiam commutationis redire. Quia renunciando ei commutationi, emisit de nouo prius votum, quod cum sit melius, non potest propria autoritate in minus bonum commutare. Quod si commutatio facta fuit in æquale, similiter non poterit vouens ad materiam subrogatam redire, quia ut dictum est, non licet propria autoritate commutare votum in bonum euidenter æquale. Tandem si commutatio facta fuit in melius, integrum erit ei, ad illud redire. Ita Suar. *lib. 6. cap. 20. num. 13.*

QVÆST.

## QVÆSTIO LXXXIII.

*An in commutatione facienda, seruanda sit etiam similitudo? id est, an votum personale possit in reale, & è contra commutari?*

**I**LLVSTRISSIMVS Caietan. in summa verbo dispensatio votorum circa finem. Nauar. cap. 12. nu. 77. & Angles quest. de voto art. 4. d. ff. 7. docent seruandam esse hanc similitudinem: idè enim dicunt, vota realia redimenda esse, & in votis mixtis, vt peregrinationis, expensas redimendas esse, onera verò personalia esse commutanda in alia proportionalia.

**2** At probabilius existimo contrarium. Quia cum solius maioris cultus diuini, aut æqualis sit in commutatione voti ratio habenda, & hæc æqualitas inueniri possit in vtraque materia, non est necessarium in hac commutatione seruare vnitatem physicam, vel similitudinem, sed proportionem, aut æstimationem moralem ad maiorem Dei cultum. Et est conclusio definita in cap. 2. de voto, vbi votum personale peregrinationis Hierosolymitanæ commutatur in eleemosynam, quæ est quid reale. Et idè ita sentit Suar. lib. 6. cap. 19. num. 16. Vnde quando Doctores dicunt expensas peregrinationis esse commutandas in eleemosynas, & laborem itineris in opera personalia, id intelligendum est de consilio, non autem de necessitate præcepti.

## QVÆSTIO LXXXIV.

*An commutatio voti peregrinandi in terram sanctam, sit in eius fauorem faciendæ?*

**1** RESPONDEO minime, sed instar aliorum votorum fieri potest: &

quamuis Romani Pontifices soliti sint huiusmodi votum in eleemosynam commutare in eius loci subsidium, vt constat ex cap. Magna de voto. Id tamen procedebat, quando vrgebat necessitas succurrendi expeditioni bellicæ in illius terræ subsidium, quæ cum hodie prorsus cessarit, non est opus, vt ea commutatio in fauorem illius loci fiat. Ita Suar. lib. 6. c. 19. n. 17.

## QVÆSTIO LXXXV.

*An ad commutationem voti sit attendendum maius, aut minus, aut æquale bonum materia promissa, & eius in quam commutatio fit, iuxta excellentiam virtutis, cuius est actus; ita vt semper censeatur commutatio fieri in melius, quoties commutatur in opus excellentioris virtutis: Vt si commutetur ieiunium in orationem?*

**R**ESPONDEO minime. Ratio est, quia cum votum tendat in Dei obsequium à vouente exhibendum, non semper est Deo gratius, quod per se est excellentius, sed quod pro tempore, & loco est melius, commodius, & aptius saluti spirituali vuentis.

Hinc, qui ad domandam carnis libidinem vouit ieiunium, si illud postea confessarius commutet in eleemosynam, non censetur rectè votum commutasse: quia licet eleemosyna per se, & ex genere suo sit ieiunio melior, tamen ad domandam libidinem, non est adeo apta, ac ieiunium.

Hinc, qui ad auferendam anariciam, vouit eleemosynam, non rectè fiet commutatio si illam confessarius in orationem commutet. Ratio est, quia licet per se, & ex natura rei, oratio sit actus excellentioris virtutis, quam

elemosyna; tamen ad tollendam auaritiā, non est adeo utilis vouenti: quā elemosyna.

Hinc, qui ad obtinendam castitatem, peregrinationem vouit, si illam postea confessarius commutet in ieiunium, censetur rectē vorum commutasse. Ratio est, quia ad castitatem assequendam magis conducit ieiunium, quā peregrinatio.

### QVÆSTIO LXXXVI.

*An in votis commutandis habenda sit ratio difficultatis implendi rem promissam, ac materiam subrogatam?*

**R**ESPONDEO sic. Ratio est, quia difficultas augeat meritum. Vnde votum ieiunij à paupere factum, si in elemosynam commutetur, potest in minorem commutari, quā si diues illud fecisset. Quia exigua pecunia pauperis magis Deo placet, quā ingens diuitis. Et pauciora ieiunia debēt in eiusdem voti commutatione imponi laborantibus, cholericis, & debilibus, quā oriosis, begmaticis, & robustis. Quia, ratione difficultatis, pauciora in illis æquivalent pluribus horum.

### QVÆSTIO LXXXVII.

*An ad commutandum votum peregrinationis expendi debeant expensæ, quas facturus erat, qui vouit?*

**R**ESPONDEO sic. Ratio est, quia augeat pondus, & æstimationem voti, cap. Magna de voto. v.g. promissisti visitare Domum Laurentianam, & vlerius offerre ibi calicem argenteum: authoritate superioris, aut habentis ad id priuilegium, calix alicui alteri Ecclesiæ indigenti offerri poterit, & ex-

pensæ in itinere faciendæ erunt in vsus pauperum erogandæ. Ita Suar. lib. 6. cap. 19. num. 18.

### QVÆSTIO LXXXVIII.

*An in hoc casu sint deducendæ expensæ, quas ipse vouens domi erat facturus?*

**R**ESPONDEO esse deducendas. Ratio est, quia cū illæ essent, cessante ea peregrinatione, faciendæ, non sunt Deo dicatæ per votum. v.g. erat in itinere singulis diebus sex Iulios argenteos consumpturus, & domi res tantum, iis tribus deductis, cæteri sunt pauperibus erogandi. Ita Suar. lib. 6. cap. 19. num. 19.

### QVÆSTIO LXXXIX.

*An in hoc casu habenda sit ratio expensarum, quas vouens iuxta sui status decentiam, & diuitias, sequorum, & famulorum, facturus erat?*

**Q**UIDAM absolutè negant. Quia hæc per accidens se habent ad votum, & eundo absque comitatu aliquo, illi voto satisfiit.

Petr. de Ledesm. 2. tom. sum. tract. 10. num. 8. ait teneri virum nobilissimum ad expensas cum duobus famulis faciendas.

Roder. p. 2. sum. cap. 102. n. 4. ait teneri hunc ad vnius famuli expensas.

Henriq. lib. 7. de indulg. cap. 30. nu. 5. Arag. 2. 2. q. 88. art. 12. & Sayrus lib. 6. cap. 12. num. 20. dicunt disunctiue teneri hunc ad expensas, quas solus, aut ipse cum vno, aut altero famulo facturus erat.

At dicendum est, habendam esse rationem expensarum, quas vouens iuxta statum suum, & modestam ipsius consue-



consuetudinem, facturus erat. Et ratio est, quia quamvis in rigore non promiserit hoc, sed tantum ire; atque ita voto suo satisfaceret, si solus peregrinaretur: at res æstimandæ sunt moraliter prout ex parte rei futuræ sunt. Et ideo ita sentit Franc. Suar. lib. 6. cap. 19. num. 20. qui dicit esse communem.

## QVÆSTIO XC.

*An autem in his omnibus commutationibus habenda sit ratio expensarum, & laboris in eundo, non autem in redeundo, contrahitur inter Doctores?*

**H**ENRIQ. lib. 7. de indulg. cap. 30. num. 5. Roder. p. 2. sum. cap. 102. num. 4. Angles de voto & Graff. lib. 2. cap. 30. num. 10. tenent tantum habendam esse rationem expensarum in eundo. Ratio est, quia solum vouit ire, non autem redire, ac proinde plane voto satisfaceret non redeundo.

**2** Alij verò rectius docent habendam esse etiam rationem expensarum, & laboris in morando, & redeundo. Ratio est, quia quamvis non vouit redire, sed solum ire, huiusmodi autem reditus tacite subintelligitur in voto peregrinationis, & reuersio est peregrinatione est accessoria ad perfectionem, & opus religionis consummans votum.

Et confirmatur, nam qui se obligat ad eundem aliquo, computat etiam reditus expensas ad iustum itineris mercedem, quantumvis redire non teneatur, reditusque sit inutilis mitenti.

**3** Et est conclusio definita in cap. Magna de voto, & voti redemptione ubi Innocentius III. ita votum transmarinum commutandum esse censuit;

ut expensæ, quas vouens in eundo, morando, & redeundo facturus erat, commutentur in necessariis vsus terræ sanctæ, sine diminutione qualibet transferendæ: Nec dici potest, illud esse speciale in voto Hierosolymitano, quia Pontifex non intendit imponere onus quod non esset inclusum in voto: & ita eadem ratio est in quocumque alio simili voto. Ita Says. lib. 6. cap. 11. num. 20. Suar. lib. 6. cap. 19. num. 20. & alij.

## QVÆSTIO XCI.

*An ad huiusmodi expensas computandas, sit habenda ratio periculorum itineris, damni ex absentia imminentis rebus vouentis, & tributorum soluendorum infidelibus, ut transitum in Hierosolymam permittant?*

**R**ESPONDEO horum omnium habendam esse rationem. Ratio est, quia hæc omnia sunt Deo promissa per votum, & augent pondus, & æstimationem voti.

## QVÆSTIO XCII.

*An in commutatione voti sit ratio habenda expensarum, quas vouens in peregrinatione mendicando fecisset?*

**R**ESPONDEO minimè. Ratio est, quia nullis vouentis propriis erat huiusmodi peregrinatio peragenda.

## QVÆSTIO XCIII.

*An in commutatione voti, sit considerandum labor itineris?*

Qq 2

RESPON

**R**ESPONDEO sic. Et ratio est, quia auget pondus, & æstimationem voti: unde si vouens erat pedibus peregrinaturus, ultra expensas, laborumque dierum vnus diei ieiunio; & labor duorum cum ieiunio duorum dierum: & sic deinceps commodè commutari potest. Quòd si non erat pedibus iturus, tunc labor quatuor dierum in vnus diei ieiunium commutatur. Ita Sayrus lib. 6. cap. 12. num. 10. & Azor. lib. 11. cap. 18. q. 13. qui adhuc amplius loquitur, ait enim laborem quatuor vel quinque dierum posse in vnicum ieiunium commutari. Et ita intelligendus est Angles in materia de voto, vbi absolutè ait: *Pro quo vno quaque die ieiunio, iure vnus ieiunij dies imponitur*, intelligendus (inquam) est, quando peregrinatio est equestis.

#### QVÆSTIO XCIV.

*An is, cui concessa est potestas dispensandi, & commutandi vota, possit licitè uti pura dispensatione, si commutatio sufficiat ad subueniendū necessitati subditi?*

**S**OTUS lib. 7. q. 4. art. 3. & Roder. Sp. 2. sum. cap. 102. nu. 4. absolutè dicunt non licere. Quia infidelis dispensator est is, qui quod potest facere cum minori iactura rerum domini, facit cum maiori: sed in casu posito, posset Prælatum cum sola commutatione materia: voti absque dispensatione, occurrere necessitati eius, qui vouit: ergo infideliter faceret, si dispenseret.

**A**t pro certo tenendum est, non solùm esse validam talem dispensationem, sed etiã licitam, si subsit causa iusta. s. obstans executioni voti.

Quod constat ex vsu Ecclesiæ receptissimo: sæpe enim Prælati in votis dispensant absque commutatione. Tum quia non est infidelis dispensator, qui vtitur potestate data à domino, sed Deus dat Prælato potestatem indifferenter ad dispensandum, & commutandum, si causa subsit: ergo.

Verùm circa hoc potest dari casus, vt Prælatum debeat partim commutando, & partim dispensando occurrere necessitati vouentis. Vt si sit aliqua causa obstans executioni voti quoad partem, licet non quoad totum: tunc enim poterit partim dispensare quoad tantum, & partim commutare, mutando. s. materiam voti in aliquid minus. Ita Valent. 2. 1. d. 6. quasi. 6. p. 7.

Illud postremò hoc loco est obseruandum, quod pro commutatione voti religionis semper debet imponi aliquod vinculum perpetuum, vt quod confiteatur singulis mensibus, ieiunet singulis feriis sextis, septem Psalmos pœnitentialis, aut Rosarium quotidie recitet, & det eleemosynam iuxta statum suum, & hæc omnia per totam vitam fieri debent: Et ita est in praxi Romæ in officio pœnitentiariæ. Ita Sot. lib. 7. q. 4. art. 3. & Arag. 2. 2. q. 88. art. 12.

Hinc, qui in votis commutandis prædictam diligentiam non adhibet, peccat mortaliter secundum Medinam lib. 1. instruct. confess. lib. 1. cap. 14. §. 7. Vnde confessarij imperiti non debent hoc onus commutandi vota in se suscipere, sed consulere in his casibus habentes commutandi peritiam, quia defectu huius, ego dum in Ecclesia Beatæ Mariæ Montis Regalis officium pœnitentiarij exercebam, audiui multas ridiculas commutationes.

*Atque ista de commutatione sufficiant.*



# DE RELIGIOSO STATV, AC DE VOTO SOLEMNI IN COMMVNI

## LIBER QVINTVS.

**A**CTENVS in quatuor libris proximè præcedētibz, de voti simplicis obligatione exactè egimus: nunc in hoc libro de religioso statu, ac de voto solemnī in communi, ex professo agendum est, de quo disputat Magister cum cæteris Theologis in 4. dist. 38. D. Thom. 2. 2. q. 88. & q. 187. 188. & 189. & Caiet. *ibidem*. Sorus lib. 7. de iust. q. 5. Valent. 2. 2. disp. 10. Azor. tom. 1. lib. 11. cap. 23. Less. lib. 2. de iust. cap. 41. dub. 1. Nauar. comment. 1. de regul. & Sanch. tom. 2. operis moralis lib. 5. Summistæ verò, vt Angelus, Syluester, Tabiena, Armilla, & alij verbo *votum*, & religio. Vt autem clariùs procedamus, prius de nomine, & ac definitione status aliquid præmittendum est, Vnde quæritur in primis.

### QVÆSTIO I.

*Quid sit status?*

**P**RO huius quæstionis solutione obseruandum est primò, statum

bifariam sumi posse. Vno modo largè, & sic quæuis vitæ conditio, in qua homo ad tempus, vel in perpetuum permanet, status dicitur, vt status innocentie, status legis Mosaicæ, & Euangelicæ, status huius vitæ, & vitæ futuræ, status Beatorum, & status damnatorum, status incipientium, proficientium, & perfectorum: status Ecclesiasticus, & status sæcularis, status seruorum, & liberorum, viduarum, virginum, &c.

Secundò strictè, pro conditione vitæ immobili, per quam homo alteri obligatur. Et hoc modo sumitur hic, & potest sic describi: *Status est quadam vitæ conditio firma, & immobilis ad aliqua officia, & opera facienda*. Ita Caietan. 2. 2. q. 154. art. 5. Sor. lib. 7. q. 5. art. 1. & alij communiter. Hoc modo D. Thom. 2. 2. q. 183. ar. 1. tres personarum status in Ecclesia constituit, Episcoporum, religiosorum, & coniugatorum. Nam Episcopi immobili, ac solemnī vinculo suæ Ecclesiæ obligantur: religiosi quoque immobili quadam suorum votorum obligatione solemnī tenentur obstricti: coniuges

ges etiam sibi inuicem firma, & perpetua matrimonij coniunctione deuincti obligantur. Ex his duo sunt spirituales; & dicuntur status perfectionis: tertius uero est secularis, qui omnes in Euangelio Luc. 17. aperte colliguntur, nimirum laborantium in agro, molentium in mola, quiescentium in lecto. Qui laborant in agro, sunt Episcopi, qui laborant in uinea, domini; de quibus Apostolus 1. Cor. 3. *neque qui plantat, est aliquid, neque qui rigat &c.* Qui molunt in mola sunt coniugati, curis, & sollicitudinibus circumdati, & inuoluti. Qui recumbunt in lecto, sunt Religiosi, qui toti rerum cœlestium, & diuinarum contemplationi sunt dediti. Vnde D. Bernardus *serm. ultimo in vigilia Natiuit. Domini. & serm. 1. in Natiuit.* asserit hos tres status designatos tribus illis uiris, de quibus dominus apud Ezech. cap. 14. *Si fuerint tres isti in medio eius Noë, Daniel. & Iob, &c.* per Daniele qui vitam egit cœlebem, ait, significari religiosos. Per Noë, qui arcam gubernauit Prælatos: Per Iob, qui filiis, & copia rerum abundauit, coniugatos. Obseruandum secundò, religionis nomen bifariam sumi posse. Primò pro uirtute, quæ Deo optimo Maximo iustum, & debitum cultum, ac honorem exhibet, propter ipsius excellentiam quatenus creationis, & gubernationis rerum omnium, est primum atque vniuersale principium quæ & latra dicitur. Et sic religiosi dei possunt omnes, qui sanctè, & piè Deū colunt.

Secundò pro peculiari vitæ instituto, per quod homo ex libera sua electione totaliter se ipsum in finissimum, atque perfectissimum holocaustum Deo offert. Et sic per antonomasiam quandam, propriè vendicant sibi nomen religionis in Ecclesia, non solùm qui per communium præcep-

torum obseruantiam, verum etiam per solemnem trium votorum essentialium professionem, nèpe obedientiæ, paupertatis, & castitatis perpetuæ, se totos perpetuò diuino cultui dedicant. Et sic religio nihil aliud est, quàm status hominum ad perfectionem christianam per obedientiæ, paupertatis, & continentiæ vota tendentium. Vnde religio est verbum compositum ex præpositione *re*, & *lego*, legis & significat, semel, atque iterum aliquid legere, iuxta Isidorum, lib. 10. *etymol. cap. 17.* ubi de mente Cicero nis dicit, quod religiosus à religione est appellatus; religio autem à relegendo, pro eo quod religiosus relegit, atque retractat, hoc est iterum, atque iterum legit, ac toto corde reuoluit, quæ sunt diuini cultus, iuxta illud Proverb. 3. *In omnibus uis tuis cogita illum;* vel dicitur à *relegendo*, quod verbum etiam componitur ex præpositione *re*, & *eligo*, *religis*, quod significat alicuius noui status, nouam electionem efficere. Secundum D. Augustinum lib. 10. *de Cuit. Dei cap. 4.* ubi sic ait; *ex eo religio dicitur à relegendo, quia Deum reeligere debemus, quem per peccatum negligenter amiseramus.* Vel dicitur à *relegando*, quod est uerbum compositum ex præpositione *re*, & *ligo*, *ligas*, & significat iterum, atque iterum ligare id quod semel erat ligatum. Ita D. Aug. lib. *de uera religione cap. ultimo* ubi ait, *religet nos vni omnipotenti Deo uera religio.* Vnde religiosi per solemnem professionem trium votorum vinculis quasi de nouo se ligant, & cum Deo tanquam indelicienti principio, finèque ultimo iterum, atque iterum coniunguntur.

## QVÆSTIO II.

*Quinam dicantur, ac dici debeant. Monachi?*

RESPON

**R**ESPONDEO propriè, & in rigore hi dicuntur Monachi, qui à secularium tumultu, & communi hominum consortio semoti, in desertis, vel in claustris communiter; aut in speluncis seorsum viuentes solitariam vitam agunt, eo quidem animo, vt soli Deo per contemplationem inhaereant. Nam monachus Græcè, secundum D. Hieronymum idem est, quod Latine *solus*, siue solitarius, & à communi hominum secularium conuersatione semotus. Vnde idem Hier. in epistola 4. ad Rusticum monachum: *Si cupis esse quod diceris monachus 1. solus, quid facis in urbibus? quæ usque non sunt solum habitacula, sed multorum.* Quare Mendicantes, clerici, & Canonici Regulares, & sacerdotes Iesu propriè non debent dici Monachi, cum assidue inter homines versentur, sed Regulares, aut Religiosi, aut etiam fratres. At loquendo de Monachis non strictè, propriè, & in rigore, sed vt communiter loquuntur iura, & tradunt Doctores in materia fauorabili, in qua verba sumuntur in latà significatione; Monachorum nomine veniunt omnes Religiosi, qui per tria substantialia vota in religione aliqua ab Ecclesia approbata emissà, penitus diuino obsequio mancipantur, siue habitent in desertis, siue verò in monasteriorum claustris.

### QVÆSTIO III.

*Quotnam sint genera Monachorum?*

**R**ESPONDEO duo, vnum Eremitarum, & alterum Cœnobitarum. Eremitæ sunt, qui solitarij in montibus, & in locis desertis; Cœnobitæ verò, qui in vnum locum, seu Monasterium aggregati, sub vno superiore communiter viuunt.

### QVÆSTIO IV.

*Quotnam sint in Ecclesia Religiosorum Regula à sede Apostolica approbate, sub quarum aliqua militant omnes Religiosi Ecclesie Catholicae?*

**R**ESPONDEO quinque. Prima est D. Basilij. Secunda D. Benedicti. Tertia D. Augustini. Quarta D. Francisci de Assisiis. Quinta & vltima D. Francisci de Paula. Vnde Regularum Institutores quinque à sancta Romana Ecclesia approbati reperiuntur. Primus fuit ille magnus Basilij, sub cuius Regula in partibus orientalibus 9000. Monachi militabant. Secundus fuit S. Benedictus, sub cuius Regula, vt refert Trithemius. lib. 1. cap. 2. de viris illustribus ordinis Benedictini, quindecies mille Monasteria militabant, & cap. 5. refert ex hoc ordine fuisse summos Pontifices Romanos 18. Cardinales 184. Archiepiscopos 1164. Episcopos 3512. & cap. 4. ait numerum eorum qui sunt inter Sanctos relati, & ascripti vsque ad tempus Ioannis 22. fuisse quindecim millium quingentorum quinquaginta nouem. Tercius fuit S. Augustinus. Quartus S. Franciscus de Assisiis. Quintus & vltimus fuit S. Franciscus de Paula.

### QVÆSTIO V.

*In quot, & quibus votis essentia Religiosis consistat?*

**R**ESPONDEO tribus votis constare, eisque perpetuis paupertatis, castitatis, & obedientiæ. Nec sufficit seruari

seruari hæc tria sine voto, quia sic non constituunt statum, qui significat rem immobilem, & perpetuam. Vnde Nazarei qui erant quoddam symbolum atque figura nostrorum Religiosorum, totam vitam Deo dedicabant, vt refertur cap. 6. Num. Hinc, Greg. hom. 20. in Exech. ait. *Cum quis omne quod habet omne quod viuuit, omne quod sapit, omnipotentis Deo vouerit, holocaustum est, quod offertur ab his, qui seculum deserunt, & relictæ Aegypto, sacrificium offerunt Deo in eremo, id est in statu Religionis.* Sed homo non potest totam vitam suam Deo actu exhibere, quia non est tota simul, sed successiue agitur: ergo id per voti obligationem fieri debet.

2. Quod hæc tria ad essentiam, & substantiam religionis requirantur; Probatur primò, quia religio est status hominum tendentium ad perfectionem, quæ principaliter consistit in coniunctione cum Deo sine ipsorum vltimo; quæ quidem coniunctio fit per charitatem iuxta illud Ioan. 1. c. 2. *Deus charitas est, & qui manet in charitate, in Deo manet, &c.* Qua ratione D. Paulus ad Coloss. 3. charitatem vocat vinculum totius perfectionis, pro eo quod nos ligat, ac veluti coniungit cum Deo optimo maximo. Sed hæc tria maximè iuuant ad charitatem habendam; ergo. Maior est per se nota. Minor verò probatur, nam de paupertate constat ex illo Matth. 19. *Si vis perfectus esse, vade, vende omnia quæ habes, & da pauperibus, & habebis thesaurum in celo.* Vnde Dominus Matth. 23. pauperes spiritus id est affectu, & libera electione beatos vocat, quia ipsis Regnum cælorum repromittitur. Et in primitiua Ecclesia, omnia erant communia, nec quisquam aliquid suum esse dicebat, idque voto videntur promississe; alioquin Ananias, & Saphira non adeò grauiter puniti fuisset.

sent, quod aliquid de pretio sibi retinissent; nec Petrus diceret, illos mentitos Deo non hominibus. Mentiri enim Deo est, non seruare, quod voto ei promittitur, vt doceat August. *serm. 27. de verbis Apost. Chrylost. hom. 12. in Act. Greg. lib. 1. registri Epist. 21. & Hier. in Epist. ad Demetriadem.* Demum Apostolos votum paupertatis fecisse colligit D. August. *lib. 17. de Civitate Dei cap. 4. ex illis D. Petri verbis Matth. 19. Ecce nos reliquimus omnia.* Et Christus ipse pauperimus fuit Matth. 8. & Luc. 9. *Vulpes foveam habent, & volucres cæli nidos, filius autem hominis non habet, ubi caput suum reclinet.*

De castitate dicitur Matth. 19. *Sunt Eunuchi, qui se ipsos castrauerunt propter Regnum cælorum.* Postea subiungit ad eam, veluti adhortans, & inuitans, *Qui potest capere capiat.* Item 1. Cor. 7. *de virginibus præceptum Domini non habeo: consilium autem do.* Ac si expressè diceret, de cælo aduenisse, & è cælo venire debere continentæ, & castitatis desiderium, quo permoti plurimi propter regnum cælorum, semetipsos spiritualiter castrauerunt, quamuis non omnes capiant verbum istud, sed quibus datum est à Deo.

De obedientia pater Matth. 16. *Si quis vult post me venire, abneget semetipsum: tollat crucem suam, & sequatur me.* Quæ abnegatio maximè fit per obedientiam, dum iudicium, & voluntatem nostram in omnibus superiori subiicimus, per quam propria maclatur, & sacrificatur voluntas.

Secundò probatur: nam status religionis potest considerari tripliciter, vno modo vt est quoddam holocaustum, quo homo totaliter se dedicat Deo. Alio modo, vt est quedam disciplina; & exercitium tendens ad perfectionem. Tercio modo vt est

secundo

remotio impedimentorum talis perfectionis.

Si primo modo consideretur, sunt illa tria necessaria: nam per obedientiam offert Deo animam, per castitatem offert Deo corpus, & per paupertatem bona externa.

- 6 Si secundo modo, eadem requiruntur, nam ut homo exerceat se ad perfectionem, debet exuere affectum, & solitudinem rerum terrenarum, ut patet *Matth. 6.* quod fit paupertate voluntaria. Debet abstinere à voluptatibus carnis, quæ mentem ad spiritualia reddunt ineptam, ut constat *1. Cor. 7.* quod fit cultu castitatis. Denique debet dirigi tanquam discipulus, ne proprio iudicio, & affectu fallatur, ut passim Scriptura docet *Proverb. 19.* & *Eccles. 6.* quod fit per obedientiam.

Si tertio modo consideretur, eadem exiguntur, nam tria sunt, quæ perfectionem charitatis impediunt, rerum terrenarum immoderata cupiditas, mollis sensuum libido, & nimius propriæ voluntatis affectus. Quæ tria insinuantur. *1. Ioan. 2. Omne quod est in mundo, concupiscentia carnis est, & concupiscentia oculorum, & superbia vitæ. Quæ mala ut obstruantur, hæc tria vota requiruntur, castitatis quidem, ut obstruatur concupiscentia carnis; paupertatis verò, ut concupiscentia oculorum; & demum obedientiæ votum, ut obstruatur superbia vitæ.*

- 7 Tertio, & ultimò probatur: nam status religiosus est vitæ conditio, qua homo mentis tranquillitatem acquirit: sed tria sunt, quæ præcipuè mentem hominis vexant, turbant, & distrahunt: nimirum facultatum, ac bonorum administratio, & hæc solitudo per votum paupertatis homini aufertur; vxoris, liberorum, ac familiaris gubernatio, quæ amputatur

per votum continentia: & propriorum actuum dispositio; quæ amputatur per votum obedientia, quo quis se alterius dispositioni committit.

## QVÆSTIO VI.

*An fratres conuersi sint verè, & propriè Religiosi?*

**R**ESPONDEO, esse verè, absolutè, & simpliciter Religiosos. Ratio est, quia illi sunt verè, & propriè Religiosi, qui in religione per sedem Apostolicam approbata, aliorum religiosorum proficiunt Regulam, & emittunt tria religionis essentialia, & substantialia vota nimirum obedientiæ, castitatis, & paupertatis in manu superioris, ut habetur in *cap. Ad Monasterium de statu Monachorum.* Atqui fratres conuersi faciunt hæc omnia ut per se constat: ergo sunt verè, propriè, & simpliciter Religiosi.

## QVÆSTIO VII.

*Utrum Donati sint verè, & propriè Religiosi?*

**R**ESPONDEO non esse verè, propriè, & simpliciter Religiosos, sed solum impropriè, & secundum quid. Ratio est, quia licet Donati in nostra Congregatione emittant tria religionis substantialia vota, ut fieri etiam dicitur in ordine S. Benedicti, non proficiunt aliorum Religiosorum Regulam, sed aliam longè diuersam, neque emittunt prædicta vota in religione, pro religione approbata, sed tantummodo pro bono modo viuendi, ut scilicet inserviant aliis verè, &

R r propriè

proprie Religiosis. Ita Nauarr. *lib. 3. consil. tit. de regular. conf. 7. 12. & 81.*  
& Rodet. *tom. 3. de regular. quest. 21.*  
*art. 1.*

## QVÆSTIO VIII.

*An Donati sint, & dici possint persona Ecclesiastica, & gaudeant privilegio fori, & canonis, Si quis suadente diabolo*

**R**ESPONDEO communem esse omnium Theologorum, & Canonistarum sententiam Donatos esse personas Ecclesiasticas, & gaudere privilegio fori, & canonis. Ita tenet Sylvest. verbo *Ecclesia* 1. quest. 5. & probat ex cap. *Duo sunt* 12. quest. 7. Eandem sententiam tenet Panorm. in cap. 2. de foro comp. Et probatur expressius ex cap. *Ita lex contemp.* 27. quest. 1. ubi Donati inter Ecclesiasticas personas connumerantur. Et licet Can. *Si quis suadente diabolo* solum disponat de clericis; alij canones ipsum extendunt ad Donatos Religionum; ut habetur ex cap. *Parechi*, & cap. *Ex re-nore de sententiis excommunicationis*. Vnde per privilegium concessum ab Eugenio IV. & à Sixto IV. Ordini Minorum, & Carmelitarum, Donati gaudent omnibus privilegiis fratrum.

## QVÆSTIO IX.

*An Donati possint matrimonium contrahere?*

**R**ESPONDEO Donatos qui expressè, vel tacitè votum castitatis emiserunt, nullatenus posse matrimonium contrahere. Ratio est,

quia simplex castitatis votum est vnum de impedimentis, quæ impediunt quidem matrimonium contrahere, quamvis non dirimant contractum. Vnde prædicti Donati qui castitatis votum emiserunt, quamvis non possint ratione voti contrahere; si tamen de facto contrahant, cum ipsorum votum non fuerit solemne sed simplex, matrimonium eorum erit validum. Ita Couarr. in cap. *Alma mater* 2. p. §. 2. num. 8.

## QVÆSTIO X.

*An Milites, & Equites ordinis Sancti Ioannis Hierosolymitani, & Hospitalarij, qui communiter Equites Melita nuncupantur, sint, ac dici debeant verè & proprie Religiosi?*

**F**RANC. Sarmien. in lib. de red. dir. *Ecles. 4. p. cap. 1. numero 13.* negat.

At vetissima sententia est, Equites Melitenses esse verè, absolute, & simpliciter Religiosos, utpote qui more aliorum tria vota solemnia emittunt, paupertatis, castitatis, & obedientiæ, sub regula ab Ecclesia approbata, nimirum à Gelasio II. anno Domini 1120. & ab Honorio II. anno 1124. & in ipsis prædictorum Pontificum diplomatibus absolute, & simpliciter Religiosi appellantur. Et ita tenent Nauarr. *lib. 3. consil. tit. de regular. conf. 21. & 23.* Arag. 2.2 quest. 88. art. 11. Cord. in sum. casuum quest. 148. & q. 178. & alij communiter.

Ex quo sequitur, eos gaudere privilegio canonis, & fori ut vniuersi farentur, & Pontificiæ constitutiones comprobant, & per eorum professionem verè dirimi matrimonium ratum,



ratum, non consummatum, & alia quæ ad verè religiosos spectant, ad ipsos etiam pertinere.

Addit tamen Nauarr. loco supra citato, quod quamvis huiusmodi milites verè, & propriè sint religiosi; ex privilegio tamen, & concessione Romanorum Pontificum habent, ut in odiosis non veniant sub nomine aliorum religiosorum, & sic excipiuntur in Conc. Trid. sess. 23. num. 28. ne teneantur contribuere pro seminario: & possunt interesse agitationi tauro- rum, ex motu proprio Greg. XIII. Dat. ann. 1575.

## QVÆSTIO XI.

*An Equites Sancti Iacobi in Hispania Calatrava, & Alcantara, & similia sint aut dici possint verè, & propriè Religiosi?*

**S**OTVS lib. 7. q. 5. art. 1. Arag. 2. 2. §. 88. art. 11. Corduba in suo questionario lib. 1. q. 14. & Valent. 2. 2. d. 10 q. 14. p. 2. censent non esse propriè, & simpliciter religiosos, sed solùm impropriè, & secundum quid, quia non simpliciter, & absolūtè promittunt castitatem, sed castitatem coniugalem. Eandem opinionem tenet D. Thom. 2. 2. quest. 188. art. 4. ad 3. ubi respondens cuidam argumento in contrariam adducto sic ait. *Ille modus vivendi, secundum quos homines matrimonio utuntur non sunt religiones simpliciter, & absolūtè loquendo, sed secundum quid, in quantum participant in aliquo quadam qua ad statum religionis spectant.*

**S**ed quamvis sententia hæc sit valde probabilis, probabiliorē tamen iudico contrariam, nimirum esse verè, & propriè religiosos. Er ratio est, quia tria solemnia vota emittunt sub

regula à sede Apostolica approbata: & quatenus hæc vota non sint de tam absolutis his rebus, ac in aliis religionibus promittuntur, at ipsa sedes Apostolica, cuius est religionum instituta confirmare, dispensavit, ne ita strictè emitterentur. Et ita sentiunt Nauarr. tract. de redd. 1. Eccles. quest. 1. monit. 55. num. 5. & quest. 3. monit. 27. num. 1. Covarr. 4. decret. 2. p. cap. 3. §. 1. num. 18. Med. de sacrorum hominum continentia lib. 4. controu. 7. cap. 9. & Roder. qq. reg. 20. 1. q. 1. art. 8.

Hinc, fratres, & sorores de tertio ordine Beati Dominici, & Beati Francisci propriè non sunt religiosi, quia non emittunt tria vota solemnia sub regula à sede Apostolica approbata. Vnde eorum regula potius est quidam modus bene vivendi: licet sit per Papam approbatus; sunt tamen Ecclesiasticæ personæ, & religiosi largè, quia contrahere non possunt matrimonium, & promittunt obedientiam.

## QVÆSTIO XII.

*Utrum ad essentiam religionis solemnitas trium votorum requiratur?*

**D**. Thom. 2. 2. quest. 188. art. 1. 1. & quest. 184. art. 4. Caietan. 1. 2. quest. 188. art. 1. Sor. lib. 7. quest. 5. artic. 1. & Nauarr. cap. Non dicam 12. quest. 1. num. 15. tenent ad essentiam religionis solemnitate trium votorum requiri.

Alij verò ut Less. lib. 2. de iust. cap. 2. 41. d. 1. & Valent. 2. 2. diff. 10 q. 4. p. 1. negant de status religionis essentia, esse vota solemnia, sed sat esse ad eum verè, & propriè constituendum, vota simplicia. Pro quo

Primo dico, iure canonico, communi,

3 muni, & antiquo ad religionis essentiam, solemnitatem trium votorum requiri, vt constat ex *cap. religioso de sententia excomm. in 6.* & ex *Clement. 1. de religiosis domibus, & ex cap. Porrectum de regular.* Et in hoc sensu loquuti sunt D. Thom. & ceteri Theologi omnes, & canonici lucif-con-sulti, & Summiste.

4 Secundo dico, quod iure nouo Pauli III. Iulij III. Pij IV. & Greg. XIII. factum est, vt religio in tribus tantum simplicibus votis consistat: nam suis diplomatibus institutum denotat Societatis Iesu approbatum, inter cetera habet, vt qui finito biennio nouitatus emittunt cotam, aliis tria hęc vota simplicia, eo ipso desinunt esse Nouitij, atque adeo incipiant verè, & propriè esse religiosi. Fundamentum huius est, quia solemnitas votorum sola Ecclesie constitutione est introducta vt expressè habetur in *cap. unico de voto in 6.*

5 Dices: religio est status quidam consistens in conditione vitæ immobili, vt tradit D. Thom. 2. 2. q. 183. art. 1. sed qui se adstringit ad tria vota simplicia, potest ad vitam secularem redire: ergo.

6 Respondeo non esse in eius, qui prædicto modo vota memorata emit- tit, arbitrio positum, retrocedere, sè- que vilo modo illa obligatione eximere, ea enim sunt promissio perpe- tua, perinde ac professio, idèoque obligant in perpetuum ab eo instanti, quo emissæ sunt.

7 Nec obstat, quod possit quis dimit- ti, & votis huiusmodi liberari, quia ad immobilitatem status, non requiritur vt nullo modo possit ab ea vitæ condi- tione dimoueri; sed tantum vt ab ea nequeat suo arbitrio liberari. Nam, & professi ex vrgentissima causa pos- sunt auctoritate Pontificia votis so- lemnibus liberari.

## QVÆSTIO XIII.

*Vtrum ad essentiam religionis re- quiratur, vt professionem emittens, voveat certam Regu- lam?*

RESPONDEO requiri. Ratio est, 1 quia religiosi in iure vocantur regulares: ergo astringuntur alicui certæ regulæ, à qua sumunt hanc denominationem: aliis non potius dice- rentur regulares, quam clerici, qui nullam regulam profitentur. Et est conclusio definita à Bonifacio VIII. *cap. unico de voto, & voti redemptione, & in Conc. Trident. sess. 25. cap. 1. de regular.* vbi dicitur, *regulares omnes tam viri, quam mulieres vitam insinuant ad regulæ, quam professi sunt, præscriptum.* Et tradit egregiè D. Thom. 2. 2. q. 88. art. 7. dicens quod votum fit solemne in professione certæ regulæ.

## QVÆSTIO XIV.

*An Religio, Ecclesia approbatio- nem requirat?*

RESPONDEO requirere. Ratio 1 est, quia sine hac approbatione non potest esse status spiritualis, supra omnem Christianorum statum, cuius obligationi obseruandi diuina præcep- ta, superaddit obligationem obseruandi consilia Euangelica; nisi pecu- liari modo à Christo descendat, me- diante. s. ipsius in terris Vicario; sicut omnes gradus Ecclesiastici, & iurisdic- tiones spirituales, iuxta illud Apo- stoli ad Ephes. 4. *Ex quo omne corpus compactum, & annexum per omnes iuncturam subministrationis, &c.* Vnde religiosus obedit Prælato tanquam Christo, in eoque ille Christum in- tuetur,

tueretur, vt in eo qui potestatem à Christo habet ad gerendum per eam vicem ipsius.

- 2 Et est conclusio definita à Bonifacio octauo c. unico de voto vbi sub excommunicatione latæ sententiæ prohibetur, ne deinceps vllus nouus ordo instituatursiue expressa sedis Apostolicæ approbatione. Quæ censura non comprehendit eos, qui statum cura votis simplicibus instituunt, cum huiusmodi status non sit religio, sed modus viuendi honestus.

Hinc, non est audiendus Azor. lib. 11. cap. 23. quæst. 5. qui dicit non fuisse olim Ecclesiæ approbationem necessariam ad veram religionis rationem,

- 3 quòd D. Basilius, D. Benedictus, D. Augustinus non petierint aliquam suæ regulæ approbationem. Quia semper talis approbatio fuit necessaria: olim tamen Religiosorum instituta confirmare Ecclesia consuevit publica Episcoporum autoritate.

### QVÆSTIO XV.

*An talis approbatio sit de essentia religionis?*

- 1 **R**ESPONDEO sic. Ratio est, quia Religio sine tali approbatione non habet tantam stabilitatem, nec potestatem iurisdictionis, nec eximit hominem à iurisdictione seculari. Ex quo fit professionem in tali religione à Romano Pontifice non approbata esse nullius valoris. Et ratio est, quia talis professio ab Ecclesia prohibetur: ergo qui eam amplectatur, tenetur illam deserere, ac proinde non tenetur voto paupertatis, castitatis, & obedientiæ.

- 2 Tum quia ille non intendit se obligare ad hæc tria vota, nisi in religione, vt sic vouendo fiat verè reli-

gius: quare cum illa non sit vera religio, nec ipse in ea vouendo fiat religiosus, non videtur teneri.

### QVÆSTIO XVI.

*A quo hæc approbatio fieri debeat?*

**R**ESPONDEO à Romano Pontifice, vt habetur in cap. Ne nimis de religiosi domibus, & in cap. Religiosum de relig. dorv. in 6. vbi sancitur, vt nulla hominum in commune viuentium congregatio, etiam tribus votis adstricta pro religionē habeatur, nisi Romani Pontificis autoritate, & testimonio approbetur.

### QVÆSTIO XVII.

*Vnde nam proueniat religiosorum diuersitas?*

**A**D hoc dico primò, quod diuersitas religiosorum non prouenit ex aliquo quod religioni est essentialē, nam tria vota, & Ecclesiæ approbatio, quæ sunt de essentia religionis, sunt omnibus communia, & sic omnes religiones quoad essentialia sunt eiusdem speciei.

Secundò dico, quod hæc diuersitas ordinum prouenit ex duobus. Primo ex regula, quam Religiosi sequuntur. Alij enim sancti Basilij, alij sancti Augustini, alij sancti Benedicti, alij sancti Francisci regulam seruant.

Secundò ex variis constitutionibus regulæ superadditis, quibus religiosi vtuntur, vel ad vota sua melius seruanda, vel ad functionem sibi propriam melius obeundam. Sic enim inter ordines magnam varietatem

tem, videmus, in habitu, victu, ieiuniis, aliisque piis exercitiis. Omnes Monachi orientalis Ecclesiæ, seu Græci sub regula sancti Basilij militant, at propriis constitutionibus discernuntur. Dominicani, Canonici Regulares Augustiniani, Seruitæ, Hieronymiani, Hospitalarii, Cruciferi, Præmostratenses sub vna sancti Augustini regula militant, at diuersis omnino constitutionibus gubernantur. Monachi nigri, Cluniacenses, Cistercienses, Camaldulenses, Celsini, ordo montis oliuarum, & alij vnam, & eandem regulam seruant, at variis institutis differunt. Conuentuales, Obseruantes, Recollecti, Capucini sub regula sancti Francisci militant, at propriis constitutionibus distinguuntur.

4 Verum tota hæc religiosorum diuersitas potest commodè ad tria genera reduci iuxta tres modos, quibus Deum diligere, eique seruire possumus. Primò quidem inhærendo ipsi per contemplationem. Secundò seruiendo ei in membris suis per actionem, vt alendo pauperes, suscipiendo peregrinos, armis protegendo Ecclesiam. Tertiò per vtrumque simul Deo obsequium præstando, quod faciunt qui concionibus, & sacramentorum administratione populo seruiunt.

5 Ex his enim modis tria genera religiosorum ordinum distinguuntur. Quidam enim sunt instituti, vt opera vitæ solitarie, & contemplatiuæ exerceant. Tales frè sunt, quos antiquiores Patres instituerunt, Antonius, Pachomius, Basilus, Benedictus, Bruno, Bernardus, &c. Horum cultores propriè vocantur Monachi, quia solitudini vnitati, quæ Deus est, sunt intenti.

6 Alij instituti sunt ad opera vitæ actiuæ, vt sunt Equites Hierosolymi-

tani, sancti Ioannis, sancti Iacobi, sancti Stephani, sancti Lazari, & aliorum, qui Deo inseruiunt, Ecclesiam armis contra hostes fidei protegendo: alij quidam ægrorum curam gerendo in xenodochiis, & alij alia Christianæ vitæ opera corporalia erga egentes exerceundo, Deo gratum obsequium præstant.

Alij denique sunt instituti ad vitam contemplatione, & actione mixtam, vt sunt Ordines sancti Domini, sancti Francisci, &c. qui vacantes tum sibi meditatione diuinorum, curando adhærere Deo, tum etiam proximo sacramentorum administratione, aliisque spiritualibus remediis salutem eius procurando.

8 Hæc autem religiosorum varietas ad Ecclesiæ ornatum spectat: sicut ad Reipublicæ politicæ ornamentum pertinet, habere omnia genera artium, quæ vitam nostram summoperè iuant, & oblectant: ita Ecclesiam quæ spiritualis quædam Respublica est, exornat tanta religiosorum ordinum varietas ad excolendam vitam spiritualem.

Deinde ista varietas est valde Ecclesiæ utilis, sic enim quampluribus pater aditus ad perfectionem; nam qui non est aptus ad vnam religionem, est aptus ad aliam, & è contra.

9 Ex quo colligi potest, quis ordo religionis sit perfectior: perfectio enim religionis principaliter attenditur ex fine: Secundariò ex exercitiis, quibus vitur ad finem consequendum. Illa ergo religio absolute est perfectior, quæ ordinatur ad finem præstantiorem. Itaque religio illa cuius proprius finis est vacare vitæ contemplatiuæ est potior ea quæ in vitæ actiuæ operibus exequendis, & obeundis versatur. Et

ratio

rario est, quia vita contemplatiua conuenit homini secundum id, quod optimum est in illo, hoc est secundum intellectum, & partem intellectiua, & respectu propriorum obiectorum scilicet intelligibilium: at verò vita actiua conuenit eidem secundum exteriora, corporalia, & sensibilia: ergo vita contemplatiua est præstantior, & multò perfectior, quàm vita ipsa actiua, iuxta illud Luc 10. *Maria. Martha sollicita es, & turbaris erga plurima, porro unum est necessarium, Maria autem optimam partem elegit, quæ non auferetur ab ea.* Vnde Gregorius homil. 14. in Ezech. ait, *Pars Martha non reprehenditur, sed Maria laudatur.* Neque enim bonam partem elegisse Mariam dicit, sed optimam vt etiam pars Marthæ bona iudicaretur. Vita verò mixta id est quæ non solum contemplationi vacat, sed etiam contemplata in alios transfundit perfectior est, quam quæ soli contemplationi vacat. Tales sunt in Ecclesia religiones illæ, quarum est alios docere, conciones ad populum habere, Sacramenta ministrare, Christi fidem, & religionem propagare. Quia sicut illuminare maius est, quam lucere, & calefacere, quam calere solum, ita maius est contemplata tradere aliis, quàm solum contemplari.

Tum quia illa maximè est affinis statui Episcoporum, quibus incumbit alios perfectionem docere.

- 10 Tum quia hoc fuit officium tum Christi, tum etiam Apostolorum, qui accenderunt lucernam, non vt ponerent eam sub modio, sed super candelabrum, vt alios illuminarent.

Tum quia, vt ex D. Gregorio docet D. Thom. in opuscul. 28. cap. 21. nullum est sacrificium Deo gra-

tius, quam studium salutis animarum: ob hanc enim Deus creauit mundum, factus est homo, tanta fecit, & pertulit, ob hanc Euangelia, Sacramenta, & omnis ordo Ecclesiasticus. Et quamuis vita contemplatiua videatur tutior, sedatior, & lenior, vita tamen actiua est fecundior, vtilior, & fructuosior: contemplatiua suauior, & iucundior; actiua operosior, & laboriosior: contemplatiua superior, & altior; actiua humilior, & demissa magis. Non igitur vita contemplatiua omni ex parte est actiua præstantior, nisi quatenus contemplatiua tota in Deo diligendo, & fruendo consistit, & actiua præcisè in diligendo proximum. At verò actiua, quæ ex Dei contemplatione, & amore perfecto salutis proximorum studet, ea tenus cõtemplatiua videtur esse præstantior: nam & Deum amat, & salutis aliorum studet. Vnde in capite. *Nisi eum pridem de renunciatione habetur. Maria optimam partem elegit, & licet vita contemplatiua sit magis secunda, actiua est fructuosior: illa est suauior; hæc vtilior, cum in fecunditate sobolis, lipitudo Lie, Rachel: pulchritudini præferatur.*

Rursus inter eas religiones, quæ vitæ contemplatiuæ, vel actiuæ incumbunt, illa religio potior censeri potest, quæ maximè in obedientia vincit, ac superat, cuius votum potissimum esse inter vota religionis docet D. Thom. 2. 2. quæst. 186. articulo 8. ex eo quod voluntatem hominis alienæ subiiciat, & obliget. Vnde Gregorius libro 31. moralium cap. 12. obedientiam victimis antepōnit: nam per sacrificium aliena caro, per obedientiam verò propria voluntas immolatur.

Item

Item in eodem genere, illa religio est potior, quæ ordinatur ad præstantiorem actum instituti vitæ, quod ipsa amplectitur. Sicque inter religiones sectantes vitam actiuam, potior est illa, quæ instituitur ad redemptionem captiuorum, quam quæ ad receptionem hospitum.

Denique inter eas, quæ eundem finem habent potior est, quæ ad plura charitatis opera ordinatur, quam alia, vel quæ habet statuta conuenientiora ac consequendum finem sibi propositum.

- 12 Ex quo colligitur primò perfectionem religionis non esse austeritate metiendam, vt docet D. Thom. 2.2. q. 188. art. 6. ad 3. quia fieri potest, vt hæc austeritas minus sit accommodata ad finem principale religionis. Moderata tamen austeritas præsertim per ieiunium adfert maxima commoda, sed potissimum octo.

Primò, excutit mollitiem animi in rebus asperis.

Secundò carnis tentationes sedat.

Tertiò, bonam valetudinem præstat, arcendo omne penè genus morborum: nam ferè omnes morbi ex eo proueniunt, quod homo plus corpori indulgeat, quam par sit.

Quartò, longæuitatem præstat, iuxta illud Ecclesiast. 37. *Qui abstinentes est, adiciet vitam.*

Quintò, animum ad meditationem & amorem rerum diuinarum aptiorem reddit, quia qui se à carnis solatiis auocant, merentur solatia spiritus.

Sextò, flagella impendunt aucterit, & pro peccatis satisfacit.

Septimò, quæuis beneficia à Deo impetrat, iuxta illud. *Qui corporalis ieiunio uicia comprimit, mentem eleuat, uirtutem largitur, & premia.*

Octauò, & ultimò meretur vitam æternam Matth. 6.

Secundò neque etiam ex rigore paupertatis, vt quod nihil omninò nec in communi quidem possideatur vt docet D. Thom. 2.2. q. 188. art. 7. quia fieri potest, vt hic paupertatis modus minùs sit conueniens ad functiones, ad quas potissimum religio est instituta.

Tum quia votum paupertatis non petit, vt nihil in communi à religiosis possideatur, sed vt singuli non habeant nisi necessaria, cum assidua dependentia superioris.

Ex quo sequitur, non hoc ipso quod 13 arctius est religionis institutum, hoc est seuerius, & durius, esse sanctius, atque perfectius: sed illud est perfectius, quod per aptiora instrumenta, atque præsidia ad propositum sibi finem assequendum procedit. v. g. asperior est corporis nuditas, quam ieiunium: ad castitatem verò comparandam, ac tuendam magis accommodatum est ieiunium, quod libidinis incendia exstinguit, quam corporis nuditas, vt dicit D. Thom. 2.2. q. 188. art. 6.

## QVÆSTIO XVIII.

*An ad perfectionem religionis necessarius sit chorus?*

SOTVS lib. 10. q. 5. art. 3. affirmat: ait 1 Senium ordinem illum qui choro caret, vix mereri nomen religionis.

Alij verò negant, & meritò quidem, quia diuinæ laudes non minùs piè, ac religiosè persoluantur sine cantu, quam cum cantu. 2

Tum quia fieri potest, vt chorus impediatur finem principale, ob quem talis religio est instituta, nimirum prædicationem, administrationem sacramentorum, conuersionem infidelium, &c.

Tum

Tum quia perfectio consistit in officiis charitatis erga Deum, & proximum, quæ omnia possunt sine cantu præstari.

- 3 Tum quia vota essentialia, & cetera pietatis exercitia non requirunt chorum Vnde *cap. 2. In sancta Romana d. 93.* dicitur, esse valde reprehensibile, ut cantui vacent, qui ad prædicationis officium sunt destinati: ergo religio cui hoc officium incumbit, non debet habere chorum. Et D. Th. 2. 2. q. 91. art. 2. ad 3. ait, Diaconi, & Prælati, quibus competit per prædicationem, & doctrinam animos hominum provocare in Deum, non debere cantibus insistere, ne per hoc à maioribus retrahantur. Vnde illustrissimus Caiet. 2. 2. q. 183. a. 7 ait ad talem religionem non debere omnes recipi ad professionem, sed solum idoneos ad officium prædicandi, & confessiones audiendi, & ministros eorum necessarios.

## QVÆSTIO XIX.

*An status Episcoporum sit perfectior statu Religiosorum?*

- 1 **R**ESPONDEO esse perfectiorem. Ratio est, quia nulli licet à maiori statu ad minorem transire: sed potest aliquis à statu religionis transire ad statum Episcopalem 18. q. 1. ergo status Episcoporum est perfectior statu Religiosorum.

- 2 Tum quia Episcopi sunt perfectæ vitæ magistri, religiosi verò discipuli: at plus est, perfectionem docere, quam perfectionem religiosam addiscere. Sicut enim Angeli, alij aliis sunt præstantiores, quia nimirum alij alios illuminant, purgant, & perficiunt, ut docet S. Dionys. in *calest. hierarch. cap. 5.* Sic in Ecclesiastica hierarchia Episcopi sunt cæteris perfectiores, quoniam eorum munus est illu-

minare, purgare, atque perficere eos, quibus præsunt. Vnde religiosus suo muneri satisfacit, si vitæ perfectionem discat, si ad eam aspiret, si ei studeat; Episcopus verò suum munus, & officium non implet, nisi perfectionem vitæ doceat: non quod Episcopus teneatur esse perfectus, sed quod eius munus sit alios eam vitæ perfectionem docere. Vnde quamvis Episcopus charitatis sit expertus, in statu tamen perfectionis esse dicitur, quia ex suæ vitæ instituto tenetur illuminare reliquos, purgare, atque perficere: ergo si suo munere rite fungi velit, cogitur Christianæ vitæ perfectionem docere. Similiter religiosus licet in peccato mortali sit, in statu tamen perfectionis esse censetur, quia tribus votis obstrictus, vitæ perfectioni studet, licet nondum sit assecutus. Quare D. Basilius merito vitam religiosam palæstram virtutum, pœnitentiæ gymnasium, charitatis scholam, perfectæ vitæ institutum, divinatorum consiliorum exercitationem, & disciplinam morum vocavit.

## QVÆSTIO XX.

*An vita Eremitarum, qui vitam solitariam agunt, sit melior, quam vita Religiosorum, qui in societate vivunt?*

**N**ONnulli putant vitam religiosorum, qui in societate vivunt esse meliorem. Quia Eccles. 4. dicitur, *Melius est duos esse simul, quam unum, habent enim emolumentum societatis suæ.* Vnde D. Basilius in *reg. disputatis. q. 7.* de hac materia agens, ait se ita sentire, ita intelligere, ad multa vitilius esse, si vno, & eodem loco, plures simul vivant, & D. Hieronymus scribens ad Rusticum monachum sic ait: *Mili-*

Si placeat

placet, ut habeas sacrum contubernium, ne ipse te doceat. Et postea subdit. In solitudine cito subrepiit superbia, dormit quando volueris, facit quod volueris. Et D. Bernardus de hoc ipso argumento tractans inquit. Malum quod nemo videt, nemo arguit. Vbi non timetur reprehensor, securus accedit tentator, licentius perpetratur iniquitas. In concubitu verò bona, si qua facis, nemo prohibet, malum autem facere, si vis, non licet; mox enim à pluribus deprehenditur, arguitur, emendatur. Sicut è contrario bonum quod vident plures, mirantur, veneratione imitantur.

1. At D. Thomas 2. 2. q. 188. art. 8. rectius docet, vitam eremiticam esse meliorem. Et ratio est, quia vita solitaria est perfectorum, qui alieno ductu, & magisterio non indigent, sed per seipsum sibi sufficiunt iuxta illud: *Perfectiorum est solidus cibus, eorum qui pro consuetudine exercitatos habent sensus ad discretionem boni; ac mali: vita verò socialis est eorum, qui ad perfectionem exercentur.* Vnde D. Pater August. in lib. de operibus Monachorum cap. 23. tomo 3. illos sanctiores esse dicit, qui à conspectu hominum separati, nullius ad se præbent accessum, viuentes in magna intensioe orationum. Quare vita communis mihi videtur commodior, utilior, fructuosior, & actiuosa magis; vita solitaria durior, & arctior: Communis mitior, & tolerabilior; solitaria tranquillior: communis turbulentior, solitaria securior: communis sollicitior; solitaria pacatior: communis fecundior.

### QVÆSTIO XXI.

*An perfectio christiana vitæ essentialiter in charitate consistat?*

1. RESPONDEO affirmatiuè. Ratio est quia perfectio vniuscuius-

que rei in eo posita est, ut fini suo ultimo, quamarcissimè coniungatur; finis autem hominis Deus est: charitas vero maximè vnit hominem cum Deo, iuxta illud primo Io. 4. *Qui manet in charitate in Deo manet, & Deus in eo.* Et Coloss. 3. *charitas est vinculum perfectionis*, idest, vinculum quod ligans hominem cum Deo, hominem reddit perfectum: ergo perfectio humanæ vitæ essentialiter attenditur secundum charitatem. Vnde in collat. patrum, Abbas Moyses de religiosis loquens, ait; *leuiusiorum inedia, vigilia, labores corporis nuditatem, lectionem, ceterasque virtutes debere nos suscipere, nouerimus: ut ad perfectionem charitatis illis possimus conscendere.* Et D. Dionys. etiam cap. 6. celest. hierarch. dicit, eos qui nominantur Dei famuli, ex Dei puro seruitio, & famularatu vniri ad amabilem perfectionem.

### QVÆSTIO XXII.

*An aliquis in hac vita possit esse perfectus.*

RESPONDEO posse. Ratio est, quia lex diuina nõ inducit ad impossibile, inducit autem ad perfectionem, iuxta illud Matth. 5. *Estote perfecti sicut, & pater vester celestis perfectus est:* ergo videtur quod aliquis in hac vita possit esse perfectus. Ita D. Tho 2. 2. q. 184. art. 2.

### QVÆSTIO XXIII.

*Virum perfectio consistat in præceptis an in consiliis?*

RESPONDET D. Tho. 2. 2. q. 184. art. 3. perfectionem hominis per se, &



se, & essentialiter consistere in præceptis diuinis, secundario autem & accidentaliter, & quasi instrumentaliter in diuinis consiliis, quæ omnia ad charitatem ordinantur; sed diuersimodè: nam præcepta ordinantur ad remouendum ea quæ sunt charitati contraria, cum quibus, scilicet charitas esse non potest; consilia autem ordinantur ad remouendum impedimenta actus charitatis, quæ tamen cum charitate non pugnant, sicut est matrimonium, & similia.

1 Ex quo colligitur primo charitatem Dei esse obiectum, ac terminum vltimum perfectionis, ad quàm debent aspirare omnes religiosi.

3 Secundò colligitur illa tria vota essentialia, obedientiæ, castitatis, & paupertatis esse instrumenta apertissima, atque vtilissima ad hanc perfectionem acquirendam: nam vt quis perfectè Deum diligat, debet & se totum Deo tradere, & omnia impedimenta remouere, vtrumque autem consequitur per hæc tria vota. Tradit enim Deo se totum, quando tradit animam, corpus, & res externas, nihil enim habet aliud. Tradit autem animam per obedientiam, corpus per continentiam, res externas per paupertatem.

tatem, castitatem, & obedientiam perpetuam profitentur, in quibus essentialiter perfectio religiøsæ vitæ consistit: ergo religiosi sunt in statu perfectionis.

## QVÆSTIO XXV.

*An religiosus teneatur ad vitæ perfectionem tendere?*

**I**N qua re conuenit inter omnes, religiosum, mox vt professus est, non teneri esse perfectum, sed animum tendendi ad perfectionem habere. Rario est quia status religiosus non est status perfectionis acquisitæ, sed est schola perfectionis acquirendæ: ergo illum profites non tenetur esse perfectus, sed niti progredi ad perfectionem. Vnde sicut qui scholas ingreditur, non profitetur se scientem, sed proficitur se tendentem ad scientiam acquirendam; ita qui statum religionis assumit, non profitetur se esse perfectum, sed proficitur ad hoc tendere, & operam dare, vt perfectionem habeat: ideoque suam professionem non transgreditur, si non sit perfectus, sed solum si contemnat ad perfectionem tendere; similiter nec mentitur, aut fingit hunc statum perfectionis profitendo, ex eo quod non sit perfectus; sed ex hoc quod ab intentione perfectionis animum reuocat.

Secundò etiam conuenit, religiosum ex vi professionis non teneri actu tendere ad perfectionem sub præcepto, alioquin quando desinit actu tendere committendo aliquod peccatum peccaret mortaliter; & sic religio esset ei laqueus: sed tenetur habere tantum intentionem saltem virtutalem proficiendi.

## QVÆSTIO XXIV.

*An Religiosus sint in statu perfectionis?*

**R**ESPONDEO affirmatiuè. Et ratio est, quia ad statum perfectionis requiritur quædam vitæ conditio firma, & immobilis ad ea, quæ sunt perfectionis: atqui religiosi voto perpetuo adstricti, diuina mandata obseruanda curant, & pauper-

Tertio etiam conuenit, non teneri religiosum ad perfectionem tendere per omnia supererogationis opera, per quæ potest ad illam peruenire; sed per illa solum, quæ sunt in sua regula præscripta. Ratio est, quia religiosus ex vi voti non tenetur nisi agere vitam regularem iuxta suum institutum ab Ecclesia approbatum. Nec finis religiosi status, qui est perfectio charitatis, exigit amplius, quam ad eam tendere per sola media suæ religionis, in qua quisque professus est, cum abundè perfectio hæc per illa media ab Ecclesia approbata obtineri possit.

Hinc, religiosus, qui non habet animum tendendi ad perfectionem qua quis in hac vita fertur in Deum semper, præterquam dum necessaria vitæ ipsum impediunt, quæ est possibilis in via, non tamen est communis omnibus habentibus charitatē, quæ perfectio est secundum regulam suam, est in statu æternæ damnationis, licet non ex eo solum, quod actu non tendat in eam. Quæ doctrina secundum Nauarr. in cap. Cui portio 12. q. 1. n. 10. est terribilis multis religiosis, qui nec actu, seu actualiter, nec virtute, seu virtualiter habent animum in dies proficiendi in charitate, nec curant plusquam boni clerici, vel laici ad eam tendere.

Dixi consulto (per suam Regulam) ad denotandum religiosum non aliter teneri ad perfectionem ascendere, quam agendo vitam regularem ut præclare docuit Illustriss. Caiet. 2. 2. q. 184. ar. 5. ad 2. ubi sic ait. Et propterea cauere sibi multum religiosi, ne animū proficiendi deponant, quem tunc proculdubio habent, cum intendunt viuere secundum Regulam, & constitutiones suas, licet interdum in multis deficiant, aliquando mortaliter aliquando venialiter.

Hinc, religiosus contra hoc præce-

ptum tendendi ad perfectionem, peccat, si seruans Regulam, & constitutiones intendit perfectionem vitæ religiosæ non attingere. Quia licet religiosus non teneatur ad perfectionem peruenire; tenerur tamen non habere animum illam non attingendi, alioqui frustra per obseruantiam suæ Regulæ ad illam tenderet, cum intentione repugnante fini, ad quem tale medium ordinatur.

Hinc, religiosus qui totam suam Regulam, vel maiorem eius partem violat, peccat mortaliter. Ratio est, quia cum religiosus sub mortali teneatur quotidie redere ad perfectionem, per obseruantiam suæ Regulæ, sequitur eo ipso peccare contra istam obligationem tendendi ad perfectionem, quod totam, vel maiorem partem suæ regulæ, & statutorum principium sui ordinis violat. Quod est verum, etiamsi Regula, vel statuta religionis ad nullam culpam obligent. Vnde huiusmodi derelictio Regulæ, est veluti quædam apostasia à sua professione.

Hinc, non est audiendus Syluest. verbo religio 1. q. 3. & 12. ubi ait religiosum qui intendit seruare vnum medium, seu vnum statutorum principale religionis, per quod tendat ad perfectionē utpote per humilitatem, vel asperitatem habitus, licet nolit, nec intendat alia statuta religionis seruare, non esse in statu damnationis, quia etsi teneatur ad perfectionem tendere; non tenetur tamen currere: esset tamen extra statum salutis, si omnia principalia statuta, quibus venitur ad perfectionem, intenderet violare. Non est inquam audiendus, & certè videtur Syluest. deceptus ex verbis D. Tho. 2. 2. q. 184. & 186. non bene intellectis, dicit enim D. Thom. quod sufficit quod quis per vnā viam seu modum ad perfectionem tendat.

Ex

Ex quibus verbis putauit Syluest. sufficere ad salutem, si religiosus per obseruantiam vnius statuti, ad perfectionem tendat: cum tamen D. Tho. per vnum modum, vel viam intendat statum, vel religionem, seu Regulam, quia sufficit quod quis per obseruantiam suæ regulæ ad perfectionem tendat, quod colligitur ex ratione, quam adducit, quia religiosus vnius religionis non tenetur ad exercitia aliarum religionum, quibus peruenitur ad perfectionem; sed solum ad statuta suæ religionis ad quæ secundum suam regulam tenetur.

## QVÆSTIO XXVI.

*Sed quod in dubium vertitur est:*

*An præceptum hoc tendendi ad perfectionem, sit peculiare præceptum distinctum à præcepto seruandæ tria vota, ac reliqua religionis statuta?*

- 1 **I**LLUSTRISSIMVS Caiet. 2. 2. q. 184. ar. 5. Tabiena verbo religio 4. num. 5. & Corduba super Regulam S. Francisci cap. 1. q. 3 d. 3. videntur sentire hoc esse speciale præceptum ab aliis distinctum.
- 2 Alij verò Doctores non minoris nominis sentiunt contrarium esse probabilius, & probant quia religiosus non tenetur aliter ad perfectionem niri, quàm obseruando tria vota, & alia religionis statuta: ergo signum est euidens non esse hoc præceptum distinctum à præcepto seruandæ illa. Sicut præceptum quo quis tenetur esse bonus, non est speciale præceptum distinctum à præceptis particularibus, scilicet non furandi, non fornicandi, &c. sed imbibitum in illis, alias peccans mortaliter in quacumque specie

peccati, duplex peccatum committeret vnum illius speciei, in qua specialiter delinquit, alterum verò contra hoc præceptum, quò tenetur esse bonus, quod non est dicendum.

Et confirmatur, nam si esset distinctum præceptum tendendi ad perfectionem secundum suam Regulam, quotiescūque religiosus peccaret contra Regulam, duplex peccatum committeret, alterum contra Regulam, alterum contra præceptum non fornicandi, & alterum contra votum seruandæ castitatis.

Tum quia D. Tho. 2. 2. q. 186. ar. 2. ad 2. & eius sequaces eodem modo loquuntur de religioso, quo de seculari, dicentes teneri vtrumque ad perfectionem iuxta suum statum procurandam, obseruando sui status præcepta, & consilia non contemnendo. At nullus dicit id præceptum in secularibus esse distinctum ab aliis præceptis, ad quæ secundum suum statum tenetur; ergo idem dicendum est de hoc præcepto respectu religiosi.

Hinc, non est audiendus Caietanus, qui ait, religiosum facientem contra vota, & reliqua suæ religionis præcepta non peccare contra præceptum tendendi ad perfectionem, dummodo animum retineat illam procurandi. Quia vt diximus, religiosum tendere ad perfectionem, est obseruare vota, & præcepta suæ religionis: ergo qui aliquod votum, vel præceptum, violat, ad perfectionem non tendit, licet animum habeat tendendi ad perfectionem in aliis occasionibus: in illa tamen in qua peccat, præceptum, quo tenebatur procurare perfectionem, euitando illud peccatum, violat.

## QVÆSTIO XXVII.

*An Religiosus teneatur in vita perfectione proficere?*

**R**ESPONDEO teneri. Ratio est, quia Religiosus præter diuinæ legis præcepta, tenetur quidquid vouit implere, & Regula præcipit obire. Vnde D. August. in *Serm. de verbis Apostolorum*, Semper (inquit) tibi displiceat quod es, si vult venire ad id, quod non es: nam ubi tibi placuisti, ibi remansisti: si autem dixisti, sufficere, peristi. Idem. semper adde, semper ambula, semper profice: noli in via deficere, noli retroire, noli deuiare: remanet enim qui non proficit. Et D. Bernardus epist. 91. ad Abbat. *Aus ascendas* (inquit) *neceſſe eſt, aut deſcendas*. Si attentes stare, ruas neceſſe eſt. Minime proficilo eſt bonus, qui melior eſſe non curat: & ubi incipis nolle eſſe melior, ibi etiam deſinis eſſe bonus. Et epist. 253. *Ad Abbatem Garinum*. Vera virtus finem non habet, tempore non clauditur: nunquam iuſtus arbitratuſe ſe comprehendiffe, nunquam dicit ſatis eſt. Et infra. *Quod ſi ſtudere perfectioni, eſſe perfectum eſt, proficilo nolle proficere, deficere eſt*. Vbi ergo ſunt, qui dicere ſolent, ſufficit nobis: nolumus eſſe meliores, quam patres noſtri.

<sup>2</sup> O monache non via proficere non. Vnde ergo deficere? nequaquam. Quid ergo? ſic mihi (inquit) viuere volo, & remanere in quo perueni: nec peior fieri pat. or, nec melior cupio. Hoc igitur, quod eſſe non poteſt. Idem Bernardus infra. Hinc planè colligitur, quia nolle proficere, non niſi deficere eſt: inter perfectum enim & defectum in hoc ſtatu mortalis vitæ, nihil medium inuenitur. Neceſſe enim eſt ſpirituſ, aut proſicere ſemper, aut deficere. Vnde frequens apud eundem D. Bernard. illud proloquiũ; *In via Dei non proficere, deficere eſt, vel in via Dei non progredi, regredi eſt.*

## QVÆSTIO XXVIII.

*An Religiosus peccet, ſi in vita perfectione non proficiat?*

**A**D hoc dico primò, quod Religiosus qui vult omnem legem ſeruare, & quidquid vouit implere, & exequi quidquid regula ſui inſtituti fieri iubet, eo ipſo vult ad vitæ perfectionem progredi. Ratio eſt, quia hæc omnia ad vitæ perfectionem faciunt.

Secundò dico, quod Religiosus, qui omnia præcepta ſeruat, vota item, & quidquid regula præſcribit, quam ex inſtituto proſtitetur, cætera autem Chriſti conſilia prætermittit, non peccat, dummodo illa non contemnat. Ratio eſt quia ubi nulla eſt violatio legis, ibi nullum eſt peccatum, quia non peccat, niſi qui aliquod præceptum perfringit, ſed Religiosus qui nullum conſilium ſeruat, præter ea, ad quæ vi voti ſui, & ratione regulæ obligatur, nullum præceptum violat: ergo non peccat.

Tertio dico, quod Religiosus peccat, qui vult omnia ſupradicta ſeruare, ſed nihilominus apud ſe conſtituit, cætera omnia Chriſti conſilia prætermittere. Ratio eſt, quia etſi liceat omittere conſilia, at ſas non eſt, animo deliberato deſcernere, nil aliud effecere, niſi id quod ratione ſui muneris, & officij debet. Quia hæc voluntas aditum præcludit ſpirituſ ſancto, qui ſemper hominem præmouet ad meliora & perfectiora. Ita Caiet. 2. 1. q. 186. ar. 2. Cord. cap. 1. ſuper regul. S. Franc. q. 3. Valent. 2. 2. d. 10. q. 4. p. 4. & Azor. lib. 11. c. ult. q. 11.

Quartò, & vltimò dico, quod Religiosus qui facit omne bonum, quod poteſt, prout ſui inſtituti ratio, & regula præcipit, & cætera Chriſti conſilia continet peccat mortaliter. Ratio eſt, quia qui conſilia contemnit, Chriſtam

stum Dominum eorum autorem contemnit. Is autem consilia contemnit, qui ea tanquam inutilia, futilia, & vana prætermittit, aut idè negligit, quia sunt à Christo data.

### QVÆSTIO XXIX.

*An Religiosus cateris paribus deterrius peccet, quàm secularis?*

**A**D hoc dico primò quod Religiosus qui còtra memorata tria vota peccat. scilicet fornicatur, furatur, vel Superioris mandato non obtemperat, grauius peccat, quàm secularis. Ratio est, quia religiosus fornicando, furando, &c. non solum peccat contra præcepta legis diuinæ, sed etiam contra votum religionis.

Secundò dico, quod religiosus qui peccat ex contemptu in eodem genere peccati, grauius peccat, quàm secularis. Ratio est, quia religiosus peccando fit magis ingratus diuinis beneficiis, quibus est sublimatus ad statum perfectionis. Vnde Apostolus ad *Heb.* 10. dicit quòd fidelis grauiora meretur supplicia ex hoc quod peccando Filium Dei conculcat per contemptum. Et Dominus conqueritur Hier. 11. *Quid est, quod dilectum meum in domo mea fecit scelera multa.* Et D. Aug. dicit in *epist.* 137. ad plebē *Hipponensem.* Ex quo Deo seruire cœpi, quomodo difficile sū expertus meliores, quàm qui in *Monasteriis* profecerūt: ita non sum expertus peiores quàm qui in *Monasteriis* ceciderūt.

Terriò dico, quod religiosus qui peccat cum scandalo aliorum, magis peccat, quàm secularis. Ratio est, quia ad vitam religiosi plures respiciunt. Vnde dicitur Hier. 23. *In prophetis Hierusalem vidi similitudinem adulterantium, & iter mendacij, & confortauerunt manus pessimorum, ut non conuerteretur unusquisque à malitia sua.*

Quartò, & vltimò dico, quod reli-

giosus qui non ex contemptu sed ex infirmitate, vel ignoratīa aliquod peccatum, còmittit quod non est contra votū suæ professionis, vel cum offensione aliorū, leuius peccat, eodem genere peccati, quàm secularis, quia peccatū religiosi si sit leue, ex multitudined bonorum operum, quæ facit quasi absorbetur: si verò sit mortale, statim ab eo resurgit, primò propter intentionem, quam habet rectam ad Deū, quæ etsi ad tempus interrumpatur, de facili ad saniozem mentem erigitur, iuxta illud *Psal.* 36. *Cum cecideris iustus non collidetur, quia Dominus supponit manum suam.* Secundò, quia à pluribus ad resurgendum adiuuatur, iuxta illud *Eccle.* 4. *Si vnus ceciderit ab altero fulcietur.* Cui fauet illud memorabile D. Bernardi proloquium; *In monasterio homo viuus purius, eadit varius, surgit velocius, incedit cautiùs, quiescit securius, irroratur frequentius, purgatur citius, moritur confidentius, remuneratur copiosius.* Quæ rationes tantum probāt religiosum minus peccare extensiuè, seu quoad durationē. At probati potest etiā minus peccare intensiuè. Quia cum religiosus in bonis operibus còtinuè versetur, nō solet ex infirmitate, aut passione delinquere, nisi ea passio sit vehemens, quæ multum voluntarij actus, ac proinde culpæ minuit.

### QVÆSTIO XXX.

*An ingressus religionis magnam requirat deliberationem.*

**A**D hoc dico primo, quod ex parte religionis, ac per se non opus est multa consultatione, & diuturna deliberatione vti. Ratio est, quia religionis status Christi Domini consiliū est, & ingressus in religionem est melioris virgē susceptio, & qui de hoc dubitat, quantū est in se, iniuriam videtur irrogare Christo Domino, qui de tali ingressu consilium dedit. Vnde D. Au

D. August. in lib. de verbis Domini serm. 7. dicit, *Vocat te oriens, idest Christus, & tu attendis ad occidentem, idest ad hominem mortalem errare potentem: quasi dicat, non hoc consonum est rationi.*

2. Secundo dico, quod nec per comparisonem ad vires eius, qui ingressus est religionem, sunt necessaria multorum consilia. Ratio est, quia is qui religionem intrat, non confidit in virtute sua, neque in multitudine virium suarum, sed in Deo, & in auxilio eius, qui præsto adest sperantibus in eum iuxta illud Isai. 40. *Qui sperant in Domino, mutabunt fortitudinem, assumment pennas, sicut aquilæ, current, & non laborabunt, ambulabunt, & non deficient.* Vide August. lib. 8. *suarum confess. c. 11.* dicit de seipso, quod ante tempus suæ conversionis, dum sui status mutationem pertimesceret, atque formidaret, videndo tot pueros, ac puellas, & iuventutem multam, & homines omnis ætatis, viduas graues, & virgines, Deo deferuire, anus quædam irridere sibi videbatur, irrisione quadam hortatoria, ac sibi dicere. Tu non poteris, quod isti, & isti: an isti & isti in semetipsis possunt, & non in Domino Deo tuo? Quid in te stas, & non stas? proice te in eum, noli metuere: Non te subtrahet, ut cadas. Proice te secure, ipse accipiet te, & saluabit te.

3. Tertiò dico, quod ex parte ingredientis, & ex accidenti contingere potest, ut multorum consultatione opus sit ad ingressum religionis, ut v. g. quando specialia ad sunt impedimenta ex parte ingressuri, qualia sunt morbus, & alienum, & id genus alia. In his desumendum est consilium non ab hominibus secularibus nil nisi mundana sapientibus, etiam si sanguine essent coniunctissimi: animalis enim homo non percipit ea quæ sunt Spiritus, sed à viris probis, & doctis qui possunt rectè consulere circa ea, quæ per-

fectionis sunt, & homini conueniunt. In quibus tamen non debet consultatio diuturna præcedere iuxta illud Hieron. in Epistola ad Paul. *Festina, quæso te, & harenti in salo nauicula funem magis præcede, quam solve.* Et D. Ansel. epist. 1. *Festina ad tantum bonum, quia nullo bono efficacius peruenies ad summum bonum. Plures vidi promittentes, & differentes, quos ita mors tulit, ut nec id perficerent, quo se impediabant, nec id inciperent, quod promittebant.*

Quartò, & vltimò dico, quod omnino expedit volenti ingredi religionem, ut à Deo consilium capiat per orationes, eleemosynas, ac frequentem sacramentorum usum: atque ut seipsum probet diligenter, an sit animo paratus ad præstandum ea omnia, quæ religiosum institutum requirit, exemplo volentis ædificare turrin, qui prius computat sumptus, qui necessarii sunt, si habeat ad perficiendum.

## QVÆSTIO XXXI.

*An nobis liceat alicui persuadere religionis ingressum?*

IN qua re conuenit inter omnes, 1  
non esse bonum, inducere quemlibet etiam idoneum ad faciliter vouendum religionem, quia quod inductione alterius fit votum, non omnino sponte fit, & experientia teste, difficilius tales ferunt onera religionis, qui ingressi sunt coacti voto, quam qui ingrediuntur liberi & sine voto, ut rectè docet Caiet. 2. 2. q. 189.

articulo 2.

QVÆST.

## QVÆSTIO XXXII.

*Sed quod habet difficultatem est: An nobis liceat inducere quempiam ad religionis ingressum.*

**R**ESPONDEO licere. Ratio est, quia qui alium ad statum religionis inducit, eum à mundanæ vitæ periculis propè innumeris auocat, & ad perfectionem adducit iuxta illud Apostoli Iacobi in sua Epist. can. c. vlt. *Qui conuerſi fuerit peccatorem ab errore viæ suæ, seruat animam suam à morte, & operiet multitudinem peccatorum.* Et Daniel 12. *Qui ad iustitiam erudiunt multos, fulgebunt quasi stelle in perpetuas æternitates.* Vnde D. Bernardus, electum Dei organum & summus spiritualis doctrinæ magister in sermone de conuers. ad clericos, ait, *Fugite de medio Babylonis, & saluate animas vestras consolantes ad urbes refugij, ubi possitis & de præteritis delictis agere penitentiam, & in præsentem obtinere gratiam, & futuram gloriam feliciter præstolari.* Non vos retardet conscientia peccatorum, quia vbi illa abundauit, superabundare gratia consueuit: non penitentia austeritas vos deterreat: nec enim condigna sunt passionibus huius temporis ad præsentem culpam, quæ remittitur, nec ad præsentem consolationem, quæ inuenitur, nec ad futuram gloriam, quæ promittitur.

## QVÆSTIO XXXIII.

*An sis Simonia aliquem munusculis ad ingressum religionis induitare?*

**A**D hoc dico primò, quod licitum est, absque vilo pacto, & le-

ge munera dare ad captandam beneuolentiam, & ad inuitandum ad religionem, & Baptismum, & ad reliqua opera Spiritualia. Ratio est, quia est liberalis omnino donatio, nulli pacto, aut conditione vestita, & in egregium finem dirigitur.

Hinc, qui conscius talis intentionis donantis, munera accipit, non peccat, nec tenetur postea votis donantis annuere. Quia ea donatio liberalis omnino fuit. Ita Molina 10. 1. de iust. disp. 93. in fine.

Secundò dico, quod licitum est munera dare ad tollenda impedimenta retardantia à religionis ingressu, aut à Baptismi susceptione, v.g. est aliquis qui vult religionem ingredi, sed impeditur, eo quod est ære alieno grauatus, integrum est conuenire cum illo sic. Soluam debita, & ingredi religionem. Similiter est Iudeus baptismum optans, impeditur timore restituendi vsuras, licitum est ei offerre pecuniam ad eas restituendas, dummodo baptizetur. Ratio est quia hoc non est spiritualia emere, sed solum obstacula tollere. Ita Syluest. verb. *Simonia* 9. q. 3. Rosell. verb. *simonia* 1. numero 19. & Armil. ibid. num. 30.

Tertiò dico, quod verius est, non esse simoniam dare munera cum pacto, & conditione, vt is, cui dantur, ingreditur religionem, recipiat baptismum, sacramenta frequet, dummodo non dentur in pretium illius operis spiritualis, sed ad alliciendum ad illa. Ratio est, quia simonia est spontanea voluntas emendi, vel vendidirem spirituales pro temporalis vt docet D. Tho. 2. 2. q. 100. articulo 1. Sed qui acceptis muneribus religionem ingreditur, non vendit religionem, nec munera offerens eam emit. At de ratione venditionis est, vt venditor aliquid tradat, &

& emptor aliquid accipiat : sed ingrediens religionem , nihil tradit, nec offerens munera aliquid recipit ergo.

- 5 Tum quia qui munera offert , non obligat illum ut ei , vel alteri eius nomine , det aliquid spirituale , sed ut sibi consulat , & salutaria amplectatur.

Tum quia non est simonia offerre munera infideli ea lege , ut fidem Christi suscipiat : ut docet Syluest. verbo *gabella* 5. q. 2. num. 3.

- 6 Tum quia donare vitam infidelibus ad mortem damnatis , hoc pacto , & conditione , ut conuertantur , non est simonia , ut docet Med. C. de *restitutione* . *quæst.* 27. *ad.* 4. ergo non erit simonica offerre alia munera eodem pacto. Probo consequentiam , quia ea condonatio vitæ pecunia est æstimabilis.

Tum quia contrahere matrimonium cum infideli hac lege , ut Baptismum Christi suscipiat , non est simonia , ut habetur *cap. Non oportet* 28. *quæst.* 1. ergo nec erit simonia alia munera offerre eadem conditione adiecta.

- 7 Tum demum , quia passim in scripturis promittit Deus bona temporalia his qui seruant præcepta eius , & id per modum pacti , ut constat Gen. 12. ubi dixit Deus Abraham : *Egredere de terra tua , & de cognatione tua , fac àaque te in gentem magnam.* Et Gen. 17. *Abundantiam meam , & esto perfectus , pondusque factus meum inter me , & te , & multiplicabo te vehementer.* Quæ verba manifestum pactum continent. Ita Molin. *tom.* 1. *disp.* 93. & Nauar. *cap. Inter verba* nu. 20.

- 8 Quod dico , quod pro ingressu monasterij , aut professione aliquid tanquam pretium dare , vel recipere , simonia est : ut expressè definitur in *cap. Nullus* . Et ratio huius est , quia

religio est quid spirituale , & donum quoddam desuper acceptum : sed dona spiritualia emere aut vendere omni iure est prohibitum ; quia gratis sunt conferenda iuxta præceptum Christi Domini : *Quod gratis accepistis , gratis date.* ergo pro religionis ingressu , vel professione tanquam pretium nihil omnino dari , aut recipi potest.

Quinto , & ultimo dico , quod non est simonia aliquid dare , vel recipere non tanquam pretium , sed tanquam elemosynam gratis datam , & nullo præcedente pacto expresso , vel tacito exhibitam pro ingressu monasterij , vel professione : ut docet D. Tho. 2. 2. *quæst.* 100. *art.* 3. ubi ait , licere , facilius ad monasterium aliquem admittere , pro eo quod largas elemosynas erogando suam deuotionem erga idem monasterium ostendit , quam alium qui non id faciat , dummodo ex pacto pro ingressu monasterij nihil omnino detur , aut recipiatur. Vnde Scotus *lib.* 9. *quæst.* 6. *artic.* 1. generaliter dicit , quod pro victu , & vestitu aliquid recipere , nulla prorsus est simonia : ad quod probandum adducit exemplum de matrimonio : nam licet pro matrimonio qua ratione sacramentum est , nihil omnino possit vir ab vxore recipere , potest tamen pro ipsius victu , & vestitu.

## QVÆSTIO XXXIV.

*An aliquis possit ad religionem compelli ?*

RESPONDEO non posse. Ratio est quia quisque in statu vitæ deligendo est sui inris.

Tum quia nemo potest cogi ad Baptismum amplectendum , quem tamen Deus omnibus præcipit , tanquam neces



necessarium ad salutem : ergo multò minùs ad religionem , quem statum Deus omnibus liberrimum esse voluit , utpote ad salutem non necessarium.

Tum quia nemo potest in pœnam cogi ad matrimonium : ergo neque ad religionem.

- 2 Tum quia status supernaturalis non potest habere rationem pœnæ , cum requirat liberam electionem , pœna autem sit contra voluntatem.

Tum quia eius excellentia , & sublimitas postulat , ut sponte & ex amore , non compulsionem externa suscipiatur. Vnde omnibus dictum est : *Qui potest capere , capiat.*

Tum demù , quia si hic status inuitis imponi posset , caderet in maximum animarum laqueum : quia vota religionis non nisi à volentibus , & animo bene ad illa affectis seruati possunt.

- 3 Exciunt tamen Doctores tres casus , in quibus potest quis ad religionem compelli. Primus est , cum quis sponte religionem vouit , hic enim compelli potest , ut suum votum adimpleat : sicut is qui sponsalia contraxit , compellitur , ut matrimoniù contrahat.

Secundus est , quando coniux iuris conscius , liberè consentit ut alter vitam religiosam profiteatur , vel ad sacros ordines ascendat ; tunc enim , si is qui remanet in sæculo sit suspectus de impudicitie vitio , cogi potest ad pariter intrandum *cap. Significasti de conuerfat. coniug.*

- 4 Tertius est , cum quis commisit crimen , ob quod iubetur detrudi in monasterium. Verùm in his casibus , non potest iure compelli quis ad professionem ; quæ perinde , ac matrimonium requirit liberam electionem. Nec verò frustra crit talis inclusio , quia deseruiet ei in remedium aduersus incontinentiam , & in pœnam pro peccatis commissis.

## QVÆSTIO XXXV.

*An qui vi , vel metu , vel fraude quempiam ad religionem impellit , sit ipso iure excommunicatus ?*

ET quidem , certum est apud omnes , eum esse ipso facto excommunicatum per Conc. Trident. *sess. 25. cap. 13. de regul.* qui cum effectu mulieres ad ingrediendum monasterium , vel ad suscipiendum habitum , vel ad profitendum cogit præterquam in casibus in iure expressis , aut volentes intrare , vel proficisci sine iusta causa impedit.

## QVÆSTIO XXXVI.

*Tota igitur difficultas consistit de eo , qui per vim vel metum vel fraudem virum ad ingrediendam religionem compellit.*

RESPONDEO non esse excommunicatum. Et ratio est , quia lex ad frequentiora respicit *iuxta leg. nam ad ea ff. de legibus.* Et vir non facilè compellitur. Peccat tamen mortaliter qui adolescentes ad iurandum religionem compellit , cum maxima deliberatione sit hic status assumendus. *Roder. 10. 3. qq. reg. qu. 14. art. 3.*

Hinc , qui puellam inducit , ut inuita ad religionem transeat , vel consulit alteri , ut compellat eam intrare , non incurrit hanc excommunicationem , nisi de falso ipsa ingrediarur inuita ; ut doctè defendit Nauar. *lib. 5. conf. tit. de sent. excom. conf. 55.*

Hinc hanc pœnam Concilij non incurrit , qui de licentia Episcopi procurat ponere filiam suâ orphanam in aliquo monasterio , quousq; sit apta ad

matrimonium. Nec obstat Conc. Trident. dicens esse excommunicatum, qui mulierem inducit ad ingrediendum, vel habitum suscipiendum. Quia *ly ingrediendum*, debet intelligi, si ipsa ingrediatur in vita, prætendente persuasore, quod post ingressum tandem velit, nolit, habitum religionis suscipiat: non verò loquitur de eo qui hoc solum prætendit, ut sit ibi recollecta, quousque inueniat aliquem, qui eam ducat in vxorem: ut contra Nauar. tenet eleganter Roder. p. 2. sum. cap. 8 n. 10.

Opinio tamen Nauarri potest habere locum, ob ea quæ dicunt Constitutio Pij V. & Sixti V. quod in nullo Monasterio possit esse aliqua secularis puella, nisi sub titulo nouitatus, & cum intentione proficendi.

### QVÆSTIO XXXVII.

*An qui alicui dissuadet religionis ingressum, peccet mortaliter?*

**R**ESPONDEO cum peccare mortaliter, nisi id faciat aliqua iusta de causa; nam in Conc. Trid. sess. 25. c. 18. de regular. anathemati subiiciuntur omnes illi, qui mulieres volentes ingredi religionem impediunt. Iustæ autem causæ sunt quatuor. Prima est, quando volens ingredi est coniugatus, & sine licentia coniugis vult id ere.

Secunda est, quando creditur ipsum ineptum esse religioni.

Tertia est maior spiritalis utilitas, & in ipsius retrahentis, quàm retracti, atque adeò maior Dei gloria.

Quarta, & vltima est, quando in Monasterio, vel religione, in quam ingredi cupit, malè contra disciplinam regulariter viuitur, & regula perperam obsecuratur. Nau. l. cap. 12. n. 44.

### QVÆSTIO XXXVIII.

*An qui iniquo animo, atque peruersa intentione quempiam ab ingressu religionis retrahit, ad aliquam restitutionem teneatur?*

**D**E hac quæstione latè egimus in nostro speculo confessoriorum, disputatione 26. q. 8. vide ibi.

### QVÆSTIO XXXIX.

*An quilibet possit religionem ingredi?*

**R**ESPONDEO posse. Ratio est, quia euangelica consilia, ad quorum obseruantiam religio obligat, sunt omnibus data à Christo.

Exciipiuntur tamen aliqui, qui aliis obligati nequeunt ad religionem admitti, de quibus dicemus in sequentibus.

### QVÆSTIO XL.

*An filij sine consensu, & voluntate parentum possint religionem ingredi?*

**I**N qua re conuenit inter omnes, filios, & filias, ante annos pubertatis, non posse sine consensu parentum religionem ingredi, quia vsque ad illam ætatem subduntur illis quoad vitæ dispositionem: ut constat ex cap. Ad nostram de Regul. & ex p. significatum eo. tit.

Sed dubium est de his, qui ad annos pubertatis peruenerunt: An videlicet possint etiam inuitis parentibus non indigentibus eorum auxilio, ad religionem migrare?

Respondeo posse, ut habetur expressè definitum in can. Puella 20. q. 2.

¶ 112

et in cap. Cum virum de regular. & in Cone. Tolentan. X. cap. ultimo sic dicitur. Puella, si ante 12. aetatis annum sponte sua velamen sibi sacrum assumpserit, possunt statim parentes, vel Tutores id factum irritum facere, si voluerint. Si vero in frivoliore aetate adolescentula, vel adolescentes servire Deo elegerint, non est potestas parentibus prohibendi. Et ratio est, quia quilibet ingenuus post annos pubertatis est sui iuris, quantum ad ea, quae ad personam, & statum suum pertinent.

Tum quia licet filiis, parentibus inuitis, matrimonium contrahere; ergo & iisdem inuitis, ad religionem migrare.

Tum quia magis obediendum est Deo, quam hominibus. At. 1. Deus autem consulit omnibus ingressum religionis, Matth. 19. ergo si parentes resistent, audiendi non sunt. Vnde Hieronym. in epist. de suspecto contubernio. Si quis (inquit) te corripit, quod sis christiana, quod sis virgo, non cures, quod matrem deserueris, ut in monasterio inter virgines viueres: talis detrahitio laus tua est. Item Crudelitas ista pietas est, illum animi praefers matri, quem praefers imbecili, & animae tuae. Idem ad Heliodorum, quae prima est omnium: Licet (inquit) paruulus ex collo pendens ne post lucem sparso crine, & scissis vestibus vbera, quibus se nutrierat mater ostendat: licet in limine pater iaceat, percalcato perge parre, scissisque oculis ad vexillum crucis enota: solum pietatis genus est, in hac re esse crudelem.

## QVÆSTIO XLI.

An qui post religionis votum Episcopatum acceptat, teneatur Episcopatum dimisso religionem ingredi?

HENRIQ. lib. 10. de Sacramento Ordinis cap. 32. & Roder. p. 2. sum. cap. 6. n. 6. negant. Quia votum non infringit, qui illud in melius commutat: cap. Peruenit 2. de iureiur. At status Episcoporum est altior, atque perfectior statu religiosorum: cap. Licet de regular. Sunt enim Episcopi in statu perfectiorum actiue, religiosi vero in statu perficiendorum passiuè, ut perficiantur, ut ex D. Dionys. probat D. Tho. 2. 2. q. 184. ar. 7. ergo.

Communis tamen tam Theologorum, quam Canonistarum sententia habet, hunc teneri Episcopatu relicto ad religionem transire. Ratio est, quia acceptans Episcopatum admittit impedimentum religionis promissæ, & sic est voti reus.

Tum quia, quamvis non repugnet, ut religiosus creetur Episcopus: repugnat tamen, ut Episcopus fiat religiosus; quia ut Episcopus fiat religiosus, oportet ut omnia quæ possidet, & Episcopatum renunciet, quod absque Romani Pontificis licentia fieri nequit.

Tum quia, ut docet suo more aduertit Illustriss. Caiet. 1. 2. q. ultima ar. 3. tunc assumptio perfectioris status sufficit, ne dicatur votum imperfectioris status violari, quando status imperfectior clauditur in perfectiori, ut sunt diuersæ religiones. At status Episcoporum, & religiosorum non sunt huiusmodi: quippe ille est formaliter status perfectionis alienæ, hic autem propriæ: ergo.

Et est conclusio de finita in cap. Per tuas de voto. ubi proposito simili casu de quodam electo Episcopo ad Ecclesiam Genuensem, qui prius religionis votum emiserat, consultus ab eo Innoc. III. quid facere deberet, in hæc verba prorupit. Nos igitur tua discretionis consulimus, ut si tuam sanam conscientiam desideras, regimen Ecclesiæ

memorata resignes, ac reddas altissimo vota tua. Quod si postmodum capitulum eiusdem Ecclesie, te duxerit canonice eligendum, electionem de te factam recipere poteris. Et ideo ita tenent D. Tho. 2. 2. q. 189. ar. 3. & ibidem Caiet. Sylu. verb. religio 2. q. 10. Angel. verb. votum 2. n. 12. Tab. verb. Episcopus q. 7. n. 8. & ibi Armil. n. 10. & Azor. lib. 11. cap. 16. q. 2. & cap. 22. q. ult. Vnde bene inferunt Syluest. verb. votum 3. in fine, & Angel. loco memorato, esse mortale acceptare Episcopatum, relicto religionis voto.

## QUESTIO XLII.

An Episcopus sine expressa licentia  
Pape ad religionem possit  
admitti?

**C**AIET. 2. 2. q. ult. ar. 3. & Tab. verb. Episcopus q. 7. n. 8. affirmant posse. Quia in cap. memorato Per tuas, &c. Pontifex eam licentiam concessit illi Episcopo Genuensi, & in eo omnibus simile votum habentibus.

At omnino dicendum est, non posse Episcopum absque expressa licentia Pontificis petita, & obtenta ad religionem admitti. Ratio est, quia Episcopus est sue Ecclesie obstrictus, sicut maritus uxori. Vnde sicut maritus absque uxoris consensu non potest religionem intrare, ita nec Episcopus absque consensu Ecclesie, cui preest, potest religiosum institutum suscipere, quem consensum Pontifex, qui omnium Ecclesiarum curam habet, sibi reservauit: vt habetur in cap. Nisi cum pridem de renuncione; vbi cuiusdam Archiepiscopo Calaritano sibi poscenti, vt ad religionem liceret transire in hec verba respondit Innocent. III. Quod si talibus mouetur de causis, qua continentur ibidem, de licentia Apo-

stolica id facias, sin autem, auctoritate Apostolica sibi nouerit esse penitus interdictum. Et ponit ibi Pontifex sex causas, ex quibus Episcopus potest petere, & Romanus Pontifex consuevit concedere licentiam ad cedendum episcopatu, atque ingrediendam religionem, quæ causæ sequentibus verbis comprehenduntur.

Debilis, ignarus, malè conscius, irregularis, quem mala plebs odit, dans scandala, cedere possit.

Tum quia derelinquere Episcopum suum Episcopatum ad ingrediendum religionem, est descendere, cum status Episcoporum altior, atque perfectior sit statu religiosorum: vt rectè probat D. Tho. 2. 2. q. 184. ar. 7. Cum hoc tamen stat secundum eundem D. Tho. 2. 2. q. 185. ar. 4. quod Episcopus iusta aliqua de causa, licitè possit deferere Episcopatum, vt se ad religionem transferat, dummodo id fiat (vt dictum est) de licentia Papæ petita, & obtenta.

Cæteri autem Prælati citra Episcopum in quacunque dignitate, vel cura constituti, possunt dimissa prælatura ad religionem transire, & ad ipsam poterunt admitti; vt rectè docet Panorm. in cap. Quod De simonem de statu monachorum. Immo verò D. Tho. 2. 2. q. ult. ar. 7. ait, quod Episcopo etiam inuito, hoc possunt facere Archidiaconi, & presbyteri curati. Immo, vt rectè docet Syluest. verb. religio 2. q. 8. idem est dicendum de Præpositis, Decanis, Archipresbyteris, & de omnibus inferioribus Episcopo.

Est tamen notandum, quod in euentu, quo aliquis prædictorum ad religionem transiret, beneficia, & dignitates eorum nulli de iure conferri possent, nisi post professionem factam; vt habetur definitum in cap. Benefic. de regul.

## QVÆSTIO XLIII.

*An Episcopus teneatur votum Pontifici manifestare, dum eam licentiam petiit?*

- 1 **L**ESSIVS lib. 2. de iust. cap. 41. dub. 3. n. 24. putat eum ad id teneri.  
Sed oppositum est verius. Quia hic nunquam promisit se votum manifestaturum.  
2 Tum quia id fieri nequit absque proprii peccati acceptationis eius Episcopatus detectione.

## QVÆSTIO XLIV.

*An si Episcopus absque summi Pontificis licentia votum religionis emitat, tale votum sit validum, & obligatorium?*

- 1 **R**ESPONDEO esse validum, ut omnes Doctores tradunt. Vnde tenetur licentiam illud exequendi petere: nam sub hac conditione, si Pontifici placuerit, censetur factum. Ita Less. lib. 2. c. 41. dub. 3. n. 24.

## QVÆSTIO XLV.

*An coniux possit licite, sine alterius licentia, emitte votum simplex religionis.*

- 1 **R**ESPONDEO si ante matrimonium tale votum emittatur, certum est, posse illud emitte. Quia tunc inuito altero coniuge talis transitus est licitus. Si verò post consummatum matrimonium fiat, est etiam certum, posse; si emittatur, implendum tempore soluti matrimonij, vel diuortij. Si autem absolute emittatur, nullum est peccatum, quia intelligitur implendum tempore habili, in quo nulli infertur præiudicium.

## QVÆSTIO XLVI.

*An votum simplex religionis ab altero coniuge absque alterius consensu emissum, sit validum?*

**R**ESPONDEO si tale votum emittatur ante matrimonium consummatum, certum est, illud esse validum, & obligare ad non consummandum, sed ad ingressum religionis: ac proinde erit peccatum mortale prima vice matrimonium consummare, siue petendo, siue reddendo. Quod si eo non obstante consummetur matrimonium, iam in posterum licebit petere, & reddere: at soluto eo matrimonio, vel facto diuortio ob adulterium, tenebitur vouens religionem ingredi.

## QVÆSTIO XLVII.

*Tota ergo controuersia consistit, quando post consummatum matrimonium tale votum emittitur?*

**R**ESPONDEO si id votum emittitur pro tunc implendum, est prorsus irritum. Quia est votum de re aliena. Si autem absolute fiat, erit validum, obligabitque pro tempore soluti matrimonij, vel ratione diuortij. Ita Henricus lib. 11. de matrim. cap. 15. n. 8.

## QVÆSTIO XLVIII.

*An coniux post contractum matrimonium, possit altero inuito religionem ingredi?*

**E**T quidem certum est primo, post matrimonium ratum, & non consummatum posse coniugem altero inuito religionem intrare, & profiteri; ita enim

enim definitur in *cap. verum 2. & in cap. ex publico 7. de conuersat. coniugator.* Et vt hoc possit fieri tribuit lus duorum mensium spatium, in quibus vterque illorum potest negare debitum ad hunc finem. Vnde peccat mortaliter sponfus cogens vxorem ad consummandum matrimonium ante dictum bimestre, cum priuet illam iure quod habet ad ingressum religionis, quia per hunc actum quamuis violentum, consummatur matrimonium. At in hoc casu potest ipsa ingredi religionem, sed quod non ideo soluitur ipsa proficiente, & sic qui remanet in sæculo non potest ducere aliam vsque ad mortem dictæ religionis.

- <sup>2</sup> Secundò certum est, coniugem non posse ante consummationem matrimonij sibi facultatem auferre transseundi ad religionis statum, ne apponat impedimentum spiritui sancto vocanti fortè ad talem statum, ad quem ascendere potest absque iniuria vxoris quantumcumque inuitæ.

### QVÆSTIO XLIX.

*Sed quod in dubium vertitur est:*

*An post matrimonium consummatum alter possit, altero inuito ad religionem transire?*

- <sup>1</sup> **R**ESPONDEO non posse, vt habetur definitum in *cap. Quidam 3. & in cap. Placet de conuers. coniug.* Unde si vir religionem profiteatur inuito, vel ignorante vxore, vel ea consentiente, sed per vim, metum, vel dolum, vltra peccatum mortale quod vir committit, talis professio est irrita, atque adeo vxor poterit eum repetere, & ille tenebitur redire, & debitum coniugale petenti reddere: quia vxor petit, quod sibi iure debetur: exigere verò ipse debitum non pote-

rit, quia potuit vir huic suo iuri cedere, & potuit ex hac parte castitatem vouere.

Excipiunt tamen Doctores tres casus, in quibus fas est, alterum altero inuito, ad religionem transire.

Primus est, si alter per vim, dolum, vel metum cadentem in virum constantem consummauit matrimonium ante duos menses expletos, qui ei à iure conceduntur. Quia ei grauem iniuriam intulit ratione cuius, non debet innocens priuari suo iure. Ita Lessi. *lib. 2. de iustis. cap. 41. dub. 3.*

Secundus, si alter coniugum commisit adulterium, nam innocens potest religionem ingredi, & profiteri altero inuito. *cap. 21. Agathos 27. quass. 2.* Et idem dicendum est de crimine Sodomizæ *cap. Maritus de adult. & tradit Lessi. loco citato.*

Tertius, si alter incidit in hæresim. <sup>3</sup> *capit. fin. de conuers. coniug. & tradit Sanchez lib. 2. de matrim. disp. 23. numero 6.*

### QVÆSTIO L.

*An, si huiusmodi crimina sint occulta, alter possit religionem ingredi, & profiteri.*

- R**ESPONDEO non posse, nisi <sup>1</sup> diuortio facto iudicis ecclesiastici auctoritate. *cap. Porro de diuortio*, idque partim ad vitandum scandalum, partim ne possit repeti, & cogi ad reddendum debitum. Si tamen profiteatur, valida erit professio. Ita Rebell. *p. 2.*

*lib. 3. cap. 4. sect. 2.*

QVÆST.

## QVÆSTIO LI.

*Sed quid si huiusmodi delicta sint publica, an tunc separatio fieri debeat Iudicis auctoritate?*

- R**ESPONDEO etiam tunc expectandam esse Iudicis sententiam. Ratio est, quia dimittere coniugem ob adulterium, &c. illius est pœna; at pœna non est executioni mandanda, nisi post legitimam Iudicis sententiam: ut patet ex cap. Cum secundum leges 19. de hares. in 6. ergo. Sufficit tamen in hoc casu sententia declaratoria criminis, ut docent Castro lib. 2. de iusta hæreticor. punitione cap. 7. & Couar. de matrim. p. 2. cap. 7. §. 8. Quod si alter quoque adulterium, vel Sodomiam, &c. occultè commisit, non potest coniugem dimittere, ut religionem proficiatur, quia paria delicta mutua compensatione solvuntur. Cap. final. de adult. Idem dicendum est, si cognito illius peccato, debitum petiit, vel reddidit, quia illi censetur reconciliatus, & ius suum condonasse. 32. q. 1. cap. 1.

## QVÆSTIO LII.

*An coniux, qui tria memorata crimina passus est, post diuortium: auctoritas Ecclesiæ factum, possit altero coniuge contradicente se ad religionem conferre?*

- R**ESPONDEO posse. Ratio est, quia facto diuortio auctoritate Iudicis uterque suo iuri cessit cap. Quam periculosum 7. question: 1.

## QVÆSTIO LIII.

*An mulier, quæ ante consummatum matrimonium, ad religionem transiit, debeat iure compelli, ut post bimestre professionem emittat?*

**M**ENOCHE. de arb. lib. 4. cent. 2. casu 333. tenet esse compellendam etiam nunc post Conc. Trident. ut intra bimestre proficiatur, ne alter coniux cogatur tanto tempore professionem expectare.

Contrarium tamen est proculdubio affirmandum, nam ex generali prohibitione Conc. Trident. sess. 25. cap. 15. de regular. planè colligitur, non valere talem professionem ante expletum annum probationis, ætatemque 16. annorum. Et ita in facti contingentia fuit decissum à Iudice Ecclesiastico, & in cancellaria regia approbatum consulis super hoc pluribus viris doctis, prout refert & tenet Henric. lib. 12. de impedim. matrim. c. 5. num. 8. & Palac. 4. d. 27. quest. 2. p. 582. Nec per hoc irrogatur iniuria sponso, qui tanto tempore castus cogitur expectare, quia ipsa utitur favore iuris concessio, non solum in favorem nouitij, sed etiam ipsius religionis, ut ipsa mature integro probationis anno austeritates religionis experiatur, & religionis mores Roder. qq. regular. tom. 3. q. 13. art. 4.

## QVÆSTIO LIV.

*An coniuges accedente mutuo consensu, etiam consummato matrimonio, possint religionem ingredi, & profiteri?*

**R**ESPONDEO posse. Ita enim expressè definitur in cap. Cum sit. cap.

cap. *Vxoratus*, & in cap. ad Apostol. de  
conuers. coniug.

### QVÆSTIO LV.

*Quid exigatur, ut matrimonio consummato licitè alter coniux ad religionem transeat?*

<sup>1</sup> **A**NGELVS verbo matrimonium 4. num. 8. dicit posse coniugem de consensu alterius religionem profiteri, quamvis manens in sæculo non emittat votum continentie in manu Episcopi: ac proinde solam coniugis licentiam videtur petere.

<sup>2</sup> At omnino dicendum est, ut sit licitus huiusmodi ingressus, vltra consensum alterius coniugis requiri, ut consentiens etiam ad religionem transeat, si iuuenis est, vel de incontinentia suspecta. Si autem sit propectæ ætatis idest sexagenaria, aut non de incontinentie periculo laboret, sufficiet votum continentie emittere in manu Episcopi. Ita enim expresse definitur in cap. Cum sis de conuersat. coniug. & in cap. *Vxoratus* cod. tit. & in cap. ad Apostolicam eod. titulo.

### QVÆSTIO LVI.

*An si uxor dispositionis iuris conscia, sciuit se non posse ad ingressum mariti consentire, nisi ipsa in religionem transeat, possit ad religionem compelli?*

<sup>1</sup> **R**ESPONDEO eo casu si ipsa in sæculo manens, est de incontinentia suspecta, potest ad religionem compelli. Cum professio alterius fuerit valida. Cap. 1. de conuersat. coniug. Ita Sanch. lib. 7. de matrim. disp. 33. num. 4.

### QVÆSTIO LVII.

*An qui ad religionem transit, quo alter licitè profiteatur, teneatur eandem profiteri?*

**N**AVARR. lib. 3. consil. tit. de conuers. coniug. consil. 14. affirmat hunc non teneri religionem profiteri, sed esse in monasterio includendam, ne in sæculo manens periculum adulterij incutiat. Quia vltra proprium votum, nemo profiteri est cogendus.

Cæterum absque dubio dicendum est, debere religionem profiteri, & ad id posse autoritate Iudicis compelli. Ita enim definitur in cap. Cum sis de conuersat. coniug. ibi Nisi uterque ad religionem migrauerit. Et in cap. 1. eod. tituli. ibi. Nisi uxor ad religionem transierit. Non enim transit ad religionem, qui non proficitur. Et in cap. Agathosa 27. ibi. Postquam copulatione coniugij viri atque mulieris unum corpus efficitur, non potest ex parte conuersi, & ex parte manere in sæculo. Et in cap. Qui uxorem 33. quæst. 5. ibi. Qui uxorem suam velare permiseris, aliam non accipias, sed similiter conuertatur. At non dicitur conuersi, sed in sæculo manere, si non profiteatur. Et ideo ita tenent Syluest. verb. diuortium q. 30. Tab. verb. matrim. 1. quæst. 3. Sot. in 4 d. 27. quæst. 1. art. 4. Petr. de Ledesm. q. 64. art. 4. dub. 1. Barth. de Ledesm. de sacramento ord. dub. 14. Vega tom. 2. cap. 34. casu 103. & Azor. lib. 12. cap. 1. q. 6. Quam opinionem censeo esse verissimam, si coniux erat iuris conscia perentis professionem ipsius, ut alter legitime profiteretur. Quia sciens id desiderari ad legitimam alterius professionem, assensum illi præstans, videtur se ad illud obligare. Secus autem si erat iuris igara, quia tunc non cogetur profiteri. Quia est valde durum,



durum, rem tam arduam iniungere ei, quæ nec expressè, nec tacitè eam promissit.

### QVÆSTIO LVIII.

*An in hoc casu sufficiat, si vir profiteatur in ordine equitum sancti Ioannis?*

**R**ESPONDEO non sufficere. Ratio est, quia etsi is ordo sit vera religio ab Ecclesia approbata, & professio in eo emissâ sit solemnâ: at eius professores manent in sæculo cum periculo incontinentiæ, cuius contrarium requirit Pontifex in dicto cap. *Vxoratus*.

### QVÆSTIO LIX.

*An sufficiat votum temporale castitatis coniugii sexagenarii manentis in sæculo, nimirum dum coniux professus superstes fuerit?*

**R**ESPONDEO non sufficere. Quod aperte probant ea verba cap. 1. de *conuersat. coniug.* ibi. *Nisi vxor ad religionem transferat, aut perpetuè castitatem seruare promiserit.* Et illa alia cap. ad *Apostolicam* eod. tit. ibi. *Nisi reliquus perpetuam continentiam reprobmittat.*

### QVÆSTIO LX.

*An id votum castitatis coniugii remanentis in sæculo efficiatur sollemnè, eo ipso quod alter coniux professionem emisit, ita ut post profitemis obitum, nequeat manens in sæculo matrimonium contrahere?*

**P**ALVD. in 4. dist. 38. q. 3. art. 5. & Supplementum Gabr. in 4. dist. 32. q. 1. art. 2. affirmant.

At pro certo tenendum est, id votum nullatenus posse fieri sollemnè. Et ratio est, quia nullum votum potest fieri sollemnè, nisi in religione approbata, & in ordinis sacri susceptione. Cap. unico de *voto* in 6.

### QVÆSTIO LXI.

*An sufficiat votum castitatis, si coniux sexagenarius manens in sæculo sit de incontinentia suspectus?*

**R**ESPONDEO non sufficere, sed opus esse, ut ad religionem transeat. Constat ex cap. Cum sis ibi. *Verum si ita vxor senex est, & sterilis, quod sine suspitione possit esse in sæculo.* Et ex cap. *Vxoratus* eod. tit. ibi. *Si autem talis fuerit, qua suspitione non careat.* Et ex cap. ad *Apostolicam* eod. tit. ibi. *Nisi forte sit eum atatis, ut sine suspitione incontinentia valeat in sæculo remanere.* Ex quibus locis clarè constat, iura non absolute ponderare ætatem, sed simul petere, ut coniux de incontinentia suspectus non sit: ergo in quacunque ætate id periculum sit, non satis est votum castitatis manentis in sæculo, sed oportet ut ad religionem transeat. Ita Syluest. verb. *diuorinium* q. 13. Cou. 4. decret. 2. p. cap. 6. §. 3. num. 3. Sot. in 4. d. 27. q. 1. art. 4. & ibi Palac. d. 2. col. 24.

### QVÆSTIO LXII.

*An sufficiat id votum castitatis coniugii sexagenaria, non suspecta de incontinentia visio, sed de aliis, ut de veneficiis, de furtis, &c.*

**R**ESPONDEO non sufficere. Quia eadem ratio militat in aliis vitiis, Vt 2 licet

sicut de incontinentiæ suspitione. Quia cum non expediat vxoris salutem, virum tunc ingredi religionem, non est id permittendum. At si hoc non obstante, religionem proficatur, renet omnino professio. Quia iura principaliter ponderant incontinentiæ vitium, quod est contra fidem matrimonij.

### QVÆSTIO LXIII.

*An vxor sexagenaria manens in saculo cum voto castitatis, sed incontinenter viuens post viri professionem, cogenda sit ingredi religionem?*

**R**ESPONDEO quod sic, vt habetur definitum in cap. Significauit de conuersat. coniug. vbi sic dicitur. Si est talis ætatis, de qua suspicio haberi non potest, ipsam votum continentia obseruantem intrare monasterium compelli non permittatis. Ergo à contrario sensu, si incontinenter viuunt, cogenda est ingredi religionem. Et in hoc omnes Doctores conueniunt.

Sed dubium est, an in hoc casu teneatur vxor profiteri.

Anchar. cap. Placet num. 4. q. 1. putat eam ad id teneri.

Alij verò negant, & meritò quidem, quia textus dicti cap. Significauit, solum dicit cogendam Monasterium ingredi.

**T**um quia hæc non vult religionem, & durum est eam velle obligare ad religionem vt continenter viuat: non ergo cogenda est profiteri, sed detrudenda, in monasterium, vt ibi continenter viuat.

### QVÆSTIO LXIV.

*An vi regressus ante professionem, sit cogendus redire ad vxorem manentem cum voto castitatis in saculo?*

**R**ESPONDEO sic. Ratio est, quia effectus licentiæ non est secutus: ea enim licentia fuit ad ingressum cum effectu. Vnde votum quod manens in saculo emisit, censetur factum ob causam professionis alterius coniugis, & sub conditione tacita, si alter profiteatur. Quare professione non secuta, votum cessat defectu conditionis, & sic uterque poterit petere, & reddere debitum, sicut prius poterat.

### QVÆSTIO LXV.

*An valeat coniugis professio, altero iuvene, & suspecto de incontinentia non proficiente, sed manente in saculo cum voto castitatis?*

**I**OSEPHVS Angles in flor. Theol. q. 1. p. vbi de matrim. q. 1. de essentialibus illius d. 27. ar. 3. affirmat non valere.

At verissima sententia est, talem professionem esse validam. Ratio est, quia non est de essentia professionis coniugis, professio alterius, sed solum desideratur vt professio sit licita. Vnde de textus cap. ad Apostolicam, capitulis Cum sis, & cap. Vxoratus de conuersat. coniug. perentes vt coniux iuuenis simul profiteatur, explicant quid iure fieri debet, vt legitima sit professio, non tamen irritant contra facta, multa enim prohibentur fieri, quæ tamen facta tenent. Atque ita sentiunt Palud. in 4. d. 27. quest. 3. ar. 2. Syluest. verb. matrimonium 8. quest. 1. Rosell. verb.

verb. impedimentum, 11. Tab. verb. matrimonium 1. q. 3. nu. 4. Sot. in 4. d. 27. q. 1. art. 9. Nauar. lib. 3. cons. tit. de conuersat. coniug. cons. 14. num. 3. Henric. lib. 11. de matrimonio cap. 8. num. 9. & Azor. lib. 11. cap. 1. q. 6.

## QVÆSTIO LXVI.

*An professio coniugis facta de licentia alterius non vouentis castitatem sit valida?*

**V**ICTORIA in sum. vbi de matrimonio num. 253. & Emm. Sà verbo religio nu. 33. tenent non valere.

Communis tamen tam Theologorum, quàm Canonistarum sententia habet, talem professionem valere. Et ratio est, quia non est de essentia professionis coniugis votum castitatis alterius, sed solum desideratur vt professio alterius licitè fiat.

Et est conclusio definita in cap. Ex parte cl. 1. de conuers. coniugatorum, vbi decernitur validam fuisse professionem, vbi sola vxoris licentia adfuit. & ideo ita tenent Duran. in 4. d. 32. q. 2. num. 6. Richar. in 4. d. 27. q. 4. art. 2. & ibi Maioris q. 2. Adrian. quod lib. 1. art. 3. ad 7. Palac. 4. d. 27. d. 2. Sylu. verb. matrimonium 8. q. 12. Rosel. verb. impedimentum, impedimento 11. Henric. lib. 11. de matrim. cap. 15. nu. 9. Lop. p. 2. cap. 54. Azor. tom. p. inst. moral. lib. 11. cap. 1. q. 6. Vega 2. tom. sum. cap. 34. casu 104. & alij.

## QVÆSTIO LXVII.

*Quid faciendum si vxoris consensu vir professus sit, & ipsa continentia votum non fecit, nec religionem intrauit?*

**R**ESPONDEO si de vxoris licentia vir professus sit, & ipsa continentia votum non fecit, nec religionem intrauit, inducenda est, vt id faciat. Cùm professio alterius fuerit valida, vt habetur ex cap. 1. de conuers. coniug. & ex cap. Agathosus 27. q. 2. Si nolit, & ipsa de incontinentia periculo laborat, tenetur iudex Ecclesiasticus suspendere professionem viri ad vitam vxoris, vel donec ipsa faciat quod debet, & illum vxori tradere, ne vxor cum iuuenis sit, & in sæculo manens adulteria committat. Mortua vxore, redit vis professionis, & reuerti ad monasterium iure compellitur, quia cum consensu vxoris professionem fecerit, non potuit eius professio penitus annullari, sed ad eius vitam suspendi. Et ideo non potest aliam vxorem ducere: & si duxerit, matrimonium est nullum, cap. Consuluit 10. cap. Ex parte 9. de conuers. coniug. Ita Syluest. verb. diuortium q. 17. & ibi Armil. num. 12. Henric. lib. 11. de matrim. cap. 15. nu. 9. Lop. p. 2. cap. 54. Azor. lib. 11. cap. 1. q. 6. & Sanch. lib. 7. de matr. d. 33. num. 4.

Quare non est audiendus Palac. in 4. d. 32. d. 2. col. 13. & 14. qui asserit eam professionem reuocatione annullari, ac proinde matrimoniū postea cōtractū esse validum. Nam in cap. Ex parte de conuers. coniug. expressè iubetur professus hic, vxore postea ducta dimissa, ad monasterium, à quo ad priorem vxorem reuocatus fuerat, redire. At si matrimonium initum esset validum, non cogeretur ad monasteriū redire.

Ex quo sequitur professum hunc reuocatum ad coniugem manentem in sæculo, teneri illi debitum reddere: quia aliàs frustra esset reuocatio, nec sufficienter consulereetur eius incontinentia. Ita Scotus in 4. d. 32. q. unica. Palud. in 4. d. 27. q. 3. art. 2. & Palac. in 4. d. 27. d. 2.

## QVÆSTIO LXVIII.

*An licentians reuocare possit facultatem semel concessam?*

- R**ESPONDEO post emissam validè professionem, non posse, si tamen ante professionem reuocet, non posse alterum validè profiteri, sed ad coniugem redire debere: peccabit tamen mortaliter reuocando sine causa. Ita Sanch. lib. 7. de matrim. d. 33. num. 19.

## QVÆSTIO LXIX.

*An huic renocato petenti debitum, aliter reddere teneatur?*

- R**ESPONDEO non teneri. Ratio est, quia cum ea professio fuerit valida, validè mutauit statum, ac subinde visus est professus ille, iuri exigendi cedere.

## QVÆSTIO LXX.

*An hic renocatus possit debitum petere?*

- R**ESPONDEO non posse. Ratio est, quia cum hic sit verè professus, est voto castitatis adstrictus: ac proinde tenetur ex parte sua continere.

## QVÆSTIO LXXI.

*An coniux professus de consensu alterius iuuenis, aut de incontinentia suspecta manentis in saculo cum voto castitatis, possit à monasterio extrahi, ut coniugi restitatur?*

- H**O S T. in sum. tit. de conuers. coniug. num. 3. tenet posse reuo-

cari. Quia manens in sæculo non præstitit quod iura requirunt ad alterius professionem: erat quippe pariter professurus ratione iuuentutis, secus si esset senex, nec de incontinentiæ periculo laboraret.

Henriq. lib. 11. de matrimonio cap. 8. num. 9. putat posse Episcopum per dispensationem reuocare sic professum ob periculum incontinentiæ alterius, & probat quia in casu magnæ necessitatis potest Episcopus dispensare in voto castitatis, præsertim cum coniugato. Sed hæc opinio falsa est, quia cum id votum sit solenne, non potest Episcopus super eo dispensare.

Sed communis, & verior sententia est, nulla ratione posse hunc professum reuocari. Ratio est, quia alter manens in sæculo cum voto castitatis concedens alteri licentiam profitendi iuri suo cessit: & licet quando manens in sæculo est iuuenis, talis professio non approbetur vt licita cap. Cum sis, & cap. Ad Apostolicam; at approbatur cap. 1. eod. tit. ad hunc effectum, ne possit hic professus à monasterio extrahi: siquidem disuncti quærit vt alter simul profiteatur, aut perpetuam castitatem emitat. Verba dicti cap. sunt ista. *Nisi vxor ad religionem transierit, aut perpetuam castitatem seruare promiserit, vir potest, & debet de monasterio reuocari.* & idè ita tenent Maior. in 4. d. 31. q. 2. Sylu. verb. matrim. 8. quæst. 12. Tab. verb. matrim. 1. q. 3. Rosel. verb. impedimentum, impedim. 21. Nauar. lib. 3. consil. de conuers. coniug. consil. 14. num. 4. Azor. lib. 12. c. 1. q. 6. & Sanch. lib. 7. de matrim. d. 33. num. 9.

## QVÆSTIO LXXII.

*An talis professus sit à monasterio renocandus, si coniux manens in saculo nullum votum emisit?*

DYRAND.

**D**VRAN. in 4. dist. 32. q. 2. num. 6. Goffred. *sum. tit. de conuer. coniug.* num. 9. & Host. *sum. eod. tit. nu. 10.* absolute negant. Quia professio fuit valida.

Adrian. in quodlib. art. 3. ad 7. & Palae. in 4. d. 27. d. 2. tenent esse reuocandum, siue coniux sit conscius iuris, siue ignarus. Quia in cap. 1. de conuersat. coniug. absolute conceditur reuocatio, ubi manens in saeculo non vouit perpetuam continentiam.

- 2 Alij verò rectius distinguunt. Si coniux manens in saeculo erat conscius iuris, disponentis alterum non posse fieri religiosum, nisi consensum praestans, perpetuam castitatem voueat, si sexagenaria sit, & si iuuenis pariter ad religionem transeat; non potest professus reuocari. Secus si ipse huius iuris, inscius erat. Ratio est, quia hic huius iuris conscius, & sponte consensum profitendi alteri praestans, videtur tacite vouere, & ad id se obligare, quod ad illius professionis valorem irreuocabilem desiderari cognouerat. Ita Sor. in 4. d. 7. q. 1. art. 4. Henric. lib. 1. de matrim. cap. 8. num. 9. & alij supra citati.

### QVÆSTIO LXXIII.

*An quoties professus hic potest reuocari, possit propria auctoritate à monasterio egredi?*

- 1 INnoc. cap. Quidam n. 3. de conuers. coniug. & Turrecrem. cap. Seruimus art. 3. num. 5. affirmant posse propria auctoritate exire.

At hæc opinio mihi displicet: & ideo existimo hunc non posse propria auctoritate exire. Ratio est, quia hic est verè professus, & tenetur ad obedientiam, & quamuis ab initio peccauerit emittens professionem,

non seruatis quæ iura seruati præscribunt circa coniugem manentem in saeculo: at persistens in religione non peccat, quia non est amplius sui iuris: & licet possit autoritate iuris reuocari, at dum coniux manens in saeculo eum non repetit, videtur iuri suo cedere, ac proinde professus nullum ius egrediendi habet. Posset tamen coniux sic professum reuocare, vt expressè definitur cap. Quidam & cap. Licet de conuersat. coniug. non posset tamen rapere de religione, sed autoritate Iudicis extrahere. Ita Palud. 4. d. 27. quæst. 3. art. 2. Syluest. verb. diuorium quæst. 14. Vega tom. 1. sum. cap. 39. casu 104. Sanch. lib. 7. d. 32. num. 15. & plerique alij.

### QVÆSTIO LXXIV.

*An professio unius coniugis facta absque alterius licentia, aut cum ea dolo aut metu graui extorta, sit valida?*

IN hac questione constat inter omnes votum illud non valere tanquam solemne, quia coniux dominium non habet sui corporis, ita vt possit illud in dominium religionis transferre absque licentia, qua alter coniux cedat iuri suo. Et est conclusio definita in cap. Quidam de viro profess. vxore contradicente. Et in cap. Places de muliere &c.

### QVÆSTIO LXXV.

*Sed tota difficultas consistit: An habeat vim voti saltem simplicis continentia?*

GOMES in expositione Bullæ cruciata, tom. 10. num. 69. negat. &c.

& in hanc partem inclinat Angl. flor.  
r.p. ubi de matrimonio q. 1.

At pro certo tenendum est, votum illud castitatis in ea professione emissū habere vim voti simplicis, & obligare coniugem in quantum se obligare potuit: nimirum non posse in eo matrimonio petere debitum, & eo soluto ab alio contrahendo prohiberi: & ab aliis quæ contra castitatem promissam pugnant.

- 1 At si de facto contrahat, tenet matrimonium, quia reuera religiosus non est, licet in contrahendo peccet propter votum castitatis emissum: tenetur tamen ad coniugem reuocatus reddere illi debitum.

Et est conclusio definita in cap. Quidam de conuers. coniug. ubi de viro professo vxore contradicente, ac ad eius instantiam reuocato sic dicitur.

- 3 Respondemus quod votum non tenuit: unde ratione voti ad monasterium non tenetur redire: *Uterius verò non poterit uxorem accipere: promisit enim se non exigere debitum, quod in eius potestate erat: & ideo quoad hoc votum tenuit, & in cap. Placet de muliere, qua virum defunctum credens professa est, ac postea à viro reuocata, ubi sic dicitur. Respondemus quod licet votum eius usquequaque non tenuerit, eatenus tamen fuit obligatorius, quatenus se poterat obligare, promisit enim intrando monasterium se non exalturam carnis debitum, quod erat in potestate ipsius. Redire verò ad seculum non erat in eius potestate: sed in potestate mariti, & ideo quantum ad ipsum tenuit votum, consilium itaque dicimus, & congruentius ad salutem. ut ad monasterium redeat. Si verò ad hoc induci non poterit, ipsam inuitam credimus non cogendam. Et ideo ita tenet Roder. p. 1. sum. cap. 238. num. 4.*

- 4 Quam doctrinam cenfeo esse verissimam, nisi coniux ille emitteret votum castitatis in ea professione dependens ab illa, tunc enim virtute

talis intentionis ad nihil voluit se obligare, si professio illa fuit nulla. Quare vt in hoc casu hic maneat voto simplici castitatis adstrictus, opus est, vt habeat intentionem se obligandi independentem à professionis valore. At in iure præsumitur talem intentionem habere, quando de contraria non constat: vt habetur ex distis cap. Placet, & cap. Quidam de conuers. coniug. Et in casu dubij standum est huic iuris præsumptioni.

Hinc, non est audiendus Nauar. qui cap. 12. num. 60. ait prædicta duo capita non negare huic coniugi facultatem petendi humiliter copulam, tanquam licitam, sed solum vt iure debitam. Sicut coniux adulter potest ab innocente petere copulam vt licitam, non autem tanquam iure debitam. Non est inquam audiendus, quia est dispar ratio, adulter enim priuatur iure exigendi, in fauorem innocentis, cui potest innocens cedere reddendo, non quidem tanquam iure debitam, sed tanquam licitam. At hic professus priuatur iure petendi, non quidem in fauorem alterius remanentis in sæculo, sed ratione voti castitatis, quod in ea professione emisit. At voto castitatis alitricto non solum petere copulam tanquam iure debitam, verum etiam vt licitam, interdicitur.

Hinc, falsa est doctrina Hostien. 6 cap. Quidam num. 1. qui dicit matrimonium contractum ab hoc coniuge inualidè professo post alterius coniugis mortem, esse inualidum. Quia licet votum istud non fuerit solemne, at quia fuit votum in religione approbata emissum, habetur pro solemnī, estque sufficiens ad irritandum subsequens matrimonium. Falsa est, inquam, hæc doctrina, quia id votum vt diximus, non fuit solemne, sed simplex.

## QVÆSTIO LXXVI.

*An professio coniugis post consummatum matrimonium facta, altero contradicente, vim habeat voti simplicis ingressus religionis?*

**N**AVAR. lib. conf. tit. de conuersat. coniug. conf. 6. num. 3. & 4. Henric. lib. 11. de matrim. cap. 5. num. 10. Emman. Sà verb. religio num. 32. & Vega 10. 2. sum. cap. 34. casu 104. affirmant habere vim voti simplicis ingressus religionis, sicut votum illud solemne castitatis non obligat vt solemne, sed tanquam simplex.

**S**ed multò veriùs existimo id votum religionis omnino esse irritum. Et ratio est, quia matrimonium contractum, coniuge altero viuente, nullam prorsus vim obligandi habet: quia cum sui dominio carcat, id nequit validè in alium transferre, ergo nec professio absque coniugis licentia facta aliquam vim habet obligandi, etiam instar voti simplicis ingressus religionis. Quia in vtroque casu est alienatio sui contra Domini voluntatem.

**E**t est conclusio definita in cap. Quidam de viro professore uxore contradicente, vbi expressè habetur, votum religionis non tenuisse, & postea subiungit, virum non teneri ad religionem redire. Atque ita tenent Sotus in 4. dist. 27. quest. 1. art. 4. Roder. p. 1. sum. cap. 238. num. 4. & Sanch. lib. 7. disp. 34. num. 10.

## QVÆSTIO LXXVII.

*An si vir inuita uxore sit professus, & Indicis auctoritate restitutus uxori, teneatur post eius mortem, ad religionem redire?*

**P**ALVD. in 4. dist. 27. q. 3. art. 2. & Syluest. verb. diuortium quest. 16. casu 3. affirmant ad id teneri.

**A**t pro certo dicendum est, hunc post alterius obitum non teneri ad religionem redire. Quia vt diximus, id votum religionis fuit omnino irritum: ergo ea mortua nullo iure compellitur ad religionem redire.

**E**t est conclusio definita in cap. Quidam de conuers. coniug. vbi asseritur hunc post coniugis obitum non teneri ad religionem redire. Et in cap. Placet eod. tit. solum dicitur, consultius, & congruentius ad huius salutem fore, vt ad monasterium redeat. At si ex vi voti ad redeundum teneretur, Pontifex non consultius, & congruentius ad salutem diceret, sed necessarium.

## QVÆSTIO LXXVIII.

*An coniux absque alterius licentia professus, possit propria auctoritate à monasterio exire, si alter non repetat?*

**N**AVAR. lib. 3. conf. tit. de conuers. coniug. conf. 6. num. 3. & 4. Henric. lib. 11. de matrim. cap. 5. num. 10. Emman. Sà, verb. religio num. 32. Roder. p. 1. sum. cap. 238. num. 3. & Vega 2. to. cap. 34. casu 104. negant.

**A**t multò probabilius est posse. Ratio est, quia talis professio fuit nullius valoris.

**T**um quia hic qui absque alterius consensu professus est, peccauit contra iustitiam, quia corpus, cuius ipse non erat dominus, in religionis dominium transtulit: ergo tenetur statim illud coniugi spoliato restituere, vt iniuriam ei illatam refarciat, ac proinde poterit hic propria auctoritate exire, immo, & tenebitur, si commode

X x potest

poterit : vt colligitur ex *cap. Accedens de conuersat. Et ex cap. 2. 33. quest. 5. vbi* Glossa finalis, dicit videri ex eo textu colligi integrum esse coniungi, absque alterius licentia professio, è monasterio exire propria auctoritate.

Tum quia ex sola non repetitione non præsumitur consensus, cum possit etiam præsumi eum non reuocari gratia vitandæ litis, aut ignorantia iuris, aut timore maxime: quia sola eius voluntas non sufficit ad licitum ingressum, sed saltem requiritur votum perpetuæ castitatis in permanente in sæculo.

### QVÆSTIO LXXIX.

*An professio sine alterius licentia facta, reddatur valida, accedente postea eius consensu?*

**H**ENRIQ. lib. 11. de matrimonio cap. 6. affirmat.

At oppositum est verius. Quia cum talis professio fuerit irrita, non potest tractu temporis accedente nouo coniugis relicti in sæculo consensu conualescere, nisi professus ipse de nouo suam professionem ratificet.

### QVÆSTIO LXXX.

*An professio vnius coniugis facta sub tali conditione, vt si alter non contradixerit, sit in conscientia valida?*

**S**YLVEST. verb. diuortium q. 14. & Angel. verb. matrimonium 4. nu. 13. tenent esse validam.

Verum dicendum est, talem professionem esse irritam, & nullius valoris. Ratio est, quia per professionem

homo se transfert in ius, & potestatem religionis: at is qui est in alterius potestate, non potest absque eius consensu in potestatem religionis transire: id enim cederet in prioris iniuriam: est ergo professio talis, nullius valoris.

Tum quia professio non potest esse in pendenti, nec Ecclesia potest supplere consensum, vt valida efficiatur professio, vt optimè docuit Nauar. lib. 3. cons. tit. de regul. cons. 31. num. 5. nec potest emitti sub conditione de futuro, ob id enim Ecclesia requirit ætatem congruam, & annum probationis expletum, & diligenter inquit de conditione personæ, priusquam ad professionem admittatur, quia per illam statim inducitur status immobilis. Quare, vel tunc debet professio habere suum omnimodum valorem, & efficaciam, aut valore carere, quando fuit emissâ. Cum igitur tunc nullius valoris fuerit, non potest postea accedente nouo coniugis consensu conualescere absque noua ratificatione: vt apertè colligitur ex *cap. Quidam* vbi dicitur tale votum non tenere. Et ex *cap. Placet de conuersat. coniug.* vbi habetur, hunc non teneri ad monasterium redire.

### QVÆSTIO LXXXI.

*An coniux sine alterius licentia professus, nec ab eo in vita reuocatus, teneatur post eius mortem in religione perscuerare? Quæstio intelligitur, quando coniux in sæculo manens nec expressè, nec tacite consensit?*

**S**YLVEST. verbo matrimonium 8. 1. quest. 12. & verbo diuortium quest. 14. & 16. & AZOR. lib. 12. cap. 1. quest. 6. affirmant hunc teneri in religione parce



perseuerare. Quia ex quo spoliatus dum vixit, professionem non reuocauit, nec coniugem repetiuit cum posset, eo defuncto statim efficitur omnino valida prior professio.

At multo probabilius est, hunc non teneri in religione perseuerare, sed posse secluso scandalo propria auctoritate fugere. Ratio est, quia illa professio fuit omnino irrita, etiam in ratione voti simplicis ingressus religionis, ut habetur ex cap. *Quidam* & ex cap. *Placet de conuers. coniug.* ergo ut talis professio vim obligandi habeat, nouo consensu indiget. Sanch. lib. 7. de matrim. disp. 34. num. 19.

#### QVÆSTIO LXXXII.

*An coniux sine alterius licentia professus, conscius mortis illius, in religione persistens, consecratur habere ratam priorem professionem?*

**R**ESPONDEO censeri eam ratam habere, si sciens eius nullitatem, vel de nouo eam emitte, & seruentur cætera requisita, ut ea professio conualecat.

#### QVÆSTIO LXXXIII.

*An quando spoliatus dum viueret, consensit expressè, ut professus persisteret in religione, possit post eius obitum exire?*

**A**NGELVS verbo *matrimonium* 4. num. 16. negat posse de monasterio exire. Quia persistens in religione cum illo consensu alterius con-

iugis videtur ratam habere priorem professionem. Quam opinionem censere esse verissimam, quando noua ratificatio cum cæteris requisitis adest.

#### QVÆSTIO LXXXIV.

*An coniux spoliatus, altero absque eius licentia professus, possit quoque professus inuito religionem ingredi?*

**H**OSTIEN. cap. *Quidam*, vers. *non exigere*, de conuers. coniugat. num. 1. & ibi Io. Andr. in fine affirmat posse.

At omnino dicendum est, non posse, professus inuito, alterum ingredi, & ingressum posse reuocari. Ratio est, quia professio fuit omnino irrita, nec delictum professi præstat ius alteri diuertendi, quando delictum non est ex iis, ob quæ licitum est diuortium.

#### QVÆSTIO LXXXV.

*An si uterque coniux absque mutua licentia profiteatur, talis professio sit valida?*

**I**NNOCENTIVS cap. *Quidam* num. 2. de conuers. coniug. & ibi Io. Andr. num. 1. Anton. num. 5. & Anchar. ad finem absolute affirmant esse validam.

At dicendum est valere professionem, quando uterque fuit conscius professionis alterius. Quia facto ipso sibi mutuo licentiam concedunt: scilicet quando fuit ignarus, tunc enim poterit uterque exire, & alterum reuocare, & neutra professio erit valida. Quia neuter legitime consensit.

## QVÆSTIO LXXXVI.

*An quando coniux expoliatus nec consensit, nec dissensit, sed sciens alterius ingressum tacuit, & dissimulauit, possit professum repetere?*

**R**ESPONDEO posse. Ratio est, quia talis professio fuit nulla, & ut coniux iure repetendi priuetur, licentia alterius desideratur: sola autem taciturnitas, & dissimulatio non reputatur consensus, & ideo existimo talem professionem nec vim simplicis voti religionis habere, sed solum castitatis, sicut supra dixi, quando alter coniux contradixit. Sylu. verbo *matrim.* 8. quest. 12.

## QVÆSTIO LXXXVII.

*An si toto vita sue curriculo coniux in seculo relictus dissimulauit, cum posset commodè reclamare, rata efficiatur professio?*

**N**AVAR. lib. 3. conf. tit. de conuers. coniug. conf. 5. num. 4. Henric. lib. 11. de matrim. cap. 5. num. 10. & Lop. p. 2. cap. 54. tenent ratam effici. Quia hoc ipso quod coniux dum vixit, professionem non reuocauit, cum posset, concessisse censetur, ut in religione permaneret.

At huius oppositum est verius, atque tenendum. Et ratio est, quia si ea professio semel fuit irrita, non video quomodo solo consensu illo tacito coniugis possit fieri valida, sine noua ratificatione, & ita tenet

Angelus verbo *matrimonium*

4. numero 16.

\*\*\*

## QVÆSTIO LXXXVIII.

*An quando licentia coniugis suis metu viri constantis, aut dolo grami extorta, possit alter in seculo manens professum repetere?*

**R**ESPONDEO posse. Ratio est, quia ut coniux iure suo repetendi priuetur, licentia spontanea desideratur ut expressè definitur in cap. *Accedens de conuers. coniug.* & tradit Azor. lib. 12. cap. 1. quest. 6.

## QVÆSTIO LXXXIX.

*An si coniux in seculo relictus, post alterius professionem, adulterium commisit, possit sic professum renocare?*

**R**ESPONDEO non posse, si ipse professus innocens sit. Quia per adulterium perdidit omne ius, quod in coniugem habebat, ut expressè definitur in cap. *Veniens de conuers. coniug.* & tradit Sotus in 4. d. 27. quest. 1. ar. 4. & Barth. à Ledesm. de matrim. dub. 64.

Dixi consultò (si professus innocens sit:) quia si ipse quoque commisit in seculo adulterium, vel post religionis ingressum, potest fieri dicta reuocatio.

## QVÆSTIO XC.

*An si tale adulterium sit occultum professo, possit hic in seculo relictus in foro conscientia eum renocare?*

**R**ESPONDEO posse. Ratio est, quia non tenetur iure suo se priuare, donec

donec alter conscius illum iure suo spoliaret. Ita Sanch. lib. 7. de matrimonio disp. 35.

### QVÆSTIO XCI.

*An coniux sine alterius licentia professus, post eius obitum in religione persistens, ignorans illius nullitatem, aut nolens ratificare, possit tuta conscientia reclamare?*

**R**ESPONDEO posse, ut habetur definitum in Conc. Trident. sess. 25. de regul. cap. 19. Verum ut id liceat Concilium tres condiciones ex-  
poscit.

Primò ne ante reclamationem habitum deponat.

Secundò, ut causas nullitatis coram superiore suo, & ordinario proponat.

<sup>2</sup> Tertiò, ut id faciat intra quinquennium à die professionis numerandum.

### QVÆSTIO XCII.

*An inualide professus, possit reclamare, qui non nisi habitu depositus potest causas nullitatis proponere coram ordinario?*

**R**ESPONDEO posse. Nec obstat Concilium, quia loquitur de eo qui temere habitum dimittit. Ita Nauarr. Comment. 4. de regul. num. ultimo, & Azor. lib. 12. cap. 4. q. ultimà.

### QVÆSTIO XCIII.

*An Concilium denegans audientiam post quinquennium, fundetur in præsumptione ratificationis professionis facta in illo quinquennio?*

**R**ESPONDEO quod sic, ac proinde si inualidè professus non ratificauit professionem, numquam quocumque tempore transacto est verus in foro conscientie religiosus, sed in solo foro exteriori præsumptus. Et ita poterit tuta conscientia transacto quocumque tempore dum professionem non ratificauit, secluso scandalo, non deductis causis nullitatis coram suo superiore; & ordinario, dimisso habitu effugere, & vxorem ducere: nec teneatur ex vi voti seruare Regulam, sed solum tenebitur ratione scandali vitandi eam in publico seruare, quories ex non obseruantia scandalum aliis suboriretur. Quia cum hic non sit verè professus, nullo vinculo adstrictus est religioni. Ita Nauarr. Comment. 4. de regul. num. penult. Henric. lib. 11. de matrimon. cap. 6. & 8. num. 9. & Eminent. Sa. verb. religio num. 71. ubi ait, credentem se non esse professum, posse etiam dimisso habitu in foro conscientie fugere, non obstante Tridentino. In casu tamen dubij an hic intra quinquennium animum ratificandi habuerit, iudicandum est in fauorem valoris professionis. Quia cum non constet de contraria voluntate, præsumptioni iuris, eiusque dispositioni standum est in vtroque foro.

### QVÆSTIO XCIV.

*An possit superior sciens hunc non ratificasse professionem, occultè illum dimittere non obstante Tridentino?*

**R**ESPONDEO posse. Ratio est, quia religio nullum ius habet in eum, sed solum in falsa præsumptione fundatur: ergo secretò eum dimittens nullam iniuriam facit religioni. Sicut

Iudex conficius innocentie eius, qui secundum allegata, & probata est reus, potest secluso scandalo illi clam occasionem fugiendi exhibere. Ita Sot. lib. 5. *quæst.* 4. *art.* 2. & Cord. in suo *quæst.* lib. 1. q. 37.

### QVÆSTIO XCV.

*An superior debeat fidem adhibere huic dicenti se esse fide professum, aut eo quinquennio non ratificasse?*

- 1 **R**ESPONDEO non debere. Ratio est, quia non est maior ratio, cur debeat potius nunc credere dicenti se fide professum, aut non ratificasse professionem eo quinquennio, quam antea dum profiteri se finxit: stat enim contra ipsum præsumptio iuris. Quod est certum, licet ille id iuramento affirmet, ut docet Caietan. 2. 2. *quæstion.* 88. *artic.* 1. Sot. lib. 7. *quæstion.* 1. *artic.* 2. Nauarr. cap. 12. *num.* 27. Valent. 2. 2. d. 6. *quæst.* 6. *part.* 1. Arag. 2. 2. *quæstion.* 88. *artic.* 1. & alij. At si omnibus diligenter consideratis Prælati probabiliter conijiceret illum veritatem asserere, posset in foro conscientie illi credere, ac secluso scandalo illum occultè à monasterio dimittere. Quia in his rebus sufficit certitudo moralis.

### QVÆSTIO XCVI.

*An si inualide professus non possit à monasterio fugere, teneatur ratificare professionem?*

- 1 **S**APIENTISSIMVS Nauarr. *comm.* 4. de *regul.* *num.* 74. affirmat teneri hunc ratificare professionem, ne malè

suffragia præstet, monasterij alimenta recipiat, & ad ordines titulo professionis promoueat, cum verè non sit professus.

Arbitror tamen contrarium esse affirmandum. Quia status religiosorum est tantæ excellentiæ, & tam arduus, ut nulla ratione ac ob nullam culpam quis ad illi sit inuitus adstringendus. Vnde non tenebitur ratam habere professionem, quo ea damna euitet, sed potest in religione permanere, expectando commodam fugiendi occasionem, qua oblata tenetur in partes remotas secedere, ubi sine scandalo viuere possit, quia sola necessitas eum à memoratis damnis excusat.

### QVÆSTIO XCVII.

*An hic religiosus volens suam professionem ratificare, teneatur nouitiatum iterare?*

- N**AVARR. lib. 3. *consil.* de *regul.* *consil.* 16. *num.* 17. affirmat teneri. 1  
Sed oppositum quod tenent Sanch. 2  
lib. 7. *disp.* 37. *num.* 47. & Azor. lib. 12. *cap.* 1. q. 6. est probabilius. Et ratio est, quia quoties nouitatus fuit validus, nulla ipsius iteratione opus est, ad professionem irritam, ratam habendam: nam Concilium solum vult, ad professionis valorem esse præmittendum integrum nouitatus annum. At in hoc casu, nouitatus fuit validus, (ut suppono) ergo.

### QVÆSTIO XCVIII.

*Quid exigatur ad hoc ut hic cõseatur suam professionem inualidam ratificare?*

- R**ESPONDEO requiri, ut conscius illius nullitatis, eam ratificet,

cet, volens, vt ex tunc vim obligandi habeat. Vnde vt hic suam professionem ratificasse censeatur, non sufficit credere professionem, quam emisit, fuisse validam, & ideo proponere illam obseruare, sed oportet, vt resciat illius nullitatem, & velit illam nouè validare, idest, vt ita gratam habeat professionem, vt velit, quod professio antea facta nunc sit valida, etiam si prius fuisset irrita. Et ideo ita tenent Caiet. 2. 2. *quest.* 189. *art.* 5. Nauarr. *cap.* 12. *num.* 71. & *comment.* 4. de *regul.* *num.* 74. Azor. *lib.* 12. *cap.* 4. *question.* 7. & Roder. *p.* 2. *summ.* *cap.* 5. *num.* 2.

### QVÆSTIO XCIX.

*An volens hic religiosus professionem à se inualide factam, ratam habere, indigeat noua Monasterij acceptione?*

**R**ESPONDEO non indigere, sed sufficere, vt ipse nulliter professus verè internè consentiat, quocumque tempore transacto, dummodo Prelatus qui ad professionem eum admisit, non reuocauerit consensum. Ita Nauarr. *lib.* 3. *conf. tit. de regul. conf.* 50. *num.* 1. Roder. *p.* 2. *summ.* *cap.* 94. *numer.* 5. & Emman. *sa verb. religio.* *num.* 23.

### QVÆSTIO C.

*An possit vir sacris initiari absque vxoris licentia?*

**R**ESPONDEO virum nec ante, nec post consummatum matrimonium posse ad ordines sacros transire absque vxoris consensu. Ratio est, quia per ordinis sacri susceptionem, non dirimitur matrimonium ratum, vt de-

finitur in *extranag. Antiqua Ioan.* 22. Vnde præiudicium fieret vxori, si absque vxoris consensu ad sacros ordines ascenderet. Ita Roder. *p.* 1. *cap.* 161. *num.* 3.

### QVÆSTIO CI.

*An coniux vxore consentiente possit ad sacros ordines promoueri?*

**R**ESPONDEO posse: vt habetur definitum in *cap. Vxoratus de conuers. coniug.* At vt talis promotio licita sit, vltra consensum prædictum, requiritur vt vxor religionem ingrediat, si iuuenis sit; aut de eius incontinentia dubitetur. Aut si nec iuuenis sit, nec de incontinentia suspecta, sufficit si extra religionem continentiam voueat in manu Episcopi, vt iure statutum est.

### QVÆSTIO CII.

*An si vir ante matrimonium consummatum habeat animum ingrediendi religionem, possit absque vxoris licentia ad sacros ordines ascendere?*

**R**ESPONDEO non posse, sed id est mortale vt constat ex *extranag. Antiqua Ioan.* 22. de voto ibi. *Distinctius inhibentes, ne quisquam durante matrimonio nondum etiam consummato, aliquem de sacris ordinibus presumas suscipere, nisi prout sacris canonibus noueris conuenire, idest, vt ibi Glossa exponit, nisi petita licentia vxoris, cum voto castitatis. Teneturq; in hoc casu ipse ordinatus in foro conscientie ingredi religionem: non debet tamè compelli ad illam per censuras, sed potius potest compelli ad consummandum matrimonium, nisi intra certum tempus ingrediat religionem, mortua autè vxore non*

non poterit exercere ordinem receptum, nisi ingrediens, & profitens aliquam religionem approbatam: ut à iure definitum est. Roder. p. 1. c. 223. num. 3. & alij.

### QVÆSTIO CIII.

*An votum assumendi ordines sacros absque uxoris licentia emissum, sit validum?*

**R**ESPONDEO si vir post matrimonium ratum tale votū emisit animo ingrediendi religionem ante matrimonij consummationem, est validum votum. Quia est de re licita, & sibi permissa. Si verò absque animo ingrediendi religionem vouit, potest consummare matrimonium reddendo, & petendo. Tenebitur tamen id votum implere tempore soluti matrimonij, vel diuortij. Quia tale votum fuit validum, nec extinctum per usum matrimonij, sed sopitum.

### QVÆSTIO CIV.

*An de licentia Romani Pontificis possit vir ante matrimonium consummatum sacris initiari absque uxoris consensu?*

**P**ALVD. in 4. dist. 27. quest. 1. art. 3. negat, quia Pontifex non potest uxori præiudicare.

Sed contrarium videtur mihi verius, quia Romanus Pontifex potest dispensando, matrimonium ratum dissolvere.

Tum quia solum castitatis votum ordini sacro annexum impedit quominus coniugatus possit ad ordines promoueri.

At cum id votum solo iure canonico annexum sit ordini, ut supra diximus, posset Pontifex in eo dispensare. Quare posset vir inuita uxore ex privilegio Pontificis, etiam post matrimonium consummatum, ad ordines sacros ascendere: solo enim iure canonico id prohibetur.

### QVÆSTIO CV.

*An possit vir ad minores ordines transire absque uxoris licentia?*

**H**OSTIENSIS cap. Coniugatus nu. 1. & ibi Innoc. statim à principio affirmare posse.

Cæterum absque dubio tenendum est, coniugatum nec ad primam tonsuram posse promoueri absque licentia uxoris, cum voto castitatis ipsius manentis in sæculo. Ita enim definitur cap. fin. de temp. ordin. in 6. ibi Nullus Episcopus vel quivis alius clericalem præsumat conferre tonsuram coniugato, nisi volenti religionem intrare: aut ad sacros ordines promoueri, prout sacris canonibus est definitum. Id est, ut ibi Glossa exponit, nisi perita licentia uxoris cum voto castitatis ipsius manentis in sæculo. Ita Azor. lib. 13. cap. 13. q. 7.

### QVÆSTIO CVI.

*An si vir absque licentia uxoris sacris initiatur, possit ab ipsa ad debitum coniugale reuocari?*

**R**ESPONDEO posse. Ratio est, quia vir non potuit iuri uxoris derogare. Et est conclusio definita in extranag. Antiquæ Ioannis 21. de voto.

QVÆST.

## QVÆSTIO CVII.

*An si vir absque licentia uxoris ad summum Pontificatum promoveatur, possit ab ipsa reuocari?*

- R**ESPONDEO posse. Ratio est, quia cum vir iure iustitiæ teneatur reddere debitum uxori, non potuit hoc ius iustitiæ lædi per pontificatum, quantumvis bona fide assumptum, ut quia ea mortua crederetur. Ita Syluest. *verb. matrimonium* 8. q. 1. Maiol. lib. 1. *de irregul. cap. 34. nu. 3.* & Azor. lib. 14. *cap. 14. qu. 13.*

## QVÆSTIO CVIII.

*An si licentia uxoris metu cadente in virum constanter, aut dolo graui, extorta vir ad ordines promouetur, possit ipsa virum reuocare?*

- R**ESPONDEO posse. Ratio est, quia ut uxor iure suo reuocandi priuatur, licentia libera, & spontanea desideratur; at licentia uxoris sic extorta ad professionem viri, diximus supra non auferri uxori ius repetendi. Ita Syluest. *verb. diuortium quest. 17.* & ibi Armil. *num. 13.* & Azor. lib. 13. *cap. 14. quest. 12.*

## QVÆSTIO CIX.

*An quando uxor nec consensit, nec dissensit, sed dissimulauit, possit virum repetere?*

- P**ALVD. in 4. d. 37. *qu. 1. art. 1.* & D. Anton. 3. p. tit. 1. c. 8. negant posse uxorem virum reuocare, sed censeri vouere continentiam.
- A**t verò Syll. *verb. matrim. 8. qu. 12.* affirmat, & merito quidem quia, ut

uxor in seculo relicta eo iure priuatur, licentia desideratur: sola autem taciturnitas, & dissimulatio non reputatur consensus.

## QVÆSTIO CX.

*An vir sacris initiatus matrimonio nondum consummato, inuita uxore, teneatur ad religionem transire?*

**R**ODER. *par. 1. sum. cap. 223. nu. 3.* & Azor. lib. 13. *cap. 14. qu. 2.* & Vega 2. 10. *sum. c. 34. casu 48.* affirmant hunc ad id teneri.

Sed omnino dicendum est, hunc non teneri religionem ingredi. Ita enim definitur in *extrauag. Antiquæ* Jean. 12. *de voto* ibi. *Ad ingressum huiusmodi sic ordinatum, si matrimonium consummatum non fuerit, per Diocesannum instanter moneri precipimus.* Sentit ergo Pontifex id non esse preceptum, sed consilium. Et ideo ita tenent Lop. p. 1. *cap. 50.* & Henric. lib. 1. *de matrimonio cap. 5. num. 10.* & dicit esse probabile Petr. de Ledesm. *de matrim. qu. 53. art. 4.*

## QVÆSTIO CXI.

*An si hic promotus, ingredi religionem nolit, teneatur ad coniugale commercium redire?*

**R**ESPONDEO teneri. Ratio est, quia non potuit ea inuita, in eius prejudicium ad sacros ordines promoueri. Et est conclusio definita in *dicta extrauag. Antiquæ*, Io. 17. *de voto.*

## QVÆSTIO CXII.

*Sed quid si ante matrimonium consummatum, in Romanum Pontificem absque uxoris licentia promoueretur, nolens ad religionem transire?*

Yy Anchor

<sup>1</sup> **A**NCHAR. cap. unico nu. 3. de voto in. 6. & Bellamera cap. De sponsa- tam nu. 4. affirmant hunc teneri matrimonium consummare.

<sup>2</sup> Sed contraria sententia est verissima, quia posset hic Pontifex effectus in eo matrimonio rati dispensare: & satis iusta causa dispensandi tunc adesset. At si dispensare nollet, teneretur ad uxorem repentem redire, & matrimonium consummare, non petendo, sed reddendo debitum.

### QVÆSTIO CXIII.

*An vir sacris initiatus matrimonio consummato, absque licentia uxoris, si ab ea reuocetur, teneatur reddere debitum?*

<sup>1</sup> **R**ESPONDEO teneri. Ratio est, quia ordo superueniens non potuit priuare uxorem inuitam iure exigendi acquisito. Non poterit tamen petere, quia obligatur voto castitatis ordini annexo; ad id enim potuit se obligare. Ita: D. Tho. in 4. d. 37. qu. 1. art. 2. ad 1. & 3. Sor. in 4. d. 38. q. 1. art. 1. Henric. lib. 11. de matrim. cap. 15. nu. 9. Valent. 4. p. d. 10. qu. 5. p. 3. & Azor. lib. 13. c. 14. q. 1.

### QVÆSTIO CXIV.

*An si vir promotus ad ordines absque uxoris licentia, & sibi, officio Iudicis, restitutus petat debitum, uxor ipsa ei reddere teneatur?*

<sup>1</sup> **N**ONnulli ex Thomistis, ut refert Petr. de Ledesm. de matrim. qu. 13. art. 4. putant teneri. Hanc opinionem putat esse probabilem Sanch. lib. 7. de matrim. disp. 38. nu. 2.

<sup>2</sup> At multò probabilius est, non teneri uxorem reddere debitum huic

petenti. Ratio est, quia hic non solum votum castitatis emisit, sed validè statum mutauit, ac proinde visus est omnino iuri suo exigendi cedere. Ita D. Tho. in 4. d. 37. qu. 1. art. 2. ad 1. Henric. lib. 11. de matrim. c. 5. nu. 10 Roder. p. art. 1. summ. cap. 223. nu. 4. & Azor. lib. 13. cap. 14. quest. 1.

### QVÆSTIO CXV.

*An matrimonium contractum post uxoris obitum, ab eo qui ea inuita ad sacros ordines ascendit, sit validum?*

<sup>1</sup> **G**OFF. c. Quidam de conuers. con- g. affirmat valere quia matrimonium contractum à professo, post uxoris obitum, qui ab eius licentia professus est, censetur validum, quamuis contrahendo peccauerit; ergo.

<sup>2</sup> Ceterum absque dubio dicendum est, id matrimonium non valere. Ratio est, quia est dispar ratio de ordine, & de illa professione: nam ea professio fuit omnino nulla, & ideo vi dirimendi matrimonium caruit. At in nostro casu ordo sacer omnino valuit, cui, cum Ecclesie constitutione votum solemne castitatis annexum sit, per quod subsequens matrimonium dirimitur, sequitur id matrimonium post eius obitum contractum, non esse validum. Et ideo ita tenent Henric. lib. 11. de matrim. cap. 15. nu. 9. Anon. Gomes in expositione Bulla cruciata clausula. 10. nu. 69. & alij multi.

### QVÆSTIO CXVI.

*An ut vir ad ordines promoueat, opus sit, ut uxor in seculo manens, votum castitatis emittat?*

Ange



- 1 **A**NGELVS verb. *matrimonium* 4. num. 8. absolutè negat.

Nauar. lib. 3. *conf. iir. de conuersat. coniug. conf. 13. num. 6.* affirmat requiri votum castitatis, quando vxor est iuuenis, & de incontinentia suspecta: secus si senex sit, vel aliàs extra incontinentiæ suspicionem, quia tunc id votum non est necessarium.

- 2 Alij verò rectiùs docent opus esse eo voto, siue vxor sit iuuenis, siue senex. Sic enim definitum est in *cap. fin. de temp. ordina.* Et tradit eleganter D. Tho. in 4. d. 37. *quest. 1. artic. 2. ad 1. vbi* air vxorem de cuius licentia vir ordinem sacrum suscipit, teneri perpetuam continentiam vouere Hoc idem docuit Azor. lib. 13. *cap. 13. qu. 7.*

## QVÆSTIO CXVII.

*An ultra votum castitatis, opus sit, ut vxor religionem ingrediatur, quò possit licitè vir ad ordines promoueri?*

- 1 **E**T quidem si vxor est senex non suspecta de incontinentia, certum est, non desiderari ingressum ipsius ad religionem vt expressè definitur in *cap. Episcopus d. 77.* & tradunt Ioan. And. *cap. coniugatus in fine.* & ibi Anchar. in *fine.* & Card. *qu. 4.*

Sed tota difficultas versatur, quando vxor est iuuenis. Maiolus lib. 1. *de irregul. r. cap. 34. nu. 3.* absolutè negat. Ioannes Andreas *cap. Coniugatus in fine,* & ibi Anchar. & Card. sic distinguunt. Si vxor sit iuuenis, & suspecta de incontinentia, opus est, vt religionem ingrediatur. Secus si iuuenis sit, sed non suspecta, tunc enim satis est votum castitatis in sæculo.

- 2 Cæterum verissima sententia est, semper desiderari ingressum vxoris in

religionem, si sit iuuenis, vt possit licite vir ad ordines promoueri. Et ratio est, quia vxor iuuenis, professi compellitur ingredi religionem: ergo & vxor promouendi ad ordines.

Tum quia vxor iuuenis quantumuis casta, est incontinentiæ periculo exposita manens in sæculo, eo quod mulieres inconstantes, & facillè volubiles sint. Et est conclusio definita in *cap. Episcopus d. 77.* quod est desumptum ex Conc. Agathen. *cap. 17.* & 17. ibi. Sane si coniugati iuuenes consenserint ordinari, etiam vxorum voluntas ita requirenda est, ut sequestratio mansionis cubiculo, religione promissa, posteaquàm pariter conuersi fuerint, ordinentur. Atque ita tenent D. Tho. in 4. d. 37. *quest. 1. artic. 2. ad 2. vbi* air, vxorem de cuius licentia vir ordinem sacrum suscipit, teneri perpetuam continentiam vouere: non tamen teneri religionem ingredi, si sibi non timeat de incontinentiæ periculo. Nauar. *cap. 22. num. 52. Sor. in 4. d. 27. quest. 1. artic. 4.* Henric. lib. 1. *de matrimonio cap. 5. nu. 10. Cord. sum. qu. 178. Valent. 4. p. d. 10. qu. 5. p. 3. Lop. p. 128. 94. & Azor. lib. 13. cap. 14. q. 11.*

## QVÆSTIO CXVIII.

*An vir ad ordines promotus, ex vxoris licentia manentis in sæculo cum voto castitatis, possit simul habitare cum vxore?*

**R**ESPONDEO non posse, vt expressè definitur *cap. Episcopus d. 77* ibi *sequestrato mansioni cubiculo.* Vnde dicendum est, si illi coniuges sint iuuenes, ac de incontinentia suspecti, nulla ratione sunt permittendi simul habitare in eadem domo. Secus si suspecti non sint, tunc enim satis est cubiculum sequestrare, vt habetur *c. Synodus d. 11.*

## QVÆSTIO CXIX.

*An vir sacris initiatus, sola uxoris  
licentia promotus, non seruata  
forma iure præscripta, possit ab  
ipsa reuocari?*

- 1 SOTVS in 4. dist. 27. q. 1. ar. 4. tenet  
hunc promotum posse reuocari.  
At D. Tho. in 4. d. 37. q. 1. ar. 2. ad 2.  
Sylu. verbo *marrimonium* 8. q. 2. Mai-  
lus lib. 1. de irregul. cap. 34. n. 4. & Azor.  
lib. 13. cap. 14. q. 1. negant posse hunc  
reuocari, quia vxor concedens licen-  
tiam censetur se voto castitatis liga-  
re, ac proinde carere vfu coniugij, &  
per consequens carere quoque iure  
2 reuocandi. Quam opinionem cenleo  
esse verissimam, si vxor consensum  
præstans erat iuris conscia statuentis  
quid ipsa efficere debeat, vt vir sacris  
initietur. Secus si iuris ignara viro li-  
centiam ordinandi concessit.

Quia si erat iuris ignara, non cen-  
setur votum castitatis emittere, nec ad  
illam se obligare: ac proinde poterit  
sic promotum reuocare, si vxor peri-  
culo incontinentiæ laborat. At quan-  
do vxor dicti iuris conscia fuit, eo  
ipso quòd licentiam concessit, cen-  
setur vouere castitatem.

## QVÆSTIO CXX.

*An vxor, que voto castitatis emisso  
concessit licentiam viro sacris  
iniciandi, possit post eius mor-  
tem, valide aliud matrimonium  
inire?*

- 1 SOTVS lib. 7. q. 5. ar. 3. affirmat posse  
valide matrimonium contrahere,  
quamuis contrahendo peccet contra

votum. Ratio est, quia cum id votum  
simplex sit, non dirimitur, sed impedit  
tantum matrimonium.

At pro certo tenendum est, non  
posse valide matrimonio copula-  
ri. Ita enim expresse definitur in cap.  
*Quia sunt* d. 28. quod est Greg. Papæ  
lib. 2. epist. 59. & in cap. *Si se* d. 28. quod  
est ex Conc. Aurelian. & tradit Azor.  
lib. 13. cap. 14. q. 11. & in hoc omnes  
conueniunt, discrepant autem in hu-  
ius ratione reddenda.

Palud. in 4. d. 38. q. 2. ar. 5. putat le-  
gitimam causam, cur non possit vali-  
de aliud matrimonium contrahere,  
esse quia votum simplex vxoris effi-  
citur solemne per actionum commu-  
nicationem.

Alij vero rectius docent id proue-  
nire non ex voto, quod cum sit sim-  
plex, non dirimit, sed tantum impe-  
dit, sed ex Ecclesiæ constitutione. Ita  
Sanch. lib. 7. de matrim. disp. 40. n. 7.

## QVÆSTIO CXXI.

*Quid exigatur, ut vir Episcopus  
efficiatur?*

SOTVS in 4. d. 27. q. 1. ar. 4. putat id  
sufficere, ac necessarium esse, vt  
vir ad Episcopatum ascendat, quod  
sufficit, ac necessarium est, vt vir fiat  
religiosus; nimirum si vxor sit sexa-  
genaria, vt voueat perpetuam conti-  
nentiam, si autem iuuenis, vt ad reli-  
gionem transeat.

At verissima sententia est, semper  
desiderari, vt vxor religionem profi-  
teatur, quamuis sit ætate prouecta, nec  
suspecta de incontinentia, & hoc pro-  
pter Ordinis Episcopalis excellen-  
tiam. Ita enim expresse definitur in  
cap. *Sanè de conuers. coniug.* ibi. *Prohi-*  
*bemus ne vxoratum præsumatis in Epi-*  
*scopum ordinare, nisi vxor prius profess*  
*centi*

<sup>2</sup> continentiam, sacrum sibi velamen imponat, & religiosam vestem, ac vitam assumat. Atque ideo ita tenent Angel. verb. matrimonium 4. n. 8. Rosell. verb. impedimentum impedimento 11. Sylu. verb. matrimonium 8. q. 1. 2. Arnilla ibi n. 11. Tabie. verbo matrimonium 1. q. 3. Palac. in 4. dist. 27. d. 2. Couar. 4. decret. 2. p. c. 6. §. 3. n. 3. Pet. de Ledes. de matrimonio. q. 64. ar. 4. Lop. p. 2. c. 49. & Maiolus lib. 1. de irreg. cap. 34. n. 2. qui addit idem desiderari, ut vir fiat Cardinalis, quamvis Sanch. lib. 7. d. 41. n. 2. existimet non plus desiderari, quam necessarium esse diximus ad ordines assumendos.

---

### QVÆSTIO CXXII.

*An quando viri, aut uxores cum supradictis conditionibus religionem ingrediuntur post emissam solemnem professionem remaneant verè uxorati?*

<sup>1</sup> **R**ESPONDEO manere. Ratio est, quia cum matrimonium semel fuerit validum, postquam fuit ratum, simul, & consummatum, & per solempne vorum religionis non dissolvatur, verè remanent uxorati, & inter ipsos verè vinculum matrimonij durat, & solum separantur quantum ad torum, cohabitationem, petitionem, & solutionem debiti propter emissam solemnem professionem.

---

### QVÆSTIO CXXIII.

*An vir post divortium legitime factum possit iure, absque uxoris licentia, sacris initiari?*

<sup>1</sup> **R**ESPONDEO posse, si vxor fuit causa huius divortij, quippe quæ

adulterium publicè patrauit. Ratio est, quia vir potest iure religionem ingredi, & in ea profiteri vxore inuita: ergo potest ad sacros ordines promoveri.

Tum quia potest in sæculo maiens debitum coniugale vxori perpetuò denegare: ergo potest sacros ordines suscipere: nec in eo casu vxor post eius obitum, cogitur à secunda nuptiis abstinere, quia nullum votum emisit. Ita Sylu. verb. divortium q. 17. Tab. verb. matrimonium q. 3. Astil. verb. divortium n. 11. & Azor. lib. 13. c. 14. q. 13.

---

### QVÆSTIO CXXIV.

*An qui simplici voto tenetur sacros ordines suscipiendi, peccet mortaliter, matrimonium contrahendo?*

**R**ESPONDEO eum contra votum peccare. Ratio est, quia contrahendo, promissum præstare non potest. Ita Sot. in 4. dist. 38. q. 2. ar. 1.

---

### QVÆSTIO CXXV.

*An post matrimonium contractum antequàm consummet teneatur hic religionem ingredi, ut suum votum adimpleat?*

<sup>1</sup> **R**ESPONDEO eum ad id non tene-ri. Ratio est, quia non religionis, sed sacri ordinis suscipiendi votum emisit.

---

### QVÆSTIO CXXVI.

*An qui sponsalia contraxit, iure possit religionem ingredi?*

<sup>1</sup> **R**ESPONDEO posse. Ratio est, quia ut vniuersi fateantur, sponsalia  
Y y 3 etiam

etiam iureiurando roborata, per votum castitatis, aut vnus sponsi in religionis ingressum dissoluuntur, ita vt eo ipso alteri sponso liceat ad secundas nuptias transire. *Sot. in 4. dist. 27. q. 2. ar. 5.*

### QVÆSTIO CXXVII.

*An qui virginem sub promissione vera, vel ficta matrimonij deflorauit, possit ingredi religionem absque ipsius consensu?*

**R**ESPONDEO non posse, sed teneri stare promissis. Ratio est, quia ingressus religionis iam factus est ei illicitus, nō enim potest intrare, nisi graue damnum irrogando puellæ.

Et confirmatur: puella bona fide ex parte sua compleuit contractum, cum damno suæ pudicitie: ergo alter tenetur complere ex parte sua. Neque puella tenetur admittere aliam compensationem. Tum quia pudicitia non est pecunia æstimabilis. Tum quia non tenetur subire infamiam amissæ virginitalis, vt ille votum suum impleat. *Nau. in cap. Cui portio 12. q. 1. n. 8. & lib. 4. consil. 117. de spons. cons. 21.*

**I**dem dicendum est de eo, qui post sponsalia contracta non deflorauit quidem puellam, sed magna familiaritate eius famam læsit, ita vt absque graui damno puellæ non possit recedere à contractu. Ratio est, quia non potest huiusmodi damnum aliter compensare. Ita *Lop. p. 1. c. 76. & Corduba lib. 1. sui questionarij, q. 13. d. 1.*

Idem iuris est de eo, qui puellam, vi, dolo, vel precibus valde importunis deflorauit, & vt huic iniuriæ satisfaciatur, libetè promissit ei coniugium,

tunc enim tenetur eam ducere, nec potest, ipsa contradicente monasterium institutum. *lib. 2. c. 11. d. 1.*

vota nostra non placent, quando iustitiæ legi aduersatur.

### QVÆSTIO CXXVIII.

*Quid, si puella sciuit eius votum, an tunc promittens teneatur eam ducere?*

**R**ESPONDEO non teneri. Ratio est, quia tunc puella bona fide non contraxit, cum videtet ipsum non posse matrimonium promittere. Nec in hoc casu tenetur aliter compensare damnum quia non fuit ab ipso decepta, sciuit enim ipsa promissum non posse ab ipso licitè impleri.

### QVÆSTIO CXXIX.

*An seruus perpetuus qui emi, & vendi potest, possit religionem ingredi, domino suo inuito?*

**R**ESPONDEO non posse, vt habetur definitum in cap. Si seruus. & cap. Si quis 17. q. 2. Et ratio est, quia seruus sui domini est, quo fit, vt ipse de se nullatenus possit disponere, neque ab aliis in religionem aliquam admitti sine voluntate, & consensu domini, aliàs enim ex vtraque parte esset furtum, vt de se patet, cum sit contractatio rei alienæ inuito domino. Quare etiamsi professionem fecisset, esset domino cum tepotenti reddendus cum omnibus, quæ ad monasterium attulit, fide tamen accepta de eius impunitate, dummodo intra triennium repetatur, vt habetur in dicto cap. Si quis in cognitiu 17. q. 2.

Hinc, si seruus religionem aliquam ingreditur, ibique profiteatur, & monasterium facit in culpa, vt pote quia sciebat eum esse seruum, vt quia  
regle

neglexit inquirere, cum esset ignotus, remanebit in religione, sed monasterium satisfaciet domino pro damno secundum boni viri estimationem.

---

### QVÆSTIO CXXX.

*A quo die huiusmodi triennium sit computandum?*

- <sup>1</sup> **L**ESSIVS lib. 2. de iust. cap. 41. dub. 3. & Azor. lib. 12. cap. 1. q. 3. dieunt numerandum esse à die probationis ineptæ.

At probabilius est, computandum ab eo tempore, quo dominus conscius fuit admissionis serui in religionem, quod ea præscriptio sit ob negligentiam domini non reuocantis toto eotemporis spatio. At ignorantia negligentia imputari nequit. Et ideo ita tenent D. Anton. 3. p. ii. 16. q. 3. §. 4. Rosell. verb. religio 2. n. 1. Syluest. verb. religio 2. q. 3. & Sanch. lib. 5. cap. 4. n. 46.

---

### QVÆSTIO CXXXI.

*An talis professio serui sit valida?*

- <sup>1</sup> **E**T quidem quando proficitur claspso triennio computato à tempore scientiæ domini non reclamantis cum possit, certum est professionem esse validam.

Sed tota difficultas est, quando intra id triennium proficitur, casu quo à domino reuocari potest.

Angel. verb. religiosus n. 5. Syluest. verb. religio 2. q. 3. Tab. verb. religio q.

- <sup>2</sup> 10. D. Anton. 3. p. i. 16. q. 3. §. 4. & Rosell. verb. religio 2. n. 3. docet eam professionem esse validam. Ex quo inferunt hunc à domino reuocatum, non posse ad nuptias transire, immò tene-ri postea effectum sui iuris redire ad

monasterium, cum reuera sit religiosus.

Cæterum verissima sententia est, talem serui professionem esse irritam. Ratio est, quia cum servus sui iuris non sit, sed quidquid est, domini sit, non potest eo inuito omnino se religioni tradere sub obedientia præstita, & si se tradit, traditio est nulla. At traditio illa ad professionis substantiam requiritur. Et ideo ita tenent Azor. lib. 12. c. 1. q. 3. & Sanch. lib. 5. c. 4. n. 49.

---

### QVÆSTIO CXXXII.

*An si huiusmodi servus religionem professus, domino repetenti restituatur, teneatur in saculo manens seruare castitatem?*

<sup>1</sup> **R**ESPONDEO teneri. Ratio est, quia licet nulla fuerit professio, validum tamen fuit castitatis votum, quo Deo se adstrinxit: ad hoc enim potuit sese simpliciter Deo obligare, domino inuito, non autem ad reliqua, quia professio quoad illa fuit irrita. Quod existimo verum, quando intendit se ad illud absolute, & independenter à statu religionis obligare.

---

### QVÆSTIO CXXXIII.

*An ad ratiocinia obligatus possit religionem intrare?*

<sup>1</sup> **I**N hac questione duæ extant Doctorum opiniones. Prima dicit quod si ratiocinia sunt Reipublicæ, non potest qui ad illa est obligatus ad religionem transire, nisi prius rationem reddat iuxta textum in cap. Legem dist. 53. & cap. unico de obligat. ad ratiocinia. Si verò ratiocinia sunt priuatorum, quamvis sit honestum, ut prius se expediat, non est tamen hoc

hoc necessarium, immò potest religionem ingredi, & postea rationem reddere. Ita Syluest. *verb. religio* 2. q. 6. Rosell. *verb. religio* 2. nu. 4. Angel. *verb. religiosus* nu. 10. Armil. *verb. religio* n. 5. & Tab. *ibid. qu.* 11. nu. 12.

- 2 Secunda verò opinio ait, in vniuersum ratiociniis obnoxium siue ratiocinia sint publica, siue priuata, non posse religionem ingredi. Et hæc opinio mihi videtur certa post constitutionem Sixti V. vbi dicitur, quod ratiociniis obligatus, & qui ita ipsis reddendis est obnoxius, vt ex huiusmodi causa, lis vel molestia monasterio timeatur, nullatenus potest ad religionem transire, neque in ipsa præstiteri: & si contrarium fiat, professio erit nulla. Estque hoc quàm maximè rationi congruum, cum & ipse in iure ordinari prohibeatur: vt habetur in c. 1. de obligatis ad ratiocinia. Et idè ita tenet Roder. 2. p. sum. c. 3. nu. 8. & 1. 3. q. 99. regul. qu. 10. ar. 11.

## QVÆSTIO CXXXIV.

*An erit alieno grauitus, possit ad religionem transire?*

- 1 IN hac graui, & perdifficili quæstione, duæ extant opiniones. Prima docet posse, si præsentibus suis bonis cedat, Quia persona liberi hominis secundum iura ciuilia non est creditori pro pecunia obligata, sed eius bona. Ita Palud. in 4. d. 38. Angel. *verb. religio* 5. 67. Syluest. *verb. religio* 2. qu. 4. Hoc idem sentium Rosell. *verb. religio* 2. numero 5. Armil. *verb. religio* numero 5. qui addunt monasterium creditori satisfacere debere ex his quæ religiosus secum detulit, aut ex his quæ post eius ingressum acquisiuit successione, donatione, vel testamento, quantum talia se extendunt, &

non plus. Quam opinionem dicit Raymundus, esse veram etiam si promissione, vel iuramento ad soluenda debita fuerit obligatus, modo id faciat seruire charitatis.

2 Secunda verò opinio negat talem debitum grauatum posse ad religionem transire, etiam si suis cedat. Et probat quia religionis status cum iure naturali pugnare non debet: at iure naturali debitor est creditori obstrictus: ergo id violare non potest vt religionem ingrediat; non enim sunt facienda mala, vt inde eueniant bona, vt dicit D. Paul. *Ad Rom.* 3.

Tum quia non licet præceptum omittere propter opus consilij; sed religionem suscipere est opus consilij, alienum autem restituere est præceptum: ergo nefas est alienum retinere, vt religionem profiteatur. Ita Ioan. Medina C. de restit. qu. 3. causa 8. Nauar. Comm. 1. de regul. num. 8. & Corduba super cap. 2. Regul. S. Fran. qu. 5. Pro quo

3 Primò dico, quod attrito iure antiquo professio erit alieno grauari est valida, etsi proficundo reddatur impotens ad soluendum, cum tamen in sæculo esset soluendo. Ratio est, quia persona debitoris non est creditoris serua, nec ei debita, quamuis obligata sit ad illi satisfaciendum: ergo tenet eius professio, Ita Ioan. Med. C. de restit. quæst. 3. causa 8. & Petr. Nauar. lib. 4. de restit. num. 77.

Secundò dico, quod si debitor cum habeat bona, vnde soluat, ante ingressum religionis suis creditoribus non soluit, nec curat vt tempore statuto illis satisfiat, peccat mortaliter. Ratio est, quia cum soluendo sit, tenetur lege iustitiæ id ita curare, vt religionis ingressus in creditorum præiudicium minimè cedat: & si recipiatur, receptio, & professio erit omninò nulla vt Sixtus V. anno 1587. *• sua exarante.*

cl. fi

definiuit, quam postea anno 1602. moderatus est Clemens VIII. quo ad hoc solum, vt professio illorū valeret.

4 Tertiū dico, quod quando debita illa sunt incerta, vaga, & indeterminata, quia eorum dominus, cui facienda est restitutio est incertus, non impediunt debitorem ab ingressu religionis, etsi soluendo non sit, cum tamen in sæculo manens posset soluere. Quia nil ita pium est, ac se & sua religioni dedicare. Et habetur expressè ex illis verbis extrauag. *Quorum dominus facta diligenti inquisitione potest sciri.*

5 Quarto dico quod si onustus debitis non sit soluendo, nec vllam spem habet acquirendi in sæculo bona, quibus soluat potest etiam nunc post dictam cōstitutionem Sixti religionem ingredi. Quia cum extra religionem manens neque in toto neque in parte sit creditoribus satisfactorius, frustra in sæculo occasione debita soluendi maneret. Nec in hoc casu monasterium ad aliquid teneretur, nisi quatenus ex ingressu factum esset locupletius. Ita D. Tho. 2. 2. q. vlt. art. 6. ad 3. Sot. lib. 4. quæst. 7. artic. vlt. tom. 2. qq. regul. qu. 10. art. 9. & Nauar. Comm. 1. de regul. nu. 8. qui addit idem esse dicendum, quando constaret fore vt in religione manens æquè, aut melius lucraretur bona, quibus creditoribus satisfaceret. Et hæc certa sunt.

#### QVÆSTIO CXXXV.

*Sed dubium est, quando debita sunt certa, & nunc debitor non est soluendo, at probabilem spem habet manens in sæculo satisfaciendi, quia nimirum pollet viribus, industria, vel aliquo munere, quo potest honestè lucrari ea qua debet: An videt. possit re-*

*ligionem ingredi: an verò teneatur ingressum differre donec soluat?*

ET quidem certum est, posse eum religionem ingredi de consensu creditorum. Quia scienti, & volenti non fit iniuria.

#### QVÆSTIO CXXXVI.

*Sed quod in dubium vertitur est, An possit eis inuitis religionem ingredi?*

M Edina C. de restitu. quæst. 3. causa 1. Moñana, Valent. 2. 2. d. 5. qu. 6. p. 7. & Angles de voto negant hunc posse ad religionem transire. Quia æquitas non patitur, vt cum damno creditorum ingrediatur, si illud in sæculo manens potest impedire.

Alij verò affirmant hunc posse statim religionem ingredi cedendo omnibus bonis suis in creditorum fauorem. Ratio est, quia liberi hominis persona non est creditoribus obstricta, sed eius bona: ergo illis cedendo satisfacit. Et idè itatenet D. Tho. 2. 2. q. vlt. ar. 6 & ibi Caiet. D. Ant. 2. p. tit. 11. c. 2. §. 1. Rosell. verbo religio 2. n. 5. Angel verb. religiosus nume. 6. Tab. verb. religio q. 11. n. 12. & ibi Armil. n. 5. Sylu. verb. relig. 2. a. 4. & plerique alij. Hanc opinionem dicunt D. Ant. Ang. Sylu. & Tab. vt supra, procedere, etiamsi iuramentum soluendi creditoribus adesset. Id enim intelligendum est, nisi is voluerit ad religionem migrare.

Et hæc secunda opinio mihi magis placet, quando debitor manens in sæculo non posset intra breue tempus nimirum biennium acquirere bona, quibus soluat. Nam si arte, & ingenio polleat, quibus breui temporis spatio in sæculo comparare possit bona ad soluendum, non est integrum reli-

religionem ingredi. Quod si diu, non teneretur eo tempore expectare, sed posset statim ad religionem euolare. Nauar. *com. 1. de regul. num. 8. Azor. lib. 11. cap. 1. qu. 5. Petr. Toleran. de restitu. lib. 4. num. 78. & 79. & Less. lib. 2. de iust. cap. 41. dub. 3.*

## QVÆSTIO CXXXVII.

*Sed grauius dubium est, quando ære alieno grauatus est voto religionis adstrictus, & tempus adimplendi votum instat.*

1 SUPPLEM. Gabr. in 4. dist. 38. qu. 1. Art. 5. censet hunc non posse religionem ingredi donec soluat.

2 At D. Thom. in 4. dist. 38. q. 1. art. 3. quæst. 1. ad 7. sentit integrum esse huic religionem ingredi, non solutis debitis. Et hæc posterior sententia mihi placet in casu, quo diximus supra, fas esse huic ad religiosorum statum transire non solutis debitis. Nam quando debitor spem probabilem habet satisfaciendi intra breue tempus non obstat votum religionis superueniens ei obligationi, ne expectare teneatur; non enim potuit voto ad id se obligare, cum creditorum damno, ne votum sit iniustitiæ vinculum. Quod si id votum religionis antecesserat debita, puto idem esse dicendum, quia superuenit notabilis mutatio obligationis iustitiæ soluendi debita creditoribus, quæ iustum differendi ingressus causam præbet.

3 Est autem hoc loco obseruandum, quod prædicta constitutio non habet locum primò in Monialibus, vt ipsemet Sixtus V. in alia extrauaganti declarauit. Vnde si mulier ratiociniis obligata, vel debitis onusta, ad religionem transiret, in pœnas prædictæ constitutionis non incurreret.

Secundò, non habet locum, quando debita non sunt magni momenti; vt constat ex illis verbis prædictæ constitutionis. *Ingenti ære alieno grauati.*

Tertiò, quando, etsi debita sint egregia, tamen debitorum facultates soluendo non sufficiunt, vt patet ex illis verbis. *Supra vires facultatum suarum.*

Quartò non habet locum, quando debita sunt incerta, ac proinde pauperibus restituenda. Quod patet ex illis verbis constitutionis *Quorum dominica facta diligenti inquisitione potest sciri.*

Quintò, non habet locum, quando ære alieno grauati sine graui sua culpa impotentiam hanc restituendi contraxerunt, vt constat ex illis verbis. *Multis decolores post dilapidatam rem familiarem, & contrariam ingentem vim æris alieni.*

Sextò, non habet locum in his, qui culpa sua eam ingentem, æris alieni vim contraxerunt supra vires suarum facultatum, si omnibus bonis suis cedant, & omnia bona sua creditoribus relinquunt, & nulla sit spes, quod in sæculo manentes possint aliquid lucrari vnde soluant. Quia Sixtus in ea constitutione loquitur de his qui ad religionem migrant, vt liberentur eo soluendi onere in creditorum præiudicium.

Septimò non comprehenduntur debitores, quando creditores consentiunt. Quia tunc perinde est, ac si debitis solutis ad religionem transirent.

Octauò non clauduntur debitores quando monasterium, aut quiuis alius eorum debita solueret. Quia facta solutione, non dicuntur amplius ære alieno grauati.

Nonò, & vltimò, non habet locum quando debita magnæ quantitatis ex sola liberali promissione oriuntur, quamuis debitor sua culpa soluendo non sit. Quia hæc promissiones liberales ingressum religionis non impediunt.



diunt, nec is dicitur propriè ære alieno grauatus.

## QVÆST. CXXXVIII.

*An Equites S. Ioannis, S. Iacobi, S. Lazari & similia in ea constitutione comprehendantur?*

- E**T quidem si loquamur de clericis religiosis ordinum militarium, qui intra claustra monasterij vitam communem sub obedientia superiorum degunt certum est, eos sub illa constitutione comprehendendi, quia hi verè, & propriè religiosi sunt, & in communi viuunt, nihil habentes de proprio, instar aliorum religiosorum, prout etiam cõcedit Sot. lib. 7. q. 5. n. 3.

## QVÆST. CXXXIX.

*Sed dubium est de militibus, & Equitibus predictorum ordinum qui instar aliorum secularium in sæculo viuunt.*

- R**ESPONDEO eos non comprehendendi. Et ratio est, quia etsi hi verè, & propriè sint religiosi, ex priuilegio, & concessione Romanorum Pontificum habent vt in odiis non veniant sub nomine religiosorum.
- 2** Tum quia hi retinent sua bona, & in sæculo viuunt, & acquirunt bona. Vnde per religionis ingressum non efficiuntur impotentiores ad soluendum. Ita Nauarrus lib. 3. conf. tit. de regular. conf. 12. & Azor. lib. 12. cap. 3. questio 8.

## QVÆSTIO CXL.

*An debitor ad religionem admissus, laborare teneatur, vt creditori satisfaciatur?*

**M**AIOR in 4. dist. 38. qu. 17. Medina C. de resist. q. 3. causa octaua. Nauar. Comment. 1. de regul. num. 8. & Angles de restitutione, volunt eum intra monasterium teneri salua regulæ obseruantia, & dummodo id religiosorum statum non dedecet.

Addit Medina, hoc debere fieri de Prælati licentia illumque teneri eam petitam concedere: & si non posset in religione bona acquirere, nisi dimittendo habitum teneri ad id, & Prælatum quoque obligari ad eam licentiam concedendam si Prælatus iniuste eam licentiam deneget, excusatur religiosus.

Sed Angles ait, etiam Prælato nolente, teneri eum dimittere habitum. At Nauarrus ait, Prælatum debere hanc licentiam concedere etiam multis horis ad diuina, vel ad Monasterij officia deputatis.

Alij verò vt Palud. in 4. dist. 38. qu. 3. ad 2. nu. 15. D. Anton. 2. p. ii. 11. cap. 2. §. 1. Rosell. verb. religio 2. nu. 5. & verbo restitutio 16. num. 1. Angel. verb. religiosus nu. 7. Sylu. verb. religio 1. quest. 4. Tab. verb. religio qu. 11. nu. 12. Arag. 2. 2. qu. 62. art. 8. & multi alij docent non teneri. Ratio est, quia cum religionem professus cesserit suis bonis, restituendi præcepto, ac lege solutus est, vtpote qui incapax est aliquid proprium acquirendi, & religionis obsequio, cui se per professionem tradidit, magis tenetur.

Et hæc posterior sententia plus mihi placet. Quia extraordinarium medium est, & difficile cogi in religionis manibus laborare, vt acquirat bona, quibus debita soluat. Et esto hic ingrediendo peccauerit, modo professus effectus, iam impotens est ad soluendum. Si tamen superior concederet licentiam religioso, vt extra monasterium, retento tamen habitu, vel Pontifex eo dimisso,

operaretur, adhuc cenſeo non teneri religioſum manibus laborare vt creditoribus ſatiſfaciar, vt rectè Sanchez. lib. 4. decalogi cap. 19. n. 17. annotauit.

## QVÆSTIO CXL

*An qui promiſit ſe aliquid alicui ſine iuramento, vel cum illo in eius utilitatem facturum, poſſit eo non impleto religionem ingredi?*

1 **A**BBAS cap. Peruenit n. 2. de iure iur. & ibi Alexan. de Neuo n. 8. negant.

Sed verius, ac probabilius multò eſt, quod docent Sylu. verb. religio 2. q. 4. Medi. C. de reſtit. q. 3. cauſa octaua, & Azor. lib. 11. c. 5. q. 4. & lib. 12. c. 1. q. 4. nimirum poſſe, non impleta ea promiſſione ad religionem tranſire. Huius rationem reddunt nonnulli, quia iuramentum non infringit, qui in melius illud commutat. cap. Peruenit de iure iur. Sed hæc ratio non valet, quia hoc in ſolo iuramento ſoli Deo præſtito locum habet; nam iuramentum homini factum in eius utilitatem nequit eo inuito in melius commutari.

Sed legitima ratio eſt, quia hæc libérales promiſſiones ita videntur intelligendæ: *Niſi velis ad religionem tranſire.* Si tamen hic temporè probationis è monaſterio exeat, tenebitur promiſſis præſtare, quod non ſit conditio ad impleta, non enim ad religionem tranſiit eum effectu. Secus ſi poſt profeſſionem expelleretur, quia tunc eum effectu tranſierat, ac proinde prout exſtincta erat obligatio.

Hinc, non eſt audiendus Nauar. comment. 1. de Regul. n. 42. qui ait hunc teneri promiſſum adimplere in religione, niſi ſit actus incompatibilis

cum religione. Quia ſi ei obligationi ineſt tacita conditio: *Niſi promittens religionem elegerit,* poſito tranſitu, omnino extinguetur obligatio.

## QVÆSTIO CXLII.

*An filij poſſint ingredi religionem, ſi habent parentes in ſaculo graui egeſtate oppreſſos?*

**E**T quidem ſi neceſſitas illa parentum ſit extrema, vel extreme equiualet, certum eſt, non poſſe filium prætermiſſo parentum obſequio ad religionem tranſire. Quia etiam ad ſubueniendum extraneo in hæc neceſſitate conſtituto teneretur quilibet non obſtante voto, non ingredi religionem, vt rectè docet D. Tho. 2. 2. q. 101. ar. 4.

Secundò certum eſt, poſſe filium ingredi religionem, ſi egeſtas illa parentum ſit parua, vt docet idem D. Th. 2. 2. q. 189. ar. 6.

Tertiò, illud etiam certum eſt, quod ſi de facto filius ingrediatur religionem, & in ea profiteatur relictis parentibus in maxima, & extrema neceſſitate, licet peccet mortaliter proſitendo, profeſſio tamen eſt valida, eum nullum ſit ius irritans ipſam profeſſionem. Ita Nauar. lib. 3. conſ. ſit. de regul. conſ. 12. & Roder. 2. p. ſum. cap. n. 4. & tom. 3. qq. regul. q. 13. ar. 5.

## QVÆSTIO CXLIII.

*Sed dubium eſt, quando neceſſitas eſt vrgens, non ſolum perſona, ſed etiam decentia ſtatus, puta quia oporteret parentes mendicare, vel ſeruare aliis cum nota*  
b. 16

*bili inde euentia statim, aut conditionis sue.*

1 **A**LEXANDER Aletensis 3.p.q.33.in 4.ar.1. & Abulen.cap.8. *Matth.* affirmant, posse. Quia *Matth.* 10. & *Luc.* 14. dicitur non posse esse Christi discipulum, qui amore ipsius parentes non odit. & *Matth.* 8. & *Luc.* 9. adolescenti patrem sepelire volenti dixit Christus, vt patre deserto, ipsum sequeretur.

At verissima sententia est, non posse filios ob religionis ingressum deserre parentes in graui necessitate constitutos, quando ipsi nequeunt illis, nisi manendo in seculo prouidere, nec eis aliter commode, quam per filiorum obsequium subueniri potest.

2 Ratio est, quia filij iure naturæ tenentur necessaria vitæ alimenta parentibus suppeditare: quod cum sit opus præcepti, regulariter propter nulla opera consilij etiam religionis est prætermittendum: nec sunt facienda mala, vt inde veniant bona, vt docet D. Paulus *ad Rom.* 3. Vnde *Matth.* 5. grauitè Pharisei reprehenduntur à Christo, quod suaderent eroganda parentibus necessitate pressis, conuerteri ad diuinum cultum. At eadem malitia est, si filiorum seruitium iure naturæ parentibus debitum, eo indigentibus, religioni impendatur. & in *Conc. Gngrensi relato cap.1. d. 30. approbato à Leone IV. cap. 1. de libellis d. 20.* filij anathematizantur, qui ob ingressum religionis deserunt parentes in necessitate constitutos. Vnde talis ingressus esset mortalis, quia est transgressio præcepti grauissimi. Vnde *Arist. 8. Eth. cap. ult.* ait: *Dis, parentibus, & magistris æquiualens reddi non potest:* idque adeo vt honestius sit, si filius subueniat parentibus, quam sibi ipsi vt idem *Ar. st. 9. Eth. c. 2.* testatur: quin, & si extrema pressi

sint necessitate pater, & filius, tenetur potius subuenire patri, quam sibi vt rectè D. Tho. 2. 2. q. 26. ar. 9. ad 3. annotauit. Atque ita tenent idem D. Th. 2. 2. q. ult. ar. 6. & q. 101. ar. 4. ad 4. & ibi Caiet. *Nauiar. c. 14. n. 14.* Sylu. *verb. religio 2. q. 7.* Tolet. *lib. 5. cap. 1. num. 5.* Cord. *sum. q. 141. ar. 1.* Roder. 2. p. *sum. c. 6. num. 4.* & *tom. 3. qq. reg. q. 13. ar. 5.* Azor. *lib. 12. c. 1. q. 8.* & alij.

Quæ sententia procedit primò etiam si tempore probationis ea magna parentum necessitas superueniat: teneretur enim filius egredi. Quia cum perseverantia sit opus consilij, & subuentio parentum ita egenorum de præcepto, id non est omittendum propter consilium ingrediendi religionem.

Secundò procedit, etiam si filius voto, aut iuramento se obligasset ad ingressum religionis. Quia si vouit existente ea necessitate parentum, tale votum fuit illicitum, & nullum, & per consequens non debet in tali casu adimpleri: si autem vouit ante prædictam parentum egestatem, eadem etiam existente, iam illius redditio, seu adimpletio est omnino illicita, nec fieri debet, quousque ea parentum necessitas cesset. Nec obstant testimonia in contrarium adducta, quia intelliguntur, quando parentes obsequio filiorum non indigent multum.

Dixi consilium (*regulariter*) quia in duobus casibus relicta parentum necessitate integrum est filio religionem ingredi. Primo quædo filius non potest absque graui dispendio suæ salutis remanere in seculo. Quia tunc non tenetur causa subueniendi parentibus se tali discrimini exponere, sed statim intrare potest religionem, quia ordo charitatis petit, vt filius salutem propriam spiritualem temporali parentum bono præferat. Immo,

& ad id tenetur s. salutis animæ suæ potius providere, quia secundum Ambros. super Lucam. Ne essundini generis, pietas religionis antefertur.

Secundò, quando parentes ipsi ita filium ad peccandum excitarent, ut verisimiliter filij lapsus in peccatum timeatur: ut rectè docet D. Tho. 2. 2. q. 101. ar. 4. Vnde Hieron. in epist. 1. ad Heliodorum, inquit Per calcatum perge patrem, per calcatum perge matrem, ad vexillum crucis evola: Nam summum genus pietatis est, in hac re, esse crudelem. Si autem sit dubium, an hoc periculum sit tale, ut eius ingressus sit præcepto subventionis parentum anteponendus, obligabit præceptum subveniendi parentibus. Quia cum executio sit dubia, in eo casu præceptum subveniendi parentibus possidet. Si verò sint rationes utriusque probabiles, poterit filius utramvis patrem etiam minus probabilem sequi.

#### QVÆSTIO CXLIV.

*An illa parentum necessitas debeat esse actualis?*

**S**ANCH. lib. 4. decalogi cap. 20. putat sufficere, si eorum necessitas probabiliter timeatur futura.

At Roder. p. 2. c. 6. n. 4. censet eam debere esse actualem, quando filius ingredi vult religionem. Secus quando ea parentum necessitas solum timeatur probabiliter futura, quia tunc potest bene ingredi. Quia non est curæ filiorum providere necessitatibus futuris parentum: ut rectè docet D. Thom. 2. 2. q. 101.

ar. 2. ad 2. allegans D.

Paulum in suum  
favorem.

#### QVÆSTIO CXLV.

*An si de facto filius parentibus im-  
gravi necessitate constitutus reli-  
gionem ingrediatur, & profitea-  
tur, talis professio valeat?*

**R**ESPONDEO valere, quamvis proficiens peccet mortaliter. Ratio est, quia secundum iura antiqua professio facta ab eo qui est ingenti quæ alieno gravatus, vel ratiociniis obligatus, teneri iuxta cap. 2. de obligat. ad ratiocinia, quamvis profitendo peccet: ergo etiam in nostro casu.

Tum quia nullo iure redditur irrita. Et ideo ita tenet Nauar. lib. 3. conf. tit. de regul. conf. 12. & Roder. p. 2. sum. c. 6. n. 4. Dices: ex motu proprio Sixti V. professio illorum qui obnoxij debitis super vires facultatum suarum professi sunt, est irrita: ergo, & in casu nostro, quo filius tenetur necessaria vitæ alimenta parentibus subministrare.

Respondeo licet filius debitor quodammodo sit, & parentes necessitate pressos sustentare teneatur; non tamen hoc est ex debitis intentis à Sixto V. ut constat ex ipsius motu proprio, ubi expressè loquitur de debitis civilibus, & de gravatis ære alieno, propter retentionem bonorum aliquius supra vires, & facultates suas; non autem de debito naturali filiorum erga parentes, & è contra.

#### QVÆSTIO CXLVI.

*An filius professus teneatur è monasterio egredi, ut parentum necessitati subveniat, si in monasterio manens eorum indigentia commodè subvenire non potest?*

Et

**E**T quidem certum est teneri eum egredi, etiam inuito superiore, si necessitas illa sit extrema. Ratio est, quia religiosus tenetur exire monasterium etiam contradicente Prælato, si possit subuenire etiam extraneo periclitanti in aquis, vel in igne; ergo à fortiori tenebitur succurrere parentibus fame periclitantibus, quia hoc ius naturale de succurrendo extremæ necessitati cuiusque, præuult voto obedientiæ. Sicut & possum rapere alienum pro succurrendo extremæ meæ, vel alterius necessitati, dum aliàs non patet remedium: ut rectè docet Illustriss. Caiet. 2. 2. q. 101. ar. 4. Nauar. cap. 14. n. 14. Cord. in sum. q. 141. Roder. 2. p. sum. c. 6. n. 4. & Lop. p. 1 c. 54. Sed quares.

dicunt, teneri hunc professum egredi inuito Prælato.

Nauar. cap. 14. n. 14. Tolet. lib. 5. c. 1. n. 6. Lop. p. 1 c. 54. Roder. 2. p. c. 6. n. 4 & Med. lib. 1 c. 14. §. 14. docent religiosum debere exire monasterium, si parentes antequam ipse emisit professionem supradictam necessitatem patiebantur, si in monasterio manens eorum inopie commodè subuenire non potest. Quia stante tali necessitate, ingredi non poterat: ergo ingressus tenetur egredi, quia cum eo onere in Prælati potestatem transit. Professio tamen non est irrita, sed suspenditur executio, donec parentes habeant unde viuere possint. Secus si superueniet post professionem.

Alij verò rectius docent, nunquam teneri professum è monasterio egredi ad subueniendum graui parentum indigentie, quamuis ea necessitas professionem præcesserit: nec verò potest absque legitima superioris licentia. Ratio est, quia iam mutauit statum, nec subest amplius patriæ potestati, sed Prælato: unde illi obligationi subueniendi non tenetur satisfacere, nisi quantum potest, saluo statu. Sicut si esset vxoratus, non teneretur deferre vxorem ad subueniendum parentibus iuxta illud Gen. 5. *Propter hanc relinquet homo patrem, & matrem, & adhærebit vxoribus.* Vel si esset clericus in sacris, non teneretur fieri miles, quamuis eo solo modo parentibus subuenire valeat, eò quòd status id non patiatur: ergo nec professus tenebitur monasterium dimittere, aut facere contra Regulam vt parentum inopie subueniat, id enim statui professi aduersatur.

Tum quia per professionem traditur religiosus Prælato, in eiusque potestatem transit, ita vt mortuus mundo censetur. At res vni tradita, non potest auferri, vt parentibus subue-

## QVÆSTIO CXLVII.

*An in hoc casu possit is professus dimittere habitum?*

**B**ARTH. Med. lib. 1. c. sum. c. 14. §. 14. & Angles in materia de voto negant posse hunc causa subueniendi parentibus in tali necessitate habitum dimittere.

Ceterum absque dubio dicendum est, teneri hunc habitum dimittere, si id opus sit. Quia præponderat ea necessitas, & idè ita tenent Cord. sum. q. 141. & Nau. lib. 3. cons. tit. de regul. cons. 30. n. vnico. communiter recepti.

## QVÆSTIO CXLVIII.

*Totum igitur controuersia dissidium consistit, quando necessitas est grauis.*

**P**ALAC. in 4. d. 38. d. 1. & Cord. in Reg. S. Franc. 2. q. 6. ar. 1. absolute

subueniatur, quando eorum inopia non est extrema. Vt si promisi quinquaginta alicui Ecclesie, possum ea dare graui parentum inopie, si non possum aliter eis subuenire: at si de facto Ecclesie ea tradidi, non possum deinde ea ab illa auferre, vt parentibus succutram.

- 5 Tum demum, quia religiosus iam mundo est mortuus, & Christo conscriptus: vnde parentes debent eum veluti mortuum existimare, ac si non esset ac proinde non debet occasione sustentationis parentum exire claustrum in quo Christo conspeditur, & se iterum secularibus negotiis implicare: tenetur tamen salus sui Prælati obedientia, & suæ religionis statu, pium studium adhibere, qualiter eius parentibus subueniatur. Et idem tenent D. Tho. *quodlib.* 3. *artic.* 16, & 2. 2. *quæst.* 101. *art.* 4. & ibi Caiet. Alex. Alens. 3. *par. quæst.* 33. in 4. *artic.* 1. D. Anton. 3. *part.* 16. *cap.* 2. §. 1. Rosell. *verbo religio.* 2. *num.* 7. Armil. *verb. pietas num. unico*, & ibi Tabien. *fine. Cord. suam. quæstio* 141. *articulo* 2. Roder *tom.* 2. *qq. regul. quæstio* 57. Angles *de voto* & Emm. Sæ *verb. religio*
- 6 *num.* 2.

Dixi consulto, non teneri egredi, quia etsi non teneatur, potest tamen cum his conditionibus exire. Primum cum licentia sui Prælati. Secundum, quando in religione non possit eis subuenire, vel concionando, vel legendo, vel confessiones audiendo, vel artem aliquam in cella faciendo, vel ab amicis suis, vel religionis elemosynam pro ipsis petendo.

## QVÆSTIO CXLIX.

*Quisnam possit hanc licentiam indulgere religioso, vt dimisso ha-*

*bitu extra monasterium sit, ad subueniendum parentibus?*

**R**ESPONDEO solum Papam posse hanc licentiam concedere: vt apertè colligitur ex *cap.* 2. *Ne clerici, vel monachi lib.* 6. & ex *cap. Sanctimonialis d.* 23. & ex *cap. Clerici 2. de vita, & honestate clericorum.* vbi habetur, religiosum etiam ad dignitatem Episcopalem effectum debere gestare suæ religionis habitum. In Conc. etiam Trident. *sess.* 25. *de regul.* 19. habetur, quod non detur licentia cuiquam regulari dimittendi, seu occultè deferendi sui ordinis habitum. Verum in hoc casu professus extra claustrum existens tenebitur seruare omnia essentialia suæ religionis, & omnia illa quæ non impediunt sustentationem; & quæ si esset in claustro teneretur obseruare: at cessante necessitate parentum tenebitur ad monasterium redire, aliter non maneret tutus in conscientia. Ita tenet Nauar. *super cap. Nullum num.* 48. & Roder. 2. *p. sum. cap.* 6. *num.* 4.

## QVÆSTIO CL.

*An teneatur Superior in hoc casu eam licentiam concedere religioso, vt habitu relicto extra monasterium sit, ad subueniendum parentibus?*

**D**OCTOR Nauarrus *com.* 3. *de regular. nu.* 49. putat teneri, quando necessitas præcessit professionem. Sed omnino dicendum est, etiam ad id non teneri. Quia tantum tenetur religiosus in monasterio existens, modis suo statui decentibus parentibus subuenire.

QVÆ.

## QVÆSTIO CLI.

*An teneatur filius professus intra  
monasterium parentibus  
subuenire?*

**R**ESPONDEO teneri. Ratio est, quia cum filius post professionem maneat verè filius, perseverat in eo pietatis erga parentes obligatio, quam status religiosus non impedit, sed perficit: ergo salua sui status decencia, tenetur pro viribus in religione niti, ut per se, vel per alium suis parentibus subueniatur. Ita D. Thom. quodlib. 3. artic. 16. & 2. 2. quæst. 101. artic. 4. ad 4. & Caietan. ibidem. At si Prælati nollent licentiam concedere, ut religiosus modis suum statum, & professionem decentibus parentum inopiam subueniat, posset hic occultè, & absque ea, id efficere, quamvis Prælati repugnet, idque sub pœna excommunicationis interdicitur.

Quia in tali casu iniquè agit Prælati licentiam denegans: & cum talis licentia sit debita, poterit religiosus ea non obrepente, ea omnia facere, quæ posset ex Prælati licentia facere. Ac proinde poterit ex necessariis suo victui taxatis, & quæ ipse consumpturus erat aliquid sibi subtrahere, ut parentibus succurrat. Posset etiam tempore quo in rebus religionis non occupatur aliquod artificium religionis honestum exercere, quo parentibus subueniat.

**Q**uia hæc omnia posset ex licentia Prælati facere. Immo arbitror teneri hunc professum his modis subuenire parentibus, si commodè, & absque periculo possit, dummodo non faciat quid contra regulam, aut contra decenciam sui status religionis. Credo tamen eum teneri prius

petere licentiam, nisi pro competito habeat, fore sibi denegandam. Ita Cord. summ. quæstion. 141. & Lop. p. 1. cap. 54.

In dubio autem, an Prælati ini- què eam licentiam denegat, videtur non posse subditi ea uti. Quia ius superioris in subditi voluntatem possidet.

Sed verius est posse. Quia etsi in dubio potius sit superioris ius, siquæ illi obedientia præstanda. Hoc tamen fallit, quando id vergit in grane præiudicium tertij, sicut contingit in casu nostro, cum ea licentia denegata redundet in graue parentum damnum.

## QVÆSTIO CLII.

*An si filius ex ingressu religionis ef-  
ficiatur impotens ad subuenien-  
dum parentibus, teneatur mona-  
sterium alimenta eius parenti-  
bus subministrare?*

**A**NGELVS verb. religiosus nu. 31. 1 & Syluest. verb. religio 6. quæst. 9. affirmant. Quia monasterium in hoc casu recipiendo filium, iniuriam parentibus intulit: ergo tenetur illam refarcire, eos alendo.

At contrarium reputo verius. Quia cum filius non ex iustitiæ, sed ex solius pietatis lege teneatur parentibus alimenta præbere, monasterium admittens filium hunc ad religionem, non peccat contra iustitiam commutativam, quæ sola restituendi obligationem inducit.

Posset tamen opinio Angeli recipi, in casu, quo monasterium in bona ingredientis succederet, tunc enim ut hæres, teneretur ad ingressi debita antea contracta, ac proinde eius parentes alere.

## QVÆSTIO CLIII.

*An si voto simplici castitatis, vel religionis ligatus, non possit parentibus subuenire, nisi uxorem ducat, teneatur eam ducere?*

**R**ESPONDEO teneri. Ratio est, quia necessitas huius præcepti subueniendi parentibus ita egenis præponderat voto castitatis vel religionis. Obligatio tamen huius voti non exstingueretur, sed suspendere-  
tur executio, donec parentes habeant, unde vivere possint, ac proinde obligaret quatenus necessitati illi non præiudicat. Unde si eo voto castitatis adstrictus cum muliere commisceretur esset sacrilegus, & matrimonio durante non posset petere debitum, nec eo soluto aliud matrimoniū inire, & ligatus religionis voto, soluto matrimonio teneretur ad religionem transire.

## QVÆSTIO CLIV.

*An qui habet fratres, & sorores, nepotes, & alios simili egestate laborantes, possit religionem ingredi?*

**R**ESPONDEO posse. Ratio est, quia quamvis homo cum his habeat necessitudinem, & coniunctionem sanguinis, non tamen habet cum eis obligationem iuris naturalis, sicut cum parentibus, à quibus esse accipit.

## QVÆSTIO CLV.

*An fratres, qui habent sorores periculo impudicitiae expostas, si*

*ab ipsis dimittantur, possint religionem ingredi*

**R**ESPONDEO non posse. Ratio est, quia charitas suadet, ut earum impudicitiam frater caueat. Ita Azor. lb. 12. c. 1. q. 8.

## QVÆSTIO CLVI.

*An sit frater sit voto religionis adstrictus, possit in tali casu eius ingressum differre?*

**E**T quidem certum est, posse quando tempus non est præfixum voto implendo. Quia id vorum absque determinato executionis tempore commissum, obligat vouentem, quam primum commodè poterit: ac non est commoda opportunitas, quando sua præsentia in sæculo necessaria est ad subueniendum tantæ sororum necessitati.

## QVÆSTIO CLVII.

*Sed dubium est, quando tempus executionis voti, est præfixum?*

**S**VNT quidam, qui negant. At ego existimo posse ingressum differre. Ratio est, quia cura sororum auxilio destitutarum fratri incumbens voto ingrediendi statim religionem præponderat. Quod de fratribus non procedit, qui sibi multò facilius, & cum minori periculo, quam fœminæ prospicere possunt. Nec de aliis fœminis consanguineis patientibus idem incontinentiæ periculum. Quia illarum cura non ita ei incumbit.

QVÆST.



## QVÆSTIO CLVIII.

*An si parentes filios habeant in simili necessitate constitutos, possint pratermissa eorum cura, ad religionem transire?*

- R**ESPONDEO non posse. Ratio est, quia maior est obligatio, quam habent parentes ad suos filios, quam è contra habeant filij erga proprios ipsorum parentes: si ergo filij parentibus egestate pressis non possunt ad religionem transire vt dictum est, multò minus parentes poterunt id facere existentibus filiis in eadem necessitate. Quod autem parentes maiorem obligationem habeant erga filios, quam è contra, probatur ex eo quod parentes habent rationem principij, & ideo per se eisdem conuenit filios suos alere, & ipsorum curam habere, non tantum ad tempus, sed per totum vitæ curriculum: Et hoc est quod dixit D. Paul. 1. Corinth. 12. *Parentes debent thesaurizare filiis.* Et ideo ita sentiunt D. Thom. 2. 2. *quæst. ultim. artic. 6.* Nauarr. *comment. 1. de regul. nu. 8.* & Cord. *integ. S. Franc. cap. 2. q. 6. art. 1.*

- 2** Quam opinionem arbitror esse verissimam, quamuis parentes votum religionis emisissent, tenerentur enim non obstante voto minimè ad religionem transire, nisi prouidendo prius qualiter filij educati valeant. Quia votum obligare nequit contra hoc subueniendi præceptum. Quod si omissa filiorum cura parentes iniquè ad religionem migrarent, valeret eorum professio, nec iam professi tenerentur egredi ad eis subueniendum, sed salua obedientia, & sui status decencia, illorum necessitati subuenire, sicut supra diximus de filiis respectu parentum, quia eadem ratio militat.

## QVÆSTIO CLIX.

*Quisnam possit ad nouitiatum admitti?*

**R**ESPONDEO cum omnem, qui compos est rationis, dummodo pubertatis annos expleuerit, posse ad nouitiatum admitti: vt habetur definitum in *cap. Si quilibet. & in cap. Puella 20. q. 1.* Vnde in masculis post 14. annum completum, & in feminis post 12. incipit ætas, in qua quis religionis austeritates explorare potest. Ratio huius est, quia ante annos pubertatis iura non præsumunt eos habere sufficiens iudicium, vt de statu vitæ deliberent, & decernant.

Tum quia antea non possunt experiri difficultates, quas adfert certamen castitatis, quod primum in pubertate sentiri solet.

Hinc, furiosi, & mente capti non possunt ad nouitiatum admitti. Quia nullatenus possunt profiteri, etiam si per centum annos in religione manserint: & si de facto profiteantur, professio eorum erit omnino irrita; non enim possunt profiteri, sicut nec matrimonium contrahere, quia vtrumque liberam voluntatem requirit.

## QVÆSTIO CLX.

*Vi probatio valida sit, & sufficiens ad professionem, quanto tempore durare debeat?*

**R**ESPONDEO per annum post adeptam pubertatem. *cap. ad Apostolicam de regul.* Qui siue in masculis, siue in feminis incipit à die susceptionis habitus, siue ab eodie, quo communem sequuntur aliorum.

aliorum religiosorum vitam, & incipiunt experiri religionis asperitates; ut habetur in c. *Ad nostram*. Et ex Concil. Trident. sess. 25. cap. 15. *de regular.*

2. Hic autem probationis annus à momento in momentum potest, & debet computari, nec expectandus est alter dies, ut professio post annum fieri possit. Ut si habitum probationis accepit primo mensis Septembris post meridiem, non potest eadem die sequentis anni profiteri ante meridiem, sed expectandum est punctum suscepti habitus. Ita Sanch. lib. 1. *de matrimon. dispus.* 16. num. 2. & Less. lib. 2. cap. 41. dub. 7.

### QVÆSTIO CLXI.

*An in anno bissexto duplex dies pro vna debeat computari ad effectum implendi annum probationis?*

- RESPONDEO debere. Ratio est, quia cum hæc materia sit politica, & civilis, politicè, & civiliter de ea loquendum est, neque considerandum quod sit iam completus annus solaris, & naturalis, qui necessariò 365. dies, & sex horas continet, sed spectandus est annus politicus, & civilis, & pro tali inter ciues computatus. Nam novitiatus annus debet esse vnus ex taxatis à Republica, atque ut talis declaratus, id quod communiter servatur in aliis negotiis, atque commerciis humanis.

### QVÆSTIO CLXII.

*An annus, ex quo Gregorius XIII. abtulit decem dies, censeatur integer ad aetatem professioni, vel ordini sacro petitam?*

- RESPONDEO reputari annum integrum, nec supplendas esse

dies illas decem ex alio anno. Ratio est, quia quamvis ille annus 1582. non fuerit annus inter naturaliter, & secundum cursum solarem; fuit tamen integer civiliter, & politicè. Ita Henric. lib. 10. *de sacram. ord.* cap. 19. num. 2. Roder. tom. 3. qq. regul. q. 15. art. 5. Less. lib. 2. *de iust. cap.* 41. dub. 7. & Molina disp. 573.

### QVÆSTIO CLXIII.

*An ut novitiatus sit legitimus, & valeat professio, requiratur ut annus sit continuus?*

ALEX. confil. 54. num. 1. & 19. & Anton. Gomes in Bulla Cruc. clausula quinta num. 7. negant.

At verissima sententia est, cum annum necessariò debere esse continuum. Ratio est, quia quoties ius tempus aliquod petit, id necessariò debet esse continuum, ut ex multis testibus probat Anton. Gomes. tom. 3. var. cap. 1. num. 3. & Sylvest. verb. *religio* 5. q. 4. Ergo cum Trident. sess. 25. *de regul. cap.* 15. absolūtè requiratur integrum novitiatus annum ad probationis valorem, is debet necessariò esse continuus.

Tum quia is annus præscribitur, ut novitiatus integrè, & perfectè austeritates religionis experiatur, & religio illius mores; ut habetur cap. *ad Apostolicam*, 16. *de regular.* Sed inter alias austeritates vna est, ut sine interruptione eas ad annum sustineat, nam difficilior est 40. dierum ieiunia perferre, quam totidem intermiscere. Ita Henric. lib. 13. *de excomm.* cap. 40. num. 2. Roder. p. 2 sum. cap. 8. num. 4. & tom. 3. qq. regul. q. 15. art. 3. Azor. lib. 12. cap. 2. quest. 8. Nauarr. lib. 3. confil. tit. *de regul. conf.* 2. num. 2. & Eminent. Sa verb. *religio* num. 9.

QVÆST.

## QVÆSTIO CLXIV.

*Sed quid, si interpolatio sit modica,  
ut duorum aut trium dierum?*

**F**RANCVS cap. 1. de Regul. n. 3. tenet id interuallum non impedire continuationem ad legitimum nouitiarum requisitam. Quia modicum pro nihilo reputatur, nec moralem continuationem tollit: nec ob id desinit nouitius omnes religionis asperitates moraliter experiri. Eandem opinionem tenet Leonard. lib. 2. c. 41. dub. 7. ubi ait paucorum dierum interpolationem non impedire, quia non minus ideo experitur asperitates religionis, si postea totidem dies, quos intermisit, suppleat.

Contrarium tamen est proculdubio affirmandum, & ratio est, quia tempus petiti ad aliquem actum censetur peti tamquam forma ut probat textus auth. *Que supplicatio c. de precib. imper. offer. ibi Nisi sub hac forma.* At omisso formæ etiam in minimo vitiatur actum. Cum ergo ad professionis valorem petat Trident. annum continuum, quantumvis modicus continuationis defectus illam irritam reddit. Ita Nau. lib. 3. conf. 1. de regul. conf. 42. nu. 4.

## QVÆSTIO CLXV.

*An si nouitius expleto nouitiatus  
anno defereret religionem, &  
postea rediret, egeret nouo probationis anno ad profitemdum?*

**R**ESPONDEO minimè & ratio est, quia iam anno continuo religionis asperitates expertus est: quod solum petitur. Ita Tab. verb. *nouitius* nu. 10. Arm. nu. 12. Syluest. verb. *religio* §. 4. Angel. verb. *nouitius* nu. 95.

D. Anton. 3. p. s. 16. c. 3. §. 2. & Roder. p. 2. sum. c. 8. n. 3. & hom. 3. qq. reg. 9. §. ar. 10. Quod est verum, etsi longum tempus intercesserit, & redeat ad aliud eiusdem religionis, eiusdemque obseruantie monasterium. Quia experientia in vno monasterio satis est ad profitemdum in altero.

## QVÆSTIO CLXVI.

*An sit reuocatum priuilegium Iulij  
11. concessum Minoribus, ut nouitiatus interruptus possit continuari.*

**R**ODER. tom. 3. qq. regul. 7. §. 15. ar. 8. referens multos viros doctos tenet hoc priuilegium per Conc. Trid. sess. 25. de regul. cap. 15. non esse reuocatum: in eo enim tantum definitur quod annus debeat esse integer, non autem, quod debeat esse continuus: sex quo infer. posse hodie omnes religiones priuilegijs Mendicantium fruenter (provt nostra Congregatio fruitur vti hoc priuilegio.

At verò alij censent id priuilegium: esse reuocatum per Conc. Trid. Quia petendo dictum Concilium integrum annum, vult consequenter illum esse continuum, vt constat ex dictis.

Tum quia Concilium vult nouitios experiri omnes religionis asperitates, at potissimum locum inter has asperitates tenet continuatio anni probationis; ergo.

## QVÆSTIO CLXVII.

*An nouitij interdum possint ante  
annum probationis expletum  
profiteri?*

**R**ESPONDEO per priuilegium concessum a Pio V. sanctimonia-  
libus

- 1 libus Ordinis prædicatorum anno 1570. Nouitiz in articulo mortis intra annum probationis, vt consequantur indulgentias, possunt profiteri. Eodem priuilegio quo Nouitiz prædicti Ordinis potiuntur, vt, & frui possunt omnes Nouitij, & Nouitiz cuiuscunque alterius ordinis priuilegium habentis excommunicationis, prout nostra Congregatio habet per concessionem ei factâ à Sixto V. Clem. VIII. & Paulo V. Quod quidè priuilegium non fuit reuocatum à Gregorio XIII. in sua constitut. quæ incipit, *In tanta negotiorum mole*, in qua reuocauit quidquid concessit Pius V. super statu, & regimine sanctimonialium contra ius, & decreta Conc. Trid. Sed potest dici, quod non est reuocatum quoad forum conscientie: nam vt probat Roder. *tom. 1. de Regular. q. 8. art. 9.* à Pio V. fuerunt revalidata in foro conscientie omnia priuilegia quæ erant contra decreta Conc. Trid. per prædecessores suos concessa. Et Greg. XIII. in sua constitut. tantum reuocauit ea quæ Pius concesserat contra supradicta decreta, nolens ea aliquam vim in foro exteriori habere. Et ideo ita sentiunt Henric. *lib. 13. de excommunic. cap. 40. num. 2.* Roder. *tom. 3. de Regul. q. 15. art. 6.* & multi alij.

Addit tamen Rodericus, virtute huius indulti non posse Monasterium succedere in bona Nouitiz sic professæ in præiudicium suorum heredum.

- 3 Quia summus Pontifex solum hoc concessit ad solatium, & consolationem spiritalem ipsius Nouitiz, ne careat beneficio indulgentiarum.

- 4 Sed oppositum est verius. Quia etsi concessionis finis sit consolatio Nouitiz, spiritualisque ipsius fructus, & nulla successione Monasterij in bona mentio ibi fiat: at ubi semel virtute illius indulti professæ est, redditur verò in posterum professæ, nec ad pristinam

sanitatem restituta indiget alia professione, sed fruetur omnibus professionum priuilegiis. At eo ipso quod aliquis proficitur, succedit Monasterium ipsi. Quare Pontifex nulli iuri alterius in hoc derogat, ius enim venientium ab intestato est, vt ea moniali decedente Nouitia, & intestata ipsi succedant. Quando autem virtute priuilegij proficitur, non decedit Nouitia. Et ideo ita tenet frater Michael Zanard. in suo directorio Theolog. p. 2. cap. 17.

## QUESTIO CLXVIII

*An annus Nouitiorum ex causa iusta possit prorogari?*

**M**VLTIS visum est, id fieri non posse. Quia in Conc. Trid. *sess. 25. de Regular. cap. 16.* habetur, quod finito nouitiatu tempore, superiores Nouitios, quos habiles inuenerint ad profitendum admittant, aut de Monasterio eos eiciant.

Sed contrarium tenent Roder. *tom. 3. de Regular. q. 17. art. 10.* Nauar. *lib. 1. cons. tit. de officio iudicis cons. ult.* & Azor. *lib. 12. cap. 18.* Et merito quidem, quia à iure antiquo non est discedendum, nisi quatenus per nouum est aliquid expresse renouatum: sed de iure antiquo annus Nouitiorum ex causa poterat prolongari, nec per præfatum Conc. hoc est expresse innouatum, aut reuocatum: ergo dicendum est, quod etiam nunc licet iusta aliqua interueniente causa. Maior propositio per se patet. Minor vero probatur, nam Conc. Trid. non dicit, quod finito nouitiatu anno, superiores quos habiles inuenerint ad professionem admittere teneantur, sed tantummodo quod eos ad profitendum admittant, aut de Monasterio expel

expellant. Et sic Conc. loquitur de his qui sunt ad professionem idonei, nec subest iusta causa ipsum dilatandi, vt teste Leonardo *lib. 2. de iust. cap. 41. dub. 7.* Sacra congregatio declarauit. Vnde Roder. *tom. 1. cap. 8. num. 3.* dicit, subscribentibus viris doctissimis Salmantinis dilatam esse in ordine Minorum professionem cuiusdam Nouitij donec 10. annos expleret. Quod ea ætate opus fuerit, vt de quibusdam bonis ad subueniendum matri indigenti disponere possent. Et *tom. 1. de Regul. q. 17. art. 20.* ait in ordine Minorum posse differri professionem, donec Nouitij 18. annum inceptum habeant.

Illud tamen est aduertendum, quod Concilium loquitur de Nouitiis virorum educatis, non autem de nouitiabus, vt ex eius litera satis patet, ibi. *3. Nouitios quos habiles inuenerint: & quando de vtriusque generis nouitiis disponere voluit, dixit Nouitij, vel Nouitia vt in eod. cap. 16. ibi: Excepto vultu, vel vestitu Nouitij, vel Nouitia, & c. 15. ibi, In quacumque Religione tam virorum, quam mulierum.* Atque ita seruat vsus: sepe enim Monialium professio differtur, donec dotem competentem habeant.

### QVÆSTIO CLXIX.

*An Nouitij Ordinum Militarium possint profiteri ante 16. annum nouitiatum?*

**R**ESPONDEO posse: vt tenet Nauar. *lib. 3. cons. tit. de Regular. cons. 23. num. 10. & Azor. lib. 13. cap. 4. q. 2.* vbi ait sic declarasse Congregationem Cardinalium, atque solitos esse eos profiteri statim ac 13. annum excedunt, & ante nouitiatum annum.

### QVÆSTIO CLXX.

*An ex peculiari aliqua causa Nouitius, & Monasterium possint anno nouitiatu renunciare?*

**H**ENRIQ. *lib. 13. de excommunicat. cap. 40. num. 2.* affirmat, posse. At dicendum est, nullatenus id fieri posse, & ita omnium Religionum praxis vbique testatur: & colligitur expressè ex Conc. Trid. *sess. 25. cap. 15. de Regul.* vbi decretum est, ne professio emittatur ante 16. annum expletum, nec qui minore tempore, quam per annum post susceptum habitum in probatione steterit, ad professionem admittatur. Et ideo ita tenent Roder. *tom. 3. de Reg. q. 15. art. 7.* Azor. *lib. 12. cap. 4. quest. 9.* & Sanch. *lib. 5. cap. 4. num. 18.*

### QVÆSTIO CLXXI.

*An possit Nouitius cedere iuri suo vt nouitiatu ante legitimam ætatem fiat?*

**R**ESPONDEO non posse. Et ratio est, quia nulli integrum est cedere iuri suo quoad ætatem ad professionem requisitam: ergo nec quoad ætatem petitam ad nouitiatum. Neutra enim in solius Nouitij fauorem statuta est.

### QVÆSTIO CLXXII.

*An valeat professio, habito nouitiatu ante legitimam ætatem?*

**R**ESPONDEO non valere. Ratio est, quia cum talis nouitiatu non sit validus, nec sufficiens ad experientias religionis difficultates; petinde est, ac si eo non præmissa professio emitteretur.

QVÆST.

## QVÆSTIO CLXXIII.

*An ingressus ante pubertatis annos, gaudeat Novitiorum privilegiū, ita ut ipsum percussus sit excommunicatus?*

**R**ESPONDEO gaudere. Ratio est, quia, quamvis admissus ad religionem ante legitimam ætatem, non sit propriè Novitius, sed largè; cum tamen valeat ingressus, gaudebit privilegio canonis *cap. De religioso de sentent. excomm. in 6.* vt ipsum percussus sit excommunicatus. Ita Palud. in 4. d. 39. q. 3. & Angel. verb. novitium nu. 21.

Quod temperat Sanch. lib. 5. de calogi cap. 4. num. 24. nisi iuxta ordinis 2. statuta impubes admitti nequeat. Quia cum admissio sit irrita, nullo privilegio admissus gaudebit. Et idem sentio quando ante vsum rationis admissus esset, quia tunc nec largè esset Novitius, donec adepto rationis vsum consentiat.

## QVÆSTIO CLXXIV.

*An Novitius etiam si prima tonsura careat, gaudeat privilegio canonis Si quis suadente, 17. quæst. 4.*

**R**ESPONDEO cum gaudere, ita vt si quis in eum violentas manus iniecerit, excommunicationem incurrat, vt habetur in c. Relig. 9. Quamvis de sententia excomm. in 6. Quo fit, vt Novitius causa, & gratia religionis gaudeat etiam privilegio fori, cum coram iudice seculari conveniri nequeat. Quia quamdiu in probatione persistit, in numero Ecclesiasticorum censetur. Ita Azor. lib. 1. 2. q. 2.

## QVÆSTIO CLXXV.

*An Novitij qui non sunt aliquo ordine insigniti, sint à solutione gabellarum immunes?*

**R**ESPONDEO esse immunes. Ratio est, quia Novitij ad religionem admissi sunt pars eius communitalis, quæ verè Ecclesiastica est, ac proinde tanquam personæ Ecclesiasticæ reputandi. Ita Molina tom. 3. disp. 671. numero 2.

## QVÆSTIO CLXXVI.

*An novitatus sit necessariò in Monasterio peragendus?*

**R**ESPONDEO minimè. Et ratio est, quia religiosus, qui de Prælati sui licentia extra monasterium degit, censetur in Monasterio commorari, cum ibi sit sub sui Prælati obedientia. Ita Nauar. lib. 3. cons. tit. de electio non residemibus cons. 10. & tit. de regul. cons. 42. vbi ait ita censuisse Congregationem Cardinalium. Emm. Sà verb. religio num. 9. & 53 Azor. lib. 1. 2. cap. 2. q. 8. & cap. 3. q. 7. & Roder. 2. p. sum. cap. 8. num. 4. & tom. 3. qq. regul. q. 15. art. 10. & alij.

Hoc tamen limitat primò Roder. quando mora extra monasterium de superioris licentia esset modica, vt per vnum vel duos menses, quia si diutior esset, interrumpere novitatum. Ratio est, quia Novitius ingressus est religionem, non solùm vt ipse religionis asperitates experiatur, sed etiam vt religio morum ipsius experientiam sumat. At si Novitius diutius extra monasterium maneat, non potest religionis asperitates experi, nec religio mores ipsius.

Scd

Sed hæc limitatio non placet, nam Syluest. *verb. religio* 3. q. 19. Angel. *verb. Nouitius* num. 12. Tab. *quest. 5. num. 6.* Nauarr. *Comment. 4. de regul. num. 74. & lib. 3. confutatio*, & Azor. *vbi supra* indistinctè aiunt, satisfacere Nouitium manendo extra monasterium de licentia Prælati. Et Nauarr. loquitur expresse de Nouitio qui sesquimense solo in monasterio permanfit, & reliquo extra illud de licentia Prælati. Et Azorius loquitur expresse de Nouitio qui toto nouitatus tempore extra monasterium commoratur de licentia Prælati.

- 4 Secundò limitat idem Roder. vt habeat locum in solis masculis nouitiis, quia cùm præcipua Monialium asperitas sit clausura, ea vtiq; ad professionis valorem est necessariò experienda.

Nec hæc limitatio placet, quia supradicti Doctores loquuntur indistinctè de cuiuscumque generis nouitiis, & fundamentum eorum æquè militat in masculis, & in Monialibus. Nec est necessarium, vt Nouitius, vel Nouitia omnes in specie religionis asperitates experiatur, nec consequenter vt religio omnes eius mores in specie experiatur: & satis experitur ad professionis valorem, dum Nouitius ita obediens est, vt extra monasterium sub superioris obedientia permaneat, paratus ad nutum eius, ad Monasterium redire.

## QVÆSTIO CLXXVII.

*An religionis habitus sit de essentia nouitatus?*

- 1 **A**BBAS cap. Super eo, in fine de regul. Henricus cap. fin. num. 5. qui cler. & Greg. Lop. l. 3. fine 1. 7 p. 1. negant, ducunturque ex cap. Legem de 33, & cap. Multos d. 54. vbi Greg. Papa

expresse dicit Nouitios in laicali veste probandos esse: ergo habitus religionis non est de essentia nouitatus.

Communis tamen, ac verissima sententia est, habitum religionis esse de essentia nouitatus. Ratio est, quia in vestitu religionis deferendo, est quædam vitæ austeritas, quam Nouitius iure cogitur experiri, si vult profiteri.

Tum quia religionum vsus id testatur.

Et est conclusio definita à Concil. Trident. *sess. 25. cap. 15. vbi* decernitur, annum probationis ad professionis valorem numerandum esse à die susceptionis habitus. Et ideo ita testent Roder. *tom. 3. qq. regular. quest. 15. art. 9.* Azor. *tom. 1. institut. moral. lib. 12. cap. 2. question. 9.* & alij communiter.

Et ad iura in contrarium adducta respondeo, ea vsu abolita esse, vel nomine vestis laicalis intelligere Nouitiorum vestem, quam laicalem vocant, quia à veste professorum distinguitur.

## QVÆSTIO CLXXVIII.

*An Nouitij possint de suis bonis disponere?*

**R**ESPONDEO posse, vt constat ex Concil. Trident. *sess. 15. cap. 16.* vbi sic habetur. *Nulla quoque renuntiatio, aut obligatio antea facta, etiam cum iuramento, vel in fauorem cuiuscumque causa pia, valeat, nisi cum licentia Episcopi, sine cuius vicarij fiat, intra duos menses proximos ante professionem, ac non alijs intelligatur effectum suum sortiri, nisi secuta professione: aliter verò facta, etiam si cum huius fauoris expressa renuntiatione, etiam iurata, sit irrita, & nullius effectus.*

- 2 Ex quo colligitur duo necessario requiri ad hoc vt huiusmodi renunciationes, aut donationes sint validæ. Primò vt fiant cum licentia Episcopi, seu eius vicarij.

Secundò, vt fiant intra bimestre ante professionem.

### QVÆSTIO CLXXIX.

*Quid nomine obligationis hoc loco intelligatur?*

- 1 **R**ESPONDEO nomine obligationis intelligi omnes contractus lucrativos, vt sunt donationes, & renunciationes, & etiam lucrativos, in quibus non tantum recipitur, quantum datur, in quibus omnibus exigitur solemnitas huius decreti, vt valeant. Quando autem tantum recipitur, quantum datur, vt contingit in contractibus emptionis, venditionis, permutationis, non comprehenduntur in hoc decreto, ac proinde à Nouitio celebrari possunt sine solemnitate illa. Ratio huius decreti est, ne Nouitius patrimonio destitutus cogatur hac occasione profiteri. Roder. tom. 2. sum. cap. 7. num. 4.

### QVÆSTIO CLXXX.

*An nomine renunciationis, & obligationis, donatio inter viuos comprehendatur?*

- 1 **R**ESPONDEO comprehendit. Ratio est, quia etsi donatio non sit propriè renunciatio, est tamen quædam renunciationis species. Tum quia donans obligatur ad rem irreuocabiler tradendam: donatio ergo sub nomine obligationis intelligitur.

Tum quia finis Concilij non minus habet locum in donatione, quam in renunciatione: æquè enim vtraque libero Nouitij egressui obstat. Nauarr. Comment. 2. de regul. num. 51. Molina tom. 1. d. 139. Roder. p. 1. sum. cap. 90. num. 1. & p. 2. cap. 7. num. 8. Emman. Sa ver. religio num. 5. & Vega 2. tom. sum. cap. 50. casu 3.

Quam doctrinam censeo esse veram, quando donatio est de re alicuius momenti, attentis facultatibus Nouitij. Quod expressè colligitur ex cod. decreto, ibi. *Ne hac occasione discedere nequeat, quod totam, vel maiorem partem substantia sua Monasterium possideat, nec facile, si discesserit, recuperare possit.* Vnde sicut non prohibetur nouitio moderatam elemosynam pauperi elargiri, nec ad id aliqua solemnitas desideratur, ita nec modica elemosyna erogata Monasterio, ipsi prohibetur.

### QVÆSTIO CLXXXI.

*An Nouitius habens beneficium Ecclesiasticum possit valide illi rennunciare, non seruata solemnitate huius decreti?*

- 1 **R**ESPONDEO non posse. Ratio est, quia id Tridentini decretum in vniuersum agit de renunciatione. Tum quia eius finis in hac quoque renunciatione æquè locum habet, ac in renunciatione bonorum temporalium, nempe ne ea ratione Nouitius retardetur à libero egressu; videns si egrediatur, se non potiri bonis antea possessis: ergo vt talis renunciatio sit valida, opus est vt fiat cum licentia ordinarij intra bimestre ante professionem.

Dices: talis renunciatio non caret nota simoniz, si fiat cum pacto, quod si non



ſi non ſequatur profeſſio, teneatur iſ in cuius fauorem facta fuit, reddere ei iterum præſatum beneficium.

Reſpondeo etſi non liceat renuncianti, conditionem non tacite ſubintellectam apponere; ac conditiones quæ tacite in iuris præſcripto inſunt, optimè admittit beneficij collatio, atque ea conditione deficientem eſt temporalis: vt collatio beneficij curati facta non Sacerdoti eam habet conditionem, vt iſ intra annum ad Sacerdotium aſcendat, & ex hac conditione pendet, vt ea collatio ſit perpetua, vacar enim elapſo anno ea non impleta, vt colligitur ex cap. *Licet can. de elect. in 6.* Vnde nullum eſt inconueniens, ſi renunciatio beneficij à Nouitio facta cum prædicta ſolemnitate habeat tacitam conditionem ex præſcripto huius decreti Tridentini, ſi profeſſio ſequatur, & perpetuam eſſe talem renunciationem, pendere ex hac conditione. Et ideo hanc opinionem tenet Flam. de reſignat. benef. lib. 3. quaſt. 13. num. 5. 6. & 7. vbi addit ſic ſæpe reſpondiſſe ſacram congregationem Cardinalium.

## QVÆSTIO CLXXXII.

*An Nouitiu poſſit cum ſolemnitate ad id iure requiſita, renunciare beneficio cuius titulo eſt ad ſacros ordines promotus?*

**F**LAM. de reſignat. benef. lib. 3. q. 13. num. 9. negat, niſi de ſua profeſſione ſit certus.

Sed multo verius exiſtimo poſſe, etſi aliunde alia bona non habeat, vnde commodè viuere poſſit, dummodo iuxta Tridentini decretum ſeſſ. 21. cap. 2. in tali renunciatione fiat mentio, eius titulo Nouitium eſſe ad ſa-

cros promotum. Et ratio eſt, quia talis renunciatio eam habet conditionem tacitam, ſi profeſſio ſequatur, & ea non ſecuta, reddatur Nouitio.

## QVÆSTIO CLXXXIII.

*An ſecularis ante habitus ſuſceptionem poſſit validè de ſuis bonis diſponere?*

**E**T quidem ſi iſ non habens animum ingrediendi religionem bonis renunciaret, aut aliam donationem faciat, talis renunciatio, ſeu donatio valet, nec de ea loquitur Tridentinum, cum nullus religionis reſpectus tunc temporis habeatur.

Sed tota controuerſia verſatur de eo, qui ante ſuſceptionem habitus, intuitu tamen ingreſſus religionis, bonis renunciat.

Sunt quidam qui negant hanc poſſe validè de ſuis bonis diſponere. Ita Nauarr. lib. 3. conſil. in 1. edit. ſit. de donat. conſ. 7. & 8. & in 2. 1. de regular. conſ. 81. & 82. Molina tom. 1. d. 149. Lop. lib. 2. de contract. cap. 39. Roder. tom. 2. qq. regul. quaſtion. 47. artic. 8. Leſſ. lib. 2. cap. 41. dub. 4. Sa verb. religio numer. 5. & Flam. de reſignat. benef. lib. 3. quaſtion. 13. numer. 9. vbi ait ſic cenſuiſſe ſacram Congregationem Cardinalium.

Alij verò rectius affirmant poſſe. Et ratio eſt, quia Concilium Tridentinum expreſſè loquitur de Nouitiis, qui ſunt perſonæ Eccleſiaſticae, ac proinde ſubiecti legibus Eccleſiaſticis quoad bonorum diſpoſitionem: ergo non debet extendi ad perſonas ſæculares, quales ſunt nondum ingreſſi. Atque ita tenent Mendos. conſ. 22. n. 8. & 9. volum. 1. Roder. 10. 3. qq. regul. art. 1. Vega 10. 1. cap. 91. caſu 4. Paſſarellus

*n compendio privilegiorum Minorum capit. 37. ubi ait ita sibi respondisse Congregationē Cardinalium. Et hanc opinionem censet esse probabilem Nauarr. lib. 3. conf. in 1. edit. t. de donat. conf. 8. num. 1. in 2. de regul. conf. 81. num. 1.*

## QVÆSTIO CLXXXIV.

*An donatio facta à Nouitio cum huius decreti solemnitate, possit ante professionem reuocari?*

**R**ESPONDEO non posse. Ratio est, quia si ea donatio esset reuocabilis, posset quocumque tempore fieri absque solemnitate ad id iure requisita, vt ex infra dicendis magis patebit; At Concilium Tridentinum vult eam donationem cum prædicta solemnitate fieri, quia est sua natura irreuocabilis, nisi deficiat conditio.

**T**um quia donatio conditionalis non potest pendente conditione reuocari, vt post alios, doctē suo more tradit Molina tom. 2. de iust. d. 285. Atqui huiusmodi donatio est condicionalis: ergo.

## QVÆSTIO CLXXXV.

*An donatio seu renunciatio bonorum temporalium facta à Nouitio statim post susceptum habitum, ea conditione, vt sit irrita non secuta professione, sit valida?*

**M**OLINA tom. 1. de iust. d. 149. tenet eam esse validam. Quia Concilium tantum intendit prohibere illas donationes seu renunciationes, per quas Nouitij depauperantur, in eumque statum deueniunt, quo postea egestate pressi, profiteri cogan-

tur inuiti, quod non contingit in donatione prædicta, cum non secuta professione, sit ipso facto irrita, sicut hac ratione valere testamentum Nouitij dicemus infra.

At Nauarr. lib. 3. conf. in 1. edit. tit. de donat. conf. 7. num. 2. & in 2. t. de regul. conf. 82. & Roder. p. 1. summ. cap. 90. num. 1. rectius docent eam esse irritam, & nullius valoris, etiam si iuramento sit firmata, quod expressè constat ex prædicto Conc. Trid. sess. 25. cap. 16. ubi absolutè dicitur, omnes donationes, & renunciationes aliter factas, quàm vt ibi exprimitur, esse inuvalidas, & nullius momenti.

Et confirmatur, nam etiam donationi factæ cum solemnitate decreti Tridentini inest tacitè ea conditio, vt professione nondum secuta, sit prorsus nullius valoris, vt expressè definitur in eo decreto, & nihilominus ea solemnitas est necessaria: ergo idem erit ea conditione expressa, cum taciti, & expressi idem sit iudicium.

Nec obstat ratio in contrarium adducta, quia dispar est ratio de testamento, ac de illa donatione, quia testamentum potest semper reuocari, at donatio illa cum sit inter viuos reuocari nequit, nisi egresso Nouitio à religione. Vnde licet non contraueniat libertati egressus, contrauenit tamen maturitati, quā in his donationib<sup>us</sup> alias irreuocabilibus, quam per egressum Nouitij petit Tridentinum: nempe vt non statim fiant, sed bimestri proximo professioni, & cum licentia ordinarij.

## QVÆSTIO CLXXXVI.

*Sed dubia questionis est: An si non sequatur professio, quia mortuus est nouitius, antequam eam faceret, habeat vim & effectum donationis?*

**P**AULVS Fuf. de uifitatione Epifcoporum lib. 2. cap. 14. num. 67. affir-  
mat eam firmam manere.

Sed omnino dicendum eft, eam  
donationem effe irritam, & nul-  
lam. Quia etfi attento iure an-  
quo res hæc erat fub iudice, & erat  
valde probabile eam non effe irri-  
tam, cum nullibi reperitur eam  
donationem reuocari non fecura pro-  
fessione, fed ex præfumpta donan-  
tis voluntate id colligebatur; ergo  
cum ea conditio fit in hoc Tridentini  
decreto expreffa, tenendum eft, ea non  
impleta, fed fecuta morte ante profes-  
sionem euaneſcere donationem illam.  
Ita ſentiunt Nauar. lib. 3. conf. in 1.  
edit. de ſtatu monach. conf. 1. Roderic.  
tom. 3. qq. regul. quæſt. 47. art. 12. & p. 2.  
ſumm. cap. 90. num. 6. Vega tom. 1. ſum.  
cap. 91. caſu 4. Emm. Sâ verb. religio  
num. 7. Mol. tom. 1. d. 140. & Paſſarell.  
in priuileg. Minor. cap. 37. vbi ait ſic ſi-  
bi reſpondiſſe Congregationem Car-  
dinalium.

Ex quo ſequitur talem donatio-  
nem factam cum huius decreti ſo-  
lemnitate, etſi ſit irreuocabilis ſecuta  
morte, poſſe tamen à Nouitio reuoca-  
ri teſtando, vt videlicet habeat effe-  
ctum talis reuocatio, caſu quo Noui-  
tius moriatur ante profefſionem, quia  
cum eo euentu ea donatio euaneſcat,  
eſt perinde, ac ſi facta non fuiſſet: er-  
go integrum eſt Nouitio de iis bonis  
aliter diſponere, in euentum mortis  
ante profefſionem. Nec talis diſpoſi-  
tio indiget ſolemnitate huius decreti,  
cum ſit vltima voluntas. Ita Roder.  
vbi ſupra.

## QVÆSTIO CLXXXVII.

*An vt donatio Nouitij facta cum  
ſolemnitate huius decreti ſit fir-*

*ma, requiratur vt profefſio ſit  
valida?*

**R**ESPONDEO requiri profefſio-  
nem validam. Et ratio eſt, quia  
Tridentinum in eo loco petit, ad eius  
donationis firmitatem profefſionem;  
at verba ſunt intelligenda cum ef-  
fectu.

Tum quia Tridentinum voluit, vt  
egreſſus Nouitiorum ſit liber: at dum  
profefſio eſt irrita, profitens eſt verè  
Nouitius & licitè egredi poteſt: ergo  
non eſt valida ea donatio, niſi ſecuta  
profefſione valida. Et ita tenet Roder.  
2. p. ſum. cap. 7. num. 6. & Lop. lib. 2. de  
contraſt. cap. 39. qui cenſet id eſſe ve-  
rum, etiam ſi ſciens profefſionem eſſe  
nullam, eam donationem faciãt.

## QVÆST. CLXXXVIII.

*An Nouitius poſſit, quouumque  
tempore voluerit, teſtamen-  
tum condere?*

**R**ESPONDEO poſſe. Ratio eſt,  
quia Tridentinum de ſolis re-  
nunciatione, & obligatione loquitur.  
At teſtamentum nec renunciatio, nec  
obligatio dicitur.

Tum quia ſinis huius decreti eſt,  
ne Nouitius videns ſe eſſe expolia-  
tum ſuis bonis cogatur in religione  
inuitus remanere: quod non contin-  
git in teſtamento, cum ante profefſio-  
nem poſſit illud ſemper reuocare. Ita  
Nauar. Com. 2. de regul. num. 51. Moli-  
na tom. 1. d. 149. & tom. 3. d. 604. Ro-  
der. tom. 2. quæſt. 47. art. 10. Leſſ. lib. 2.  
cap. 41. d. 4. num. 40. Azor. lib. 12.  
cap. 2. quæſt. 14. & lib. 13. cap. 9. quæſt. 2.  
Emman. Sâ verb. religio num. 5. & Vega  
tom. 1. ſum. cap. 91. caſu 4.

## QVÆSTIO CLXXXIX.

*An donatio causa mortis facta à Nouitio post susceptum habitum, absque forma in eo decreto præscripta, sit valida?*

**N**A V A R. lib. 3. consil. in 2. edit. sit. de regular. conf. 83. num. 2. & 3. negat.

Sed verius est, valere. Ratio est, quia Concilium Tridentinum tantum loquitur, atque intendit prohibere illas donationes, & renunciationes inter viuos, quæ cum sint irreuocabiles, solent esse causa, vt aliquis videns se esse depauperatum profiteri cogatur inuitus: quod non contingit in testamentis, & donationibus causa mortis factis, cum ea, Nouitius existens in religione ante professionem, & exiens ab ea optimè reuocare possit. Ita Roder. p. 1. sum. cap. 90. num. 3. Guttier. in repetit. cap. Quamuis pactam f. 151. de pactis lib. 6. & alij communiter. Quod limitat Idem Roder. par. 2. sum. cap. 7. num. 8. nisi Nouitius hæc faciat, disponens in eis de omnibus suis bonis in fraudem huius decreti.

<sup>3</sup> Sed hæc limitatio (pace tanti viri sit dictum) non mihi placet. Quia cum id decretum solum de donationibus irreuocabilibus, quæ libero Nouitij egressui obstant, loquatur, nulla fraus aduersus id decretum admitti potest condendo testamentum, & faciendo donationem causa mortis, quæ suapte natura sunt reuocabilia.

## QVÆSTIO CXC.

*An Nouitio exeunti à religione ante professionem, debeant restitui*

*omnia bona sua quæ in monasterium intulerat?*

**R**ESPONDEO debere iuxta Concilij Tridentini decretum sess. 15. cap. 16. de regul. Hoc autem debet intelligi vna cum fructibus inde perceptis, quia omnes illi pertinent ad bona Nouitij: vt bene Azor. lib. 13. cap. 9. q. 2. annotauit.

## QVÆSTIO CXCI.

*An Nouitius à monasterio discendens, teneatur soluere sumptus, quos in eo alendo, monasterium fecit?*

**R**ESPONDEO non teneri. Et ratio est, quia probatio est in bonum vtriusque.

Tum quia si monasterium eum aluit, ipse quoque monasterio inseruiuit: & per accidens est, si ratione morbi, aut alia causa non inseruiat, aut sumptus mercedem laboris excedant: nam si labor excederet expensas, non haberet ius Nouitius mercedis excessum exigendi.

## QVÆSTIO CXCI.

*An necessario huiusmodi renuntiatio fieri debeat integro bimestri ante professionem?*

**R**ESPONDEO non requiri, sed satis esse, vt toto eo bimestri ante professionem fiat, quamuis immediatè ante professionem. Quia decretum dicit intra duos menses proximis ante professionem.

Tum quia finis eius decreti fuit, vt

ut hæc maiori cum deliberatione, ac libertate renunciatio fiat: at eo maior est deliberatio, quo longius est novitatus tempus, ac professioni proximus.

### QVÆSTIO CXCIH.

*An id bimestre debeat esse mathematicum, & de momento in momentum computandum?*

**L**ÆLIUS Zecchius de Republica Ecclesiastica tit. de regular. cap. 3. num. 14. & Thoni. Zerola in praxi Episcop. p. 1. vers. monach. in fine. censent id bimestre non debere esse mathematicum, sed morale. Ex quo inferunt eam renunciationem non esse irritam, si paulò ante id bimestre fiat.

**2** Cæterum multò verius est, hos duos menses numerandos esse de momento in momentum prout agentes de anno probationis diximus *supra*.

Tum quia id decretum disponit à quo tempore illud bimestre incipere debeat, nempe à die professionis futuræ in quo casu computatur dies de momento in momentum, ut latè probat Sanches lib. 2. de matrim. d. 24. num. 15.

**3** At si postea professio differatur, talis donatio tunc facta tenet. Quia Concilium petens renunciationem fieri intra duos menses professioni proximos, intelligitur de bimestri proximo tempore, quo regulariter professio fieri solet.

Tum quia in hac donatione saluatur mens Concilij, quæ fuit, ne temerè Novitius se suis bonis spoliaret, sed quando maturo consilio expertus est decem mensibus religionis austeritates.

### QVÆSTIO CXCIV.

*An Episcopus confirmatus, nondum tamen consecratus possit hanc licentiam concedere?*

**R**ESPONDEO posse. Ratio est, quia à tempore confirmationis incipit habere iurisdictionem. At huiusmodi licentiam concedere est actus iurisdictionis, ut constat: ergo.

### QVÆSTIO CXCV.

*An Capitulum, sede vacante, possit eandem licentiam concedere?*

**R**ESPONDEO posse. Ratio est, quia Capitulum succedit in locum Episcopi.

### QVÆSTIO CXCVI.

*An Abbates, & alij Prælati nulli Episcopo subiecti, in suis diocesis possint hanc licentiam concedere?*

**R**ESPONDEO posse. Ratio est, quia isti in suis diocesis habent iurisdictionem quasi Episcopalem.

### QVÆSTIO CXCVII.

*An Vicarius Capituli, sede vacante, possit hanc licentiam concedere?*

**E**T videtur quod non, quia Tridentinum expressè loquitur de Vicario Episcopi.

At nihilominus dicendum est posse. Ratio est, quia in eo decreto nomi

nomine Vicarij Episcopi, intelligitur Vicarius habentis iurisdictionem Episcopalem, qualis est Vicarius Capituli sede vacante.

### QVÆST. CXCVIII.

*An Vicarius foraneus possit hanc licentiam concedere?*

**R**ESPONDEO non posse. Ratio est, quia cum analogum simpliciter prolatū intelligatur pro primo analogato, nomine Vicarij absolute prolato in Concilio Tridentino solus Vicarius Generalis Episcopi, qui ordinarius est, & simpliciter Vicarius appellatur, intelligitur; non autem Vicarius foraneus, qui est Vicarius delegatus, & Vicarius secundum quid appellatur.

### QVÆSTIO CXCIX.

*An hac licentia possit delegari?*

**R**ESPONDEO posse. Et ratio est, quia cum hæc iurdictio sit ordinaria utpote annexa perpetuo non personæ, sed officio, potest utique aliis delegari.

### QVÆSTIO CC.

*An ea licentia debeat esse in scriptis?*

**R**ESPONDEO minimè. Et ratio est, quia decretum de nulla scriptura mentionem facit, & ubi in scripturis eam fieri voluit id expressit, ut fecit eadem sess. 24. c. 5. agens de ingredientibus monasteria monialium.

### QVÆSTIO CCI.

*An hac licentia debeat esse obtenta?*

**R**ESPONDEO debere esse obtentam. Ratio est, quia Conc. Tridentinum dicit, ut id fiat cum licentia. At non dicitur aliquid fieri cum licentia, quando ea solum petita est, & ubi tantum petita esse voluit, id expressit, ut fecit cap. *Lires de Regul.* agens de transcurrentibus ad strictiorem religionem.

### QVÆSTIO CCII.

*An Nouitius statuta Religionis seruare teneatur?*

**S**ARMIENTO lib. 1. select. cap. 5. num. 9. censet Nouitium non teneri ad statuta Religionis ratione voti, aut præcepti, quod Regula, & statutum ordinis præscripsit; at verò superioris præcepto ligari, & cogi posse, non quidem absolute, quia liberè potest à Religione discedere, sed si in probatione persistere velit, cui si non subiiciat se, nequit commodè gubernari, & probari: debet item præcepta, & statuta Religionis seruare, ut vires suas probet, & assuecat illorum obseruationi alioqui eius probatio non erit professioni idonea.

Sed omnino dicendum est, cum præceptis, & statutis Religionis, & eius superiorum non adstringi. Quia nondum in Religiosorum contubernium, & sodalitium admissus est, sed in probatione versatur ad experiendum vires suas, sicut catechumenus Ecclesiæ legibus non tenetur, donec perfectè per Baptismum in Ecclesiæ gremium admissus sit. Et ideo tenent Henric. lib. 7. de indulg. c. 22. §. 7. lib. 6. de penitent. cap. 6. num. 3. Azor. lib. 1. c. 2. §. 10: Roder. 10. de Regul. q. 21. art. ult. & Emm. Sà verb. Relig. num. 8.

Nec obstat argumentum in contrarium adductum, quia solum probat decentissimum esse Nouitiū ea statuta

Reli

Religionis obſervare, non autem probat teneri, quia adhuc non eſt Religioſus effectus.

### QVÆSTIO CCIII.

*An caſum reſervatio in Religione comprehendat etiam Novitios?*

**S**VNT quidam qui tenent, abſolute & ſimpliciter non comprehendere. Quia ſi à religione diſcedunt, abſolui citra ſuperioris aſſenſum poſſunt: ſed ex hypotheſi, ſi in probatione perfeverare velint tenentur ſuperiori ſubefſe, ac proinde poterit præcipere, ne abſque eius licentia quis Novitios à caſibus reſervatis abſolvat.

**A**t verò Azor. lib. 12. cap. 2. queſt. 10. Hugol. de offic. & poteſtate Episcopii par. 2. fol. 53. Emma. Sa verb. caſui nu. 8. & multi alij rectius docent eos non comprehendere, cum non ligen- tur ſtatutis Religionis in ſuum præiudicium.

### QVÆSTIO CCIV.

*An novitius delinquens incurrat in pœnas, & cenſuras, quas Religio- nis ſtatuta delinquentibus impo- nunt?*

**R**ESPONDEO non incurtere, ſicut non incurrit catechumenus in pœnas legibus eccleſiaſticis ſtatutas ante receptionem Baptiſmi: quia ut hic nondum eſt admiſſus in Eccleſiam, ita nec ille in religionem, ſed uterque adhuc foris eſt. Ita Henrîq. lib. 7. de indulgen. cap. 22. num. 7.

Azor. libro 12. capite 2.

quaſtio 12. & alij ſupra citati.

### QVÆSTIO CCV.

*An novitij poſſint à Religionis Præ- lato excommunicari?*

**S**VNT multi, qui tenent partem af- firmativam, quam ſic probant, quia iſ ſuperior poteſt excommunicare, qui iurisdictionem in foro externo habet. At ea potitur religionis Prælatuſ in Novitios dum in religione perfeve- rare volunt: ergo.

Oppoſitum tamen eſt verius: nam excommunicatio non poteſt fieri niſi ob delictum futurum ratione contumacie non obediendi. At prælatuſ religionis non poteſt ſuo præcepto No- vitios obligare ut diximus: ergo.

### QVÆSTIO CCVI.

*An novitius delinquens à mona- ſterij ſuperiore puniri debeat?*

**I**N qua re convenit inter omnes, Novitium puniri debere à religio- nis ſuperiore, ſi contra regulam, & cæ- tera religionis ſtatuta peccet.

### QVÆSTIO CCVII.

*Sed dubium eſt, quando delicta ſunt civilia, vel criminalia ut homicidium, adulterium &c.*

**N**ONnulli negant, ex eo quod Novitius nondum ſit religioſus effectus.

Alij verò rectius docent eum, ſi manere velit in religione, eſſe punien- dum à Prælato regulari. Quia hodie

Ccc omnes

omnes religiosorum ordines sunt Romano Pontifici immediatè subiecti. Et ideo ita tenent Nauar. *com. 2. de regul. num. 63.* Roder. *tom. 2. qq. regular. qu. 2. art. 10.* & Azor. *lib. 1. 2. cap. 2. quest. 11.*

Hinc, non mihi placet quod docet Nauar. *lib. 3. consil. 2. edit. titulo de foro competentis cons. 5. num. 2.* ubi ait posse Nouitium puniri à suo Prælato regulari, vel à Iudice ecclesiastico.

- 3 Nec est audiendus Sylue. *verb. religio 5. quest. 7.* qui ait Nouitium non posse puniri à Religionis Prælato pœna perpetui carceris ob delictum ea dignum, sed solius temporalis, si eam pati velit. Quia supposita permanendi voluntate, subditur plenè quoad delicta religionis Prælato: ergo potest ab eo tali pœna puniri. Quod si permanere nolit, neutra pœna plecti potest: & licet possit Nouitius nolle se subiicere iudicio Prælatis regularis, sed exire, ac si consentiat, non poterit postea iudicium Prælatis regularis cui se subdidit effugere. At poterit nolle profiteri, cum ad hoc cogi nequeat.

### QVÆSTIO CCVIII.

*An Nouitius à casibus reseruatīs & censuris, etiam ante ingressum incurfis, à Prælato religionis absolui possit?*

- 1 RESPONDEO posse, sic enim tenent Syluest. *verb. absolutio 5. qu. 9.* Tab. *verb. absolutio 3. nu. 14.* Armil. *ibidem num. 61.* Henric. *lib. 7. de indulgen. cap. 21. §. 7.* Sayr. *in thesaur. casuum consc. lib. 3. cap. 28. num. 24.* & alij communiter. Verùm si antequam religionem profiteatur, à monast. rō recedit, in eandem cen-

suras incidit. Quia absolutio per superiorem facta tacitam habet conditionem, si is qui in probatione versatur, religionem fueris professus.

### QVÆSTIO CCIX.

*An Nouitius interrogatus ante professionem, an habeat aliquod impedimentum, pro quo non possit iure profiteri secundum statuta religionis, si respondet se non habere, & mentitur, peccet mortaliter?*

RESPONDEO cum peccare mortaliter. Quia decipit & recipientes, & ordinem ipsum, & hoc in re graui: Et in hoc omnes Doctores conueniunt.

### QVÆSTIO CCX.

*Sed dubium est, An professio postea facta sit valida?*

ET quidem si religio illa habet statutum autoritate Romani Pontificis confirmatum annullans professionem sic factam, certum est, nullam esse professionem: vt rectè docet Roder. *par. 2. sum cap. 6. nu. 3.*

### QVÆSTIO CCXI.

*Sed tota controuersia versatur, quando religio non habet tale statutum papale.*

RESPONDEO talem professionem esse validam. Et ratio est, quia attempto iure communi nulla ægritudo etiam mortifera annullat professionem, nec est aliquis textus, qui hoc dicat.



dicat. Immo de iure communi contra-rium videtur dicendum, cum collatio facta criminoſo, quamvis ſtriçtè prohibeatur, ſit valida iuxta Fæli. in cap. Poſtulaſti de reſcriptis.

2 Dices, profeſſio ſine conſenſu Prælati non valet, vt habetur in cap. vlt. de regular. At ſi prælarus impedimentum ſciuiſſet, eum ad religionem non admiſiſſet: ergo.

3 Reſpondeo quamvis verum ſit, quod ſi id ſciuiſſet, non conſenſiſſet, at poſtquam iam de facto conſenſit, profeſſio proculdubio erit valida. Sicut valet matrimonium illius qui duxit Bertam in vxorem, credens illam eſſe diuitem, & nobilem, & de facto erat pauperçula, & ignobilis; quod ſi ſciuiſſet, nunquam cum illa contraxiſſet, hoc tamen non obſtante, ſi conſenſus eſt aliàs legitimus, matrimonium valet, vt Nauar. cap. 23. nu. 22. & Couar. de ſponſ. 2. p.

## QVÆSTIO CCXII.

An is, qui ſic profeſſus eſt, propter huiusmodi fraudem poſſit puniri, & habitu religionis ſpoliari?

1 DOCTOR Nauar. lib. 3. conſ. titulo de regular. conſ. 21. tenet ſuperiorem poſſe iuridicè procedere contra illum, puniens eum ob peccatum mortale, quod commiſit negando defectum, quem ſub pœna talis peccati tenebatur in ingreſſu conſiteri, & in pœnam eius tollere ab illo habitum, & eiicere extra religionem. Hæc opinio eſt valde conformis conſtitutionibus Sixti V. & aliorum Romano-rum Pontificum.

2 Præterea extat de hac re ſpecialis conceſſio Leonis X. quæ habetur in ſupplem. ſ. l. 19. conceſſ. 61. qua conceſſit

General, & provincialibus ordinis Minorum, vt fratres eiufdem ordinis etiam profeſſos, qui grauiffimis, & ſcandalofiſ delictis notj, & diffamari fuerint, quæ fraudulenter, & dolosè in eorum receptione, & profeſſionis emiſſione ſuper his per præfatos Prælatos præmiſſa tacuerunt, non obſtante quod iam recepti ſint, & profeſſionem emiſerint ne morbida, & infecta pecus ouile domini corrumpat, & vt aliis cedat in exemplum à domibus, & conuentibus dicti ordinis expellere, & remouere liberè, & licitè poſſint, & valeant, prout conſcientiis prædictorum miniſtrorum, quas ſuper hoc onerat, viſum fuerit iuſtum, & honeſtum. Et ratio huius eſt, quia in hoc caſu dolus dedit cauſam contractui; ergo religio non tenetur eum retinere.

Tum quia ſicut religio non tenetur retinere ſubditum cum damno diſciplinæ, quando eſt incorrigibilis, ita neque cum damno famæ, ſi ſuis ſceleribus factus ſit infamis.

Tum quia profeſſio habet expreſſè, vel tacitè hanc conditionem, Si hoc, aut illud vitium, vel crimen, vel morbum tacueris, vel delictum amiſiſeris.

## QVÆSTIO CCXIII.

An profeſſus peccet mortaliter; qui abſque iuſta, & rationabili cauſa denegat votum alicui Nouitio aliàs idoneo ad proſitendum?

IN qua re conuenit inter omnes, 1 Ieum peccatum committere, vt rectè docet Caietan. 2. 2. quæſt. vltim. artic. 4. dubi. 3.

## QVÆSTIO CCXIV.

*Sed dubium est, an peccet mortaliter?*

- 1 **S**ANCH. lib. 5. operis moralis cap. 4. n. 59. tenet eum peccare venialiter sicut peccat venialiter Nouitius qui leuiter retrocedit, non enim magis obligatur religio Nouitio, quam Nouitius ipsi quoad culpam.

At probabilius existimo eum peccare mortaliter. Et ratio est, quia contra charitatem & Dei, & proximi est, ac contra bonum totius religionis nouitios aliis idoneos, & laudabile testimonium habentes carnali affectu, odio, seu alio humano respectu, & monasterio expellere, seu ipsi suffragium post expletum nouitatus annum ad profitendum denegare. Teneantur enim omnes homines se inuicem iuuare, & nullum absque legitima causa à bono aliquo consequendo impedire iuxta illud sanctæ Scripturæ: *Vnicuique Deus mandauit ad proximo suo.*

- 3 **H**inc, peccat mortaliter qui per suffragium sui voti recipit ad religionem eum, qui est inutilis, seu non idoneus tali religioni. Et ratio est, quia stultè, & infideliter contra animam suam, & proximi, & contra religionem matrem suam agit.

## QVÆSTIO CCXV.

*Quot modis professio religiosa iure fieri possit?*

- 1 **R**ESPONDEO duobus, expressè, vel tacitè. Expressè quando Nouitius verbo, aut scripto, vel nutu, siue

aliis signis consensum exprimentibus, facit tria vota essentialia in aliqua religione approbata in manu eius, qui potest incorporare in illam religionem, & habet potestatem recipiendi eius professionem: vt cum communi tradit Nauar. cap. Guiporrio 12. q. 1. Vnde mutus à natura, qui subinde surdus est, potest profiteri: si enim est aptus ad carnale matrimonium, vt omnes testantur, erit quoque ad spirituale aptus, cum non minor notitia obligationis, nec minor consensus requiratur in matrimonio carnali, quam in spirituali. Quod si mutus ille esset simul cæcus, esset ineapax profitendi. Quia mutus solis signis edoceri valet de professionis natura quæ percipere nequit, si simul cæcus sit.

Tacitè fit tripliciter. Primo, quando Nouitius sciens, ac volens nutu 2 Prælati, cuius est in eam religionem admittere, deserit habitum professorum parenter distinctum ab habitu Nouitiorum in forma, colore, & scissura, sicque perseverat per triduum cap. Ad nostram de regul. ib. & cap. Constit. eo. tit. in 6. Nec requiritur eum habitum in monasterio deferri, sed satis est intra, aut ex licentia Prælati extra deferri. Quia deferens cum extra ex Prælati licentia, censetur illum intra deferre. Nauar. Comm. 4. de regul. n. 74. Azor. lib. 12. c. 4. q. 3. & Roder. 10. 3. qq. reg. q. 17. ar. 1.

Secundo, si tali habitu suscepto sciens, & volens ingerit se adibus qui de iure, aut consuetudine solummodo conueniunt professis: vt dare vocem in capitulo, initiari sacris, &c. Et in hoc casu non requiritur triduum, vt habetur cap. Vidua de regul. & tradit Azor. lib. 12. c. 4. q. 3.

Tertio, cum quis sciens, & volens 3 transacto anno probationis habitum professorum distinctum ab habitu nouitiorum accipit ab eo, qui potest in con

incorporare; vel ingerit se in actibus ad solos professos spectantibus; vel denique si post annum probationis perseveret in religione, etiamsi habitus sit indistinctus, in termino anni censetur professus, *cap. Ex parte 22. de regul.* modo nulla de nolendo profiteri protestatio iusta præcesserit. Primi duo præcedentes modi tacitæ professionis nunc per Conc. Trid. *sess. 25. cap. 15.* sunt sublati, cum decernat nullam esse professionem eius, qui minori temporis spatio, quàm unius anni post susceptum habitum exple-  
tis 16. annis steterit in probatione. *Nauar. lib. 3. conf. iij. de regul. conf. 35.*

Verùm quinque condiciones requiruntur ad cuiuscunque professionis tacitæ valorem. Prima est, ut actus per quem tacita professio inducitur, fiat auctoritate, & consensu eius qui potest religioni incorporare. *Nauar. com. 4. de regul. n. 73. & 74.*

Secunda conditio est, ut sponte fiant ea, per quæ professio tacita induci debet.

Tertia, ut ea scienter fiant, id est, ut iis actibus utens sciat eos ad solos professos pertinere, & ulterius per illos induci tacitam professionem. Ratio est, quia cum hæc professio tacita præsumatur ex tacito ventis consensu, quo vult iis actibus profiteri; data ignorantia, cessat eius consensus præsumptio.

Quarta, ut iis actibus utens verum profitendi animum habeat. *Nauar. com. 4. de regular. n. 75.*

Quinta, & vltima est, ut iis professorum actibus utens sit constitutus in legitima ætate iure petita ad professionis expressæ valorem, quæ est annus 16, exactus, iuxta

Concil. Trident. *sess.*

*25. de regul.*

*cap. 35.*

## QVÆSTIO CCXVI.

*An tacitè professus possit compelli, ut expressè in scriptis profiteatur?*

RESPONDEO posse. Ratio est, quia cum is religioni sit obligatus, potest ab illa compelli ad ea præstanda, quæ ius præscribit, ut in posterum valeat eius professio probari, *iuxta cap. finale 20. q. 1.* Similiter potest ipse compellere religionem, ut exprimant eius professionem excipiat. Quia obligatio est reciproca ipsius ad religionem, & huius ad ipsum: suaque interest profiteri expressè, quia nequit esse Prælati, nisi expressè sit professus *cap. Nullus de elect. in 6.*

## QVÆSTIO CCXVII.

*An professio expressa per procuratorem fieri possit?*

RESPONDEO posse. Ratio est, quia secundum ius, quilibet actus qui non est expressè à iure prohibitus expleri potest per procuratorem iuxta *l. 1. §. usus ff. de procuratorib. & reg. Potest quis lib. 6. de reg. iuris.* At in iure hoc nullibi prohibetur; ergo.

Tum quia matrimonium, quamvis sit Sacramentum, & de sui natura indissolubile, etiam hodie post Conc. Trident. confici potest per procuratorem: ut contra Caietanum fatentur vniuersi; ergo & professio expressa fieri etiam potest per procuratorem. Ita *Nauar. lib. 3. conf. iij. de regul. conf. 31. Roder. 10. 3. qq. regul. an. 17. ar. 13. Azor. lib. 12. cap. 5. q. 5. Emm. Sà verb. religio n. 14. & alij.* Quod arbitror esse verissimum, nisi Regula contrarium iubeat.

## QVÆSTIO CCXVIII.

*Quot conditiones requirantur, ut professio per procuratorem facta sit valida?*

**R**ESPONDEO quinque. Prima est, ut habeat speciale mandatum ad professionem emittendam.

Secunda est, ut sit mandatum ad profitendum in religione determinata.

Tertia est, ut procurator per seipsum exequatur, nec poterit substituere, nisi hoc specialiter sibi committatur.

Quarta est, ut tempore quo procurator profitetur, non sit reuocata potestas.

Quinta, & vltima conditio est, ne constitutio procuratoris sit metu graui extorta.

## QVÆSTIO CCXIX.

*An professio necessario sit facienda in monasterio?*

**R**ESPONDEO minimè, sed potest vbique fieri. Quia nullibi contrarium iubetur. Et ideo ita tenet Roder. 10. 3. 99. regul. 9. 29. ar. 8.

## QVÆSTIO CCXX.

*An professio excommunicati valeat?*

**R**ESPONDEO valere, sicut valet matrimonium carnale in excommunicatione contractum. Et ratio est, quia professio non est acquisitio aliquis beneficii, sed status. Ita Nauar.

com. 4. de regul. n. 25. Hentiq. lib. 13. de excomm. cap. 7. n. 7. Couar. 4. decret. 2. p. 6. n. 3. Roder. 2. p. sum. cap. 8. n. 10. & Azor lib. 12. cap. 3. q. 9.

## QVÆSTIO CCXXI.

*An si excommunicatus ante absolutionem profiteatur, peccet?*

**R**ESPONDEO eum peccare. Ratio est, quia communicatio est sibi interdicta, et si denunciatus non sit, nec publicus clerici percussor existat. Et in hoc omnes conueniunt.

## QVÆSTIO CCXXII.

*Sed dubium est: An hic sic profitendo, peccet mortaliter.*

**R**ESPONDEO eum tantum peccare venialiter. Ratio est, quia profitendo non participat in diuinis.

## QVÆSTIO CCXXIII.

*An praelatus admittens excommunicatum ad professionem, peccet?*

**A**D hoc primò dico, quod si Praelatus admittit ad professionem excommunicatum non denunciatum, nec publicum clerici percussorem non peccat. Ratio est, quia cum eo non est interdicta communicatio.

Secundò dico, quod si Praelatus ad professionem excipit excommunicatum denunciatum, aut notorium clerici percussorem, peccat. Quia communicare cum tali excommunicato est iure prohibitum. Et in his, omnes conueniunt.

Sed quod in dubio vertitur est: An peccet mortaliter?

Respon

3 Respondeo eum solum peccare venialiter. Ratio est, quia non communicatur cum illo in diuinis.

4 Quæ omnia sunt intelligenda de professione per se loquendo, quia si professioni addantur aliquæ preces ab Ecclesia institutæ, tunc talis communicatio esset mortalis tam ex parte profitentis, quàm ex parte professionem recipientis, & astantium. Quia esset in diuinis.

---

### QVÆSTIO CCXXIV.

*An in excommunicatione professus acquirat ius ad victum à monasterio percipiendum?*

1 **H**ENRIQ. lib. 4. de excommunic. cap. 7. n. 7. & Roder. 10. 3. qq. regul. q. 63. ar. 3. & p. 2. sum. cap. 8. n. 10. negant. Quia professio religiosa est beneficium regulare. At excommunicatus non habet ius, vt ex beneficij fructibus ante absolutionem alatur: ergo.

2 Sed hæc ratio nihil valet, quia simul probaret excommunicati professionem esse nullius valoris: nam acquisitio tempore excommunicationis est irrita. Quare dicendum est hunc acquirere ius vt à monasterio sustentetur. Et ratio est, quia professio religionis non est propriè beneficium, sed impropiè, quia proficiens acquirit ius vt à monasterio alatur instar beneficiarij, qui ius acquirit, vt ex beneficij fructibus alatur.

---

### QVÆSTIO CCXXV.

*An professio sit valida, si Prælati qui eam acceptat, sit excommunicatus denominatim denun-*

*ciatus, aut publicus percussor clerici?*

**R**ESPONDEO esse validam. Ratio est, quia acceptare ad professionem non est propriè actus iurisdictionis, sed superioritatis, quæ per excommunicationem non tollitur.

---

### QVÆSTIO CCXXVI.

*An Professio sit valida, si superior qui eam acceptat, sit suspensus denunciatus ab admissione eiusdem?*

1 **I**N quare constat inter omnes, hunc qui sic professionem acceptat, peccatum mortale committere, quamuis non sit denunciatus. Et ratio est, quia censuram illam violat.

---

### QVÆSTIO CCXXVII.

*Sed dubium est: An talis professio sit valida?*

**R**ESPONDEO esse validam, etsi denunciatus sit. Ratio est quia soli iurisdictionis actus exerciti à suspensio denunciato sunt irriti. At professionem acceptare est actus solius superioritatis.

---

### QVÆSTIO CCXXVIII.

*An professio simoniacè facta in religione sit valida?*

1 **R**ESPONDEO esse validam, vt expressè colligitur ex cap. de regul. & ex cap. Quoniam de simonia vbi dicitur, simoniacè professum nõ debere manere in eodem monasterio, sed in aliud eiusdè religionis detrudi, in quo pœnitentiã agar, & si non reperiatur, debere ibi manere. Ex quibus locis suppo

supponitur professionem fuisse validam; atque ita sentiunt Nauar. *Com. 4. de regular. nu. 15.* & Roder. *tom. 3. qq. reg. quest. 63. art. 3.*

### QVÆST. CCXXIX.

*An sit valida professio viri in Monasterio monialium, vel fœminæ in monasterio virorum?*

**D.** Anton. 3. *par. tit. 16. cap. 3. ad finem*, censet professionem esse validam, sed cogendum profitentem ad transeundum in sui sexus monasteriũ. Quia hic verè substantialia religionis in manu Prælati promittit. Quã opinionem putat esse veram Syluest. *verb. religio 3. quest. 9.* quoad forum conscientie, quando intentio fuit profitendi quoad eandem religionem in specie, sed non in sexu, vel saltem in genere.

**2.** At omnino asserendum est, professionem esse irritant. Et ratio est, quia vt professio sit valida, necessariò requiritur consensus profitentis, & admittentis ad professionem: atqui in hoc casu vterque, aut saltem alter defuit: ergo professio est irrita. Maior propositio est per se nota. Minor verò probatur, nam vel hic noluit profiteri nisi in eo monasterio: aut si voluit in ea religione, quoad speciem, sed non quoad sexum, non est admittentis nisi ad religionem sexus in qua professus est. Et idèd ita sentiunt Nauarrus *lib. 1. conf. in 1. edit. titulo de etate, & qualitat. conf. 8. nu. 1. & in 2. lib. 3. de regular. conf. 47. nu. 1.* Henricq. *lib. 14. de regular. cap. 8. num. 6.* Emm. Sa *verb. religio num. 30.* & Roder. 2. *par. cap. 6. num. ultimo.*

### QVÆST. CCXXX.

*An professio hermaphroditi sit valida?*

**I**N hac quæstione constat inter omnes, hermaphroditos nunquam esse admittendos ad monasterium etiam sexus in eo prævalentis. Et ratio est, quia in cuiuscunque sexus monasterium admittantur, magnam peccandi occasionem præbeant aliis religiosis, cum in eis quoque alter sexus repe-riatur. Vnde ratione talis periculi, etsi valeat eorum professio, poterunt Superiores nostræ Congregationis per priuilegium Leonis decimi concessum ordini Minorum eos eiicere ab ordine, si tacuerunt ipsi defectum hunc in professione, redundantem in magnum religionis detrimentum.

### QVÆST. CCXXXI.

*Sed tota controuersia versatur: An talis professio sit valida?*

**R**ESPONDEO si hermaphroditi professionem emittunt in monasterio virorum prædominante in illis sexu fœmineo, non tenet professio, quia debent haberi pro mulieribus, & professio mulierum facta in monasterio virorum non valet. Si verò in eis præualeat sexus virilis valet professio. Et è contra si præualeat sexus virilis, non valet eorum professio apud moniales facta: secus autem si in monasterio virorum sit emissã. Ratio est, quia hi iudicantur masculi, vel fœminæ iuxta sexum in eis prævalentem. Si verò vterque sexus in eis sit æqualis cum

cum æquæ sint masculi, & femine, in neutro monasterio est valida professio obstante altero sexu æquali. Et quamvis in hoc casu ad eligendum matrimonium detur eis optio sexus, quo uti velint; at quoad ordines, & professionem ea non datur, sed utrorumque is est incapax ob maximam indecentiam. Sed si consultis viris doctis adhuc res est dubia, idem dicendum est, ac si uterque sexus in eis sit æqualis.

votis consistit, nimirum in castitate, paupertate, & obedientia, quæ bona sunt materia professionis, quamvis is qui proficetur, animum intendat ad malum: quemadmodum si quis sacerdos fieret, ad malum finem intendens, finis non vitaret opus bonum quod fieret. At si quis vouet dare eleemosynam ob inanem gloriam, tunc finis malus est voti materia, & ideo ipsum votum vitiat.

## QVÆST. CCXXXII.

*An professio ex calore iracundia facta, sit valida?*

- 1 R E S P O N D E O esse validam, si ira, aliæque animi perturbatio plenum rationis iudicium non tollit. Sufficit enim ad professionem tale rationis iudicium, quale, & quantum ad peccatum mortale satis est. Azorius lib. 12. cap. 5. quæst. 8.

## QVÆST. CCXXXIII.

*An professio ob malum finem emissæ, sit valida?*

- 1 R E S P O N D E O esse validam: ut rectè docent Syluest. verb. religio 3. qu. 6. & Azor. lib. 12. cap. 5. quæst. 10. Quod est verum, siue ille sit finis professionis, siue profitentis, veluti cum quis proficetur ut monasterij bona furetur, vel ut religiosos perturbet.

- 2 Dices, votum simplex ob malum finem emissum, ut votum erogandi eleemosynam ob inanem gloriam non valet: ergo neque professio facta ob malum finem, tenet.

- 3 R E S P O N D E O disparem esse rationem: nam professionis substantia in tribus

## QVÆST. CCXXXIV.

*Quot, & quamam de necessitate requirantur ad professionem?*

R E S P O N D E O duodecim. Primo ætas. Secundo annus probationis. Tertio animus profitendi. Quarto ut non metu, vel fraude impulsus faciat. Quinto ut fiat in manu Prælati qui potest illum recipere, vel de ipsius licentia. Sexto ut fiat capitulariter. Septimo ut fiat in religione per sedem Apostolicam approbata. Octavo ut tria religionis vota essentialia saltem implicite emittantur. Nono ut nulla adsit conditio substantiæ religionis repugnans. Decimo ut non habeat aliquod impedimentum, quod in ea religione habeatur essentielle. Undecimo ut persona quæ debet profiteri sit mentis capax. Duodecimo & ultimo, ut persona sit sui iuris, alteri non obnoxia.

Primo, requiritur ætas. Hæc autem post Concil. Tridentin. sess. 25. cap. 15. de regular. tam in religione virorum, quam mulierum est annus 16. exactus.

Ddd

QVÆ

## QVÆST. CCXXXV.

*An votum solemnè religionis ante annum 16. expletum factum, sit validum, & obligatorium?*

- 1 **R**ESPONDEO non valere. Nam Conc. Trident. ubi supra decernit professionem ante prædictam ætatem emissam esse nullam, & irritam.

## QVÆST. CCXXXVI.

*Sed dubium est, an talis professio valeat ut votum simplex?*

- 1 **P**ALVDIM 4. d. 38. qu. 2. Sylue. verb. religio 3. qu. 1. citans D. Thom. 2. 3. qu. 189. art. 1. docent talem professionem habere vim voti simplicis.
- 2 **A**t omnino tenendum est, votum solemnè religionis, quod non valet pro solemnè propter defectum ætatis iure requisitæ, non habere vim voti simplicis. Sic enim definitur in cap. unico de regul. in 6. ubi habetur, quod professus ante completum annum 14. quia professio non erat valida, libere poterat redire ad sæculum, quod non diceret Ecclesia, si talis quantum etat in ipso, remansisset obligatus ad religionem, aut ad castitatem seruandam voto simplici. Et in Concil. Trident. citato definitum est, professionem aliter factam, esse irritam, nullamque inducere obligationem ad alicuius regulæ, vel religionis, vel ordinis obseruationem, aut ad alios quoscunque effectus. Quæ verba cum sint vniuersalia sine dubio comprehendunt etiam obligationem voti simplicis, & effectus eius.
- 3 **V**el etiam dici potest, non valere ut votum simplex ex defectu inten-

tionis vouentis, qui non intendit emittere illa vota nisi ut solemnè, ut annexa tali statui religioso, & ut seruanda in illo, & ideo si professio non fuit valida, nec vota ipsa obligabunt, quia solum intenduntur, ut accessoria, at accessorium sequitur naturam principalis in xca reg. Accessorium 42. de reg. iuris in 6.

Dices: in cap. Quidam & in cap. Placet de conuers. coniug. ubi deciditur professio nulla, dicitur eam obligare tanquam simplex castitatis votum, ad non petendum debitum, ad quod se obligare potuit.

Respondeo illos textus procedere ex præsumptione: quia in illo particulari casu præsumitur coniugem velle obligari ad castitatem independentem à professione: in foro autem animæ standum erit intentioni vouentis. Et ideo ita tenent Caietan. 2. 2. quæst. 88. artic. 9. Sor. lib. 7. quæst. 2. art. 2. Valent. 2. 2. d. 6. quæst. 6 par. 6. & Suar. lib. 3. cap. 3. nu. 5.

Secundò requiritur integer annus probationis post susceptum habitum, ut patet ex verbis Concil. citatis. Qui hodie potest inchoari, & expleri ante 16. annum completum, & vi illius probationis admitti professio expleto 16. Si tamen ante pubertatem non fuerit inceptus annus, ut rectè Nauar. lib. 3. conf. 11. de regular. conf. 30. nu. 1. annotauit.

Nec obstat, quod in eodem Concilio dicatur: finito anno nouitium, superiores Nouitios, quos habiles inuenierint ad proficiendum, admittant, aut de monasterio eiciant. Quia Concilium loquitur tantum de illis Nouitiis, qui sunt ad professionem idonei, nec subest iusta causa eam prolongandi: ut teste Roder. tom. 3. qq. regular. quæst. 17. artic. 10. & par. 2. summ. cap. 8. num. 3. Sacra Congregatio declarauit vjjj. die mensis Nouem



Novembris 1569. Non enim Conc. prohibet differri professionem si causa aliqua iusta subsit, ut si morbo aliquo laboret, si ætas desit, & alia huiusmodi; hoc enim esset contra rectam administrationem, & contra monasterij, ac ipsius Novitij bonum.

Hinc, qui in ordinibus Mendicantium aliquem admittit ad professionem ante annum novitatus expletum peccat mortaliter. Quia id ei sub excommunicationis pœna vetatur, & est ipso facto suspensus ab officio admittendi ad professionem *cap. Non solum 2. de regul. in 6.* In aliis autem ordinibus peccat mortaliter, quia agit contra præceptum Concil. in re graui, non tamen est suspensus, quia iure non est statutum, ita Less. lib. 2. cap. 41. dubit. 7.

- 7 Quæ omnia vim habent, ubi Concilium Trident. est vñ receptum; ubi enim non est receptum, probabile est, valere professionem ante annum probationis completum in ordinibus non mendicantibus, ut docet Nauar. lib. 3. cons. tit. de reg. cons. 28. num. 1. Quia lex non recepta vim non habet, & ita ius antiquum manet in suo robore.

#### QVÆSTIO CCXXXVII.

*An sit irregularis, qui ita suspensus aliquem ad professionem admittit?*

- 1 **R**ESPONDEO non esse irregularem. Ratio est, quia admittere ad professionem non est actus ordinis, aut iurisdictionis Spiritualis pertinentis ad Ecclesiæ clauis, sed cuiusdam superioritatis: nam Abbatis ius habet ad professionem admittendi.

- 2 Tertio requiritur animus proficendi, si enim hic absit, nulla est professio. Quia nec votum, nec vlla pro-

missio per se adstringit sine voluntate obligandi, cum tota eius vis à voluntate vouentis pendeat.

Dixi notanter (*per se*) quia potest obligari ratione scandali, vel damni vitandi, quod alicui ob non seruata promissionem obueneret. Vnde secluso scandalo posset hic professus fugam arripere, & abire in Prouinciam, in qua votum ipsius non sit notum.

#### QVÆST. CCXXXVIII.

*An quando professio fuit nulla ex parte emittentis, ut quia fidei professus est, sufficiat ad eius validitatem, nouus eius consensus absque nouo Prælati consensu?*

**R**ESPONDEO sufficere, ut latè probat Sanchez lib. 7. de matrim. d. 37. & Syluest. verb. religio §. qu. 2. Verum ad verum illius irritæ professionis valorem, requiritur, ut professus sciens professionem fuisse irritam, illam de nouo ratam habeat. Itæ Roder. 1. 3. qq. regul. qu. 17. art. 1.

Quarto requiritur, ut non sit per vim, aut metum grauem iniuste incussum à causa libera, idest ab homine ad extorquendum votum emissâ, *cap. Perlatum de iis quæ vi metusue causæ fiunt.* Ratio est, quia professio requirit summam libertatem, quæ per vim, aut metum grauem aufertur.

Tum quia in iis, quæ ad statum, & votorum obligationem pertinent, homo est sui iuris, & arbitrij; vnde non potest ad illa cogi à causa extrinseca. Vnde *regul. 116. ff. de regul. iuris* dicitur. *Nihil consensus tam contrarium est, quàm vis atque metus.*

Dixi notanter (*metum grauem*) quia

Ddd 1 si me

si metus fuit levis, non irritat professionem, modica enim coactio non excludit actum, ut dicitur in cap. final. Qui clerici, vel vouentes.

Dixi etiam (iniuste incussum, &c.) quia metus qui iuste incutitur, non sufficit ad annullandam professionem.

Hinc, valida est professio mulieris deprehensæ in adulterio, cui à viro conceditur vita, hac conditione, ut efficiatur religiosa: ut rectè docet Roder. p. 2. sum. cap. 8. n. 11.

Quintò ad valorem professionis requiritur, ut fiat in manu Prælati, aut de ipsius licentia. Ratio est quia per solemnem professionem vouens non solum obligatur Deo, sed etiam religioni tradens se illi, & vicissim religio obligatur eidem ad retinendum, & ad tractandum ipsum iuxta religionis instituta. Vnde in dicta professione oritur quidam contractus onerosus vtrò, circoque obligatorius, qui fieri non potest sine consensu vtriusque partis: ergo requiritur Prælatus, qui potest admittere, & obligare religionem. Syluest. verb. religio 3. num. 16. & Azor. tom. 1. instit. mor. lib. 1. 2. cap. 5. q. 7.

## QVÆSTIO CCXXXIX.

An, ut valeat admissio non potentis admittere, satis sit ratihabitio subsequens potentis?

**R**ESPONDEO sufficere. Ratio est, quia ratihabitio retrotrahitur, & mandato comparatur. regul. Ratihab. de reg. iuris in 6. Ut autem talis ratihabitio proferat, requiritur ut professio sit acceptata nomine potentis acceptare: nam si eius nomine acceptata non est, eius ratihabitio nihil prodest.

Nemo enim potest ratum habere, quod suo nomine factum non est. Incipiet autem professio illa valere ut votum solemne dirimens matrimonium, à tempore, quo rata habita fuerit à superiore habente legitimam auctoritatem. Navar. lib. 3. cons. de regul. in 1. edit. cons. 6. n. 7. in 2. cons. 40. nu. 7. Azor. lib. 12. c. 5. q. 7. & Roder. tom. 3. qq. regul. q. 17. ar. 2.

Sextò, ut fiat capitulariter id est, de consensu maioris partis capituli. Et quidem certum est, Prælatum ut aliquem ad habitum, & professionem admittat, teneri audire consilium sui capituli, ut habetur cap. Nouit. 4. de his qua fiunt à Prælato.

## QVÆSTIO CCXL.

Sed quod in dubium vertitur est: An teneatur illud sequi?

**R**ODER. p. 2. sum. cap. 8. n. 13. negat. At omnino dicendum est in Nouitiis recipiendis non solum ad professionem, verum etiam ad habitum, Prælatum teneri non solum exquirere consilium, verum etiam & expectare illud, quin verò, & sequi consensum maioris partis capituli; nā creatio monachorum spectat de iure ad Prælatum, & ad conventum simul, cap. Ea noscitur 6. de his qua fiunt à Prælati. Et ratio est, quia in creatione monachorum inuenitur quidam contractus, & reciproca quædam obligatio, qua proficiens Monasterio obligatur, & Monasterium vicissim ipsi proficienti, eundem alendi, & sustentandi, & cum ipso vnum corpus, & vnum collegium constituendi. Ita Nan. lib. 3. cons. 111. de regul. cons. 62. n. 2. & super cap. Statuimus de regul. n. 74. ubi addit nullum Prælatum quantumvis generalem

ralem per se solum, & intuitu fratribus, posse quempiam ad habitum, & multo minus ad professionem recipere. Less. lib. 2. de inst. cap. 41. dub. 7. Emm. Sà *verb. religio* n. 65.

- 3 Hinc, nec totum capitulum, repugnante Prælati, nec Prælati repugnante maiori parte capituli potest aliquem ad professionem admittere, ut rectè docet Nauar. lib. 1. *consil. in 2. ed. tit. de consil. conf. 9. quæst. 3. n. 13*. Nec sufficit consensus Prælati, & dimidiæ partis capituli, sed debet maior pars capituli ultra Prælatum consentire, ut docet idem Nauar. lib. 3. *consil. de regul. in 1. ad. conf. 62. n. 3. & in 2. conf. 37. num. 3. & Sanch. lib. 5. c. 4. num. 69*.

- 4 Ex quo planè sequitur, admissionem, & professionem esse irritas iure communi, si absque consensu maioris partis capituli fiat. Quia ubi in iure requiritur consensus, nisi adhibeatur, actus est nullus *cap. Noui. 4. de bis qua fiunt à Prælati*.

- 5 Quare non approbo quod ait Roset. *tom. 3. qq. regul. q. 17. ar. 7*. nempe professionem à solo Prælati receptam sine consensu capituli non esse ipso iure irritam, sed talem declarandam. Sed dicendum est eam esse omnino irritam, ut probatum est.

## QVÆSTIO CCXLI.

*An possit Abbatisa cum consensu sui capituli Moniales ad professionem admittere?*

- 1 RESPONDEO posse. Ratio est, quia hæc professionis admissio non est actus Ordinis, aut iurisdictionis spiritualis pertinentis ad Ecclesiæ clauis, cuius forma est incapax sed cuiusdam superioritatis, qua reuera Ab-

batisa in moniales gaudet. Ita Roset. *verb. Nouitum* n. 6.

Septimò, ut tria religionis essentialia, atque substantialia vota castitatis, paupertatis, & obedientiæ perpetuè emittantur. Quia ut diximus hæc tria sunt de essentia, atque substantia cuiuslibet religionis, seu status religiosi *cap. Cum ad monast. de statu monachorum*. Sufficit enim ut hæc tria vota fiant implicite. Nam in quibusdam religionibus professio emitti solet vno voto obedientiæ expresso, cæteris implicite contentis, quia promittitur obedientia secundum regulam, vel constitutiones.

Hinc, si quis profiteretur obedientiam solummodo, & nollit ad alia teneri, non esset verè professus, nec propriè religiosus. Quia remota parte substantiali alicuius actus certum est, quod remouetur, & totum.

Octauò requiritur, ut professio fiat in religione aliqua per sedem Apostolicam approbata, ut habetur *cap. Vnicuique de voto, & voti redempt. in 6*. Nec satis est, ut modus viuendi ab illa approbetur, nisi tanquam vera religio approbetur. Ratio est, quia Ecclesiæ est religiones erigere, atque eas approbare: & quamuis olim id Episcopi poterant in suis diocesisbus: iam id Pontifici reseruatum esse diximus supra.

Hinc, si quis profiteretur religionem non approbatam, non esset verus religiosus, etiam si in ea tria vota substantialia emitteret, sed valide posset ad matrimonium transire: quod est verum, etiam si quando profitebatur, credebat illam esse approbatam.

## QVÆSTIO CCXLII.

*Sed dubitabit aliquis hoc loco: An quoties professio est irrita, maneat proficiens obligatus Deo, ut voto simplici?*

- E**T quidem quando professio est irrita ob defectum ætatis, ut quia ante 16. ætatis annum facta est, certum est, eam esse omnino irritam, & nullam, ita ut nec, ut voti simplicis vim habeat, ut expressè colligitur ex cap. 1. de regul. ubi dicitur hunc libere ad sæculum transire. Quod Ecclesia non diceret, si talis, quantum erat in ipso remansisset obligatus ad religionem, siue ad continentiam voto simplici. Et in Conc. Trid. sess. 25. cap. 15. decernitur professionem factam ante 16. annum expletum esse irritam, nullamque inducere obligationem ad alicuius regulæ, vel religionis, vel ordinis observationem, aut ad alios quoscumque effectus. Ita Caiet. 2. 2. q. 88. ar. 9.

## QVÆSTIO CCXLIII.

*Sed totum controuersia dissidium versatur, quando ob alias causas professio est irrita, an vim voti simplicis habeat?*

- R**ESPONDEO affirmatiuè, ut aperte definitur in cap. Quidam & in cap. Placet de conuers. coniug. ubi deciditur irritam coniugati professionem obligare tanquam simplex castitatis votum, ad non petendum debitum, ad quod solum se obligare potuit. Et ideo ita sentiunt Nauar. lib. 3. conf. 1. de regul. in 1. ed. conf. 18. in 2. conf. 19. Tabien. verb. Nouitius q. 8. Vgolin. de censuris. Tab. 2. c. 20. nu. 5. Sayr. thes.

casuum lib. 2. c. 9. n. 19. & Azor. lib. 12. c. 1. q. 3. Verùm ut hic voto simplici maneat adstrictus, opus est, ut habeat intentionem se obligandi illis votis in professione emissis independenter ab ipsa, & quando de intentione proficentis non constat, iura præsumunt talem intentionem habuisse, quare in utroque foro standum est huic iuris præsumptioni.

Nonò requiritur, ut nulla adsit conditio religionis substantiæ repugnans. Hæc conditio petit ut inquiramus:

## QVÆSTIO CCXLIV.

*An religiosi, qui sub aliqua conditione professionem emisit, sit valida professio?*

**E**T quidem si conditio appositæ solemni professioni non est contraria essentia religionis, certum est professionem sub tali conditione factam esse validam, & votum emissum esse solemne. Ratio est, quia matrimonium contractum sub conditione, quæ non contrariatur substantiæ matrimonij, est verum matrimonium, ut tenet Glossa communiter recepta in cap. fin. de cond. appes. ergo similiter professio solemnis quæ est quoddam spirituale matrimonium,

Hinc, qui religionem aliquam proficitur ea lege, ut ad ieiunia Regulæ non teneatur, peccat quidem mortaliter, eius tamen professio est valida. Quia talis conditio non repugnat substantiæ religionis, etiamsi sit contra aliquod statutum, siue præceptum Regulæ.

QVÆ

## QVÆSTIO CCXLV.

*Sed tota difficultas consistit, quando conditio appositæ aduersatur essentia, & substantia voti solemnitis, & religiosa professionis, ut cum quis profitetur, ea lege, ut uxorem ducat? &c.*

**I**NOC. Host. Ioan. And. & Glossa *12 cap. Solet 32. q. 2.* tenent talem professionem esse validam, & conditionem reiici tanquam eius substantiæ contrariam.

At omnino dicendum est, eam professionem esse irritam. Ratio est, quia sublata substantia alicuius rei, non remanet ipsa res, & remota substantiali parte alicuius actus, remouetur & ipse actus: sed eiusmodi conditio tollit substantiam solemnitis professionis: ergo, & votum, & professio est irrita.

Tum quia conditio contraria substantiæ matrimonij carnalis, reddit ipsum irritum *cap. fin. de condit. appos.* ut si quis dicat, contraho tecum, si viduum ex adulterio quæseris, vel nisi aliam pulchriorem, vel ditiorẽ inuenero, &c. ergo, & professionem, quæ est matrimonium spirituale.

Et est conclusio definita *in cap. Dudum vers. insuper de conuersat. coniug.* ubi dicitur, valere professionem, et si promittens ante ingressum protectatus sit velle se retinere proprium, eo quod tempore professionis mutata voluntate illam purè, & simpliciter emisit: ergo à contrario sensu non valeret, si cum ea conditione fieret. Et idẽ ita sentiunt Nauar. *lib. 3. cons. 1. de regul. in 1. edit. cons. 20. n. 5. in 2. tit. de statu monach. cons. 14. num. 5.* Couar. *4. decret. 2. p. c. 3. §. 1. nn. 18.* Azor. *lib. 12. c. 5. q. 2. & Roder. 10. 3. qq. reg. q. 17. ar. 6.*

## QVÆSTIO CCXLVI.

*An valida sit professio religiosa facta sub ea conditione, ut valeat in propria domo remanere?*

**R**ESPONDEO valere. Ratio est, quia manere intra claustra monasterij non est de essentia religionis, ut expressè definitur *in cap. fin. Qui cler. vel uenien. & tradit Nauar. com. 2. de Regul. n. 16. Emm. Sà verb. religio n. 6.* Azor. *1. b. 12. cap. 5. q. 2.* At poterit postea Prælatus iusta de causa id pactum reuocare, nisi Pontifex illud confirmasset, quia tunc non posset Prælatus reuocare, nec hoc esset contra religionis substantiam, quia ipse Pontifex qui talem licentiam concessit, posset reuocare.

Hinc, qui religionem profitetur cum pacto ut in propria domo maneat independentẽ à superioris voluntate, nulla est eius professio. Ratio est, quia huiusmodi pactum est contra obedientiæ votum, ac subinde contra religionis substantiam pugnat.

## QVÆSTIO CCXLVII.

*An professio emissa sub conditione de futuro, fiat valida, adimpleta conditione absque nouo consensu? Vt si quis dicat, Promitto obedientiam secundum Regulam, &c. si frater meus intra triduum ex Sicilia redierit, an redeunte fratre intra triduum, maneat professio valida absque nouo alio proficientis, aut acceptantis consensu.*

- 1 **R**ESPONDEO effici professionem omninò validam, eo ipso quod conditio impletur absque nouo alio consensu, dummodo prior non sit per contrariam deliberationem mutatus. Sanchez lib. 5. de matrim. d. 8. num. 4. & 10.

### QVÆST. CCXLVIII.

*An si hic ante conditionis euentum in alia religione profiteatur, talis professio sit valida?*

- 1 **R**ESPONDEO esse validam. Ratio est, quia ante illius euentum non erat consummata professio, sed pendens à futuro euentu.
- 2 Decimò, ad valorem professionis requiritur, vt proficiens non habeat aliquod impedimentum, quod in illa religione sit essenziale, quia ob tale impedimentum redditur homo inhabilis ad professionem: sicut enim constituta sunt varia impedimenta, quæ matrimonium impediunt, & dirimunt, ita etiam auctoritate Ecclesiæ possunt constitui impedimenta, quæ impediunt, & dirimant professionem. Si tamen admittat is qui potest super illo impedimento dispensare, & non sit impedimentum, valida erit professio. Quia recipiendo, tacitè videtur dispensare. Secus autem, si impedimentum ignorauit, vel non potuit in eo dispensare, quia tunc non valebit, quia erat ad professionem inhabilis. Nauarrus lib. 3. conf. tit. de regular. conf. 3.
- 3 Possent tamen Prælati quempiam ad religionem admittere cum protestatione, non esse sibi mentem ad religionem admittendi, si habeat hoc, vel aliud impedimentum, & tunc professio esset irrita, si tale impedimentum

suberat. Quia animus admittendi defuit. Quod si tale impedimentum non reddat irritam professionem, tamen dolosè sit suppressum in examine, hic qui sic professus est, in pœnam huius deceptionis poterit puniri, & habitu religionis spoliari, & priuari vt docet Nauar. lib. 3. conf. titulo de regular. conf. 15. & Less. lib. 2. cap. 41. dub. 7. à quorum tamen sententia recedit Roder. tom. 3. qq. regul. dicens non esse iustam causam expellendi professum. Quia cum res grauissima sit, grauissimam causam exigit.

### QVÆST. CCXLIX.

*An qui morbo, vel senectute impotens est ad regule statuta seruandum, possit licitè, & validè profiteri?*

**R**ATIO quæstionis est, quia nemo ad impossibile potest obligari. nec immunis est à peccato, qui ad ea voto se adstringit, ad quæ præstanda se impotentem cognoscit.

Sed hoc non obstante dicendum est, hunc valide, & licitè profiteri Ratio est, quia obligatio ad religionis essentialia nimirum castitatem, paupertatem, & obedientiam nullas corporis vires exposcit, sed solum voluntatis affectum.

Cætera aurem religionis statuta non sunt religiosi status essentialia, sed obligant dum iusta causa non excusat. Vnde qui religionem proficitur, obligatur ad illa seruanda eo modo quo Regula obligat, nimirum nisi iusta causa excusetur.

Dices: qui non potest statuta religionis seruare, nequit religionis aspectus experiri; quod ad nouitatus valorem desideratur.

Respon

3 Respondeo ad nouitiatus valorem, non desiderari experientiam omnium asperitatum in indiuiduo, sed satis est eas in genere experiri viuendo sub obedientia Prælati toto probationis tempore. Nam qui toto nouitiatus anno morbo laborat, cuius causa carnes manducat, legitime profiteri potest in religione, in qua vsus carnum non permittitur, iuxta Nauarr. lib. 3. *conf. 14. de regular. in 1. et 1. conf. 42. nu. 5. in 2. conf. 42. num. 5.* & Roder. tom. 3. *qq. reg. q. 15. art. 10.*

4 Vndecimò requiritur, vt persona quæ debet profiteri sit mentis capax: nam furiosus, & huiusmodi non potest esse religiosus secundum iura, quia qui vsu rationis caret, religionis asperitates experiri non valet, quod ad valorem nouitiatus requiritur. Quod intelligo quando furor esset extraordinarius, vt contingit in his qui nullo alio morbo laborant; & diu duraret nimirum per mensem, quia tunc non esset id tempus in anno probationis connumerandum, sed transacto furore supplendum. Secus si furor superueniens citò transiret, vt contingit in phrenesi tempore morbi, duratque octo, aut quindecim dies, quia tunc non interromperet probationis annum, sed eo completo posset legitime profiteri.

5 Duodecimò, & vltimò requiritur, vt persona sit sui iuris alteri non obstricta. Vnde professio Episcopi sine speciali licentia Papæ & viri vxore renitente, & serui absque consensu domini, est ipso iure irrita. Ratio est. quia per professionem homo totaliter se tradit religioni. At isti non sunt sui iuris: ergo non possunt se tradere religioni, nemo enim potest id quod est alterius, alteri tradere absque eius consensu expresso. Less. lib. 2. cap. 41. dub. 7.

## QVÆSTIO CCL.

*An professio sit valida si proficiens intendat, nolle seruare tria vota?*

PAV D. in 4. dist. 26. quest. 3. art. 2. D. Anton. 3. p. 116. cap. 3. & Syluest. verb. religio 3. q. 6. censent esse irritam, si vouens exprimit se nolle seruare illa, secus si tantum intendit illa non explere.

Armil. verb. religio num. 8. absolute tenet, non valere, si intendit non seruare illa, siue id exprimat, siue non.

Contrarium tamen est proculdubio affirmandum, nempe solam non seruandi tria vota intentionem quantumcumque verbis expressam minime reddere professionem irritam. Ratio est, quia obligatio oritur ex voto, sicut effectus necessarius à sua causa consurgit, ac profluit, vt calefactio ab igne: ergo sicut posito igne, velit, nolit ponens, calefactio sequitur, ita posita promissione, animoque promittendi, statim consurgit obligatio.

Et confirmatur: nam qui vult antecedens, vult necessario consequens, sicut qui dat formam, subinde dat consequentia formam: sed obligatio consequitur promissionem: ergo qui vult promissionem, necessario vult obligationem.

Tum quia non est de essentia professionis, vt quis animum habeat seruandi tria vota; sed solum vt habeat intentionem se ad illa obligandi,

& conferendi ius aliquod religioni ad ea exigendum.

\*\*\*

Ecc QVÆST.

## QVÆSTIO CCLI.

*Quot, & quam requirantur, ut  
inualida professio rati-  
ficetur?*

- 1 **R**ESPONDEO quatuor. Primò requiritur notitia illius inualiditatis, alioquin ratificatio non erit libera: nisi quis forte velit expresse illam esse ratam, etiamsi ob aliquam causam ab initio fuisset inualida. Vnde non censetur eam confirmare, quando putans ab initio fuisse validam, approbat, & confirmat quod fecerat: nam tunc nihil facit, quia talis ratificatio proficiscitur ex errore: vnde non est libera, ac proinde non inducit nouam obligationem. Nauar. cap. 12. num. 71. & Com. 4. de regul. num. 71. & 75. & Caiet. 2. 2. q. 189. art. 9.

Secundò, ut intendat illam ratificare: est enim nouum votum. Vnde requiritur formalis intentio: neque sufficit negatiuè se habere, quia voti vinculum non contrahitur nisi voluntate positua. In dubio autem an in actu professionis consenserit, vel an intra illud tempus ratificauerit, verius est teneri, quia præsumptio iuris ei aduersatur.

- 2 Tertiò, requiritur noua acceptatio Prælati, sicut quando matrimonium fuit irritum ob aliquod impedimentum, requiritur notus consensus vtriusque vt docet Azor. lib. 12. cap. 4. quæst. 7.

Sed oppositum est verius. Quia in hoc casu admissio fuit valida ex parte admittentis; ergo solum requiritur consensus ex parte admissi. Ita Nauar. lib. 3. cons. 1. de regular. cons. 24. & cons. 35. & 46. & Less. lib. 2. cap. 41. ubi. 7.

- 3 Quartò, & vltimò, si nouitiatus

fuit inualidus, requiritur eius repetitio, vt si ante annos expletos pubertatis sit factus, aut cum inhabilitate ad illam religionem. Ita Nauar. lib. 3. cons. 1. de regul. cons. 5. num. 19. Huius tamen oppositum defendit Less. lib. 2. cap. 41. dub. 7.

## QVÆSTIO CCLII.

*An in hoc casu repetenda sint ce-  
remonia solemnes, qua in pro-  
fessione fieri solent?*

**R**ESPONDEO non esse repetendas. Quia sufficit si religiosus de-  
nud suum consensum præstet, quo  
professionem renouat. Et ita tenet  
Azorius tom. 1. institut. moral. lib. 12.  
cap. 4. quæst. 7.

## QVÆSTIO CCLIII.

*An sollemnis professio transferat  
Religiosum in ius, & potestatem  
Religionis?*

**R**ESPONDEO communem esse  
sententiam, professionem trans-  
ferre Religiosum in potestatem, &  
ius Religionis faciendo membrum il-  
lius; nam Religiosus Religioni suam  
fidem adstringit, & Religio acceptat,  
& hoc facit ratione voti obedientie.  
Vnde sicut Religiosus ius habet exi-  
gendi alimenta à Religionem, sic Reli-  
gio ius habet in eius operas, artem, in-  
dustriam, laborem & ministerium, nec  
Religio potest Religiosum sine iusta  
causa dimittere, nec Religiosus Reli-  
gionem deserere. Ex quo fit, vt sicut  
Dux belli milites militiæ desertores  
capit, & punit, & maritus sua autori-  
tate vxorem tanquam rem suam ap-  
prehendit, & dominus seruum fugi-  
tium



rium ad domum reducit & pœnis debitis plectitur, sic etiam Religio fidei, & Religionis per professionē susceptę desertores capit, & victos reuocat, ac punit, eo quod per professionem Religionis sese tradiderunt, & manciparunt.

- 2 Hinc, Religiosus, qui à Religione fugit, peccat cōtra iustitiam. Ratio est, quia inter Religiosum, & Religionem est contractus quidam, per quem Religiosus se tradit in potestatem Religionis ad obsequium ordinis, & vicissim Religio se illi obligat ad illum tractandum tanquam filium. Vnde in hoc contractu spectatur non solum commodum priuatum Religiosi, sed etiam publicum Religionis.

---

### QVÆSTIO CCLIV.

*An solemnis professio faciat Religiosum inhabilem ad matrimonium contrahendum?*

- 1 IN hac quæstione concors est omnium Doctorum sententia, solemnem professionem facere Religiosum inhabilem ad matrimonium contrahendum, ita vt si tentet contrahere, matrimonium sit nullum *cap. Quod votum vnic. de voto in 6.* & hoc facit ratione voti castitatis.

---

### QVÆSTIO CCLV.

*Quo iure solemne votum castitatis faciat Religiosum ad matrimonium inhabilem?*

- 3 NONnulli sentiunt solemne votum castitatis vi, ac natura sua id

facere. Ratio est, quia Religiosus per solemne votum castitatis Deo, & Religioni se tradit: ergo postea non potest se tradere coniugi, & si tradat, nulla erit traditio: sicut qui rem suam vni dedit, & tradidit, non potest validdē alteri dare.

D. Thom. in 4. dist. 38. q. 1. ar. 3. q. 3. & 2. q. 88. ar. 7. Sotus lib. 7. q. 2. ar. 2. 5. Valent. 2. 2. d. 6. q. 6. p. 5. Couat. 2. p. epit. cap. 7. §. 4. num. 8. Lop. p. 2. c. 48. & Vega 2. tom. sum. cas. 57. casu 11. putant id fieri iure naturali, & diuino, secluso quocumque iure ecclesiastico.

Almayn. tract. de potestate ecclesie cap. 15. ait id non ex iure naturali, sed ex diuino positiuo consurgere.

Alij verò rectius docent id provenire ex vi constitutionis ecclesiæ, quæ sanxit vt religionem professus, inhabilis sit ad matrimonium, vt habetur expressè ex *cap. vnic. de voto, & voti redempt. in 6.* vbi Bonifacius VIII. decernit voti solemnitatem quoad matrimonium dirimendum ex sola ecclesiæ constitutione esse introductam.

Tum quia antiquis temporibus solemne votum castitatis non faciebat religiosum ad matrimonium inhabilem vt docet Diuus Cyprianus *epist. 11. ad Pomponium*, Diuus Augustin. *lib. 6. de bono viduitatis cap. 9. 10. & 11.* & habetur ex Concil. Ancyrano *cap. 19.* & refertur *cap. 4. Virgines 27. q. 1.* ergo attentio iure naturali, & diuino religiosus potest matrimonium contrahere.

Tum quia votum solemne non facit religiosum ad matrimonium inhabilem, qua ratione votum est (aliàs omne votum hoc ipsum efficieret) sed qua ratione est solemne.

Ecc 2 Cūm

Cum ergo solemnitas voti sit ex iure Pontificio ut diximus solo iure pontificio faciet ad matrimonium inhabilem.

Tum quia in votis simplicibus biennij societatis Iesu est vera traditio, & acceptatio, ut definiuit Gregorius XIII. in Bulla, quam in gratiam eiusdem societatis edidit anno 1584. quæ incipit. *Ascendente domino*, & tamen ea vota non reddunt hominem inhabilem ad matrimonium sublequens, iure naturæ, sed virtute illius constitutionis Gregorij: ergo. Et ideo ita tenent Scot. in 4. d. 38. q. unica Syluest. verb. *matrim.* 7. quest. 3. Caiet. 2. 2. quest. 88. art. 7. Med. de continen. controuers. 7. Cord. lib. 1. quest. 9. 24. Less. lib. 2. cap. 4. 1. dub. 8. & Azor. lib. 12. cap. 6. quest. 3.

Et ad argumentum primum opinionis respondeo negando consequentiam, nam religiosus per professionem non tradit potestatem corporis sui ad usum matrimonij, sed tradit religioni, ut ab ea gubernetur, quæ traditio non inducit vinculum repugnans vinculo matrimonij: nam hæc vincula simul stare possunt, ut patet, quando duo coniuges etiam post matrimonium consummatum sponte sua proficuntur, sed solum repugnant vsui matrimonij.

## QVÆSTIO CCLVI.

*An si religiosus post solemnem professionem matrimonium contrahat, tale matrimonium sit validum?*

RESPONDEO non valere, ut expressè fuit definitum ab Innoc. 2. in quadam generali synodo anno 1139. Quod postea confirmavit, &

expressius declarauit Bonifacius Papa VIII. in cap. unico de voto, & voti redempt. determinans illud solum votum debere dici solemnè, quantum ad post contractum matrimonium dicendum, quod solemnizatum fuerit per susceptionem sacri ordinis, aut per professionem explicitam vel tacitam factam alicui de religionibus per sedem Apostolicam approbatis.

## QVÆSTIO CCLVII.

*An si professus, aut in sacris constitutus de facto matrimonium contrahat, sit ipso facto excommunicatus?*

RESPONDEO esse ipso facto excommunicatum, ut expressè definitur in lem. Cynica de coniug. ubi sic habetur. *Necnon religiosos, & moniales, & clericos in sacris ordinibus constitutos matrimonium contrahentes, refranare metu poena ab huiusmodi eorum temeritatis audacia cupientes: ipsos excommunicationis sententia ipso facto decernimus.*

Ex quo textu colligitur duo necessarii requiri, ut hæc excommunicatio incurratur. Primò, ut de facto matrimonium ineat. Secundò, ut contrahens sit professus, aut ordine sacro insignitus.

Hinc infertur primò, hunc esse excommunicatum, licet matrimonium non sit consummatum. Quia consummatio matrimonij non est de substantia eius, & lex prohibetis matrimonium, de contractu ipso intelligitur.

Secundò infertur, non esse excommunicatum, si post professionem, vel ordinem sacrum sponsalia de futuro contrahit. Quia illa non sunt matri

mattimonium, sed promissio matrimonij, lex autem hæc solum de matrimonio loquitur, & cum sit odiosa extendenda non est: vt rectè docet Caietan. in *summa verb. excommunicatio cap. 47.* & Nauarr. *cap. 27. num. 141.* Er quamvis Syluest. *verb. excommun. 9. casu 41.* hoc limiret, nisi post sponsalia, sequatur copula affectu maritali. Ar id habebat locum secundum ius antiquum *cap. Is qui fidem de spons.* in quo sponsalia per eam copulam transibant in matrimonium. Nunc verò iure nouo Concil. Trident. *sess. 24. de matrim. cap. 1.* non incurritur hæc excommunicatio, quia sponsalia non transeunt in matrimonium, quantumcumque sequatur copula affectu maritali.

- 4 Tertiò infertur, hunc non incurrere excommunicationem, si matrimonium clandestinum contrahit, nimirum absque Parocho, & duobus testibus. Quia hic contractus hodie non est verum sacramentum. Ita Henric. *lib. 11. de matrim. cap. 5. num. 9.* & Petr. de Ledesm. *de matrim. q. 65. art. 9. dub. 1.*

- 5 Quartò infertur, hunc non incurrere excommunicationem si exterius matrimonium contrahat, sine intentione contrahendi. Quia in dicta Clementina unica punitur ineundi matrimonij voluntas, quamuis ea praua voluntas effectum suum fortiri nequeat, iure dirimente matrimonium. Ita Suar. *de censuris d. 23. num. 17.*

## QVÆSTIO CCLVIII.

An Religiosus hanc excommunicationem incurrat, si cum consensu legitimo de facto contrahat, si constet alterum contrahentem non consentire?

Petr. de Ledesm. *de matrim. q. 55. art. 9.* tenet eum illam incurrere. Quia in dicta Clement. punitur affectus, & iniqua voluntas contrahendi, quæ in hoc matrimonio non deest: ergo.

At multò probabilius est, non incurrere. Quia ea Clementina punit matrimonium contractum contra illam prohibitionem, at non dicitur matrimonium, donec accedat verusque contrahentis consensus.

Tum quia qui contrahit cum consanguinea impubere, vel furiosa eam excommunicationem non incurrit, quamvis ex parte suæ voluntatis non sit defectus consensus: vt rectè docent Syluest. *verb. excommunicatio 9. casu 41.* Tab. *ibidem 5. casu 49.* Angel. *verb. excomm. 9. casu 41.* & Petr. de Ledesm. *loco supra citato.*

Er ad argumentum contrariæ opinionis respondeo, in dicta Clementina puniri prauam voluntatem matrimonium contrahendi, quando adest consensus ex se sufficiens ad contrahendum matrimonium, quod non contingit in casu nostro.

Quintò infertur, non incurri hanc excommunicationem, si religiosus metu graui cadente in virum constantem matrimonium inecat. Quia is consensus cum non sit liber, est ad contrahendum inefficax.

Tum quia Ecclesia non punit tam graui pœna, qualis est excommunicatio, eum qui tali metu graui compulsus matrimonium contrahit: vt doctè suo more tradit Nauarr. *cap. 27. num. 141* Syluest. *verb. excommun. 9. casu 42.* & Emman. Sa *verb. excommunicatio, vbi de excommunic. nulla reseruat numer. 10.*

Sextò infertur, non incurri hanc excommunicationem, quando religiosus, vel ordine sacro insignitus, priuilegio sedis Apostolicæ matrimonio

Ecc 3 nium

nium contrahit. Quia qui sic contrahit, non peccat, ac dicta Clementina culpam, & temeritatem contrahentis punit.

- 4 Septimò infertur non ligari hac excommunicatione, quando aliquis putans se esse religiosum, vel ad sacrum ordinem promotum, matrimonium contrahit, sed re vera talis non est. Quia cum ex parte rei non sit professus, nec ordine sacro insignitus, reuera matrimonium inrerdictum non contrahit, nec dicta Clementina punit prauam voluntatem, effectu non secuto, sicut non ligatur excommunicatione, qui putans percutere clericum, percutit sæcularem, vt docet Nauarr. cap. 22. num. 43. & Suar. de censuris d. 23. num. 17.

### QVÆSTIO CCLIX.

*An huius peccati cognitio ad Inquisitores sancti officij pertineat?*

- 1 **R**ESPONDEO pertinere. Quia qui huiusmodi crimen committit, videtur esse suspectus de hæresi, cum ipso facto malè sentiat de voro solempni, ac eius obligatione.

### QVÆSTIO CCLX.

*An professus matrimonium contrahens sit irregularis?*

- 1 **H**ENRIQ. lib. 12. de matrim. cap. 6. num. 10. negat.  
2 At omnino tenendum est, hunc incurrere irregularitatem: vt colligitur ex cap. Quodquod 27. quæst. 2. quod est ex Synodo Ancyana cap. 18. Et hæc irregularitas est ex delicto: vj habetur ex cap. Nuper, & ex cap. fin. de bigamis. Et ita sentiunt Nauarr. lib. 1. conf.

11. de bigamis conf. 1. num. 6. Tolet. lib. 1. cap. 26. num. 7. Valent. 4. p. d. 7. q. 19. p. 3. Eminent. Sa. verb. irreg. vbi de bigamia num. 4. & Lop. p. 2. cap. 22.

### QVÆSTIO CCLXI.

*An si in sacris constitutus matrimonium contrahat sit irregularis?*

**E**T quidem si clericus in sacris constitutus cum vidua cognita à priori viro contrahat, & cum ea matrimonium consummet, certum est, eum esse irregularem: vt expressè definitur in cap. fin. de bigamis.

### QVÆSTIO CCLXII.

*Sed dubium est: An clericus in sacris constitutus cum vna, & virgine contrahens sit irregularis?*

**P**ETRA. à Soto lect. 18. de matrim. pag. 4. & Henric. lib. 12. de matrim. cap. 6. num. 10. & lib. 14. de irreg. cap. 4. negant.

Sed dicendum est, hunc esse irregularem, vt definitur in cap. 1. Qui clerici, vel vouentes & in cap. 2. cod. iii. de subdiacono. Et hæc irregularitas non oritur ex significationis defectu, sed ex delicto. Ita Nauarr. cap. 27. num. 95. Tolet. lib. 1. cap. 26. num. 7. Valent. 4. p. d. 7. q. 19. p. 3. Rodet. p. 1. cap. 158. num. 2. & Lop. p. cap. 22.

### QVÆSTIO CCLXIII.

*Utrum ad hanc irregularitatem incurrendam requiratur copula?*

**R**ESPONDEO requiri, vt expressè definitur in cap. Debitum de bigamis,

*bigamis, & in cap. fin. d. 38. quod est ex Gelasio Papa. Et tradit D. Thom. in 4. dist. 27. quest. 3. art. 1. q. 1. ad 3. Tolet. lib. 1. cap. 26. num. 5. Couar. Clem. si furiosus de hom. 1. p. 5. 2. num. 1. & plerique alij.*

### QVÆSTIO CCLXIV.

*An in hoc casu mandantes, consilium, auxilium, vel fauorem præstantes hanc excommunicationem incurrant?*

**R**OSELLA verb. excomm. 1. casu 43. & Syluest. ibidem 9. casu 41. dub. 8. num. 79. affirmant.

**2** Alij verò rectius negant. Quia dicta Clement. vnica solos contrahentes excommunicat. Et ideo ita tenent Nauarr. cap. 27. num. 141. Caietan. in summ. verb. excomm. cap. 47. & ibi Armil. casu 45. & Petr. de Ledesm. de matrim. q. 55. art. 9. dub. 1. qui bene infert nec ligari hac excommunicatione Procuratorem, per quem initur matrimonium, nec parentes qui nomine filiorum consensum in matrimoniū præstant. Quia hi non sunt propriè contrahentes, sed verorum contrahentium mediatores.

### QVÆSTIO CCLXV.

*An Sacerdos qui hoc matrimonium solemnizat, hanc excommunicationem incurrat?*

**1** CAIETAN. verb. excomm. cap. 47. Nauarr. cap. 27. nu. 141. & Emm. Sa verb. excomm. ubi de excomm. nulli reseruatis num. 10. sentiunt hunc sacerdotem tali excommunicatione ligari. Ducunturque quia in dicta Clementina vnica etiam excommunicatione feriuntur, qui iisdem matri-

moniis interdictis assistunt. Nam ibi dicitur. *Et inter eos scienter eadem celebrantes matrimonia.* Quæ verba non reperiuntur in nostris codicibus. Et ideo dicendum est cum Syluest. verb. excomm. 9. casu 41. num. 79. & Rosell. ibidem 1. casu 43. Suar. de censuris disp. 23. num. 23. & aliis eum talem excommunicationem non incurrere. Quia in ea Clementina vnica soli contrahentes matrimonium excommunicantur.

### QVÆSTIO CCLXVI.

*An per ingressum religionis sponsalia dissoluantur?*

**I**n qua re certum est apud omnes, 1 per solemnem professionem sponsalia de futuro dissolui.

### QVÆSTIO CCLXVII.

*Sed dubium est: An per religionis ingressum, solemnem professionem non secuta, sponsalia dirimantur?*

**D** Thomas in 4. dist. 27. q. 2. art. 3. 1 ad 1. negat.

At verò Sotus in 4. d. 27. quest. 2. 2 art. 5. Nauarr. cap. 22. num. 16. Cord. summ. quest. 136. Henric. lib. 11. de matrim. cap. 14. num. 3. Lop. p. 2. cap. 38. & Roder. p. 1. cap. 244. num. 1. rectius affirmant. Quia eo ipso, quod quis ad religionem transit, satis declarat se sponsalibus renunciare: ergo manens in sæculo ab obligatione est liber.

Tum quia per huiusmodi ingressum facta est notabilis mutatio, magno enim dedecori tribuetur puellæ, si cum illo qui religiosus fuit, contrahat, & è contra viro si monialem ducat.

Hoc tamen limitat Roder, nisi ingressus religionis dolose fiat, animo statim exeundi, ut hac via, & modo liberetur ab obligatione sponsalium.

- 3 Sed hæc limitatio non est necessaria, ut manens in sæculo possit ad alias nuptias transire, immo potius, certius est, cum liberum manere, quia constat alterum ob id ingressum esse religionem, ut sponsalibus renunciatet.

### QVÆSTIO CCLXVIII.

*An per ingressum religionis professione solemni non secuta, dirimantur prorsus sponsalia ex parte utriusque?*

- 1 **H**ENRIQ. lib. 11. de matrimo. cap. 14. num. 3. & Roder. p. 1. cap. 245. num. 1. affirmant tantum dissolui, ex parte manentis in sæculo.

- 2 Sed dicendum est, ea omnino dissolui, ex parte utriusque, quando ille bona fide, animo experiendi religionis austeritates ingreditur. Secus si fraudulentè, & animo statim egrediendi: fraus enim nemini debet patrocinari. Vnde sicut manens in sæculo potest statim alteri nubere, ita similiter Nouitius ille si religionem dimittat. Et ideo ita sentiunt Sotus, Nauarr. & Lop. ubi supra.

### QVÆSTIO CCLXIX.

*An qui sponsalia iurauit, possit ante impletionem iuramenti, ad religionem migrare?*

- 1 **N**AVARR. cap. Non dicatis 12. q. 1. num. 3. & Vega lib. 1. casu 389. negant, sed teneri prius contrahere, & postea ante consummationem religionem ingredi. Et probant, quia in cap.

*Commisum de spons. consultus Pontifex de hoc dubio sic respondit: Tutius est ei, religionem iuramenti seruata si prius contrahat, & postea si elegerit, ad religionem migrare.*

At multo verius est, posse hunc religionem ingredi non contracto matrimonio. Ratio est, quia in dicto cap. *Commisum de sponsal.* Pontifex solum dixit, tutius esse ei prius contrahere, quod tantum consilium est: ergo potest tuto oppositum fieri.

Tum quia iuramentum sortitur naturam, & conditiones actus, super quo interponitur cap. *Quemadmodum de iurjur.* Vnde conditio in actu subintellecta, similiter subintelligitur in iuramento: At in promissione matrimonij, subintelligitur conditio, *Nisi promittens voluerit religionem ingredi*: ergo & in iuramento, ac proinde cum ingrediens religionem conditionem impleat, non erit periturus, si non contracto matrimonio ad religionem transeat. Et ideo ita sentiunt Caietan. ubi periturum cap. 2. Sot. in 4. d. 27. q. 2. art. 5. Henriq. lib. 11. de matrimo. cap. 13. num. 3. & cap. 14. num. 3. Lop. 2. p. cap. 38. & Cord. summ. quest. 136. Quod intelligitur, nisi concurrat vrgens causa ad prius contrahendum, tunc enim teneretur contrahere, & ante consummationem posset ad religionem migrare: ut si per tale matrimonium cesset dedecus virginis, aut proles ab illa suscepta legitimeretur. At hæc obligatio non confurgit ex vi iuramenti, sed ad refarciendum damnum.

### QVÆSTIO CCLXX.

*An qui post sponsalia iurata votum religionis emisit, possit licitè contrahere matrimonium animo firmo ingrediendi religionem ante eius consummationem?*

PETR.

**P**ETR. de Ledesm. de matrimon. q. 53. art. 1. tenet id licere. Quia utitur iure suo, & contractus est utriusque æqualis: idem enim alteri licet.

Cæterum multò probabilius est id non licere absque culpa lethali. Ratio est, quia qui sic contrahit, euidentiſſimo periculo exponitur remanendi in mundo propter eius blandimenta, & sponſæ illecebras, & ita violandi votum.

**T**um quia qui eo animo contrahit, videtur notabilem inferre iniuriam sacramento, dum illud ſuſcipit, ſine intentione exercendi actum, ad quem ordinatur.

Tum quia iniuriam infert puellæ, decipiendo eam in re tam graui, dum promittit ei debitum, quod reddere interius minimè intendit: cogitque eam absque nuptiis eſſe, donec ipſe proficetur, & ſi è religione diſcedat, eſſe vxorem monachi cum ſuo dedecore, & eo ad profeſſionem admiſſo, non ira facile aliis nubet ob ſuſpicionem copulæ cum illa habitæ.

Et ad fundamentum contrariæ opinionis reſpondeo: fateor hunc uti iure ſuo quando bona fide contrahit matrimonium, quia tunc contractus eſt utriusque æqualis: ſecus quando dolosè ſine animo conſummamandi contrahit, quia tunc non ſeruatur æqualitas, nam alter bona ſine nubit.

## QVÆSTIO CCLXXI.

*An qui ſponſalia iurauit, poſſit matrimonium contrahere animo ingrediendi religionem antequam conſummet?*

**D**OCTOR ſubtilis in 4. d. 34. queſt. unica affirmat poſſe.

**S**ed verius eſt, non poſſe. Ratio

eſt, quia qui iurat ducere vxorem aliquam, non adimplet iuramentum, ſi contrahit cum illa animo migrandi ad religionem. Quia iuramentum ducendi eam implicite continet conſummationem matrimonij, & facere vitam coniugalem, cum in iuramentis, & votis plus debeat inſpici ad intentionem, quàm ad verba.

## QVÆSTIO CCLXXII.

*An qui poſt votum religionis, aut caſtitatis virginem deſlorauit ſub ſpe eam ducendi in vxorem, teneatur matrimonium inire, vel potius ingredi religionem, vel vitam calibem tenere?*

**D**OCTOR Nauarr. lib. 4. conf. de ſponſalibus conf. 21. negat poſſe eam ducere.

Contrarium tamen verius, & probabilius videtur, nempe teneri eam ducere. Ratio eſt, quia votum nullam vim habet obligandi, quando interuenit notabilis mutatio, ut omnes Doctores tradunt: hic autem notabiliſſima eſt mutatio, cum vinculum iuſtitie fortiffimum ſuperueniet, & ingens proximi iniuria, ſi votum impleatur.

Tum quia iuſtitie vinculum fortius eſt, quàm charitatis, ſed ob charitatis vinculum ſuperueniens tenetur quis votum religionis præcedens proſequi, ut hac ratione parentum indigentie ſubueniatur: ergo à fortiori id facere poterit in caſu noſtro.

\* Tum quia ex hoc, quod deſlorator fœminam ducat in vxorem, minimè ab obligatione voti liberatur, ſed tantum voti executio ad tempus differtur: ergo ſufficiens eſt cauſa tam vrgens.

E F F

Tum.

Tum quia ære alieno onustus, si in breui sperat se habiturum vnde soluat creditoribus, non potest religionem intrare, ad quod voto tenebatur, sed obligatur differre, vt omnes faterentur. At in casu nostro potest deflorator statim soluere, ducendo eam in vxorem; ergo non obstante priori voto tenetur.

- 4 Quam doctrinam intelligo, quando puella votum promittentis ignorauit. Si enim nouit, seipsam decepit & alter tenetur votum implere.

### QVÆSTIO CCLXXIII.

*An qui religionem vouit, & postea matrimonium contraxit, teneatur religionē ingredi antequam illud consummet?*

- 1 R E S P O N D E O teneti, & si illud consummet, peccat mortaliter. Ratio est, quia adimpletio voti adhuc est ei licita, & possibilis. Si tamen consummauit, postea non solum debitum reddere, sed etiam petere potest, cum votum religionis præcisè non obliget ad continentiam, nisi post professionem factam in religione approbata: mortuo autem coniuge tenetur ad religionem migrare, cum suum votum non fuerit extinctum, sed sopitum ad tempus. Vnde si postea ad secundas nuptias transeat, iterum peccat mortaliter, quia exponit se periculo violandi votum suum per consummationem matrimonij; & si postea consummat, iterum peccat mortaliter Ita Caiet. 2. 2. 9. 88. ar. 2. Sot. lib. 7. 9. 2. ar. 1. & Nauar. c. 12. nu. 47.

### QVÆSTIO CCLXXIV.

*An votum simplex castitatis sponsalia dissoluat?*

E T quidem si votum castitatis sponsalia antecedar, reddit ea irrita, etiam iuramento firmata. Quia quod Deo semel dicatum est, non potest sine sacrilegio alteri tradi, ac proinde peccat mortaliter, qui post huiusmodi votum matrimonium promittit.

Secundò etiam constat, per tale votum sponsalia dissolui ex parte eius qui non vouit. Quia eo ipso quod alter vouit statim visus est sponsalibus renunciare, atque ita alterum liberum esse à sponsaliū fide, ac proinde posse libere cum ad alias nuptias transire. Quod debet intelligi in foro conscientiae, quia in foro externo non potest contrahere, donec publicè constet de voto facto alterius.

### QVÆSTIO CCLXXV.

*Difficultas ergo est, quando sponsalia votum precedunt: An videlicet votum castitatis simplex factum post sponsalia, ipsa ex parte vponentis dissoluat?*

D O C T O R Angelicus in 4. d. 38. q. 1. art. 3. q. 3. ad 1. Caietan. verb. *periculum ad finem* cap. 2. Sot. in 2. d. 27. quæst. 2. art. 5. & Henric. lib. 11. de matrimonio cap. 14. num. 4. tenent sponsalia etiam iurata dissolui per votum castitatis superueniens. Et ratio est, quia promissum non infringit, qui in melius illud commutat. cap. *Peruenis de iureiur.*

Tum quia in sponsalibus semper inest tacita conditio. Nisi voluero ad meliorem statum transire.

Cæterum multò verius est, talia sponsalia non dissolui. Et ratio est, quia res alteri promissa, non potest Deo dicari per votum castitatis: sed per



per sponsalia proprium corpus alteri promittitur : ergo repromissio eiusdem corporis facta Deo per votum, non est illi grata.

Tum quia nullo iure probati potest, in sponsalibus inesse tacitam conditionem, *Nisi voluero ad meliorem statum migrare præter statum religionis*: immo Ecclesia auctoritate iudicis cogit eum qui votum castitatis post sponsalia emisit, ut vel religionem ingrediatur, vel sponsalia perficiat. Et ideo ita tenet Syluest. *verb. Matrimonium* 7. q. Nauarr. *cap. 22. num. 27. Cord. summ. q. 136. p. 4. Vaga lib. 6. summ. casu 41. p. 4. Lop. p. 2. cap. 38. & Cosm. Phil. de off. Sacerd. tom. 1. p. 2. lib. 2. cap. 1.*

Hinc, qui post sponsalia votum castitatis emittit, peccat mortaliter. Quia vouendo videtur sponsalibus renunciare. Syluest. *verb. Sponsalia. quest. 7.* Quod intelligo quando votens habet animum manendi in sæculo : secus autem si animo ingrediendi religionem tale votum emitteret : quia tunc non peccaret, quia vitur iure suo.

Nec argumenta in contrarium adducta sunt alicuius valoris : nam ad primum respondeo, textum citatum loqui de voto in quo cum Deus sit creditor, semper rem meliorem accipit : secus in promissione homini facta.

Ad secundum patet ex dictis.

## QVÆSTIO CCLXXVI.

*An qui post sponsalia, votum castitatis emisit, teneatur ad religionem transire, ut suum votum impleat?*

**M**ULTIS visum est, & viris quidem peritis hunc teneri religionem ingredi. Quia aliter votum suum integrè implere nequit. Sic Syl-

uest. *verb. sponsalia q. 7. & Cord. summ. quest. 136.*

At ego existimo hunc non teneri religionem ingredi, sed posse si velit; sin minus teneri matrimonium inire. Prima pars probatur, quia hic religionem non vouit; ergo ad id non tenetur.

Secunda verò pars probatur, quia sponsalia non sunt dissoluta : ergo tenetur illa perficere inito matrimonio.

## QVÆSTIO CCLXXVII.

*An huiusmodi votum post sponsalia emissum sit validum?*

**V**IVALDVS *cand. sacram. 1. p. de spons. cap. 5. num. 48.* tenet esse irritum.

At dicendum est ex parte vouentis id esse validum, & obligare non quidem ad non ducendam illam, cui fidem dedit, sed dissolutis sponsalibus ex quacunque causa sufficienti, vel matrimonio morte coniugis ad seruandam omnino castitatem, vel constante matrimonio ad non petendum debitum, quamuis reddere teneatur. Et ratio est, quia votum castitatis etiam emissum à coniugato est validum in sui præiudicium.

Et videtur conclusio definita in *cap. Veniens*, ubi sponsæ quæ post sponsalia castitatem vouit sponsaliam aliis nuptiis adstricto, conceditur dispensatio aliud matrimonium contrahendi, iniuncta pœnitentia de animo violandi votum : ergo votum fuit validum.

## QVÆST. CCLXXVIII.

*An qui sponsalia promissit, possit tuta conscientia ad sacros ordines ascendere?*

FFF 2 PALVD.

<sup>1</sup> PALVD. in 4. d. 27. q. 1. art. 3. & Maiolus de sponsal. lib. 1. de irreg. cap. 34. num. 6. negant.

<sup>2</sup> At verior sententia est, hunc posse ad sacros ordines promoueri, ac proinde sponsalia dissolui voto ordinis sacri suscipiendi. Ratio est, quia in sacro ordine solemne castitatis votum includitur, cap. Vnico de voto in 6. Sed votum solemne castitatis dissolvere sponsalia diximus supra: ergo. Atque ita tenent Sor. lib. 7. quest. 1. ar. 3. Cord. summ. quest. 136. p. 4. Henric. lib. 11. de matrim. cap. 14. num. 4. & Vega summ. casu 41. p. 4.

### QVÆSTIO CCLXXXIX.

*An per solemnem religionis professionem, vinculum matrimonij dissoluatur?*

<sup>1</sup> IN qua re conuenit inter omnes in vinculum matrimonij consummati per religionis professionem non dissolui iuxta illud Matth. 19. *Quod Deus coniunxit, homo non separet. Et quicumque dimiserit uxorem suam, & aliam duxerit, machatur.* Et illud Apost. 1. Cor. 7. *His quis matrimonio iuncti sunt precipio non ego, sed dominus, mulierem à viro non discedere.* Quæ verba de aliquo matrimonio locum habere debent, at non de matrimonio rato ut ex infra dicendis constabit: ergo de matrimonio consummato.

### QVÆST. CCLXXX.

*Quæstio ergo tantum est, de matrimonio rato?*

<sup>1</sup> PALVD. in 4. d. 27. q. 3. art. 2. & ibi Supplem. Gabr. quest. 2. art. 3. dub. 8. negant.

<sup>2</sup> At verissima sententia est, vinculum matrimonij rati antea contracti so-

lemni religionis professione alterius coniugis dissolui, & alterum in seculo derelictum esse omnino à vinculo solutum, postque libere ad secundas nuptias transire, si religiosus similiter fieri nolit. Probatur primo ex vsu Ecclesie, & Apostolorum traditione à Christo deriuata; nam in primis D. Ioannes Euangelista, ut Beda in proemio in eundem testatur, ex nuptiis vocatus est ad Apostolatam.

Deinde, teste D. Amb. lib. 2. de virginitate. Teclam virginem, & martyrem post matrimonium contractum, nondum consummatum D. Paulus ad fidem conuertit, & ad vitam religiosam vocauit. Et D. Alexius, Macarius, Cæcilia & multi alij ex nuptiis ad statum perfectiorem transierunt: ut in eorum vitis Metaphrastes, Surius, & D. Hieronymus describunt.

Tandem est conclusio definita in Conc. Trident. sess. 24. de matrim. can. 6. vbi sic dicitur. *Si quis dixerit matrimonium ratum non consummatum per solemnem religionis professionem non dirimi, anathema sit.* Quod intelligitur, etiam si alter coniux repugnet.

Ex quo sequitur matrimonium ratum minimè dissolui per vota emissa à fratribus, & sororibus de tertio ordine B. Dominici & B. Francisci, qui nec clausuram seruant nec in comuni viuunt. Quia hæc vota non sunt solemnia, sed simplicia.

### QVÆSTIO CCLXXXI.

*An per professionem in religionibus militaribus emissam soluantur matrimonium ratum?*

<sup>1</sup> ET quidem certum est, matrimonium ratum dissolui per professionem Clericorum, & Monialium ordinum

ordinum militarium ſub clauſura, & in communi viuentium.

Quia hi verè, & propriè religioſi ſunt. Et in hoc omnes conueniunt.

Sed difficultas conſiſtit, de profeſſione equitum militarium ordinum, qui non viuunt in communi, nec vxores ducere poſſunt, vt ſunt Equites Melitæ dicti ſancti Ioannis.

- 2 Sorus in 4. diſt. 27. q. 1. ar. 4. tenet per eam non diſſolui matrimonium ratum. Quia non ſunt verè, & propriè religioſi. Nam proprium retinent, & more ſæcularium viuunt.

At pro certo tenendum eſt diſſolui. Quia huiusmodi equites, & nobiles viti ſunt verè, & propriè religioſi, & emittunt tria religionis eſſentialia vota, nempe obedientiam, 3 paupertatem, & caſtitatem in religione per ſedem Apoſtolicam approbata. Et ideo ita tenent Nauarr. lib. 3. conſ. tit. de regular. conſ. 12. Cord. in ſum. q. 148. & 178. Arag. 2. 2. q. 88. artic. 11. Roder. p. 1. ſum. cap. 238. Henriq. lib. 11. de matrim. cap. 8. num. 6. & Vega lib. 6. ſum. caſu 17. quid dicunt quod D. Gaſton Dux Medinæ cæli huius ordinis profeſſione emiſſa, liberatus fuit à matrimonio iam valido per legitimum conſenſum de præſenti, idque factum fuit cum ſapientium conſilio, & vigore ſtatuti illius religionis id permittentis.

### QVÆST. CCLXXXII.

*Sed maius dubium eſt, de equitibus D. Iacobi Calatrana, & Alcantara, &c.*

- 1 Nonnulli cenſent per eorum profeſſionem matrimonium ratum,

nondum conſummatum dirimi. Quia eſt ſolemnis profeſſio.

Alij verò rectius negant. Quia hi 2 non promittunt caſtitem abſolutè, ſed duntaxat caſtitem coniugalem, id eſt poſſunt matrimonium contrahere: ergo per eorum profeſſionem non dirimitur matrimonium ratum non conſummatum prius contractum. Et ideo ita ſentiunt Arag. 2. 2. quaſt. 38. ar. 11. Petr. de Ledcſm. in ſuis addit. ad 3. p. quaſt. 6. ar. 2. ad 4. Roder. tom. 3. qq. reg. quaſt. 1. art. 7. & Henriq. de ſacramentis lib. 11. cap. 8. §. 6.

### QVÆSTIO CCLXXXIII.

*An per ſuſceptionem ſacri Ordinis matrimonium duntaxat ratum, nec dum conſummatum diſſoluitur?*

RESPONDEO non diſſolui, vt 1 habetur definiti à Ioanne XXII. in ſuis extranag. Antiqua de voto, & voti redemptione. Et idem aſſerendum eſt de Episcopatu, qui licet ſit ſtatus religionis perfectior, non tamen eſt ſtatus conſiſtens in totali ſæcularium rerum abnegatione, quæ quoad ſæculum dicitur mors ſpiritualis, nec habet tale priuilegium, ideo non dirimit, ſicut profeſſio. Quod ſi Ioannes Euangelista vt D. Hier. & Auguſt. teſtatur, à nuptiis vocatus fuit ad Apoſtolatam, id fuit quia Apoſtoli verè religioſi fuerunt, votisque ſe religionis obſtrinxerunt renuntiando ſæculo, in quo eis Episcopi non ſuccedunt, ſed in officio paſtorali. Sor. in 4. diſt. 27. q. 1. art. 4. & lib. 7. q. 5. art. 3.

## QVÆST. CCLXXXIV.

*Quanam sit ratio, ob quam matrimonium ratum per solemnem professionem dissoluatur, non autem consummatum?*

**R**ESPONDEO, ratio huius ea esse potest, quia in matrimonio rato dumtaxat coniunctio inest animorum, non corporum, quæ vnionem inter Deum, & fidelem animam existentem significat; hæc autem sicut per peccatum dissolubilis est, ita matrimonium ratum dissolubile erit per professionem.

At vero in matrimonio consummato, quia est etiam coniunctio corporum, quæ indicat vnionem inter Deum, & fidelem animam per carnis humanæ assumptionem in utero Virginis, quæ vnio quia inseparabilis est, matrimonium quoque consummatum inseparabile existit.

## QVÆSTIO CCLXXXV.

*Quo iure, quâue ratione per solemnem professionem vinculum matrimonij rati dissoluatur?*

**I**N qua re sanè dubia, & perplexa tres sunt opiniones. Prima docet ex natura rei id professioni conuenire, ac proinde ex iure naturali, & diuino. Ita D. Thom. in 4. d. 27. quæst. 1. artic. 3. quæstion. 2. Couarru. 4. decret. 2. part. cap. 7. §. 4. num. 7. Lop. p. 2. c. 39. & Card. Bellarm. lib. 2. de monach. c. 38.

Secunda opinio tenet eiusmodi vim professioni inesse iure diuino po-

sitiuo. Quia ordinatione Christi matrimonium ratum habet hanc conditionem, *Nisi voluero religionem eligere*. Sic Scot. in 4. d. 31. quæst. 1. Sor. in 4. d. 27. quæst. 1. art. 4. Cord. lib. 1. quæst. 2. q. 25. Henric. lib. 11. de matrim. cap. 8. num. 6. & Sanch. lib. 2. de matrim. d. 19.

Tertia verò opinio, quàm sequor, sustinet id prouenire ex sola ecclesiæ constitutione. Ratio est, quia professio hoc facit ratione solemnitaris, sed solemnitas est ex constitutione Ecclesiæ: ergo professio hoc facit ex constitutione Ecclesiæ.

Tum quia Pontifex potest iustus de causis dissolvere matrimonium ratum, vt multi nobiles authores testantur. Arqui hoc est sufficiens causa nimirum transitus ad religionem: ergo potuit statuere, vt in hoc casu dissolueretur. Et idèd ita sentiunt Less. lib. 2. cap. 41. dub. 8. Med. lib. 5. de sacrorum homin. continent. cap. 86. & Azor. lib. 12. c. 6. q. 3.

## QVÆST. CCLXXXVI.

*An quando uterque coniux communi consensu profitetur, vinculum matrimonij rati dissoluatur?*

**D**OCTOR Angelicus in 4. in d. 1. 27. q. 1. artic. 3. q. 3. ad 1. negat dissolui. Et probat, quia quando vnus tantum profitetur, quantum in se est, renunciat vinculo matrimonij. Et idèd alter à vinculo illo liber euadit: at dum uterque profitetur, neuter renunciat.

Catèrùm absque dubio dicendum est, dissolui. Et ratio est, quia hæc matrimonij dissolutio non prouenit ex iuris proprii renunciatione, sed

vel,

- 2 vel, ut dicit Scotus, ex Christi privilegio; vel, quod probabilius est, ex Ecclesie constitutione, quæ æquè procedit, siue uterque, siue alter profiteatur. Ita Henricus, lib. 11. de matrim. cap. 8. nu. 9. & Ledesma. 2. p. 4. q. 63. ar. 3.

## QVÆST. CCLXXXVII.

An Pontifex possit in matrimonio rato dispensare quoad vinculum, ita ut uterque possit secundum matrimonium inire?

*Non est clarum, quia non est res.*

**D**OCTOR subtilis in 4. d. 31. q. 1. Arag. 2. 2. quæst. 88. artic. 11. Cord. lib. 1. quæst. 1. q. 25. Lop. p. 2. c. 5. 4. Sot. lib. 7. quæst. 2. artic. 5. & Vega lib. 4. sum. casu 399. negant.

Communis tamen, & vera sententia habet summum Pontificem posse in matrimonio rato dispensare. Ratio est, quia in rebus dubiis standum est iudicio Superioris maxime Pontificis, cui totius Ecclesie regimen incumbit. cap. Ad aures de temp. ord. Sed varij Pontifices inveniuntur, in matrimonio rato dispensasse. Nam D. Anton. 3. part. 1. 1. cap. 21. §. 3. testatur se vidisse Bullas Martini V. & Eug. IV. qui in matrimonio rato, & non consummato dispensarunt. Et Nauar. cap. 22. num. 21. refert ter, vel quater ad instantiam suam Paul. III. & Pium IV. dispensasse. Et Caiet. in opusc. 10. 1. tract. 28. de matrim. q. unica refert suo tempore sæpe Pontifices dispensasse. Et Henricus, lib. 11. de matrim. cap. 8. num. 11. refert Greg. XXIII. vnica die cum vndecim dispensasse: ergo.

Et confirmatur: nam Pontifex potest dispensare in voto solemnī religionis: ergo & in matrimonio rato. Probo consequentiam, quia votum

solemnē est fortius vinculum, cum dissoluatur matrimonium ratum. Et idē huius opinionis sunt Illustrissimus Caietan. opusc. tom. 1. tract. 24. de matrim. quæst. unica. Nauar. lib. 4. conf. 1. de spons. conf. 3. & cap. 22. num. 21. Medin. lib. 5. de contin. cap. 88. Henricus, lib. 11. de matrim. cap. 8. num. 11. & lib. 12. cap. 5. num. 3. & cap. 16. num. 7. Bellarmin. lib. 2. de monach. cap. 38. Cosm. Phil. de off. sacerdot. tom. 1. p. 2. lib. 2. c. 16. & Viual. cand. lib. 1. p. de matrim. nu. 32.

## QVÆST. CCLXXXVIII.

An Romanus Pontifex possit sine iusta causa dispensare in matrimonio rato?

**E**T quidam certum est, Pontificem peccare, si sine iusta causa in matrimonio rato dispenseret.

## QVÆST. CCLXXXIX.

Sed dubium est: An si absque iusta causa dispenseret, talis dispensatio teneat?

**M**EDINA lib. 5. de contin. cap. 73. 1 & Henricus, lib. 11. de matrim. nu. 11. affirmant tenere. Quia putant indissolubilitatem matrimonij rati esse de solo iure humano.

At Illustrissimus Caiet. opusc. 10. 1. tract. 28. de matrim. q. unica. Nauar. c. 22. nu. 21. & Philarch. 10. 1. p. 2. lib. 2. c. 16. asserunt talem dispensationem non valere. Pro quo,

Primò dico, quod verisimilis est opinio Medinæ asserentis valere dispensationem Pontificis in matrimonio rato absque causa iusta concessam. Quia probabile est, indissolubilitatem talis matrimonij esse de iure positivo.

Secundò dico, quod verisimilior est opinio Caietani, & aliorum tenentium dispensationem Pontificis absque causa iusta factam in matrimonio rato esse omnino irritam. Quia verisimilius est, hanc indissolubilitatem esse de iure naturali, & diuino, in quo Pontifex sine iusta causa non potest validè dispensare.

Tertiò & vltimo dico, quod vt Pontifex in matrimonio rato dispense, non exigitur mutus coniugum consensus, sed si causa iusta subit, potest Pontifex dispensare altero eorum contradicente. Quia si causa iusta existat, contradictio alterius non potest Pontificis auctoritatem coarctare, quominus possit alteri habenti iustam dissoluendi causam, consulere. Ita Mcd. lib. 5. de continentia cap. 89.

### QVÆST. CCXC.

*An Romanus Pontifex possit dispensare cum professò, vt matrimonium ad tempus ineat, ea lege, vt habita prole, ad religionem redeat?*

**R**ESPONDEO non posse. Ratio est, quia indissolubilitas est de essentia matrimonij. Poterit tamen dispensare eo pacto, vt si habita prole vxor liberè consentiat, vel perpetuam iusti diuortij causam dederit, teneatur ad religionem redire.

### QVÆST. CCXCI.

*...vixatur, vt matrimonium consummatum, ac pro-  
solemnem religionis  
...in d. 11*

**E**T quidem certum est primò, non consummari matrimonium per quancumque feminis effusionem extra naturale vas. Quia ea non est copula, quæ necessariò exigitur ad matrimonij consummationem.

Secundò certum est, consummari matrimonium quacunque arte, etiam dæmonis ministerio, recipiatur semem intra vas naturale absque illius penetratione. Quia ea copula est generationi sufficiens, efficitque coniuges vnā carnem. Ita Sot. in 4. d. 1. q. 1. ar. 4. Cord. sum. q. 178. & Henric. lib. 21. de matr. cap. 5. nu. 3.

### QVÆST. CCXCII.

*Sed dubium est. An ad consummationē matrimonij sufficiat vasis penetratio absque seminis emissionē intra vas?*

**M**ED. lib. 5. de continentia cap. 76. & 77. Petr. de Ledesm. de matrim. q. 61. ar. 1. & Roder. p. 1. sum. cap. 238. nu. 2. tenent sufficere vasis penetrationem absque seminis receptione.

Alij verò rectius docent vltra vasis penetrationem necessariò requiri viri seminationem intra vas. Ratio est, quia ea copula carnalis ad consummandum matrimonium requiritur, quæ efficit coniuges vnā carnem, vt Alex. Papa III. definit cap. 2. de conuersat. coniug. Sed sine seminis effusione intra vas, non efficiuntur vna caro, vt manifestè colligitur ex cap. lex quæ est Benedicti Papæ 27. quæst. 2. & tradit D. Thom. 4. d. 41. quæstio. 1. artic. 1. quæstio. 4. ad 1. ergo talis copula non sufficit ad consummandum matrimonium.

Tum

Tum quia ea copula ad conſum-  
mationem matrimonij exigitur, quæ  
ad generationē eſt apta, aliàs copula  
ſodomitica conſummarēt matrimo-  
nium, quod eſt pluſquam falſum: At  
ex penetratione abſque ſeminis im-  
miſſione, non poteſt ſequi generatio:  
ergo. Et ideo ita tenent Sot. in 4. d.  
27. quaſt. 1. artic. 4. Sylueſt. verb. ma-  
trim. 8. qu. 15. Henriq. lib. 11. de matrim.  
cap. 8. num. 8. Vega lib. 4. ſum. caſu. 157.  
& Cord. ſum. qu. 178.

## QVÆST. CCXCIII.

*An matrimonium ſit conſumma-  
tum, ſi ſolus vir intra vas ſæmi-  
neum ſemen emittit?*

**D**OCTOR Angelicus 3. p. qu. 31.  
art. 5. ad 3. communiter rece-  
ptus docet eſſe conſummatum, quia  
tenet cum Ariſtotele lib. 2. de generat.  
animal. cap. 2. & Galeno ſibi contra-  
rio lib. 1. de ſanis. tuenda cap. 1. & Avi-  
cenna lib. 9. animal. cap. 1. ſemen ſæ-  
mineum ad generationem non eſſe  
neceſſarium. Eandem opinionem ſe-  
quuntur Sot. in 4. d. 27. quaſt. 1. art. 4.  
Henriq. lib. 11. de matrim. cap. 8. nu. 8. &  
Vega lib. 3. ſum. caſu 157.

**2** At Illuſtriſſimus Caiet. 2. 2. qu. 154.  
art. 12. ſentit non conſummati mat-  
rimonium, niſi etiam ſæmina ſemen  
emittat. Et probat, quia ſemen ſæmi-  
neum eſt ad generationem neceſſa-  
rium vt Hippocrates, & Galenus teſte  
ſauello lib. 8. met. quaſt. 17. affirmant.  
Ex quo loco ſic elicio argumentum.  
Ad matrimonij conſummationem re-  
quiritur copula, ex qua ſequi poteſt  
generatio, ſed niſi ſæmina ſemen  
emittat, non poteſt ex ea copula ſequi  
generatio: ergo non eſt conſumma-  
tum matrimonium, viro ſolo ſemi-  
nante.

## QVÆST. CCXCIV.

*An per copulam vi extortam con-  
ſummetur matrimonium?*

**E**T quidem, ſi loquamur de copu-  
la vi extorta poſt bimēſtre con-  
ceſſum vxori ad deliberandum de re-  
ligionis ingreſſu, certum eſt, per eam  
copulam matrimonium conſummati.  
Quia tunc cum vir vtatur iure ſuo, ve-  
rè conſummat matrimonium, & neu-  
tri licet ad religionem ingredi.

Quæſtio igitur eſt, quando copula  
intra illud bimēſtre vi extorquetur.

Sylueſt. verb. diuortium qu. 5. & ibi  
Armil. nu. 6. negant. Hoc idem dicunt  
eſſe probabile Palud. in 4. d. 27. qu. 3.  
ar. 1. & Duran. in 4. d. 27. qu. 2. nu. 14.

At pro certo tenendū eſt, matrimo-  
nium conſummati, & eſſe prout in-  
diſſolubile. Ratio eſt, quia ex copula  
vi extorta efficiuntur coniuges vna  
caro: vt habetur ex cap. Diſſolutionem de  
cogn. conſang.

Tum quia copula, ex qua poteſt ſequi  
generatio conſummat matrimonium:  
ſed hæc copula, vt conſtat, eſt huius-  
modi: ergo conſummat matrimonium.

Tum quia ex parte virile mat-  
rimonium eſt conſummatum, ac proinde  
indiolubile, & cum matrimonij  
vinculum claudicare nequeat, idem  
erit ex parte mulieris. Et ideo ita te-  
nent Henriq. lib. 11. de matrim. cap. 8.  
nu. 10. Couar. 4. decret. 2. par. cap. 7. nu.  
10. Vega lib. 2. ſum. caſu 500. Viçt.  
ſum. de matrim. nu. 225. & Roder. p. 1.  
ſum. cap. 238. nu. 1.

## QVÆSTIO CCXCV.

*An ſponſa vi cognita intra bime-  
ſtre ſibi à iure conceſſum, poſſit  
religionem ingredi?*

Ggg

Sotus

1 **S**OTYS in 4.d.17.q.1. art.4. Hen-  
 triq. lib.11. de matrim. cap.8. nu.10.  
 Lop. p.1. cap.83. & Vega lib.2. summ.  
 casu 500. negant.

2 Alij verò rectius affirmant posse  
 ad religionem transire. Ratio est, quia  
 sponsus extorquendo copulam à  
 sponsa ante bimestre, grauem ei in-  
 tulit iniuriam: ergo vt damnum vio-  
 lentie sibi illatum resarciat, potest re-  
 ligionem ingredi.

Tum quia sine sua culpa nemo de-  
 bet iure suo priuari: cum ergo sponsa  
 inuita, & absque sua culpa fuerit co-  
 gnita, non debet iure, quod habebat  
 intrandi religionem priuari. Ita  
 Syluest. verb. *diuortium* quæst. 3. Armil.  
 num. 6. Palud. in 4.d.27. quæst. 3. art. 2.  
 Palac. in 4.d.17.d.1. Petr. Ledesm. de  
 matrim. qu. 61. & Roder. p.1. cap.238.  
 num. 2.

3 Hinc non potest sponsus inuita  
 sponsa per vim oppressa, religionem  
 ingredi. Quia ex parte sua voluntariè  
 consummatum est matrimonium, &  
 sponsæ id concedunt Doctores, vt  
 damnum violentie sibi illatum resar-  
 ciat. Roder. p.1. sum. cap.238. nu. 3.

### QVÆST. CCXCVI.

*An sponsa timore graui cognita, pos-  
 sit ad religionem transire?*

1 **S**YLVEST. verb. *diuortium* quæst. 3.  
 Armil. ibidem num. 6. & Palac. in 4.  
 d.27.d.1. negant.

2 Sed verius, ac probabilius multò  
 est, quod docet Petr. de Ledesm. de  
 matrim. qu. 61. art. 1. nempe posse reli-  
 gionem ingredi. Ratio est, quia causa  
 ob quam sponsa per violentiam co-  
 gnita potest religionem ingredi, non  
 est, quia ea copula non fuit volunta-  
 ria, sed quia fuit per iniuriam ex-  
 torta, similis autem iniuria est, quan-

do timore graui copulam extorsit. Ita  
 Petr. de Ledesm. de matrimonio quæst.  
 61. artic. 1.

### QVÆST. CCXCVII.

*An sponsus qui vi vel metu graui  
 extorquet copulam à sponsa de  
 præsenti peccet?*

**E**T quidem si sponsus cogit spon-  
 sam ad copulam post duos men-  
 ses concessos à iure ad deliberandum  
 de religionis ingressu, non peccat.  
 Quia utitur iure suo. Quod intelli-  
 git Syluest. verb. *luxuria* qu. 6. quan-  
 do tentatis alijs vijs pacificis sponsus  
 nihil proficeret. Quia si his intentatis,  
 per vim eam extorqueret, peccaret  
 ratione modi.

### QVÆST. CCXCVIII.

*Tota ergo difficultas consistit, quan-  
 do intra illos duos menses, spon-  
 sus ea violentia utitur?*

**R**ODER. par.1. sum. cap.238. nu. 1.  
 censet eum non peccare mortali-  
 ter. Quia per illam copulam non fa-  
 cit iniuriam sponsæ, cum adhuc pos-  
 sit religionem ingredi eo inuito. Sed  
 sibi soli facit iniuriam, qui non potest  
 ducere aliam, licet vxor profiteatur  
 religionem, vsque ad eius mortem  
 naturalem.

Sed tanquam certum tenendum  
 est, eum peccare mortaliter. Quia au-  
 fert corporis integritatem, cum non  
 habeat ius, donec illud bimestre tran-  
 seat.

Tum quia forsan ex ea copula se-  
 quetur proles, ob quam sponsa im-  
 pedietur ab religionis ingressu.

Tum quia ob istam extortionem  
 posset sponsus in foro extetno puniri:

vt



vt notat Couar. 4. decret. 2. p. cap. 7. §. 4. nu. 11. Pro culpa autem veniali, nullus in foro externo punitur & ideo ita tenet Sotus in 4. d. 27. qu. 1. ar. 4.

in 4. d. 26. quæst. 1. art. 5. Henric. lib. 11. de matrim. cap. 15. nu. 7. & Lop. p. 1. cap. 83.

## QVÆST. CCXCIX.

*An id bimestre sit à iure concessum ad deliberandum de religionis ingressu, an verò ad proficiendum?*

**R**ICHAR. in 4. d. 27. qu. 2. art. 2. & Tab. verb. matrimonium 3. qu. 3. nu. 4. censent tale tempus esse concessum ad proficiendum, ita vt teneatur sponsus religionem ingressus, intra illud bimestre profiteri, vel matrimonium consummare.

**2** Communis tamen tam Theologorum, quam Canonistarum sententia habet id bimestre præscribi ad deliberandum de religionis ingressu; vt expresse definitur in cap. Ex publico de conuersat. coniug. vbi dicitur. Debere intra bimestre transire ad religionem per assumptionem habitus nouitiorum.

## QVÆSTIO. CCC.

*An si sponsi nolint intrare religionem, teneantur statim contracto matrimonio sibi inuicem reddere debitum?*

**1** DOCTOR Nauar. in Man. cap. 16. nu. 17. affirmat teneri.

**2** At communis, ac verissima sententia est, hos ad id non teneri. Ratio est, quia id tempus est à iure concessum ad deliberandum de ingressu religionis, & quamuis hodie nolint religionem ingredi, possunt tamen propositum in melius commutare, & ita poterunt id tempus expectare. Et ideo ita sentiunt D. Thom. in 4. d. 26. quæst. 1. artic. 4. quæstio. 2. ad 2. Sot.

## QVÆSTIO CCCI.

*An si intra illud bimestre sponsus non intrat religionem, possit eo transacto ingredi?*

**R**ESPONDEO posse. Ratio est, quia licet transacto eo bimestri teneatur sponsus alteri debitum reddere, & possit ad id compelli, ac proinde peccet, religionem ingrediendo altero inuito; si tamen ingrediatur, professio tenet, etiam si sit illicita. Quia adhuc matrimonium non est consummatum, sed ratum tantum, quod per solemnem professionem religionis approbatæ dirimatur ex Conc. Trid. sess. 24. cap. 6. Ita Rebell. p. 2. de obligat. lib. 3. qu. 4. sess. 2.

## QVÆST. CCCII.

*An solemnis professio priuet religiosum omni dominio bonorum temporalium?*

**R**ESPONDEO communem esse sententiam, professionem priuare religiosum omni dominio bonorum mobilium, & immobilium, & reddere inhabilem ad illud: vt habetur in cap. 7. Quia ingreditibus 19. qu. 3. & cap. 9. Si qua mulier. dominio priuat ratione voti paupertatis, quo religiosus per professionem omni dominio se priuat iuxta cõsiliu Domini Marth. 19. Si vis perfectus esse, vade, vende quæ habes &c. Inhabilitatem autem ad habendum inducit, non ratione voti paupertatis præterea: nec ratione traditionis, qua religiosus seipsum

religioni tradidit, sed solum iure canonico, quod professum inhabilem facit ad acquirendum dominium.

### QVÆSTIO CCCIII.

*An solemnis professio priuet potestatem utendi rebus absque consensu superioris?*

**R**ESPONDEO constantem esse opinionem omnium Theologorum, solemnem professionem priuare religiosum potestate utendi rebus absque dependentia à voluntate superioris, & hoc facit præcisè ratione voti paupertatis, quod necessariò requirit, ut religiosus non possit vlla re uti, aut vltimam rem possidere absque sui Prælati licentia, & ut sit paratus omni momento omne ius à se abdicare.

Hinc, religiosus, qui aliquid disponit sine licentia superioris, non solum peccat violando votum paupertatis; sed etiam dispositio est nulla, & qui accipit, tenetur illud monasterio restituere. Quia caret potestate disponendi.

### QVÆSTIO CCCIV.

*An solemnis professio soluat omnia vota simplicia?*

**R**ESPONDEO omnia vota simplicia realia, & personalia, atque mixta, qualia sunt peregrinationes, & similia, ipso iure, & absque superioris auctoritate commutantur in religionis solemne votum, ita quod professione emissà in religione aliqua per sedem Apostolicam approbata, omnia supradicta vota cessant, ut expressè definitur in cap. Scriptura de voto, vbi habetur

tur quod reus fracti voti aliquatenus non habetur, qui temporale obsequium in perpetuam noscitur religionis obseruantiam commutare. Et tradit D. Thom. 2.2.9.88. ar. 12. ad 1. Nau. cap. 12 n. 65. & Syluest. verb. votum 3.9. 9. quamuis de voto peregrinationis vltimarum aliquantulum dubitet. Idque adeò fatentur, ut etiam intra annum probationis contingat liberatio à votis omnibus, ut Couar. in rub. de pactis p. 1. c. 3. n. 4. & Gaff. in suis decis. aur. lib. 2. c. 30. n. 3. Verum si hic postea rediret ad sæculum, teneretur implere votum in sæculo emissum; ut post D. Tho. concludit idem Couar. loco citato.

### QVÆSTIO CCCV.

*An idem dicendum sit de iuramentis personalibus, & realibus soli Deo emissis?*

**R**ESPONDEO quod sic. Et ratio est, quia ea omnia rationem voti induunt, nec per illa ius tertio acquiritur.

### QVÆSTIO CCCVI.

*Sed quid si votum reale, vel iuramentum esset homini præstitum, & ab eo acceptatum?*

**R**ESPONDEO si votum reale, vel iuramentum est homini præstitum, & ab eo acceptatum, non potest in votum solemne professionis commutari. Quia tunc est ius acquisitum tertio, & ita cessat commutatio in melius. Ita Arag. 2.2.9.88. ar. 12.

Quare reiicienda est sententia Angeli verb. votum 4. n. 2. Syluest. verb. votum 4.9.7. & Nauar. in sum. Hist. asp.

cap. 12. n. 78. qui dicunt votum subsidij terra sanctæ commutari in professionem quantum ad laborem eundi, aut mittendi, non autem quantum ad illius subsidij expensas. Sed dicendum est commutari quoad omnia. Et ratio est, quia etsi quoad expensas tale votum sit reale, iam supra probauimus, vota quoque realia ipso iure in votum solemne religionis commutari.

- 2 Nec obstat id votum esse Romano Pontifici reservatum. Quia votum peregrinationis Hierosolymitanæ est quoque Papæ reservatum, & ramen ut constat ex dicto cap. Scriptura de voto, in votum solemne religionis commutatur. Et tradit D. Tho. 2. 2. q. ult. ar. 3. ad 3. & ibi Caiet. Roder. p. 2. sum. cap. 8. nu. 12. & Arag. 2. 2. quest. 88. ar. 12.

## QVÆSTIO CCCVII.

*An votum Principis eundi in subsidium terra Sanctæ cum copioso exercitu possit in votum solemne religionis commutari?*

- 1 SYLVEST. verb. votum 4. q. 7. affirmat posse commutari auctoritate iuris cap. Scriptura de voto.
- 2 At verò Rich. in 4. d. 38. q. 2. ar. 8. Angel. verb. votum 4. num. 2. & Caiet. opusc. to. 2. trall. 11. de voto non nubendi q. 3. rectius negant. Quia res dubia est, an in hoc casu professio sit melior. Et ideo Papa esset consulendus.

## QVÆSTIO CCCVIII.

*An eo ipso quod quis in religione proficitur, censentur vota in sa-*

*culo emissæ commutari, & prorsus extinguī absque aliqua profitentis intentione commutandi?*

H OIST. in sum. tit. de Voto 5. quis <sup>1</sup> *nonere possit* n. 7. tenet eam intentionem desiderari. Eiusdem opinionis videntur esse Rich. in 4. d. 38. q. 2. ar. 8. Rosel. verb. votum 2. n. 15. & Angel. verb. votum 4. n. 2. dum dicunt in hoc casu sufficere habitualem commutandi intentionem.

Contraria tamen sententia est hodie communis inter Doctores, nempe ipso iure vota omnia in sæculo, & tempore nouitatus emissæ censeri commutata in religionis professionem, ac proinde ab illis absque alia commutandi intentione manere profitentem liberum. Ratio est quia cum omnia vota simplicia Deo facta, sint opera particularia, continentur eminenter in voto solemnī religionis, per quod homo se, & omnia sua in perpetuum Deo dedicat, in quo nihil, nec propriam voluntatem sibi reseruat. Quare dicere possumus hanc non esse propriè commutationem, sed priorum votorum plenissimam solutionem. Et ita tenet D. Tho. 2. 2. q. 88. ar. 12. ad 1. & clarius in 4. d. 38. q. 1. ar. 4. q. 4. ar. 2. ubi ait ex vi voti religionis, professum absolui à prioribus votis. Et in solutione ad 1. ait illam absolutionem esse potius voti ampliationem, quàm commutationem. Quod etiam docuit Palud. in 4. d. 38. q. 4. ar. 1. ubi ait, extinguī vota in sæculo emissæ per professionem, iisque professum liberari, non per commutationem, sed per solutionem. Et Sorus lib. 7. q. 4. ar. 3. ad 1. expressè docet hanc priorum votorum commutationem non fieri priuata profitentis intentione, sed iure canonico.

Eandem sententiam sequuntur Sylu. verb. votum 4. q. 7. Tab. verb. votum 4. q. ult. Arm. ibidem n. 28. Azor. lib. 11. c. 17. sine. Roder. p. 2. sum. cap. 8. num. 12. Arag. 2. 2. q. 88. ar. 12. Atque in propriis terminis docet Illustriſſ. Caiet. 2. 2. q. 88. ar. 12. ad 1. & q. ult. ar. 3. ad 3. vbi ait, ad hanc commutationem, nullam vouentis intentionem exigi.

*priora vota siue in saculo, siue in nouitiatu emissã?*

**R**ICHAR. in 4. d. 38. q. 2. ar. 8. Ang. verb. votum 4. n. 2. & Rosel. verb. votum 2. n. 5. existimant ea non manere commutata. At poterit postea superior ea irritare, aut in eis dispensare.

At verò Syluest. egregius Thomista, pariterque in iure peritissimus verb. votum 4. q. 7. distinguit hoc modo: si istam intentionem habuit ante instans professionis, ipso iure est ab illis absolutus: si verò eam habuit in ipso instanti, non manet absolutus. Quam opinionem arbitror verissimam, quando ea voluntas fuit denique se eis votis obligandi. Si enim sola esset non commutandi voluntas, manerent ipso iure extincta. Quia hæc commutatio, vt diximus, non ex ipsius profitentis voluntate, sed ex iure ipso canonico, & naturali emanat.

### QVÆSTIO CCCIX.

*Quo iure vota in saculo facta, censentur in votum solemne religionis commutari?*

**R**ESPONDEO id, & iure canonico, & iure diuino naturali fieri. De iure canonico constat ex cap. Scriptura de voto, vbi deciditur adstrictum simplici religionis strictioris voto, manere ab eo, liberum, si in laxiori profiteatur, & statim sub iungitur ratio, quia priori voto tanquam simplici, per secundum solemne noscitur derogatum. Et ita tenet Caiet. 2. 2. q. ult. ar. 8. & Azor. lib. 11. cap. 17. in fine, & cap. 19. q. 21.

<sup>2</sup> Id quoque esse ex iure diuino naturali manifestè colligitur ex D. Tho. in 4. d. 38. q. 1. ar. 4. q. 4. ad 1. Palud. in 4. d. 38. q. 4. ar. 1. dum dicunt hanc absolutionem esse potius voti ampliationem, quam commutationem. Hoc ipsum colligitur ex eodem D. Tho. 2. 2. q. 88. ar. 12. ad 1. & Caiet. ibidem, quatenus hanc priorum votorum extinctionem probant ex eo quod professio sit mors prioris vitæ.

### QVÆSTIO CCCXI.

*Sed maius dubium est de votis à professo emissis, & transis ad aliam religionem siue strictiorem, siue laxiorem?*

**R**ESPONDEO etiam in hoc casu habere locum hanc commutationem. Ratio est, quia reuera in hoc transitu noua professio, & nouum votum solemne emittitur: ergo per illud extinguuntur omnia alia opera priora: quippe omnia alia opera per vota simplicia debita includuntur eminenter in ea noua obligatione.

### QVÆSTIO CCCX.

*Quid si proficiens haberet expressam intentionem non commutandi*

QVÆ

## QVÆSTIO CCCXII.

*An hæres obligatus ad vota defuncti realia, ingrediendo religionem, ab illis sit liber?*

- R**ESPONDEO minime. Ratio est, quia hæres non tenetur ex vi religionis ad vota defuncti persolunda, ita ut in melius commutari valeant, sed ex iustitia, ratione adeptæ hæreditatis, ac proinde censendum est de illis, ac de aliis debitis.

## QVÆSTIO CCCXIII.

*An vota uniuersa in saculo emissæ, possint propria auctoritate commutari in simplicem ingressum religionis?*

- R**ESPONDEO posse. Ratio est, quia melius est ingredi religionem animo probandi, & amplectendi, si inuenit eam sibi conuenire, quam quodcunque aliud votum. Si verò postea tempore probationis ex iusta causa exeat, non peccat, nec tenetur amplius ad priora vota. Si verò absque causa iusta exeat, vltra peccatum mortale, quod committit egrediendo, tenetur iterum religionem ingredi, nisi velit secundum probabilem opinionem Sanch. lib. 9. de matr. d. 4. n. 21. ad priora vota redire, quæ in religionis ingressum commutauit.

## QVÆSTIO CCCXIV.

*An votum solius ingressus in arctiorem religionem, possit propria auctoritate commutari in votum ingrediendi laxiorem, & in ea permanendi?*

**R**ESPONDEO posse. Ratio est, quia plus est teneri perseuerare in laxiori religione, quam teneri ad solum arctioris ingressum, cum libertate, exeundi cum iusta causa.

## QVÆSTIO CCCXV.

*An per professionem peccata omnia quoad pœnas Deo debitas, remittantur?*

**R**ESPONDEO remitti, si is qui ad professionem admittitur, sit aliqui Dei gratia, & charitate præditus. Ratio est quia per professionem vetus homo, & veteres mores exuuntur (saltem proposito, & statu ipso) & induuntur noui, vnde censetur mors quædam vitæ humanæ.

Tum quia, si per eleemosynas potest homo statim satisfacere pro suis peccatis iuxta illud Daniel. 4. *Peccata tua eleemosynis redime*: quanto magis per professionem religionis, quæ longo interuallo eleemosynam excedit per hanc enim erogatur quod extra ipsum hominem est, & ex eo quod abundat, pars aliqua tribuitur: per illam verò non partem, sed omnia: nec aliquid extra se, sed seipsum obsequio diuino in perpetuum tradit. Vnde B. Greg. hom. 10. super Ezech. religionis ingressum holocaustum vocat, quod omne quodcunque aliud excedit sacrificium.

Tum quia ut habetur in libris Patrum, & refertur à D. Tho. 2. 2. q. 189. ar. 3. ad 3. eandem gratiam consequuntur religionem intrantes per professionem, quam consequuntur baptizati: sed baptizati (nisi apponatur obex) consequuntur plenariam indulgentiâ, atque remissionem omnium suorum peccatorum: ergo id ipsum suo quoque modo dicendum est

est de iis, qui debite, atque in statu gratiæ, & cum debita dispositione solemnem emittunt professionem. Vnde D. Bernard. *lib. de precepto, & dispensatione* non prosul à sine. Audire, inquit, & hoc vultis à me, vnde inter cetera penitentia instituta, monasterialis disciplina meruerit hanc prerogativam, ut secundum Baptisma nuncupetur: arbitror ob perfectam mundi abrenuntiationem, ac singularem excellentiam vite spiritualis, qua præminemini universis vite humana generibus huiusmodi conversatio professores, & amatores suos Angelis similes, dissimiles hominibus facit, immo divinam in homine reformat imaginem, configurans nos Christo instar Baptismi, & quasi denique secundo baptizamur, dum per id, quod mortificamus membra nostra, que sunt super terram, Christum induimus, complenturque denno similitudini mortui eius. Et *serm. 30. in Cant.* Laborè monasticum martyrij genus esse dicit. Nemo autem ignorat martyriū, genus esse Baptismi. Et D. Hieronym. *Epist. 8. & 25. ad Paulam* sentit statum religionis esse, quasi secundum Baptismum. Et D. Tho. 2. 2. *quest. ult. art. 2. ad 3.* docet, rectè credi per monasticam professionem satisfieri pro omnibus peccatis, & esse hanc professionem alterum baptismum.

3 Hoc ipsum confirmatur ex Beati Antonij visione illa, in qua ut, refert D. Athanasius in eius vita, maligni demoniæ impedire ipsius consensum in cælum conantes, obiecerunt peccata ante religiosam vitam admissa, quibus Angeli boni dixerunt. Non debetis illa obicere, quæ Christi iam sunt pietate deleta, sed si quæ scitis, ex quo factus est monachus, illa proferte.

4 Ex qua visione colligit illustrissimus Caiet. 2. 2. *quest. 189. artic. 3.* quod novus liber incipit de actibus religiosorum à tempore suæ professionis, quando de facto efficiuntur religiosi:

Scribuntur enim (inquit) in secundo hoc libro, ex quo falsissimus religiosi peccata nostra stylo ferreo, &c. Verba sunt hæc valdè notanda, & à religiosis cunctis summopere memoriz commendanda.

## QVÆST. CCCXVI.

*An professio per se sola habeat hoc privilegium remittendi pœnas peccatis debitas?*

GABRIEL in 4. d. 38. *quest. 1. & d. 45. quest. 1.* tenet non ipsam professionem solam habere hoc privilegium; sed etiam regularem vitam, quam homo ibidem proficitur. Vnde professio sola ex se actualiter, vel formaliter non facit prædictam remissionem, sed virtualiter, seu tanquam radix, & causa operum subsequen-  
2

Arbitror tamen contrarium esse affirmandum. Et ratio est, quia in professione homo voluntati mundo moritur, & omnino se Deo totaliter tradit quoad animam, & quoad corpus in holocaustum perfectissimum, atque suavissimum, ex qua voluntate provenit eiusmodi magnum meritum, & per consequens ibi fit plena remissio omnium peccatorum quoad pœnas Deo debitas, ex quo ibi virtualiter, etsi non actualiter, tota vita Deo offertur: sicut & qui dat alieui arborem, dat illi virtualiter etiam omnes fructus eius. Et ideo ita tenent D. Thom. 2. 2. *quest. 189. art.*

3. ad 3. & Caietanus *ibidem*. & Cord. *super regul. sancti.*

*Francis. capit. 1.*

*quest. 14.*

QVÆ

## QVÆST. CCCXVII.

*An qui cum conscientia peccati mortalis professionem emittit, si postea resipiscat, plenariam suorum peccatorum remissionem consequatur, quam ab initio id peccato mortali impediēte non obtinuit?*

1. ILLUSTRISSI MVS Caiet. 2. 2. q. 189. art. 3. ad 3. Nauar. de indulg. notab. 20. nu. 17. & Azor. lib. 12. cap. 5. q. 11. negant. Quia professio nihil relinquit in anima cui eiusmodi effectus tribui possit, sicut Baptismus, qui relinquit characterem, quo medio suum postmodum consequitur effectum.

Contrarium tamen est proculdubio affirmandum: quia hoc priuilegium in professione conceditur omni non ponenti obicem: sublato ergo obice per legitimam pœnitentiam habebit eundem effectum.

2. Tum quia istud priuilegium conceditur tradenti se ex toto corde, & totaliter Deo: sed hoc facit religiosus cum ad cor post professionem redit: tunc enim coram Deo in veritate proficitur: ergo tunc dabitur ei plenaria remissio omnium peccatorum. Hæc tamen plenissima remissio non obtinetur quoties professio illa renouatur, sed sola prima vice, qua emissæ est, ut rectè docet Tab. verb. Noni: in fine. quamuis alij non improbabili- ter, quos tacito nomine, refert, nec improbat Emman. Sa verb. religio nu. 17. teneant obtineri, quoties professio renouatur.

## QVÆST. CCCXVIII.

*An religionis professio in omnibus aequetur Baptismo.*

RESPONDEO minimè. Ratio est, quia Baptismus est sacramentum nouæ legis à Christo Domino institutum, conferens ex opere operato, & ex vi sacramenti primam gratiam iustificantem, & delens peccata omnia quoad culpam, & pœnam. At religionis professio non est sacramentum, nec primam gratiam confert, nec criminum culpas abstergit, sed solum pœnam temporalem in purgatorio pro eis debitam. Nec id ex opere operato efficit, sed ex opere operantis, nimirum ex eo quod profitemus moribus inundo, & pompis eius, totaliter diuinis se mancipat obsequiis.

## QVÆST. CCCXIX.

*An per professionem omnis irregularitas in vita seculari contracta tollatur?*

RESPONDEO per professionem solum deleri irregularitatem contractam ex defectu natalium quoad ordines etiam sacros suscipiendos, & susceptorum usum, & beneficium simplex obtinendum, non autem quoad Prælaturas, & ecclesiasticas dignitates habentes curam animarum, nam ad hoc illegitimè nati speciali indigent dispensatione cap. 1. de filiis presbyt. & tradit Nauar. cap. 2. §. nu. 69. & c. 27. nu. 201. Henric. lib. 1. 4. de irregular. cap. 17. nu. 2. & Couar. in Clem. Si furiosus par. 1. §. 1. num. 6. de homic. Vnde falluntur qui putant per professionem tolli irregularitatem, quæ est ex homicidio, vel bigamia ut notat idem Nauar. Comm. 2. de regular. num. 60. Sayr. in suo thes. casuum conf. lib. 7. cap. 13. num. 8. Azor lib. 12. cap. 5. quæst. 12. & Suar. de censuris d. 41. seff. 1. num. 3.

Nec obstat constitutio Sixti V. contra  
H h h illegi

illegitimè natos, quia vt rectè aduertit Suar. *5. 10. in 3. p. d. 50. sect. 5. n. 12. iam Greg. XIV. reduxit illam in quodam suo motu proprio edito 1591. ad terminos iuris communis.*

Nec si hic effectus religiosus à religione retrocedat, à votisque absoluat, reincident in pristinam hanc irregularitatem: vt contra Rodericum *tom. 1. qq. regul. qu. 13. art. 4. docet idem Suar. 5. 10. in 3. p. d. 50. sect. 5. nu. 14.*

### QVÆSTIO CCCXX.

*An etiam per nonitiatum hac irregularitas deleatur?*

**R**ODER. *tom. 1. qq. regul. qu. 13. art. 4.* ait etiam per ingressum ad nonitiatum deleri hanc irregularitatem.

**2** At communis, ac verissima sententia est, per solam professionem deleri hanc irregularitatem. Ratio est, quia textus *cap. 1. de filiis presbyt.* ad delendam hanc irregularitatem requirit illegitimos fieri religiosos. At nullus fit verè religiosus, nisi per professionem: ergo. Et idèd ita tenent Sot. *in 4. dist. 25. quest. 1. art. 3. Valent. 4. 10. d. 7. quest. 19. p. 13. Henriq. lib. 14. de irreg. cap. 8. nu. 10. & cap. 17. nu. 1. Sayr. thes. casuum 10. 1. lib. 6. cap. 11. n. 3. Azor. lib. 12. cap. 5. qu. 12. & Suar. 5. tom. in 3. p. d. 50. sect. 5. nu. 12.*

### QVÆST. CCCXXI.

*An illegitima, possit esse Abbatissa?*

**R**ODER. *tom. 1. qq. regul. qu. 13. art. 12.* affirmat posse.

**2** Alij verò rectius negant. Et ratio est, quia textus *cap. fin. de filiis presbyt.* omnes illegitimos excludit ab omni

Prælatura, & dignitate. Atqui Abbatissæ officium est dignitas, vt habetur *ex c. Indemnitatib. §. sine, vers. Perum si qua de elect. in 6. ergo.* Et ita tenet Nauar. *com. 2. de regul. nu. 60. Sayr. thes. cas. 10. 1. lib. 6. cap. 11. n. 3. & Suar. 5. 10. in 3. p. d. 50. sect. 5. nu. 15.*

Per concessionem tamen factam ordini Mendicantium potest Superior noster Generalis, vel Prouincialis dispensare cum monialibus sibi subditis, vt non obstante hoc vitio, possint esse Abbatissæ, vt referens priuilegium tenet Roder. *10. 1. qq. regul. qu. 13. art. 10.*

### QVÆSTIO CCCXXII.

*An per professionem filius familias patria potestate liberetur?*

**R**ESPONDEO liberari. Ratio est, quia transit omnino in ius, & potestatem religionis. Ita Nauar. *com. 2. de regul. nu. 41. Molina 10. 1. de iust. d. 140. & Couar. cap. Quia nos num. 5. de test.* Nec expulsus postea à religione, in eam reincident.

### QVÆSTIO CCCXXIII.

*An liceat ex vna ad aliam religionem transire?*

**R**ESPONDEO non licere, nec esse laudabile de vna, ad aliam religionem transire, nisi ob magnam utilitatem, vel necessitatem. Primò quia monet Apostolus *1. Cor. 7. vt quisque in vocatione, in qua vocatus est, permaneat, quod maximè locum habet in statu professionis.*

Secundò, quia ex hoc transitu plerumque scandalizantur, qui deseruntur



tur quod quidem scandalum, cum sit datum non verò duntaxat acceptum, iuxta *Euangelium Matth. 18.* summo-  
perè est vitandum.

- 3 Tertio, quia ut experientia ipsa testatur, facilius, & commodius proficit quis in religione, quam consuevit, quàm in alia sibi peregrina, & insolita. Vnde veteres monachi, ut ex *Cassiano coll. 14. cap. 5. refert D. Thom. 2. 2. quest. 189. artic. 8.* non faciliè transitum ad aliam religionem permittebant.

- 4 Potest tamen aliquis de vna religione laudabiliter ad aliam conuolare triplici de causa.

Primò ex zelo tutioris, & melioris vitæ.

Secundò, quia propria religio, à debita perfectione declinat.

Tertiò, quando propter infirmitatem, vel debilitatem non potest quis suæ religionis statuta obseruare, potest tamen sequare statuta alterius religionis laxioris. Ita *D. Thom. 2. 2. quest. 189. artic. 8. Nauar. lib. 3. cons. 111. de regul. cons. 88. & Roder. tom. 3. qq. regul. qu. 52. artic. 8.*

## QVÆST. CCCXXIV.

*Quanam religio debeat dici melior, ut ex alia ad ipsam licitè possit fieri transitus?*

- 1 **D**OCTOR Angelicus 2. 2. qu. 189. art. 8. & *Nauar. com. 4. de regul. nu. 2. & 3.* & plerique alij tenent eam religionem esse meliorem, atque perfectiorem, quæ habet altiorē, & nobiliorem finem, ad quem ordinatur.
- 2 At omnes Iuris Canonici interpretes docent eam religionem esse meliorem, ac præstantiorem, quæ est arctioris, strictioris, durioris, aut seuerioris obseruantiz; ut apertè col-

ligitur ex cap. *Licet de regulari.* ubi dicitur, *De arctiori vitæ & sanctiori, ad quam licet transire è laxiori.* Et in cap. *Virgines 10. quest. 4.* dicitur. *Virgines sacra si pro lucro animæ suæ propter districtiorem vitam ad aliud monasterium pergere disposuerint, Synodus concedit.* Et in extranag. *Viam ambiciosa cupiditatis*, decernitur, Carthusiensium ordinem esse omnium perfectissimum, quia strictior, & arctior, licetque fieri posse transitum ad Carthusiam ex quocunque ordine. Cuius ratio ea esse potest, quia cum huiusmodi transitus de iure fieri nequeat, nisi de Prælati licentia petita, quamvis non obtenta, capite *Licet de regularium*, & regulariter vnusquisque Prælati suam religionem perfectiorem esse prætendat in ordine ad suum finem fructuosiorē, nisi huiusmodi questio iam per Ecclesiam quodammodo esset definita, ut ea scilicet censetur perfectior religio, quæ est arctioris, & austerioris obseruantiz, transitus hic multis litibus esset expositus. Et ideo ita tenent Angelus verb. *religiosus num. 34. Rosell. verb. religio 4. num. 8. Less. lib. 2. cap. 41. dubit. 13. num. 100. Roder. tom. 3. qq. regul. quest. 52. artic. 4. & Azor. lib. 12. cap. 14. quest. 2.*

Ad iudicandum autem quæ religio sit arctior, non sunt spectandæ primæua regula, & antiquæ constitutiones, sed præsens obseruantia. Vnde si ex regula, & constitutionibus laxius sit alicuius religionis institutum, arctior tamen, præsens viuendi modus, eo quòd alia religio ex se arctior sit relaxata, illa religio dicitur arctior, quàm hæc iam collapsa; ergo ab hac collapsa ad illam erit transitus, & non è contra. *Nauar. ubi supra.* Ut autem sit licitus transitus ex sua regula, strictiori ad arctiorē iuxta solū præsentē viuendi modū, requiritur, ut non sit in

Prouincia aliud eiusdem religionis monasterium, in quo sit arctior religionis obseruantia, nec subsit probabilis spes, quod in breui debeat reformari. Ita Roder. *tom. 2. qq. regul. quest. 52. ar. 5.*

Dices: in *cap. Mandamus*. Canonici regularibus ad monasticum institutum transitus interdicitur. At arctior est regula, & vita monachorum: vt constat *ex cap. Quod Dei.*

5 Respondeo hunc transitum interdici, quando sit temeritate, leuitate, & inconstantia animi, aut cum damno, & detrimento prioris religionis. Nam in *cap. Statuimus ead. causa, & quest.* habetur. *Ne quispiam canonice professionis alicuius leuitatis instinctu, vel districtioris religionis obsequio, ex claustro audeat sine patris, & totius Congregationis permissione recedere.*

6 Hinc, si religiosus ad talem ingressus, non ex zelo maioris perfectionis, sed ex leuitate moueatur, nec alia legitima transeundi causa concurrat, non potest Prælatum etiam si sit superior Generalis, eam licentiâ transeundi ad strictiorem religionem concedere. Ratio est, quia et si sit commutatio in melius, at est acquisitum ius illi religioni, & est alienatio rei ipsi acquisitæ nulla iusta causa interueniente, nec illi religioso talis transitus conceditur, nisi quando ex prædicto maioris perfectionis ardore procedit.

## QVÆSTIO CCCXXV.

Quotnam requirantur, vt hic transitus sit licitus?

1 RESPONDEO quatuor. Primò vt non temeritate, leuitate, odio, concupitu, vel alia animi perturba-

tione, sed zelo melioris, & tutioris vi-  
ta fiat.

Secundò, vt religio ad quam fit transitus sit perfectior.

Tertiò, vt fiat absque detrimento, & infamia religionis à qua receditur.

Quartò, & vltimò requiritur petiti-  
o facultatis transeundi, à Prælato, quamuis ea non obtineatur *cap. Licet de regul.*

Dices: Pius V. in suo motu proprio anno 1569. qui incipit. *Quæcumque sacrarum*, statuit non posse recipi, nec retineri ab vlla religione fratres alterius ordinis, sed debere remitti ad proprios ordines.

Respondeo primò hunc motum proprium non esse vsu receptum, vt Roder. 2. p. sum. *cap. 6. n. 7.* annotauit.

Secundò respondeo, eum motum proprium intelligi de his qui transeunt ad aliam religionem non petiti licentia. Ita idem Roder. *tom. 3. qq. regul. q. 52. ar. 8.*

Tertiò, & vltimò respondeo, eum motum non agere de transeuntibus virtute licentiæ iure communi concessæ *cap. Licet*. Sed de transeuntibus virtute facultatum concessarum aliquibus particulatibus religionibus, quas omnes cassauit. Quod constat ex illis verbis dicti motus ibi. *Vigore huiusmodi priuilegiorum tantum, & præter iuris communis dispositionem*. Ita Nauar. *lib. 3. consil. de regul. in 2. edit. cons. 38. n. 1.*

Dices: multe religiones priuilegium habent à sede Apostolica, ne eis inuitis aliquis ad alias etiam arctiores religiones transeat.

Respondeo huiusmodi priuilegium, vt constat *ex cap. Licet de regul.* videtur concessum, ne quis ex temeritate, vel leuitate in suæ religionis iacturam sub prætextu maioris perfectionis ad aliam religionem migraret. In casu autem dubio an ex leuitate transeat

transeat iudicium superioris requirendum est.

### QVÆSTIO CCCXXVI.

*Quo iure hic transitus ad strictiorem religionem sit licitus?*

<sup>1</sup> **A** ZOR. lib. 11. cap. 17. q. 18. & Sayr. lib. 6. c. 10. nu. 9. videntur sentire hunc transitum licere iure humano. Quia dicunt Prælatos religionis non posse votum ad strictiorem religionem irritare. Quia ius canonicum, cap. *Licet de regular.* hoc votum ab Abbatibus potestate exceptit.

<sup>2</sup> Cæterum multo verius est, id esse licitum iure diuino naturali, quo licitum est votum proprium commutare in melius. Et ita tenet Illustriss. Caiet. 1. 2. *quest.* 88. ar. 12. vbi docens licere ex natura rei commutare propria auctoritate suum votum in melius, sic ait. *Hoc est quod in cap. Licet de regular. etiam declaratur.* Nam neque ibi fit nouum ius, sed quia licitum fuit transire ad aliam arctiorem religionem propter meliorem vitam, non obstante voto solemni prioris religionis, quo obligabatur non solum Deo, sed Prælati illius religionis, & erat eis ius acquisitum de persona illa, idem ius declarat illud. Ratio est, quia non propter seipsos, sed propter Deum Prælati data est illa persona, & propter hoc solius Dei ratio habetur in hac commutatione.

### QVÆSTIO CCCXXVII.

*An moniales possint ad arctiorem religionem transire?*

**A** ZORIVS lib. 13. cap. 8. *quest.* 1. negat. Quia capitulum *Licet de regular.* vbi is transitus permittitur, loquitur de viris religiosi.

Tum quia monialibus strictissima imposita est clausura à Concil. Trident. *sess.* 25. cap. 5. & Pius V. in suo motu proprio qui incipit. *Decoris edita* anno 1569. ad earum exitum licentiam superioris in scriptis requiri iubet, & hoc duplici de causa, nempe incendij, vel infirmitatis contagiosæ.

Sed hæc opinio (pace tanti viri sit dictum) non mihi placet, sed existimo Moniales posse nunc ad strictiorem religionem transire. Ducor, quia olim id licebat, vt constat ex cap. 1. 20. q. 4. nec apparet vbi id ius commune sublatum sit, nec Concil. Trident. nec motus proprius Pij V. de hoc transitu ad strictiorem religionem loquuntur, tantum enim exitum ex aliis causis interdicunt, ne eis materia vagandi tribuatur.

Tum quia, etsi dictum capitulum *Licet* de solis viris religiosi loquatur, at rationes, quæ hunc transitum probant, æquæ in monialibus militant. Et ideo ita tenent Roder. 10. 3. *qq. regul.* 52. ar. 6. & Tho. Zetola in *praxi Episcopali verb. Moniales.*

<sup>3</sup> Quare non placet, quod addit Roder. *loco citato*, vbi dicit, requiri ad hunc exitum licentiam Prælatorum, & ordinarij ob clausuram indictam à Concil. Trident. quam, inquit, tenetur dare Quia satis est petere, etsi non obtineatur. Quia Tridentinum non loquitur in hoc casu, vt diximus.

## QVÆST. CCCXXVIII.

*An Prælati regulares possint ad strictiorem religionem transire?*

- 1 **H**OST. *cap. Illud de cler. excom. & Arch. cap. Si Abbatem ad finem de electione negant*, quia Clem. 4. hunc transitum eis interdixit.
- 2 Sed absque dubio asserendum est, hos si non subsint immediatè Pontifici, posse instar aliorum religiosorum ad strictiorem religionem transire petita, etsi non obtenta licentia à superiore. Quia *cap. Licet de regul.* solos Episcopos excipit, illis interdicens transitum ad religionem non obtenta Pontificis licentia. Si verò subsint immediatè Pontifici, vt Generales religionum, possunt petita licentia, & Pontifice non respondente, non tamen eo negante: & idè pro hac sententia sunt Ang. *verb. religiosus n. 35. Rosel. verb. religio 4. n. 8. Syluest. verb. religio 4. q. 3. Tab. verb. religio q. 24. & Azor. lib. 12. cap. 14. q. 7.*
- 3 Et ad fundamentum contrariæ opinionis respondeo, *motum* Clem. 4. intelligi, quando Pontifex his Prælatis licentiam denegat.

## QVÆST. CCCXXIX.

*An postquam religiosus facultatem transeundi petiuit, teneatur expectare responsum?*

- 1 **R**ESPONDEO teneri. Ratio est, quia qui consilium, vel licentiam requirere tenetur, eodem iure cogitur tempore debito responsum expectare, vt habetur *in cap. Cum in veteri ad*

*fin. de elect.* Si verò dicat se velle habere consilium, expectare tenetur subditus tempore debito. Quia Prælatus non tenetur inconsultò respondere. Quod si circa hoc inter Prælatum, & subditum sit contrarietas, & contentio, ad Maiorem potest appellari, etiamsi in tali religione interdicta sit appellatio. Quia intelligitur interdicta in spectantibus ad correctionem, non vto in aliis. Ita Azorius libro duodecimo, *capite decimoquarto questione quinta.*

Sed ulterius inquirens: Quid si petita transeundi facultate prælatus nihil respondeat subdito, aut iudicans causam esse iustam, licentiam nihilominus denegat.

Respondeo in hoc casu posse subditum in continenti ad religionem transire, quia tunc proteruè, & indiseretè licentiam denegat. Si verò allegat causam verisimilem negationis suæ, non licet religioso statim ad aliam religionem transire, sed ad maiorem superiorem recurrere, qui rem totam suo iudicio definiat. Quia *in cap. Licet*, solum conceditur facultas transeundi, quando superior malitiosè hanc licentiam denegat. Quando verò res est dubia, dicitur *eo cap. Licet*, iudicium superioris esse requirendum, ac proinde tunc erit necessaria licentia obtenta, alias non oporteret superioris iudicium requirere. Et idè ita tenent Caietanus *secunda secunda questione centesima octogesimam nona articulo octauo* Azorius libro duodecimo *capite decimoquarto questione quinta & alij.*

QVÆ

## QVÆSTIO CCCXXX.

*A quonam peti debeat hæc trans-  
eundi facultas?*

- R**ESPONDEO, quod ad religiosos quidem priuatos attinet, esse petendam à Præfectis monasteriorum, vel conuentuum, hoc est in Dominicana familia à Priore, in Franciscana à Guardiano, in monasticis Ordinibus ab Abbate, vel Priore. Quod verò pertinet ad religionum Præfectos peti oportere à Maioribus, quorum potestati subiiciuntur, vt Prior à Prouinciali, Prouincialis à Superiore Generali: ipse verò Generalis à Romano Pontifice. Ratio huius est, quia in dicto cap. *Lices de regul.* solùm dicitur, petendam esse licentiam à Prælato religionis, ne bonum obedientiæ contemni videatur. At hi omnes sunt verè Prælati, & petita ab illis licentia, non censetur bonum obedientiæ contemni, sed recognosci, & æstimari. Ita tenet Nauar. cap. *Statutum n. 10.* Azor. lib. 32. cap. 14. quest. 7. §. 9. & alij.

## QVÆST. CCCXXXI.

*An religiosus huic obligationi satisfaciat petendo licentiam, post transiitum ad strictiorem religionem?*

- R**ESPONDEO non satisfacere. Ratio est, quia quoties ad aliquem actum licentia petita requiritur, necessariò est ante illum actum petenda, vt rectè docent Ang. verb. *religio n. 31.* & ibi Rosel. 4. n. 4. & Azor. lib. 32. cap. 14. q. 6.

## QVÆSTIO CCCXXXII.

*An Religiosus teneatur causam sui transitus superiori patefacere?*

- R**ESPONDEO teneri. Ratio est, quia huiusmodi transitus non ex qualibet causa à iure permittitur, sed cum ex zelo tutioris, ac ætioris vitæ proficiscitur: ergo necessarium est de hoc zelo superiorem certum reddi, vt videat, an licentiam concedere iure teneatur.

## QVÆST. CCCXXXIII.

*An ad licentiam hanc concedendam consensus capituli requiratur?*

- R**ESPONDEO non requiri. Ratio est, quia cap. *Lices de regularibus*, solùm obligat ad petendam licentiam à Prælato. Ita Nauar. comment. 4. de regul. n. 10. & Roder. 10. 3. qq. regul. q. 2. ar. 3.

## QVÆST. CCCXXXIV.

*An transiens ad strictiorem religionem possit absque literis dimissoriis superioris prioris religionis admitti?*

- R**ESPONDEO non posse, vt definitum est ab Urbano II. in cap. *Statutum 19. q. 3.* vbi postquam statutum est, non esse transeundum ad aliam religionem, nisi petita licentia à suo superiore, dicitur sic: *Discedentem, verò nullus Abbatum, vel Episcoporum, nullus monachorum sine communi literarum cautione suscipiat.* Vnde si subdi

subditus absque his litteris ad strictiorem religionem accedat, eius religionis superior tenetur superiorem laxioris religionis consulere, & interrogare, an licentiam dederit, aut cur denegauerit, & tunc si nullam, aut manifestè iniustam denegationis causam alleget, poterit securè ipsum ad strictiorem admittere. Si verò iustam, aut verisimilem causam negationis suæ assignet, non poterit admittere, nec est huius superioris causam definire, sed superioris prioris Prælati.

---

### QVÆST. CCCXXXV.

*An qui licentia minimè petita ad aliam religionem etiam strictiorem transis peccet mortaliter?*

- R**ESPONDEO eum peccare mortaliter. Ratio est, quia transeundo ad aliam religionem Ecclesiæ statutum violat. *cap. Licet de regul. r.* & eos religiosos, quos deserit, offendit, ac turbat. *Nauiar. lib. 3. cons. tit. de regular. cons. 59. nu. 4.*

---

### QVÆST. CCCXXXVI.

*An qui absque superioris licentia ad religionem arctiorem, vel laxiorem transis, sit Apostata?*

- S**VAR. 5. tom. in 3. p. d. 31. f. 6. nu. 4. censet hunc esse verè, & propriè Apostatam, subiciique omnibus Apostatarum pœnis. Quia relinquens statum suum religiosum, & alium assumens inualidè, perinde est, ac si religiosum statum omnino deponeret. At transiens absque legitima licentia ad religionem arctiorem, vel laxiorem, transit inualidè, & professio po-

sterior est nulla, & omnino dimisit priorem; ergo est verus Apostata.

Verùm quàmvis hæc sententia sit satis probabilis, probabilius tamen credo hunc non esse verè, & propriè Apostatam, Sed largè, impropiè, & secundum quid. Et ratio est, quia non absolutè, & simpliciter religionem deserit, sed commutat. At apostasia verum animum dimittendi religiosum statum desiderat.

---

### QVÆST. CCCXXXVII.

*Utrum autem hic excommunicatio- nem contrahat, dubia questionis est?*

**N**AVAR. cap. 27. num. 131. & 1 Suar. 5. tom. in 3. p. d. 31. f. 6. nu. 4. tenent esse excommunicatum.

Alij verò rectius negant. Quia non tam dimittit, quàm commutat habitum religionis, præsertim quando immediatè assumit alium, neque id facit, ut liberè euagetur, quæ fuit causa, & ratio tam scuerè id prohibendi. Vnde cum lex pœnalis strictè sit interpretanda, non videtur extendenda ad hunc casum. Et idèò ita tenet Angel. *verb. religiosus num. 37. Less. lib. 2. c. 41. dub. 13. nu. 102* & alij.

---

### QVÆSTIO CCCXXXVIII

*Potes: An hic saltem sit fugitium?*

**R**ESPONDEO esse fugitium. Ratio est, quia cum hic illicite, & inualidè transeat ad aliam religionem, fugit ab obedientia suo superiori debita; ergo est verè fugitiuus.

QVÆ

## QVÆST. CCCXXXIX.

*An professio sit valida, quando transitus fit non zelo melioris, & tutoris vite, sed temeritate, odio, vel qualibet alia animi perturbatione?*

- R**ESPONDEO non valere, & si professus sit in posteriori religione, posse, & teneri redire ad primam religionem, eo quod priori religioni alligatus est. Et ita tenent. Rosell. verb. religio 4. num. 6. Abulens. cap. 30. Num. 73. & colligitur expressè ex cap. Licet de regul. in fine ubi sic dicitur. Non molestandum transseuntem, quando dignoscitur transitum fuisse corde puro, & conscientia bona, & fide non ficta. Ergo his cessantibus professio non tenet.

## QVÆSTIO CCCXL.

*An quando bonus zelus adest, at transitus est in graue religionis deserti detrimentum, talis professio sit valida?*

- R**ESPONDEO esse validam. Et ita videtur tenere Ioannes Andreas cap. Licet de regul. n. 2. & ibi Anto. num. 14. Anchar. num. 1. opposit. 2. & Cardin. num. 3. opposit. 4.

## QVÆSTIO CCCXLI.

*An quando quis bono zelo, & studio melioris vite ad strictiorem religionem transiit, non tamen petita licentia, talis professio sit valida?*

- R**ICHARD. in 4. dist. 38. q. 1. art. 8. Palud. in 4. d. 39. q. 4. art. 4. & D.

Anton. 2. p. s. 11. c. 2. §. 9. tenent talem professionem esse validam. Eiusdem opinionis est Less. lib. 2. c. 4. dub. 13.

At verissima sententia est, talem professionem non valere, ac subinde posse, ac teneri hunc ad pristinam religionem redire. Ratio huius est, in cap. Licet de regular. Sancitur n. hunc non esse reuocandum, quando constat eum bono animo transiisse. At in hoc casu bonus animus minimè reperitur, sed temeritas vtpote in obedientiæ voti contemptum, quando non petita licentia transit: ergo.

Tum quia in eodem cap. Solum conceditur transitus ad strictiorem religionem, quando Prælatus petitam licentiam proterue, & indiscretè denegat. Et ideo ita tenent. Nauarr. lib. 3. cons. de regul. in 1. edit. cons. 59. num. 2. in 2. edit. cons. 52. num. 2. Rosell. verb. religio 4. nu. 4. & 6. Azor. lib. 12. cap. 14. q. 6. & plerique alij.

Hoc idem dicendum est, quando petita est licentia, sed iuste est à superiore denegata, quia non permittitur is transitus sine licentia, nisi quando malitiosè licentia denegatur, ut constat ex dicto cap. Licet.

## QVÆSTIO CCCXLII.

*An Prælatus qui absque iusta causa negat licentiam subdito transfundi ad strictiorem religionem, peccet mortaliter?*

**R**ESPONDEO peccare mortaliter. Ratio est, quia agit contra Ecclesiæ præceptum in cap. Licet de regul. ubi sic dicitur. Quæcirca nouerint vniuersi, quibus huiusmodi priuilegium est concessum, se ad concedendum licentiam transeundi, taliter postulantiibus, de iure teneri. Quia sicut subditus à

Prælato cum humilitate, & puritate debet transeundi licentiam postulare, ne bonum obedientie contemnere videatur, sic profectò & Prælatas subdito sine difficultate, & prauitate qualibet debet transeundi licentiam indulgere, ne videatur propositum diuinitus inspiratum impedire.

### QVÆSTIO CCCXLIII.

*An transitus ab una religione ad aliam aequè laxam, aut laxiorem sit licitus?*

**R**ESPONDEO esse licitum, interueniente superioris dispensatione, & iusta causa, vt Nauarr. cap. Statutum 19. quæst. 3. num. 4. & Roder. p. 2. sum. cap. 6. num. 8. resoluunt.

### QVÆSTIO CCCXLIV.

*Quisnam possit hanc facultatem concedere?*

**R**ESPONDEO si transitus fit à religione æquali, ad alteram æqualem eum iusta, & legitima causa, potest præstare huiusmodi licentiam non quidem Prælatas conuentualis sed Prouincialis, aut Generalis, nisi cōstitutiones religionis aliud caueant Nauarr. comment. 4. de regular. numer. 10.

### QVÆSTIO CCCXLV.

*An Prælatas Papa inferior, vt Generalis iure possit eam licentiam concedere transeundi ad laxiorem religionem?*

**R**ESPONDEO posse, si iusta causa subit, etiam ad Papam facilis sit

aditus. Ita Nauarr. comment. 4. de regul. num. 11. & lib. 3. conf. 1. de regular. conf. 56. num. 5. Idque probat iure communi, cap. Cum in singula de præbend. lib. 6. Syluest. verb. religio 4. quæstione 2. Angel. verb. religiosus numer. 34. Tab. verb. religio quæst. 23. & 24. & Roder. tom. 3. qq. regul. quæst. 52. art. 9.

Obiicies, Concil. Trident. sess. 25. de regul. cap. 19. decernit ne vllus regulatum cuiuscumque facultatis vigore ad minus strictam religionem transferatur.

Respondeo mentem Concil. Trident. esse solum prohibere, ne id fiat sine iusta causa, & sine consensu capituli, aut non præmissa causæ cognitione, & approbatione, vt olim interdum fiebat ab aliquibus Prælati obtentu suorum priuilegiorum, non autem per facultates cum iure communi congruentes, quales sunt, quæ conceduntur iustis de causis, & seruato debito iuris ordine. Et ita id decretum explicuit Nauarr. lib. 3. conf. 1. de regul. conf. 56. numer. 2. & comment. 4. de regular. numer. 11. Azor. lib. 12. cap. 15. quæst. 1. Less. lib. 2. cap. 41. dub. 13. num. 103. & Roder. 2. p. cap. 6. num. 8.

Dices: in extrauag. Viam ambiciosa de regular. prohibetur, ne vllus mendicantium possit ad aliam religionem præter Carthusianam transire absque Romani Pontificis licentia.

Respondeo, aut eam extrauagantem, quoad hoc non esse vñ receptam, aut intelligi de his, qui absque iusta causa ad laxiorem religionem transeunt. Quod colligitur ex illis eius verbis, *Fucatis coloribus, & vt liberiùs degant, & beneficia monastica consequi valeant.* Ita Less. lib. 2. cap. 41. dub. 13. num. 104. & Roder. p. 2. cap. 6. numer. 8. ait posse etiam in mendicantibus hanc facultatem concedi à Prouincia



incialibus ex iusta causa. Et Nauarr. lib. 3. conf. tit. de regular. conf. 56. num. 1. dicit Generalem Ordinis S. August. posse suo subdito facultatem trans-eundi ad minus strictam religionem concedere.

## QVÆSTIO CCCXLVI.

*An una cum Prælati, requiratur quoque consensus capituli ad hunc transitum in aquæ strictum monasterium?*

**R**ESPONDEO requiri. Ratio est, quia res hæc est una de maioribus negotiis monasterij, & in qua de religioso alienatione agitur. At maiora religionis negotia non possunt sine capituli consensu fieri: ergo. Et ita tenet Less. lib. 2. cap. 41. dub. 43. numero 103.

## QVÆSTIO CCCXLVII.

*An summus Pontifex possit pro libito, & sine iusta causa cum aliquo religioso dispensare, ut de una religione, ad aliam laxiorem transeat?*

**R**ESPONDEO non posse, & si de facto dispenset, peccat mortaliter: & similiter omnes eamdem dispensationem petentes, sollicitantes, & procurantes, & ipsa quoque dispensatio ex se est irrita, & nullius valoris, & eadem videntes non sunt tuti in conscientia, quin verò peccant etiam mortaliter. Et ratio est, quia cum votum religionis strictioris commutetur in quid minus, interuenit quædam eius dispensatio,

quæ absque causa legitima est nullius valoris, utpote quæ est ex obligatione iuris diuini consurgente ex voto. Et idè ita tenent D. Thom. 1. 2. question. 96. art. 9. & quest. 97. artic. 4. & Caietan. ibidem Nauarr. comment. 4. de regul. num. 10. Roder. tom. 3. qq. regul. question. 52. artic. 10. & p. 2. summ. cap. 6. numer. 8. Cord. in regul. S. Franc. cap. 2. question. 17. p. 1. Azor. lib. 12. cap. 1. 4. question. 8. Less. lib. 2. cap. 41. dub. 1. 3. numer. 10. 2. & idem, (et si dubius) tenet Sorus lib. 1. quest. 3. artic. 7. ait enim verendum esse, validam non esse dispensationem.

## QVÆST. CCCXLVIII.

*An religiosi ex uno ordine mendicantium ad alium licitè transire possint?*

**R**ESPONDEO posse, dummodo id faciant iuxta modum, & formam iuris communis: neque hoc reuocatum est per motum Pij V. ut rectè aduertit Nauarr. lib. 3. conf. 1. de regular. conf. 22. Vnde si intra latitudinem ordinum Mendicantium aliquis sit strictior, sufficit Prælati conuentualis licentia, ad hoc ut licitè fieri possit transitus nulla interueniente causa. Si verò non sit arctior, sed æqualis, vel laxior iuxta de causa licentiam præstabit Prouincialis, vel superior Generalis.

## QVÆSTIO CCCXLIX.

*An Mendicantes iure communi possint ad non Mendicantes transire?*

**R**ESPONDEO non posse, & si transcant absque facultate Pontificis tam recipientes, quàm recepti sunt  
lii 2 ipso

ipso facto excommunicati, à qua excommunicatione nemo potest absolueri nisi Romanus Pontifex, præterquam in mortis articulo, & confessio est irrita; vt patet ex *extrauag. Martini V.* quæ incipit. *Viam ambiciose cupiditatis.*

- 2 Dixi notanter (*iure communi*) quia interdum Superior Generalis ex privilegio Romani Pontificis potest hanc facultatem concedere.

## QVÆSTIO CCCL.

*Virum Prælati Superiores omnium religionum, etiam Mendicantium, possint licentiam dare suis subditis, vt ad Carthusienses se transferant.*

- 1 **R**ESPONDEO posse. Et ratio est, quia iuxta ius commune positum in *cap. Licet de regul.* ad strictiorem ordinem licitus est transitus petita licentia, licet non obtenta: Atqui ordo Carthusianus est omnium rigidissimus, strictissimus, & rigorosissimus: vt latè probat Nauarr. *lib. 3. cons. 1. de regul. cons. 10.* ergo ad ipsum ex omni alia religione licitè potest fieri transitus. Et est conclusio definita in dicta *extrauag. Viam ambiciose cupiditatis* à Martino V. & tradit, Roder. *com. 3. qq. reg. q. 52. ar. 18.*

## QVÆSTIO CCCLI.

*An etiam Carthusiani iure possint ad Mendicantes transire?*

- 1 **P**ALVD. in 4. d. 38. q. 3. art. 1. D. Anton. 3. p. t. 16. *cap. 4. §. 4.* Nauarr. *comment. 4. de regul. num. 22.* Azor. *lib. 12. cap. 14. quæst. 16* & Roder. *d. 2. cap. 6. num. 9.* affirmant posse dummodo

bonus zelus, & aliqua bona causa melius seruiendi Deo interueniat, & sine scandalo, & infamia prioris religionis, & non timeatur lis super huiusmodi transitu inter Prælatos religionis. Hoc idem tenet Syluest. *verb. religio 4. quæst. 6.* vbi dicit omnem religionem Mendicantium esse perfectiorem omni non Mendicante, & inter Mendicantes, tam omnes alias præcellere, quæ principaliter est instituta ad prædicandum, qualis est Prædicatorum ordo, quia est religio Christi, & Apostolorum, habens nobilissimam, & Deo gratissimam functionem, nimirum procuracionem salutis animarum miscens contemplationi. Quare ex omni alia religione iure communi posset transiri ad ordinem istum, cum vnique ob zelum sanctioris vitæ, ad altiores statum liceat id facere, *cap. Licet de regul.* non solum Carthusianis, verum etiam, & cuiuslibet ordinis fratribus: vt docet idem Syluest. qui restatur in Academia Parisiensi fuisse Theolog. & canonici iuris Doctorum sententia decretum licere Carthusiano transire ad ordinem Prædicatorum regulariter viuentem. Hoc idem docet D. Bonauentura in *opuse. de determinat. quæstione circa regulam sancti Francisci cap. 12. & 13.* vbi dicit ex quolibet ordine religiosorum posse iure communi transiri ad ordinem sancti Francisci.

2 Cæterum solidum huius sententiæ fundamētum non video, & ideo non placet, sed arbitror ex Carthusia ad nullam religionem transiri posse. Et ratio est, quia in *extrauag. viam de regularibus*, & in omnium religionum priuilegiis conceditur transitus ab omnibus religionibus ad Carthusiam, & nullibi legitur concessus transitus à Carthusia ad quamcumque aliam: quod euident argumentum est, Carthu

Carthusiam existimari à sede Apostolica omnium religionum absolutè, & simpliciter strictissimam, cuius iudicio standum est. Et ideo ita sentiunt Roder. 10. 1. qq. regul. 9. § 2. art. 19. Azor. lib. 12. c. 14. sine & Sanch. 2. tom. operis moralis lib. 6. c. 6. nu. 29.

- 3 Quare non approbo quod ait D. Bonau. in quest. super reg. S. Franc. quest. 23. ubi dicit à religione D. Francisci ad nullam posse licitè transire, & quod ait Corduba, cap. 2. super eandem regulam quest. 17. p. 3. neque non posse in foro conscientie, & Dei aliquem ex ordine Mendicantium transire ad Carthusiam: quia nulla altior, aut æqualis huic reperitur: quamvis in foro Ecclesie, quæ de exterioribus præsumit, Carthusia cæteris religionibus esse altior, quia est strictior in exterioribus observantiis, quibusdam videatur, & ad eam licere per extrauagantem *Viam ambitiōse cupiūtiis*.

- 4 Non est inquam hoc approbandum, sed dicendum eam decisionem dictæ extrauagantis in utroque foro locum habere, tum ob rationem traditam, tum etiam quia laqueum iniiceret conscientie concedens absolutè transitum, si in solo foro externo is esset licitus: multi enim Mendicantes ea decisione nixi transirent absque scrupulo ad Carthusiam, cum tamen in foro conscientie id esset illicitum. Atque ita tenet Nauar. lib. 3. conf. 1. de regular. conf. 55. num. 3. & Roder. tom. 3. qq. regul. quest. 52. art. 18.

- 5 Hic tamen notare oportet, quod per priuilegium concessum à Sanctissimo D. N. Paulo V. anno 1610. 3. verò Aprilis Carmelitis disalceatis, nullus è nostra Congregatione potest transire ad Carthusiā sub pœna excommunicationis ipso facto incurrēde, nisi petita, & obrēta licētia à superioribus.

## QVÆSTIO CCCLII.

*Quotnam sint legitima huius transitus cause, ad aliam aequè laxam, aut laxiorem religionem?*

RESPONDEO septem. Prima est, si in priori illa sua religione non seruetur regula, seruatur tamen in alia.

Secunda, si religiosus ob suam tenuem, & delicatam complexionem, non possit ferre suæ religionis rigorem.

Hinc, non est audiendus Roder. tom. 3. qq. regul. quest. 52. art. 9. ubi referens falsò Sorum, dixit hanc non esse causam legitimam. Quia potest Prælati cum eo dispensare in illo rigore, nisi talis sit religio, ut cum tristitia, & aliorum scandalo ea dispensatio concedatur. At iure optimo existimo semper esse legitimam causam, quia is cum quo ita dispensatur, non potest moraliter loquendo non esse religioni onerosus, & causa multarum murmurationum.

Tertia, si odio habeatur à cæteris fratribus, aut indignè, & malè tractetur. Quod Rodericus limitat, quando religiosus ille præbet causam, nec emendatur. At si caute illum prænitiuit, & nititur emendari, & adhuc durat odium illud, erit causa legitima huius transitus.

Quarta, si in sua religione sit aliquod perfectionis impedimentum, quod non est in alia.

Quinta, quando propter noxiam aëris temperiem, nequit ille religiosus morari in sua religione. Quod Rodericus limitat, nisi sit aliud monasterium eiusdem religionis extra lo-

cum illum, in quo est illa mala intemperies.

Sexta, si religiosus in sua religione ita infamatus sit ob aliquod crimen à se commissum, ut semper cum pudore vitam in ea transiture sit.

- 3 Septima & ultima est, si religiosi alicuius parentes magna egestate premantur, & in tali monasterio, vel religione non sit commoditas ad subueniendum illis per modos suæ regulæ congruentes. At in laxiori adest. Roder. 10. 3. qq. reg. q. § 2. ar. 9.

### QVÆSTIO CCCLIII.

*An quando quis ad aliam aequè strictam aut laxiorem religionem transit absque legitima dispensatione, talis professio sit valida.*

- 1 RESPONDEO non valere. Ratio est, quia nullo iure is transitus permittitur.

Tum quia hic religiosus non est sui iuris, ita ut validè possit in præiudicium prioris religionis, cui est ius acquisitum, profiteri in alia religione æquali, aut laxiori.

### QVÆSTIO CCCLIV.

*An qui iussu ad aliam religionem transit, & in ea professus non est, teneatur ad pristinam religionem redire?*

- 1 RESPONDEO teneri. Ratio est, quia licentia concessa ob aliquam causam, ea non secuta, nullam firmitatem habet. At hæc licentia concessa fuit, ut in posteriori religione profiteretur, quod subsequutum non est: ergo. Ac proinde teneri religionem eum admittere. Secus si in posteriori religione emisit professionem.

### QVÆSTIO CCCLV.

*An qui iniussu ad aliam religionem transit, teneatur ad priorem religionem redire?*

RESPONDEO teneri. Ratio est, quia in hoc casu non solum transire ad posterius monasterium, sed etiam professio in eo emissæ sunt irritæ.

### QVÆSTIO CCCLVI.

*An qui non servato iuris præscripto ad laxiorem religionem transit, nec ad suam rediens admittitur, quia est senior effectus, peccet remanendo in laxiori?*

AZOR. lib. 12. cap. 1 §. q. 2. ait eum ut tuto in religione permaneat, indigere dispensatione superioris potestis in eo casu dispensare. Quia sicut hic transiendo contra ius peccavit, ita & contra illud permanendo.

Cæterum, quamvis hæc sententia probabilitate non careat, probabilior tamen reputo contrariam. Nam si prior religio eum in perpetuum repellat, eo quod illi est prorsus inutilis effectus, non peccabit transiendo ad quamcumque laxiorem religionem, ut inferius in materia de obedientia amplius dicemus; ergo nec in laxiori perseverando, sed teneretur posteriorem professionem irritam, ratificare.

### QVÆSTIO CCCLVII.

*An qui habet iustam licentiam a suo superiore transiendi ad aliam religionem*

*religionem non facta mentione de laxiore, possit virtute huius licentia ad laxiorem trāsmicere?*

**R**ESPONDEO non posse. Ratio est, quia quamvis licentia, seu privilegium operari debeat aliquid ultra ius commune, tamen dato aliquo effectu, quem operetur, non debet extendi ad alium, in quo non repetitur eadem, aut similis ratio. At talis licentia operatur aliquem effectum, nempe se transferendi ad parem, vel strictiorem religionem: ergo non debet extendi ad transitum ad laxiorem, cum ad hunc transitum virgencior causa requiratur. Nauarr. lib. 3. conf. 1. de regul. conf. 57. num. 1. & Roder. tom. 3. qq. regul. q. 52. ar. 11. Quod tamen limita: Nisi adiecta esset dictio vniuersalis, vt ad quamcumque religionem transire possit. Tunc enim dictio vniuersalis, comprehendit etiam religionem laxiorem.

#### QVÆSTIO CCCLVIII.

*An habens instam licentiam à suo superiore transendi ad alium quemcumque ordinem Mendicantem, vel non Mendicantem; strictiorem, vel laxiorem, possit transire ad aliquem ordinem militarem?*

**N**AVARR. lib. 3. conf. tit. de regul. conf. 8. num. 1. tuetur partem affirmatiuam. Quia ordines militares sunt verè, & propriè religiones à Sede Apostolica approbatæ, vt nos latius supra probauimus, & resoluit idem Nauarr. in cap. Quoniam quicquid 16 qu. 2.

At huius oppositum est hodie definitum à sacra Cardinalium Congre-

gatione super negotijs regularium die 17. Nouembris 1578. nempe per licentias concessas regularibus viucentibus in claustris, non licere eisdem se transferre ad religiones non claustrales, vt sunt ordines militares, prout refertur in additione ad supradictum Consilium Nauarri, & tradit etiam Roder. tom. 3. qq. regul. quæst. 52. art. 12. Ratio huius est, quia esto ordines militares sint veræ religiones, non comprehenduntur tamen sub communi religionum. Quare idem credo, etsi licentia esset vniuersalis transeundi ad quamcumque religionem.

#### QVÆSTIO CCCLIX.

*An habens à Pralato licentiam iusta de causa se transferendi ad aliam religionem, si postea non inuenit se recipientem, aut non potuit in ea persenerare, teneatur ad priorem religionem redire?*

**R**ESPONDEO teneri ad priorem religionem redire, & fratres teneri eundem recipere. Ratio est, quia licentia transeundi ad aliam religionem, tacite facta fuit sub conditione. Si inuenieris se recipientem, vel in alia professionem emisieris: ergo conditione non impleta, tenetur ad priorem religionem redire. Et ideo ita sensit Sylu. verb. religio 4. quæst. 5.

#### QVÆST. CCCLX.

*Quanam in iure interdicta sint religiosi transuentibus in casu licito ad alias religiones?*

**R**ESPONDEO in vniuersum omnes religiosi, qui ex vna ad aliam religio.

religionem transeunt, sunt incapaces beneficiorum secularium, etiam si curata sint, & debent perpetuo manere in claustro sub obedientia superioris: ut constat ex Conc. Trid. sess. 14. cap. 11. *de reformat.*

Rursus, Mendicantes qui auctoritate etiam Papæ ad non Mendicantes transeunt, eo ipso efficiuntur inhabiles ad omnes dignitates, & beneficia intra, vel extra religionem obtinenda, ad curam animarum pertinentia, & ad omnia officia etiam nomine vicario, & earent loco, & voce actiua, & passiua in capitulo: ut patet ex *Clem. 1. de Regul. & transeuntibus ad relig.* quæ incipit, *Vi professores.* Vbi nomine officij intelliguntur omnia munia per religiosos fieri solita ut æconomi, ostiarij, cellarij & similia: ut rectè docet Nauar. *com. 4. de regul. num. 24.* Intelligitur etiam prohibitum diuini verbi annunciandi munus, & munus docendi publicè Theologiam, aut Ius Canonicum, vel alias facultates. Hæc enim omnia dicuntur in religione officia. *Azor. lib. 12. cap. 14. quæstion. 12. Less. lib. 2. cap. 41. dub. 13. & Roder. tom. 3. qq. reg. 9. §. 2. ar. 18.*

### QVÆSTIO CCCLXI.

*An his pænis subiiciantur Mendicantes transeuntes ad aliam religionem mendicantem, vel non Mendicantes transeuntes ad quamcumque aliam religionem?*

**R**ESPONDEO quod non. Et ratio est, quia textus dictæ Clementinæ solum loquitur de Mendicantibus transeuntibus ad non Mendicantes. Ita Nauar. *lib. 3. conf. 1. de re-*

*gul. conf. 57. fine. & Azor. lib. 12. cap. 14. quæst. 12.*

### QVÆSTIO CCCLXII.

*An si Mendicantes transeunt ad Carthusiam huius pænis subiiciantur?*

**R**ESPONDEO quod non. Et ratio est, quia ea Clementina expressè loquitur de transeuntibus virtute alicuius priuilegij etiam Apostolici ad religionem laxiorem, ac proinde ad non Mendicantem. At transiit ad Carthusiam est iure communi permissus, tanquam ad religionem strictiorem, etsi Mendicans non sit.

### QVÆSTIO CCCLXIII.

*An Nouitij Mendicantes, & inualidè professi in hac Clementina comprehendantur?*

**R**ESPONDEO non comprehendendi. Et ratio est, quia dicta Clementina expressè loquitur de religiosis professis, qui ex vi voti in solemnī professione emissi tenentur in priori religione manere.

### QVÆSTIO CCCLXIV.

*Quid nomine mendicantium hoc loco intelligatur?*

**R**ESPONDEO intelligi non solum quatuor ordines Mendicantes, quales sunt Predicatores, Minores, Augustiniani, Carmelites; sed etiam omnes alij ordines, qui postea à sede Apostolica ut tales instituti sunt: ut sunt Minimi, & Religiosi Societatis Iesu. Ita Nauar. *com. 4. de reg. n. 31. & Suar. 10. §. in 3. p. d. 31. sect. 6. nu. 7.*

QVÆST.

## QVÆST. CCCLXV.

*An si mendicans legitimè transiit ad non Mendicantes, & postea penitentia ductus redit ad Mendicantes, has pœnas incurrat?*

**R**ESPONDEO non incurrare. Ratio est, quia ea Clementina eos tantum comprehendit, qui de ordine Mendicantium ad non Mendicantes trāsferuntur, & dum in eo perseverant.

## QVÆSTIO CCCLXVI.

*An nomine Mendicantium comprehendantur ij, quibus Regula, vel constitutiones non prohibent habere bona stabilia in communi, quamuis actu mendicent?*

**R**ESPONDEO non comprehendit: ut constat ex cap. unico §. confirmatos de relig. domib. in 6. ubi dicitur. Mendicantes esse, quibus ad congruam sustentationem, redditus, aut possessiones habere professio, aut Regula quælibet interdicit. Ita Roder. 10. 3. qq. reg. q. 52. ar. 15.

## QVÆSTIO CCCLXVII.

*An nomine Mendicantium comprehendantur ij, quibus Regula vel Constitutiones à Sede Apostolica approbata interdicit habere bona stabilia in communi, quamuis illi licitè habeant, vel licitè ex privilegio Romani Pontificis, sicut hodie habent ex Conc. Trid. sess. 25 c. 3. omnes Mendicantes, exceptis Capucinis, & Minoribus de observantia?*

**R**ESPONDEO comprehendit. Ratio est, quia quamvis habeant possessiones, & non mendicent, propter hoc non tollitur, quin sint de ordine Mendicarium, habeantque quoad alia omnia privilegia Mendicantium. At Privilegium tollens unum, non tollit aliud: ergo per hoc à iuribus loquentibus de Mendicantibus non eximuntur. Ita Sylv. verb. religio 3. quest. 3. & Roder. 10. 3. qq. regul. quest. 52. ar. 15.

## QVÆSTIO CCCLXVIII.

*An nomine Mendicantium comprehendantur Moniales subiecta ordinibus Mendicantibus?*

**I**N qua re certum est, nomine Mendicantium intelligi eas omnes Moniales, quæ ex sua professione non possunt habere bona in communi, ut sunt Moniales Sanctæ Clare.

## QVÆSTIO CCCLXIX.

*Sed dubium est, de Monialibus ordinis Prædicatorum & Minorum.*

**R**ESPONDEO non comprehendit. Ratio est, quia hæc Moniales non habent ex privilegio, sed ex sua Regula posse habere bona stabilia in communi.

## QVÆSTIO CCCLXX.

*An qui ex una religione ad aliam legitimè transiit, teneatur de nouo profiteri?*

**I**MOLA in Clem. 1. de Regul. num. 19 sequutus Ioan Lignanum negat. Quia in omni religione tria vota solemnia castitatis, paupertatis, & obedientiæ

K k k

dientur

dientia sunt eadem, & ita qui profite-  
tur vnā religionem approbatam, vi-  
detur profiteri omnia essentialia cu-  
iuscumque religionis, & cum nihil  
frustra sit faciendum, non videtur rei-  
teranda professio.

2 Cæterum absque dubio tenendum  
est, hunc debere de nouo professio-  
nem emittere. Ratio est, quia licet sit  
religiosus vnus religionis, vel Mona-  
sterij, non tamen eo ipso est alterius.

Tum quia frequenter monasterium  
secundum, est arctioris obser-  
uantia, ad quam professio prioris mo-  
nasterij non extenditur, & nisi de no-  
uo profiteretur in secundo, nullo iure  
ad illam obseruantiam obligaretur, &  
per consequens omnes religiosi eius  
non obligarentur ad eandem disci-  
plinam.

### QVÆST. CCCLXXI.

*An religiosus ex vna religione, ad  
aliā transiens, si vult in ea pro-  
fiteri, teneatur per integrum an-  
num in probatione persistere?*

1 **S**ORBVS in compendio priuilegio-  
rum Mendicantium verb. Nouitius,  
& Corduba in summa casuum, q. 38. te-  
nent religiosum professum transeun-  
tem ad aliā religionem non indigere  
iterato nouitiatu. Immo Henriq. lib.  
13. de excommunicat. cap. 40. n. 2. dicit  
idem, et hille ad religionem strictio-  
rem, vt ad Carthusiam transeat. Quia  
cum iam in priori religione expertus  
sit religionis asperitates, non indiget  
nouo probationis anno in ea, ad quam  
transit, cum implicet eundem esse ve-  
teranum, & tyronem.

2 At omnino dicendum est, transeun-  
tem ad quamcumque aliā religio-  
nem teneri anno integro illam expe-  
riri, vt validè profiteatur. Ratio est,

quia Conc. Trid. sess. 25. cap. 15. de re-  
gular. generaliter petit ad validam  
professionē præmitti annū nouitiatus.  
At hic in illa aliā religione profite-  
ri denuò debet: ergo præmittendus est  
nouus nouitiatus, quo Nouitius expe-  
riatur rigores, & asperitates religionis,  
& religio ipsius mores, & conditio-  
nes. Nec implicat eundem esse vere-  
ranum in vna religione, & tyronem  
in aliā. Et ideo ita sentiunt Nauar. lib.  
3. conf. 1. de regul. conf. 60. Roder. tom. 3.  
qq. regul. q. 15. ar. 11. & 2. p. sum. cap. 6.  
nu. 10. Emman. Sa verbo religio nu. 35.  
Azor. lib. 12. cap. 14. q. 15. Less. lib. 2. c.  
41. dub. 13. & communis.

Dices per concessionem Leonis 3  
decimi, qui de vna religione ad aliā  
transit, potest ante nouitiarius annum  
profiteri de consilio discretorum mo-  
nasterij, in quo proficetur.

Respondet id priuilegium per non  
vsum cessasse, vt rectè Roder. tom. 3.  
qq. reg. q. 15. ar. 11. notauit. Immo per  
Trid. decretum esse quoque ablatum,  
quia generaliter decernit nullam in  
posterum professionem fore validam,  
non præmisso nouitiatus anno.

### QVÆSTIO CCCLXXII.

*An translatus de vna ad aliā reli-  
gionem, vt in ea sit Prælati, te-  
neatur de nouo in ea profiteri?*

**L**ES s. lib. 2. de iust. cap. 41. dub. 13. 1  
negat.

2 Sed contrarium videtur mihi ve-  
rius cum Nauar. lib. 3. conf. 11. de regul.  
conf. 3. & Rod. tom. 3. qq. reg. q. 52. ar.  
25. & colligitur ex Conc. Trid. sess. 25.  
cap. 11. Cuius ratio ea esse potest, quia  
qui similem vitam cum aliis suscipit,  
similem debet sentire in legibus di-  
sciplinam, & vt vnusquisque se con-  
formet, & aptet vitæ, & moribus eo-  
rum,



rum, cum quibus conuerfatur, quod aliter fieri non poffet, nifi hic transfatus de nouo illam religionem profiteretur, & fimili ligaretur voto, quo ligantur illi, qui praeffe debent.

habetur *ex cap. fin. de fimonia.* & tradit eleganter Nauar. *lib. 3. confil. 1. de regular. conf. 61.* & Roder. *tom. 3. qq. regul. q. 52. ar. 26.*

## QVÆST. CCCLXXIII.

*An praeficiendus certo monasterio in Abbatem vel Priorem, poffis ante annum profiteri?*

**R**ESPONDEO sic, vt exprefse definitur in Conc. Trid. *feff. 25. de regul. c. 21.* vbi fic habetur. Quoad ea verò monasteria, quæ capita funt, ac Primates ordinum, fiue Abbatiz, fiue Prioratus, filiz illorum capirum nuncupantur, teneantur illi, qui in præfenti ea in commendam obtinent, nifi fit eis de regulari fuffeffore promiffum, infra fex menses religionem illorum ordinum propriam folemniter profiteri, aut iis cedere: aliis commendæ prædictæ ipfo iure vacare cefeantur. Et ita hic cafus excipitur à generali lege tradita *eadem feff. cap. 15.* nempe, vt nulla profefio emittatur ante integrum probationis annum. Et ideo ita tenent Cord. *in fum. q. 30.* Henriq. *lib. 13. de excomm. c. 40. nu. 2.* & Roder. *2. p. fum. c. 6. nu. 10.*

## QVÆST. CCCLXXIV.

*Cuiusnam Monasterij fit filius religiosus transfatus ad aliam religionem vt fit Prælatus, finito officio.*

**R**ESPONDEO transfatam de vno ad aliū ordinem, vt eiusdem fit Prælatus, ceffante prælatura, remanere filium pofterioris monasterij feu religionis, quam profefus eft, vt

## QVÆST. CCCLXXV.

*An qui de vna, ad aliam religionem migrat, poffis fecum deferre omnia bona, quæ ratione eius, prius monasterium acqviserat?*

**R**ESPONDEO fi hic ante profefionem tranfit, & priori monasterio exprefse, & abfolutè fua bona donauerat, vnà eum eo bona vniuerfa tranfeunt ad fecundum: nam à priori difcedens tacitè videtur donationem reuocaffe, cum caufa profefionis facta efle videatur; ergo ea non fecura, donatio refcinditur Si verò poft profefionem emiffam migravit, aut cura debita licentia tranfiuit, aut non. Si fecundum, cum illegitimus fit tranfitus, nullum ius comparat pofterius monasterium ad ea bona. Si primum, aut tranfitus eft propter eius crimen, vt in ftrictiore religione de eo pœnitentiam agat, & tunc vfusfructus rerum, quas contulit priori monasterio, ad fecundum monasterium pertinent, proprietas autem ad primum, at poft mortem vfusfructus ad primum monasterium redibit, & consolidabitur cum proprietate. Aut tranfitus fit ftudio tutioris, & melioris vitæ, & quantum ad hoc dux extant opiniones.

Prima tenet omnia bona, quæ ad prius monasterium tranferunt, vnà cum religioso ad aliud fe conferente transferri. Quæ eft communis inter Iuris pontificij peritos, vt refert Azor. *lib. 12. cap. 15. q. 2* & eam tueritur Rofell. *verb. religio 4. nu. 12.* Angel. *verb. matrimonium nu. 6.* & Armil. *verb. religio nu. 17.*

- 3 At verissima sententia est aliorum, qui docēt omnia bona penes primum monasterium manere, & quidquid post professionem in secundo factam ei obuenerit, secundo monasterio acquiri. Nam in cap. statum 18. quest. 1. generaliter dicitur, omnia bona religiosi ante transitum acquisita ad prius monasterium pertinere, Quod procedit etiam de acquisitis in seculo, vel in posteriori monasterio usque ad professionem in secundo monasterio, quia usque ad illum, non est perfectè translatus ad posterius monasterium: Et ideo acquirit priori, cuius est verus religiosus, donec in posteriori monasterio profiteatur. Et ideo ita tenent Syluest. verb. religio 4. quest. 10. Nauar. com. 2. de regul. num. 24. Molina. 10. 1. de iust. disp. 140. Azor. lib. 11. cap. 15. q. 3. & cap. 16. q. 8. Roder. tom. 1. q. 5. ar. 5. & hanc communem esse sententiam ait Couar. cap. 1. de testam. nu. 20. & 21.
- 4 Hinc, monialis autoritate legitima translata voluntariè ad instantiam suam, ad aliud monasterium, non potest secum deferre dotem, quia illa solum sub hac tacita conditione darur, Si professio sequatur, qua secuta remanet perpetuo eius monasterii. Ita Nau. com. 4. de regul. nu. 24. & Roder. to. 2. qq. regul. q. 79. ar. 2.
- 5 Hinc, religiosus ad aliam religio-

nem transiens nil potest secum deferre ex acquisitis priori monasterio præter solas vestes, & has quidem ex tacita licentia superioris. Quare nec scripta à se elaborata portare secum potest, nisi essent inutilia priori monasterio, vel nisi crederet non fore ingratam superiori delationem. Ita Nau. lib. 3. conf. 1. de regular. conf. 55. nu. 9. & 10. & Roder. tom. 2. qq. regular. q. 79. ar. 2.

### QVÆST. CCCLXXVI.

*Quid de eo, qui de religione, que possidere potest in communi, ad aliam que tali facultate caret, migravit, & post secundam professionem in ea factam, per obitum patris, hereditas ad eum peruenit?*

**N**ONnulli arbitrantur eam hereditatem ad primam religionem pertinere, quia religio in qua nunc est, hereditatis capax non est.

Alij verò rectius docent, eam ad alios patris legitimos heredes pertinere. Quia per secundam professionem desinit esse religiosus primæ religionis.

*Hæc hætenus dicta sint de Religioso statu, ac de voto solemni in communi, nunc ad particularia descendamus:*



# DE VOTO SOLEMNI

## OBEDIENTIAE.

### LIBER SEXTVS.



**A**CTENVS disputatum est libro superiori de statu religioso, ac voto solemni in communi, nunc sigillatim de singulis solemnibus, obedientia, castitatis, & paupertatis votis differendum est, ac primum quidem agemus in hoc libro de voto obedientia, cui propter suam dignitatem, & excellentiam conuenit primatus inter alia Religionis vota. De hac materia scripsit Magister cum cæteris Theologis in 3. sent. dist. 37. D. Tho. 1. 2. q. 90. & Caiet. ibid. & in summa verbo lex, & verbo obedientia Sotus lib. 1. & 2. de iustitia & iure Alph. à Casto lib. 1. de lege penali. Nauart. cap. 23. à num. 49. Tolet. lib. 7. de peccatis mortalibus c. 18. Suar. de legibus Vafq. 1. 2. quæstion. 96. artic. 4. Salon 2. 2. quæstion. 77. artic. 1. Valent. 1. 2. disp. 7. Barth. Med. 1. 2. quæstion. 90. & Azor. tom. 1. institut. moral. lib. 5. cap. 1. Summularij vero vt Angelus, Tabiena, Syluester, Armilla & plerique alij verbo lex, verbo obedientia, & verbo Religio.

Vt autem clarius procedamus, operæpretium est, prius prælibare, ac declarare quedam, quæ summopere sunt vtilia, ac necessaria ad huiusmodi

voti cognitionem. Primum igitur videndum est:

#### QVÆSTIO I.

##### Quid sit præceptum?

**R**ESPONDEO quod est iussu, vel imperium superioris faciendi aliquid, vel non faciendi. Et est duplex scilicet diuinum, & humanum. Diuinum illud est, quod à Deo immediatè factum est. Qualia sunt præcepta Mosaica, & Euangelica, & diuiditur in naturale, & positium.

Præceptum naturale est, quod sic à Deo est, quod naturæ hominis sit insertum, ita vt ratio hominis illud attingat. Huiusmodi sunt decem præcepta decalogi.

Præceptum verò diuinum positium est, quod datum est à Deo, sed ratio hominis illud non attingit, nisi prius per reuelationem aliquam ei manifestetur. Huiusmodi fuerunt in veteri testamento præcepta ceremonialia, & iudicialia, & in Euangelio sunt præcepta fidei, & sacramentorum.

Præceptum humanum est, quod ab homine per potestatem sibi à Deo

Kkk 3 datum,

datam, proficiscitur. Et est duplex, Ecclesiasticum, & sæculare.

3 Ecclesiasticum est, quod à potestate Ecclesiastica fit, nimirum à Papa, Concilio, Episcopo, vel aliquo Ecclesiastico Prælato. Et dicitur canonicum à Canone, qui significat regulam.

Sæculare autem seu civile est, quod à potestate sæculari est factum, nimirum ab Imperatore, vel Rege, vel Duce, vel alio Principe, aut Republica, aut Communitate, aut aliquo alio superiore.

4 Rursus, præceptum humanum est duplex, pœnale, & non pœnale, seu purum. Pœnale est, quod pœnam præcepti transgressori constituit. Non pœnale, seu purum, quod solum præcipit, aut vetat.

Præceptum pœnale iterum est duplex, purè pœnale, & mixtum. Præceptum purè pœnale est illud, quod nec præcipit, aut vetat, sed solum pœnam irrogat his qui certum aliquid faciunt, vel omittunt. Ut si v.g. superior dicat, qui locutus fuerit post completorium, septem psalmos pœnitentiales persolvat. Vbi Prælatus nihil præcipit, vel vetat, sed tantum imponit pœnam loquenti. Præceptum verò mixtum est, quod non solum aliquid fieri iubet, aut prohibet, sed etiam pœnam transgressori irrogat, ut cum superior dicit, præcipio, aut prohibeo ne quis post completorium loquatur, quod si fuerit loquutus, septem psalmos recitet.

## QVÆSTIO II.

*An præceptum, & consilium distinguantur?*

1 **R**ESPONDEO distingui, & hæc multiplex erit. Primò quia præceptum semper est superioris. Consilium vero non tantum superioris, sed

etiam parisi, aut inferioris iuxta illud Matth. 18. *Si peccaveris in te frater tuus.*

Secundò, quia materia præcepti est facilior, consilij difficilior: illa enim sumpta est ex principiis naturæ, hæc superat quodammodo naturam, nam ad servandam matrimonij fidem natura inclinat, at non ita ad abstinendum à coniugio. Vnde Hieronymus: *in serm. de assumpt. Profectio* (inquit) *in carne præter carnem vivere, non terrena vita est, sed celestis.*

Tertiò, quia materia præcepti bona est, consilij melior, & perfectior, nam consilium includit præceptum, & aliquid supra præceptum addit.

Quartò, quia præceptum commune est omnium, consilium non item. Nam de virginitate dicitur: *Qui potest capere capiat*: At de iustitia, non dicitur, qui potest facere, faciat, sed *omnis arbor, quæ non facit fructum bonum excindetur*, &c.

Quintò, præceptum vi sua conscientiam adstringit: at vero consilium in arbitrio eius, cui datur positum est. Vnde Hieron. *in Epist. ad Eustoch.* *ubi consilium, ibi offerentis arbitrium, ubi præceptum datur, ibi necessitas est servientis.* Et D. Greg. ait. *Quod præcipitur, imperatur: & quod imperatur, necesse est fieri: si non fiat, pœnam habet: ubi consilium datur, offerentis arbitrium est: ubi præceptum, necessitas servantis, vel imperantis est.*

Sextò, præceptum obligat ad culpam: consilium verò minimè, nisi ex contemptu omittatur.

Septimò, & ultimò, quia præceptum observatum habet præmium, non observatum habet pœnam. Consilium autem si non servetur nullam habet pœnam, & si servetur maius habet præmium.

## QVÆSTIO III.

*An præceptum, & constitutio  
distinguantur?*

**R**ESPONDEO distingui, & hæc in quatuor. Primò, quia præceptum quandoque datur in scriptis, quandoque non. Constitutio autem est lex redacta in scriptis. *dist. 1. cap. iiii.*

Secundò, quia præceptum semper obligat ad culpam. Constitutio autem non semper, quia quandoque obligat ad solam pœnam.

Tertiò, quia præceptum potest à solo superiore fieri. At constitutio seu statutum non potest fieri, nisi de consensu maioris partis capituli.

**2** Quartò, quia præceptum est temporale usque ad alium successorem Prælaturum. Constitutio autem est perpetua, & nisi reuocetur, durat etiam post mortem Prælati.

## QVÆSTIO IV.

*An Regula, & constitutiones  
distinguantur?*

**R**ESPONDEO distingui. Et ratio est, quia Regula non potest, nisi pontificia autoritate mutari, constitutiones vero possunt superiorum præsertim in vnum conuocatorum auctoritate, in toto, vel in parte variari. Ratio huius est, quia Regula est à Romano Pontifice confirmata, at constitutiones solum auctoritate superiorum conduntur, & approbantur. Ita Azorius *lib. 13. cap. 11. q. 2.*

## QVÆSTIO V.

*An præceptum quod solum ad pœnam  
obligat, sit verè & propriè præceptum?*

**1** NONNULI existimant non esse propriè præceptum, sed pactum

inter Prælaturum, & subditos initum, vñ hoc vel illud præceptum violente, hanc, vel illam pœnam subeant, licet à peccato sint liberi.

Contrarium tamen arbitror esse dicendum. Quia licet præceptum non ita obliget, vt qui illud violat, peccatum committat, obligat tamen, vt transgressor ipsius, pœnam subire debeat, non quidem ex vi pacti, quo subditus ad talem pœnam se obstrinxit, sed auctoritate Prælati, qua vult transgressorem ad talem pœnam teneri.

## QVÆSTIO VI.

*An ad substantiam, & rationem  
præcepti promulgatio requiratur?*

**A**BBA S *cap. 1. de postul. nũm. 16.* tenet promulgationem ad substantiam præcepti non requiri.

Contrarium tamen est proculdubio affirmandum. Et ratio est, quia præceptum est iussum superioris subdito patefactum, ac denunciatum. At non potest iussum alteri esse notum, nisi ei sit indicatum, & promulgatum.

Et est conclusio definita in *cap. In istis d. 4.* vbi habetur *Leges constituuntur, cum promulgantur.* Et tradit D. Thom. *1. 2. q. 90. art. 4.* Caietan. *ibidem.* & Valent. *com. 2. d. 7. q. 1. p. 2.*

## QVÆSTIO VII.

*An ad substantiam, & rationem  
præcepti seu legis, requiratur, vt  
sit vsu receptum?*

**R**ESPONDEO sic. Ratio est, quia lex cum constituitur, & promulgatur, ea conditione tacita fertur, vt vim habeat, si vsu recipiatur, sin minus vi sua careat.

Et

Et est conclusio definita in cap. In istis d. 4. ubi aperte dicitur, *Leges instituntur, cum promulgantur: approbantur, cum moribus utentium recipiuntur*, Et in l. de quibus ff. de legibus dicitur. *Nam cum ipse leges nulla alia ex causa nos teneant, quam quod iudicio populi recepta sunt*. Et tradit Nauarr. *conf. 1. de constitut. quest. 6. num. 25.* qui addit tunc legem dici vfu receptam, quando tota communitas, vel maior pars communitalis eam obseruat. Vnde si minor pars contra legem faciat, peccatum committit.

### QVÆSTIO VIII.

*An omne præceptum humanum obliget ad culpam?*

**R**ESPONDEO quod sic. Et ratio est, quia ius diuinum, & naturale dicat seruandum esse iustum præceptum superioris: ergo qui illud non seruat, agit contra ius diuinum, & naturale, ac proinde peccat.

Tum quia præceptum secum fert obedientie imperium, obedientia autem per se est virtus, & inobedientia peccatum: ergo.

**E**t est conclusio definita in Conc. Constant. *sess. 6. & 15. contra Ioann. Vvicleff. & in Constit. Pontificia Leon. 10. contra Lutherum* idem statuitur: quod facile etiam ex scripturis colligi potest, nam Luc. 10. dicitur. *Qui vos audit, &c. Math. 18. Si Ecclesiam non audierit. Rom. 13. Qui potestati resistit, Dei ordinationi resistit: qui autem resistunt, ipsi sibi damnationem acquirunt*. Et facit illud Prouerb. 8. *Per me Reges regnant.*

**D**ices, peccatum teste August. *lib. 11. contra Faustum cap. 27. est factum, vel dictum, vel concupiscit contra legem Dei*: ergo qui præceptum humanum violat, non peccat.

Respondeo legem Dei esse, quæ iubet, vt superioribus obediamus; iuxta illud Luc. 10. *Qui vos audit, me audit*, ergo qui contra præceptum superiorum facit, contra legem Dei peccat, quæ in præcepto humano implicite continetur.

Obiicies, superiores non possunt subditis poenam æternam infligere, aut diuina gratia priuare: ergo non possunt suis præceptis subditos ad peccatum mortale obligare.

**R**espondeo Superiores ex institutione Dei habere, vt subditos ita teneant, vt si aliquod eorum præceptum violent, sint æternæ mortis rei, non quidem directe, & per se, sed quia possunt iuste aliquid præcipere: & præceptum eo ipso quod est iustum, cum diuina lege conuenit, quo fit, vt eius præcepti transgressio sit grauis, cui Dei iudicio poena æterna debetur.

Dices, sunt multa religionum statuta, quæ religiosos ad culpam non obligant.

**R**espondeo hoc prouenire, non quia ad id vi, & potestate careant, sed quia ex benignitate noluerunt eos ad culpam obligare.

Hinc, non est audiendus Caietan. qui in summa loquens de ieiunio, dicit non satis ei constare, an lex ieiunij obliget ad mortale, quia lex id non explicat: vbi insinuat leges quæ id non explicant, non obligare ad culpam. Non est inquam audiendus, quia numquam lex fieri consuevit hoc modo nimirum, præcipio tibi sub reatu culpæ mortalis, vel venialis: & non est specificandum eam obligare ad culpam, quia ex natura sua semper ad id obligat: ac proinde specificandum est, quando legislator non intendit obligare ad culpam.

QVÆST.

## QVÆSTIO IX.

*An Prælati possit in re leui obligare subditum ad mortale?*

1 **S**VNT multi qui existimant, posse. Et probant, quia in religionibus passim ponuntur præcepta obedientiæ, & sub excommunicatione de rebus minimis, quæ verè obligant quia potestas superioris timenda est.

Tum quia Deus leue præceptum Adæ imposuit sub obligatione æternæ mortis, ergo. Huius opinionis videntur esse Angel. *verbo lex num. 3.* Sylvest. *verb. præceptum qu. 3.* Armil. *verb. lex num. 4.* & Cord. *in sum. qu. 188. par. 2.* qui docent ex intentione legislatoris pendere quid præceptum obliget sub mortali, quia ex illa pendet legis vis.

2 In contrarium tamen est sententia communis præsertim Theologorum. Et ratio est, quia obligare subditum ad mortale non pendet ex sola, & libera voluntate præcipientis, sed ex intentione eius iuxta regulam rectæ rationis, à qua valde alienum est, ut superior leuia sub mortali præcipiat, præsertim cum potestas hæc superioribus concessa sit in ædificationem, & commodum, & non ad destructionem, & damnum subditorum: esset autem maximum detrimentum, si subditi præcepta superiorum de rebus nullius momenti sub mortali observare tenerentur.

Tum quia si lex civilis pœnam mortis imponeret pro leui crimine, iniusta esset, & nulla quoad illam partem: ergo multo magis erit iniustum præceptum Prælati, qui imponeret reatum pœnæ æternæ apud Deum in materia leui.

3 Tum quia serè omnia præcepta

naturalia, & diuina traduntur per verba præceptiua, quæ tamen in materia leui non obligant transgressores ad mortale, quia contra rationem est, ut pro rei levis transgressione, homines in infernum detrudantur: ergo à fortiori multo minus possunt id facere religionum Prælati. Et idè ita tenent Bath. Med. 1. 1. *quæst. 96. art. 4.* Valcat. 1. 2. d. 7. *quæst. 5. par. 6.* Castro lib. 1. *de lege penali cap. 5.* & Azoriz lib. 5. *cap. 6. quæst. 5.* Et fortasse authores citati pro contraria opinione, hoc idem senserunt, nam cum dicunt intentionem sufficere, intelligendi sunt de intentione rationabili, & iusta, sic enim intelligunt communiter Doctores dictum illud l. 1. ff. *de consuet. princip.* Quod Principi placuit, legis habet vigorem, vtique de placito rationabili, & iusto. Nec amplius probat exemplum religionum, nam doctrina supradicta in eis etiam locum habet de necessitate materiæ grauis, quamuis in illis propter altiore finem perfectionis, frequentius possit accidere, vt res in specie leuis, in tali statu, & in ordine ad finem ei consentaneum grauis merito censeatur. & in casu dubij debet præsumi grauis, & tenetur subditus obedire.

Ad exemplum autem de præcepto Adæ imposito, respondeo præceptum illud Adæ fuisse de re graui, quia illa abstinencia à cibo vetito, imposita fuit in recognitionem obedientiæ Deo debitæ, & quasi in tributum humanæ subiectionis ad Deum, & ad reprimendam hominis elationem, quodammodo subiiciendo illum inferiori creaturæ in obsequium Dei, sub qua ratione, præceptum illud grauissimum erat.

## QVÆSTIO X.

*An Prælatas possit in materia graui obligare subditum ad culpam venialem.*

**B**ARTH. Medina 1.2. qu. 96. art. 4. Bellarm. tit. 1. de laicis lib. 3. c. 11. & Vasq. 1.2. d. 158. cap. 4. nu. 32. negant, putant enim non esse in potestate præcipientis (supposita materia graui) obligare ad veniale. Quia quamuis in potestate Prælati sit præcipere, vel non præcipere rem grauem, tamen non est in eius potestate, ut præcepto indicto in re graui, peccatum mortale non sit ei non obtemperare.

Cæterum nullatenus placet mihi hæc sententia, sed existimo posse Prælatum in re graui, & capaci obligationis sub mortali, imponere præceptum, quod tantum sub veniali obliget, solum quia non intendit, nec vult amplius obligare. Ratio est quia actus agentium non operantur ultra eorum intentionem.

Tum quia præceptum ex intentione præcipientis potest non obligare ad culpam, sed tantum ad poenam, etiam in materia de se graui, & sufficienti ad obligationem sub mortali, ut ex constitutionibus nostræ Congregationis, & Prædicatorum constat: ergo per eandem intentionem præcipientis fieri poterit, ut præceptum obliget sub veniali, etiam si materia capax esset maioris obligationis. Et ideo ita sentiunt Alphonsius à Castro lib. 1. de pœnali c. 5. docum. 4. Ioan. Med. C. de ieiunio q. 7. & Suar. lib. 3. de legibus cap. 27. num. 6.

## QVÆSTIO XI.

*Quomodo cognosci potest: An Re-*

*gula, vel præceptum superioris obliget ad mortale, vel ad veniale?*

**R**ESPONDEO ex multis possumus hoc cognoscere. Primo ex iusta, & rationabili voluntate & intentione præcipientis, supposita tamen materia sufficienti ad culpam mortalem, vel venialem. Ratio est, quia obligatio præcepti pendet ex voluntate præcipientis dummodo cætera adsint, quæ ad inducendam obligationem necessaria sunt. Vnde si prælatas non intenderet per suum præceptum obligare ad culpam, etiam si verba grauem videantur denotare obligationem, nunquam tale præceptum quantum est ex se eius transgressorem reum culpæ efficeret.

Dixi notanter (*quantum est ex se*) quia si subditus putet illud præceptum habere vim obligandi ad culpam, & illud transgrediatur, peccabit quidem, non ratione præcepti, sed ratione conscientie erroneæ. Quando autem Prælatas animum obligandi ad culpam non habet, debet talem suam intentionem subditis manifestare ad omnes scrupulos tollendos. Qua de causa constitutiones nostræ Congregationis B. Mariæ Fulienfis non obligant ad culpam, præter illam, quæ ex iure diuino, aut iure naturali fuerit aliàs inducta, sed solum ad poenam taxatam, quia superiores expresse dixerunt se nolle obligare ad culpam, præceptum autem non ligat ultra intentionem præcipientis.

Hinc, si Prælatas sub poena excommunicationis latæ sententie aliquid præciperet, excommunicandi tamen intentionem non habens, quamuis subditus tale præceptum violaret, existimans Prælatum habuisse intentionem excommunicandi, peccaret quidem mortaliter ratione conscientie



erroneæ, nullam tamen propter hoc excommunicationem incurreret.

4. Secundò ex materia, quæ præcipitur, ut si sit res grauis, nam si levis sit, & exigua, præcepti violatio lethalis esse non potest, quamvis velit superior graue inferre obligationem Ratio huius est, quia contra rationem est, ut præceptum superioris obliget subditum ad peccatum mortale pro quacunque re leuissima. Etenim præceptum superioris, ut iustum, & licitum sit cõformari debet præcepto diuino, à quo deriuatur. At verò præceptum diuinum, quod ad mortale, & ad veniale obligare potest, quando hoc, aut illo modo obliget, desumitur ex materia graui, aut leui ut constat in præcepto non furandi, furtum enim vnus oboli solum erit veniale, quia materia levis est, furtum autem vnus aurei erit mortale, quia est materia grauis. Ergo similiter in præceptis superiorum iudicandum erit esse mortale, aut veniale ex grauitate, aut leuitate materię; si enim res quæ præcipitur, grauis sit, obligat ad mortale, si levis ad solum veniale obligare poterit. Vnde valde reprehendendus est abusus quorundam superiorum, qui circa res leues non verentur aliquid præcipere, aut sub pœna excommunicationis, aut in virtute sanctæ obedientię, vel aliquo alio modo obligante ad mortale, de quibus dici potest illud Ezech. 34. *Cum austeritate imperabatis eis, & cum potentia*, & illud Saluatoris Matth. 23. *Imponunt onera grauiā & importabilia.*

5. Verùm posset his rebus paruis talis circumstantia adiungi, ut puta graue scandalum religionis, aut magna occasio transgressionis alicuius voti essentialis suæ professionis, ut merito Prælati res illas sub mortali præcipere, vel prohibere possit, ut v. g. præcipere potest prælati sub obligatione

ad mortale, ne aliquis religiosus ad hortum communē Monasterij, aut ne ad talem, aut talem domum secularis hominis accedat, aut ne cum tali, aut tali persona loquatur. Hæc enim, & similia, quauis ex obiecto, & per se considerata sint res parui valoris tamen ratione scandali, aut alterius circumstantię efficiuntur materia grauis, & ideo obligant ad mortale. Si verò occasio scandali, aut alterius prauæ circumstantię cessauerit, tunc obligatio præcepti ad peccatum mortale erit nulla, etiam si ipse Prælati non reuocauerit suum præceptum, sed velit adhuc manere cum eadem obligatione, qua prius. Ratio est, quia à principio quando tale dedit præceptum, si nulla scandali occasio, aut alia similis iusta causa fuisset, obligare non potuisset ad mortale: ergo cessante iam causa obligare nequit. Consequentia patet, quia cessante causa, cessat effectus. Vnde Innocentius III. *capit. Post translationem de renunciatione.* declarauit decretum quoddam Concilij Constantinopolitani in eo casu non obligare, quia causa illius decreti cessauerat. Quod est intelligendum, quando cessat tota causa præcepti, quia licet cesset vna causa illius præcepti, si restant tamen alie cause, tunc quidem præceptum non cessat obligare. Vnde licet aliquis per virtutum exercitia carnem suam plenè subiecisset spiritui, nihilominus tamen ad Ecclesiasticum ieiunium obseruandum teneretur quia repressio carnis non est sola, propter quam indictum est ab Ecclesia ieiunium, sed sunt alie, ut puta eleuatio mentis in Deum, augmentum meriti, & præmij, quæ satis sunt ad obligationem ieiunij imponendam.

6. Tertiò, ex communi consuetudine, & existimatione communitalis, cui præceptum legis imponitur.

Quibuscunque enim verbis præceptum imponatur, si communis sensus eorum qui illo tenentur, id intellexit, & acceptauit ut obligans sub mortali, obligabit sub mortali, si verò ut obligans sub veniali, obligabit sub veniali. Ratio est, quia consuetudo est optima legum interpretes. *cap. Cum dilectus de consuetud.* Nec præceptum aliter obligat, quam communiter receptum est. Ita Caiet. 2. 2. q. 136. ar. 9. Nauar. *cap. 23. n. 18 Cord. super Reg. cap. 10. q. 3. p. 1. Tolet. de 7. peccatis mortal. cap. 19. n. 7. Salon. 2. 2. q. 77. ar. 1. controuer. 8 reg. 4. Valent. 2. 2. d. 10. q. 4. p. 5. vbi addit, vix posse aliam vniuersalem regulam tradi præter hanc. & 1. 2. d. 7. q. 5. p. 6. dicit hoc esse vnicū signum, ex quo sufficienter colligi possit præceptum omnibus consideratis obligare sub mortali, nempe communem populi receptionem pro maiori communis parte sic acceptantem, & intelligentem præceptum, idque dignoscendum esse ex communi iudicio, & sensu bonorum, & petitorum. Vnde quamuis in *cap. Viriisque fixus de pœnit. & remiss.* non sit expressum, an præceptum confessionis, & communionis tempore Paschæ obliget ad peccatum mortale, vsus tamen, & praxis Ecclesiæ ita declarat. Similiter in iure expressum non est: An præceptum ieiunij obliget ad mortale, quia tamen communis consensus Ecclesiæ, & Doctores ita illud interpretantur, dicendum est illud verè obligare ad mortale, quidquid contra hoc obmurmuret Caietanus *verb. ieiunium.**

Quartò ex verbis, quibus præceptū virtutis, deduci potest, quantā vim præceptum habeat. Vnde hæc verba, in virtute vel ad meritū sanctæ obedientiæ, aut in virtute sancti Spiritus, sub pœna indignationis Dei, maledictionis eterne, sub obsecratione diuinæ iudicij, sub anathemate, sub indigna-

tione Apostolorum Petri, & Pauli, aut vi, aut virtute præstiti iuramenti, aut voti facti, vel strictè præcipimus, iubemus, inhibemus, vetamus, interdicimus, & his similia grauem obligationem inducunt, cuius violatio est lethalis. Ratio est, quia vsus communis est, ut hæc verba indicent mentem Prælati esse obligare ad mortale, & colligitur ex *Clem. Exinit de verborum significat.* Quando vero nulum est verbum ex prædictis, sed verba sunt communia, ut ordinamus, statuimus, stabilimus, decernimus, sancimus, innotamus, volumus, intendimus, mandamus, &c. præceptum illud grauem obligationem minimè significat, nisi aliunde ex grauitate materiæ, aut ex detrimento boni communis contrarium dicendum sit. Ita Valent. 10. 2. d. 7. q. 5. p. 3. Salon 2. 2. q. 77. ar. 1. controuer. 8. Tolet. de 7. peccatis mortalibus *cap. 19. Nauar. c. 23. n. 49. & Azor. lib. 5. c. 6. q. 1.*

Quintò, & vltimò ex pœnis, quæ 8 præcepto irrogantur inobedientibus, cognosci potest, an præceptum obliget ad mortale: nam si pœna grauis alicui præcepto iusto apponitur, quæ ex sua natura præsupponit culpam mortalem, tunc tale præceptum obligabit sub mortali, aliàs præceptum iniquum esset, quod pro re nullius momenti pœna tam graui illius transgressorem puniret. Vnde in iure canonico quæ sub pœna excommunicationis, depositionis, degradationis, &c. præcipiuntur, aut prohibentur, ad peccatum mortale obligant. Quia huiusmodi pœnæ non nisi pro peccato mortali possunt infligi. Et quidem loquendo de excommunicatione lætæ sententiæ, ipso iure, & facto incurrendæ, non expectata alia admonitione, & sententia iudicis, omnes Doctores conveniunt.

QVÆ

## QVÆSTIO XII.

*Sed dubium est, quando præceptum fertur sub excommunicationis pœna non ipso facto illata, sed comminata, & intimata, ut inferenda: An videlicet tale præceptum ad mortale semper obliget?*

- 1 **ILLUSTR.** Caiet. in sum. verb. præcepti transgressio. Nau. r. 23. nu. 53. Cord. super Reg. S. Franc. cap. 10. q. 2. & Valent. 10. 2. d. 7. q. 5. p. 6. putant tale præceptum obligare illius transgressorem solum ad peccatum veniale. Et probant, quia excommunicatio comminatoria non incurritur, nisi post admonitionem: ergo donec admoneatur, non censetur peccare nisi venialiter v.g. summus Pontifex can. Si quis d. 23. & cap. Si quis ex clericis de visa, &c. statuit clericum qui comam nutrit esse excommunicandum, sed non ob id statim censendus est clericus peccare mortaliter, si comam nutriat, nisi monitus perseueret, tunc enim propter contumaciam dignus est excommunicari, & per consequens peccat mortaliter.

- 2 Sed multò probabilius est, omne præceptum præcipiens aliquid sub pœna excommunicationis ferendæ obligare sub peccato mortali. Ratio est, quia quando præceptum pœnam excommunicationis comminatur, vti quæ comminatur illam propter id peccatum, propter quod si subditus in eo perseueret, punietur postea excommunicatione ipso facto, sed hæc non fulminatur, nisi pro peccato mortali: ergo nec eius comminatio apponetur præcepto, nisi etiam pro peccato mortali.

- 3 Tum quia quando præceptum ab-

solutè aliquid iubet sub pœna excommunicationis (quo loquendi modo intelligitur excommunicatio ferenda) nulla alia monitio est necessaria, ut transgressor possit à Iudice excommunicari, sufficiens est enim illa admonitio præcepti, ut rectè Vasq. 1. 2. q. 96. ar. 4. d. 158. cap. 5. n. 44. Si ergo potest ille statim excommunicari, reus est peccari mortalis, ob nullum enim aliud peccatum, excommunicari potest.

Ex quibus omnibus sequitur, omne 4 præceptum iustum absolutè latum, quando nec ex verbis, aut signis deduci potest superiorem non habuisse intentionem obligandi ad culpam, & tunc pro ratione materiæ magis, vel minus gravis, iudicandum erit præceptum obligare vti quæ ad culpam mortale vel veniale. Et ratio huius esse potest, non solum, quia præceptum habet obedientiæ imperium, & suapte natura habet vim obligandi sub culpa, nisi legislator contrarium explicet; sed etiam quia in eo casu non est aliqua ratio, cur existimare debeamus præcipientem vsum fuisse auctoritate sua quoad hunc obligandi modum, nempe quoad pœnam solam, & non quoad culpam mortalem, aut venialem pro qualitate, & quantitate materiæ, de qua fit præceptum. Atque ita cum ipse non limitet vsum auctoritatis suæ, est simpliciter iudicandum cum ex tota auctoritate sua præceptum imponere. Et ideo ita tenent D. Tho. 1. 2. p. 9. ar. 8 Sylu. verb. lex q. 9. Alph. de Castro de leg. 1. an. lib. 1 c. 5. Sot. lib. 1. q. 6. ar. 4. & alij communiter.

De aliis verò pœnis spiritualibus, 3 quæ transgressoribus imponuntur, ut sunt suspensio, & interdictum, Caiet. 2. 2. q. 186. ar. 9. Nauar. cap. 23. nu. 53. Cord. cap. 10. reg. S. Franc. q. 3 p. 1. & Valent. 1. 2. d. 7. q. 1. p. 6. dicunt hæc

pœnas non esse sufficiens signum obligationis sub mortali quia hæc pro sola culpa veniali incurri valent. Immo irregularitas aliquando absque vlla culpa incurritur.

- 6 At verius est, suspicionem, interdictum, & irregularitatem esse signum obligationis sub mortali, quia quando pro transgressione præcepti tanquam pœnæ imponuntur, cum gravissimæ sint, imponi nequeunt absque peccato mortali, ut præclare docent Azor. lib. 5. cap. 6. q. 5. Suarez. 10. 5. in 3. p. d. 4. sect. 4. n. 7. Valq. 1. 2. q. 96. ar. 4. diffinit. 158. c. p. 5. n. 48. & plerique alij.

- 7 Hinc, non est audiendus Angelus verb. inobedientia qui dicit, quod transgressio præcepti non est mortalis nisi fiat cum contemptu. Quia ut fatentur universi, ex quacunque iniusta causa scienter fit transgressio præcepti strictè sumpti est mortalis, aliàs sequeretur quod qui ex voluptate, aut cupiditate contraheret matrimonium in gradu consanguinitatis prohibito per Ecclesiam, non peccaret mortaliter, quod est falsum.

### QVÆSTIO XIII.

*Quanam pœna temporales, quæ transgressoribus legum imponi solent, sint sufficiens indicium obligationis sub mortali?*

- 1 ET quidem certum est, pœnam capitis, & mutilationis alicuius membri esse sufficiens indicium huius obligationis. Quia tam gravis pœna imponi nequit absque culpa mortali. Ita Sotus lib. 1. quæst. 6. ar. 5. Arag. 2. 2. q. 62. ar. 3. Tolct. de 7. peccatis mortalibus cap. 20. num. 4. Valquez 1. 2. quæst. 96. ar. 4. diffinit. 159. cap. 3. num. 23. & Azor. lib.

5. cap. 6. quæst. 5. & alij.

Idem dicendum est de pœna exilij perpetui, & perpetui carceris, ut Ioan. Med. C. de ieiunio q. de necessitate servan. ieiun. Alphons. de Castro lib. 1. de leg. pœnali c. p. 5. docum. 4. Azor. lib. 5. cap. 6. quæst. 5. Salon 2. 2. quæst. 77. ar. 1. contron. 8. & Ledesim. 2. p. 4. quæst. 17. art. 2. dub. 6.

Et idem crederem, quando tanto tempore exilium, & carcer durarent, ut scire perpetua reputarentur.

### QVÆSTIO XIV.

*Sed quod in dubium vertitur, est: An in Religione pœna carceris sit indicium sufficiens obligationis Regula, aut superioris ad mortale?*

D. Anton. 3. p. tit. 16. cap. 1. §. 9. & 2. p. 4. cap. 2. §. 3. affirmat.

At oppositum mihi persuadeo. 2 probabilius, nisi talis esset religio, ut ea pœna censeretur gravissima, & infamatoria.

### QVÆSTIO XV.

*An pœna gravis infamiae sit sufficiens indicium obligationis præcepti sub mortali.*

VASQ. 1. 2. quæst. 96. art. 4. disp. 119. c. p. 3. num. 23. negat.

Sed oppositum mihi videtur verius. Et ira docet Castro lib. 1. de leg. pœnali cap. 5. docum. 4. Azor. lib. 5. cap. 6. quæst. 5. & Salon 2. 2. q. 77. art. 1. contron. 8. Et idem dicendum est de pœna trireremii, & flagellationis, ut rectè

rectè docet Cordub. *cap. 10. Reg. q. 3.* quia hæ pœnæ sunt gravissimæ, quæ non nisi pro mortali iniungi solent.

Similiter huius obligationis indicium est pœna amissionis omnium bonorum, ut monet Barth. Med. *l. 2. q. 96. art. 4. Sayr. in clavi Reg. lib. 3. cap. 7. n. 25. & Salon l. 2. q. 77. art. 1. controu. 7.* qui dicit idem de pœna amissionis maioris partis bonorum.

Idem docet Azor. *lib. 5. c. 6. q. 5. de pœna amissionis publici officij.* Et Carbo de leg. *lib. 8. d. 5.* dicit idem de pœna priuationis beneficiorum. Et idem dicendum est de pœna seruitutis ut rectè monet Azor. *ubi supra.*

Quæ omnia sunt verissima, etsi verba legis, quibus hæ pœnæ imponuntur, non sint præcepti, nec æquivalentia præcepto, sed communia, ut Vasq. *l. 2. q. 96. ar. 4. dist. 159. cap. 3. n. 120. Castro lib. 1. de leg. pœn. c. 5. documento 4. & alij ubi supra,* annotant.

mortali. Et ratio est, quia cum in eo dubio nulla sit possessio pro obligatione legis sub mortali, præponderat possessio libertatis voluntatis. Et ita tenent Nauar. *cap. 23. num. 50. & Sayr. l. b. 3. clau. Reg. cap. 7. num. 19.* ubi aiunt quod quando verba legis sunt apta ad inducendam obligationem sub mortali, & veniali, esse in dubio de obligatione ad veniale intelligenda. Quia iuxta *Reg. in pœni de reg. iuris in 6.* leges quæ rectè de pœna maiori, & minori possunt intelligi, sunt in dubio de minori interpretandæ.

Hoc idem videntur docere Caiet. *3. verb. præcepti transgressor*, & Armilla *verb. præceptum num. ultimo*, ubi dicunt præcepta legis obligantia ad culpam strictè esse interpretanda, & non ita latè, ut multiplicatis præceptis illaqueentur animæ.

## QVÆSTIO XVII.

*Sed quid si esses dubium, an præceptum legis obliget sub culpa veniali, an vero ad solam pœnam?*

## QVÆSTIO XVI.

*Quid agendum, quando omnibus perpensis manet res adhuc dubia, nec cognosci potest, an præceptum legis obliget ad mortale, nec ne? An tunc teneatur dubitans, illud servare, & sic amplecti, quod tutius est, ne contrafaciendo, se exponat periculo peccandi mortaliter?*

<sup>1</sup> VALENT. *l. 1. d. 7. quæst. 5.* Toller. *de 7. peccatis mortalibus sine.* Et Ioan. Med. *C. de ieiunio q. de necessit. ieiunij* affirmant.

<sup>2</sup> At dicendum est id legis præceptum in eo dubio non obligare sub

**R**ESPONDEO in hoc dubio potius existimare debemus præceptum legis obligare sub veniali. Et ratio est, quia præceptum legis suapte naturam sub culpa obligandi habet: ergo ubi non constat de contraria legislatoris voluntate volentis ad solam pœnam obligare, censendum est eam ad culpam venialem obligare, quia in dubio possessio stat pro legis obligatione.

QVÆ

## QVÆSTIO XVIII.

*An omne præceptum legis pœnalis obliget ad culpam?*

**I**N hac quæstione sanè graui, & difficili, quædam sunt omnibus comperta, vnum vero in opinione positum. Illud imprimis apud omnes certum est, nullum præceptum legis humanæ obligare ad culpam, si ablit præcipientis animus, & voluntas obligandi sibi subditos. Quia ad vim, & potestatem præcepti requiritur præcipientis animus, quo velit eo præcepto sibi subditos ad culpam astringere.

**2** Secundò, illud quoque certum est, præceptum legis humanæ, siue sit purè pœnalis, siue mixtæ, si ex contemptu, vel cum scandalo, & offensione aliorum violetur, esse culpam lethalem. Ratio est, quia ipse præcepti contemptus, vel offensio aliorum est per se peccatum mortale.

Tertiò, illud etiam certum est, præceptum legis humanæ, quæ irrogat pœnam excommunicationis, suspensionis, interdicti, depositionis, degradationis, irregularitatis, aut infamiz, quando hæc proueniunt ex delicto, ita conscientiam astringere, ut eius violatio sit peccatum.

**3** Quartò id etiam cuique persuasum est, præceptum legis humanæ, si ob solam suspensionem, vel præsumptionem sit factum, non habere vim obligandi in conscientia. Ratio est, quia præsumptio, vel suspicio ad forum tantum iudiciale pertinet, non conscientiz.

**4** Quintò, & vltimo, illud etiam compertum est, & indubitatum, legem conuenientialem non obligare conscientiam, ita vt eius omisio sit peccatum v. g. maritus reliquit bona

sua vxori ea lege, ne ad secundas nuptias transeat, ipsa verò transit, in nubendo non peccauit, at si nuptraretur bona mariti demortui, peccat, quia pactum non seruat.

## QVÆSTIO XIX.

*Quod autem in dubium vertitur, est: An in cæteris casibus omne præceptum legis humana pœnalis obliget ad culpam?*

**I**N hac graui, & perdifficili quæstione tres inuenio Doctorum opiniones. Prima asserit in vniuersum nullum præceptum legis tam purè pœnalis, quam mixtæ obligare in conscientia ad culpam, etiam si pœnas grauissimas transgressoribus constituat, vt pœnam capitis, vel mutilationis alicuius membri, amissionis bonorum, exilij &c. Ita Nauar. cap. 23. nu. 55. cuius sententiam Valentinus 1. 2. d. 7. quæst. 5. par. 6. dicit esse valde probabilem.

**2** Secunda est dicentium præceptum legis purè pœnalis, in qua nihil præcipitur, vel prohibetur, sed solum nuda pœna comminatur, non obligare ad culpam, sed ad solam pœnam, vt si lex sic dicat: *Qui arma portauerit, subeat nalem pœnam*: præceptum verò legis mixtæ, quæ præter pœnam, præceptum etiam, vel prohibitionem continet, ad culpam, & pœnam obligare. Vt si lex sic dicat: *Libentius, aut prohibemus, ne quis arma portet, sub pœna decem aureorum*. Sic Castro lib. 1. de leg. pœn. cap. 8. & 9. qui pro se citat Caietan. 2. 2. quæst. 187. art. 5. Couar. in Reg. peccatum 2. par. 5. nu. 4. Cord. cap. 10. quæst. 3. & Valquez 1. 1. qu. 96. art. 4. disp. 159. cap. 2. & 3.

Tertia vero opinio, quam sequor, tenet, in vniuersum omne præceptum legis

legis pœnalis siue mixtæ, siue pure pœnalis, obligare ad culpam, nisi præcipiens expressè dicat, se nolle suo præcepto conscientias adstringere. Ratio huius est, quia præceptum legis humanæ potest obligare eius transgressorem ad culpam, & simul etiam aduersus eum pœnam statuere, vt simul obliget ad culpam, & pœnam, cum pœna non sit contraria culpæ: ergo quando aliquid præcipit statuta pœna, obligat etiam transgressorem ad culpam.

Nec valet responsio Nauarri, quod superior obligando ad pœnam temporalem, videtur excludere æternam, nam qui de duobus propositis alterum affirmat, alterum negare videtur. Quia culpa, & pœna temporalis non proponuntur superiori, vt alteram tantum eligat, nec contrariantur, vt vtramque intendere non possit.

Tum quia præceptum legis humanæ absolute impositum absque pœnæ comminatione obligat ad culpam, ergo à fortiori, cum pœna comminatur: comminatio enim pœnæ non infirmit præcepti vires, sed corroborat, cum apponatur ad maiorem obferuantiam præcepti timore pœnæ.

Et confirmatur, nam præceptum quod fuit positum primis parentibus pœnale fuit, vt constat Genesios 2. vbi sic dicitur. *In quocunque die comederis ex eo, morte morieris.* Sed hoc præceptum maxime obligauit ad culpam, vt patet ex fide, ergo.

Tum quia pœna imponi nequit, nisi propter culpam, est enim pœna malum propter culpam inflictum, teste D. Thom. *secunda secunda quæst. 108. artic. 4.*

Tum quia pœna, quæ verè pœna est, & supplicium, habet intrinsecam, & necessariam connexionem cum

culpa, vt sine ea, non sit, nec possit dici pœna, sed pœna, quam imponit præceptum pœnale, vt suppono, est verè pœna, & supplicium: ergo transgressio huius præcepti culpa uecessaria est, & delictum.

Tum quia ex huiusmodi præceptis alia maiorem pœnam transgressori-  
bus infligunt, alia minorem: ratio autem huius diuersitatis non est alia, nisi quia maius peccatum est, & maius nocuum transgressio vnus, quam alterius, iuxta illud Deuter. 25. *Iuxta mensuram delicti, erit, & plagarum modus*: ergo.

Tum demum, quia quando superiores præcipiunt aliquid sub pœna statuta constituunt illud in genere virtutis, & obedientiæ: ergo contrarium facere, vitium erit. Et idèd huius opinionis sunt D. Thom. 1. 2. *quæst. 96. art. 4. Sot. lib. 1. quæst. 6. art. 5. Arag. 2. 2. quæst. 62. art. 3. Med. 1. 2. quæst. 96. art. 4. Salon 2. 2. quæst. 77. art. 1. comrou. 7. & 8. Toler. de 7. peccatis mortalibus cap. 20. nu. 4. Roder. 10. 1. 99. reg. qu. 6. art. 7. Med. C. de restitut. q. 12. & Azor. lib. 5. cap. 6. qu. 4.*

## QVÆSTIO XX.

*An qui statutum non obligans nisi ad pœnam, transgreditur, peccatum committat, si pœnam statuto taxatam non implet?*

**H**Æc quæstio mouetur propter decretum nostrarum constitutionum, quo in vniuersum cauetur, nostras constitutiones ad nullam culpam obligare.

Illustrissimus Caiet. 2. 2. d. 186. ar. 9. & Roder. 10. 1. 99. reg. q. 10 ar. 6. aiunt, quod vbi eiusmodi statutum est, de non obligando ad culpam (prout etiam

M m m

inuenitur in deuota societate Iesu, & in ordine prædicatorum) nullum peccatum committere eum qui pœnam statuto irrogatam non implet. Vnde sicut (aiunt) non peccat, v. g. qui silentium frangit, ita non peccat, qui pœnam violati silentij non soluit. Ratio est, quia qui statutum violat, tenetur pœnam luere vi ipsius statuti; at statutum apertè dicit, eum non peccare, qui ipsum violat, ergo nec peccat, qui statuto non pareat, & pœnam non soluit, alias speciale statutum cum generali pugnaret.

- 3 Sed quamuis sententia hæc sit valde probabilis, probabilior tamen iudico contrariam, nimirum esse culpam venialem non sub re pœnam statuto irrogatam. Et ratio est, quia decretum nostrarum constitutionum discernit se velle obligare ad pœnam, etsi non ad culpam, eum qui statuta constitutionum infringit, at ubi obligatio est, ibi præceptum esse oportet, & ubi præcepti violatio est, ibi peccatum esse necesse est.

- 4 Deinde, si religiosus omittat eam subire pœnam, quæ est per statutum præscripta, reprehenditur à Prælato, & alia insuper grauior illi propter talem pœnæ omissionem infligitur à Prælato pœna. Hoc autem iustè fieri non posset, si nullam esse crederet in tali omissione culpam saltè venialem. Et hæc videtur esse expressa sententia D. Tho. 2. 2. q. 186. art. 9. ad 1. ubi apertè ait statutum Dominicanorum non obligare ad culpam, sed solum ad pœnam taxatam sustinendam. Et in præfatione nostrarum constitutionum dicitur sic. Illud autem primò positum à nobis sit, generatimque semel constitutum, non esse consilij, mentis, aut intentionis nostræ, quenquam qui contra decreta, aut instituta hæc commiserit, ad ullam pœnam earum quæ hic constituuntur, obligare, nisi cum

superior eius eam pœnam ei nominatim ob culpam admissam indixerit, excepto tamen, si in constitutione scriptum sit, eius culpæ reum, pœna in constitutione addita ipso facto teneri.

Dices, pœna, & culpa sunt correlatiua, ergo ubi culpa non est, ibi pœna esse non debet.

Respondéo pœnam largè tamen sumptam posse constitui abque culpa, dummodò iusta causa subsit, vt habetur in *Reg. suri in 6. vbi dicitur, Sine culpa, nisi causa subsit, non est aliquis puniendus.*

Et ad fundamentum Caietani respondeo, generale statutum quod dicit, eum non peccare, qui ipsum violat, excipere statutum illud speciale, quod superiores disertis verbis ostendunt se obligare ad pœnam statuto præscriptam, quamuis nullius culpæ sit reus, qui statutum infringit.

## QVÆSTIO XXI.

*An transgressor statuti, teneatur soluere pœnam ante iudicis sententiam?*

NON disputamus modo, an transgressor statuti teneatur ante iudicis sententiam subire pœnam, quando non est à statuto taxata, sed est à iudice imponenda, quia certum est, ad talem pœnam non obligari, nisi per Prælatum imponatur.

## QVÆSTIO. XXII.

*Sed dubium est de pœna iam taxata, & imponenda à Prælato, quod contingit, quando in constitutionibus dicitur, qui hoc, vel illud fecerit, tali, & tali pœna puniatur*

ET ad huiusmodi, similiter constat non teneri transgressorem, nisi imponatur ei à Prælato.

QVÆ



## QVÆSTIO XXIII.

*Tota igitur difficultas consistit, quando pena est taxata, & imposita in constitutionibus, vel à Pralato, ut contingit, quando dicitur, qui fregerit silentium post completorium, ieiunet in pane, & aqua: An videlicet ad huiusmodi pœnam teneatur transgressor, etiam si nullus Prælatus imponat?*

**A**LPHONSVS à Castro lib. 2. de lege pœnali cap. 8. & 9. & lib. 2. de multa hæreticorum punitione cap. 16 docet transgressorem statuti pœnalis teneri statim ad pœnam subbundam ante Iudicis sententiam.

Alij verò è contra negant, & merito quidem, quia cum pœnam soluere sit pati supplicium à lege taxatum, si ante declarationem delicti transgressor teneretur pœnam luere, ipse sibi ipsi inferret supplicium, & in seipsum ageret, ac proinde idem esset agens, & pariens, Iudex, testis, accusator, & exequutor iustitiae, quod cum iure naturæ pugnat.

**2** Tum quia statuta debent esse tolerabilia, & consona rectæ rationi, cogere autem delinquentem, qui commisit crimen in occulto, ut sine condemnatione iudicis, soluat pœnam, est prorsus intolerabile, quia nemo est condemnandus, nec compellendus ad aliquod supplicium, quin audiatur 1. quæstione 7. can. Nos in quemquam. At si ante Iudicis sententiam teneretur reus pœnam soluere, esset punitus inauditus, & inconfessus, nec convictus.

Tum quia inter statuta pœnalia, rigidius est illud, quo crimen hæresis, & læsæ Maiestatis punitur confiscatione bonorum, cum in eo à die perpe-

trati criminis priuatur delinquens dominio suorum bonorum, sed hoc præceptum seu statutum adeò rigidum non obligat reum, ut statim ante Iudicis sententiam soluat pœnam, ut definitur in cap. Cum secundum leges de hæreticis lib. 6. ergo neque alia statuta pœnalia obligabunt in conscientia ad luendam pœnam ante condemnationem iudicis.

Nec obstat quod aliqua ex huiusmodi statutis vrantur illis vocibus, ipso facto, ipso iure, mox, statim, confessum, proinus, in omnibus &c. Quia hi termini adduntur, ut apertius intelligatur, statutum illud non esse comminatorium, sed assertorium, & definitiuum: hæc enim differentia inter statutum comminatorium, & definitiuum est, quod per illud transgrediens non solum declarandus est reus, id est se fecisse tale delictum, verum etiam est condemnandus ad pœnam: transgrediens vero definitiuum, sufficit ut declaratur commississe delictum, huiusmodi enim declaratio est condemnatio, & ided dicit statutum ipso facto, ipso iure &c.

Dices, pœna excommunicationis, suspensionis, interdicti, & irregularitatis in foro conscientiae contrahitur statim atque perpetratum est delictum contra statutum, quod ipso facto, vel ipso iure has pœnas irrogat: ergo idem dicendum est de alijs pœnis.

Respondeo inter huiusmodi pœnas magnam esse differentiam, nam per has pœnas quæ in mera priuatione consistunt, priuat Ecclesia delinquentem suis bonis, non bonis proprijs delinquentis, nimirum suis suffragijs, beneficijs, fructibus, suis sacramentis, & aliorum commercio, & ided ad huiusmodi pœnas incurrendas, non requiritur Iudicis sententia, sed eo ipso quod crimen committitur, reus ipse pœnas illas actu subit ante sententiam

Iudicis, quia cum huiusmodi bona sint Ecclesie, in facultate Ecclesie est, priuare quando vult, & eo ipso quo vult, est priuatus delinquens. Sicut quando maritus legat vxori mille ea lege, vt caste viuatur, si ista postea fornicetur, tenetur statim legatum restituere ante omnem condemnationem Iudicis. At vero per alias, quæ sunt propriæ actiones, expoliatur homo aliquo bono suo, & sibi proprio, quæ non sunt tales, vt adgant delinquentem ad sua bona reddenda fisco in foro conscientie ante Iudicis declarationem.

Obiicies, ergo nulla est differentia inter statuta, quæ pœnam infligunt ipso facto, vel iure, & ea quæ pœnam irrogant, Iudicis autoritate infligendam.

Respondeo magnam esse differentiam, nam per statuta, quæ ipso facto, vel iure pœnam irrogant, sententia Iudicis requiritur, vt delictum contra statutum commissum declaretur, ac proinde transgressorem pœnam statuti contraxisse. At vero per ea quæ pœnam præscribunt sententia Iudicis infligendam, non solum sententia Iudicis requiritur, vt delictum declaratur, sed etiam vt reus condemnatur ad pœnam statuti subeundam.

#### QVÆSTIO XXIV.

*An transgressor status pœnalis teneatur subire pœnam post Iudicis sententiam?*

1. **A**D hoc dico primò, quod transgressor statuti pœnalis post Iudicis sententiam, tenetur pati pœnam in statuto constitutam, id est, tenetur non resistere Iudici, aut eius ministris. Quia vt D. Paulus dicit, *Qui potestati*

*resistit, Dei ordinationi resistit.*

Tum quia superior iure infligit pœnam: ergo reus tenetur eam subire, alioquin daretur bellum iustum ex utraque parte, quod non est dicendum.

Secundò dico, quod in pœnis quæ in passione consistunt, vt est pœna mortis, vel abscissionis membri, satis est, quod reus pariat, & non resistat ministris. Et ratio est, quia statutum non obligat reum, vt ipse sibi pœnam inferat, sed vt tantum pariat.

Tertiò dico, quod in pœnis subeundis, quæ in actione, & passione consistunt, delinquens post Iudicis condemnationem tenetur exercere eas actiones, quæ sunt necessariæ ad subeundam pœnam, quæ ab alio, quam à delincente exerceri nequeunt, v. g. progredi in locum, vbi pœna suspendij perire debet, ire in exilium, soluere pecuniam. Et ratio est, quia reus tenetur subire pœnam, sed ad subeundam pœnam, sunt necessariæ tales actiones: tenebitur ergo eas exercere.

#### QVÆSTIO XXV.

*Quotnam modis dignosci queat statutum aliquod pœnale continere pœnam sententia Iudicis ferendam?*

**R**ESPONDEO tribus modis. Primo, quotiescunque statutum pœnale videtur verbis, quæ solam pœnæ comminationem exprimunt, pœnam ferendam continet. Vt si statutum ita dicat *Præcipimus, aut prohibemus sub pœna excommunicationis, vel sub interpositione anathematis, an sub interminatione interdicti, an sub maledictione pœna æterna, an sub indignatione omnipo-*

107110

tenus Dei. Ratio huius est, quia comminatio nunquam est, aut esse solet de re præterita, aut præsentis, sed solum de re futura, & consequenter statutum pœnale utens verbis solum comminatoriis, sententiam ferendam, & non latam continet.

- 2 Secundo, quoties statutum pœnale utitur verbis futuri temporis, pœnam continet ferendam, non latam. Ut si statutum ita fiat. *Qui onem, vel bonem surripuerit, duplum restituat. Qui hoc vel illud fecerit, suis bonis privabitur.* Idem est, si dicat, *excommunicetur, suspendatur, privetur, relegatur.* Hæc enim verba pœnam continent ferendam.

Tertio, quoties de aliquo termino in statuto pœnali posito merito dubitatur, an latam, vel ferendam sententiam continet, in dubio dicendum est ferendam sententiam continere. Ratio est, quia iuxta regulas iuris, odia sunt restringenda.

Tum quia in pœnis benignior interpretatio facienda est; at vero sententia ferenda à Iudice, benignior, & mitior censetur.

## QVÆSTIO XXVI.

*Quot modis dignosci possit statutum continere pœnam ipso iure latam?*

- 1 RESPONDEO tribus. Primò, quoties statutum pœnale fit hoc modo: *Qui hoc, vel illud fecerit, hæc, vel illam pœnam contrahet sine alia sententia Iudicis, vel ita, ipso facto, vel ipso iure, autoritate huius legis, absque alia declaratione, statutum est pœnam continens ipso iure latam.*

- 2 Secundo, quoties statutum in pœna irroganda utitur verbis præsentis temporis, toties sententiam latam

continere censetur. Ut si statutum ita dicat. *Alii facientes, excommunicamus, anathematizamus, interdicimus, suspendimus, relegamus, condemnamus, privamus.* Vel aliter facientem declaramus esse excommunicatum, suspensum, vel in excommunicationem, aut suspensionem incurrere, esse privatum dominio bonorum, vel beneficio, aut amittere beneficium, vel dominium bonorum, aut esse inhabilem, vel infamem. Hæc enim verba pœnam continent latam.

Tertio, quotiescunque in statuto pœnali ponitur adverbium sequentia, *statim, confestim, illico, continuo, mox, proximo, in continenti,* ex tunc, statutum illud, sententiam latam continet.

## QVÆSTIO XXVII.

*An pœna in foro conscientie debeat, quando statutum addit, ad pœnam contrahendam nullam requiri Iudicis sententiam?*

RESPONDEO si statutum solum addit, pœnam contrahi ante sententiam, eam non deberi, nisi post sententiam, qua declaratur erimen esse factum. Quia huiusmodi statuta intelliguntur sic, nullam requiri sententiam, qua reus ad pœnam sustinendam damnetur.

## QVÆSTIO XXVIII.

*Sed quid, si statutum dicat, ad pœnam contrahendam nullam requiri sententiam, qua declaratur commissum esse delictum, ut habetur in Constit. Pauli II quæ incipit, Ambitiosæ, &c.*

M m 3 Sunt

- 1 SVNT quidam qui tenent, tunc pœnam in foro conscientia esse soluendam ante declarationem commissi delicti.

Sotus lib. 1. de iust. quest. 6. ar. 6. est dubius an hæc istorum opinio sit vera.

- 2 At vero Couar. 2. p. de matrim. cap. 6. §. 8. n. 10. rectius docet etiam tunc pœnam non esse soluendam, antequam sententia Iudicis declaratum sit delictum.

### QVÆSTIO XXIX.

*An cessante causa statuti, statutum quoque ipsum cessare censetur*

- 1 RESPONDEO cessare, quando ratio, & causa statuti in vniuersum cessat, si tamen in aliquo privato statuti causa, & ratio cesset, non censetur statutum cessare. Quod existimo verum quando cessat causa, & ratio statuti, quæ ad ipsam statuti substantiam spectat, non autem si ad finem præcipientis pertineat. v. g. præceptum correctionis in eum finem est à Christo larum, ut frater à nobis admonitus resipiscat, eiusmodi causa est substantia præcepti; quate emendatum iam corripere non tenemur.

Præterea indicta sunt ab Ecclesia ieiunia, ut carnem spiritui subiiciamus, non cessat ieiunij præceptum, quamuis ea sit perdoniga, quia repressio carnis non est præcepti substantia, sed finis.

- 2 Tandem quando statutum habet duas suæ institutionis causas, quamuis vna earum cesset, non eo ipso cessat statutum v. g. est baptisumus institutus ut originale peccatum tolleretur, tunc etiam, ut eo signo christianus insignitus, ab infidelibus distingua-

tur. Vnde si quis in vtero matris diuinæ gratiæ beneficio sine omni peccati macula nascatur, baptizari nihilominus debet propter characterem.

### QVÆSTIO XXX.

*An conscientia erronea plus obliget, quam Prælati Præceptum?*

ANGELVS verbo conscientia n. 2. 1 & Syluest. ibidem q. 2. censent conscientiam erroneam minus obligare, quam præceptum Prælati.

Cæterum absque dubio dicendum 2 est, conscientiam erroneam magis obligare, quam Prælati præceptum. Ducor, quia qui agit contra conscientiam, peccat contra Dei præceptum, quod directè violat frangendo obligationem, quam falso conscientia errans proponit. At non obediendo Prælato directè frangit præceptum humanum; & quamuis indirectè transgrediat præceptum Dei, cuius nomine Prælatus iubet, verum hanc transgressionem non vult directè, sed indirectè, quatenus culpabiliter errat. Et ideo ita tenet D. Th. in 4. d. 39. q. 1. ar. 1. id 3. Quod intelligitur cæteris paribus, quia si non facere quod conscientia dicitur, sit solum veniale, ac non obedire Prælato, credat esse mortale, magis obligabit præceptum Prælati.

### QVÆSTIO XXXI.

*An qui non valet implere totum præceptum teneatur ad partem quantum potest?*

**1** AD hoc dico primò, quod quando præceptum est de re indiuidua, id est, de re, quæ commodè diuidi non potest, nec in parte saluatur ratio præcepti, ut est præceptum ieiunij vnus dici, vel auditionis missæ vno die, vel recitationis officij respectu vnus horæ canonicæ, vel septem Psalmorum Pœnitentiales, qui non tenetur ad totum, quo censetur integrè moraliter impleri præceptum, non tenetur ad partem. Ut qui non potest ieiunare nisi vsque ad vesperam, omnino à ieiunio excusatur, & qui Psalmorum Pœnitent. vouit, nec potest totum recitare, non tenetur ad partem. Quia id præceptum commodè diuidi non potest, & idè qui toti satisfacere nequit, ad partem non tenetur.

**2** Secundò dico, quod quando præceptum est de re diuidua id est de re, quæ commodè diuidi potest, & in parte saluatur ratio præcepti, sicut in toto, & vna pars ab alia non pender, ut est præceptum septem horas canonicas quotidie recitandi, & ieiunium quadragesimale, qui non tenetur ad totum, tenetur ad partem, quam potest. Ut qui defectu breuiarij non potest totum officium persolvere, tenetur ad horas quas potest, & qui non valet totam quadragesimam ieiunare, tenetur ad dies, quos potest. Et ratio est, quia cum obligatio sit diuidua, & constet partem aliquam diuiduam, in qua saluatur ratio præcepti, posse facillè, & commodè impleri, non est, cur ab ea implenda quis excusetur.

**3** Hinc, qui est dispensatus, ut in die ieiunij pluries, quam semel comedat, non videtur dispensatus ut carnes edat, & dispensatus ut ante horam iustam prandeat, non videtur à ieiunando liberatus. Quia præceptum Ecclesiæ licet in totum seruari non possit, seruandum tamen est quo ad

illam partem, quoad quam seruari potest.

## QVÆSTIO XXXII.

*An præceptum superioris sufficienter promulgatum obliget etiam eum, qui ignorantiam inuincibilem habet?*

**I**LLVSTRISS. Caiet. 1. 2. q. 90. ar. 4. **1**  
Existim ar sic ignorantem verè non obligari. Quia nemo obligatur ad impossibile. At qui præceptum inuincibiliter ignorat, illud seruare non potest.

At vero Sotus lib. 1. q. 1. ar. 4. Med. **2**  
1. 2. q. 90. ar. 4 & Valent. rom. 1. d. 7. q. 5. p. 5. docent eum verè obligari. Et ratio est, quia hic propter ignorantiam inuincibilem excusatur à culpa, si contra præceptum faciat: ergo etiam præcepto tenebatur, alioqui enim si non erat præcepto strictus, non est cur excusari dicatur, nemo enim dicitur excusari, cum omittit aliquid facere, ad quod non tenetur.

## QVÆSTIO XXXIII.

*Utrum ignorantia Regula, ac præceptorum eius excuset transgressores à peccato?*

**N**OTANDVM primò, ignorantiam **1**  
aliam esse iuris, aliam facti. Ignorantia iuris est, quando præceptum ignoratur, ut cum quis ignorat v. g. furtum esse peccatum. Ignorantia verò facti est, quando quis scit quidem furtum esse peccatum, sed ignorat rem, quam retinet non esse suam. Et vtraque hæc ignorantia est duplex, vincibilis, & inuincibilis.

Ignor

Ignorantia vincibilis (quæ & culpabilis, improbabilis, iniusta, & voluntaria nuncupatur) est illa, qua quis ignorat ea, quæ omnes, aut maior pars hominum scit. Dicitur autem vincibilis, quia vinci potest: culpabilis, iniusta, & improbabilis, quia cum culpa contracta est. Vt si quis sagittam proiciat in eum, quem imprudenter, non præmissa debita diligentia, feram purat, cum tamen sit homo.

2 Ignorantia autem inuincibilis (quæ à Doctoribus, inculpabilis, probabilis, iusta, & inuoluntaria appellatur) est illa, qua communiter homines suæ conditionis adhibita diligentia laborant. Vel est illa, quam quis posteaquam fecit totum quod ad illam vincendam facere tenebatur, superare non potuit. Dicitur *inuincibilis*, quia aut vinci nequit, aut non debet. Dicitur autem *probabilis*, iusta, & inculpabilis, quia, sine culpa & bona fide contracta est. Vt si quis sagittam proiciat in eum, quem prudenter, & adhibita debita diligentia feram putat, cum tamen sit homo. Vnde ignorantia vt inuincibilis sit, non tenetur homo facere totum quod potest ad eam excludendam, sed satis est, si efficiat illud, quod facere tenetur, ne sibi talis ignorantia imputetur. Quod patet exemplo Iacob, qui potuit quando iuit dormitum interrogare Liam, essetne Rachel, aut eum ea confabulari, vt eam sermone agnosceret, vel demum postulare lumen, vt eam videret, & ita ignorantiam expellere, & nihilominus habuit ignorantiam inuincibilem. Ergo vt ignorantia sit inuincibilis, non requiritur vt homo faciat quod potest, vt eam expellat, sed sufficit facere quod tenetur.

3 Dices, quid igitur tenetur facere quis ad eam ignorantiam expellendam?

Respondeo teneri, aut consulere doctiores se, si est vir idiota, aut si sit vir literatus, peculiare circa rem illam studium adhibere.

Hinc, qui iudicio alicuius viri docti exercet aliquem contractum iniustum, non peccat, quia laborat ignorantia inuincibili.

Hinc, qui iudicio confessoris non iterauit confessionem, quam necessario repetere tenebatur, non peccat. Quia totum quod facere tenebatur, fecit ad eam ignorantiam expellendam, & cum non potuerit illam vincere, non peccat, non iterando.

4 Rursus, ignorantia vincibilis est duplex, alia est, in qua est negligentia grauis, & sufficiens ad mortale, & hæc appellari solet crassa, seu supina, quæ est, quando quis ex notabili negligentia inquirendi, & sciendi ignorat, quod scire tenetur.

Alia verò est, in qua negligentia leuis adest, nec ad mortale sufficiens, sed ad solum veniale.

5 Rursus ignorantia vincibilis est duplex, alia est affectata, alia non affectata. Affectata dicitur, cum quis ex industria, & data opera non vult inquirere ea, quæ ad salutem sunt necessaria, vt illa ignorando liberior absque aliquo conscientie remorsu peccare possit, de quo dicitur psal. 35. *Noluit intelligere vt bene agros.* Et lob. 21. *Scientiam viarum suarum noluit.*

6 Non affectata autem est, quando quis directè, & data opera nō vult ignorare, at de facto culpabiliter ignorat.

Secundò notandum, ignorantiam iuris aut facti censeri inuincibilem, & sic à culpa excusare, quando nulla cognitio, nec specialis, nec confusa, nec aliqua dubitandi ratio in mentem venit. Vnde vt quis peccet morteliter, debet considerare opus illud esse malum, vel ibi esse peccata

peccati periculum, vel dubium, vel saltem habere scrupulum. Quod si nihil horum præcesserit, ignorantia censetur omnino inuincibilis. Et ratio est, quia impossibile est, posse quempiam expellere ignorantiam, vel inaduertentiam malitiæ obiecti, cuius nec dubium, nec scrupulum concepit. Ita Vasq. 1.2. *quest. 79. art. 7. d. 107. cap. 3. num. 6.*

- 7 Hinc, confessarius suo muneri satisfaci, si à pœnitente fatente se per ignorantiam, aut obliuionem omisisse ieiunium vigiliæ, interroget, an in mentem illius venerit aliqua cogitatio, vel dubitatio de tali ieiunio: & si pœnitens non occurrisset in mentem respondeat, prudenter iudicat eum non peccasse, excusante eum hac inaduertentia. Ita Suar. §. *tom. in 3. p. disp. 4. sect. 8. num. 18.*

Dices, hic quamuis præceptum ignoret, aut non aduertat, tenetur tamen scire, & aduerrere: ergo.

- 8 Respondeo hunc per se teneri ad talem scientiam: at per accidens hic & nunc non teneri, sed suspendi illam obligationem, seu potius ab illa excusari propter impotentiam proximam, ac moralem, quæ ex naturali, ac necessaria obliuione, vel inconsideratione orta est:

- 9 Ex quo colligitur quomodo sit intelligendus Nauarr. qui passim in suo Manuali æquiparat scire, & debere scire. Hic enim author intelligendus est, quando præcessit plena, & sufficiens ad mortale consideratio malitiæ obiecti, eiusque periculum, seu dubium, aut scrupulus saltem. Quia dum hæc actualis aduertentia non adfuit, non est in potestate hominis expellere eam ignorantiam, & inconsiderationem. His positis,

- 10 Dico primò, quod si ignorantia Regulæ, ac præceptorum est inuincibilis siue iuris siue facti, semper excu-

sat transgressores à culpa. Ratio est, quia quidquid est omnino inuoluntarium, culpa vacat. At huiusmodi est volitum per ignorantiā inuincibilem, ergo. Et talis ignorantia respicit ea quæ in regula non ita clarè, ac distinctè præcipiuntur, quæ cum simplici religioso abstrusa, ac recondita sint, semper immunis est à culpa, dum bona fide ea prætermittit.

Dixi notanter (*quando non ita clarè*) quia quæ hoc modo præcipiuntur, nullum dubium est huiusmodi transgressionem semper ad culpam obligare. Ita Azor. lib. 1. cap. 13. *quest. 3. & cap. 16. quest. 1.* Vasq. 1.2. q. 76. ar. 2. d. 223. cap. 2. num. 5.

Hinc, colligitur quomodo sit intelligenda illa Regula iuris in 6. quæ dicit, ignorantiam facti, non iuris excusare. Quoniā intelligenda est quoad fori externi præsumptionem, quod legum Principis ignorantiā non præsumit, utpote quæ solemnī ritu promulgari solent. At in foro conscientiæ utraque, si est inuincibilis æquè excusatur, & neutra si vincibilis sit.

Secundò dico, quod si ignorantia regulæ, ac præceptorum eius, est affectata, quia nimirum non vult audire concionem, nec consulere peritos, nec studere, & inquirere veritatem ut bene agat, sed potius vult ignorare, ut sic sine remorsu illa transgrediatur, non excusat transgressores à peccato, immo isti plus peccant, voluntariè incurtendo tenebras ignorantiz.

Tertiò dico, quod ignorantia casualis, & supina non excusat transgressores à culpa. Ratio est, quia quilibet tenetur scire illa, quæ tenetur adimplere, & ea quæ statui suo sunt necessaria. Quomodo enim quis seruare potest, si ignorat quod seruandum est? Qui enim tenetur ad aliquid, ex consequenti tenetur ad id, sine quo illud impleri non potest. At-

N n n

qui

qui omnis religiosus tenetur suā Regulam, ac eius præcepta seruare, ergo & illa scire. Et de istis congruè dici potest illud Rom. 2. *Qui sine lege peccauerunt, sine lege peribunt.*

- 13 Hinc, in periculoso statu versantur Religiosi illi, qui diu, nocturne subtilia sacre Theologiæ ventilantes, & commentaria quamplurima in sacra Scriptura edètes, difficultates tamen suæ Regulæ, ac pertinentia ad suam professionem (quasi suæ salutis immemores) despiciunt.

Hæc igitur sunt, quæ dicenda erant pro noticia eorum, quæ ad voti obedientiæ cognitionem summopere utilia, ac necessaria erunt.

#### QVÆSTIO XXXIV.

*Quid sit obedientia?*

- 1 **R**ESPONDEO quod est virtus moralis, quæ promptum facit hominem ad implendum præceptum superioris. Vnde D. Greg. lib. 35. moral. ca. 12. ait, *Sola obedientia virtus est, quæ ceteras virtutes menti inserit insertaque custodit.* Et alibi, *Obedientia non tam virtus est, quam mater virtutum.* Et Diuus noster Benedictus vocat obedientiam quasi quoddam martyrium, nam obediens quasi proprium caput pro Christo sibi amputat, & caput sibi constituit Christum, vel illum, qui loco Christi est. Et D. Greg. lib. 42. moral. cap. 12. exponens illa verba Prouerb. 21. *Vir obediens loquatur vtiliter*, ait, *dum enim aliena voci humiliter subdimur, nosmetipsos in corde superamus. Multi enim vrbes, & regna sibi subiugauerunt, qui tamen ad hunc triumphum nobissem non perueniunt. Hic triumphus proprius est hominis. Vincit leo cetera animalia: seipsum autem vincere non potest.* Vnde Seneca,

*Qui seipsum vincit contra omnia fortis est.* Vnde Prouerb. 16. dicitur, *Melior est, qui dominatur animo suo, expugnatore urbium.*

#### QVÆSTIO XXXV.

*Quotuplex sit obedientia?*

**R**ESPONDEO duplex, scilicet materialis, & formalis. Obedientia materialis est omne opus virtutis, quo impletur præceptum, etsi non ea intentione expressè fiat: & hæc obedientia non est specialis virtus, sed generalis, quæ omnes virtutes complectitur, nam homo credit per fidem, diligit per charitatem, suffert tribulationes, & labores per patientiam, subiicit se aliis per humilitatem, & sic de singulis facit, quæ Deus mandat, & sic exercet actum obedientiæ materialiter sumptæ.

Formalis verò obedientia est illa, qua quis aliquid facit ea expressa intentione, quia scilicet superior, (siue ille sit Deus, siue alij inferiores ab ipso) ita mandat, ac vult. Et hæc est specialis virtus inter ceteras virtutes morales, quæ rursus est triplex, expressa, tacita, & interpretata.

Obedientia expressa est illa, quæ habet pro obiecto præceptum superioris expressum, & clarum, ut quando superior voce, aut scripto aliquid præcipit.

Obedientia tacita ea est, quæ versatur circa præceptum tacitum, ut quando superior per aliquod signum aliquid præcipit. Et istæ duæ obedientiæ sunt obligatoriæ, quia ut D. Tho. secunda secunda questione 104. artic. 2. docuit, specialis obedientiæ obiectum est præceptum expressum, vel tacitum.

Obedientia verò interpretata illa, quæ



quæ pro obiecto interpretatam habet superioris voluntatem, id est, quod per aliquas coniecturas ( licet nullum de tali voluntate præceptum appareat ) colligitur esse gratum, vel ingratum superiori, & talis voluntatis impletio obedientia interpretata nominatur, quæ non est obligatoria, quia ut idem D. Thomas testatur, voluntas Prælati non est regula nostræ voluntatis, sicut est diuina, sed eius præceptum: subditus enim non tenetur velle quicquid scit velle Prælatum, quod ipse subditus aliquid faciat, nisi expresse, vel tacite ei præcipiat. Est tamen aliarum perfectior, ac magis meritoria, quia ista est promptior, & alacrior, cum præueniat præceptum, quod quidem est signum maioris amoris, in quo consistit ratio meriti, ut rectè docet sanctus Bonaventura in 2. sent. dist. 29.

4 Ex his colligitur primo inobedientiam esse vitium faciens hominem promptum ad transgrediendum superioris mandatum. Sicut obedientia est virtus inclinans ad faciendum quod præcipitur.

Secundò colligitur, inobedientiam sumi dupliciter, vno modo formaliter, quod fit, quando quis præceptum violat ea intentione, ut illud violet, id est, quando quis renuit obedire suo superiori ea intentione, quia non vult ei subesse. Et hæc inobedientia est verè, & propriè inobedientia cum contemptu formali superioris, & est semper peccatum mortale, etiam in re leui iuxta illud Lucæ 10. *Qui vos spernit, me spernit.* Secundo verò modo materialiter, quod contingit, quando subditus præceptum superioris non implet ex passione, vel negligentia, vel ira, vel odij, vel similitum. Et ista inobedientia non est speciale peccatum, sed

concurrit cum omni peccato, & de ea iudicandum est, secundum materiam, cum qua concurrit, nam si illa est grauis, erit peccatum mortale, si verò fuerit leuis, erit tantum peccatum veniale.

Tertiò colligitur, inobedientiam s formalem esse speciale peccatum. Et ratio est, quia sicut obedientia est specialis virtus inclinans ad faciendum quod præcipitur ex eo quod præcipitur. Ita inobedientia est speciale quoddam vitium inclinans ad non faciendum quod præcipitur ex eo quod præcipitur. Vnde ad peccatum inobedientiæ formalis necessariò duo debent concurrere, nimirum transgressio præcepti, & contemptus præipientis. Caietan. in summ. verb. inobedientia.

Quartò, & vltimò colligitur inobedientiam formalem esse peccatum mortale ex genere suo grauissimum. Vnde D. Bernardus, Magnum est inobedientiæ vitium, quo Angelus cælum, Adam paradysum, Saul Regnum, Salomon amorem diuinum perdidit. Et super Cant. serm. 46. loquens de Christo, *Non dabit (inquit) inobedienti copiam sui tantus amator obedientia, ut potius mori: quam non obedire maluerit.* Et alibi. Non qualicumque mandati prætermisio criminalem inobedientiam facit: sed repugnare, & nolle obedire.

Dixi (ex genere suo) quia interdum potest esse veniale, aut propter imperfectionem actus, cum scilicet deliberatio plena, aut propter defectum iudicij.

## QVÆSTIO XXXVI.

*An obedientia formalis sit  
sub præcepto?*

RESPONDEO quod non. Et ratio 1  
est, quia non est necessarium ut  
N n n 1 facia

faciamus opus bonum sub ea formali ratione, qua est præceptum: sufficit enim ut illud faciamus propter intrinsicam ipsius bonitatem, aut ut Deo placeamus: sic enim abundè satisfacimus præcepto: plenitudo enim legis est dilectio. Vnde nullum inuenitur præceptum Dei, aut Ecclesiæ, quo quis teneatur facere opus bonum præcisè quia est debitum ex præcepto, omnia enim præcepta iubent opus fieri simpliciter, secundum propriam honestatem.

### QVÆSTIO XXXVII.

*An Prælati possit iubere religioso ut hoc modo operetur?*

- R**ESPONDEO non posse. Ratio est, quia iste modus operandi non est necessarius, ut opus sit actus virtutis: potest enim esse actus virtutis ratione propriæ bonitatis, vel quia sit ex affectu charitatis, aut religionis absque intuitu præcepti, & actus internus non potest ab homine præcipi, nisi quatenus est necessarius ad constituendum externum in aliqua virtutis specie. Vnde non videtur subesse iusta causa, cur talis modus operandi præcipi possit circa aliquod opus.

### QVÆSTIO XXXVIII.

*Quotnam requirantur, ut obedientia sit Deo grata, & meritoria?*

- R**ESPONDEO septem. Primò, ut fiat sine mora, iuxta illud Pl. 118. *Viam mandatorum tuorum cucurri.* Vnde Hieron. *Perfecta obedientia est, sua imperfecta relinquere.* & D. noster Bernard. in lib. de præcepto ait, *Verus obediens moras nescit, fugit crastinum, ignorat tarditatem, præcipientem præuenit, oculos parat visui, aures auditui, linguam voci,*

*manus operi, pedes itineri, & totum se colligit, ut imperantis impleat voluntatem.* Et hunc obedientiæ gradum tangit Sanctissimus Pater noster Benedictus in sua Reg. cap. 5. cum ait, *Mox ut aliquid imperatum à Maiore fuerit, ac si diuinitus imperetur, moram pati nescimus in faciendo.* De quibus Dominus dicit Plal. 17. *Ob auditum auris obediui tibi, idest, quam citò audiunt imperium mandantis, illico sine aliqua dilatione obediunt.*

Secundò, ut fiat viriliter iuxta illud Plal. 26. *Viriliter agite, & confortetur cor vestrum.* Vnde D. Bernard. *Manum missi ad fortia: agendum est instanter, & constanter obediendum.* Quem obedientiæ gradum tangit sanctus Pater noster Benedictus cum dicit. *Sed hoc ipsa obedientia tunc acceptabilis erit Deo, & dulcis hominibus, si quod iubetur, non trepide idest timide, non tarde idest pigre, non tepide idest molle, sed supple viriliter, & strenue fiat.*

Tertiò, ut fiat sine querela, & mutatione, iuxta illud Ephes. 5. *Omnia facite sine murmurationibus.* Vnde D. Bernardus *Multos videmus post præcipientis imperium multas facere questiones, cur, quare, quamobrem, sapius interrogare: crebras ingeminare querelas: quare, quare hoc præcipis, unde hoc venit, & quis inuenit hoc consilium? Inde murmuratio, excusatio, simulatio impossibilitatis, aduocatio amicorum: tales sanè non faciunt obedientiam Deo acceptam, nec hominibus gratam.* Et in epist. ad fratres Dei, ait: *Perfecta obedientia maxime incipiente est indiscreta, hoc est, nõ debet discernere quid, vel quare præcipiatur, sed ad hoc tantum niti, ut fideliter, & humiliter fiat, quod à maiore præcipitur.* Et in libro de præcepto, & dispen. *Sive Deus, sive homo vicarius Dei mandatum quodcunque tradiderit, pari profectò obsequendum est cura, pari reuerentia deferendum, ubi tamen Deo contrariū non precipit*

cipit homo. Et infra. *Quidquid vice Dei precipit homo, quod non sit tamen certum displicere Deo, haud secum omnino accipiendum est, quam si precipiat Deus, quid enim interest, utrum per se, an per suos ministros, siue homines, siue Angelos, hominibus innotescat suū placitū Deū.* Et D. Basilii in *constit. monast. c. 23.* quernadmodū pastoris oves obtemperant, & viam quamcunque ille vult, ingrediuntur, sic qui ex Deo pietatis cultores sunt, moderatoribus suis obsequi debēt; nihil omnino illorum iussa curiosius persequari, quando libera sunt à peccato. Et Cassian. de *instit. renunt. lib. 4. c. 10.* loquens de monachis Aegypti ait, *uniuersa complectere, quae fuerint ab eo praecepta, tanquam si à Deo sint calius edita sine ulla disquisitione festinant.* Et D. Greg. lib. 2. c. 4. in p. regule, ait, *Vera obedientia nec Praepositorum intentionem disciuit, nec praecepta scrutatur, quia qui omne vicia sua iudicium maiori subdidit, in hoc solo gaudet, si quod sibi precipitur, operatur: nescit enim iudicare quisque perfectè didicerit obedire.* Caesarius etiam ad monachos *hom. 8.* *Quidquid tibi à senioribus fuerit imperatum, accipe tanquam de caelo, sicut de ore Dei prolatum: nihil reprebendas, nihil dissentias, in nullo penitus murmurare praesumas: quia in monasterio seruire venisti, nō imperare: potius obedire, quam iubere: totum sanctū, totū iustum, vile iudica quidquid tibi à Prelato videris imperari.* Hanc obedientiam cæcā multum amabant Sancti Patres in discipulis suis, idē in principio non praeceperant eis recta. Vnde in vitis Patrium dixit quidam Abbat Pastor, Patres seniores non loquuntur ab initio fratribus recta, sed magis distorta: Et si viderint quia ea quæ distorta sunt, faciunt, iam eis non loquuntur nisi quod expedit, agnoscetes quoniam in omnibus obedientes sunt. Hunc obedientiae gradum tangit Sanctus Pater noster Benedictus, cum ait

*Aut cum murmure, vel cum responsione nolentis.*

Quartò, ut fiat cum humilitate, iuxta illud Luc. 17. *Cum hac omnia feceritis, quae praecepta sunt vobis, dicite, serui inutiles sumus: quod facere debuimus fecimus.* Vnde D. Bernardus in sermone de virtute obedientiae. *Magna virtus obedientiae sine cuius obtentu, virtus fortitudinis non solum virtus non est, sed etiam in superbiam erumpit.* Hanc obedientiae gradum tangit Sanctus pater noster Benedictus cum dicit *Obedientia tunc eris acceptabilis. Si non cum responsione nolentis efficiatur, id est cum verbis superbis, dicendo se nolle parere mandatis iubentis.*

Quinto, ut grater, & hilariter fiat, iuxta illud Eccles. 35. *In omni tuo hilarem fac vultum tuum.* Vnde Bernardus in serm. ad fratres de monte Dei: *Serenitas in vultu, dulcedo in sermonibus, multum colorant obedientiam obsequentis.* Nubilosa corporis compositio, & facies tristitia tenebris obfuscata deuotionem ab animo recessisse significant. Qui enim imprater libenter homini tristitiam effranti. Et D. Greg. lib. 1. 2. moral: *Propterea regularem admonco, non omnem exequentem praeceptum, aut aliud quodpiam iniunctum adimpleuisse votum dici posse. Sed cum tantum, qui non trepidet, non tardet, seu tristis paruit, neque precedente aliquo summissio murmure, hilarem naque datorem diligit Deus 2. Cor. 9.* Quem gradum tangit Sanctus Pater noster Benedictus cum ait: *Et cū bono animo à discipulis praeberi oportet, quia hilarem datorem diligit Deus.*

Sextò, ut libenter fiat, quia coacta seruitia Deo non placent, iuxta illud Psal. 53. *Voluntariè sacrificabo tibi.* Et Exodi 38. *Iste est sermo, quem praecepit Dominus. Omnis voluntarius & prompto animo offerat primitias Deo.*

Septimò, & vltimò, ut fiat perfecte, iuxta illud Matth. 10. *Qui*

Nnn 3 per se

perseueraveris usque in finem, hic saluus eris. Vnde Glossa. Non enim cepisse, vel facere virum est, sed perficere. Vnde D. Bernardus, *Manum tuam misisti ad fortia, agendum est instanter, constanter obediendum: nec inter verborum, seu verborum asperitatem, iam regalis est semita relinquenda.* Et iterum in lib. ad milites templi cap. 13. *Mementote fratres, Christus ne perderet obedientiam, perdidit vitam. Obediendum est igitur perseueranter, quia nihil prodest currere, & ante cursum metam deficere. Quare dicit Apostolus 1. Cor. 9. Sic currite, ut comprehendaris.*

### QVÆSTIO XXXIX.

*An religiosus rectè voueat obedientiam?*

**R**ESPONDEO quod sic. Et ratio est, quia quod à Deo consultitur, non potest esse nisi iustum, & sanctum. Tale est votum obedientiæ, ergo. Probatur minor ex illo Matth. 19. *Qui vult venire post me, abneget &c. & sequatur me.* Sequela autem Domini perfecta consistit in perfecta obedientia, taliter quod religiosus debet esse, ut crucifixus, quod sicut ille nec mouetur, nec moueri potest, nisi cum cruce, ita religiosus non debet velle, nec nolle, nisi quod iusserit Prælatus.

Deinde, omne quod est Deo gratum, potest illi voueri, atqui obedientia est Deo grata etiam in iis rebus, quas ipse non præcipit, ergo. Minor probatur Hier. 35. ubi laudantur, & remunerantur à Deo filij Ionadab, qui ut obedirent patri suo, non bibebant vinum, non serebant agros, nec habebant domos, sed habitabant perpetuo in tentoriis. Vnde Hierony. in *epist. ad Rusticum monachum*; *Per hac omnia, inquit, ad illud tendis oratio, ut doceam te*

*non tuo arbitrio dimittendum, sed vincere debere in monasterio sub vnius disciplina patris, consortioque multorum. Et infra. Non facias quod vis, comedas quod iuberis, vestiare quod acceperis.*

### QVÆSTIO XL.

*Quidnam cadat sub voto obedientiæ?*

**R**ESPONDEO sub hoc voto tantummodo cadere id, quod propriè est obiectum obedientiæ, quod est quidquid Prælatus licitè, & secundum regulam præcipit. Ita D. Thom. 2.2. q. 186. ar. 9. Vnde D. Bernard. in *lib. de præcepto, & disp.* Non præcipiat, inquit, mihi Prælatus, quod non promisi.

### QVÆSTIO XLI.

*An obedientiæ votum sit præcipuum inter omnia essentialia vota?*

**R**ESPONDEO quod sic. Et ratio est, quia tanto aliquod votum est maius, quanto per ipsum Deo aliquid præstantius offertur, sed per votum obedientiæ offertur Deo propria voluntas, quæ est maior, & præstantior, quam corpus proprium quod offert Deo homo per castitatem, & quam bona fortune quæ per votum paupertatis offertur: ergo obedientiæ votum præcipuum, atque potissimum est inter tria solemnia vota religionis. Vnde D. Greg. *lib. 35. moral. c. 12.* ait obedientiam meritò victimis præponi, quia per victimas aliena caro, per obedientiam propria voluntas mactatur. Et in *lib. 4. super lib. 1. Reg. cap. 5.* ait, *Ceteris viriutibus daemones impugnamus: per obedientiam vinci*

vincimus. Et D. Aug. lib. 14. de Civit. Dei. cap. 12. obedientiam in præcepto commendari, & matrem quodammodo esse, & custodem omnium virtutum.

Et confirmatur, nam votum obedientia continet sub se alia vota castitatis, & paupertatis, & non econtra. Nam etsi religiosus teneatur ex vi voti servare castitatem, & paupertatem, hæc etiam cadunt sub voto obedientia, & vt obediatur diuinæ voluntati. Quod adeò verum est, quod ipsa charitas etiam sine obedientia esse non potest, quod probat D. Thom. 2.2. quest. 104. ar. 3. ex illis verbis Ioan. 1. cap. 2. *Qui dicit se nosse Deum, & mandata eius non custodit, mendax est, qui autem servat verbum eius, vere in hoc charitas Dei perfecta est*, quod ideò est, quia amicitia facit idem velle, & idem nolle: ergo obedientia maior, & excellentior est castitate, & paupertate.

Et est conclusio definita à Ioanne 21. in extrava. *Quorundam de verb. signif. vbi dicitur. Magna est paupertas, sed maior continentia, maxima autem obedientia si custodiatur illa*. Quorum reddens rationem, ait, quod prima rebus, secunda carni, tertia verò menti dominatur.

4 Dices, votum dignioris rei, maius, & excellentius esse videtur: sed per continentiam melior, atque excellentior res offertur Deo, iuxta illud Eccles. 16. *Omnis ponderatio non est digna continentia*: ergo votum continentia est maius quam votum obedientia.

Respondeo ex illo loco Eccles. solum probati continentiam anteferri bonis externis auri, & argenti, quæ pondere mensurantur: velut egregiè docet D. Thom. 2.2. q. 155. ar. 4. ad 1. nomine continentia intelligitur vniuersaliter omnis abstinencia ab omni malo.

## QVÆSTIO XLII.

*An Prælati possint actus voluntatis simpliciter internos subditi imperare, aut prohibere?*

**A**DRIAN. in quodlib. 8. artic. 1. 2 Ioan. Med. C. de oratione qu. 15. Rosell. ver. b. absolutio 1. nu. 28. & plerique alij affirmant posse.

At verò Illustrissimus Caiet. 2.2. q. 11. ar. 1. Sot. in 4. d. 22. q. 2. ar. 1. Nauar. de penit. d. 5. nu. 19. Couar. in reg. peccatum de reg. iuris in 6. nu. 7. & Alph. de Castro lib. 1. de iusta heret. penit. c. 18. negant posse Prælatus imperare, aut vetare proximè, & directè per se actus simpliciter internos. Pro quo,

Primò dico, quod Prælatus vim, & potestatem habet super actus externos etiam occultissimos. Ratio est, quia quod in foro iudiciali huiusmodi actus probari non possint, id est per accidens, eo quod desint legitime probationes. Vnde hæreticus exterior quamvis sit penitus occultus, est ipso iure excommunicatus.

Secundò dico, quod quando præceptum Prælati est conuentio quædam, vim, & potestatem habet in actus internos, non quidem quatenus præceptum humanum, sed quatenus habet conuentiois naturam. Vnde ecclesia potuit præcipere, vt is qui ad beneficium curarum assumitur, ad sacerdotium intra annum promoueatur, quod si noluerit, eo ipso collatio beneficii sit irrita.

Tertiò dico, quod Prælatus hoc ipso quod aliquid externum præcipit, aut vetat, simul etiam imperat, aut vetat actum internum, qui requiritur vt actus externus sit humanus. v.g. præcipit ecclesia ieiunia, & sacramentalem confessionem in paschate, eo ipso

ipso imperat, vt velimus ieiunare, aut in paschate confiteri: actus enim humanus, quem ecclesia iubet, absque actu interno voluntatis esse nequit.

Quartò dico, quod Prælatus potest præcipere, vel vetare, ne actus exteriores fiant hoc, vel illo malo fine, nimirum odio, ira, timore, vel quocumque alio humano affectu, vt habetur in  
4 *Clem. de hæres. cap. 1. vbi* Pontifex fulminat excommunicationem contra Sancti officij Inquisitores, si odio, vindicta, aut alio prauo affectu procedant. Tunc enim Prælatus directè, & per se actus exteriores præcipit: ex accidenti verò prohibet eos voluntatis affectus, qui solent actus externos deprauare.

Hinc, qui ad horas canonicas persoluendas compelluntur, tenentur eas studiosè, attentè, & deuotè recitare. Ratio est, quia attentio, & deuotio sũt de iure naturali debita orationi. Nam si preces ad Deum fundimus, precationis ipsa ratio, & natura postulat, vt attentè, piè, & religiosè prece-mur. Vnde ecclesia proximè, & per se directè præcipit, vt horas canonicas persoluamus, & deinde præcipit, vt debito modo eas recitemus, quem videlicet modum, orationis ratio, & natura postulat.

¶ Hinc, qui recitat non animo orandi, sed legendi autem, aut addiscendi, non satisfacit præcepto ecclesiæ, ac proinde peccat mortaliter. Er ratio est, quia non orat, nec laudat Deum, prout est ei præceptum, oratio enim sine animo orandi non est oratio.

Hinc, qui spontè distractus, etsi animo orandi diuinum officium persoluit, quia non deuotè recitat, peccat etiam mortaliter, cum obligatione illud repetendi, & nisi reperierit, non potest fructus percipere. Er ratio est, quia opus præceptum non præstat.

6 Hinc, Prælatus potest religiosi sibi

subditis præcipere, vt quas celebrant missas, pro eius intentione offerant. Et ratio est, quia in tali obedientia non præcipitur simpliciter subditis interior animi motus, qui est applicatio valoris missæ, sed præcipitur ipsis interior animi motus, vt coniunctus cum actu exteriori celebrationis eiusdem, in quo religiosi Prælato non obediens peccant mortaliter, quia in re graui obedientiam violant. Et in his omnibus Doctores conueniunt.

## QVÆSTIO XLII.

*Sed tota difficultas consistit de cæteris actibus mentis simpliciter internis: An videlicet Prælatus possit eos præcipere, vel vetare?*

**R**ESPONDEO non posse. Ratio est, quia vt superior possit aliquid præcipere, aut vetare, oportet vt de illo possit iudicare, & ad id cogere: at iudicare de internis, ad illaue cogere, excedit omnem humanam potestatem: ergo.

Et est conclusio definita in cap. *Sicut tuis de simonia*. vbi habetur quod ecclesia non iudicat de occultis. Et in cap. *Erubescant d. 32.* vbi dicitur. *Deus secretorum cognitor, & Index est.* & in l. *cogitationis ff. de pœnis*. vbi dicitur, *cogitationis pœnam nemo patitur*. Et tradit D. Thom. 2. 2. quæst. 104. art. 5. 2. Sor. in 4. d. 22. q. 2. art. 1. Nauar. de pœnis. d. 5 nu. 19. & cap. 27. nu. 57. & Covar. in reg. peccatum de reg. iuris in 6. num. 7.

Ex dictis in hac difficultate colligere possumus, quid dicendum sit ad sequens dubium.

An

## QVÆST. XLIV.

*An religiosus teneatur obedire Præ-  
lato in actibus interioribus, &  
in hiis, quæ simpliciter spectant  
ad interiorem motum volun-  
tatis?*

**R**ESPONDEO per se ad id non teneri. Ratio est, quia religiosus non teneretur suo Prælato obedire, nisi in his tantum, quæ spectant ad ipsius superioritatem, & in quibus illi est subiectus: sed in actibus interioribus, & quæ spectant ad interiorem motum voluntatis, religiosus non subiicitur Prælato, sed neque potest, cum hæc soli Deo referantur iuxta illud 1. Reg. *Deus scientiarum Dominus est, & ipsi preparantur cogitationes.*

Et confirmatur, nam de his potest Prælatus legem ferre, de quibus potest iudicare: sed Prælatus iudicare non potest de interioribus actibus, qui per se latent, sed solummodo de exterioribus actibus, qui apparent: ergo in illis non teneretur religiosus Prælato obedire. Et ideo ita tenet D. Thom. 2. 2. q. 104. art. 5. ubi ait, *In iis quæ ad internum motum voluntatis pertinent, homo homini obedire non tenetur, sed Deo tantum.*

Dixi notanter, per se, quia per accedens, in quantum interior motus voluntatis coniungitur cum actibus exterioribus, bene potest Prælatus præcipere, atque iudicare de actibus interioribus, & sic videmus in Clem. 1. de statu monachorum. quod ecclesia excommunicat Religiosos ad Romanam Curiam accedentes animo offendendi suum Prælatum, in qua non prohibetur animus offendendi, cum sit actus interior, sed prohibetur animus offendendi. ut coniungitur cum tali

accessu, ita quod talem accessum prohibet sub tali pœna non cuilibet, sed habenti animum nocendi.

## QVÆSTIO XLV.

*Verum intentio, & voluntas exequendi præceptum exigatur, ut quis præceptum superioris adimpleat?*

**R**ESPONDEO, communis, ac verissima sententia est, in uniuersum nullum præceptum posse impleri nisi per actum humanum, & liberum quo quis velit efficere id, quod præceptum iniungit, nempe velle audire missam, ieiunare &c. Et ratio est, quia cum præceptum hominibus imponatur, non brutorum more, sed humano modo implendum est.

Et confirmatur, nam sicut præceptum violari nequit, nisi per actum humanum, ita nec impleri. Atque ita tenet Sot. lib. 2. q. 3. ar. 9. & Azor. 10. 1. lib. 7. c. 2. q. 6.

Hinc, non satisfacit præcepto, qui non sui compos existens, sed ebrius, aut dormiens illud adimplet, sed tenetur factus sui compos iterum adimplere illud. Ratio est, quia illud non adimplet actu humano. Ita Vasq. 1. 2. q. 100. ar. 9.

Hinc, qui attentissimè recitat horas canonicas, sola legendi, vel addiscendi gratia, non satisfacit præcepto, sed tenetur iterum recitare. Ratio est, quia ubi deest orandi voluntas, ibi non est oratio. Ita Nau. cap. Quando de consecrat. d. 1. cap. 13. nu. 15.

Hinc, qui omnino inuitus implet superioris præceptum sine obligationi non satisfacit, sed tenetur iterum illud adimplere, quia ubi est ea coactio, deficit mens adimplendi præceptum.

O o o. Hinc,

Hinc, non implet ieiunium præcepto, vel pœnitentia iniunctum, qui omnino inuitus ablati sibi pane ieiunat.

- 4 Ratio est, quia deest voluntas, & actio humana ac proinde id non est ieiunare, sed pati.

## QVÆSTIO XLVI.

*Sed dubitabis aliquis hoc loco: An Religiosus sit excommunicatus, qui omnino inuitus implet præceptum superioris latum sub pœnis excommunicationis?*

- 1 **S**OTVS lib. 2. de iustitia, & iure q. 3. ar. 9. tuetur partem negatiuam; & probat, quia licet moraliter præceptum superioris non impleat, quando voluntas deest, tamen quoad effectum externum, vel substantiam impletur, & hoc satis est, ut non incuratur excommunicatio, quia ibi non est transgressio exterior præcepti, quæ ad incurendam excommunicationem necessaria est.

- 2 At probabilius existimo contrarium. Ducor, quia hic verè non implet præceptum, ut constat: ergo in excommunicationem incurrit.

- 3 Hinc, qui metu etiam cadente in virum constantem implet superioris præceptum, ei satisfacit. Quia quamuis peccet, voluntatem non implendi habens, si in sua libertate esset; at cum metus quantumuis grauis non tollat, sed solum minuat libertatem, illa impletio est actus humanus, & liber, ac proinde illa satisficit præcepto.

Hinc, non est approbandum, quod tradit D. Anton. 2. p. 1. 9. capit. 10. §. 2. asserens famulos, qui quasi coacti gratia sociandi dominos interfunt sacrificio Missæ, aliàs non audituri, minimè satisfacere præcepto. Sed di-

cendum est, eos verè satisfacere præcepto, si attentione debita Missam audiant, quamvis dum audiunt, actualem voluntatem habeant non audiendi, nisi respectu domini. Et ratio est, quia cum ibi vincti non detineantur, non est ea coactio absoluta, quæ sola impletionem præcepti impedit, & illa praua voluntas conditionalis solum efficit, ut peccent mortaliter, quia tenentur, absolutam implendi voluntatem habere: atteuera implent.

11-27

## QVÆSTIO XLVII.

*An intentio, & voluntas satisfaciendi præcepto per illud opus, sit necessaria, ut quis præceptum superioris adimpleat?*

**S**YLVEST. verbo hora quest. 11. nu. 1. 13. & Lop. lib. 1. de contrariis, cap. 5. putant talem intentionem esse necessariam.

Sed contrarium mihi persuadeo. Quia præceptum solum iniungit opus actu humano, ac libero implendum, & non ut ex illa formali intentione satisfaciendi præcepto, illud opus exequatur.

Tum quia superior intentionem non præcipit, sed actus substantiam. Et ideo ita tenent Suar. 3. tom. in 3. p. D. Thom. quest. 83. artic. 6. disput. 88. sect. 3. Valent. 2. 2. disput. 6. q. 2. p. ult. Azor. tom. 1. lib. 7. cap. 2. quest. 6. & Valq. 1. 2. q. 100. ar. 9.

Hinc qui præcepti immemor, aut ignorans esse diem festum, audit sacram, verè satisfacit præcepto: nec est necessarium, ut postea cum illud præceptum nouit, satisfacere per illud opus velit, quia præceptum id solum



solum exigit, vt liberè opus per illud iniunctum exequatur: non autem vt quis in actu signato velit etiam præcepto satisfacere.

4 Hinc, qui debet mille domino incerto, potest omnes elemosynas, quas postea ignorans, seu illius obligationis immemor ex sua deuotione largitus est, in partem prædictæ restitutionis computare.

5 Dices: præceptum obligat ad obedientiam, quæ esse non potest, vbi deest intentio satisfaciendi præcepto.

6 Respondeo præceptum obligare ad obedientiam materialem, nempe, vt sponte opus virtutis exequatur, non autem ad obedientiam formalem, nempe, vt velit per illud opus præcepto satisfacere.

7 Idem dicendum est de voto, iuramento, & de poenitentia sacramentali, quibus satisficit, si opus per illas obligationes iniunctum actualiter ab illo debente impleatur, etsi non adsit intentio satisfaciendi voto, vel poenitentia, sed omnino horum obligatio memoria exciderit. Quia hæc instar præcepti obligant.

### QVÆST. XLVIII.

*An qui expressè statuit se nolle præcepto per illud opus impletum satisfacere, verè ei satisfaciatur?*

1 DOCTOR. Nauar. in cap. Quando de consecrat. dist. 1. c. 13. n. 15. Med. Cide oratione q. de horis car. nerandis dub. vlt. Arag. 1. 2. q. 81. ar. 13: & Azor. lib. 7. c. 2. q. 6 & lib. 10. c. 8. q. 7. negant hunc adimplere præceptum, ac proinde teneri iterum illud præceptum adimplere. Quia actus non opertantur ultra intentionem, agentium. Quod putant esse actus verum, vt si in eodem die quo adimpleuit præceptum cum tali intentione poeniteat illum, & di-

cat velle per illud opus satisfacere præcepto, non satisfaciatur, sed est necesse, vt de nouo expleat illud.

Cæterum multo verius est, hunc verè satisfacere præcepto. Ratio est, quia nullus præceptum violat, eo quod non facit id ad quod præceptum non obligat, sed vt dixi, præceptum non obligat ad habendum intentionem illi satisfaciendi: ergo non violatur ex eo quod habet intentionem non satisfaciendi.

Tum quia superior intentionem satisfaciendi non præcipit, sed actus substantiam. Cum ergo hic verè & sponte substantiam præcepti exequatur, quantumvis nolit satisfacere, verè præcepto satisfaciatur. Nec est in hominis facultate præceptum non adimplere, posito cum velle opus illud præcepti exequi. Et ideo ita tenent Valent. 2. 2. d. 6. q. 2. p. vlt. Less. lib. 2. c. 37. dub. 10. & cap. 46 dub. 6. Suar. 3. 10. an 3. p. q. 83. ar. 6. d. 88. Vasq. 1. 2. q. 100. ar. 9. & censet esse probabile Arag. loco supra citato.

Limitat autem Suar. & Less. vbi supra, vt intelligatur hæc sententia, dummodo hic intra obligationis præcepti tempus, reuocet animum non implendi præceptum, & ita cipiatur opere illo præterito satisfecisse obligationi.

Sed hæc limitatio non placet, quia si per illum actum hic abiunde satisfecerit præcepto, non requiritur ea voluntatis mutatio.

2 Idem iudicium ferendum est de voto, & de poenitentia sacramentali iniuncta: illa enim verè implentur, si opus iniunctum exequatur cum expressa voluntate non satisfaciendi præcepto, nec opus est, vt ea voluntas mutetur, sed satis est dicere se abunde præcepto satisfecisse per illum actum. Quia cum hæc instar præceptorum obligent, solum ad substantiam actus præcepti exequendam obligant.

## QVÆSTIO XLIX.

*An per opus quod est peccatum,  
possit impleri præceptum? ut si  
religiosus ob inanem gloriam suo  
Prælati obtemperet?*

**A**DRIAN. in 4. ubi de confess. q. 5.  
dub. 4. & D. Anton. 2. p. 1. q. 9. cap.  
10. §. 2. negant.

Alij verò affirmant, & meritò qui-  
dem, quia iuxta D. Tho. 1. 2. q. 100.  
2. artic. 9. & ibi Caiet. communiter re-  
ceptos, finis præcepti non cadit sub  
præcepto: ergo præcepti transgressor  
non est, set uans substantiam præcepti  
non autem eius finem.

Tum quia, ut omnes authores tra-  
dunt, lex præcipit substantiam actus,  
non modum, nisi modus sit de in-  
trinsecatione actus, ut attentio est  
de orationis essentia. Cum ergo, licet  
finis sit malus, impleatur substantia  
actus præcepti, satisfiet illi præce-  
pto, etsi contra aliud peccetur, cui  
malus ille finis opponitur. Et ideo  
hulus opinionis sunt Sotus lib. 2. qu.  
3. artic. 9. & lib. 10. quæst. 5. artic. 5.  
Nauar. cap. 21. num. 7. Couar. c. Alma  
mater 1. p. §. 5. nu. 1. & Azor. 10. 1. lib. 7.  
cap. 6. q. 1.

**H**inc, qui formam ieiunij seruat, li-  
cet laurè, & delitiosè comedat, & in  
statu peccati mortalis ieiunet, ita ut  
nec satisfaciatur, nec mereatur, verè  
implet præceptum, & tamen finem  
præcepti, qui est fame aliqua carnem  
afficere, non seruat.

Idem dicendum est de pœnitentia  
sacramentali, cum instar præcepti de-  
beat. Ita Suar. 4. tom. summ. in 3. p. d.  
38. sect. 8. num. 1.

## QVÆSTIO L.

*Sed dubium est: An idem dicendum  
sit de voto?*

**N**ONNVLII negant. Quia pro-  
mittens rem bonam, & vtilem  
non satisfacit dando malam, & inuti-  
lem, quale est opus promissum im-  
pletum ob malum finem.

Cæterum absque dubio asseren-  
dum est, idem esse dicendum de voto,  
quod de reliquis præceptis. Ratio est,  
quia cum votum sit lex quædam par-  
ticularis, quam homo sua sponte sibi  
imponit, obligat instar aliorum præ-  
ceptorum ad solam actus promissi  
substantiam exequendam: & satis est,  
ut opus exequutioni mandatum sit  
bonum, & vtile quoad substantiam,  
etsi modus sit inutilis. Ita Vasq. 1. 2. q.  
100. ar. 9.

Hinc, qui officium diuinum recitat  
ob finem mortalem puta ad prouo-  
candum aliquem ad amorem illiciti-  
citum, non est obligatus illud repetere,  
nec restituere fructu, svt rectè Na-  
uar. de oratione cap. 10. num. 19. &  
Suar. tom. 2. de relig. lib. 4. cap. 30.

## QVÆSTIO LI.

*An unico actu possit diuersis præce-  
ptis satisfieri?*

**R**ESPONDEO posse, v. g. unico  
ieiunio possum satisfacere præ-  
cepto, & voto, & pœnitentiæ sacra-  
mental, si ieiunium v. g. quadragesi-  
male voueam, ac mihi imponatur in  
pœnitentiam.

Et confirmatur, nam obligatus ad  
diuinum officium ratione ordinis, &  
beneficij eadem recitatione vtrique  
obligationi abudè satisfacit. Et quâdo  
festum

festum in dominicam incidit, etsi ratione vtriusque teneat audire sacrum, vnico sacro audito vtrique obligationi satisfacio. Ita Med. *C. de satisfactio-  
ne quest. 4.*

## QVÆSTIO LII.

*An pœnitens pœnitentia sacramen-  
tali satisfaciat per opus aliud  
debitum, vt per ieiunium voto,  
aut præcepto debitum?*

**R**ESPONDEO non satisfacere. Ratio est, quia pœnitentia intelligitur de opere voluntario. Ita Sot. in 4. d. 19. q. 2. qui tamen ab hac Regula excipit eleemosynam in pœnitentiam iniunctam: dicit enim satisfacere pœnitentem, si eam pauperi extrema inopia laboranti largiatur. Quia cum eleemosyna pauperis inopiam respiciat, quo maior est inopia, potiori ratione eleemosyna dici potest, & ideo probabiliter credi potest mœrem confessarij fuisse, vt per huiusmodi eleemosynam, & præcepto, & pœnitentia satisficeret.

Tum quia probabilis est opinio Nauarr. non teneri aliquem in hac necessitate ad eleemosynam, quando mutuando potest eius inopiam subleuare.

## QVÆSTIO LIII.

*An possit quis vno, & eodem tempore diuersis actibus duobus præceptis satisfacere? Vt si tempore quo quis missam de præcepto audit, diminum officium persoluit?*

**A**NGEL. verb. feria num. 46. Roder. verb. dominica nu. 7. Syluest.

verb. missa 2. sine, & Armilla verb. festum num. 11. negant. Quia vtrumque attentionem requirit, nec est possibile ad vtrumque simul attendere.

Verum contraria sententia est communis, & certa. Et ratio est, quia neutrum attentionem ad verba requirit, quamuis ea sufficiens sit: sed vtrique satisficit attendendo ad Deum, resque diuinas, & ita vna eademque attentione. Et ideo ita tenent Caietan. in summ. verb. festorum violatio. Sot. in 4. d. 19. quest. 2. art. 1. Nauarr. cap. 21. num. 8. Henric. lib. 9. de missa cap. 25. num. 5. Valent. 2. d. 6. quest. 2. p. vltim. Azor. lib. 10. cap. 12. quest. 10. & lib. 7. cap. 5. quest. 1. Suar. 4. tom. in 3 p. d. 38. sect. 6. num. 5.

## QVÆSTIO LIV.

*An obligatus ad duplicem missam audiendam, satisfaciat simul audiens dum in duobus altaribus missa duplex celebratur?*

**R**ESPONDEO satisfacere. Ratio est, quia potest vtrique corpore esse præsens, & vnica attentione ad Deum, resque diuinas habita satisfacere. Ita Maior in 4. d. 12. quest. 8. & Petr. de Ledesin. in summ. sacram. vbi de Euch. cap. 27. Quod intellige quando altaria ita essent coniuncta, vt audiens posset dici moraliter præsens illis.

## QVÆSTIO LV.

*An duplex peccatum committat, qui opus duplici præcepto debitum omittit? Vt si omittat missam in die festo incidente in dominicam, vel ieiunium vigilia incidentis in quadragesimam?*

000 3 RESPON

**R**ESPONDEO hunc non committere nisi vnum peccatum. Ratio est, quia hæc præcepta sunt de eadem materia, & ob idem virtutis motuum. Sed tunc erit duplex peccatum, aut circumstantia necessarii in confessione exprimenda, quando etsi de eadem materia sint, tamen ad diuersas virtutes pertinent. Vt si quis omittat missam debitam ratione festi, & poenitentiae iniunctæ, vel si pertinent ad eandem virtutem, habent nihilominus diuersum motuum, vt si sit debita ratione festi, & voti. Et ideo ita tenent Azor. lib. 4. cap. 2. quest. 6. Sayr. clam. Reg. lib. 2. cap. 5. num. 14. & 15.

### QVÆSTIO LVI.

*An vt religiosus teneatur suo Prælato obedire, satis sit, vt ipsius voluntas ei, innotescat?*

**R**ESPONDEO, Religiosus, etsi teneatur de congruo se conformare in omnibus voluntati sui Prælati, non tamen peccat, non id faciendo, nisi sibi de re aliqua ponatur expressè, vel tacitè formale præceptum. Sic D. Thom. quest. 23. de veritate art. 6. & 2. 2. quest. 104. art. 1. & ibi Caietan. Toler. de 7. peccatis mortalibus cap. 15. num. 10. & Valq. 1. 2. quest. 95. art. 3. disp. 155. ad finem, Qui bene addit, nec etiam tenecri religiosum obedire, etiã si norit actum intellectus superioris imperantis, nisi esset voce expressus, quia homines solum ligantur imperio modo humano explicato, & intellecto.

### QVÆSTIO LVII.

*An Religiosus teneatur suo Prælato obedire in his, quæ sunt contra Deum?*

**R**ESPONDEO non tenecri, nec posse, quia vt habetur. Act. 5. *Obedire oportet magis Deo, quam hominibus.* Vnde Glossa explicans illud Pauli ad Rom. 13. *Qui potestati resistit, Dei ordinationi resistit,* inquit, si quid iusserit, nunquid est illi parendum, si contra Proconsulem iubeat? Rursus si quid Proconsul iubeat, & aliud Imperator nunquid dubitatur, illo contempto isti esse omnino parendum? Ergo à simili ratione, si aliud Prælatus, aliud Deus iubeat, contempto Prælato, obtemperandum est Deo.

Contra Deum hic dicitur esse, non solum omne peccatum mortale, seu veniale, sed etiam omne illud, quod est, aut inducit de proximo in periculum peccati mortalis vt docet D. Tho. quodlib. 11. art. 3. vbi ait, quod potius debet homo præeligere mortem, quam venialiter peccare, quia omne peccatum est contra Deum.

Hinc, si mihi Prælatus præcipiat aliquid, quod speciem aliquam mali, seu scandalii præ se ferre videatur, non teneor ei obedire. Quia iuxta sent. Apostoli ad Thes. 1. cap. ultimo & Rom. 14. ab omni specie mali abstinendum est.

Hinc, si mihi Prælatus præcipiat, vt audiam confessiones secularium, cum sim indoctus, & insufficiens, non possum; nec debeo ei obedire. Quia id vergit in detrimentum non modo propriæ salutis, verum etiam poenitentis.

Hic, si Prælatus mihi præcipiat, vt reuelem crimen occultum fratris, non seruato ordine fraternæ charitatis, non teneor, nec possum in hoc casu ei obedire, quia obedientia ista continet intolerabilem errorem.

Hinc, si ego cortigo fraternaliter meum Prælatum, quia contra eum multa correctione digna audiui, & Prælatus mihi iubeat, vt reuelem eum, à quo hæc audiui, non debeo, nec possum

possum in hoc casu obedire. Quia ad Prælatorum non spectat scire hoc.

Tum quia ex tali reuelatione potest aliquod præiudicium euenire illi.

- 7 Hinc, si Prælatus mihi præcipiat id, quod est in periculum mortis æternæ, aut mortis temporalis, non teneor, nec possum obedire. Quia id est peccatum temeritatis, aut tentandi Deum, vel contra charitatem mei ipsius, ut si mihi præcipiat audire confessiones mulierum, ubi periculum, aut tentatio carnis acriter impugnat: aut ingredi mare, vel flumen, cum nesciam natate. Et hoc verum est, regulariter excepto casu quando spiritus sanctus aliud inspirat, & constat de eo.

Dices, multi sancti Patres, ut testatur Cassian. lib. 4. de constitut. monast. cap. 24. in multis quæ contra ius naturale, & diuinum sunt superiori-  
bus obtemperasse narrantur.

- 8 Respondeo, quod licet manifestè mala, vel legi diuinæ contraria esse viderentur, ea tamen sibi imperari existimabant, ut exequi conarentur, & Prælatum curaturum, ne imperata perficerent. Vel quia putabāt ea præcipi, non quidem simpliciter, ut fierent, sed vt obedientiæ exemplum præberent.

### QVÆSTIO LVIII.

*An Religiosus teneatur obedire Prælato in iis quæ sunt contra ius canonicum, ut sacros canones, ac summorum Pontificum decreta?*

- 1 **R**ESPONDEO non posse. Ratio est, quia inferior non potest in lege superioris dispensare, ut habetur in cap. Inferior 21. dist.

Hinc, non tenetur subditus obedire suo Prælato immediato, & inferiori contra præceptum Prælati supe-

rioris, vt v.g. si Prouincialis præcipiat vnum, & Prior præcipiat contrarium, subditus tenetur obedire Prouinciali tanquam maiori, & non Priori, & ita subordinatè de aliis Prælatis.

Hinc, moniales Episcopo subiectæ tenentur magis ei obedire ex voto, quam Abbatis. Ratio est, quia est earum Prælatus instar Prælatorum regularium.

### QVÆSTIO LIX.

*An subditus dubitans, an id quod præcipitur sit licitum, teneatur superiori obedire?*

**A**DRIAN. quodlib. 2. p. 2. Roder. 1. p. 2. sum. cap. 9. num. 4. & Valq. 1. 2. q. 19. art. 6. d. 66. num. 51. docent non teneri, nec posse subditum in hoc casu obedire superiori. Quia tunc faceret contra conscientiam, quod non licet.

At pro certo tenendum est subditum in re dubia teneri obedire superiori. Ratio est, quia in dubio an res sit licita, necne melior est conditio possidentis. Atqui superior est in possessione iuris imperandi: ergo in dubio potest illo suo iure uti, & per consequens subditus tenetur in tali dubio superiori obedire. Nec dici potest etiam subditum esse in possessione suæ libertatis, quia pro illo est vera possessio, pro quo est præsumptio iuris, & in alterum contra quem est ea præsumptio, transfertur onus probandæ exemptionis suæ. At præceptum superioris in dubio præsumitur iustum, utpote cui subditus vice Dei gubernandum se tradidit, ut probatur ex D. August. lib. 22. contra Faustum cap. 74. & 75. & tradit Couar. in reg. peccatum 1. p. num. 5. ad finem. Ergo superior habet ius, & potestatè præcipiendi non solum, quæ subditus nouit esse licita,

licita, sed ea, quæ non constat esse illicita, quia in dubio stat præsumptio pro præcepto.

- 3 Et confirmatur, nam potestas superiorum est ad gubernandum subditos, ne errent, quæ gubernatio maxime in rebus dubiis est necessaria, ergo.

Tum quia, aliàs sequeretur, quod superior quoties aliquid fieri præciperet, teneretur reddere subditis rationem eorum quæ iubet, quod in graue vergeret detrimentum religionis.

- 4 Et est conclusio definita in cap. *Quid culpatur in fine 23. quest. 1.* vbi sic dicitur. *Vir iustus si forte etiam sub Rege, & homine sacrilego militer, rectè potest illo iubente bellare, si quod sibi iubetur, vel non esse contra Dei præceptum, certum est, vel utrum sit, certum non est, ita ut forsasse reum faciat Regem iniquitas imperandi: innocentem autem militem ostendas ordo seruendi.* Et Deuter. 17. & 2. Paralip. cap. 19. & Ezech. 34. filij Israël iussi sunt à Deo, ut in rebus dubiis starent Sacerdotum iudicio. Nec hoc præceptum fuit legis veteris ceremoniale, ita ut cum illa interierit, sed morale. Et in cap. *Maiores de baptismo, & eius effectu.* dicitur generaliter, quod in rebus dubiis standum semper est Ecclesiæ definitioni. Vnde D. Bernard. in lib. de præcepto, & dispensat: *Quidquid vice Dei præcipit homo, quod non sit certum displicere, huius secus omnino accipiendum est; ac si præceperit Deus.* Et Hieronym. in epist. ad Rusticum monachum; *Præpositum monasterij timeas ut dominum, diligas ut parentem: credas tibi saluare, quidquid ille præceperit, nec de maioris sententia iudices tu, cuius officium est obedire; & implere qua iussa sunt, dicente Moysè, Audi Israël & iace.* Deuter. 6. & Greg. lib. 2. ca. 4. in lib. 1. Regum; *Verum (inquit) obedientia nec Præpositorum intentionem discernis, nec præcepta discernis, quia*

*qui omne vite iudicium maiori subdidit, in hoc solo gaudet, si quod sibi præcipitur, operatur. Nescit enim iudicare quisquis perfectè didicerit obedire.* Vnde Apostolus ad Hebr. 13. cum dixisset, *Obedite Præpositis vestris, & subiaccete illis,* ea ratione confirmat: *Ipsi enim (inquit) peruiolant tanquam rationem reddituri pro animabus vestris.* Quasi dicat, ad eos spectare maxime peruiolare, & videre quid nobis bonum sit, & expediat, atque adeo rationem pro nobis reddere in iudicij die eorum quæ ex ipsorum nos præscripto faciemus.

Præterea extat de hac re specialis concessio Leonis decimi, qua concessit de plenitudine suæ potestatis, quod in dubiis, & scrupulis subditorum conscientias tangentibus, Magister Generalis, vel Prouinciales, & Priores cum consilio aliquorum patrum (si res magnæ importantiæ fuerint) possint autoritate suæ sanctitatis determinare in huiusmodi; ac eorum determinationi subditi cum secura conscientia debeant, & possint stare. Et idè hanc partem sustinent D. Thom. in 4. d. 19. quest. 4. Caiet. verb. bellum. & 2. 2. q. 169. art. 2. Sot. de secreto in 3. quest. 2. Nauarr. cap. Si quis autem num. 114. & cap. 23. num. 37. Cord. lib. 1. questionarij, q. 6. in principio, Barth. Med. lib. 1. summ. cap. 1. Tolet. de 7. peccatis mortalibus cap. 15. nu. 6. Azor. lib. 1. 2. cap. 19. q. 9. Basi. 2. 2. q. 40. art. 1. Molina tom. 1. d. 113. Valeut. 1. 2. d. 1. q. 14. p. 4. Petr. Nauarr. lib. 2. de rest. cap. 3. num. 252. Emman. Sa verb. bellum num. 1. & Sayr. in clau. Reg. lib. p. cap. 13. num. 4.

Ex quo sequitur, quod ut subditus possit, & teneatur obedire superiori, non est necessarium, ut ipse subditus videat esse bonum, quod præcipitur, sed satis est, ac sufficit, ut ipse non intelligat euidenter esse malum, ut constat

constat ex dicto cap. *Quid culpatur in fine 23. qm. 1.* ubi ad obedientiam solum requiritur, ne certum sit, rem imperatam esse illicitam. Hinc falsa est doctrina Nauarr. cap. *Si quis autem num. 114. de pœnit. d. 7.* ubi ait opus esse, ut subditus in hoc dubio licite obediat, ut prius sibi persuadeat rem præceptam esse bonam, saltem quoad effectum, ad quem sibi imperatur. Quia ut ex dictis constat, hoc non est necessarium, sed satis est, ne pro comperto habeat rem illam esse illicitam.

7 Hinc, non est audiendus Azorius lib. 1. cap. 17. qm. 9. qui ait, subditum probabiliter opinantem id quod iubetur esse malum, non posse licite obedire, nisi intelligat quoque superiorem sequi aliam opinionem probabilem docentem illud esse licitum. Quia superior ius habet imperandi omne id, quod euidenter non constat esse illicitum; at opinans aliquid esse malum non habet euidentem eius certitudinem, cum opinio non sit assensus certus, & euident, sed cum formidine alterius partis.

8 Tum quia coniux opinans matrimonium esse nullum, non potest alteri petenti debitum denegare, dum non sibi certa est nullitas matrimonij, ne alterum possessione sua spoliaret, ut late probat Sanchez lib. 2. de matrim. d. 44. nume 3. ergo opinans aliquid esse malum ac proinde superiorem non posse illud precipere non potest illum sua præcipiendi possessione spoliare, donec certo sciat illud esse illicitum.

Hoc idem sentio, etiamsi subditus tanquam probabilius intelligat id quod iubetur esse malum, adhuc enim tenetur obedire, cum assensus ille non sit certus, & euident, nec limites opinionis excedat. Nec est necessarium, ut subditus iudicet Prælatum in præcipiendo amplecti aliam

opinionem probabilem dictantem illud esse licitum, nec ut vult Nauarr. huiusmodi dubium deponat, sed stante eo dubio, & ignorata probabilitate alterius opinionis tenetur subditus superiori obedire, donec eius materie malitie, certus omnino sit, quia ea opinio, & dubium subditi sunt speculatiua, at operari contra dubium, & propriam opinionem speculatiua, licitum, & obligatorium est, quando possessio alterius cogit ad formandam contrariam, opinio nem prædicam, nempe esse tunc obediendum, ne alter iusta possessione spoliatur, dum non constet reuera esse malam.

Hinc, colligitur, quomodo intelligendus sit Palud in 4. d. 19. q. 1. ar. 1. dum ait Religiosum iustum à Superiore admittere prælaturam ordinis, aut audire confessiones teneri obedire, quamuis iis muneribus se indignum, & incapacem reputet: est enim intelligendus, quando euidenter non se cognoscit indignum, sed dubius est, quia in dubio tenetur Prælati obedire.

## QVÆSTIO LX.

*An subditus dubitans, an id quod iubetur sit licitum, teneatur priusquam obediat inuestigare, an licitum sit.*

ROSELL. verb. bellum nu. 4. Ang. ibidem nu. 8. & verbo inobediencia nu. 6. & Syluest. verb. bellum 1. qu. 9. & verbo obediencia qu. 2. affirmant hunc ad id teneri.

At omnino dicendum est, ad hoc non teneri. Ratio est, quia ut recte aduertit D. Thom. de veritate qu. 17. artic. 5. ad 4. ad officium subditi non pertinet inquirere, atque inuestigare.

PPP fi

sine bonum, & expediens, quod præcipitur, sed rem præceptam exequi, dum ei guidenter non constar esse malam, & examen illud valde perfectioni obedientie repugnat, quæ vt sancti Doctores tradunt, debet esse cæca. Et ita tenent Petr Nauar l.b.2. de restit. cap. 3. n. 261. & 266. & Valent. 2.2. d. 7. q. 2. p. 2.

Hinc subditi ad bellum à Principe vocati, quoties non constar illis de iniustitia belli, possunt, & tenentur obedire suo Principi, vt habetur in cap. Quid culpatur. Et ratio est, quia tenentur de superiore meliora cogitare, & nisi euident sit iniustitia, non diiudicare Principem, & licet re ipsa postea constaret eis de iniustitia belli, propter obedientiam tamen non peccarent, nec restituere tenerentur. Non enim ipsi causas, & rationes belli examinare tenentur.

### QVÆST. LXI.

*Sed dubium est: An idem dicendum sit de militibus exteris, stipendio ad bellum conductis?*

**R**ESPONDEO non esse idem de illis dicendum, quod de subditis, vt rectè docent Caiet. 2.2. q. 169. ar. 2. Nauar. cap. 15. nu. 15. Valent. 2.2. d. 3. q. 16 p. 2. & Mol. 2.2. d. 113. Nihilominus tamen, si de iure belli dubitent, & aliunde sciunt Principem à quo sunt stipendio conducti, virum esse catholicum, & pium, & qui bellum nisi iustum suscipere non solet, tunc milites illi tuta conscientia possunt probabiliter existimare bellum illud esse iustum.

### QVÆST. LXII.

*An subditi in hoc casu excusentur, quando præcepto superioris compulsi ad bellandum vadunt?*

**C**ORDVBA lib. 1. sui questionarij q. 39 p. 1. tenet partem affirmatiuam.

Sed profecto contrarium verius, & rationi conformius nobis videtur, vt tenet Illustrissimus Caiet. 2.2. q. 169. ar. 2. vbi ait in hoc casu non requiri præceptum expressum, sed tacitum quale impositum censetur, eo ipso quod Princeps bellum indicit, vult enim eo ipso, vt subditi se militie adscribant, & ad bellandum pergant.

### QVÆST. LXIII.

*Quid nomine subditorum hoc loco intelligatur?*

**R**ESPONDEO intelligi etiam alienigenas, qui sub continuis stipendiis Regis alicuius degunt tam pacis, quam belli tempore; hi enim stipendiarij tanquam famuli censentur, qui similiter in dubio tenentur obedire Dominis suis. Secus de illis, qui tunc temporis conduntur. Ita Caiet. 2.2. q. 169. ar. 2. & verbo bellum. Nauar. c. 15. n. 15. Mol. 2.2. de iust. d. 113. & Valent. 2.2. d. 3. q. 16 p. 2.

Hinc, si subditus valerudinarius, aut alio impedimento laborans dubitet, an teneatur ieiunare, abstinere à carnibus, diuinum officium persolvere, rem diuinam audire, tunc accedente autoritate, & præcepto Prælati tenetur subditus obedire, & credere superiori dicenti ad hæc non teneri.

Nec obstat periculū tunc frangēdi præce



præceptum Ecclesiæ. Quia Ecclesia censetur in tali casu nolle subditum obligare ad ieiunium, vel horas, aut missam, cuius mentis Prælatus interpretes est, & cui subditus credere tenetur.

- 3 Hinc, si subditus dubitet, an dies aliqua sit festiua, & consequenter an teneatur ab operibus seruilibus abstinere, necne, tenetur subditus obedire, & credere suo Prælato dicenti, non esse diem festiuium, nec ad audiendam missam, vel ad abstinendum ab operibus prohibitis obligari: & licet re ipsa postea constaret fuisse diem festum, propter bonum obedientiæ, à peccato excusatur.

#### QVÆSTIO LXIV.

*An si ex obedientia aliquod grave incommodum in persona, honore, vel rebus ei qui obedit, vel alteri timeatur, & ex inobedientia nihil incommodi appareat, & dubium sit de bonitate operis, teneatur subditus superiori obtemperare?*

- 1 **R**ESPONDEO non teneri. Ratio est, quia in dubio fauendum est ei, de cuius damno agitur. Et si inferior non sit in possessione suæ libertatis, est tamen in possessione sui iuris quo potest in rebus periculosis se indempnem seruare.

Tum quia in dubio non præsumitur autoritas superioris valere in alterius grave præiudicium, cum nihil incommodi notabilis ex non obediendo sequatur. Si tamen par, vel gravius incommodum sequeretur ex non obediendo, in dubio teneretur obedire.

- 2 Hinc Prælatus mihi præcipiat, vt reuelem crimen fratris occultum,

& ex mea reuelatione periclitatur vita, aut fama alterius, quamuis sim conscius, non teneor, nec possum in hoc casu obedire Prælato, quando sum anceps an iure præcipiat. Et ratio est, quia maius damnum est mors celarius, aut infamia perpetua, quam semel non obedire Prælato. Ita Nauarr. cap. Inter verba nu. 599. Quod Sotus putat esse verum, etiam quando magis putat quod Prælatus iuste, quam iniuste id præcipiat.

Hinc, si inquirat Prælatus aduersus aliquem de priuato crimine, & nunc dubium est probabile, an sit infamia, vel indicia sufficientia ad legitime inquirendum, non tenetur subditus testificari, immò tenetur celare crimen, quamuis sit illius conscius, & à fortiori nec reus ipse si interrogetur, tenetur se prodere. Ratio est, quia maius est periculum, & damnum, si occidatur frater contra ius, quam si non obediatur semel superiori.

Nec obstat, quod Prælatus sit in possessione legitima respectu subditi, quia ex alia parte subditus est in possessione suæ vitæ, & famæ: & maius damnum est prodere crimen fratris, quando eius vita, vel fama periclitatur, quam semel non obtemperare Prælato. Nam periculum vitæ, vel famæ est perpetuum, si semel reuelet crimen, & ita in perpetuum amittit possessionem suæ vitæ; & famæ; si autem semel non pareat, Prælatus non amittit possessionem perpetuam, & sic maius detrimentum est in tali casu prodere crimen fratris, quam semel non obedire Prælato.

Hinc, si videam hominem in extremis constitutum, & Prælatus mihi præcipit, ne eius necessitati subueniam; & dubito an tale præceptum sit iustum, in tali casu teneor

non obedire. Ratio est, quia maius malum est, quod homo fame pereat, quam quod Prelato semel non obediam.

- 4 Hinc, qui dubitat de servitute alterius conjugis, quam liberam putabat, non tenetur obedire Prelato iubenti, ut reddat debitum, ob damnum sibi imminens ratificandi ea copula matrimonium, quod erat nullum.

### QVÆSTIO LXV.

*An subditus teneatur obedire, si ipse certus sit superiorem precipientem dubitare quoque an id quod iubetur sit licitum?*

- 1 R **ESPONDEO** non teneri, nec possè licitè obedire. Ratio est, quia tota causa, ob quam in dubio subditus potest, & tenetur obedire, est, quia superior est in possessione iuris imperandi, at quando superior est dubius, at res præcepta ab ipso sit licita, non ei fauet possessio, utpote, quæ est precipiendi ea sola, quæ licita esse credit: ergo subditus non tenetur, nec potest licitè obedire. Ita Salas 1. 2. q. 21. tract. 2. d. unica scilicet 26. n. 275.

### QVÆSTIO LXVI.

*An si superior dubitet, aut credat id quod iubet esse illicitum, aut excedens suam potestatem, & subditus non dubitet, sed credat illud esse licitum, teneatur tunc subditus obedire?*

- 2 R **ESPONDEO** teneri. Ratio est, quia reuera superior habet ius imperandi, et si ex conscientia errora pu-

ter ipse illud non habere: ergo in conscientia tenetur subditus illi obedire. Sicut si ego ex errore putem rem à re possessam non esse meam, & malè petam mihi reddi tanquam meam, tu qui scis rem illam esse meam, tenetis in conscientia mihi reddere.

### QVÆSTIO LXVII.

*An subditus dubitans practice, an hic, & nunc sibi liceat obedire, obtemperare teneatur?*

R **ESPONDEO** teneri. Ratio est, quia quamvis eo dubio persequente, non liceat ei obedire, quia ageret contra conscientiam: at accedente superioris præcepto tenetur id dubium practicum tanquam rationi repugnans deponere, quia adest iusta deponendi causa, & ut id dubium transeat in solum speculativum, an id quod iubetur sit licitum, an non credendo ob præceptum superioris non tantum fas esse in eo calu obedire, sed teneri. Sic Molina 10. 1. d. 113. Salas 1. 2. q. 21. tract. 8. d. unica scilicet 26. & Sayr. in clavi. reg. lib. 1. cap. 23. n. 39.

### QVÆSTIO LXIII.

*An Religiosus teneatur Prelato suo obedire, quando certum est, esse licitum, quod precipitur, dubitat tamen, an Prelatus possit id sibi precipere?*

R **ESPONDEO** teneri, nisi inde ei, vel alteri notabile periculum, aut ingens præiudicium spirituale, aut tempore in persona, rebus, aut honore imminuat. Ratio est, quia obedi-

dientia perfecta, vt omnes Doctores tradunt, debet esse cæca, neque Prælati tenentur rationem reddere subdito suorum præceptorum, præsertim vbi constat præceptum esse de re licita, & non constat Prælatorum iniuste præcipere: ergo tenentur obedire.

Tum quia Prælati propter religiosi dubium, non amittit inrisdictionem, quam aliis super ipsum habet: ergo etiam si religiosus dubitet, tenetur ei obedire.

**2** Dixi consulto (*nisi inde ei, &c.*) quia tunc in tali casu, & dubio obediendum non esset, quousque subditus sufficienter esset edoctus de absentia huius periculi. Ratio est, quia nullus se potest alicui superiori obligare, neque ei obedire tenetur in præiudicium tertij, neque cum periculo notabili spiritali sui ipsius, vel alterius.

**3** Hinc, si Prælati mihi præcipiat longum iter, aut rem valde difficilem vt longam abstinence, vel aliud opus valde austerum, & nunc dubito, an possit superior id mihi præcipere, non teneor cum tanto meo periculo, & damno statim obedire, donec constet mihi de iure præcipiendi. Quia tanta rei difficultas vnâ cum dubio potestatis imperandi præponderat possessioni superioris, & fauet potius libertati subditi. Ita Barth. Med. 1. 2. q. 19. ar. 6. dub. 4. & Sot. de relect. de reg. sci. c. 10 in 3. q. 2.

### QVÆSTIO LXIX.

*An subditus teneatur obedire, quando est dubium, an superior sit legitime electus, aut confirmatus?*

**R**ESPONDEO teneri. Et ratio est, quia superior habet legitimam

possessionem, ac proinde non potest ipsum ea spoliare denegando illi debitam obedientiam, ob id dubium, vel opinionem, donec pro certo id sciat. Secus si dubitaret an alter esset verus superior, nec ille esset suus in possessione superioritatis erga ipsum, quia tunc non teneretur ei obedire, donec de eius superioritate certus omnino sit. Quia cum alter non sit in possessione iuris imperandi, standum est pro libertatis possessione.

### QVÆSTIO LXX.

*An Religiosus teneatur obedire Prælati coarctanti immunitates, & libertates à Regula, vel ab alio vi superiore concessas?*

**R**ESPONDEO teneri. Et ratio est, quia quamvis Prælati non possit in vniuersum huiusmodi libertates immutare, id enim expresse esset contra Regulam, aut superioris maioris præceptum: at potest in casu particulari iuxta aliqua de causa huiusmodi immunitates coarctare, neque hoc est contra Regulam, aut eius limites excedens. In dubio autem an Prælati possit coarctare, & an causa id facienti substat, standum est superioris iudicio. Ita Cord. super Reg. 3. Franc. cap. 10. q. 2. p. 6.

### QVÆSTIO LXXI.

*An quando constat de præcepto, sed dubium est, an sit usu receptum, vel consuetudine, vel dispensatione sublatum, teneatur subditus ad illud?*

**S**ALAS l. 1. q. 21. trall. 8. d. unica, sect. 25. num. 259. negat. Quia in hoc dubio tota possessio est pro voluntatis libertate.

**2** Sed multò verius est hunc ad illud teneri. Ratio est, quia cum constet de præcepto, extat pro eo præsumptio, & possessio, & proinde alleganti illud, non esse usu receptum, vel sublatum, ut ab eius obligatione eximatur, incumbit onus probandi, & idè dum non probat, sed anceps est, tenetur ad illud.

### QVÆSTIO LXXII.

*An si subditus dubitet circa factum, an videlicet hominem interfecerit, aut aliud crimen patrauerit, ob quod irregularitatem, aut censuram incurrerit, an tunc iussu à superiore, non habente auctoritatem in ea dispensandi, ut celebret, teneatur ei obedire?*

**1** **R**ESPONDEO non teneri, nec se obedire. Ratio est, quia in dubio facti teneri ille partem tutioris sequi, credendo se irregularem. Ita Vasq. l. 1. q. 19. ar. 6. d. 66. c. vlt. num. 50. & Sayr. clau. reg. lib. 1. cap. 13. num. 38.

### QVÆSTIO LXXIII.

*An qui dubitat, an 21. annum compleuerit, teneatur ieiunare?*

**1** **R**ESPONDEO non teneri. Et ratio est, quia possessio est ex parte libertatis, quando in dubio non constat de præcepto. Secus autem esset,

si dubitaret, an eundem annum compleuerit, ut ad ordinem subdiaconatus promoueat, tunc enim cum præceptum possideat, illud est seruandum, donec constet de ætate.

### QVÆSTIO LXXIV.

*An qui dubitat, an sit transacta media nox, cum dies sit ieiunij, possit edere carnes?*

**R**ESPONDEO posse. Ratio est, quia possessio est ex parte libertatis, cui fauendum est, quando in dubio non constat de præcepto: quod si hodie sit dies ieiunij, & dubitatur, an sit media nox, non potest comedere, cum iam ieiunium possideat, & si diuersa sint horologia in loco, & vnum sonuerit, potest solui ieiunium; perinde enim est, ac si essent plures opiniones probabiles, quo casu quam libuerit, licet amplecti. Ità Sanch. tom. 1. lib. 2. de matrim. diff. 41.

### QVÆSTIO LXXV.

*An qui adhibita diligentia, adhuc est anceps, an in aliqua re, impositum sit præceptum, teneatur ad illud?*

**V**ASQ. l. 1. q. 19. ar. 6. d. 65. cap. 1. & d. 66. cap. 1. & Salas l. 1. q. 21. trall. 8. d. unica, sect. 25. n. 258. putant ad id teneri.

At tanquam certum, tenendum est hunc ad id non obligari. Ratio est, quia nemo obligatur præcepto, nisi illi sit sufficienter propositum. At quando post sufficientem diligentiam manet quis dubius, an sit præceptum, non

non est illi sufficienter propositum: ergo etsi hic speculatiue maneat dubius an sit præceptum, est tamen practice certus se ad illud non obligari.

Tum quia donec non constat de præcepto, possidet libertas. Et ideo ita tenent Henricq. lib. 8. de Euch. cap. 45. num. 3. Suar. §. tom. in 3. p. d. 40. scilicet. 5. n. 15 & Emman. Sà verbo dubium n. 2.

### QVÆSTIO LXXVI.

*An quando præceptum est certum, sed dubius est, an satisfeceris, teneatur integrè satisfacere?*

**R**ESPONDEO teneri. Ratio est, quia exequutio voti est quid facti, quod non præsumitur, nisi probetur: ergo dum non probatur, sed manet dubius, stat præsumptio, & possessio pro obligatione præcepti, ac proinde tenebitur integrè satisfacere. Ita Nauar. cap. Si quis autem n. 76. de penit. d. 7. Med. C. de oratione 9. de bonis can. & Rebell. de oblig. p. 2. lib. 1. quæst. 3. scilicet. 2. n. 13.

### QVÆSTIO LXXVII.

*An subditus teneatur obedire, quando est diuersitas opinionum, an superior possit id præcipere, & an inferior teneatur obedire?*

**R**ESPONDEO quamuis subditus tenens opinionem contrariam, obedire possit non tamen tenetur. Quia cum dubitatur an superior ius præcipiendi habeat, tunc licet subditus parere possit, non tamen ad id obligatur, cum non possit esse obligatio in subdito ad obediendum, nisi ubi sit ius in superiore ad præcipiendam.

### QVÆSTIO LXXVIII.

*An Religiosus teneatur obedire Prælati aliquid contra propriam opinionem sibi præcipienti?*

**A**DR. quodlib. 2. ar. 3. negat. Quia nefas est agere contra conscientiam.

Sed iure optimo alij dicunt, Religiosum teneri contra propriam opinionem obedire Prælati, dummodo eius conscientia dicat id facere. Ratio est, quia eo ipso quod religiosus existimat id quod præcipit superior esse bonum, & quod aliàs ipse facere poterat propter probabilitatem contrariæ opinionis, consequenter illud facere poterit, si superior id ei præcipiat, quod si potest, ergo tenetur: in iis enim quæ quis sine peccato facere potest, superior imponere potest præceptum, & subditus obedire tenetur.

Tum quia iudex contra suam propriam opinionem potest iudicare innocentem tanquam reum secundum allegata, & probata contra illum: ergo & subditus potest in casu posito obedire Prælati contra propriam opinionem, quia quamuis habeat dubium speculatiuum scilicet an teneatur obedire, an peccet obediens, practice tamen est certus quod obediens non peccat. Ita Cord. lib. 3. sui quæst. 1. q. 9. Vasq. 2. 2. d. 62. c. 6. & Azor. tom. 1. lib. 2. c. 17. q. 9.

### QVÆSTIO LXXIX.

*An religiosus potius teneatur obedire suo Prælati, quam parentibus?*

**A**D hoc dico primò, quod quando parentes sunt in extrema necessitate consti

constituti, filius professus potius tenetur eisdem parentibus carnalibus obedire, quam Prælato, & quo illis succurrat potest è monasterio exire, perita humiliter licentia, licet non obtenta. Ratio est, quia præceptum de honorandis parentibus est de iure diuino naturalis, fortius obligans, & prius quam quodcunque Prælati præceptum: ergo non debet per hoc vltimum illi priori derogari, aut impediri, eum illud primum sit obligatorium per se, & simpliciter, hoc autem vltimum quasi secundario, & per accedens ex noua superuenienti obligatione voti.

Et confirmatur, nam ad subueniendum extraneo in hac necessitate constituto, tenetur quilibet etiam contra præceptum Superioris extra claustrum exire: ergo multo fortius ad subueniendum parentibus eadem necessitate pressis, nec tenebitur in tali casu Prælato obedire: nam præceptum de subueniendo extreme indigentibus est naturale, & præualeat cuicumque obligationi voti. Ita Caiet. 2. 2. qu. 101. art. 4. Nauar. c. 14. v. 14 & Cord. c. 2. super Reg. qu. 6.

2. Secundò dico, quod quando parentes non sunt in tali extrema necessitate, sunt tamen in graui necessitate constituti, tunc filius professus non potest absque legitima superioris licentia è monasterio egredi, quo parentum inopia subueniatur, sed potest, & tenetur illis succurrere per modos licitos, non contrarios iuxta regulæ, & professioni. Ratio est, quia iam mutauit statum, nec subest amplius patriæ potestati, sed Prælato, unde illi obligationi subueniendi non tenetur satisfacere, nisi in quantum potest, saluo statu: sicut si esset clericus in sacris, pro releuanda suorum parentum inopia non teneretur armis vri, vel heri miles, nec exerceere officium

vile, ac sibi discoueniens, eo quod status id non patiatur: ergo nec filius professus tenebitur extra claustrum exire, vt parentum inopia subueniatur, id enim statui professi aduersatur. Ita D. Tho. 2. 2. qu. 101. art. 4. & quodlib. 3. artic. 6.

Tertiò dico, quod si Prælatus esset tyrannus, nec in tali casu permetteret religioso, vt modis suum statum, & professionem decentibus, vt mendicando, aut laborando parentum inopia subueniatur, tunc perita licentia, licet non obtenta posset seculo scandalo extra claustrum exire contra præceptum Prælati. Ratio est, quia non tenetur religiosus obedire in iis, quæ contra ius militant diuinum, quod præcipit filium patri succurrere, nil contra suum statum agendo. Et ita tenent Adr. quodlib. 1. art. 3. in resp. ad 7. argumentum, & Cord. super Reg. S. Franc. cap. 2. qu. 9. Contrarium tamen huius arbitror probabilius, & ita tenent Roder. tom. 2. qq. regul. q. 17. artic. 3. & Med. lib. 1. sua instrum. cap. 14. §. 14.

## QVÆSTIO LXXX.

*An quando religionis Regula consuetudine laxata est, teneantur illam professi in suo pristino rigore seruare, an verò secundum consuetudinem, quæ in tali religione viget?*

**I**N qua re conuenit inter omnes, eos qui profitentur secundum consuetudinem, quam inueniunt, licet sciant regulam aliter præcipere, non excusari à peccato, si regulam non obseruant quoad tria vota scilicet obedientiæ, castitatis, & paupertatis. Ratio est, quia ista tria vota sunt de essentiâ reli

religionis, qua stante nulla consuetudo potest prauallere.

Tum quia tria vota obligant ex iure diuino naturali, aduersus quod nulla consuetudo vim habere potest.

### QVÆSTIO LXXXI.

*Sed dubium est de reliquis regula statutis, quæ quasi leges sunt tribus votis adiuncta?*

**M**AIOR in 4.d.38. *quæst.* 2. censet teneri professores eam seruare in suo pristino rigore, non obstante consuetudine, quæ illam relaxauit, quamuis limitatam intentionem habuerit profitendi solum regulam sic collapsam. Eiusdem opinionis est Cord. in *Reg. S. Franc.* c. 10 q. 15 quoad obligatoria regulæ sub culpa: secus autem quoad ea quæ in regula non obligant ad culpam.

**2** Alij vero rectius docent, non teneri eius professores in suo pristino rigore eam seruare, sed ad eam, vt de facto seruabatur tempore professionis. Ratio est, quia cum huiusmodi statuta instar legis sint, tantum obligant, dum vim legis habent, hanc autem vim amittunt stante consuetudine contraria sufficienti ad abrogandas alias leges Ecclesiasticas, cum non maiorem vim, quam leges Ecclesiasticæ habeant. Quando autem consuetudo non est talis, quæ sufficiat ad abrogandas leges, tunc eius professores non excusantur seruando regulam relaxatam. Quia regula non est illa, quæ de facto obseruatur, sed prima, utpote quæ tanquam non abrogata adhuc viget: ergo vouens viuere secundum regulam, tenetur illam, vt verè obligat, obseruare, ac proinde in suo pristino rigore. Et ideo

ita tenent Nauar. c. 12. m. 50. & Azor. lib. 13. c. 11 q. 15. & alij communiter.

### - QVÆSTIO LXXXII.

*An religiosus teneatur obedire Prælato in omnibus, quæ expressè, vel tacitè sunt secundum regulam?*

**R**ESPONDEO teneri. Sic D. Thom. 2. 2. *quæst.* 104. *art.* 5. ad 3. Caiet. 2. 2. *quæst.* 38. *art.* 3. Cord. in *exposit.* *Reg. D. Franc.* *quæst.* 2. Gab. Vafq. 1. 2. *quæst.* 95. *art.* 2. d. 154. *cap.* 4. m. 20. & alij qui dicunt quod religiosus subditur Prælato non solum quoad operationes, vel omissiones eorum, quæ expressè, & directè continentur in sua regula, verum etiam quoad omnia illa quæ tacitè, vel implicite, & indirectè in regulæ statutis continentur, & quæ rationabiliter reduci, seu ordinari possunt ad regularem vitam. Huiusmodi sunt obseruantia silentij, culpæ recognitio, & alia huiusmodi pertinentia ad obsequia, & conseruationem fraternæ societatis, vt facere celeritiam, sacristiam, coquinam, & alia monasterij officia, & religionis negotia, sine quibus bonus religiosus status conseruari non potest: alioquin oporteret inter Prælatum, & subditum continuas esse disceptationes, an facere, vel non facere teneretur hoc, aut illud, & an Prælati huiusmodi possit, aut non possit id sibi præcipere, ex quo in ipsius regula talia non habentur expressa: Satis enim est, quod habeantur implicite.

**2** Illud tamen est hic obseruandum, quod regula, & constitutiones in diuersis religionibus sunt variæ, ac proinde potestas præcipiendi, & obligatio obediendi sunt variæ, & ad plura, vel pauciora, prout regula præscribit

Quia exten

extenduntur, nam in regula fratrum Minorum, iubentur fratres obedire in omnibus, quæ non sunt contra regulam, vel animam. Et in constitutionibus deuotæ Societatis IESV, dicitur obediendum esse in omnibus, in quibus manifestum peccatum non cernitur. Ex quo inferitur omnia supradicta censeri secundum regulam præcipi, & subditum tencri in omnibus iis ex vi voti obedire.

### QVÆSTIO LXXXIII.

*An religiosus teneatur obtemperare suo Pralato præcipienti aliquid contra præceptum regulæ, aut altioris superioris?*

1 **A**D hoc dico primò, quod si subditus clarè videt Prælaturam in tali casu errare, nec habere iustam causam dispensandi, sed leuiter sine causæ discussione moueri pro suo arbitrio, non tenetur, nec potest subditus ei obedire. Qui talis dispensatio est irrita, & præceptum Prælati inualidum, utpote contra regulam, & de re illicita.

2 Secundò dico, quod si Prælatus potest in eo regulæ præcepto dispensare, & legitima causa contrarium præcipiendi si subest, bene potest præcipere aliquid contra regulam, & subditus tenetur illi obedire, cum nihil in hoc casu præcipiatur prohibitum in regula, postquam est iam dispensatus. Vnde Bernard. *in lib. de disp. & præcepto* ait. *Votum meum non augeat, nec minuat Prælatus sine necessitate.* Ex quo loco colligitur, quod quando necessitas est, potest illud augere, atque minuere Prælatus, ac præcipere aliquid, quod alias sit, aut esse videatur contra regulam. Ita Caietan. 2. 2.

*quest. 104. d. 3. & Rodet. tom. 2. q. 1. regul. q. 45. art. 10.*

Hinc, si Prælatus quispiam ex aliqua iusta causa præcipiat alicui subdito, ut non ieiunet diebus, quibus secundum regulam tenetur ieiunare, aut aliquid aliud iubeat, in quo Prælatus potest dispensare, quia videlicet videt illum infirmum, vel debilem, tenetur subditus ei obedire, quamuis ipsi subito aliter appareat, & sit dubius an ducatur Prælatus ex iusta causa ad dispensandum. Quia in dubio an subtit causa dispensandi iusta, standum est iudicio Prælati, & pro eo saltem in foro conscientie præsumitur. Ita D. Thom. 2. 2. *quest. 88. art. 12. ad 2. & quest. 104. artic. 5. Nauarr. cap. 23. num. 37. Cord. cap. 10. super Reg. S. Franc. quest. 2. & Syluest. verb. religio 6. q. 6.*

Hinc colligitur, qualiter intelligendus sit Caietan. 2. 2. *question. 104. art. 5.* dum ait, non esse obediendum Prælato absque causæ discussione dispensanti. Est enim intelligendus, quando subditus pro certo scit Prælaturam absque legitima causa dispensare. Vnde ad hoc ut subditus in hoc euentu teneatur superiori non obtemperare, triplex certitudo debet simul concurrere. Primò, ut pro certo sciat, id quod iubetur esse contra præceptum regulæ, vel altioris superioris. Secundò, superiorem non posse dispensare. Tertiò, & vltimò, etsi possit, non moueri ex iusta causa. Quando ergo subditus in his est dubius, tenetur in conscientia obedire.

### QVÆSTIO LXXXIV.

*An religiosus teneatur suo Pralato obedire in his, quæ sunt infra, & præter regulam? Ut si Prælatus alicui subdito præcipiat, ut se reficiat*



*reficiat, recreet, seu aliquid aliud efficiat, quod nec regula iubet, nec vetat, sed sunt infra 1. laxiora, quam regula prescribit, aut præter regulam 1. indifferentia.*

**R**ESPONDEO religiosum tene-  
ri suo Prælato obedire etiam in  
his, quæ sunt infra, aut præter regu-  
lam, si hæc aliquo modo conferunt  
ad obseruantiam regulæ; & præce-  
ptorum eius, aut sunt reducibilia ad  
ipsam. Ratio est, quia ad regulam  
pertinent non solum ea quæ in ipsa  
expressè continentur, verum etiam  
illa, quæ in ea continentur implicite,  
& quæ ad ipsam quoquo modo pos-  
sunt ordinari. Atqui hæc supradicta  
sunt huiusmodi, cum expediat vt quã-  
doque religiosus recreetur, & à reli-  
gionis austeritatibus abstineat, ne in-  
discretè ex nimio seruire deficiat in  
vita religiosa. Vnde D. Bernard. in libro  
de præcepto, & dispensat. ait. Prælati in-  
fio, vel prohibitio non prætereat terminos  
professionis: nec ultra extendi, nec com-  
trahere curat. Nihil mihi Prælatus prohi-  
beat horum, quæ promissi, nec plus exi-  
gat, quam promissi, vota mea nec augeat  
sine mea voluntate, nec minuat sine cer-  
sa necessitate. Et infra: Admonentes eos,  
non cogentes ad celsiora, condescen-  
dentes eis, cum necesse fuerit ad remis-  
siora.

**2** Verum, quia multa, quæ sunt in-  
fra, & præter regulam, sunt ex ge-  
nere suo fatua, irrisoria, ac nugatio-  
sa, vt sperare in parietem, leuare fe-  
stucam, vel aspicere aues volantes, aut  
his similia, si Prælatus religioso sibi  
subdito talia indifferentia præciperet,  
non teneretur ei obedire. Quia hæc  
nec ex genere suo, nec ex circumstan-  
tia reduci, & ordinari possunt ad re-  
gularis vitæ obseruantiam. Ita D. Tho.  
2. 2. q. 186. art. 5. ad 4.

## QVÆSTIO LXXXV.

*An religiosus teneatur obedire suo  
Prælato in his, quæ sunt  
supra regulam?*

**R**ESPONDEO regulariter non  
teneri. Ratio est, quia superior  
est custos regulæ, non author, eique  
potestas datur, vt subditos secundum  
illam perficiat, non vt ad maiora  
obliget.

Tum quia religiosus per professio-  
nem solum se obligauit ad viuèn-  
dum, & obediendum secundum re-  
gulam: ergo Prælatus nihil iuris hæ-  
bet ad præcipiendum sibi ea quæ sunt  
supra regulam. Patet consequentia,  
quia Prælatus non habet iurisdic-  
tionem, nisi ad præcipiendum ea ad quæ  
ille religiosus per suam professionem  
se obligauit. Vnde D. Bernard. in lib.  
de dispensat. dicit. Nihil præcipias mi-  
hi Prælatus eorum, quæ non vomi, nihil  
prohibeat eorum, quæ non promissi, non  
augeat, nec minuas votum meum. Et  
Rich. de S. Victore ait debitum esse  
id, quod præcipitur secundum ordi-  
nem, & secundum regulam, inde-  
bitum autem quod supra professio-  
nem.

Et est conclusio definita à Greg. 2.  
primo in cap. gesta, vbi dicitur, *Iustum*  
*non est, vt aliquis crescere compellatur*  
*inuiui.* Super quæ verba, dicit Glossa  
ibidem, quod religiosus inuiuis dis-  
tinctior vita imponi non potest. Et  
ideò ita tenent D. Thom. 2. 2. q. 104.  
art. 5. Caietan. 2. 2. quæst. 98. art. 8. Sot.  
lib. 7. quæstion. 3. artic. 1. Nauarr. cap. 23.  
num. 39. & comment. 4. de regul. num. 13.  
Tolet. de 7 peccatis mort. cap. 16. Ro-  
der. p. 2. cap. 9. num. 1 Valent. 2. 2. d. 7.  
quæst. 3. p. 2. & Valq. 1. 2. quæst. 95. art. 2.  
d. 154. cap. 4. num. 21.

Quæ 2 Hinc,

3 Hinc, si Prælatus mihi per obedientiam præcipiat, ut ieiunem ter, aut quater in hebdomada in pane, & aqua, aut aliam grauem corporis afflictionem subeam, ad quam regula non obligat, etiam si id iubeat ob maius meritum, non teneor in his ei obedire, sed si id faciam perfectionis, non necessitatis est. Quia hæc omnia sunt supra regulam, & super communem modum laudabilem viuendi religionis, & per consequens super id, quod regula intendit. Rõdet. tom. 3. qq. reg. q. 19. tit. 7.

Dixi notanter (*regulariter*) quia in tribus casibus potest Prælatus aliquid præcipere subdito, quod sit supra ipsius regulam. Primo in pœnam aliquis criminis admissi.

Secundò, si putetur necessarium ad seruanda vota. Sic præcipitur claustrum monialibus arctissima, etiam si talem ante non vouerint, quia experientia docuit, hanc esse necessariam ad custodiam castitatis, quam vouerunt.

4 Hinc, religioso ad libidinem proclini, seu grauiter tentato potest Prælatus imponere, ut ieiunet per multos dies in pane, & aqua, ut se disciplinet, aut à carnis abstinere, in his enim casibus tenetur subditus obedire. Ratio est, quia huiusmodi culparum punctiones, & præcautiones dummodo sint rationabiles, & non fiant in odium personæ potius videntur esse secundum regulam, quam supra regulam. Si tamen non putentur necessaria, non potest subditus ad ea obligari, ut rectè docent Caietan. 2. 2. *question.* 88. art. 8. Syluest. *verb. religio* 6. *quest.* 6. & Cord. *cap.* 10. *super reg.* S. Franc. q. 2.

5 Tertiò, ob aliquam publicam necessitatem, potest Prælatus quædam austeriora ad tempus omnibus imponere, puta pro impetranda pluuia, aut pro belli, aut plagæ remotione. Quia

hæc omnia indirectè ad regulam pertinent. Sic Ecclesia præcipit ieiunia, & vigiliis.

Dixi consultò (*omnibus*) quia si vni soli absque aliqua peculiari causa hæc austeriora Prælatus iniungeret, non teneretur subditus ei obedire, quia id non esset regulæ consentaneum, sed supra regulam.

## QVÆSTIO LXXXVI.

*An Religiosi ex vi voti teneantur Romano Pontifici obedire?*

**R**ESPONDEO teneri. Et ratio est, quia votum obedientiæ per se primò, & principaliter fit Romano Pontifici tanquam omnium religionum generalissimo; secundario verò aliis regularibus Prælati ut immediato Monasterij Prælato, Prouinciali, & Generali. Vnde religiosi tenentur obedire Romano Pontifici non solum obligatione illa generali, qua tenentur omnes Christi fideles ei obtemperare, sed speciali voti obedientiæ ratione circa obseruantiam suæ regulæ, eo modo quo tenentur obedire propriis Prælati regularibus.

Dices, ergo religiosus, qui aliquod Ecclesiæ præceptum infringit, duplex peccatum committit, vnum speciale contra votum, alterum vero generale, & commune omnibus fidelibus.

3 Respondeo hæc præcepta generalia omnibus fidelibus non imponit Pontifex, quatenus generalissimus religionum Prælatus, sed tãquam supremum Ecclesiæ caput: Et idè omnes Christi fideles æqualiter obligat, nec à religiosi obedientiam ex voto sibi debitam huiusmodi præceptis exigit, ac proinde religiosus qui omittit sacrũ, aut ieiunium, non nisi vnũ peccatum committit. Si autem Pontifex specialiter aliquid religiosi præcipiat, cũ possit id præcipere

præcipere ratione voti obedientie sibi facti, iudicandum erit de huiusmodi præcepti transgressione, sicut de violatione præceptorum aliorum Prælatorum regularium.

### QVÆSTIO LXXXVII.

*An Episcopus possit religiosos exemptos censuris compellere ad obediendum in casibus, in quibus ipsi subduntur?*

**R**ESPONDEO posse, ut ex multis Conc. Trid. decretis constat. Quod fallit quoad religiosos habentes priuilegium, ne possint excommunicatione, suspensione vel interdicto ligari, quale habent omnes Mendicantes, & per communicationem religiosi nostræ Congregationis. Vide Sanch. lib. 7. de matrim. d. 33. n. 22.

### QVÆST. LXXXVIII.

*An Prælati regulares possint aliquid præcipere sub pœna excommunicationis reseruando sibi eius absolutionem?*

**E**T videtur quod non, quia Clemens VIII. in suo motu proprio edito 1592. die vero 26. Maij abstulit omnibus Prælati regularibus facultatem alicuius casus reseruandi, præter aliquos, quos ibi expressit. Cum ergo excommunicationis non sit vnus ex illis: ergo.

Contrarium tamen mihi persuasum, & ratio est, quia Clemens VIII. in eo motu proprio expressè loquitur de peccati reseruatiōe, sed in hoc casu, non peccatum, sed censura ipsa re-

seruatur, quæ longè à peccato distat, & ad diuersum forum spectat.

Tum quia hæc prohibitio peccati reseruandi, cum sit respectu superiorum onerosa, ac ipsis facultatem reseruandi restringens, non est extendenda ad reseruatiōem censuræ.

Nec refert, ex consequenti reseruari peccatum, quia hoc est per accidens, cum nullum peccatum possit per sacramentalem absolutionem tolli non ablata prius excommunicatione.

### QVÆSTIO LXXXIX.

*An Abbatissa possit aliquid præcipere monialibus sub mortali?*

**H**ÆC quæstio petit, ut inquiremus: An mulier sit capax spiritualis potestatis ecclesiasticæ.

In qua re conuenit inter omnes, mulierem non esse capacem potestatis, quæ dicitur ordinis.

### QVÆSTIO XC.

*Sed dubium est: An sit capax illius, quæ dicitur potestas spiritualis iurisdictionis?*

**I**N qua re etiam constat, eam esse incapacem spiritualis iurisdictionis commissæ, & delegatæ Romani Pontificis autoritate, & hac ratione posse Abbatissam monialibus præcepta spiritualia imponere, & præcipere in virtute sancti Spiritus & in virtute sanctæ obedientiæ, ac sub formali præcepto. Et ratio est, quia hæc potestas non est iure diuino feminis interdicta.

## QVÆSTIO XCI.

*Tota igitur difficultas consistit: An Prælatus possit id committere firmata?*

- 1 **R**ODER. tom. 1. qq. regul. q. 15. ar. 1. Lop. 2. p. instr. conf. ubi de clauib. c. 1. & Nauar. lib. 6. de pœnit. c. 2. nu. 4. docent Prælatum posse Abbatissæ committere, vt in graui necessitate hæc præcepta spiritualia imponat, & in virtute sancti Spiritus, vel in virtute sanctæ obedientiæ præcipiat.
- 2 At tanquam certum tenendum est, Prælatum Romano Pontifice inferiorem nequaquam posse Abbatissæ talem facultatem committere. Et ratio est, quia hæc potestas est iure Pontificio fœminis interdicta, contra quod Prælatus nihil efficere potest.

## QVÆSTIO XCII.

*Sed minus dubium est, An Mulier sit capax iurisdictionis ordinariæ?*

- 1 **P**ANOR. in cap. dilecta, affirmat mulierem esse capacem iurisdictionis ordinariæ, ac proinde Abbatissam, posse imponere præcepta spiritualia suis monialibus, eique ratione voti obedientiæ, quod erga ipsam emiserunt in professione, parere tenentur, fungitur enim ipsa officio, & munere publico, quo subditas sibi compellit ad obseruantias regulares.
- 2 At communis, ac verissima sententia est in contrarium. Et ratio est, quia potestas iurisdictionis, quamuis non sit immediatè potestas clauium, hoc est, remittendi peccata, ordinatur tamen ad illanimum ex illa ortum habet: vnde sicut mulier non potest habere potestatem ordinis, sic neque

congruam habere iurisdictionem spiritualem, vt colligitur ex cap. Nona de pœnit. & remiss. & ex ecclesia vsu. & tradit D. Thon 4. d. 25. q. 2. ar. 2. q. 1. ar. 2. & clarius d. 19. q. 1. ar. 1. q. 3. ar. 4. Sor. in 4. d. 10. q. 1. ar. 4. Roder. 10. 1. qq. reg. q. 12. ar. 1. & q. 15. ar. 1. & Suar. 5. 10. in 3. p. d. 2. sect. 2. nu. 5.

Ex quo sequitur primò, non posse 3 Abbatissam imponere præcepta spiritualia spectantia ad finem spiritualem, id est monialium profectum, sicut religiosorum Prælati, sed tantum domesticæ & politice, quæ ad domesticam gubernationem, & communem conuentus pacem conducunt, eiusque præcepta obligabunt iuxta qualitatem materiæ, quæ si grauis fuerit, obligabunt ad mortale, si verò leuis ad veniale, sicut matresfamilias, & ciuilibus Magistratus possunt imponere præcepta temporalia, nempe ordinata solum ad bonum temporale, & politicum, vt ad tranquillam Reipublicæ, & domus gubernationem Ita Vasq. 1. 2. q. 96. d. 154. c. 6. nu. 59. & 60.

Secundò sequitur, Abbatissam non posse præcipere in virtute sancti Spiritus, nec in virtute sanctæ obedientiæ, & si ita præcipiat, factum non tenere, ita vt obliget instar præcepti sic impositi à Prælato. Ratio est, quia ex ecclesiæ vsu præcepta sic imponere pertinet ad solos Prælatos ecclesiasticos potestate spirituali præditos, nūquam enim Principes & alij superiores seculares sic præcipiunt. Sic Victoria de potestate ecclesiæ c. 2. nu. 4.

Tertiò sequitur, Prælatum plura 4 posse præcipere, quàm Abbatissam. Ratio est, quia Abbatissa est solum exequutrix regulæ. Et ideo ea solum potest præcipere, quæ necessaria sunt vt monasterium pacifice, & absque scandalis gubernetur. At Prælatus potest omnia, quæ ad maiorem spiritualesubditorum perfectionem conducunt præcipere,

cipere, dummodo ea directè, vel indirectè ad regulam reduci possint.

¶ Quarto, & ultimo sequitur, absolute nolle obedire Abbatisse esse peccatum mortale. Ratio est, quia tenentur moniales ei obedire in spectatibus ad gubernationem domesticâ, sicut filij suis parentibus. At hi peccatum mortale committunt, si absolute nolint obrepere: ergo. Ita victoria loco supra citato.

6 Dices, Moniales vouent obedire Abbatisse: ergo virtute huius voti poterit exigere obedientiam sibi debitam, quod est præcipere in virtute sanctæ obedientiæ.

Respondeo: Moniales vouent obedire Abbatisse iuxta potestatem, cuius ipsa est capax, quæ est instar potestatis matrisfamilias, cuius est imponere præcepta temporalia spectantia ad bonum politicum communis ut v. g. pacifice, & absque scâdalis domus gubernetur, ac proinde non poterit imponere præceptum spirituale, quod est præcipere in virtute sanctæ obedientiæ: fateor tamen posse Abbatissam præcipere sub pœna voti obedientiæ sibi præstiti, vel in virtute obedientiæ sibi debitæ, sicut materfamilias posset hoc modo præcipere. Quia hi præcipiendi modi nullam aliam obedientiam exigunt, quam temporalem, & domesticâ illis debitam. At cum præcipitur absolute in virtute sanctæ obedientiæ, vel sub formali præcepto, ex ecclesiæ usu ad potestatem spirituales spectat.

### QVÆSTIO XCIII.

*An si Prælati in virtute sanctæ obedientiæ præcipiat, ut moniales teneantur obedire Abbatisse, sit peccatum mortale ei non obedire?*

1 **R**ESPONDEO esse peccatum mortale. Ratio est, quia id præceptum spirituale ita obligans non oritur ex

Abbatissa, sed à Prælato, qui ex iustâ causa potest id præceptum imponere. Ita Lop. p. 2. instr. conf. ubi de clauibus cap. 1.

### QVÆST. XCIV.

*An Abbatissa possit cum monialibus dispensare in ieiuniis, & legibus ecclesiasticis?*

**H**ENRIQ. lib. 6. de pœnis. cap. 2. nu. 1. affirmat, posse.

At huius oppositum mihi videtur verius. Et ratio est, quia dispensare in legibus ecclesiasticis pertinet ad solam potestatem spiritualem, sicut dispensare in legibus ciuilibus ad potestatem temporalem. Abbatissa autem ut supra diximus, iure ecclesiastico est incapax potestatis spiritualis: ergo.

### QVÆSTIO XCV.

*An Prælati religionis possit subditum obligare ad acceptandum episcopatum?*

**R**ESPONDEO non posse. Ratio est, 1 quia religiosus tenetur obedire Prælato in iis, quæ sunt secundum regulam. At fieri Episcopum, non est secundum regulam, nec ad regularem vitam pertinet, immo ab illa eximit, & prorsus contra rationem est, posse Prælatum id subdito præcipere, per quod ille ab eius obedientia eximitur.

Tum quia potestas, quâ habet Prælati religionis ordinatur per se ad commune bonum religionis, aut bonum particulare subditi, nec ex vi officij habet communi ecclesiæ necessitati providere. Sed episcopatus non ordinatur ex se ad bonum religionis, aut subditi, sed ad commune bonum ecclesiæ, ergo. Tum

Tum etiam, quia Prælatus secundum D. Bernardum in libro de præcepto non potest augere votum subditi sui, at in promotione ad episcopatum, valde augetur votum religiosorum, cum ascendat ad dignitatem altioris perfectionis & extra ordinem religiosus inuitus trahatur.

- 3 Dices, D. Thomas 2.2.q.185.ar. 2. docet religiosum teneti obedire Prælato obliganti ad acceptandum episcopatum.

Respondeo D. Thom. nomine Prælati intelligere Pontificem, & ita explicuit Sotus lib. 1. o. q. 2. ar. 2.

### QVÆSTIO XCVI.

*An Romanus Pontifex possit compellere religiosos ad acceptandum episcopatum?*

- 1 **R**ESPONDEO posse. Ratio est, quia hac potestate indiget recta ecclesiæ gubernatio: nam unusquisque secundum propriam voluntatem debet insistere propriæ salutis, aliorumque curam quantum in se est, fugere: ergo oportuit ut Christus in Ecclesia relinqueret potestatem compellendi acceptare episcopatum. Cum ergo cura totius ecclesiæ sit penes Romanum Pontificem, debuit penes ipsum hæc potestas haberi.

- 2 Et confirmatur, Magistratus civilis potest ciues ad Reipublicæ munera acceptanda compellere. l. si magistratum C. de curionib. lib. 1. 1. ergo & Romanus Pontifex potest religiosos ad episcopatus munus capeendum cogere; non quidem ratione voti obedientiæ sibi præstiti, sed solum ratione illius obligationis generalis, qua tenentur omnes Christi fideles ei obtemperare, & ideo ita tenet Valent. 2.2.d.10.q.3.p.3. Roder. tom. 3. qq. re-

gul. q. 19. ar. ult. & Cord. cap. 10. super regul. S. Franc. q. 1.

### QVÆSTIO XCVII.

*An Prælatus possit compellere religiosos ut Parochorum munus exercent?*

**L**OP. p. 1. instruct. confess. cap. 56. & Roder. p. 2. sum. cap. 9. nu. 7. affirmant posse.

At probabilius existimo contrarium. Et ratio est, quia id non est secundum Regulam, sed præter illam; nec ordinatur ad commune bonum suæ Religionis, aut Monasterij, ad quæ, & ad illa pertinentia tantum, potest cogere secundum D. Thom. 2.2.q. 104. ar. 5. Ita Nau. com. 4. de Regul. num. 23.

### QVÆSTIO XCVIII.

*An superior possit cogere sibi subditos ad suscipiendum beneficium Regulæ aliterius Monasterij, seu ordinis?*

**R**ESPONDEO non posse. Ratio est, quia id est prohibitum cap. cum singula §. prohibemus de praben. in 6.

Tum quia tantum potest cogere ad pertinentia ad suum Monasterium, quale non est hoc. Ita Nauar. com. 4. de reg. nu. 23.

### QVÆSTIO XCIX.

*An superior Generalis possit Religiosos obligare, ut munus Prælatis intra ipsam Religionem exercent?*

**R**ESPONDEO posse. Et ratio est, quia id est secundum Regulam. Ita

Ita Syluest. verb. Episcopus qu. 2. & Sot.  
lib. 10. qu. 2. art. 2.

## QVÆSTIO C.

*An superior possit aliquid præcipere cum periculo mortis?*

**I**N qua re conuenit primò inter omnes, posse superiorem suo præcepto obligare subditum cum discrimine vitæ, quando scilicet eius obseruatio in magnam vtilitatem communitatis, aut illius violatio in magnam eius perniciem redundat. Ratio est, quia quilibet homo quidquid habet, & quidquid est, multitudinis est, sicut quælibet pars id quod est, totius est: ergo superior qui curam communitatis habet, potest exponere subditum periculo euidentissimo mortis, si id necessarium sit ad corporis totius conseruationem.

Hinc Romanus Pontifex potest alicui præcipere, ut fidem contra hæreticos defendat: & Princeps potest iubere militibus, ut pugnent, & seruent locum in bello: tenenturque milites obedire ei cum periculo vitæ. Ita Sot. lib. 4. qu. 2. art. 3.

**2** Secundo etiam conuenit, posse superiorem aliquid præcipere cum periculo vitæ, quando illud sine transgressione præcepti naturalis, aut diuini violari nequit. Ratio est, quia præceptum naturale, vel diuinum obligat cum periculo vitæ: ergo & præceptum superioris quod cum eo necessitudo coniungitur.

**3** Hinc, si tyrannus alicui mortis metum incutiat, nisi comedat carnem die prohibito, aut in festo labore, idque facit in contemptum Religionis, aut graue scandalum pusillorum, tenetur in eo casu potius mortem subire, quam legem Ecclesiasticam frangere,

propter ius diuinum, & naturale, quo tenetur homo fidem suam confiteri Matth. 10. *Qui me negauerit* &c. Ceterum si alicui minetur mortem alia de causa v.g. voluptatis, aut commodi, non tenetur talem legem seruare cum tanto discrimine.

Hinc, si Prælatus præcipiat subdito, ut non peieret, non fornicetur &c. tenetur subditus obedire, non obstante periculo vitæ. Quia ad id iure diuino, & naturali tenetur.

## QVÆSTIO CI.

*Sed dubium est: An extra casus supradictos possit superior suo præcepto obligare subditum cum periculo mortis?*

**I**LLVSTRISSIMVS Caiet. 1. 2. qu. 96. art. 4. & 2. 2. qu. 125. art. 3. docet in vniuersum superiorem qui obligat sub mortali, obligare cum periculo mortis, pro sui præcepti obseruatione, quia ob nullum mortis metum licet peccatum mortale committere, quod si in casu aliquo non ita obliget, hoc ex præcipientis benignitate prouenire putat.

At dicendum est in vniuersum superiorem non posse obligare subditum cum tali periculo. Ratio est, quia præceptum superioris non potest strictius obligare, quam aliquod præceptum naturale, aut diuinum, quod similiter obligat ad mortale; constat autem aliqua præcepta naturalia, & diuina obligantia alioqui ad mortale, non obligare cum periculo vitæ, ut patet in præcepto restituendi alienum, quod non obligat cum discrimine vitæ.

Item non tenetur quis integrè confiteri, nec baptismum, aut alia sacramenta suscipere cum tali periculo. Et David in extremis constitutus

comedit panes propositionis quos laicis manducare non licebat, ut patet primo Reg. 21. & tamen factum defendit Christus Matth. 11. & Machabæi sine peccato contra hostes in Sabæo pugnarunt 1. Machab. 2. Cum igitur præceptum naturale, & diuinum non semper cum tanto periculo obliget, nec præceptum superioris in tali casu semper obligare cum periculo vitæ, censendum est, ut constet de præcepto ieiunij, & de præcepto audiendi missam, & recitandi horas &c. quæ licet ad mortale obligent, nihilominus tamen non solum non obligat cum periculo vitæ, sed nec cum periculo valetudinis. Ita Sot. lib. 1. q. 6. art. 4. Arag. 2. 2. qu. 61. art. 3. & Cord. sum. qu. 13.

### QVÆSTIO CII.

*An liceat metu mortis excommunicato celebrare, audire confessiones? &c.*

**R**ESPONDEO licere, si non sit in peccato mortali. Ratio est, quia hæc omnia solo iure humano non obligant cum tanto rigore interduntur.

Dixi (*si non sit in peccato mortali*) quia tunc esset intrinsecè malum.

### QVÆSTIO CIII.

*An liceat ob metum mortis excommunicato nominatim denunciare, sive notorio clerici percussori ministrare sacramentum confessionis?*

**R**ESPONDEO non licere. Ratio est, quia cum hic Sacerdos ratione celsuræ iurisdictione absolventi careat, sacramentum confessionis esset nullum.

### QVÆSTIO CIV.

*An si prælatus tempore pestis præcipiat religioso, ut sacramenta infirmis administret, teneatur obedire, non obstante quod ex custodia huius præcepti debeat sequi mors?*

**I**N hac quæstione constat inter omnes, superiorem monasterij non posse tempore pestis fugere deserto Monasterio. Ratio est, quia superior habet se respectu monasterij, sicut Parochus respectu parochiæ. At Parochus non potest eo tempore fugere, ut omnes Doctores tradunt, ergo nec superior monasterij.

Secundò etiam constat, religiosos iussos à Prælato, teneri inferuire religiosis domesticis peste infectis, ac eis sacramenta ministrare. Ratio est, quia ad regulam pertinent mutua obsequia ad conseruationem boni status religiosi spectantia, inter quæ principalem locum tenet infirmorum cura, iuxta illud D. Benedicti in sua Regula cap. 36. *Infirmorum cura ante omnia, & super omnia adhibenda est.*

Nec obstat, quod ex custodia huius præcepti mortis periculum immineat. Quia quando ratio boni communis, & conseruationis boni status religiosi id postulat, ut contingit in hoc casu, tenetur subditus obedire cum probabilissimo mortis periculo, sicut cum tali periculo tenetur secularis iussus à Principe bellum aggredi.

### QVÆSTIO CV.

*Sed dubium est: An religiosus teneatur obedire Prælato iubenti etiam seruire externis peste infectis?*

In



**I**N qua etiam questione certum est, Religiosos, quorum institutum non est vitæ actiue, ac iuuandis proximis vacare, vt sunt Carthusiani, Cistercienses, & alij similes ad id non teneri. Quia hoc est opus perfectissimum charitatis, alienum tamen à suo instituto, ac proinde non tenentur peste infectis sacramenta ministrare.

### QVÆSTIO CVI.

*Questio igitur est, de Mendicantibus, & aliis quorum institutum est spirituali proximorum saluti incumbere?*

**E**T quidem certum est, eos ad id non teneri, quando id munus potest sufficienter per Parochos exerceri. Ratio est, quia id munus per se primò ad Parochos spectat, quorum munus est sacramenta suis parochianis ministrare.

Controuerfia igitur tota est, quando Parochi ei muneri obeundo minimè sufficiunt. An teneantur hi religiosi iussu Prælati eos adiuuare?

**I**n qua etiam est certum, eos ad id non teneri, quando essent alij Sacerdotes, qui Episcopi sumptibus vellet Parochos adiuuare. Et ratio est, quia hæc religiosorum obligatio est in subsidium, quando de est ministrorum copia: ergo quando sunt alij ministri, præter Parochos volentes id munus exequi expensis Episcopi, cui per se primò hæc cura incumbit, excusantur ab eo onere Religiosi.

### QVÆSTIO CVII.

*Questio ergo tantum est, quando*

*non essent alij sacerdotes, qui vellet id munus obire?*

**R**ESPONDEO eos ad id teneri. Ratio est, quia hoc non excedit eorum regulam, sed secundum illam, cum eorum munus sit, esse Episcoporum, & parochorum coadiutores in salute spirituali proximorum adiuuanda: & ob id elemosynis fidelium sustentantur, vt rectè docet D. Tho. 2. 2. *quæst.* 187. *art.* 1. & *quæst.* 188. *art.* 4. & *opusc.* 18 *cap.* 16.

### QVÆSTIO CVIII.

*An Prælatus possit præcipere religiosis, vt ad Indos adeant vel inter hæreticos ad seminandum euangelium commorentur?*

**N**ON intelligitur questio de Religiosis deuotæ societatis Iesu, qui speciali voto ad hoc se obligant, vt habetur ex constitutionibus eiusdem societatis p. 3. *cap.* 2. & p. 6. *cap.* 3. & in *extrauag. Ascendente. Greg. XIII.* & tradit Ribadeneira *lib. de instituto Societ.* *cap.* 20. Sed intelligitur de aliis religiosis.

Sorus *lib.* 7. *de inst. qu.* 2. *art.* 4. affirmat, posse.

Alij vero negant, & merito quidè, quia est res difficillima, multisque animæ, & corporis periculis exposita, & per consequens præscriptum regulæ excedit, & ideo ita tenent Lop. 1. *par. instr. confess.* *cap.* 56. Roder. *tom.* 4. *qq. regul.* *quæst.* 19. *artic.* 7. Cord. *cap.* 10. *super regul.* *S. Franc. qu.* 2. & Less. *lib.* 2. *cap.* 41. *dub.* 9. Vnde D. Franciscus in sua regula *cap.* 12. agens de missione fratrum ad Saracenos, & infideles id cuiusvis fratris voluntati reliquit cum licentia superioris. Vbi Corduba in expositione dicti capit. *quæst.* 2.

Rr 2 dicit:

dicie, id ita dixisse, quia nullus frater minor potest cogi ad has missiones. Et D. Bonau. in *expositione regule Minorum* eo cap. 12. docet religiosos inuoluntarios non esse illuc mittendos.

## QVÆSTIO CIX.

*An summus Pontifex possit id religiosiis præcipere?*

**N**ON loquimur nunc de religiosiis deuotæ Societatis I E S V, quos superior Generalis potest obligare omnes ad has partes, & alias quantumuis remotas tendere ad prædicandum Euangelium. Quia præceptum hoc non excedit eorum statutum, sed illi conforme est. Sed loquimur de aliis religiosiis.

**I**n qua re certum est, Pontificem non posse ex vi voti obedientiæ ab ipsis emissi eos ad hoc obligare. Quia ratione eius voti non se obligant ad obediendum in omnibus Pontifici, sed sicut aliis Prælatiis regularibus, in iis quæ sunt secundum regulam.

## QVÆSTIO CX.

*Sed totum controuersie disfidium est: An possit eos obligare, eo modo quo alios clericos?*

**R**ESPONDEO posse. Ratio est, quia ipsi cura vniuersalis boni communis incumbit. Ita Rod. 10. 3. qq. reg. q. 19. ar. ult.

## QVÆSTIO CXI.

*An Romanus Pontifex iure possit austeriorem & arctiorem vitam religiosiis indicare?*

**M**AIOR in 4. dist. 38. quæst. 20. & plerique alij ex canonistis docent id Pontificem posse.

Verùm communis sententia Doctorum est, non posse Romanum Pontificem cogere religiosos ad arctiorem vitæ regulam seruandam, quam prima, & antiqua sui instituti norma postulat. Ratio est, quia religiosus non plura vult, quam prima, & antiqua suæ religionis regula præscribit.

Tum quia Romanus Pontifex nequit eum, qui est vnā religionem professus compellere, vt ad aliam arctiorem transeat: alioquin posset etiam præcipere, vt quis votum religionis emitteret, quod est falsum. Posset tamen Romanus Pontifex præcipere, vt arctior regula seruaretur, & antiqua renouaretur, & reduceretur ad pristinam formulam, eo quod esset paulatim laxata. Ita Sylu. verb. religio 6. q. 6. Cord. in explicat. regul. D. Franc. cap. 1 5. q. 2. & Less. lib. 2. disp. 41. dub. 9.

Dices: Romanus Pontifex, vt habetur ex cap. 1. de regul. in 6. vniuersis monialibus clausuram præcepit, quā tamen multæ, professæ non fuerant.

Respondeo clausuram monialibus indici, quia est valde necessaria pro custodia castitatis, vt habetur ex Concil. Trident. sess. 25. cap. de reform. monialium.

## QVÆSTIO CXII.

*An superior Generalis cum consensu maioris partis capituli generalis possit sibi subditiis nouam aliam regulam imponere, aut præcipere aliqua noua statuta arctiora facientia nouam religionem?*

RESPON

**R**ESPONDEO non posse. Ratio est, quia non potest Prælati etiam cum maiori parte capituli compellere eum, qui est vnam religionem professus, vt ad aliam arctiorem transeat: ergo nec poterit sibi subditis nouam aliam regulam imponere.

Tum quia obligatio religiosi est rota ex suo voto, quæ limitatur secundum ea, quæ explicite, vel implicite continentur in regula.

**2** Tum quia huiusmodi noua statuta facientia religionem nouam, cum ad omnes pertineant, ab omnibus debent approbari iuxta illam regulam iuris, *Quod ad omnes pertinet, ab omnibus approbari debet.*

### QVÆSTIO CXIII.

*An superior Generalis cum consensu capituli possit sibi subditis aliqua efficere strictiora, & arctiora statuta pertinentia ad reformandam regulam promissam, & ad plenioram eius obseruantiam?*

**R**ESPONDEO posse. Ratio est, quia reuera eiusmodi statuta non possunt, aut debent dici supra regulam, sed secundum regulam, atque in voto obedientiæ implicitæ inclusa: ergo rectè possunt præcipi.

**2** Et confirmatur, nam in cap. vnicum de stat. regul. lib. 6. Bonifacius VIII. indixit omnibus Monialibus perpetuam, & inuiolatam clausuram, quæ non erat de ipsa regula, pro eo nempe, quod talis clausura pertinebat quammaximè ad obseruantiam castitatis: ergo propter similem rationem de consensu maioris partis capituli bene poterunt fieri à Prælato aliqua stricta, & rigorosa statuta ad maiorem, atque meliorem suæ regulæ

obseruantiam, & subditi obseruare tenerentur.

Tum quia, qui se subicit alicui ad aliquem finem, censetur quoque se subicere in ite, quæ valde necessaria sunt ad illum finem, quale est regulam iam relaxatam reformari.

Tum quia religiosus eo ipso quod regulam profitetur, tenetur potius pati leges aliquas ferri, quæ antea non erant, quam statum religiosum corrui.

Tandem est conclusio definita in Conc. Trid. sess. 25. cap. 1. de reformatione regularium, vbi sic habetur: Sancta Synodus necessarium esse censuit, quo facilius, ac maturius, vbi collapsa est vetus, ac regularis disciplina instauretur, & constantius, vbi conseruata est, perseveret, præcipere, &c. Et ideo ita tenent Nauar. com. 4. de regul. nu. 40. Roder. to. 1. qq. reg. q. 4. 4. ar. 1. Baf. 2. 2. q. 1. ar. 10. Cord. sup. reg. S. Franc. cap. 10. q. 2. p. 6. & cap. 2. q. 15. p. 3. Azor. lib. 13. cap. 8. q. 2. & Valq. 1. 2. q. 95. ar. 2. d. 154. cap. 4. n. 25. 26. & 27.

### QVÆSTIO CXIV.

*An quando maior pars capituli generalis veterem regulam collapsam, arctiorem restituit, & intermissam renouat, minor pars ad eam seruandam compellatur?*

**R**ESPONDEO compelli. Ratio est, quia quando res aliqua in capitulo generali per vocalium suffragia decernitur, ad sententiam maioris partis capituli, minor pars accedere debet: id enim religio eligere censetur, quod maioris partis suffragis eligitur. Vt habetur in cap. 1. de his que sunt à maiori parte. Ita Azor. lib. 13. cap. 11. q. 18.

## QVÆSTIO CXV.

*An Religionum Præfæcti absque consensu capituli, possint præcepta imponere obligantia ad ea, quæ prudenter iudicant necessaria ad reformationem status religionis?*

**R**ESPONDEO posse. Ratio est, quia ut supra dictum est, hæc indirectè pertinent ad regulam, & sub illa implicite comprehenduntur.

Tum quia religionum superiores eandem potestatem habent imponendi præcepta non perpetua, sed ad eorum vitam duratura, quam superiores cum maiori parte capituli ad edenda statuta in perpetuum duratura, ut rectè docet Sylvest. *verb. religio* 6. q. 6.

**1** Tum quia quilibet superior tenetur procurare, ut in loco sibi subiecto perfectè seruetur regula, & eam collapsam restaurare, ut constat ex *Conc. Trid. sess. 15. cap. 1.* ergo potest imponere præcepta necessaria ad eum finem. Ita Nauar. *lib. 3. cons. tit. de regul. conf. 43. nu. 2.* & Azor. *lib. 13. cap. 11. quest. 17.*

**3** Est autem hoc loco notandum, quod quando regula, vel eius statuta ex se ad solam pœnam obligant, non possunt superiores in vniuersum obligare conuentum ad eorum obseruantiam sub culpa. At possent priuatim aliquem sic obligare, quando ad exemplum, & terrorem aliorum, & correctionem illius delinquentis id necessarium iudicarent. At propter veniunt, aut duorum culpam, non possent in vniuersum religiosos obligare. Ita Vasquez 1. 2. *quest. 95. art. 2. dist. 154.*

*cap. 4. num. 2.*

\* \* \*

## QVÆSTIO CXVI.

*An Religionum Præfæcti possint regulam ex toto, vel ex parte abrogare, vel mutare?*

**R**ESPONDEO non posse sine Romani Pontificis autoritate, qui regulam ipsam confirmauit. Nihilominus superiores ius, & potestatem habent iustis de causis cum sibi subditis in totam regulam dispensandi, præterquam in tribus votis: tunc enim regula, abrogari, mutarique minime censetur, sed religiosi ab hoc, vel illo regulæ præcepto eximuntur. Vnde D. Bernard. in *libro de Præcepto*, loquens de statutis regulæ sancti Benedicti sic ait: *Ita sane necessaria dixerim; ut ex eis minime præiudicaretur necessariis, rationabilibus dispensationibus.* Ita Azor. *lib. 13. cap. 11. q. 14.*

## QVÆSTIO CXVII.

*An regula consuetudine ex toto, vel ex parte abrogari, aut tolli possit?*

**R**ESPONDEO Regulam, quatenus tria vota scilicet obedientiam, castitatem, & paupertatem continet, quæ ad substantiam religionis spectant, aut proprium ordinis habitum præscribunt, consuetudine abrogari non posse, nam contra essentialia religionis vota consuetudo nullam vim habet: quatenus vero regula constitutiones continet, quæ sunt tribus votis adiunctæ, consuetudine tolli potest, cum ex religionis substantiam non constituent. Azor. *lib. 13. cap. 11. quest. 15.*

QVÆ

## QVÆSTIO CXVIII.

*An si consuetudine laxata sit regula, eius professores tui sint in conscientia?*

- 1 **R**ESPONDEO eos esse tñtos. Quia cum professionem emisierunt, voverunt se regulam sic laxatam seruaturus, & votum ultra intentionem vouentium non obligat. Quare si postmodum monasterium reformetur, tenebuntur hi, vel ad aliud æqualis obseruantia, ac erat prius, transire; vel denuo se ad illam reformationem obligare. Azor. lib. 13. cap. 11. quæst. 16. & 17.

## QVÆSTIO CXIX.

*An superioris statutum, suum successorem adstringat?*

- 1 **R**ESPONDEO minimè. Ratio est, quia par in parem non habet imperium. Ita Nauar. consil. 20. n. 9. de regularibus.

## QVÆSTIO CXX.

*An superiores præceptis à se factis teneantur?*

- 1 **A**D hoc primò dico, quod superiores pœnis in suis præceptis contentis, & impositis non subiiciuntur. Ratio est, quia nullus in seipsum potest iudiciũ condemnationis ferre, si contra legem agat. Vnde Glossa in illud Psal. 50. Tibi soli peccavi, ait, quod Rex non habet hominem, qui sua facta diiudicet.

Hinc, si Pontifex suas constitutiones non seruat, licet peccare possit, non est tamen excommunicatus. Et si Rex suas leges violet, licet peccet, non tamen in infamiam, nec in pœnam periturus incidit.

Hinc, si Episcopus statutum faciat, 2 quod quicumque luderet aleis, ipso facto excommunicatus sit, & postea ipse contra statutum ludat, peccat quidem, attamen in excommunicationem non incidit. Ratio est, quia excommunicare est actus iurisdictionis, nemo autem potestatem habet in seipsum.

Secundò dico, quod superiores per se, & directè suis præceptis non obligantur. Ratio est, quia par in parem non habet imperium: ergo multo minus in seipsum, cum actio, & passio in eodem subiecto esse non possint.

Tum quia præceptum obligat ex præcipientis intentione: superiores autem directè, hoc est ex intentione, non censentur præcipere sibi ipsis: ergo.

Et est conclusio definita in l. Princeps ff. de legibus, ubi planè dicitur. Princeps legibus solutus est. Et in l. Si de re sua ff. de receptis arbitris habetur: In re sua nemo potest esse arbiter, neque iudex, neque enim imperare sibi aut prohibere quisquam potest. 4

Tertiò dico, quod superiores quoad vim coactiuam suis præceptis non tenentur. Et ratio est, quia ut rectè ait Sorus, non est intelligibile, ut vim quispiam sibi ipsi inferat, atque adeo sua lege cogatur. Vnde D. Thom. 1. 2. quæst. 96. art. 5. ad 3. legem illam: Princeps ff. de legibus, exponit de vi coactiua, lex enim nullam vim habet coactiuam, nisi ex præcipientis potestate, & voluntate, nullus autem potest sibi vim inferre.

Quartò

Quarto, & vltimò dico, quod superiores iure, & æquitate naturali, ac diuina quoad vim directiuam tenentur in conscientia sua præcepta seruare. Nam recta ratio præscribit, vt superiores seruent leges, quas con-  
dunt.

Tum quia superiores legem diuinam, & naturalem seruare tenentur, vt constat, sed tam diuina lex, quam naturalis damnat illos, qui non seruant ea quæ ab aliis facienda esse statuunt. De lege diuina id colligitur ex Matth. 23. vbi Christus redarguit Scribas, & Phariseos, qui multa iubebant, & non faciebant. De lege autem naturali constat ex cap. Cum omnes de constit. & docet elegant Caietan. 1. 2. q. 96. art. 5.

Tum demum, quia turpis est pars quæ toti non est conformis. Quod est intelligendum de præceptis, quæ non ininus ad superiores, quam ad subditos spectant. Vt v. g. præcipit Prælati, ieiunium, eadem est æquitas in ipso, atq; in subditis. Alia vero præcepta sunt, quæ ex æquo ad omnes non spectant. Vt v. g. præcipit Prælati, vt qui fregerit silentium post completorium, teneatur accipere disciplinam in capitulo, aut comedere in medio refectorij ieiunando in pane, & aqua, præceptum istud Prælatum non obligat, cum diuersa omnino sit ratio quoad eius obseruationem in Prælato atque in subditis, vt constat.

## QVÆSTIO CXXI.

An qui profitetur seruare aliquam regulam, teneatur sub mortali. seruare omnia quæ sunt in ipsa?

NOTANDVM, in regula quatuor rerum genera contineri. Primi generis sunt, quæ aliàs sunt de iure diuino, naturali, aut Ecclesiastico, vt si regula præcipiat diligere inimicos, confiteri semel in anno &c.

Secundi generis sunt, quæ pertinent ad tria religionis vota nimirum obedientiæ, castitatis, & paupertatis, vt si regula ea seruari iubeat.

Tertij generis sunt, quæ communiter sunt supererogationis opeta, vt si regula præscribat speciali affectu inimicos diligere &c.

Quarti, & vltimi generis sunt externa cuiuslibet religionis obseruantia, vt abstinere à carnibus, non indui lineis, non loqui post completorium &c. Quo iacto fundamento,

Primo dico, quod qui promittit seruare aliquam regulam se obligat ad res in ea contentas eo modo, quo in ipsa continentur: nempe si continentur, vt præcepta obligantia sub mortali, tenetur ad ea sub mortali. Si solum vt obligantia ad veniale, tenetur sub veniali. Si solum, vt opera supererogationis, ad nullam culpam obligabitur. Ratio huius est, quia qui profitetur aliquam regulam, non promittit singula in ea contenta, sed solum viuere secundum regulam id est, tendere ad formationem suorum morum secundum regulam, sicut secundum quoddam exemplar: ergo eodem modo intelligitur obligari, quo regula præscribit, & obligat, aliàs religionis status esset periculosissimus, & laqueus diaboli, cum multa minuitiora in regulis præscribantur, quæ vix possunt obseruari etiam à viris perfectissimis. Ita D. Thom. 1. 2. quæst. 186. art. 9. & Valq. 1. 2. qu. 96. art. 4. d. 162. c. 4. n. 6. Quod est verissimū, etiā si proficiens intenderet se obligare sub mortali, aut veniali ad singula in regula contenta, putans ex errore ita velle  
insti

institutorem regulæ. Quia re vera intendit proficere vt consuetum erat in tali religione, & maior obligatio est inuoluntaria, vt pote quæ ex errore processit.

Ex quo sequitur primò, contenta in regula, quæ alio præcepto sub mortali sunt debita, obligare sub mortali. Ratio est, quia seclusa regula id obligabat sub mortali, ergo. Ita tenet D. Th. 2. 2. q. 186. ar. 9.

## QVÆSTIO CXXII.

*Sed est difficultas: An in hoc casu sit duplex peccatum necessario in confessione fatendum, alterum contra id præceptum, alterum verò contra regulam?*

IN qua re certum est, non omnia alio præcepto debita, & in regula contenta, contineri in illa cum intentione ea peculiariter præcipiendi, quia aliquando regula multa aliis præcepta proponit cum intentione reducendi ea in memoriam, & talium transgressio non est speciale peccatum contra regulam, quia hæc, vt suppono, nullam nouam obligationem inducit, & nisi constet de institutoris intentione volentis ea de nouo præcipere, non foret id præsumendum, cum huiusmodi nouæ obligationes circa eandem rem, plus damni, quam vtilitatis afferant. Ita Caiet. 2. 2. q. 186. ar. 9. & Valent. 2. 2. d. 10. q. 4. p. 5.

## QVÆSTIO CXXIII.

*Quæstio igitur est, quando constat de peculiari mente institutoris ea de nouo præcipiendi?*

CAIET. 2. 2. quæst. 186. ar. 9. negat esse duplex peccatum, sed

unicum grauius. Quia præcepti diuersitas augeat quidem peccati malitiam, sed non parit diuersitatem specificam, quæ non ex præcepto, sed ex obiecto sumitur.

At pro certo dicendum est, talem transgressionem habere duplicem malitiam specificam in confessione explicandam, quia vltra commune præceptum, est etiam contra peculiare obedientiæ votum, quo religiosus se adstringit ad seruandam regulam eo modo quo ipsa intendit obligare. Sicut quando religiosus contra votum castitatis, duplex peccatum committit. Quia primò peccat peccato luxurie contra præceptum diuinum de non fornicando, alterum vero sacrilegij, contra votum. Et ita tenet Valent. 2. 2. d. 10. q. 4. p. 5.

Secundò sequitur, contenta in regula, spectantia ad tria vota essentialia religionis obligare ad mortale. Et ratio est, quia vota illa sub mortali obligant iuxta D. Th. communiter receptum 2. 2. q. 186. ar. 9.

Tertio sequitur, contenta in regula spectantia ad alia consilia euangelica ad nullam prorsus culpam obligare. Et ratio est, quia hæc ad charitatis perfectionem spectant. At religiosus non tenetur esse perfectus, & si teneatur tendere ad perfectionem, id non est, iuxta omnia consilia euangelica, sed iuxta præscriptum suæ regulæ.

Quartò, & vltimo sequitur, obseruantias regulares externas in regula præscriptas, ad nullam culpam obligare, quando regulæ institutor mentem suam explicuit esse, vt ad nullam culpam obligent, vt habetur in constitutionibus fratrum Predicatorum, Societatis Iesu, Minimorum, & nostræ congregationis Fulienfis. Et ratio est, quia cum hæc obseruantie sint de rebus alias non obligantibus, nullam obligandi vim habent, nisi ex voluntate

institutoris volentis, & potentis obligare ad culpā: ergo ubi regulę institutor explicuit suam mentem esse, non obligare ad culpam, eius statuta ad nullam culpam transgressores obligabunt.

Tum quia pœna non necessario præsupponit culpam, sed potest absque culpa imponi, licet non absque aliqua causa, ut recte docet D. Thom. 2. 2. q. 108. ar. 8. causa autem sufficiens, ut iuste pœna infligatur, est transgressio regulę.

#### QVÆSTIO CXXIV.

*An omnia in regula sancti Benedicti contenta obligent sub præcepto.*

**R**ESPONDEO communem esse sententiam, non omnia in hac regula contenta cadere sub præcepto, quod patet ex exordio regulę, ubi dicitur. *Ausculta o fili præcepta magistri, & ad monitionem pij patris libenter excipe.* Ergo non omnia in regula contenta sunt præcepta, sed quædam sunt admonitiones, atque consilia.

Tum quia quemadmodum in regula euangelica non omnia quę proponuntur, sunt præcepta, sed quædam eorum traduntur per modum præcepti, sicut est illud, *Diliges Dominum Deum tuum*, &c. Quædam verò proponuntur per modum consilij, ut est illud Luc. 6. *Si quis te percusserit in una maxilla, præbe ei & aliam.* Sic in regula nostra sancti Benedicti, non omnia in ea contenta habent vim præcepti, sed quædam proponuntur ut præcepta, quædam verò ut statuta, vel ut simpliciter admonitiones.

#### QVÆSTIO CXXV.

*An omnia in regula sancti Benedicti contenta obligent ad mortale?*

**R**ESPONDEO negativè. Et ratio est quia non omnia in regula contenta proponuntur sub præcepto, ut supra ostensum est: ergo non quælibet transgressio eorum quę in regula sancti Benedicti continentur, est peccatum mortale.

Tum quia non quælibet transgressio eorum, quę continentur in regula divina est mortalis: ergo nec quælibet transgressio eorum, quę in regula sancti Benedicti continentur, est mortalis.

Tum quia non quælibet violatio legis humanę, siue civilis, siue ecclesiasticę facit hominem dignum pœna mortis corporalis, ut constat; ergo multo minus quælibet violatio statutorum regulę sancti Benedicti, quę benignior esse debet, obligabit ad mortem spirituales animę.

Tum quia status religionis est securior, quam status secularis ut docet D. Greg. in principio moralium, ubi comparat vitam secularem mari fluctuanti vitam autem religiosam portui tranquillo. At si omnia contenta in regula obligant ad mortale, sequeretur, quod religio non esset portus tranquillus, sed naufragium manifestum, & quod vita secularis esset securior vita religiosa, quod est absurdum.

Tum quia D. Greg. in libro dialog. comendans D. Benedictum, dicit quod scripsit regulā Monachis discretionē præcipuam: si ergo transgressio cuiuslibet, quod in Regula mandatur, esset culpa mortalis, non esset discretionē plena, sed indiscretissima,

Tum quia religiosus dum proficitur, ut vult se regulam servaturum, ut aperte ex cap. 58. eiusdem regulę colligitur, & tradit D. Bernard lib. de præcepto, & disp. cum ait. *Nemo cum proficitur, spondet regulam, sed determinatē secundum regulam sui quisque conuersationem se dirigere pollicetur.*

Cum



Cum ergo religiosus voto ad singula in regula contenta non obligetur, non est dicendum eum peccare mortaliter quoties quodlibet eorum violat.

- 4 Tandem, quando aperte non constat de mente institutoris religionis: An videlicet voluerit suis legibus lethalem obligationem inducere, non est præsumendum de tali obligatione. Quia sancti Patres (vt optime D. Tho. quodlib. 1. q. 9. ar. 4. aduertit) qui religiones fundarunt, noluerunt hominibus iniicere damnationis laqueum, sed potius viam salutis aperire, ergo pro certo asserendum est, omnia alia religionis statuta præter tria vota, nisi alias euidenter de mente institutorum constet, tantum ad venialem culpam, minimè vero ad mortalem obligare.

- 5 Ex quo sequitur, præter tria vota, & ea quæ alias lege Dei sunt præcepta, cætera omnia, quæ in nostra Regula sancti Benedicti per modum præcepti, vel cuiusdam ordinationis, ac statuti proponuntur, obligare ad peccatum veniale. Ita expressè tenent D. Thom. 2. 2. q. 186. ar. 9. ad 1. & quodlib. 1. q. 9. ar. 4. & clariùs D. Bernard. in libro de præcepto, & dispensat. Idem sentit Turrecrem. in expositione eiusdem regulæ circa principium. & D. Ant. 3. p. 10. 16. §. 7.

- 6 Illud tamen est aduertendum, quod licet transgressio regulæ non sit mortalis, est tamen grauissima intra tamen limites culpæ venialis. Ratio est, quia grauius est peccatum, transgredi præceptum superioris, quam inferioris Prælati: ergo grauius est, Regulæ, quam Prælatorum præcepta violare.

Dicit D. Bernard. in libro de præcepto ait: omnia contenta in Regula S. Benedicti non profuerunt, id est nutritis, monita seu consilia sunt consentanea, nec

grauius non seruata: cum tamen profuerint præcepta, præuaricantibus in crimina fiant.

Huic obiectioni respondent D. Anton. & Turrecrem. locis supra citatis, D. Bernard. non accipere præceptum propriè, & stricto modo, sed largè pro quacumque iussione vel ordinatione, quæ licet non obliget ad mortale, obligat tamen ad veniale.

Sed hæc expositio non placet, quia illa verba D. Bernardi. (Cum tamen profuerint præcepta, præuaricantibus in crimina fiant) grauiorem culpam, quam venialem, significare videntur. Quare dicendum est, D. Bernardum loqui ibi indefinite de aliquibus præceptis, quæ tangunt tria vota essentialia, quæ obligant sub mortali, de reliquis verò in regula contentis aperte docet idem D. Bernardus in dicto libro solùm obligare ad veniale.

## QUESTIO CXXVI.

An Romanus Pontifex possit solemnè votum obedientie in religionis professione factum relaxare?

DOCTOR Angelicus 2. 2. q. 88. ar. 11. negat. Quia votum obedientie est de essentia, & substantia religionis vt omnes Doctores fatentur, at sublata alicuius rei essentia, necesse est rem ipsam perire.

Tum quia implicat contradictionem, quod quis sit religiosus, & tamen non sit voto obedientie addictus, quia votum obedientie quod consistit in expolatione propriæ voluntatis, requiritur necessariò, sicut & duo alia vota ad essentiam religionis, si igitur religiosus est sui iuris, non est religiosus, & si est religiosus, non est sui iuris, sed Prælato subiectus.

- 2 Sed hoc non obstante, concors est Theologorum, & Canonistarum sententia, posse Romanum Pontificem in voto solemnii obedientie dispensare. Et ratio est, quia tam intrinsecum est religioni obedientie votum, quam castitatis & paupertatis *cap. Cum ad monasterium de statu monach.* Sed in his, ut in sequentibus ostendemus, potest Romanus Pontifex dispensare: ergo & in illo ex iusta boni communis causa poterit similiter dispensare.

Tum quia summus Pontifex potest relaxare votum simplex obedientie perpetuæ, ut omnes Doctores cum D. Thoma testantur, ergo, & solenne. Probo consequentiam quia solemnitas voti sola ecclesie constitutione est introducta ut expresse definitur à Bonifacio VIII. in *cap. Quod votum, de voto, & voti redempt. in 6.* Si solemnitas est ex sola ecclesie constitutione, ergo potest ipse in ea dispensare, quia potest relaxare suam constitutionem.

- 3 Et confirmatur, multæ historiæ tradunt Romanum Pontificem de facto cum multis religiosis dispensasse. At absurdum est, dicere Pontificem in re tanti momenti errasse. Et ideo ita tenent Scotus in 4. *distinct.* 38. *quest.* 3. Caictan. 2. 2. *question.* 88. *art.* 11. Cordub. *lib.* 1. *sui quest.* q. 24. Couar. *de test. cap.* 1. *num.* 10. *Less. lib.* 2. *c.* 4. *dub.* 5. *Sot. lib.* 10. *q.* 5. *ar.* 7. & alij communiter.

- 4 Nec obstant in contrarium adducta, quia solum concludunt Monachum, quamdiu talis est, voto obedientie teneri, nec fieri posse, ut existente monachatu, non sit voto obedientie astrictus, quia implicat contradictionem, quod quis teneatur voto solemnii integro, quod quem subditum Prelato facit, & quod sit sui iuris.

Tum quia non potest aliqua legem etiam Papæ fieri, ut aliquis licite sit sui iuris, stante voto obedientie sollemni integro. Nos autem contendimus auctoritate Pontificia ex monacho posse fieri non monachum & sic exemptum à religione esse sui iuris, uxorem ducere, & res ut proprias possidere.

## QVÆSTIO CXXVII.

*An Romanus Pontifex possit super totam Regulam dispensare?*

**R**ESPONDEO posse, modo causa rationabilis subfit ad id. Et ratio est, quia ipse cum gerat vicem Christi plenarie, in tota ecclesia habet plenitudinem dispensandi in omni voto, & iuramento, dummodo non sit in præiudicium tertij, ut rectè docet Rich. communiter receptus in 4. d. 38. q. 2. ar. 9.

## QVÆST. CXXVIII.

*An religionum Prælati possint in legibus suorum superiorum dispensare?*

**I**N qua re convenit inter omnes, Prælatos inferiores posse dispensare in pœnis iam contractis ob legum violationem, dummodo huiusmodi pœnæ non sint reservatæ. Ratio est, quia Prælati ordinarij possunt omnia, in quibus specialiter non sunt prohibiti. Hinc, Prouinciales possunt dispensare ex iusta causa in pœnis positis, & taxatis à constitutionibus, si ipsarum dispensationem Superior Generalis sibi non reservauit, cum ipsi iure possint omnia, in quibus non sunt prohibiti. Quod intellige de pœnis inflictis ab ipsis constitutionibus: nam

**N**am si pœnæ sunt impostæ à Prælato ordinario, non potest superior illas tollere contra voluntatem ipsius Prælati ordinarij. v. g. demus Priorem, religiosum aliquem suspendisse à celebratione missæ, non potest Prouincialis talem pœnam tollere contra voluntatem Prioris qui pœnam tulit, vt expressè definitur in *Conc. Trident. sess. 14. de reformat. cap. 1.* cuius definitionis ratio fuit, ne Prælati ordinarij contemnerentur à subditis, quod est maximum totius religionis detrimentum. Verum postquam Prior suo officio functus fuit, poterit iusta de causa, Prouincialis, vel Generalis pœnam inflictam tollere, sine licentia Prioris moderni. Quia cum iam Prior functus fuerit officio suo eius authoritas in hoc casu non contemnitur.

Sed quod in dubium vertitur est, an Prælati regulares possint in legibus suorum superiorum dispensare.

3 Respondeo Prælatos inferiores regulariter non posse dispensare in legibus superiorum tollendo earum obligationem ab aliquo particulari, vt definitur in *cap. Inferior 21. d. Clem. 11. c. 8.* & tradit Nauarr. *cap. 22. num. 8.* & Med. 1. 2. *quest. 97. artic. 4.* Et ratio huius est, quia qui minoris & inferioris est potestatis, ius, & auctoritatem contra superiorem non habet: ergo sicut Romanus Pontifex nequit in iure naturali, vel diuino cum aliquo dispensare, sic nec inferior in legibus sui superioris.

Dixi notanter (*regulariter*) quia in quatuor casibus possunt inferiores Prælati in legibus superiorum dispensare.

4 Primò ex consuetudine, quæ est optima legum interpret.

Secundò in causis leuibus.

Tertiò in casibus qui frequenter accidunt, vt est lex ieiunij, obseruationis festorum, &c.

Quartò, & vltimò in casibus, in quibus recurrere ad superiorem esset omnino intolerabile. Ita Caietan. 2. 2. *quest. 147. art. 4.* vbi etiam ait: Quando Prælati dispensant cum suis subditis v. g. in ieiunio, non debent relinquere scrupulos conscientijs peccantium ab eis dispensationem, sed potius debent eis compari, & benigne dispensando à suis scrupulis liberare, aut ieiunium in aliud pium opus commutare.

## QVÆSTIO CXXIX.

*An Religionum Prælati possint in omnibus obseruantijs regulæ dispensare?*

**R**ESPONDEO exceptis tribus votis essentialibus, posse Prælatos dispensare, in omnibus obseruantijs, & præceptis regularibus. Probat *ur ex cap. Cum ad monasterium de statu monachorum*, vbi dicitur: Nec æstimet Abbas quod super habenda proprietate possit cum aliquo monacho dispensare, quia abdicatio proprietatis, sicut & custodia castitatis, ad eam est connexa regulæ monachali, vt contra eam nec summus Pontifex possit licentiam indulgere. Ex quibus verbis sic argumentor. In isto loco Prælati regulares prohibentur dispensare in tribus religionis votis essentialibus: ergo in reliquis obseruantijs regularibus poterunt dispensare. Quia exceptio firmat in contrarium regulam in omnibus, quæ non excipiuntur; vt latè per multa iura probat Couar. *lib. 2. var. resol. cap. 6. num. 6.* & Roder. *tom. 1. qq. reg. quest. 26. art. 1.* Hoc colligitur ex *Conc. Trident. sess. 25. de regul. cap. 1.* vbi dicitur, quod superiores non possunt quæ ad substantiam regularis vitæ pertinent relaxare: ergo

Sic ; omnia

omnia quæ non sunt de substantia regularis vitæ secundum mentem Concilij possunt iuxta aliqua de causa à Prælati dispensari per regulam superius citatam. Vnde D. Bernard. in lib. de præcepto, & dispensat. sic ait. *Quamdiu charitate militanti statuta regularia, immobiliter fixa sunt. At si forte contra charitatem aliquando visa fuerint, iis duntaxat, quibus hoc posse videre datum est, nonne iustissimum esset, ut aliqua verba, si expedire videbatur, vel omitantur, vel in aliud forte commodius dimittantur.*

- 1 Obsecro tamen omnes Religionum Prælatos, ut in dispensando sint parci, quia sunt aliqua obseruantie regularis, in quibus melius est nunquam dispensare, quam illarum rigorem relaxare per dispensationem, etiam si id faciendi causa subsit. Nam minus malum est, aliquando vitam alicuius periclitari ex rigore legis obseruatione, quam relaxationibus per dispensationes viam aperire, quæ postea aperta regularis obseruantia in dies patiatur detrimentum. Nam sicut vestis per vnum paruum foramen paulatim rumpitur, ita regularis obseruantia per vnius dispensationis facultatem paulatim decedit, quia exemptio aliquorum etiam iuxta causa concessa, est occasio, ut alij paulo timorati hoc exemplo ad similia sine dispensatione facienda moueantur.

### QVÆSTIO CXXX.

*An religionum Prælati possint pro libito voluntatis in Regula statutis dispensare?*

- 1 **R**ESPONDEO non posse, sed tantum iuxta causa interueniente. Vnde D. Bernard. in lib. de præcepto, ubi postquam dixerat quod in

statutis Regulæ licet interdum dispensatur, subiungit. *Vbi sanè, qui hoc legit, attendat me causè non dicere, ea posse, vel ab istis leuiter pro voluntate mutari: sed ex ratione fideliter dispensari.* Et paulo post. *Paret quod magna ex parte regularis traditio subest ei qui præst: eisi non voluntati, cerè discretioni.*

### QVÆSTIO CXXXI.

*An Prælatus qui absque iusta causa cum subdito dispensat in obseruantia regulari peccet?*

**R**ESPONDEO eum peccare venialiter. Ratio est, quia cum communiter loquendo dispensationes in religione non fiant in præiudicium tertij, cum fiant ad non ieiunandum, ad non sequendum chorum, ad comedendum carnes, & similia venialiter tantum peccabit superior dispensans. Dixi notanter (*regulariter eum peccare venialiter*) quia si in re graui absque iusta causa dispensat cum subdito circa obseruationem regularem, proculdubio peccat mortaliter, prout doctè suo more resoluit D. Thom. 1. 2. quæstion. 79. artic. 4. & Roder. tom. 1. 99. regul. quæstion. 22. artic. 4. qui extendit hoc etiam ad Romanum Pontificem.

### QVÆSTIO CXXXII.

*An dispensatio inferioris circa legem sui superioris sine iusta causa facta, teneat?*

**R**ESPONDEO non tenere. Ratio est, quia inferioris, & mini-  
stri authoritas non extenditur ultra concessionem eis factam.

Tum

Tum quia dispensatio Monarchæ sine iusta, & rationabili causa circa legem Dei nihil valet, vt omnes faterentur, ergo neque dispensatio inferioris circa legem sui Monarchæ sine iusta causa valebit: & tam dispensans, quam dispensationem procurans peccant, nisi ignorantia facti excuset: nam si per subreptionem obtinetur, non narrata veritate, excusatur dispensans, sed non dispensatus. Quam doctrinam censet esse veram Roder. p. 1. summ. cap. 24. num. 5. nisi inferior habeat ad illum casum, & alios similes plenitudinem potestatis à superiore, prout habent Nuntij suæ sanctitatis ad casus ipsis concessos.

## QVÆSTIO LXXXIII.

*An qui ab obseruantia regulari dispensationem petit, sciens deesse causam, peccet?*

1 **E**T quidem certum est, cum peccare. Quia scienter rem illicitam petit.

Sed dubium est, an peccet mortaliter.

2 **R**espondeo eum eodem modo peccare, quo peccat, qui sic dispēsat. Quia cooperatur dispensantis peccato, ad idque inducit. Vnde si dispensans peccat mortaliter, vel venialiter iuxta supradicta, petens quoque reus erit culpæ mortalis, vel venialis.

## QVÆSTIO CXXXIV.

*An postquam dispensatio fuit iniuste concessa, qui eam impetranit, possit in foro conscientia ea vti?*

1 **R**ESPONDEO non posse. Ratio est, quia Religiosus ex vi voti tene-

tur ad regulæ suæ præcepta obseruanda: ergo non potest in foro conscientia ea dispensatione iniuste sibi concessa vti; cum sit certum quod neque Papa potest absque iusta causa in votis dispensare, vt rectè Caietan. in summ. verb. dispensatio. Sot. lib. 1. quest. 1. art. vlt. & Nauarr. cap. 12. num. 76.

## QVÆSTIO CXXXV.

*An Prælati possint in suis præceptis dispensare?*

**R**ESPONDEO posse. Ratio est, quia fieri potest, vt causa iusta subsit, ne aliquis præcepto suo teneatur.

## QVÆSTIO CXXXVI.

*An Prælati peccet, si absque iusta causa cum aliquo in suis præceptis dispensat?*

**P**ALVD. in 4. d. 38. quest. 4. artic. 4. 1 Angel. verb. dispensatio num. 3. Roscell. ibidem num. 6. Syluest. q. 3. num. 5. & Arnill. num. 14. tenent eum non peccare. Quia tota vis præcepti pendet ex voluntate Prælati.

Sed omnino dicendum est, cum 2 peccare. Quia violat ius naturæ, dictans partem debere conformari suo toti, excipiens temere, & imprudenter aliquos per dispensationem. Et ita tenet D. Thom. 1. 2. quest. 97. artic. 4. Sot. lib. 1. quest. 7. art. 3. & Caiet. 1. 2. quest. 96. art. 5.

## QVÆSTIO CXXXVII.

*Sed an hic, qui in propriis præceptis dispensat absque iusta causa, peccet mortaliter, non conueniunt Doctores?*

**I** CAIETAN. *verb. dispensatio initio*, & ibi Armilla *num. 13*. Roderic. *10. 1. qq. regul. quest. 12. art. 10.* & Vega *2. tom. summ. cap. 23. casu 14.* tenent eum peccare mortaliter. Huius sententiae videtur esse Couarr. *4. decret. 2. p. cap. 6. § 9. num. 7.* ubi ait fortassis, & frequentissime reum esse peccati mortalis.

**2** At ego verius existimo, omnique remoto dubio opinor eum non peccare nisi venialiter, nisi scandalum graue, aut notabile aliorum detrimentum sequatur. Quia his cessantibus non est res grauis, quempiam à Prælato absque iusta causa & præcepti obligatione eximi. Cum præceptum illud à Prælato voluntate vim habeat. Et ideo ita tenent Valent. *1. 2. d. 7. quest. 5. p. 9.* Nauarr. *cap. 25. num. 5.* & Colin. *Phil. de off. sacerdot. tom. 1. p. 2. lib. 3. cap. 4.*

### QVÆSTIO CXXXVIII.

*An qui dispensatione sine causa concessa utitur, peccet?*

**1** **D** OCTOR Nauar. *cap. 12. num. 57.* Arag. *2. 2. que. 89. art. 9.* & Azor. *lib. 5. cap. 15. quest. 3.* tenent eum, cessante scandalo, ac aliorum damno, non peccare. Quia cum talis dispensatio sit valida, nulla præcepti obligatio superest, cuius transgressio vten-tem eadem dispensatione reum culpæ constituat.

**2** At verius est, eum peccare non quidem contra præceptum illud humanum, quod omnino per dispensationem abolitum est, sed contra ius naturale dictans partem suo toti congruere debere, nisi iusta causa dispensandi urgeat. Quare hic iure illo naturali tenetur id præceptum seruare. Et ideo ita sentiunt Caietan. *1. 2.*

*question. 96. artic. 5.* Sot. *lib. 1. quest. 7. artic. 3.* Valent. *1. 2. d. 7. question. 6. p. 9.* Roder. *2. tom. qq. regul. quest. 46. art. 5.* Azor. *lib. 5. cap. 15. quest. 3.* & multi alij. Sed quæres,

### QVÆSTIO CXXXIX.

*An hic qui tali dispensatione utitur peccet mortaliter?*

**P** ETR. de Ledesm. *summ. Sacram.* ubi de matrim. *cap. 27.* ait hunc peccare mortaliter.

Sed tanquam certum tenendum est, hunc non peccare nisi venialiter, si desit scandalum, & aliorum damnum notabile. Quia ea partis cum toto deformitas non est ita grauis, ut peccatum mortale inducat. Ita Valen. *1. 2. d. 7. quest. 5. p. 9.* Cord. *in suo quest. lib. 4. quest. 8.* Roder. *10. 2. qq. regul. question. 46. artic. 5.* & alij communiter.

### QVÆSTIO CXL.

*An hic cum quo sine causa legitima est dispensatum in præcepto, teneatur iure naturæ, non obstant dispensatione, tale præceptum adimplere?*

**R** ESPONDEO teneri. Ratio est, quia si hic peccat venialiter, utens tali dispensatione, quia agit contra ius naturæ, quod dicitur indecens esse partem non conformari suototi, ergo eodem iure naturæ tenetur præceptum seruare sub culpa veniali.

### QVÆSTIO CXLI.

*An dispensatio Prælati in suis præceptis concessa absque legitima causa, valeat?*

MENDO

1 **M**ENDOZA de pactis lib. 1. quæst. 2. num. 35. tenet non valere.

2 **A**t tanquam certum tenendum est, talem dispensationem valere. Et ratio est, quia tunc Prælati dispensat in re propria, & in propria voluntate, à qua sola vim habebat præceptum: ergo ea dispensatio tanquam in bonis propriis facta valebit absque causa, esto dispensando peccet. Sic Caietan. 1. 2. quæst. 96. art. 5. & 2. 2. q. 104. art. 5. Sot. lib. 1. quæst. 7. art. 3. Henric. lib. 5. de penitenti. cap. 22. num. 5. Valent. 4. p. disp. 6. quæst. 2. p. 10. Arag. 2. 2. q. 89. ar. 9. & Nauar. cap. fin. num. 4.

### QVÆSTIO CXLII.

*An superior, vel equalis valide dispenset in præcepto inferioris, vel equalis prædecessoris?*

1 **R**ESPONDEO valide dispensare. Ratio est, quia in voluntate superioris est quasi eminenter inferioris voluntas: & successor æqualis reputatur quasi eadem persona ratione eiusdem officij. Ita Suar. tom. 4. vbi de indulg. d. 59. sect. 2. num. 11.

### QVÆSTIO CXLIII.

*An, si subditus proponat causas, de quarum sufficientia dubitat, peccet?*

1 **R**ESPONDEO si petens dispensationem proponat bona fide causas, quibus ducitur, non peccat, quamvis illæ sufficientes non sint. Quia suum non est iudicare, an causæ ex sint iustæ, sed superioris iudicio standum est. Ita D. Thom. 2. 2. q. 88. ar. ult. Nau. prælud. 9. num. 13. & Azos. lib. 7. cap. 29. q. 6.

### QVÆSTIO CXLIV.

*An quando necessitas est occulta, subdito eam propalanti debeat Prælati fidem adhibere?*

**R**ESPONDEO debere. Ratio est, quia melius est, ut Prælati nimia credulitate credat, quam ut ob huius defectum à debita charitate, & iustitia deficiat. Nam si in priori erret, foret contra prudentiam, & materialiter tantum peccabit. At verò in secundo casu maiori exponitur discrimini nimirum faciendi contra potissimam charitatis, & iustitiæ præcepta. Vnde D. August. cap. 17. sue regule sic ait. Si latens est dolor in corpore, famulo Dei dicenti, quid sibi doleat, sine dubitatione credatur. Verum tamen aliquando Prælato proderis leuius non credere, & cautiorem esse circa omnes suas cognoscendas, ne serpens lateat sub herba. Sic etiam Vmbertus, qui in commentario eiusdem cap. D. August. sic scripsit. Signa sermorum Dei hæc sunt, seruire Deo die, ac nocte, voluntariè, humiliter, & denotè obedire Prælato: querere bonum commune, & non priuatum: edificare proximum verbo, & exemplo. Tali (inquit) famulo Dei quid sibi doleat absque ulla dubitatione credendum est.

### QVÆSTIO CXLV.

*An si inferior Prælati, puta Prior præcipiat subdito, ut non utatur dispensatione facta à superiore, nimirum à Prouinciali, vel Generali, teneatur subditus obedire?*

**R**ESPONDEO non tenei. Ratio est, quia quantum ad hoc non

T t t t t

est ei subiectus. Vnde D. Benedict. cap. 63. suæ regulæ ait: *Præpositus illa agat cum reuerentia, quæ ab Abbate suo ei iniuncta fuerint: nihil contra Abbatis voluntatem, aut ordinationem faciat.*

## QVÆSTIO CXLVI.

*An Generalis, vel Provincialis possit eximere subditum ab obedientia sui Prioris?*

- 1 **R**ESPONDEO non posse, ut habetur ex decreto Greg. Papa 161 q. 1. cap. *Frater*. Quia non solum iuri, sed rectæ rationi, & consuetudini generali omnino refragari videtur. Vnde solus Romanus Pontifex potest huiusmodi exemptiones indulgere. Ita Syluest. verb. *causa casu* 5. & Roder. p. 2. cap. 31. num. 6.

## QVÆSTIO CXLVII.

*An virtute priuilegiarum possint superiores nostra Congregationis ieiunia, & abstinentias relaxare?*

- 1 **R**ESPONDEO posse. Et primò quidem per priuilegium concessum à Martino V. ordini Cisterciensi prout refertur in compendio priuilegiarum eiusdem ordinis Cisterciensis verb. *ieiunium* §. 2. ieiunia, & abstinentiæ professorum vtriusque sexus nostræ Congregationis Fulcensis, quibus per regulam astringitur, possunt ob complexionum diuersitatem, & secundum temporum, locorumque conditionem arbitrio Generalis moderari, & relaxari.
- 2 Secundò, per priuilegiū concessum à Iulio III. prout refertur in compendio priuilegiarum deuota Societatis IESV §. 7. potest superior noster Generalis per se vel per alios religiosos, dispen-

sare cum personis Congregationis, circa ieiunia, & cibos prohibitos.

Tertiò, per priuilegium concessum ab Eugenio IV. Congregationi D. Hieronymi, ut continetur in compendio priuilegiarum eiusdem ordinis sit. *ieiunium* §. 6. Priores nostrorum monasteriorum, seu suppriorum in eorum absentia, possunt dare licentiam de consilio medici, vel sine eius consilio, si commodè non potest haberi, ut nostri religiosi, & familiares monasteriorum, infirmi, seu debiles possint comedere carnes, seu oua, seu alia fanis interdicta in quadragesima, & aliis ieiuniis Ecclesiasticis sine licentia Episcopi: vel quod non teneantur ieiunare in prædictis temporibus etiam sine consilio medici, & quod eandem licentiam possint concedere prædictis Prioribus, & Supprioribus eorum confessores.

Est tamen hic aduertendum, quod solus Romanus Pontifex circa ieiunia generalia dispensat absolute, & subditi ieiunij lege teneantur, singulariter tamen cum illo, aut illo iusta de causa, ne illo, aut illo die ieiunet, etiam Episcopus potest dispensare, immo, & eo absente parochus, & quilibet Prælati regularis cum suis religiosi secundum D. Thom. 2. 2. q. 147. art. 4. & Caiet. ibidem.

Ex quo colligitur, quod parum circa ieiunia conceditur præfatis Prælati regularibus per prædicta priuilegia, cum secundum iuris communis regulam, dictis Prælati dispensare in prædictis concedatur.

Secundò etiam aduerte, quod debilitas, & infirmitas in senibus reperitur, cum ipsa senectus morbus quidam sit. cap. *Magna de voto*, & l. 1. *Ciui. iuribus in princip. ff. de l. 1.* Infirma ætas dicitur seniorum, vel puerorum, quod intelligitur de illis senibus, qui 60. annum attingunt.

Ex



Ex quo infert Abbas, statutum disponens aliquid in casu infirmitatis, habere locum in casu senectutis.

- 6 Quartò, per priuilegium concessum à Leone decimo Minoribus, vt habetur *in supplem. fol. 39. concess. 282.* fratres nostri maximè Prædicatores cum actu concionantur possunt sine violatione ieiunij, anticipare, vel postponere iuxta suam consolationem, horam comestionis, & serotinæ collationis. Vbi tamen aduerte, quod illa dictio, *maximè*, non excludit, quin fratres etiam actu non prædicantes non possint anticipare, vel retardare, prout ipsis commodum videbitur, horas comestionis, & serotinæ collationis; hæc enim dictiones, *præcipuè, præsertim, maximè*, & similes, casus magis dubitabiles exprimiunt.

- 7 Hic etiam aduerte, quod cum collatio vespertina in ieiunio sit introducta per modum medicinæ, seu pro necessitate, idèd siue mane, siue vespèri sumatur, non frangit ieiunium, maximè si id est in consuetudine fieri iusta de causa: immo si aliquis non possit aliter ieiunare, nisi hanc collationem sumendo in mane, licite eam sumeret, vt rectè docet Nauarr. *in Manuel. cap. 21. num. 5.*

- 8 Quintò, per priuilegium concessum ab Innocentio VIII. Congregationi sanctæ Iustiniæ, prout refertur *in libro suarum constitutionum, & priuilegiorum, fol. 86.* possunt Priores nostrorum monasteriorum in quadragesima, & aliis ieiuniis de præcepto anticipare horam comestionis ante horam nonam, vt eis expedire videbitur.

Sextò, & vltimò, per priuilegiū concessum à Leone decimo fratribus Minoribus, possunt nostri itinerantes transferre ieiunium itinerationis in alium diem. Quod non tantum de pedestribus, etiam si iter sit breue, sed etiam

equestribus intelligendum est, vt rectè ait Roder. *tom. 2. qq. reg. quæst. 100. art. 2.*

Præterea etiam si dies itinerationis 9 sit dies ieiunij Ecclesiæ vel voti, potest talis dies à nostris transferri. Quia cum per hoc priuilegium non fiat dispensatio ieiunij, sed vnus dies in alterum transferatur, & priuilegium absolute concedat omnibus itinerantibus, de omni ieiunio illimitate, debemus ipsum intelligere, cum indefinita æquipolleant vniuersali. Roder. *supra.*

## QVÆSTIO CXLVIII.

*An Monachis esus carniū sit interdictus?*

**R**ESPONDEO esse interdictum, 1 vt habetur *in cap. Carnem de consecrat. d. 5.* & tradit D. Thom. 2. 2. q. 185. *art. 8. & q. 189. art. 9. & quod lib. 1. q. 20. & 21.*

## QVÆSTIO CXLIX.

*An monachus qui absque iusta causa carnes comedit, peccet mortaliter?*

**I**N hac quæst. constat inter omnes 1 eum qui ex contemptu regulæ carnes comedit, peccare mortaliter. Sed dubium est de eo, qui ob solam delectationem sine iusta causa carnes manducat.

In quæst. etiam constat, eum 2 absque causa carnes edidit, quantum comestione fratres scandalizantur, peccare mortaliter. Ratio est, quia ex huiusmodi comestione datur aliis occasio ruinæ spiritualis, & solet esse causa, vt regularis disciplina tepefeat, quod respectu totius ordinis est ingens detrimentum.

TIT 2 QVÆST.

## QVÆSTIO CL.

*Totum igitur controuersia dissidium  
consistit de eo qui absque scanda-  
lo carnes edit: An uidelicet pec-  
cet mortaliter?*

**R**ESPONDEO communem esse  
sententiam, hunc non peccare  
mortaliter. Et ratio est, quia cum hoc  
regulæ statutum de se solum obliget  
ad veniale, & ex alia parte non ap-  
pareat aliquod aliud præceptum; sine  
dubio, qui absque necessitate carnes  
edit, non committit nisi peccatum  
veniale, & quidem grauissimum, &  
dignum ut à Prælatiis seuerè, & ac-  
riter puniatur. Atque ita sentit D. Tho.  
Syluest. *verb. religio* 7. q. 14.

**2** Dices, in dicto cap. *Carnem de con-  
secratione*, &c. pœna carceris constitui-  
tur contra monachum carnes edentem.

Respondeo cum D. Thom. eam  
ponit cōtra monachum carnes come-  
dentem ex contemptu regulæ, vel  
contra speciale præceptum superioris.

**3** Excipiuntur tamen quatuor casus,  
in quibus possunt monachi absque  
peccato carnes comedere. Primus est  
cum dispensatione, & licentia sui su-  
terioris. *Arg. cap. Non cogantur* d. 41.  
& ibi Abbas, & in ead. *Monasterium*.

Secundus est, ratione infirmitatis.  
Vnde Prælati non debet esse mul-  
tum durus ad dispensandum cum in-  
firmis non solum febricitantibus, ve-  
rum etiam cum habentibus stoma-  
chum debilem, cum senibus, & iti-  
nerantibus valde lassis, cum lectori-  
bus, & prædicatoribus multum in stu-  
diis, & animarum salute insudantibus.  
*cap. fin. de obseru. ieiun.*

Tertius casus est, si inuitentur à  
Principe, vel Episcopo, vel ab alio  
Prælato *cap. Carnem de consecratione*.  
d. 1. §.

Quartus, & ultimus est, si mona-  
chus sit factus Episcopus, vel Cardi-  
nalis. *Glossa in cap. 3. 16. q. 1.*

## QVÆSTIO CLI.

*An qui habet propositum faciendi  
contra omnes, vel præcipuas sue  
religionis regulas, etiam ad cul-  
pam non obligantes, peccet mor-  
taliter?*

**R**ESPONDEO eum peccare mor-  
taliter. Ratio est, quia hic pro-  
babilissimo contemnendi regulas pe-  
riculo se exponit.

Tum quia religiosus tenetur sub  
mortali sic viuere, ut religioni suæ  
non sit perniciosus, inducendo alios  
suo prauo exemplo ad nimis relaxa-  
tam vitam; sed hæc damna inferret  
habens huiusmodi propositum, ergo.

Tum quia si religiosus nollet vn-  
quam seruare silentium, nec orare, nec  
modestè incedere, sed passim vesce-  
retur carnibus, uteretur linteis, & si-  
miles religionis regulas violaret, eo  
quod singulæ ad culpam per se non  
obligant, absque dubio grauiter to-  
tam religionem perturbaret: ergo sub  
mortali tenetur cum animo depo-  
nere.

Quare non placet quod docent **2**  
*Sylu. verb. Religio* 1. q. 12. & Valent. 2.  
2. d. 10. q. 4. p. 5. qui dicunt Religio-  
sum non esse in statu damnationis, si  
ipse vellet seruare vnum ex præcipuis  
statutum, etiam si nollet seruare alia, si  
per illud vna cum suis votis niteretur  
ad perfectionem tendere. Quia obser-  
uantia vnius statuti etiam principalis  
non impediret grauem Religionis  
ruinam, graueque periculum sper-  
nendi Regulam, & transgrediendi vo-  
ta & licet non teneatur Religiosus ad  
perfectionem currere tenetur tamē sub  
mortali,

mortali, ita suos mores corrigere, vt alijs Religiosis non sit scandalo, causaque ruinæ Religionis, quod non vitatur per obseruantiam vnius, vel alterius statuti. Atque ita tenet Cord. *sup. Reg. B. Franc. c. 1. q. 3. & Sotus in 4. d. 15. q. 2. ar. 1.*

Hinc, eadem ratione esset peccatum mortale, si Religiosus haberet animum non seruandi præceptum superioris, nisi quando sub mortali obligat.

## QVÆSTIO CLII.

*An Religiosus qui passim statuta sua Religionis, etiã ad culpam nõ obligantia violat, peccet mortaliter?*

**1** **C**ARTHVS. *de reformat. lib. 1. c. 6.* Ang. *verb. inobedientia in fine, D. Ant. 2. p. 1. q. 2. 3. & Valq. 1. 2. q. 96. ar. 4. d. 158. c. 6. nu. 60.* tenent cum peccare mortaliter. Quia talis consuetudo est quidam legis contemptus.

**2** At communis, ac verissima sententia est in contrarium. Nam actus replicati sunt eiusdem speciei cum primo, ac proinde eiusdem malitiæ, si ergo primus venialis est, & ceteri veniales erunt. Nec praua consuetudo faciendi contra legem, dicitur eius contemptus vt rectè docuit D. Tho. 2. 2. *questio. 186. artic. 9. ad 3.* quia contemptus in solo actu interiori voluntatis perficitur, ac proinde ob solam externi operis multiplicationem, contemptus induci nequit. Quod arbitror esse verum per se, & ex sola venialis natura. Quia interdum ob venialium frequentiam consurgit mortale, non quidem ratione frequentiæ, sed ratione periculi proximi transgressionis votorum, grauiusque offensionis aliorum.

**3** Vbi nota, quod si huiusmodi transgressionis sunt frequentes in Mona-

sterio, Prælati subditos suos corrumpere tenentur sub mortali: peccata enim venialia licet in singulis fratribus non sint notabile damnum, tamen quãdo sunt frequentia in Monasterio, magni momenti est illa extirpare. Vnde si in Congregatione nostra, caderent obseruationes nostræ: puta si fratres passim vterentur lintheis, vescerentur carnibus, & silentia abirent; quamuis apud nos hæc non sint peccata mortalia, tamen Prælatus in huiusmodi tenetur satagere sub mortali, vt ad regulam reuocentur. Et ideo vñ Prælatis.

## QVÆSTIO CLIII.

*An qui Religionis statuta etiam ad solam penam obligantia ideo violat, vt impediatur quantum in se est, finem illorum, peccet mortaliter?*

**R**ESPONDEO cum peccare mortaliter. Ratio est, quia qui hoc modo statuta Religionis violat, proportionabiliter se habet ad finem præcepti, sicut qui transgreditur ex contemptu se habet ad præceptum, seu præcipientem: nam ille respuit finem, sicut ille respuit præceptum. v. g. non solum peccat mortaliter, qui non vult ieiunare, quando ad id tenetur, quia non vult subiici præcepto, sed etiam si ideo omittit ieiunare, quia non vult domare carnem, ad quod est institutum ieiunium. Ita Caiet. *in sum. verb. præcepti transgressio. Valent. 1. 2. d. 7. q. 5. p. 6. & Valq. 1. 2. q. 96. ar. 4. d. 158. c. 6. nu. 57.*

## QVÆSTIO CLIV.

*An Religiosus violans præceptum superioris in re graui duplex lethale peccatum committat?*

**I**LLVSTRISSIMVS Caiet. 2. 2. q. 88. ar. 5. & Valsq. 1. 2. q. 71. ar. 6. q. 98. cap. 3. nu. 7. censent eum duplex peccatum mortale committere, vnum contra obedientie votum, quod semper vnus speciei est, nimirum sacrilegium. Alterum, vero contra preceptum superioris, quod pertinet ad diuersas species, iuxta diuersas materias, diuersaque motiua superioris imponentis id preceptum.

- 2 Sed communis, & verior sententia est, esse vnicum peccatum contra votum. Ratio est, quia superior non habet ius aliquod precipiendi rem aliquam nisi ratione voti obedientie: ergo qui preceptum superioris violat vnum peccatum committit contra votum. Sicut cum quis habens votum solum, contrahit matrimonium, solum peccat contra votum, etiam si contra legem impedimenti faciat. Quia impedimentum ex voto pendet, & propter votum inductum est. Vbi enim vnum est propter vnura, ibi tantum censetur esse vnum. Et ideo ita tenent Sorus lib. 7. q. 2. ar. 3. ad 1. Petr. de Ledes. in sum. sacram. tract. de pœnit. cap. 19. & Lessi. lib. 2. c. 4. dub. 9.

#### QVÆSTIO CLV.

*An quis ex contemptu agit contra regulam, aut preceptum superioris, peccet mortaliter?*

- RESPONDEO eum peccare mortaliter. Ratio est, quia agit contra votum professionis, quo religiosus vitam regularem promissit: nam vita regularis promissa consistit in subiectione erga regulam, qui autem illam contemnit, totam hanc subiectionem euertit, ac proinde directe contra suæ professionis votum facit. Tunc autem censetur religiosus peccare ex contemptu, quando ideo regulam, aut su-

perioris preceptum violat, quia non vult subici illis. Vel quando mouetur ad peccandum eo quod preceptum, vel precipientem paruifaciat.

#### QVÆSTIO CLVI.

*An qui ex contemptu agit contra regulam, aut preceptum superioris, duplex peccatum committat?*

RESPONDEO duplex peccatum committere. Et ratio est quia præter prauitatem violationis Regulæ, vel præcepti superioris, peccat etiam, quia superiore ipsi, cui subesse, & iure obedire tenetur, paruipendit. Ita Caietanus in summa verbo contemptus.

#### QVÆST. CLVII.

*An religiosus qui in re leni precepta sui superioris contemnit, peccet mortaliter?*

RESPONDEO eum peccare mortaliter. Ratio est, quia etsi materia præcepti obligantis sub veniali sit levis, contemptus tamen præcepti est grauis. Contemptus autem efficiens mortale, tunc dicitur, quando quis ideo preceptum violat, quia preceptum est, seu quia ipsi, aut superiori præcipienti subiici renuit. Vt si religiosus dicat intra se, volo modo frangere silentium, quod non frangerem, nisi prohiberet. Et ideo vult frangere silentium, quia Prælatus prohibet. Et ideo ita tenent Nauar. cap. 23. nu. 42. Valenz. 1. 2. d. 7. q. 5. p. 6. Cord. in reg. S. Franc. 1. 10. q. 3. p. 2. & Valsq. 1. 2. q. 96. ar. 4. d. 158. c. 4. nu. 37.

Limitat

Limitat tamen Caietanus *in sum. verbo contemptus*, hanc doctrinam bifariam. Primò, quando subditus est in vna re inobediens ex indignatione, ne Prælato rem gratam faciat, nihilominus tamen quantum est ex se, est in aliis obedire paratus, vt si Prælatus præciperet subdito, vt in cella maneat, & ipse ab ea recedit, non ob aliud, nisi vt Prælatum solatio non afficiat, & hoc indignatione, quia non vult illi placere, sed displicere, iste contemptus non est mortalis. Quia iste non eligit non obedire ex contemptu propriæ, sed non consolari Prælatum, nec mandatum violat, vt non obediat, sed vt non consoletur Prælatum.

2 Secundò limitat, quando subditus paratus obedire Prælato in grauioribus, in minimis illum contemnit. Nam tunc per contemptum non peccat, nisi venialiter. Ratio est, quia non simpliciter, sed secundum quid præceptum superioris contemnit.

3 Tertiò limitat Valent. 2. d. 10. qu. 4. p. 5. quando subditus simpliciter, & absolutè non contemnit præceptum superioris, sed duntaxat exequutionem illius hic, & nunc. Quia tunc non peccat nisi venialiter; quia non contemnit præceptum, ita vt nolit illi subiici.

4 Illud tamen hoc loco est obseruandum, semper esse mortale peccatum contemnere Prælatum, vt Prælatus est, & à Deo auctoritatem habet, siue sit in re graui, siue leui, vt rectè annotauit Alph. à Castro lib. 1. de lege parnali. cap. 5.

### QVÆSTIO CLVIII.

*An Regulares ad clausuram teneantur?*

1 R E S P O N D E O teneri. Ratio est, quia omnes regulares per profes-

sionem renunciant suæ propriæ voluntati, obligantque se in manibus Prælatorum, obedire eis in omnibus illis, quæ conueniunt obseruationi trium votorum essentialium, quæ faciunt, atque clausura est medium importantissimum ad illam: ergo.

Tum quia omnes regulares emittentes professionem explicite, vel implicite illam promittunt, si quidem vouent suam stabilitatem, & perma- sionem in Monasterio sub obedientia talis, vel talis Prælati, vt constat ex forma profitendi, quam omnes ferè religiones obseruant: ergo. Ita Nauar. com. 4. de regul. super cap. statumimus 19. qu. 3. nu. 30.

Hinc, Beatæ vulgò dictæ, quæ viuunt in congregatione sine regula ab Ecclesia approbata, quamuis faciant dicta vota, non tenentur ad clausuram. Et ratio est, quia istæ non sunt propriè religiosæ, cum non promittant certam regulam approbatam à sede Apostolica, vt rectè docet Nauar. lib. 3. consil. de regul. cons. 81.

Hinc, Nouitij, & Nouitiæ cuius- cunque religionis approbatæ ad clausuram non tenentur. Et ratio est, quia omnia iura illam inducentia, solum de tacite, vel expresse professis loquuntur, vt rectè notat Nauar. com. 4. de regul. num. 47.

### QVÆSTIO CLIX.

*Quo iure sit clausura regularibus indicta?*

R E S P O N D E O solo iure Ecclesiastico cap. iuxta. Et cap. Monach. 1. & 2. ead. causa, & quest. vbi dicitur quod monachi à monasterio foris egredi non possunt, etiam pro utilitate illius sine superioris licentia. Et in c. Placuit el. 2. 16. q. 1. quod est Eug. Papæ, dicitur

dicitur sic. *Placuit communi nostro consilio, ut nullus monachorum pro lucro terreno de monasterio exire nefandissimo ansu presumat.* Et post pauca subiungit. *Sit clauistro suo contentus, quia ficut piscis sine aqua caret vita, ita & sine monasterio monachus.*

---

### QVÆST. CLX.

*An regularis de licentia sui superioris possit extra monasterium manere?*

**A**D hoc dico primò, quod nullus Prælatus potest facultatem facere alicui religioso, ut absque iusta, & rationabili causa extra claustrum maneat. Ratio est, quia cum egressus è Monasterio sit veritus iure communi, Prælatus inferior Papa, cui facultas demandatur in eo dispensandi, non potest id facere ex libito, sed ex iusta causa, cum sit quædam dispensatio circa legem superioris, quæ sine iusta, & legitima causa, non valet, ut cum D. Thom. testantur vniuersi.

**2** Secundò dico, quod iusta existente causa bene potest Prælatus Papa inferior, & à fortiori ipse Papa licentiam indulgere regulari manendi extra monasterium, nimirum pro vrgenti aliqua necessitate, vel vtilitate monasterij, vel suorum parentum. Nauar. *comment. 4. de regul. c. statuimus nu. 36.*

**3** Hinc, secundum eundem Nauarum, non excusantur Prælati à peccato, quando talem licentiam exeundi religiosi sibi subditis sine vlla prorsus causa concedunt, neque vero subditi sunt tuti in conscientia, qui importunè illam à superiore impetrant.

---

### QVÆSTIO CLXI.

*Quodnam peccatum committit Prælatus qui sine iusta causa dat licentiam exeundi è monasterio, & qui ea vtitur, sciens illam non esse iustam?*

**R**ESPONDEO committere solum peccatum veniale. Ratio est quia iuxta D. Tho. 2.2.q.186.ar. 9. contenta in regula non obligant ad mortale, nisi quoad essentialia religionis vota, & quoad præcepta formalia ipsius, siue superioris. Cum igitur de his non sit observatio clausuræ, clarè colligitur, ipsam non obligare ad mortale, sed solum ad veniale, dum tamen absit contemptus, vel non fiat contra præceptum formale superioris.

---

### QVÆSTIO CLXII.

*An summus Pontifex possit facultatem concedere alicui religioso, ut absque iusta causa extra monasterium maneat?*

**R**ESPONDEO non posse. Ratio est, quia quamvis Romanus Pontifex sit humanis legibus solutus quoad vim coactiuam, non tamen quoad vim directiuam, ac proinde peccat, si in ea clausura sine iusta, & rationabili causa dispense, iuxta doctrinam D. Tho. 2.2.q.96.ar. 5. & Caiet. *ibid.* Et tradit optimè Nauar. *com. 4. de regul. nu. 30.*

Illud tamen aduertant religiosi, quod Clemens VIII. in suis decretis, pro reformatione regularium, has duas fert ordinationes, quarum prima est, ut nullus è conuentu egredi audeat, nisi ex causa; & cum socio,

locio, licentiaque singulis vicibus impetrata, & benedictione accepta, qui non aliter eam concedat, nisi causa probata, sociumque exituro adiungat, non petentis rogatu, sed arbitrio suo, neque eundem sæpius: licentiæ vero generales nulli omnino concedantur.

Secunda verò est, ut degentes extra claustra conuentus ad ea reuocentur, nec de cætero, nisi ex grauissima causa sede Apostolica approbanda huiusmodi facultates concedi possint.

### QVÆST. CLXIII.

*An superiores possint dispensare cum monialibus infirmis, ut exeant à Monasteriis, ut curentur in domibus parentum?*

**A**D hoc dico primò, quod Romanus Pontifex potest dispensare cum monialibus professis, ut possint exire à suis monasteriis, ad curandam aliquam grauem infirmitatem, aut ob aliam causam iustam, ut cum communire solent sapientissimus Nauarrus capis. Statutum 19. quæst. 3. num. 49.

**2** Secundò dico, quod non possunt ordinarij concedere facultatem suis monialibus, ut possint se conferre ad domos parentum, nisi ratione alicuius incendij monasterij, aut ob aliquam infirmitatem lepræ, aut pestis, ut concessit Pius V. in quodam suo motu proprio, cuius intentio fuit prouidere communitati. Quia si non concederet in his tribus casibus licentiam, veniret in magnum eius detrimentum.

**3** Ex quo sequitur primò, prædictam constitutionem Pij V. non posse extendi ad casum, aut infirmitatem dissimilem, quæ pertinet solum ad vitam

particularem monialis infirmæ, licet dicatur à medicis, ipsam sine dubio morituram, si non se conferat ad domum parentum.

Hinc non est audiendus Nauarr. <sup>4</sup> qui in comment. 4. de regul. num. 49. & 50. teneri posse ordinarios concedere licentiam monialibus, ut possint exire à suis monasteriis, ut curentur in domibus secularium ab aliqua infirmitate graui, ultra prædictas, quamuis non sit contagiosa, nec nociua communitati. Quia hoc est expressè contra mentem dictæ constitutionis.

Secundò sequitur, prædictam constitutionem posse extendi ad alios similes casus, in quibus eadem, aut vrgentior est ratio s. ad tempus belli &c. Quia hac de causa possunt à monasteriis exire, ne tota communitas pereat. Ita Roder. par. 1. sum. cap. 43. num. 4.

Hinc, iusta huius egressus causa, est morbus gallicus, & sancti Lazari, & ignis sancti Antonij, quando moraliter loquendo intra claustra monasterij non potest illi medicina adhiberi, absque graui contagionis aliarum monialium periculo. Quia in his quoque inuenitur eadem consulendi bono communi ratio.

Tertiò dico, quod ordinarij monialium possunt ista de causa mutare aliquam illarum de vna domo in aliam, eiusdem ordinis, ut v. g. sit Abbatisa, vel Magistra Nouitiarum, vel ut præficiatur munerì ad commune totius monasterij bonum valde necessario. Quia hoc non est frangere clausuram, sed transire solum de vno in aliud monasterium ob maius bonum religionis. Nauarr. comm. 4. de regul. num. 48.

Similiter erit iusta huius egressus causa, quando is est ad nouum eius ordinis monasterium fundandum, ut Nauarr. lib. 3. conf. in 1. edit. titulo de

V v v

regul.

*regular. conf. 48. nu. 7. & in 2. edit. tit. de finit. monachorum conf. 5. nu. 7. & Roder. 10. 1. qq. regular. qu. 49. art. 5. annotarunt.*

- 7 Et idem dicendum est, quando ad alterius monasterij eiusdem ordinis reformationem est necessarius is egressus, cum hoc quoque spectet ad commune religionis illius bonum.

Similiter erit causa iusta huius egressus correctio eius monialis, quando in proprio monasterio timore cognatorum, aut alia causa corrigi commodè non potest. Quia bonum totius religionis petit corrigi moniales absque strepitu. Ita Nauar. & Roder. *supra* à quibus tamen discedit Thom. Zerula in *praxi episcopali* p. 2. verb. *moniales dub. 8. & 12.* ubi ait sacram congregationem Cardinalium decidisse non licere hunc exitum causa reformationis, aut nouæ foundationis, aut correctionis, sed in omnibus his casibus sedem Apostolicam esse consulendam.

- 8 Tandem est iusta egressus causa, quando authoritate Prælati ex iusta causa totius monialium conuentus locum mutat. Quia hoc vtilitatem totius Monasterij concernit. Vnde Concilium Trident. *sess. 25. de regular. cap. 5.* Statuit, ut monasteria monialium sita extra Urbem, aut oppidi mœnia, ad alia monasteria intra Urbem, vel oppida reducantur, si ita visum fuerit expedire Episcopis, & aliis superioribus. Ita Roder. 10. 1. qq. *regular. qu. 49. art. 5.*

- 9 Quirò, & ultimò dico, quod possunt ordinarij iusta de causa ingredi monasteria monialium sibi subditarum, licet non habeant licentiam Papæ, aut sacræ congregationis Cardinalium. Quia quando Conc. Trid. dicit neminem posse ingredi monasteria monialium sine licentia superioris, non loquitur de ordinariis, ut

sunt Episcopi, & alij superiores ipsarum, ut sunt Prouinciales ordinum, quibus subduntur, qui non solum possunt ingredi iusta de causa, verum etiam possunt aliis hanc licentiam indulgere, ut Nauar. *libro 3. conf. titulo de statu monach. conf. 6.* annotauit.

#### QVÆST. CLXIV.

*An sit iusta egressus Abbatisse causa, ut visitet monasteria sibi subiecta?*

RESPONDEO quod non. Et ratio est, quia etsi id ad bonum commune spectare videatur, at id non ad Abbatisas, sed ad Prælatos pertinet, ut definitum est à Pio V. in suo motu proprio, qui incipit: *Decori, & honestati.*

#### QVÆST. CLXV.

*An religiosi ad chorum professi, horas canonicas persolvere teneantur?*

IN hac quæstione conuenit inter omnes, Religiosos beneficiarios, vel sacris ordinibus insignitos teneri ex præcepto Ecclesiastico sub reatu mortali singulis diebus horas canonicas persolvere, ut habetur ex *cap. Si quis presbyter d. 92. & ex cap. Dolentes de celebrat. missarum.* Et ratio est, quia per ordinem sacrum accipiunt in Ecclesia statum, qui ad cultum, & laudes diuinas celebrandas est institutus, unde ratione status ad id præ cæteris obligantur.

QVÆ



et ex capite octavo, & sequentibus, ubi de officiis diuinis fit sermo.

## QVÆST. CLXVI.

*Sed dubium est, de religiosis ad sacros nondum promotis?*

- I**N qua re etiam conuenit, eos ad id teneri. Et idem iuris est de monialibus eodem modo professis, ut rectè docet Nauarrus *de oratione cap. 7. num. 21.*

## QVÆSTIO CLXVII.

*Quæstio igitur est, quo iure ad id teneantur?*

- P**ALVD. in 4. d. 15. quæst. 5. art. 1. docet eos ad id obligari iure naturali, quia ex Christiani populi bonis in eleemosynam acceptis sustentantur, & viuunt, ac proinde debent pro iis, qui bene de ipsis sunt metiti, precari.

- P**etr. Arag. 1. 2. quæst. 83. artic. 12. censet eos ad id compelli iure canonico scripto.

Caiet. in summ. verb. hora canonica fatetur, se nullo modo videre qua ratione huiusmodi religiosi teneantur, nisi consuetudine, de qua vtrum obliget, necne, multum se dubitare ait.

- 3** At verò Nauart. *de oratione cap. 7. num. 4. & cap. 21. n. 19. Tol. l. b. 2. sum. cap. 12.* & alij communiter docent eos ad id teneri, non ex præcepto Ecclesiæ, nec ex vi professionis, sed ex antiquissima, & sancta consuetudine recepta, quæ legis vim habet, vel statuto religionum.

- 4** Cæterum nostri ordinis religiosi ex vi regulæ tenentur ad persolendas horas canonicas, ut constat apertè

## QVÆST. CLXVIII.

*An Religiosi ad chorum professi, nondum sacris initiati, qui ex præcepto nostræ regulæ ad recitandum diuinum officium tenentur, obligentur ad illud sub mortali?*

**R**ATIO dubij est, quia Regula, ut diximus ad peccatum mortale non obligat.

Sed hoc non obstante, tanquam certum tenendum est, eos ad id obligari sub mortali. Et ratio est, quia quamuis hæc obligatio primum fundetur in regula, tamen eius modus obligandi etiam in nostra religione ortum habuit à cõmuni consuetudine, qua apud omnes inductum est, choristas etiam sacris non initiatos officium prætermittentes peccate mortaliter. Non deficiunt tamen viri docti, qui meros choristas semel, aut iterum diuinum officium omitteutes à peccato mortali excusent. Vide Arag. 1. 2. quæst. 83. art. 12. cui fauet Sot. lib. 10 quæst. 5. art. 3.

## QVÆST. CLXIX.

*An Nouitij ad chorum destinati persolvere diuinum officium teneantur?*

**P**ALVD. in 4. d. 15. q. 5. affirmat eos, & sicut cæteros professos ad id teneri.

Vvv 2 Qua

Quia instar professorum de elemosynis laicorum viuunt.

- 2 Sed communis est omnium opinio, eos ab hoc onere esse immunes, & liberos. Ratio est, quia nondum sunt religiosi, nec firmiter sunt diuino obsequio mancipati.

Tum quia religiosi eo ipso quod Deo sunt addicti, debetur victus, & vestitus à Religione, quamuis nullo Ecclesiasticum officium persoluant. Ita Arag. 2. 2. 4. 83. Ar. 12. Tolet. lib. 2. c. 12. Nau. de oratione cap. 7. n. 4. & multi alij.

## QVÆSTIO CLXX.

*An laici, seu conuersi ad diuinum officium persoluedum teneantur?*

- 1 **P**ALVD. in 4. d. 15. q. 5. D. Anton. 1. p. 5. 13. c. 8. Tab. verb. hora, & multi alij putant eos ad id teneri. Quia ex bonis secularium viuunt.

- 2 Sed ceteri communi consensu negant, & merito quidem, quia ut diximus, regulares nullo naturali, aut diuino iure coguntur diuinum officium persoluere, sed consuetudine vbique recepta. At consuetudo huiusmodi conuersos ab hoc onere eximit ergo.

Tum quia illorum munus in religione non est vacare exercitiis Ecclesiasticis, sed ministrare seruitiis clericorum.

- 3 Tum quia in omnibus ferè religionibus loco diuini officij conuersis imponitur certus orationum Dominicarum numerus, quem implere tenentur, & quod suo modo diuinum officium dici potest persoluedum, non est, cur mortaliter obligentur, cum neque ex consuetudine, neque

ex iure, neque alia lege eos mortaliter obligari cõstet. Immo in nostra Congregatione Fulcensi; nec ad veniale obligantur, sed ad solam pœnam. Et idem fatetur Aragona de conuersis. sui ordinis Erem. S. Aug. & summa Corona de conuersis ordinis canonicorum regularium, & ordinis Predicatorum. Secus tamen est de conuersis ordinis sancti Francisci reformati, & S. Benedicti, qui monachi nigri vocantur, qui vt author est Summa Corona, ad mortale obligantur, vt constat ex eorum statutis.

Nec obstat argumentum Palud. 4 Quia etsi conuersi ex elemosynis laicorum viuant, suo tamen modo pro illis orare censentur, dum clericis orantibus inserviunt, eos à curis temporalibus excusando, vt deuotius, & attentius Deo vacent. Quod satis est, etiam si alijs ipsi non orarent, vt iuste monasterij elemosynis viuant.

Et idem dicendum est de monialibus, religionem professis, quæ conuersæ dicuntur.

## QVÆSTIO CLXXI.

*An si religiosus destinatus ad chorum infra aliqua de causa superioris auctoritate ad conuersorum ordinem transferatur, eo ipso à diuino officio persoluedum sit liber?*

**R**ESPONDEO esse liberum. Et ratio 1 est, quia obligatio hæc recitandi non oritur ex vi, & natura religionis, sed ex consuetudine, & ex eo quod religiosus deputatur ad chorum: ergo qui iusta de causa superioris auctoritate à choro penitus liberatur, eo ipso à penso diuini officij solutus censetur.

2 Et confirmatur, nam si beneficiarius beneficium deponat, & non sit in factis constitutus, ab eodem onere eximitur: ergo similiter regularis, qui legitima autoritate à choro diuellitur, ab eodem onere liberatur. Sotus lib. 10. q. 5. ar. 3.

3 Hinc, religiosus ad tiremes damnatus, vel è monasterio per sententiam definitivam eiectus, liberari potest ab onere divini officij, si legitima autoritate superioris ab eo statu, quò erat ad chorum destinatus, ad gradum conuersorum transferatur, eo quod non sit in sacris constitutus.

### QVÆSTIO CLXXII.

*An si regularis deputatus ad chorum Romani Pontificis priuilegio extra monasterium uiuat, ab horis canonicis sit liber?*

1 RESPONDEO aut in perpetuum extra monasterium viuere permittitur, aut ad tempus solum. Si primum, ab hōris canonicis liberatur. Quia eo ipso eximitur à choro, ratione cuius, consuetudine, & vsu cuiusmodi onus existit. At si secundum, minimè, quia non est à choro in perpetuum liber.

### QVÆSTIO CLXXIII.

*An Regulares ad diuinum officium publicè, & in communi in suis monasterijs peragendum teneantur?*

1 RESPONDEO teneri vt habetur in Clem. 1. §. ne iugiter de celebrat. missarum, & in cap. 1. adiuncta glossa, verbo (persoluat) eod. tit. ubi definitur, officium diuinum publicè in Ecclesia dici debere.

### QVÆSTIO CLXXIV.

*An si Regularis absque rationabili causa choro non intersit, peccet?*

RESPONDEO eum peccare. Et ratio est, quia hæc est peculiaris chorum professio.

Tum quia ex vi iuris, & consuetudinis omnes tenentur publicè diuinum officium recitare.

Tum quia non caret culpa graui aliquem esse alicui muneri, vel ministerio deputatum, & tale ministerium non adimplere.

Tum demum, quia id nostra Regula præcipit cap. 8. & seq.

### QVÆSTIO CLXXV.

*Sed totum controuersia dissidium versatur: An aliquando peccet mortaliter?*

RESPONDEO eum peccare mortaliter, in 4. casibus.

Primò, si id facit ex contemptu.

Secundo, si contra speciale præceptum superioris.

Tertio, si ob eius absentiam chorus patitur damnum notabile.

Quarto, si crebro, per magnum temporis spatium sine iusta causa à choro se absentat. Sed hoc mihi displicet, quia consuetudo peccandi venialiter per se solum auget extensiuè numerum peccatorum venialium, & voluntarium in posterioribus peccatis ex neutro autem augmento potest colligi peccatum mortale, quia multa peccata venialia non faciunt vnum mortale, vt omnes Doctores fatentur, nec maior voluntas sufficit ad peccatum

tum mortale, si materia, & alia circumstantiæ peccati eadem sunt, vt suppono, consuetudo ergo non transfert actum de se venialem in mortalem, & per consequens qui crebro à choro se absente absque iusta causa, per se non peccat nisi venialiter.

## QVÆSTIO CLXXVI.

*Qualis numerus fratrum sufficiat, vt regulares teneantur publicè, & in communi horas canonicas persolvere?*

- R**ESPONDEO difficile esse, in hac certam regulam præscribere, cum id ex varia in religionibus choti qualitate pendeat. Vnde numerus, qui in vna sufficeret, in alia esset minime conueniens. Cæterum quamuis existimem certam regulam statui non posse omnibus religionibus communem, hoc tamen intelligitur, quando diuinum officium cum cantu celebratur, sic enim in religionibus taxari solet numerus eorum qui ad minus adesse debent in choro, vt præces horarum cum cantu persoluantur. Tamen vt solum dicantur publicè, & in communi sine cantu, & vt dicitur, in directum, sufficiunt quatuor, qui duos choros componant, nam chorus vt S. Isidor. lib. 1. de choris cap. 3. testatur, propriè est multitudo canentium.

## QVÆSTIO CLXXVII.

*An Religiosus choro deputatus possit superioris autoritate, ad statum conuersorum transferri?*

- I**N qua re certum est, non posse Prælatum subditum ordine sacro

insignitum ad statum conuersorum transferre. Quia ratione ordinis ei onus recitandi diuinum officium incumbit.

Sed dubium est de clericis professis nondum sacris initiatis.

Nauar. cap. Quædo q. 21. n. 20. de consecrat. d. 1. negat id fieri posse.

Contrarium tamen est proculdubio affirmandum cum Soto lib. 10. q. 5. ar. 3. Arag. 2. 2. q. 83. ar. 12. Petr. de Ledesm. 2. tom. sum. trael. 9. cap. 4. & Azor. lib. 10. c. 6. q. 7. Ratio huius est, quia nullatenus religionis status variatur, sed illæsus manet, nec hic ad aliam religionem transfertur, sed cum eisdem religionis votis, ligatus manet.

Deinde potest Prælatus licentiam indulgere, vt aliquis de vna religione ad aliam laxiorem transeat: ergo à fortiori poterit licentiam concedere, vt religiosus de statu clericorum, ad statum conuersorum intra eandem religionem descendat. Antecedens constat ex dictis in tertio libro. Consequentia verò probatur, nam etsi humilior sit is conuersorum status, est tamen durior, & asperior, & iuxta maiorem, aut minorem asperitatem diximus supra metiendam esse maiorem, aut minorem religionis perfectionem.

## QVÆSTIO CLXXVIII.

*Quævis, cuius Prælati autoritate hæc translatio fieri possit?*

**R**ESPONDEO Prouincialis, aut Generalis cum capituli consensu sicut de translatione ad aliam religionem æquè arctam, aut arctiorem diximus in 5. libro. Arbitror autem ad hanc translationem valide faciendam requiri iustam aliquam causam, quæ

est, vel punitio delicti, vel ineptitudo ad studium literarum.

- 2 Obiicies, P. latus non potest eximere religiosum destinatum ad chorum ab onere recitandi diuinum officium: At ab eo utique eximeret, si cum ad conuersorum statum transferre posset.

- 3 Respondeo non posse Prælaturam per se, & directè eximere religiosum ab onere diuini officij persoluendi: at posse per accidens, remouendo eum à statu clericorum.

## QVÆSTIO CLXXIX.

*An Regulares qui in religione non laborant, nec aliis spiritualibus exercitiis deservire volunt, peccant mortaliter?*

- 1 RESPONDEO eos peccare mortaliter. Ratio est, quia in professione fit quidam contractus inter religionem, & profitentes, per quem religiosis omnia necessaria ad decentem sustentationem promittit, ipsi vero seruire religioni citra ea munera, ad quæ per professionem deputantur: ergo ex iustitia tenentur regulares actus suæ professionis in religione exercere, ac laborare.

- 2 Hinc, religiosi ad chorum deputati, qui sine iusta causa diuinum officium publicè cum aliis recitare ex consuetudine omittunt, aut missam celebrare, si Sacerdos sit, & alia choris munera ex consuetudine negligunt peccant mortaliter. Et ratio est, quia religio eos ad hæc munera cum conditione conferendi illis necessaria recepit.

- 3 Hinc, Conuersi, qui in ministeriis corporalibus, ad quæ per professio-

nem deputantur, sunt notabiliter negligentes, peccant mortaliter. Ratio est, quia pactum in professione initum transgrediuntur. Et hoc est, quod S. Tho. 2. 2. q. 187. ar. 4. ait de religiosis, qui otiosi in monasteriis ex elemosynis viuere volunt, eos illicitè facere: tenet ergo D. Thomas eos peccare, & quia materia est grauis, certe peccant mortaliter contra iustitiam.

Et confirmatur, si religiosi laborantibus, & sua munera obeuntibus, Prælati eis necessaria ad victum, & vestitum denegarent, proculdubio peccarent mortaliter; non alia ratione, nisi propter dictum pactum tacitè in professione initum: ergo si ipsi non laborant, peccant etiam mortaliter contra iustitiam.

## QVÆSTIO CLXXX.

*Utrum Monachi teneantur unoquoque mense confiteri?*

- RESPONDEO teneri, vt habetur in Clem. Ne in agro de statu monach. vbi dicitur, vt singulis mensibus sacram confessionem faciant, siue in monasteriis, siue extra morentur.

## QVÆSTIO CLXXXI.

*Utrum Monachi teneantur omni prima dominica cuiuslibet mensis communicare?*

- RESPONDEO teneri, vt habetur in dicta Clem. Ne in agro. &c. vbi dicitur, vt prima dominica cuiuslibet mensis in Monasteriis venerabile sacra

sacramentum Eucharistiæ percipiant, nisi ex causa (quam Abbat, aut Prior, aut pœnitentiarius aperiant) eorumque iudicio, vel abstineant, vel accedant.

### QVÆSTIO CLXXXII.

*Quid nomine Monachorum hic intelligatur?*

**N**AVAR. in *Man. cap. 21. nu. 59.* tenet intelligi solum Benedictinos, nempe eos qui nigro habitu vtuntur, quoniam ad eos dicta Clementina dirigitur.

**2** Alij vero rectius docent, nomine Monachorum hic intelligi non solum Benedictinos, verum etiam qui vestibus albis induuntur, cuiusmodi sunt Oliuetani, Cistercienses, Camaldulenses, Carthusienses &c. Ita Azor. *lib. 12. cap. 19. qu. 17.*

### QVÆST. CLXXXIII.

*An hoc præceptum obliget etiam moniales?*

**R**ESPONDEO obligare. Ratio est, quia masculinum genus comprehendit fœmininum. Nauarrus *cap. 21. nu. 59.*

### QVÆST. CLXXXIV.

*Quomodo computandi sint menses, quibus religiosi sacram peccatorum confessionem facere tenentur?*

**R**ESPONDEO mensem esse computandum à die, qua facta est vltima sacra peccatorum confessio, ac proinde numerari debent omnes dies,

qui supersunt ex eo mense, & reliqui supplebuntur ex mense sequenti.

### QVÆST. CLXXXV.

*An si religiosus solum peccata venialia habeat, teneatur singulis mensibus confiteri?*

**I**LLVSTRISSIMVS Caiet. *10. 1. opusc. tract. 5. qu. 1.* & Nauar. *de pœnitentia cap. Placuit d. 6. num. 121. & 122.* affirmant teneri.

At Syluest. *verb. confessio 1. qu. 13.* **2** Sot. *in 4. d. 18. q. 1. art. 3.* Nauar. *cap. 21. nu. 34.* & Graff. *decis. aur. p. 1. lib. 1. ca. 10. nu. 2.* negant religiosum ad id obligari. Ratio huius est, quia Clementina illa *Ne in agro de statu monachorum*, nullatenus communem canonem, vtriusque sexus de pœnit. & remiss. mutat, sed solum tempus abbreviatur, vt quomodo omnes tenentur fideles singulis annis confiteri, si habent peccata mortalia, ita monachi teneantur singulis mensibus.

### QVÆST. CLXXXVI.

*An si in prima dominica mensis religiosus extra Monasterium commoretur, accedere ad Eucharistiam teneatur?*

**R**ESPONDEO non teneri. Ratio est, quia in dicta Clement. dicitur (in monasterio percipiant) cum tamen de sacra peccatorum confessione, dicat, confiteantur singulis mensibus, siue in monasterio, siue extra commorentur.

QVÆ

## QVÆSTIO CLXXXVII.

*An hoc preceptum usu, & consuetudine abrogari queat?*

- R**ESPONDEO posse. Ratio est, quia est humanum. Vnde ubi ea consuetudo inoleuit, ne religiosi singulis mensibus confiteantur, aut ne prima cuiuslibet mensis dominica ad sacram communionem accedant, non est talis consuetudo damnanda.

## QVÆSTIO CLXXXVIII.

*An religiosus factus Episcopus, vel Cardinalis eo ipso à tribus religionis votis sit liber?*

- I**N qua re conuenit inter omnes, teneri hunc Episcopum, vel Cardinalem, qui fuit religiosus, ad castitatem seruandam, sicut antea tenebatur absque vlla restrictione.

## QVÆST. CLXXXIX.

*Sed totum controuersia dissidium consistit: An religiosus Episcopus creatus à voto obedientie, & paupertatis sit liber?*

- A**NGLES floribus 2. p. qu. unica de voto tenet hunc religiosum Episcopum electum, esse his religionis votis absolutum.
- C**ommunis tamen, & vera opinio docet eum nequaquam esse votis solemnibus solutum. Et ratio est, quia hic manet verus religiosus. At hæc vota sunt de essentia status religiosi

c. Cum ad monasterium de statu monachorum: ergo manet strictus his votis.

Tum quia nulla est necessitas dispensandi cum illo in his votis, utpotè quæ officio episcopali non obstant, nec dignitatem dedecent, sed magis iuuant ad perfectionem vitæ. At Romanus Pontifex nequit absque iusta causa in illis dispensare: ergo non dispensat eo ipso quod religiosus ad sedem Episcopalem assumitur.

Tum quia, etsi superior Generalis nulli superiori religionis obtemperare teneatur, sed soli Pontifici, non ob id à voto obedientie eximitur, cum id per accidens sit, eo quod superiore alium non habet: ergo idem dicendum est de Episcopo: per accidens enim superioribus religionis obedire non tenetur, eo quod amplius eorum authoritati non subiicitur, sed solum Romano Pontifici subditur.

Et est conclusio definita in cap. de monach. 16. qu. 1. ubi dicitur de monachis, qui diu morantes in monasteriis, si postea ad clericatus ordines peruenerint, statuiamus non debere eos à priori proposito discedere. Atque ita tenent D. Thom. 2. 2. qu. 88. art. 1. 1. ad 4. & qu. 185. art. 8. ad 3. & 4. sent. dist. 18. qu. 1. artic. 4. Caiet. 2. 2. qu. 185. art. 8. Sor. lib. vi. quæst. ult. art. ult. Arag. 2. 2. qu. 88. art. 1. 1. Nauar. comm. 3. de regul. nu. 46. Henric. lib. 10. de sacramento ordin. cap. 32. nu. 5. Azor. lib. 12. cap. 7. q. 1. Valent. 1. 2. d. 10 q. 1. p. 8. Less. lib. 2. cap. 47. dub. 19. & Vasq. 1. 2. q. 95. art. 4. d. 165. cap. 8.

Quare non placet, quod tradit Sotus ubi supra asserens obedientiam, quam religiosus Episcopus antea præstare cogebatur religionis Prælati, commutatam esse in obedientiam summi Pontificis. Quia cum Pontifex sit omnium religiosorum supremus Prælati, cui potissimum religiosi votum

obedientia emittunt, non mutatur obedientia aliorum Prælatorum in hanc, sed ea cassata, manet hæc.

- 6 Hinc, religiosus ad dignitatem episcopalem promotus manet astrictus obtemperare Pontifici non solum generali obedientia, qua omnes Christi fideles tenentur ei obedire, & alia peculiari debita ratione iuramenti obediendi ipsi, quod omnes Episcopi præstant, sed etiam peculiari voto obedientia, quod omnes religiosi in solemnī professione emittunt, ut recte docent Henric. lib. 10. de sacram. ord. cap. 33. & Suar. tom. 2. de relig. ar. 1. de voto lib. 1. cap. 7. nu. 10. & alij.

- 7 Hinc, potest Pontifex virtute illius voti præcipere religioso ad Episcopatum promotum ea omnia, quæ sunt secundum religionis illius regulam, sicut ea potuissent præcipere superiores religionis, antequam ad dignitatem Episcopalem ascenderet. Ratio est, quia votum obedientia secundum regulam in religione emissum, non est cassatum, sed integrum perseverat respectu Pontificis.

Hinc, potest religiosus ad religionem reduci ab ipso Pontifice. Quia respectu Pontificis votum obedientia in ea religione emissum manet illæsum, & solo ipsius Pontificis privilegio est exemptus ab obedientia cæterorum Prælatorum religionis: ergo potest ab ipso Pontifice ad pristinam religionis obedientiam reduci. Et ita tenet Vasq. 1. 2. q. 96. art. 4. disp. 165 cap. 8. nu. 93.

- 8 Ex quo inferitur, Episcopum depositum redeuntem ad monasterium indigere nouo obedientia voto, aut ut denuo Pontifex, qui est omnium religiosorum supremus Prælatum, eum subiiciat religionis Prælati, ad hoc ut teneatur illis obedire. Et ratio est, quia cum omnino exemptus sit ab illorum

obedientia, non potest se illis obstringere, nisi nouo voto, aut nisi summus Pontifex, qui est suus superior illis eum subiiciat.

## QVÆSTIO CXC.

*An religiosus Episcopus creatus, sit à voto paupertatis exemptus?*

ET quidem certum est, teneti hunc ex vi voti repudiare dominium bonorum temporalium.

Sed dubium est, An huiusmodi religiosus Episcopus electus à voto paupertatis sit liber, acquiratque dominium reddituum Ecclesiasticorum, sicut alij Episcopi seculares?

Sorus egregius Thomista lib. 7. q. 4. art. 2. Michael à Medina lib. 5. de sacrorum hominum continentia cap. 26. Vasq. 1. 2. q. 96. art. 4. disp. 165. cap. 8. num. 91. & 104. & Angles in materia de voto tenent religiosum ad pastorem dignitatem euectum eximi à paupertatis voto, efficique verum dominum reddituum Ecclesiasticorum instar Episcoporum secularium.

Cæterum nullatenus placent mihi hæc sententia, sed existimo eum non absolui à paupertatis voto, nec effici dominum reddituum Ecclesiasticorum, sed solum administratorem. Et ratio est, quia huius voti obligatio est de intrinseca natura religionis, ut aperte definitur in capite Cum ad monasterium, de statu monach. Sed religiosus per Episcopatum non desinit esse religiosus: ergo hoc voto non liberatur.

Tum quia vota, quæ talis in religione emisit, non laxantur, neque limitantur, nisi quatenus eorum observantia officio episcopali obstat, tanquam maiori bono, sed huic mi-

nime



nimè obstat abdicatio omnis dominij, dummodo talis Episcopus habeat plenam administrationem omnium bonorum Ecclesiasticorum, qualem Iura illi permittunt, tum ad suam sustentationem; tum ad causas pias: hæc enim administratio sufficit ad tales actus.

- 4 Ex quo sequitur, Episcopum regularem eorum, quæ post dignitatem Episcopalem acquirit non habere verum dominium, sed tantum plenariam potestatem, ut ea dum vivit in quolibet vsus decentes expendat, post mortem verò ad illius Ecclesiam, cui præest, non vero ad monasterium pertinebunt, ut habetur ex cap. *si iuratum* 18. q. 1. Et ideo sentiunt D. Thom. 2. 2. *quest.* 88. *art.* 11. ad 4. & *quest.* 185. *art.* 8. ad 3. & in 4. *sentent.* d. 38. *quest.* 1. *art.* 4. *quest.* 1. ad 5. Navar. *comm.* 1. de regular. nume. 31. & *comm.* 2. num. 17. & *comm.* 3. num. 46. Arag. 2. 2. *quest.* 88. *art.* 11. Valent. 2. 2. d. 10. *quest.* 3. *part.* 8. Cord. cap. 2. super regul. S. Franc. *quest.* 20. *part.* 3. Azor. lib. 32. ca. 7. *quest.* 2. Hentique lib. 10. de sacram. ordi. cap. 32 num. 5. Roder. tom. 2. qq. regular. *quest.* 58. *art.* 3. & p. 2. sum. ca. 10. num. 4. & plerique alij.

### QVÆSTIO CXCI.

*An religiosus Pontifex electus eo ipso à tribus religionis votis sit liber?*

- 1 **R**ESPONDEO non esse liberum. Quia militant in eo rationes traditæ de alijs Episcopis. Et per accidens est, ut nulli omnino subiectus sit, ex eo quod in terra superiorem non habeat. Atque ita tenent Navarr. *comm.* 2. de regular. nume. 17. & Arag. 2. 2. *quest.* 88. *art.* 11. qui ad-

dit dominium bonorum temporarium manere apud Christum dominum. Non tamen est incapax eius dominij, acquirendi, si de facto contra votum paupertatis vellet acquirere quia hæc incapacitas non provenit ex natura voti, sed ex Ecclesiæ constitutione, cui Pontifex non subditur.

### QVÆST. CXCI.

*An religiosus ad dignitatem Episcopalem electus, à regularibus observantiis sit liber?*

**D**IFFICULTAS hæc non est de observantiis non obligantibus ad culpam: ab iis enim constat, eum esse liberum, sed de illis, quæ secundum statutum ordinis obligant ad mortale, vel veniale.

Et quidem certum est, eum esse liberum à regularibus observantiis, quantum ad penas, & censuras, quæ in illis in transgressores indicuntur. Quia dedecet dignitatem Episcopalem, ita eum ad huiusmodi observantias teneri, ut si transgrediatur, subditus sit penis in illis decretis. Ita Caiet. 2. 2. *quest.* 185. *art.* 8. Soc. lib. ult. qu. ult. *art.* ult. Azor. lib. 12. cap. 7. q. 4. & communis.

### QVÆST. CXCI.

*Sed dubium est, An remaneat liber quoad culpam?*

**I**N qua re etiam est certum, eum absolui ab iis religionis observantiis, quæ officio Episcopali obstant, aut eius dignitati non congruunt, qualia sunt solitudo, clausura, silentium, & alia huiusmodi, ut rectè docet

XXX 1 D. Tho.

D. Tho. 2.2.q.185.ar.8. & q.88.ar.11.  
ad 4. Ab aliis autem obseruantis, que  
per se, nec promouent perfectionem,  
nec etiam impediunt, sed in casu so-  
lum, iuxta varias circumstantias, potest  
talis Episcopus secum dispensare pro  
ratione loci, temporis, & personarum,  
cum quibus agit, sicut potuisset Præ-  
latus dispensare cum illo, si adhuc  
subditus maneret, vt docet idem D.  
Tho. 2.2.q.185.ar.8.

## QVÆSTIO CXCIV.

*Sed totum controuersia disidium  
consistit, de ceteris religionis ob-  
seruantis, quæ Pontificum mu-  
nus non impediunt, nec dignita-  
tem dedecent, sed per se, vel in  
casu magis iuuant ad perfectio-  
nem vitæ?*

1 **ILLVSTRISS.** Caiet. 2.2.q.185.ar.8.  
Negat eum esse liberum. Ex quo  
infern. religiosum cui secundum Re-  
gulæ statuta interdictus est vsus car-  
nium in feria sexta, peccatum mortale  
committere, si ad Episcopatum as-  
sumptus eis vescitur feria sexta in  
quam incidit Natale Domini. Quia  
cap.explic.de obseruat. ieiun. vbi indul-  
getur esus carniū illa die, excipiuntur  
qui ex voto, vel regulati obser-  
uantia tenentur illa die ab illis absti-  
nere.

2 **Contratamen,** & meo iudicio pro-  
babilius sentiunt Nauar. lib.3 conf.iii.  
de regul.conf.15.n.11. Valent. 2.2.diff.  
10.q.3.p.8. Azor. lib.12.c.7.q.4 & Ro-  
der. 2.p.sum.cap.10.n.4 nimirum eum  
non obligari sub peccato ad illas ob-  
seruantias, præter vota, sed tantum ex  
quadam honestate, ac decetie debito.  
Ratio est, quia vt obseruantia regu-

laris obliget aliquem sub peccato, ne-  
cesse est, talem subiectum esse regu-  
læ, & Prælati, lex enim obligat tan-  
tum subditum. At religiosus factus  
Episcopus liberatur à iugo regulæ, vt  
patet ex illo can. Statutum 18 q.1. et-  
go transgrediens in nullam incidit  
culpam. Eandem opinionem sequitur  
Caiet. sibi contrarius in opusc. tom. 1.  
tract. 25. de obligat. præceptorum q.2. vbi  
sic ait: Episcopum vi statuti, aut legis,  
& constitutionis non cogi seruatore re-  
ligionis statuta, sed solum ex honesta-  
te rationis, & debito morali. Idem te-  
net Sotus lib.10.q.5.ar.7. vbi ait, non  
magis obligari ad regulas religiosum  
Episcopum electum ex ordine Præ-  
dicatorum, in quo illæ ad nullam cul-  
pam obligant, quam electum ex or-  
dine Minorum, in quo multæ sub  
mortali astringunt, cum vterque reli-  
giōsus transgrediens sit omnis culpæ  
immunis, vt potest qui ad eas solum ex  
honestate rationis, & vinculo morali  
tenetur. Couar. cap.1.n.18. de testam.  
Angles in materia de voto, Emm. Sæ  
verb. Episcopum n.11. & plerique alij.

Ex quo deducitur primo religio-  
sum factum Episcopum ex ordine S.  
Francisci nullatenus peccare, sed pos-  
se licite carnes comedere in die Na-  
tiuitatis Domini, quando cadit in fe-  
riam sextam. Quia iam liber est à le-  
gali regulæ obligatione. Ita Caiet.  
Sot. Couar. & alij vbi supra.

Secundo deducitur, eum esse li-  
berum ab onere, & penso diuini offi-  
cij persoluendi secundum formulam  
regulæ monasticæ præscriptam. Quia  
regere Ecclesiam debet iuxta mo-  
rem, & vsum clericorum, qui-  
bus præest. Azor. lib.

2. cap.7. q.4.

\*\*\*

QVÆ

## QVÆSTIO CXCIV.

*An si religiosus ille Episcopus creatus, esset ex familia Minimorum, peccaret mortaliter edendo carnes?*

**E**T videtur quod sic, quia dicitur *seximus cap. Explicari de observatione ieiun.* excipit eos quoque qui ex voto tenentur à carnibus abstinere. At hi religiosi solemne huius abstinentiæ votum emittunt: ergo.

**A**t verius est, eum posse carnibus vesci. Quia religiosus Episcopus immunis manet à votis, quæ præter substantialia ex religionis præscripto emittuntur, ut latè probat Sanch. *tom. 2. operis moralis lib. 6. cap. 6. numero 15.*

## QVÆSTIO CXCVI.

*A quo tempore religiosus Episcopus creatus eximatur ab obedientia Regule, & Prælatorum?*

**R**ESPONDEO à die confirmationis. Et ratio est, quia ab illa die est initum matrimonium inter ipsum, & Ecclesiam, & ita est sub speciali Romani Pontificis obedientia, & ex tunc iurisdictionem spiritualem exercere valet: ergo ex tunc ita censetur Romano Pontifici subiectus, ut à cæterorum superiorum obedientia, & à cæteris regulæ observantiis eximatur.

## QVÆSTIO CXCVII.

*An religiosus ad dignitatem Epi-*

*scopalem effectus privilegii sue religionis gaudeat?*

**R**ESPONDEO non gaudere. Ratio est, quia sicut liber est ab obedientia Regulæ, & superiorum regularium, ita quoque privilegiis sue religionis non gaudet. Ita Roder. *10. 2. qq. regular. q. 58. ar. 4.* qui affert motum Sixti I V.

## QVÆSTIO CXCVIII.

*An ea omnia dicta de religioso Episcopo electo locum habeant in religioso ad Cardinalatus dignitatem promoti?*

**R**ESPONDEO quod sic. Ratio est, quia Cardinalis in sua Ecclesia titulari habet iurisdictionem quasi Episcopalem, ut tenent Azor. *lib. 12. cap. 7. q. 4.* Roder. *tom. 2. qq. regul. q. 58. ar. 7.* & Sanch. *tom. 2. operis moralis lib. 6. cap. 6. n. 34.* Idem dicendum est de religioso promoti in Abbatem, aut aliam dignitatem habentem propriam diocæsim nulli Episcopo subiectam. Quia huiusmodi Prælati habent iurisdictionem quasi Episcopalem.

## QVÆSTIO CXCVIX.

*An religiosus Episcopus creatus teneatur deferre habitum sui ordinis?*

**R**ESPONDEO teneri. Ratio est, quia hæc obligatio non ex regulæ præscripto, sed iure canonico, & consuetudine communiter recepta oritur. Nec hoc eius officio obstat,

Xxx 3 &

& est veluti quoddam signum obligationis ad vota regularia quibus astrictus est. Et est conclusio definita in cap. Clerici officia de vita, & honestate clericorum, ubi constitutum est, ut monachi in Episcopali gradu constituti habitum regularem gestent, ac teneant. Et ideo ita sentiunt D. Thomas 2. 2. *quest.* 185. *art.* 8. Sotus *lib.* 6. *quest.* 6. *art.* 6. Navar. *lib.* 3. *conf.* 11. de *regul. conf.* 15. *num.* 11. Emmanuel Sà *verb.* Episcopus *nu.* 11. Henriquez *lib.* 10. de *sacr. Ord.* *cap.* 32. *num.* 5. Roder. *tom.* 2. *qq. reg. quest.* 51. *art.* 3. & Azor. *lib.* 12. *cap.* 7. *quest.* 4.

## QVÆSTIO CC.

*An si Religiosus factus Episcopus sine causa habitum religionis deponat, sit excommunicatus?*

**I**N qua re convenit inter omnes, cum peccare mortaliter, si sine rationabili causa id facit, erubescendo, & contemnendo insignia suæ matris, quæ cum aluit, & ad altiorem statum euexit.

Sed quod in dubium vertitur est: An incidat in excommunicationem?

**1** Maiolus *lib.* 2. de *irregular. cap.* 1. *num.* 13. Syluester *verb.* religio 7. q. 11. & Henricus *lib.* 10. de *Sacram. ord.* *cap.* 33. *fin.* censent eum esse excommunicatum.

Couar. de *testam. cap.* 2. n. 18. fateatur rem sibi esse dubiam, & inclinat in partem negatiuam.

**3** At verò alij rectius sentiunt eum non incurrere excommunicationem. Et ratio est, quia textus *cap. Vi perisulosa*, loquitur de religioso sub supe-

riorum potestate constituto, cuiusque regulis astricto.

At religiosus Episcopus electus est à superiorum cura, & potestate liber.

Tum quia talis excommunicatio fertur, ne detur religioso materia vagandi, dimisso habitu, eo quod à nemine cognosceretur, quod in Episcopo religioso deficit, vtpotè qui induens Episcopalem habitum minus aptus erit ad vagandum. Et ideo ita sentiunt Azor. *lib.* 12. *cap.* 7. *quest.* 4. & Roder. *tom.* 2. *qq. regul. quest.* 58. *art.* 3.

Est tamen hic aduertendum, quod in rituali Romano per Clementem VIII. reformato concessum est Episcopis regularibus, ut temento colore habitus suæ religionis possint se conformare cum Episcopis secularibus in forma, seu figura illius, & ita seruetur modo in praxi, ut Sanchez *lib.* 6. *cap.* 6. *numero* 21. annotauit.

## QVÆSTIO CCI.

*An Religiosus Episcopus creatus ratione regula, constitutionisve socium ex eodem ordine habere teneatur?*

**R**ESPONDEO non teneri, nisi ex solo honestatis, ac decentiæ debito. Ratio est, quia hæc obligatio solum ex regule, constitutionisve præscripto confurgit, quæ ut diximus, ex solo honestatis debito ligant.

QVÆ

## QVÆSTIO CCII.

*An si postea religiosus pastorem dignitatem deponat, ad monasterium redire compellatur?*

**P**ALVD. in 4. d. 38. q. 4. ar. 3. Abulens. cap. 30. Num. q. 109. Arag. 2. 2. q. 88. ar. 11. & Azor. lib. 12. cap. 7. si me, tenent eum ad id compelli; ducuntur primo, quia communi omnium sententia, Episcopus tenetur ad omnia religionis onera, quæ munus Pontificum non impediunt, nec de decent. At huiusmodi est, tunc redire ad monasterium, & eius Prælati obedire.

Tum quia, si quispiam religiosus alicui ordinis monasterio præficiatur, & postea eam præfecturam deponat, tenetur ad pristinum monasterium redire.

Tum quia qui simplici voto ligatus, matrimonium contrahit, ac consummat, defuncta vxore, cogitur à secundo matrimonio abstinere: ergo cum deposito Episcopatu, vel papatu cessauit impedimentum redeundi ad religionem, & eius obseruantiam exequendi, tenebitur ad hoc.

Tandem, quia sic fecisse multi perhibentur, nam Cælestinus Papa hoc nomine V. Pontificatu deposito ad monasterium rediit.

**2** Sed quamuis sententia hæc sit valde probabilis, probabiliorem tamen iudico contrariam, nimirum hunc ad id non teneri, sed manere in perpetuum exemptum sicut prius. Ducor quod ratione dignitatis Episcopalis eum eo legitime dispensatum sit, exemptusque sit ab obligatione obediendi Prælati religionis, & obseruantie regularis. At hæc non cessat deposito Episcopatu: er-

go ad pristinum religionis statum se conferre non tenetur. Quod est verum, siue deponatur ob demeritum, siue ob spontaneam renunciationem. Secus, si ex propria culpa ita depositus degradaretur, quia cum per degradationem exuatur omnibus priuilegiis ratione dignitatis concessis, cessabit quoque prædictum exemptionis priuilegium, & tenebitur ad religionem redire. Et ideo huius opinionis sunt Nauarr. lib. 3. consil. tit. de regul. consil. 15. num. 11. Erismann. Sæ. verb. Episcopus num. 11. Henric. lib. 10. de Sacram. ord. cap. 32. Roder. tom. 3. qq. regul. q. 52. ar. 26. & plerique alij.

Nec obstant contrariæ partis argumenta. Nam ad primum respondeo religiosum effectum Episcopum teneri ad obseruantiam regularem solum de honestate, & eodem modo tenebitur in hoc casu ad monasterium redire, non autem sub culpa.

Ad secundum nego similitudinem. Quia Abbas ille tantum eximitur ad tempus, at Episcopus eximitur in perpetuum.

Ad tertium dico esse disparem rationem, quia cum eo non est dispensatum in illo voto, sed eius vis omnino manet, licet obligatio executionis ob vinculum fortius superueniens impediatur. At cum Episcopo religioso sit dispensatio in perpetuum.

Ad vltimum dico eos sic fecisse solo decentiæ debito, non autem legali.

## QVÆSTIO CCIII.

*An qui temere sua religionis habitum dimittit, sit ipso iure excommunicatus?*

RESPON

**R**ESPONDEO esse ipso iure excommunicatum, ut constat *ex c. Periculosa in 6.*

### QVÆSTIO CCIV.

*Quæ, & quotnam conditiones exigantur, ad hanc excommunicationem incurrendam?*

**R**ESPONDEO quatuor. Prima est, dimissio habitus facta à religio professo.

Secunda, ut habitus illa dimissio sit suæ religionis.

Tertia, ut dimissio illa sit temeraria, idest absque causa iusta.

Quarta, & vltima, ut talis sit dimissio, quæ attentis circumstantiis sit apta ad periculose vagandum. Ita Caietan. *in summ. verb. excommunicatio cap. 61.* Valent. 2. 2. d. 1. qu. 12. p. 1. & Bañ. 2. 2. qu. 12. art. 1.

**2** Hinc, si simplices Nouitij, vel Donati nostræ congregationis, aut Tertiarij ordinis S. Dominici, vel Francisci, habitum deponant, vel clam, ut è monasterio exeant, & redeant, vel absolurè, ita ut nunquam redire intendant, hi non sunt excommunicati, quia non sunt religiosi professi.

Hinc qui Pontificis priuilegio habitum suæ religionis dimittit, in hanc excommunicationem non incurrit. Quia temerè habitum non dimittit.

**3** Hinc, qui ex iusta, & rationabili causa habitum deponit, cum intentione illum reassumendi, non peccat, nec pœnam excommunicationis incurrit, ut si religiosus gratia lauandi, vel mundandi, vel causa morbi, vel metu mortis, vel periculi, aut mali aliqui grauioris habitum dimittit.

Ratio est, quia hæc non est temeraria habitus dimissio.

Est autem hic aduertendum, quod ad excusandum ab hac excommunicatione non necessariò requiritur causa omninò iusta, & sufficiens ad liberandum à culpa habitus dimissionem, sed satis est, ac sufficit, ut causa sit apparens, quamuis à culpa non excuset ob ignorantiam culpabilem, vel imprudentem timorem. Quia quamuis tunc ea habitus dimissio sit mala, non est tamen temeraria. Ita Suar. 5. tom. in 3. p. d. 23. sect. 4. nu. 26.

### QVÆSTIO CCV.

*Quanam ignorantia à temeraria habitus dimissione excuset?*

**S**APIENTISSIMVS Nauar. *cap. 17. num. 17.* putat solam ignorantiam inuincibilem ab hac temeritate excusare.

At verius existimo excusare ignorantiam, etsi crassa sit, & supina. Quia ut recte suo more Suarez *ubi supra d. 4. section. 10. num. 3.* annotauit, hæc particula, *temere* idem est, quod *scienter*. At quando lus punit eos qui *scienter*, aut *temere* aliquid faciunt, excusat ignorantia crassa, & supina, ut latè probat Sanchez *lib. 9. de matrimonio d. 32. num. 36.*

Tum quia ista particula, *temere*, importat propriè aliquid facere ex contemptu legis ut docet Caietan. 2. 2. *questione 53. articulo 3.* At qui ex ignorantia crassa aliquid facit, dicitur quidem ignoranter facere, non tamen temerè, nec cum legis contemptu. Secus si ignorantia affectata, aut adeò crassa, ut esset quasi scientia, & ingens temeritas. Ita Suar.

Suar. 5. 10. in 3. p. d. 4. sect. 10. nu. 3. & Sanch. lib. 9. de matrimonio, diffinitione 31. nu. 39. & 40.

## QVÆST. CCVI.

*An ad hanc excommunicationem contrahendam necessario apostasia à religione requiratur?*

- R**ESPONDEO non requiri. Ratio est, quia textus capituli *Vt periculosa* solos relig. osos temerè habitum suæ religionis deponentes excommunicat. Hæc autem dimissio potest absque apostasia fieri, & è contra potest esse apostasia absque hac dimissione, ut ex infra dicendis patebit. Vnde religiosus deponens temerè habitum absque animo apostatandi, eam excommunicationem contrahit, & è contra quantumvis apostata sit, si non deponit habitum, non eam incurrit. Ita Nauar. lib. 5. conf. de apostat. conf. unico nu. 7. Valent. 2. 2. d. 1. q. 12. p. 1. Roder. 10. 1. qq. regul. q. 30. ar. 1. & alij.

## QVÆSTIO CCVII.

*An ad hanc excommunicationem contrahendam necessaria sit una cum sui habitus dimissione, alterius habitus assumptio?*

- S**UAR. 5. 10. in 3. p. d. 23. sect. 4. nu. 18. negat. Quia textus dicti cap. solum punit temere deponentes habitum suæ religionis. Tum quia ea sola habitus dimissio dat sufficientem vagandi causam, quæ eius prohibitionis ratio præcipua fuit.
- 1** Sed quamvis sententia hæc sit valde probabilis, probabiliorem tamen iudico contrariam, nimirum exigi

quoque ad hanc excommunicationem alterius habitus assumptionem.

Tum quia ut ipse etiam Suar. ead. 3. sect. 4. nu. 27. testatur, tunc proprie aliquis habitum dimittit, quando alterum habitum assumit, ad se occultandum, & incedendo eo modo. At cum simus in materia odiosa, verba sunt in propria significatione accipienda.

Tum demum, quia moraliter loquendo (sola proprii habitus dimissio non dat materiam vagandi; non enim homines nudi vagari solent. Et ideo hanc partem sustinent Nauar. cap. 27. num. 131. Tolet. lib. 4. cap. 18. num. 3. Bañ. 2. 2. quest. 12. ar. 1. Roder. tom. 2. qq. reg. quest. 76. artic. 6. Valent. 2. 2. d. quest. 12. p. 1. Sa verb. excommunic. ubi de non reservatis nu. 9. & multi alij.

## QVÆSTIO CCVIII.

*An Religiosus qui in casu illicito habitum deponit, eo ipso in excommunicationem incidit?*

**R**OSELLA verb. excommunicatio 1. excommunicatione 16. absolute affirmat eum in excommunicationem incidere.

Communis tamen sententia est in contrarium, cui subscribendum censco. Quia non quælibet illicita habitus dimissio dicitur temeraria. Nauar. cap. 27. num. 131. Roder. 10. 1. qq. reg. q. 76. ar. 6. & Azor. lib. 12. cap. 17. qu. 9.

Hinc religiosus, qui intra, vel extra monasterij septa quadam animi leuitate ad horam habitum suæ religionis dimittit, ut dulcius somnum capiat, vel expeditius currat, aut salter, vel lapidem proiciat, vel ut se in

Yyy thum.

flumine lauet, non est excommunicatus, quia temere habitum non dimittit: quod est verum, etsi eo breui tempore religiosus ille alias vestes, habitu suæ religionis deposito induat. Suar. §. rom. in 3. p. d. 23. scilicet. 4. num. 27. & 29. Immo secundum Cacerianum *verb. excommunicatio cap. 61.* qui deponit habitum etiam per totam diem domesticè manendo; excommunicationem non incurrit, si secularium conspectui non se exhibeat. Ratio huius est, quia hæc non est temeraria dimissio.

Tum quia in hoc casu cessat ratio legis, quæ pro causa adducit vagationem scandalosam.

Quare optime Syluest. *verb. excommunicatio 9. casu 24. num. 53.* Nauarr. *cap. 27. num. 13 1.* & Roder. *rom. 2. qq. regul. quest. 76. artic. 6.* tradunt religiosum induentem ad breue tempus vestes virgatas, vel partitas clericis omnino interdictas, ut festum amici celebret, ut nuptias, primum sacrum, doctoratum, non inuolui hac censura.

### QVÆST. CCIX.

*An qui ad breue tempus habitum dimittit causa dinagandi, aut eundi ad lupanar, ut dimittens incognitus incedat, hanc excommunicationem incurrat?*

**E**T quidem tertum est apud omnes, huic peccare, vel contra suam regulam, vel contra debitam decentiam, & modestiam, vel quia præbet scandalum, vel ex intentione mala.

Secundò etiam certum est, hunc qui habitum dimittit, ut in cella cum muliere dormiat, non esse excom-

municatum. Quia hic quamuis re vera habitum deponat, & grauiter peccet, quia dimittit, ut expeditius peccet, non tamen dimittit, ut liberius vagetur, aut sumat alium, sed deponit voluntate statim reassumendi.

### QVÆSTIO CCX.

*Sed dubium est, quando hic eo breui spatio dimisso proprio habitu suæ religionis, alium assumit, causa dinagandi, aut eundi ad lupanar?*

**S**YLVEST. *verb. excommunicatio 9. num. 51.* Sayr. *de censuris lib. 3. cap. 33. num. 13. & 14.* & Roder. *p. 1. sum. cap. 43. num. 1.* affirmant hunc esse excommunicatum. Et hanc opinionem tenet etiam Suar. §. 10. in 3. p. d. 23. scilicet. 4. nu. 31.

Cæterum nullatenus placet mihi hæc sententia, sed existimo hunc non incurrere excommunicationem. Et ratio est, quia ut quis hanc censuram incurrat, requiritur ut habitum suæ religionis moraliter dimittat. At dimissio momentanea non dicitur moralis dimissio, ut constat ex *l. diuortium ff. de diuortio.*

Tum quia, licet ea dimissio momentanea ratione prauæ intentionis sit grauis, at in ratione dimissionis temerariæ, quæ sola subicitur huic censuræ, censetur leuis, & moraliter loquendo potius expoliatio, quam dimissio dici debet. Et ideo hanc sententiam sustinent Tolet. *lib. 4. cap. 18. num. 3.* Emman. *sa. verb. excommunicatio vbi de non reseruat. num. 9.* & Azor. *lib. 12. cap. 13. q. 5.*

QVÆST.



## QVÆSTIO CCXI.

*An religiosus qui intra monasterij claustra temere habitum deponit, sit excommunicatus?*

1 **ANGEL.** verbo excommunicatio 7. casu 27. negat. Quia putat hanc iuris pœnam non contrahi, nisi religiosus habitum extra monasterium dimittat. Nam in cap. *Vi periculosa* dicitur *Qui in scholis, vel alibi.* Et quoniam in eo etiam capite causa redditur, vt libera euagandi occasio religiosi præcidatur.

2 Rosella verb. excommunicatio 1. casu 16. dicit hanc opinionem Angeli esse post factum amplectendam, at ante factum contrariam esse veriorem.

3 Alij vero vt Syluest. verb. excommunicat. 9. num. 54. Nauarr. cap. 27. num. 131. & Azor. lib. 12. cap. 17. question. 25. affirmant. Et ratio huius est, quia textus dicti cap. *Vi periculosa* solum habitus dimissionem puniit. Et quamuis hic religiosus intra septa monasterij existens, actu non vageretur, ea tamen dimissio, affert euagandi ansam, quam textus ea pœna interdixit. Quam opinionem censent esse veram Roder. tom. 2. qq. regul. question. 76. artic. 6. & Sayr. de censuris lib. 3. cap. 33. num. 13. & 14. quando in monasterio habitu religionis dimisso, in alio habitu laicorum oculis patet, aut se illis obicit.

## QVÆST. CCXII.

*An religiosus qui sine habitu dormit peccet mortaliter?*

**R**ESPONDEO minime. Et ratio est, quia hoc nullo iure cauetur.

Tum quia Ius clamat solum contratemerarium habitus dimissionem, quando videlicet religiosus habitus exutus, alioque assumpto oculis secularium patet ad tollendum scandalum; ergo eo cessante, non erit ibi temeraria habitus dimissio, aliter talis non solum peccaret mortaliter, verum etiam esset excommunicatus, quod nullus dicit.

Nec obstat Regula sancti Benedicti dicentis, vt monachi vestiti dormiant. Quia huiusmodi præceptum cum sit circa rem leuem, non obligat ad mortale.

## QVÆSTIO CCXIII.

*An qui non totum habitum, sed aliquam partem eius dimittit, hanc excommunicationem incurras?*

**R**ESPONDEO non incurtere, si ea quæ retinetur, est proprius habitus religionis, quo satis cognosci possit. Ratio est, quia ista dimissio non est dimissio simpliciter, sed solum ex parte, & secundum quid.

## QVÆSTIO CCXIV.

*An qui suæ religionis habitum ita abscondit sub pallio, ut nihil foris prorsus appareat, sit excommunicatus?*

**E**T quidem certum est, eum qui ob iustam causam habitum ita occultat, ut puta quia equitat, & non vult agnosci, cuius religionis sit, nec peccare, nec poenam excommunicationis incurrere, ut habetur expressè in cap. *Dei qui, de vita, & honest. clericorum.*

Sed dubium est de eo, qui ex causa non rationabili, vel illicita habitum abscondit.

In qua re etiam convenit inter omnes, eum peccare mortaliter.

## QVÆSTIO CCXV.

*Sed totum controversia dissidium versatur, an etiam incidat in excommunicationem.*

**I**LLVSTRISSIMVS Caiet. in *summa* verb. *excommun.* cap. 61. Nauarr. cap. 27. *num.* 131. Bañ. 2. 2. *quest.* 12. dub. 1. Roder. *tom.* 1. 99. *regul. quest.* 30. *artic.* 2. & *tom.* 2. *quest.* 76. *art.* 6. & Azor. *lib.* 13. *cap.* 12. *quest.* 5. *cap.* 17. *quest.* 10. affirmant eum esse excommunicatum, quando ita habitum abscondit, ut à circumstantibus cognosci nequeat, cuius ordinis religiosus ille sit. Quia hic licet non dimittat habitum materialiter, dimittit tamen formaliter in quantum est talis religionis protestarius. Secus quando ab his cerni, & videri potest, quamvis ab alijs prætereuntibus nec videri, nec cognosci valeat, quia in hoc casu nec

materialiter, nec formaliter habitum omnino dimittit, sed secundum quid.

Sed quamvis sententia hæc sit valde probabilis, probabiliorem tamen iudico contrariam, nimirum hunc non esse excommunicatum. Et ratio est, quia qui habitum occultat, nec materialiter, nec formaliter suæ religionis habitum dimittit, quamvis secundum quid aliququaliter dimittere dici possit.

Tum quia lex pœnalis ultra verborum proprietatem extendenda non est. At occultare omnino habitum, non est propriè, & in rigore dimittere.

Tum quia textus dicti capituli *Ut periculosa* non prohibet omnem occasionem vagandi, sed eam, quæ est per habitus dimissionem.

Hinc, qui dimisso habitu professorum, habitum Donatorum peculiarem assumit, ita ut ille religiosus suæ religionis cognosci nequeat, excommunicationem incurrat. Quia ius expressè punit temere dimittentes habitum suæ religionis, & alium assumentes. At hic verè deponit habitum suæ religionis, nam is, quem assumit, non est habitus religionis, sed donatorum.

## QVÆSTIO CCXVI.

*An qui suæ religionis habitu dimisso, alterius religionis habitum assumit, sit excommunicatus?*

**I**N qua re certum est, eum qui non transeundo ad aliam religionem, habitum alterius religionis assumit, esse excommunicatum. Quia dum hic ad aliam religionem non transit, datur ei magna euagandi causa.

## QVÆSTIO CCVII.

*Sed dubium est, quando transendo contra ius ad aliam religionem ad profitendum habitum alterius religionis assumit?*

**N**AVARR. cap. 27. num. 131. Azor. lib. 12. cap. 13. quest. 3. Suar. §. tom. in 3. p. d. 23. sect. 4. num. 32. affirmant hunc esse excommunicatum. Et probant, quia in dicto cap. Vt periculosa planè excommunicatur is qui suæ religionis habitum remere dimittit. At hic reuera deponit habitum religionis suæ, nam adhuc post ingressum in posteriorem religionem, prior religio verè sua est iure, & obligatione, & ea dimissio est temeraria, cum mortalis sit hic transitus.

**2** Alij verò negant eū esse excommunicatum. Quia hic licet certæ religionis habitum deponat, tamen absolute & simpliciter habitum religionis non dimittit.

Tum quia hic non dimittit suæ religionis habitum, vt liberè vegetur, quæ fuit ratio ram seuere id prohibendi. Vnde cum lex pœnalis strictè sit interpretanda, non videtur extendenda ad hunc casum. Nec sufficit, si dicas eum transire ad laxiorem religionem, vbi licentius viuatur: quoniam satis est, si ad religionem migret, in qua sit absque vagationis periculo. Et idè huius opinionis sunt Caietan. in summ. verb. excomm. cap. 61. Arag. 2. 1. quest. 12. artic. 1. Roder. tom. 2. qq. regul. quest. 76. artic. 4. Sayr. de censuris lib. 3. cap. 38. num. 17. & dicit esse valde probabilem Azor. lib. 12. ca. 13. §. 5. & cap. 17. §. 11. & eam tenet ibi §. 12. & hæc opinio mihi magis probatur, quando immediatè assumit alium habitum neque id facit animo vagandi, quæ fuit causa talis prohibitionis.

## QVÆSTIO CCXVIII.

*An qui suæ religionis habitum dimisso, alterius sumit, vt ad tempus illi religioni obsequium præstet concionando, vel disputando, sit excommunicatus?*

**A**ZOR. lib. 12. cap. 17. quest. 14. 1 affirmat, hunc esse excommunicatum.

Alij veto negant. Quia is iusta de causa id facit, ac proinde habitum non videtur remere dimittere. Et idè ita tenet Bañes 2. 2. quest. 12. artic. 1. Quam opinionem arbitror esse veram, quando grauis necessitas alterius religionis, & lex charitatis id sinant, nec commodè id obsequium præstari potest retento propriæ religionis habitu: quoniam seclusis his circumstantiis, temeraria est dimissio.

## QVÆSTIO CCXIX.

*Quanam sit differentia inter religiosum fugitiuum, eiectum, & apostatam?*

**R**ESPONDEO fugitiuus propriè est is, qui sine Prælati sui licentia, è monasterio discedit, vt extra ipsius potestatem existens ad tempus liberè vegetur, interea animum habens redeundi, siue habitum exuat, siue non.

Eiectus est is, qui ob culpam suam extra monasterium expellitur.

At verò apostata est is, qui sponte à religione recedit animo ad eam nunquam redeundi. Et sic omnis apostata est fugitiuus, sed non è contra. Vnde apostasia idem est, ac retro statio, & deriuatur ab apo, quod est re, &

Y y y 3 sto,

sto, quod est stare, unde apostasia importat retrocessionem quandam siue separationem à religione, quam quis solemniter professus est.

- 2 Hinc, non sunt apostatæ mulieres, quæ vulgo vocantur Beatæ tertij ordinis S. Dominici, & Francisci, si ab eo statu retrocedant in perpetuum, matrimonioque copulêtur contra vota castitatis, paupertatis, & obedientiæ emissâ. Ratio est, quia hæc solis simplicibus votis tenentur Ita Bañ. 2. 2. *quest. 12. artic. 1.* & ibi Arag. in *dubio unico.*

Sed hæc istorum ratio non valet, nam religiosi Societatis IESV solis biennij simplicibus votis astricti, per quæ veri professi efficiuntur, sunt verè, & propriè apostatæ, si ab eo statu retrocedunt, ut definitum est à Greg. XIII. in suo motu proprio. Quare vera ratio huius est, quia illa Beatarum Congregatio non est approbata à sede Apostolica tamquam religio, nec per ea vota constituuntur in statu vere religioso. At apostasia est ab instituto religioso recessus.

## QVÆSTIO CCXX.

*An qui è religione discedit animo ad eam numquam revertendi, sed viuendi semper seculariter, habitum tamen ipsius religionis retento, sit verè, & propriè apostata?*

RESPONDEO esse verè, & propriè apostatam. Ratio est, quia sicut habitus monachum non facit, sed instituti religiosi professio; sic apostatam reddit, ab instituto religioso recessus, etiam si habitus non dimittatur. Et è contra non est apostata, sed solum fugitiuus, qui dimissio habitu fugit adtempus, si animum ad

religionem redeundi habeat Caietan. 2. 2. q. 12. *art. 1.*

Hinc, caute sunt intelligendi D. Anton. 3. p. 1. 6. cap. 6. & Syluest. *verb. excommunic. 9. casu 14.* dum appellant apostatam, religiosum qui ita suæ religionis habitum alio cooperit, ut nihil foris prorsus appareat, ij enim de apostasia largè, & improprie sumpta intelligendi sunt; nam ut ex dictis constat, habitus dimissio, vel detentio nihil refert ad veram apostasiam, sed eam solus animus excutienti obedientiæ iugum in perpetuum, deserendique monasticam professionem, constituit.

## QVÆSTIO CCXXI.

*An hic apostata attento iure communis excommunicationem incurrit?*

HENRIQ. lib. 13. de *excommunic. cap. 40. num. 1.* Azor. lib. 12. cap. 17. *quest. 6.* & plerique alij tenent eum ipso facto in excommunicationem incidere, nam in cap. *Periculosa*, idè excommunicatio fertur contra eos, qui suæ religionis temere habitum dimittunt, ne periculosa religiosi euagandi occasio derur: ergo siue habitu indutus, siue eo exutus religiosus è monasterio recesserit, ut extra obedientiam libere euagetur, in excommunicationem incurrit.

Sed verius, ac probabilius multo est, hunc nulla excommunicatione ligari. Et ratio est, quia nullibi in iure canonico ea excommunicatio reperitur lata contra hunc apostatam: ergo non est asserendum.

Tum quia in cap. *Periculosa* solum excommunicatio fertur contra eum, qui temere suæ religionis habitum dimittit. At hic apostata, ut suppono,

pono, non deserit habitum suæ religionis, ergo non est excommunicatus.

Nec obstat finem eius excommunicationis esse subtrahere religionis occasionem uagandi, quia non quamcumque occasionem huiusmodi apprehendit, sed occasionem ex habitu dimissione confluentem. Immo dum retinetur habitus, non est ea occasio, quia apostata ex habitu cognoscuntur, & possunt capi, ut suæ religioni restituantur. Et ideo ita tenent D. Anton. 3. p. 1. 2. 4. cap. 53. Ang. verb. apostata num. 6. Tab. quest. 1. 2. num. 15. Caiet. in summ. verb. apostasia Arag. 2. 2. quest. 1. 2. art. 1. & ibi Bañes dub. 1. Lessl. lib. 2. cap. 4. dub. 15. Roder. p. 1. summ. cap. 43. num. 1. & Suar. 5. tom. in 3. p. d. 31. sect. 6. num. 1.

Dixi notantes (iure communi) nam per varia religionum priuilegia, ac earum constitutiones possunt excommunicationem incurrere, quæ tamen consulenda sunt.

## QVÆSTIO CCXXII.

*An apostata promotus ad ordinem sacrum, possit in ordine sacro ministrare?*

**R**ESPONDEO non posse, quantumlibet postea poenitentia ductus ad religionem pristinam, redeat, ut expressè habetur in cap. finali de apostatis.

## QVÆSTIO CCXXIII.

*An apostata possit ad superiores ordines ascendere?*

**R**ESPONDEO non posse. Ratio est, quia cui verita sunt minora, maiora intelliguntur illi prohibita. cap. Cum illorum de sent. excommunicat. At minus est. posse uti ordine susce-

pto, quam posse ad superiores ascendere. Quia remoto defectu principali per dispensationem, cessat quoque consequenter defectus accessorius.

## QVÆSTIO CCXXIV.

*An apostata ad solos ordines minores promotus, possit in eis ministrare?*

**S**YLVEST. verb. ordo 5. q. 6. Henric. 1. lib. 13. de excommun. cap. 39. num. 1. & cap. 40. num. 1. & Azor, lib. 12. cap. 17. q. 5. negant.

At oppositum est veriùs, quia textus cap. fin. de apostat. solum loquitur de apostatis recipientibus ordinem sacrum, hisque solus usus ordinis interdicitur: & absque villo fundamento dicitur recipientibus ordinem minorem interdici quoque illius usum, quia textus id non dicit. Et ideo ita tenet Suar. 5. tom. in 3. p. d. 31. sect. 6. nu. 2.

## QVÆSTIO CCXXV.

*An apostata rediens ad religionem possit ad omnes ordines promoueri?*

**R**ESPONDEO posse. Quia eo cap. fin. de apostat. solum ordinis sacri usus in apostata recepti interdicitur, etsi post ordinem susceptum ad pristinam religionem redeat. At hic nullum ordinem sacrum durante apostasia recipit: ergo. Ita Suar. 5. tom. in 3. p. d. 31. sect. 6. num. 5.

Dices, Paulus IV. in sua extranag. quæ incipit. Postquam diuina bonitas: omnes apostatas à religione ab omni cuiuscumque ordinis executione in perpetuum suspendit, & ab omni gradu, ab omnibusque beneficiis obtentis, & eos reddit inhabiles ad quoscumque gradus, & quæcumque beneficia in posterum obtinenda.

Respon

- 3 Respondet Sanch. *lib. 6. cap. 8. num. 30.* hanc Pauli IV. extrauagantem non esse vfu receptam, ac proinde non habere illam vim obligandi.

## QVÆSTIO CCXXVI.

*An religiosus ob aliqua graua, atque enormia delicta, possit à monasterio expelli?*

- 1 **C**ORD. in Clement. *Ne in agro g.* Quia verò, de statu monachorum, sequutus nonnullos lurisperitos, quos ibi allegat, tenet ob nullum crimen posse iure communi à monasterio expelli, etiam si contumax, ac incotrigibilis sit, sed ad carcerem perpetuum, vel ad tempus detrudendum, ne eiectus religiosus occasionemumat liberioris, & licentioris vitæ, cum magna multorum offensione. Eandem sententiam tenere videtur Armilla *verb. religio in fine*, ubi ait, quod nullus religiosus vtrumque malus, & facinorosus, si vult corrigi à religione debet expelli, sed eiusmodi est sequestrandus, atque incarcerandus, & in monasterio debet puniri secundum constitutiones Ordinis cuiusque cum hoc sit magis secundum charitatem, & conducent correctioni proximi, atque etiam ad vitandum scandalum. Ducunturque *ex cap. fin. de regul.* ubi religionum superiores iubentur apostatas, & fugiuos, & eiectos ad monasterium reuocare.

- 2 Sed hoc non obstante, concors est Theologorum sententia, religiosos incorrigibiles, pestilētes, & scādolosos posse, & debere à monasterio repelli etiam sine habitu. Probatum primo ex praxi omnium religionum.

Secundò, quia Regula sancti Augustini *cap. 20.* expressè tradit posse

religiosum expelli, si nolit emendari: dicit enim sic. *Si quis emendatorem subire vindictam recusauerit, de vestra societate prouiciatur; non enim hoc fit crudeliter, sed misericorditer, ne contagione pestifera plurimos perdat.*

Tertiò, quia Regula sanctissimi Patris nostri Bened. *cti cap. 18.* apertè concedit monachum semel, & iterum fugientem à monasterio, posse recipi, si ad cor rediens reuertatur: at si tertio recesserit, cum non amplius admittendum. Immo etiā manifestè præscribit, monachum, qui sæpe admonitus, sese non emendauerit, ferro abscissionis eiiciendum, ne vna ovis morbida, totum gregem contamineat. Et *cap. 29.* dicit, frater qui proprio vitio egreditur aut prouicitur à monasterio.

Quartò, quia melius est, ut pereat vnus, quam vnitas vt docet D. Bernardus. Et in *cap. Resecanda 24. quæst. 1.* habetur ex D. Hieronymo, resecandæ sunt putridæ carnes, & scabiōsa ovis à caulis repellenda, ne tota domus, massa, corpus, & pecora, ardeat corruptur, putrescat, intereat. Arrius enim in Alexandria vna tantū scintilla fuit sed quia nō statim oppressa est, totum orbem, eius flamma est populata. Sicut enim clericus ob crimina omni Ecclesiastico priuilegio nudatus, ciuili magistratui, ac potestati traditur, sic religiosus si corrigi, & emendari nolit, ne ceteros offendant, aut corruptat, extrudi, & eiici potest, vt pūdefactus citius, facilius, ac protatius ad sanioiorem mentem redeat.

Quintò, quia bonum religionis commune præponendum est bono cuiuscumq; particulari, quādo utrūque simul haberi non potest, sed in hoc casu fieri non potest, nisi interdum à religione expellatur religiosus, qui prauo suo exemplo, & incorrigibilitate alios inficit, ergo ad tollendum.

lendum huiusmodi malum de loco sancto, licitum est, religiosum eiicere, quando aliter non potest debite provideri bono communi regularis disciplinæ, & honori totius religionis.

- 6 Sextò, quia frangenti fidem, fides frangenda est, vt habetur in *cap. Frangenti de regulis iuris*. Ergo qui in scandalum, & dedecus totius religionis incorrigibilis est, religio nõ tenetur eum retinere, nec illi seruare pactum, quod in professione cum eo iniit de alendo, & retinendo illum.

- 7 Septimò, si religio esset desperabiliter deformata, religiosus posset ab ea exire, vt fatentur vniuersi: ergo similiter religio non tenetur sustinere illum, qui in dedecus, scandalum, atque totalem destructionem ipsius, est notabiliter deformatus, pestilens, & desperabiliter incorrigibilis, quia non est melior conditio vnus religiosi, quam religionis, & multo-  
rum.

- 8 Octauò probatur ex multiplicibus priuilegiis, quæ hac de re habentur in ordinum monumentis. In primis Alexand. Sextus concessit facultatem Generalibus ordinis Minorum, vt per semetipsum duntaxat, & Prouincialibus, & per eos cum consensu maioris partis capituli Prouincialis fratres dicti ordinis, quos incorrigibiles repererint, habitu expoliare valeant, atque ab ordine eiicere. Pius etiam V. anno Domini 1566. Pontificatus sui anno 1. concessit ordini S. Hieronymi in Hispaniis quod capitulum generale, aut priuatum tantum, fratres delinquentes in casibus, quibus quis de iure communi pœna capitis punitur, posset perpetuo incarcerare, vel eisdem in perpetuum, seu ad tempus ad triremes relegare, & condemnare, & in aliis delictis

grauioribus, & grauissimis, velut inobedientiæ, contumaciæ, seu incorrigibilitatis etiam eos vsque ad priuationem habitus inclusiue punire, & castigare. Quam quidem concessionem volens postea modificare, considerans, quod Superior Generalis per constitutiones dicti ordinis habet omnimodam, atque ordinariam potestatem, quam Capitulum generale tempore quo celebratur, concessit dicto Superiori Generali facultatem relegandi, & condemnandi præfatos delinquentes ad perpetuas triremes seu ad tempus, necnon priuandi habitu, & ipsum habitum extrahendi, & auferendi per se, vel per suos ministros, dum tamen id faciat de consilio fratrum monasterij. Quibus priuilegiis fruuntur, ac frui possunt omnes Generales omnium aliarum religionum, priuilegium habentes communicationis.

Tandem videtur esse conclusio 9 definita in *cap. ultim. de regularib.* vbi tanquam certissimum, atque indubitatum præsupponitur, regulares eiici, atque expelli posse à religionibus. Nam ibi statuitur, vt fugitiui vel eiecti reducantur. Et in *cap. Cum ad monasterium de statu monachorum*, decernitur, monachum proprietarium expellendum. Et ideo ita tenent D. Bonau. in *opisc. de determinat. quæst. circa regul. S. Franc. cap. 24.* D. Thom. quodlib. 12. quæst. vltim. vbi ait, Quoniam secundum Apostolum, malum est auferendum, ne modicum fermentum totam massam corrumpat: ideo religiosus si corrigi, & emendari non poterit, cum contumax est, merito repellitur. Humbertus in *exposit. Regula S. Augustini. cap. 99.* Turrecrem. in *exposit. regula S. Benedicti tract. 18.* Angel. verb. Abbas quæstion. 18. Syluest. verb. religio 6. quæsti. 17. Tab. v. religio. quæstion. 45.

Nauarr. comment. 2. de regul. num. 33.  
Cord. in explicatione Regula S. Franc.  
capit. 2. question. 1. Molina tom. 1. de  
iustit. disput. 1. Roder. tom. 1. question.  
regul. question. 30. artic. 14. Less. lib. 2.  
cap. 41. dub. 13. & Azor. lib. 12. cap. 16.  
quest. 2.

## QVÆSTIO CCXXVII.

*An solus incorrigibilis possit è monasterio expelli?*

**D** Thom. Angel. Syluest. & Tabien. locis *suprà* citatis censent religiosum solum ob incorrigibilitatem posse è monasterio expelli.

Communis tamen opinio habet ob alia etiam crimina posse è monasterio dimitti.

**2** At ego dico, iure communi non nisi eum, qui est incorrigibilis, posse è monasterio repelli. Et D. Thom. ac eius sequaces de hoc iure videntur loquuti: at iure peculiari, & instituto cuiusque religionis ob multas alias causas potest religiosus merito expelli. Nam Regula nostra sancti Benedicti habet, ne religiosus tertio recedens amplius admittatur, quamvis redeat. Aliæ verò Regulæ sunt, quæ constituunt, ut si quis certum delicti genus admiserit, aut in ipso in religionem ingressu certum impedimentum celauerit, libere expelli queat.

Nec obstat, quod huiusmodi causæ præter incorrigibilitatem non sint in iure expressæ, quia sufficit illas esse

ab Ecclesia approbatas, &  
notas Nouitio ante  
professionem.

\* \*

## QVÆSTIO CCXXVIII.

*Quisnam religiosus censeatur incorrigibilis, ita ut possit ob eius contumaciam ab ordine expelli?*

**R**ESPONDEO in ordine fratrum Minorum ille censeatur incorrigibilis, secundum ordinationes generales Toletanas cap. 6. de incorrigibilitate, qui ter fuit iuridice conuictus, & punitus de eodè crimine graui: & non fuit correctus. Et in ordinationibus generalibus Vallisoletanis factis in cap. Generali celebrato anno domini 1593. ad coercendam delinquentium insolentiam, fuit declaratum illum dici incorrigibilem, qui ter fuit conuictus, & punitus de aliquibus criminibus grauib. etiam distinctis, & nunquam fuit emendatus. Et in constitutionibus ordinis Predicatorum nouiter impressis Roma anno 1566. definitur quod incorrigibilitas fratris, quare ab ordine est eiiciendus, est quando scilicet culpas non timet committere, & penas recusat ferre, vel ex earum sæpius repetita inflictione iudicio discretorum cognoscitur non proficere. Talis de consilio discretorum, si expediens iudicatur, potest Magister ordinis, vel Capitulum Prouinciale facere, ut exutus habitu de ordine expellatur.

## QVÆSTIO CCXXIX.

*Sed maius dubium est, quando religiosus ille non fuit ter conuictus, atque punitus de aliquo crimine graui, commisit tamen multa enormia delicta, an ob ea censeatur quoque incorrigibilis?*

**S**YLVEST. verb. Abba num. 6. & i  
verb. incorrigib. censet in hoc casu  
eum



eum esse incorrigibilem, cui semel & iterum, atque iterum crimina, & delicta sunt condonata.

2. *Ar Iulius Clar. in sua practica crimin. q. 36. nu. 34. ait ex determinatione parlamenti Parisiensis, in criminibus, in quibus pœna mortis imponitur, declaratum fuisse ad hoc, vt quisque clericus reputetur incorrigibilis quantum ad effectum, vt degradatus tradi possit curiæ seculari, satis esse, quod bis venia sibi data fuerit.*

*comment. 2. de regul. nu. 36. Molina ro. 1. de iustitia disp. 140. Lesslib. 2. de iust. cap. 41. dub. 15. Roder. tom. 1. qq. regul. quest. 30. art. 20. & Azor. lib. 12. cap. 16. quest. 7.*

## QVÆSTIO CCXXXI.

*An Prælatus possit incorrigibilem è monasterio eiicere, iubendo ei, vt intra certum tempus ad aliam religionem transeat?*

## QVÆSTIO CCXXX.

*An quando religiosus per iustam sententiam eiectus, ad pristinam religionem etiam correctus non admittitur, teneatur ex vi voti ad aliam religionem transire?*

1. *D. Bonauent. in Reg. S. Francisci quest. 114. Cord. cap. 2. quest. 21. p. 3. D. Anton. 3. p. 1. 1. cap. 4. affirmant teneri. Hoc idem supponunt Ang. verb. religiosus num. 41. Syluest. verb. religio 6. quest. 12. & Armil. verb. religio num. 15. dum dicunt hunc eiectum quando in suam religionem non admittitur, nec inuenit aliam, posse in seculo viuere. Ratio huius est, quia eo ipso quod in hac professus est, religioni in genere sese astrinxit: cum ergo in hac nequeat esse, tenebitur aliam ingredi.*

2. *Arbitror tamen contrarium esse affirmandum. Et ratio est, quia religiosus minimè vouit religionem in genere, sed hanc: ergo vel ad hanc, vel ad nullam tenetur.*

Tum quia, etsi in ea professione generatim conferetur religio promissa, et iam manens in seculo religiosus est, & tribus votis ligatus. Et ideo ita tenent Sozûs lib. 7. quest. 2. ar. 1. Nauar.

*D. Bonauent. in regul. S. Franc. q. 14. & Passarellus in compend. privileg. Minorum cap. 16 tenent posse Prælati ad id cogere. Quia tempore, quo cogit, est religiosus ille sub eius obedientia & per professionem ita se religioni obstrinxit, vt nullo modo ei liceat ad seculum redire.*

Ar omnino tenendum est, nullum 2. superiorem ad id cogere posse. Ratio est, quia cum Prælatus habeat iurisdictionem in suum subditum quanto tempore subditur illi, at simul vt priuatur habitu, definit esse eius subditus: ergo non potest in illud tempus illum obligare, vt ad aliam religionem transeat.

Tum quia professio religionis debet esse voluntaria, sicut & matrimonium, ac proinde sicut in nullo casu potest quis ad matrimonium cogi ita nec ad religionis professionem: & si quis ob sua delicta damnari possit, vt in monasterium pœnitentiam acturus detrudatur, at vt in illo profiteatur cogi nequit. Et ideo ita tenent Nauar. *Comment. 4. de regul. num. 71. Roder. tom. 1. qq. regul. question. 30. art. 22. Vega tom. 2. sum. cap. 86. casu 13. & Lesslib. 2. cap. 41. dub. 15. num. 114. addit nec Pontificem posse ad id cogere.*

Z z z 2

Qvæ

## QVÆSTIO CCXXXII.

*Sed quid, si hic ante ingressum in illum ordinem, vouerat religionem in genere?*

1 **S**OTVS lib. 7. quæst. 2. art. 1. ad 3. Sputar in hoc casu eum teneri aliam religionem inquirere, si in sua non recipitur, quia manet votum religionis, cui tenetur satisfacere.

2 **C**ontrarium tamen est proculdubio affirmandum. Quia hoc votum religionis in genere sicut est simplex, ita etiam perinde ac cætera vota simplicia, quæ ante emisit fuit per solemnem professionem extinctum, nec reuiuiscit per eiectionem à religione, nam è monasterio expulsus, religiosus adhuc est, & tribus voris obstrictus, quamuis per iustam, & definitiuam sententiam extra monasterium uiuat. Et ideo ita tenent Less. lib. 2. cap. 41. dub. 15. Sayr. lib. 6. cap. 11. dub. 14. & Azor. lib. 12. cap. 6. q. 5. & 7.

## QVÆSTIO CCXXXIII.

*An si religio aliquem professum expellat absque iusta causa, peccet contra iustitiam?*

1 **R**ESPONDEO tam peccare contra iustitiam. Ratio est, quia professio est contractus reciprocus per quem religiosus obligatur perseuerare in ordine, & ordo vicissim obstringitur ad illum retinendum, & tractandum tanquam filium, nisi contingat illum ordini esse noxium: ergo si religio absque causa illum dimittit, peccat contra iustitiam.

2 **E**x quo inferitur, religiosum iniuste eiectionem posse compellere monasterium ut ipsum admittat, & ab eo ali-

menta percipiat, quia iniuste eo iure spoliatus est Nau. com. 2. de regul. n. 65.

## QVÆSTIO CCXXXIV.

*An iniuste à religione expulsus ad seruandam castitatem teneatur?*

1 **R**ESPONDEO certissimum esse, & Romni dubio procul, religiosum per iustam, & definitiuam sententiam eiectionem ad seruandam perpetuam castitatem teneri, eo prorsus modo quo in religione tenebatur: & constar de consuetudine Ecclesiæ, quæ nunquam tales à religione expulsos ad matrimonium admittit. Et ideo ita tenent Nauarr. super cap. Non dicatis numer. 33. Sor. lib. 7. quæst. 1. art. 1. Cord. super reg. S. Franc. cap. 2. quæst. 21. & Roder. 10. 1. qq. regul. q. 30. art. 20.

## QVÆSTIO CCXXXV.

*An religiosus per iustam sententiam eiectionis sit à voto, obedientia liber?*

1 **S**OTVS lib. 7. quæst. 1. art. 1. & Arag. 1. 2. quæst. 88. art. 3. affirmant esse à tali voto liberum, eo quod Prælatum eum reiecerit.

2 **A**t omnino dicendum est, non esse à voto obedientiæ liberum, etsi cesser ex parte eius executio ob defectum materiæ, nempe, quia caret superiore, à quo dirigatur, tenetur tamen eam seruare quantum ad præparationem animi.

**T**um quia certum est, eum non deobligari à voto castitatis, at eadē est ratio de voto obedientiæ: cum enim essentialia, perpetuitate gaudent; nec potest eorum obligatio cessare per Prælati repulsam, sed suspendi, quia status

status eiekti non patitur eam obedientiam. Et ita tenent Nauar. *comm. 2. de regul. num. 34.* Cord. *super regul. S. Fran. cap. 2. quest. 21. p. 3.* Roder. *tom. 1. qq. regul. quest. 30. ar. 19.* Azor. *lib. 12. c. 16. q. 4.* Suar. *5. tom. 3. p. d. 21. sect. 1. num. 20.* Valq. *1. 2. quest. 96. ar. 4. d. 165.* Less. *lib. 2. cap. 4. dub. 15.* & Mol. *to. 1. disp. 140.*

*disp. 149. Azor. lib. 12. c. 6. quest. 4. & alij supra citati.*

## QVÆSTIO CCXXXVII.

*An iussu eiektus ad reliquas religionis obseruantias, vt ad ieiunia, vigiliis, delectum ciborum, silentia teneatur?*

## QVÆSTIO CCXXXVI.

*An iussu expulsus ad seruandum votum paupertatis teneatur?*

<sup>1</sup> SOTVS *lib. 7. de iust. q. 1. ar. 1. negat,* Seo quod monasterium eum non alat.

<sup>2</sup> At dicendum est oppositum, scilicet teneri id votum seruare eo modo quo potest, nullius rei habendo proprium, sed eorum quæ canendo, celebrando acquirir, solam administrationem habet, tum ad vitæ necessaria, tum ad aliquas pias causas de licentia, & beneplacito summi Pontificis, qui immediatè subiicitur.

<sup>3</sup> Tum quia religiosus creatus Episcopus non liberatur tribus votis essentialibus, vt suprà probatum est: ergo multo minus eiektus. Nec Prælati potest expulsus liberare votum, & monasticæ professionis iugo, quia non potest facere de monacho, non monachum: immo de Romano Pontifice id multi negant, & quamuis verius sit, id posse Pontificem, nunquam tamen id facit, nisi ex aliqua vtgentissima causa ob commune totius Regni commodum.

Demum, quia alias ex suo delicto commodum reportaret nempe exemptionem à votis. Et ideo hunc non eximi à voto paupertatis tenent Mol. *to. 1.*

<sup>1</sup> Anton. *3. p. 1. 16. cap. 5. §. 3.* Angel. *verb. religiosus num. 42.* Sylvest. *verb. religio 6. q. 17.* Armil. *verb. religio n. 15.* & Cord. *super reg. S. Fran. c. 2. q. 21. p. 3.* affirmat hunc ad hæc omnia teneri. Quia iniquum est, vt commodum exemptionis ex sua iniquitate reportet.

At quamuis hanc sententiam valde piam existimem, & posset aliquis horum Doctorem authoritate nixus illam consulere, & sequi, non audco illam approbare. Quia solido fundamento caret. Vnde absolute dicendum est, hunc eiektum ad hæc non teneri. Et ratio est, quia hæc omnia comitantur vitam religiosam, & ratione solius religionis, à qua eiicitur, tenebatur ad illa.

<sup>2</sup> Tum quia religiosus per se, & immediatè solum vouet tria essentialia vota, reliquas verò religionis obseruantias mediare, supposito quod in eadem religione petueraret. Quare sicut vouens religionem non tenetur ex vi voti ad speciales regulæ obseruantias, donec de facto religionem proficatur, ita etiam à religione expulsus. Atque ita tener Sotus *lib. 7. q. 2. ar. 1.* Nauar. *com. 3. de regul. nu. 46.* Arag. *2. 2. q. 55. ar. 3.* Less. *lib. 2. cap. 41. dub. 15.* Sayr. *thes. casuum tom. 2. lib. 19. nu. 28.* Emma. Sa *verb. religio num. 40.* Cosm. *Phil. to. 1. p. 2. lib. 3. c. 21.* & Conrad. *in suis resp. 1. p. q. 285.*

Zzz 3 Quare

- 3 Quare non placet, quod tradit Roder. tom. 1. q. 99. regul. quæst. 30. artic. 19. dicens prædictam doctrinam esse intelligendam de observantiis, ad quas non tenetur religiosus sub mortali. Ex quo infert fratres Minores expulsos non liberari à ieiuniis, ad quæ secundum regulam sub mortali obligantur. Sed non placet quia omnes prædicti doctores indistincte loquuntur de religionis observantiis, & rationes adductæ hoc idem probant de omnibus. Et Nauar. docens eiectiones esse absolutas ab obligatione regulæ, & ieiuniorum, mentionem facit de fratribus Minoribus.

- 4 Hinc, fratres Minimi in perpetuum eiectioni à voto quadragesimalis vitæ sunt liberi. Et ratio est, quia huiusmodi votum emittitur ut annexum professioni illius vitæ religiosæ, & ut illam concomitans, & quasi accessorium. Cum ergo hi absoluti sint à principali vitæ religiosæ obligatione, liberabuntur quoque ab obligatione accessoria huius voti, non ita ut illud omnino cesset, sed ut eius obligatio suspendatur, dum hi extra religionem sunt. Ita Vega 2. tom. sum. cap. 86. casu 16.

---

### QVÆST. CCXXXVIII.

*An iniuste expulsi, ab observantia regulæ sint liberi?*

- RESPONDEO eos esse liberos. Ratio est, quia exemptio hæc non pendet ex iustitia, vel iniustitia expellentium, sed ex necessitate, & impossibilitate eiectionum, quæ æqualia sunt in eiectionis iniuste. Ita Sanch. lib. 6. cap. 9. nu. 97.

---

### QVÆST. CCXXXIX.

*An Religiosi ad triremes damnati ab observantiis regularibus sint liberi?*

RESPONDEO si in perpetuum damnentur, certum est eos esse liberos, quia eiectionis est perpetua. At si ad tempus damnetur, & eo tempore finito admittendi sint ad religionem, censeo eos teneri ad observantias regulæ, quas possunt ibi observare, perinde ac religiosi qui iusta de causa cum superioris licentia ad tempus extra monasterium commorantur. Quia non sunt eiectionis, sed verè illius religionis membra.

---

### QVÆSTIO CCXL.

*An in perpetuum eiectionis, ad horas canonicas teneatur.*

ET quidem, si sit in sacris, certum est apud omnes, ad id teneri.

---

### QVÆSTIO CCXLI.

*Sed dubium est, quando à religione eiectionis non est sacris insignitus?*

NAVAR. cap. nullum 18. q. 2. nu. 45. & in lib. de oratione cap. 7. nu. 20. affirmat hunc ad id teneri.

At vero Sotus lib. 7. q. 1. ar. 1. & lib. 10. q. 5. ar. 3. negat; & merito quidem; quia hoc exprèsse non vult, sed solum ad id tenebatur ratione religionis, à qua tamen est exclusus.

QVÆST.

## QVÆST. CCXLII.

*Cuiam maneat subiectus eiusmodi religiosus per iustam sententiam à religione expulsus?*

- R**ESPONDEO Episcopo loci, vbi reperitur, sicut cæteri alij clerici. Ratio est, quia cum hic religiosus eiectus, sit iam liberatus à suorum Prælatorum ordinariâ iurisdictione, nec cogi possit redire ad monasterium, cum etiam non esse debeat accephalus, id est sine capite, manifestè colligitur quod esse debet subditus Episcopo loci, ad modum quo & Eremitæ etiam Episcopo subduntur. Ita Nauarr. *comment. 2. de regul. num. 34. & lib. 5. conf. 1. de regular. conf. 79.* vbi etiam addit teneti hunc adire Episcopum suum, significando se esse religiosum à suo ordine expulsum, & suæ obedientiæ subiectum, paratumque suis iussis, & mandatis obedire, vt possit Episcopus curam illius habere.

## QVÆSTIO CCXLIII.

*An religiosus eiectus teneatur Episcopo obedire eo modo, quo ante ex vi voti tenebatur obedire suis Prælatibus?*

- S**APIENTISSIMVS Nau. *Commen. 2. de regul. num. 34. & lib. 5. conf. 1. de regul. conf. 79.* affirmat hunc eiectum ex vi voti obedientiæ in professione emissi esse sub Episcopi obedientiæ, & potestare.
- 2** Quod si quæras, cui Episcopo debeatur esse subiectus, originis, an domicilij, in quo situm est monasterium, an loci, in quem habitaturus se confert?

Respondet Nanar. eum subiici Episcopo originis, subdit tamen, posse Episcopum originis licentiam ei concedere transeundi ad aliam diœcesim, vt eius Episcopo substat.

Cæterum multo probabilius est, quod modo in toto orbe obseruatur, nimirum hunc ex vi voti solemnissimè obedientiæ non teneri Episcopo alicui obedire, sed tantum instar aliorum clericorum Episcopo subiici, in cuius diœcesi commoratur. Et ratio est, quia religiosus solemniter more religionis promittit perpetuo obediturum tantum superiori illius religionis, & successoribus ipsius, non aliis extra religionem: ergo per iustam sententiam eiectus, non cogitur vi voti in omnibus Episcopo obedire, sed sufficit, vt instar aliorum clericorum obtemperet ei, in cuius diœcesi habet habitationis domicilium.

Tum quia ipse Nanar. *in cap. nullum nu. 46.* affirmat hunc non teneri aliam religionem etiam laxiorem ingredi, etiam si religio, aut summus Pontifex id ei concedat, quia ad hoc nunquam se obligauit: ergo non tenetur aliter obedire Episcopo, quam cæteri clerici episcopatus, siquidem ad id etiam non se obligauit.

Tum quia hic, quamuis sit à religione expulsus, est verè, & propriè religiosus, sicut Episcopus ab episcopatu suo eiectus, vere, & propriè est episcopus, ac proinde ex vi voti debet eo animo esse, vt superiorum iussis obediat, si contigerit ipsum ad pristinum statum, & curam superiorum restitui, quibus obedientiam promissit. Et ideo ita tenent Molina *tom. 1. de iustit. disputat. 140. Azor. lib. 12. capit. 16. qu. 11. & Less. lib. 2. c. 41. dub. 15.* vbi addit hoc maxime locum habere in iis qui sunt ab Episcoporum iurisdictione exempti.

exempti : nam in non exemptis valde probabilis est sententia Nauarr. quia ex vi voti subsunt Episcopo, non tamen tenentur illi offerre, vt ipse eos dirigat, & ab ipso in omnibus dependant, quia hunc modum viuendi non vouerunt. Immo Sanch. lib. 6. cap. 9. num. 29. tuerur huiusmodi eiectiones nec esse sub obedientia Pontificis, quatenus est Prælatus regularis, sed solum quatenus est Pontifex. Quia militat eadem ratio, cum non vouerint obedientiam Pontifici vt Prælato religionis, nisi quandiu religio eos pateretur, & essent in illa.

### QVÆSTIO CCXLIV.

*Cuinam religiosus fugitiuus acquirit extra monasterium?*

- R**ESPONDEO suo monasterio acquirere, vt colligitur ex c. *Quantum de off. ordinarij, & cap. Abbas 18. qn.*  
 2. Sicut quidquid seruus fugitiuus acquirit, non sibi, sed domino acquirit. Ita Syluest. *verb. religio 4. qn. 10.*  
 Nau. cap. *Non dicatis* num. 65. & Azor. lib. 12. c. 16. q. 8.

### QVÆSTIO CCXLV.

*Cuinam acquirat religiosus à monasterio eiectus?*

- N**AVARR. comment. 2. de regular. num. 33. tenet hunc non acquirere sibi, cum sit incapax cuiuslibet dominij pecuniarij ratione voti sollemnitis, à quo per suam culpam, & sententiam contra eam laram non absoluitur. Nec monasterio, quia tunc definit esse membrum illius, nec ei subicitur.

Tum quia eiectus per iustam sen-

tentiam habetur pro derelicto. Vnde veluti seruus derelictus, non amplius domino acquirit. In eandem sententiam propendet Azor. lib. 12. cap. 16. *quest. 9.*

### QVÆSTIO CCXLVI.

*Cui igitur talis religiosus acquirit, si nec sibi, nec monasterio acquirit?*

**R**ESPONDET Nauarr. eum acquirere quoad verum dominium Deo, quoad verò ius administrandi si sit exemptus Romano Pontifici, si non exemptus Episcopo, in cuius est potestate.

At verò Rosella *verb. religio 1. num. 1.* dicit hunc nulli acquirere.

Sed hæc opinio caret fundamento, quia cum eiusmodi bona non habeantur pro derelictis, debent in alius cuius dominio esse, alias primo occupanti concederentur.

Cæterum verius, ac probabilius existimo, eum acquirere monasterio, vel dominium si est capax, vel saltem commoditatem post mortem suam si non est capax. Ratio est, quia monasterium ob religiosi delictum, ratione cuius per sententiam iustum eiicitur, non debet amittere ius, quod habuit in bonis illius siue acquisitis, siue acquirendis. Neque enim per expulsionem ita definit esse membrum religionis, vt hæc omne suum ius in illum perdat, cuius signum est, quod si ab ea reuocatur, tenetur ad religionem reuertitur; quod si reuertitur nolit, excommunicari precipitur in cap. *fin. de regul.* & si se emendauerit, cogi possit religio illum admittere, nisi iustas causas habeat recusandi. Et ideo ita tenent Less. lib. 2. cap. 41. dub. 15. & Molina 10. 1. de inst. disp. 149.

Hinc

4 Hinc, religiosus expulsus ab ordine, nihil tanquam proprium potest sibi acquirere, aut capere, sed solum ius habet acquirendi usum nudum eorum quibus ad victum, vestitum & habitationem indiget. Ita Less. lib. 2. cap. 41. dub. 15. Azor. lib. 12. cap. 16. quest. 4. Sayr. clau. reg. lib. 6. cap. 9. num. 18. Mol. tom. 1. de iustis. d. 140. & 10. 2. d. 776. & Nauarr. comm. 2. de regul. nu. 35. ubi addit, teneri hunc licentiam Episcopi obtinere, ut bona quæ comparat, conuertat in proprios usus sibi necessarios. Sed merito hanc sententiam Nauarr. Molina impugnat, quia eo ipso, quod ab ordine per iustam sententiam expellitur, censeri tacite ei concessam administrationem, & commoditatem usus rerum, quas comparat, non solum ad congruam sui sustentationem, sed etiam ad pias causas, & ad cōpetentes suo statui donationes faciendas, non tamen potest testari, quia iure est ad hoc inhabilis.

### QVÆST. CCXLVII.

*An si eiectus ea bona in usus vanos, & illicitos expendat, sit proprietarius?*

RESPONDEO esse proprietarium. Ratio est, quia cum non sit dominus, sed administrator non potest ea bona, quæ comparat in usus profanos, & illicitos expendere, sed tenetur illa distribuere in eos usus, qui cum paupertatis voto non pugnant. Porro tamen ut diximus in vita sua facere donationes honestas, & eleemosynas moderatas, cum plenam eorum bonorum administrationem habeat. Et in hoc omnes conveniunt.

### QVÆST. CCXLVIII.

*Sed dubium est, An si in usus superfluos, & illicitos ea bona expendat, recipiens ad restitutionem teneatur?*

MOLINA tom. 2. de iustis. diss. 1. 176. & Less. lib. 2. cap. 41. dub. 15. affirmant non teneri. Ratio est, quia commoditas tota illorum bonorum intentum dum vivit, perinde ad ipsum spectat, ac si religiosus non esset; nec cuique cura est quomodo expendat, sed perinde quoad administrationem, acquisitionem, & alienationem eorum bonorum se habet, ac si dominium illorum haberet.

Cæterum nullatenus placet mihi hæc sententia, sed existimo hunc ad restitutionem teneri. Et ratio est, quia ille non est Dominus, sed solum administrator: ergo si contra mentem veri domini aliquid expendit tenetur accipiens illud restituere.

Tum quia si religiosi beneficia Ecclesiastica obtinentes, aut iustis de causis extra monasterium commorantes non habent à superioribus similem donandi licentiam, cum non possint Prælati eam, (ipso Molina testante,) eis concedere, ergo neque religiosi expulsi poterunt hanc facultatem habere, cum vere sint religiosi, nec sit rationi consonum, melioris debere esse conditionis, ut ampliorem habeant alius potestatem.

### QVÆST. CCXLIX.

*Quid si aliqua religio in uniuersum deleatur, & religiosi permittentur priuatim vivere, cuiam*

Aaaa acqui

*acquirerent id quod donatio-  
ne, industria, arte, vel labore  
compararent?*

**R**ESPONDET Nauar. *comm.*  
2. de reg. n. 34. eos acquirere quod  
ad dominium, & proprietatem at-  
tinet, Deo; quoad vsum nudum, qui  
est res facti, non iuris sibi, quoad ve-  
rò ius administrandi Episcopis, in  
quorum obedientiam recidunt.

2 Alij verò rectius docent, earum  
rerum, quas illi religiosi acquirerent,  
vsum qui est res facti ad ipsos pertine-  
re, ius vero administrandi, & do-  
minium ad Romanum Pontificem,  
qui est supremus omnium religioso-  
rum Prælati in cuius potestate nunc  
sunt vniuersi religiosi ab Episcopo-  
rum iurisdictione exempti.

### QVÆSTIO CCL.

*An eiectus in perpetuum deferre  
habitum suæ religionis  
teneatur?*

**R**ESPONDEO non teneti, nec  
posse, quia cū eo spoliatur per ius-  
tam sententiam, eo vti nequit. Naua.  
*comm.* 2. de regul. nu. 36.

### QVÆSTIO CCLI.

*An eiectus teneatur deferre habi-  
tum clericalem conditioni suæ  
conuenientem?*

**R**ESPONDEO teneri. Ratio est,  
quia religiosus per iustam sen-  
tentiam eiectus habitum suæ religio-  
nis deferre absque Pontificis faculta-  
te non potest, vt supra probatum est.

sicut nec deferre habitum alterius re-  
ligionis, nisi ad eam transierit, ad quod  
vt diximus, non tenetur, ergo necesse  
est, vt clericali habitu conditioni suæ  
conuenienti utatur, & ideo ita tenent  
Nauar. *comm.* 2. de regular. num. 36.  
Azor. lib. 12. cap. 16. quæst. 13. Less. lib.  
2. cap. 41. dub. 15. Cord. in exposit. reg.  
S. Franc. cap. 2. quæst. 21: Sayr. clau. reg.  
lib. 6. cap. 9. num. 28. & Roder. 2. tom. de  
Reg. qu. 30. art. 26.

### QVÆSTIO CCLII.

*An religiosus per iustam senten-  
tiam eiectus teneatur emendare  
vitam, & ad monasterium redi-  
re, si eum suus superior velit re-  
cipere?*

**I**N qua re conuenit inter omnes,  
eum qui per iustam sententiam est  
ad tempus condemnatus, vt extra re-  
ligionem viuat, ac se emendet, teneri  
se emendare, habilemque reddere, vt  
recipiat, nec excusatur, quin emen-  
datus debeat se religioni offerre,  
quantumuis ab ea non reuocetur.

### QVÆSTIO CCLIII.

*Sed dubium est de eo qui per defini-  
tiuam sententiam iudicis in per-  
petuum est à monasterio eiectus:  
An V. tunc emendatus ad re-  
ligionem redire teneatur, si eum  
religio velit recipere?*

**N**AVAR. in cap. Non dicatis 12. 2.  
quæst. 1. num. 34. & 36. Sayr. thes.  
casuum tom. 2. lib. 6. cap. 9. nu. 26. Rod.  
tom. 1. qq. regular. quæst. 30. art. 20. &  
Azor. lib. 21. cap. 16. quæst. 6. & cap. 17.  
quæst. 1. putant hunc non teneri ad re-  
ligionem redire, sed cura conscientia  
posse



posse extra religionem, ex qua eiectus est, vivere, vt in eo iustam sententiam, & pœnam sustineat, immò nec posse per superiorem compelli, vt ad religionem redeat. Ratio est, quia per iustam sententiam eiectus in perpetuum, definit esse membrum illius ordinis, à quo est repulsus: sicut scituus eiectus à Domino efficitur sui iuris, definiturque sub Domini potestate esse.

- 1 At multò verius est, teneri hunc totis viribus vitam in melius mutare, & ad monasterium redire, vt secundum ordinis disciplinam recipiatur; alioquin est in malo statu. Ratio est, quia religiosus tenetur ex vi voti vsque ad mortem manere in sua religione, ergo quantum in se est, tenetur id præstare, & impedimenta amouere: ac præinde cum sit ei potestas ad illam redeundi, tenetur redire ad implendum quod Deo promissit.

- 3 Et confirmatur, hic antea solum excusabatur, eo quod non erat in ipsius potestate in religione manere: ergo eum iam ad religionem regressus ei monasterio permittatur, resurgit vis obligationis.

Tum quia ex sua culpa non est sua conditio melior facta, vt iam sit deobligatus à religione promissa, vt constat, eiectio autem ei infl. ta est in pœnam confusibilem, vt sic redeat ad cor, vel vt maiori malo, & scandalo ordinis prouideatur, non autem, vt per hoc ipse liberetur ab obligatione redeundi ad cor, & ad religionem, quamvis religio non teneatur ei ex culpa sua: ergo.

- 4 Tum quia facto diuortio per iustam sententiam Iudicis nocens tenetur reuerti, si innocens vel it eum in gratiam recipere, vt omnes Doctores tradunt; non enim innocens per diuortium iure suos poliarus fuit, cum

illud in fauorem ipsius factum sit. Quod autem in fauorem alicuius factum est, non debet in eius damnum retorqueri, vt habetur in *regul. 6. de regul. iuris in 6.* ergo religiosus per sententiam definitiuam expulsus tenetur redire, si religio illam velit recipere. Probatur consequentia; quia sicut professio est spirituale coniugium, ita expulsio est spirituale diuortium. Et ideo ita sentiunt Sor. *lib. 7. quæst. 2. a. 1. 5. Arag. 2. quæst. 88. art. 3. Less. lib. 1. cap. 41. dubio. 15. Mol. tom. 1. de iustit. d. 140. Roder. 10. 1. qq. regular. quæst. 37. art. 19. Cord. in reg. S. Franc. cap. 2. qu. 2. 1. p. 1. Coint. l. hil. de offic. sacerdot. tom. 1. par. 2. lib. 2. cap. 21. Sayr. cl. regia. lib. 17. cap. 9. num. 25. & 27. Vasq. 1. 2. quæst. 96. artic. 4. d. 165. cap. 8. num. 87. Suar. 5. tom. in 1. p. d. 27. fil. 5. num. 20. & Sanch. lib. 6. cap. 9. num. 31. vbi addit, non teneri eos dum extra religionem sunt, obedire Prælati aliquid præter reditum ad religionem præcipientibus, quia eo ipso quod eos eiecerunt, constituere eos extra ipsorum potestatem, & curam, ac subinde obedientiam.*

## QVÆST. CCLIV.

*An si per iustam sententiam eiecti, voluerint superiores eos plenè correctos admittere teneantur?*

**D.** Bonauent. in qq. quas fecit super *1*  
*reg. S. Franc. q. 14. Cord. super c. 2.*  
*reg. q. 21. p. 2. D. Anto. 3. p. tit. 16. c. 5. &*  
*Sylu. verb. apostasia qu. 5. affirmant eos*  
*ad id teneri; Et probant ex c. fin. de reg.*  
*vbi præcipitur, vt quotannis super-*  
*iores, eiectos, & fugitiuos requirât, &*  
*monasteria eisdem recipere compellât.*

At pro certo tgn. ndū est, superiores

Aaaa 2 nulla

nulla lege teneri ad eos recipiendos, etiam si correcti, & emendati redierint. Ratio est, quia tales, sunt infames, & infames, religionum superiores nulla lege compelluntur ad religionem recipere; quin verò prohibentur idipsum facere per constitutionem Sixti V. qua statuit infames nullo modo posse ad religionem admitti, quæ constitutio licet loquatur de secularibus expositantibus habitum, pari modo extendenda videtur ad prædictos eiectiones, qui cum sint ab obedientia suorum superiorum exempti iam reputantur quasi seculares.

- 3 Tum quia si per iustam sententiam eiectionis possent Prælatos compellere, ut illos iterum reciperent, idque ipsi facere tenerentur, frustrarentur profectò, & quasi inania redderentur tot privilegia religionibus concessa, quibus superiores possunt fratres incorrigibiles in perperuum à religione expellere: quod cum non sit asserendum; dicendum est, superiores nulla lege teneri ad eos recipiendos, etiam si correcti, & emendati redierint. Et ideo ita tenent Nannar. *comment. 2. de regul. n. 36.* Roder. *som. 1. 99. regul. quest. 30. ar. 5.* Azor. *lib. 12. c. 16. g. 2. & cap. 17. g. 2. & plerique alij.*

Nec obstat dicta decretalis, quia loquitur de his qui iniuste, vel iuste, sed inordinatè non servato iuris, neque regulæ ordine, sunt à religione expulsi: aut de iis qui sunt ad rempus eiectionis. Secus autem de iuste eiectionis per sententiam definitivam reiectis, & rite latam. Ita Nauarr. *suprà.*

Sed prorsus displicet hæc expositio, quia id caput absolutè loquitur de eiectionis, qui propriè tales dicuntur, quando iuste eiectionis sunt.

Tum quia loquitur de eiectionis, qui

secundum ordinem regularem non possunt amplius recipi, qui nequeunt esse iniuste eiectionis.

Alij vero rectius dicunt, totum id 4 decretum cum sit iuris humani, consuetudine abrogatum fuisse, neque enim religionum Præfecti religiosos eiectionis quorannis perquirunt, neque reducant, neque repertiunt. Et esto, id decretum esset in viridi observantia, & ita obligaret, intelligendum esset quando sine maiori malo, vel sine aliorum damno, & scandalo fieri potest: non autem quando non potest commodè fieri, ut si sint omninò incorrigibiles, & in scandalum aliorum. Ratio est, quia salus proximi est procuranda, quantum potest, dummodo provideatur maiori malo, præsertim quia tales non corriguntur, & melius est, ut tales damnentur alibi, quam in religione cum detrimento aliorum.

Tum quia sancta mater Ecclesia, quæ vult religionem in sua puritate consistere, non cogit, neque intendit Prælatos teneri recipere illos, quorum conversatio esset nocua, & dedecus religioni, tunc enim puniret innocentes, eosque foueret, & occasionem daret religionis corruptioni, per tales pestiferos, si eos teneri, vel recipi oporteret.

## QUESTIO CCLV.

*An iuste à monasterio expulsus possit propria auctoritate ad aliam religionem licet laxiorem transire?*

CORDUBA in reg. S. Franc. esp. 2. quest. 21. p. 3. & Suar. 10. 5. in 3. p. d. 22. sect. 5. num. 20. negant posse.

posse hunc ad aliam religionem transire absque speciali Romani Pontificis dispensatione.

At verò Angel. *verb. religiosus nu. 42.* & Tab. *verb. religio q. 25.* docent cum licentia sui Prælati posse ingredi religionem æqualem, vel laxiorem, quando nulla est spes, ut in propriam admittatur.

- 2 Cæterum absque dubio tenendum est hunc per definitivam sententiam Iudicis eiectionis posse intrare sine ulla licentia, immo inuitis prioris religionis superioribus ad aliam religionem, siue strictiorem, siue æqualem, siue laxiorem, quam posset intrare, si numquam intrasset illam, à qua est iam solutus per talem sententiam iuridicam, per quam extincta est obligatio, qua tenebatur tali religioni, cum obligatio extincta non possit reuiuiscere iuxta *l. qui res. §. arcam ff. sol. lu.* Ratio est, quia hic liber est ab obedientia, & obseruantia illius religionis, & potest liberè in seculo manere: ergo à fortiori poterit aliam religionem ingredi. Quod intelligitur quando religiosus ille in perpetuum eiectionis est, ita ut quantumvis correctus, nulla subsit spes ut admittatur. Nam quando correctus admitteretur, cum teneatur ad priorem religionem redire, & se corrigere, ut admittatur, manifestum est cum non possit ad aliam religionem transire absque legitima licentia. Er ideo ita tenent Nauarr. *lib. 3. consil. tit. de regul. consil. 78. num. 2.* Roder. *tom. 1. qq. regul. quæst. 30. art. 21.* Emmanuel Sà *verb. relig. num. 40.*

Armil. *verb. religio n. 15.*

Less. *lib. 2. cap. 41.*

*dub. 15. & plerique alijs.*

## QVÆSTIO CCLVI.

*An si religiosus per iustam sententiam eiectionis aliam religionem ingrediatur, teneatur redire, si eum religio repetat?*

RESPONDEO non teneri. Ratio est, quia superior hoc ipso quod illū à monasterio eiecit, & habitu priuauit, ei licentiam concessisse conuincitur ad aliam religionem transiendi, quam reuocare non potest. Ita Less. *lib. 2. c. 41. dub. 15.*

## QVÆSTIO CCLVII.

*An si eiectionis ad aliam religionem transeat, teneatur in ea iterum profiteri?*

RESPONDEO teneri, non obstante quod ea religio eadem votā essentialia habeat, sicut prima, propter distinctas asperitates, quas secunda religio habet, quibus se de nouo astringi necesse est.

## QVÆSTIO CCLVIII.

*An si religiosus eiectionis velit ad suum proprium ordinem redire, teneatur in eo iterum profiteri?*

DOCTOR Nauar. *lib. 3. consil. tit. de regul. consil. 64. n. 2. & super cap. Non dicatis nu. 36.* quamuis dubius affirmat eiectionem per iustam sententiam definitivam à religione non posse ad illam redire, absque noua professione.

- 2 Alij verò rectius negant, noua professione indigere, quia à priori non est absolutus, sed eius obligatio ad tempus quo hic extra religionem manet, est quoad aliqua suspensa, nec est omnino à regulæ obseruantis liber, sed solum quandiu iterum in religionem non admittitur. Et ita tenet Roder. tom. 1. qq. regul. quæst. 30. art. 28.

### QVÆSTIO CCLIX.

*An religiosus eiectus teneatur labore manuum suarum victum sibi querere?*

- 1 RESPONDEO non teneri, sed tuta conscientia posse ex mendicato cibo viuere, sicut cuicunque seculari liberum est omnia pauperibus erogare, & ex elemosynis viuere. Ita Nauar. com. 2. de reg. n. 37 & Azor. lib. 12. c. 16. q. 14.

### QVÆSTIO CCLX.

*An Prælati Regulares teneantur requirere fratres apostatas, & fugitivos?*

- 1 RESPONDEO eos ad id strictissime teneri iuxta quandam decretalem cap. à nobis extra de apostatis, & cap. ne relig. extra de reg. Que requisitio mandatur ibi fieri annuatim in tempore capituli. Quando tamen religiosus aliquis ita esset scandalosus, & periculosus aliis fratribus, ut apte non posset capi, cogi, & detineri, non teneatur Prælati redicere talem, ne aliis noceat, si non speratur posse emendari. Quia bonum commune præpo-

nendum est bono priuato. Ita Syluest. verb. apostasia quæst. 6. qui citat cap. Resecanda 24. quæst. 3. quod est D. Hier. desumptum ex epist. ad Galat. c. 5. vbi inquit, Resecanda sunt carnes putridæ, & scabiosæ omni à caulis repellenda, ne tota domus massa corrumpatur. Hoc idem sentit D. Bonau. in quæst. super reg. S. Franc. quæst. 14. vbi sic ait. Quod si Deo permittente aliqui seipsos eiecissent, gratia sunt Deo referenda, non quia illi peccauerunt, sed quod oues sunt à pestifera contagione liberantur. Vnde Apostolus ad Galat. 5. scribens ait: Visnam abscedantur, qui vos conturbant. Si autem speratur correctio, si coerceatur, vel detineatur, teneatur Prælati & corrigere, & cogere ad redeundum.

### QVÆSTIO CCLXI.

*An apostata, & fugitivi ad religionem redeuntes, sint à suis Prælati benignè suscipiendi?*

1 RESPONDEO esse benignè suscipiendos. Ita Glossa communiter recepta in cap. à nobis de apostatis, ubi b. respiciant. Vbi etiam dicit esse cum venia recipiendos, quia (inquit) Ecclesia nunquam consuevit redeuntibus claudere miserationis suæ gremium. Idem docuit Nauar. in cap. Statutum n. 13. vbi sic ait: eos quæ parte fieri possent, inueniendi, cum docendo, inducendus esse, ut ad idem aratum, in quod manum miserant, redeant, & ita pareant, ut conuincant, & inobediencia, quibus usi sunt in duplicatam obedientiam, & reuerentiam commutentur. Et si ad id non possint induci, aut antur ex quibus impedimentis ad id peragendum, retineantur; & iuxta illorum varietatem

*in promideatur, aliis quidem facta facultate transeundi ad eundem religionis monasteria, aliis ad alias eiusdem religionis provincias, aliis ad alias religiones aequales, aliis autem ad laxiores, quod prudentia, & superiorum iudicio relinquitur.*

2. Ex quo colligitur, quia benignitate sint isti perditici recipiendi, & tanquam oves errantes à pastoribus super humeros suos sublevandi, non extinguentes hæc ligna fuiniantia, & hos calamos quassatos non infringentes exemplo Christi tam anxie, & sollicitè ouem vnam perditam querentis.

## QVÆSTIO CCLXII.

*An Prælati possint ubique capere apostatas & fugitivos?*

1. **R**ESPONDEO Prælatos posse capere, & vinctos in suum monasterium apostatas, & fugitivos ubicunque etiam in curia Romana inuentos, siue dent operam rei licitæ, siue illicitæ: sicut qui possidet rem aliquam, potest propria auctoritate ubicunque eam inuenerit, capere, & retinere iuxta l. quis §. diff. ff. de acqui. possess. hinc virtute etiam privilegiorum possunt illos incarcerare, & excommunicare, ad hoc inuocato (si opus sit) auxilio brachij secularis, non tantum sibi subditos, sed etiam quoslibet alios eiusdem ordinis. Ita enim concessit Leo X. Congregationi Camaldulensi, & Eug. IV. Congregationi Montis Olivæ, & Congregationi sanctæ Justine, & Clem. III. & Clem. IV. & Gregor. IX. Carthusiensibus prout refertur in compend. privileg. Cister. ordinis su. fugitiv. §. 2.

Hic etiã non immerito querat aliquis: an Monasterium reuocans eiectiones, aut fugitivos, & apostatas, teneatur solvere expensas, quas religiosi illo tempore quo fuerunt extra monasterium pro alimentis fecerunt?

Et quidem loquendo de expulsis iniuste dicimus monasterium ad has expensas teneri, quia per eiusmodi eiectionem iniustam non sunt ab eo præcisi.

De expulsis autem per iustam sententiam, certum est monasterium ad has non teneri, cum non sint amplius illius membrum.

Sed tunc difficultas consistit de fugitiuis, & apostatis.

At existimo monasterium ad id non teneri, cum non teneatur eos alere, quandiu in fuga sint. Et ratio est, quia ideo monasterium tenetur religiosos alimentare, quia religiosi, ipsi inseruiunt. At apostata, & fugitivus sua culpa, monasterium non inseruiunt: ergo monasterium non tenetur eos alere.

Tum quia ex contractu, vel delicto religiosi, non tenetur monasterium, nisi quatenus ex illo factum est locupletius, in eiusque utilitatem versus est contractus, ut colligitur ex cap. Non liceat 12. q. 2. At in hoc casu neutrum reperitur: ergo monasterium ad nihil tenetur.

Quæ doctrina est intelligenda de apostatis, vel fugitiuis, quandiu illi in fuga fuerint, nam si ab aliquo caperentur in monasterium reuocandi, vel ipsi i. c. c. redirent, ex tunc ad necessarias redditus expensas monasterium teneretur. Quia scilicet, quod ad eos reuocandos monasterium facere tenebatur.

QVA

## QVÆST. CCLXIII.

*An Nouitius è monasterio discēdens teneatur solvere sumptus, quos in eo alendo monasterium fecit?*

- 1 QVÆSTIO intelligitur quando seruitia religioni à Nouitio exhibita non æquivalent expensis illis, quia si æquivalerent certum est, eum ad illos sumptus non teneri.

## QVÆST. CCLXIV.

*Quæstio igitur est, quando seruitia ipsius non sunt æquivalentia expensis?*

- 1 RESPONDEO non teneri. Et ratio est, quia probatio est in bonum utriusque.

- 2 Tum quia si monasterium eum aluit, ipse quoque monasterio inserviuit, & per accidens est, si ratione morbi, aut alia causa non inserviat, aut sumptus mercedem laboris excedant: nam si labor excederet expensas, non haberet ius Nouitius mercedis excessum exigendi. Et ideo ita tenet Rosell. verb. *Nouitium* num. 11. Syluest. verb. *Religio* §. *quæst.* 8 Roder. tom. 3. qq. *regul. quæst.* 15. art. ult. Azor. lib. 12. cap. 3. *quæst.* 6. & Emm. Sà verb. *religio* num. 8. Quod intelligo nisi pactum esset largiendi monasterio expensas Nouitij, ut in monasterijs monialium contingit: tunc enim siue nouitius perseueret, siue retrocedat expensæ debentur monasterio nulla ratione habita seruitiorum exhibitorum religioni.

## QVÆST. CLXV.

*An quæ dicta sunt de religiosiss eiectionis locum habeant in monialibus?*

RESPONDEO quod sic. Quia omnes rationes adductæ ad probandum licitam esse religiosorum expulsionem, idem probant in Monialibus. Nec obstat præceptum clausuræ, quia id intelligitur, quandiu hæ moniales in monasterijs detinentur.

## QVÆSTIO CLXVI.

*Cuinam acquirant apostata, seu fugitivi à religione?*

RESPONDEO attento iure communi eos acquirere monasterio, ut expressè definitur cap. *Abbas* 18. qu. 2. At attento motu profectio Greg. XIII. incipiente, officij nostri partes, eos acquirere camera Apostolica, intelligendo quando extra monasterium obirent. Quia ille motus tantum dicit succedere in hæc bona post mortem horum religiosorum cameram Apostolicam, & loquitur de bonis quomodocunque acquisitis siue ex testamento, siue ab intestato, siue industria religiosorum parata sint, siue quouis alio modo acquisita. Navar. lib. 3. *confil. titu. de statu monach. conf.* 17. num. unico.

## QVÆSTIO CCLXVII.

*An religiosus possit appellare à graminibus sistorum suorum?*

Ratio

**R**ATIO questionis est, quia multi Romani Pontifices id religiosis prohibuerunt, ut Alexand. IV. in cap. *Ad nostram* Innocent. III. in cap. *Cum speciali de appellat.* Quod & Bonifacius VIII. in singulari vetuit patribus Ordinis Minorum & Sixtus IV. Augustinianis, & Carmelitanis, & Eug. IV. monachis sancti Benedicti congregationis Casinensis alijs sancte Iustinae de Padua, & Iulius II. sub poena excommunicationis hoc prohibuit fratribus, & monialibus ordinis Praedicatorum.

**2** Non disputamus: An religiosus possit appellare ad curiam secularem, quia certum est, hoc omnibus regularibus esse interdictum per Greg. 13. in cap. *Cum speciali de appellat.* & Iulium II. sub poena excom. papalis, cum laici non privilegiati non possint cognoscere de causis Ecclesiasticorum.

### QVÆST. CCLXVIII.

*Sed dubium est de appellatione regularium ad suos veros ac legitimos superiores.*

**E**T quidem si loquamur de appellatione à suorum superiorum iustis mandatis, ac correctionibus, quae fiunt iuxta statuta regulæ, vel ordinis, & ad effugiendam regularem disciplinam, certum est non posse religiosum ab eis appellare, & hoc modo interpretantur omnia decreta Pontificum. Vnde si ego frango silentium post completorium, comedo carnes sine iusta causa, & debita licentia superioris, & propter hæc Prælatus poenitentiam in constitutionibus taxaram mihi imponit, ut v. g. comedam in pane, & aqua in medio refectorij, non possum ab ea appellare.

re. Quia me punit in casu manifesto iuxta meas constitutiones.

Si verò loquamur de appellatione facta propter iniquam sententiam contra aliquem latam non solum in causa civili, vel criminali, sed etiam in causa correctionis regularis, quia nimirum Prælatus malè procedit, aut notabiliter excedit modum correctionis, communis Doctorum sententia tenet, posse sic grauatum appellare à suo Priore ad Prouincialem, de Prouinciali, ad Generalem, & de Generali ad Illustrissimum Protectorem, & de Protectore, ad sacram congregationem Cardinalium, vel Romanum Pontificem iuxta decretum Sixti V. 1587. De quo decreto vide *compendium priuileg. verb. appellare in annot. capucini* §. 1. Cuius ratio ea esse potest quia appellatio est, quædam proprii iuris defensio: at quisque lege naturali ius habet seipsum tuendi: ergo. Et ideo ita tenent Nauar. lib. 2. *constit. de appellat. conf. 5. & comm. 3. de regul. num. 51. Azor. lib. 12. cap. 17. num. 111. Sayr. lib. 12. cap. 17. nu. 38.*

Hinc, Prælatus qui sic appellantem non audit, vel alia via grauamen non tollit, peccat mortaliter, ut habetur ex capite *De priori de appellat.* ubi grauiter iubetur castigari Prælatum qui appellationem non admittit. Et ad hoc, ut Prælatus peccet mortaliter non admittendo appellationem non requiritur, ut sententia sit iniusta, sed satis est, ut talis esse credatur, ut rectè docet Nauar. cap. 15. numero 13.

### QVÆSTIO CCLXIX.

*An religiosus à Superiore iniqua supra modum vexatus, possit sine licentia ad suum Maiorem*

Bbb b

confu

## QVÆST. CCLXIII.

*An Nouitius à monasterio discedens teneatur solvere sumptus, quos in eo alendo monasterium fecit?*

- 1 QVÆSTIO intelligitur quando seruitia religioni à Nouitio exhibita non æquivalent expensis illis, quia si æquivalerent certum est, cum ad illos sumptus non teneri.

## QVÆST. CCLXIV.

*Quæstio igitur est, quando seruitia ipsius non sunt æquivalentia expensis?*

- 1 RESPONDEO non teneri. Et ratio est, quia probatio est in bonum utriusque.

- 2 Tum quia si monasterium eum aluit, ipse quoque monasterio inseruiuit, & per accidens est, si ratione morbi, aut alia causa non inseruiat, aut sumptus mercedem laboris excedant: nam si labor excederet expensas, non haberet ius Nouitius mercedis excessum exigendi. Et ideo ita tenet Rosell. *verb. Nouitius* m. 11. Syluest. *verb. Religio* §. *quæst.* 8 Roder. *tom. 3. qq. regul. quæst.* 15. *art. ult.* Azor. *lib. 12. cap. 3. quæst.* 6. & Emin. *Sà verb. religio* num. 8. Quod intelligo nisi patetum esset largiendi monasterio expensas Nouitij, ut in monasteriis monialium contingit: tunc enim siue nouitius perseueret, siue retrocedat expensæ debentur monasterio nulla ratione habita seruitiorum exhibitorum religioni.

## QVÆST. CLXV.

*An quæ dicta sunt de religiosis eiectis locum habeant in monialibus?*

RESPONDEO quod sic. Quia omnes rationes adductæ ad probandum licitam esse religiosorum expulsionem, idem probant in Monialibus. Nec obstat præceptum clausuræ, quia id intelligitur, quandiu hæ moniales in monasteriis detinentur.

## QVÆSTIO CLXVI.

*Cuinam acquirant apostata, seu fugitiui à religione?*

RESPONDEO attento iure communi eos acquirere monasterio, ut expresse definitur *cap. Abbas* 18. *an. 2.* At attento motu proprio Greg. XIII. incipiente, officij nostri partes, eos acquirere cameræ Apostolicæ, intelligendo quando extra monasterium obirent. Quia ille motus tantum dicit succedere in hæc bona post mortem horum religiosorum cameram Apostolicam, & loquitur de bonis quomodocunque acquisitis siue ex testamento, siue ab intestato, siue industria religiosorum parata sint, siue quouis alio modo acquisita. *Navar lib. 3. consil. 111. de statu monach. consil. 17. num. unico.*

## QVÆSTIO CCLXVII.

*An religiosus possit appellare à graminibus siorum su-*  
*periorum?*

R. s. a.



**R**ATIO quæstionis est, quia multi Romani Pontifices id religiosus prohibuerunt, ut Alexand. IV. in cap. *Ad nostram* Innocent. III. in cap. *Cum specialis de appellat.* Quod & Bonifacius VIII. in singulari vetuit patribus Ordinis Minorum & Sixtus IV. Augustinianis, & Carmelitanis, & Eug. IV. monachis sancti Benedicti congregationis Casinenfis aliis sanctæ Iustinæ de Padua, & Iulius II. sub pœna excommunicationis hoc prohibuit fratribus, & monialibus ordinis Prædicatorum.

2 Non disputamus: An religiosus possit appellare ad curiam sæcularem, quia certum est, hoc omnibus regularibus esse interdictum per Greg. 13. in cap. *Cum specialis de appellat.* & Iulium II. sub pœna excom. papalis, cum laici non priuilegiati non possint cognoscere de causis Ecclesiasticorum.

### QVÆST. CCLXVIII.

*Sed dubium est de appellatione regularium ad suos veros, ac legitimos superiores.*

**E**T quidem si loquamur de appellatione à suorum superiorum iustis mandatis, ac correctionibus, quæ sunt iuxta statuta regulæ, vel ordinis, & ad effugendam regularem disciplinam, certum est non posse religiosum ab eis appellare, & hoc modo interpretantur omnia decreta Pontificum. Vnde si ego frango silentium post completorium, comedo carnes sine iusta causa, & debita licentia superioris, & propter hæc Prælatus pœnitentiam in constitutionibus taxatam mihi imponit, ut v. g. comedam in pane, & aqua in medio refectorij, non possum ab ea appellare.

re. Quia me punit in casu manifesto iuxta meas constitutiones.

Si verò loquamur de appellatione facta propter iniquam sententiam contra aliquem latam non solum in causa ciuili, vel criminali, sed etiam in causa correctionis regularis, quia nimirum Prælatus malè procedit, aut notabiliter excedit modum correctionis, communis Doctorum sententia tenet, posse sic grauatum appellare à suo Priore ad Prouincialem, de Prouinciali, ad Generalem, & de Generali ad Illusterrimum Protectorem, & de Protectore, ad sacram congregationem Cardinalium, vel Romanum Pontificem iuxta decretum Sixti V. 1587. De quo decreto vide *compendium priuileg. verb. appellare in annot. capucini §. 1.* Cuius ratio ea esse potest quia appellatio est, quædam proprii iuris defensio: at quisque lege naturali ius habet seipsum tuendi: ergo. Et ideo ita tenent Nauar. lib. 2. *conf. tit. de appellat. conf. §. & comm. 3. de regul. num. §. 1.* Azor. lib. 12. cap. 17. num. 11. Sayr. lib. 12. cap. 17. nu. 38.

Hinc, Prælatus qui sic appellantem non audit, vel alia via grauamen non tollit, peccat mortaliter, ut habetur ex capite *De priori de appellat.* ubi grauitur iubetur castigari Prælatum, qui appellationem non admittit. Et ad hoc, ut Prælatus peccet mortaliter non admittendo appellationem non requiritur, ut sententia sit iniusta, sed satis est, ut talis esse credatur, ut rectè docet Nauar. cap. 15. numero 13.

### QVÆSTIO CCLXIX.

*An religiosus à Superiore iniquo supra modum vexatus, possit sine licentia ad suum Maiorem*

Bbb b *confu*

*confugere, ut tanquam pater eum protegat?*

magna religionis propter ignorantiam causæ, qua dictus religiosus mouetur ad talem fugam.

<sup>1</sup> **B**añes præclarus Thomista 2. 2. qu. 12. art. 1. negat.

<sup>2</sup> Alij vero rectius docent eum posse à monasterio exire, dummodo id faciat alium superiorem adeundi gratia, cuius autoritate ab iniqua vexatione liberetur, nec in apostatæ poenas incurrit. Et ratio est, quia hic ius habet se tuendi, & eo ipso quod egreditur, ut alium superiorem adeat perfugij causa, eum tacite videtur appellare.

Tum quia de iure non est petendus consensus ab eo, ob cuius grauamen tollendum ad superiorem recurritur. Et ideo ita sentiunt Nauar. *comm. 2. de regul. num. 61. & comm. 3. num. 51. Atag. 2. 2. quest. 69. art. 3. Roder. tom. 1. qq. regul. quest. 30. art. 4. & Sayt. in clau. reg. lib. 12. cap. 17. nu. 40.* Quod puto esse verissimum, quando certo, & euidenter constat religiosum à suo superiore iniquè vexari, nec aliud remedium habere, nisi à monasterio recedendo suum superiorem adierit, ut seipsum possit apud illum tueri.

<sup>3</sup> Nec obstat Conc. Trident. *sess. 15. cap. 4. de regul.* quatenus statuit, ut nullus religiosus à suo monasterio recedat, etiam causa adeundi superiorem sine licentia in scriptis obtenta. Quia intelligitur de illo qui superiorem adit non ex aliqua graui, sed leui, aut leuissima causa, ut rectè explicuit Atag. 2. 2. *quest. 69. art. 3.* ubi ait hoc posse fieri in negotiis grauib, in causis autem minimis ad superiorem accedere non licet, quia vergit in maximum religionis detrimentum.

Opinio tamen Bañ potest teneri, quando ex tali fuga ad superiorem, sequeretur scandalum, & perturbatio

## QVÆST. CCLXX.

*An religiosus perpetuo carceri damnatus possit fugere ab eo?*

<sup>1</sup> **I**N qua re certum est apud omnes, secularem, quamuis sit clericus, qui detinetur in carcere propter aliquod delictum graue, ex quo potest sequi mors, aut abscissio alicuius membri posse tuta conscientia ab eo fugere, ut rectè docet D. Thom. 2. 2. *quest. 69. art. 4. ad 2. & Caietan. ibid.* Immo secundum Sorum *lib. 5. qu. 6. ar. 4.* potest licitè perfringere compedes, portas, & parietes, dummodo abstineat ab omni vi, personali percussione, & occisione. Quia cui licitus est finis, licita etiam sunt media: ergo cui licita est fuga, licitum est se ad eam expeditum reddere, eiusque impedimenta remouere. Quod procedit licet etiam multi alij fugerint, videntes apertam portam, quia talis vitur iure suo, & non tenetur custodire reliquos. Immo qui fanet huic carcere detento porrigens illi limam, aut alia instrumenta, non peccat nisi iste sit iustitiæ minister, cui commissa sit eius custodia.

## QVÆST. CCLXXI.

*Sed tota difficultas versatur de religioso.*

<sup>2</sup> **B**añes 2. 2. *q. 69. art. 4.* tenet posse eum fugere, non quidem ad vagandum, aut habitum dimittendum, sed ad impetrandam illius gratiæ veniam

niam à superiore Prælato, vel à Romano Pontifice.

- 2 Alij verò probabilius existimant, non posse, sed teneri ibi permanere etiam ante condemnationem, vbi Prælati iussit illum stare. Et ratio est, quia religiosus per votum obedientie suæ se libertate priuauit exiendi.

Tum quia Conc. Trident. sess. 25. de regul. cap. 4. interdixit regularibus aditum ad superiorem nisi ab eodem missi, aut vocati fuerint. Et ideo ita tenent Caietan. 2. 2. quæst. 69. art. 4. ad 2. Nauar. comm. 4. de regul. num. 64. Sayr. clau. reg. lib. 12. cap. 18. num. 9. & plerique alij. Quod debet intelligi quando iussit, ac legitimo iuris ordine seruato est in carcerē coniectus, vt docet Couar. lib. 1. var. res. fol. cap. 2. num. 14 & Nauar. cap. statum. 14. quæst. 3. num. 63. & Roder. tom. 1. qq. reg. q. 22. ar. 6. Secus si carcer sit iniustus, quia ibi non haberet, necessaria ad victum & vestitum, quia in tali casu non solum posset fugam arripere, sed etiam carcerem perfringere, catenas limare, & alia facere, dummodo non inferat violentiam ministris. Immo si aliquis confrater ei fugam, & vinculorum diruptionem consuleret, dummodo non sit custodiæ minister, non peccaret, quia quod ego possum licitè facere, id ipsum possum alteri consilium, vt faciat, nisi ratione officij prohibear. Immo nec etiam peccaret si eidem carcere detento instrumenta poringeret, quibus vincula effringeret. Quia si possum huic consilium finem, cur non etiam porrigere media ad illum consequendum, cum consilium non sit aliud, quam spirituale quoddam instrumentum. Non tamen potest iuuare reum effringendo exterius carcerē, & rumpendo vincula. Quia solum reus ad id

habet ius, propter maximum incommodum quod ipsi imminet.

## QVÆST. CCLXXII.

*An religiosus ad carcerem coniectus, iussusque à superiore ibi manere, possit licitè fugere, si pœna mortis, aut mutilationis ei imminet?*

ILLVSTISSIMVS Caiet. 2. 2. qu. 69. art. 4. Valent. 2. 2. d. 5. qu. 11. p. 4. & Sayr. in clau. reg. lib. 12. cap. 18. num. 14. negant.

Alij vero vt Sot. lib. 5. qu. 6. art. 4. Bañ. 2. 2. qu. 69. art. 4. Valq. 1. 2. q. 96. art. 5. d. 17. 4. cap. 2. num. 10. Less. lib. 2. cap. 31. dub. 1. 5. Lop. 1. par. instrum. cap. 66. Arag. 2. 2. qu. 69. art. 4. & ibi Salon rectius affirmant. Quia intolerabile est, & propensioni naturali repugnans, reum cogere, vt aliquid agat, quo ad mortem sibi inferendam cooperetur, quamuis possit dampnari, vt illam ab alio illatam patiatur, quando ei nulla ostenditur spes euasione.

## QVÆSTIO CCLXXIII.

*An religiosus iussit ad triremes damnatus possit licitè fugere?*

Bañes. 2. 2. quæst. 69. art. 4. affirmat 1 posse.

Contrarium tamen est proculdubio affirmandum Quia religiosus per votum obedientie hac sua facultate se priuauit.

Tum quia Nauarr. comm. 4. de regul. num. 64. Valent. 2. 2. d. 5. qu. 13. p. 4. Cord. summ. quæst. 195. Less. lib. 2. cap. 31. dub. 5. Petr. Tolet. de restit. cap. 1. in 3. par. d. 4. num. 185. & Sayr.

Bbbb 2. lib.

lib. 12. cap. 18. num. 8. tenent seculares huic pœnæ damnatos non posse licitè fugam arripere. Et quamvis respectu secularium hanc opinionem existimem esse probabiliorem, quia hoc genus pœnæ est veluti quædam perpetua mors. Nec videntur dam-

nari, ut ibi spontè maneant, sed ut patienter ferant, si detineantur, ac respectu religiosorum hoc non admitto, quia ratione voti obedientiæ, quam professi sunt, non gaudent eadem fugiendi libertate, qua seculares gaudent.

*Et de voto Obedientia hac nobis  
sufficiant.*

D E



# DE VOTO SOLEMNI CASTITATIS.

## LIBER SEPTIMVS.



**H**ACTENVS de voto solemni Obedientiae pro ingenij nostri tenuitate loquuti sumus libro superiore, nunc operæpretium est, ut in hoc libro (Deo iuvante) de voto solemnī castitatis differamus, de quo disputat Magister cum cæteris Theologis in 4. d. 35. & 37. D. Thom. 2. 2. q. 88. art. 11. & q. 151. ar. 1. & Caiet. *ibidem*. Sotus lib. 7. de iustitia, & iure. Michael Medina lib. 2. de sacrorum hominum continentia. Valent. 4. p. tract. de Sacramento Ordinis. Arag. 2. 2. q. 88. art. 11. Azor. lib. 11. cap. 12. & lib. 13. cap. 12. & multi alij. Summularij verò ut Angelus, Syluester, Tabiena, Armilla, & Pisanelle verbo *votum*, verbo *religio*, & verbo *ordo*. In cuius explicationis gratiam, quaeritur in primis,

### QVÆSTIO PRIMA.

*Quid sit castitas?*

**R**ESPONDEO quod est virtus, qua homo secundum iudicium rationis, & electionem voluntatis re-

frænat concupiscentias venereorum. Et est duplex, perfecta, & imperfecta.

Castitas perfecta est, quæ ab omnibus voluptatibus carnis tam licitis, quam illicitis perpetuo abstinere proponit; unde etiam affectum nuptiarum excludit. Et hæc est castitas virginalis, & religiosa, de qua nunc loquimur.

Imperfecta est, quæ vel solum ad tempus id proponit, vel solum ab illicitis abstinere, & licitis moderatè uti ut in matrimonio. Hæc autem moderatio consistit in debito loco, tempore, modo, & fine, qui enim cum hisce circumstantiis matrimonio utitur, ab aliis abstinet, castitate coniugali præditus est.

### QVÆSTIO II.

*An castitas religiosa sit virtus?*

**R**ESPONDEO, esse veram, & propriam virtutem. Ratio est, quia est habitus bonus inclinans hominem ad continentium se ab omni delectatione carnali secundum rectam rationem; ergo est virtus.

Bbbb ; Tum

- 2 Tum quia castitas est materia voti, nam de illa in religione emittitur solemne castitatis votum: ergo est virtus Probo consequentiam, quia ut recte docet D. Tho. 2. 2. q. 88. ar. 2. votum emitti non potest, nisi de actu virtutis.

### QVÆSTIO III.

*An castitas sit præstantior coniugio?*

- 1 R E S P O N D E O, esse præstantiorem. Ratio est, quia id est præstantius, & Deo gratius, per quod homo magis auocatur à voluptatibus carnis, & curis huius seculi, sed castitas est huiusmodi: ergo est præstantior, & gratior Deo, quàm coniugium.

Tum quia id est melius, & Deo carius, quod maximè præbet facultatem Deo seruiendi sed castitas est talis, ut constet, & tradit Apostolus 1. Cor. 7. ergo.

- 2 Tum quia, id est præstantius, & Deo gratius, quod Dominus noster, quod Apostoli, & quod sancti complexi sunt: sed hi complexi sunt cælibatum, ut constat; vel si aliqui eorum iuncti erant matrimonio abstinerunt ab usu coniugij, ut Hieronymus de Apostolis ait: ergo.

Tandem est conclusio definita in Conc. Ancyano c. 18. in Conc. Carth. 2. cap. 3. in Conc. Tolet. 4. cap. 35. in Conc. Turonensi 2. c. 16. & in Conc. Romano cap. 10.

Dixi (per se) quia per accidens potest esse è conuerso, id est facta suppositione necessitatis conseruationis vniuersi, & educationis filiorum, &c.

### QVÆSTIO IV.

*An virginitas prout est virtus necessaria, & intrinseca inuoluat integritatem corporis?*

R E S P O N D E O quod non. Et ratio est, quia multæ virgines vi oppressæ non amiserunt coronam virginittatis, hæc enim sola voluntate perditur: ergo formaliter non inuoluit integritatem corporis, sed mentis, etsi materialiter illam requirat iuxta vtrumque Thomam 2. 2. quæst. 152. ar. 1. & 3.

### QVÆSTIO V.

*An virginitas reperitur in utroque sexu?*

R E S P O N D E O cum Caiet. 2. 2. q. 154. ar. 6. quod virginitas formaliter prout dicit firmum propositum abstinendi ab omni actu libidinoso sine illicito, siue licito, est communis utriusque sexui, & in via, & in aureola patriæ. At materialiter prout habet tale, vel tale signaculum, vel clausuram, non inuenitur, nisi in sexu feminino, quia plures masculi, qui nunquam cum mulieribus sunt coëquinati, non habent signaculum, & claustrum virginale; & tamen moraliter virgines sunt, & victus reperitur in moribus, & non in natura formaliter, sed tantum materialiter.

### QVÆSTIO VI.

*Utrum virginitas possit amitti absque ullo peccato?*

R E S P O N

- R**ESPONDEO cum D. Tho. 2. 2. q. 112. art. 3. quod virginitas prout dicitur fructum claustrum virginale potest amitti per copulam licitam, id est, conjugalem, quæ amissio dicitur naturalis, & non moralis, ac proinde sine ullo peccato. At ut dicitur rectitudinem voluntatis ad seruandam integritatem claustrum virginale ex voto, non potest amitti stante voto, sine peccato, quia nullus potest violare votum absque peccato.

### QVÆSTIO VII.

*An virginitas possit per pœnitentiam recuperari?*

- R**ESPONDEO, & dico primò, quod virginitas materialiter prout includit signaculum virginale, est irrecuperabilis. Ratio est, quia sicut innocentia denotat animam nunquam peccato esse infectam, ita virginitas includit carnem nunquam esse violatam, aut libidine pollutam. Et sicut vno peccato irrecuperabiliter perit innocentia, ita virginitas vno actu libidinis. Vnde Hieron. *epist.* 22. ad Eustoch. de custodia virginittus, ait, *Audenter loquar, cum omnia possit Deus, suscitare virginem non potest post ruinam: vales quidem liberare de pœna, sed non vult coronare corruptam.*
- 2.** Secundò dico, quod virginitas formaliter prout dicitur firmum propositum abstinendi à quacunque copula carnali potest recuperari per pœnitentiam, non quidem quoad aureolam patriæ, quia verè amissa fuit, sed quoad præmium, & meritum iuxta D. Tho. communiter receptum 2. 2. q. 152. art. 3. ad 3.

### QVÆSTIO VIII.

*An castitas sit sacrum ordinibus annexa iure diuino, an potius ex sola Ecclesiæ constitutione? Perinde est, ac si quaeretur: An qui est sacrum ordinibus initiatus iure diuino, & naturali, an Ecclesiastico ad votum castitatis teneatur?*

**I**N hac quæstione duæ extant opiniones. Prima ait esse annexam iure diuino, & naturali, ac proinde eodem iure ad castitatem teneri. Ita Ioan. Maior in 4. d. 24. q. 2. & Medina lib. 2. de sacrorum hominum continentia cap. 7.

Ex quo inferunt, Romanum Pontificem non posse potestatem facere clericis in sacris constitutis, ut matrimonium contrahant.

Secunda verò opinio, quam sequor, tenet, castitatis votum non esse cum ordinibus sacris iure diuino, aut naturali coniunctum, sed ex sola Ecclesiæ constitutione statuentis, ut sacris initiati votum castitatis emittant, ac sint incapaces validi matrimonij contrahendi, ac proinde posse etiam statuere, ut promouendi ad ordines sacros, deinceps talem castitatem non voueant. Ratio est quia coniugium cum ordine sacro non pugnat, nam tota Orientis Ecclesia ab antiquis temporibus viros matrimonij coniunctos ad ordines sacros assumit. C. olim de cler. coniug. & D. Greg. lib. 1. epist. 42. subdiaconis Siciliæ concessit posse uti matrimonio ante ordines contracto.

Tum quia, si iure naturali, & diuino ordo sacer pugnetur cum matrimonio, essentque incompatibilia, diri

dirimeret utique ordo sacer matrimoniorum raturum præcedens, instar professionis solemnæ, cuius contrarium definiuit Ioan. XXII. *de voto, in metu proprio, qui incipit: Antiquæ.*

Tandem est conclusio definita à Calixto primo *cap. Presbyteris d. 27. & in Conc. Trid. sess. 24. can. 9* ubi disertis verbis lex hæc de clericorum cælibatu vocatur Ecclesiastica, & tradit eleganter D. Thom. 2. 1. *quæst. 88. art. 1. 1. & Caiet. ibid. Sot. lib. 7. qu. 6. art. 2. Henriq. lib. 10. de sacram. ordinis cap. 14. num. 7. Valent. 4. par. tractat. de ordin. d. 9. quæst. 5. p. 3. Arag. 2. 2. quæst. 88. artic. 1. 1. & Azor. lib. 13. cap. 12. quæstione 1.*

## QVÆSTIO IX.

*An in utraque Ecclesia, scilicet Græca, & Latina semper fuerit seruatum, ut clerici post sacros ordines à matrimonio contrahendo arceantur?*

**I**LLUSTRIS SIMVS Caietan. in *opuscul. tom. 2. tract. 27. de dispens. matrimonio, & Sot. lib. 7. quæst. 6. art. 2.* censent id quidem in Ecclesia Latina semper fuisse in usu, non tamen in Græcia, nam olim Græcis Diaconis licuisse matrimonium contrahere.

At omnino dicendum est, in utraque Ecclesia nunquam licuisse ad sacros ordines promoris matrimonium inire. Nam de Ecclesia Græca in *cap. Si quis eorum d. 32. sic dicitur. Si quis eorum qui ad clerum accedunt, voluerit nuptialis iure mulieri copulari, hoc ante ordinationem subdiaconi ut faciat.* De Latina verò Ecclesia hoc habetur *ex capite Sicut quidam d. 27. quæst. 1.* Vbi Innocent. 1. præcipit, ut Episcopi, presbyteri, diaconi, subdiaconi, qui

sacrum transgredientes propositum, uxores sibi copulare præsumperint, separentur.

Ex quo colligitur differentia inter Græcos, & Latinos in sacris constitutos, nam Græci possunt post coniugium ad sacros ordines ascendere, & uti matrimonio ante contracto, quod Latinis est prohibitum.

## QVÆSTIO X.

*Sed maius dubium est, de ordine Episcopali: An videlicet iure diuino sit illi annexum votum castitatis?*

**S**VNT quidam qui tenent partem affirmatiuam.

At tenendum est, solo iure Ecclesiastico esse illi annexum ratione ordinis sacri. Ratio est, quia coniugium cum ministeriis Episcopalibus non pugnat, sed tantum ex quadam decentia, & honestate debet Episcopus à coniugio abstinere, quod seclusa Ecclesiæ constitutione non est sub præcepto.

Tum quia D. Paulus 1. ad Timothei. 3. & ad Titum 1. dixit oportere Episcopum esse vnus vxoris virum, & elegit in Episcopum Dionysium Areopagitam, quem tamen coniugatum fuisse constat *ex cap. 17. Actuum Apostol. & Turonica Synodus 2. can. 13. & 14. vxorem Episcopi, appellat Episcopam.*

Nec obstat statum Episcopi esse perfectiorem religioso. Quia status religiosus licet sit imperfectior in ordine ad alios perficiendos: at in ordine ad propriam perfectionem comparandam est perfectior, & claudit mortem perfectam spiritualem. Vnde si Episc. esset tantum electus, & confirmatus, & nondum in sacris constitutus,

non



non teneretur ratione status ad castitatem.

## QVÆSTIO XI.

*An qui sacris initiantur, continentiam seruare teneantur ex vi voti, an verò solo ecclesie statuto?*

**D**OCTOR subtilis in 4. d. 37. *qu. unica*, & Valent. 4. p. tract. de sacramento ordinis d. 9. *quest. 5. p. 1.* dicunt eos ad castitatem teneri solo ecclesie statuto. Et probant, quia cum votum sit lex priuata, quam quis sua sponte sibi imponit, non videtur quare ratione in ecclesie facultate sit positum voto aliquem obligare, quamuis suo statuto possit illi castitatem indicare.

**2** Alij vero rectius docent, eos ad castitatem teneri ex vi voti, quod ecclesia ordinibus sacris annexuit, cogitque eos qui sacris initiantur, ut id votum emittant, non expresse sed facto ipso, & sic tacite per sacrorum ordinum susceptionem. Et ratio est, quia quamuis ecclesia neminem possit voto obligare ad castitatem, cum illa sit opus supererogationis. At in ordine sacro, quem confert, potest apponere conditionem istam, ut qui vult ad illum promoueri, castitatem voueat. Sicut quilibet in rei sue traditione potest legem apponere. Vnde supposita hac lege, eo ipso quod quis vult ad sacros promoueri, vult ex consequenti castitatem vouere, sicut vult obligari ad persolendum diuinum officium, quod similiter est ordini sacro annexum. Quare id votum non est absque propria voluntate.

**3** Et est conclusio definita à Greg.

lib. 1. *epist. 42.* & refertur *cap. 1. d. 28.* vbi sic dicitur. *Nullum facere diaconum presumant Episcopi, nisi qui se vulturum caste promiserit.* Vbi Glossa verbo, *promiserit*, dicit, *expresse, vel tacite.* Et in *cap. diaconi ead. d. quod est ex Synodo Ancyana cap. 10.* vbi sic habetur: *Quicumque sane tacerunt, & susceperunt manus impositionem, professi sunt continentiam.* Et in *cap. Cum olim de cler. coniug.* habetur. *Nos igitur attendentes, quod orientalis ecclesia votum continentie non admisit.* Ergo supponit in ecclesia Latina id votum continentie esse ordinibus annexum. Hoc idem habetur in *cap. unico de voto, & voti redempt. in 6. & in extrauag. Antiqua Ioannis 22. & in Concil. Toletano 2. & refertur cap. De his d. 25.* quibus in locis id expresse vocatur votum. Et in *Concil. Trid. sess. 24. canon. 9.* vbi statuitur, ut clerici à susceptis ordinibus castitatem seruent vel lege canonica, vel voto. Et ideo ita tenent D. Thom. in 4. *disput. 37. quest. 1. artic. 2.* Caietan. in *opuscul. tom. 1. tract. 27. de dispens. matrim. Sor. lib. 7. quest. 4. ar. 2.* Arag. 2. 2. *quest. 88. artic. 11.* Nauarr. *cap. 22. num. 52.* Henric. lib. 10. de sacram. ord. *cap. 14. num. 7.* Bañ. 2. 2. *quest. 12. art. 1.* Tolet. lib. 4. *cap. 17. nu. 1. & lib. 7. c. 8. nu. 3.* Bellarm. in suis *controuers. lib. 1. de matrim. c. 121. & Vega 10. 2. c. 57. casu 7.*

## QVÆSTIO XII.

*An qui sciens, & prudens sacros ordines suscepit, at continentie votum ei annexum prorsus ignorauit, teneatur continere ex voto, an ex solo ecclesie statuto?*

**E**T quidem certi iuris est, hunc sic <sup>1</sup> initiatum ad castitatem teneri, nec  
Cccc posse

posse valide matrimonio copulari. Sicut quamvis ignorarit, tenetur officium diuinum persolvere, & alia huic statui conuenientia obseruare. Ratio est, quia lex semel legitime promulgata omnes ligat, quantumvis ignorant, quamvis hi à culpa transgressionis legis excusentur.

### QVÆSTIO XIII

*Sed quod in dubium vertitur est, An scienter, & sponte sacris initiatus, ignorans omnino votum continentia ordini sacro annecti, teneatur continere ex voto, an ex solo ecclesiæ statuto.*

**S**YLVEST. verb. matrim. 8. q. 12. R. o. scell. verb. impedimentum, impedimento 11. & Nauar. sum. hisp. c. 23. num. 108. aiunt teneri hunc ex sola ecclesiæ constitutione. Et probant, quia votum est lex priuata, quam quis sponte sua sibi imponit, at qui inuincibiliter ignorat votum, caret voluntate vouendi: ergo ex vi voti non tenetur continere, sed solum ex ecclesiæ constitutione.

At communissimis, atque multo vetior sententia habet ita initiatum teneri continere ex voto. Ratio est, quia qui sciens & prudens vnum facit, subinde vult, & facit ei annexa, vt qui officium Prætoris suscipit, aut ad episcopatum ascendit, contrahit eo ipso obligationes statui, & officio annexas, licet eas ignorarit.

Tum quia qui sacris initiatur, scit se ad alium clericorum statum ascendere, & accedit intentione saltem virtuali faciendi quod vult ecclesiæ, ac proinde vouendi, vt ecclesiæ præferat, licet ipse ignoret, quid ecclesiæ velit. Et ideo ira cum multis aliis teneri  
AZOR. lib. 13. c. 14. q. 10.

### QVÆST. XIV.

*An qui sacris initiatur, habens expressam intentionem minimè se ad continentiam obligandi, teneatur se continere?*

**I**N hac quæstione ardua sanè & difficili, omnes Doctores conueniunt in primis, eum qui sacris initiatur sine animo verè promittendi continentiam, peccare mortaliter. Quia in re grauissima violat ecclesiæ statutum.

Deinde, in eo omnes etiam conueniunt, hunc ad eam teneri saltem ex ecclesiæ constitutione, quæ suò præcepto omnes sua sponte promotos, velint, nolint, ad eam obligat.

### QVÆSTIO XV.

*Sed quæstio tota est: An tunc teneatur ex voto?*

**D**OCTOR Nauar. cap. 22. nu. 54. & Tolet. lib. 7. c. 8. nu. 3. affirmant teneri sic promotum ad continentiam seruandam ex voto. Quia id votum est ex ecclesiæ statuto ordini annexum independenter ab ordinati voluntate, sicut & onus recitandi diuinum officium.

Sed tenendum est, tanquam multo probabilius hunc ad id teneri ex solo ecclesiæ statuto. Quia quoad reliqua ordinibus annexa potest ecclesiæ suo præcepto spontè ordinatos velint, nolint, astringere, non autem ex vi voti, id enim eius naturæ prorsus repugnat, vt pote quæ est veluti lex priuata, quam quis sibi sua sponte imponit.

## QVÆSTIO XVI.

*An qui verè promoveri voluit, sed deficiente aliquo substantialiter requisito, fuit inualide promotus, possit matrimonium inire?*

- 1 **R**ESPONDEO communem esse sententiam hunc valide posse matrimonium contrahere, vt Palud. in 4. d. 38. q. 2. ar. unico, & ibi supplementum q. unica, ar. 2. facitur.

## QVÆSTIO XVII.

*In dubio autem vertitur: An hic teneatur voto simplici servare castitatem, ac proinde peccet mortaliter matrimonium contrahendo.*

- 1 **Q**UIDAM affirmant. Quia proficiens inualide, tenetur voto simplici castitatem servare. *cap. Quidam, &c. Placet de conuersat.* ergo & inualide ordinatus, tenebitur voto simplici castitatis.

- 2 Sed tanquam certum tenendum est, hunc ad nil prorsus obligari. Ita Palud. & supplementum vbi supra. Et ad fundamentum contrariæ opinionis respondeo disparem esse rationem inter inualide profissum, & inualide ordinatum. Quia castitas est essentialiter annexa statui religioso, ordini vero sacro accidentaliter est illi statui accessoria ex solo ecclesiæ statuto. Vnde qui religionem proficitur per se, & principaliter votum castitatis emittit, quod quamuis non valeat vt solenne, propter aliquod essentialiter impedimentum, valet tamen eo modo quo valere potest, nempe vt simplex. At qui ordinatur, non emittit per se, & principaliter vo-

tum castitatis, sed accessoriè, & in consequentiam status ob ecclesiæ statutum. Quando igitur principale non valuit, accessoriū corrumpere necesse est.

## QVÆSTIO XVIII.

*An votum solenne ordinis sacri, sit per se, & essentialiter solenne?*

1 **I**N hac quæstione duæ extant Doctorum opiniones. Prima ait id votum esse per se votum simplex castitatis, sed per accidens, & extrinsecè, solenne eo quod ex ecclesiæ constitutione habeat quemdam voti sollemnis effectum, reddens personas inhabiles ad matrimonium. Ita Caiet. 10. 1. opusc. 1. ad. 17. de dist. matrim. q. unica. Sor. lib. 7. q. 4. art. 1. Valent. 4. p. 1. ad. de sacram. ord. d. 9. q. 5. p. 1. & Arag. 2. 2. q. 88. ar. 11.

2 Ceterum verius est, votum ordini sacro annexum, per se, & essentialiter esse solenne instar voti professorum. Ratio est, quia tota essentia voti sollemnis ex ecclesiæ constitutione est, in eoque consistit, vt ecclesia illud acceptet tanquam solenne, constituensque in statu perpetuo, & immobili, cum ceterimoniis ab ecclesia statutis in eius emissionem: quæ omnia competunt huic voto; acceptatur enim tanquam solenne ab ecclesia *cap. unico de voto in 6.* & emittitur cum ceterimoniis ab ipsa statutis; & constituit in statu perpetuo, ac via ordinaria indissolubili: siquidem solus Romanus Pontifex ex grauissima causa potest in eo voto dispensare, idque rarissimè facit. Et ideo ita tenent Med. lib. 5. de sacerdotum hominum continentia cap. 8. & Sanch. d. 17. nn. 17.

Ex quo colligitur votū solenne ordinis, & professionis nō differre specie in

genere moris, sed solum quod illud sit tacitum, hoc autem professorum expressum, ut Cord. *sum. q. 3. & Lop. p. 1. c. 19* fatentur.

- 4 Hinc non est audiendus Roder. *p. 1. sum. cap. 53. nu. 5.* qui ait utrumque votum differre specie à voto simplici. Sed tenendum est, neque hæc duo vota differre inter se specie, neque etiam à voto simplici, sed per solum ecclesiæ statutum, quo definitur hæc duo vota dirimere matrimonium, non autem votum simplex.

### QVÆST. XIX.

*An si professus in sacris constitutus cum muliere rem habeat, teneatur in confessione, sacri ordinis, & professionis circumstantiam fateri?*

- 1 IN qua re certum est, quod si religiosus, vel in sacris ordinatus cum muliere commisceatur, peccat peccato sacrilegij, ac proinde teneri inter confitendum illam circumstantiam voti patefacere. Quia talis circumstantia mutat speciem peccati, quia ultra fornicationem, in religionem delinquit violans eius votum.
- 2 Hinc, falsa est sententia supplementi Gabr. *in 4. d. 24. q. unica ar. 3. & Tab. verb. votum 1. nu. 3.* asserentium fornicationem sacerdotis, aut monachi non addere circumstantiam specie diuersam; ac proinde necessario fatendam. Quia votum non cadit propriè supra rem positam sub præcepto sed est tunc, quasi noua confirmatio, & ratificatio præcepti illius. Falsa inquam est hæc doctrina, quia cum altera obligatio sit ex lege naturali diuina pertinens ad temperantiæ virtutem, altera verò sit ex voto pertinens ad religionis virtutem, dicendum est neces-

sario, duas esse obligationes specie diuersas, ac proinde in transgressione duplicem reperiri malitiam.

### QVÆSTIO XX.

*Sed dubium est: An si simul professus, & in sacris constitutus, cum muliere commisceatur, teneatur utramque circumstantiam voti explicare scilicet & se esse professum, & sacris ordinibus initiatum.*

SUNT multi qui existimant hunc teneri utramque circumstantiam fateri. Quia hæc vota specie distinguuntur.

Alij vero docent satis esse alteram illarum patefacere, dicendo se esse professum, vel sacro ordine insignitum. Ita Cord. *in sum. q. 3. Lop. p. 1. c. 29. Roder. p. 1. c. 53. n. 5. Henr. lib. 5. de panit. c. 5. n. 6. Arag. 2. 2. q. 88. ar. 7. & Med. lib. 1. sum. c. 14. §. 18.* Pro quo,

Primò dico, quod religiosus castitatem violans, suæ conscientiæ satisfaciit, si inter confitendum, votum castitatis se fregisse dicat. Ratio est, quia votum simplex, & solemne per se non differunt.

Secundò dico, quod si Sacerdos professus fornicetur, suum peccatum ex toto confitetur, si tantum apud confessarium exprimat se esse sacerdotem. Quia vota ordinis sacri, & professionis specie non distinguuntur, nec vnum alterum notabiliter aggrauat.

Tertiò dico, quod si sacerdos professus castitatē violat, confessioni satisfaciit, si tacito sacerdotio, dicat se esse professum. Ratio est, quia tota malitia voti ordinis sacri violati inclusa est in voto solemnī professionis violato.

Quartò dico, quod si sacerdos non professus fornicetur, non teneri in confessione, sacerdotij circumstantiam expli

explicare, sed satisfacit, si se in factis esse dicat. Ratio est, quia sacerdotium nullam aliam obligationem ad castitatem affert, quam eam quæ infurgit ex voto emisso in subdiaconatu.

Tum quia licet ea circumstantia aliquantulum transgressionem augeat, sicut, auger, fornicantem esse sanctiorem, aut doctiorem: hæc tamen non ita notabiliter aggrauant, ut sit necessarium eam in confessione fateri.

Immo arbitror hunc suæ conscientie satisfacere, si inter confitendum solum patefaciat se voto castitatis teneri.

Quia tota malitia specifica superaddita fornicationi confurgit ex voti fractione, & quamvis votum castitatis in ordine facto emissum sit solemne, non differt tamen à simplici nisi per accidens ex solo Ecclesiæ statuto decernentis per id votum dirimi matrimonium. Vpde in eo nullam aliam malitiam specificam inuenio, quam in voti simplicis fractione.

Hinc, qui expressè votum castitatis emisit, deinde ad sacros ordines ascendit, tandem professus est religionem, si hic ad confessionem accedit, suæ conscientie satisfacit, si votum castitatis se fregisse fateatur. Quia omnia ea vota à voto simplici essentialiter non distinguuntur, nec multiplicatio votorum novam affert malitiam.

Hinc, professus qui se non habiturum mollicitem vouit, & postea se polluit, suæ conscientie satisfacit, si tacito eo voto se professum explicet. Quia hic per votum solemne religionis ad id tenebatur, nec votorum multiplicatio efficit, ut id sit necessariò in confessione explicandum.

Hinc, si professus, aut Sacerdos, aut quouis alius voto castitatis ligatus, iureiurando se ad castitatem liget, confessioni non satisfaciet, si tacito iuramento, professionem, vel sacerdo-

tium fateatur. Quia votum, & iuramentum sunt duo vincula specie diuersa, necessario in confessione apertienda.

## QVÆSTIO XXI.

*An si Episcopus fornicetur, teneatur in confessione circumstantiam Episcopatus explicare?*

**R**ESPONDEO non teneri. Ratio est, quia Episcopus nullam aliam obligationem ad castitatē habet, quam ratione voti annexi ordini sacro: ergo secluso scandalo, eiusdem rationis est fornicatio Episcopi, ac fornicatio cuiuscumque ad sacros ordines promoti. Ita Henric. lib. 5. de penitencia cap. 5. num. 6.

Dixi notanter (secluso scandalo) quia si Episcopus publicè cum muliere commisceretur, proculdubio teneretur inter confitendum hanc circumstantiam prælationis explicare. Quia aduersus specialem sui officij obligationem delinqueret.

Ex quo infero primò, fornicationem Episcopi nondum consecrati, sed tantum electi, & confirmati, nec sacris ordinibus decorati non excedere malitiam simplicis fornicationis. Cum Episcopus nullam aliam obligationem habeat quam eam quæ ex ordinis sacri susceptione confurgit.

Secundò infero Prælatum religionis abundè suæ conscientie, & confessionis integritati satisfacere, si omissa prælatione, votum solemne se fregisse fateatur ob eandem rationem.

## QVÆSTIO XXII.

*An qui per vim, vel metum est sacro ordine insignitus, castitatem servare*

*seruare teneatur, ita vt matrimonium contrahere non possit?*

- 1 **I**N qua re constat inter omnes, eum qui per vim absolutam est ordinatus, nulla ratione teneri seruare castitatem, sed posse sua sponte ad nuptias transire. Ratio est, quia cum non sit verè ordinatus, nullo iure cogitur castitatem seruare.

### QVÆSTIO XXIII.

*Sed dubium est de eo solum, qui metu graui ad sacros ordines est promotus?*

- 1 **I**N qua quæstione etiam constat, eum qui post matrimonium contractum est sacris ordinibus initiatus, ad continentiam non teneri, sed posse nutu suo matrimonio uti, ac si ordinem non accepisset. Quia non est rationis consonum eum iure vtendi matrimonio inito priuari, qui metu constantis viri compulsus ad ordines ascendit. Quid est verum, quamuis matrimonium consummatum non sit, vt rectè docuit Abbas cap. Maiores 9. ultimo num. 7. de baptismo.

### QVÆSTIO XXIV.

*Quæstio igitur est de eo, qui matrimonij vinculo liber, ob metum viri constantis, ad ordines est promotus?*

- 1 **M**AGISTER SOTUS lib. 7. q. 2. ar. 5. affirmat hunc teneri ad continentiam, & matrimonium postea initum esse nullū, quia hic suscipit characterē ordinis: ergo & continentiam seruare tenetur, cui cōtinentia annexa est.
- 2 **A**t communis, ac verissima sententia est, eum debere continentiam seruare. Ratio est, quia ordo sacer non obligat ex natura rei ad castitatem, sed

solum ratione voti ex Ecclesiæ statuto ei annexi; at votum metu cadente in virum constantē emissum est omnino irritum, & nullum ex cap. Perlatum. & ex cap. Cum dilectus de his qua vi, &c. ergo. Et idē ita sentiunt Nauarr. cap. 22. num. 52. Henric. lib. 10. de sacramento ord. cap. 14. num. 3. & lib. 11. de matrimonio cap. 3. num. 9. Roder. p. 1. summ. cap. 124. num. 5. & Emm. Sa verb. ordo num. 24. Quod est verum etiam si metus non sit grauis, dummodo sit talis, sine quo ad ordines non promoueretur, vt rectè docet Nauarr. lib. 1. conf. 1. de his qua vi. & c. conf. 5. num. 4. Vnde Ecclesia solum cogit eum, aut votum castitatis denuo emittere, aut à sacrorum ordinum vsu, & executione abstinere. Verum si is metu ordinatus, postea sine coactione verbo, vel facto semel vtens ordine suscepto ratum habeat hunc consensum, tenetur tunc continere instar aliorum clericorum, qui sponte sacris initiantur.

Hinc, sequitur primo, hūc posse suo nutu ad nuptias transire. Quia sola continentia ordini sacro annexa hunc transitum posset impedire: at hic non tenetur cōtinere, ergo. Nauarr. 22. n. 52.

Secundò sequitur, hunc nolentem vti ordine sacro, non teneri diuinum officium persolvere. Quia id est bonus adiunctum ordini sacro sponte suscepto, sicut & onus castitatis Nauarr. cap. 22. num. 51.

Quæ omnia de metu iniuste incusso ab extrinseco intelligenda sunt. secus si urgente necessitate Prælati compulsi præcepto iusto ad ordines assumendos, quia tunc ad castitatem & ad reliqua ordinis onera teneretur, cum nullam iniuriam passus sit. Ita Henric. lib. 10. de sacram. o. d. c. 14. n. 3.

Et ad argumentum Soti respondeo primò; non omnem impressionem characteris obligare ad castitatem, nam si puer recipiat ordinem sacrum, non

teneatur

teneretur ad castitatem, quia castitas est de voto, non de præcepto, vt docet D. Thom. in 4. d. 25. quæst. 3. votum autem vt teneat, debet esse voluntarium.

Secundò respondeo, continentiam non esse necessariam, & iure diuino ordini sacro coniunctam vt patet de sacerdotibus Græcis, sed solum ex constitutione Ecclesiæ, quæ etiam statuit votum per metum grauem extortum esse irritum.

## QVÆSTIO XXV.

*An qui huiusmodi metu ad sacros ordines ascendit, gaudeat clericorum priuilegiis?*

**R**ESPONDEO non gaudere, si continere nolit. Quia non est rationi consonum, vt qui onus sentire recusat, sentiat commodum, de regul. iuris in 6.

## QVÆSTIO XXVI.

*An qui ante vsum rationis est ordinatus sacro insignitus, cum ad aetatem adultam peruenit, continere teneatur?*

**I**N qua re conuenit inter omnes ordinatum ante rationis vsum, ordinis characterem suscipere, ordinis tamen functione, & vfu priuatum esse, nisi cum factus est rationis compos, continentiam perpetuam voueat.

Sed dubium est, an hic continere teneatur.

**Palud. in 4. d. 37. q. 1. ar. 1. D. Anton. 3. p. 1. 1. cap. 8. Supplem. Gab. in 4. d. 25. quæst. 1. ar. 2. & Ledesm. 2. p. quæst. 55. ar. 4.** censent hunc ad id teneri, non vi voti, sed vi statuti Ecclesiastici, quo ligantur omnes, qui sacris initiantur. Quia verum characterem suscepit. Ex

quo inferunt matrimonium postea contractum esse irritum.

At verissima sententia est, enim nulla ratione altringi ad continentiam. Et ratio est, quia votum vt obliget debet esse voluntarium. Nec Ecclesiæ suo statuto intendit facere inhabilem matrimonio, nisi qui spontè ordinem suscipiens, obligatur impliciter ad votum castitatis. Er ideo ita tenent Nauar. lib. 1. cons. tit. de his qua vi, &c. cons. 4. num. 4. Henric. lib. 1. o. de sacram. ord. cap. 14. num. 3. Azor. lib. 13. cap. 14. q. 9. Arag. 2. 2. quæst. 88. art. 1. Vega tom. 2. sum. cap. 57. casu 7. & Sayr. lib. 6. cap. 4. num. 5.

Ex quo inferitur, hunc liberè posse, si manere in statu ordinis nolit, matrimonium inire. Quia sola continentia ordini annexa poterat id impedire. At hic continentiam seruare non cogitur, ergo.

Hinc, non est audiendus Petr. de Ledesm. de sacramentis, ubi de sacram. ordinis cap. 6. diff. 1. qui dicit posse Ecclesiæ reddere inhabilem ad matrimonium, ordinatum ante rationis vsum. Non est inquam audiendus. Quia potuit Ecclesiæ id imponere his, qui sua spontè sacris initiantur, quia cum sua sponte ad ordines promouentur, voluntarie subinde ad castitatem obligantur, ad quam nullum inuitum potest Ecclesiæ cogere; Infans autem sic ordinatus, cum fuerit doli capax, relinquendus est suo arbitrio, qui si voluerit in ordine permanere, iam voto castitatis manebit alstringus: si autem noluerit suspensus manebit vfu ordinis, ac priuilegiis clericorum priuatus.

## QVÆSTIO XXVII.

*An qui post rationis vsum ante aetatem pubertatis sacris est insignitus ad castitatem seruandâ teneatur?*

SOTVS

1 **S**OTVS lib. 7. *quæst. 2. art. 5.* & Vega tom. 2. *summ. cap. 57. casu 7.* affirmant teneri. Quia voluntariè ad sacros ordines ascendit.

2 At ego versus existimo, omnique remoto dubio opinor, hunc nulla ratione teneri seruare castitatem, nisi cum pubertatem attingit, promotionem ratam habeat. Ratio est, quia votum solemne religionis ante pubertatem emissum non valet, nisi post pubertatem ratificetur, vt constat ex cap. *Ad nostram de regul. & ex cap. Illud 10. quæst. 1.* ergo nec votum solemne tacitè emissum in sacri ordinis susceptione. Immo quia iuxta sacri Conc. Trident. decretum solemne religionis votum ante 16. annum expletum emissum, nullius est valoris, idem puto esse dicendum de insignito ordine facto ante dictam ætatem, nempe cum nulla ratione adstringi ad castitatem, sed liberè posse vxorem ducere. Quia ratio tradita militat etiam in hoc casu.

3 Ex quo inferitur, hunc non teneri ad diuinum officium, nec ad reliqua ordinis onera. Quia hic non tenetur ad principale onus annexum ordini sacro, quod est castitas, ergo nec ad onera minus principalia. Quod si hic post legitimam ætatem promotus verbo vel facto ratificet, semel vtens ordine suscepto, in posterum non erit sibi integrum recidere, sed tenebitur continere instar aliorum clericorum, qui legitima ætate ad ordines assumpti sunt.

4 Illud tamen est hic aduertendum, quod qui ante legitimam ætatem promouetur, non potest ordine iam suscepto vti, donec ad legitimam ætatem perueniat. Quia est ab illius executione suspensus. At vbi adeptus fuerit ætatem iure ad ordines petitam, si bona fide promotus fuit, poterit absque alia dispensatione ordi-

ne vti, quia iam impedimentum cessauit.

## QVÆSTIO XXVIII.

*An qui per ignorantiam ad sacros ordines promouetur, continere teneatur?*

**R**ESPONDEO aut is, qui promouetur, scit se ad sacrum ordinem ascendere, aut penitus ignorat. Si primum castitatem seruare compellitur. Quia implicite votum castitatis emisit, eo ipso quod sciens, & volens ad ordines sacros ascendit. Si secundum, castitatem seruare non cogitur. Quia cum hic inuoluntariè accedat, nec ordinem, nec characterem suscipit.

## QVÆSTIO XXIX.

*An matrimonium post sacros ordines contractum sit validum?*

**R**ESPONDEO esse inualidum. Ita enim definitum est in cap. *Si quis eorum & in cap. 1. & 2. Qui cler. vel videntes. Et in cap. Erubescant d. 32. & clarius in cap. 1. de voto, & vris redemptione.* Idem definierunt Nicolaus Pontifex, & Alexand. II. cap. *Nulius* & Ioann. 22. in sua extranag. *Antiqua de voto.* Et nouissimè Concil. Trident. sess. 24. de matrim. cap. 9. & tradit Azor. lib. 13. cap. 12. q. 5.

## QVÆSTIO XXX.

*Quo iure ordo sacer matrimonium subsequens dissoluat?*

**M**AIORIS in 4. dist. 24. *quæst. 2.* ait iure diuino.

Sed



2 Sed communis, & vetior sententia est, ordinem sacrum solo Ecclesie statuto dirimere matrimonium subsequens, quo sancitur, vt in sacris constituti efficiantur inhabiles ad matrimonium, vt habetur expresse in cap. Vnico de voto, & voti redemptione in 6. Sic Caietan. 2.2. quest. 88. art. 7. Less. lib. 2. cap. 41. Aub. 8. & Azor. lib. 12. cap. 6. q. 3.

## QVÆSTIO XXXI.

*An si clericus in sacris constitutus de facto matrimonium ineat, sit ipso iure excommunicatus?*

1 RESPONDEO esse ipso facto excommunicatum vt expresse definitur in Clementina unica de coniugatis.

## QVÆSTIO XXXII.

*An si clericus existens in sacris, matrimonium contrahat, sit irregularis?*

1 RESPONDEO esse irregularem vt habetur in can. Quotquot 27. quest. 1. & cap. fin. de bigamis, nec opus est ad hanc irregularitatem incurtendam matrimonij consummatione vt post D. Anto. & Sylu. tradunt Sot. in 4. d. 27. art. 3. & Couar. 2. p. epit. cap. 6. §. 3. num. 1. à quibus tamen discedit Nauarr. cap. 27. quest. 195. qui tenet ante consummationem non incurri irregularitatem.

## QVÆSTIO XXXIII.

*An huius peccati cognitio ad tribunal sancti officij pertineat?*

1 RESPONDEO pertinere. Ratio est, quia qui existens in sacris, matri-

monium contrahit, videtur esse de hæresi suspectus, cum ipso facto male sentiat de solemnii voto castitatis.

## QVÆSTIO XXXIV.

*An matrimonium ratum, nondum consummatum per sacrorum ordinum susceptionem dissoluatur?*

RESPONDEO non dissolui, vt 1 definitiuit Ioannes XXII. in sua extrauag. quæ incipit. Antiqua de voto, & voti redemptione.

## QVÆSTIO XXXV.

*An qui post matrimonium consummatum ad sacros ordines ascendit in Ecclesia Latina, possit licite uti matrimonio ante contracto?*

1 RESPONDEO aut hic fuit ad ordines promotus vxore volente aut reluctante, vel nescia. Si primum, nec petere, nec reddere debitum coniugale potest: non petere, quia votum castitatis emisit: non reddere, quia eo ipso quod consensit castitatis, votum: emittere, iure compellitur, & ideo se iure petendi priuauit. Si secundum, idest innita, vel ignorante vxore ad ordines ascendit, debitum coniugale exigere non potest, debet tamen vxori petenti reddere. Quia cum vxor non consenserit, ius suum petendi non amisit.

## QVÆSTIO XXXVI.

*Quid iuris de eo qui post matrimonium contractum, nondum consummatum, ad sacros ordines ascendit?*

- R**ESPONDEO in primis hunc, inuita, vel inscia vxore, non posse factos ordines suscipere, licet ad religionem transire iure possit, vt fatentur vniuersi. Deinde, aut maritus id facit de consensu vxoris, aut non. Si primum, matrimonium consummare non potest, neque petendo, neque reddendo debitum. Si secundum, petere debitum iure non potest, quia votum castitatis emisit.

### QVÆSTIO XXXVII.

*An in hoc casu vxori petenti debitum, maritus soluere iure possit?*

- R**ESPONDEO non posse. Quia per sacri ordinis susceptionem voto castitatis se adstrixit, & cum matrimonium non sit adhuc consummatum, tenetur religionem ingredi vt suum votum adimpleat. At huius oppositum est verius, nam ingredi Religionem non est medium proportionatum, sed longè difficilior, & altioris ordinis, & nemo tenetur rem furto ablatam alteri restituere cum iactura rei altioris ordinis, vt pecuniam cum detrimento famæ, aut famam cum iactura vitæ. At talis est Religio respectu continentie promissæ.

- 2** Et est conclusio definita in extra. q. 10. an. XXII. Antiqua concertationi, vbi sic dicitur: *Ad ingressum huiusmodi sic ordinatum, si matrimonium consummatum non fuerit, per Diocesenum infra, moneri precipimus, & induci. Quod si renuerit ipsum si sponsa eius infiteri, per censuram Ecclesiasticam compellendum decernimus, contractum matrimonium consummare.* Et ideo ita tenet Sot. 4. d. 38. q. 2. art. 1. & Sanchez lib. 9. d. 34. num. 3.

### QVÆSTIO XXXVIII.

*An viro defuncto, vxor relicta possit ad alias nuptias transire?*

**R**ESPONDEO, aut vxore consentiente vir ad sacros ordines ascendit, aut non. Si vxor consensit, alteri nubere non potest, quia eo ipso iuri suo cessit. Tum quia in hoc casu cogitur Religionem ingredi, si iuuenis sit, vel de incontinentia suspecta, si autem sexagenaria, cogitur perpetuam castitatem vouere, & si de facto contrahat, tale matrimonium est ipso facto nullum, vt constat ex cap. Si vidua d. 25. Si repugnauit, vel ignorauit, potest viro defuncto ad secundas nuptias transire. Quia ius suum non amisit. Et ideo ita sentiunt D. Thom. in addit. q. 53. art. 4. & Azor. lib. 13. cap. 14. q. 11.

### QVÆSTIO XXXIX.

*Quid iuris de eo, qui sciente, & reluctante vxore est ad sacros ordines promotus?*

**R**ESPONDEO in hoc casu vxorem posse virum suum repetere. Quia ius suum non amisit, & vitum vxori restitutum teneri ei debitum soluere, non tamen petere, quia per votum iuri suo petendi cessit. Idem dicendum est, si vir est sacris initiatus vxore volente quidem, sed vi, dolo, vel metu viri constantis, vel vxore ignorante. Ita Syluest. verb. dimortium q. 17.

### QVÆSTIO XL.

*An Papa possit in voto solemniori ordinis sacri dispensare?*

**R**ESPONDEO posse. Ratio est, quia id votum non est essentialiter ei anne

annexum : nec iure diuino, aut naturali dirimit matrimonium, sed solo Ecclesię statuto, in quo vt constat, potest Papa dispensare.

### QVÆSTIO XLI.

*An ad hanc dispensationem causa publica utilitatis requiratur?*

1 CAIET. in opusc. tom. 1. tract. 27. de matrim. q. unica putat sufficere ad hanc dispensationem solam spiritualis boni ipsius vouentis causam.

2 At contrarium est tenendum. Ductor quia dispensatio hæc nequit fieri absque aliquo status clericorum detrimento. At rationi valde dissonat, spectari speciale bonum ipsius vouentis, postposito totius status clericorum detrimento. Ita Valent. 2.2. d.6. q.6. p.7. & Sanch. lib.6.d.8.

### QVÆSTIO XLII.

*An matrimonium valeat, si Papa absque iusta causa dispensat in voto ordinis sacri?*

1 RESPONDEO, si Papa absque causa iusta dispensat, vt in sacris constitutis matrimonium ineat, peccat mortaliter, at matrimonium tener. Quia talis inhabilitas est inducta de iure Ecclesiastico, super quo Papa sine iusta causa valide dispensare potest, et si sic dispensando peccet. Ita Sor. in 4. dist. 38. q.1. art.1.

### QVÆSTIO XLIII.

*An hic dispensatus peccet lethali- ter, matrimonium contrahendo?*

1 RESPONDEO hunc peccare lethali- ter. Ratio est, quia quamuis

dispensatio absque iusta causa facta in illo iure humano ratione cuius votum ordinis sacri dirimit matrimonium, teneat, at dispensatio in eo voto facta absque iusta causa est irrita, ac proinde peccat mortaliter contra id votum contrahens matrimonium, ac postea debitum petens, quamuis reddere teneatur. Ita Caietan. opusc. tom. 1. tract. 27. de dispen. matrimonij quæst. unica, & Petr. de Ledesin. de matrim. quæst. 33. art. 3.

### QVÆSTIO XLIV.

*Verum omnes Religiosi professi necessario obseruare castitatem teneantur?*

RESPONDEO omnes religiosos solemniter professos ex vi voti solemnitis, & Ecclesię præcepto ad castitatem seruandam teneri, vt expressè definitur in cap. Cum ad monasterium de statu monachorum & in Conc. Turonensi cap. 16. celebrato sub Pelagio Romano Pontifice. Et in Conc. Trident. sess. 25. cap. 1.

### QVÆSTIO XLV.

*An religiosi rectè voveant castitatem?*

RESPONDEO sic. Et ratio est, quia quod à Deo commendatur, & à viris perfectioribus acceptatur, non potest esse nisi iustum, & sanctum. Tale est votum castitatis, ergo. Probat- ur minor ex illis verbis Matth. 19. Sunt eunuchi, qui seipsos castrauerunt propter Regnum celorum : & postea subiungit cohortationem : Qui potest capere, capiat. Quem locum de voto castitatis exponunt Epiphanius heresi 58. Hier. eo in loco. D. Aug. de sãtia + virg. Dddd 2 Fulgent.

Fulgent. *lib. de fide ad Petrum* c. 3. Item probatur ex illo Luc. 1. *Quomodo fiet istud, quoniam virum non cognosco.* Ex quibus verbis omnes sancti Patres deducunt Beatam Virginem votum castitatis habuisse, factum secundum D. Thom. 3. p. 2. q. 28. art. 4. post desponsationem ex diuina reuelatione, quo stante miratur. Vnde D. Bernardus *serm. 4.* super Misus est. *Non dubitat, inquit, de facto, sed modum querit, & ordinem: nec enim querit, an fiet istud, sed quomodo,* quasi dicat, cum sciat Dominus meus testis conscientie mee, votum esse ancille suae, non cognoscere virum, qua lege, quo ordine placebit ei, ut fiat istud. Si oportuerit me frangere votum, ut pariam filium, & gaudeo de filio, & doleo de voto.

#### QVÆSTIO XLVI.

*Quidnam cadat sub voto castitatis?*

**R**ESPONDEO sub illo cadere non solum abstinentiã à vinculo matrimonij, & suis actibus, sed etiam ab omni alio actu interno, & externo castitati aduerso, & secundum se prohibito per legem Dei, ut à turpibus cogitationibus, & delectatione morosa, à pollutione, ab actu venereo, à turpi contactu, ab impudico aspectu, ac denique ab omnibus iis, quæ aliquo modo sunt contra virtutem castitatis. Quare quicquid in secularibus extra coniugium est aliquo modo peccatum contra castitatem, est in religioso etiam sacrilegium contra id votum, ita tamen ut malitia sacrilegij sit mortalis in iis actibus, in quibus malitia libidinis est in secularibus mortalis, venialis verò, in quibus illa est venialis. Et ideo ita tenent Less. *lib. 2. cap. 4. 1. dub. 9. num. 78.* & Suar. *tom. 1. de relig. lib. 3. cap. 3.*

#### QVÆSTIO XLVII.

*An quando Religiosus peccat contra votum castitatis, duplex peccatum committat?*

**R**ESPONDEO duplex peccatum committere. Quia primum peccat peccato luxurie contra virtutem castitatis. Secundo, peccato sacrilegij, aut infidelitatis in Deum contra virtutem religionis.

#### QVÆSTIO XLVIII.

*An summus Pontifex possit dispensare, in voto solenni castitatis per professionem religionis facto?*

**D**VÆ in hac quaestione sunt inter se pugnantes Doctorum sententiae. Prima negat posse Pontificem in eo voto dispensare. Et probat, quia votum castitatis est statui religioso essentialiter annexum, vel potius innexum, & intrinsecè inclusum; ergo non potest ab hoc statu amoueri: ac proinde non potest diuelli ab homine habente illum statum, quia hic status consistit in quadam consecratione, per quam homo totaliter mancipatur diuino cultui ad castitatem perpetuo seruandam: quod autem semel consecratum est, non potest amplius ad vsus profanos conuerti; nec potest desinere esse consecratum, quandiu integrum manet, iuxta illud Levitic. ultim. *Animal quod quis Deo deuotus, sanctum erit, nec mutari poterit, ut pater in calice consecrato: ergo, qui semel est consecratus Deo per votum solenne castitatis non potest desinere esse religiosus.*

Tum quia nihil est melius continentia, quo possit pro ea fieri compensatio iuxta

iuxta illud Ecclef. 26. *Omnis ponderatio non est digna anima continentis.* Sic D. Tho. 2. 2. q. 88. ar. 11. Alber. Magnus in 4. d. 38. ar. 16. & 18. Arag. 2. 2. q. 88. ar. 11 Syluest. verb. *votum* 4. q. 5. Lop. p. 1. c. 49. & p. 2. c. 48.

3 Secunda verd opinio, quam sequor, tenet iuxta exigente rationabili causa, bene posse summum Pontificem in voto solemnii castitatis religionis dispensare, & facere quod religiosus aliquis matrimonium contrahat. Ratio est, quia Pontifex potest dispensare in voto simplici castitatis perpetuæ, ergo etiam poterit dispensare in voto solemnii. Probo consequentiam, quia solemnitas voti solo ecclesiæ decreto est introducta, vt expressè definitur in cap. *unico de voto in 6.* ergo summus Pontifex si subsit iuxta causa potest in eo dispensare. Quia potest suum decretum relaxare.

Tum quia Pontifex potest relaxare votum solemnne castitatis clericorum, vt etiam D. Thom. communiter receptus testatur, ergo etiam poterit relaxare votum solemnne religiosorum. Probo consequentiam, quia cum vtrumque sit solemnne, æqua debet esse vtriusque ratio.

4 Et confirmatur, multæ historiæ tradunt Romanum Pontificem de facto cum multis religiosis dispensasse, vt matrimonium contraherent. Primò cum Nicolao Iustinianno Monacho professio dispensauit Alexander III. vt posset vxorem ducere, ne familia tam illustis exstingeretur. Ex qua susceptis sex filiis, & tribus filiabus ad monasterium rediit, miraculis postea clarus.

Secundò cum Rege Aragoniæ, qui cum esset monachus professus, & eius pater sine filiis obisset, solutus est votis monasticis, vt vxorem duceret.

Tertium Constantia filia Regis

Siciliæ moniali professâ, vt nuberet cum Henrico VI. dispensauit Cælestinus III.

Quartò cum Casimiro filio Regis Poloniæ, monacho professio in monasterio Cluniacensi, vt vxorem duceret, dispensauit Clemens II.

Quintò cum Germano Illustrissimi Cardinalis Ioyosæ Galli, sacerdote professio, & Prouinciali ordinis Capucinatorum, dispensauit Greg. XIII. Atqui absurdum est dicere Pontifices in re tanti momenti errasse. Vnde immerito Sot. lib. 7. q. 4. ar. 2. dicit huiusmodi historias non esse vndequaue veras.

Obiicies, Sacerdos vt pote consecratus nequit non esse consecratus, ergo nec religiosus potest desinere esse religiosus.

Respondeo disparcm esse rationem, nam Sacerdos est consecratus per characterem diuinitus impressum, qui nunquam deletur: at religiosus non est religiosus effectus per vllum characterem, sed per professionem.

Dices, in cap. Cum ad monasterium 6 de statu monachorum habetur: *Neque astimet Abbas, quod super habenda proprietate, possit cum aliquo dispensare: quia abdicatio proprietatis, sicut & custodia castitatis adeo est annexa regula monachali, vt contra eam, neque etiam summus Pontifex possit licentiam indulgere.*

Ad hoc responder Duran. in 4. d. 28. q. 2. consulto textum dicere, non posse Romanum Pontificem licentiam dare, quia non potest ad libitum, & absque causa iuxta.

Sed hæc responsio non placet, quia 7 licentia cum à verbo, *licet*, deriuetur, facultatem rationi consentaneam significat.

Alij dicunt, illa verba intelligenda esse, ex modestia summi Pontificis, ad conuincendum illum Abbatem.

D d d d 3 qui

qui existimabat ipsum habere facultatem concedendi Monacho, vt haberet proprium.

Alij verò rectius dicunt non posse Pontificem dispensare vt religiosus quamdiu manet religiosus proprium habeat, vxorem ducat, ac liber sit ab omni obedientiæ iugo, eo modo quo sunt ceteri seculares, successiue tamen bene fieri potest, ex aliqua vrgenti, & multum rationabili causa, & auctoritate Apostolica, vt qui alias erat religiosus, desinat religiosus esse, & fiat secularis, habeatque proprium, & matrimonium contrahat, & liber sit ab omni obedientia.

- 8 Dices, Matthæus Apostolus ( vt refert Abdias Babylonius in eius vita) potius mortem elegit, quam dispensare vt Iphigenia monialis contraheret matrimonium cum quodam rege promittente conuersionem dimidij ægni sui ad fidem : signum est ergo cum non potuisse.

Respondeo id contigisse, quia tunc temporis, vtpote in initio nascentis ecclesiæ, non tam fuit expediens religionem christianam propagari relaxatione eorum, quæ ad ipsam religionem pertinent, quam sanguinis effusione pro illorum constanti obseruatione.

- 9 Demum obiicies S Tho. auctoritatem, qui in 2. 2. q. 88 ar. 11. docet summum Pontificem id facere non posse.

Respondeo, ipsi sancto Thomæ, ipsummet sanctum Thomam opponimus qui in 4. d. 18. q. 1. ar. 4. q. 1. ad 3. manifestè ait Romanum Pontificem posse relaxare vorum solemnem religionis.

Profectò nunquam persuadere mihi potui S. Thomam hanc auctoritatem Romano Pontifici negasse, sed solum docuisse, vt optime Cætanus annotauit, Romani Pontificis auctoritate fieri non posse, vt quis sit reli-

gius, & coniux, vel dominium habeat: pugnat enim cum natura religionis, coniugij, & dominij vsus. At pontificia auctoritate fieri potest, vt religiosus desinat esse religiosus, & sic matrimonium contrahat, & res vt proprias possideat.

Certè S. Thomas loc. cit. 10, Scotus in 4. d. 38. Caiet. 2. 2. q. 88. ar. 11. Cord. in quest. libro 1. q. 24. Tolet. lib. 4. c. 18. nu. 5. Henric. lib. 12. de matrim. c. 5. n. 7. Valent. 2. 2. d. 6. q. 6. p. 7. Nau. c. 12. n. 77. Roder. 10. 1. qq. reg. q. 2. 5. ar. 2. c. 10. 3. q. 1. ar. 5. Couar. c. 2. de test. nu. 10. & 11. & omnes alij recentiores vno ore fatentur Romanum Pontificem iusta de causa posse vorum solemnem castitatis religiosorum dissoluere.

Et ad primum argumentum Thomistarum respondeo negando statum religiosum non posse ab homine auferri: hic enim status non in aliqua consecratione consistit, vt isti falso supponunt, sed in ipsa voti obligatione, quæ ab homine potest auferri, vtpote in voto sacris ordinibus annexo. Et quamuis res Deo consecrata non possit passim, ac indifferenter alijs vsibus deputari, potest tamen causa vrgente ad vsus profanos conuerri. Sicut licitus est vsus calicis sacri ad bibendum perituro alias pre sitis, sicut 1. Reg. 21. Dauid sine oppressus vsus est licite panibus propositionis & illud Leuitici fuit ceremoniale, quod per mortem Christi extinctum est.

Ad secundum respondeo, negando non dari maius bonum continentia: nam oratio & contemplatio sunt multo meliora bonum continentia, nam Apostolus 1. Cor. 7. nos inducit ad continentiam propter contemplationem: finis autem potior est his quæ sunt ad finem, & tamen potest dispensari in voto orationis, vel contemplationis, ergo. Vnde Ecclesiastici 20. solis bonus excretus vt opibus aux

anteferatur continentia vt ex D. Augustino D. Thomas testatur 2. 2. q. 88. ar. 1. Et quamuis bonum vnius, vel alterius non præponderet continentie religionis. At commune totius Regni bonum tanquam præponderans illi anteferendum est.

---

### QVÆST. XLIX.

*Qualis debeat esse causa ad dispensandum in voto solemnī castitatis religiosorum?*

**R**ICH. in 4. d. 8 q. 1. ar. 9. & Caiet. in opusc. tom. 1. tract. 27. de dispensat. matrim. q. vnica alunt sufficere ad huius dispensationem maius bonum priuatum ipsius vouentis, vt vitiationem probabilissimæ voti transgressionis.

Sed hoc non obstante concors est Theologorum, & canonistarum sententia, desiderari vrgentissimam boni communis causam, vt pacis totius Regni, eiusve ad fidem conuersionis. Ratio est, quia dispensatio hæc fieri non potest sine aliquo detrimento religiosi status. At non videtur rationi consonum, vt cum damno communitatis alicuius ordinis vel religionis, ratio habeatur boni priuatae personæ. Ita Valent. 2. 2. d. 6. quest. 6. part. 7.

---

### QVÆSTIO L.

*An Papa possit dispensare, vt matrimonium professi ad tempus dures, nempe donec habeas prolem, & postea statim ad religionem redeat?*

**A**NTON. Cuchus lib. 3. instit. maiorum tit. 1. nu. 120. affirmat.

At oppositum est certa fidē tenendum. Quia perpetuitas vinculi est de essentia matrimonij.

---

### QVÆSTIO LI.

*An Papa possit ita cum professō dispensare, vt teneatur vxor, manente matrimonij vinculo indissolubili, continere, vt habita prole, professus ad religionem redeat.*

**R**ESPONDEO, non posse. Ratio est, quia hæc conditio est contra matrimonij substantiam.

---

### QVÆSTIO LII.

*An possit Papa ita cum professō dispensare, vt si habita prole, vxor liberè consentiat, vel ob adulterium causam diuorij dederit, ad religionem redire teneatur?*

**R**ESPONDEO posse. Quia hoc non est contra matrimonij substantiam: cum quilibet coniux sua sponte possit se ad id obligare.

---

### QVÆST. LIII.

*An matrimonium valeat, si Pontifex absque iusta causa dispenses in voto solemnī religionis?*

**D**. Thomas, ac eius sequaces tenent, non valere, quia putant hanc ad matrimonium inhabilitatem esse de iure naturali, & diuino, super quo Papa sine iusta causa non potest dispensare.

Sed omnino tenendum est, tale matrimonium valere. Quia tale impedimentum prouenit ex sola ecclesiæ

sic constitutione, quæ sanxit, ut religionem professus inhabilis sit ad matrimonium, ut expressè definitur in *cap. unico de voto. & voti redempt. in 6.* ergo dispensatio Pontificis absque causa concessa tenet, ac proinde matrimonium contractum est validum. At eo contracto non poterit petere debitum, tenebitur tamen reddere. Quia votum illud iure diuino naturali impedit matrimonium, & obligat post matrimonium contractum ad abstinendum à debiti petitione. Quia ea dispensatio in hoc voto facta sine causa fuit irrita.

### QVÆSTIO LIV.

*An hic Religiosus, cum quo dispensatum est, ut contrahat matrimonium, teneatur ad dicendas horas canonicas?*

1. **R**ESPONDEO non teneri. Ratio est, quia per talem dispensationem desit esse religiosus. Ita Roder. p. 1. sum. c. 141. nu. 14.

### QVÆST. LV.

*An qui post simplex religionis votum, matrimonium contraxit, teneatur à debito petendo abstinere?*

2. **A**D hoc dico primò, quod qui voto religionis ligatus matrimonium prima vice consummat, siue petendo, siue reddendo peccat mortaliter. Ratio est, quia adhuc potest suum votum implere religionem ingrediens, & consummans constituit se in eo statu, ut implere nequeat.

Secundò dico, quod is qui religionem vouit, post semel consummatum matrimonium potest licite petere, & reddere debitum. Ratio est, quia vo-

uens statum, non se obligat ad illius leges, donec illum reipia assumat, ut qui sacerdotium vouit, non tenetur donec illud sumat, diuinum officium persolvere, nec castitatem seruare: ergo qui religionem vouit, non tenetur ad castitatem, nec ad paupertatem vel obedientiam, donec proficiatur.

Tertiò dico, quod soluto eo matrimonio, vel facto diuortio ratione adulterij, tenetur is qui religionem vouit, illam ingredi. Ratio est, quia cum iam impedimentum cessarit, potest hic implere suum votum, ergo tenetur.

### QVÆSTIO LVI.

*Quæ, & quotnam sint utilitates, seu fructus castitatis?*

**R**ESPONDEO septem. Primò quidem mundum reddit hominem, & decorum. Vnde Bernard. epist. 42. *Quid castitate decorum, quæ mundum de immundo conceptum semine, de hoste domesticum, Angelum denique de homine facit?* Et D. Chrysost. hom. 23. ad Ephes. dicit, castitatem esse Angelorum virtutem è cælo per Christum allatam.

Secundò hominem liberum reddit, & expeditum ab innumeris curis, & anxietatibus, quibus matrimonio coniuncti implicati sunt. 1. Cor. 7.

Tertiò, ponit in homine fundamentum omnium virtutum, quia ut B. Gregorius dicit, *nihil est bonum sine castitate.*

Quartò, hominem amicum Dei facit iuxta illud Proverb. 22. *Qui diligit cordis munditiam, habebit amicum Regem.* Vnde Sulpitius dialog. 2. *Beata inquit, species tuum, & digna Deo.* Et Greg. Nicen. libro de vera virginitate, hac asserit restaurari, ac restitui deprauatam imaginem Dei in nobis.

Quintò,



Quintò, reddit hominem amabilem Angelis, qui cum per naturam sint casti, specialiter diligunt homines castos.

Sextò, reddit hominem commendabilem, & laudabilis opinionis iuxta illud Sapient. 4. *O quam pulchra est casta generatio cum claritate: immortalis est memoria illius.*

Septimò, & ultimò ducit hominem ad vitam beatam, iuxta illud Mat. 5. *Beati mundo corde &c.*

## QVÆSTIO LVII.

*Qua, & quotnam sint illa, quibus castitas conservatur?*

**R**ESPONDEO decem: primum est, humilitas, per quam, nostra fragilitate cognita ad Deum recurrimus. iuxta illud Sap. 8. *Vide quòd non possum esse continens, nisi Deus det.*

Secundum est sobrietas. Vnde Hier. *difficile inter epulas servatur pudicitia.* Et D. Bernard. *Periclitatur castitas in delusiis.*

Tertium est vestium asperitas, per quam molliem repellimus. Luc. 7. *Qui mollium vestiuntur &c.* Vnde Bernard. *Memeto quod asperior cardo pannum facit leniorem, sic asper habitus carnem facit castiorem.*

Quartum est carnis mortificatio, per quam carnales motus restringuntur. 1. Cor. 9. *castigo corpus meum &c.*

Quintum est, custodia sensuum, iuxta illud Eccles. 9. *Averte faciem tuam à muliere compta, & ne circumspicias mulierem alienam; propter enim speciem mulieris multi perierunt.*

Sextum est vitatio, & declinatio occasionum. Vnde Hieron. Epist. 2. ad Neporianum. *Hospitulum tuum aut raro aut nunquam mulierum pedes terant: nec sub eodem tetto mansues, nec in praterita castitate confidas: quia nec David sanctior, nec Salomone sapientior esse potes, qui tamen lapsi sunt per mulieres.*

Septimum est virilis tentationum resistentia, per quam demonum suggestiones repellimus iuxta illud 1. Pet. 3. *Cui resistite fortes in fide.*

Octauum est scripturarum sanctorum meditatio, per quam carnales cogitationes, spiritualibus impedimus. Vnde Hier. *Amata studia literarum, & vitia carnis non amabis.*

Nonum est feruens Dei dilectio, per quam in Deo delectamur, & sic voluptates carnis tanquam amarissimas despiciamus. Quia gustato spiritu, despicit omnis caro.

Decimum, & ultimum est mortis meditatio, & aeternarum poenarum, quæ debentur impiis, consideratio, per quam stultum esse cognoscimus pro breui voluptate, aeterna sustinere supplicia. Vnde Hier. *Facile contemnunt omnia, qui se cogitant morituum.*

*Hac pauca de voto solenni castitatis sufficiant, reliqua vide apud Summistas.*



# DE VOTO SOLEMNI PAUPER TATIS. LIBER OCTAVVS.

**D**ISSERVIMVS hactenus pro ingenij nostri tenuitate de duobus essentialibus votis, scilicet de obedientia, & castitate; nunc superest, ad huius operis complementum, vt in hoc libro, de tertio, scilicet de voto solenni paupertatis agamus. De quo disputat Magister sententiarum cum cæteris Theologis in. 4. dist. 38. D. Tho. 1. 2. qu. 186. art. 3. & 6. & Caiet. ibidem. Molina tom. 3. de inst. dist. 687. Valent. 2. 2. d. 10. qu. 4. p. 1. 2. Less. lib. 2. de inst. cap. 4. & 41. Corduba in summ. qu. 54. Nauar. com. 2. de Regni. Roder. 2. tom. de q. regul. qu. 19. Lop. 2. p. instruct. confess. cap. 4. Azor tom. 1. inst. mor. lib. 12. cap. 12. & Petr. Nauar. lib. 3. de rescriptis. cap. 1. nu. 171. Summistæ vero vt Angel. Sylu. Tab. Rosell. Arnul. & multi alij verbo Religio. & verbo dominum.

¶ Quoniam verò materia hæc de voto paupertatis celebris est inter Theol.

& Canonistas, & Religiosis vniuersis summo perè necessaria propter innumeros nodos, & laqueos conscientiarum, quos continet, quandoquidem proprietas eius æmulatrix, est vitium adeo execrandum, vt meritò celeberrimus ille Patriarcha Monachorum S. Benedictus in sua Reg. cap. 33. eam nequissimum vitium appellat: estq; eiusmodi conditionis, quod licet sit ab omnibus bene practicum, est nihilominus male cognitum, & intellectum. Quam ob rem in huius rei veritatem vir quidam doctus, dicere solebat, maiorem eorum, qui damnantur Religioforum numerum, infici hoc vitio, & propter hoc vitium damnari. Quare paulo fufius hanc materiam prosequemur, vt quo maioris momenti res est, eo plus diligentie in ea tractanda adhibeatur. Et vt à cætiõibus præmissis, ad minas certa disponenda gradum faciamus præmittenda sunt nonnulla, quæ erunt veluti præambula, & fundamenta dicendorum.

TEXTVS

---

 TEXTVS CAPITIS

Non dicatis, 12. quæst. 1.

**N**ON dicatis aliquid proprium: sed sint vobis omnia communia. Et infra. Quicumque autem in tantum progressus fuerit malum, ut occultè literas ab aliquo, vel quodlibet munus accipiat, si hoc vltro confiteatur parcatur illi & oretur pro illo. Si autem deprehenditur, atque conuincitur, secundum arbitrium presbyteri, vel Præpositi grauius emendatur. Et infra. Cum huius nostræ Congregationis fratres non solum facultatibus, sed voluntatibus propriis in ipsa ordinis susceptione renunciauerint, & se per promissam obedientiam penitus aliorum potestati, & imperiis in Christo, & pro Christo subdiderint, certum est eos nihil habere, possidere, dare, vel accipere sine superioris licentia debere. Quod si propinquus, vel amicus, vel quislibet fratrum cuiquam aliquid offerre voluerit, primò quidem Priori insinuetur: & sic suscipiatur, si ipse mandauerit. De quo tamen nihil fiat aliud, nisi quod Priori placuerit.

---

 TEXTVS CAPITIS

Monachi, de statu Monachorum.

**M**ONACHI non pretio recipiantur in monasterio, nec peculium permittantur habere. Et infra. Qui vero peculium habuerit, nisi ab Abbate fuerit ei pro iniuncta administratione permissum, à communione remoueatur altaris, & qui in extremis cum peculio inuentus fuerit, & dignè non pœnituerit, nec oblatio pro eo fiat, nec inter fratres accipiat sepulturam. Quod etiam de vniuersis religiosis præcipimus obseruari. Abbas autem qui diligenter ista non cauerit, officij sui iacturam se nouerit incursum.

---

 TEXTVS CAPITIS

Cum ad Monasterium, eodem titulo.

**C**UM monasterium Sublacens. Et infra. Prohibemus districte in virtute obedientie, sub obtestatione diuini iudicij, ne quis monachorum proprium aliquo modo possideat: sed si quis aliquid habeat proprij, totum in

Ecce 2 conti

*continenti resignet. Si verò post hoc proprietatem aliquam deprehensus fuerit habere, regulari monitione præmissa, de monasterio expellatur, nec recipiatur ulterius, nisi poeniteat secundum monasticam disciplinam. Quod si proprietas apud quemquam inuenta fuerit in morte, ipsa cum eo in signum perditionis extra monasterium in sterquilinio subterretur. Secundum quod Beatus Gregorius narrat in dialogis fecisse. Vnde si quicumque alicui fuerit specialiter destinatum, non præsumat illud accipere, sed Abbat, vel Priori, vel cellario assignetur. Et infra. Tales enim ad agenda officia monasterij deputentur, qui fideles fuerint, & discreti. Nec alicui committatur aliqua obedientia perpetuò possidenda, tanquam in sua sibi vita locetur, sed cum oportuerit amoveri, sine contradictione qualibet renocetur. Et in fine textus. Nec astitimet Abbas, quod super habenda proprietate possit cum aliquo monacho dispensare, quia abdicatio proprietatis, sicut & cuthodia castitatis, adeo est annexa Regula monachali, ut contra eam nec summus Pontifex possit licentiam indulgere.*

---

## DECRETVM CONCILII

### Tridentini de Paupertatis voto integerri- mè seruando sess. 25. cap. 2.

**N**EMINI igitur Regularium, tam virorum, quam mulierum liceat bona immobilia, vel mobilia, cuiuscunque qualitatis fuerint, etiam quouis modo ab eis acquisita, tanquam propria, aut etiam nomine conuentus possidere, vel tenere, sed statim ea superiori tradantur, conuentuique incorporentur. Nec deinceps liceat superioribus bona stabilia alicui Regularium concedere, etiam ad vsumfructum, vel vsum, administrationem, vel commendam. Administratio autem bonorum monasteriorum seu conuentuum, ad solos officiales eorundem ad nutum superiorum amonibiles pertineat. Mobilium vero vsum ita superiores permittant, ut eorum suppellex statui paupertatis, quam professi sunt, conueniat. Nihilque superflui in ea sit, nihil etiam quod sit necessarium, eis denegetur. Quòd si quis aliter quidquam tenere deprehensus, aut conuictus fuerit: is biennio actiua, & passiu a voce priuatus sit, atque etiam iuxta sua Regula, & ordinis constitutiones puniatur.

## CAPVT XXXIII.

Regulæ S. Patris Benedicti Abbatis, celeberrimi Patriarchæ Monachorum, de vitio proprietatis extirpando?

**P**RÆCIPVE hoc vitium radicitus amputetur de monasterio, ne quis præsumat aliquid dare, aut accipere sine iussione Abbatis, neque aliquid habere proprium, nullam omnino rem: neque codicem, neque tabulas, neque graphium, sed nihil omnino, quippe quibus nec corpora sua, nec voluntates licet habere in propria potestate. Omnia vero necessaria à patre monasterij sperare, neque quicquam liceat habere, quod Abbas non dederit, aut permisierit. Omniaque omnibus sint communia, ut scriptum est, nec quisquam suum esse aliquid dicat, vel præsumat. Quod si quisquam huic nequissimo vitio deprehensus fueris delectari, admoneatur semel & iterum, si non emendaueris, correctioni subiaceat.

## S E R M O XLVIII.

Melliflui Patris nostri Bernardi Abbatis de proprietate abdicanda.

**S**O R O R charissima, peculiare quod habetur apud seruos Dei pro magno crimine, nunquam inueniatur in te. Omnia que in monasterio sunt, omnibus sunt communia. Ergo si ancilla Dei aliquid habet abscondum, vel proprium, quod à ceteris ancillis Dei ignoratur, furtum est, peccatum furti est. Quare quia omnia habet in communem ceteris ancillis Dei, & quasi proprium sibi aliud abscondit. Furtiue aliud habere in communi cum ceteris ancillis Dei, est quasi proprium sibi aliud abscondere. Hoc furtum est, hac manifesta fraus est. Hoc grande peccatum est, hoc est iter inferni, per hanc viam latrones descenderunt in infernum. Sic enim ait Paulus Apostolus: Neque latrones, neque rapaces regnum Dei possidebunt. Ancilla Dei, que semetipsam separat à communione monasterij, aliud quasi proprium abscondendo, consequens est, ut separetur à consortio cælestis vitæ. Multi ad communem societatem monasterij veniunt: sed quod sine graui gemitu dicere non possumus, non omnes in eo secundum Euangelium viuunt. In monasterio sunt S. Apostoli Iesu Christi. Est etiam ibi Iudas Scarioth traditor Domini, & ibi Ananias, cum sua uxore Saphira. Est etiam ibi Giezi discipulus Helisai. Qui propter Deum omnia quæ habent in hoc mundo ad imitatio-

nem Apostolorum derelinquunt causa solius aeternae vitae, cum eisdem Apostolis laetabuntur, & remunerabuntur in aeterna beatitudine. Qui autem postquam ad conversionem monasterij venit, de rebus monasterij facere fraudem praesumit Iudas est, & poenam Iuda sustinebit in inferno, quia de hoc, quod commune est, facere fraudem praesumit, proprium facit. Qui autem a seculari vita ad servitium Dei convertuntur, de his, quae de saeculo habuerunt, unam partem sibi reservant, alteram vero secum monasterio tradunt, cum Anania, & Saphira sententiam maledictionis merentur. Qui autem de saeculo ad monasterium venit, & quod in domo sua habere non potuit, si illud in monasterio habere voluerit, vel requisierit, sine dubitatione lepra Giezi adhærebit ei. Et lepram quā Giezi sustinuit in corpore, iste sustinebit in anima. Hæc soror, sicut superius dixi tibi, magna est differentia inter eos, qui in monasterio vivunt, ab illis qui in monasterio more Apostolorum vivunt, qui ex his, quae in hoc saeculo habuerunt, vel habent in monasterio nihil abscondunt, convenit illud Psalmista: Mihi autem adherere Deo bonum est, & ponere in Deo spem meam, & illud: iacta cogitatum tuum in domino, & ipse te enutriet. Illis, qui sicut Iudas Scarioth proprium retinent, vel de rebus monasterij abscondunt, convenit illud: Ascendunt usque ad caelos, & descendunt usque ad abyssos, anima eorum in malis tabescebant. Illis vero qui cum Anania, & Saphira ex his, quae in saeculo habuerunt unam partem monasterio tradunt, alteram vero sibi in proprium retinent, convenit illud: Qui confidunt in virtute sua, & in multitudine divitiarum suarum gloriantur. Etiam istis, qui sicut Giezi, ea non potuerunt habere in saeculo, requirunt in monasterio, convenit illud: Ecce homo, qui non posuit Deum adiutorem suum, sed speravit in multitudine divitiarum suarum, & praevaluit in vanitate sua. Tu ergo, soror venerabilis, nihil celes, nihil abscondas, nihil apud te absconditum reponas. In abscondito nihil retineas, apud te nihil remaneat absconditum. Quidquid habes, habeto cum licentia, si quid habes, habeto cum benedictione. Sine licentia Abbatisse, vel Priorisse nihil habeas, sine benedictione nihil accipias, sine licentia nihil tribuas. Hæc virgo iacta cogitatum tuum in Domino, & ipse te enutriet.

**H**is itaque iactis fundamentis, nunc operæpretium est, antequam de voto paupertatis, ac de proprietatis virio illi opposito inchoationem aggrediamur, prius prælibare, ac declarare quædam, quæ valde sunt utilia, ac necessaria ad huiusmodi cognitionem, quibus postea enucleatis, ac cognitis, statim ad singularem, ac præcipuam eorum tractationem, arque expositionem nos conferamus. Hæc autem sunt dominium proprium, usus, ususfructus, administratio, possessio, & peculium. Quæritur igitur in primis.

QVÆSTIO PRIMA.

*Quid sit dominium?*

**R**ESPONDEO quod est ius perfectè disponendi de re in suum commodum, nisi lege prohibeatur. In qua definitione quatuor sunt partes, Prima est (*Ius*) quæ ponitur loco generis, & est idem, quod facultas legitima, & iuridica disponendi de re, quod est commune ad dominium, & alias iuris species.

**2** Secunda pars est (*perfectè disponendi de re*) quæ ponitur ad differentiam vsus, & vsusfructus. Nam dominium est ius perfectum, quod quis habet supra rem ipsam, seu substantiam rei, ad vtendum ea, eo vsu, quo voluerit, vt destruendo eam quoad substantiam, vel alienando per donationem, vel venditionem, &c. At verò vsus, & vsusfructus est ius, quod quis habet non supra rem, aut substantiam rei, ad eam destruendam, vel alienandam, sed solum supra vsum rei, vel fructum, qui ex re colligitur salua eius substantia.

**3** Tertia pars est (*in suum commodum*) quæ ponitur ad differentiam iurium, quæ habent superiores in inferiores, quæ idcirco non sunt dominia, quia respiciunt non tam vtilitatem propriam, quam ipsorum inferiorum. Rex enim habet ius in ciues, Episcopus, & Prælati in suos subditos, & pater in filios, & tamen nemo istorum rectè dicitur illorum dominus, quia tale ius non ad commodum Regis, aut Prælati aut parentis, sed ad commodum subditorum, & filiorum debet ordinari.

**4** Quarto, & vltima pars est (*nisi lege prohibeatur*) quæ additur ad significantiam ad alium, & se seruando,

liberè posse vti vt libuerit re, cuius est dominus, nisi per accidens, hoc est aliunde, quam ex natura dominij & ex superioris præcepto, vel lege prohibeatur id facere, vt pupillus qui prohibetur alienare sua bona vsque ad certum tempus, cum tamen sit verus dominus, vt Apostolus ait ad Galat. 4.

QVÆSTIO II.

*Quotuplex sit dominium?*

**R**ESPONDEO duplex si iurisdictionis, & proprietatis. Dominium iurisdictionis est ius, seu potestas gubernandi suos subditos.

Et est duplex, seculare, & Ecclesiasticum. Seculare est potestas Imperatoria, Regia, Ducalis, & similes respectu Regnorum, Prouinciatarum, & oppidorum, quæ ipsis proprio iure in negotiis secularibus subduntur. Ecclesiasticum dominium est potestas Papalis, Patriarchalis, Episcopalis, & alie inferiores respectu subditorum, qui ipsis in spiritualibus subiiciuntur.

**2** Dominium proprietatis est ius disponendi de re aliqua, tanquam sua in suum commodum. Et est duplex, plenum, & non plenum: plenum dicitur, quod proprietatem rei, & eius emolumenta continet. Non plenum, quod tantum habet, vel proprietatem rei absque emolumentis, vel emolumenta absque rei proprietate. Quod rursum est duplex, directum, & vile. Directum continet solam rei proprietatem. Vnde habens hoc dominium solet dici proprietarius. Tale dominium est, quod habet dominus in anaphyseulim, vel feudum datæ.

datæ. Dominium verò vtile continet  
solam rei commoditatem, & vtilita-  
rem. Tale est, quod habet, qui rem in  
feudum, vcl emphyteusim accepit.

### QVÆSTIO III.

*Vtrum Dominium, & titulus domi-  
nij distinguantur?*

**R**ESPONDEO distingui. Ratio est,  
quia dominium est facultas libe-  
ra vlturpandi rem aliquam in suum  
commodum.

At titulus est principium, basis, ra-  
dix, & veluti causa moralis, & fun-  
damentum, quo nascitur hoc domi-  
nium, seu facultas tanquam effectus  
illius. Vnde dicenti alicui, se esse do-  
minum alicuius rei, solemus dicere,  
ostende titulum, id est fundamentum,  
& basim huius dominij. Ita Soc. lib. 4.  
quest. 1. Mol. sem. 1. disp. 4. & Arag. 2. 2.  
quest. 62. art. 1.

### QVÆSTIO IV.

*Quot, & quæ conditiones ad do-  
minij acquisitionem requi-  
rantur?*

**R**ESPONDEO, dux scilicet ti-  
tulus, & traditio, vt habetur in l.  
nunquam ff. de acquirendo rerum domi-  
nio. Cuius ratio est ipsa legum dispo-  
sitione: nam iure naturæ non est neces-  
saria traditio, est tamen rationi con-  
sona, quia tunc transfertur dominium  
ab vno in alterum, quando desinit esse  
sub potestate prioris domini, & tran-  
sit in potestatem posterioris, sed hoc  
non est, quando aliquis solum promi-

sit, vel donauit, aut vendidit: quia ad-  
huc manet sub potestate sua, ita  
vt possit alteri dare, ita vt datio, &  
alienatio valeant, licet peccet, dando  
vni, quod promissit, vel vendidit alteri  
vt habetur ex l. Quoriet C. de rei vendit.  
vbi habetur. Si quis rem suam vendidit  
seu Titio, cui non tradidit, deinde vende-  
ret alteri puta Caio, & traderet, tunc Ca-  
ius, & non Titius acquireret rei illius do-  
minium, licet Titius habeat actionem  
damni in venditorem.

Exciipiuntur tamen à Doctõribus  
sex casus, in quibus potissimum trans-  
fertur rei dominium absque reali tra-  
ditione, quos, si placer, vide in nostro  
speculo confessoriorum dispensat. 1. qu. 1.  
num. 2.

Est autem hic aduertendum, quod  
nomine dominij, inrelligitur etiam  
quasi dominium. Nam dominium  
propriè dicitur respectu corpora-  
lium: quasi dominium verò rerum  
incorporalium, cuiusmodi sunt bene-  
ficiu ecclesiasticum, ius nominandi,  
designandi, eligendi, confirmandi, &  
alia id genus similia.

### QVÆSTIO V.

*Quid, & quotuplex sit  
propriu?*

**R**ESPONDEO propriu quan-  
tum ad propositum nostrum spe-  
ctat bifariam sumi potest. Vno mo-  
do, prout opponitur termino illi,  
commune, & hac significatione accipi-  
tur in capite Non dicatis, dum dicitur.  
Non dicatis vobis aliquod propriu,  
sed sint vobis omnia communia.

Secundo verò modo sumitur, pro-  
ut opponitur alieno, & in hoc sensu  
accipitur in l. eos qui & sin autem iudi-  
cio propriam quis fuerit causam prole-



quantus &c. immo versicula, is vero, qui alienum iuctur iudicium. cap. De appell. Et sic proprium idem est, quod meum. Et hac significatione usurpatur in cap. Redintegranda 3. quest. 1. ibi enim proprias substantias idest meas exponit Pontifex. Vnde secundum Iurisperitos, vt rectè monet Nauarr. comment. 2. de Regul. num. 92. proprium, & dominium idem sunt. Ac proinde, quæ de dominio à Doctoribus discernuntur, accommodanda sunt proprio. Et sic proprium hoc modo sumptum nihil aliud est, quam ius seu facultas ad libitum disponendi de re in suam commodum videlicet alienando, defendendo, ac repetendo eam in iudicio, vel extra, nullam legem violans. Nos autem in latiori significatione hic proprium accipimus, nimirum, non solum, vt comprehendit dominium, verum etiam vsumfructum, & vsum, & quodlibet aliud ius politicum, & ciuile. Quod ex sequenti distinctione magis patebit.

3 Rursus, Proprium dupliciter sumi potest, vno modo quoad veram proprietatem, vel quasi proprietatem: vel quoad veram possessionem, aut quasi, iuris tui pecuniariæ, vel quoad vsumfructum, vel vsum præsertim quatenus sunt iura. Et huius generis proprii soli homines sæculares sunt capaces suo nomine, quia hi solum sunt capaces dominij. Alio verò modo largè, prout continet solam detentionem, vsum, administrationem, & possessionem facti tantum, cuius sunt capaces filij nondum emancipati respectu parentum, serui respectu dominorum suorum, & religiosi de licentia suorum superiorum. Quod proprium, simpliciter proprium non est, sed secundum quid & per quandam analogiam proprium dicitur.

## QVÆSTIO VI.

Quid sit vsus?

R E S P O N D E O quod est ius vtendi re aliena, salua eius substantia. In qua definitione tres particule ponuntur. Prima est, (ius) quod commune est ad dominium, vsum, & vsumfructum.

Secunda particula est (vtendi) quæ ponitur ad differentiam vsumfructus, qui non tantum est ad vtendum, sed etiam ad fruendum re aliena: & ad reiiciendum iura, quæ non sunt ad vtendum, vt ius depositarij in comparatione depositi, & creditoris in comparatione pignoris.

Tertia particula est (re aliena) quæ ponitur ad differentiam dominij, quod est ius disponendi de re propria.

Quarta, & vltima particula est (salua eius substantia) quia vsum, quo substantia consumitur, aut alienatur, non est verè, & propriè vsus, & sic non definitur hac definitione, sed tantum vsum qui est separatus à dominio, & solet dici vsum nudus, siue simplex tui, vt constat ex lege 1. ff. de vsum.

## QVÆSTIO VII.

Quotuplex sit vsus?

R E S P O N D E O duplex scilicet vsus facti, & vsus iuris. Vsum facti est vsum in actu, qui est ipsa actualis rei consumptio. Vt equitatio dicitur vsum equi, & habitatio vsum domus. Et hunc vsum aliqui vocant alinarium, quem etiam ipsa pecora habent in suis stramentis, aut cibariis.

F f f f Huius

Huiusmodi est, qui seruis, & regulis comperit, qui sibi & suo nomine nullius rei usum iuris habere possunt, etiam eorum, quæ manducant, & quibus vestiuntur.

2 Vfus verò iuris, est usus in habitu idest præter ipsum factum includit ius, vtendi re aliqua salua eius substantia. Vnde qui habet usum iuris, licet non possit donare, vendere, locare &c. habet tamen ius ad vtendum re in suos usus. Qui verò habet tantum usum facti, non habet ius ad vtendum, sed tantum habet factum.

3 Vfus iuris iterum est duplex scilicet absolutus, & limitatus, seu dependens ab alio. Vfus iuris absolutus idest independentis est libera, & plena facultas habitualis vtendi re sine dependentia ab alio, etiam consumendi illam, atque adeo quocunque modo ei placuerit. Vfus verò iuris limitatus seu dependens est facultas, seu concessio veniæ vtendi his rebus cum dependentia ab alio, apud quem propriè residet dominium.

## QVÆST. VIII.

*Quid sit vsusfructus?*

1 RESPONDEO quod est ius vtendi, ac fruendi re aliena, salua tamen eiusdem rei substantia. In qua definitione tres sunt partes. Prima pars est (ius) quæ ponitur loco generis, & est idem quod facultas legitima aliquid faciendi.

Secunda pars est (vtendi, & fruendi) quæ ponitur ad differentiam vsuarij, qui tantum habet usum rei.

Tertia vero pars est (salua eiusdem rei substantia) quæ ponitur ad denotandum, quod vsufructuarius potest

vti re, non consumendo eius substantiam, sed tantum percipiendo fructus.

Ex quibus omnibus colligitur primo discrimen, quod est inter dominium, usum & vsufructum. Nam ius duplex esse potest; vnum in substantiam rei, vt possit illam consumere, si vsu consumptibilis sit, vel saltem alienare, vt vendere, donando &c. Et hoc est dominium. Alterum est in qualitate, seu accidentia rei, & hoc rursus est duplex, vnum est ius vtendi re aliena in propriam tantum utilitatem, salua eius substantia, & dicitur vsus, vt si alicui concessus sit vsus pomarij, poterit quidem ipse colligere ex eo flores, & fructus pro se, & sua familia, non autem alteri dare, vel vendere. Alterum est ius vtendi & fruendi salua substantia rei, & hoc dicitur vsufructus; frui enim aliqua re dicitur ille, qui non solum potest consumere fructus in suum commodum, sed etiam donare, vendere, locare, vel gratis dare alteri ius quod habet in vsufructu.

Secundo colligitur, usum, & vsufructum propriè loquendo non posse constitui nisi in rebus immobilibus, quales sunt domus, prædia &c. Et etiam mobilibus, quæ vsu statim non consumuntur, vt sunt oues, boves, equi &c. Quoniam in his manifestè patet post usum, & fruitionem rei, remanere eius substantiam, & sic vsus, & vsufructus possunt esse vnius, & proprietatis, & dominij alterius, non autem in mobilibus quæ statim vsu consumuntur, vt sunt vinum, oleum, panis pecunia, quia post usum in his nihil remanet.

## QVÆSTIO IX.

*Quid sit administratio?*

Respon.

**R**ESPONDEO quod est ius gubernandi, vel distribuendi rem aliquam iuxta conditiones, ac leges peculiares ad hoc assignatas, & non alio modo.

---

### QVÆSTIO X.

#### *Quid sit possessio?*

**R**ESPONDEO quod est ius retinendi rem aliquam in sua potestate, vel eam corporaliter apprehendendi, cum facultate eam possidendi, siue res sit sua, siue alterius, vel per se, vel per alium.

---

### QVÆSTIO XI.

#### *Quid sit peculium?*

**R**ESPONDEO peculium quasi parua pecunia, à pecunia deducitur, quod à pecore seu pecude deductum, significat quidquid in hominis est patrimonio. Strictius tamen caprum significat peculium, quod filiusfamilias habet sepatatum à bonis patris, ut habetur *ex lege depositi. §. peculium.* Quod quidem peculium variis hominibus nuncupatur, prout variis, & diuersis modis comparatur. Nam si filius familias illud acquirit ex patrimonio, dicitur profectitium. Si occasione militiæ armatæ appellatur castrense. Si militiæ togatæ dicitur quasi castrense. Si verò illud acquirit aliunde, dicitur aduentitium. Peculium autem de quo loquimur in hoc loco, translatiue sumitur pro illis bonis, quæ à regularibus peculiariter possidentur. Quod est, duplex, iustum, & iniustum. Iustum est, cum religiosus habet administra-

tionem, & usum alicuius rei, dependentem tamen à voluntate Prælati, & appellatur peculium ex similitudine peculij profectitij, ut optimè aduertit Nauar. *comm. 1. de regulari. num. 14.* Nam sicut filiusfamilias habens peculium profectitium non habet dominium, neque ius aliquod politicum, & ciuile, sed tantum administrationem, & negotiationem bonorum patris, cui subditur. Sic religiosus dicitur habere peculium regulare, ex eo quod habet administrationem, & negotiationem bonorum monasterij, vel aliqua alia bona suis propriis vlibus deputata, dependentem tamen à voluntate Prælati. Aliud vero est peculium iniustum, ut cum religiosus aliquid apud se habet sine licentia Prælati. Et hac significatione usurpatur in dicto cap. *Monachi*, ubi dicitur: *Qui vero peculium habuerit, nisi ab Abbate fuerit ei pro iusta administratione permissum, à communione remoueatut altaris, & qui in extremis cum peculio inueniui fuerit &c.* Vnde peculium hoc modo sumptum idem est, quod proprium; & quando iura loquuntur de abdicatione proprietate, exponenda sunt de abdicatione peculij in prædicto sensu, idest de peculio iniusto, iniusteque possessio, sine dependentia Prælati. Hæc sunt illa, quæ dicenda erant pro notitia eorum, quæ ad voti paupertatis, & proprietatis vitij illi oppositi cognitionem aliquo modo poterant esse utilia. Quæritur igitur nunc.

---

### QVÆSTIO XII.

#### *Quid sit paupertas religiosa?*

**R**ESPONDEO quod est vltronea rerum temporalium abdicatio, ob  
Ffff 2 regnum

regnum cœleste suscepta : quæ, bona externa, sicut obedientia, & castitas interna sacrificat, vel vt dicit D. Bonauentura in *Opusc. 10. 2. apol. paup. resp. 3. p. 1.* Paupertas est virtus temporalium abdicatiua bonorum, qua quis nil proprium gerens, sustentatur de non suo. Vel secundum Albertum Magnum. Paupertas vera, & perfecta est omnia propter Deum sponte, & libenter relinquere, nihil præter solam necessitatem possidere, eadem necessitate se indignum sentire. Vel dic, quod est virtus heroica, qua quis propter Deum renuntiat, & à se abdicat omne ius ciuile, seu politicum, & omne dominium politicum, semper viuens de non suo. Vnde paupertas nihil aliud significat, quam paruam substantiam, siue pecuniam, exiguum patrimonium, penuriam rerum, & modicas facultates.

### QVÆSTIO XIII.

#### *Quotuplex sit Paupertas?*

1. **R**ESPONDEO triplex, exterior, interior, & mixta.

Exterior paupertas est illa, quam inuoluntariè patiuntur pauperes seculares; qui communiter vagantur per mundum, ferè omnino nihil habentes, & de hac in præsentiarum non loquimur.

2. Interior paupertas est illa, quæ non in actu, sed in affectu consistit, de qua loquutus est Dominus cum dixit *Lucæ 14. Nisi quis renunciauerit omnibus, quæ possidet, non potest meum esse discipulus.* Eandem commendauit Matthæi 5. illis verbis, *Beati pauperes spiritu*, &c. quasi dicat, beati qui propter Deum spontè diligunt pauperem. Ita exponunt hunc locum ferè

omnes Patres, D. Hieron. Greg. Nissen. Ansel. Lyran. Ambros. Bernard. Abul. & alij relati à Bellarmino 10. 1. lib. 2. de monachis.

Paupertas verò mixta est illa, qua quis non solum bonis temporalibus caret, verum etiam, & voluntatem habendi deserit, vt sic spontè rebus omnibus spoliatus, nudus Christum nudum sequatur. Et de hac paupertate intelligenda sunt illa verba, quæ Christus Matth. 19. illi iuueni diuiti respondit dicens : *Si vis perfectus esse, vade, vnde omnia quæ habes, & da pauperibus, & habebis thesaurum in cælo : & veni, sequere me.* id est, si ad finem totius legis aspiras s. ad perfectam charitatem, quæ suapte natura Dei amicitia est, & vnio animæ cum Deo, & vnio intima supra id quod mens humana cogitare potest, perfectionis impedimenta remoue, diuitias & opes derelinque, quibus solutus scopum tibi præfixum perfectæ charitatis comparabis. Et hæc est paupertas Euangelica religionum omnium, & de qua in præsentiarum Deo dante agendum est : quæ rursus est duplex, priuata, & in communi. Priuata est illa, quæ emittitur in particulari in religionibus, & est de essentia voti paupertatis, per quam religiosus abdicat à se capacitatem cuiuscunque dominij rerum temporalium, potest tamen in communi possidere, vt sunt Carthusiani, Benedictini, &c. quorum monasteria habent suos redditus, & possessiones.

Altera verò in communi, per quam nihil omnino nec in communi, nec in particulari possidetur, quæ non solum ad religiosos verum etiam ad conuentus, quantum ad redditus, & immobilia bona extenditur quam B. Franciscus suo ordini seruandam reliquit.

Est autem inter utramque paupertatem

pertatem duplex differentia.

- 4 Primò differunt, quia paupertas in particulari cadit sub voto: emittitur enim de illa solemne votum in omnibus religionibus. Paupertas autem in communi non inuenitur in aliqua religione esse sub voto. Nam licet multi arbitrentur vniuersa præcepta regulæ sancti Francisci esse vota solemnia, tamen secundum vèriorem, & probabiliorem sententiam præter tria essentialia vota, nullum aliud speciale emittitur à fratribus Minoribus in professione suæ regulæ, sed quidquid præter hæc tria, in regula statuitur, solum habet vim præcepti, vt apertè colligitur ex *Clement. exiit de paradiso*. Quare in nulla religione emittitur votum de paupertate in communi, sed tantum ea seruatur, vel ex præcepto regulæ, vt in ordine Minorum contingit, vel ex constitutionibus propriis qua ratione fuit introducta apud ceteros mendicantes. De paupertate vero particulari semper fit in religionibus speciale votum.

- 5 Secundò differunt, quia paupertas in communi solet esse maior, vel minor secundum varias constitutiones religionum. Paupertas verò in particulari, quæ cadit sub voto æqualis est in omnibus religionibus. Et ratio est, quia per votum paupertatis religiosi abdicant à se dominium omnium rerum temporalium, efficiunturque incapaces cuiuslibet iuris politici, & civilis: cum igitur omnes religiosi hæc incapacitate sine præditi, non est cur hæc paupertas priuata sit maior in vno religioso, quam in alio.

- 6 Ex quo fit, quod stante hac paupertatis æquali in omnibus professione, contingat, vt in diuersis religionibus exercitium huius voti non sit omnibus æquale, quod ex

eo contingit, quia licentiæ Prælatorum tacitæ, vel expressæ sunt inæquales. Vnde cum eodem, & æquali voto paupertatis stat, quod in vna religione talem quantitatem quis possit expendere in vsus pios, qualem religiosus alterius religionis non posset sine vitio proprietatis. Quod est valde notandum, vt eorum ignorantiam reiciamus, qui absolutè in omnibus religionibus vnâ, & eandem regulam circa paupertatem tradunt, & ea quæ in vna religione contingunt, ad aliam trahunt, quia considerare deberent illa in hac religione ex tacita Prælatorum licentia licere, quæ in alia vbi talis licentia non extat, non licent.

#### QVÆSTIO XIV.

*An paupertas religiosa sit potissimum perfectionis instrumentum?*

RESPONDEO quod sic. Et ratio est, 1. quia ad perfectionem charitatis acquirendam maximè inuac exueri affectum rerum temporalium: exuitur autem per votum paupertatis, quatenus prout affici solemus erga ea, quæ nostra non sunt, sicut contra, afficimur erga ea, quæ possidemus. Dixit enim D. P. Aug. lib. 1. o. conf. ad Deum loquens, *Minu te amas, qui tecum aliquid amat, quod non propter te amat*. Et in libr. 83. quæst. ait quod *nutrimentum charitatis est diminutio cupiditatis*: & postea statim subiungit, *Summa perfectio, nulla cupiditas*: ergo rationi consentaneum est, vt homo omnia sua relinquat, vt Christum perfectè sequatur iuxta illud D. Hieronymi in epist. ad Rusticum monachum. *Christum nudum,*

FFFF 3

*nudus sequere.* Vnde D. Gregor. 2. lib. mor. ait: *Sunt nonnulli iustorum, qui ad comprehendendum culmen perfectionis accincli, dum aliorum interius appetunt, exterius cuncta derelinquunt.* Cuius obseruationem Apostoli Christi complexi de premio tanti laboris, interrogant, dicentes. *Ecce nos reliquimus omnia, & sequimur te, quid ergo erit nobis?* Et libr. 4. cap. 3. ait, rarum valde esse, vt qui aurum possident, ad requiem tendant. Et ob hanc causam D. Ambros. lib. 5. in Lucam, Saluatorem nostrum diuinum illum sermonem à paupertate incepisse credit, quia hæc omnium virtutum patens est. Hoc idem docuit Hieron. epist. 13. affirmans non posse in eodem pectore conuenire virtutes, ac diuitias. D. quoque Bernardus epist. 103. *Beatus* (inquit) *qui post illa non abiit, quia possessa onerant, amara inquinant, amissa cruciant.* Tandem D. Thom. 2. 2. quæst. 186. art. 3. ad 4. alludens (ni fallor) ad illud Pauli 1. ad Timoth. 6. *Qui voluit diuites fieri, incidunt in tentationem, & laqueum diaboli, & in desideria multa vana, & inutilia, qua mergunt hominem in interitum, & perditionem:* ait, *diuitia autem habita per se quidem nata sunt perfectionem charitatis impedire principaliter alliciendo animum, & distrahendo.*

## QVÆSTIO XV.

*An paupertas religiosa sit virtus?*

**E**T videtur quod non, quia si paupertas esset virtus, eius oppositum nempe diuitiæ essent vitium, quia virtuti semper vitium contra-

riatur: constat autem diuitias per se neque bonas, neque malas esse: ergo paupertas non est virtus.

Deinde, virtus consistit in medio, paupertas verò religiosa extremum liberalitatis amplectitur: ergo non est virtus.

Sed certa fide tenendum est, paupertatem religiosam esse veram, & propriam virtutem. Et ratio est, quia paupertas est actus humanus bonus, & laudabilis in medio consistens: ergo est virtus. Consequentia est per se nota. Antecedens verò probatur ex testimonio Christi Matth. 5. vbi non vtcunque paupertatem laudat, sed eam maximè extollit, dum pauperes beatos appellat, & ob paupertatem illis cælorum Regna promittit, gloriosa, & laudabilis est paupertas, cui respondet tam excellens præmium.

Tum quia paupertas est materia voti, nam de illa in religione emittitur solemne paupertatis à Domino Christo institutum: ergo est virtus. Probo consequentiam, quia vt rectè docet D. Thom. 2. 2. quæst. 88. art. 2. votum emitti non potest, nisi de actu virtutis.

Tum quia ex eo aliquis actus est virtuosus, quia per rectam rationem ordinatur ad aliquem finem honestum, hoc autem conuenit paupertati religioſæ: ergo est virtus. Maior propositio est D. Thom. 2. 2. 7. 147. ar. 1. & quæst. 152. ar. 2. & 3. vbi ex hoc fundamento probat virginitatem esse virtutem. Minor verò probatur, nam paupertas religiosa ex se multa bona confert.

Primo peccatorum expiationem, iuxta illud Gregor. *Mala Lazari purgavit ignis inopie, bona diuites epulonibus remuneravit felicitas vite transeuntis. Illum paupertas afflicxit, & iersit; istum abundantia remuneravit, & repulit.*

Secun-

Secundò, peccatorum radices occasioneſque extirpat. Per eam enim abſcinditur prima radix vitiorum, quæ eſt cupiditas. Vnde Chryſoſtom. ſuper epiſt. ad Hebr. ait : Chriſtianus in paupertate conſtitutus, qui tamen diuitiis veris magis irradiat, excludit à ſe ſuperbia tyrum, non eris arrogans, ſed-patens, obtemperans, prudens, et miſis : non adulator, ex quo non quaeris fauorem diuitum, aut lucrum temporale, non applauſum populi, cui nihil eſt ſuper terram.

4 Tertiò disponit ad virtutes acqui-  
rendas, conferuandas, & ad perfe-  
ctionem. Ideo enim paupertas vo-  
catur mater Religionis, quia sicut  
mater generat, & nutrit filiam, sic  
paupertas generat, & nutrit, & cu-  
stodit humilitatem, & per conse-  
quens omnes alias virtutes, iuxta  
illud Proverb. 11. *Probi humiliat, ibi  
sapientia.*

Quarò patit, & nutrit pacem cum hominibus, quia paupertas tollit hæc duo scilicet *meum*, & *tuum*, ex quibus lites proveniunt inter homines, & cupiditatem, quæ est venenum charitatis, radixque omnium malorum.

5 Quintò generat cordis quietem  
iuxta illud Tob. 5. Sufficit nobis  
pauperia nostra, ut diuitias compa-  
raremus hoc, quod videbamus filium  
nostrum.

Sextò, desiderij impletionem iuxta illud, *Desiderium pauperum exaudivit Dominus.*

Septimò, diuina præbet dulcedi-  
nis participationem, iuxta illud Psal-  
mi 67. *Paraſti in dulcedine tua paupe-  
ri Domine.*

6. O<sup>2</sup>au<sup>2</sup>, exaltationem iuxta illud  
primi Regum 2. *Suscitans de pulve-*  
*re egenum, & de stercore erigens pau-*  
*perem.*

Nonò dispoñit ad aliòrum hominum ædificationem, quia per eam inducuntur homines ad mundanorum contemptum, ad confidentiam Dei, & spem in Deo reponendam, & ex consequenti ad spiritualia magis eriguntur.

Decimo, & vltimò confert cœle-  
stem hæreditatem, iuxta illud Matth.  
7. *Beati pauperes spiritu, quoniam ipso-  
rum est regnum cælorum.* Vnde D.Hie-  
ron. in epist. ad Demetriadem expo-  
nens hunc locum sic ait *Apostolici*  
*falsigij est, perfectæque virtutis omnia*  
*vendere, & pauperibus distribuere, & sic*  
*lenem, & expeditum cum Christo ad cœ-*  
*lestia subuolare.*

Tandem, sicut cupiditas est funda-  
mentum, & radix omnium malorum,  
ita paupertas est virtus, & verum, &  
solidum fundamentum totius Evan-  
gelicæ perfectionis. Vnde Saluator  
noster iaciens fundamenta Christia-  
næ perfectionis, à paupertate tan-  
quam à fundamento exorsus est,  
dicens : *Matth. 5. Beati pauperes sy-*  
*ritu. &c.*

Et ad primum in contrarium adductum respondeo in primis, virtutibus, quæ sunt de consilio non contrariari vitium, ut patet in religione nostra, cuius constitutiones transgressores ad nullam culpam obligant, quæ tamen observatæ ad virtutem obedientiæ pertinent, & tamen earum transgressio potest esse sine vitio inobedientiæ.

Secundò respondeo, paupertatem esse virtutem prout cadit sub voto, & tunc ei opponitur vitium proprietatis, quo fundamento ductus D. Tho. 2.2.q.15 2.ar.3.ad 4. probat virginitatem esse virtutem.

Ad secundum respondeo, pauper-  
tatem Evangelicam consistere in  
medio secundum rectam rationem,  
quia religiosi sic relinquunt omnia,

vt non reiiciant necessaria vitæ. Vel melius ita relinquunt dominium rerum temporalium, vt non reiiciant vsum facti.

## QVÆSTIO XVI.

*An votum paupertatis fuerit à Christo Domino institutum?*

**R**ESPONDEO quod sic, & patet ex illo Matth. 19. *Si vis perfectum esse, vende, vende qua habes. & da pauperibus & veni, sequere me* Quo loco Saluator noster non solum optimum consilium dedit renunciandi omnibus diuitiis, sed etiam ad votum paupertatis hortatus est, quia parum prodesset dare omnia pauperibus, & postea iterum ad diuitias redire. Vnde D. Aug. *Epist. 59 & psalm. 103.* & D. Bernard. *super hunc locum*, omnia hæc verba referunt ad perfectam paupertatem, quæ firmatur voto. Quare Christus Dominus huius consilij author, & constructer status religiosi, vt opere confirmaret, quod verbis docebat, mendicus, & pauper vixit, ita vt nec vbi caput reclinaret, haberet, nec puerit eum, qui erat Rex Regum, & dominus dominantium, aliorum elemosynis suam vitam sustentare. Et hanc filij paupertatem Mater & virgo purissima amplexa est. Hoc idem fecerunt Apostoli, vt patet ex illis verbis Matth. 19. *Ecce nos reliquimus omnia.* Vnde August. *lib. 7. de Ciuit. Dei cap. 14. ait*, Dixerunt potentes illi, idest, Apostoli, *Ecce nos reliquimus omnia.* Hoc votum potentissimi vouerant, sed vnde hoc eis, nisi ab illo, de quo continuo dictum est: *Dans votum veneni.* Atque ex hoc paupertatis voto quod Apostoli fecerunt, ortum habuit ille viuendi modus, qui in primitiua Christi Ecclesia floruit,

vt patet Act. 4. vbi dicitur: *Multitudinis autem credentium erat, cor unum, & anima una, nec quisquam eorum quæ possidebat, aliquid suum esse dicebat, sed illis erant omnia communia.* Quod autem hic communis vitæ modus votum tunc esset firmatus Ananiam, & Saphiram exemplum confirmat, qui cum post emissum votum suorum bonorum pretij partem retinissent continuò ab Apostolo detecti, & à Deo percussimiserunt perierunt. Post Apostolorum autem tempora hoc Christi consilium à cunctis religiosæ vitæ cultoribus in sensu explicato fuit intellectum.

## QVÆST. XVII.

*An Religiosi rectè voueant voluntariam paupertatem Deo?*

**R**ESPONDEO quod sic. Et ratio est, quia quod à Deo commendatur, & à viris perfectioribus acceptatur, non potest esse nisi iustum & sanctum. Tale est votum paupertatis: ergo. Probatum minor ex illo Matth. 19. *Si vis perfectum esse, vende, vende omnia quæ habes. & da pauperibus.* Et ibid. *Ecce nos reliquimus &c.* Quæ loca de voto paupertatis exponunt patres. In primitiua quoque Ecclesia omnia in communi more religiosorum ponebantur secundum quod habemus Act. 4. Vnde D. Bernard. super illum locum Matt. *Ecce nos. Hæc, inquit, sunt verba, quæ contemptum mundi in vniuerso orbe, & voluntariam persuaferunt paupertatem, hæc sunt quæ monachis claustra replent, desertis Anachoretis.* Quod autem ex voto ita viverent primi illi Christiani in Hierusalem docet D. Aug. *serm. 1. de communi vita Christianorum*, vbi dicit, idipsum secum suis facere voluisse, quod primos christianos fecisse testantur Acta Apost. & tamen ibidem



ibidem sæpius repetit, nemini licere in tali vita habere proprium, idque ex professione facta Deo. Et in *Epist.* 89. *Neque, inquit, mihi minus imputabitur, quia dines non fui; nam nec Apostoli, qui primi hoc fecerunt, danites fuerunt, sed iotum mundum dimittit, qui & quod habet, & quod optat habere, dimittit.*

## QVÆSTIO XVIII.

*Quidnam sit illud, ad quod religiosi obligantur, quando in solemnī professione vovunt paupertatem.*

**R**ESPONDEO omnes in uniuersum religiosos ex vi voti paupertatis obligari ad non quærendum, acquirendum, atque tenendum aliquid, quod sit sibi proprium, neque vtendum aliqua re totius mundi tanquam propria, siquidem propter Christum voluntarie omnibus quæ possident, aut possidere possunt, renunciant, vt sic rebus omnibus exuti, nudi sequerentur, atque imitarentur Christum nudum. Vnde emissio voto solemnī paupertatis statim religiosus moritur mundo, & omnibus iuribus, ita vt non sit amplius capax, nec illius, quod antea possidebat, vel ei quouis modo obuenerat, nec illius quod in futurū consequi quouis modo & adipisci posset, sed in his omnibus, & singulis prædictis succedit tanquam verus, & legitimus dominus eius monasterium, vel religio. Quare religiosus in tali statu remanens fit per omnia similis seruo, qui à domino suo emptus, & seipsum, & quidquid quauis via, & occasione acquirit, totum domino acquirit.

**2** Ex quo sequitur essentiam paupertatis euangelicæ, quam omnes in uniuersum religiosi proficiantur, consistere in hoc, quod ipsi renunciant, & vo-

luntariè à se abdicant omne ius, dominium, vel quasi dominium, proprietatem, vel quasi proprietatem, vsum, vel vsumfructum, possessionem, vel quasi possessionem rerum temporaliū, contenti, solo simplici vfu eorum, quibus indigent, non quidem iuris, sed facti tantum, vt habetur in *cap. Cui portio* 12. q. 1.

Ex quo colligitur quod ad constituendum aliquem religiosum, requiritur primò quod vouens paupertatem obligetur solemniter ad non volendum habere, nec habere posse etiam iustè, vel vti tamquam proprio, scilicet affectu retinendi iure suo, seu independentè à voluntate superioris.

Secundò, vt sit paratus exui possessione, & vfu omni momento, quo superior iusserit, quia non potest hæc retinere nisi cum dependentia à voluntate superioris, alioquin esset proprietarius, vt habetur *ex cap. Cum ad Monasterium de statu Monach.* & tradit D. Thom. 2. 2. *quæst.* 168. art. 6. *Less. lib. 2. de iust. sap. 41. dub. 3. & 9. Nauar. comment. 2. de regul. m. 14. Roder. tom. 3. qq. regul. quæst. 29. art. 3. & alij.*

Hinc, religiosus, qui ex his, quæ sunt sibi à Prælato concessa aliud quærit, quam simplicem vsum facti necessarium, dependentem à voluntate Prælati peccat peccato proprietatis.

Ex quo colligitur, quam arcta sit via paupertatis, per quam ex vi sue professionis tenentur incedere religiosi, & in quanto periculo suæ salutis viuant, qui non contenti huiusmodi vfu simplici, & paupere, instar secularium quærunt continuū vsum iuris, vsum fructum, ac proprietatem in omni eo, quod habent, vel acquirunt, non permittentes vilo modo vt Prælati possint liberè de his omnibus disponere, quinimo volunt tanquam

g g g g diuites.

diuites huius seculi abundare in omnibus non curantes tot sacrorum canonum prohibitiones.

f Dixi notanter (*rerum temporalium*) quia iurium, & bonorum spiritualium possunt habere dominium, vt sunt scientia, sapientia, & quodcumquedonum à Deo datum, vt virtutes, & animi dotes. Neque sunt incapaces, aut prohibentur religiosi habere, seu capere, honores sanctos, & licitos vt pote honorem presbyteralem, doctoralem, & huiusmodi, quæ dantur propter merita, quibus religiosi non renunciarunt vt docet D. Tho. 2.2.q. 186. ar. 7. ad 4.

Item religiosi beneficiarij habent dominium, vel quasi dominium, & possessionem suorum beneficiorum, & possunt agere nomine proprio ad eorum dominium obrinendum, & adipiscendum, retinendum, & recuperandum eorum possessionem. Ratio horum omnium est, quia per votum paupertatis religiosi non renunciant bonis spiritualibus, nec iuribus prædictis, vt honoribus qui pro his debentur. sed tantum temporalibus, vt post D. Tho. tenet Illustrissimus Caiet. 2.2. q. 186. ar. 7. Nauar. de redd. q. 1. monit. 9. Less. lib. 2. c. 4. dub. 5. & Mol. 10. 3. de iust. disp. 637.

### QVÆSTIO XIX.

*An religiosus possit habere aliquid proprium?*

NON disputamus modo, an religiosus possit habere aliquid proprium in communi, quia certum est, posse illud habere, vt expressè habetur in Conc. Trid. sess. 25. de regul. cap. 3. vbi conceditur omnibus monasteriis, & domibus tam virorum, quam mulierum etiam mendicantium exceptis domibus fratrum B. Francisci

Capucinatorum, & eorum qui Minores de obseruantia nuncupatur, vt deinceps bona immobilia possidere liceat. Nec id habere à statu, & ratione perfectionis diminuit, sed maximè ad illam conducit, vt expressè definitur in iure 12. q. 1. cap. expedit, vbi sic dicitur: Debere propria propter perfectionem contemni, & quod sine impedimento eiusdem perfectionis ecclesie facultates, quæ sunt communes iure optimo possunt possideri.

### QVÆSTIO XX.

*Tota igitur difficultas consistit non de monasteriis in communi, sed de religionis ipsis in particulari, An videlicet post solemnem professionem aliquo modo possint habere proprium?*

RESPONDEO iuxta fidem certissimum esse, nullum religiosum posse habere proprium stricto modo sumptum, quoad veram proprietatem, quale est illud, quod habent seculares. Patet ex cap. Cum ad monasterium de statu monachorum vbi sic habetur. Prohibemus in virtute sanctæ obediencie, ne quis regularis proprium aliquo modo possideat. Sed si quis aliquid habeat proprij, totum in continentii resignet. Si vero post hoc proprietatem aliquam deprehensus fuerit habere, regulari monitione præmissa de monasterio expellatur. Et in cap. Non dicatis dicitur. Non dicatis vobis aliquid proprium. In quæ verba Gerson in opus. contra proprietarios sic ait: Si ergo expressè prohibetur verbum proprietatis, à fortiori & factum. Quasi dicat, si enim aliquid proprium appellare monachis prohibetur, quanto magis illud habere, aut retinere?

Idem

Idem habetur in Concil. Aurelianensi  
1. canon. 21. ubi grauitur monachi  
puniri iubentur, qui contra profes-  
sionem suam, aliquid proprii possi-  
dere voluerint. Et in Concil. Prouin-  
ciali Oxoniensi Anglicano dicitur. Quo-  
niam non licet viris religiosis aliquid  
proprium possidere, qui se, & sua pa-  
riter in ipso religionis ingressu Domi-  
no dedicauerunt. In Concilio Colonien-  
si sub Conrado Archiepiscopo anno 1260.  
celebrato tit. de monachis, & eorum  
conuersatione, & vita capit. 3. habet-  
ur: Statuimus, quod Monachi pro-  
prium non habeant. Sacrum Conci-  
lium Tridentin. sess. 25. capit. 2. idem  
districte interdicit, dum ait. Nemi-  
ni igitur regularium, tam virorum,  
quam mulierum liceat bona cuiuscum-  
que qualitatis fuerint, tanquam pro-  
pria possidere. Tandem in Concilio Me-  
diolanensi celebrato sub B. Carolo Bor-  
rom. Cardinali anno 1677. part. 3. tit.  
de communi vita usu, ac de proprietate  
tollenda, dum de monialibus agi-  
tur, sic habetur. Tuum & meum, at-  
que omnis priuata rerum possessio, &  
re, & verbo omnino tollatur, neque vl-  
la sit, qua quicquam possideat ut pro-  
prium, etiamsi ad necessitatem conces-  
sum sit. Vnde Urbanus primus in  
epistola seu decretali de paupertate lo-  
quens sic ait. Qui umque vestrum vi-  
tam communem suscepit, & vouit, se  
nihil proprium habere videat, ne polli-  
citationem suam irritam faciat. Dicitur  
Basilii in constitutionibus monasticis  
capit. 35. Debet, inquit, pietatis cul-  
tor, qui vitam communem amplexus  
est, ab omni priuata rerum possessione  
liber esse. Et iterum: proprietatis vi-  
tium est, priuata pecuniam habere,  
& clanculum inscio superiore aliquid  
demoliri. Cassian. libr. 4. de institu-  
tis renuncianum capit. 3. de Aegy-  
pti monachorum paupertate loquens:  
Nulli, inquit, cellam, nulli pecunia-

rem ipsis cellam liceat possidere, nec ta-  
le aliquid, quod ut proprium retinens,  
suo debeat communire signaculo. B. Be-  
nedictus in sua regula capit. 34. Ne-  
que aliquid quis presumat habere pro-  
prium, nullam omnino rem, neque co-  
dicem, neque tabulas, neque graphium,  
sed nihil omnino. D. quoque Bernardus  
serm. 48. ait. Qui postquam ad  
conuersationem monasterii venit, de re-  
bus monasterii aliquam facere frau-  
dem praesumit, iudaeus est, & poenam Iu-  
dae sustinebit in inferno. Et post pau-  
ca. Qui sicut Iudaeus Iscariotes proprium  
retinent, vel de rebus monasterii aliquid  
abcondunt, conuenit illud: Ascendant  
vsque ad caelum, & descendant vsque  
ad abyssos.

Quae vero ratio sit, cur tam serio,  
ac stricte religiosis omnis proprie-  
tas interdicitur, ex eo colligere li-  
cet, quia cum religiosus sui iuris  
non sit, ac suae libertatis dominium  
non habeat, sed illud in superioris  
potestatem per traditionem, quae in  
professione fit, transferat: necessarium  
sequitur, eum nihil habere, neque  
possidere posse, non aliter ac si ser-  
uus esset. Cuius rationis vim idem Be-  
nedictus ubi supra meminit, ubi cum  
docuisset nihil omnino à monachis  
esse possidendum, talem rationem ad-  
didit, Quippe quibus nec corpora sua, nec  
voluntates suas licet habere in sua pro-  
pria potestate. Et D. August. in ser-  
mone de communi vita relatus in di-  
cto cap. Non dicatis, eodem modo ar-  
gumentatur dicens: Cum huius Con-  
gregationis fratres se per obedientiam pe-  
nitum aliorum potestati subdiderint: cer-  
tum est, eos nihil habere posse.

Ex quo merito inferri Nauar. lib. de  
reddit. q. 1. monit. 10 & 12. & comm. 2.  
de regul. nu. 2. religiosum professum  
nullius rei temporalis habere domi-  
nium, ne vestis quidem, qua induitur,  
aut panis, quo vescitur: sed quicquid

G g g g 2 habet

habet, esse penitus subiectum administrationi superioris, sine cuius nutu, nihil omnino habere potest.

### QVÆST. XXI.

*An valeat professio religiosa facta sub ea conditione, vt possit sibi aliqua reservare, & de his liberè sine scientia, & voluntate superioris disponere?*

**Q**UIDAM dicunt valere, sicut valet matrimonium contractum sub conditione turpi, vt habetur ex cap. *Quicumque de condit. apposit.* Quia talis conditio habetur pro non adiecta.

**2** Sed oppositum est proculdubio affirmandum. Erratio est, quia hic non intendit se obligare ad id, quod est de essentia religionis: abdicatio enim domini saltem quoad præparationem animi, & quoad obligationem abdicandi, ad substantiam status religiosi pertinet.

Et confirmatur ex cap. *ultimo de conditionibus appos.* vbi sic dicitur, quod si aliqua apponatur conditio in matrimonio contra substantiam matrimonij, matrimonium ipsum est nullum. Ex quo loco à simili sic arguuntor: Hec conditio de proprio habendo est contra substantiam religionis: ergo professio cum tali pacto facta est irrita.

**3** Ad fundamentum contrariæ opinionis respondeo, quod illud caput *Quicumque*, intelligitur de conditione turpi, quando non est contra substantiam matrimonij vt expressè habetur ex cap. *fin. eod. tit. de condit. apposit.* vt si quis matrimonium ineat sub ea lege, vt alter victum ex furto acquirat, vel homicidium committat, talis conditio non impedit matrimonium, sed habetur pro non adiecta: secus tamen in ca-

su nostro, vbi conditio appositæ de proprio retinendo est contra essentiam, & naturam voti paupertatis quod est de substantia religionis.

### QVÆSTIO XXII.

*Sed maius dubium est de eo, qui dum emittit solemnem professionem, intendit retinere dominium ad tempus, & postea illud à se alienare, quando superior infferit?*

**L**ESS. lib. 2. de inst. c. 41. dub. 8. in ea est sententia, vt affirmet spectato iure communi talem professionem esse inualidam. Et probat quia professio iure communi priuat dominio bonorum mobilium, & immobilium, & reddit inabilem ad illud, vt habetur in cap. *Cum ad monasterium de statu monach.*

Tum quia Prælati non habet facultatem ad acceptandum talem professionem insufficientem ad incorporandum religioni, nam ius canonicum ei resistit, & est contra essentialia status religiosi. Posset tamen sibi reservare vsumfructum &c. Sed cum dependentia, & voluntate Prælati, reservando semper ei potestatem disponendi de illis bonis. Nec hoc est f. cere proprietarium, sed vsumfructuarium, nam propriè proprietarius est ille, qui habet dominium absolutum rei.

Credit tamen hic author, talem professionem habere vim voti simplicis, & ita tenebitur mutata voluntate postea profiteri, nisi mens eius expressa, vel tacita alia fuerit, quia votum ultra intentionem vouentis non obligat. Si tamen de eo non constat, interpretatio facienda est, vt valeat instar voti simplicis.

QVÆ

## QVÆSTIO XXIII.

*An quispiam possit religionem profiteri ea conditione tacita, vel expressa, ut domi suæ maneat, & certam suorum bonorum portionem habeat?*

**A**D hanc quæstionem dico primò, quod si ea conditio sit, vt religiosus tanquam proprium aliquid habeat, vel quod nutu superioris repeti nequeat, tunc nulla est professio, quia talis conditio cum voto solemnī paupertatis, quod est de substantia, & natura status religiosi, pugnat.

**2** Secundò dico, quod si eiusmodi conditio sit, vt tum habitationem, tum suorum bonorum portionem, ad necessarios vsus suæ personæ habeat, ex superioris voluntate pendentem, tunc valida erit professio, nec cum iure antiquo pugnat, vt colligitur *ex cap. De viduis 17. quæst. 2.* & tradit optime Natart. *comment. 2. de regular. n. 14.*

**3** Tertiò, & vltimo dico, quod iure nouo Concil. Trident. *sess. 25. cap. 2. de regular.* id est, interdictum, quia in eo loco præcipitur, ne religioso priuato: dentur etiam ad vsum, & administrationem stabilia bona, cuiusmodi sunt domus, fundi, agri, redditus, & id genus alia.

**4** Hinc, religiosi non possunt ex consensu suorum Prælatorum habere aliqua bona, vt ab eis administrantur, ea lege vt certam pensionem reddant monasterio, & ex reliquo sibi ad necessaria vitæ subsidia, & alimenta, ac in pios vsus, quos ipsi maluerint, expendant: quale peculium habere solent de licentia Papæ religiosi senes, vel infirmi de religione bene meriti, quibus habitationes aliquæ salubriores, commodioresque concedi solent. Ratio

huius est, quia licet secundum ius antiquum id non sit interdictum, iure tamen nouo in Concil. Trident. *sess. 15. cap. 2. de regular.* est veritum: & propterea redditus, & alia bona immobilia, vt domus, agri, & alia possessiones tradi superiori debent, vt is singulis religiosiis prouideat, vt (teste Quaranta in suo compendio bullarū verbo *casus reservati* fol. 157.) facta Congregatio Cardinalium declarauit.

## QVÆSTIO XXIV.

*Quo iure solemne votum paupertatis faciat religiosum incapacem dominij retinendi, vel in posterum acquirendi?*

**M**VLTI affirmant solemne votum paupertatis, vi ac natura sua hanc inhabilitatem inducere.

Almay. in tract. de potestate Eccles. *cap. 15.* censet eiusmodi votum non vi sua, nec iure canonico, sed diuino vim habere faciendi religiosum incapacem dominij.

Less. *lib. 2. de inst. cap. 41. dub. 8.* putat religiosum esse inhabilem ad dominium ex duplici causa. Prima, ratione traditionis sui in ius ordinis, ita enim religiosus se tradidit ordini, vt partim mancipio partim filios familias compareretur, quorum neuter sibi acquirit, sed ei in cuius potestate est.

Secunda, ratione Ecclesiæ decreti: quod non solum traditionem illam confirmat, ita vt ille non possit sui iuris effici, sicut seruus, vel filius, sed etiam illum directe incapacem dominij acquirendi facit.

Cæterum meo iudicio rectius docent Nauart. *comment. 2. de regul. num. 51.* & Couar. *de testam. cap. 2. num. 5.* nempe per solemne votum paupertatis religiosum esse inhabilem ad do-

Gggg 3 minium

minium sola Ecclesiæ, constitutione. Quam opinionem vt probabiliorem, ac iuri ciuili autoritate canonis approbato magis conformem sequitur Azor. *part. 1. inst. mor. lib. 12. cap. 12.* Fundamētum præcipuum huius opinionis est, quia in *cap. Quod votum, de voto, & voti redemptione in 6.* generatim dicitur, solemnitate voti esse sola Ecclesiæ constitutione. Vnde, sicut Ecclesiæ decreto religiosus professus, est inhabilis ad matrimonium contrahendum, sic etiam eiusdem Ecclesiæ decreto est incapax dominij acquirendi.

## QVÆSTIO XXV.

*Utrum summus Pontifex possit in voto solenni paupertatis dispensare, id est, vt religiosus habeat proprium, sicut ceteri seculares?*

**D**OCTOR Angelicus 2. 2. q. 88. *art. 11.* tenet non posse.

Ratio ipsius est, quia votum paupertatis statui religioso est essentialiter annexum, vel potius innexum, & intrinsicè inclusum.

**1** Tum quia implicat contradictionem quod religiosus sit regularis, & tamen sit capax alicuius iuris ciuilis, nempe habeat proprietatem, eo quia votum paupertatis, quod consistit in expropriatione cuiuscunque dominij, requiritur necessariò, sicut & duo alia vota ad essentiam status regularis. Si igitur regularis est proprietarius, non est regularis, & si est regularis non est proprietarius.

**3** Tum quia extra de statu monast. in fine illius decretalis, cum ad monasterium, dicitur. Abdicatio proprietatis, sicut & custodia castitatis adeò est annexa Regulæ monachali, vt super

ipsam, neque summus Pontifex licentiam valeat indulgere. Eandem sententiam sequuntur Syluest. *verb. votum 4. quest. 5. Arag. 2. 2. quest. 88. art. 11. Artil. verb. dispens. num. 11.* & multi alij ex Thomistis.

Ex quo inferunt, quod dispensante summo Pontifice cum aliquo religioso, vt fiat clericus sæcularis, tenetur habere propositum custodiendi tria vota essentialia, quæ promisit, qui si non habet hoc propositum, existit in peccato mortali, cum Papa non possit dispensare in dictis votis.

Sed his non obstantibus, concors est Theologorum, & Canonistarum sententia posse summum Pontificem votum solenne paupertatis relaxare. Probatur, Pontifex potest dispensare in voto solenni castitatis vt ferè omnes fatentur, ergo etiam poterit dispensare in voto solenni paupertatis. Probo consequentiam, quia cum vtrumque sit solenne, non erit maior ratio, cur Pontifex possit in voto castitatis dispensare potius, quam in voto paupertatis.

Deinde summus Pontifex potest relaxare votum solenne castitatis clericorum, vt fatetur S. Tho. & communis sententia Doctorum, ergo & in voto paupertatis religiosorum. Probo consequentiam, quia votum paupertatis religiosorum non est magis solenne quam votum castitatis clericorum.

Præterea summus Pontifex potest relaxare votum simplex paupertatis perpetuæ, vt omnes Doctores fatentur, ergo & solenne. Probo consequentiam, quia solemnitas voti sola Ecclesiæ constitutione est introducta, vt expressè habetur in *cap. Quod votum, de voto, & voti redemptione in 6.* Si solemnitas est ex sola Ecclesiæ constitutione, ergo potest ipse in ea dispensare, quia potest relaxare suam constitutionem.

Tandem

7 Tandem Caietan. 2.2. *quest. 88. art. 1.1.* Less. *lib. 2. de iust. cap. 4.1. dub. 19.* Arag. 2.2. *quest. 88. art. 1.1.* & multi alij nobiles auctores referunt Romanum Pontificem de facto dispensasse cum multis, ut matrimonium contraheret. Atqui absurdum est dicere Pontificem in re tanti momenti errasse. Et ideo ita tenent D. Thom. sibi contrarius in 4. d. 18. *quest. 1. art. 4. quest. 1. ad 3.* Scot. *ibidem quest. 3.* Caietan. 2.2. *quest. 88. art. 1.1.* Couar. *de testam. cap. 1. num. 10.* Less. *lib. 2. cap. 4. dub. 5. & cap. 40. dub. 19.* Sot. *lib. 10. quest. 5. art. 7.* Azor. *lib. 1.2. cap. 7. quest. 4. art. 1.* Cord. *lib. 1. quest. 2.4.* Valq. 1.2. q. 96. *art. 4. disp. 165. cap. 9. num. 109.*

8 Er ad primum argumentum contrarie opinionis respondeo quod quavis verum sit, quod votum paupertatis sit essentiale religioni, nec ab ea possit separari, potest tamen efficere summus Pontifex ex rationabili causa, ut qui antea erat religiosus, non sit, & sic proprium habeat, & vxorem ducat, & ex matrimonio filios procreet.

Ad secundum respondeo, ex eo solum concludi, religiosum quandiu ralis est, voto paupertatis teneri, nec fieri posse, ut existente statu religioso, non sit votiua paupertate astrictus, quia implicat contradictionem, quod quis sit religiosus, id est, teneatur voto solemniter integro, quod quem incapacem dominij rei pecuniariae facit, & quod fiat dominus talis rei.

9 Ad tertium, & ultimum respondeo primò illa verba cap. Cum ad monasterium, intelligendi esse ex modestia summi Pontificis ad conuincendum illum Abbatem qui existimabat ipsum habere facultatem concedendi religioso ut haberet proprium.

Secundò respondeo Innocentium Papam eo in loco hanc facultatem cum religioso dispensandi Romano Pontifici denegasse, religioso manente in

statu religioso, id enim Romanus Pontifex non potest efficere, id est, proprietatem rei cum paupertatis voto, & matrimonium cum voto castitatis vna, & simul coniungere. Non tamen ibi Romano Pontifici potestas denegatur, quominus possit id facere successiue aliqua vrgentissima causa propter bonum commune, faciendo de religioso, non religioso, & sic exemptum à religione, vxorem ducere, & proprium patrimonium habere.

## QVÆSTIO XXVI.

*Sed dubie questionis est, an in individuo possit dari causa aliqua legitima, ob quam oporteat auctoritate Pontificia votum solenne paupertatis dissolui?*

NAVARR. *comm. 2. de regular. n. 17.* 1  
Nexistimat non posse causam subesse, ut quis dispensetur à voto solemniter paupertatis, quia dari potest causa, & necessitas, ut religiosus fiat Rex, vel Princeps, & matrimonium contrahat, & proinde liber omnino à voto castitatis sit, non autem subesse potest causa, ut sit regni dominus, quia sufficit, ut ei concedatur plena administratio, quæ tamen sit aliquo modo dependens ab arbitrio Pontificis: hæc enim sufficiens est, ad omnes actus necessarios, ut ad donandum, ad acquirendum, ad contrahendum, ad condendum testamentum, &c.

Hoc idem dicit de voto solenni obedientie, non enim necesse est, hoc vinculum dissolui, sed satis est materiam subtrahi, tollendo subiectionem, quam habet subditus ad suum Prælatum, & tunc manebit Pontifici subiectus sicut accidit quando religiosus fit superior Generalis, Episcopus, vel Cardinalis. Quare hoc fundamento ductus Nauarrus absolute asserit non posse Romanum Pontificem super voto paupertatis dispensare, non quia Romanus Pontifex

Ponti

Pontifex id præstare non possit, si aliqua iusta causa occurreret, sed quia talis nulla occurrere potest, ideo non potest in eo dispensare.

3 At ego verius existimo, omnique remoto dubio opinor, posse iustam causam subesse, ut religiosus dispensetur in voto paupertatis. Vt si v. g. religiosus dispensetur ut fiat Rex, & ducat uxorem, ista est iusta causa, ut votum paupertatis ei omnino relaxetur, ne affectu proprietatis, largitionibus, sumptibus superfluis, aliisque modis, qui facile in statu regio possunt occurrere, peccet contra votum.

4 Tum quia quando Papa dispensat cum religioso, ut ducat uxorem, non dispensat cum eo, ut manens religiosus, simul habeat uxorem, sed ex iusta causa per dispensationem facit ut de religioso, fiat non religiosus, & sic factus non religiosus uxorem ducat, propriumque habeat. Vnde dispensante Papa cum religioso ut succedat in Regno, & uxorem ducat, causa quæ sufficit ad dispensandum cum eo, ut possit matrimonium contrahere, sufficit ut possit habere proprium; non enim potest habere uxorem, & liberos absque eo quod ipsi concedatur proprium.

Et confirmatur, nam Nauarr. admittit Romanum Pontificem dispensantem in voto solemnī castitatis facere de religioso non religiosum: ergo tunc dispensat etiam in voto paupertatis. Probo consequentiam, quia est omnino absurdum velle non religiosum ad paupertatem obligare, vel religiosum cum solo paupertatis voto manere. Et idē ita tenet Less. lib. 2. cap. 4. dub. 5. Azor. lib. 1. 2. cap. 7. quest. 2. & Vasq. 1. 2. quest. 69. art. 4. d. 165.

Idem videtur dicendum de voto solemnī obedientiæ, immo videtur hoc votum sponte cessare, hoc ipso quod definit esse religiosus.

## QVÆSTIO XXVII.

*An si Romanus Pontifex absque iusta causa in tali voto dispenseret, talis dispensatio valeat?*

RESPONDEO valere, validumque esse factum quoad voti solemnitatem reddentem religiosum incapacem dominij. Quare verum bonorum dominium acquireret, & in alium id verè transferre poterit. Quia sola Ecclesiæ constitutione votum solemnē paupertatis ad hoc inhabilem religiosum reddit. At non valebit dispensatio quoad substantiam eius voti paupertatis obligantis iure diuino naturali. Ac proinde peccabit mortaliter is religiosus acquirendo, vel transferendo rei alicuius dominium contra id votum paupertatis.

## QVÆSTIO XXVIII.

*An religiosus professus saltem de licentia Prælati possit habere proprium?*

RATIO dubij est, quia in dicto cap. 1. Non dicatur 1. 2. quest. 1. absolutè præcipitur religiosis, ut non habeant, aut dicant aliquid se habere proprium. Et in c. Monachi de statu monachorum. dicitur, quod monachis non permittatur habere peculium. Hoc idē definitur in cap. Cui ad monastrium. Et in Concil. Trident. sess. 25. de regul. cap. 2.

3 His tamen non obstantibus, primò dico quod religiosus professus etiam de licentia sui superioris non potest habere proprium stricto modo sumptum, quoad veram proprietatem, quale est illud, quod habent seculares.

Ratio



Ratio est, quia hoc est expressè contra votum solemne paupertatis, quod omnes religiosi emittunt, atque observare tenentur; nec Romanus Pontifex potest dispensare, ut religiosus existens verè, & propriè religiosus proprium habeat, eo modo quo illud habent seculares.

Secundò dico quod religiosus professus de licentia superioris potest habere proprium largo modo acceptum, prout continet solam detentionem, usum, administrationem, & possessionem facti, cum facultate disponendi de eo in suos usus honestos, & pios tantum, amovibile tamen ad nutum superioris, ut habetur ex cap. *Monachi in sine*. ubi dicitur posse peculium concedi alicui monacho. Unde supradicta capita sunt intelligenda de proprio primo modo sumpto, vel etiam secundo modo, quoad ius administrandi nomine suo, & sine expressa, aut tacita licentia Prælati, aut sine iusta, & rationabili causa, aut de proprio expendendo in quoscunque usus, etiam prophanos, ut posset quilibet alius secularis de re sibi propria. Et quamvis Concil. addat, neque etiam nomine conventus, intelligendum est sine dependentia Prælati. Atque ita tenet Ioann. Andr. in cap. *Non est obligatorium de reg. iuris* ubi ait, validum esse statutum, ut monasterium det monialibus solummodo victum, & pro vestitu habeant ea quæ labore manuum suarum lucrantur, quod in multis monasteriis positum est in more, & certum est, inquit, hoc fieri non posse, absque eo quod aliqua ratione habeant proprium. Et Panorm. in dicto cap. *Cum ad monasterium, de statu monachorum*, inquit, satis esse licitam constitutionem, siue consuetudinem, qua religiosi traditur certum quid annuum, pro annuo vestitu. Immo in nulla religione ita

rigorose servatur votum paupertatis, quin de licentia Prælati tacita, vel expressa religiosi habeant aliquod proprium largo modo acceptum suis peculiaribus vñibus deputatum, ut puta vestes, lectum, libros, imagines, & id genus alia, quæ omnia cum habeant de licentia, & dependentia Prælatorum, non censentur esse contra paupertatis votum.

## QVÆSTIO XXIX.

*An regulares possint licitè habere peculium?*

ET quidem certum est posse Regulares de licentia suorum Prælatorum, libros, vestes, pecuniam, & alia mobilia habere in suos usus licitos, & honestos. Immo licita est consuetudo in multis monasteriis introducta, ut regulares victum tantum à monasterio accipiant, vestitum autem & alia ex suis laboribus sibi quærant; & quod magis est, ut quilibet religiosus accipiat quotannis ab officiali certam pecuniæ summam pro vñibus sibi necessariis. Quia Concil. Trident. sess. 25. cap. 2. de reform. regular. quoad bonorum mobilium usum, nihil novi statuit, cum expressè ibi agat de bonis stabilibus: & ex alia parte id olim de iure licebat, ergo id modo etiam licitum erit ut sacra Congregatio declaravit.

Sed tota controuersia consistit de peculio consistente in bonis stabilibus, ut sunt annui redditus alicuius agri, vel vineæ, vel alterius possessionis.

Et quidem, attento iure communi antiquo etiam certum est, non esse contra votum paupertatis habere hu-

Hhh h iusmodi

iufmodi peculium de licentia Prælati ex legitima caufa concessum ad honestos, & licitos vsus ad nutum superioris reuocabile. Quia in hoc casu religiosus non vritur huiusmodi rebus tam suam suis, sed vt alienis, cum alieno superioris arbitrio ducatur. Et colligitur expresse ex cap. *In sinuatus* qui clerici, vel *uouentes*. Et ex cap. *De viduis* 27. questione 1. vbi conceditur moniali, vt remaneat in duntaxat quondam sua cum omni propria substantia quoad vsum illius, plenariamque in vsus licitos administrationem. Et in cap. *Monachi de statu monachorum*. permittitur monachis pro administratione iniuncta peculium habere. Et ideo iratenent Nauar. commentar. 2. de regular. numero 19. & 27. Azor. lib. 12. cap. 9. questione 2. Cord. summ. questione 54. Petr. Nauar. lib. 3. de restit. cap. 1. part. 3. numero 163. Roder. 2. part. summ. cap. 31. num. 3. & communis.

### QVÆSTIO XXX.

*Quæstio igitur est, an post decretum Concilij Tridentini adductum, id liceat?*

**S**VNT multi qui existimant id non licere. Et probant, quia eiusmodi redditus annui à iure inter bona immobilia enumerantur iuxta Clem. 8. 6. cumque annuus redditus de verb. signif. At habere huiusmodi bona immobilia, & stabilia est ipsis regularibus à Concil. Trident. ubi supra interdictum: ibi enim sic habetur: *Nec deinceps liceat superioribus bona stabilia alieni regulari concedere, etiam ad vsum suum, vel vsum administrationis, aut communium ergo*. Sic tenent Cord. summ. questione 54. Molina

tom. 2. d. 276. Roder. part. 2. cap. 31. num. 3. Less. lib. 2. cap. 4. dub. 5. Nauar. lib. 3. de restit. cap. 1. part. 3. num. 163. Valentia 2. 2. d. 1. quest. 4. part. 3. & Thom. Zerula in praxi Episcopali p. 1. verb. *moniales*, asseritque ita declarasse Cardinalium Congregationem.

Alij vero rectè fieri posse affirmant. Ita Syluest. verb. *Abbas* quest. 3. Nauar. comment. 2. de regul. num. 15. & 18. & de redd. quest. 1. num. 84. Roder. tom. 3. de regul. quest. 19. artic. 10. Vega 2. tom. cap. 86. casu 5. Grassi. 1. part. decis. lib. 3. cap. 1. num. 51. & multi alij. Nonnullas tamen condiciones statuunt, vt licitè absque proprietatis nota religiosi possint habere redditus vitalicios.

Prima est, vt non illos habeant quoad dominium tamquam suos proprios, sed solum quoad simplicem vsum facti congruentis pro suis particularibus necessitatibus.

Secunda, vt eos habeant ex expressa, aut saltem tacita suorum superiorum licentia.

Tertia, vt huiusmodi redditus sint moderati.

Quarta, vt prædicti redditus, vel alie quævis res illis concessæ, sint incorporate communibus bonis monasterij.

Quinta, vt sint reuocabiles ad nutum superioris.

Sexta, vt non malè vtantur, expendendo illos in vsus illicitos, & profanos.

Septima, vt non vagè, & ad vsus indeterminatos illis relinquatur dispositio prædictorum bonorum, sed solum ad certos vsus determinatos, pios licitos, necessarios, & à superiore cognitos.

Octaua, vt id fiat ex aliqua iusta, & rationabili causa.

Nona, vt prædictos redditus illis concessos, non habeant penes se, sed

in manu

in manu publici officialis per superiorem assignati, qui in monasterio Monialium dici solet, Depositoria, vel Botsera.

Decima, & vltima conditio est, vt subditus quando ab officiali necessaria petit, exponat in particulari suas necessitates, nam alias tantum esset officialis materialiter, & subditus esset dispensator, cum illa bona ipse prohibito acciperet, & distribueret, quod est contra mentem Concilij. His ergo decem conditionibus, licita est hæc reddituum concessio. Sicque saluandam esse consuetudinem censent, non obstante dispositione dicti Concilij Tridentini. Ratio huius est, quia cum sint in potestate publici officialis, vel Procuratoris, in superioris potestate esse dicuntur, cum officialis locum habeat superioris: adeo vt si quando monasterium egeat in communi, ex illis pecuniis, ac bonis, provideantur necessaria monasterij. Quod certe non raro superiores tentare deberent, vt discerent subditi, non proprietatem, sed vsum & eum ad nutum superioris, se habere, & hoc esset iuxta Concilij Tridentini dispensationem, ait enim, *statim administratio honorum monasterij ad solos officiales eiusdem ad nutum superioris amovibiles pertineat.*

Ex dictis sequitur primò, Prælatum, qui sine iusta, & rationabili causa huiusmodi bona subditis concedit esse proprietarium. Et ratio est, quia cum administrat, vel distribuat bona monasterij in eos vsus, in quos à iure ipsi est prohibitum dispensare, peccat proculdubio contra votum paupertatis.

Secundò sequitur, subditum qui huiusmodi peculij beneficio utitur, esse proprietarium. Ratio est, quia cum Prælatus sine iusta causa tale peculium concedat, subditus eo utens sine

iusta licentia, iniuste utitur, ac proinde peccat mortaliter contra votum paupertatis.

Tertiò sequitur, eum qui tenet peculium apud Depositarium tanquam rem propriam, & computat minutatim quidquid per ipsum Depositarium expenditur, nec patitur, vt Prælatus possit de eo ad libitum disponere, mortale peccatum committere contra votum paupertatis.

Nec valet dicere mentem Romani Pontificis esse, vt prædictum peculium remaneat depositatum, ac designatum pro eius indigentis, ac proinde Prælatum non posse de eo absque ipsius consensu disponere. Quia depositum, vt rectè annotavit Perr. Nauart. ad hoc inuentum est, vt auferatur à religiosis vsusfructus, & administratio peculij, & incorporetur, saltem quoad proprietatem, & vsusfructum cum bonis monasterij, licet quoad vsum simplicem facti remaneat designatum ad subleuandas eorum indigentias, administratio verò eius resideat penes prædictum Depositarium, & hoc de licentia Prælati, & amovibiliter, & non vt præfati regulares habeant eius proprietatem, vel vsum irrevocabiliter, ita vt Prælatus non possit de eo ad libitum disponere, quoniam hoc esset in proprio dispensare.

### QVÆSTIO XXXI.

*Sed maius dubium insurgit: An de superioris licentia, iusta aliqua de causa magna utilitatis, vel necessitatis monasterij, vel ordinis, liceat ipsi privato bona stabilia possidere?*

Sunt, qui putent id esse licitum.

H h h h 2

Mili

diuites huius seculi abundare in omnibus non curantes tot sacrorum canonum prohibitiones.

f Dixi notanter (*verum temporalium*) quia iurium, & bonorum spiritualium possunt habere dominium, vt sunt scientia, sapientia, & quodcumque donum à Deo datum, vt virtutes, & animi dotes. Neque sunt incapaces, aut prohibentur religiosi habere, seu capere, honores sanctos, & licitos vt pote honorem presbyteralem, doctoralem, & huiusmodi, quæ dantur propter merita, quibus religiosi non renunciarunt vt docet D. Tho. 2. 2. q. 186. ar. 7. ad 4.

Item religiosi beneficiarij habent dominium, vel quasi dominium, & possessionem suorum beneficiorum, & possunt agere nomine proprio ad eorum dominium obtinendum, & adipiscendum, retinendum, & recuperandum eorum possessionem. Ratio horum omnium est, quia per votum paupertatis religiosi non renunciant bonis spiritualibus, nec iuribus prædictis, vt honoribus qui pro his debentur. sed tantum temporalibus, vt post D. Tho. tenet Illustrissimus Caiet. 2. 2. q. 186. ar. 7. Nauar. de redd. q. 1. monit. 9. Less. l. b. 2. c. 4. dub. 5. & Mol. to. 3. de iust. disp. 637.

### QVÆSTIO XIX.

*An religiosus possit habere aliquid proprium?*

1 NON disputamus modo, an religiosus possit habere aliquid proprium in communi, quia certum est, posse illud habere, vt expressè habetur in Conc. Trid. sess. 25. de regul. cap. 3. vbi conceditur omnibus monasteriis, & domibus tam virorum, quam mulierum etiam mendicantium exceptis domibus fratrum B. Francisci

Capucinatorum, & eorum qui Minores de obseruantia nuncupatur, vt deinceps bona immobilia possidere liceat. Nec id habere à statu, & ratione perfectionis diminuit, sed maxime ad illam conducit, vt expressè definitur in iure 1. 2. q. 1. cap. expedit, vbi sic dicitur: Debere propria propter perfectionem contemni, & quod sine impedimento ciuilem perfectionis ecclesie facultates, quæ sunt communes iure optimo possunt possideri.

### QVÆSTIO XX.

*Tota igitur difficultas consistit non de monasteriis in communi, sed de religiosis ipsis in particulari, An videlicet post solemnem professionem aliquo modo possint habere proprium?*

RESPONDEO iuxta fidem certissimum esse, nullum religiosum posse habere proprium stricto modo sumptum, quoad veram proprietatem, quale est illud, quod habent seculares. Patet ex cap. Cum ad monasterium de statu monachorum vbi sic habetur. Prohibemus in virgine sancta obedientia, ne quis regularis proprium aliquo modo possideat. Sed si quis aliquid habeat proprium, totum in continentis resignet. Si vero post hoc proprietatem aliquam deprehensus fuerit habere, regulari monitione præmissa de monasterio expellatur. Et in cap. Non dicatis dicitur. Non dicatis vobis aliquid proprium. In quæ verba Gerson in opus. contra proprietarios sic ait: Si ergo expressè prohibetur verbum proprietatis, à fortiori et factum. Quasi dicar, si enim aliquid proprium appellare monachis prohibetur, quanto magis illud habere, aut retinere?

Idem

*Idem habetur in Concil. Aurelianensi* 1. canon. 21. ubi grauitur monachi puniri iubentur, qui contra professionem suam, aliquid proprii possidere voluerint. Et in Concil. Prouinciali Oxoniensi Anglicano dicitur. Quoniam non licet viris religiosis aliquid proprium possidere, qui se, & sua pariter in ipso religionis ingressu Domino dedicauerunt. In Concilio Colonien-  
*si* sub Conrado Archiepiscopo anno 1260. celebrato tit. de monachis, & eorum conuersatione, & vita capit. 3. habetur: Statuimus, quod Monachi proprium non habeant. Sacrum Concilium Tridentin. sess. 25. capit. 2. idem districte interdicit, dum ait. Nemi-  
 ni igitur regularium, tam virorum, quam mulierum liceat bona cuiuscumque qualitatis fuerint, tanquam propria possidere. Tandem in Concilio Mediolanensi celebrato sub B. Carolo Borrom. Cardinali anno 1677. part. 3. tit. de communi vita vsu, ac de proprietate tollenda, dum de monialibus agitur, sic habetur. Tuum & meum, atque omnis priuata rerum possessio, & re, & verbo omnino tollatur, neque vlla sit, qua quicquam possideat ut proprium, etiamsi ad necessitatem concessum sit. Vnde Urbanus primus in epistola seu decretali de paupertate loquens sic ait. Quicumque vestrum vitam communem suscepit, & vovit, se nihil proprium habere videat, ne pollicitationem suam irruam faciat. Dignus Basilius in constitutionibus monasticis capit. 35. Debet, inquit, pietatis cultor, qui vitam communem amplexus est, ab omni priuata rerum possessione liber esse. Et iterum: proprietatis vitium est, priuata pecuniam habere, & clanculum inscio superiore aliquid demoliri. Cassian. libr. 4. de institutis renunciantium capit. 3. de Aegypti monachorum paupertate loquens: Nulli, inquit, ciuitellam, nulli pecunia-

rem sorsellam liceat possidere, nec tale aliquid, quod ut proprium retinens, suo debeat communire signaculo. B. Benedictus in sua regula capit. 31. Neque aliquid quis presumat habere proprium, nullam omnino rem, neque codicem, neque tabulas, neque graphium, sed nihil omnino. D. quoque Bernardus serm. 48. ait. Qui postquam ad conuersationem monasterii venit, de rebus monasterii aliquam facere fraudem presumit, iudas est, & poenam Iudae sustinebit in inferno. Et post pauca. Qui sicut Iudas Iscarioth proprium retinent, vel de rebus monasterii aliquid abcondunt, conuenit illud: Ascendant usque ad caelum, & descendant usque ad abyssos.

Quae vero ratio sit, cur tam serio, ac stricte religiosis omnis proprietatis interdicator, ex eo colligere licet, quia cum religiosus sui iuris non sit, ac suae libertatis dominium non habeat, sed illud in superioris potestatem per traditionem, quae in professione fit, transferat: necessario sequitur, eum nihil habere, neque possidere posse, non aliter ac si seruus esset. Cuius rationis vim idem Benedictus ubi supra meminit, ubi cum docuisset nihil omnino à monachis esse possidendum, talem rationem addit, Quippe quibus nec corpora sua, nec voluntates suas licet habere in sua propria potestate. Et D. August. in sermone de communi vita relictum in dicto cap. Non dicatis, eodem modo argumentatur dicens: Cum huius Congregationis fratres se per obedientiam penitus aliorum potestati subdiderint: certum est, eos nihil habere posse.

Ex quo merito inferit Nauar. lib. de redditu. q. 1. monit. 10 & 12. & comm. 2. de regul. nu. 2. religiosum professum nullius rei temporalis habere dominium, ne vestis quidem, qua induitur, aut panis, quo vescitur: sed quicquid

habet, esse penitus subiectum administrationi superioris, sine cuius nutu, nihil omnino habere potest.

### QVÆST. XXI.

*An valeat professio religiosa facta sub ea conditione, vt possit sibi aliqua reservare, & de his liberè sine scientia, & voluntate superioris disponere?*

1 **Q**UIDAM dicunt valere, sicut valet matrimonium contractum sub conditione turpi, vt habetur ex cap. *Quicumque de condit. apposit.* Quia talis conditio habetur pro non adiecta.

2 Sed oppositum est proculdubio affirmandum. Et ratio est, quia hic non intendit se obligare ad id, quod est de essentia religionis: abdicatio enim dominij saltem quoad preparationem animi, & quoad obligationem abdicandi, ad substantiam status religiosi pertinet.

Et confirmatur ex cap. *ultimo de conditionibus appof.* vbi sic dicitur, quod si aliqua apponatur conditio in matrimonio contra substantiam matrimonij, matrimonium ipsum est nullum. Ex quo loco à simili sic arguuntur: Hæc conditio de proprio habendo est contra substantiam religionis: ergo professio cum tali pacto facta est irrita.

3 Ad fundamentum contrariæ opinionis respondeo, quod illud caput *Quicumque*, intelligitur de conditione turpi, quando non est contra substantiam matrimonij vt expressè habetur ex cap. *sin. eod. tit. de condit. apposit.* vt si quis matrimonium inerat sub ea lege, vt alter victum ex furto acquirat, vel homicidium committat, talis conditio non impedit matrimonium, sed habetur pro non adiecta: secus tamen in ca-

su nostro, vbi conditio appositæ de proprio retinendo est contra essentiam, & naturam voti paupertatis quod est de substantia religionis.

### QVÆSTIO XXII.

*Sed maius dubium est de eo, qui dum emittit solemnem professionem, intendit retinere dominium ad tempus, & postea illud à se alienare, quando superior infferit?*

**L**ESS. lib. 2. de inst. c. 41. dub. 8. in ea est sententia, vt affirmet spectato iure communi talem professionem esse invalidam. Et probat quia professio iure communi priuat dominio bonorum mobilium, & immobilium, & reddit inhabilem ad illud, vt habetur in cap. *Cum ad monasterium de statu monach.*

Tum quia Prelatus non habet facultatem ad acciprandum talem professionem insufficientem ad incorporandum religioni, nam ius canonicum ei resistit, & est contra essentialia status religiosi. Posset tamen sibi reservare vsumfructum &c. Sed cum dependentia, & voluntate Prelati, reservando semper ei potestatem disponendi de illis bonis. Nec hoc est facere proprietarium, sed vsumfructuarium, nam propriè proprietarius est ille, qui habet dominium absolutum rei.

Credit tamen hic author, talem professionem habere vim voti simplicis, & ita tenebitur mutata voluntate postea profiteri, nisi mens eius expressa, vel tacita alia fuerit, quia votum ultra intentionem vouentis non obligat. Si tamen de eo non constat, interpretatio facienda est, vt valeat instar voti simplicis.

QVÆ

## QVÆSTIO XXIII.

*An quispiam possit religionem profiteri ea conditione tacita, vel expressa, ut domi sue maneat, & certam suorum bonorum portionem habeat?*

**A**D hanc quæstionem dico primò, quod si ea conditio sit, ut religiosus tanquam proprium aliquid habeat, vel quod nutu superioris repeti nequeat, tunc nulla est professio, quia talis conditio cum voto solemnī paupertatis, quod est de substantia, & natura status religiosi, pugnat.

**Secundò** dico, quod si eiusmodi conditio sit, ut tum habitationem, tum suorum bonorum portionem, ad necessarios usus suæ personæ habeat, ex superioris voluntate pendentem, tunc valida erit professio, nec cum iure antiquo pugnat, ut colligitur ex cap. De viduis 17. quæst. 1. & tradit optime Natarr. comment. 2. de regular. n. 14.

**Tertiò**, & ultimo dico, quod iure nouo Concil. Trident. sess. 25. cap. 2. de regular. id est, interdictum, quia in eo loco præcipitur, ne religiosi priuato: dentur etiam ad usum, & administrationem stabilia bona, cuiusmodi sunt domus, fundi, agri, redditus, & id genus alia.

**Hinc**, religiosi non possunt ex consensu suorum Prælatorum habere aliqua bona, ut ab eis administrantur, ea lege ut certam pensionem reddant monasterio, & ex reliquo sibi ad necessaria vitæ subsidia, & alimenta, ac in pios usus, quos ipsi maluerint, expendant: quale peculium habere solent de licentia Papæ religiosi senes, vel infirmi de religione bene meriti, quibus habitationes aliquæ salubriorcs, commodioresque concedi solent. Ratio

huius est, quia licet secundum ius antiquum id non sit interdictum, iure tamen nouo in Concil. Trident. sess. 25. cap. 2. de regular. est vetitum: & propterea redditus, & alia bona immobilia, ut domus, agri, & aliz possessiones tradi superiori debent, ut in singulis religionis prouideat, ut (teste Quaranta in suo compendio bullarū verbo casus reservati fol. 157.) sacra Congregatio Cardinalium declarauit.

## QVÆSTIO XXIV.

*Quo iure solemne votum paupertatis faciat religiosum incapacem dominij retinendi, vel in possessionem acquirendi?*

**M**ULTI affirmant solemne votum paupertatis, vi ac natura sua hanc inhabilitatem inducere.

Almay. in tract. de potestate Eccles. cap. 15. censet eiusmodi votum non vi sua, nec iure canonico, sed diuino vim habere faciendi religiosum incapacem dominij.

Less. lib. 2. de iust. cap. 41. dub. 8. putat religiosum esse inhabilem ad dominium ex duplici causa. Prima, ratione traditionis sui in ius ordinis, ita enim religiosus se tradit ordini, ut partim mancipio partim filiofamilias compareretur, quorum neuter sibi acquirit, sed ei in cuius potestate est.

Secunda; ratione Ecclesiæ decreti: quod non solum traditionem illam confirmat, ita ut ille non possit sui iuris effici, sicut seruus, vel filius, sed etiam illum directè incapacem dominij acquirendi facit.

Cæterum meo iudicio rectius docent Nauarr. comment. 2. de regul. num. 51. & Couar. de testam. cap. 2. num. 5. nempe per solemne votum paupertatis religiosum esse inhabilem ad do-

minium

minium sola Ecclesie, constitutione. Quam opinionem vt probabiliorem, ac iuri ciuili autoritate canonis approbato magis conformem sequitur Azor. *part. 1. inst. mor. lib. 12. cap. 12.* Fundamētum præcipuum huius opinionis est, quia *in cap. Quod votum, de voto, & voti redemptione in 6. generatim dicitur, solemnitate voti esse sola Ecclesie constitutione.* Vnde, sicut Ecclesie decreto religiosus professus, est inhabilis ad matrimonium contrahendum, sic etiam eiusdem Ecclesie decreto est incapax dominij acquirendi.

## QVÆSTIO XXV.

*Vtrum summus Pontifex possit in voto solemnī paupertatis dispensare, id est, vt religiosus habeat proprium, sicut ceteri seculares?*

- 1 **D**OCTOR Angelicus 2. 2. q. 88. *art. 11.* tenet non posse.

Ratio ipsius est, quia votum paupertatis statui religioso est essentialiter annexum, vel potius innexum, & intrinsicè inclusum.

- 2 Tum quia implicat contradictionem quod religiosus sit regularis, & tamen sit capax alicuius iuris ciuilis, nempe habeat proprietatem, eo quia votum paupertatis, quod consistit in expropriatione cuiuscumque dominij, requiritur necessariò, sicut & duo alia vota ad essentiam status regularis. Si igitur regularis est proprietarius, non est regularis, & si est regularis non est proprietarius.

- 3 Tum quia extra de statu monast. *in fine illius decretalis, cum ad monasterium, dicitur.* Abdicatio proprietatis, sicut & custodia castitatis adeò est annexa Regulæ monachali, vt super

ipsam, neque summus Pontifex licentiam valeat indulgere. Eandem sententiam sequuntur Syluest. *verb. votum 4. quest. 5. Arag. 2. 2. quest. 88. art. 11. Armil. verb. dispens. num. 111.* & multi alij ex Thomistis.

Ex quo inferunt, quod dispensante summo Pontifice cum aliquo religioso, vt fiat clericus secularis, tenetur habere propositum custodiendi tria vota essentialia, quæ promisit, qui si non habet hoc propositum, existit in peccato mortali, cum Papa non possit dispensare in dictis votis.

Sed his non obstantibus, concors est Theologorum, & Canonistarum sententia posse summum Pontificem votum solemne paupertatis relaxare. Probatur; Pontifex potest dispensare in voto solemnī castitatis vt ferè omnes fatentur, ergo etiam poterit dispensare in voto solemnī paupertatis. Probo consequentiam, quia cum vtrumque sit solenne, non erit maior ratio, cur Pontifex possit in voto castitatis dispensare potius, quam in voto paupertatis.

Deinde summus Pontifex potest relaxare votum solemne castitatis clericorum, vt fateatur S. Tho. & communis sententia Doctorum, ergo & in voto paupertatis religiosorum. Probo consequentiam, quia votum paupertatis religiosorum non est magis solenne quam votū castitatis clericorum.

Præterea summus Pontifex potest relaxare votum simplex paupertatis perpetuæ, vt omnes Doctores fatentur, ergo & solemne. Probo consequentiam, quia solemnitas voti sola Ecclesie constitutione est introducta, vt expressè habetur *in cap. Quod votum, de voto, & voti redemptione in 6.* Si solemnitas est ex sola Ecclesie constitutione, ergo potest ipse in ea dispensare, quia potest relaxare suam constitutionem.

Tandem



- 7 Tandem Caietan. 2. 2. *quest. 88. art. 11. Less. lib. 2. de iust. cap. 41. dub. 19. Arag. 2. 2. quest. 88. art. 11. & multi alij nobiles auctores referunt Romanum Pontificem de facto dispensasse cum multis, vt matrimonium contraheret. Atqui absurdum est dicere Pontificem in re tanti momenti errasse. Et ideo ita tenent D. Thom. sibi contrarius in 4. d. 18. *quest. 1. art. 4. quest. 1. ad 3. Scot. ibidem quest. 3. Caietan. 2. 2. quest. 88. art. 11. Couar. de restam. cap. 1. num. 10. Less. lib. 2. cap. 4. dub. 5. & cap. 40. dub. 19. Sot. lib. 10. quest. 5. art. 7. Azot. lib. 12. cap. 7. quest. 4. art. 1. Cord. lib. 1. quest. q. 24. Valq. 1. 2. q. 96. art. 4. dist. 165. cap. 9. num. 109.**

- 8 Et ad primum argumentum contrarie opinionis respondeo quod quauis verum sit, quod votum paupertatis sit essenziale religioni, nec ab ea possit separari, potest tamen efficere summus Pontifex ex rationabili causa, vt qui antea erat religiosus, non sit, & sic proprium habeat, & vxorem ducat, & ex matrimonio filios procreet.

Ad secundum respondeo, ex eo solum concludi, religiosum quandiu talis est, voto paupertatis teneri, nec fieri posse, vt existente statu religioso, non sit votiuu paupertate alstrictus, quia implicat contradictionem, quod quis sit religiosus, id est, teneatur voto solemniter integro, quod quem incapacem dominij rei pecuniarie facit, & quod fiat dominus talis rei.

- 9 Ad tertium, & vltimum respondeo primò illa verba cap. Cum ad monasterium, intelligendi esse ex modestia summi Pontificis ad conuincendum illum Abbatem qui existimabat ipsum habere facultatem concedendi religioso vt haberet proprium.

Secundò respondeo Innocentium Papam eo in loco hanc facultate cum religioso dispensandi Romano Pontifici denegasse, religioso manente in

statu religioso; id enim Romanus Pontifex non potest efficere, id est, proprietatem rei cum paupertatis voto, & matrimonij cum voto castitatis vna, & simul coniungere. Non tamen ibi Romano Pontifici potestas denegatur, quominus possit id facere successiue aliqua vrgentissima causa propter bonum commune, faciendo de religioso, non religiosum, & sic exemptum à religione, vxorem ducere, & proprium patrimonium habere.

## QVÆSTIO XXVI.

*Sed dubia questionis est, an in in- diuiduo possit dari causa aliqua legitima, ob quam oporteat auctoritate Pontificia votum solenne paupertatis dissolui?*

NAVARR. *comm. 2. de regular. n. 17.* 1  
Existimat non posse causam subesse, vt quis dispensetur à voto solemniter paupertatis, quia dari potest causa, & necessitas, vt religiosus fiat Rex, vel Princeps, & matrimonium contrahat, & proinde liber omnino à voto castitatis sit, non autè subesse potest causa, vt sit regni dominus, quia sufficit, vt ei concedatur plena administratio, quæ tamen sit aliquo modo dependens ab arbitrio Pontificis: hæc enim sufficiens est, ad omnes actus necessarios, vt ad donandum, ad acquirendum, ad contrahendum, ad condendum testamentum, &c.

Hoc idem dicit de voto solenni obedientie, non enim necesse est, hoc vinculum dissolui, sed satis est materiam subtrahi, tollendo subiectionem, quam habet subditus ad suum Prælatum, & tunc manebit Pontifici subiectus sicut accidit quando religiosus fit superior Generalis, Episcopus, vel Cardinalis. Quare hoc fundamento ductus Nauarrus absolute asserit non posse Romanum Pontificem super voto paupertatis dispensare, non quia Romanus

Ponti

Pontifex id præstare non possit, si aliqua iusta causa occurreret, sed quia talis nulla occurrere potest, ideo non potest in eo dispensare.

3 At ego verius existimo, omnique remoto dubio opinor, posse iustam causam subesse, ut religiosus dispensetur in voto paupertatis. Ut si v.g. religiosus dispensetur ut fiat Rex, & ducat uxorem, ista est iusta causa, ut votum paupertatis ei omnino relaxetur, ne affectu proprietatis, largitionibus, sumptibus superfluis, aliisque modis, qui facile in statu regio possunt occurrere, peccet contra votum.

4 Tum quia quando Papa dispensat cum religioso, ut ducat uxorem, non dispensat cum eo, ut manens religiosus, simul habeat uxorem, sed ex iusta causa per dispensationem facit ut de religioso, fiat non religiosus, & sic factus non religiosus uxorem ducat, propriumque habeat. Vnde dispensante Papa cum religioso ut succedat in Regno, & uxorem ducat, causa quæ sufficit ad dispensandum cum eo, ut possit matrimonium contrahere, sufficit ut possit habere proprium; non enim potest habere uxorem, & liberos absque eo quod ipsi concedatur proprium.

Et confirmatur, nam Nauarr. admittit Romanum Pontificem dispensantem in voto solemnī castitatis facere de religioso non religiosum; ergo tunc dispensat etiam in voto paupertatis. Probo consequentiam, quia est omnino absurdum velle non religiosum ad paupertatem obligare, vel religiosum cum solo paupertatis voto manere. Et ideo ita tenet Less. lib. 2. cap. 4. dub. 5. Azor. lib. 1. cap. 7. quest. 2. & Vasq. 1. 2. quest. 69. art. 4. d. 165.

Idem videtur dicendum de voto solemnī obedientiæ, immo videtur hoc votum sponte cessare, hoc ipso quod definit esse religiosus.

## QVÆSTIO XXVII.

*An si Romanus Pontifex absque iusta causa in tali voto dispenseret, talis dispensatio valeat?*

**R**ESPONDEO valere, validumque esse factum quoad voti solemnitatem reddentem religiosum incapacem dominij. Quare verum bonorum dominium acquirit, & in alium id verè transferre poterit. Quia sola Ecclesiæ constitutione votum solemnē paupertatis ad hoc inhabilem religiosum reddit. At non valebit dispensatio quoad substantiam eius voti paupertatis obligantis iure diuino naturali. Ac proinde peccabit mortaliter is religiosus acquirendo, vel transferendo rei alicuius dominium contra id votum paupertatis.

## QVÆSTIO XXVIII.

*An religiosus professus saltem de licentia Prelati possit habere proprium?*

**R**ATIO dubij est, quia in dicto cap. *Non dicatis* 12. quest. 1. absolute præcipitur religiosis, ut non habeant, aut dicant aliquid se habere proprium. Et in c. *Monachi de statu monachor.* dicitur, quod monachis non permittatur habere peculium. Hoc idem definitur in cap. *Cum ad monasterium.* Et in Concil. Trident. sess. 25. de regul. cap. 2.

2 His tamen non obstantibus, primò dico quod religiosus professus etiam de licentia sui superioris non potest habere proprium stricto modo sumptum, quoad veram proprietatem, quale est illud, quod habent seculares.

Ratio

Ratio est, quia hoc est expressè contra votum solemne paupertatis, quod omnes religiosi emittunt, atque observare tenentur; nec Romanus Pontifex potest dispensare, vt religiosus existens verè, & propriè religiosus proprium habeat, eo modo quo illud habent seculares.

Secundò dico quod religiosus professus de licentia superioris potest habere proprium largo modo acceptum, prout continet solam detentionem, usum, administrationem, & possessionem facti, cum facultate disponendi de eo in suos vsus honestos, & pios tantum, amovibile tamen ad nutum superioris, vt habetur ex cap. *Monachi in sine*. vbi dicitur posse peculium concedi alicui monacho. Unde supradicta capita sunt intelligenda de proprio primo modo sumpto, vel etiam secundo modo, quoad ius administrandi nomine suo, & sine expressa, aut tacita licentia Prælati, aut sine iusta, & rationabili causa, aut de proprio expendendo in quoscumque vsus, etiam prophanos, vt posset quilibet alius secularis de re sibi propria. Et quamvis Concil. addat, neque etiam nomine conventus, intelligendum est sine dependentia Prælati. Atque ita tenet Ioann. Andr. in cap. *Non est obligatorium de reg. iuris* vbi ait, validum esse statutum, vt monasterium de monialibus solummodo victum, & pro vestitu habeant ea quæ labore manuum suarum lucrantur, quod in multis monasteriis positum est in more, & certum est, inquit, hoc fieri non posse, absque eo quod aliqua ratione habeant proprium. Et Panorm. in dicto cap. *Cum ad monasterium, de statu monachorum*, inquit, satis esse licitam constitutionem, siue consuetudinem, qua religiosi traditur certum quid annuum, pro annuo vestitu. Immo in nulla religione ita

rigorosè servatur votum paupertatis, quin de licentia Prælati tacita, vel expressa religiosi habeant aliquod proprium largo modo acceptum suis peculiaribus vsibus deputatum, vt puta vestes, lectum, libros, imagines, & id genus alia, quæ omnia cum habeant de licentia, & dependentia Prælatorum, non censentur esse contra paupertatis votum.

## QVÆSTIO XXIX.

*An regulares possint licite habere peculium?*

ET quidem certum est posse Regulares de licentia suorum Prælatorum, libros, vestes, pecuniam, & alia mobilia habere in suos vsus licitos, & honestos. Immo licita est consuetudo in multis monasteriis introducta, vt regulares victum tantum à monasterio accipiant, vestitum autem & alia ex suis laboribus sibi quærant; & quod magis est, vt quilibet religiosus accipiat quotannis ab officiali certam pecuniæ summam pro vsibus sibi necessariis. Quia Concil. Trident. sess. 25. cap. 2. de reform. regular. quoad bonorum mobilium usum, nihil novi statuit, cum expressè ibi agat de bonis stabilibus: & ex alia parte id olim de iure licebat, ergo id modo etiam licitum erit vt sacra Congregatio declaravit.

Sed tota controuersia consistit de peculio consistente in bonis stabilibus, vt sunt annui redditus alicuius agri, vel vineæ, vel alterius possessionis.

Et quidem, attento iure communi antiquo etiam certum est, non esse contra votum paupertatis habere hu-

Hhh h. iusmodi

iufmodi peculium de licentia Prælati ex legitima caufa conceffum ad honeftos, & licitos vfus ad nutum fuperioris reuocabile. Quia in hoc cafu religiofus non vitur huiusmodi rebus tam quam fuis, fed vt alienis, cum alieno fuperioris arbitrio ducatur. Et colligitur exprefse ex cap. *Infinuante qui clerici, vel vouentes. Et ex cap. De viduis 27. quaftione 1.* ubi conceditur moniali, vt remaneat in domo quondam fua cum omni propria fubftantia quoad vfum illius, plenariamque in vfus licitos adminiftrationem. Et in cap. *Monachi de ftatu monachor.* permittitur monachis pro adminiftratione iniuncta peculiū habere. Et ideo ita tenent Nauar. *commentar. 2. de regular. numero 15. & 27. Azqr. lib. 12. cap. 9. quaftione 2. Cord. summ. quaftione 54. Petr. Nauarr. lib. 3. de reftit. cap. 1. part. 3. numero 163. Roder. 2. part. summ. cap. 31. num. 3. & communis.*

### QVÆSTIO XXX.

*Quæftio igitur eft, an poft decretum Concilij Tridentini adductum, id liceat?*

**S**UNT multi qui exiftimant id non licere. Et probant, quia eiusmodi redditus annui à iure inter bona immobilia enumerantur iuxta Clem. 1. §. cum per annuos redditus de verb. fignif. At habere huiusmodi bona immobilia, & stabilia eft ipfis regularibus à Concil. Trident. ubi fuprà interdictum: ibi enim fic habetur: *Nec deinceps liceat fuperioribus bona stabilia alieni regulari concedere, etiam ad vfum nullum, vel vsum adminiftrationem, aut commentam ergo.* Sic tenent Cord. *summ. quaftione 54. Molina*

*tom. 2. d. 276. Roder. part. 2. cap. 38. num. 3. Less. lib. 2. cap. 4. dub. 5. Nauarr. lib. 3. de reftit. cap. 1. part. 3. num. 163. Valentia 2. 2. d. 1. quaft. 4. part. 3. & Thom. Zerula in praxi Epifcopali p. 1. verb. moniales, afferitque ita declaraffe Cardinalium Congregationem.*

Alij vero rectè fieri poffe affirmant. Ita Sylueft. verb. *Abbas quaft. 3. Nauarr. comment. 2. de regul. num. 15. & 18. & de redd. quaft. 1. num. 84. Roder. tom. 3. de regul. quaft. 29. artic. 10. Vega 2. tom. cap. 86. cafu 5. Graff. 1. part. de reft. lib. 3. cap. 5. num. 51. & multi alij. Nonnullas ramen conditiones ftatuunt, vt licitè abfque proprietatis nota religiofi poffint habere redditus vitalitios.*

Prima eft, vt non illos habeant quoad dominium tamquam fuos proprios, fed folum quoad fimplicem vfum facti congruentis pro fuis particularibus neceffitatibus.

Secunda, vt eos habeant ex exprefsa, aut faltem tacita fuorum fuperiorum licentia.

Tertia, vt huiusmodi redditus fint moderati.

Quarta, vt prædicti redditus, vel alie quæuis res illis conceffæ, fint incorporate communitibus bonis monafterij.

Quinta, vt fint reuocabiles ad nutum fuperioris.

Sexta, vt non malè vtantur, expendendo illos in vfus illicitos, & prophanos.

Septima, vt non vagè, & ad vfus indeterminatos illis relinquatur difpofitio prædictorum bonorum, fed folum ad certos vfus determinatos, pios licitos, neceffarios, & à fuperiore cognitos.

Octaua, vt id fiat ex aliqua iufta, & rationabili caufa.

Nona, vt prædictos redditus illis conceffos, non habeant penes fe, fed

in manu publici officialis per superiorem assignati, qui in monasterio Monialium dici solet, Depositoria, vel Borsera.

5 Decima, & vltima conditio est, vt subditus quando ab officiali necessaria petit, exponat in particulari suas necessitates, nam alias tantum esset officialis materialiter, & subditus esset dispensator, cum illa bona ipse pro libito acciperet, & distribueret, quod est contra mentem Concilij. His ergo decem conditionibus, licita est hæc reddituum concessio. Sicque saluandam esse consuetudinem censent, non obstante dispositione dicti Concilij Tridentini. Ratio huius est, quia cum sint in potestate publici officialis, vel Procuratoris, in superioris potestate esse dicuntur, cum officialis locum habeat superioris: adeo vt si quando monasterium egeat in communi, ex illis pecuniis, ac bonis, provideantur necessaria monasterij. Quod certe non raro superiores tentare deberent, vt discerent subditi, non proprietatem, sed vsum & eum ad nutum superioris, se habere, & hoc esset iuxta Concilij Tridentini dispensationem, ait enim, *statim administratio bonorum monasterij ad soles officiales eiusdem ad nutum superioris amouibiles pertineat.*

6 Ex dictis sequitur primò, Prælatum, qui sine iusta, & rationabili causa huiusmodi bona subditis concedit esse proprietarium. Et ratio est, quia cum administrat, vel distribuat bona monasterij in eos vsus, in quos à iure ipsi est prohibitum dispensare, peccat proculdubio contra votum paupertatis.

Secundò sequitur, subditum qui huiusmodi peculij beneficio vtitur, esse proprietarium. Ratio est, quia cum Prælatus sine iusta causa tale peculium concedat, subditus eo vtens sine

iusta licentia, iniuste vtitur, ac proinde peccat mortaliter contra votum paupertatis.

7 Tertiò sequitur, eum qui tenet peculium apud Depositarium tanquam rem propriam, & computat minutatim quidquid per ipsum Depositarium expenditur, nec patitur, vt Prælatus possit de eo ad libitum disponere, mortale peccatum committere contra votum paupertatis.

8 Nec valet dicere mentem Romani Pontificis esse, vt prædictum peculium remaneat depositatum, ac designatum pro eius indigentis, ac proinde Prælatum non posse de eo absque ipsius consensu disponere. Quia depositum, vt rectè annotauit Perr. Nauart. ad hoc inuentum est, vt auferatur à religiosi vsusfructus, & administratio peculij, & incorporentur, saltem quoad proprietatem, & vsusfructum cum bonis monasterij, licet quoad vsum simplicem facti remaneat designatum ad subleuandas eorum indigentias, administratio verò eius resideat penes prædictum Depositarium, & hoc de licentia Prælati, & amouibilibiter, & non vt præfati regulares habeant eius proprietatem, vel vsum irrevocabiliter, ita vt Prælatus non possit de eo ad libitum disponere, quoniam hoc esset in proprio dispensare.

## QVÆSTIO XXXI.

*Sed maius dubium insurgit: An de superioris licentia, iusta aliqua de causa magna utilitatis, vel necessitatis monasterij, vel ordinis, liceat ipsi priuato bona stabilia possidere?*

Svnt, qui putent id esse licitum.

Hhhh 2 Mibi

- 2 Mihi tamen videtur rectè fieri non posse, vt teste Quaranta in summa Bullarij *verb. casus reservati* fol. 157. sacra Congregatio declarauit, & tenet Petri Nauarr. *lib. 3. de reſtitut. cap. 1. num. 180.* qui id probat ex verbis Concil. Tridentini *ſeſſ. 25. cap. 2. de regular.* ibi enim sic dicitur. *Nec liceat ſuperiori ſtabilia bona alicui regulari concedere etiam ad uſumfructum, vel uſum, vel commendam. Adminiſtratio autem horum bonorum ad ſolos officiales pertineat.* Eandem ſententiam ſequuntur Roder. *tom. 3. de regular. quaſtion. 29. artic. 12.* Corduba in *ſumma quaſt. 54. & Azor. p. 1. inſtit. mor. lib. 12. cap. 9.*

### QVÆSTIO XXXII.

*Quæ & quotnam ſint cauſe rationabiles ob quas iuſtè aliquibus religioſis peculium concedi poſſit?*

- 1 **R**ESPONDEO quinque, quarum prima eſt, quando ſuperior neceſſaria illis ſuppeditare negligit; tunc enim religioſus iuſtè poteſt à ſuperiore petere peculium, vt ex eo ſibi neceſſaria prouideat. Nauarr. *comment. 2. de regul. num. 24.*

Secunda, quando adminiſtratio bonorum monaſterij alicui religioſo iniungitur, tunc enim iuſta cauſa videtur, vt ei peculium concedatur, vt habetur ex *cap. Monachi* ibi: Qui verò peculium habuerit, niſi ei ab Abbate pro iniuncta adminiſtratione fuerit permiſſum. Vbi Innocentius explicat, vt quia eſt veſtiarius, vel eleemoſynarius.

- 2 Tertia, quando aliquibus officialibus monaſterij aliqua ſalaria pro iniuncto officio loco peculij assignan-

tur, vt vel ſic diligentius munere ſuo fungantur. Sanch. *lib. 7. cap. 22.*

Quarta, quando religioſi cibum, & veſtes communes prodigè, & ſuperflue conſumunt, tunc ne monaſterij bona diſſipentur, poteſt iuſtè ſuperior eis certum quid assignare, quod ſic veluti peculium, vt hac ratione ipſi ſuo damno, vel commodo bonis monaſterij magis conſulant.

5 Quinta, & vltima iuſta cauſa videtur eſſe, ſtudium vitandæ diſcordiæ, quæ tepelcente charitatis feruore ex communi, & æquali victu, & veſtitu oriri ſolet.

4 Dixi notanter (*aliquibus*) quia nulla apparet iuſta cauſa, vt Prælatus omnibus religioſis monaſterij hoc peculium concedat, ſtante decreto Concil. Trident. *ſeſſ. 25. cap. 1. de reformat. regul.* Quo expreſſè præcipitur, vt in religionibus vita communis quoad victum, & veſtitem integre, ſeuereque ſeruetur, & collapſa reſtituatur.

5 Hinc, Prælatus qui non curat ſubditis prouidere neceſſaria ſecundum decentiam, & honeſtatem ſui ſtatus, cum commodè prouidere poſſit, peccat mortaliter, & peccatum eſt contra paupertatis votum. Et ratio eſt, quia occaſionem præbet ſubditis procurandi peculium D. Anton. 3. p. 1. 16. cap. 1. §. 12. & Sylueſt. *verb. religio 6. quaſt. 7.*

6 Hinc, peccat mortaliter contra votum paupertatis Prælatus, qui recipit plures religioſos, quam redditibus, vel eleemoſynis commodè ſuſtentari poſſint. Quia facit contra præceptum Concil. Trident. *ſeſſ. 25. cap. 3.* & hoc in re graui, & valde neceſſaria ad conſeruandum ſtatus religioſi bonum progreſſum. bi enim ſic dicitur. *In monaſteriis i. i. num. numerus conſtituatur, ac in poſterum conſeruetur, qui vel ex redditibus propriis monaſte*

monasteriorum, vel ex consuetis elemosinis commodè possit sustentari.

- 7 Hinc, religiosi qui dissipando, aut prodige consumendo bona Monasterij, aut de communi, & consuetio victu, & vestitu murmurando, & magnas querelas fundendo aut suis opinionibus, & suffragiis, sunt causa, ut in religione peculia introduceantur, peccant mortaliter contra paupertatis votum. Ratio est, quia faciunt contra prædictum decretum Concil. Tridentini. Et ideo ita tenent D. Anton. 3. p. 1. 16. cap. 1. §. 11. & Syluest. verb. religio 6. qu. 7. Similem occasionem præbent, qui officia religionis exercere nolunt, nisi peculium loco stipendij (ubi hoc non est in usu) eis à Prælato concedatur.

### QVÆSTIO XXXIII.

*An possit superior aliquid concedere religioso, ad usum irrevocabilem?*

- 1 RESPONDEO non posse. Ratio est, quia hoc est efficere religiosum proprietarium. Ita Nauar. lib. 3. conf. in 1. edit. tit. de regular. conf. 47. in 2. t. de statu monach. conf. 15. nu. 2. Lop. 1. p. instr. conf. c. 1 § 4. & Cordub. sum. q. 54.

### QVÆSTIO XXXIV.

*An Pontifex possit aliquid concedere religioso, ad usum irrevocabilem?*

- 2 RESPONDEO non posse, manente statu religioso, nisi eum à voto paupertatis absolueret, faciendo de religioso non religiosum. Quia sic efficeret eum proprietarium. Sic Cor-

duba in sum. q. 54. & Lop. 1. p. instr. conf. c. 1 § 4.

### QVÆSTIO XXXV.

*An Romanus Pontifex possit licentiam concedere religioso, ut aliquid habeat ad usum irrevocabilem à superiore inferiore ipsò?*

RESPONDEO posse. Ratio est, quia hoc non est efficere religiosum proprietarium, cum rem illam habeat ex legitima ipsius Pontificis licentia, & possit ab ipso reuocari, & solum ex ea licentia, eximitur ab aliorum superiorum obedientia, quoad eam rem retinendam.

Hinc, Superior Generalis potest hanc licentiam concedere. ita ut nullus alius eo inferior possit illam reuocare, ut probat ratio adducta.

### QVÆSTIO XXXVI.

*An Superior concedens aliquid religioso, & promittens cum iuramento se non reuocaturum, possit postea illud reuocare?*

ET quidem si superior licentiam reuocet, certum est, tenere talem reuocationē. Et ratio est, quia cum religiosus non habeat velle, aut nolle, nullum ius habet ad illud, sed obedire tenetur.

Sed dubium est, an reuocando sit periurus?

Respondet esse periurum, ut rectè docet Nauar. lib. 3. conf. 2. edit. tit. de statu monach. conf. 14. nu. 12. & Syluest. verb. Abbas q. 4.

H h h h 3 QVÆ

## QVÆST. XXXVII.

*Sed maius dubium est: An quando non est iuramentum, peccet superior reuocando contra promissionem?*

- 1 **S**YLVEST. verbo *Abba* questio. 4. negat, quia putat Superiorem non posse subdito suo obligari, sicut nec dominum seruo.
- 2 At quia plerique viri docti probabilius censent Superiorem religioso naturaliter obligari ex sua promissione, dicendum est, cum peccare non seruando suam promissionem. Ita Nauar. lib. 3. conf. in 12. edit. tit. de statu monach. conf. 14. nu. 13. & 14.

## QVÆSTIO XXXVIII.

*An religiosi possint heredes institui?*

- 1 **R**ESPONDEO exceptis fratribus Minoribus de obseruantia, & capucinis posse non solum monasteria, sed etiam ipsos religiosos hæredes institui, non quidem vt religiosi sibi acquirant, sed monasterio, vt expressè constat ex l. fin. §. hoc etiam C. de episcopis, & clericis, & l. regio 2. t. 3. p. 6. & ex Conc. Trid. sess. 25. c. 3. de reformat. regular.
2. Ex quo colligitur, Nonitios cuiuscumque ordinis Minorum posse hæredes institui, ac succedere in hereditatem paternam ex testamento, & ab intestato. Quia hi per solam professionem redduntur incapaces hereditatis, quam nondum emisserunt. Ita Cord. in Reg. S. Franc. c. 6. q. 1. p. 1.

## QVÆSTIO XXXIX.

*An fratres Minores possint institui heredes cum clausula apposta, vt hereditas vendatur, & in necessaria illis pretium cedat.*

**R**ESPONDEO non posse, & si fiat, institutionem prorsus esse irritam, vrpote quæ est personarum incapacium. Si verò non expressè instituantur hæredes, sed alius qui debeat hereditatem vendere, eiusque pretium in eorum necessitates conuertere, nullo iure videtur fratribus Minoribus prohibitum, vnde licitè hoc poterunt acceptare, modo summa non sit egestas. Quia tunc fratres hi non succedunt in aliquod defuncti ius, nec sunt veri hæredes. Sic Cord. in Reg. S. Franc. cap. 6. q. 11. p. 1. & Roder. 10. 2. quest. 78. ar. 4.

## QVÆST. XL.

*Vtrum bona religiosi ipso iure post emissam professionem transeant in monasterium, si aliter de illis antea non disposuerit?*

**R**ESPONDEO si Monasterium habet ius successionis, omnia bona religiosi, de quibus ipse antea non disposuit per professionem, iure communi transeunt ad illud monasterium. Ratio est, quia in consequentiam personæ, bona debent venire. Vnde sicut persona transit in ius, & potestatem Monasterij, ita simul cum illa possessio bonorum.

Tam quia in iure monasterium habetur loco filij, qui iure ipso succedit in paternis bonis.

Tum quia cum religiosus à monasterio

2  
Ritio



sterio alimenta percipere debeat, contentaneum est rationi, ut illi potius bona eius cedant, quam aliis, quibus nihil debet, & à quibus nihil expectat.

Tum quia non est rationi consonum, ut dum quis se totum Deo tradit, res suas faciat seruire mundo.

Tandem, cum sit consilium Christi, ut dentur pauperibus, nullis pauperibus convenientius dari possunt, quam iis qui sunt pauperes spiritu, quorum est regnum cælorum, & qui possint recipere in æterna tabernacula, quales sunt religiosi.

3 Dixi notanter (*de quibus antea non disposuit*) quia tunc bona eius, qui proficitur religionem, debentur hæredi legitime per ipsum instituto, ut recte docent Nau. *com. 2. de regul. nu. 48.* & Couar. *de testam. c. 2. nn. 6.*

4 Si vero monasterium non habet ius successionis, omnia bona religiosi (nisi ipse ante professionem aliter de illis disposuerit) statim post professionem deuoluuntur ad hæredes ab intestato, perinde, ac si ipse morte naturali defunctus esset. Ratio est, quia cum ipse per professionem se spoliaret omni dominio, & possessione, nec transfereant hæc in Monasterium, sequitur: ea iure deuolui ad alios hæredes, non enim debent ea bona manere suspensa.

5 Ius autem succedendi habent omnia Monasteria regularium etiam mendicantium, exceptis monasteriis Minorum de obseruantia, & capucinarum, necnon Domibus professis ac collegiis deuotæ Societatis Iesu. Cæterum omnibus ordinibus virorum, & mulierum etiam mendicantibus concessit Conc. Trid. *sess. 25. de reg. cap. 3.* ut bona immobilia possidere possint, Vnde etiam ut in eis succedant. Nau. *com. 2. de regul. nu. 50. & § 4.* & Rodez. *10. 2. de reg. q. 78. ar. 1. 2. & 4.*

## QVÆSTIO XLI.

*Quo iure monasterium successionis capax succedat in omnia professi bona, de quibus ante professionem non disposuerat?*

**R**ESPONDEO solo iure humano hoc esse inductum ut constat ex §. Si qua mulier, *auth. de sanctissimis Episcopis*, & ex §. illud quoque, *de monach.* Quod est insertum in decreto à Gratiano in *cap. Si qua mulier*, & approbatum à D. Greg. Papa lib. 7. *registri*, & refertur in *cap. Ingredientibus 19. question. 3.* & tradit Azor. *tom. 1. institut. moral. libr. 12. capit. 8. quest. 1.*

## QVÆSTIO XLII.

*Cui acquirat religiosus post professionem?*

**R**ESPONDEO monasterio in quo cepit professionem siue id ei ex industria, arte, labore, vel opera sua, successionem, aut donatione aliorum proueniat. Et ratio est, quia iure communi, & iuxta regulam sancti Benedicti quodlibet monasterium est in cura, & potestate Abbatis, unde iure communi quilibet Monachus acquirit illi monasterio, cuius est filius, eius vero est filius, in quod ingressus est, & professus monasticam regulam. Et hoc est verissimum in omnibus ordinibus, in quibus sunt in usu huiusmodi filiationes. Atque ita Syluest. *verb. hæreditas 1. qu. 7.* Armil. *verb. hæreditas nu. 8.* & ibi Tab. *q. 13.* dicunt consuetudinem fratrum Prædicatorum habere, ut illud monasterium succedat, ubi quispiam professus est,

est, quia illius dicitur esse filius. Ad-  
dunt Tab. & Armil. nisi per Superio-  
rem Generalem cum consensu eor-  
um, ad quos pertinet, transferatur fi-  
liatio in aliud monasterium.

### QVÆST. XLIII.

*Sed dubium est de ordinibus Men-  
dicantibus, & in similibus aliis,  
in quibus multa monasteria in  
una Provincia subiiciuntur Pro-  
uinciali, & omnia, religionis Ge-  
nerali.*

**E**T in hoc casu existimo religiosū  
potius acquirere vniuerso ordini,  
quam illi monasterio, in quo emisit  
professionem, licet bona eidem mo-  
nasterio regulariter applicentur. Ra-  
tio est, quia in his ordinibus non sunt  
similes filiationes, ac in ordinibus mo-  
nachalibus, ac proinde cum emittit  
professionem, non proficitur se esse  
filium illius monasterij; sed totius  
ordinis.

**E**t confirmatur, quia cum post  
emissam professionem huiusmodi re-  
ligiosi indiscriminatim mittantur à  
Superioribus ad diuersa monasteria  
ordinis, consentaneum rationi vide-  
tur, ut illorum bona priori monaste-  
rio applicata possint etiam indiscrimi-  
natim à Generali totius ordinis, dis-  
tribui, attenta indigentia aliorum  
monasteriorum.

Dices, religiosus est incapax domi-  
nij, ergo nihil potest acquirere.

**R**espondeo religiosum non habere  
ius, ut in suum commodum succe-  
dat, aut sibi aliquid acquirat, hoc  
enim totum in monasterium transla-  
tum est: retinere tamen ius succe-  
dendi in commodum, & utilitatem  
monasterij, vel ordinis, ut illi acqui-  
rat. Ex quo fit, ut monasterium pos-

sit adire, vel repudiare talem hæredi-  
tatem, vel donationem etiam ignoran-  
te, vel inuito religioso.

### QVÆSTIO XLIV.

*Sed totum controuersia dissidium  
consistit de Religiosis Franciscana  
familia, qui vulgo Obseruantes,  
vel Capucini vocantur, qui  
nec priuatiui, nec in communis  
tanquam proprium quicquam  
possidere possunt: Cuiam acqui-  
rant ea qua donatione, aut elec-  
mosynis acquirunt?*

**N**AVARR. comment. 2. de Regul. m. 3. putat eos quantum ad pro-  
prietatem, & dominium bonorum,  
quæ possident priuatiui, & principaliter  
acquirere Deo, & Domino nostro Ie-  
su Christo: Secundariò vero quantum  
ad ius administrandi supremum, &  
generale Papæ, & ecclesiæ Romanæ,  
atque etiam quantum ad speciale,  
quia præfati fratres per suam Regu-  
larum sunt incapaces non solum proprii;  
verum etiam cuiuscunque iuris admi-  
nistrandi: quantum verò ad solam de-  
rentionem, & vsum non iuris, sed facti  
acquirere suis Monasteriis.

Ioan. Azor. libr. 12. c. 24. g. 5. censet  
omnium rerum, quæ in numero, pon-  
dere, & mensura consistunt, & vbi ipso  
consumuntur, dominium esse penes  
eos, qui eas donant, donec eas ipsi Frã-  
ciscani consumplerint, donando, ven-  
dendo, vel permutando: aliarum vero  
rerum dominium eos acquirere Ro-  
mano Pontifici.

Alij vero dicunt dominium pecu-  
niarum, quæ Franciscanis in eleemo-  
synas dantur, remanere apud dan-  
tem, aliarum vero omnium siue vnico,  
siue pluribus actibus consumptibilium,  
&

& aliorum omnium, ut domorum, & ecclesiarum quas Franciscani habent, dominium acquirere Romano Pontifici.

- 4 Sed quidquid sit de istis opinionibus, quæ locum habebant attento iure communi. At nunc iure nouo Martini V. & Pauli III. eos quantum ad usum, & commodum pecuniæ, & omnium aliarum rerum, quæ ipsis conceduntur, acquirere Monasterio, vel Ordini quantum verò ad proprietatem, & dominium sedi Apostolicæ. Et ideo ita tenet Roder. 10. 2. de regul. qu. 125. art. 6.

Nec obstat Ioannem XXII. in suo motu proprio, qui incipit *Ad conditorem*, abdicasse à se, & à sede Apostolica dominium bonorum, quæ fratribus Minoribus conceduntur. Quia postea Alexander sextus, & alij Pontifices idem dominium susceperunt, ut habetur in compendio privilegiorum fratrum Minorum verbo *paupertas*.

## QVÆSTIO XLV.

*An in rebus usu consumptibilibus possit usus à dominio distingui, ita ut usus sit penes unum, & dominium penes alterum?*

- 1 VT autem ea omnia, quæ Authores in hac quæstione maxime scitu necessaria tradunt, manifesta sunt, animaduertendum est primo, quod res quarum potest haberi dominium, sunt in triplici differentia. Quædam enim sunt, quæ usu non consumuntur, ut domus, ager, prædium, & id genus alia, quorum fructibus utimur ipsis rebus manentibus. Aliæ in altero extremo posite, quæ vnico actu consumuntur, ut pecunia, panis, vinum, & similia. Aliæ verò sunt, tanquam mediæ inter has, quæ etiam usu

paulatim atterantur, non tamen vnico actu attritæ petunt, ut vestis, liber &c.

Secundò est aduertendum, quod in his rebus, quæ usu consumuntur, potest duplex reperiri usus, proprius, & aduentitius, siue extraneus, ut in vino proprius usus ipsius est illud bibere: aduentitius vero, & quasi extraneus est illud odorari. Similiter in pecunia, proprius ipsius usus est, ut sit pretium rerum, quod vero quis illa utatur ad ostentationem, aduentitius, & quasi extraneus, vel accidentarius est.

Tertiò est aduertendum, quod usus rerum usu consumptibilium duplex est, scilicet usus facti, & usus iuris. usus facti est usus in actu, qui est ipsa actualis rei consumptio. Usus verò iuris est usus in habitu, seu ius utendi huiusmodi rebus. Et hoc rursus potest esse duplex, scilicet absolutum, & limitatum, seu dependens ab alio. Usus iuris absolutus, idest independens, est libera, & plena facultas habitualis utendi re sine dependentia ab alio, etiam consumendo illam, atque adeò quocunque modo ei placuerit. Usus vero iuris limitatus, seu dependens est facultas, seu concessio veniæ utendi his rebus cum dependentia ab alio apud quem propriè residet dominium.

Quartò est etiam aduertendum quod quando quaerimus, an in rebus usu consumptibilibus usus, & dominium distinguantur, non est sermo, an ista distinguantur in genere entis, cum certum sit secundum regulas logicales hoc modo distingui, & constet dominium panis, & vini esse relationem, usum autem esse actionem, quæ istis vescimur. Sed quæstio est de distinctione in genere moris. An videlicet in his rebus quæ vnico actu consumuntur, quando usus eorum est primarius, & ad quem suapte natura destinatae sunt qui est earum consumptio, possit usus, idest illarum rerum

consumptio, & dominium separari, ita ut reperiantur in diuersis subiectis?

In qua quaestione, quæ videtur fuisse controuersa non solum inter DD. Theologos, & Iurisprudentes, sed etiam inter Romanos Pontifices, citra definitionem tamen fidei, variz sunt Doctorum opiniones.

- 4 Sotus lib. 4. de iust. qu. 1. art. 1. Nauarr. comm. 1. de Regul. n. 13. & comm. 2. nu. 2. Less. lib. 2. cap. 3. dub. 8. Roder. 10. 3. de Regul. qu. 29. art. 4. Salon. de iust. tractat. de dominio qu. 1. art. 1. Bañ. 2. 2. qu. 62. art. 1. Molina tom. 1. de iust. d. 6. Bellarm. tom. 1. controuer. lib. 4. de summis Pontif. cap. 14. Azor. lib. 12. cap. ult. q. 12. Valent. 2. 2. d. 5. q. 10 p. 1. Reb. de iust. 1. p. lib. 1. qu. 7. sect. 4. num. 33. & plerique alij tenent in rebus vsu consumptibilibus distingui vsum à dominio, & sic concludunt, posse vsum esse penes vnum, dominium autem penes alterum. Et hanc sententiam amplectuntur fratres Minores, qui absolute dicunt se nec in comuni, nec in particulari alicuius rei dominium habere, sed solum dicunt se meros esse vsuarios earum rerum, quæ in elemosynam ipsis traduntur: Dominium verò panis, & vini, & aliorum vtensilium, manere asserunt apud summum Pontificem, ipsosque illis vt, vt bonis Papæ, perinde est, ac si quotidie Papa illis inuitaret. Pecuniatum vero, & quarundam similium rerum dominium esse dicunt apud illos, qui eas dederunt, interim dum res illæ non consumuntur, aut alienantur, ipsis duntaxat relicto libero vsu earum rerum, etiam ad consumptionem, & alienationem, dependentem tamen à libera voluntate eorum apud quos remaneat propriè dominium, ita videlicet ut nulla eis iniuria fieret, si domini eas de eorum manibus eriperent. In cuius probationem adducunt duo Decreta, vnum Nicolai III. in cap. Exut,

qui seminat. Alterum verò Clementis V. in Clement. Exiit de paradiso, in quibus hoc idem definitur.

Huic etiam sententiæ fauet mirabiliter §. minus Instit. de vsu, & habitatione, vbi dicitur, quod potest quis habere vsum olorum horti, & florum pomarij, non tamen dominium, ut possit ea vendere, aut alienare, ergo in his rebus vsus, & dominium distinguuntur.

At verò Ioannes XXII. post Nicolaum III. in extranag. ad conditorem, oppositum determinauit. Vbi primò probat multis argumentis in rebus vsu consumptibilibus non distingui vsum à dominio, sed cui confertur vnum, conceditur vtrumque.

Secundò dicit fratres S. Francisci habere vsum simul, & dominium panis, vini, & aliorum comestibilium.

Tertiò dicit esse figmentum chimericum, & verbale, affirmare dominium eorum, quæ vsu consumuntur residere apud Romanum Pontificem, & Papam singulis diebus parare illis mensam.

Quartò dicit, nihil perfectionis accrescere Minoritis, ex eo quod dicantur habere nudum vsum ciborum, & potabilium, & licet in communi sint pauperiores alijs Religiosis, quia alij possunt habere bona stabilia, vel quasi stabilia, ut redditus perpetuos, ipsi verò minimè, quoad ea verò, quæ vsu consumuntur, non esse pauperiores alijs Mendicantibus, cum reuera eodem modo vtantur huiusmodi rebus, sicut, & alij Religiosi, qui dicuntur habere dominium.

Quintò, & vltimò dicit, hoc figmentum esse iniuriosum ipsi Romanæ Ecclesiæ, & simplicitati religionis christianæ, astruere elemosynas, quas fideles Minoritis elargiuntur, conferri ipsis tantum quoad vsum domini, autem summo Pontifici. Vnde subium,

subiungit : Si tale dominium penes nos est, quod falsum esse existimo, illi omnino renunciamus. Vnde in *extranag.* Quia quorundam ibi de eadem re loquitur ait: *Quod si quis contra id definire ausus fuerit, tanquam consumm.* Romana Ecclesia habetur.

8 Hanc opinionem sequuti sunt D. Thom. 2. 2. q. 78. art. 1. & Caiet. *ibid.* D. Anton. p. 4. tit. 1. 2. cap. 4. §. 10. Turcremara lib. 2. *summa de Eccles. cap. 112.* Syluest. *verbo dominium quest. 2. Arag. 1. 2. quest. 62. art. 1.* & multi alij. Fundamentum præcipuum huius sententiæ est, quia in his rebus, quæ vsu consumuntur, non videtur posse distinguì vsus à dominio. Qui enim facultatem concedit alicui eas res consumendi, nullius vsus ius; vel potestatem aut sibi aut alteri relinquit, ratione cuius intelligi possit retinere ali-quod dominium eiusmodi rerum.

9 Deinde vsus, qui distinguitur à dominio, est ius vtendi re aliena, salua eius substantia: sed impossibile est, quod aliquis vtatur rebus vsu consumptibilibus, aut aliquam inde vtilitatem capiat ex eis, salua earum substantia, ergo in huiusmodi, vsus non distinguitur à dominio.

10 Tandem probatur, nam quando vsus distinguitur à dominio, potest alteri vendi, retento apud se dominio: quemadmodum qui locat domum, equum, & ea quæ vsu non consumuntur, quia in istis distinguuntur vsus, & dominium, potest retinere sibi dominium, & vendere alteri ysum: at hoc in his rebus, quæ vsu consumuntur, vt in pecunia, frumento, pane, vino, & similibus est manifesta vsura, vt rectè docet D. Tho. *communiter receptus* 2. 2. q. 78. art. 1. ergo in istis vsus, & dominium non distinguuntur.

11 Quibus ita constitutis, vt in hac controuersia de veritate harum opinio-

nem proferam, quod sentio: Dico primo, quod in rebus, quæ vsu non consumuntur, vt domus, ager, prædium, & similia, quorum vsus non est eorum consumptio, vsus, & dominium distinguuntur. Probatur: Nam vsus domus locatæ potest esse apud Titium, dominium verò apud Caium. Et idem dicendum est de his rebus, quæ etsi vsu paulatim consumantur, non tamen vnico actu attritæ pereunt, vt de veste, libro & his similibus, in quibus potest vtunque distinguì vsus à dominio, sicut in aliis rebus stabilibus.

Secundò dico, quod vsus rerum, 12 quæ vsu proprio consumptibiles sunt, at vero vsu extraneo non consumuntur, constat etiam, quod distinguitur à dominio. Probatur: Nam ostentatio est vsus extraneus panis, & vini, quæ vsu proprio sunt consumptibilia, & tamen ostentatione non consumuntur, ergo huiusmodi vsus à dominio distinguitur.

Tertio dico, quod vsus iuris, qui 13 dicitur vsus in habitu, seu ius vtendi re aliqua consumptibili, ita vt illud ius sit absolutum, id est independens ab alterius voluntate, & de se ad omnem vsum talis rei se extendens non distinguitur nec distinguì potest à dominio. Et ratio est quia qui habet talem rei vsum independentem, habet reuera rei dominium, ergo.

Quartò dico quod vsus proprius 14 in habitu, qui dicitur vsus iuris, limitatus tamen, & dependens à voluntate alterius, apud quem est libera facultas reuocandi rem antequàm actu res consumatur, distinguitur à dominio. Et ratio huius est, quia talis dependentia repugnat rationi dominij consistentis nimirum in vtendi facultate independentè à voluntate alterius.

Quintò, & vltimò dico quod vsus 15

Iiii 2 facti,

facti, seu vsus in actu qui est ipsa actualis rei consumptio, distinguitur à dominio. Probat: Nam dominium est quasi in habitu, vel actu primo, hic verò vsus facti est ipsa actualis actio, & vsus: ergo.

- 16 Ex quo sequitur primò Minoritas nec in communi, nec in particulari habere dominium eorum quibus vtuntur, sed habere vsum iuris dependentem, & vsum facti, dominium autem istarum rerum manere apud Romanum Pontificem.

- 17 Nec obstat verbum Ioannis XXII. dicentis se abdicasse tali dominio.

Primò, quia id non fecit legitime, & vt notat Sotus nec iuste, sed certè in odium forsan Occham, & aliorum sui ordinis, qui fuerunt ei infestissimi.

Deinde, quia suam renunciacionem successores eius minimè approbarunt, sed exemplo suorum antecessorum idem retinuerunt, & retinent dominium.

- 18 Secundò sequitur nullum religionis cuiusvis ordinis posse ex his, quæ sibi ad suos vsus honestos conceduntur aliquid vendere, aut alienare absque explicita, vel implicita licentia sui Prælati.

- 19 Ad fundamentum veto contrariæ opinionis Respondeo concedendo Nicolaum III. & Clemen. V. fuisse contrariæ sententiæ. Ex hoc tamen non sequitur nostram opinionem esse falsam quia illam tenet Ioan. XXII. Et ex his quæ non pertinent ad fidem & ad bonos mores nullum est incommodum quod dicamus summum Pontificem errare, sicut illud affirmat idem Ioan. XXII. de Nicolao

& Clemente, maximè quia in hoc summi Pontifices, vt priuati Doctores se habuerunt.

\* \*

## QVÆSTIO XLVI.

*An quidquid Religiosus acquirit, Monasterio vel ordini acquirat, quoad ius proprium, & verum dominium, si aliàs sit capax dominij?*

**N**AVAR. in cap. Cui portio n. 3 t. 2. com. 2. de Regul. n. 3. tenet generale omnium rerum dominium non acquiri Monasterio, vel ordini, sed soli Deo, & Domino nostro Iesu Christo, ius autem supremum, & generale eadem administrandi Romano Pontifici, & Ecclesiæ vniuersali: particulare verò illi ordini, & Monasterio, cuius ipse est filius, si sit capax iuris administrandi, alioquin etiam speciale acquirit summo Pontifici, & solus vsus facti remanet penes illum ordinem & Monasterium, cui acquireret ius particulare administrandi, si illius esset capax. Idemque censet de alijs Ecclesiasticis bonis.

Ex quo infert nullam Monasteriorum habere supra bonis suis quæ possident Religiosi ius proprium, & verum dominium sed solummodo ius administrandi in vtilitatem suam, & aliorum Religiosorum, & hi quidem solummodo habent simplicem vsum facti in vestibus, & alijs ad vitam necessarijs.

Ar omnino dicendum est bonorum Ecclesiasticorum dominium verè esse apud Ecclesias, vel Monasteria, si illa sint dominij capacia. Et ratio est, quia quamuis hæc bona intuitu Christi à fidelibus Ecclesijs, vel Monasterijs sine collata, nihil obstat, quominus ea quæ prædictis Ecclesijs, veluti in dotem sponsæ Christi donata sunt, apud ipsas quoad verum domi-

RIUM

nium resideant. Si vero Monasterium non sit domini capax, tunc dominium esse apud Romanum Pontificem, detentionem vero, & usum facti apud Monasterium, præsertim si sit ordinis Minorum, ut definitur in cap. Exiit §. ad hæc. Nam in aliis ordinibus etiam incapacibus non est inconueniens concedere remanere apud Monasterium verum, plenumque ius politicum, & ciuile administrandi. Molina tom. 1. de iust. disputat. 29. & 142.

### QVÆSTIO XLVII.

*Sed maius dubium est de illicitè acquisitis: An ea religiosus Monasterio vel ordini acquirat?*

**I** N A V A R R. com. 2. de Relig. n. 4. negat. Alij vero ut Molin. tom. 1. d. 49 & Soc. lib. 4. q. 7. ar. 1. rectius affirmant. Ex quo inferunt Monialem ea quæ per fornicationem sacrilegam acquisiuit non minus teneri reddere Monasterio quam si labore manuum ea comparasset.

### QVÆSTIO XLVIII.

*An Religiosi habentes bona in communi sint capaces legati?*

**R** E S P O N D E O eos esse capaces. Ratio est, quia qui possunt hæredes institui, sunt capaces legati. At hi Religiosi possunt hæredes institui, ut diximus: ergo sunt capaces legati. Et in hoc omnes conueniunt.

### QVÆSTIO XLIX.

*Sed dubium est, de fratribus Minoribus regularis obseruantia: An videlicet sint capaces legati?*

**E** T quidem, si legatum sit rei mobilis, ut pecuniæ, vini olei, &c. certum est, eos esse talis legati capaces, modo illud sit moderatum, & non in fraudem paupertatis, ut Clemens V. in Clem. exiit de paradiſo de verb. significat. declarauit: quæ moderata quantitas ab ipsa præſenti, vel imminenti necessitate metietur, & à Ministris, & custodibus simul, & seorsum in suis administrationibus iudicabitur, ita ut semper eis sancta eluceſcat paupertas, ut etiam Nicolaus III. cap. Exiit §. in super, ordinauit.

### QVÆSTIO L.

*Sed tota controuerſia conſiſtit, quando legatum est rei immobilis, ut prædij, vel annui census, an videlicet tale legatum fratribus Minoribus relictum sit validum?*

**A** ZOR. lib. 12. cap. 23. q. 11. affirmat id legatum esse irritum. At omnino tenendum est absolute id legatum valere. Et ratio est, quia verba simpliciter prolata intelliguntur in dubio iuxta conditionem personæ, ad quam referuntur. Cum ergo verba huius legati dirigantur ad fratres Minores, qui illius acquirendi sunt incapaces, nisi ut pretium eius venditæ recipiant, sic intelligenda

liii 3 erunt

erunt verba illius legati. Et ita tenet Roder. 10. 2. de reg. 9. 12. 6. ar. 1. & colligitur ex cap. Exiit §. ad hac, quia fratribus vers. si vero modum de verb. signif. in 6. Non debent tamen fratres in alienatione horum bonorum interuenire, sed id per hæredes faciendum est, cum apud eos sit rei illius dominium Nec in eorum alienatione requiritur ea solemnitas quæ est necessaria in alienatione aliorum bonorum monasterij, cum illa alienatio fiat ipsa lege iubente, & necessario ratione eorum status fieri debeat, vt rectè docent Nauar. com. 2. de regul. n. 70. & Roder. tom. 2. de regul. q. 78. ar. 3. Nec tenentur fratres Minores statim prædicta bona acquisita vendere, sed vt vtilius vendantur, possunt commodam opportunitatem expectare, vt optimè tradit Azor. lib. 12. c. 23. q. 11. & si emptor nullatenus inueniatur, tenentur ea ab se abiicere, cum illa retinendi nullatenus sint capaces.

### QVÆSTIO LI.

*An si fratres Minores id legatum immoderatum accipiant, sint proprietarij?*

**I**N qua re conuenit inter omnes, eos peccate mortaliter, contra iuris prohibitionem.

Sed dubium est: An sint proprietarij?

**1** Corduba in Reg. S. Franc. cap. 6. q. 11. p. 1. negat.

**3** At tenendum est eos esse proprietarios. Et ratio est, quia cum dominium omnium bonorum ad Minores pertinentium sit apud Pontificem, solo facti vsu ipsis relicto ex eius licentia, quam in hoc casu denegat, ipsi acceptando tale legatum vsurpant illius

vsu contra voluntatem veri domini, & legitimi superioris: ergo sunt proprietarij.

### QVÆSTIO LII.

*Cuinam acquirat religiosus Episcopus creatus?*

**R**ESPONDEO eum acquirere suæ Ecclesie, cui præest, non autem Monasterio. Et ratio est, quia est à religione, & ab obedientia Prælatorum solutus, & liber. Ita enim definitur in cap. Vnico statutum 18. q. 1. & docet D. Tho. 2. 2. q. 188. ar. 8. ad 3. & Sot. lib. 10. q. vlt. ar. ultimo. Quod est verissimum etsi iure hæreditario ea bona post Episcopatum acquisita sint, quod satis apertis verbis indicat textus dicti cap. Vnici. & ita Molina tom. 1. de inst. disp. 140. & Roder. 10. 2. de regul. q. 58. ar. 7. Atque idem dicendum est de acquisitis donatione, propria industria, aut labore, vt rectè Lessi. lib. 2. cap. 41. dub. 11. Azor. lib. 12. c. 10. q. 6. & Conar. cap. 1. n. 19. de test. mentis. Quod quidem præcedit licet religiosus ille ad Episcopatum promotus sit ex familia fratrum Minorum; quia is creatus Episcopus ius succedendi parentibus, & agnatis, administrandique bona vndeunque acquisita dum vixerit, recuperat. Quare ipsi mortuo succedit sua Ecclesia, sicut de aliis Episcopis religiosus diximus. Azor. lib. 12. cap. 10. q. 6. & cap. 15. q. 3. & Molina tom. 1. disp. 140.

Idem quod diximus de religioso facto Episcopo, dicendum est de religioso facto Cardinali, is enim suæ Ecclesie acquirit, quia Cardinalis dicitur administrationem Ecclesie habere, & est omnino à monasterij obedientia solutus.

QVÆ



## QVÆSTIO LIII.

*Cuinam acquirat religiosus factus  
Episcopus titularis, qui sedem, &  
Ecclesiam non habet?*

**M**AGISTER Sotus lib. 10. de iust. q. vii. ar. vii. & Roder. tom. 3. q. 69. ar. 4. testantur eum acquirere suo Monasterio, vel ordini: ducuntur, quòd nullam sedem habeat. Eandem sententiam sequitur Emman. Sà verb. religio n. 52.

**M**ihi vero probabilius videtur, hunc acquirere Romano Pontifici: moueor autem ex eo, quòd à religione est solutus, & liber. Et ideo ita tenet Azor. lib. 12. cap. 10. q. 7.

## QVÆSTIO LIV.

*A quo tempore religiosus creatus  
Episcopus desinat acquirere monasterium, incipiatque Ecclesia acquirere?*

**R**ESPONDEO à tempore confirmationis Pontificis, quia ex tunc est verus Episcopus, à iurisdictione monasterij penitus exemptus, solique Romano Pontifici subest. Ita Roder. p. 2. cap. 72. n. 6.

## QVÆSTIO LV.

*Verum omnia qua religiosus beneficiarius extra monasterium, vel ordinem quonvis modo acquirat, beneficio, an vero monasterio acquirat?*

**R**ESPONDEO eum non ordinari, aut monasterio, sed beneficio ac-

quirere. Et ratio est, quia est ab ordine suo exemptus. Quod arbitror esse verum, non solum quod religiosus beneficiatus ex redditibus Ecclesiasticis, sed etiam ex industria, arte, labore, vel opera sua, vel hereditate, successionem, vel donatione acquirat. Quia ut diximus non est sub obedientia ordinis, ut habetur ex dicto cap. Statutum 18. q. 1. & tradit testè Nauar. lib. 3. cons. in 1. edit. tit. de donation. cons. 6. n. 1. in 2. lib. 2. tit. de presump. cons. 2. n. 1. Roder. tom. 2. de reg. q. 47. ar. 7. Azor. lib. 12. cap. 10. q. 6. & Emman. Sà verb. religio n. 64.

Ex quo optimè inferri idem Nauar. loco citato n. 10. & 11. posse religiosum beneficiarium de fructibus beneficii ad honestam sui sustentationem, & ad pias causas, non aliter ac secularis potest de fructibus beneficii sui, ut colligitur apertè ex Clem. 2. §. sed & talis, de vita, & honestate clericorum.

## QVÆSTIO LVI.

*Cui acquirat religiosus, qui Romani Pontificis privilegio, extra monasterium viuit ex certa pensione in singulos annos sibi assignata?*

**A**D hoc dico primò, quod religiosus qui Romani Pontificis privilegio per totam vitam extra monasterium viuit, censetur eo ipso habere facultatem administrandi bona, quæ sua industria acquisierit, & de illis disponendi non solum ad se honestè, & commodè sustentandum, verum etiam ad vsus alios honestos, & bonos, quos ipse voluerit. Ita Nauar. cap. Non dicam n. 72. & 73. & Molin. tom. 1. d. 140.

Secum

2. Secundò dico, quod religiosus, qui summi Pontificis licentia in perpetuum extra claustrum uiuit ex certa pensione in singulos annos sibi collata, potest eo ipso disponere de eius fructibus in suum commodum, & sustentationem, alioque vsus honestos, quos ipse voluerit: post eius vero mortem, bona eius spectant ad Romanum Pontificem. Nec tantum ea bona quæ ex pensione sibi assignata acquirunt, ad Romani Pontificis dominium spectant, sed etiam cetera omnia, quæ hereditate, successione, donatione, arte, industria, labore, siue alio modo acquisierit ad summi Pontificis dominium deuoluuntur, vsus vero & administratio ad ipsum religiosum, non autem ad monasterium spectat. Et ratio est, quia cum hic nullam habeat communicationem cum monasterio, nihil ei acquirit. Ita Nauar. *com. 4. de regular. nu. 68. Azor. lib. 12. cap. 10. qu. 7. & Less. lib. 2. cap. 41. dub. 11.* Immo hodie indistinctè succedit in huiusmodi bona post obitum illius religiosi camera Apostolica, siue ex testamento, siue ab intestato, siue occasione beneficii, aut alia quacunque via acquisierit, nisi habuerit facultatem testandi, & de illis sit testatus, vt statuit Greg. 13. *in quodam motu proprio incipiente, Officij nostri.* Sed loquitur quando extra monasterium decessit, & ita explicat Azor. *10. 2. lib. 8. ap. 1. qu. 15.*

3. Tertiò, & vltimò dico, quod religiosus qui ex legitima Pontificis, aut superioris licentia, non in perpetuum sed ad tempus non habens beneficium, aut pensionem vllam extra claustrum uiuit, quidquid acquirit, suo monasterio, vel ordini acquirit. Et ratio est, quia hic non est adhuc ab obedientia sui ordinis exemptus. Ita Molina *tom. 1. de iust. disp. 140.* qui addit, hoc esse verum, etiam si religiosus ille

simul habeat facultatē conuertendi in suos vsus, aut in alios pios, ea quæ sua industria acquisierit, *Num(inquit) quæ post mortem remanserint, cedunt monasterio, nisi facultatem habuerit à Papa de eis testandi, aut aliter disponendi, & re ipsa iuxta eam disposuerit.*

---

## QVÆSTIO LVII.

*An si religiosus ad monasterium eiusdem, aut alterius religionis transeat, bona primo monasterio acquisita, ad secundum monasterium transferantur?*

ET quidem, si religiosus temerè, & sine legitima licentia Prælati ad aliud monasterium transeat, certum est bona primo monasterio acquisita non transire ad secundum. Et ratio est, quia huiusmodi transitus debet fieri media professione, hæc autem cum sit ipso iure nulla, secundum monasterium nihil potest acquirere.

---

## QVÆSTIO LVIII.

*Sed dubium est, quando religiosus iussu de causa, & cum licentia Prælati ad aliud monasterium transit?*

COMMUNIS opinio Canonistarum tenet, huiusmodi bona debere ad secundum monasterium pertinere, eo quod bona videntur acquisita primo monasterio in consequentiam personæ, & sub quadam conditione, donec in eo erit religiosus, ergo

ergo transeunte persona, transire debent bona.

Tum quia cum posterioris monasterij sit, religiosum hunc alere, consonum rationi est, vt sicut onera sentit, sentiat quoque commodum acquisitionis illorum bonorum.

- 2 At vero Syluest. *verb. religio* 4. qu. 10. & Molina *tom. 1. de iust. disp. 140.* rectius docent acquisita ante professionem quantum ad proprietatem remanere penes primum monasterium; quæ verò post professionem acquiruntur, pertinere ad secundum, vt apertè colligitur *ex cap. Statutum 18. quæst. 1.*

### QVÆSTIO LIX.

*Sed maius dubium est de usufructu huiusmodi bonorum.*

- 1 **S**ED respondeo, si translatio facta fuit temerè, & absque autoritate Prælati, tunc usufructus remanebit apud primum monasterium: si vero fuit iuridica, erit monasterij, in quo emisit secundam professionem.

- 2 Hinc, si Monialis ad aliud monasterium transeat, non potest petere dotem, sed solum alimenta, quibus eger, cum iam lux bona sint acquisita primo monasterio. Ita Roder. *par. 2. cap. 31. n. 17.* Less. *lib. 2. cap. 41. dub. 11.* & Couat. *cap. 1. de rest. iuxta finem.*

- 3 Hinc, si religiosus ad aliud monasterium transeat, vt ibi reclusus dignam penitentiam agat, tantum fructus transeunt ad secundum monasterium pro alimentis, transacto vero tempore penitentiae, consolidantur cum proprietate, & pertinent ad primum monasterium.

### QVÆSTIO LX.

*Quot modis votum paupertatis à religiosis tum superioribus, tum inferioribus violetur?*

**V**T in hac quæstione adeo graui, & quæ quotidie habetur præ manibus explicanda recto ordine procedamus, dicam prius, quæ certa sunt apud omnes, dicturus postea ea, in quibus est controuersia apud Doctores. Hunc enim modum procedendi semper existimaui conuenientissimum, & explicandis difficultatibus maxime moralibus, tot doctissimorum vitorum sententiis inuolutis aptissimum, & clarissimum.

Dico igitur primò, quod religiosus, qui querit, vel habet, vel quærere, vel habere vult aliquod bonum pecuniarium tanquam proprium, peccat mortaliter contra votum paupertatis. Ratio est, quia religiosus per solemnem professionem non solum spoliavit se omni dominio, sed etiam se fecit incapacem ad querendum, & habendum tale dominium, & ius rerum temporalium, vt habetur *in cap. Cum ad monasterium de statu monach. & in Conc. Trid. sess. 25. cap. 2. & 3.* & tradit eleganter Nauar. *comm. 1. de regularib. nu. 19.*

Hinc, religiosi tam simplices, quam beneficiati, & habentes officia, ratione quorum habent facultatem emendi oues, & boues, libros, aut vestes, magnoperè cauere debent, ne emanent illa intendentes querere illa sibi, quia hoc est peccatum mortale contra votum paupertatis: debent ergo eiusmodi religiosi, cum emunt illa, non sibi, sed beneficio, vel monasterio, ad usum eius, vel suum, de

K k k k con

est, quia illius dicitur esse filius. Ad-  
dunt Tab. & Armil. nisi per Superio-  
rem Generalem cum consensu eo-  
rum, ad quos pertinet, transferatur fi-  
liario in aliud monasterium.

### QVÆST. XLIII.

*Sed dubium est de ordinibus Men-  
dicantibus, & in similibus aliis,  
in quibus multa monasteria in  
vna Provincia subiiciuntur Pro-  
uinciali, & omnia, religionis Ge-  
nerali.*

**E**T in hoc casu existimo religiosū  
potius acquirere vniuerso ordini,  
quam illi monasterio, in quo emisit  
professionem, licet bona eidem mo-  
nasterio regulariter applicentur. Ra-  
tio est, quia in his ordinibus non sunt  
similes filiationes, ac in ordinibus mo-  
nachalibus, ac proinde cum emittit  
professionem, non proficitur se esse  
filium illius monasterij; sed totius  
ordinis.

**E**t confirmatur, quia cum post  
emissam professionem huiusmodi re-  
ligiosi indiscriminatim mittantur à  
Superioribus ad diuersa monasteria  
ordinis, consentaneum rationi vide-  
tur, ut illorum bona priori monaste-  
rio applicata possint etiam indiscrimi-  
natim à Generali totius ordinis, di-  
stribui, attenta indigentia aliorum  
monasteriorum.

Dices, religiosus est in capax domi-  
nij, ergo nihil potest acquirere.

**R**espondeo religiosum non habere  
ius, ut in suum commodum succe-  
dat, aut sibi aliquid acquirat, hoc  
enim totum in monasterium transla-  
tum est: retinere tamen ius succe-  
dendi in commodum, & vtilitatem  
monasterij, vel ordinis, ut illi acqui-  
rat. Ex quo fit, ut monasterium pos-

sit adire, vel repudiare talem hæredi-  
tatem, vel donationem etiam ignoran-  
te, vel inuito religioso.

### QVÆSTIO XLIV.

*Sed totum controuerfia dissidium  
consistit de Religiosis Francisca-  
na familia, qui vulgo Obseruan-  
tes, vel Capucini vocantur, quæ  
nec priuatim, nec in communẽ  
tanquam proprium quicquam  
possidere possunt: Cuinam acqui-  
rant ea qua donatione, aut elee-  
mosynis acquirunt?*

**N**AVAR. comment. 1. de Regul. m. 1  
3. putat eos quantum ad pro-  
prietatem, & dominium bonorum,  
quæ possident primò, & principaliter  
acquirere Deo, & Dominio nostro Ie-  
su Christo: Secundariò vero quantum  
ad ius administrandi supremum, &  
generale Papæ, & ecclesiæ Romanæ,  
atque etiam quantum ad speciale,  
quia præfati fratres per suam Regu-  
larum sunt incapaces non solum proprij;  
verum etiam cuiuscunque iuris admi-  
nistrandi: quantum verò ad solam de-  
rentionem, & vsum non iuris, sed facti  
acquirere suis Monasteriis.

Ioan. Azor. lib. 1. x. 24. g. 5. censet  
omnium rerum, quæ in numero, pon-  
dere, & mensura consistunt, & vbi ipso  
consumuntur, dominium esse penes  
eos, qui eas donant, donec eas ipsi Frã-  
ciscani consumperint, donando, ven-  
dendo, vel permutando: aliarum vero  
rerum dominium eos acquirere Ro-  
mano Pontifici.

Alij vero dicunt dominium pecu-  
niarum, quæ Franciscanis in eleemo-  
synas dantur, remanere apud dan-  
tem, aliarum vero omnium siue vnico,  
siue pluribus actibus cõsumptibilium,  
&c

& aliorum omnium, ut domorum, & ecclesiarum quas Franciscani habent, dominium acquirere Romano Pontifici.

- 4 Sed quidquid sit de istis opinionibus, quæ locum habebant attento iure communi. At nunc iure nouo Martini V. & Pauli III. eos quantum ad vsum, & commodum pecuniæ, & omnium aliarum rerum, quæ ipsis conceduntur, acquirere Monasterio, vel Ordini quantum verò ad proprietatem, & dominium sedi Apostolicæ. Et ideo ita tenet Roder. *10. 2. de regul. qu. 125. art. 6.*

Nec obstat Ioannem XXII. in suo motu proprio qui incipit *Ad conditorem*, abdicasse à se, & à sede Apostolica dominium bonorum, quæ fratribus Minoribus conceduntur. Quia postea Alexander sextus, & alij Pontifices idem dominium susceperunt, ut habetur in compendio privilegiorum fratrum Minorum verbo *paupertas*.

## QVÆSTIO XLV.

*An in rebus vsu consumptibilibus possit vsus à dominio distingui, ita ut vsus sit penes unum, & dominium penes alterum?*

- 1 VT autem ea omnia, quæ Authores in hac quæstione maximè scitu necessaria tradunt, manifesta fiant, animaduertendum est primò, quod res quarum potest haberi dominium, sunt in triplici differentia. Quædam enim sunt, quæ vsu non consumuntur, ut domus, ager, prædium, & id genus alia, quorum fructibus utimur ipsis rebus manentibus. Aliæ in altero extremo posite, quæ vnico actu consumuntur, ut pecunia, panis, vinum, & similia. Aliæ verò sunt, tanquam mediæ inter has, quæ etiam vsu

paulatim atterantur, non tamen vnico actu attritæ percipiunt, ut vestis, liber &c.

Secundò est aduertendum, quod in his rebus, quæ vsu consumuntur, potest duplex reperiri vsus, proprius, & aduentitius, siue extraneus, ut in vino proprius vsus ipsius est illud bibere: aduentitius vero, & quasi extraneus est illud odorari. Similiter in pecunia, proprius ipsius vsus est, ut sit pretium rerum, quod veto quis illa utatur ad ostentationem, aduentitius, & quasi extraneus, vel accidentarius est.

Tertiò est aduertendum, quod vsus rerum vsu consumptibilium duplex est, scilicet vsus facti, & vsus iuris. vsus facti est vsus in actu, qui est ipsa actualis rei consumptio. vsus verò iuris est vsus in habitu, seu ius vtendi huiusmodi rebus. Et hoc rursus potest esse duplex, scilicet absolutum, & limitatum, seu dependens ab alio. vsus iuris absolutus, idest independens, est libera, & plena facultas habitualis vtendi re sine dependentia ab alio, etiam consumendo illam, atque adeò quocunque modo ei placuerit. vsus vero iuris limitatus, seu dependens est facultas, seu concessio veniæ vtendi his rebus cum dependentia ab alio apud quem propriè residet dominium.

Quartò est etiam aduertendum quod quando quærimus, an in rebus vsu consumptibilibus vsus, & dominium distinguantur, non est sermo, an ista distinguantur in genere entis, cum certum sit secundum regulas logicales hoc modo distingui, & constet dominium panis, & vini esse relationem, vsuum autem esse actionem, qua istis veseimur. Sed quæstio est de distinctione in genere moris. An videlicet in his rebus quæ vnico actu consumuntur, quando vsus eorum est primarius, & ad quem suapte natura destinatae sunt qui est earum consumptio, possit vsus, idest illarum rerum

consumptio, & dominium separari, ita ut reperiantur in diuersis subiectis?

In qua quaestione, quæ videtur fuisse controuersa non solum inter DD. Theologos, & Iurisprudentes, sed etiam inter Romanos Pontifices, citra definitionem tamen fidei, variz sunt Doctorum opiniones.

- 4 Sotus lib. 4. de inst. qu. 1. art. 1. Nauarr. comm. 1. de Regul. n. 13. & comm. 2. nu. 2. Less. lib. 2. cap. 3. dub. 8. Roder. 10. 3. de Regul. qu. 29. art. 4. Salon. de inst. tractat. de dominio qu. 1. art. 1. Bañ. 2. 1. qu. 62. art. 1. Molina tom. 1. de inst. d. 6. Bellarm. tom. 1. controuer. lib. 4. de summis Pontif. cap. 14. Azor. lib. 12. cap. ult. q. 12. Valent. 2. 2. d. 5. q. 10 p. 1. Rebell. de inst. 1. p. lib. 1. qu. 7. sect. 4. num. 3. & plerique alij tenent in rebus vsu consumptibilibus distingui vsum à dominio, & sic concludunt, posse vsum esse penes vnum, dominium autem penes alterum. Et hanc sententiam amplectuntur fratres Minores, qui absolute dicunt se nec in communi, nec in particulari alicuius rei dominium habere, sed solum dicunt se meros esse vsuarios earum rerum, quæ in eleemosynam ipsis traduntur: Dominium verò panis, & vini, & aliorum vtensilium, manere astruunt apud summum Pontificem, ipsosque illis uti, ut bonis Papæ, perinde est, ac si quotidie Papa illos inuitaret. Pecuniarum vero, & quarundam similium rerum dominium esse dicunt apud illos, qui eas dederunt, interim dum res illæ non consumuntur, aut alienantur, ipsis duntaxat relicto libero vsu earum rerum, etiam ad consumptionem, & alienationem, dependente tamen à libera voluntate eorum apud quos remanet propriè dominium, ita videlicet ut nulla eis iniuria fieret, si domini eas de eorum manibus eriperent. In cuius probationem adducunt duo Decreta, vnum Nicolai III. in cap. Exus,

qui seminat. Alterum verò Clementis V. in Clement. Exiit de paradiso, in quibus hoc idem definitur.

Huic etiam sententiæ fauet mirabiliter §. minus Instit. de vsu, & habitatione, vbi dicitur, quod potest quis habere vsum olorum horti, & florum pomarij, non tamen dominium, ut possit ea vendere, aut alienare, ergo in his rebus vsus, & dominium distinguuntur.

At verò Ioannes XXII. post Nicolaum III. in extraung. ad conditorem, oppositum determinauit. Vbi primò probat multis argumentis in rebus vsu consumptibilibus non distingui vsum à dominio, sed cui confertur vnum, conceditur vtrumque.

Secundò dicit fratres S. Francisci habere vsum simul, & dominium panis, vini, & aliorum comestibilium.

Tertiò dicit esse figmentum chimericum, & verbale, affirmare dominium eorum, quæ vsu consumuntur residere apud Romanum Pontificem, & Papam singulis diebus parare illis mensam.

Quartò dicit, nihil perfectionis accrescere Minoritis, ex eo quod dicantur habere nudum vsum ciborum, & potabilium, & licet in communi sint pauperiores aliis Religiosis, quia alij possunt habere bona stabilia, vel quasi stabilia, ut redditus perpetuos, ipsi verò minimè, quoad ea verò, quæ vsu consumuntur, non esse pauperiores aliis Mendicantibus, cum reuera eodem modo vtantur huiusmodi rebus, sicut, & alij Religiosi, qui dicuntur habere dominium.

Quintò, & vltimò dicit, hoc figmentum esse iniuriosum ipsi Romanæ Ecclesiæ, & simplicitati religionis christianæ, astruere eleemosynas, quas fideles Minoritis elargiuntur, conferri ipsis tantum quoad vsum dominium autem summo Pontifici: Vnde subium,

iubiungit : Si tale dominium penes nos est, quod falsum esse existimo, illi omnino renunciamus. Vnde in *extranag.* Quia quorundam tibi de eadem re loquitur ait: Quod si quis contra id definire ausus fuerit, tanquam contumax Romana Ecclesia habeatur.

8 Hanc opinionem sequuti sunt D. Thom. 2. 2. q. 78. art. 1. & Caiet. *ibid.* D. Anton. p. 4. tit. 12. cap. 4. §. 10. Turcremata *lib. 2. summa de Eccles. cap. 112.* Syluest. *verbo dominium quest. 2. Arag. 1. 2. quest. 62. art. 1.* & multi alij. Fundamentum præcipuum huius sententiæ est, quia in his rebus, quæ vfu consumuntur, non videtur posse distinguere vsum à dominio. Qui enim facultatem concedit alicui eas res consumendi, nullius vsum ius, vel potestatem aut sibi aut alteri relinquit, ratione cuius intelligi possit retinere aliud quod dominium eiusmodi rerum.

9 Deinde vsum, qui distinguitur à dominio, est ius vtendi re aliena, salua eius substantia: sed impossibile est, quod aliquis vtatur rebus vfu consumptibilibus, aut aliquam inde utilitatem capiat ex eis, salua earum substantia, ergo in huiusmodi, vsum non distinguitur à dominio.

10 Tandem probatur, nam quando vsum distinguitur à dominio, potest alteri vndi, retento apud se dominio: quemadmodum qui locat domum, equum, & ea quæ vfu non consumuntur, quia in istis distinguuntur vsum, & dominium, potest retinere sibi dominium, & vendere alteri vsum: at hoc in his rebus, quæ vfu consumuntur, vt in pecunia, frumento, pane, vino, & similibus est manifesta vsura, vt rectè docet D. Tho. *communiter receptum 2. 2. q. 78. art. 1.* ergo in istis vsum, & dominium non distinguuntur.

11 Quibus ita cõstitutis, vt in hac conuersione de veritate harum opinio-

num proferam, quod sentio: Dico primo, quod in rebus, quæ vfu non consumuntur, vt domus, ager, prædium, & similia, quorum vsum non est eorum consumptio, vsum, & dominium distinguuntur. Probatur: Nam vsum domus locatæ potest esse apud Titium, dominium verò apud Caium. Et idem dicendum est de his rebus, quæ et si vfu paulatim consumantur, non tamen vnico actu attritæ percunt, vt de veste, libro & his similibus, in quibus potest vtuntur distinguere vsum à dominio, sicut in aliis rebus stabilibus.

Secundò dico, quod vsum rerum, 12 quæ vfu proprio consumptibiles sunt, at vero vfu extraneo non consumuntur, constat etiam, quod distinguuntur à dominio. Probatur: Nam ostentatio est vsum extraneum panis, & vini, quæ vfu proprio sunt consumptibilia, & tamen ostentatione non consumuntur, ergo huiusmodi vsum à dominio distinguuntur.

Tertio dico, quod vsum iuris, qui 13 dicitur vsum in habitu, seu ius vtendi re aliqua consumptibili, ita vt illud ius sit absolutum, id est independens ab alterius voluntate, & de se ad omnem vsum talis rei se extendens non distinguitur nec distinguere potest à dominio. Et ratio est quia qui habet talem rei vsum independentem, habet reuera rei dominium, ergo.

Quartò dico quod vsum proprium 14 in habitu, qui dicitur vsum iuris, limitatus tamen, & dependens à voluntate alterius, apud quem est libera facultas reuocandi rem antequam actu res consumatur, distinguitur à dominio. Et ratio huius est, quia talis dependentia repugnat rationi dominij consistentis nimirum in vtendi facultate independente à voluntate alterius.

Quintò, & vltimò dico quod vsum 15

liii 2 facti,

facti, seu vsus in actu qui est ipsa actualis rei consumptio, distinguitur à dominio. Probat: Nam dominium est quasi in habitu, vel actu primo, hic verò vsus facti est ipsa actualis actio, & vsus: ergo.

- 16 Ex quo sequitur primò Minoritas nec in communi, nec in particulari habere dominium eorum quibus vtuntur, sed habere vsum iuris dependenter, & vsum facti, dominium autem istarum rerum manere apud Romanum Pontificem.

- 17 Nec obstat verbum Ioannis XXII. dicentis se abdicasse tali dominio.

Primò, quia id non fecit legitime, & vt notat Sotus nec iuste, sed certè in odium forsàn Occham, & aliorum sui ordinis, qui fuerunt ei infestissimi.

Deinde, quia suam renunciationem successores eius minimè approbarunt, sed exemplo suorum antecessorum idem retinuerunt, & retinent dominium.

- 18 Secundò sequitur nullum religiosum cuiusvis ordinis posse ex his, quæ sibi ad suos vsus honestos conceduntur aliquid vendere, aut alienare absque explicita, vel implicita licentia sui Prælati.

- 19 Ad fundamentum vero contrariæ opinionis Respondeo concedendo Nicolaum III. & Clemen. V. fuisse contrariæ sententiæ. Ex hoc tamen non sequitur nostram opinionem esse falsam quia illam tenet Ioan. XXII. Et ex his quæ non pertinent ad fidem & ad bonos mores nullum est incommodum quod dicamus summum Pontificem errare, sicut illud affirmat idem Ioan. XXII. de Nicolao & Clemente, maxime quia in hoc summi Pontifices, vt priuati Doctores se habuerunt.

\* \*

## QVÆSTIO XLVI.

*An quidquid Religiosus acquirit, Monasterio vel ordini acquirat, quoad ius proprium, & verum dominium, si aliàs sit capax domini?*

**N**AVAR. in cap. Cui portio n. 31. & com. 2. de Regul. n. 3. tenet generale omnium rerum dominium non acquiri Monasterio, vel ordini, sed soli Deo, & Domino nostro Iesu Christo, ius autem supremum, & generale eadem administrandi Romano Pontifici, & Ecclesiæ vniuersali: particulare verò illi ordini, & Monasterio, cuius ipse est filius, si sit capax iuris administrandi, alioquin etiam speciale acquirit summo Pontifici, & solus vsus facti remanet penes illum ordinem & Monasterium, cui acquireret ius particulare administrandi, si illius esset capax. Idemque censet de aliis Ecclesiasticis bonis.

Ex quo inferri nullam Monasteriorum habere supra bonis suis quæ possident Religiosi ius proprium, & verum dominium sed solummodo ius administrandi in vtilitatem suam, & aliorum Religiosorum, & hi quidem solummodo habent simplicem vsum facti in vestibus, & aliis ad vitam necessariis.

At omnino dicendum est bonorum Ecclesiasticorum dominium verè esse apud Ecclesias, vel Monasteria, si illa sint domini capacia. Et ratio est, quia quamuis hæc bona intuitu Christi à fidelibus Ecclesiis, vel Monasteriis sint collata, nihil obstat, quin ea quæ prædictis Ecclesiis, vel luti in dotem sponsæ Christi donata sunt, apud ipsas quoad verum domi-

RIUM



nium resideant. Si vero Monasterium non sit dominij capax, tunc dominium esse apud Romanum Pontificem, detentionem vero, & usum facti apud Monasterium, præsertim si sit ordinis Minorum, ut definitur in cap. *Exist* §. *ad hac*. Nam in aliis ordinibus etiam incapacibus non est inconueniens concedere remanere apud Monasterium verum, plenumque ius politicum, & ciuile administrandi. Molina *tom. 1. de iust. disputat. 29. §. 142.*

### QVÆSTIO XLVII.

*Sed maius dubium est de illicitè acquisitis: An ea religiosus Monasterio vel ordini acquirat?*

**N**AVARR. *com. 2. de Relig. n. 4.* negat. Alij vero ut Molin. *tom. 1. d. 49* & Sor. *lib. 4. q. 7. ar. 1.* rectius affirmant. Ex quo inferunt Monialem ea quæ per fornicationem sacrilegam acquisiuit non minus teneri reddere Monasterio quam si labore manuum ea comparasset.

### QVÆSTIO XLVIII.

*An Religiosi habentes bona in communi sint capaces legati?*

**R**ESPONDEO eos esse capaces. Ratio est, quia qui possunt hæredes institui, sunt capaces legati. At hi Religiosi possunt hæredes institui, ut diximus: ergo sunt capaces legati. Et in hoc omnes conueniunt.

### QVÆSTIO XLIX.

*Sed dubium est, de fratribus Minoribus regularis obseruantia: An videlicet sint capaces legati?*

**E**T quidem, si legatum sit rei mobilis, ut pecuniæ, vini olei, &c. certum est, eos esse tales legati capaces, modo illud sit moderatum, & non in fraudem paupertatis, ut Clemens V. in *Clem. exiuit de paradiso de verb. significat.* declarauit: quæ moderata quantitas ab ipsa præsentia, vel imminenti necessitate metietur, & à Ministris, & custodibus simul, & seorsum in suis administrationibus iudicabitur, ita ut semper eis sancta elucescat paupertas, ut etiam Nicolaus III. cap. *Exiit* §. *in super*, ordinauit.

### QVÆSTIO L.

*Sed tota controuersia consistit, quando legatum est rei immobilis, ut prædij, vel annui census, an videlicet tale legatum fratribus Minoribus relictum sit validum?*

**A**ZOR. *lib. 12. cap. 24. q. 11.* affirmat id legatum esse irritum.

At omnino tenendum est absolute id legatum valere. Et ratio est, quia verba simpliciter prolata intelliguntur in dubio iuxta conditionem personæ, ad quam referuntur. Cum ergo verba huius legati dirigantur ad fratres Minores, qui illius acquirendi sunt incapaces, nisi ut pretium eius venditæ recipiant, sic intelligenda

erunt verba illius legati. Et ita tenet Roder. 10. 2. de reg. q. 126. ar. 1. & colligitur ex cap. Exiit §. ad hoc, quia fratribus vers. si vero modum de verb. signif. in 6. Non debent tamen fratres in alienatione horum bonorum interuenire, sed id per hæredes faciendum est, cum apud eos sit rei illius dominium. Nec in eorum alienatione requiritur ea solemnitas quæ est necessaria in alienatione aliorum bonorum monasterij, cum illa alienatio fiat ipsa lege iubente, & necessario ratione eorum status fieri debeat, vt rectè docent Nauar. com. 2. de regul. n. 50. & Roder. tom. 2. de regul. q. 78. ar. 3. Nec tenentur fratres Minores statim prædicta bona acquisita vendere, sed vt vtilius vendantur, possunt commodam opportunitatem expectare, vt optimè tradit Azor. lib. 12. c. 23. q. 11, & si emptor nullatenus inueniatur, tenentur ea ab se abicere, eum illa retinendi nullatenus sint capaces.

### QVÆSTIO LI.

*An si fratres Minores id legatum immoderatum accipiant, sint proprietarij?*

- 1 **I**N qua re conuenit inter omnes, eos peccare mortaliter, contra iuris prohibitionem.

Sed dubium est: An sint proprietarij?

- 2 **C**orduba in Reg. S. Franc. cap. 6. q. 11. p. 1. negat.

- 3 **A**t tenendum est eos esse proprietarios. Er ratio est, quia cum dominium omnium bonorum ad Minores pertinentium sit apud Pontificem, solo facti vsu ipsis relicto ex eius licentia, quam in hoc casu denegat, ipsi acceptando tale legatum vsurpant illius

vsu contra voluntatem veri domini, & legitimi superioris: ergo sunt proprietarij.

### QVÆSTIO LII.

*Cuinam acquirat religiosus Episcopus creatus?*

**R**ESPONDEO cum acquirere suæ Ecclesiæ, cui præest, non autem Monasterio. Et ratio est, quia est à religione, & ab obedientia Prælatorum solutus, & liber. Ita enim definitur in cap. Vnico statutum 18. q. 1. & docet D. Tho. 2. 2. q. 188. ar. 8. id 3. & Sot. lib. 10. q. ult. ar. ultimo. Quod est verissimum etsi iure hæreditario ea bona post Episcopatum acquisita sint, quod satis apertis verbis indicat textus dicti cap. Vnici. & ita Molina tom. 1. de inst. disp. 140. & Roder. 10. 2. de regul. q. 58. ar. 7. Atque idem dicendum est de acquisitis donatione, propria industria, aut labore, vt rectè Lessi. lib. 2. cap. 41. dub. 11. Azor. lib. 12. c. 10. q. 6. & Conar. cap. 1. n. 19. de test. omentis. Quod quidem procedit licet religiosus ille ad Episcopatum promotus sit ex familia fratrum Minorum; quia is creatus Episcopus ius succedendi parentibus, & agnatis, administrandique bona vndeunque acquisita dum vixerit, reuocat. Quare ipsi mortuo succedit sua Ecclesia, sicut de alijs Episcopis religiosi diximus. Azor. lib. 12. cap. 10. q. 6. & cap. 15. q. 3. & Molina tom. 1. disp. 140.

Idem quod diximus de religioso facto Episcopo, dicendum est de religioso facto Cardinali, is enim suæ Ecclesiæ acquirit, quia Cardinalis dicitur administrationem Ecclesiæ habere, & est omnino à monasterij obedientia solutus.

QVÆ

## QVÆSTIO LIII.

*Cuinam acquirat religiosus factus  
Episcopus titularis, qui sedem, &  
Ecclesiam non habet?*

**M**AGISTER SOTUS lib. 10. de iust. q. vii. ar. vii. & Roder. tom. 3. q. 69 ar. 4. testatur eum acquirere suo Monasterio, vel ordini: ducuntur, quod nullam sedem habeat. Eandem sententiam sequitur Emman. Sà verb. religio n. 32.

**M**ihi vero probabilius videtur, hunc acquirere Romano Pontifici: moueor autem ex eo, quod à religione est solutus, & liber. Et ideo ita tenet Azor. lib. 12. cap. 10. q. 7.

## QVÆSTIO LIV.

*A quo tempore religiosus creatus  
Episcopus desinat acquirere monasterio, incipiatque Ecclesia acquirere?*

**R**ESPONDEO à tempore confirmationis Pontificis, quia ex tunc est verus Episcopus, à iurisdictione monasterij penitus exemptus, solique Romano Pontifici subest. Ita Roder. p. 2. cap. 72. n. 6.

## QVÆSTIO LV.

*Utrum omnia qua religiosus beneficiarius extra monasterium, vel ordinem quonvis modo acquirat, beneficio, an vero monasterio acquirat?*

**R**ESPONDEO eum non ordini, aut monasterio, sed beneficio ac-

quirere. Et ratio est, quia est ab ordine suo exemptus. Quod arbitror esse verum, non solum quod religiosus beneficiarius ex redditibus Ecclesiasticis, sed etiam ex industria, arte, labore, vel opera sua, vel hereditate, successione, vel donatione acquirat. Quia ut diximus non est sub obedientia ordinis, ut habetur ex dicto cap. Statutum 18. q. 1. & tradit tectè Nauar. lib. 3. cons. in 1. edit. tit. de donation. cons. 6. n. 1. in 2. lib. 2. tit. de presump. cons. 1. n. 1. Roder. tom. 2. de reg. q. 47. ar. 7. Azor. lib. 12. cap. 10. q. 6. & Emman. Sà verb. religio n. 64.

Ex quo optimè inferri idem Nauar. loco citato n. 10. & 11. posse religiosum beneficiarium de fructibus beneficii ad honestam sui sustentationem, & ad pias causas, non aliter ac secularis potest de fructibus beneficii sui, ut colligitur apertè ex Clem. 2. §. sed & talis, de vita, & honestate clericorum.

## QVÆSTIO LVI.

*Cui acquirat religiosus, qui Romani Pontificis privilegio, extra monasterium viuit ex certa pensione in singulos annos sibi assignata?*

**A**D hoc dico primò, quod religiosus qui Romani Pontificis privilegio per totam vitam extra monasterium viuit, censetur eo ipso habere facultatem administrandi bona, quæ sua industria acquisierit, & de illis disponendi non solum ad se honestè, & commodè sustentandum, verum etiam ad vsus alios honestos, & bonos, quos ipse voluerit. Ita Nauar. cap. Non dicis n. 72. & 73. & Molin. tom. 1. d. 140.

Secun

2. Secundò dico, quod religiosus, qui summi Pontificis licentia in perpetuum extra claustrum uiuit ex certa pensione in singulos annos sibi collata, potest eo ipso disponere de eius fructibus in suum commodum, & sustentationem, alioque usus honestos, quos ipse voluerit: post eius vero mortem, bona eius spectant ad Romanum Pontificem. Nec tantum ea bona quæ ex pensione sibi assignata acquirunt, ad Romani Pontificis dominium spectant, sed etiam cætera omnia, quæ hæreditate, successionem, donatione, arte, industria, labore, siue alio modo acquisierit ad summi Pontificis dominium deuoluuntur, usus vero & administratio ad ipsum religiosum, non autem ad monasterium spectat. Et ratio est, quia cum hic nullam habeat communicationem cum monasterio, nihil ei acquirunt. Ita Nauar. *com. 4. de regular. nu. 68.* Azor. *lib. 12. cap. 10. qu. 7.* & Less. *lib. 2. cap. 41. dub. 11.* Immo hodie indistinctè succedit in huiusmodi bona post obitum illius religiosi camera Apostolica, siue ex testamento, siue ab intestato, siue occasione beneficii, aut alia quacunque via acquisierit, nisi habuerit facultatem testandi, & de illis sit testatus, ut statuit Greg. 13. *in quodam motu proprio incipiente, Officii nostri.* Sed loquitur quando extra monasterium descendit, & ita explicat Azor. *10. 2. lib. 8. ap. 3. qu. 11.*

3. Tertiò, & vltimò dico, quod religiosus qui ex legitima Pontificis, aut superioris licentia, non in perpetuum sed ad tempus non habens beneficium, aut pensionem ullam extra claustrum uiuit, quidquid acquirunt, suo monasterio, vel ordini acquirunt. Et ratio est, quia hic non est adhuc ab obedientia sui ordinis exemptus. Ita Molina *tom. 1. de iust. disp. 140.* qui addit, hoc esse verum, etiam si religiosus ille

simul habeat facultatē conuertendi in suos usus, aut in alios pios, ea quæ sua industria acquisierit, *Nam (inquit) quæ post mortem remanserint, cedunt monasterio, nisi facultatem habuerit à Papa de eis testandi, aut aliter disponendi, & re ipsa in usus eam disposuerit.*

---

## QVÆSTIO LVII.

*An si religiosus ad monasterium eiusdem, aut alterius religionis transeat, bona primo monasterio acquisita, ad secundum monasterium transferantur?*

ET quidem, si religiosus temerè, & sine legitima licentia Prælati ad aliud monasterium transeat, certum est bona primo monasterio acquisita non transire ad secundum. Et ratio est, quia huiusmodi transitus debet fieri media professione, hæc autem cum sit ipso iure nulla, secundum monasterium nihil potest acquirere.

---

## QVÆSTIO LVIII.

*Sed dubium est, quando religiosus iussu de causa, & cum licentia Prælati ad aliud monasterium transit?*

COMMUNIS opinio Canonistarum tenet, huiusmodi bona debere ad secundum monasterium pertinere, eo quod bona videntur acquisita primo monasterio in consequentiam personæ, & sub quadam conditione, donec in eo erit religiosus, ergo

ergo transeunte persona, transire debent bona.

Tum quia cum posterioris monasterij sit, religiosum hunc alere, consonum rationi est, ut sicut onera sentit, sentiat quoque commodum acquisitionis illorum bonorum.

- 2 At vero Syluest. *verb. religio* 4. qu. 10. & Molina *tom. 1. de iust. disp. 140.* rectius docent acquisita ante professionem quantum ad proprietatem remanere penes primum monasterium; quæ verò post professionem acquiruntur, pertinere ad secundum, ut aperte colligitur *ex cap. Statutum* 18. *quest. 1.*

### QVÆSTIO LIX.

*Sed maius dubium est de usufructu huiusmodi bonorum.*

- 1 **S**Eo respondeo, si translatio facta fuit temerè, & absque auctoritate Prælati, tunc usufructus remanebit apud primum monasterium: si vero fuit iuridica, erit monasterij, in quo emisit secundam professionem.

- 2 Hinc, si Monialis ad aliud monasterium transeat, non potest petere dotem, sed solum alimenta, quibus eget, cum iam hæc bona sint acquisita primo monasterio. Ita Roder. *par. 2. cap. 31. n. 17.* Less. *lib. 2. cap. 41. dub. 11.* & Couar. *cap. 1. de test. iuxta finem.*

- 3 Hinc, si religiosus ad aliud monasterium transeat, ut ibi reclusus dignam pœnitentiam agat, tantum fructus transcunt ad secundum monasterium pro alimentis, transacto vero tempore pœnitentiæ, consolidantur cum proprietate, & pertinent ad primum monasterium.

### QVÆSTIO LX.

*Quos modis votum paupertatis à religiosis tum superioribus, tum inferioribus violetur?*

**V**T in hac quæstione adeo gravi, & quæ quotidie habetur præmanibus explicanda recto ordine procedamus, dicam prius, quæ certa sunt apud omnes, dicturus postea ea, in quibus est controuersia apud Doctores. Hunc enim modum procedendi semper existimaui convenientissimum, & explicandis difficultatibus maximè moralibus, tot doctissimorum virorum sententiis inuoluitis aptissimum, & clarissimum.

Dico igitur primò, quod religiosus, qui quærit, vel habet, vel quærere, vel habere vult aliquod bonum pecuniarium tanquam proprium, peccat mortaliter contra votum paupertatis. Ratio est, quia religiosus per solemnem professionem non solum spoliavit se omni dominio, sed etiam se fecit incapacem ad quærendum, & habendum tale dominium, & ius rerum temporalium, ut habetur *in cap. Cum ad monasterium de statu monach.* & *in Conc. Trid. sess. 25. cap. 2. & 3.* & tradit eleganter Nauar. *comm. 1. de regularib. nu. 19.*

Hinc, religiosi tam simplices, quam beneficiati, & habentes officia, ratione quorum habent facultatem emendi oues, & boues, libros, aut vestes, magnoperè cauere debent, ne emant illa intendentes quærere illa sibi, quia hoc est peccatum mortale contra votum paupertatis: debent ergo eiusmodi religiosi, cum emunt illa, non sibi, sed beneficio, vel monasterio, ad usum eius, vel suum, de

K k k k con

2 Secundò dico, quod religiosus, qui summi Pontificis licentia in perpetuum extra claustrum viuit ex certa pensione in singulos annos sibi collata, potest eo ipso disponere de eius fructibus in suum commodum, & sustentationem, alioque vsus honestos, quos ipse voluerit: post eius vero mortem, bona eius spectant ad Romanum Pontificem. Nec tantum ea bona quæ ex pensione sibi assignata acquiruntur, ad Romani Pontificis dominium spectant, sed etiam cætera omnia, quæ hereditate, successione, donatione, arte, industria, labore, siue alio modo acquisierit ad summi Pontificis dominium deuoluuntur, vsus vero & administratio ad ipsum religiosum, non autem ad monasterium spectat. Et ratio est, quia cum hic nullam habeat communicationem cum monasterio, nihil ei acquiritur. Ita Nauar. *com. 4. de regular. m. 68.* Azor. *lib. 12. cap. 10. q. 7.* & Less. *lib. 2. cap. 41. dub. 11.* Immo hodie indistinctè succedit in huiusmodi bona post obitum illius religiosi camera Apostolica, siue ex testamento, siue ab intestato, siue occasione beneficii, aut alia quacunque via acquisierit, nisi habuerit facultatem testandi, & de illis sit testatus, vt statuit Greg. 13. *in quodam motu proprio incipiente, Officij nostri.* Sed loquitur quando extra monasterium decedit, & ita explicat Azor. *10. 2. lib. 8. cap. 3. q. 15.*

3 Tertiò, & vltimò dico, quod religiosus qui ex legitima Pontificis, aut superioris licentia, non in perpetuum sed ad tempus non habens beneficium, aut pensionem vllam extra claustrum viuit, quidquid acquirit, suo monasterio, vel ordini acquirit. Et ratio est, quia hic non est adhuc ab obedientia sui ordinis exemptus. Ita Mo-  
*tom. 1. de iust. disp. 140.* qui addit, esse verum, etiam si religiosus ille

simul habeat facultatē conuertendi in suos vsus, aut in alios pios, ea quæ sua industria acquisierit, *Nam (inquit) quæ post mortem remanserint, cedunt monasterio, nisi facultatem habueris à Papa de eis testandi, aut aliter disponendi, & reipsa iuxta eam disposueris.*

---

## QVÆSTIO LVII.

*An si religiosus ad monasterium eiusdem, aut alterius religionis transeat, bona primo monasterio acquisita, ad secundum monasterium transferantur?*

ET quidem, si religiosus temerè, & sine legitima licentia Prælati ad aliud monasterium transeat, certum est bona primo monasterio acquisita non transire ad secundum. Et ratio est, quia huiusmodi transitus debet fieri media professione, hæc autem cum sit ipso iure nulla, secundum monasterium nihil potest acquirere.

---

## QVÆSTIO LVIII.

*Sed dubium est, quando religiosus iusta de causa, & cum licentia Prælati ad aliud monasterium transit?*

COMMVNIS opinio Canonistarum tenet, huiusmodi bona debere ad secundum monasterium pertinere, eo quod bona videntur acquisita primo monasterio in consequentiam personæ, & sub quadam conditione, donec in eo erit religiosus, ergo

ergo transeunte persona, transire debent bona.

Tum quia cum posterioris monasterij sit, religiosum hunc alere, consonum rationi est, vt sicut onera sentit, sentiat quoque commodum acquisitionis illorum bonorum.

- <sup>2</sup> At vero Syluest. *verb. religio 4. qu. 10.* & Molina *tom. 1. de iust. disp. 140.* rectius docent acquisita ante professionem quantum ad proprietatem remanere penes primum monasterium; quæ verò post professionem acquiruntur, pertinere ad secundum, vt apertè colligitur *ex cap. Statutum 18. quest. 1.*

### QVÆSTIO LIX.

*Sed maius dubium est de usufructu huiusmodi bonorum.*

- <sup>1</sup> Sed respondeo, si translatio facta fuit temerè, & absque auctoritate Prælati, tunc usufructus remanebit apud primum monasterium: si vero fuit iuridica, erit monasterij, in quo emisit secundam professionem.

- <sup>2</sup> Hinc, si Monialis ad aliud monasterium transeat, non potest petere dorem, sed solum alimenta, quibus eget, cum iam hæc bona sint acquisita primo monasterio. Ita Roder. *par. 2. cap. 31. n. 17.* Less. *lib. 2. cap. 4. l. dub. 11.* & Couar. *cap. 1. de reſtaucta ſinem.*

- <sup>3</sup> Hinc, si religiosus ad aliud monasterium transeat, vt ibi reclusus dignam pœnitentiam agat, tantum fructus tranſeunt ad secundum monasterium pro alimentis, transacto vero tempore pœnitentiæ, consolidantur cum proprietate, & pertinent ad primum monasterium.

### QVÆSTIO LX.

*Quot modis votum paupertatis à religiosis tum superioribus, tum inferioribus violetur?*

**V**T in hac quæstione adeo graui, & quæ quotidie habetur præ manibus explicanda recto ordine procedamus, dicam prius, quæ certa sunt apud omnes, dicturus postea ea, in quibus est controuersia apud Doctores. Hunc enim modum procedendi semper existimaui conuenientissimum, & explicandis difficultatibus maximè moralibus, tot doctissimorum viro- rum sententiis inuolutis apertissimum, & clarissimum.

Dico igitur primò, quod religiosus, qui quærit, vel habet, vel quærere, vel habere vult aliquod bonum pecuniarium tanquam proprium, peccat mortaliter contra votum paupertatis. Ratio est, quia religiosus per solemnem professionem non solum spoliavit se omni dominio, sed etiam se fecit incapacem ad quærendum, & habendum tale dominium, & ius reum temporalium, vt habetur *in cap. Cum ad monasterium de statu monach.* & *in Conc. Trid. sess. 25. cap. 2. & 3.* & tradit eleganter Nauar. *comm. 1. de regularib. nu. 19.*

Hinc, religiosi tam simplices, quam beneficiati, & habentes officia, ratione quorum habent facultatem emendi oues, & boues, libros, aut vestes, magnoperè cauere debent, ne emant illa intendentes quærere illa sibi, quia hoc est peccatum mortale contra votum paupertatis: debent ergo eiusmodi religiosi, cum emunt illa, non sibi, sed beneficio, vel monasterio, ad vsum eius, vel suum, de

K k k k con

est, quia illius dicitur esse filius. Ad-  
dunt Tab. & Armil. nisi per Superio-  
rem Generalem cum consensu eo-  
rum, ad quos pertinet, transferatur fi-  
liatio in aliud monasterium.

### QVÆST. XLIII.

*Sed dubium est de ordinibus Men-  
dicantibus, & in similibus aliis,  
in quibus multa monasteria in  
vna Provincia subiiciuntur Pro-  
uinciali, & omnia, religionis Ge-  
nerali.*

**E**T in hoc casu existimo religiosū  
potius acquirere vniuerso ordini,  
quam illi monasterio, in quo emisit  
professionem, licet bona eidem mo-  
nasterio regulariter applicentur. Ra-  
tio est, quia in his ordinibus non sunt  
similes filiationes, ac in ordinibus mo-  
nachalibus, ac proinde cum emittit  
professionem, non proficitur se esse  
filium illius monasterij; sed totius  
ordinis.

**Et confirmatur**, quia cum post  
emissam professionem huiusmodi re-  
ligiosi indiscriminatim mittantur à  
Superioribus ad diuersa monasteria  
ordinis, consentaneum rationi vide-  
tur, ut illorum bona priori monaste-  
rio applicata possint etiam indiscrimi-  
natim à Generali totius ordinis, di-  
stribui, attenta indigentia aliorum  
monasteriorum.

Dices, religiosus est incapax domi-  
nij, ergo nihil potest acquirere.

**Respondeo** religiosum non habere  
ius, ut in suum commodum succe-  
dat, aut sibi aliquid acquirat, hoc  
enim totum in monasterium transla-  
tum est: retinere tamen ius succe-  
dendi in commodum, & vtilitatem  
monasterij, vel ordinis, ut illi acqui-  
rar. Ex quo fit, ut monasterium pos-

sit adire, vel repudiare talem hæredi-  
tatem, vel donationem etiam ignoran-  
te, vel inuito religioso.

### QVÆSTIO XLIV.

*Sed totum controuersia dissidium  
consistit de Religiosis Francisca-  
na familia, qui vulgo Obseruan-  
tes, vel Capucini vocantur, qui  
nec priuatiui, nec in communi  
tanquam proprium quicquam  
possidere possunt: Cuiam acqui-  
rant ea qua donatione, aut elec-  
mosynis acquirunt?*

**NAVARR. comment. 2. de Regul. m.**  
**3.** putat eos quantum ad pro-  
prietatem, & dominium bonorum,  
quæ possident primò, & principaliter  
acquirere Deo, & Domino nostro Ie-  
su Christo: Secundariò vero quantum  
ad ius administrandi supremum, &  
generale Papæ, & ecclesiæ Romanæ,  
atque etiam quantum ad speciale,  
quia præfati fratres per suam Regu-  
larum sunt incapaces non solum proprij;  
verum etiam cuiuscunque iuris admi-  
nistrandi: quantum verò ad solam de-  
rentionem, & vsum non iuris, sed facti  
acquirere suis Monasterijs.

**Ioan. Azor. libr. 12. c. 24. g. 5.** censet  
omnium rerum, quæ in numero, pon-  
dere, & mensura consistunt, & vsu ipso  
consumuntur, dominium esse penes  
eos, qui eas donant, donec eas ipsi Frã-  
ciscani consumpserint, donando, ven-  
dendo, vel permutando: aliarum vero  
rerum dominium eos acquirere Ro-  
mano Pontifici.

Alij vero dicunt dominium pecu-  
niarum, quæ Franciscanis in eleemo-  
synas dantur, remanere apud dan-  
tem, aliarum vero omnium siue vnico,  
siue pluribus actibus cõsumptibilium,  
&c.



& aliorum omnium, ut domorum, & ecclesiarum quas Franciscani habent, dominiū acquirere Romano Pontifici.

- 4 Sed quidquid sit de istis opinionibus, quæ locum habebant attento iure communi. At nunc iure nouo Martini V. & Pauli III. eos quantum ad vsum, & commodum pecuniæ, & omnium aliarum rerum, quæ ipsis conceduntur, acquirere Monasterio, vel Ordini quantum verò ad proprietatem, & dominiū sedi Apostolicæ. Et ideo ita tenet Roder. 10. 2. de regul. qu. 125. art. 6.

Nec obstat Ioannem XXII. in suo motu proprio, qui incipit *Ad conditorem*, abdicasse à se, & à sede Apostolica dominiū bonorum, quæ fratribus Minoribus conceduntur. Quia postea Alexander sextus, & alij Pontifices idem dominiū susceperunt, ut habetur in compendio privilegiorum fratrum Minorum verbo *paupertas*.

## QVÆSTIO XLV.

*An in rebus vsu consumptibilibus possit vsus à dominio distingui, ita ut vsus sit penes unum, & dominiū penes alterum?*

- 1 VT autem ea omnia, quæ Authores in hac quæstione maximè scitu necessaria tradunt, manifesta fiant, animaduertendum est primò, quod res quarum potest haberi dominiū, sunt in triplici differentia. Quædam enim sunt, quæ vsu non consumuntur, ut domus, ager, prædium, & id genus alia, quorum fructibus utimur ipsis rebus manentibus. Aliæ in altero extremo posite, quæ vnico actu consumuntur, ut pecunia, panis, vinum, & similia. Aliæ verò sunt, tanquam mediz inter has, quæ etiam vsu

paulatim atterantur, non tamen vnico actu attritæ pereunt, ut vestis, liber &c.

Secundò est aduertendum, quod in his rebus, quæ vsu consumuntur, potest duplex reperiri vsus, proprius, & aduentitius, siue extraneus, ut in vino proprius vsus ipse est illud bibere: aduentitius vero, & quasi extraneus est illud odorari. Similiter in pecunia, proprius ipse vsus est, ut sit pretium rerum, quod veto quis illa utatur ad ostentationē, aduentitius, & quasi extraneus, vel accidentarius est.

Tertiò est aduertendum, quod vsus rerum vsu consumptibilium duplex est, scilicet vsus facti, & vsus iuris. vsus facti est vsus in actu, qui est ipsa actualis rei consumptio. vsus verò iuris est vsus in habitu, seu ius vtendi huiusmodi rebus. Et hoc rursus potest esse duplex, scilicet absolutum, & limitatum, seu dependens ab alio. vsus iuris absolutus, id est independens, est libera, & plena facultas habitualis vtendi re sine dependentia ab alio, etiam consumendo illam, atque adeò quocunque modo ei placuerit. vsus vero iuris limitatus, seu dependens est facultas, seu concessio veniæ vtendi his rebus cum dependentia ab alio apud quem propriè residet dominiū.

Quartò est etiam aduertendum quod quando quærimus, an in rebus vsu consumptibilibus vsus, & dominiū distinguantur, non est sermo, an ista distinguantur in genere entis, cum certum sit secundum regulas logicales hoc modo distingui, & constet dominiū panis, & vini esse relationem, vsum autem esse actionem, quæ istis yescimur. Sed quæstio est de distinctione in genere moris. An videlicet in his rebus quæ vnico actu consumuntur, quando vsus eorum est primarius, & ad quem suapte natura destinatæ sunt qui est earum consumptio, possit vsus, id est illarum rerum

consumptio, & dominium separari, ita vt reperiantur in diuersis subiectis?

In qua quaestione, quæ videtur fuisse controuersa non solum inter DD. Theologos, & Iurisprudentes, sed etiam inter Romanos Pontifices, citra definitionem tamen fidei, variæ sunt Doctorum opiniones.

- 4 Sotus lib. 4. de iust. qu. 1. art. 1. Nauarr. comm. 1. de Regul. n. 13. & comm. 2. nu. 2. Less. lib. 1. cap. 3. dub. 8. Roder. 10. 3. de Regul. qu. 29. art. 4. Salon. de iust. tractat. de dominio qu. 1. art. 1. Bañ. 2. 2. qu. 62. art. 1. Molina tom. 1. de iust. d. 6. Bellarm. tom. 1. controuer. lib. 4. de summis Pontif. cap. 14. Azor. lib. 12. cap. ult. q. 12. Valent. 2. 2. d. 5. q. 10 p. 1. Rebell. de iust. 1. p. lib. 1. qu. 7. sect. 4. num. 33. & plerique alij tenent in rebus vsu consumptibilibus distingui vsum à dominio, & sic concludunt, posse vsum esse penes vnum, dominium autem penes alterum. Et hanc sententiam amplectuntur fratres Minores, qui absolute dicunt se nec in communi, nec in particulari alicuius rei dominium habere, sed solum dicunt se microse esse vsuarios earum rerum, quæ in eleemosynam ipsis traduntur: Dominium verò panis, & vini, & aliorum utensilium, manere astruunt apud summum Pontificem, ipsosque illis vt, vt bonis Papæ, perinde est, ac si quotidie Papa illos inuitaret. Pecuniarum vero, & quarundam similium rerum dominium esse dicunt apud illos, qui eas dederunt, interim dum res illæ non consumuntur, aut alienantur, ipsis duntaxat relicto libero vsu earum rerum, etiam ad consumptionem, & alienationem, dependente tamen à libera voluntate eorum apud quos remanet propriè dominium, ita videlicet vt nulla eis iniuria fieret, si domini eas de eorum manibus eriperent. In cuius probationem adducunt duos Decretæ, vnum Nicolai III. in cap. Exuit,

qui seminæ. Alterum verò Clementis V. in Clement. Exiuit de paradiso, in quibus hoc idem definitur.

Huic etiam sententiæ fauet mirabiliter §. minor Institut. de vsu, & habitatione, vbi dicitur, quod potest quis habere vsum olerum horti, & florum pomarij, non tamen dominium, vt possit ea vendere, aut alienare, ergo in his rebus vsus, & dominium distinguuntur.

At verò Ioannes XXII. post Nicolaum III. in extranag. ad conditorem, oppositum determinauit. Vbi primò probat multis argumentis in rebus vsu consumptibilibus non distingui vsum à dominio, sed cui confertur vnum, conceditur vtrumque.

Secundò dicit fratres S. Francisci habere vsum simul, & dominium panis, vini, & aliorum comestibilium.

Tertiò dicit esse figmentum chimericum, & verbale, affirmare dominium eorum, quæ vsu consumuntur residere apud Romanum Pontificem, & Papam singulis diebus parare illis mensam.

Quartò dicit, nihil perfectionis accrescere Minoritis, ex eo quod dicantur habere nudum vsum ciborum, & potabilium, & licet in communi sint pauperiores aliis Religiosis, quia alij possunt habere bona stabilia, vel quasi stabilia, vt redditus perpetuos, ipsi verò minimè, quoad ea verò, quæ vsu consumuntur, non esse pauperiores aliis Mendicantibus, cum reuera eodem modo vntur huiusmodi rebus, sicut, & alij Religiosi, qui dicuntur habere dominium.

Quintò, & vltimò dicit, hoc figmentum esse iniuriosum ipsi Romanæ Ecclesiæ, & simplicitati religionis christianæ, astruere eleemosynas, quas fideles Minoritis elargiuntur, conferri ipsis tantum quoad vsum dominium autem summo Pontifici: Vnde subium,

subiungit : Si tale dominium penes nos est, quod falsum esse existimo, illi omnino renunciamus. Vnde in *extranag.* Quia quorundam tibi de eadem re loquitur ait: Quod si quis contra id definire ausus fueris, tanquam contumax Romana Ecclesia habeatur.

8 Hanc opinionem sequuti sunt D. Thom. 2. 2. q. 78. art. 1. & Caiet. *ibid.* D. Anton. p. 4. tit. 12. cap. 4. §. 10. Turcremata l. b. 1. *summa de Eccles. cap. 112.* Syluest. *verbo dominium quest. 2.* Arag. 1. 2. *quest. 62.* art. 1. & multi alij. Fundamentum præcipuum huius sententiæ est, quia in his rebus, quæ vfu consumuntur, non videtur posse distinguere vsum à dominio. Qui enim facultatem concedit alicui eas res consumendi, nullius vsum ius, vel potestatem aut sibi aut alteri relinquit, ratione cuius intelligi possit retinere aliquod dominium eiusmodi rerum.

9 Deinde vsum, qui distinguitur à dominio, est ius vtendi re aliena, salua eius substantia: sed impossibile est, quod aliquis vtatur rebus vfu consumptibilibus, aut aliquam inde utilitatem capiat ex eis, salua earum substantia, ergo in huiusmodi, vsum non distinguitur à dominio.

10 Tandem probatur, nam quando vsum distinguitur à dominio, potest alteri vendi, retento apud se dominio: quemadmodum qui locat domum, equum, & ea quæ vfu non consumuntur, quia in istis distinguuntur vsum, & dominium, potest retinere sibi dominium, & vendere alteri vsum: at hoc in his rebus, quæ vfu consumuntur, vt in pecunia, frumento, pane, vino, & similibus est manifesta vsum, vt rectè docet D. Tho. *communiter receptum* 2. 2. q. 78. art. 1. ergo in istis vsum, & dominium non distinguuntur.

11 Quibus ita cõstitutis, vt in hac controuersia de veritate harum opinio-

num proferam, quod sentio: Dico primo, quod in rebus, quæ vfu non consumuntur, vt domus, ager, prædium, & similia, quorum vsum non est eorum consumptio, vsum, & dominium distinguuntur. Probatur: Nam vsum domus locatæ potest esse apud Titium, dominium verò apud Caium. Et idem dicendum est de his rebus, quæ etfi vfu paulatim consumantur, non tamen vnico actu attritæ pereunt, vt de veste, libro & his similibus, in quibus potest vtrunque distinguere vsum à dominio, sicut in aliis rebus stabilibus.

Secundò dico, quod vsum rerum, 12 quæ vfu proprio consumptibiles sunt, at vero vfu extraneo non consumuntur, constat etiam, quod distinguuntur à dominio. Probatur: Nam ostentatio est vsum extraneum panis, & vini, quæ vfu proprio sunt consumptibilia, & tamen ostentatione non consumuntur, ergo huiusmodi vsum à dominio distinguuntur.

Tertio dico, quod vsum iuris, qui 13 dicitur vsum in habitu, seu ius vtendi re aliqua consumptibili, ita vt illud ius sit absolutum, idest independens ab alterius voluntate, & de se ad omnem vsum talis rei se extendens non distinguuntur nec distinguere potest à dominio. Et ratio est quia qui habet talem rei vsum independentem, habet reuera rei dominium, ergo.

Quartò dico quod vsum proprium 14 in habitu, qui dicitur vsum iuris, limitatus tamen, & dependens à voluntate alterius, apud quem est libera facultas reuocandi rem antequam actu res consumatur, distinguitur à dominio. Et ratio huius est, quia talis dependentia repugnat rationi dominij consistentis nimirum in vtendi facultate independentè à voluntate alterius.

Quintò, & vltimò dico quod vsum 15

liii 2 facti,

facti, seu vsus in actu qui est ipsa actualis rei consumptio, distinguitur à dominio. Probat: Nam dominium est quasi in habitu, vel actu primo, hic vero vsus facti est ipsa actualis actio, & vsus: ergo.

- 16 Ex quo sequitur primò Minoritas nec in communi, nec in particulari habere dominium eorum quibus vtuntur, sed habere vsum iuris dependentem, & vsum facti, dominium autem istarum rerum manere apud Romanum Pontificem.

- 17 Nec obstat verbum Ioannis XXII. dicentis se abdicasse tali dominio.

Primò, quia id non fecit legitimè, & vt notat Sotus nec iuste, sed certè in odium forsan Occham, & aliorum sui ordinis, qui fuerunt ei infestissimi.

Deinde, quia suam renunciacionem successores eius minimè approbarunt, sed exemplo suorum antecessorum idem retinuerunt, & retinent dominium.

- 18 Secundò sequitur nullum religiosum cuiusvis ordinis posse ex his, quæ sibi ad suos vsus honestos conceduntur aliquid vendere, aut alienare absque explicita, vel implicita licentia sui Prælati.

- 19 Ad fundamentum vero contrariæ opinionis Respondeo concedendo Nicolaum III. & Clemen. V. fuisse contrariæ sententiæ. Ex hoc tamen non sequitur nostram opinionem esse falsam quia illam tenet Ioan. XXII. Et ex his quæ non pertinent ad fidem & ad bonos mores nullum est incommodum quod dicamus summum Pontificem errare, sicut illud affirmat idem Ioan. XXII. de Nicolao & Clemente, maxime quia in hoc summi Pontifices, vt priuati Doctores se habuerunt.

\* \*

## QVÆSTIO XLVI.

*An quidquid Religiosus acquirit, Monasterio vel ordini acquirat, quoad ius proprium, & verum dominium, si aliàs sit capax dominij?*

**N**AVAR. in cap. Cui portio n. 31. & com. 2. de Regul. n. 3. tenet generale omnium rerum dominium non acquiri Monasterio, vel ordini, sed soli Deo, & Domino nostro Iesu Christo, ius autem supremum, & generale eadem administrandi Romano Pontifici, & Ecclesiæ vniuersali; particulare verò illi ordini, & Monasterio, cuius ipse est filius, si sit capax iuris administrandi, alioquin etiam speciale acquirat summo Pontifici, & solus vsus facti remanet penes illum ordinem & Monasterium, cui acquireretur ius particulare administrandi, si illius esset capax. Idemque censet de alijs Ecclesiasticis bonis.

Ex quo infert nullam Monasteriorum habere supra bonis suis quæ possident Religiosi ius proprium, & verum dominium sed solummodo ius administrandi in vtilitatem suam, & aliorum Religiosorum, & hi quidem solummodo habent simplicem vsum facti in vestibus, & alijs ad vitam necessarijs.

Ar omnino dicendum est bonorum Ecclesiasticorum dominium verè esse apud Ecclesias, vel Monasteria, si illa sint dominij capacia. Et ratio est, quia quamuis hæc bona intuitu Christi à fidelibus Ecclesijs, vel Monasterijs sint collata, nihil obstat, quominus ea quæ prædictis Ecclesijs, veluti in dotem sponsæ Christi donata sunt, apud ipsas quoad verum domi-

RIUM

nium resideant. Si vero Monasterium non sit dominij capax, tunc dominium esse apud Romanum Pontificem, detentionem vero, & usum facti apud Monasterium, præsertim si sit ordinis Minorum, ut definitur in cap. Exiit §. ad hæc. Nam in aliis ordinibus etiam incapacibus non est inconueniens concedere remanere apud Monasterium verum, plenumque ius politicum, & ciuile administrandi. Molina tom. 1. de iust. disputat. 29. §. 141.

### QVÆSTIO XLVII.

*Sed maius dubium est de illicitè acquisitis: An ea religiosus Monasterio vel ordini acquirat?*

- 1 N A V A R R. com. 2. de Relig. n. 4. negat. Alij vero ut Molin. tom. 1. d. 49 & Sot. lib. 4. q. 7. ar. 1. rectius affirmant. Ex quo inferunt Monialem ea quæ per fornicationem sacrilegam acquisiuit non minus teneri reddere Monasterio quam si labore manuum ea comparasset.

### QVÆSTIO XLVIII.

*An Religiosi habentes bona in communi sint capaces legati?*

- 1 R E S P O N D E O eos esse capaces. Ratio est, quia qui possunt hæredes institui, sunt capaces legati. At hi Religiosi possunt hæredes institui, ut diximus: ergo sunt capaces legati. Et in hoc omnes conveniunt.

### QVÆSTIO XLIX.

*Sed dubium est, de fratribus Minoribus regularis observantia: An videlicet sint capaces legati?*

E T quidem, si legatum sit rei mobilis, ut pecunie, vini olei, &c. certum est, eos esse tales legati capaces, modo illud sit moderatū, & non in fraudem paupertatis, ut Clemens V. in Clem. exiit de paradiso de verb. significat. declarauit: quæ moderata quantitas ab ipsa præsentī, vel imminenti necessitate metietur, & à Ministris, & custodibus simul, & seorsum in suis administrationibus iudicabitur, ita ut semper eis sancta elucescat paupertas, ut etiam Nicolaus III. cap. Exiit §. insuper, ordinauit.

### QVÆSTIO L.

*Sed tota controuersia consistit, quando legatum est rei immobilis, ut prædij, vel annui census, an videlicet tale legatum fratribus Minoribus relictum sit validum?*

A Z O R. lib. 12. cap. 23. q. 11. affirmat id legatum esse irritum. At omnino tenendum est absolute id legatum valere. Et ratio est, quia verba simpliciter prolata intelliguntur in dubio iuxta conditionem personæ, ad quam referuntur. Cum ergo verba huius legati dirigantur ad fratres Minores, qui illius acquirendi sunt incapaces, nisi ut pretium eius venditæ recipiant, sic intelligenda

erunt verba illius legati. Et ita tenet Roder. 10. 2. de reg. q. 126. ar. 1. & colligitur ex cap. Exiit §. ad hac, quia fratribus vers. si vero modum de verb. signif. in 6. Non debent tamen fratres in alienatione horum bonorum interuenire, sed id per hæredes faciendum est, cum apud eos sit rei illius dominium. Nec in eorum alienatione requiritur ea solemnitas quæ est necessaria in alienatione aliorum bonorum monasterij, cum illa alienatio fiat ipsa lege iubente, & necessario ratione eorum status fieri debeat, vt rectè docent Nauar. com. 2. de regul. n. 50. & Roder. tom. 2. de regul. q. 78. ar. 3. Nec tenentur fratres Minores statim prædicta bona acquisita vendere, sed vt vtilius vendantur, possunt commodam opportunitatem expectare, vt optimè tradit Azor. lib. 12. c. 23. q. 11. & si emptor nullatenus inueniatur, tenentur ea ab se abicere, cum illa retinendi nullatenus sint capaces.

### QVÆSTIO LI.

*An si fratres Minores id legatum immoderatum accipiant, sint proprietarij?*

**I**N qua re conuenit inter omnes, eos peccare mortaliter, contra iuris prohibitionem.

Sed dubium est: An sint proprietarij?

**2** Corduba in Reg. S. Franc. cap. 6. q. 11. p. 1. negat.

**3** At tenendum est eos esse proprietarios. Et ratio est, quia cum dominium omnium bonorum ad Minores pertinentium sit apud Pontificem, solo facti vsu ipsis relicto ex eius licentia, quam in hoc casu denegat, ipsi acceptando tale legatum vsurpant illius

vsu contra voluntatem veri domini, & legitimi superioris: ergo sunt proprietarij.

### QVÆSTIO LII.

*Cuiam acquirat religiosus Episcopus creatus?*

**R**ESPONDEO eum acquirere suæ Ecclesiæ, cui præest, non autem Monasterio. Et ratio est, quia est à religione, & ab obedientia Prælatorum solutus, & liber. Ita enim definitur in cap. Vnico statutum 18. q. 1. & docet D. Tho. 2. 2. q. 188. ar. 8. ad 3. & Sot. lib. 10. q. ult. ar. ultimo. Quod est verissimum etsi iure hæreditario ea bona post Episcopatum acquisita sint, quod satis apertis verbis indicat textus dicti cap. Vnici. & ita Molina tom. 1. de inst. disp. 140. & Roder. 10. 2. de regul. q. 58. ar. 7. Atque idem dicendum est de acquisitis donatione, propria industria, aut labore, vt rectè Lessl. lib. 2. cap. 41. dub. 11. Azor. lib. 12. c. 10. q. 6. & Conar. cap. 1. n. 19. de test. mentis. Quod quidem procedit licet religiosus ille ad Episcopatum promotus sit ex familia fratrum Minorum; quia is creatus Episcopus ius succedendi parentibus, & agnatis, administrandique bona vndeunque acquisita dum vixerit, recuperat. Quare ipsi mortuo succedit sua Ecclesiæ, sicut de aliis Episcopis religiosus diximus. Azor. lib. 11. cap. 10. q. 6. & cap. 15. q. 3. & Molina tom. 1. disp. 140.

**2** Idem quod diximus de religioso facto Episcopo, dicendum est de religioso facto Cardinali, is enim suæ Ecclesiæ acquirit, quia Cardinalis dicitur administrationem Ecclesiæ habere, & est omnino à monasterij obedientia solutus.

QVÆ

## QVÆSTIO LIII.

*Cuinam acquirat religiosus factus  
Episcopus titularis, qui sedem, &  
Ecclesiam non habet?*

**M**AGISTER SOTUS *lib. 10. de inst. q. vit. ar. ult. & Roder. tom. 3. q. 69 ar. 4.* testatur eum acquirere suo Monasterio, vel ordini: ducuntur, quòd nullam sedem habeat. Eandem sententiam sequitur Emman. Sà *verb. religio n. 32.*

**M**ihì vero probabilius videtur, hunc acquirere Romano Pontifici: moueor autem ex eo, quòd à religione est solutus, & liber. Et ideo ita tenet Azor. *lib. 12. cap. 10. q. 7.*

## QVÆSTIO LIV.

*A quo tempore religiosus creatus  
Episcopus desinat acquirere monasterio, incipiatque Ecclesia acquirere?*

**R**ESPONDEO à tempore confirmationis Pontificis, quia ex tunc est verus Episcopus, à iurisdictione monasterij penitus exemptus, solique Romano Pontifici subest. Ita Roder. *p. 2. cap. 72. n. 6.*

## QVÆSTIO LV.

*Vtrum omnia qua religiosus beneficiarius extra monasterium, vel ordinem quoniam modo acquirat, beneficio, an vero monasterio acquirat?*

**R**ESPONDEO eum non ordini, aut monasterio, sed beneficio ac-

quirere. Et ratio est, quia est ab ordine suo exemptus. Quod arbitror esse verum, non solum quod religiosus beneficiatus ex redditibus Ecclesiasticis, sed etiam ex industria, arte, labore, vel opera sua, vel hereditate, successione, vel donatione acquirat. Quia ut diximus non est sub obedientia ordinis, ut habetur ex dicto *cap. Statutum 18. q. 1. & tradit rectè Nauar. lib. 3. cons. 1. edit. tis. de donation. cons. 6. n. 1. in 2. lib. 2. tit. de presump. cons. 2. n. 1. Roder. tom. 2. de reg. q. 47. ar. 7. Azor. lib. 12. cap. 10. q. 6. & Emman. Sà *verb. religio n. 64.**

Ex quo optimè inferit idem Nauar. *lococitato n. 10. & 11.* posse religiosum beneficiarium de fructibus beneficii ad honestam sui sustentationem, & ad pias causas, non aliter ac secularis potest de fructibus beneficii sui, ut colligitur apertè ex *Clem. 2. §. sed & talis, de vna, & honestate clericorum.*

## QVÆSTIO LVI.

*Cui acquirat religiosus, qui Romani Pontificis privilegio, extra monasterium viuit ex certa pensione in singulos annos sibi assignata?*

**A**D hoc dico primò, quod religiosus qui Romani Pontificis privilegio per totam vitam extra monasterium viuit, censetur eo ipso habere facultatem administrandi bona, quæ sua industria acquisierit, & de illis disponendi non solum ad se honestè, & commodè sustentandum, verum etiam ad vsus alios honestos, & bonos, quos ipse voluerit. Ita Nauar. *cap. Non dicatur n. 72. & 73. & Molin. tom. 1. d. 140.*

Secum

ergo transeunte persona, transire debent bona.

Tum quia cum posterioris monasterij sit, religiosum hunc alere, consonum rationi est, ut sicut onera sentit, sentiat quoque commodum acquisitionis illorum bonorum.

- 2 At vero Syluest. *verb. religio* 4. qu. 10. & Molina *tom. 1. de iust. disp. 140.* rectius docent acquisita ante professionem quantum ad proprietatem remanere penes primum monasterium; quæ verò post professionem acquiruntur, pertinere ad secundum, ut apertè colligitur *ex cap. Statutum* 18. *quæst. 1.*

### QVÆSTIO LIX.

*Sed maius dubium est de usufructu huiusmodi bonorum.*

- 1 **S**Eo respondo, si translatio facta fuit temerè, & absque autoritate Prælati, tunc usufructus remanebit apud primum monasterium: si vero fuit iuridica, erit monasterij, in quo emisit secundam professionem.

- 2 Hinc, si Monialis ad aliud monasterium transeat, non potest petere dotem, sed solum alimenta, quibus eget, cum iam hæc bona sint acquisita primo monasterio. Ita Roder. *par. 2. cap. 31. n. 17. Less. lib. 2. cap. 41. dub. 11. & Couar. cap. 1. de rest. iuxta finem.*

- 3 Hinc, si religiosus ad aliud monasterium transeat, ut ibi reclusus dignam pœnitentiam agat, tantum fructus transeunt ad secundum monasterium pro alimentis, transacto vero tempore pœnitentiæ, consolidantur cum proprietate, & pertinent ad primum monasterium.

### QVÆSTIO LX.

*Quot modis votum paupertatis à religiosis tum superioribus, tum inferioribus violetur?*

**V**T in hac quæstione adeo graui, & quæ quotidie habetur præmanibus explicanda recto ordine procedamus, dicam prius, quæ certa sunt apud omnes, dicturus postea ea, in quibus est controuersia apud Doctores. Hunc enim modum procedendi semper existimaui conuenientissimum, & explicandis difficultatibus maxime moralibus, tot doctissimorum virorum sententiis inuolutis aptissimum, & clarissimum.

Dico igitur primò, quod religiosus, qui quærit, vel habet, vel quærere, vel habere vult aliquod bonum pecuniarium tanquam proprium, peccat mortaliter contra votum paupertatis. Ratio est, quia religiosus per solemnem professionem non solum spoliavit se omni dominio, sed etiam se fecit incapacem ad quærendum, & habendum tale dominium, & ius rerum temporalium, ut habetur *in cap. Cum ad monasterium de statu monach.* & *in Conc. Trid. sess. 25. cap. 2. & 3.* & tradit eleganter Nauar. *comm. 1. de regularib. nu. 19.*

Hinc, religiosi tam simplices, quam beneficiati, & habentes officia, ratione quorum habent facultatem emendi oues, & boues, libros, aut vestes, magnopere cauere debent, ne emant illa intendentes quærere illa sibi, quia hoc est peccatum mortale contra votum paupertatis: debent ergo eiusmodi religiosi, cum emunt illa, non sibi, sed beneficio, vel monasterio, ad usum eius, vel suum, de

K k k k con



consensu superioris, sibi licitum emere, vt post alios tradit optimè Nauar. *com. 1. de regular. nu. 13.*

4. Secundò dico, quod religiosus qui ex rebus monasterij sine consensu expresso, vel tacito superioris, aliquam rem notabilem sibi vsurpat, furtum mortale committit. Et ratio est, quia vsurpat alienum s. communis, inuito domino, cuius loco superior est administrator, & per consequens peccat contra votum paupertatis: omne enim furtum in religioso est contra votum, quia vsurpat rem tanquam dominus, absque dependentia à superiore. Ita Molina *tom. 3. d. 687.*

5. Tertiò dico, quod religiosus, qui ex eo, quod alteri ad vsum eius concessum est, clam aliquid sibi assumit, vt si alterius curulam, tunicam, caligas, vel calceos, breuiarium, libros, vel imagines, est proprietarius. Ratio est, quia sine consensu superioris assumit sibi vsum alteri destinatum: quod si res est parui momenti veniale, si grauis, mortale peccatum admittit, & tanto grauius, quanto miserabilior est, & pauperior persona à qua aufertur: nemo autem religioso, qui solum nudum vsum rerum sibi concessarum habet, pauperior est. Azor. *lib. 12. cap. 12.*

6. Quartò dico, quod religiosus, qui absque nutu superioris, ab alio eiusdem monasterij religioso aliquid accipit, quod est ipse, qui dat, vsui concessum, est proprietarius, quia vsum, quem alius habebat, sibi vsurpat, animo, & voluntate vtendi re illa sine consensu expresso, vel tacito superioris. Et religiosus qui talem vsum sibi concessum, sine voluntate superioris alteri concedit, etiam in vitium proprietatis incurrit. Ratio est, quia religioso res à superiore conceditur, vt ea ipse vti possit, non vt ipse in alium huiusmodi vsum transferat pro

suo arbitrato, absque nutu superioris, vt cum alijs resoluit Azor. *lib. 12. cap. 12.*

Quintò dico, quod religiosus, qui renitente superiore, aliquid accipit ex rebus monasterij, & illud edendo, & bibendo consumit, est proprietarius. Et ratio est, quia vitur re vt propria, & consumit, quod ad eum, vel potum communem pertinet absque superioris consensu. Ita Maior *in 4. dist. 38. quest. 9. Azor. lib. 12. c. 12. & alij.*

Sextò dico, quod possunt superiores concedere religiosis bona mobilia ad vsus suos, necessarios, & pios v. g. vestes, libros, & similem supellectilem: hæc tamen debent esse statui paupertatis accommodata, omni carentia superfluo, vt Concilium Tridentin. inquit. Et etiam aliquam pecuniam ad vsus suos, vel pios etiam indeterminatos, vt cum communi resoluit Lessi. *lib. 2. cap. 4. dub. 5.* Aduerte tamè, quod per supradictum quantum ad vsum pecuniæ, non intelliguntur fratres Minores de obseruantia, qui iuxta suam Regulam non possunt contrectare, nec retinere pecuniam, vt Rodr. *p. 2. sua summa cap. 31. nu. 15.* annotauit.

Hinc, non est contra votum paupertatis id, quod passim fieri videmus, nimirum monasterium præbere solummodo victum religiosis, vel monialibus, ea lege, vt pro vestitu sibi sumant, quæ proprio labore, vel artificio, aut donatione sibi acquirunt. Et ratio est, quia in hoc casu nihil proprium habent, nec bona aliqua stabilia, vel annuos redditus accipiunt, sed sui laboris, & industriæ fructus de licentia superioris, cuius nutu ea facultas potest renocari. Ita Valent. *2. d. 10. q. 4. p. 1.*

Septimò dico, quod religiosus factus Abbas, benediciatus, Episcopus, &c. etc.

¶ si nullum habeat dominium bonorum temporalium, habet tamen ius administrandi, & dispensandi fructus beneficii in usus proprios, & decentes, & ad pias causas. Id enim iure, & consuetudine est ei concessum, quamdiu ille beneficium obtinuerit. Vnde non potest eos expendere in res vanas, & inutiles, aut ditare suos amicos, & parentes, & si fecerit, ultra notam proprietatis, quam incurrit, tenetur ad restitutionem, similiter, & ij, qui illos acceperunt. Ratio est, quia omnium istorum bonorum non est dominus, sed solum administrator, & dispensator, habens tantum ius ad expendendum illa bona iuxta præscriptum canonum, & religionis, & intentionem eorum, qui ea religioni, vel Ecclesie reliquerunt. Ita Nauar. *com. 2. de regul. nu. 10. & Less. lib. 2. c. 4. dub. 5.*

- 11 Octauò dico, quod non potest religiosus bona à superiore deputata ad suos usus, expendere in usus non necessarios, nec pios. Ratio est, quia canones non concedunt administrationem regularibus, nisi ad res necessarias, viles, aut honestas. Vnde peccat mortaliter religiosus contra votum paupertatis, si in huiusmodi, expendat bona monasterij v. g. si in turpia, si in vestes sericas, in sumptuosa conuiuia, in canes venaticos, falcones, simias &c. Ita Roder. *tom. 3. de regular. quest. 29. Artic. 10. Less. lib. 2. de iust. cap. 41. dub. 9. & Petr. Nauar. lib. 3. de restitut. cap. 1. num. 183.*

- 12 Nonò dico, quod religiosus, qui dicta bona sibi ad usum concessa, ita possidet, vt non sit animo paratus, ea ad arbitrium superioris relinquere, peccat peccato proprietatis, & quidem si est materia grauis peccat mortaliter, & tenetur ea restituere, & se iis omnibus abdicare iuxta ca-

nonnes. Ita Petr. Nauar. *lib. 3. de rest. c. 1. nu. 179. & Roder. tom. 3. de regul. q. 29. art. 12.*

Decimò dico, quod religiosus qui habet aliquid de licentia superioris, si aliquid ei superfit, non potest de eo ad libitum disponere, sed debet restituere monasterio, alias peccaret cõtra votum paupertatis. Quod est valde notandum, quia facit contra illos, qui existimant posse tuta conscientia impendere id, quod eis superest in itinere pareiũs, viuendo. Quod tamen limita, nisi id ea lege detur à superiore, quod nihil amplius à monasterio exigant, & nec rationem reddant, sed id suo damno, vel commodo impendant; quia tunc id quod parcius viuendo remaneret, possent absque peccato pro suis veris necessitatibus expendere.

Hinc, non potest religiosus ex suo perfluo pecunia, quam accepit pro libris emendis à suo superiore, disponere secundum arbitrij libertatem, sed tenetur, vel restituere, vel cum eiusdem superioris licentia in alios usus necessarios tantum, vel pios illud expendere.

Vndecimò dico, quod religiosus qui contra sanctiones sacrorum canonum, & extrauagantem Pij II. alienat bona stabilia, vel mobilia pretiosa monasterij, non solum peccat contra votum paupertatis, verum etiam in poenas prædictæ extrauagantis incurrit, quæ sunt nullitas contractus, & excommunicatio papalis ipso facto contra vtrosque contrahentes.

In huius extrauagantis explicationem, aduerte primo quod nomine alienationis intelligitur omnis contractus in quo dominium transferatur, vt est contractus venditionis,

Kkkk. 2. dona

donationis, permutationis, emphyteusis, vel lucelli perpetui, affectus ultra triennium, &c.

- 15 Secundò aduerte, quod nomine bonorum stabilium veniunt domus, agri, census & similia: nomine verò mobilium pretiosorum, quæ alienari prohibentur, intelliguntur vasa aurea, argentea, vestes pretiosæ, gemmæ, grex ouium, vel caprarum, de cuius fructibus emolumenta, & redditus percipere consuevit monasterium.

- 16 Tertiò aduerte, quod seruatis his tribus conditionibus, omnia, & quæcunque bona Ecclesiastica, tam stabilia, quam mobilia alienari possunt legitime, & præfata alienatio est valida, & canonica. Prima conditio est, vt alienatio fiat ex causâ rationabili, id est ex vrgenti necessitate, vel utilitate monasterij.

Secunda, quod interueniat assensus Apostolicus, vel saltem Generalis, vel Prouincialis, quem assensum præstare possunt præfati Generalis, & Prouincialis ex concessione, & priuilegio summorum Pontificum.

- 17 Tertia, quod autoritate superioris monasterij fiat examinatio, & tractatio diligens in capitulo an s. expediat, necne, talis alienatio, & an hoc vel illud debeat alienari, & quod maior pars, seu ex tribus duæ in vnam conueniant sententiam, secundum quod priuilegia innuere videbuntur.

Duodecimò, & vltimò dico, quod religiosus qui in rebus temporalibus aliud quærit, quam simplicem vsum facti dependentem à voluntate Prælati peccat peccato voto paupertatis contrario, vt constat ex cap. Cum ad monasterium, & ex Concil. Trident.

- 18 Ex quibus omnibus colligitur,

quam arcta sit via paupertatis, per quam ex vi suæ conditionis tenentur incedere religiosi, & in quo saluris dispendio versentur, qui non contenti huiusmodi rerum vfu simplici, instar secularium qui sunt sui iuris, ac dominiorum capaces, quærunt continuò proprietatem, vsum iuris, ac vsum fructum in omni eo quod habent, acquirunt, vel quauis via eis obuenit, non permittentes villo modo, vt de iis omnibus superiores disponente valeant pro libito suæ voluntatis, quinimo volunt tanquam diuites huius sæculi abundare in omnibus cum annexu omniū deliciarum, vanitatum, ac superfluitatum, non curantes tot sacrorum canonum prohibitiones, præsertim sacrosancti Conc. Trident.

## QVÆSTIO LXI.

*An Religiosus professus possit valide testamentum condere?*

**R**ESPONDEO non posse. Ratio est, quia religiosus nihil habet proprium, de quo possit testari: cum quidquid acquirit, monasterio acquirat. Et est conclusio definita in *authen. ingressu. C. de sacrosanctis Ecclesiis. & in cap. Quia ingredientibus 19. q. 3. & tradit Nauar. com. 2. de regular. nu. 43. Molin. tom. 1. de iust. disp. 141. & Roder. 40. 3. q. 69. ar. 2.*

## QVÆSTIO LXII.

*An superior religionis possit testari?*

RESPON.

- 1 **R**ESPONDEO non posse. Ratio est, quia prohibitio generalis est omnibus religiosis. Ita Nauar. *comm. 2. de regular. n. 44.* Roder. *10. 3. de regular. q. 69. ar. 2.* & Less. *lib. 2. c. 19. num. 40. & cap. 41. dub. 8. n. 73.*

## QVÆSTIO LXIII.

*An Religiosus ad Episcopalem dignitatem, vel Cardinalatum promotus, possit testari?*

- 1 **M**ICHAEL à Medina *lib. 5. de sacrorum hominum continentia c. 26.* Ennman. *Sà verb. Episcopus nu. 11.* & Roder. *2. p. sum. c. ap. 70. nu. 5.* affirmant eum posse testari de bonis patrimonialibus; aut propria industria acquisitis, eo modo quo id fas est Episcopis secularibus.

- 2 Contrarium tamen arbitror esse dicendum. Et ratio est, quia cum adstrictus sit voto paupertatis, testari non potest de bonis, quæ per ipsum Ecclesiæ acquiruntur.

Tum quia quidquid religiosus Episcopus acquirit, acquirit suæ Ecclesiæ cum sola libera administratione, ut colligitur ex *cap. Vnico 18. q. 1.* administratio autem morte finitur, ex qua testamentum incipit valere ad *Hebr. 9.* ergo non potest de iis bonis disponere post mortem virtute testamenti. Et ideo ita tenent *D. Tho. 2. 2. q. 85. ar. ultimo ad 3.* *Sot. lib. 10. q. 5. ar. 7.* Nauar. *de reddit. q. 1. monis. 9. n. 2.* & *q. 3. mo. 11. n. 1.* Henric. *lib. 10. cap. 33. n. 3.* Azor. *lib. 12. cap. 7. q. 2.* & Roder. *10. 3. de regul. q. 69. ar. 4.*

- 3 Hinc, religiosus Episcopus electus petens à Pontifice licentiam testandi de bonis acquisitis intuitu Ecclesiæ, tenetur explicare duplex impedimentum, ut dispensatio sit valida,

vnum se esse religiosum regularem, alterum se esse Episcopum. Quia hoc duplici impedimento ad testandum affectus est. Ita Henriquez *lib. 10. cap. 33. n. 3.*

Dixi noranter (*de bonis acquisitis intuitu Ecclesiæ*) quia si velit de bonis patrimonialibus, vel propria industria disponere, sat est, dicere se esse professum, quia cum hac testandi facultate solum paupertatis votum pugnat.

Hinc, si talis religiosus Episcopus, bona prodige in res vanas consumit, est proprietarius, & tenetur ea restituere Ecclesiæ, cui acquirit. Et similiter accipiens tenebitur restituere ipsi Episcopo tanquam legitimo administratori, quia solam plenam administrationem habet ad pias causas. Ita Molina *10. 2. de iust. disp. 2. 6.* Valent. *2. 2. dist. 10. q. 3. p. 8.* & Less. *lib. 2. cap. 4. dub. 5.*

## QVÆSTIO LXIV.

*An Religiosus ad Papatum assumptus testari queat?*

**P**HILIPPVS Franc. in *rubr. de testam. lib. 6. cap. 79. q. 16.* negat eum posse testari.

At contrarium est omnino tenendum. Et ratio est, quia tota hæc prohibitio est de iure humano, cui Pontifex non subditur.

## QVÆSTIO LXV.

*An religiosus possit de superioris Pontifice inferioris licentia testari, etiam ad pias causas?*

**R**ESPONDEO non posse. Ratio est, quia nec ipse superior, si est verè religiosus testari potest: nam eodem modo quo voto paupertatis ligatur religiosus subditus, ligatur & superior, & vtrique id est prohibitum iure communi in cap. *Quia ingredientibus de testam.* Ita Molina to. 1. d. 141.

Obiicies, religiosus in vita, & in morte de licentia superioris potest aliquid dare: ergo & testari.

**R**espondeo diuersam esse rationem, quia testamentum est ius, & facultas qua testator explicat suam voluntatem post mortem suam exequendam, quod ius canonicum tanquam sapiens naturam dominij interdixit. At non interdixit donationes moderatas in vita ex superioris licentia, quia huiusmodi donationes sunt valde conuictui humano necessariz. Vnde quia Ecclesiz bona hoc gaudent privilegio, vt post mortem alienari non possint nisi de licentia Papæ, qui per testamentum ea sine facultate Pontificis disponderet, peccaret peccato proprietatis erogans sine licentia iusta bona monasterij.

**H**inc, non est audiendus Nauarr. lib. de reddit. q. 3. n. 28. vbi ait, posse superiorem religionis concedere hanc licentiam religioso qui multa bona dedit religioni. Quia vt diximus, prohibitio hæc à iure Pontificio emanat, à quo etiam supertotes ligantur.

## QVÆSTIO LXVI.

*An religiosus Romani Pontificis privilegio testamentum concedere possit?*

**Q**UIDAM absolutè negant, d'icti ea ratione, quia Romanus Pontifex non potest religiosum super voto paupertatis diipensare.

Contrariam tamen sententiam merito Doctores omnes affirmant, nempe posse Romanum Pontificem hanc facultatem testandi de aliquibus rebus, quarum administrationem, vel vsum habebat, ei concedere. Ratio est, quia certum est, posse religiosum ex superioris licentia aliquid donare inter viuos. Quod autem ex ipsius licentia non possit illud donare causa mortis, & per testamentum, est ex solo iure canonico, hoc autem non ligat Romanum Pontificem: ergo de eius licentia potest testari. Ita Nauar. comm. 2. de regular. num. 57. Molina tom. 1. de iust. disp. 141. Less. lib. 2. cap. 4. dub. 8. Roder. tom. 3. de regular. q. 69. ar. 2. & Azor. lib. 12. cap. 9. q. 14. Quæ tamen licentia intelligi debet, ita vt alioqui cum iure communi conueniat, vt rectè docet Nauar. de redd. q. 1. n. 16. & in cap. Non dicatis num. 88.

Hinc, de licentia Papæ non poterit religiosus testari ad suos parentes, fratres, consanguineos, aliosve propinquos dicandos, nec ad dandum iis, qui alioqui bonis abundant, nec ad vanos alios vsus, ac superfluos, sed ad pios, vel bonos dumtaxat, qui quidem ipsi magis placuerit. Et ratio est, quia Pontifex quamuis non sit regularis eam facultatem testandi de redditibus Ecclesiasticis ad vsus prophanos, & superfluos non habet, vropime docet Nauar. in disto cap. Non dicatis num. 57. & de redd. q. 1. n. 3. monis. 11. ergo non potest eam aliis concedere.

Nomine autem causæ piæ hoc loco intelligitur quidquid pro pauperibus, vel indigentibus, vel pro nuptiis cognatorum, vel pro gratificatione, vel remuneratione obsequiorum receptorum, vel beneficiorum, vel pro missis dicendis, vel cultu diuino, vel similibus expenditur.

Argu

Argumentum contrariæ opinionis adductum petit ut inquiramus:

### QVÆSTIO LXVII.

*An concedere religioso licentiam testandi sit dispensare in voto paupertatis?*

**A**ZORIVS lib. 12. cap. 9. quest. ultima, & plerique alij affirmant.

Contrarium tamen est proculdubio affirmandum. Quia quemadmodum concedi potest religioso administratio, & usus aliquarum rerum, illas consumendo, & donando inter viuos, quin dominus illarum fiat, ac proinde absque dispensatione voti paupertatis, ita potest concedi licentia donandi causa mortis, & per testamentum, cum id nihil aliud sit, quam ampliatio facultatis ad alienandum, ita ut ea donatio valere possit post mortem. Et ideo ita tenet Nauarr. comment. 2. de regular. num. 57. Molina tom. 1. de iust. disputat. 141. Less. lib. 2. cap. 41. disputat. 8. & Roder. tom. 3. de regul. q. 69. ar. 2.

### QVÆSTIO LXVIII.

*An desideretur iusta causa, ut à Papa concedatur prædicta testandi licentia religiosis?*

**I**N qua re certum est apud omnes, iustam causam requiri, ut prædicta licentia sit licita.

### QVÆSTIO LXIX.

*Sed totum controuersie dissidium consistit: An talis licentia absque iusta causa concessa, sit valida?*

**I**OANNES AZOR. lib. 12. cap. 9. q. ultima tenet non valere.

Sed verius, ac probabilius multo est contrarium. Er ratio est, quia dispensatio in iure humano absque iusta causa concessa, illicita est, sed valida, ut lare Sanch. lib. 8. de matrim. disp. 17. n. 24. & Couar. cap. Cum in officiis n. 7. de testam. vbi ait illicitam esse, validam tamen dispensationem Pontificiam absque iusta causa concessam Episcopis ad testandum de redditibus, quos ex Episcopatu percipiunt. Et in propriis terminis tenet Redoanus de spoliis Ecclesiasticis q. 7. §. his præsuppositis n. 15. & nos diximus supra in tertio libro de dispensatione. Quam sententiam censeo esse verissimam, quando donatio illorum bonorum est aliàs honesta, & talis, ut facta inter viuos ex licentia superioris esset licita, & tantum est illicita ratione modi alienandi, quia nimirum non extat causa iusta ad alienandum per testamentum aduersus iuris dispositionem. Secus si donatio non solum esset illicita ratione modi, sed etiam esset talis per se, quia etiam inter viuos facta, esset iniqua, quia tunc ea donatio etiam ex superioris licentia, esset contra vorum paupertatis, ac proinde inualida. Et ratio est, quia cum Romanus Pontifex non sit illorum bonorum dominus, sed administrator, non potest valide licentiam indulgere, ut religiosus ea bona in usus vanos, & prophanos distribuatur.

## QVÆSTIO LXX.

*An hac licentia testandi debeat  
esse expressa?*

**R**ESPONDEO quod sic. Et ratio est, quia cum hæc dispositio per testamentum valde odiosa sit, & à religioso statu aliena, exigit expressam testandi mentionem, ut ea licentia concessa censeatur. Ita Nauar. lib. 3. *consil. in 1. edit. tit. de regul. conf. 71. sine, in 2. tit. de donat. conf. 7. sine.*

**H**inc, si Pontifex alicui religioso concedat viuendi licentiam extra claustra monasterij, & disponendi de bonis quæsitis extra monasterium in suos vsus, & alios pios, tunc poterit virtute huius licentiæ facere donationes inter viuos, non autem per vltimam voluntatem.

## QVÆST. LXXI.

*An Religiosus possit ex superioris  
licentia codicillos facere?*

**R**ESPONDEO non posse. Ratio est, quia qui de iure testari nequit non potest etiam codicillos facere. *lege diui. 6. §. penult. & l. Si quis 3. p. inlo post principium.* Et tradit eleganter Nauar. *comm. 2. de reg. nu. 43. & 44. & in Man. cap. 27. nu. 270.*

## QVÆST. LXXII.

*An cui concessa est licentia testandi, intelligatur concessa licentia faciendi codicillum?*

**G**RAFF. 1. p. decis. lib. 2. cap. 31. nu. 18. negat.

At tanquam certum tenendum est oppositum. Et ratio est, quia de testamento ad codicillum non est propriè extensio, sed comprehensio. Et est conclusio definita in l. *consciuntur ff. de iure codicillorum, & in l. 2. ff. de leg. 1. vbi dicitur quod qui potest testari, potest codicillos facere.*

## QVÆSTIO LXXIII.

*An religiosus possit de superioris  
religionis licentia aliquid  
donare causa  
mortis?*

**S**VNT nonnulli qui tuerentur patrem affirmatiuum.

Mihi vero longe probabilius videtur contrarium. Ducor, quia huiusmodi donatio est quædam testamenti species.

Tum quia qui non potest de iure testari, non potest donare causa mortis. Atqui religiosus de licentia superioris non potest testari, ut diximus, ergo non potest donare causa mortis. Et ideo ita tenet Nau. *com. 2. de regul. nu. 43. & 44. & in Man. cap. 27. nu. 270. & Rodc. rom. 2. de reg. qu. 47. articulo 7.*

## QVÆSTIO LXXIV.

*An censeatur religiosus testari, si  
facit memoriale significans suam  
voluntatem de suis bonis sibi ad  
usum concessis, sic, vel sic di-  
stribuendis?*

**R**ESPONDET optimè Nau. in m. n. c. 27. n. 270. quod sic, nisi expressè vel tacitè protestatur nolle illam voluntatè suà esse testamentum aut donationem

tionē causa mortis, sed solum roget suum Prælatus, ut pro sua libera voluntate illud, aut illud pietatis opus, aut misericordiz, illi, aut illi faciat. Cū hoc non sit disponere, neque donare, sed tantum ad pie disponendum verbo pie rogare, & exhortari. Quare id licitum est etiam fratribus minoribus, ut recte docet Roderc. 10. 3. de regul. q. 69. ar. 2.

## QVÆSTIO LXXV.

*Quo iure religiosus professus testamentum condere nequeat? Perinde est, ac si quæreretur: An iure diuino, & naturali, hoc est, an ratione voti præcisè, an ratione traditionis, qua religiosus seipsum religioni tradidit, an vero sola ecclesiæ constitutione, hoc sit ei interdictum.*

**R**ESPONDEO ex his, quæ hætenus diximus colligitur religiosum professum esse inhabilem ad condendum testamentum sola ecclesiæ constitutione, non autem naturali, & diuina, id est non ratione voti, nec religionis, aut publicæ promissionis, aut traditionis. Ratio est, quia iuxta probabiliorem sententiam solo iure ecclesiastico redditur inhabilis religiosus ad dominium habendum.

**T**um quia esto, esset dominij incapax ex iure naturali diuino ut Almay. tract. de pot. eccl. tenet: at cum de re aliqua disponere eum superioris licentia non sit actus dominij, nec ad sic disponendum sit inhabilis ratione voti paupertatis religiosus, posset quidem aliquid testari attento iure naturali diuino de superioris licentia non obstante voto: sicut ex eiusdem licentia potest inter viuos rem aliquam mediocrem donare, ergo tota hæc prohibitio est ex

solo iure ecclesiastico. Et ideo ita tenet Azor. lib. 1. c. 6. q. 5.

## QVÆSTIO LXXVI.

*An consuetudine introduci possit, ut religiosus testetur?*

**G**RAFF. 1. p. decis. lib. 3. c. 5. nu. 59. & p. 2. lib. 2. c. 19. nu. 86. negat.

Contrarium tamen asserit Nauar. com. 2. de regul. nu. 44. & merito quidem, quia quod per priuilegium heri potest, valet quoque per præscriptionem, & consuetudinem introduci ut optimè tradit Panorm. in cap. Accedentes de præscriptione. Sed per priuilegium Pontificis hæc facultas testandi potest religiosus competere, ut diximus; ergo & per consuetudinem legitime præscriptam.

## QVÆSTIO LXXVII.

*An Religiosus possit testamentum ante professionem factum irritare, vel alterare?*

**R**ESPONDEO non posse. Ratio est, quia ille solus potest testamentum irritare, vel alterare, qui potest illud condere, s. si ut proponit 7. fine C. de nup. Sed religiosus nequit testamentum condere. cap. Quia ingredientibus de testam. ergo neque antea factum irritare, vel alterare. Poterit tamen dictus religiosus post professionem cunctis aliquo dubio in eius testamento declarare voluntatem suam, quam habuit, quando fecit testamentum ut secundum illam adimpleatur. Quia hoc non est nouum testamentum facere, sed testamentum iam perfectum, & apud se clarum, licet aliis obscurum aperire, & si non aperiret, arbitrio iudicis, vel viri prudentis id fieri deberet, ergo hoc idem potest facere religiosus.



## QVÆSTIO LXXVIII.

*An autoritate Pontificis religiosus possit testamentum ante professionem confectum reuocare?*

- 1 **R**ESPONDEO non posse. Et ratio est, quia per professionem est plenè ius acquisitum illis, in quorum fauorem est conditum.

## QVÆSTIO LXXIX.

*An licentia testandi concessa à Papa religioso intelligatur de primo testamento, ita ut si illud reuocet, nequeat postea secundum conficere?*

- 1 **C**OVAR. cap. Cum in officiis nu. 8. de testam. affirmat eam licentiam tantum intelligendam esse pro primo testamento. Et probat, quia in materia odiosa semper dispositio restringitur ad primam vicem, & primum actum, ut dicitur in cap. Non potest §. 1. de prob. lib. 6. Vnde cum datur facultas alicui ut duo simul beneficia obtinere possit, pro prima vice, intelligitur, vel ut veniat in urbem, is qui est publice bannitus, semel tantum venire potest. Vel cum datur facultas ingrediendi monasterium monialium, in primo ingressu extinguitur.

- 2 Sed verius est, eam facultatem non extinguì primo testamento, sed virtute illius integrum ei esse toties, quoties voluerit testamentum condere usque ad mortem, atque adeo primam reuocare. Ratio est, quia non est ea dispositio ita strictè interpretanda, ut reddatur illusoria, ac contra testamenti naturam, quæ est, ut sit usque ad

mortem reuocabilis, adeo ut nullam legem contra hoc sibi testans imponere valeat, quin ab ea tanquam testamenti naturæ contraria recedere liceat. Nec licentia hæc expirat morte concedentis, sed semel concessa est perpetua, dum ab alio Pontifice non reuocatur.

Nec obstat argumentum in contrarium adductum, quia lex illa intelligitur in materiis nimis odiosis, & pœnalibus, atque ob id strictissime interpretanda, facultas autem testandi ad pias causas, non debet censi nimis odiosa. Et ideo ita tenent. Nauarr. de redd. quæst. 3. num. 22. Mol. tom. 1. d. 141. & Rod. tom. 3. de regul. qu. 68. ar. 5.

Hinc, cum datur facultas eligendi confessorem, legendi libros, quorum lectio est interdicta, edendi cibos prohibitos in diebus ieiunij, sacrificium offerendi in domo priuata, primo actu non definit. Quia cum hæc odium, pœnam, vel onus, aut detrimentum non contineat, large est interpretanda.

## QVÆST. LXXX.

*An equites ordinum militarium possint testamentum condere.*

1 **I**N qua re connenit inter omnes, Equites D. Ioannis, qui solemniter tria substantialia religionis vota emittunt, non posse, nisi de licentia magni Magistri testari. Et ratio est, quia hi sunt vere religiosi voto paupertatis astricti, nihilque proprium habent.

2 Dixi notanter (nisi de licentia magni Magistri) quia isti non eam religiosorum claustralium rigidam paupertatem vouent, sed bona sua retinent, & de illis disponunt, licet suis consti

constitutionibus, illis potestas testandi interdicitur absque superioris licentia.

### QVÆSTIO LXXXI.

*Sed tota difficultas versatur de Equitibus D. Iacobi Calatrave, Alcantara, &c.*

**N**AVAR. *comment. 2. de regul. num. 56.* negat eos testari posse. Quia sunt veri religiosi voto paupertatis astricti, nihilque proprium habent, unde testentur.

Tum quia Pius V. in suo motu proprio edito anno Domini 1568. Idus Septembris, qui incipit Romani. Equitibus omnibus abstulit privilegia testandi ab aliis Pontificibus concessa.

**A**lij vero rectius affirmant posse. Et ratio est, quia isti sunt veri domini bonorum tam patrimonialium, quam reddituum, commendarum quæ titulo seculari, id est, militari possident, ergo possunt instar secularium de omnibus his bonis testari.

Tum quia habent multa privilegia Apostolica, quæ id eis concedunt, & consuetudo, ac statuta eorum admiserunt hoc, quæ licet fuerint reuocata à Pio V. fuerunt tamen postea confirmata à Gregorio XIII. ut constat ex Bulla quæ habetur in constitutionibus dñorum ordinum. Atque ita tenent. Victoria *relect. de simonia. nu. 45.* Sor. *lib. 10. q. 4. ar. 1.* Cord. in *quest. lib. 1. q. 18. ad 2.* Molina *to. 1. de iust. diffut. 141.* Roder. *rom. 2. de regul. q. 19. ar. 7. & q. 69. ar. 7.* Sarmiento *lib. de redd. 4. p. c. 2. nu. 4.* & Alcozer *lib. de ludo c. 39.*

**E**x quo sequitur primò istos satisfacere suo paupertatis voto, si quorundam præsentent superiori inuentarium fidele omnium bonorum, quæ

possident, nihil occultando, ut ex illius licentia possideant illa. Quia sicut hi non simpliciter, & absolute promittunt castitatem, sed castitatem coniugalem, ita nec perfectam paupertatem, sed illam solum, quæ hodie est consueta ab eis servari.

Ac proinde peccarent mortaliter contra votum paupertatis, si id inuentarium tempore præfixo non præsentarent, aut in eo conficiendo infideliter se haberent, aliquid notabile occultantes, aut contra superioris præceptum illa bona expenderent.

Secundò sequitur, ludentes cum his Equitibus non teneri lucrata in ludo restituere. Et ratio est, quia cum isti sint veri domini omnium illorum bonorum, possunt libere de illis disponere, ac si essent seculares, verèque transferunt illorum dominium in lucrantes. Ita Alcozer *lib. de ludo c. 39.*

### QVÆSTIO LXXXII.

*An Donati, & Eremita possint testari?*

**R**ESPONDEO posse Ratio est, quia hi verè religiosi non sunt, nec tribus substantialibus religionis votis ligati. Navar. *comm. 2. de regul. nu. 44.* & Molina *to. 1. diff. 141.*

### QVÆSTIO LXXXIII.

*An religiosus possit esse executor testamenti?*

**R**ESPONDEO, absque obtenta superioris licentia non posse, & si contra facit, ultra peccatum proprietatis quod committit, coram est irritum, & nullum. Et ratio est, quia administratio est

ius quoddam ciuile pretio æstimabile, quo iure tanquam sapiente naturam dominij, religiosus est per professionem priuatus. Et colligitur aperte ex *cap. Religiosus de testam. libr. 6. & ex Concil. Trident. sess. 25. capit. 2. de reformat. regular.* Prælati tamen religionum possunt præbere hanc facultatem suis religiosis sibi subditis exequendi testamentum, vt colligitur ex dicto *cap. Religiosus de testam. libr. 6.* ac proinde ipsi sine alicuius sui Superioris licentia poterunt hoc munus obire. At vero fratribus Minoribus omnino tale munus subire, prohibitum est, vt habetur ex *Clement. exius §. verum.* Et ideo ita sentiunt Molina *tom. 1. diffus. 247. Roder. tom. 2. de regular. quest. 72. artic. 1. & Couarr. in cap. Tua nobis de testam. nu. 2.*

- 2 Ex quo colligitur falsum esse, quod tradit Petr. Nauar. *lib. 3. de rest. c. 1. p. 3. in noua edit. dub. 1. nu. 167.* vbi ait, regulares posse esse testamenti exequutores, nisi eis specialiter suæ religionis statuto interdictum sit. Constat enim ex dicto *cap. de testam.* iure communi omnibus religiosis id munus interdictum esse.

#### QVÆST. LXXXIV.

*An religiosus possit esse fideiussor?*

- 1 RESPONDEO non posse absque superioris, & maioris partis capituli consensu. Ratio est, quia vt habetur *instit. de fideiuss. in principio*, is solum potest fideiubere, qui liberam suorum bonorum administrationem habet. At religiosus nihil habet, quod possit alteri obligare, ergo non potest esse fideiussor; superiore autem annuente poterit reli-

giosus fideiubere, vt habetur *in cap. penult. de fideiuss. Mol. ro. 2. d. § 40.*

#### QVÆSTIO LXXXV.

*An religiosus possit esse Tutor?*

RESPONDEO non posse citra Superioris, & monasterij consensum, & si absque tali licentia fideiubeat, totum est irritum, & nullum. Et ratio est, quia ex tutelæ administracione oritur obligatio ciuilis, cuius religiosus non est capax, cum nihil proprium habeat, quod alteri obliget: superiore tamen consentiente poterit religiosus tutelam suscipere.

Ex quo colligitur, religiosum absque superioris consensu, ciuiliternulli se obligare, sed tantum naturaliter; & tunc quidem se alteri obstringere nequit, nisi in his, quæ facile, & commode per seipsum præstare potest. Ea tamen promissio eatenus est valida, quatenus à superiore minime improbat.

#### QVÆSTIO LXXXVI.

*An si testator aliquid relinquat religioso ea lege, vt illud ad ipsum, non autem ad monasterium pertineat, tale testamentum valeat?*

RESPONDEO valere. Ratio est, quia huiusmodi legatum est benigne interpretandum, ita vt intelligatur, vt quantum ad vsum, & commoditatem ad religiosum pertineat ex consensu Superioris: at dominium pertineat ad monasterium. Quod si superior non consentiat, nullum erit huiusmodi legatum, pertinebitque ad heredem deficiente conditione, sub qua est relictum.

Et

Et ratio huius est, quia verba in dispositionibus intelligi debent secundum conditionem personæ, ad quam diriguntur. Cum igitur religiosus, ad quem hæc verba diriguntur, sit domini incapax, & solum vsum habere possit de licentia superioris verba intelligi debent, ut religiosus id legatum obtrineat eo modo quo potest habere, nempe quoad vsum dependentem à superiore. Poterit tamen in hoc euentu religiosus consentire, ut vsum illius legati remaneat penes monasterium. Quia cum ea reservatio fuerit in ipsius fauorem inducta, potest ipse huic fauori cedere.

### QVÆSTIO LXXXVII.

*Sed quid, si testator dicat, ut id legatum quoad dominium ad religiosum, & nullo modo ad monasterium pertineat?*

**N**ONnulli affirmant id legatum valere, & acquiri monasterio, reiecta ea conditione tanquam turpi.

At verò Molina *10m. 1. de iust. disp. 140. Azor. lib. 12. cap. 10. quest. 3.* & Roder. *10m. 2. de regul. quest. 125. art. 2.* rectius docent id legatum esse omnino irritum, & nullum. Quia talis conditio cum voto paupertatis religiosæ pugnat.

### QVÆSTIO LXXXVIII.

*Sed maior difficultas est, quando testator aliquid relinquit religioso ea lege, ut Prelatus non possit illud à religioso auferre, & in casu quod illum molesteret, à tali legato cadat?*

**S**YLVEST. *verb. religio 6. quest. 7.* 1  
Roder. *10m. 2. regul. quest. 125. art. 3.*  
& Corduba *summ. quest. 154.* tenent id legatum valere, & pertinere ad monasterium, illa conditione reiecta.

Sed multo verius existimo id legatum esse irritum, & nullum. Et ratio est, quia talis conditio est licita, quia intelligitur ut si Prelatus consentiat, religiosum illum habere vsum illius legati, manente dominio penes monasterium, ergo Prelato non consentiente legatum corrumpitur. Et ideo ita tenet Grassi. *1. p. decis. lib. 3. cap. 5. n. 41.*

### QVÆSTIO LXXXIX.

*An si testator aliquid relinquat religioso ea conditione, ut illud expendat in usus, quos voluerit, tale legatum sit validum?*

**R**ESPONDEO valere. Quia huiusmodi legatum benigne intelligendum est de vsum religiosis permissis, ut verba accommodentur personæ, ad quam diriguntur.

### QVÆSTIO XC.

*Sed quid, si expressè diceret, relinquo rem hanc cum conditione, ut illam expendat in usus vanos, & prophanos?*

**S**UNT quidam qui censent id legatum valere, reiecta illa conditione turpi.

At verius est, non valere. Et ratio est, quia talis conditio cum voto paupertatis pugnat.

ius quoddam ciuile pretio æstimabile, quo iure tanquam sapiente naturam dominij, religiosus est per professionem priuatus. Et colligitur aperte ex cap. *Religiosus de testam. libr. 6. & ex Concil. Trident. sess. 25. capit. 2. de reformation. regular.* Prælati tamen religionum possunt præbere hanc facultatem suis religiosus sibi subditis exequendi testamentum, vt colligitur ex dicto cap. *Religiosus de testamentis libr. 6.* ac proinde ipsi sine alicuius sui Superioris licentia poterunt hoc munus obire. At vero fratribus Minoribus omnino tale munus subire, prohibitum est, vt habetur ex *Clement. exini §. verum.* Et ideo ita censuit Molina tom. 1. *diffus. 247. Roder. tom. 3. de regular. quest. 72. artic. 1. & Couarr. in cap. Tua nobis de testam. nu. 2.*

- 2 Ex quo colligitur falsum esse, quod tradit Petr. Nauar. *lib. 3. de rest. c. 1. p. 3. in noua edit. dub. 1. nu. 167.* vbi ait, regulares posse esse testamenti exequutores, nisi eis specialiter suæ religionis statuto interdictum sit. Constat enim ex dicto cap. *de testam.* iure communi omnibus religiosus id munus interdictum esse.

#### QVÆST. LXXXIV.

*An religiosus possit esse fideiussor?*

- 1 RESPONDEO non posse absque Superioris, & maioris partis capituli consensu. Ratio est, quia vt habetur *instiut. de fideiuss. in principio*, is solum potest fideiubere, qui liberam suorum bonorum administrationem habet. At religiosus nihil habet, quod possit alteri obligare, ergo non potest esse fideiussor; superiore autem annuente poterit reli-

giosus fideiubere, vt habetur *in cap. penult. de fideiuss. Mol. 10. 2. d. §. 40.*

#### QVÆSTIO LXXXV.

*An religiosus possit esse Tutor?*

RESPONDEO non posse citra Superioris, & monasterij consensum, & si absque tali licentia fideiubeat, totum est irritum, & nullum. Et ratio est, quia ex tutele administratione oritur obligatio ciuilis, cuius religiosus non est capax, cum nihil proprium habeat, quod alteri obliget: superiore tamen consentiente poterit religiosus tutelam suscipere.

Ex quo colligitur, religiosum absque superioris consensu, ciuilitur nulli se obligare, sed tantum naturaliter; & tunc quidem se alteri obstringere nequit, nisi in his, quæ facile, & commode per seipsum præstare potest. Ea tamen promissio eatenus est valida, quatenus à superiore minime improbat.

#### QVÆSTIO LXXXVI.

*An si testator aliquid relinquat religioso ea lege, vt illud ad ipsum, non autem ad monasterium pertineat, tale testamentum valeat?*

RESPONDEO valere. Ratio est, quia huiusmodi legatum est benigne interpretandum, ita vt intelligatur, vt quantum ad vsum, & commoditatem ad religiosum pertineat ex consensu Superioris: at dominium pertineat ad monasterium. Quod si superior non consentiat, nulli erit huiusmodi legatū, pertinebitque ad heredem deficiente conditione, sub qua est relictum.

Et

Et ratio huius est, quia verba in dispositionibus intelligi debent secundum conditionem personæ, ad quam diriguntur. Cum igitur religiosus, ad quem hæc verba diriguntur, sit dominij incapax, & solum usum habere possit de licentia superioris verba intelligi debent, ut religiosus id legatum obtineat eo modo quo potest habere, nempe quoad usum dependentem à superiore. Poterit tamen in hoc euentu religiosus consentire, ut usus illius legati remaneat penes monasterium. Quia cum ea reservatio fuerit in ipsius fauorem inducta, potest ipse huic fauori cedere.

### QVÆSTIO LXXXVII.

*Sed quid, si testator dicat, ut id legatum quoad dominium ad religiosum, & nullo modo ad monasterium pertineat?*

**N**ONnulli affirmant id legatum valere, & acquiri monasterio, reiecta ea conditione tanquam turpi.

At verò Molina tom. 1. de iust. disp. 140. Azor. lib. 12. cap. 10. quest. 3. & Roder. tom. 2. de regul. quest. 125. art. 2. rectius docent id legatum esse omnino irritum, & nullum. Quia talis conditio cum voto paupertatis religionis pugnat.

### QVÆSTIO LXXXVIII.

*Sed maior difficultas est, quando testator aliquid relinquit religioso ea lege, ut Prælati non possit illud à religioso auferre, & in casu quod illum molesteret, à tali legato cadat?*

**S**YLVEST. verb. religio 6. quest. 7. 1  
Roder. tom. 2. regul. quest. 125. art. 3. & Corduba summ. quest. 154. tenent id legatum valere, & pertinere ad monasterium, illa conditione reiecta.

Sed multo verius existimo id legatum esse irritum, & nullum. Et ratio est, quia talis conditio est licita, quia intelligitur ut si Prælati consentiat, religiosum illum habere usum illius legati, manente dominio penes monasterium, ergo Prælati non consentiente legatum corruet. Et idem ita tenet Graff. 1. p. decif. lib. 3. cap. 5. n. 41.

### QVÆSTIO LXXXIX.

*An si testator aliquid relinquat religioso ea conditione, ut illud expendat in usus, quos voluerit, tale legatum sit validum?*

**R**ESPONDEO valere. Quia huiusmodi legatum benignè intelligendum est de vñbus religionis permissis, ut verba accomodentur personæ, ad quam diriguntur.

### QVÆSTIO XC.

*Sed quid, si expressè diceret, relinquere rem hanc cum conditione, ut illam expendat in usus vanos, & prophanos?*

**S**VNT quidam qui censent id legatum valere, reiecta illa conditione turpi.

At verius est, non valere. Et ratio est, quia talis conditio cum voto paupertatis pugnat.

## QVÆSTIO XCI.

*An Religiosus peccet, qui dicit: hic  
liber est meus, hac vestis  
est mea, &c.*

- 1 **A**RCHID. Card. & Alexand. in  
commentario cap. Non dicatis, &  
alij expositores Regulæ sancti Augu-  
stini arbitrantur hunc peccare saltem  
venialiter, quia mentitur, nam scit, vel  
scire debet, nihil esse suum, & omne  
mendacium etiam leue, vt docet S.  
Thom. communiter receptus 2. 2. q.  
110. art. 3. est peccatum saltem veniale.

Tum quia facit contra cap. Non di-  
catis vbi sic habetur. Non dicatis ali-  
quid proprium, sed sint vobis omnia com-  
munia.

- 2 D. Basilii in Regul. breuior. interro-  
gat. 85. putat hunc peccare mortaliter,  
ibi enim sic ait. *Qui dicit suum aliquid  
esse, seipsum alienum reddit ab Ecclesia  
Dei, & charitate Domini.* Hoc idem  
videtur sentire Cassianus in lib. 4. de  
instit. remittent. vbi sic ait. *Nec ver-  
bo audet quis etiam dicere aliquid suum,  
magnumque sic crimen ex ore Monachi  
processisse, meum, tabulas meas, & similia,  
proque hoc digna poenitentia satisfactu-  
rus sit, si casu al quo huiusmodi verbum  
de ore eius effluxerit.*

Mihi autem videtur aliquanto di-  
stinctius, & explicatius ad hanc quæ-  
stionem esse respondendum. vnde,

- 3 Primò dico, quod religiosus, qui  
dicit hoc est meum, & intendit dicere  
se esse dominum eius, vel possessore-  
rem nomine proprio, peccat quia  
mentitur, sed non mortaliter, nisi di-  
cat id volendo, illud esse suum, quoad  
verum dominium, & complacendo,  
eo quod sit suum, quia tunc contra  
paupertatem peccat. Et in hoc sensu  
intelligendi sunt Basilii, & Cassianus

vbi supra. Et idè ita tenet Turrecrem.  
in cap. Non dicatis num. 13. Nauar. com.  
2. de regular. num. 1. & Graff. lib. 3. ca-  
suum reseruat. cap. 4. num. 10.

Secundò dico, quod religiosus, qui  
non ex animo, vel affectu proprietari-  
o, sed ex incogitantia domini, pro-  
prietatis, vel possessionis, dicit aliquid  
esse suum, peccat venialiter. Ratio est,  
quia est mendacium subreptitium.

Tertiò, & vltimò dico, quod reli-  
giuosus, qui dicit hoc est meum, & per  
ly meum, intendit formaliter, vel vir-  
tualiter esse suum quoad vsum, ad-  
ministrationem, vel simplicem deten-  
tionem facti, & non quoad domi-  
nium, nec quoad veram possessionem,  
non peccat, imò exercet actum vir-  
tutis, quia se pauperem omni domi-  
nio carentem proficitur. Quauis me-  
lius diceret, hac est nostra vestis, &c.  
sed aliud esse melius altero, non ar-  
guit illud esse malum.

## QVÆSTIO XCII.

*An superiores religionum possint  
pro libito sue voluntatis bona  
Monasterij expendere, in quos  
voluerint vsus?*

**R**ESPONDEO non posse. Ratio est, 1  
quia superiores non sunt domi-  
ni, sed administratores vt habetur in  
iure, cap. Fratrum inter de donat. ergo  
non possunt monasterij bona in quos-  
uis vsus expendere, sed tenentur illa  
distribuere in illos vsus, in quos de-  
stinata sunt, prout latè probat Nauar.  
in cap. Nullam 18. q. 3. n. 11. 6 Quod si  
in prophanos, vel inutiles vsus, vel su-  
perfluos, ac contra Regulam, vel in-  
stituta suæ religionis, & tandem con-  
tra voluntatem suorum superiorum  
ea dispenſent, peccant mortaliter, vt  
optimè tradit S. Bonau. in Reg. B. Fran.  
cap. 6. D. Anton. 3. p. 11. 6. cap. 1. §. 12.  
Nauar.

Nauarr. *Comm.* 2. de regul. num. 21. & *com.* 3. num. 27. Roder. *tom.* 3. de regul. *quæst.* 26. artic. 10. & communis. Vnde Hieronym. in regul. *Monachor.* cap. 3. inquit, *Præter vitulum, & vestitum, & manusritas necessitates, nihil cuiquam tribuas ne filiorum panes, canes comedat.* Tu ergo considera ne Christi substantiam imprudenter effundas. Et D. Greg. in *pastorali p.* 1. admonet. 21. de Prælati loquens sic ait: *Necessè est, vt sollicitè perpendant, ne commissà indignè distribuât.* Et infra. Ne cum pauca oporteat, plurima præbeant. D. Benedictus etiam cap. 55 *sue Regula*, postquam Abbati vt monachis necessaria distribuat, præcipit, ac subiungit: *Item quod superfluum est, amputari debet, & pedules, & quocumque est vetustum reddant, cum accipiunt nouum.*

## QVÆSTIO XCIII.

*An Prælatus qui in vsus vanos, & superfluos aut illicitos, ac proinde absque iusta causa bona Monasterij expendit, peccet peccato proprietatis?*

- 1 D Anton. 3. *p. sit.* 6. cap. 1. §. 11. sequitur Vmbertum, Syluester *verb. religio* 6. *quæst.* 7. Roder. *tom.* 3. de *de regul.* *quæst.* 29. artic. 11. Aluar. *lib.* 2. de *planctu Ecclesie* cap. 64. Valent. 2. 2. d. 1. *quæst.* 4. p. 3. Graff. *lib.* 3. *casuum reseruat.* cap. 4. num. 36. & plerique alij citati à Nauar. *comm.* 2. de *regul.* nu. 21. quamuis fateantur eum peccare peccato iniustitiæ, vel infidelitatis, negant tamen eum peccare peccato proprietatis.

- 2 At ego libentius adhaereo aliorum sententiæ, qui astruunt, huiusmodi Prælatum contra votiuam paupertatem peccare. Et ratio est, quia cum Prælatus non habeat facultatem dis-

pendendi in superfluos vsus, peccat contra paupertatis votum, dispensando bona monasterij sine licentia, quemadmodum peccaret cellerarius, vel quiuis alius officialis, si excedens sibi commissam potestatem bona monasterij expenderet.

Et confirmatur, si Prælatus in vsus etiam licitos, & honestos sine iusta licentia bona monasterij expenderet, proculdubio peccaret peccato proprietatis, ea sola ratione, quia vt debet administratione sibi iniuncta in vsus rationabiles à lege. Regula, vel constitutionibus permisso: ergo si hanc facultatem excedat, contra paupertatis votum, peccat. Et idè ita tenent Maior in 4. *dist.* 38. *quæst.* 9. Nauar. *comment.* 2. de *regular.* num. 21. & *lib.* 3. *conf.* in 2. *edit.* de *statu monach.* *conf.* 3. num. 42. & Azor. *lib.* 12. cap. 12. q. 2.

## QVÆSTIO XCIV.

*An Prælatus possit concedere licentiam religioso vt bona quorum vsus habet, in quoscumque vsus etiam prophanos expendat?*

- R ESPONDEO non posse. Et ratio est, quia Iura non concedunt administrationem religiosis, nisi ad necessaria, & vsus licitos, & honestos. At Prælatus nihil potest contra Iura, ergo. Vnde non solum peccat mortaliter Prælatus talem licentiam concedendo, sed etiam religiosus subditus ea vtendo. Ita Syluest. *verb. religio* 6. *quæst.* 7. Nauar. *cap.* Non *dicatis* num. 53. & Petr. Toletanus *lib.* 3. de *resist.* cap. 1. num. 183.

Hinc, Prælatus non potest facere facultatem huiusmodi religioso v. g. vt expendat pecuniam in ludos, luxus, & similia: & quamuis Prælatus prædictam licentiam concedat, non idè



ideo subditus excusatur à mortali, & à nota proprietatis, si in materia graui ea utatur. Et ratio est, quia hoc non est dispensare, vel rectam licentiam dare, sed dissipare, quia dispensatio est discreta pensatio necessitate, vel utilitate suadente: At in pecunia ad libitum religiosi expendenda, nunquam est salutifera dispensatio.

3 Hinc, religiosus, qui ex consensu superioris aliquid expendit in rem turpem, peccat mortaliter, & est proprietarius, tam ipse, quam superior, qui talem facultatem concedit. Et ratio est, quia superior secundum canones huiusmodi consensum dare non potest. Ita Less. lib. 2. cap. 41. dub. 8.

Hinc, quamuis dicere possit Prælati subdito suo, de peculio tibi concessio, vel ex eo quod tibi do, vade, & eme tibi habitum, vel calceamenta, & alia necessaria, quibus in præsentem indiges, non tamen dicere poterit, concedo tibi tot scuros, ut illos pro arbitratu tuæ voluntatis, vel ut eos donec cuius, quia hoc est dispensare in proprio.

4 Hinc, pessima est illa consuetudo quorundam religiosorum, & proprietatis nutritiva, qua pro indumentis sibi assignatis Cellerariis eis dat pecuniam, quam postea expendunt, & dant, atque reponunt prout eis placet, & efficiuntur proprietarii. Vnde superiores deberent eis dare necessaria secundum indigentiam vniuscuiusque, & non pecuniam.

## QVÆSTIO XCV.

*An religiosus sit proprietarius, qui de licentia superioris multa superflua respectu sui status possidet?*

1 IN qua re conuenit primo inter Doctores, hunc religiosum morta-

liter peccare, qui de licentia superioris quantitatem notabilem expendit in vltus superfluos, aut vanos, aut tenet multa superflua, & superiorem etiam mortifere delinquere, cum facultatem concedit Religioso, ut plus habeat ad vltus quotidianos, quam par sit, ut teste Quaranta in *summa Bullarum verbo casus reservati fol. 157.* statuit sacra Congregatio. Cuius ratio potissima ea esse potest, quia secundum intra ex bonis communibus apud religiosos, nec dari, nec accipi plus debet quam necessarius cuiusque vltus, ac indigentia postulet. Vnde in Concil. Trident. sess. 25. cap. 2. de regul. decernitur, ne superfluum religiosis concedatur, sed quæ statum religiosorum deceant.

Tum quia ut communis Theologorum sententia testatur, & tenet D. Thom. 2. 2. quæst. 66. art. 7. & quæst. 87. art. 1. id 4. & in 4. sent. dist. 15. quæst. 2. art. 1. quæst. 4. superuacaneæ diuitiæ sine peccato retineri etiam à secularibus non possunt, ut patet ex illo loco Matth. 6. *Non potestis Deo seruire, & mammonæ.* Seruire autem mammonæ nihil est aliud secundum D. Hieronymum in eum locum, quam superfluas diuitias, otiosas pecunias, aut vestes, aut id genus alia congregare. Et Lucæ 3. dicitur: *Qui habet duas tunicas, dei non habentis, & qui habet escas, similiter faciat.* Quo loco per duas tunicas, aut escas, aperte quod superfluum est, significatur ut Hieronym. in *Epist. ad Eddibium q. 1.* explicat. Neque hoc est consilium, sed præceptum. Nam cum dixisset ibi Dominus, omnis arbor quæ non facit fructum bonum excideatur, &c. Querentibus turbis, quid ergo faciemus. Respondit. *Qui habet duas tunicas, &c.*

Et confirmatur ex illo Luc. 12. ubi Christus Dominus diuiti illi de suis bonis recondendis cogitanti dixit:

*Sine*

Stulte hac nocte repetent à te animam tuam, &c. Quem locum explicans D. Pater Augustin. in lib. 50. homiliar. homil. 7. affirmat diuitem illum non ob aliud peccatum fuisse damnatum, nisi quia superflua retinebat, & idem assitit de diuite epulone, qui induebatur purpura, & epulabatur quotidie splendide. Vnde Basilii super illa verba, *Destruam horrea mea*, &c. ait; *Est panis famelici, quem tu tenes, nudi tunica, quam in corlani conseruas, discalceati calcem*, qui apud te marcescit, indigentis argentum, quod possides inhumatum. Quocirca tot pauperibus iniuriam facis, quot dare valeres D. Hieronym. loco supra citato. Si plui (inquit) habes, quam tibi ad vitium, vestitumque necessarium est, illud eroga, & in illo debitorem te esse noveris. Et alibi. *Aliena rapere conuincitur, qui vltra sibi necessaria retinere probatur* D. quoque Augustin. in Psalm. 147. *Superflua* (inquit) diuiti, necessaria sunt pauperi, aliena retinet, qui ista tenet. Quod si hæc sancti Patres contra diuites seculares scripserunt, quid in religiosos nostri æmptoris plusquam seculi diuites abundantes proclamarent?

Deinde probatur ex Clement. 1. de statu Monach. vbi strictè prohibetur monachis sancti Benedicti quælibet pretiositas, aut superfluitas in suis vñibus. Quam prohibitionem ad omnes religiosos pertinere affirmat Doctor Nauarr. *Comment. 4. de regul. numero 27.* Vnde Hieronym. in *regul. Monach. cap. 2.* Certe (inquit) non tunicam, nisi qua ex necessitate portatur, non caligam, neque aliud minimum quodque. Et cap. 3. non retineatur aliquid quantumcumque minimum vltra ea, qua ex necessitate portantur. Et infra. Si qua vero supersunt; uno claudantur in loco. Et D. Basilii quæsti-

fusus explicat. quæstione 22. de religiosorum vestibus tractans, duplicatas eis habere non permittit. Et in *Regul. breuior. interrog. 70.* agens de suppellectili religiosorum ait: *Vñs enim mensura est inenitabilis necessitati vitendi.* Et ideo huius opinionis sunt Nauarr. *comment. 2. de regul. numero 21.* & *comment. 2. numero 27.* vbi ex Calder. & aliis docet religiosos sine necessitate non esse capaces vllarum rerum, sapèque affirmat licentiam à Prælato concessam sine causa esse irritam, immo nec Papam eam posse concedere. Syluest. verb. *religio 6. quæstione 7.* Roder. *tom. 3. de regul. quæstione 29. artic. 11.* Valent. 2. 2. d. 10. quæstione 4. part. 3. Aluar. lib. 2. de planctu Eccles. cap. 64. Petr. Nauarr. lib. 3. de rest. cap. 1. cap. 3. dub. 1. num. 168. Graff. lib. 3. casuum reseruat. cap. 4. num. 36. & Mendoza in suis quodlib. q. 8. c. 6.

Secundò etiam conuenit, hunc non incidere in pœnas proprietarij positas in cap. *Monach. de statu Monach.* Et in cap. *Cum ad monasterium eod. tit. & in Concil. Trident. sess. 25. cap. 2. de regul.* Et ratio est, quia huiusmodi pœnæ non imponuntur contra omnem proprietarium, sed solum contra eum, qui clam, & sine scientia, & licentia Prælati saltè in iniusta, bona Monasterij vsurpat, aut rebus ad suum proprium vñum destinatis abutitur, ut rectè annotauit Nauarr. *comment. 2. de regul. num. 21.* Et consequenter etiam dicendum est, nec ipsum superiorem prodigè, expendentè incurtere prædictas pœnas, quia si licentia ab ipso cõcessa subito est valida ad eum effectum, ut liberetur à proprietariis. pœnis, liberabitur quoque ipse sic expens.

## QVÆSTIO XCVI.

*Sed dubia questionis est; An huiusmodi religiosus peccat peccato proprietatis?*

**D** Anton. 3. p. 1. 16. cap. 1. §. 11. Tab. verb. religio quest. 44. Syluest. verb. religio 6. quest. 7. Turrecrem. cap. Non dicatis 12. quest. 1. art. 2. num. 4. Less. lib. 2. cap. 41. dub. 9. Graff. 1. part. decis. lib. 3. cap. 5. num. 48. & 61. & lib. 3. cap. 19. num. 30. & Azor. lib. 12. cap. 12. quest. 5. & Nauarr. cap. Non dicatis num. 21. existimant hunc non peccare peccato proprietatis, sed avaritiæ. Quia nihil vsurpat absque superioris licentia, & est paratus ad nutum superioris omnia relinquere.

**2** Cæterum multo probabilius est huiusmodi religiosum contra votum paupertatem peccare. Et ratio est, quia hic ex communi omnium sententia peccat mortaliter, sed non apparet quale illud peccatum sit, nisi proprietatis, ergo illud committit.

Tum quia Prælarus non est dominus bonorum monasterij, sed administrator; Ius autem non concedit illi administrare ad vsus vanos, & inutiles, sed tantum ad necessariōs, & honestos, ergo in ea licentia excedit limites suæ potestatis.

Tum quia hic religiosus vitur rebus superfluis contra voluntatem summi Pontificis, qui est supremus omnium religiosorum Prælarus, nam in Concil. Trident. sess. 25. cap. 2. de regular. decernitur, vt eorum supellex statui paupertatis, quam professi sunt, conueniat, nihilque superflui in ea sit, nihil etiam quod sit necessarium, eis denegetur. Et ideo ita sentiunt Maior in 4. d. 8. q. 9. Petr. Nau. lib. 3. de reslunt. cap. 1. dub. 1. num. 168.

& Graff. sibi contrarius in 2. p. decis. lib. 3. cap. 19. num. 15. 26. & 34.

Hinc, religiosus, qui de licentia superioris vitur rebus ita abundanter, vt reliqui religiosi patiantur necessitatem, peccat, quia ita faciendo, facit iniuriam aliis, cum bona monasterij pro indigentibus communia sint, & tantum potest esse excessus, vt peccet mortaliter contra votum paupertatis, tam dispensatus, quam superior dispensans, quia ex officio tenetur Prælarus fideliter, & rationabiliter dispensare bona monasterij, vt post Victoriam, Lop. 2. p. sui instruct. conf. cap. 6. & Roder. p. 2. summ. cap. 31. num. 10. resoluunt.

Hinc, contra votum paupertatis peccant, qui in cellis amplissima suppellectili, paramentis, picturis; imaginibus aureis, aut argenteis; alioque rerum vario, & multiplici ornatu, diuitum seculi more abundare non verentur. Similiter qui infinita librorum multitudine armaria replent, quos ferè nunquam ipsi nec vident, nec intelligunt, illosque secum per varia monasteria magnis sumptibus, strepitu magno, & pusillorum scandalo deferunt.

Hinc, religiosus, qui recipit, vel in suo cubiculo retinet arma, vt sclopetū, lanceam, thoracem, & his similia, quæ neque necessaria, sunt nec statui religioso decentia, est proprietarius: nec superior permittere potest, vt religiosus apud se teneat nociua, & quæ statum suum non concernunt, vt determinat sacrum Concil. Trident. sess. 25. cap. 2. de regul.

Hinc, qui habet aliquid de licentia Prælati, si de eo aliquid ei supersit, non potest de illo pro suo arbitratu disponere, sed tenetur illud Prælato restituere alias est proprietarius.

Hinc, religiosus, qui de licentia superioris

perioris rem aliquam possidet, si postea illa non indiget, tenetur eam tradere superiori, vel in vestiario reponere, ut superior liberè de ea disponat. Ratio est, quia quando superior religioso subito aliquam rem concedit, solum concedit illam pro tempore, quo ea indiguerit: ergo ea necessitate cessante, tenetur eam restituere. Vnde S. Benedictus in sua Regula cap. 55. prohibens superfluitatem dicit: Accipientes noua vestimenta, vetera semper reddant in præsentem, reponenda in vestiario: sufficit enim monacho duas tunicas, duas cucullas habere propter noctes, & ad lauandas ipsas, iam quod supra fuerit, & superfluum, & amputari debet, & quodcumque est vetustum reddant, cum accipiunt nouum. Et D. Basil. in Regul. breuior. interrogat. 69. præcipit ut cellerarius siue œconomus quoties vestimentum nouum Monachis præbet, vetus ab ipsis accipiat. Et D. Bonavent. in Reg. de reform. mentis: Attende (ait) semper, ut nihil habeas in cella nisi necessaria, & hoc dico de minimis rebus, ne forte negligendo modica, paulatim cadas ad maiora. Ait enim Augustin. Vitasti grandia, vide ne obruaris arena. Vnde D. Anton. in 4. part. summ. t. 14. cap. 10. §. 5. refert quendam religiosum post mortem cuidam suo confratri apparuisse cum erubis igne concrematis, rationemque illius pœnæ reddidisse, quia veteres caligas sibi obseruauerat, & in communi vestiario non posuerat.

- 8 Hinc, superiores qui superflua ædificia, aut nimis curiosa construunt, dummodo illa excedant statum paupertatis, aut decentiam sui status peccant mortaliter, & sunt proprietarii, ut colligitur apertè ex Consil. Viennensi relato in Clement. exiuit §. rursus. De quo abusu loquens Pater noster Bernard. in apolog. ad Guil-

ielmum Abbatem. Et in Epistola ad fratres de Monte Dei, sic ait: Iam enim subintravit de arc alieno sumptuosum, & ( quantum finit pudor ) ambitiosa cellularum adificatio. & abiecta sancta simplicitate, & rusticitate quasi religiosas quasdam nobis creamus habitationum honestates. Dimissam enim nobis à Patribus nostris iure hereditario formam paupertatis, & sancta simplicitatis speciem, verum decorem domus Dei alienantes à nobis, & à cellis nostris, per manus artificum exquisitorum, cellas non tam eremiticas, quam aromaticas adificamus nobis de elemosynis pauperum. Et post pauca. Ergo obsecro in peregrinatione huius seculi in malitia hac super terram adificemus nobis non domos ad habitandum, sed tabernacula ad descendendum: ut ipse cito inde vocandi, & emigraturi in patriam.

D. quoque Bonaventura in Epistola 9 la quam suo ordini scripsit, enumerans damna, & incommoda, quæ ex ædificiorum sumptuositate, & superfluitate euenire solent, sic ait: Occurrit ædificiorum constructio sumptuosa, & curiosa. quæ pacem fratrum inquietat, grauat amicos, & hominum peruersis iudiciis multipliciter nos expolit, & non sine præiudicio paupertatis occurrit sumptuositas expensarum. Nam cum fratres paucis nolint esse contenti, facti sumus omnibus onerosi, magisque firmus in posterum, nisi remedium celeriter opponatur. Et infra Luce clarius prædicta omnia in maximum, & nullo modo dissimilandum vergunt nostri ordinis detrimentum, quoniam repidis, & indeuotis, & carnalia sapientibus, quasi iam facilia, inexcusabilia, & irremediabilia videantur. prauas ergo prædictorum vitiorum consuetudines viriliter vos, ô Prælati, resciscitis, requirit hoc professio perfectioris nostræ, requirit tribulationis

*incursum, requirit mundus. Clamas S. Pater noster Franciscus, sanguis quo Christi aspersus, & dominus de excelsis, &c. Et idem quoque confirmat in alia Epistola, dicens. Nam frequentia discursus, & importunitas quatuor viles nos, & graves efficiunt, pro eo scilicet quod dum paucis volumus esse contenti, & adificia sumptuosa conamur erigere, vilia summo studio quarantantes, nobilia per incuriam perdimus. Et infra. Quoniam paupertas est nostri ordinis prerogativa sublimis: Pa si hac Margarita conculeanda porcis viliter exponatur. Discursus, curam, questum, sumptuositatem adificiorum, librorumque, vestium, ac ciborum sic studere computare, quod a professionis excellentia, vita obseruantia non discordat. Fædum est enim prophanumque mendacium summa paupertatis voluntarium se professorem asserere, & rerum nolle penuriam pati. Interius inuita diuitum affluere velle, & exterius more pauperum mendicare. Hæc ille.*

## QVÆSTIO XCVII.

*Quidnam in hoc loco dici debeat necessarium, quid verò superfluum religiosi?*

**R**ESPONDEO & dico primò, quod necessarium dicitur non solum quod absolute est necessarium, ita vt sine illo res nullo modo possit consistere, quod apud logicos dicitur *necessarium simpliciter*. Sed & illud dicitur necessarium, sine quo res non potest decenter, & congruenter conservari, quod a logicis dicitur *necessarium secundum quid*.

**2** Secundò dico, quod id in præfenti negotio superfluum dicitur, quod pensatis omnibus circumstantiis reli-

gionis, personæ, loci, temporis, officij, &c. neque ad vitam, neque ad decenriam status religiosorum est necessarium. Vnde quod in vna religione iudicatur moderatus vsus, in altera vt superfluum merito reicitur, & quod in eodem monasterio vni est necessarium, celspectu alterius censetur superfluum, & quod alicui tempore infirmitatis est opportunum, id recuperata sanitate eidem est inconueniens. Et vt optimè Hugo de sancto Victore in *Regula S. August. cap. 4.* aduertit, regulam banc de distribuendis bonis communibus, inspectis necessitatibus, & ætatibus, non sic esse interpretandam, vt abundantè omnia distribuantur, quasi omnimoda indigentia sit è monasterio propulsanda. Quamuis enim Actuum 4. habetur: Nec quisquam egens erat inter illos: tamen etiam de ipsis Apostolis dicitur, quod Deo seruiebant in fame, & siti, in frigore, & nuditate. Vnde D. Bernardus, *Magna (inquit) abusus est, et in loco paupertatis, ubi diuites penuriam incurrunt, pauperes superfluitatem quarant: in loco afflictionis, ubi delicati mortificantur, homines rusticani res delicatas affectent. Et in serm. 4. de aduentu, Videmus autem (inquit) pauperes: aliquos, qui si veram haberent paupertatem, non adeò pusillanimes inueniremur, & tristes, ut ipse Reges, & Reges celi, sed hi sunt, qui pauperes esse volumus, eo tamen pacto, vt nihil eis desit, & sic diligunt paupertatem, ut nullam inopiam patientur. Et S. Vincentius in lib. de vita spirituali cap. 4. Scio (ait) quod laudabile non est pauperem esse, sed in paupertate, paupertatem amare, & paupertatis inopiam propter Christum sustinere, & hilarietè sustinere. Prob. dicitur. multi de paupertatis solum nomine gloriantur, sed quo pacto, ut nihil eis desit. Quare quilibet religiosus corporis necessariis debet*

debet esse contentus, sine thesaurizatione superfluum, tam presentium, quam futurorum, iuxta sententiam D. Pauli dicentis 1. ad Timoth. 6. habentes alimenta, & quibus tegamur, iis contenti simus. Et D. Hieron. in cap. Clericum, inquit, habens victum, & vestitum iis contentus ero. & nudam crucem, nudum sequar. Vnde miror (vt cum D. Bernardo ad Guillelmum Abbatem clarem) vnde inter monachos tanta intemperantia in commensationibus, potationibus, in vestimentis, & lectisterniis & equitauris, & construendis aedificiis inolescere potuit, & quod deterius est, ubi hac studiosius, voluptuosius, atque effusius sunt, ubi ordo melius teneri dicitur, ibi maior putetur religio. Ecce enim parcitas putatur auaritia, sobrietas austeritas creditur, silentium tristitia reputatur. Et contra remisso discretio dicitur, effusio liberalitas, loquacitas affabilitas, cacinatio iucunditas, molliues vestimentorum, & equorum fistulas honestas, lectulorum superfluis cultus munditia. Cumque hac alterutrum impendimus, charitas appellatur. Ista charitas destruit charitatem, hac discretio, discretionem confundit, talis misericordia, crudelitas plena est, qua videlicet ita corpori seruitur, vt anima inguletur. Quae enim charitas est, carnem diligere, & spiritum negligere? Quae discretio totum dare corpori, & anima nihil? Qualis vero misericordia ancillam rescire, & dominam interficere? Nemo pro huiusmodi misericordia speret se consequi misericordiam, qua misericordibus promittitur in euangelio, veritatis ore dicentis. Beati misericordes, quoniam ipsi misericordiam consequentur. Sed certissime potius penam expellet, quam tali (vt ita dicam) impio misericordi, S. Iob magis prophetizando, quam affellendo imprecatur. Et infra idem Bernard. 1. Timoth. 6. Habentes victum, & vestitum, iis contenti simus. Nobis autem pro victu

facietur, nec vestitum appetimus, sed ornatum. Queritur ad induendum, non quod vilius, sed quod subtilius inuenitur, non quod repellat frigus, sed quod superbire compellat, non denique (iuxta Regulam) quod vilius comparari potest, sed quod venustius, immo vanius ostentari. Hec me miserum qualemcumque monachum. Cur adhuc viuo videre ad id deuenisse ordinem nostrum, ordinem scilicet qui primus fuit in ecclesia, immo a quo capis ecclesia, quo nullus in terra similior angelicis ordinibus, nullus vicinior ei, quae est in caelis Hierusalem mater nostra, siue ob decorem castitatis, siue propter charitatis ardorem, cuius Apostoli institutores, cuius hi, quos Paulus, tam sepe sanctos appellat inchoatores existerunt? Et quidem inter illos cum nihil quod suum esset, quispiam retinisset, diuidebatur, vt scriptum est, singulis prout cuique opus erat, non igitur quod quisque pueriliter gestire poterat. Sane ubi tantum, quod opus erat, accipiebatur, ibi nihil proculdubio otiosum admittebatur, quanto magis nihil curiosum? quanto magis nihil superbum? Quod inquit opus erat, hoc est, quantum ad indumenta, quod & nuditatem regebat, & frigus repelleret. Putasne ibi cuiquam galabrum, aut issembrum quarebatur ad induendum cuiquam ducentorum solidorum mula parabatur ad equitandum? Putasne inquam cuiuspiam lectuli operatorum cattinum, aut discolor barricanus operiebat, ubi singulis diuidebatur tantum, prout cuique opus erat? Non illic arborum valde curatum fuisse de pretio, de colore, de caltu vestimentorum, ubi tam indefissum inerat studium in concordia morum, animorum cohaerentia, profectumque virtutum. Multitudinis, inquit, credendum erat cor vnum, & anima vna. Vbi nunc illud unanimi-tatis exercitium? Fusi sumus exterius, & de regno Dei, quod intra nos est, relictis veris, ac perennibus bonis, foris quarimus vanam consolationem de vanitatibus, &

insanitis falsis, ac iam religionis antiqua non solum virtutem amisimus, sed nec speciem retinemus. Ecce enim ipse habitus noster (quod & dolens dico) qui humilitatis esse solebat in signe, à monachis temporis nostri, insignum gestatur superbia. Vix iam in nostris Prouinciis inuenimus, quo vestiri dignemur. Miles, & monachus ex eodem panno partiuntur sibi cucullam, & chlamydem. Quuis de saeculo quantumlibet honoratus, etiam si Rex, etiam si Imperator fuerit, non tamen nostra horrebit indumenta, si suo sibi modo preparata fuerint, & aprata. Ceterum in habitu, inquis, non est religio, sed in corde. Bene. At tu quando empru- nus lustras vrbes, foras circuis, percurris nundinas, domos scrutaris negotiatorum, cunctam euertis singulorum suppellectilem, ingentes explicas pannorum cumulos, at- trectas digitis, admoues oculis, solis oppo- nis radio, quidquid grossū, quidquid pal- lidum occurrit, respicis. Si quid autem sui puritate, ac nitore placuerit, illud mox quantolibet pretio satagis tibi retinere. Rogo te, ex corde facis hac, an simpliciter? Cum denique contra Regulam non quod vilius occurrerit, sed studiosissime queris quod quid rarius inuenitur pretiosius, emittis, ignoras facis hac, an ex industria? Ex cordis thesauro sine dubio procedit quidquid foris apparet vitiosum. Vanum cor vanitatis notam ingerit corpori, & exterior superfluitas, interioris vanitatis indicium est, mollia indumenta animi molliorem indicant. Non tanto curretur corporis cultus, nisi prius neglecta fuisset mens inculta virtutibus. Miror autem cum Regula dicat, ad magistrum respi- cere, quidquid à discipulis delinquitur, & dominus per prophetam, sanguinem in peccato morientium de manu Pasto- rum requirendum esse minetur, quomo- do Abbates nostri patiuntur fieri talia, nisi forte (si audeam dicere) nemo fi- denter reprehendit, in quo se esse irre- prehensibilem non confidit. Si quidem

humanitatis est omnium, in quo quisque sibi indulget, aliis non vehementer irasci. Dicam, dicam, presumptuosus dicar, sed verum dicam. Quomodo lux mundi ob- tenebrata est? Quomodo Sal terra infi- tuatum est? quorum nobis via vite de- buit esse, dum exemplum in suis allibus ostendunt superbia, caci facti sunt duces cecorum. Quod enim (ut cetera taceam) specimen humilitatis est cum tanta pom- pa, & equitatu incedere, tantis hominum crumiorum stipari obsequiis, quatenus duobus Episcopis vnius Abbatis multi- tudo sufficiat? Mentior si non vidi Ab- batem sexaginta equos, & eo amplius in suo ducere comitatu. Dicam si videam eos transcuntes non patres esse monasterio- rum, sed dominos castellorum; non Rello- res animarum, sed Principes Prouincia- rum. Tum deinde gestari iubentur map- pule, scyphi, bacini, candelabra, & manti- ca suffarcinata, non stramentis, sed orna- mentis leclorum. Vix denique quatuor leucis à sua quispiam domo recedit, nisi cum tota suppellectili sua, tanquam si- vel iturus ad exercitum, vel transiturus per desertum, vbi non valeant inueniri necessaria. An non posset eodem vaseculo, & aqua manibus vergi, & vini bibi? An non posset ardens lucere lucerna, nisi in tuo quod portas candelabro. & hoc aureo, vel argenteo. An non posset dormire, nisi super varium stratum, aut sub peregrino cooperitorio? An non vnus aliquis minister posset, & iumentum ligare, & ad mensam se ire, & leclulum preparare? Nunc ergo tanta multitudini garsonum, ac iu- mentorum, cur vel ad solatium mali, no- biscum non facimus necessaria quatenus hospites non gratiamus? Sed hac parus sunt, veniam ad maiora, sed ideo visa mi- nora, quia visitiora. Omitto oratorum inuen- sas altitudines, immoderatas longi- tudines, superuacuas latitudines, sumptuo- sas depolitiones, curiosas depolitiones, que dum orantium in se reuoluentem aspectum, impediunt & affectum. Hæc Bernardus.

Sed

- 3 Sed contra hoc dicunt multi ex talibus religiosis tepefactis, quod talia omnia etiam superflua tenent de licentia Prælatorum.

Ad quos respondeo quod Prælati non possunt cum talibus quod habeant, & utantur superfluis, dispensare, quia istud, non est dispensare, sed dissipare. Cum enim quilibet religiosus victu, & vestitu debeat esse contentus 1. Tim. 6. quomodo contra tot iura, & eorum regulas potest cum talibus in tali superfluitate dispensari.

### QVÆSTIO XCVIII.

*An Religiosus possit, iuxta conscientiam, stare arbitrio superioris quoad mobilium superfluitatem vel convenientiam?*

- 1 **R**ESPONDEO nisi de excessu arbitrij constiterit, habita nemperatione personæ, officij, & Regulæ, statusque paupertatis quam professus est, & cæterarum itidem qualitarum, utique stare debere, ut teste Antõ. Haldõ *verb. religionis* nu. 28. sacra Congregatio declarauit.

### QVÆSTIO XCIX.

*An superior una cum consensu capituli possit licentiam concedere, ut religiosus aliquid in usus. vanos, & superfluos expendat?*

- 1 **R**ESPONDEO non posse. Et ratio est, quia licet monasterium sit dominus eorum bonorum, hoc tamen dominium est restrictum per votum paupertatis, & ecclesiæ constitutionem. *Nau.com. 2. de reg. n. 23. Less. lib. 1. c. 18. dub. 11. Roder. 10. 3. de reg. 9. 29. ar. 11. & Mendo. in suis quodlib. q. 8. ar. 6.*

### QVÆSTIO C.

*An si religiosus de superioris sui licentia aliquid in usus turpes, vanos, & superfluos expendat, teneatur accipiens restituere?*

**B**Añ. egregius Thomista 2. 2. q. 62. 1. ar. 5. & Lop. lib. 2. de contract. cap. 40. tenent religiosum habentem licentiam sui Prælati aliquid expendendi in usus, quos ipse voluerit, non peccare contra iustitiam, si illud in usus turpes, vanos, & superfluos expendat, nec ab eo accipientem teneri restituere.

Rebell. de iust. p. 2. lib. 1. 2. q. 4. sect. 2. nu. 6. affirmat Religiosum habentem sui Prælati licentiam, aliquam pecuniam expendendi in suam honestam recreationem peccare si ludis vetitis, aut aliis vñibus illicitis illam expendat: at lucrantem, vel recipientem non teneri restituere. Quia licet modus alienandi superiori displiceat, ipsa tamen alienatio placet.

Verum opposita sententia est frequentissima, & tenenda, nempe Religiosum sic expendentem peccare contra iustitiam, & accipientem teneri ad restitutionem. Ratio est, quia quādo superior eam licentiam Religioso concessit, non est censendus ad huiusmodi usus illicitos dedisse facultatem, cum generali concessione non censetur id concessum, quod denegaretur, si in particulari fuisset petitum. *Regul. in generalis* 81. de regul. iuris in 6.

Tum quia cum superior eam licentiam concedere nequeat, non est in dubio præsumendum, velle eam generalem licentiam concedendo comprehendere hos usus turpes, vanos, & superfluos, sed eos solos, quos votum paupertatis patitur.

Tum



Tum quia in tali distributione non solum est superior inuitus quoad modum, sed etiam quoad rem alienatam, ergo tam distribuens, quam accipiens peccat contra iustitiam, cum onere restituendi acceptum. Immo si expressam superioris licentiam haberet Religiosus expendendi pecuniam in eos usus turpes, & superfluos, adhuc teneretur accipiens restituere.

3 Quia vt dixi, Prælatus non potest eam licentiam concedere. Et idem dicendum est, si ipsemet superior in usus hos turpes, & superfluos expenderet. Quia rationes adductæ militent etiam in eo, & ideo ita tenent D. Anton. 3. part. tom. 1. 6. capit. 1. §. 11. Syluest. verb. Religio 6. questio. 7. Molin. tom. 1. d. 94. & 140. & tom. 2. d. 276. Roder. tom. 2. de Regul. questio. 125. artic. 2. Petr. Nauar. lib. 3. de restit. cap. 2. part. 3. dub. 3. num. 183. Less. libr. 2. cap. 41. dub. 8. Mart. Nauar. lib. 3. conf. 1. de statu Monach. conf. 3. nu. 33. & Abulen. in cap. 6. Matth. q. 36.

## QVÆSTIO CI.

*An Religiosus sit proprietarius qui habens pecuniam sibi à superiore deputatam ad emendos, verbi gratia, libros, eam expendit in aliquid aliud, ad quod emendum probabiliter creditur superiorem non consentire?*

1 RESPONDEO esse proprietarium. Ratio est, quia eo ipso iam vsurpat rem independentem à voluntate superioris, quasi dominus. Sic Nauar. lib. 3. de restit. 1. nu. 183. & Roder. te. 3. de reg. q. 12. ar. 10.

## QVÆSTIO CII.

*An Religiosus qui sciente, & annuente superiore penes se retinet, aut in cubiculo suo habet pretiosa, sit proprietarius?*

RESPONDEO esse proprietarium. Ratio est, quia facit contra id quod præcipitur in cap. Ne in agro in Clem. de statu Monach. vbi interdicitur cunctis Regularibus notabilis excessus, & inordinatus omnis, seu exquisitus ornatus, aut cultus in vestibus, necnon in cibis, & potibus, equitibus, & lectisterniis. Et in Concil. Trid. sess. 25. c. 2. de regul. habetur. Mobilium verò usum, iuxta superiores permittant, vt eorum suppellex statui paupertatis, quam professi sunt, conueniat.

2 Nec valet multorum excusatio, quod habeant, & vtantur superfluis, aut pretiosis cum licentia suorum superiorum, quia superiores non possunt cum talibus dispensare, vel rectam licentiam dare, quia canones non concedunt administrationem regularibus nisi ad res necessarias, vitales, aut honestas. Quare tam dispensans, quam dispensatus retinendo pretiosa peccant contra votum paupertatis.

Hinc religiosus qui de licentia Prælati penes se retinet pretiosa, vt vasa aurea, & argentea, gemmas, annulos, vestes sericas, culcitra plumas, & intextas vario ornatus colore, pannos præfulgidos, ac coloratos, specula ex argento, auroque, vel ebore connexa, libros delicatos perlis, auro, & argento munitos, ac coopertos, coralia, cultellos manubriis de argento, & auro excultos, coclearia & furcinulas eiusdem generis, coronas pretiosissimas, reliquiaria,

vel

vel cruces aureas, vel argenteas, horologia parvula valoris excedentis, tapetia, cortinas, & alia ornamenta parietum, tabularum, lecti, & cellarum, ædificia adornata cum picturis magni pretij, & id genus alia, quæ neque necessaria sunt, neque statû religionis decentia, peccat mortaliter contra votum paupertatis. Nec Prælati potest alicui religioso talem facultatem concedere, quia per decretum Conc. Trident. sess. 25. cap. 2. de regul. id est prohibitum: ibi enim sic habetur: *Mobilium vero usum ita superiores permittant, ut eorum supellex status pauperum, quam professi sunt conveniat, nihilque superfluum in ea sit.* Et ideo ita tenent Nauar. *comm. 4. de regul. nu. 27. Rod. r. 10. 3. de regul. g. 29. art. 11. & Azor. lib. 12. cap. 12.*

Hinc colligitur, quam periculosè errent multi religiosi, credentes sibi sufficere dispensationem, seu licentiam suorum Prælatorum, ad habendum multa, quæ sibi non sunt necessaria.

### QVÆSTIO CIII.

*An Religiosus, qui habet aliquid de licentia iniusta Prælati, peccet peccato proprietatis?*

1 **T**VRRECREMATA *tract. 94. cap. 33. & Humbert. super regulam S. Benedicti.* tenent hunc non peccare peccato proprietatis, sed avaritiæ, modo sit paratus illud resignare in manu Prælati, simul, ac fuerit requisitus.

2 Alij vero non minoris nominis Authores docent hunc peccare peccato proprietatis. Et probant primo, quia omnes farentur hunc aliquod peccatum peccare, & non aliud, quam proprietatis, ergo peccat illud.

Secundò, hic religiosus non peccat in hoc casu contra castitatem, neque contra obedientiam, ut constat, ergo contra paupertatem, & per consequens peccat peccato proprietatis.

Tertiò, qui tenet aliquid sine licentia Prælati, peccat peccato proprietatis: at licentia iniusta non excusat, quia talis licentia videtur dissipatio contra votum paupertatis, quæ sine iusta causa facta etiam à Romano Pontifice non excusat.

Quartò, quia ex eo sequeretur, quod non esset proprietarius religiosus, qui de consensu superioris in usus prophanos expendere bona monasterij, quod est falsum.

Quintò, & ultimò, quod Prælati qui in usus vanos, & prophanos redditus Monasterij prodigit, est proprietarius, ergo & religiosus, qui de iniusta superioris licentia vitur rebus monasterij, peccat peccato proprietatis, & ita sentit Nauar. *com. 2. de regul. num. 21.*

Cæterum ego quidem dicendum existimo in primis, quod huiusmodi religiosus peccat peccato proprietatis, si non est paratus reddere superiori, simul ac fuerit requisitus, ut etiam Authores primæ opinionis testantur, adeò quod si eo recte moneretur, esset sepeliendus in stetitquinio iuxta cap. *Super eo. & cap. Cum ad monasterium de statu monachorum.*

Secundò existimo, quod si est paratus relinquere ad nutum superioris, peccat quidem peccato proprietatis, sed non incurrit illam pœnam, quippe quæ non imponitur contra omnem proprietarium, sed contra illum solum, qui clam sine licentia saltem iniusta superioris retinet bona monasterij, quia longe grauius peccat hic, quam ille, & proinde pœna contra hunc posita non extenditur ad illum.

Nnnn QVÆ

## QVÆST. CIV.

*An Prælatus qui cum subdito dispensat, ut aliquid teneat, vel distribuât sine iusta causa, sit proprietarius?*

- 1 **R**ESPONDEO esse proprietarium. Ratio est, quia abutitur potestate quæ data est ei non in destructionem, sed in ædificationem 2. Cor. 10. Nam cum dispensatio dicatur prouida iuris communis relaxatio, vtilitate seu necessitate pensata: & talis cum non sit prouida, nec vtilitate, seu necessitate promota non est dispensatio dicenda, sed potius iuris, & religionis dissipatio.

## QVÆSTIO CV.

*An religiosus possit absque superioris licentia aliquid sibi donatum recipere, vel retinere?*

- 1 **R**ESPONDEO non posse. Et ratio est, quia religiosus voto paupertatis adstringitur ad nihil habendum tanquam proprium id est, propria voluntate, aut proprio nomine, sed voluntate & nomine superioris. At qui absque prædicta licentia aliquid accipit, vel retinet, recipit propria voluntate, & proprio nomine, ergo est proprietarius. Quod est verum, etiam si religiosus solum rei usum absque superioris licentia accipiat, manente dominio apud dantem, ut si librum accommodatum accipiat. Quia usus ille est pecunia æstimabilis.
- 2 Et est conclusio definita in cap. Non dicatis, ubi sic dicitur. Certum est, eos nihil habere, dare vel accipere sine superioris licentia debere, & post pauca

subiungit: *Quod si propinquum, et amicum, vel quilibet fratrum cuiuspiam aliquid offerre volueris, primo quidem Priori insinuetur, & sic suscipiatur, si ipse mandauerit, de quo tamen nihil fuit aliud, nisi quod Priori placuerit.* Ex quibus verbis colligitur non solum esse illucium religioso accipere aliquid ab externis sine superioris licentia, sed etiam ab aliis religionis domesticis, nisi consulto superiore.

Idem definitur in cap. Cum ad monasterium in illis verbis: *Quod si fuerit specialiter destinatum, non presumatur illud accipere, sed Abbati, vel Priori consignetur.*

Deinde in Conc. Mediolanensi p. 3. 3. *concl. cap. de Memorialibus* idem præcipitur his verbis: *Bona (inquit) quæ singulis mittuntur, ad Præfectum offerantur, neque vlla possit illa accipere, aut ad usum habere, nisi sciente, aut consentiente Præfecto.* Vnde D. Benedictus in sua Regula capite 33. de eadem materia tractans sic ait. *Ne quis presumat aliquid dare, aut accipere sine iussione Abbat. Et in cap. 55. ait: Qui tamen leuiter frequenter ab Abbate seruituti sunt propter opus peculæ, ne inueniantur, & si cui inuentum fuerit, quod ab Abbate non acceperit, grauissima disciplina subiaceat.*

Idem quoque docet D. Basilii in 4. *quæsti. breuior. quæstione 87.* dicens: *Dare, aut accipere non est cuiuslibet, sed eius, cui delatum est munus dispensandi.* Et D. August. in prima Regula agens de itinerariis sic ait: *Si quis autem causa necessitatis deinceps, id quod à monasterio secum portauit: necesse habet ubi Præpositus suus est, illud proferre, quia non poterit sibi deinceps quod per pactum ad omnes pertinet, & Deo utique consecratum est.* Et in Regula tertia: *Si quis filius aliquam conuulerit vestem, vel quodlibet aliud, non occultè accipiat, sed sit in potestate.*

testate Prepositi, ut in rem communem redactum, cui necessarium fuerit, prabeatur. Quod si aliquis rem sibi collatam celauerit, sibi iudicio condemnatur.

- 5 Idem habet D. Hieronymus in regula monach. cap. 3. dicens: *Hæc perpetuo in vestro monasterio observatio maneat, quod nulla omnino tangere, aut aliquammodo retinere audeat, sine licentia per horam censum, aut obolum, aut aliquid quantumcunque minimum quodque à matre, vel sorore mittatur.*

- 6 Eandem doctrinam docet D. Bernardus in sermon. 48. de non habendo proprium, dicens: *Quidquid habes, habito eum licentia, habito eum benedictione, sine licentia nihil habeas, sine benedictione nihil recipias.* Et D. Bonaventura in spec. disciplin. 1. parte cap. 4. tom. 2. opuscul. sic ait: *Statum religiosam mane pationis euadit, qui in usu proprio rem aliquam sine à parentibus, sine quibusdam aliis recipit, aut quod maioris est culpe, accepta occultans, superiorum iudicio non exponis, nulla enim res, quam superior non dederit, aut permisit, est licita proprium abdicantis.*

Hoc idem habet Corduba super Regulam S. Franc. cap. 6. quasi. 7. ubi sic ait: *Accipientem aliquid in scio Prelato mortaliter peccare, nec sufficere eum id scire, nisi saltem tacite assensum præbere presumatur.* Et in questione 9. inter proprietatis actus numerat rem aliquam accipere sine licentia, & rem quamcunque Prelato celare. Sylvest. verb. relig. 6. qu. 7. *Quidquid, ait, celatur Abbati, proprium dicitur.* Hanc quoque sententiam sequuntur Nauar. in dicto cap. Non dicitur num. 13. & Petr. Tolet.

- 7 lib. 3. de resit. cap. 1. nu. 170.

Dices, supradicta omnia intelligenda esse de occulta receptione facta animo non dandi, etiam si à Prelato requiratur: non autem de illa quæ fit cum animo resignandi, & accepta, si petita fuerit.

- 8 Sed hæc responsio falsa esse con-

uincitur, quia ratio, ob quam religioso aliquid sine licentia accipere sit prohibendum, est, quia quidquid religiosus accipit debet statim monasterio incorporari, & Prelati administrationi subiicere, ut habetur ex Concil. Trid. sess. 25. cap. 2. de regul. ibi. Sed statim ea superiori tradantur, conueniuntque incorporantur. Sed si religiosus aliquid occultè recipit, ac retinet, etiam si habeat animum resignandi si petatur, hoc ipso res illa non est monasterio incorporata, nec superioris administrationi subiicitur, ergo.

Confirmatur primò, nam quidquid religiosus acquirit, monasterio acquirit, ut communis sentit opinio, ergo quidquid à religioso acquiritur, Prelati dispositioni, & administrationi subiici debet, ac proinde nullo modo potest illius rei fieri administrator sibi propria sponte applicando quod ad omnes pertinet, & superioris dispositioni commissum est.

Secundò confirmatur, nam si aliquis occultè rem alienam accipiat sine domini licentia, etiam si habeat animum restituendi, si petita fuerit, à peccato furti non excusatur: ergo similiter religiosus qui occultè aliquid accipit inconsulto superiore à vitio proprietatis non liberatur.

Deinde, ut omnes Doctores farentur, duo simul requiruntur, ut quis à proprietatis vitio sit liber, primò ut quidquid habet, de licentia Prelati habeat. Secundò ut habeat animum paratum illud resignandi ad nutum Prelati: ergo præter promptitudinem animi, necessaria est Prelati licentia tacita, vel expressa.

Tandè hæc responsio expressè cum verbis Concil. & sanctorum Patrum pugnat. In Conc. enim Trident. sess. 25. cap. 2. de regul. dicitur, *Statim superiori tradantur.* Et in capite Cum ad monasterium: *In continentis resignentur*

Nonn 2 f 80

*superiori.* In Conc. Mediolan. *Nihil accipiat, nisi sciente, & consentiente Præfæto.* Sanctus Benedict. in sua *Regula cap. 54. Non præsumat aliquid accipere sine iussione Abbatis.* D. Hieron. *Neque tangere, neque retinere per horam audeat.* Et D. August. in *cap. Non dicatis: Non præsumas recipere, nisi Prælatus mandauerit.*

- 11 Hinc, religiosus qui aliquam rem notabilem accipit, animo eam occultè retinendi, etsi habeat voluntatem eam resignandi superiori, si ab eo petita fuerit, peccat mortaliter contra votum paupertatis. Ratio est, quia eo ipso quod rem illam à dispensatione Prælati occultè subtrahit, ius eius lædit, ac proinde peccatum proprietatis incurrit.

Tum quia facit contra decretum Conc. Trid. sess. 25. c. 2. & Innoc. III. in *cap. cum ad monasterium.* In quibus locis sancitur, ut res statim Prælato tradantur, conuentuique incorporentur.

- 12 Hinc religiosus qui sine licentia Prælati ab eiusdem monasterij, vel religionis confratribus aliquid notabile recipit, peccat mortaliter contra votum paupertatis. Et ratio est, quia hoc ipso quod rem aliquam mihi applico, iure Prælati vtor, administrans rem illam, quod est contra votum paupertatis.

Tum quia quamuis omnia bona monasterij communia sint, administratio tamen eorum Prælati subiacet: ergo qui in proprium usum rem aliquam recipit, ius Prælati usurpat; ac proinde peccat contra votum paupertatis, nec iuxta Bullam Clem. VIII. potest absolui, donec integrè, & cum effectu restituerit non illi à quo accepit, sed suo Monasterio, vel ordini.

- 13 Et confirmatur, religiosus non potest aliquid confratri dare absque licentia Prælati: ergo neque ab eodem

recipere. Probo consequentiam, quia dare, & recipere sunt correlatiua.

Hinc, religiosus qui per breue spatium temporis vult rem aliquam retinere inconsulto superiore, non peccat nisi venialiter. Et ratio est, quia in omni materia modicum excusat à mortali.

Tum quia moraliter statim resignare censetur, qui per breue tempus aliquid retinere vult.

## QVÆSTIO CVI.

*An religiosus qui ex communi loco aliquid ad usum suum temporalem absque superioris licentia accipit, & deinde ad eundem locum reponit, sit proprietarius?*

**A**ZORIVS lib. 12. cap. 13. q. 3. negat eum esse proprietarium. Secus si ad usum perpetuum.

Hæc tamen opinio non placet, quia quantum ad vitium proprietatis ubi nulla est tacita, aut expressa superioris licentia, nihil interest inter usum temporalem, & perpetuum; cum in utroque casu usus rei pretio æstimabilis absque vlla superioris licentia usurpetur, sed solum in hoc ea differentia deseruiet, quod facilius præsumatur licentia tacita ad usum temporalem, ut sic excusetur à vitio proprietatis.

## QVÆSTIO CVII.

*An religiosus qui inscio superiore pecuniam ab extraneo recipit, non sibi, nec monasterio datam, sed ut alteri descat, sit proprietarius?*

*arius? ut si confessorius à pœn-  
tente pecuniam alteri restituen-  
dam, vel pauperi distribuendam  
recipiat.*

**E**T quidem si tradens pecuniam designet pauperes, in quorum usum pecunia distribuenda est, & quantitatem pecuniæ cuilibet elargiendam, certum est, hunc religiosum non esse proprietarium. Quia tunc nullum actum dominij exerceat, sed est merus minister.

### QVÆSTIO CVIII.

*Sed dubium est, quando dans pecuniam, nec quantitatem pecuniæ, nec pauperes designat.*

**Q**UIBUSDAM placet, hunc esse proprietarium.

**C**ontrarium tamen est proculdubio affirmandum. Et ratio est, quia religiosus per votum paupertatis ad nihil aliud obligatur, quam ad non quærendum, acquirendum, atque tenendum aliquid quod sit sibi proprium, neque vtendum aliqua re totius mundi tanquam propria. At religiosus hic nec retinet, nec acceptat eam pecuniam tanquam propriam nec tanquam dominus, sed vt nomine alieno, & iuxta tradentis præscriptum distribuat pauperibus: ergo non est proprietarius.

**T**um quia non quæcunque possessio, & administratio pecuniæ est vi voti paupertatis religioso interdicta, sed solû quando possidet, vel administrat nomine proprio independentes à superioris voluntate. At in hoc casu religiosus non nomine proprio, sed solius dantis administrat: ergo non est proprietarius.

### QVÆSTIO CIX.

*An Religiosus, qui absque consensu Pralati, accipit aliquid, cum animo non acquirendi dominium, neque possessionem, neque aliud ius politicum, nec eo vtendi sine facultate Pralati, donec licentia alterius superioris accedat, sit proprietarius?*

**S**APIENTISSIMVS VICTORIA Thomista tam bene meritus, quem refert & sequitur Lop. 1. p. instruct. conf. cap. 156. censet eum esse proprietarium.

At ego sic distinguendum censeo. Si dominium illius rei, & administratio maneat apud dantem, & religiosus nomine illius eam apud se teneat, non ea vtens, sed expectat superioris licentiam, non est proprietarius. Quia in hoc casu religiosus nec dominium, nec usum, nec administrationem illius rei habet. Si autem religiosus absolute rem illam acceptet in scio superiore, & per tempus notabile retineat, expectans superioris maioris licentiam, arbitror hunc esse proprietarium. Quia rem quæ incorporanda esset Monasterio inconsulto superiore apud se retinet. Et est conclusio definita in cap. Cum ad Monasterium de statu monach. & in Concilio Trident. sess. 25. cap. 2. de regular. vbi decernitur, religiosum nihil inconsulto Prælati apud se retinere posse, sed statim, & incontinent omnia superiori tradere debere.

\* \*

Nnn 3 QVÆ

## QVÆSTIO CX.

*An Religiosus sit proprietarius, si ea quæ recipit, sunt comestibilia, & ad eum solum vsus sunt concessa, vt ipse ea comedat, nec acquirantur monasterio?*

<sup>1</sup> QVIBUSDAM placet hunc non esse proprietarium. Quia hic solus facti vsus conceditur religioso, cuius illum esse capacem diximus suprâ

<sup>2</sup> At longè est à veritate aliena hæc sententia, & ideo dicendum est, hunc esse proprietarium. Ratio est, quia vsus facti, quo quis utitur re ex superioris licentia, non est contra paupertatis votum, secus si absque superioris facultate.

Tum quia ille comestibulum vsus est pretio æstimabilis: ergo qui eum absque superioris licentia vsurpat, est proprietarius.

Tum quia quamuis religiosus velit, nunquam alicuius rei dominium acquirit, sed solum vsum facti; & in hoc consistit transgressio voti paupertatis, quod eum Religiosus inuito superiore vsurpet. Et ideo ita sentiunt Nauarr. lib. 3. de restit. cap. 1. p. 3. d. 3. num. 180. & 181. Sayr. in clau. reg. lib. 9. c. 16. nu. 2. & Less. lib. 2. c. 43. dub. 8. n. 70.

## QVÆSTIO CXI.

*An qui pecuniam ab externis accipiat infcio superiore ad emendum libros, quos postea palam in cubiculo cum aliis ex licentia habitis tenet, sit proprietarius?*

A ZOR. lib. 12. cap. 2. quæst. 3. negat hunc esse proprietarium.

Contrarium tamen arbitror esse dicendum. Quia cum superior ignoret, an aliquis ex illis expositis sit absque ipsius licentia habitus, non censetur dare licentiam, vt illum teneat, ex eo quod palam expositus sit; cum voluntas non feratur in incognitum.

## QVÆSTIO CXII.

*An Religiosus qui aliquid accipit, dubitans de Prælati voluntate, peccet mortaliter?*

R ESPONDEO eum mortaliter peccare. Ratio est, quia in æquali dubio melior est conditio possidentis, Prælati autem ius possidet, vt nihil de rebus Monasterij, sine eius voluntate accipiat.

Tum quia qui contra conscientiam dubiam agit, peccat mortaliter.

## QVÆSTIO CXIII.

*An vt religiosus sua conscientia aliquid sumat, vel donet, sufficiat Prælatus vidisse, vel sciuisse & tacuisse?*

R ESPONDEO si Prælati silentium solum fuit permisiuum, non excusatur religiosus à vicio proprietatis, quia sepe ad maiora mala vitanda Prælati tacent iniuri. Si verò esset approbatiuum facti, quod licentia tacite locum habet, proculdubio religiosum inuincem redderet à peccato. Quando verò silentium approbationi

tioni æquivalet, id ex circumstantiis rei acceptæ, vel daræ, & personarum Prelati tacentis, & subditi accipientis, vel dantis coniiciendum erit. Ita Nauar. cap. Non dicatis num. 22. & Corduba super Regul. S. Francis cap. 6. quæst. 6. & 7.

### QVÆSTIO CXIV.

*An si secularis quispiam aliquid religioso daret, non sibi retinendum, nec pro suo libito distribuendum, sed ut cum muliere coiret, & solueret fornicationis pretium, teneretur mulier illud restituere monasterio?*

- R**ESPONDEO non teneri. Et ratio est, quia eam pecuniam non à religioso, sed à seculari illo censetur accepisse, & religiosus fuit solum mediator; ac proinde existimo religiosum hunc accipiendo pecuniam illam absque superioris licentia non fecisse contra paupertatis votum, cum nihil sibi acceperit, nec ad libitum distribuendum.

### QVÆSTIO CXV.

*An Religiosus sit proprietor, qui absque superioris licentia rogat aliquem sibi amicum, ut pecuniam apud tertium deponat, ut ab eo illam exigere possit, cum ea indigerit?*

- R**ESPONDEO non esse proprietarium, dummodo religiosus eo animo sit, ut nolit illius pecuniæ dominium, possessionem, aut administrationem, aut usum absque superioris licentia, sed tantum intendat illam

habere commoditatem, ut obtenra licentia Prelati, ex illo deposito quod sibi necessarium fuerit, accipiat. Ratio est, quia in hoc casu religiosus nullum actum dominij exercet. Quod arbitrator verum, etiam si deponens intendat transferre illius dominium in religiosum; quia quandiu ille non acceptat, semper eius dominium manet penes deponentem, potestque pro libito suæ voluntatis de illa disponere, sicut prius. Et ideo ita tenent D. Bonau. in reg. B. Francis. cap. 4. & Cord. ibid. q. 8. & 9.

Hoc idem dicendum est, si Religiosus eam pecuniam in depositum apud se seruet, eo prorsus modo, quo erat apud tertium. Quia reuera non aliter eam pecuniam habet, quam si apud externum depositarium esset: nec ipsummet religiosum esse rei alienæ depositarium, pugnat cum paupertatis voto.

Dices: ista commoditas est quid pecunia æstimabile: ergo qui absque superioris licentiæ eam admittit, est propriarius.

Respondeo admittere illam commoditatem acquirendo aliquam potestatem in illam esse pretio æstimabile: secus quando tota commoditas pretio æstimabilis manet omnino apud dominum, ita ut nec dominium, nec administratio, nec usus sint apud religiosum.

### QVÆSTIO CXVI.

*An in hoc casu religiosus sit proprietor, qui absque superioris licentia depositario præcipit, ut in hos, vel in illos usus pecuniam expendat?*

- R**ESPONDEO esse proprietarium. Et ratio est, quia hoc est exercere actum dominij.

QVÆ



## QVÆST. CXVII.

*An religiosus sit propriarius, qui volentem sibi aliquid donare, rogat, ut suis parentibus, aut consanguineis donet, aut si ipse religiosus talem eleemosynam accipiat, ut eam parentibus deferat?*

- R**ESPONDEO non esse propriarium, dummodo habeat animum non acquirendi dominium, neque ius aliquod, ut si dicat sic, ea re non indigeo, si tibi placuerit, gratum mihi facies, si dederis meis consanguineis. Ratio est, quia in hoc casu nullum actum dominij excedet, nam qui dat, non transfert dominium rei, sed solum eam per religiosum distribuit in aliquos usus. Secus quando religiosus expresse, vel tacite acceptaret, & peteret dari consanguineis, quia tunc cum religiosus acceptet, ipse reuera donat, licet per manum donantis, & cum absque licentia superioris donet, reus est voti paupertatis.

## QVÆST. CXVIII.

*An religiosus sit propriarius, qui absque superioris licentia reliquias sanctorum recipit?*

- R**ESPONDEO non esse propriarium. Ratio est, quia licet reliquias sanctorum sint magnæ æstimationis, non sunt tamen pretio æstimabiles. Secus si aliqua rescripta, seu aliud quod est æstimabile singulari

pretio, & interesse affectionis surriperet, quia tunc peccaret mortaliter contra paupertatis votum, cum obligatione restituendi. Quia res tanti valet, quanti ab eo æstimatur, qui habet rem. l. unic. C. de sent.

## QVÆSTIO CXIX.

*An Religiosus sit propriarius, qui sine licentia Prælati honores cupit, & habet?*

- R**ESPONDEO, non esse propriarium. Ratio est, quia non sunt pecunia æstimabiles, nec per votum paupertatis illis renunciauit, ut rectè docet D. Thom. 2. 2. quæst. 186. art. 7. ad 4. ex quo infert Caietanus posse religiosum absque nota proprietatis appetere, & obtinere honorem presbyteralem, & doctorem qui in premium virtutis, ac eruditionis confert solet.

## QVÆSTIO CXX.

*An religiosus sit propriarius, qui sine licentia superioris beneficia Ecclesiastica procurat, & habet?*

- R**ESPONDEO non esse propriarium. Et ratio est, quia beneficia sunt bona spiritualia, quibus religiosus per votum paupertatis non renunciauit. Ita Nauar. com. 2. de regular. nu. 2. & de redd. qu. 1. mon. 9. nu. 3. Quod arbitror verum quantum est ex parte

parte iurisdictionis, aut tituli ecclesiastici, nam habere, aut velle habere dominium fructuum beneficij est proculdubio vitium proprietatis.

---

### QVÆST. CXXI.

*An religiosus sit proprietarius, qui manu propria pecuniam, aut quippiam aliud pecunia æstimabile tangit?*

**R**ESPONDEO non esse proprietarium, si religiosus eius sit intentionis, ut nolit illius pecunie, vel rei dominium, aut possessionem, aut usum absque Prælati licentia acquirere, sed tantum intendat illam deferre ad suum superiorem, & cum eius consensu in suis necessitatibus ea uti.

---

### QVÆSTIO CXXII.

*An Franciscani de observantia qui manu propria denarios, vel pecuniam tangunt sint proprietarii?*

**R**ESPONDEO esse proprietarios. Quia id eis prohibetur in cap. 4. sue Regula ibi: *Præcipio firmiter fratribus omnibus univrsis, ut nullo modo denarios, vel pecuniam recipiant per se, vel per interpositam personam.* Dictum est firmiter, id est inviolabiliter, ita quod totus ordo non potest in hoc dispensare: licet tamen in extrema necessitate, quando alio modo vita corporalis servari non posset, nisi accipiendo, & contrahendo pecuniam, immò in hoc casu tenerentur recipere, & contrahere pecuniam per se, vel per alium, quantum requiritur ad providendum tali extremæ necessitati. Quod intelligitur de contrahatione,

& usu politico, quo pecunia tenetur, vel capitur tanquam pretium rerum. Unde tanquam rem aliam naturalem, naturaliter fratres Minores possunt eam contrahere, ut per modum devotionis, vel medicinz: immo eam deferre ad syndicum, qui debet eam secundum regulam distrahere pro necessitatibus ipsorum fratrum, nisi ex tali contrahatione probabiliter immineret scandalum, leu periculum alicuius.

---

### QVÆSTIO CXXIII.

*An consuetudo aliquid dandi, vel accipiendi sit tacita licentia excusans à vitio proprietatis?*

**G**RAFFIUS 2. p. decis. lib. 3. cap. 9. num. 4. negat hanc consuetudinem esse licentiam tacitam. Et probat, quia iure diuino ratione voti paupertatis tenetur absque superioris licentia ab his abstinere.

Cæterum solidum huius sententiz fundamentum non video, & ideo non placet. Quare dicendum est, quod quamvis verum sit, consuetudinem non valere, ut invito superiore religiosus aliquid det, vel accipiat. Quia hoc esset contra paupertatis votum iure diuino, & naturali obligans. At si in religione aliqua consuetudo vigeat aliquid dandi, vel recipiendi in consuetudine superiori, valebit utique, & excusabit religiosos; quia tunc adest licentia, & voluntas superioris præsumpta, explicata per consuetudinem illam in ea religione legitime præscripta & sic nihil recipitur, vel datur invito superiori, nec contra votum. Sed hæc consuetudo est iure optimo abrogata in consuetudine. Clem. VII. de qua infra dicemus.

O o o o

QVÆ

---

 QVÆSTIO CXXIV.
 

---

*An Religiosus qui nulla iusta causa ductus non acceptat rem donatam, peccet contra votum paupertatis?*

**R**ESPONDEO quod non. Et ratio est, quia religiosus per votum paupertatis non adstringitur ad acquirendum Monasterio, sed ad non alienandum: at peccabit contra charitatem tanquam absque causa impediens bonum monasterij, cui illa res, ipso acceptante, acquirenda erat.

---

 QVÆSTIO CXXV.
 

---

*An Religiosus qui scribit, aut recipit literas sine superioris licentia sit proprietarius?*

**D.** Bonauent. 1. d. spec. discipl. ad novitios cap. 4. Nauar. com. 2. de reg. num. r. 3. & Graff. 1. p. de off. lib. 3. cap. 5. tenent esse proprietarium, & probant ex cap. Non dicatis, ubi dicitur, esse grande peccatum accipere, vel dare literas sine licentia Prælati. Cuius ratio ea esse potest, quia receptio, & scriptio sunt pecunia æstimabilia: papyrus enim, in qua infcio superiore scribitur, vel scripta recipitur, est pecunia æstimabilis. Vnde D. August. in Regula cap. 2. 5. ait: *Quicumque autem in tantum progressus fuerit malum, ut occulte ab aliquo literas, vel quodlibet munus accipiat, si hoc ulro confiteatur, parcatur illi, & orietur pro illo: si vero reprehenditur, & conuincitur secundum arbitrium presbyteri, vel Propositi grauius puniatur.* Ex quibus verbis satis aperte colligitur D. Aug. non leue, sed magnum peccatum putare, si religiosus infcio Prælati ab aliquo recipit literas.

Cæterum mihi videtur dicendum, quod si charta literarum data, vel recepta adeo est inutilis, vt nil penitus valeat communi æstimatione, eius datio, vel receptio non est peccatum proprietatis, cum non sit appropriatio, vel dispensatio rei pecunia æstimabilis: si autem valet notabili pretio æstimatis saltem characteribus auratis, aut aliis imaginibus affabre depictis, & illustratis, eius datio, vel receptio erit peccatum mortale proprietatis: si autem charta cum scriptis, & depictis in ea, fuerit parui valoris, erit quidem peccatum proprietatis, sicut, & furtum pecunie similis valoris, sed non mortale.

Quæ doctrina locum habet secundum Nauarrum in literis, quarum datio, vel acceptio vergit in præiudicium religionis, vel Monasterij, & aliis literis, quæ continent impertinentia, & inutilia, non autem de literis necessariis, vel vtilibus, quas iuste secundum canones potest religiosus dare, vel accipere etiã renitente superiore, quales sunt illæ, quibus religiosus scribit ad superiores sui Prælati, vel denunciat eius delicta &c. Quod nobis videtur necessario affirmandũ. Quia cum nostra Regula ad maiorem paupertatis obseruantiam id clare præcipiat c. 54. dum ait: *Nullatenus liceat Monacho nec à parentibus suis, nec à quoquam hominũ, nec sibi inuicem literas, aut eulogia, vel qualibet munuscula accipere, aut dare sine præcepto Abbatis sui.* Et hæc obliget ad peccatum veniale, vt diximus in 6. lib. 9. non video qua ratione hi qui hæc faciunt infcio superiore, possint à peccato salte veniali grauissimo excusari.

---

 QVÆSTIO CXXVI.
 

---

*An Religiosus qui aliquid Prælati occultat, ne sibi auferatur, sit proprietarius?*

Respon

**R**ESPONDEO esse proprietarium, etiam si illud antea cum eius facultate obtinuerit. Ratio est, quia qui non habet animum proprium ad reddendū id quod habet, est proprietarius: at qui Prælato abscondit quod ad suū vsum deputatum habet, ne sibi auferatur à Prælato, non est paratus ad reddendū, vt constat, ergo est proprietarius.

Tum quia in iure idem est nolle aliquid facere, & fraude vti, vt id non fiat. Sed qui non vult resignare omnia, quæ possidet omni momento, quo superior iusserit, est proprietarius: ergo qui fraude, & occultatione vtitur, ne reddatur Prælato, quod petitur, erit similiter proprietarius.

**T**um quia vt ex Conc. Trid. decreto sess. 25. cap. 2. de reform. regularium, colligitur, omnia bona debent esse Monasterio incorporata, & Prælati administrationi subiecta: ille autem qui aliquid Prælato occultat, id ab eius administratione, & corpore communitatis seingit: ergo est proprietarius. Vnde D. BERN. serm. 48. ad sororem de modo viuendi: *Ergo si ancilla Dei (inquit) habet aliquid peculiare, vel absconditum, quod à cæteris ancillis Dei ignoratur, furtum est: peccatum furti est. Quare quia omnia habet in communi cum cæteris ancillis Dei, & quasi proprium sibi aliud abscondit, hoc furtum est. Hoc manifesta sitius est. Hoc grande peccatum est, hoc est ver inferni.* Et infra. *Ancilla Dei, qua semetipsam separat, aliquid quasi proprium abscondendo, conficiens est, vt separetur à consorcio cælestis vite.* Et in fine sermonis concludit. *Tu soror venerabilis, nihil celas, nihil abscondas, nihil apud te absconditum repinas in abscondito, nihil retineas apud te, nihil remaneat absconditum.* Et ideo ita tenent omnes Canonistæ, Turrecremat. Ioann. Andr. Arch. Gerson, Syluest. Cord. quos refert, & sequitur Mendoza in quod-

*lib. quest. 8.* Hoc idem sequuntur D. Anton. 3. p. ii. 16. cap. 1. §. 11. Roder. tom. 3. de regul. qu. 29. art. 10. Petr. Nauarr. lib. 3. de restit. cap. 1. num. 174. & Valent. 2. 2. diff. 10. qu. 4. p. 3. qui omnes vno animi consensu fatentur proprium dici, quidquid celes Prælatum, vel contra eius voluntatem tenes. Et Mart. Nauarr. conf. 71. de regul. refert in Constitutionibus Carthusianorū latam esse excommunicationem contra eum, qui animo occultandi ultra valorem trium solidorum teneat, vel donauerit.

Quam doctrinam censeo esse varissimam, quando religiosus celat, credens rem non occultatam fore sibi auferendam: secus quando probabiliter id non credit: aut celat, ne patiarur confusionem, videntē superiorem ea quæ possidet. Vel celat, ne à superiore reprehendatur, quod ex sola licentia tacita, aut credens superiorem non esse quoad rem acceptam inuitū, sed quoad solum fructum, acceperit. vel tandem abscondit, ne peccatum proprietatis, quod accipiendi inconsulto superiore commisit, non detegatur, habens propositum rem illam dimittendi, vel obtinēdi statim licentiam ad habendū, non manifestato suo peccato, tunc enim in his casibus non peccat nisi venialiter, si aliqui est paratus eā superiori tradere, quoties intelligeret eum ipsi minime concessurū vt rectē docent Petr. Nauarr. lib. 2. de rest. cap. 1. num. 171. Roder. tom. 3. de reg. 9. 29. ar. 5. & Mend. in suis quodlib. q. 8.

Quæ resolutio est valde notanda pro consolatione spiritali multorum religiosorū, qui sæpe ignorāter, aut inconsiderāter magis, quā animo deprauato, aut cupiditate recipiunt aliquas eleemosynas, & expendunt eas liberalius quam par est, putantes, quod non displiceret Prælatis, licet id scirent, quia tales non peccarent mortaliter.

5 Aduertant tamen religiosi tantquam serui Dei, ne illos decipiat amor proprius, aut aliqua extraordinaria cupiditas, vt putent non displicere Prælati supradictum, cum tamen summopere eis displiceat.

6 Hinc, si Prælati alicui religioso facultatem concesserit retinendi rem aliquam, & ipse eam recludit, vel apud familiares, vel consanguineos deponit, ne sequens Prælati videntem illam auferat, est proprietarius. Ratio est, quia eo ipso retinet rem independentem à voluntate superioris, ac proinde est proprietarius.

7 Nec obstat, quod hic à primo licentiam obtinuerit, vt occultè illam retineret. Quia ea non obstante potest idem superior, vel alius ad libitum reuocare, teneturque religiosus ex vi voti eam liberam reuocationem non impedire, impedit autem, quando rem celat, ne auferatur. Ita D. Ant. 3. p. 1. 16. e. 11. 8. 1. D. Bonau. in spec. disp. ad nouitios p. 1. e. 4. Less. lib. 2. c. 4. dub. 5. Syluester verb. religio 6. quest. 7. & Graff. 1. part. lib. 3. cap. 5. numero 48.

Hinc, si tempore visitationis, dum superiores scrutantur cellas religiosorum, ad inquirendum quid in cellis singuli habeant, aliquis fratrum occultet aliquos libros, imagines, vestes, & alia huiusmodi, quæ iuxta ipsius religionis conditionem, & dignitatem, superiores molestè laruri sunt, vt habeant, & ea ab illo sublati, peccat mortaliter, si tamen materia est notabilis; & per consequens proprietarius.

8 Hinc, religiosus qui dicit se animo esse paratum ad nutum superioris relinquere quod habet cum licentia, & tamen de Prælati conuenitur, vel murmurat, vel aliis modis nititur, ne sibi id quod habet per Prælatum auferatur, non est tu-

tus in conscientia, quia peccat lethaliter non solum ob scandalum, verum etiam ob votum paupertatis violatum, cum constet, licentiam illam esse coactam, magisque permissiuam, quam concessiuam, sicut multa mala fieri permittuntur, ne maiora committantur. Ita Petr. Naniar. lib. 3. de rest. cap. 1. num. 179. Less. lib. 2. cap. 4. dub. 5. Cordub. in Reg. B. Francisc. cap. 6. quest. 6. & 7. & Roder. tom. 3. de regul. quest. 29. art. 12.

Ex quo colligitur ratio, quare 9 clauium usus semper fuerit à Patribus condemnatus, quia si ex illo sequitur sepe Religiosus contra solemne votum paupertatis multa superioribus occultare. Vnde Hieron. in Regul. Monachor. cap. 4. ait: Sic, sic Apostolica sæmina proiicite peras, & sacculos, neque opus sit clauibus, ut iam ex ipsis monstratur exteriorum indicio, quod nihil habetur intrinsecum præter Iesum, quod nihil est clausum eius, quod est datum vñbus omnium. Et Cassianus lib. 4. cap. 15. sua tempora deplorat, eo quod inter religiosos hic fuerit abusus propter auariciam introductus.

## QVÆSTIO CXXVII.

An Religiosus, qui contra Regulam, aut constitutiones aliquid apud se retinet, etiamsi id faciat de superioris licentia, sit proprietarius?

M AIOR in 4. distinct. 38. quest. 1. 9. affirmat hunc esse proprietarium. Cui subdubius videtur accedere Azor. lib. 12. cap. 12. Et ratio.

tio est, quia quicumque rem aliquam habet, vel dispensat absque superioris licentia est proprietarius. At hic est huiusmodi, cum retineat, vel dispenset contra suam Regulam, aut constitutiones: ergo est proprietarius.

2. Ceterum mihi videtur dicendum sic. Vel Prælatus possit in ea Regula, vel constitutionibus dispensare, adscitque iusta causa dispensandi, vel non. Si primum, nullum peccatum proprietatis committit. Si secundum, est contra paupertatis votum, quia tunc retinetur, vel dispensatur res absque legitima licentia.

### QVÆSTIO CXXVIII.

*An Religiosus sit proprietarius? qui contra suas constitutiones recipit iustum stipendium pro predicationibus, confessionibus, aut missis? &c.*

1. **E**T quidem nonnullis videri potest, quod non, supposito quod in religione, constitutiones illæ non obligent ad culpam.

2. Sed probabilior mihi videtur sententia Molinæ tom. 3. de iust. disput. 687. Roder. tom. 3. de regul. quest. 29. art. 13. & in sum. part. 2. cap. 31. num. 16. & aliorum qui existimant hunc religiosum esse proprietarium, facit enim contra votum paupertatis: ex quo enim in professione promisit vivere sine proprio, capiens dictum stipendium inuito superiore committit actum proprietatis, licet non detineat dictum stipendium in sua potestate. Quod est verum, etiamsi talis religiosus licentiam habeat aliquid accipiendi, & dispensandi ad usus pios. Et ratio huius est, quia non so-

lum ad votum paupertatis pertinet quod subditus non habeat pecuniam aut aliquid ea æstimabile, sed etiam quod hoc, vel illo modo in suis constitutionibus prohibito non acquirat. Vnde Religiosus dum vouet paupertatem iuxta suas constitutiones, eodem actu vouet, non modo à pecunia accipienda, sed etiam ab hoc genere accipiendi abstinere. Vnde non eo ipso, quod Prælatus dispensat, vt habeat pecuniam pro suis necessitatibus, censendum est dispensare in modo acquirendi, qui est contrarius non solum obedientiæ, sed etiam latitudini voti paupertatis eiusdem religionis.

### QVÆSTIO CXXIX.

*An in hoc casu talis religiosus teneatur sic acceptum restituere?*

**P**ETR. Nauar. lib. 3. de restit. cap. 1. p. 3. num. 179. & 180. Henric. lib. 9. de Euch. cap. 22. num. 3. & Roder. 2. p. sum. cap. 31. num. 17. censent non teneri, sed posse illud retinere, & in usus sibi necessarios, & ad pias causas expendere. Ratio est, quia cum talis religiosus licentiam superioris habeat aliquid accipiendi, & disponendi, non tenetur sic acceptum superiori tradere, neque ei, qui dedit, cum illi non faciat iniuriam, suis enim labor illud valet: licet enim peccauerit contra religionem, violando votivam paupertatem, non tamen peccat illud retinendo: quod si ea licentia careat, tenetur id superiori tradere, sicut alia per ipsum acquisita.

At multo probabilius est, hunc teneri sic acceptum restituere, non qui-

dem propriè, & in rigore, cum talis acceptio non sit contra iustitiam, eius transgressio sola ad restitutionem obligat, sed ex voti obligatione. Et ratio est, quia sicut qui vult se seruorum gratis hospitali, & prætium recipit, tenetur prætium reddere, non ex lege iustitiæ, sed ex vi voti, quod adhuc impleri potest, reddito enim prætio danti, seruitium fit gratis, sicut votum obligat. Sic religiosus ille, cum ex vi voti in professione emissi teneatur gratis celebrare, si prætium recipiat, ultra peccatum mortale sacrilegij, quod accipiendo committit, tenetur ex vi voti illud reddere danti, cum adhuc votum implere possit: reddito enim: prætio, vere gratis illa sacra faciet.

---

### QVÆSTIO CXXX.

*An talis Religiosus possit pacisci, ut quis des elemosynam pauperi, & ipse faciat sacra?*

**R**ESPONDEO non posse. Ratio est, quia reuera hic pecuniam illam suo sacro sibi acquirit, & dat pauperi, & ita non potest dici gratis facere sacra illa prout sua regula, vel constitutiones requirunt. Ita Roder. 10. 3. de regul. q. 29. ar. 13. & p. 2. sum. cap. 31. n. 3. & Petr. Nauar. lib. 3. de rest. c. 1 p. 3. dub. 2. n. 170.

**2** Hinc, si alter libere triginta argenteos huic religioso tribuat, non est proprietarius, si hic mere gratis promittat triginta sacra. Quia reuera hæc omnia gratis dantur. Et eadem ratione si absque pacto religiosus hic promittat sacra, & ille alter in signum gratitudinis tribuat libere illi pecuniam, non est proprietarius, supposi-

to quod habet licentiam aliquid accipendi in elemosynam.

---

### QVÆSTIO CXXXI.

*An Religiosi, qui ratione sua Regula, vel constitutionum incapaces sunt hereditaria successione, si eam contra regulam, vel constitutiones capiant, sint proprietarii, & teneantur in conscientia bona sic acquisita reddere?*

**R**ESPONDEO eos esse proprietarios. Ratio est, quia ipsi promiserunt seruare paupertatem secundum constitutiones, at una earum est, ut hereditatem non capiant: ergo si illam capiunt, votum paupertatis violant.

Deinde, qui aliquid sine iusta licentia recipit, est proprietarius, at in hoc casu Religiosi talem hereditatem acceptantes, illam sine iusta licentia recipiunt: ergo sunt proprietarii, & peccant etiam contra iustitiam, ledentes ius tertij, ad quem hereditas illa de iure spectat. Ita D. Anton. 3. p. 1. 16. c. 1. §. 12. & Petr. Nauar. lib. 3. de rest. cap. 1. n. 185.

---

### QVÆSTIO CXXXII.

*An qui absque expressa, vel tacita superioris licentia ludis, sit proprietarius, & lucrans teneatur restituere?*

**E**T quidem certum est, eum esse proprietarium, si absque vlla superioris licentia aliquid ludis, cum nihil habeat; ac proinde luerantem teneri in hoc casu restituere ut recte docet

docet D. Thom. communiter receptus 2.2. q. 3. ar. 7.

### QVÆSTIO CXXXIII.

*Sed tota difficultas consistit quando Religiosus de licentia superioris ludit?*

1 **A**LPHONSVS à Castro lib. 2. de leg. imper. cap. 2. affirmat eum esse proprietarium, quamvis Prælatus sit, bonorumque administratione potitur, & teneri lucrantem restituere. Quia cum ludere sit actus veri domini, & superiores Religionis non sint veri domini, sed administratores, nequibunt ludere, nec licentiam ludendi concedere.

2 **C**ontrarium tamen arbitror esse dicendum. Ducor, quia inter licitos, & honestos usus, ad quos Religiosus potest res monasterij expendere, computatur quædam honesta ludi recreatio: ergo ex præsumpta, aut expressa superioris licentia integrum est Religioso gratia honestæ recreationis quantitatem aliquam moderatam ludere exponere. Et ideo ita tenent Maior in 4. d. 18. q. 13. Ledesma, 2. p. 4. q. 15. ar. 5. & Alcozer lib. de ludo cap. 11.

### QVÆSTIO CXXXIV.

*An Religiosus qui nequit ludo perdere, possit lucrari?*

1 **N**AVARR. cap. 20. nu. 12. & Tolet. lib. 5. cap. 27. n. 8. affirmant, nisi Religiosus falso dicendo se facultatem habere perdendi, alium ad ludum alliciat. Quia tunc totum, lucri factum tenetur restituere.

At contrariū est asserendum. Quia inter ludentes æqua debet esse conditio. Et ideo ita sentiunt Sot. lib. 4. q.

5 ar. 2. Henric. lib. 7. de indulg. c. 35. n. 6. Valent. 2. 2. d. 5. q. 6. p. 5. Mol. tom. 2. d. 519. & Roder. p. 1. sum. c. 189. n. 3.

Hoc tamen limitant Henriquez, & Roder. nisi colludens cum Religioso norit eum esse ad pendendum impotentem, quia scienti, & volenti non fit iniuria.

Sed hæc limitatio displicet, quia cum colludens desiderio ludi attractus voluerit ludere, non est censendus velle iuri suo cedere, ut velit perdere, non autem lucrari. Sicut emens maiori pretio, quamvis sciens, & prudens, non videtur cedere iuri suo, ut vendens restituere liberetur, nisi ex coniecturis constet alterum voluisse donare, ut rectè Rebell. de iust. p. 2. lib. 12. q. 4. sect. 1. n. 4. annotauit.

Quod iure optimo conicitur, quando colludens nouit alterius impotentiam, & non lucrandi, sed recreationis gratia ludit, nec res est magni momenti.

### QVÆSTIO CXXXV.

*An Religiosus sine licentia expressa superioris possit aliquid recipere?*

1 **A**D hoc dico primò, quod Religiosus dum peregrinatur à monasterio, habet tacitam facultatem recipiendi quidquid sibi oblatum fuerit in elemosynam. Ratio est, quia in hoc casu ius Prælati non lædit, sed potius utilitati Monasterij consulit: tenebitur tamen postea cum peruenit ad Monasterium, acceptum manifestare Prælato.

Secundò dico, quod Religiosus dum est in Monasterio potest citra mortale recipere à secularibus aliqua munera electuariorum, vel confectio- num cordialium, bina vascula, vel par per



perdicum, vel gallinarum, vel aliquid huiusmodi. Quia circa hæc superiores non sunt admodum inuiti. Ita Lopes p. 1. inst. confess. ca. 6.

- 2 Quæ resolutio non habet locum in nostra Congregatione, in qua Regula sanctissimi Patris nostri Benedicti strictissime obseruatur. Ibi enim cap. 54. sic habetur: Nullatenus liceat Monacho nec à parentibus suis, nec à quoquam hominum, nec sibi inuicem litteras, aut eulogia, vel qualibet munuscula accipere, aut dare sine iussione Abbatis sui. Quod si etiam à parentibus suis ei quicquam directum fuerit: non presumat suscipere illud, nisi prius indicatum fuerit Abbati.

- 3 Tertiò dico quod in religionibus reformatis, ubi superiores ordinant sub obedientia, pro obseruantia regularitatis, quod subditi non possint recipere quicquam sine licentia expressa superioris, peccat contra paupertatis votum, qui recipit aliquid sine tali expressa licentia, licet videatur illi, quod factus certior superior dabit dictam licentiam. Ratio est, quia si licentia tacita admitteretur in hoc casu in his Religionibus tam reformatis aperiretur porta per quam facile intraret relaxatio. Si verò necessitas esset vrgens, & superior longè distaret, tunc (ni fallor) non esset tale peccatum mortale recipere, aut expendere aliquid sine dicta expressa licentia Prælati, quia statuta Religionum debent esse rationabilia, & plena potius charitatis, quam rigoris, & ita debet præsumi, quod huiusmodi statuta sint.

#### QVÆST. CXXXVI.

*An religiosus qui ex his, quæ proprio labore, vel industria Mona-*

*sterio acquirit, aliquid assumit sine Prælati licentia, sit proprietas?*

RESPONDEO esse proprietas. Et ratio est, quia omnis religiosorum labor in Monasterij cedit utilitati; & quidquid Religiosus acquirit, Monasterio acquiritur; ergo ex labore suo nihil potest sibi applicare, hoc enim faciendo, furtum committit. Vnde D. August. serm. 1. ad fratres in eremo: Nemo ex opere suo sibi aliquid appropriat, Apostolicam enim vitam optamus vivere. Si quis autem contra fecerit, furis iudicio condemnabitur. Et in Regula prima cap. 27. Ita sancti, ut nullus sibi aliquid operetur, sed omnia opera vestra in unum fiant.

Hinc, Religiosus ex his, quæ sua industria, vel arte acquirit, non potest sine Prælati licentia quicquam in alium transferre v.g. coronas, crucēs &c. Quia cum quidquid acquirit Religiosus, Monasterio acquiritur, consequens est nihil posse de illis, alijs donare sine consensu superioris.

#### QVÆST. CXXXVII.

*An religiosus possit sibi retinere inuenta?*

RESPONDEO non possit. Ratio est, quia qui abdicauit se per votum paupertatis quocunque dominio, se etiam abdicauit titulis dominij, quorum vnus est ius inuentionis, & ita nec aliquo titulo potest quicquam possidere, aut præscribere, poterit tamen Monasterium, si possidet bona in communi inuenta retinere.

QVÆ

## QVÆSTIO CXXXVIII.

*An Religionum Prælati possint  
facere donationes?*

- 1 **N**ON disputamus modo, an iuxta constitutionem Clementis VIII. Religionum Prælati possint facere donationes, quoniam dicta constitutio, de qua inferius disputabimus, aperte declarat quid possint Superiores Regulares, quid item Religiosi priuati donare, & continet formulam, quam prædicti seruare tenentur in rebus donandis. Quod ergo quaerimus est, an iure communi Religionum Prælati possint aliquid donare?

Et quidem certum est, eos posse donationes remuneratorias facere, dummodo ex moderata sint.

## QVÆST. CIXL.

*Sed totum controuersia disfidium  
versatur de donationibus me-  
rè liberalibus?*

- 1 **N**AVAR. cap. Non dicatis nu. 23. & conf. 75. de Regul. negar.  
2 Sed contrarium est longè verius, arque tenendum. Probat, quilibet Religiosus vt testatur etiam Nau. dicto cap. Non dicatis nu. 11. factus Abbas, vel Prior alicuius Monasterij, est beneficiarius, nam Abbatia, Prioratus, & Præfecturae aliæ sunt propriè beneficia ecclesiastica, vnde iure communi generalitèr facultatem habet disponendi de bonis Monasterij, nisi aliunde prohibeatur. Ergo sicut alij beneficiarii possunt huiusmodi donationes ex mera liberalitate, & amicitia facere, idipsum poterunt Religionum Prælati, nisi suorum ordinum statutis prohibeantur.

Hinc, Religionum Prælati possunt donationes facere non solum ad remunerandum alicuius obsequium, aut ad retinendum in amicitia, de suis Monasteriis bene meritos, sed etiam ad aliorum animos conciliandos, vel ad alios fines honestos, & licitos iuxta facultates Monasterij, & spectatis cæteris circumstantiis concurrentibus, atque seruatis ordinum Decretis circa quantitatem, aut modum. Et idem dicendum de Suppriori, cui in absentia Prioris commissæ est cura Monasterij, si aliunde eius potestas non limitetur. Et ideo ita tenent Molin. tom. 2. d. 206. & Lop. op. 55. & 56.

Verùm inter Prælatos non reperi-  
ri æqualem in dispensandis bonis Monasterij facultatem, nam penes Prouincialem maior residet potestas, quam penes Priorem, & penes Generalem plenior, & vberior, quam penes Prouincialem. Ratio huius est, quia sicut Episcopi ratione status, & vberiorum fructuum, maiora possunt donatiua facere, ita Generales, & Prouinciales qui in religione sunt veluti Episcopi proportionaliter maiorem habent auctoritatem aliis inferioribus Prælati, vt rectè Nauar. lib. 3. de restit. cap. 1. nu. 183. annotauit.

## QVÆSTIO CXL.

*An Monasterij Prælatus habens  
iuxta ordinis statuta faculta-  
tem donandi vnum aureum,  
possit absque vitio proprietatis  
plures donationes facere, quasi  
simul sumpta quantitatem sibi  
prescriptam excedunt?*

**R**ESPONDEO posse, dummodo  
huiusmodi donationes in frau-  
dem

dem legis non fiant, quod tunc contingit, quando Prælati videns v. g. decem autcos vnica vice se non possit donare, decem donationes facit, donando singulis vicib. vnum aureum.

## QVÆSTIO CXLI.

*An Religiosus sine licentia Prælati, possit extraneis aliquid donare?*

**I**N qua re certum est, religiosum cuiuscumque ordinis, non posse aliquid donare ad vsus illicitos, & inhonestos. Ratio est, quia cum nihil possit religiosus dispensare, nisi de licentia sui superioris, numquam potest præsumi eam extendi ad illicitas, & inhonestas donationes, cum nec debeat, nec possit Prælati præbere huiusmodi facultatem subditis, cum potestas ipsius non in destructionem ei fuerit concessa. Ita Molin. 10. 2. de iust. disp. 276.

## QVÆST. CXLI.

*Sed quod in dubium vertitur est: An Religiosus sine licentia Prælati possit aliquod extraneis donare in vsus licitos & honestos?*

**R**ESPONDEO non posse. Et ratio est, quia cum religiosus nullius rei dominium habeat, nihil donate potest extraneis sine licentia superioris. Et est conclusio definita in cap. Non dicatis, vbi sic habetur: Certum est religiosos nihil habere, possidere, dare, & el accipere sine superioris licentia debere. Quod est verum etiam si donet aliqui rebus quæ ad proprios vsus sibi à

superiore concessa sunt. Quia cum religiosus solum facti vsum habeat, non potest vsum rei alteri concedere, quia hoc non est vsuarij, sed vsufructuarij. Vnde Basil. in quest. breuior. q. 87. Dare, inquit, non cuiusvis est, sed eius, qui dispositionem sibi commissam habet. & Ds Benedictus c. 33. sue Regule: Præcipue, ait, hoc vitium radicatus amputandum est, ne quis præsumat aliquid dare sine iussione Abbatis. Et ideo ita sentiunt Mol. tom. 2. d. 276. Valent. 2. 2. d. 10. question. 4. par. 3. & Roder. tom. 3. regul. question. 29. art. 10.

## QVÆSTIO CXLI.

*An Religiosus qui sine consensu superioris aliquam rem donat extraneis peccat mortaliter, & su proprietarium?*

**R**ESPONDEO eum peccare mortaliter, & esse proprietarium. Et ratio est, quia cum religiosus nihil proprii habeat, dando aliquid sine licentia Prælati contra iustitiam peccat, cum rem alienam inuito domino distribuat, & deinde committit peccatum proprietatis, rem illam sine superioris facultate dispensando.

Hinc, qui absque superioris licentia aliqua sibi bona post professionem legata parentibus, vel amicis cedit, peccat mortaliter contra votum paupertatis. Quia quidquid post emissam professionem obuenit religioso, totum acquiritur Monasterio; vnde tenetur admonere eos quibus prædicta bona cessit, vt quantum restituunt monasterio quæ ipsi malè acceperunt, & ille malè cessit.

QVÆST.

## QVÆSTIO CXLIV.

*An Religiosus possit sine licentia  
Pralati aliquid dare alteri  
religioso eiusdem  
Monasterij?*

**R**ESPONDEO non posse. Et ratio est, quia qui rem aliquam donat sine consensu superioris furtum committit, & actum dominij exercet, quorum utrumque illi vetitum est, ut constat. Et est conclusio definita in cap. Non dicatis, ubi sic habetur: *Quod si quislibet fratrum cuiquam aliquid offerre voluerit, primò quidem Priori insinuetur, & sic suscipiatur.* Vnde sanctus Benedictus in sua Reg. capit. 33. *Præcipuè hoc vitium radicibus ampuetur de Monasterio, ne quis præsumat aliquid dare, aut accipere sine iussione Abbatis.* Et Divus Bonavent. in spec. discip. tom. 2. cap. 4. ait. *Proinde fratres nullatenus sine licentia superioris neque à se inuicem, neque à fratre rem aliquam accipere, aut dare attentent.* Et ideo ita tenent Cordub. in sum. quest. 109. & Roder. 10. 3. de reg. 9 29. ar. 10.

**H**inc, non est audiendus Roder. part. 1. sum. capit. 90. num. 11. qui ait non peccare religiosum qui absque licentia dat religioso eiusdem Monasterij librum valentem quinque aureos, nisi credatur religiosum cui dat, malè expensurum, quia cum maneat liber ille in illo Monasterio, præsumitur fore, ut superior non sit iniurius. Non est inquam audiendus, quia saltem ea donatio displicebit quoad modum, & sic non liberabitur donans culpa venialitatis non erit mortale propter paruitatem materię, cum res illa in eodem Monasterio maneat, nisi

prudenter credatur, superiorem fore notabiliter inuitum tam quoad rem datam, quam quoad modum.

Hinc, qui de rebus ad vsum sibi concessis, absque superioris licentia legant suo Monasterio, vel alteri ecclesiæ extra ordinem aliquam pecuniæ summam, hoc pacto, ut pro eorum animabus fiant tot anniuersaria, vel emunt calices, vel paramenta pro ornamento altarium, vel alias dispositiones faciunt, pro libito suæ voluntatis, peccant mortaliter contra votum paupertatis. Ratio est, quia si verum est, ut verissimum, quod religiosus non habet velle, nec nolle, & quod non est dominus vestis, qua induitur, nec panis, quo vescitur, sic, quod absque licentia eius, qui possidet super eum, non possit de peculio sibi concessio hoc modo disponere.

## QVÆSTIO CXLV.

*An Procuratores, seu cellerarij, & quotquot alij qui bona Monasterij administrant, possint absque licentia Pralati aliquid donare?*

**I**N qua re conuenit inter omnes, eos non posse aliquid donare in profanos, & illicitos vsus; quod si id facere tentauerint, factum erit nullum, & accipiens tenebitur acceptum restituere Monasterio. Molina tom. 2. d. 170.

## QVÆSTIO CXLVI.

*Sed dubium est de donationibus ad  
pias causas?*

**R**ESPONDEO non posse. Ratio est, quia qui inconsulto superiore aliquid donat etiam ad pias causas, est  
P p p p 2 pro

propriarius, cum exerceat actum domini, & disponat de rebus Monasterij, ac si esset dominus. Quare cum Procurator, seu cellerarius talem licentiam non habeat, vt suppono, peccabit non aliter, ac quicumque alius particularis Religiosus, etiam si in bonum Monasterij cedat talis donatio, vt si sibi, vel alij religioso librum emat, tunicam, vel femoralia. Vnde D. Basil. in *quest. comp. explicat. quest. 144.* vbi de Monasterij officialibus & de cura ab illis in bonorū administratione exhibenda loquens: *Qui abutitur, inquit, velut sacrilegus indicetur.* Et Diuus Benedict. *cap. 31. sua regula* de cellerario loquens, ait: *Sine iussione Abbatis nihil faciat.* Et infra: *Neque auaritia studeat, neque prodigus sit, & extirpator substantia Monasterij, sed omnia mensurate faciat, & secundum iussione Abbatis sui.* Diuus quoque Bonauent. in *spec. discipl. 1. part. capit. 4.* de eisdem verba faciens, docet omnia quæ ab illis dantur, danda esse veluti nomine Prelati: *Vis dent quidem, ait, non secundum propriam voluntatem, sed prout sibi à superiore fuerit constitutum.*

Hinc, Procuratores, seu cellerarij qui in alios vsus præter deputatos à superiore, quantumvis illi liciti sint, & Monasterio viles; rem expendant absque expressa, vel tacita superioris licentia, peccant mortaliter, contra votum paupertatis. Et ratio est, quia exercent actum domini, exceduntque administrationis sibi commissæ limites. Et ideo ita sentiunt D. Tho. 2. 2. *quest. 32. art. 8. ad 1.* D. Anton. 3. *part. tom. 16. cap. 1. §. 11.* Syluest. *verb. religio 6. num. 7.* Less. *libr. 2. cap. 41. dub. 9.* & Rodet. *tom. 3. de regn. question. 29. artic. 10.*

## QVÆSTIO CXLVII.

*An Religiosi qui Monasterio quantum ad proprietatem acquirunt, sibi vero quantum ad commoditatem, & liberum bonorum usum, quales sunt qui extra claustra Monasterij per totam vitam viuunt, possint donationes ad pias causas facere?*

Ad hoc dico primò quod Religiosi qui ex priuilegio Pontificis, vel superiorum extra Monasterium in perpetuum commorantur, cēsentur eo ipso habere facultatem administrandi bona, quæ sua industria, & labore acquisierint, & de illis disponendi etiam per donationes suo statui congruentes vt optime resoluit Molina 10. 1. de iustitia disp. 140.

Dixi notanter, *qua sua industria*, nam si ex annua pensione sibi à Monasterio concessa sustententur, non præsumitur huiusmodi licentia, nisi exprimatur.

Secundò dico, quod Religiosi beneficia ecclesiastica, aut pensiones habentes, qui non sibi, nec Monasterio, sed ecclesiæ dominium bonorum sibi obuientium acquirunt, possunt proculdubio, de illis ad honestam sustentationem sui, & ad pias causas, & donationes honestas dispensare. Ratio est, quia omnis titulus canonicus beneficij præbet facultatem disponendi de eius fructibus in suum commodum, & honestam sui sustentationem, & ad pias causas, qui enim est administrator beneficij, est etiam administrator fructuum. Et ideo ita sentiunt Nau. *com. 2. de reg. n. 10. & com. 4. n. 68.* Mol. *10. 1. d. 276. & 10. 1. d. 140.* & colligitur ex Clem. 2. §. *sed & talis de vita, & honest. cler.*

QVÆ

## QVÆSTIO CXLVIII.

*Sed dubitabit aliquis hoc loco: An idem censendum sit de religioso à religione expulso?*

- 1 **R**ESPONDEO idem prorsus dicendum est. Et ratio est, quia hic exemptus est ab obedientia Prælati.

## QVÆSTIO CXLIX.

*Quid nomine honesta sustentationis hoc loco intelligatur?*

- 1 **R**ESPONDEO nomine honestæ sustentationis comprehendendi non solum ea quæ ad se, suamque familiam alendam sunt necessaria, verum etiam illa quæ ad moderata conuiuia pro sui status qualitate consanguineis, & amicis aliquando exhibenda, & ad hospites excipiendos, non solum quando ad id lege, & iure cogitur, verum etiam quando sola humanitate, & urbanitate ad id tenetur.

- 2 Deinde appellatione quoque honestæ sustentationis intelligitur non solum donationes remuneratoriæ, sed etiam merè liberales, dummodo moderatæ sint iuxta conditionem, ac statum donantis, alioquin cederent in detrimentum piorum operum, in quæ tenetur expendere ea quæ ultra suam congruam sustentationem religiosus de fructibus beneficii percipit. Ita Nau. in apolog. q. 1. monit. 82. num. 9. & Molina tom. 1. disp. 145.

- 3 Hinc Religiosus beneficiarius qui fructus beneficii in usus prophanos, vel ad ditandos consanguineos, aut amicos expendit, peccat mortaliter contra votum paupertatis. Et ratio est,

quia facit contra Concilij Tridentini præceptum sess. 25. cap. 1. de reformat. & hoc in re graui.

## QVÆSTIO CL.

*An Religiosus habens peculium possit absque superioris consensu quicquam expendere in eleemosynas?*

**E**T quidem certum est, superiores Monasteriorum tam ex superfluis monasterij, quam de competentibus ad statum posse in vita, ac debere facere competentes, & moderatas donationes ad causas pias, & in eleemosynas, quas recta eorum bonorum administratio postulat, vt cum communi tenet D. Thom. in 4. dist. 15. quest. 2. artic. 5. quest. vltim. & Mol. tom. 2. d. 276.

Dixi (in vita) quia in morte non possunt etiam ad pias causas quippiam legare sine licentia Papæ.

Et idem dicendum est de religiosus exemptis de quibus supra locuti sumus, nam si hi possunt expendere in usus licitos, & honestos, à fortiori in eleemosynas.

## QVÆSTIO CLI.

*Sed dubium est de simplicibus religiosis in Monasterio degentibus: An videlicet possint donationes ad causas pias & in eleemosynas facere absque tacita aut expressa superioris licentia?*

**R**ESPONDEO non posse. Ratio est, quia religiosus respectu bono

bonorum Monasterij est tantum vsuarius, ac proinde non potest de rebus sibi concessis aliter disponere, quam fuerit sibi permillum de licentia Prælati. Quod est ad eodẽ verum, quod rem quam tenet iussam dari pauperibus non potest dare sine consensu Prælati, vt colligitur expressẽ ex Clement. 2. §. *sed & tales*, Vbi habetur, quod simplex religiosus non potest erogare pauperibus suum epitrogium nimum breue, quod illa Clemens iubet ei erogare. Nauarr. *comment. 2. de regul. n. 8.*

## QUESTIO CLII.

*An Procuratores, vel cellerarij possint absque superioris licentia eleemosynas elargiri?*

**R**ESPONDEO non posse. Ratio est, quia cum hi non sint superiores, sed solum ex superiorum commissione administrationem habeant, nil aliud possunt in eleemosynam, aut aliam iustam donationem, aut alienationem, expendere, quam id quod à superioribus illis commissum est. Et ideo ita tenet D. Thom. 2. 2. *question. 32. artic. 8. ad 1.* vbi sic ait: *Monachus si habet dispensationem à Prælato commissam, potest eleemosynas facere de rebus Monasterij, secundum quod sibi est commissum.* Et D. Anton. 3. *part. tit. 16. cap. 1. §. 11.* ait: *Religiosus de concessis bonis ad usum, nihil potest donare etiam eleemosynaliter: nec de eo quod acquirit per industriam aliquam, nec de bonis paternis, quando sibi committitur ad usum, etiam si fieret procurator, quia omnia sunt Monasterij, vt dicitur 1. 2. q. 1. c. 1. Non dicaris, nisi super hoc beneat licentia dari dandi, & tunc bene utitur, alias dissipatio erit.* Hoc idem docet Nau. *com. 2. de regul. n. 8. & 9.*

Ex licentia tamen Prælati probabiliter præsumpta tuta conscientia possunt religiosi omnes secundum statum paupertatis, & consuetudinem illius Monasterij eleemosynas elargiri, nec opus est licentiam absque dubio præsumi, vt rectè notauit Molina *tom. 1. d. 276.* sed satis est, ac sufficit, si probabiliter præsumatur, vt in propriis terminis docet D. Thom. 2. 2. *question. 32. artic. 8. ad 1. & 2.* Sine tamen tali licentia rationabiliter præsumpta nullas possunt facere eleemosynas.

Hinc cellerarij possunt eas eleemosynas, aut donationes facere, quas eiusdem religionis cellerarij consueverunt. Et ratio est, quia superior committens officium, censetur eo ipso committere consuetudinem exerceri per cellerarios in ista religione. Ita Azor. *lib. 12. cap. 10. quest. 3.*

Hinc simplices Religiosi qui faciunt eleemosynam de rebus Monasterij sine licentia expressa, vel præsumpta superioris peccant mortaliter contra votum paupertatis, & recipiens eleemosynam, eam tenetur restituere, cum sit facta de re aliena inuito domino. Præsumpta autem licentia inuenitur, quando alij religiosi simplices faciunt aliquas eleemosynas panis, & vini scientibus suis Prælati, & non contradicentibus: Et si superiores interdicanthi eleemosynas elargiri, non videntur interdicare moderatas, & consuetas, sed tantum videntur velle, ne modum excedant, sicut de vxore, cui eleemosynas vir interdicit, testatur communis Doctorum opinio. Ita Roder. 2. *tom. regular. question. 57. artic. 2.* vbi bene ait, Prælati has quoque eleemosynas expressẽ prohibentibus, teneri religiosos obedire.

\*\*\*

QVÆ

## QVÆSTIO CLIII.

*An sint aliqui casus, in quibus liceat religioso, inconsulto superiore eleemosynam erogare?*

**R**ESPONDEO quod sic. Primus est, cum pauper eget extreme, nec aditus patet ad superiorem. Quia hic adest tacitus præcepto naturali diuino debitus superioris consensus.

**2** Dixi notanter ( *nec aditus patet ad superiorem* ), quia si superior absque moræ periculo possit adiri, eius ipsius licentia petenda est. Quia cum superioris sit bona administrare, possitque adiri, ad eum recurrendum est, ut subueniat; quod si nolit, potest, & renetur eo inuito, illi subuenire, quia in hoc casu propriè non dat, sed reddit, quod est indigentis in extrema necessitate, in qua omnia sunt communia. *Nauar. cap. 17. num. 105. & Roder. tom. 2. de regul. quest. 57. artic. 2.* Si autem in hoc casu licentia non peteretur, non esset religiosus ille reus fracti voti, quia adest debita superioris licentia, peccaret tamen venialiter, quia contra debitum superioris administrationis modum facit.

Secundus casus est, quando pauper graui necessitate laborat, nec facile patet recursus ad superiorem, tunc enim adest præsumpta superioris licentia, ut illi subueniat. Ita D. Thom. in 4. d. 15. *quest. 2. artic. 5. quest. 4.* *Nauar. cap. 17. num. 105. Roderic. tom. 2. de Regul. quest. 57. artic. 2. & Tolet. de 7. peccatis capitalibus cap. 28. num. 1.*

**3** Tertius casus est, quando Religiosus cum debita superioris licentia moratur extra Monasterium, studiorum, aut alterius honesti negotij causa, tunc de suo viatico, & ex his, quæ sibi sunt in propriam sustentationem assignata, vel accepta in via, potest eas

eleemosynas largiri, quas alij eiusdem ordinis, & conditionis erogare solent. Ratio est, quia pietas, & licentia se sustentandi ad id etiam videtur se extendere de licentia tacita, siue præsumpta Prælati. Ita Valent. 2. 2. d. 10. *quest. 4. part. 3.* Molina *tom. 2. de iust. disp. 276.* Azor. *lib. 12. cap. 10. question. 3.* & Less. *lib. 2. cap. 18. dub. 11. num. 85.*

Quare non approbo quod Nauar. **4** *comment. 2. de Regul. num. 8.* ait posse huiusmodi Religiosum tantam quantitatē dare, quantum alij scholares seculares, & peregrini solent. Sed melius dicendum est, quod alij eiusdem ordinis, & conditionis Religiosi erogare solent. Quia cum seculares paupertatem minimè proficiantur, possunt maiorem summam pauperibus erogare, quam Religiosi, qui voto paupertatis adstringuntur.

Quartus casus est, quando Religiosus aliquid sibi subtrahit de his, quæ ad suum victum, & vestitum illi traduntur, potest enim id in eleemosynas erogare. Sic Valent. 2. 2. d. 10. *quest. 4. part. 3.* & Roder. *tom. 2. de Regul. q. 29. artic. 10.*

Verum hunc casum negat Azor. *lib. 12. cap. 10. quest. 3.* & probat quia non est eadem ratio in hac parte, sicut de filio familias, aut seruo; nam Religiosus non solum acquirit Monasterio, sed etiam suam voluntatem superiori plenè subiectam habet.

Cæterum prior sententia mihi **6** prior videtur in casu quo certa summa pecuniæ assignatur Religioso ad sui sustentationem, eo pacto, ut nihil amplius teneatur Monasterium ei dare, nec ipse rationem reddere, sed ut suo damno, vel commodo eam expendat. Et ideo ita tenent Nauar. *comment. 2. de Regul. numer. 8.* Molina. *tom. 2. de iust. disp. 276.* & Arag. 2. 2. q. 32. *artic. 8.*

Quintus



- 7 Quintus casus est, quando Religiosus habet administrationem alicuius villæ, ea lego, vt quotannis certam quandam pensionem Monasterio soluat, & cætera vsui suo cedant: hic enim soluta pensione, de reliquo poterit exponere in eleemosynam, & alia opera pia eo modo, quo posset ipse prælatus, qui talem sibi administrationem concessit absque aliqua proprietatis nota. Quia id expresse, vel tacite videtur contineri in tali administratione. Ita Nauarr. & Mol. *vbi supra.*

- 8 Hoc idem dicendum est à fortiori de religiosus, qui ex iusta licentia viuunt extra Monasterium, nec ab eo recipiunt aliquid, sed de suo labore, & industria, ac eleemosynis, victum comparant, vt rectè monent Valent. 2.2.d.10. *quest.4.p.3.* & Roder. *tom.1. de Regul.9.29.ar.10.*

### QVÆSTIO CLIV.

*An hoc idem possint Religiosi, qui commorantur in Monasteriis, quibus prædicto modo certa summa ad sustentationem tribuitur?*

- 1 Roder. *tom.3. de regul. quest.19. art.10. negat.*

Cæterum multo verius est, posse. Et ratio est, quia ea videtur tacita mens superioris, vt quod sibi subtraxerint, possint in eleemosynas, & donationes suo statui congruentes erogare. Ita Molina *tom.2. de iust. disp.276.*

- 2 Illud tamen obseruandum est circa hos casus præter primum, quod in nullo illorum potest Religiosus eas eleemosynas largiri, renitente superiore. Ratio est, quia solus extremae necessitatis casus dat ius Religioso faciendi eleemosynam inuito superiore,

vt rectè monet D.Thom. 2.2. *qu.32. artic.8.* In cæteris autem requiritur licentia saltem probabiliter præsumpta, ergo quando hæc deest, non poterit Religiosus hanc eleemosynam largiri. Ita Arag. 2.2. *quest.32. artic.8. Less. lib.2. de iust. cap.18. dub.11. & Azor. lib.12. cap.11. quest.vltima.*

Quæ omnia procedunt attentio iure communi, nam hodie stante constitutione Clementis VIII. in eleemosynis erogandis seruanda est forma, & modus in ea præscriptus, de quibus dicemus infra.

### QVÆSTIO CLV.

*An Religiosus qui de rebus Monasterij, aut ex his quæ ad vsum ipsi permissæ sunt, aliquid mutuat absque superioris licentia, sit proprietarius?*

RESPONDEO esse proprietarium. Ratio est, quia mutuari est actus dominij: mutuari enim est de meo facere tuum, cum ergo Religiosus nullum dominij ius in re aliqua habeat, non potest illud in alium transferre, cum nemo det, quod non habet.

Tum quia Religiosus est solum vsuarius habens solum vsum facti, idque precario, quandiu superiori videbitur; vsuarius autem non potest alteri vsum rei concedere, hoc enim non est vsuarij, sed vsufructuarij.

Tum quia bonorum administratio soli Prælato, vel eius officialibus commissa est, vt habetur ex Concil. Trident. *sess.25. cap.2. de reformat. Regul.* ergo nullus Religiosus poterit bona quibus vtitur, in alios vsus disponere asque superioris licentia, alias admini

administratoris assumet officiū. Vnde optime Sotus lib. 4. *quest. 1. art. 1.* Religiosum conuiuij comparauit. Nam sicut conuiua cibos, quibus vescitur, ad alios transmittere, vel secum asportare non potest sine inuitantis, propriique domini licentia, sic nec Religiosus ea bona sibi ad vsum concessa, potest, absque superioris licentia in alios transferre. Ita Valent. 2. 2. d. 10. *quest. 4. p. 3.* & Roder. tom. 3. de Regular. q. 29. art. 10.

### QVÆSTIO CLVI.

*An Religiosus qui absque licentia Prælati aliquid commodat, sit propriarium?*

**R**ESPONDEO esse propriarium. Et ratio est, quia commodare est actus domini, cuius Religiosus est incapax.

Tum quia nemo commodare potest, quod suum non est.

Tum quia vsuarius vsum, quem habet, alteri applicare non potest, vt constat ex §. 1. *institut. de usu, & habitat.*

**2** Tum quia Religiosus nullum potest absque Prælati licentia ciuilem contractum celebrare: atqui commodatum est contractus ciuilis, vt constat ex toto *tit. ff. de rebus creditis, & ff. commodati*, ergo. Quare talis contractus nullam, aut Religioso, aut Monasterio infert obligationem ciuilem, vt omnes Doctores testantur.

Quæ doctrina æquè militat in religiosis simplicibus, ac in Procuratoribus, seu cellerariis, si vltra concessam sibi facultatem contractum conficiant, vt rectè docet Nauarr. *comm. 2. de Regul. num. 30.*

Ex quo infert Molina tom. 1. de iust. d. 140. peccare mortaliter religiosum,

qui absque facultate Prælati tacita, vel expressa contrahit cum secularibus ignorantibus se monasterio obligari, non autem Monasterium ipsi, nisi ignorantia excusetur.

Quæ omnia sunt intelligenda tam respectu secularium, quam Religiosorum. Ratio enim adducta æquè respectu vtrorumque militat. Verum inter eiusdem Monasterij confratres tacita Prælatorum licentia præsumitur, vt sibi inuicem ea quæ necessaria sunt, mutuo dent; immo contra charitatem peccaret qui confratri indigenti librum, vel aliam rem non commodaret, vt rectè monet D. Bonau. in *spec. discip. l. p. cap. 4.* & Cordub. *super Reg. B. Franc. cap. 6. quest. 4.* & 9. vbi ex mente D. Bernardini, inter proprietarios enumerat illum Religiosum, qui codicem, vel quid simile omnium vsui deputatum fratribus non vult commodare, dummodo ipse illo non indigeat. Et idem docet Aluarus Pelag. apud serenam conscientiam q. 81.

### QVÆSTIO CLVII.

*An Religiosus qui aliquid pro alio commutat sine licentia Prælati, sit Propriarium?*

**I**N qua re conuenit inter omnes, fratribus Minoribus non licere ex his, quæ ipsi ad vsum habent, aliquid cum alio permutare absque auctoritate Prælati, & Syndici. Quia id est illis interdictum, vt rectè monet Roder. 2. p. *summ. cap. 31. num. 4.*

### QVÆSTIO CLVIII.

*Sed dubium est de Religiosis aliterius ordinis?*

Q 999

Sed

**S**E D respondeo communem esse sententiam, hunc esse proprietarium. Ratio est, quia permutare est actus dominij, nam qui permutat, dominium vnius rei in aliam personam transfert, & ideo est religioso prohibitum. Et est conclusio definita à Ioann. XXII. in *Extravag. ad cond. de verb. sig.* vbi sic dicitur: *Quis enim simplicem vsuarius dicere poterit, cui rem vsuariam liceat permutare, vendere, aut donare?* Vnde D. Bonauent. vbi supra; *Non potest* (inquit) *in rebus suo vsui deputatis, ut sunt libri, vestes, lecti, & alia huiusmodi pro aliis commutare.* Ex Abb. *Smaragd.* super c. 33. *Reg. S. Bened.* sic ait: *Ex his colligitur quod neque ab exterioribus propinquis, neque ab interioribus fratribus licet aliquid accipere, vel cum alio aliquo commutare.* Ita etiam Cord. cap. 6. *quest.* 7.

**2.** Quare non approbo quod asserunt *Lop. p. 1. instruct. confess. cap. 155.* & *Roder. tom. 2. cap. 31. num. 4.* dicentes religiosum posse aliquid cum alio permutare, quia vel falsam doctrinam docent, vel ipsi de permutatione exiguae quantitatit loquuntur, quæ cum licentia tacita Prælati fieri solet.

Arbitror tamen hanc commutationem non esse mortalem, quando probabiliter creditur superiore non esse inuitum quoad rem, sed quoad solum modum.

## QVÆSTIO CLIX.

*Quenam superioris licentia sit necessaria, ac sufficiat ad hoc ut religiosus possit habere, vel facere, quod sine illa non liceret?*

**N**O T A N D U M primo licentiam Prælati, posse esse expressam, aut tacitam. Expressa est, quando Prælati expressis verbis, vel in scriptis religioso facultatem habendi, vel faciendi

aliquid concedit. Licentia verò tacita, quam præsumptam, virtualem, vel interpretatiuam Doctores appellant, tunc præsumitur, quando probabiliter creditur Prælatum approbatum dispensationem bonorum Monasterij à subdito ipso ignorante factam, si eam sciret.

Secundò notandum, consensum tacitum duobus modis contingere posse. Primò quando Prælati certior factus de aliqua re à religioso facta, nec illam approbat, neque reprobat, & hic dicitur consensus permissiuus. Secundo verò modo quando expressè approbat, vel approbaturus creditur, si sciret, & hic dicitur consensus approbatiuus.

Tertiò notandum, consensum tacitum superioris posse bifariam considerari. Vno modo quando religiosus pro certo scit, si petat illam licentiam à superiore sibi non fore negandam, sed simul cum hoc cum non latet superiorẽ id sine sua licentia fieri nolle. Secundo verò modo, quando per signa euidentia, vel probabiliter religiosus intelligit voluntatem superioris esse, quod ipse expendat aliquid, & quod de hoc est gauisurus. Quibus positis,

Primò dico quod ut religiosus ea omnia possit, quæ cum licentia expressa præstare valet, sufficit tacita licentia, siue consensus approbatiuus superioris. Ratio est, quia in moralibus quantum ad forum conscientie, eadem est virtus taciti, & expressi licentiae. Ita D. Thom. 2. 2. *quest.* 32. *art.* 8. *Navarr. cap. 17. nu.* 105. & *com. 2. de regul. num.* 100. *Mol. 10. 2. d. 276. Azor. lib. 12. cap. 12. q. 2. 3. & 4. Roder. tom. 2. de regul. q. 57. art. 2. & Tolet. de 7. de peccatis mort. c. 18.*

Secundò dico quod si religiosus præsumat probabiliter Prælatum sibi licentiam cōcessurum, si illam petcret non

non ignorat tamen, Prælati displicere, quod occultè, & sine licentia expressa aliquid retineat, vel dispenset, rem illam retinendo, vel dispensando peccat contra votum paupertatis. Et ratio est, quia tunc religiosus dispensat contra expressam voluntatem Prælati: ergo peccat contra votum paupertatis.

Tum quia si huiusmodi præsumptio sufficeret, sequeretur quod omnia, quæ in Religione à superioribus concedi solent Religiosis, essent licita absque expressa licentia, quod est plusquam falsum. Ratio est, quia non ob id cessat vinculum legis, quod superior dispensaret, si peteres; per hoc enim non dispensat seipsa, nec iuste rem alienam vsurpas, quia si peteres, eam tibi dominus concederet, nam per hoc non donat seipsa. Itaque requiritur non solum, ut Prælati concederet, si Religiosus peteret, sed etiam ut de præsentis censetur cōcedere, quāvis non petat, aut Prælati nolit subditum in illis casibus petere. Sicut ut lex cesset obligare per *7 in iuribus*, requiritur, ut mēs legislatoris sit in hoc casu nō obligare, ut subditus agar secundū verba legis, aut ut petat dispensationem. Et ideo ita tenet Caiet. 2.2. q. 66. art. 5. & Nauart. *comm. 2. de Regular. n. 2.*

Hinc, si Religiosus de voluntate superioris dubitet, non potest tuta conscientia aliquid de bonis Monasterij disponere. Ratio est, quia non potest licitè aliquid expendere, nisi de licentia expressa, vel tacita superioris. At hic dum est anceps de voluntate superioris, neutra licentia eum iuvat, ergo tunc aliquid alienando à peccato proprietatis non liberatur.

Tum quia in dubio præsumitur superior inuitus.

Tum quia in dubio nemini licet operari.

Tum quia si ego dubito de voluntate Titij, utrum velit sine sua licentia,

bona sua dispensari, non possum ego illa dispensare sine Titij voluntate, ut rectè monet Nauart. 2. 17. n. 5. & est expressa sententia D. Thom. 2.2. q. 32. art. 8. ad primum ubi apertè docet, in Religioso requiri licentiam probabiliter præsumptam, ut possit eleemosynam largiri. Et in hoc omnes auctores conueniunt.

## QVÆSTIO CLX.

*Sed quod in dubium vertitur est, an hic dispensans peccet mortaliter?*

**N**AVART. *comm. 2. de Regul. nu. 20. & cap. 17. nu. 5.* Roder. *tom 3. de regul. q. 29. art. 10. & 11.* & Caiet. 2.2. q. 66. art. 3. censent eum solum peccare venialiter, sicut filius, & famulus accipientes sibi aliquid, quod petatum patens, vel dominus libenter cōcederet, peccant quidem venialiter, accipiendo modo ingrato patri, vel domino, sed nō mortaliter, quia placet eis, quod illud habeat, licet modus habendi displiceat.

Alij verò ut Med. C. *de res. q. 12.* Nauart. *lib. 3. de res. cap. 1. p. 3. nu. 180.* Sayr. *lib. 9. cap. 16. num. 20.* & Lop. 1. p. cap. 156. docent eum peccare mortaliter contra votum paupertatis.

Hæ tamen opiniones facile possunt inter se conciliari hoc modo, ut prima opinio locū habeat in casu quo probabiliter præsumitur Prælatum dispensationem à religioso factā approbaturum, quamvis alias modus occultè dispensandi ei displiceat. Ratio est, quia in eo euentu superior non est inuitus quoad rem acceptam, vel alienatam, sed quoad solum accipiendi vel alienandi modum, ac proinde reputatur levis materia, & ratione leuitatis excusans à mortali.

Et confirmatur, nam in *1. inter omnes 47. §. rectè ff. de furtis* apertè dicitur, non esse furti reum, qui videns

Q999 2 domi

dominum concessurum rem clam accipit. Ergo similiter Religiosus non erit reus voti paupertatis mort. si inconsulto superiore aliquid dispenfet, quando credit superiorem concessurum, si licentiam peteret, etsi etiam non ignoret eum modum clandestinum superiori displiciturum.

- 4 Secundi verò opinio sit vera, in casu quo Prælato non tantum modus occultè dispensandi, sed etiam dispensatio ipsa displicet, eo ipso quod tali modo sit, ita vt displicentia non solum cadat supra modum occultè dispensandi, sed etiam, immo, & præcipuè super dispensationem ipsam tali modo factam Vnde qui hoc modo dispensat, peccat mortaliter contra votum paupertatis, quia absque voluntate Prælati de rebus Monasterij dispensat.

- 5 Quum doctrinam censeo esse verissimam, quando Prælatus licentiam concederet accipiendi, vel alienandi ad eum usum, ad quem accipitur, vel alienatur: secus si ad eum usum nullatenus eam licentiam concederet; tunc enim esset peccatum mortale proprietatis annexam habens restituendi obligationem. Et ratio est, quia in hoc euentu non solum quoad modum, sed etiam quoad substantiam esset inuitus.

- 6 Quite non approbo quod tradit Rebëllus *de inst. p. 1. lib. 3. quest. 15. sect. 3.* dicens non esse furtum, quando dominus est solum inuitus quoad finem, vt quando famuli, aut filij accipiunt cibaria ad donandum, vel vendendum. Quia tunc etiam quoad rem acceptam est dominus inuitus, quia etsi velit rem accipi ad comedendum, non tamen ad alienandum.

- 7 Ex quo sequitur primò nullum peccatum committere religiosum, si per igna euidentia, vel probabilia

credit superiorem non fore inuitum etiam quo ad modum. Quia in hoc casu vt diximus eadem est virtus taciti, & expressi. Nauarr. *comm. 2. de regul. num. 20. & Roder. 20. 1. cap. 1. 47. n. 3.*

Secundò sequitur hunc ad nullam restitutionem teneri, quando probabiliter credit superiorem in tali acceptione, vel alienatione esse inuitum quoad solum modum, vt rectè Nauarr. *supra & Rebëllus de inst. p. 1. lib. 3. quest. 15. sect. 3. num. 24.*

Tertiò sequitur non esse regulam vndequaque certam, quam tradit Gerson *apud 34.* quod tunc dicitur subditus facere aliquid sine licentia superioris, quam probabiliter credit; quod si superior sciret. se hoc facere; ægrè ferret. Hæc inquam non semper est vera, potest enim contingere, vt displicentia illa superioris non tam proueniat ex re accepta, aut expensa, aut retenta, quam ex modo clandestino eam retinendi, aut expendendi.

Hinc, excusatur religiosus à facultate petenda in casu, quo res veget, nec facile difficiri potest, & Prælatus longè distat, tunc potest agere, petinde ac si consensum Prælati expressum haberet, quia hic adest consensus præsumptus, non enim intentio Prælati est, vt eo casu non agat, quod recta ratio dicat faciendum, vt rectè Less. *lib. 2. ap. 41. dub. 9. annotauit.*

Hinc, plures fortasse excusari possent hoc tempore religiosi, qui vel ignorantia, vel inconsideratione magis, quam prauo affectu, & cupiditate in recipiendo, & retinendo, & dispensando liberaliores sunt, quam oportet: hi autem secum cogitare debent, an ita sit, quod superior te cognita, contentus foret, ne mentitur iniquitas tibi, vel tui maior inordinatus exceçet: sunt enim multi, qui sibi libi facile persequantur, cum tamen nihil sit, quod eorum superiores magis abhorreant. Hinc

- 11 Hinc magnopere considerare debent religiosi, in quibus rebus, & quousque censeatur in singulis Monasteriis concessa facultas generalis: hæc enim sufficit ad hoc, vt accipiendo, vtendo, vel retinendo non peccent peccato proprietatis. In Monasteriis tamen, vbi viger regularitas, non conceditur hæc licentia, nisi officialibus, & in rebus minimis, & crebro occurrentibus.

## QVÆSTIO CLXI.

*An sufficiat ad præsumendum licentiam tacitam, quod Prælatus videat religiosum aliquid accipere, vel expendere sine licentia, & taceat?*

- 1 GRAFF. 2. part. decis. lib. 3. cap. 19. num. 31. negat hanc taciturnitatem sufficere. Quia cum variis ex causis possit superior tacere, non est, cur in ea taciturnitate præsumatur licentia tacita.

Huic sententiæ fauet D. Anton. 3. p. t. 1. cap. 15. vbi ait non excusare à furto, si dominus videat, & taceat.

At Nauar. lib. 3. conf. tit. de statu monach. conf. 3. nu. 64. censet hanc taciturnitatem sufficere ad præsumendam licentiam superioris.

- 2 Sed vtraque sententia potest sic conciliari. Si ea taciturnitas sit sola quædam permissio superioris, non excusat religiosum à vitio proprietatis, & in hoc sensu vera est opinio Graffij. Si autem ea licentia non sit pura permissio, sed sit approbatio quædam, est licentia tacita, & sufficiens ad excusandum religiosum à peccato, & in hoc sensu vera est opinio Nauarri.

Hinc, si Prælatus videat subditum aliquid dantem, vel recipientem, & præ verecundia, aut timore taceat, non excusatur subditus à vitio proprietatis. Quia hæc pura permissio est, non approbatio. Secus, quando hæc cessarunt, & Prælatus potuit commodè prohibere, & non prohibuit, tunc enim visus est approbare, vt habetur in cap. Consentire d. 83. vbi sic dicitur: *Consentire peccato videtur, qui cum possit resistere, tacet.*

## QVÆSTIO CLXII.

*Ex quo, & quibus principiis, vel circumstantiis conici possit consensus approbatiuus Prælati, quem diximus necessario, requiri, vt religiosus absque nota proprietatis dispenset aliquid cum licentia tacita?*

RESPONDEO ex quinque. Primo Ex consuetudine, & vsu religionis, in qua religiosi timoræ conscientie soliti sunt in casibus occurrentibus præsumere consensum approbatiuum.

Secundò, ex qualitate superioris, si verbi gratia sit dulcis, & valde procliuus ad condescendendum subditis, nec similes dispensationes soleat reprehendere, cum facile possit.

Tertiò, ex qualitate subditi, vt si verbi gratia, superiori sit valde dilectus, vel vir grauis, & optimis moribus exornatus.

Quartò, ex rebus, si v. g. sint leuiiores, & pene nullius momenti.

Quintò, & vltimo ex facto ipso, vt si v. g. talis dispensatio in commodum & vtilitatem Monasterij cedat.

## QVÆSTIO CLXIII.

*Ex quibus circumstantiis conici possit consensus permiffimus Prælati?*

**R**ESPONDEO ex multis. Primò ex consuetudine, & vsu religionis.

Secundò, ex persona Prælati, si v.g. sit rigida, & ad condescendendum subditis nimis difficilis.

Tertiò, ex persona subditi, vt quia est superiori exosa, & nullius auctoritatis.

Quartò, ex rebus gestis, vt si sint res grandiores, & notabilis quantitatatis.

**2** Quintò, si res gesta in damnum Monasterij redundet.

Sextò, & vltimo, si talis consensus, ex metu, vel precibus nimis importunis extorqueatur.

## QVÆSTIO CLXIV.

*An vbi consuetudo inoleuit dispensandi cum licentia tacita, possit religiosus cum illa etiam in præsentia Prælati aliquid dispensare?*

**1** **R**ESPONDEO posse, vt citati auctores tradunt, qui nulla ratione distinguunt de licentia tacita in absentia, vel in præsentia, nam alias in Monialibus numquam tacita licentia præsumeretur, cum semper earum Abbatissæ sint intra claustra Monasterij. Nauar. lib. 3. de rest. cap. 1. num. 171. Vnde secundum varias religionum consuetudines, & varios Prælatorum mores, maiora, vel minora esse in religiosis motiua, vt huiusmodi tacita licentia præsumatur. Ex quo fit, vt in vna religione sit proprietatis vitium, quod

in alia est actus virtutis, immo inter Monasteria eiusdæ religionis, quod in vno licet, in alio non licet, non alia de causa quâ ob diuersas consuetudines, Prælatorumque conditiones, maiorem, vel minorem suis subditis licentiam concedentium, ob cuius religionantiam multi hallucinati sunt, volentes ex consuetudinibus aliarum religionum, vel Monasteriorum regulam vniuersalem statuere, putantes id sibi in sua religione esse licitum, quod in aliis religionibus licentia tacita permittitur, non animaduertentes quod quamuis paupertatis votum apud omnes religiosos sit idem, ratione tamen tacitæ licentiæ hæc, & non illic præsumptæ, extendi etiam in religiosis magis, aut minus hanc dispensandi facultatem.

Hinc, in nostra Congregatione Fulienfis, in qua Regula sanctissimi Patris nostri Benedicti ad vñguem obseruatur, si Religiosus in Monasterio sit, vbi faciliè potest habere aditum ad superiorem, illiusque licentiam petere, regulariter loquendo nullam omnino rem etiam minimam sine illa dispensare potest, quia apud nos cognitum est, talem esse Prælatorum voluntatem, quod patet primò ex Regula in cap. 34. & 53. in quibus locis etiam rerum minimarum dispensatio prohibetur.

Secundò patet ex laudabili Prælatorum, & subditorum consuetudine. Prælati enim huiusmodi dispensationes factas acriter reprehendunt, & subditi in capitulo se accusant, si casu contingerit tales dispensationes sine licentia fecisse.

**3** Dixi primò, *regulariter*, quia potest dari casus, in quo aliquis ex nostris posset de licentia tacita Prælati aliquid dispensare, vt verbi gratia, quando illi de Prælati consensu constaret.

Dixi

Dixi secundò, si in *Monasterio* sit, quia in itinere habet tacitam recipiendi omnia sibi oblata licentiam, & ex illis sumendi quidquid sibi pro itinere necessarium fuerit.

## QVÆST. CLXV.

*An licentia, qua ut diximus est necessaria, ut Religiosus possit aliquid habere, vel dare, requiratur ut sit iusta?*

- R**ESPONDEO requiri. Et ratio est, quia licentia iniusta, non est licentia, nec apud Deum excusat, cum sit dissipatio quedam contra votum solemne paupertatis. Et in hoc omnes Authores conveniunt.

## QVÆST. CLXVI.

- Sed dubium est, quot, & quam conditiones requirantur, ut talis licentia sit iusta?*

- R**ESPONDEO quatuor. Prima est, ut licentia sit legitima.

Secunda, ut concedatur à legitimo superiore potente eam concedere.

Tertia, ut sit voluntaria.

Quarta, & ultima ut sit ex causa legitima concessa.

- 2** Hinc, qui de licentia Prælati de bonis Monasterij, aut etiam de rebus in proprium sibi usum destinatis, aliquid dispensat in usus prophanos, & turpes peccat mortaliter contra votum paupertatis. Et ratio est, quia talis licentia non est legitima, cum sit contra factos canones, & Decretum Conc. Trid. sess. 25. c. 2. de reformat. regular.

- 3** Hinc, Religiosus qui de licentia, ut, dolo, vel metu extorta Prælati aliquid

facit, vel dispensat, est proprietarius. Et ratio est, quia talis licentia potius censetur permissio coacta, quam consensus approbatiuus, ut colligitur ex cap. Abbas, iuncta Glossa de his que vi, metu, &c. Et tradit Navar. comment. 2. de Regul. nu. 21. Nec requiritur ut metus hic sit cadens in virum constantem, sed satis est, ut sit levis, dummodo coram Deo ille sit causa principalis illius consensus.

Nomine autem doli intelligitur, quando subditus fingit rationes, ut sibi aliquid concedatur, vel tacet ea, ob quæ credit superiorem negaturum licentiam, quando ea falsi expressio, aut taciturnitas talis est, ut redderet dispensationem subrepticam.

Hinc, religiosus qui querelis, minis, aut muturbationibus contra Prælatum factis licentiam aliquid faciendi à Prælati extorquet, & hoc in re graui, peccat mortaliter. Et ratio est, quia talis licentia non est voluntaria, sed coacta.

Hinc, peccat mortaliter, & est proprietarius, qui licet paratus sit relinquere ad iussum superioris peculium ad usum concessum, ita tamen obmurmurat, ac querelas fundit, ut non audeat Prælatus illud auferre. Ratio est, quia talis licentia non est iusta, cum non sit simpliciter libera, sed coacta, potestque dici potius permissio, quam concessio.

Hinc, religiosus qui precibus valde importunis licentiam aliquid accipiendi, vel expendendi extorquet, non excusatur à vitio proprietatis, quando reuera Prælatus inuoluntarie, & ut importunitatem repellat, consentit, aliter non consensurus. Ratio est, quia ea non est licentia, sed violentia, ut optimè tradit D. Bern. in lib. de considerat. ad Eugen.

QVÆST.



## QVÆSTIO CLXVII.

*An fieri possit, vt religiosus reni-  
tente, ac contradicente Prælato,  
quipiam de rebus Monasterij  
disponat, vel ab externis acci-  
piat?*

**R**ESPONDEO posse, primò si ipse  
egeat extreme, in quo casu lici-  
tum est bona Monasterij propria au-  
thoritate vindicare etiam contradi-  
cente Prælato, vt sic extremæ suæ in-  
digentiæ subueniat. Ratio est, quia  
præceptum de tuenda vita propria  
plus obligat, quam votum paupertatis.

Et idem dicendū est, si pauper sit in  
extrema necessitate constitutus, & su-  
perior nolle ei subuenire, tunc lici-  
tum esset ei furari, vt eleemosynam  
daret.

**2** Secundò, si sit in graui necessitate  
eorum, quæ ad congruam sustenta-  
tionem vitæ, & ad decentiam sui sta-  
tus sunt necessaria, in quo etiam casu  
potest religiosus absque nota pro-  
prietatis res Monasterij sumere, vel  
ab extraneis sibi providere, etiam re-  
nidente Prælato. Et ratio est, quia ex  
contractu in professione inito, Præ-  
lato tenetur præstare subditis neces-  
saria vitæ, & status secundum vsum, &  
consuetudinem suæ religionis vt con-  
stat ex Conc. Trid. sess. 25. cap. 2. vbi  
præcipitur, vt nihil eorum quæ ne-  
cessaria sunt religiosis, eorum Præla-  
ti denegent, ergo eis denegantibus  
possunt subditi propria autoritate  
res sibi necessarias sumere. Vt sacra  
Congregatio teste Quaranta in *sum-  
ma Bullarj verb. casus reservati fol.*  
*157.* declarauit. Et tradunt Petr. Na-  
uar. lib. 3. de restis. cap. 1. dub. 3. nu. 181.  
& 202. Roder. tom. 3. de regul. quest.  
29. ar. 10. & p. 5. sum. cap. 33. num. 6.

Sayr. in clau. Reg. lib. 9. c. 16. nu. 20. &  
Valent. 2. 2. d. 10. q. 4. p. 3.

Verū, vt hoc sit licitum tria ne-  
cessario requiruntur.

Primò, vt subditus prius expressam  
licentiam petat à Prælato.

Secundò, vt iusta causa, & necessa-  
ria subsit, nempe ob res necessarias,  
necessitate extrema, vel graui.

Tertiò, vt non contentus sit subdi-  
tus semel petiisse licentiam, si speret  
eam obtinere iterum, atque iterum  
petendo per se, vel per alios. Vnde sunt  
in periculo statu illi religiosi qui  
rebus aliquibus, & pro sui status do-  
centia leuibus carere nolunt, sed po-  
tius omnia more diuiri habere, ea-  
que à Prælati sine mora sibi donari  
volunt, cum status paupertatis, quam  
professi sunt, præ se ferat quandam in-  
digentiā rerum etiam necessaria-  
rum.

Et hæc nota, quia tangunt multos  
religiosos informantes conscientias  
suas largas, ex proprio sensu creden-  
tes, tunc seruare votum paupertatis,  
quando illis nihil deest.

Hinc, peccat mortaliter contra pau-  
pertatis votum, qui inuiro superiore  
necessaria ad victum, & vestitum ac-  
cipit ex conuentu, vel ab extraneis, vt  
suæ necessitati consulat, cui superior  
consuleret, si religiosus ille suam ne-  
cessitatem præsentaret. Ita Petr. Na-  
uar. lib. 3. de restis. cap. 1. dub. 3. nu. 181. &  
Sayr. lib. 9. c. 16. nu. 10. Quam doctri-  
nam non arbitror esse vniuersaliter  
veram, quia superior in eo casu non  
est, nec esse potest rationabiliter inui-  
tus quoad rem acceptam, cum ea de-  
stinata sit ad necessaria subditis mini-  
stranda, sed renetur contentus esse, &  
quoad solum modum potest esse in-  
uitus, quod regulariter non est nisi  
veniale peccatum, nisi superior esset  
norabiliter inuitus quoad illum mo-  
dum.

## QVÆST. CLXVIII.

*Quotnam sint quæ occasionem dant  
religiosis habendi proprium?*

**R**ESPONDEO tria Primum est indigentia. Magis enim diligunt aliquid habere cum peccato, quam indigere. Contra istam occasionem duplex est remedium Vnum est liberalitas Prælatorum, vt liberaliter administrent de communi, vt tollatur huiusmodi occasio.

Aliud remedium est patientia subditorum. Sunt enim quidam secundum D. Gregorium, qui pauperes esse volunt, sed sine defectu: non sicut Apostolus qui dicit Phil. 4. Scio abundare, & penuriam pati.

Secundum quod solet dare occasionem habendi proprium est diffidentia de prouisione diuina. Sunt enim multi, quibus quamuis nihil desit, tamen timent semper sibi deesse, contra quos ad Hebr. 13 dicitur: *Sine moribus sine auaritia, contenti presentibus, ipse enim dicit, non te deseram neque te derelinquam. Remedium contra huiusmodi diffidentiam, Regnum Dei est, & confortatio dominica, quam fecit Matth. 6. Primum querite regnum Dei, & hæc omnia adicientur vobis.*

Tertium est carnalitas. Sunt enim multi adeo circa cutam carnis intenti in cibis, vestibus, medicinis & similibus, quod non sunt contenti necessariis, quæ eis competenter ministrantur. Et ideo inordinate procurant alia ad satisfaciendum carnalitati suæ: contra quos dicitur Rom. 13 *Carnis curam ne feceritis in desideriis vestris.* Contra hoc remedium bonum est consideratio finis, ad quem deducit carnalitas ista iuxta illud Rom. 8. *Si secundum carnem vixeritis, moriemini.*

Hinc, addiscere possunt superiores, quomodo se gerere debeant circa Religiosorum prouisiones, si enim in ipsorum necessitatibus miseros se exhibeant, ea miseria in Monasterij damnum redundabit Religiosi enim pauperes deficientibus necessariis, ad surripienda bona Monasterij prouocabuntur, & loco paræ rei, quæ secundum Regulam eis debetur, rem magnam furabuntur, ad subueniendum suis necessitatibus.

Prospiciat tamen in hac casu Religiosus pro salute animæ suæ, & in hoc non sit largus, quia ultra necessaria, furtum committet mortale cum onere restituendi acceptum.

## QVÆST. CLXIX.

*Virum is qui de tacita licentia Prælati aliquid accepit, vel expendit, teneatur ex vi voti postea id Prælato manifestare?*

**D.** Bonauent. 1. p. spec. disciplin. ad Nouitios capit. 4. affirmat ad id teneri.

Sed multo verius existimo, hunc ad id non teneri. Et ratio est, quia tali licentia præuia licite dispensauit, & ideo ita renet Sanch. lib. 7. cap. 19. numero 8.

## QVÆSTIO CLXX.

*An Religiosus qui non adhibet diligentiam in conservandis rebus sibi à superiore cõcessis, quam homines communiter adhibere solent, sit proprietarius?*

Respon

**R**ESPONDEO esse proprietarium. Et ratio est, quia hoc est proprium domini, posse res illas consumere, ac deteriores pro libito suo facere.

Tum quia religiosus solum facti usum habet in rebus ad usum proprium concessis: ergo si res sibi concessæ ipsius lata culpa pereant, vel deteriores fiant, peccat peccato iniustitiæ, & per consequens contra votum paupertatis.

**E**t confirmatur, si religiosus dolo res illas destrueret, vel deteriores redderet, proculdubio peccaret contra votum paupertatis: ergo etiam si ex lata culpa. Probo consequentiam, quia secundum intra lata culpa æquipollet dolo. Quod si res concessæ sint etiam in ipsius proprii commodum, videtur etiã teneri ex leui culpa. sicut in commodato, quod in utilitatẽ commodantis, & commodatarij præbetur, iuxta *cap. unic. de commodato*. Itaque si res ipsius leui culpa pereant, peccat contra iustitiam; ac proinde contra obligationem voti paupertatis, vt recte docet *Sanch. lib. 7. c. 20. n. 115. & Less. lib. 2. cap. 41. dub. 9.*

**Q**UÆ quidem doctrina locum habet non solum in superioribus, Monasteriisque officialibus quibus ex officio illorum custodia commissæ est, sed etiam in particularibus religiosis, qui si vident aliquam rem destrui, vel perdi, quod damnum possunt faciliẽ impedire, & ex negligentia non impediunt, peccant mortaliter, hi quidem contra charitatem; illi vero contra votum paupertatis.

Vbi nota quod non est proprietarius, qui in iure querendo Monasterio nocet, quamuis si in iure inuicquæsit noceat, sit proprietarius, vt si v. g. non acquirat ea bona quæ commodẽ potest ei acquirere, ei impediatur aliquam aliam bonorum acquisitionẽ, vt recte docet *Nauar. com. 2. de reg. n. 31. & 33.*

## QVÆST. CLXXI.

*An sit proprietarius qui Religiosis, vel secularibus dat ea, quæ ex licentia superioris habet, quando ex eorum qualitate colligitur licentiam priorem extendi ad donandum? Vt quando Prælatus concedit Religioso licentiam accipiendi grana benedicta, purnas imagines &c.*

**R**ESPONDEO non esse proprietarium. Ratio est, quia cum non lateat superiorem his omnibus nõ indigere Religiosum ad proprium usum, sed hæc solere inter alios imperitari, censetur tacitè hanc donationem approbare, & idè Religiosi eiusdem monasterij accipientes, non indigent alia noua licentia, quia prior ea licentia concessa ei Religioso accipiendi, est tacita aliis distribuendi.

Hoc tamen non habet locum post constitutionem S.D.N. Clemen. VIII. vbi quæuis largitio munerum Religiosis interdicitur, nisi fiat iuxta formulam in ea descriptam.

## QVÆST. CLXXII.

*An in aliis rebus licentia concessa Religioso dandi aliquid, extendatur ad donandum alteri Religioso, ita vt alter possit absque licentia acceptare?*

**R**ESPONDEO non extendi. Et ratio est, quia hic concutrit duplex impedimentum, alterum in dante, alterum verò in accipiente: ergo est necessaria noua licentia in accipiente, vt abique

absque violatione voti paupertatis accipiat. Sicut quando Papa dispensat cum habente votum castitatis ad contrahendum matrimonium, non censetur dispensare cum scemina simile votum habente, nisi id explicet. quamvis possit cum utroque dispensare.

Hinc, qui habet licentiam dandi, non potest dare iis, qui licentia recipiendi carent: & si dat, contra paupertatis votum peccat, non quia dat, sed quia cooperatur peccato contra votum accipientis.

- 2 Hinc, qui licentiam habet accipiendo aliquid, non potest accipere ab eo qui licentiam donandi non habet, propter eandem rationem, nisi ex coniecturis constet voluisse utrumque impedimentum tollere.

### QVÆST. CLXXIII.

*Quam quantitatem expendendi possit dare licentiam superior Religiosus?*

- 1 **C**ORD. in sum. qu. 54. tenet superiorem posse licentiam concedere expendendi decem ducata.

Alij singulis mensibus duorum, vel trium aureorum summam.

- 2 Alij autem singulis annis decem, aut duodecim, aut quindecim aureos. At verò Molina tom. 2. de iust. disp. 276. & Azor. lib. 12. cap. 12. qu. 4. censent rem hanc totam arbitrio prudentis remittendam pro quantitate reddituum, & necessitate pauperum.

- 3 Nomine autem superioris hic intelligimus eos omnes, qui habent iurisdictionem ordinariam, ut sunt Generales, Prouinciales, Abbates, Priores, Guardiani, Rectores, Præpositi Abbatissæ, & horum vicarij, qui plenè

vicibus Prælatorum funguntur, habentes plenam Monasterij curam, vt Vicarius Generalis, viceprouincialis, supprior, vicetector &c.

### QVÆST. CLXXIV.

*An superior possit alicui subdito beneficium regulare, aut administrationem alicuius ecclesie in perpetuum, hoc est ad eius vitam conferre?*

**R**ESPONDEO non posse. Quia id prohibetur in cap. cum ad Monasterium §. tales de statu monachorum, vbi sic dicitur: *Nec alicui committatur aliqua obedientia perpetuò possidenda tanquam sibi locetur ad vitam, sed cum oportuerit, sine contradictione qualibet reuocetur.* Et in cap. Porcellum, & cap. ad nostram de regular. statuitur, regularia beneficia in quibus religiosi instituuntur, posse ad nutum superioris reuocari, nisi auctoritate Romani Põtificis fuerint confirmata. Idem est dicendum circa administrationem rerum temporalium, quod superior eam minime concedere valet irreuocabiliter, & ad vitam ipsius subditæ, quia talis concessio faceret religiosum proprietarium, sed tantum reuocabiliter, & ad voluntatem ipsius, iuxta decretum Conc. Trident.

### QVÆSTIO CLXXV.

*An cum religiosus sine Prælati sui consensu contrahit, licet non civiliter, saltem naturaliter, seu in foro conscientie obligetur?*

R R R R 2 Notar

**N**O T A N D U M primò, duplicem ex contractu posse oriri obligationem, altera est ciuilis, id est, ad quam implendam datur actio in foro externo. Altera autem est naturalis, id est, quæ non ex solo honestæ gratitudinis debito oritur, sed ex vinculo legis naturalis. Et quamuis ad hanc non detur actio in foro causarum, obligat tamen in foro conscientiæ. Quo posito duæ extant opiniones.

**1** Prima est Host. in *sum. de fideiuss. §. pro quo posses, vers. & quis.* Panorm. & Felin. in *cap. ex rescripto de iureiur.* qui affirmant in eo casu, nec naturaliter obligari, quia cum religiosus non habeat velle, neque nolle, nullo modo potest sine consensu Prælati obligari.

Tum quia cum sic contrahendo peccet, & sit proprietarius, non videtur quomodo possit in conscientia obligari?

Secunda verò opinio est Panorm. sibi contrarij in *consil. 104 in 1. p.* qui docet eum naturaliter obligari.

**3** At Nauar. *com. 2. de regular. nm. 42.* optimè has duas opiniones conciliat hoc modo videlicet, quod sicut vota religiosi facta Deo sine consensu Prælati, quæ non sunt contra Regulam, vel constitutiones, valēt, & obligant, donec superior ea irritet, aut eis contradicat, & non postea. Ita promissa quoque facta homini valent, & obligant, donec ea Prælati irritet, vel eis contradicat, & non postea. Et sic prima opinio procedit in contractu post irritationem, & contradictionem. Secunda verò opinio ante irritationem, & contradictionem.

## QVÆSTIO CLXXVI.

*An si religiosus sine licentia Prælati contrahat cum seculari, vel alio,*

*Monasterium ad aliquid teneatur?*

**I**N qua re conuenit inter omnes, hunc religiosum ad nihil teneri. Quia non habet unde soluat, cum sit ad instar illius, qui cessit bonis.

Sed dubium est: An Monasterium ad aliquid teneatur?

**2** Respondeo ad nihil teneri, nisi in duobus casibus. Primò quando res de qua contraxit, adhuc extat, vel commodum, aut lucrum versum est in utilitatem eius.

Secundò, si à superiore sit ei commissæ administratio, quia in quantum se extendit administratio, in tantum obligatur, & non plus.

## QVÆSTIO CLXXVII.

*An Monasterium teneatur ex delicto religiosi?*

**R**ESPONDEO non teneri. Ratio est, quia delictum personæ secundum canones non debet redundare in damnum Ecclesiæ.

## QVÆSTIO CLXXVIII.

*An Religiosus in hoc casu teneatur salua sua religionis decentia, ac superioris consensu conari, vt debita in religione contracta cum seculari, vel alio soluas?*

**R**ESPONDEO teneri. Ratio est, quia cum reddere alienum sit de iure naturali, & diuino, non absoluitur religiosus à tali iure per votum solemne religionis.

QVÆ

## QVÆSTIO CLXXIX.

*Quanam sit iusta summa, quam potest religiosus expendere de licentia tacita superiorū?*

**A**D hoc dico primò, quod si religiosus ex negligentia, vel obliuione non obtinuit licentiam alienandi, deinde si vbi non suppetit ei copia eam habendi, aliquid expendat, non adeò notabile, non censetur facere contra votum paupertatis, quando id facit fundatus rationabiliter in ratihabitione superioris.

**2** Secundò dico, quod Religiosus qui absque superioris expressa licentia dat librum alteri religioso eiusdem, vel alterius Monasterij, eiusdem tamen religionis, valentem duos, vel tres argenteos, non peccat mortaliter contra votum paupertatis. Ratio est, quia hic etiam præsumitur licentia tacita superioris.

Hoc tamen non habet locum post constitutionem S. D. N. Clementis VIII. vbi quæuis largitio munerum religionis interdicatur, nisi fiat iuxta formulam in ea descriptam.

**3** Tertiò dico, quod potest religiosus absque expressa licentia Prælati donare externis paruula quædam munuscula præsertim ad cibum, & porum pertinentia, vel alia quæ ad pietatis, & religionis studium pertinent, quinsmodi sunt sacre reliquiæ, imagines Sanctorum, aut grana benedicta, &c. Ratio huius est, quia in his rebus, si expressè non fuerint à regula, vel constitutionibus prohibita, præsumitur tacitus superiorum consensus, dummodo imagines istæ non sint pretiosæ, auro, argento, &c. ornatae.

**4** Quartò dico, quod religiosus, qui

inuito Prælato accipit ex rebus Monasterij in minima quantitate, nimirum vnum Regalem non peccat nisi venialiter. Et ratio est, quia hæc non est quantitas, nisi modica, & quæ non cedit in detrimentum, vel dissipacionem Monasterij. Ita Lopez p. 2. inst. conf. cap. 6.

Quintò, & vltimò dico, quod religiosus, qui de licentia superioris iter agit, potest ex his, quæ pro expensis itineris sibi dantur à superiore quidquid subtrahit parcius viuendo, ad libitum in elemosynas, vel alios pios vsus disponere. Et ratio est, quia talium dispositio illi præsumitur concessa à superiore.

Hinc, religiosus, qui de superioris licentia in scholis studet, aut alibi versatur, licet potest de suo com meatu quatuor aut quinque pro centenariis, quæ quotannis dantur ei alimentorum causa, ludo impendere, modo id honesta recreationis causa faciat. Quod Prælatus tacitam eius rei facultatem facere videatur, nisi religiosus ille in eodem anno in alias honestas recreationes aliquid insumpserit, id enim de præsentis summa, quam ludo ex præsumpta superioris voluntate exponere potest, detrachere debet, atque adeò si duos eo anno in sua honesta recreatione insumpsit, iam non poterit amplius quam duos, vel tres aureos ludendo alienare. Nauar. cap. 20. n. 12. Less. lib. 2. cap. 26. dub. 5. Molin. 2. d. 520. & Valent. 2. 2. d. 5. q. 6. p. 5.

Quam doctrinam censeo esse verissimam, nisi expressè à suo superiore, vel sine religionis statutis sibi ludus sit religioso interdictus. Quia tunc cum nulla licentia tacita Prælati præsumatur, erit voti paupertatis reus religiosus ludens, & lucrans tenetur restituere lucri facta. Ita Salomon 2. 2. q. 61. q. 5. r. 6.

Et idem dicendum est, si ludus ille sit prohibitus, aut indecens religioso, quia cum talis ludus comparatione illius non censeatur honesta recreatio, non potest presumi tacita superioris licentia, immo nec expressa prodesset, ut docet Molina loco citato.

- 7 Hinc, non est audiendus Less. lib. 2. de instit. cap. 26. dub. 5. qui ait posse religiosum valide lucrari, & perdere notabilem summam ludendo ex expressa, vel tacita superioris licentia, quamvis sit culpa mortalis, res Monasterij sic ludo exponere. Quia ludus est contractus onerosus, qui potest Monasterio esse vilis, & citat pro se Nauarr. cap. 20. num. 9. sed falso, quia Nauartus, nihil de hoc dicit. Quare arbitror ludentem teneri eam pecuniam lucratam restituere, quatenus moderatam quantitatem excedit. Et ratio est, quia quamvis ludus sit contractus onerosus, quando hanc quantitatem excedit, est indecens religiosus, nec inter limites honeste illorum recreationis continetur. At licentia superioris ad usus turpes, vanos, & superfluos concessa non liberat, à peccato contra paupertatis votum, ac restituendi obligatione.

- 8 Nec etiam placet, quod tradit Medina lib. 1. sum. cap. 14. §. 29. dicens religiosum habentem generalem licentiam à suo superiore dandi, aut expendendi aliquam quantitatem, posse valide eam ludo exponere. Quia quamvis peccet faciundo contra intentionem Prælati, at transfert dominium. Non inquam placet, quia licentia illa generalis non extenditur ad ludum immoderatum, sed ad honestos, & licitos usus: immo quamvis expressam licentiam habere, expendendi eam quantitatem ludo illicito, non esset

à transgressione voti paupertatis liber, nec lucrans ab onere restitutionis immunis.

## QVÆSTIO CLXXX.

*An qui inuito Prælati, vel eo consentiente extra piam, & licitam causam rem aliquam à religioso accipit, furtum committat cum onere restituendi acceptum?*

**R**ESPONDEO communem esse sententiam, hunc furtum committere, tenerique acceptum restituere. Et ratio est quia cum hic religiosus careat potestate donandi, qui recipit, non potest iuste retinere, sed tenetur acceptum restituere. Quod intelligitur primo, si titulo gratuito accipit, nam si per venditionem, & huiusmodi, non tenetur; quia non damnificauit Monasterium, cum tantum dederit, quantum accipit. Nauarr. lib. 3. de rest. c. 1. n. 188.

Secundo intelligitur, quando res extat, aut si res non extat, accipit mala fide, nam si bona fide accipit, solum tenebitur si res extet, vel in quantum ex ea factus est ditior. Ita D. Anton. 3. part. tit. 16. §. 11. Syluester verb. religio 6. quæst. 7. Nauarr. cum. 2. de regular. num. 44. Less. lib. 2. cap. 41. dub. 8. Lopez 2. part. cap. 6. Petrus Nauarr. lib. 3. de rest. cap. 1. part. 3. num. 181. Corduba sum. quæst. 109. Sayr. clau. reg. lib. 9. cap. 16. num. 21. & Roder. part. 2. sum. cap. 31. num. 7.

QVÆ

## QVÆSTIO CLXXXI.

*Cui hac restitutio facienda sit?*

**A**BULENS. in cap. 6. *Muth. quest. 37.* censet eam restitutionem faciendam esse religioso qui dedit, si ille habet administrationem, & sit correctus, vel restituens sit certus id esse in Monasterij vtilitatem, si verò non sit correctus, aut non habeat administrationem, restituendam esse Monasterio.

Alij verò docent eam restitutionem faciendam esse Monasterio, quod illud habeat legitimum eorum bonorum dominium. Sic Syluester *verb. religio 6. quest. 7.* Rodericus 2. *tom. de regular. quest. 125. art. 2.* Nauarr. *lib. 3. de rest. c. 1. dub. 169.* & Molin. 10. 1. d. 40. & 94.

**2** Arbitror autem ego de iure communi posse restitui ea bona ipsimet religioso, nisi timeatur fore, ut male, & contra Prælati voluntatem iterum expendat. Molina *tom. 2. dist. 520.* Rebell. *de inst. p. 1. lib. 2. quest. 11. sect. 2. n. 9.* & alij.

Dixi notanter (*iure communi*) quia iure nouo Clementis octauæ restitutio debet fieri Monasterio, sed de hoc, infra dicemus.

## QVÆSTIO CLXXXII.

*An religiosus qui absque consensu superioris aliquid donat, vel dispensat, ad restitutionem tenetur?*

**R**OSSELL. *verb. Monachus n. 7.* & ibi Arnall. n. 12. Tabac. n. 11. q. 10. &

Syluest. *verb. religio 8. quest. 3.* negant hunc teneri ad restitutionem. Quia restitutio debet fieri ex proprio, non ex alieno. At religiosus nihil habet proprium: ergo sicut verè impotens, liber est à restitutione.

Alij verò rectius docent primò teneri hunc ad inducendum eum, cui dedit, ut restituat Monasterio, docens se non habuisse potestatem alienandi. Quod intelligitur, quando est spes proficiendi, atque id potest religiosus absque suæ famæ nota. Quod si nulla sit spes, quod restituer, & religiosus ille habeat peculium aliquod ex legitima superioris licentia, tenebitur ex eo restituere monasterio. Quia quamuis horum proprietatem non habeat, vsum tamen à se abdicare potest, & tenetur. Vel tenebitur abstinere ab vfu aliquarum rerum, pro quibus habet licentiam à superiore expendendi aliquid, vel ad magis laborandum manibus suis, si fortè ex aliquo artificio hoc posset facere, non defraudando obseruantiam regularem, ut sic satisfaciatur aliquo modo dicto Monasterio. Vel ad rogandum amicos, ut pro eo soluant, vel denique ad petendum humiliter per se, vel per alios remissionem debiti. Et ideo ita tenent Petr. Nauar. *lib. 3. de rest. cap. 1. num. 204.* Roder. 10. 3. *de reg. g. 29. art. 10.* Sayr. *clau. reg. lib. 9. cap. 16. num. 12.* & plerique alij.

Et idem est de Prælato, si in vsum prophanos, vel inutiles aliquid de rebus Monasterij expendit. Quia cum non habeat ex officio facultatem ad hæc, restituere tenetur, ut Nau. & alij supra citati affirmant. Si autem ab extraneo religiosus aliquid surripuit, tenetur restituere ex eo quod habet ex licentia Prælati suæ liberæ dispositioni relictum, ut rectè docet Molina *tom. 1. de inst. d. 140.*



## QVÆST. CLXXXI.

*An Religiosus qui aliquid furatur  
ab externis ad utilitatem  
Monasterij sit pro-  
prietarius?*

**R**ESPONDEO non esse proprietarium. Et ratio est, quia per votum paupertatis tantum prohibetur sibi aliquid querere, aut appropriare sine licentia superioris. At hic nihil sibi querit, aut appropriat, sed furatur ut tradat Monasterio: ergo non est proprietarius, sed solius furus reus. Et ideo ita tenet Nauar. lib. 3. conf. 111. de statu Monach. conf. 3. nu. 4.

**2.** Quare non est audiendus Valentia 2. 2. d. 10. qn. 4. p. 3. qui absolute dicit omne religiosi furtum esse peccatum proprietatis. Quia hoc est verum, quando religiosus aliquid ab externis furatur, ut sibi acquirat, vel appropriet infcio superiore.

## QVÆSTIO CLXXXIV.

*An quando plures religiosi cellam  
alterius expoliant, ita ut singuli  
modicum quid accipiant, omnes  
peccent mortaliter, teneanturque  
in solidum ad restitutionem?*

**A**D hoc dico primò, quod quando plures religiosi perrexerunt ad expoliandam cellam alterius, ita quod mutuus comitatus fuerit causa damni cuiuscunque eorum, vel nullus aggrediretur, nisi nixus communi defensione, vel quia non praevalerent ad damnum inferendum, nisi

omnes ita coniuncti id aggredirentur, tunc singuli eorum peccarunt mortaliter cum onere restituendi in solidum totum damnum, quia singuli sunt causa totalis totius damni.

Secundò dico, quod si tales prædicti expoliatores cellæ ita concurrunt, ut unus excitet, & moueat alios ad furtum, unusquisque peccat mortaliter, & in solidum tenetur illud restituere. Ratio est, quia unusquisque causa est efficax totius damni.

Tertiò dico, quod si tales religiosi non se inuitant ad inuicem, nec animo se inuicem defendendi iuerunt simul, & simul cellam ingressi nullo eorum cooperante ad furtum partiale alterius, licet forte ei præbuerit occasionem malo exemplo, dum pariter est ingressus, tunc nullus eorum tenetur restituere, nisi id quod accepit. Ratio est, quia nullo modo concurrunt ad partes alterius.

Quartò dico, quod si tales furantes seorsum nescierunt, nec seire debuerunt damnum ab aliis illatum, tunc quandiu durat talis ignorantia, si est tamen inuincibilis, nullus peccauit mortaliter surripiendo rem minimam: si tamen postea in notitiam veritatis deuenerint scilicet damni notabilis ab aliis illati, tenebitur unusquisque quantum accepit in se, vel in æquiualentia reddere, & non reddendo peccat mortaliter in ipsa solum retentione, non autem in ipsa usurpatione.

Quintò dico quod si quilibet furando seorsum, sigillatimque videat alios confratres furantes rem minimam, & sic magnum damnum sequuturum, tunc licet Sotus lib. 4. quæst. 7. art. 3. & Sanch. putent non esse peccatum mortale; quia vnus non est causa efficax furti alterius, sed tantum sui, quod ob paruitatem materie solum peccatum veniale est, nihilominus tamen verius est, esse peccatum mortale,

cale, quia quilibet eorum in causa fuit, quod illarum fuit notabile damnum, atque ex consequenti, tenetur sub mortali ad restitutionem, non tamen singuli in solidum, sed unusquisque tantum pro sua parte.

- 6 Hinc, si lata esset postea sententia excommunicationis contra tales expoliantes, tunc quilibet eorum sub mortali, & poena excommunicationis ipso facto incurrendæ teneretur, vel respondere, vel restituere id tantum, quod accepit. Ita Henricus, lib. 13. de excommunicatione. cap. 17. nu. 4. Salon. 2. 2. qu. 66. art. 6. controu. 3. Suarez, 1. 10. in 3. p. d. 20. sect. 2. nu. 3. & mulci alij.

### QVÆSTIO CLXXXV.

*An religiosus transgrediens votum paupertatis donando aliquid, duplex lethale peccatum committat, alterum furti, alterum verò sacrilegij?*

- 1 **R**ESPONDEO regulariter duplex peccatum admittre, nam si Religiosus sibi usurpet aliquid de bonis Monasterij, & illud absque superioris licentia alteri tribuat, committit peccatum furti, quia contra domini voluntatem, qui est Monasterium, rem usurpat; & etiam proprietatis, quia absque superioris licentia id facit.

- 2 Hoc idem contingit, quando Religiosus rem sibi usurpatam non alteri tribuit, sed sibi retinet, quia id inuito domino, & absque superioris licentia efficit. Vel quando externus dat aliquid Religioso: nam eo ipso proprietates illius acquiritur Monasterio, & ideo inuito domino, & absque superioris licentia eam usurpat Religiosus.

Dixi notanter (regulariter) quia potest esse solum proprietatis peccatum, ut quando externus dat aliquid Reli-

giosus ea lege, ut illud in ius Monasterij non veniat, tunc enim etsi peccet contra votum usurpando sibi istius rei dominium, & usum independentem à superiore, non tamen contra iustitiam, quia ex domini voluntate eam accipit.

Potest etiam contingere, ut sit peccatum solius furti, ut quando Religiosus aliquid à secularibus furatur ad vtilitatem Monasterij, nam per votum paupertatis tantum prohibetur sibi aliquid acquirere, aut appropriare sine licentia superioris. At hic nihil sibi acquirit, aut appropriat, sed furatur, ut tradat Monasterio: ergo non est propriarius, sed solius furti reus. Et similiter si rem alienam non sibi usurpet, sed destruat.

Tandem poterit dari casus, in quo duplex malitia furti, duplex etiam malitia proprietatis interueniat, ut quando religiosus ex rebus Monasterij inuito superiore aliquid sibi usurpat, & rursus eodem inuito id alteri tradit. Cum in utroque casu hæc absque superioris licentia, & inuito domino fiant.

### QVÆSTIO CLXXXVI.

*An Religiosus grauius peccet, qui ab alio confratre ex his, quibus utitur aliqui id surripit, quam si ab extraneo, vel à communibus Monasterij bonis illud furaretur?*

**R**ESPONDEO hunc grauius peccare, quia maioris perturbationis occasione præbet, & aliorum religiosorum propter hoc æstimatio diminuitur, & ut clauus in religionem introducantur viam parat. Et est conclusio definita in Conc. Mediolan. 1. p. constit. cap. de Monialibus, ubi postquam dictum est proprietarias castigandas esse, statim subiungitur: *Fit multo ma-*

gie qua ex communi, aut ex eo quod alii-  
cuius usus tributum sit, furim sibi ali-  
quid vendiderit. Hæc Concilium.  
Verum hæc maior grauitas non est  
intra limites voti paupertatis.

### QVÆSTIO CLXXXVII.

*An religiosus qui inuito Prælato  
sibi appropriat denarium unum,  
vel plures non facientes mate-  
riam notabilem, quos ad inuisionem  
ipsius superidris non est pa-  
ratus resignare, peccet mortaliter?*

**I**N hac questione D. Anton. 3. p. tit.  
16. cap. 1. §. 11. & Gerlon 2. p. in resp.  
ad quasdam quaestiones sibi propositas  
quæst. penult. alphabeto 34. censent cu-  
iuscunque rei etiam minimæ usurpa-  
tionem sine Prælati consensu factam  
esse peccatum mortale. Hanc opinio-  
nem videntur tenuisse sancti Patres,  
qui seuetioribus verbis minimas etiã  
usurpationes inhihent. D. Benedictus  
in sua Regula cap. 33. sine licentia Ab-  
batis neque codicem, neque tabulas,  
neque graphium, religiosum habere  
vult. P. Hieronym. in Regul. Mo-  
nach. cap. 3. Non retineatur (inquit)  
quantumcunque minimum temporale.  
Et paulò infrà: Nulla omnino tangere,  
aut aliquoties retinere audeat, per ho-  
ram, censum, aut obolum, aut aliquid  
quicquid, unque minimum. D. Bonau.  
in 1. p. spec. cap. 4. ait. sine licentia superio-  
ris, ne habeatur tabula, aut acus. Cassian.  
etiam l. b. 4. de instit. renunt. cap. 13. de  
religiosis sui temporis loquens, Nulli  
(inquit) cesserim, nulli pecuniarem spor-  
tellam liceat possidere, nec tale aliquid,  
quod ut proprium retinens, suo debeat  
communis signaculo. Hos parres sequen-  
ti Cathol. de reformat. claustra. c. 14.  
Hugo super Regul. B. Franc. Serena  
confidentia. q. 81. Petr. Damian. in apo-

logia de contemptu mundi. & Cord. su-  
per Reg. B. Franc. quaest. 6. affirmant re-  
ligiosum sine licentia habentem fi-  
lum, acum, calamum, vel quid simile  
peccare mortaliter, & esse proprietari-  
um. Hos idem sentiunt Illustrissimus  
Caiet. 2. 2. quaest. 89. art. 7. Vivald. cand.  
sacram. 3. p. c. 14. nu. 18. & plerique alij  
qui strictissimè de hac materia lo-  
quuti sunt.

At communis, ac verissima senten-  
tia negat esse peccatum mortale. Et  
ratio est, quia transgressio cuiuscun-  
que præcepti etiam diuini ratione  
paruitatis materiæ, idest parui nocu-  
menti, vel surreptionis, vel defectus  
iudicij ad id sufficientis, solum obli-  
gat transgressores ad peccatum venia-  
le, minimo enim nocumento, chari-  
tas Dei, & proximi non destruitur, &  
fractio voti paupertatis, transgressio  
diuini præcepti est: ergo ratione pa-  
ruitatis materiæ violatio voti paupertas,  
seu alterius præcepti, erit tantum  
venialis.

Et confirmatur, nam lex religioso-  
rum de nihil appropriando sibi, non  
est fortior, quam lex Dei de nihil fu-  
rando. At transgressio legis de non fu-  
rando excusatur à culpa mortali pro-  
pter rei exiguitatem, ut rectè docet D.  
Tho. 2. 2. qm. § 9. art. 4. & qm. 66. art. 9.  
Nauar. c. 17. nu. 2. Soc. lib. 5. qm. 3. art. 3.  
& alij communiter: ergo.

Excipiuntur duo calus, in quibus  
paruitas materiæ non excusatur à mor-  
tali. Primus est, in iuramento asserto-  
rio, ut si quis diceret falsè, iuro per  
Deum, quod non leuavi festucam de  
terra manu mea, peccaret mortaliter,  
nam licet res sit parui, vel nullius va-  
loris s. leuasse, vel non leuasse festu-  
cam, tamen quia iurat falsum, non so-  
lum paruitas materiæ non excusatur à  
mortaliter, sed etiam aggrauatur, quia in  
rebus nullius penſi, nihilque referen-  
tibus adducit Deum in testem falsi.

Secun-

Secundus casus est, quando contingit fieri aliquid mali, licet in se sit modicum, tamen ex contemptu fit, ut si quis in contemptum diuinæ legis verba proferret otiosa, esset planè mortale, nec in hoc casu cum paruitas materia excusaret.

Sed casum hunc non esse adeò certum, ait Med. in sua summa, quia Caiet. verbo contemptus ait, verum esse, quod peccans ex contemptu simpliciter, mortaliter peccat, sed qui contemnit aliquid ex eo, quod est minimum, non contemnit simpliciter, sed secundum quid, idè non peccat mortaliter, modifìcat enim contemptum cum illo minimo, sicut qui accipit minimum non dicitur furari simpliciter, sed secundum quid.

- 4 Nec obstant dicta sanctorum Patrum. Non enim sic intelligendi sunt, quasi is religiosus qui rem sibi usurpat, vel dispensat absque licentia Prælati, statim peccatum mortale incurrat, sed solum quod committat peccatum, quod ex genere suo est proprietas, etsi ratione modicitatis materia sit veniale peccatum.

#### QVÆSTIO CLXXXVIII.

*An Religiosus, qui iniuste superioris surripit modicum, v. g. sex uncias panis, parum vini &c. Quasi singulis diebus, peccet mortaliter, & ad restitutionem teneatur?*

- 1 IN hac graui, & perdifficili questione, ut certa ab incertis secernamus. Primo supponendum est, tanquam certum apud omnes, quod modus accipiendi aliquid occultè, dum aliàs acceptio placeret domino, si ei innotesceret, est venialis, quod sæpe reli-

gioli ob verecundiam superiorum faciunt.

Secundo certum est, quod religiosus, qui in monasterio accipit panem, vinum, & id genus alia, quibus vescatur, sub ratione habitatione, quod si adesset superior, ipsi perenti daret quamuis nollet, ut se incio caperet, non peccat nisi venialiter.

Tertiò certum est, quod religiosus qui intra Monasterium surripit cibaria in magna quantitate, animo donandi, vel alienandi, peccat mortaliter, cum obligatione restituendi, tam dans, quam accipiens. Et ratio est, quia in hoc casu, non solum modus, sed etiam factum iniuste domino fit.

Quarto certum est, quod religiosus, qui minutatim repetitis vicibus ex rebus Monasterij exigua surripit, siue eum animo, siue sine eo perueniendi ad summam notabilem, cum illam tamen attingit, ad restitutionem teneatur.

Quintò, & vltimò certum est, quod qui paulatim ex rebus Monasterij rem paruum surripit, si à principio habuit animum perueniendi ad materiam notabilem, à principio peccauit mortaliter, cum obligatione restituendi quod accepit, quamuis modicum pro qualibet vice accipiat.

Hinc, emptores nobilium, qui fraudant dominos suos, quasi singulis diebus surripientes aliquid exiguum, peccant mortaliter cum obligatione restituendi quod iniuste acceperunt, quamuis exiguum singulis diebus surripiant: non enim in talibus attenditur id exiguum, quod accipiunt, sed ad totam summam surreptam in fine temporis, ad quam fertur eorum praua intentio, pro qua in inferno æternaliter punientur. Hæc itaque certa sunt apud omnes.

## QVÆST. CLXXXIX.

*Sed totum controuersia diffidium  
consistit de eo religioso, qui pau-  
latim repetitis vicibus, ex rebus  
Monasterij surripit unum, vel  
duos denarios, sine intentione  
perueniendi ad magnam quan-  
titem: An cum illam attingit  
peccatum, mortale committat,  
cum obligatione restituendi?*

**I**N qua re dux extant Doctorum  
opiniones. Prima ait quod religio-  
sus qui minutatim ex rebus Monaste-  
rij singulis diebus quid modicum  
surripit, peccat tantum venialiter,  
cum tamen valor pecunie surreptæ  
peruenit ad notabilem quantitatem,  
tunc ultimum furtum præcedentibus  
accedens, efficitur mortale. Ita Sor.  
*lib. 5. de iust. quæst. 3. artic. 1. Salon 2. 2. quæst. 66. art. 6. Valent. 2. 2. d. 5. qu. 10. p. 5. Arag. 2. 2. qu. 66. art. 6. Petr. Nauar. lib. 3. de rest. cap. 1. num. 51. Molina 10. 3. de iust. disp. 688. Couar. lib. 1. variar. cap. 3. num. 12. Cord. in summ. qu. 70. Vasq. 1. 2. quæst. 88. art. 4. disp. 146. cap. 2. num. 5. Lop. par. 1. cap. 93. & Rebell. de iust. par. 1. lib. 3. quæst. 15. sect. 4. num. 30. qui limitat num. 33. nisi ultimum furtum committens, habeat animum saltem virtualiter restituendi priora minima furta. Quod tunc nullum sit notabile damnum.*

**Secunda opinio est aliorum, qui licet consentiant cum prima opinio-  
ne, quod in hoc casu minimorum  
furtorum in diuersis vicibus com-  
missorum, sub reatu mortali eo-  
rum facienda est restitutio cum per-  
uentum iam fuit ad summam nota-**

bilem: tamen negat, quod illud vlti-  
mum furtum complens quantitatem  
notabilem, fiat mortiferum virtute  
priorum, sed omnia illa exigua, pri-  
ma, & postrema, & intermedia furta  
non fuerunt plusquam venialia. Ra-  
tio est, quia ex peccatis venialibus  
quantumcunque multiplicatis non  
conspicitur mortale, cum ergo ea om-  
nia furta leuia sint, & venialia non  
conspicitur ex illorum multiplicatione  
culpa lethalis. Et ideo ita tenent Na-  
uar. c. 17. num. 139. & Vega lib. 14. in  
Conc. Trid. cap. 11. fine.

Cæterum probabilior, ac securior  
mihi semper visa est prima opinio,  
nempe quod si Religiosus à princi-  
pio carens animo furandi multum  
ex rebus Monasterij, semel atque ite-  
rum modicum quid surripuit, ex  
tunc, & non ante tale furtum inci-  
piet esse mortale, quando coassum-  
ptum cum aliis præcedentibus paruis  
furtis, incipit esse materia grauis. Et  
ratio est, quia illud postremum fur-  
tum, licet exiguum, in virtute furtu-  
lorum præcedentium operatur nota-  
bile damnum: quicumque autem Re-  
ligiosus sciens, & aduertens ex actu  
suo etiam leui, Monasterium passu-  
rum notabile damnum, illum facit,  
verè est causa efficax talis damni, &  
sic peccat mortaliter cum obligatio-  
ne restituendi; *Parum enim refert* ait  
D. Hieron. *an unico actu, vel pluribus  
proximum quis interimat, vel spoliet, siue  
damnificet, cum semper sit æquale dam-  
num.*

Tum quia retinere, & actu vsur-  
pare idem peccatum est: ergo si reti-  
nere est mortale, vt Authores primæ  
opinionis testantur, erit etiam mortale  
vsurpare.

Tum quia retinere est mortale,  
quia ea parua quantitas cum præce-  
dentibus coniuncta efficit rei notabi-  
lis retentionem, sed similiter coniun-

et cum præcedentibus efficit rei notabilis usurpationem: ergo similiter ea usurpatio erit mortalis.

Dixi notanter (*sciens, & aduertens*) quia Religiosus qui minutatim multa exigua furtiva commisisset, quorum esset inuincibiliter oblitus, atque ita non aduertens ad furtiva præcedentia, aliquod aliud furtum committeret, non imputaretur ei hoc, ad peccatum mortale, quia ex defectu aduertentiae, non continuatur moraliter: secus autem si aduertit se per ultimam acceptionem iniustum rei alienae etiam vnus oboli peruenire ad materiam, quæ in ordine ad Monasterium spoliatum, est per se sufficiens constitucere furtum mortale, tunc enim peccat mortaliter, quandoquidem scienter inferre dampnum notabile proximo, peccatum mortale est.

6 Ex qua doctrina sequitur primò, quod religiosus qui paulatim repetitis vicibus accipit ex rebus Monasterij, aliquid exiguum, quam primum peruenit ad quantitatem, quæ respectu Monasterij, cuius est res accepta, est grauis, peccat mortaliter contra votum paupertatis, cum obligatione restituendi, quamuis à principio animum furandi notabilem quantitatem non habuerit. Quod arbitror verissimum, modo religiosus continuato tempore illam notabilem quantitatem constaret, non autem si magnis interuallis interpositis eiusmodi furtiva faceret, quia tunc nec peccaret mortaliter, nec sub mortali restituere teneretur, ut si aliquot diebus vnus mensis aliquid surriperet, & post aliquot alios totidem, ita quod in fine duorum, vel trium annorum constaret summam etiam duplo maiorem, quam sit illa, quæ simul accepta induceret peccatum mortale, & obligationem sub mortali restituendi. Ratio est, quia superiores minus

ægre ferunt sibi auferri longo interuallo, & casu quædam minima, quam eandem quantitatem simul, vel breui interuallo. Immo tanta posset esse interruptio, ut non videatur vnum furtum coniungi cum alio, sed quodlibet illorum sit per se considerandum, ut si spatium vnus anni inter quodlibet furtum interueniret.

## QVÆSTIO CXC.

*Sed quid, si religiosus fecit multa furtula, & peccauit mortaliter ob id, quia peruenit ad materiam notabilem, teneatur sub mortali totam summam restituere? v. g. ponamus, quod furari summam quatuor iuliorum sit peccatum mortale, & religiosus paulatim ex rebus Monasterij accipiat usque ad tres, & tandem accipiat quartum: An teneatur sub mortali omnes quatuor iulios restituere, an vero satisfaciatur soluendo quartum, ita ut excusetur à mortali, etiam si reliquos tres antea paulatim acceptos non restituat?*

**I**OANNES Medina C. de restitut. l. 10. & Corduba in summa casuum tenent obligari sub reatu mortali totam summam restituere.

Contrarium tamen est proculdubio affirmandum, nimirum excusari à peccato mortali, si vnum tantum iulium restituat. Ratio est, quia religiosus non tenetur sub mortali, nisi auferre dampnum notabile Monasterij, sed soluto eo iulio remouetur dampnum notabile, nam ut

§§§§ 3 suppo

supponimus, tres non constituunt materiam grauem in peccato furti: ergo.

- 3 Et confirmatur, religiosus furti-  
piendo illum quartum iulium, pec-  
cavit mortaliter, quia ille cum aliis  
tribus constituere materiam nota-  
bilem: ergo restituendo illum, ex-  
cusatur à peccato mortali, cum non  
damnificet notabiliter Monasterium  
suum. Et ideo ita sentiunt Reb-  
ell. *de iust. part. 1. lib. 3. quest. 15. sect. 4.*  
*numero 39.* Nauarrus *lib. 3. de restitu.*  
*cap. 1. part. 1. dub. 8. numero 67.* &  
plerique alij.

### QVÆSTIO CXCI.

*An sufficiat ad constituendum pec-  
catum mortale furti contra vo-  
tum paupertatis, quod religiosus  
habeat animum furandi, ni-  
hil de notabili aut paruo co-  
gitans?*

- 1 CAIETANVS gloria Thomi-  
starum 2.2. *quest. 66. art. 6. ad 3.*  
videtur sentire, quod voluntas fu-  
randi absolute, est peccatum mor-  
tale, nisi limitetur ad rem mini-  
mam.

- 2 At Petrus Nauarr. *lib. 3. de restitu.*  
*cap. 1. numero 40.* cuius opinioni tan-  
quam probabiliori adhæreo vult nun-  
quam in indiuiduo dari furtum ali-  
quod, in quo fur non habeat volun-  
tatem saltem tacitam accipiendi mo-  
dicum, vel magnum. Et ratio est, quia  
cum religiosus se applicat ad furan-  
dum, vel solum intendit rem mini-  
mam accipere, & tunc solum erit ve-  
niale, vel ita futatur minimum, vt pa-  
ratus sit, & optet furari multum, si  
datur occasio, & sic erit mortale: nec

fingi potest alius casus in quo quis  
habeat animum furandi absolute,  
prout finxit Caietanus, sed sine firmo  
fundamento.

### QVÆSTIO CXCI.

*Sed grauis, & difficilis questionis  
est, qua summa requiratur, vt  
religiosus peccet mortaliter pec-  
cato proprietatis, accipiendo, aut  
expendendo sine licentia Pra-  
lati?*

IN hac re D. Anton. 3. p. tit. 16. *cap. 1.*  
1. §. 11. Gerson *alphab. 3.4. lib. 5. dub.*  
3. & plerique alij censent esse pecca-  
tum mortale, etiam quamcunque rem  
minimam Prælati occultare.

Sed hæc opinio (pace tantorum  
viro-<sup>2</sup>rum sit dictum) falsa est, & meri-  
to, vt talis ab omnibus reicitur; nam  
materie paruitas in quocunque ge-  
nere excusat à mortali, vt cum com-  
muni docet D. Tho. 2.2. q. 88. ar. 5. &  
6. & habetur in l. scio, de restitu. in inte-  
grum, vbi dicitur quod de modicis  
non est multum curandum. Et in l. si  
oleum §. vlt. ff. de dolo, & l. senatus. ff. de  
legibus habetur quod paruum, & nihil  
in iure æquiparantur.

Alij verò rectius docent, requiri  
tantam quantitatem, quanta suffice-  
ret, vt aliquod furtum factum à secu-  
laribus sit mortale; cum appropriatio  
facta à religioso sit furtum, quia  
contractat rem alienam inuito, & in-  
scio superiore. Et ideo ita tenent Na-  
uarr. *lib. 3. conf. 111. de reg. conf. 71. n. 18.*  
Cordim *sum. q. 109.* Azor. *lib. 12. cap.*  
*12. q. 6.* Reb-<sup>3</sup>ell. *de iust. p. 1. lib. 3. q. 15. sect.*  
*3. n. 22.* & Molina 10. 3. *de iust. d. 687.*  
refert quoddam decretum factum à  
Reuetendiss. Præposito Generali suæ  
Congregationis anno Domini 1594.  
huius tenoris.

Cura

4 Curauimus ea de re inter nostros Doctores diligenter inquiri, ac discipulari: omnium verò sententia hac fuit, eam quantitatem, qua furto sublata, satis esset ad constituendum peccatum mortale contra septimum preceptum, eandem sufficere, ut peccasse iudicaretur aduersus votum paupertatis: si quis è nostris eam ut propriam, vel usurpet, vel alienet sine superioris facultate. Quam opinionem volumus, ut nostri sequantur, prescribimusque Patri Provinciali, ut eam nostris omnibus patefaciat, quo huius voti exacta perfectio, quam studiosissime obsequuntur.

### QVÆSTIO CXCIIL.

*Sed quares, quæ quantitas requiratur ad constituendum peccatum mortale furti?*

1 PRO intelligentia autem huius materię, quæ est digna scitu, præmittendum est, præsentem quæstionem duobus modis intelligi posse, vno modo absolute, considerando rem furto ablatam sine respectu alicuius personæ, à qua res auferitur. Alio modo respectiue, habita ratione paupertatis, vel facultatis domini rei acceptæ: & quidem loquendo de quantitate furti quantum ad vtrumque sensum, dicimus varias esse, & maxime discrepantes Doctorum opiniones.

2 Doctor Nauat. in *Man. cap. 17. n. 3.* & in *cap. fin. 4 q. 6.* credit ex natura rei materiam notabilem ad constituendum peccatum mortale esse summam duorum Regalium, vel Iuliorum, immo, & vnius, & etiam dimidij, non tamen minorem quarta parte Regalis, vel Iulij in hac regione, & aliis similibus pecuniis; nec audet

damnare eum, qui mediū inter quartam partem argentei, & dimidium argenteum non esse notabile assereret.

Ex quo infert, peccatum mortale esse, usurpare vnum hœdum, caponem, vel vnam gallinam mediocrem in regione vbi dimidium regale valet, ut in aliquibus regionibus Indiarum ex abundantia earum valet: etiam duodecim ouorum ablationem: & idem, inquit, dicere de quarta tritici, & quarta vini.

Sed hæc opinio Nauarri (pace tanti viri sit dictum) non solum nimis arcta, & scrupulosa, sed etiam singularis videtur, quia apud omnes communiter dimidium Iulij non habetur pro materia graui. Nec est credendū, quod Deus infinitæ misericordiæ pro re tam parui momenti velit homines æterna morte damnare, quos tam pretioso sanguine redemit.

Bañes 1. 2. q. 66. ar. 6. censet centum aureorum summam ex natura rei, & ex obiecto non facere materiam peccati mortalis; bene tamen quando ex tali furto spoliatus pateretur aliud graue damnum, quia potest contingere, ut nullum damnum patiatur quis ob furtum centum aureorum, ut est videre in Rege, vel magno Principe: ergo talis materia ex obiecto non infert notabile nocuumtum; atque ex consequenti, non est peccatum mortale, nisi respectu talis personæ, quæ ex tali furto graue aliquod detrimentum pateretur.

3 Ex quo infert primò, quod si filius furriperet à patre prædiuite quinquaginta aureos, non peccaret mortaliter; & tamen si seruus ab eodem accipiat vnum ducatum, erit peccatum mortale; & rationem reddit, quia respectu filij non est valde rationabiliter iniurius pater, bene tamen respectu famuli:

nec



nec filius restitutioni erit obnoxius, nisi fortè fratribus suis cohæredibus notabiliter noceat.

- 6 Secundò infert, quod si aliquis priuatus Regis, cui committitur dispensatio multorum millium ducatorum, accipiat sibi centum ducatos, non est (inquit) peccatum mortale: & probat, quia Rex ipse non est notabiliter iniurus in ordine ad talem ministrum.

Sed nec hæc opinio valet, cum sit contra communem Theologorum, & Canonistarum sententiam; immò contra rectam rationem: nec eius argumentum concludit; nam etiam respectu Regis, vel alterius quantumlibet diuitis, centum, immo decem aureorum summa, est materia grauius; quia licet talis quantitas vsibus personalibus Regis scilicet in victu, & vestitu non notabiliter noceat, tamen spectatis omnibus Regis oneribus, ad ea subleuanda notabiliter iunat illi, & eius rei familiari sit notabilis læsio.

Tum quia, licet qui surripit à Rege centum aureos, non noceat ei notabiliter, aufert tamen ab eo quantitatem notabilem.

- 7 Corduba in *sum. casuum* q. 109. & Michael Salon 2. 2. q. 66. ar. 6. dicunt absolute, & simpliciter vnum argenteum in his partibus Europæ, esse materiam sufficientem peccati mortalis, quamuis non apud Indos, vbi est magna copia pecuniæ, etiam duos, aut tres argenteos. Petr. Nau. lib. 3. de rest. c. 1. dub. 3. n. 32. citat pro hac sententia Couar. lib. 1. var. resolut. cap. 3. num. 12. Sed reuera Couartuuias ibi nihil tale affirmat.

- 8 Toletus lib. 5. cap. 6. num. 3. censet summam vnus, vel duorum Iuliorum secundum se, à quocunque etiam diuissimo surripitur, esse materiam sufficientemque efficere, peccatum mortale furti.

Bartholomæus Med. t. 2. q. 88. ar. 8. asserit non esse furtum mortale, nisi ad summam duorum argenteorum ascendat.

Hanc opinionem Rebellus lib. 3. de obligat. cap. 15. censet esse veram regulariter in locis pecuniosis: at in aliis locis vbi pecunia non æque abundat, satis esse censet vnum argenteum.

Molina 10. 3. de inst. disp. 685. docet tantum pecuniæ valorem, quæ in vnoquoque loco satis est, ad conducendas operas vnus diei fossoris terræ, videri materiam sufficientem ad constituendum furtum mortiferum in ordine ad eos, qui non sunt valde diuites. Huius opinionis videtur esse Couar. lib. 1. var. resolut. cap. 3. num. 12. vbi ait gallinæ valorem esse notabilem: at gallinæ valor vbique terrarum esse solet tantus, aut fere, quantum in eodem loco tradi fossori consuevit pro operibus vnus diei.

Magister Sot. lib. 5. de inst. q. 1. ar. 1. 10 ad 3. asserit duorum, vel trium aureorum quantitatem esse materiam grauem, quæ per se, & ex natura rei inducit furtum mortale, etiam si à Rege accipiat, licet eos ipse floccipendat, quia Rex etsi prædiues sit, pluribus quoque indiget ad sustentationem Regni.

Ex quo infert summam valoris duorum, vel trium regalium non esse quantitatem notabilem, immo nec vnus aurei, nisi à misero surripitur. Cuius sententiam censet esse valde probabilem Arag. 2. 2. q. 66. ar. 6.

Syluest. egregius Thomista, patenterque in iure peritissimus verb. *furtum* q. 2. n. 4. affirmat materiam, quæ excedit duos, vel tres aureos respectu magni Domini, esse sufficientem ad constituendum furtum lethale.

Petr. Arag. 1. 2. quest. 66. ar. 6. Petr. Nauar. lib. 1. de rest. cap. 1. num. 39. & Ioan. Medin. C. de restit. quest. 10. dicunt

eunt in materia furti, nullam posse tradi certam, & infallibilem regulam sine ordine ad personam, à qua res aufertur, quia quod respectu vnus censetur notabile, respectu alterius non censetur tale, sed modicum, & parui momenti.

- 12 Ex quo colligunt, in diuitibus inuitis (etiam si Reges sint) duorum, vel trium, & etiam vnus aurei summam esse materiam sufficientem ex natura rei ad efficiendum peccatum mortale furti. In communibus autem personis quatuor, vel quinque regalium. In pauperibus verò vnus, vel duorum, & hæc seclulis aliis damnis extrinsecis.

Gregor. de Valent. 2. 2. d. 5. qu. 10. p. 6. dicit absolute peccatum mortale esse accipere tres, aut quatuor argenteos, etiam si à Regibus, vel diuitibus auferantur.

Ex quo colligit, duorum argenteorum numerum, non esse peccati mortalis materiam, siue à diuie, siue à communi persona auferantur: secus si à paupere.

- 13 Sed vt ego in tanta Doctorum varietate, quid mihi videatur, explicem, obseruandum est primò ex S. Thom. 2. 2. quæst. 66. artic. 6. quod furtum eatenus est peccatum, quatenus est contra charitatem proximi: tunc autem dicitur esse contra charitatem, quando per furtum infertur nocumentum proximo in suis bonis, igitur quando furtum tantum, quantum sufficit ad inferendum nocumentum simpliciter domino rei, tunc erit peccatum mortale.

- 14 Dixi notanter (*nocumentum simpliciter*) quia si quis pro re exigua sibi furto ablata, offenditur, & ad iracundiam concitatur ex eo, quod est auarus, & angusti cerebri, non propter hoc illius iactura debet iudicari pro nocumento simpliciter, quamuis appareat nocumentum ad hominem

propter extremitatem: sed illud dicitur esse nocumentum simpliciter, vt rectè Caiet. docet, quod communi animi conceptione attentis circumstantiis rerum, pro nocumento iudicabitur.

Ex quo colligitur, quod ad iudicandum, quanam quantitas leuis, aut grauis sit, vt ex eius ablatione furtum veniale, aut mortale committatur, nulla potest dari certa regula, sed standum est iudicio prudentis viri, qui penses omnes circumstantias conditionum, personarum, regionum, locorum &c.

Secundò est etiam obseruandum, 15 quod quamuis quantitas rei furto ablata prima facie videatur notabilis secundum se, tamen non statim erit peccatum mortale, nisi dominus rei fuerit valdè rationaliter inuitus, quia in definitione furti ponitur hæc particula, *inuito domino rationaliter*.

Quibus sic positis, dico primò, 16 quod materia quæ sufficit ad constituendum furtum mortale, non debet attendi secundum quantitatem rei, quæ furto aufertur, sed secundum æstimationem illius. Ratio est, quia eadem pecunie summa plus vno, quam alio tempore valet: inimo eadem mensura tritici non variata propter maiorem, vel minorem ipsius copiam plus vno tempore, vel loco, quam alio valet.

Hinc, auferre Neapoli caponem, vbi plurimum valet, est peccatum mortale, quod non est in Pedemontio, vbi parum æstimatur, est enim veniale.

Secundò dico, quod ex natura rei, 17 & ex obiecto, materia notabilis, quæ sufficit efficere furtum mortale, etiam si à ditissimis auferatur, est trium Iuliorum summa. Ratio huius est, quia communiter omnes homines, etiam diuites, & liberales, hanc quantitatem non contemnunt, nec ad arbitrium

T t t t t i m o

timoratae conscientiae est parui momenti etiam respectu Principum, cum ea plura bona notabiliter vilia comparari possint.

Hinc, qui auferit à Magnate vnum, vel duos argenteos, non peccat mortaliter. Ratio est, quia ista quantitas ex natura rei non est grauis, & excessiua.

Tum quia talis persona ob huiusmodi furtum, parum, aut nullum nocumentum patitur, nec sciens de hoc tristaretur.

- 18 Tertiò dico, quod in ordine ad personas mediocres, quæ non sunt pauperes, nec valde ditites, quantitas duorum luliorum ex se est materia sufficiens ad constituendum peccatum mortale in materia furri. Ratio est, quia respectu talium personarum ista quantitas est grauis, & per se moraliter affert illis notabile detrimentum.

- 19 Quartò, & vltimo dico quod furari à paupere, qui viuunt de opere manuum suarum, vnum argenteum, vel lulium, proculdubio est peccatum mortale. Probat, ideo furtum est peccatum, quia per ipsum infertur nocumentum proximo in bonis suis, sed maius damnum infertur pauperi mercenario, qui non habet nisi suam mercedem, ex qua se, & suam familiam alit, si ab eo auferatur vnus argenteus, quam si à diuite accipiat vnus aureus: ergo tale furtum est peccatum mortale, estque talis quantitas in paupere materia grauis.

Obiicies §. *gallinarum inst. de rerum diuisione*, ubi datur actio, & poena gravis imponitur pro furto vnus gallinae: non est autem credendum quod pro minori furto, quam mortali actio detur, gallinae autem pretium in ordine ad diuersa loca est vnus, vel duo argentei ad summum: ergo ista quantitas ex natura rei est per se sufficiens efficere furtum mortale.

- 20 Respondeo primò, in §. *gallinae*

rum, pro furto vnus gallinae datur actio, & poena grauis imponitur, quia praesumitur maiori voluntate furandi fieri. Responsio hæc est summæ Angelicæ, quæ non est condemnanda.

Secundò respondeo cum Soto lib. 5. de iust. quaest. 3. artic. 3. quod ibi ius ciuile non dicit quod pro furto vnus gallinae datur actio, sed gallinarum, & anserum & ita si multæ essent, merito posset puniri, sicut de peccato mortali, & è contra tam parum esse potest, vt ridiculus haberetur, qui de illo ageret in iudicio.

Quare, vt praesentem quaestionem 11 concludamus, dicimus in Monasteriis diuinitis trium argenteorum summam, quam religiosus inuito superiore accipit, aut expendit, esse materiam sufficientem ex obiecto ad efficiendum peccatum mortale contra votum paupertatis. In Monasteriis mediocri censu dotatis duorum argenteorum summam. In Monasteriis autem pauperculis vnus argentei.

Est autem hic aduertendum primo, 12 quod quando dicimus eam pecunie summam requiri ad constituendum peccatum mortale contra votum paupertatis, quæ sufficit ad furtum mortale in secularibus, intelligendum est de materia sufficienti per se ad furtum mortale seclusis personæ, vel loci, aut temporis circumstantiis v.g. furari acum à sartore non habente aliam, est quandoque peccatum mortale ratione damni lucri cessantis. At id acus furtum, quod commissum à religioso esset in genere furri peccatum mortale, non esset tamen tale in genere proprietatis, & sic reſeruatō proprietatis vtiō, non censetur hoc reſeruatū, & econtra si in genere furri furari vnum aureum à Re

à Rege, esset veniale, vt Sotus testatur, at in genere peccati proprietatis esset mortale. Ratio huius est, quia furti malitia pendet ex damno, quod infertur proximo, at peccatum proprietatis solam voti violationem respicit, qua inuiro superiore aliquid sibi religiosus appropriat.

Secundo est aduertendum, quod non semper summa per se notabilis absque superioris licentia accepta, satis est ad constituendum peccatum mortale proprietatis. Quia res magnæ æstimationis potest ad solum breuissimi témporis vsum modici valoris vsu pari, reponendo statim in eodem loco; & ideo erit solum peccatum veniale contra votum.

23 Tertiò etiam aduerte, quod, quia non potest in hac vita non solum attingi certò punctum indiuisibile, ad quod si summa valoris perueniat, furtum erit mortale, & infra quod non erit mortale: sed neque certa, & infallibilis regula tradi possit, tutius est etiam in minoribus quantitatibus timere culpam mortalem, atque adeo illas dominio restituere, & ideo cautus debet esse confessorius.

24 Denique, & illud aduertendum est, quod in hac nostra congregatione Beatæ Mariæ Fulienfis per Decretum factum in capitulo generali, consentientibus omnibus Patribus ibi congregatis, stabilitum fuit summam vnus Lulij esse sufficientem materiam ad efficiendum peccatum mortale furti.

#### QVÆST. CXCIV.

*An religiosi sint in peccato mortali, qui post publicationem Concilij Tridentini non agunt vitam communem?*

**I**N qua re conuenit inter omnes, eos religiosos, quorum institutores in sua primæua constitutione communem vitam eis non imposuerunt, ad eius obseruantiam non teneri. Ratio est, quia cum hæc vitæ communis obseruatio non sit de essentia voti paupertatis, nec religionum professores ab initio ad eius obseruantiam fuerint adstricti non video quomodo modo possint ad huius vitæ communis obseruantiam obligari.

#### QVÆSTIO CXCIV.

*Sed tota difficultas consistit de his religiosi, quibus per regulam, vel constitutiones hæc vita communis præcipitur?*

**E**T quidem in his religionibus, in quibus talis vitæ obseruantia viget, non potest absque culpa mortali à Religiosis, præsertim Prælati eius relaxatio tolerari. Ratio est, quia Concil. Trident. sess. 25. cap. 1. de reformat. regul. mandat sub præcepto, vt in monasteriis communis vitæ ratio potissimum quoad ea, quæ ad eorum victum, & vestitum pertinent, vbi viget, seruetur, & vbi collapsa fuerit ad primam obseruantiam per superiores reducat.

Hinc colligitur esse in malo statu superiores qui non adhibent omnem diligentiam, vt communis vita in Monasteriis seruetur, vel vt iam relaxata quantum in se est, ad pristinam obseruantiam reducat: & similiter eos qui superioribus vitam communem restaurare volentibus resistunt. Et ratio est, quia omnes isti faciunt primò contra suas Regulas, à quibus vitæ huius obseruantia strictè

præcipitur. Secundo quia faciunt contra prædictum Conc. Trid. decretum. Et ideo ita tenent Syluest. *verb. religia* 6. q. 7. ubi sic ait: Si Prælati non faciunt quantum potest, sine magno scandalo, ut uiuant in communi, non est in statu tuto: subditi vero dicuntur communitati resistentes, non quia non possent sufficienter uiuere, sed quia volunt abundare, & de suis suo modo facere, uidentur in malo statu, cum seculariter uiuant, & uelint perseverare, quod prohibetur in cap. *relatum de regul.* In eadem sententia est Valent. 2. 2. dist. 10. q. 4. p. 2. ubi sic dicit. Quarto sequitur, esse in malo statu religiosos, tam Prælatos, quam subditos, qui non agunt vitam communem. Hoc autem intelligitur, quando ex communibus redditibus possunt sufficienter uiuere; alioqui iure naturali licebit unicuique sibi prouidere, procurando proprium, si aliter non possint uiuere. Hoc idem docet Less. lib. 2. cap. 4. dub. 5. ibi enim sic ait: *Aduerte tamen, si alicubi talis administratio rerum mobilium, vel immobilium ad usus necessarios concederetur, non teneri religiosis ea superioribus sponte tradere, nisi constaret alia ratione, ex communi penù (ut sit, ubi perfecta uita communio seruatur) ipsis prosequendum fore.* Unde multis locis possunt excusari. Nisi enim hoc modo illis esset prouisum, plerumque necessariis rebus destituerentur, maxime ubi Abbacia dantur in commendam, vel male per Prælatos administrantur. Si tamen à superiore legitimo alia ratio certa institueretur, per quam iuxta formam uita communis ipsorum necessitatibus satis foret consultum, non possent huic reformationi resistere, etiam si illam priorem rationem in ingressu inuenissent. Hæc Less. Eandem sententiam sequuntur Nauarr. *commen.* 1. 3. de regul. numero 36. Roder. 2. part. sum. cap. 31. & plerique alij.

Nec valet eorum excusatio, dicendo huiusmodi uiuendi modum fuisse ab eis inuentum in religione, & sic semper hæcenus fuisse in ea practicum, & etiam in præsentī communiter practitari; nec ipsi volunt in hoc apparere præ cæteris singulares, ac meliores, quam patres eorum. Quia quamuis talis modus uiuendi irregularis fuerit ab eis inuentus, non tamen per hoc sequitur, quod possint ambulare post abusum, ac corruptellam voti paupertatis, cum constet nemini fas esse quætere æmulationem in malo iuxta illud Dauidicum Psal. 13. *Noli amulari in malignantibus.* Et abusus debeat omnino de medio tolli, & non foueri, & qui uult ad vitam æternam peruenire, tenetur esse singularis iuxta illud Matth. *Arctia est uia, quæ ducit ad vitam, & pauci sunt, qui ambulant per eam.*

Nec valet dicere, quod prædictus uiuendi modus toleratur communiter à religionum Prælati. Quia si id aliquo modo videantur tolerare superiores, eorum tolerantia potius dicenda est permissiua, quam approbatiua.

Nec etiam valet adducere, quod prædictum eorum uiuendi modum Romanus Pontifex sciens permittit, ac tolerat, & tolerantia cum scientia Principis excusat transgressorem à peccato. Quia si talis permissio, ac tolerantia fundaretur in lege humana supra quam Princeps habet facultatem dispensandi, hoc uirque verum esset; ut rectè docent communiter Doctores in materia de legibus. Sed quoniam in voto paupertatis fundatur, quod ad ius diuinum pertinet, Romanus Pontifex nullo modo potest in eo dispensare, ut expressè definitur in cap. *Cum ad monasterium, de statu monachorum.* Sed dato, & non concess-

so quod ista tolerantia fundaretur in lege humana, adhuc transgressores illius non essent immunes à peccato, quia tolerantia Romani Pontificis circa hunc viuendi modum religiosorum est solum permissiua, vt constat ex sacris Canonibus, & decretis Concil. ac summorum Pontificum præsertim Clement. VIII. & Pauli V. Sola autem tolerantia permissiua, & non approbatiua non sufficit ad eximendum transgressorem à peccato.

- 6 Nec etiam valet excusatio dicendo quod quando ipsi professionem fecerunt, non intenderunt ad alium modum viuendi se obligare, quam qui tunc temporis vigebar in religione, & votum non obligat ultra intentionem vouentis. Quia quamuis verum sit quod votum non obligat nisi secundum intentionem vouentis, hoc tamen intelligitur, quando in potestate vouentis est sic, vel sic vouere, sed quando est eis præscripta forma, & modus viuendi, sicut fit in solemnī professione id minimè est verum. Vnde isti non possunt in vouendo mutare formam professionis per intentionem contrariam ei quod verba sonare videntur.

Tum quia quando isti fecerunt professionem, se obligauerunt ad obseruantiam regulæ, & non ad abusum eius, ex negligentia, vel malitia inobseruantium introductum.

- 7 Nec etiam prodest excusatio adducendo antiquitatis consuetudinem. Quia talis modus particulariter viuendi potius est abusus, quam vsus, corruptela magis, quam consuetudo, aggravans magis, quam alleuians, & irrationabilis prorsus resistens sacris canonicis, & voto paupertatis.

Nec suæ conscientiz satisfaciunt dicendo, se habere animum paratum ad resignandum ad iussum Prælati omnia quæ habent, & ad tradendum clauem superiori. Quia huiusmodi promptitudo, ac clausi traditio verbalis sola est, & non realis, cum intus seruetur affectus possessionis & dominij.

Nec etiam valet dicere, præfatum Concilium non esse in hac parte receptum à maiori parte religiosorum, & lex non recepta non obligat in conscientia. Quia falsum est, esse expectandum populi consensum ad hoc, vt lex conscientiam liget, vt cum Felino tradit Roderic. tom. 1. de regul. quest. 6. ar. 6. quod à fortiori procedit in constitutione Pontificia, cum Papa non à populo, sed ab ipso Christo Domino habeat huiusmodi potestatem. Vnde quotiescunque lex Pontificia est iusta, ac rationabilis (quod semper est præsumendum) siue recipiatur, siue non, semper transgressores ligat.

## QVÆSTIO CXCVI.

*Sed grauius dubium est de illis religiosis, inter quos iam antea multis retro annis vsu receptus est viuendi modus per portiones singulariter designatus?*

IN qua re etiam conuenit, huiusmodi statum esse periculosissimum, quia vbi communis vita non obseruatur, religiosi variis animæ suæ periculis faciendi contra solemne votum paupertatis exponuntur.

## QVÆSTIO CXCVII.

*Sed totum controuersie dissidium est; An talis status post Concilium Tridentinum possit defendi?*

**R**ESPONDEO posse, modo nouem concurrant.

Primò, vt ea quæ ipsi traduntur, nullatenus, vt propria accipiant.

Secundò, vt ea quæ dantur, solum ad vsus necessarios, vel pios tradantur.

**2** Tertiò, vt seruent statuta, vel mandata suorum superiorum, quæ disponunt qualiter debeat à subditis fieri dispensatio horum bonorum.

Quartò, vt non dispensent ea in vsus prophanos.

Quintò, vt Prælati (saltem tacite huic modo particulariter viuendi consentiant.

Sextò, vt prædicta licentia tacita, vel expressa sit iusta de causa concessa.

**3** Septimò, vt non contradicant reformationi legitimæ; authoritate legitima faciendæ, si quando ea fieri speratur.

**4** Octauò, vt subditi sint parati ea quæ sibi conceduntur, requirentibus Prælati, in manibus ipsorum resignare.

Nonò, & vltimò, dummodo huiusmodi consuetudo particulariter viuendi absque graui scandalo tolli non possit.

His igitur conditionibus concurrentibus hic modus viuendi etiam post Concilium Tridentinum potest vt licitus, & honestus tolerari. Et ratio est, quia tali modo viuere, non est habere ius, nec dominium, nec alicuius rei possessionem, sed tantum

vsus, vel vsufructus, & administrationem rei dependentem à voluntate superioris, quod non est contrariationem voti paupertatis.

Tum quia vbi longa consuetudine introductus est hic viuendi modus, non potest tolli sine magno scandalo, ac proinde tacite videtur approbatus non solum à superioribus, sed etiam à summis Pontificibus.

Tum demum, quia plurimæ sunt Ecclesiæ amplissimæ in Hispania, in quibus eiusmodi status seruatur; quales sunt Metropolis Cæsaraugustana, Cathedralis Pampilonensis, & aliz, in quibus vt refert Nauarrus *comm. 3. de regul. num. 25.* à tempore immemorabili sic viuitur, & in quibus vixerunt nostra ætate, & ante illam viri tam iuris diuini, quam Pontificij callentissimi, & vita integerrimi.

Ea igitur est laudabilis vitæ religiosæ consuetudo, qua vestes in communi loco asseruantur; & inde in singulas hebdomadas, menses, & annos, in vsus cuiusque distribuuntur. Quibus quidam præficiuntur, vt eas custodiant, excutiant, purgent, resarciant, ac renouent. Vbi nullus apud se habet vestes, præter eas, quæ ad quotidianum vsus necessariæ sunt, nullus literas, aut eulogia, vel quælibet munuscula, ad se nulla accipit sine licentia superioris sui: nullus apud se pecuniam tenet, præter cellerarium, cui bonorum Monasterij administratio, & cura committitur. Ac denique communis est omnium victus, communis mensa, communis vestitus in communi loco solitus asseruari. Contra vero eam improbandam esse consuetudinem, vbi Religiosorum quisque aliquid apud se habet, vnde viuatur, quod in communem locum non affert, vbi singuli plus habent, quam quod sibi sit necessarium.

cessarium ad vitam tuendam. Vnde D. Basilius in constitutionibus monasticis cap. 9. *Perfelicissimam* (inquit) ego illam vitam communionem appello, à qua omnis propria, & priuata cuiuslibet rei possessio exclusa est, à qua omnis abest dissensio, omnis perturbatio, & rixa, sed omnia sunt communia, animi, mentes, corpora, eaque quibus necessario ad cultum, & victum vritur. Et paulo post addit: *Hinc vita instituo* quid est tandem, quod iure æquiparari possit, quid beatus dici: quid hac consuetudine, unitate, & necessitudine aptum. D. Chrysostom. in homil. 58. ad populum Antiochen. de monachis sui temporis agens, laudansque in illis hinc communem vitam, & æqualem, *Una mensa ait: & ministrantibus, & suscipientibus, & exhibentibus eadem feracula, eadem indumenta, habitacula eadem, eadem vita, non est ibi (mecum) ac (tuum) sed hoc verbum penitus eliminatum est, multorum causa malorum.* Et Beda super illud Act. 4. *Erant illis omnia communia.* Sic ait: *Qui ita viuunt, ut sint eis omnia communia, in domo comenite vocantur, quæ vita tanto felicior est, quanto futurum statum imitantur.*

## QVÆSTIO CXCVIII.

*Quot, & quanam sint religiosi proprietarij pœna?*

**R**ESPONDEO quinque. Prima est, ut religiosus proprium habens, præter peccatum mortale, quod committit violans solemne paupertatis votum, sit communionem altaris priuatus. cap. *Monachi de statu monachorum*, vbi sic dicitur: *Qui monachis peculium habuerit, nisi ab Abbate factis sibi pro insuncta administra-*

*tione permittum, à communione remouetur altaris.*

Secunda pœna est, ut religiosus proprium habens, à Monasterio expellatur, ut habetur in cap. *Cum ad monasterium, eo. iij.* vbi sic dicitur: *Prohibemus districte in virtute sanctæ obediencie, sub obsecratione diuini iudicii, ne quis monachorum proprium aliquo modo possideat, sed regulari monitione pramissa, de monasterio expellatur, nec recipiatur alterius, nisi peniteat secundum monasticam disciplinam.*

Tertia pœna est, ut si religiosus proprium habens, deprehensus fuerit, aut conuictus, priuatus sit biennio voce actiua, & passiuâ, & acrius iuxta suæ Regulæ, & religionis constitutiones puniatur, ut habetur ex Conc. Trid. sess. 25. cap. 2. de regular. vbi sic dicitur: *Quod si quis aliter quidquam tenere deprehensus, aut conuictus fuerit, id biennio actiua, & passiuâ voce priuatus sit, atque etiam iuxta suæ regulæ, & ordinis constitutiones puniatur.* Quæ pœna aperte sententiam Iudicis postulat, ut ea verba, tenere deprehensus, aut conuictus fuerit, denotent.

Quarta pœna est, ut religiosus proprium habens, nisi illud ante mortem abiiciat, nō debeat in loco sacro sepeliri. cap. *Monachi de statu monachorum*, vbi sic habetur. *Et qui in extremis cum peculso inuentus fuerit, & digne non pœnuerit, neque oblatio pro eo fiat, neque inter fratres accipiat sepulcrum, quod etiam de vniuersis religiosis precipimus obseruari.* Hoc idem habetur in cap. *Cum ad Monasterium*, eod. tit. vbi sic dicitur: *Quod si proprietates apud quemquam inuenta fuerit, in morte ipsa cum eo in signum perditionis extra Monasterium in fœrgulinio subterretur secundum quod Beatus Gregor. narrat in dialogis effecisse.* Et in cap. *Super quodam*, eodem. titul. dicitur: *quod huiusmodi religiosum proprie*



*proprietarius si de facto sepultus fuerit in sacro, extrahendus est. Quorum omnium rationem reddens Glossa dicit: Hac omnia pro eo esse, quia tales mortui sunt in peccato mortali; & pro talibus ecclesia sancta non orat. cap. Pro obeuntibus. Et licet rigor canonis videatur velle ut proprietarius subterretur cum tota sua proprietate in sterquilino, nihilominus Zabarella, Ioan. Andreas, Host. Archid. & Abbas affirmant sufficere partem, cum æquitati videatur inconsonum, ac repugnans, ut tam magna rei quantitas incausum proiici debeat. Ad quid enim perditio ista?*

- 4 Quinta, & vltima pœna est, ut ille religiosus sit excommunicatus. Sic Turrecremata in *cap. Non dicatis, ar. 3. num. 6.* Sed communis, ac verissima sententia est in contrarium. Quia talis excommunicatio in iure non reperitur. Et ideo ita sentit. Sanch. *lib. 7. cap. 20. nu. 14.*

Hinc, religiosus ex eo quia dedit, vel expendit aliquid absque superioris licentia, non potest dici quod moriatur proprietarius, ad effectum ut prædictas pœnas incurrat. Quia textus citati clare de solis possidentibus proprium loquuntur.

- 5 Hinc, religiosus, qui moritur cum dimidio argenteo super se, aut alia parua quantitate, non potest dici quod moriatur proprietarius, ut denegetur ei sepultura ecclesiastica, quia ut colligitur ex iure illi solum debent ptiuari sepultura, qui cognoscuntur euidenter mori in peccato mortali, ut cum Nauar. Roder. 1. p. *sum. cap. 150. num. 1. resolut.*

### *Sequuntur declarationes sacre Congregationis.*

- 1 PRIMO quaeritur: An ex dispensatione inferiorum summo

Pontifice liceat Regularibus possidere, vel tenere agros, annuos redditus, aliaque bona immobilia videlicet, & mobilia superflua, non obstante decreto Conc. Trident. *sess. 25. de Regul. cap. 2.*

Secundo an propter talem dispensationem, seu scientiam superiorum possidentes, vel tenentes immobilia, vel mobilia superflua à culpa, vel à pœna excusentur.

Tertio an superioribus assuevantibus huiusmodi se licentias posse concedere, fides adhibenda sit.

Quarto an superiorum arbitrio, & præfinitioni stare debeant Regulares quoad mobilia superfluitatem, & conuenientiam.

Quinto an superiore quantumvis requisita necessaria suis Regularibus negante, vel subtrahente, liceat ipsis clam vel inuito eo illa sibi comparare seu retinere.

Sexto & quatenus liceat: an itidem cum necessaria ideo negantur, vel subtrahuntur, quia Monasterij facultates non suppetunt.

Septimo an dicti superiores Regulares dictum caput 1. declarare, & interpretari possint.

Ad primum Congregatio Concilij respondet, non licere.

Ad secundum non excusari neque à culpa, neque à pœna ipso facto incurrenda.

Ad tertium minimè adhibendum.

Ad quartum nisi de excessu arbitrij constiterit, utique stare debere, habita videlicet ratione personæ, officij, & Regulæ, statusque paupertatis, quam professi sunt, & cæterarum itidem qualitarum.

Ad quintum non licere.

Ad sextum licere, si præcisa necessitas sit ad individui sustentationem, cæterum communem penuriam ab omni

omnibus percipiendam, usque adeo, ut si quid priuatim alicui delatum, vel ab iplo partum fuerit, id omne ad superiorem rectè deferri oporteat, qui ex eo primum succurrat eius necessitati, cuius intuitu illud obuenerit si

peculiari aliqua necessitate ultra communem prematur, reliquum conuentui incorporetur, & in communem cedat utilitatem.

Ad septimum, & vltimum non posse. Hieronym. Card. Matthæus.

## SANCTISSIMI DOMINI NOSTRI

Clementis diuina prouidentia Papæ

VIII. constitutio.

*De largitione munerum, vtriusque sexus Regularibus interdicta.*

Clemens Episcopus seruus seruorum Dei ad perpetuam rei memoriam.

**R**eligiosa Congregationes, ab insigni sanctitate viris, spiritus sancti afflatu instituta, tantas Ecclesie Dei utilitates omni tempore attulerunt, ut ad eas conseruandas, & instaurandas Romani Pontifices predecessores nostri magnam iure optimo diligentiam semper adhibuerint. Nam cum ea sit rerum humanarum conditio, & natura, ut etiam qua optime fundata, & constituta sunt, partim hominum imbecillitate, & ad malum procliuitate, partim Dæmonis astutia, paulatim deficiant, ac nisi cura peruigili sustententur, in deterius prolabantur: Idcirco summorum Pontificum vigilantia magnoperè laborauit, ut Regularium ordinum disciplina, aut labefacta in pristinum restitueretur, aut salutaribus constitutionibus communita, integra, atque incolumis permaneret. Quorum nos vestigiis pro eodem officij munere insistere, & pastorem illorum sollicitudinem (quantum possumus) diuina adiutrice gratia cupimus imitari. Quare ne ex muneribus, qua à pluribus religiosa vita professoribus, ex Christi patrimonio, quibusvis hominibus, quauis ex causa saepe tribuantur, grania incommoda, & mala etiam boni specie existant, praeuere studentes,

**2** Hac nostra perpetuo valitura constitutione vniuersis, & singulis, cuiuscunque ordinis mendicantium, vel non mendicantium, bona immobilia, & redditus certos ex indulto Apostolico possidentium, vel non possidentium, seu cuiusvis Congregationis, Societatis, & Instituti (non tamen Militie) regularibus personis vtriusque sexus omnem, & quamcunque largitionem, & missionem munerum penitus interdiximus. Sub qua prohibitionem, compre-

Vvvv

hendi

hendi volumus omnia, & singula capitula, Conuentus, & Congregationes, tam singulorum conuētualium, Monasteriorū, Prioratuum, Prapositurarum, Præceptoriarum, domorum, & locorū, quam prouincialia, aut Generalia cuiuslibet Prouincie, siue vniuersi Ordinis, societatis, aut instituti, eorūque, vel earum Camerarios, Commissarios, & quoscūque officiales, & singulares personas: Ipsos etiā ordinum, Congregationum, & societatum huiusmodi superiores quasunque dignitates obtinentes, etiam Generales, & Prouinciales, Magistros, Ministros, & quocunque nomine Praefectos, necnon Conuentuum, Monasteriorū, Prioratū, Prapositurarum, præceptoriarū, domorū, & locorum quorūcūque Abbates, Priores, Prapositos, Præceptores, etiā Maiores Guardianos, Ministros, Rectores, atque Abbatissas, Priorissas, & alio quouis titulo Praesidentes, tam ipsi regularibus, quam locorū Ordinariis seu quibusuis superioribus subiectis vtriuslibet sexus ad vitam, vel ad tempus deputatos.

3 Adeo, ut nemo unquam eorum, vel earum directe, vel indirecte palam, vel occulte, tam communi, quam particulari, & proprio nomine, etiam sub quouis statuti, vel cōsuetudinis, seu verius corruptele, aut alio prætectu, vel quacunque causa nisi, in Generali capitulo, aut alia Generali Congregatione, re mature discussa unanimi consensu omnium, superiorumque permissu causa approbata fuerit, quidquam tale attentare valeat.

4 Id autem ita absolute, & generatim vetitum intelligatur, ut neque omnino fas sit quidquam donare, tam ex fructibus, redditibus, & prouentibus, collectis, vel contributionibus, aut oblationibus, siue elemosynis, aut subsidiiis certis, vel incertis, ordinariis, seu extraordinariis, mensa, seu massa cōmuni, vel cuiusuis fabricæ, & sacristiæ, quorū bona communiter, ut praefertur administrantur, seu qua rationibus reddendis sunt obnoxia, quam ex pecuniis etiam, qua à singulis quouis modo acquisita, in cōmune conferenda omnino sunt. Nec si per viā voluntaria contributionis in cōmune congeruntur. Nec si forsan priuim, & nominatim cuiuslibet religioso à suis superioribus, vel à propriis affinibus, propinquis familiaribus, amicis, aut beneuolis, vel à piis Christi fidelibus, etiā elemosyna, aut charitatis, & illius propria persona intuitu attributa, seu quocummodo per quēlibet religiosū suo Monast. Domui, aut loco acquisita, eiq; ut ad libitū de eis disponat per superiores cōcessa fuerint.

5 Præterquam leniora esculenta, aut poculenta, seu ad deuotionem, vel Religionem pertinentia munuscula, communi tantum, nunquam verò particulari nomine (vbi superiori de consensu conuentus videbitur) tradenda.

6 Sed & huiusmodi missiones munerū ipsi religiosi vtriuslibet sexus, nō solū per se, verū etiā per alios, nō directe, quā indirecte prohibitas declaram.

7 Neque verò quispiā ab hac generali prohibitione se excusare valeat etiā si munera miserit, cuius persona laica, vel ecclesiastica, cuiuscūq; status, gradus, dignitatis, ordinis, vel conditionis, & quauis nō solū mūdāna, & Ducali,

Regia.

Regia, Imperiali, verū etiā ecclesiastica, & Pontificali, aut alia maiori, etiam S. R. E. cardinalatus dignitate fulgētī, etiā proprio loci ordinario, etiā ex causa, & occasione benedictionis, vel susceptionis habitus regularis, tonsura aut professionis Monialiu, eā sibi subditarū, quā nō subditarū, aut ipsi etiā proprio ordinis, vel Cōgregationis Protectori, viceprotectori, Generali, vel Prouinciali, aut cuiusuis Monasterij, Prioratus, domus, aut cuiuslibet alterius loci Regularis superiori, aut alio quocunque officio, munere, aut dignitate fulgenti, vel cuicumque etiam simplici, & particulari religioso.

- 8 Ita ut inter ipsos quoque Religiosos (ne praua ambitione impulsī pro cōsequendis in sua religione gradib. & dignitatib. alter alterius gratiā, aut beneuolentiā aucupētur) quacūq; largitio, aut donatio munerū (nisi verū minimarū de licentia expressa & in scriptis superiorum) sit penitus interdicta.
- 9 Insuper prohibemus, ne vnquā eū dē Regularib. liceat vllas pecunias quoquo modo erogare in alicuius etiā benefactoris, aut Protectoris, vel ordinarij honorē, etiā occasione transitus, vel primi ingressus, aut ad beneficiarū acceptorū memoriā, gratiq; animi testificationē, seu pro predictis personis quauis autoritate, vel dignitate fūgētib. honorifice, laute, & opipare excipiēdis seu pro quibusuis cōiunjs eiusdē, aut cuius alteri quacūq; occasione, vel causa exhibēdis, vel pro comestationib. aut cōpotationib. quibusuis personis, tam eiusdē ordinis Cōgreg. Monasterij, domus, aut loci, quā extraneis largiēdis.
- 10 Aut pro exhibendis spectaculis, etiā piis intra Ecclesiam, Monasteria, & Domos sacras, seu pias, vel extra eas, in quibusuis publicis, aut priuatis, sacris, aut prophanis locis, etiā vbi sanctorū, & sanctarū vita, aut res pia gesta, etiā in memoriā passionis dominica populis spectanda proponūtur, aut alias in predictis, siue in quibusuis reb. superuacaneis ad pōpā, & offētationē, aut ad oblectationē, vel paucorū lucrū, & priuata commoda, quomodolibet pertinetib. nisi re ipsa pro diuinō cultu, & veris Christi pauperum indigentis, seruato in hoc charitatis ord:ne, & habita necessitatis ratione, & consilio, & consensu superiorum subleuandis alias in rebus licitis, & per capitulam Generale, aut Prouinciale non prohibitis, vel taxam ibi forsan prescriptam non excedentibus, sumptus huiusmodi fiant.
- 11 Declarantes tamen, per hac, laudabilem, & Apostolica doctrina, sacrisque canonibus commendatā hospitalitatem, praesertim erga pauperes, & peregrinos, nequaquā imminui, aut prohiberi. Quinimo, si quis redditus ad id, vel ex sudatione, vel ex institutis, statutis, aut cōsuetudinibus aliquorū Monasteriorū, ordinū, aut Regulariū huiusmodi locorū, aut ex testatorum, vel donantium voluntatibus siue aliās applicati, aut donati sunt, eos omnino (vt decet) integrē in vsus pios, hospitalitatis huiusmodi erogandos esse, & praesertim in Monasterijs, seu locis desertis, & ab laicorum adibus longius remotis, ubi tamen pauperum, & verē egenorum ratio in primis habeatur.

- 12 Si quos verò ditiores occasione transitus siue aliàs ex deuotionis, aut necessitatis causa eo diuertere contigeris, eos sane decet refectorio communium religiosis, mensaque, & ferculis communibus, nequaquam à ceteris distinctis, contentos esse. Verùm omnino ipsi Regulares in hospitibus huiusmodi potentioribus excipiendū ita se gerant, ut in eis frugalitas, & paupertas religiosa prorsus cluceat.
- 13 Pari etiam ratione districte inhibemus, ne quisquam ex prædictis laicis, aliàs quam, ut superius dictum est, vel clericus secularis, vel regularis quocumque honore, præ eminentia, nobilitate, aut excellentia, etiam S.R.E. Cardinalatus dignitate præditus, etiam protector, Viceprotector, loci Ordinarius, Prelatus, Generalis, Prouincialis, aut Monasterij, Domus, vel loci cuiuslibet superior, eorūve affines, propinqui, familiares, aut Ministri, utriuslibet sexus, quidquam contra hanc superius expressam prohibitionem recipiant.
- 14 Quod si vel ab aliquo particulari Religioso, vel à superiore quopiam, Generali, Prouinciali, aut alio quocumque officio fungente, aut à Conuentu, capitulo, vel Congregatione, siue ab vniuerso ordine, & religione, quidquam receperint, id quod acceperint suum non faciant. Verùm ipso facto absque aliqua monitione Iudicij, decreto, sententia, aut declaratione, ad illius restitutionem omnino, in utroque foro, teneantur, adeò, ut restitutione ipsa realiter non facta, neque etiam in foro conscientia absolui possint.
- 15 Hanc autem restitutionem fieri volumus, non priuatim ei religioso, qui donauit, sed ei Monasterio, Domui, vel alteri loco, de cuius bonis facta est largitio, vel si non de eius bonis donatum est, in quo idem religiosus, donans professionem emisit, vel si nomine totius capituli, Conuentus, aut Congregationis, vel vniuersi ordinis, seu religionis donatio facta extiterit, pariter communi, mensa, aut massa, cuius nomine donatum fuerit, accepta munera restituantur: ita ut nec qui donauit, nec Conuentus, Capitulum, Congregatio, ordo, aut religio, cui restitutio facienda est, illam remittere, & iterum condonare, aut recipientem ab obligatione restituendi eximere, vel ut in pauperes eroget, concedere quoquo modo possit.
- 16 Quod si quis ex supradictis Regularibus utriuslibet sexus, cuiuscunque gradus, ordinis, dignitatis, ac vbi libet locorum existentibus coniunctim cum ceteris, seu diuisim, nostrarum huiusmodi prohibitionum, statutorum, ordinationum, iurisdictionum, decretorum, mandatorum, transgressor fuerit, statuimus, ut omnibus, & singulis per eum obtentis dignitatibus, gradibus, muneribus, & officiis, eo ipso priuatus, ac ad illa, & alia similia, vel dissimilia in futurum obtinenda, inhabilis perpetuo, & incapax, ac perpetua infamia, & ignominia notatus existat. Et præterea priuationem vocis ætternæ, & pœnæ absque ullo superioris decreto, aut ministerio, ipso facto incur-

rat: nec non ultra huiusmodi pœnas, etiam tanquam contra furti, & simonia criminum reum, tam per viâ denunciationis, accusationis, aut querelæ, quam etiam ex officio procedi, & inquire, condignisque supplicii affici debeat.

- 17 Pœnis aliis à Iure statutis, ac per alias constitutiones Apostolicas, aut propria cuiusvis Ordinis, Congregationis, Monasterij, Domus, aut loci, statuta, vel consuetudines contra personas aliquid promissorum committentes forsan decretis, & instructis, nihilominus in suo robore permansuris.

- 18 Quocirca vniuersis, & singulis, &c. Sequuntur clausulæ vniuersales circa huius constitutionis executionem, & non obstantes, &c. Dat. Romæ, anno Incarnat. Dominicæ 1594. 13. Kal. Iulij Pontif. nostri anno tertio.

*Suprascriptæ constitutionis brevis  
explanatio.*

- 1 QVAMVIS dicta constitutio sanctissima sit, atque vt talem Pontificem summum decet, plena diuinis præceptis, atque Catholicis consiliis, non tamen nostræ est intentionis omnia declarare, quæ pro illius explicatione à Doctoribus traduntur, sed tantum difficiliora. Queritur igitur in primis.

### QVÆSTIO CXCI.

*An constitutio hac obliget ad  
culpam?*

- 1 RESPONDEO quod sic. Et ratio est, quia cum omnis lex etiam civilis obliget ad culpam, vt rectè docet D. Tho. communiter receptus 1.2. q. 96. ar. 8. multo magis obligat ista, cum sit lex iusta, & Pontificia continens obseruantiam voti paupertatis, ad quam omnes Regulares tenentur.

### QVÆSTIO CC.

*An constitutio hac obliget ad  
mortale?*

- 1 RESPONDEO quod sic. Ratio est, quia in ea sunt verba valde præ-

ceptoris, & grauissima, nempe, districte, penitus, omnino, nullo modo, quæ verba, vt communiter Doctores tradunt, per se sunt obligatoria ad peccatum mortale.

Tum quia quoties lex aliquid præcipit, vel vetat sub grauibz pœnis, clare patet mentem legislatoris obligare ad mortalem culpam, vt rectè monet Soc. lib. 1. de iust. q. 6. ar. 5. At in hac constitutione appositæ sunt grauissimæ pœnæ aduersus transgressores, vt patet ex nu. 16. ibi. *Quod si quis*, &c. ergo clarum est ad mortale obligare.

### QVÆSTIO CCI.

*An in hac constitutione omnes  
Regulares tam mares, quàm sex-  
mina comprehendantur?*

- 1 RESPONDEO omnes comprehendendi. Ratio est, quia in 1. numero dicitur: *Hac nostra perpetuo valitura constitu-  
tione vniuersis, & singulis cuiuscunque  
Ordinis Mendicantium, vel non Men-  
dicantium, &c. Regularibus personis  
vriuslibet sexus, &c.*

### QVÆSTIO CCII.

*An in hac constitutione omnes supe-  
riores ordinis comprehendantur?*

VVVV 3. Ræ

**R**ESPONDEO omnes comprehendere. Ratio est, quia ibidem etiam dicitur sic: *Sp̄s, etiam ordinum, Congregationum, & sociatum huiusmodi superiores, quascunque dignitates obinientes, etiam Generales, & Prouinciales, Magistros, Ministros, & quocunque nomine Praefectos, necnon Conuentuum, Monasteriorum, Praepositarum, Praepositorum, domorum, & locorum quorumcunque Abbates, Priores, Praepositos, Praepotentes, etiam Maiores, Guardianos, Ministros, Rectores, atque Abbatissas, Priorissas, & alio quouis nomine Praesidentes.*

Dices superiores Religionum ex officio habent administrationem bonorum Monasterij: ergo possunt munera largiri.

Respondere superiores, licet habeant administrationem bonorum Monasterij, non esse eorum dominos, ac proinde tenet more Tutorum ea administrare, ut utilia agant, & inutilia, ac prohibita praetermittant.

### QVÆSTIO CCIII.

*An equites Melita, & sancti Iacobi Calatrava, & Alcantara in hac Constitutione comprehendantur?*

**R**ESPONDEO non comprehendere. Quia in dicta Constitutione n. 2. excipiuntur, ibi (non tamen Melita) ratio autem quare isti excipiuntur, est, quia cum isti milites non uiuant in clausura, non potuissent constitutionem hanc ita facile obseruare, ideo excipiuntur.

Ex quo colligitur hos milites esse vere, & proprie religiosos, quia exceptio firmat regulam in contrarium.

Tum quia tria solemnia vota emittunt in Religione approbata per sedem Apostolicam iuxta eorum statu-

ta: ergo sunt verè, & proprie religiosi, & consequenter, si illa praetermittant, sacrilegi sunt, ut recte docet Nauarr. de redd. Eccles. q. 1. mon. § 5. n. 7.

### QVÆSTIO CCIV.

*An Anachoreta, Eremita, & soli uagiligentur hac constitutione?*

**R**ESPONDEO non ligari. Ratio est, quia cum non emittant vota illa solemnia in religione approbata, sed in montibus, & speluncis uiuant, non sunt vere Regulares, ac proinde ab hac constitutione excluduntur.

### QVÆSTIO CCV.

*An Bischofara, seu Mantellata, & Tertiarij, vel Tertiaria tertij ordinis Beati Domini, & Beati Francisci in hac constitutione comprehendantur?*

**R**ESPONDEO non comprehendere. Ratio est, quia istæ non sunt proprie Religiosæ, cum non emittant tria illa essentialia vota in religione approbata. Vnde earum Regula potius est quidam modus bene viuendi; licet sit per Papam approbatus, sunt tamen Ecclesiasticæ personæ, & Religiosæ improprie, quia contrahere non possunt matrimonium, & promittunt obedientiam.

Hinc, Donati nostræ Congregationis, quia solum habitus benedictionem recipiunt, & emittunt tria vota non tamen solemnia, non sunt proprie Religiosi, ac proinde ab hac constitutione excluduntur.

### QVÆSTIO CCVI.

*An Religionum Nouitj, vel Nouitia hac constitutione ligentur?*

RESPON

- 1 **R**ESPONDEO non ligari. Ratio est, quia nondum sunt Religiosi.

### QVÆSTIO CCVII.

*An comprehendantur in hac constitutione illi Regulares, qui iuxta aliquam de causa ex Pontificis privilegio non vivunt in monasterio?*

- 1 **R**ESPONDEO comprehendendi. Ratio est, quia sunt vere Regulares, locus enim in hoc casu non est in consideratione, cum teneantur ubicunque reperiantur, eorum Regulam observare.

### QVÆSTIO CCVIII.

*Quotnam sint fines, seu causæ finales huius constitutionis?*

- 1 **R**ESPONDEO quatuor. Prima est, ut religiosa disciplina labefacta in pristinum restitueretur, & quæ incolumis permanet, conservetur. Secunda, ut vorum paupertatis integre servetur. Tertia, ne bona Monasteriorum, vel quorumcunque Regularium dilapidentur, & dissipentur. Quarta, ne prava ambitione compulsi religiosi, pro consequendis officiis, alter alterius gratiam, vel Protectoris benevolentiam aucupetur.

### QVÆSTIO CCIX.

*An Religiosus, qui non ex ambitione aliqua motus, sed ex mera liberalitate munus largitur, penas huius constitutionis incurras?*

- 1 **V**IDETUR quod non, quia in hoc casu cessat causa finalis huius constitutionis, quæ est, ne ambitione aliqua compulsi pro consequendis

in sua religione gradibus, & dignitatibus per largitiones alter alterius gratiam aucupetur. At cessante causa, cessat effectus *l. cessante de appellat.* ergo.

2 **R**ESPONDEO, quando unica est causa finalis alicuius legis, tunc locum habet Regula, *cessante causa, cessat effectus*. Quando verò causæ finales sunt plures, & æque principales, tunc cessante una, aliis remanentibus, remanet legis dispositio. At in hac constitutione quatuor sunt causæ finales: ergo una cessante, remanent tres aliz.

### QVÆSTIO CCX.

*An Monialis, quæ ultra dotem assignatam Monasterio, reservavit sibi quædam bona paraphernalia, possit de eis quicquam donare?*

1 **R**ESPONDEO non posse, & contra facientem in penas huius constitutionis incidere. Quia illa bona paraphernalia acquisita sunt Monasterio, & consequenter iuxta constitutionem nihil potest de eis donare. Et ratio est, quia Religiosa non habet neque velle, neque nolle; & quicquid acquirit, Monasterio acquirit, sicut servus acquirit domino: & ut communis opinio sentit, religiosa nullum dominium habet, nec habere potest etiam minimæ rei, neque vltimum vsumfructum, neque vsum iuris, sed solum vsum facti. Vnde religiosa non potest quicquam sibi acquirere quomocunque sit, siue ex testamento, siue ab intestato, siue ex legato, siue titulo donationis, sed omnia acquirit Monasterio.

2 Hinc, Religiosus, vel Religiosa cui de nouo facta est aliqua donatio, non potest de re sibi donata, aliquid alicui donare. Ratio est, quia statim, quod facta fuit donatio, res illa acquisita est Monasterio.

QVÆ



## QVÆSTIO CCXI.

*An religiosus ex eo quod sua industria, & labore acquirit, possit quicquam donare?*

- R**ESPONDEO non posse, quia ut diximus, quidquid Religiosus acquirit, suo Monasterio acquirit. Vnde Religiosus quilibet eo modo possidet ea quæ ei ad vsum sunt à Prælato concessa, quo equus sellam, & asinus bardam, quæ ad libitum ponuntur, & auferuntur. Vnde de licentia sui Prælati potest expendere ad vsum suum necessarium, & sui status decen-  
tiam, & non ad vsum prophanum, & inutilem, & quæ superflue ultra vsum necessarium, Monasterio acquiruntur.

## QVÆSTIO CCXII.

*An religiosus ex eo quod ludo alearum acquisiuit, possit quicquam donare?*

- R**ESPONDEO non posse. Ratio est, quia quicquid Religiosus acquirit ludendo, restituere tenetur per-  
denti, quia sicut religiosus non potest perdere, cum nihil habeat, ita etiam non potest lucrari, in ludo enim æqua debet esse vtriusque partis conditio. Couar. in regula peccatum 2.p.5.4.

## QVÆSTIO CCXIII.

*An Religiosus qui quod sibi debebatur remittit, donare censetur v.g. quidam religiosus singulis annis habet à parentibus 50 aureos, quam pecuniam ipse de licentia Prælati in usus licitos expendebat: At nunc audiens per Bullam donare sibi esse prohibi-*

*tum, non vult illam pecuniam exigere, sed vult eam parentibus remittere: Quæritur nunc, an liceat.*

- R**ESPONDEO non licere. Ratio est, quia remittere, est propriè donare.

## QVÆSTIO CCXIV.

*An donatio indirecta in Bulla prohibeatur?*

- R**ESPONDEO prohiberi, quia in n.3. dicitur. Adeo ut nemo unquam eorum, vel earum directè, vel indirectè &c.

Hinc, religiosus qui commodat, vel mutuatur aliquid alicui, quod nunquam amplius reposcit, cum commodè possit. pœnas huius constitutionis incurrit. Ratio est, quia licet sola donatio in Bulla prohibeatur, tamen qui hoc modo mutuatur, indirectè donat.

Hinc, qui videns, se non posse donare, ponit ea quæ vult largiri in loco patenti, per quem scit transiturum suum amicum, qui illac transiens, & videns illa bona, accipit ea nemine vidente, in Bullam incidit. Ratio est, quia hic indirectè donat.

Hinc, religiosus, qui donat per alios, ut per Nouitios qui in Bulla non comprehenduntur, vel rogat parentes ut quod volunt sibi donare, donec tali suo nomine, in pœnas huius constitutionis incurrit. Ratio est, quia hic indirectè donat, qui enim per alium facit, per seipsum facere videtur.

## QVÆSTIO CCXV.

*An religiosus, qui volentem sibi donare, rogat ut donet alicui tertio, in pœnas huius constitutionis incidat?*

- R**ESPONDEO non incidere, si protestetur se velle rem eiusmodi sibi

sibi oblaram acceptare. Secus si expresse, vel tacite acceptaret, & rogaret eam dari terro. Et ratio est, quia Bulla tantum obligat. Religiosum, ne ex sibi, vel Monasterio acquisitis quicquam alicui donet, at in hoc casu nihil sibi, vel Monasterio acquisitum donat: ergo.

### QVÆST. CCXVI.

*Quotnam sint casus, in quibus iuxta Bullam Religiosi possunt licite donare?*

**R**ESPONDEO decem. Primus casus est, quando fit dispositio in capitulo generali, quid debeant dare. Et tunc in hoc primo casu quinque copulatiue sunt seruanda.

Primò, vt fiat in capitulo, vel Congregatione generali tantum.

Secundò, vt fiat re iururè discussa.

**T**ertio, vt fiat causa approbata.

Quartò, vt fiat unanimi omnium consensu.

Quintò, & vltimò, de superiorum permisso.

### QVÆSTIO CCXVII.

*An in hoc casu maior pars capituli generalis sufficiat?*

**R**ATIO dubij est, quia quod maior pars facit, omnes fecisse videntur.

*Quod maior ff. ad municip. Sed nihilominus respondeo, dicendo, quod quoties lex dicit, unanimi consensu, non sufficit maior pars; sed oportet, vt omnes consentiant. Vnde si vnus contradicat, non est dispositio legis satisfactum. Gloss. in cap. ubi periculum §. idem verb. singule de elect. in 6.*

Secundus casus, in quo possunt Religiosi facere donatiua, est quando donant secularibus quædam leuiora esculenta, aut poculenta, & in hoc secundo casu quinque debent concurrere.

Primò, vt sint esculenta tantum, aut poculenta tantum, vnde non possunt dari dona alterius generis, neque esculenta, & poculenta simul.

Secundò, vt hæc esculenta, & poculenta sint leuiora, non grandia.

Tertio, vt dentur de consensu conventus, vel Monasterij.

Quartò, vt dentur cum approbatione, & licentia superioris.

Quintò, & vltimò, vt dentur nomine comuni, & non particulari.

### QVÆST. CCXVIII.

*Quotnam sint esculenta, & poculenta leuiora, & ad quem valorem ascendere possint?*

**D**OCTORES sunt varij, nam quidam ad decem, alij ad septem, alij verò ad trium aurorum valorem ascendere arbitrantur. Ducuntur ex l. Plebiscito ff. de off. plen. & ex l. solet §. fin. ff. Procons. vbi dicitur quod possunt dari esculenta, & poculenta, quæ intra paucos dies consumi possunt, & sic videtur dici, quod sit victus paucorum dierum totius domus, qui pro talis domus qualitate, & quantitate ad prædictam summam ascendere potest.

At ego arbitror valorem esculentorum, & poculentorum, quæ in hac constitutione conceduntur, non debere superare quantitatem, quæ in furto inducit peccatum mortale, facit ad hoc primò, ex eo quod dicit textus, leuiora, & non leuia.

Secundò, quia dicit esculenta, & poculenta, & non muneræ, seu dona.

Tertio, quia vetat dari esculenta, & poculenta simul. Quantitas ergo quæ potest dari, non debet excedere valorem trium Iuliorum, quia vt diximus, hæc est summa, quæ secundum veriorum sententiam, per se, & ex obiecto constituit peccatum mortale in materia furti.

Nec obſtant textus citati, quia loquantur de muneribus quæ ludicibus, & aliis officialibus dantur à ſecularibus, quæ pro libito poſſunt de ſuis bonis diſtribuerè. At vero nos loquimur de perſonis religioſis, quæ cum ſint pauperimæ, non habent quicquam.

### QVÆSTIO CCXIX.

*Quæres, quoties poteris Religioſus eſculentia hac, & poculenta, ſeu ad deuotionem pertinentia donare? An bis in anno, an quater, vel quoties?*

RESPONDET optimè Iacobus de Graſſi lib. 3. caſuum reſerua. c. 4. n. 57. quoties ſubſiſtit iuſta cauſa, & rationabilis, quæ quidè debet perpendi. An ita ſit, non in dicto ipſius religioſi, ſed ipſe ſuperior hoc iudicare debet cum conſenſu conuentus. Quod conſtat ex præſata conſtitutione vbi dicitur: *Prout ſuperior de conſenſu conuentus videbitur.* Nam illud verbum *videbitur* non importat arbitrium liberum, ſed boni viri.

Tertius caſus, in quo conceditur, vt Religioſi poſſint donare, eſt, quando donant munuſcula ad deuotionem vel religionem pertinentia. Hoc autem vt fieri poſſit iuxta Bullam, quatuor concurrere debent.

Primò, vt ſint munuſcula pertinentia ad deuotionem religionem, & non alia, vt ſunt calculi, & numiſmata benediſta, paruule imagines papyraceæ, libelli ſpirituales, reliquiæ ſanctorum &c. quæ non debent eſſe magni pretij, nec excedere poſſunt ſummam trium ſuliorum ad plus.

Secundò, vt hæc munuſcula dentur de conſenſu capituli Monafterij.

Tertiò, cum licentia ſuperioris.

Quartò, vt non dentur nomine particulari, ſed nomine totius Monafterij.

Hinc, Religioſus qui aliquam inſignem reliquiam, vel imaginem in

depictam, vel Agnos Dei cum notabili ornamento, vel aliquam pretioſam coronam, vel libellos ornatos, & auratos, aut numiſma ex auro puro conſectum donat, peccat mortaliter, & incidit in pœnas huius conſtitutionis. Et ratio eſt, quia hæc non ſunt verè munuſcula, ſed larga, & pretioſa dona.

Quartus caſus, in quo Religioſi, poſſunt donare inter ipſos, eſt rerum minimarum, vbi quinque ſunt obſeruanda iuxta Bullam.

Primò, vt hæc donatio ſit rerum minimarum, nempe infra valorem trium ſuliorum.

Secundò, vt fiat tantum inter ipſos Religioſos ſive eiufdem, ſive diuerſæ religionis.

Tertiò, vt hæc largitio fiat de licentia ſuperioris.

Quartò, non tacita, neque interpretatiua, ſed expreſſa excludens tacitam, & interpretatiuam.

Quintò, & vltimò, vt hæc licentia expreſſa, detur non ore tenuis, ſed in ſcriptis. Et hoc ſolum quantum ad forum exterius requiritur.

Dixi notanter (*infra valorem trium ſuliorum*) nam licet ſupra in 2. caſu dixerimus poſſe Religioſum dare hanc quantitatem, in hoc verò quarto caſu dicimus non poſſe donare hunc valorem, ſed minorem. Ratio eſt, quia in ſecundo caſu Bulla permittit religioſos poſſe donare leuiora, in hoc verò caſu dicit, poſſe donare res minimas: ergo iſti duo caſus excepti non debent pari paſſu ambulare.

Hinc, Religioſus, qui abſque ſupradictis conditionibus dat alteri religioſo rem, quæ conſtat pretio trium, aut quatuor ſolidorum, non peccat mortaliter, nec incidit in Bullam. Ratio eſt, quia in omni lege etiam naturali, paruitas materiæ excuſat à mortali, nam parum pro nihil à ſapiente reputatur, & ideo eſt præter mentem Pontificis, ac proinde debet de raro fieri, aliter erit contra

contra Bullam, quia licet furtum rei minimæ sit peccatum veniale, tamen quando ex reiteratis furtulis, quis deuenit ad summam notabilem peccat mortaliter iuxta Sot. lib. 5. q. 3. art. 3.

## QVÆST. CCXX.

*Quis sit hic superior, qui potest hanc licentiam dare?*

- R**ESPONDEO cum omnem, qui toti Congregationi, vel Monasterio præest, ut est Generalis, Prouincialis, Abbas, Prior, Guardianus, Rector, Præpositus, immo, & Vicarius Generalis, Viceprouincialis, Supprior, Vicerektor seu vicarius qui plenè vicibus Prælati fungitur, habens plenam Monasterij curam. Quia hi omnes sunt veri superiores, veramque bonorum Monasterij administrationem habentes.

## QVÆST. CCXXI.

*An Abbatissa, vel Priorissa possit eandem licentiam donandi concedere Monialibus, quam potest Prælatus religionis, suis religiosus?*

- R**ESPONDEO posse. Et ratio est, quia Abbatissa est verè superior habens liberam sui Monasterij administrationem, sicut Prælatus religionis. Ita Nauar. comm. 3. de reg. num. 4. Roder. tom. 2. de regul. quæst. 17. art. vlt. Cord. sum. qu. 54. Petr. Nauar. de res. cap. 1. num. 169. & Lop. 1. p. cap. 155.

## QVÆST. CCXXII.

*An quoties Religiosus vult donare, toties concurrere debeat consensus capituli, & licentia superioris?*

- G**RAFF, lib. 3. casuum reservatorum cap. 4. num. 8. affirmat.

At ego arbitror sufficere semel pro semper, non tamen passim, sed raro, & non omnibus personis, & quibuscunque indistinctè, & ideo ita tenet frater Hieronym. à Sorbo in compendio priuileg. verbo dare.

Hinc, potest superior semel pro semper concedere licentiam ei, qui curam habet dispensæ, ut quoties accedunt fratres exteri ad Monasterium, & volunt comedere, possit eis dare ientaculum: & hortulano ut possit dare olera &c.

## QVÆSTIO CCXXIII.

*An superior possit suam auctoritatem alteri inferiori delegare, ut possit concedere hanc licentiam alii?*

**R**ESPONDEO de iure communi posse suam auctoritatem alteri delegare. text. & glo. cap. vlt. de off. ordin. Sed est ne hoc ex Bulla, aut contra Bullam, ut in omnibus, & per omnia superior deleget hanc suam auctoritatem? Respondeo id non esse Bullæ conformis, in qua industria personæ superioris eligitur, potest tamen ipse delegare suam potestatem in certis, & determinatis causis, pro certis, & limitatis personis, pro certis, & limitatis rebus, & pro certis, & limitatis donatariis.

Quintus casus, in quo religiosi possunt facere donatiua, est, pro diuino cultu, ut est facere sepulchrum in die parasceues, pro apparatu, qui fit quādo celebratur festum patroni propriæ Ecclesiæ, pro musica quæ fit illo die ad alliciendos populos ad deuotionem. Hi tamen sumptus debent esse moderati, & non ad pompam, & ostentationem.

Sextus casus est pro subleuandis pauperibus, concurrentibus quatuor conditionibus.

Xxxx 2 Primò,

Primò, vt dentur veris Christi pauperibus, & pro veris indigentis, non fictis, & palliatis.

Secundò, vt dentur seruato ordine charitatis, id est, vt prius prouideatur fratribus monasterij, & de reliquo exteris.

Tertiò, de consilio, & consensu superioris copulatiuè, prius enim oportet, vt consulatur superior, & postea sequatur illius assensus, vt detur certa quantitas, & certis personis, & non sufficit tacita licentia, nec ratihabio, sed consensus non post factum, sed antequam fiat.

Quartò, & vltimò habita necessitatis ratione, id est, vt iuxta indigentiam pauperum sit magna, vel parua eleemolyna.

Hinc, si religiosus de licentia sui superioris habet pecuniam, potest de eo suis consanguineis eleemolynas elargiri, iuxta tamen eorum indigentiam. Quod certum est iuxta Bullam, si ipsi sunt in extremis, quia nimirum non habent vitæ necessaria.

## QVÆSTIO CCXXIV.

*Sed dubium est, quando consanguinei sunt pauperes secundum decentiam status.*

**R**ESPONDEO posse. Et ratio est, quia hi vere pauperes sunt. Ita Caiet. 2. 2. q. 41. ar. 8. ubi ait: Meminerint Religiosi in primis, pauperes esse, non solum, qui egent cibo, & potu, aut veste, quæ sunt necessaria vitæ, sed qui egent opportunis ad conuenientiam sui status, & per hoc eleemolynaliter se posse distribuere illis, sicut, & aliis pauperibus.

Septimus casus, in quo conceditur Religiosis expendere aliquid est pro rebus licitis, ubi tria sunt obseruanda.

Primò, vt huiusmodi expensæ fiant à superiore, vel ab inferiori de superioris sui licentia.

Secundò, vt fiant pro rebus licitis,

& non prohibitis per capitulum generale, vel prouinciale.

Tertiò, & vltimò, vt non excedant taxam præscriptam in capitulo generali, vel prouinciali, si extrat hæc taxa.

Octauus casus, in quo religiosi possunt aliquid expendere, est causa hospitalitatis laudabilis, & Apostolica doctrina, sacrisque canonibus commendatæ. præsertim erga pauperes, & peregrinos.

Nonus casus est, pro hospitalitate debita, ubi sunt redditus ad id, vel ex fundatione, vel ex institutis, statutis, aut consuetudine aliquorum Monasteriorum, aut ex Testatorum, vel donantium voluntate.

Decimus, & vltimus casus est, in quo Religiosi possunt expendere aliquid est pro hospitalitate permessa erga diuitiores, & personas potentiores, id est Cardinales, Episcopos, officiales, &c. Hi sumptus vt fieri possint iuxta Bullam quatuor concurrere debent.

Primò, vt huiusmodi personæ non inquitentur à Religiosis de industria, & consulto, sed obiter ratione transitus ob deuotionis, aut necessitatis causam.

Secundò, vt non recipiantur sumptuosè, sed decenter seruata frugalitate, & paupertate Religiosa.

Tertiò, vt comedant in refectorio communi, & ferculis communibus sint contenti.

Quartò, vt si huiusmodi hospites potentes ob verecundiam noluerint in refectorio comedere, & de ferculis communibus, tunc potest eis concedi, vt possint comedere in alio loco commodiori, & alia fercula meliora, conuenientia tamen Religioni. Vt si in Monasterio comeditur caro bouina, detur vitulina, si vitulina, dentur pulli gallinacei, & sic de similibus, ita tamen, vt semper religiosa paupertas elucescat.

Hinc, Religiosus qui studiosè per se, vel per alios directe, vel indirecte inuitat aliquem ad conuiuium, & ad hospitium,

ipitium, vel non diuertenti ad Monasterium, sed ad alium locum prope Monasterium mittit illi esculenta, & poculenta extra casus expressos in hac constitutione, vt modo diximus in prima conditione peccat mortaliter, & incurrit in pœnas Bullæ.

Dixi notanter (*per se, vel per alios, directe, vel indirecte*) quia si Religiosus dicat alicui seculari, se non habere aliquid, quod possit præsentare viatori amico suo, & secularis mittit illi munera nomine Monasterij, vel illius particularis religiosi, hic dicitur indirecte donare.

- 8 Hinc, qui scienter extra casus permissos in Bulla magnifica, & sumptuosa conuiuia habet à Religiosis, peccat mortaliter, & tenetur Monasterio restituere quod comedit. Ratio est, quia cum Religiosus non possit dare, alius non potest recipere, quia donans, & donatarius sunt correlatiua.

Dixi notanter (*scienter*) quia si bona fide ad talia conuiuia, & comestationes accedit, non peccat, tenetur tamen restituere Monasterio id, in quo inde factus est ditior.

### QVÆSTIO CCXXV.

*An in his casibus in Bulla non concessis donatarius teneatur statim in conscientia restituere?*

- 1 RATIO dubij est, quia pœna non debetur in conscientia nisi post condemnationem, vs D. Tho. 2. 2. q. 62. ar. 3. Nauar. cap. 23. n. 66. & multi alij affirmant: ergo qui accipit munera à Religiosis non tenetur statim restituere nisi post sententiam Iudicis.

Sed hoc non obstat, omnino dicendum est, hunc teneri in conscientia statim restituere, nec posse iuxta Bullam in foro conscientia absolui, nisi prius cum effectu donatum restituat.

- 2 Nec ratio dubij obstat, quia illa so-

lum concludit, & vera est in iis, quare, & proprie sunt pœnæ, sed restitutio non est pœna, sed debitum: ergo statim tenetur ad restitutionem nulla expectata sententia, cum peccatum non remittatur, nisi restituatur ablatum.

### QVÆSTIO CCXXVI.

*Cuinam hac restitutio fieri debeat?*

RESPONDEO ipsi Monasterio, de cuius bonis facta est donatio. Vnde iuxta Bullam, nec qui donauit, nec Monasterium, nec capitulum, nec tota Religio potest hanc restitutionem remittere, nec vt in pauperes erogat concedere aliquo modo potest. At si ille qui restituere tenetur, esset vere pauper, & non esset soluendo, tunc potest Monasterium ei tanquam pauperi tale debitum remittere.

### QVÆSTIO CCXXVII.

*Quot, & quinam sint casus extra Bullam, in quibus integrum est Religiosis aliquid donare absque eo quod incendant in Bullam?*

RESPONDEO sex, quorum primus est, quando vere non est donatio, sed alius contractus puta emptionis, vel venditionis, vel locationis, vel mutui, vel commodati. Vnde licite potest religiosus de licentia superioris emere, & vendere, & mutuum dare pecuniam, vel dolium vini, vel tot modios tritici cum pacto, vt tantumdem postea ei reddatur. Similiter poterit Religiosus de licentia sui superioris permutare vnā rem cum alia æquiualentem, nimirum suam vestem, suos libros. Quia vere non donat.

Circa quod cauendum est, ne sit fictum, & palliatum mutuum, vs si Religiosus mutuo daret pecuniam restituendam ad Kalendas Græcas. Quia hoc esset indirecte donare.

- 4 Secundus casus est, quando est compensatio, vt si vnus religiosus inuitaret alium alterius religionis, quia ipse antea inuitauit illum, & sic est mera compensatio.

Tertius casus est, solutio debiti siue tacite, siue expresse conuenti. Vt quādo Religiosus aliquid dat alicui, qui ei inserui extra Monasterium, etiam si tale obsequium præstet sine pacto accipiendi salarium, est enim hæc solutio debiti tacite conuenti. Eadem ratione potest aliquid dari Aduocatis, Procuratoribus, & Notariis.

- 3 Quartus casus est remuneratio seruitiorum. Vt quando famuli pro certo salario inseruiunt Monasterio cum magna fidelitate, his enim ultra iustum salarium potest dari aliquid amplius, quia non est proprie donatio, sed beneficij remuneratio.

- 4 Quintus casus est antidotalis gratificatio: omnia enim iura petmittunt, vt benefacienti beneficiamus, vt rectè docet D. Tho. 2. 2. q. 106. ar. 1. Quia vt sit vera donatio debet fieri ex mera liberalitate, at donatio quæ fit ex aliqua causa, non dicitur donatio, sed renumeratio: modo Constitutio Clem. VIII. aperte loquitur de donatione proprie ex liberalitate facta: ergo.

- 5 Dices, Bulla expresse prohibet etiam donationem, quæ fit in memoriam beneficiorum.

Respondendo Bullam loqui de sumptibus qui sunt in honorem transitus alicuius superioris, Protectoris, vel ordinarij. Non tamen propter hoc tollit ius naturæ, quod iuber, vt benefacienti beneficiamus.

- 6 Sextus, & vltimus casus est redemptio vexationis, vt cum quis præter salarium, dat aliquid amplius Aduocatis, & Procuratoribus, ad hoc vt lites habeant bonum exitum: vel debens exigere quandā pecuniæ summam, quam sine strepitu iudicij recipere non potest, eo casu ad euitandas expensas in

lite, potest remittere debitori aliquam partem debiti, & alteram partem sine expensis, & sine litigijs exigere. Et ratio huius est, quia hæc non est donatio, sed vexationis redemptio. Nam ad hoc vt sit vera donatio, debet fieri sine vlla causa, vt ait Nau. in *Apoloq. de redd. tit. q. 1. Monit. 82.* sequurus D. Tho. 2. 2. q. 106. ar. 3. ad 4.

Hinc, Religiosus dum nauigat, vel iter facit, potest ultra iustam mercedem dare aliquid amplius nautis, victurinis, & cauponibus, ne ab eis iniuriis afficiantur Quia hoc non est dare, sed vexationem redimere.

## QVÆSTIO CCXXVIII.

*Quotnam sint huius constitutionis pœna?*

RESPONDEO sex. Prima est, vt transgressor sit ipso facto priuatus omnibus, & singulis pro eo obtentis dignitatibus, gradibus, muneribus, & officiis.

Secunda, vt adhuc, & ad alia similia, vel dissimilia in futurū obtinenda officia perpetuo inhabilis, & incapax existat.

Tertia, vt perpetua infamia, & ignominia notatus existat.

Quarta, vt sit ipso facto voce actiua, & passiva priuatus.

Quinta, vt tanquam fur, & simoniacus accusari, denunciari, procedi, & inquiri queat.

Sexta, vt firmæ remaneant alie pœnæ inflictæ contra religiosos aliquid præmissorum committentes, si quæ fuerint siue à iure communi, siue per alias constitutiones Apostolicas, aut propria cuiusvis ordinis, Congregationis, Monasterij, aut loci statuta, vel consuetudines. Contra aurem recipientes præter peccatum mortale cum onere restituenti, nulla alia pœna imponitur.

## QVÆSTIO CCXXIX.

*Quid nomine dignitatum, graduum, mune*

*munerum, & officiorum hoc loco intelligatur?*

- R**ESPONDEO nomine dignitatum intelligi Generalatum, Prouincialatum, Guardianatum, Prioratum, Abbatiarum, Rectoratum, officium Custodis, & alias huiusmodi dignitates, quæ cum honore, & superioritate sunt coniunctæ. Vnde officium sacristæ, vicariatus, supprioratus, officium lectoris, & prædicatoris, & confessoris non veniunt nomine dignitatum. Sed nomine graduum veniunt Lector, Prædicator: & nomine officij intelliguntur, vt sacrista, supprior, &c. Ita enim fuit declaratum per quemdam motum proprium Sixti V. quem fecit in declarationem alterius motus proprii, quem ipse fecerat contra illegitimos.

### QVÆSTIO CCXXX.

*An qui aliquid præmissorum committunt, statim in foro conscientie has penas incurrant?*

- E**T quidem prima fronte videtur quod sic, quia Pontifex dicit, huius constitutionis transgressorem, priuationem dignitatum, & vocis actiue, & passiuæ ipso facto absque vilo superioris decreto, aut ministerio incurrere.
- H**oc ramen non obstante, communis tam Theologorum, quam Iurisperitorum sententia habet, hunc prædictas penas non incurrere, nisi sequuta sententia Iudicis. Ratio est, quia nemo debet esse exequutor pœnæ contra seipsum, vt docet D. Tho. 2. 2. q. 62. art. 3. & Caiet. ibidem. Nauar. cap. 23. n. 67. & Sotus lib. 1. q. 6. ar. 6. Vnde religiosus qui aliquid donauit contra Bullam, non teneatur statim resignare dignitates, & vocem actiuam, & passiuam. Et quamuis imponatur pœna per hæc verba, ipso facto incurrenda, nunquam tamen intelligitur, vt ipsemet reus teneatur subire pœnam, ante declaratio-

nem factam, fuisse commissum delictum; & ideo donec condemnetur, potest accipere, & dare vocem, & exercere officia, & dignitates, quia non intelligitur incidisse in pœnam, nisi secuta sententia declaratoria id est, nisi superior delectet fuisse commissum delictum, ac proinde illum esse tali pœna dignum, & tunc statim incidit in pœnas. Atque ita illa verba absque alia declaratione sunt intelligenda de declaratione pœnæ. Illa verò verba, *Ipso iure, ipsoque facto, absque vilo Iudicis decreto*, &c. intelliguntur, vt sententia declaratoria fiat sine strepitu iudicij, sed summarie, & de plano facto breui examine. Vnde apparente accusatore coram superiore, cum duobus testibus, tunc superior ad aliud non tenetur, nisi declarare fuisse commissum delictum, ac proinde delinquentem esse dignum tali pœna. Vnde Greg. XIII. in motu suo proprio de datis, & promissis pro iustitia, vel gratia eodem tenore verborum vsus est contra suæ constitutionis transgressores ibi. Eos omnes omni beneficio ipso iure priuamus, ac priuatos esse declaramus, ac inhabiles ad illa, & ad alia esse volumus. Et tamen Nauar. in eius motus expositione. & Molina tom. 1. de inst. diffut. 96. docent, requiri hanc Iudicis sententiam, vt incurrantur. Et ideo ita tenent Sancti. lib. 6. cap. 17. n. 39. Sossa in eius explicat. n. 102. & Sorbus Capue. in comp. priuileg. verbo dare.

Hinc colligitur ratio, quare Clemens VIII. distincto lumine illustratus nullâ apposuit censurâ in hac constitutione, quia in censuris nulla requiritur sententia declaratoria, sed statim incurruntur, vbi controuenitur, vt rectè docet Nauar. cap. 23. n. 68. & Sot. lib. 1. q. 6. art. 6. & ideo ne illaqueantur tot animæ, apposuit tantum priuationem officiorum &c. Quare Pontifex sciens mundum esse positum in maligno, ita vt homines hodie magis timeant perde-

re di



re dignitates, gradus, & officia, quam peccatum mortale, & censuras; ideo vt magis obseruetur hæc Bulla naluic apponere præfatas pœnas, quâ censuras.

### QVÆSTIO CCXXXI.

*Quis possit in pœnis in hac constitutione statutis dispensare?*

**R** ODER. 10. 1. *de Regul. q. 24. ar. 17.* censet posse Generales, & Prouinciales religionum dispensare. Et probat, quia habent iurisdictionem quasi Episcopalem. At Episcopus potest dispensare in his pœnis iure latis, dum non expressè referuanrur, vt rectè docet Henric. lib. 14. *de irreg. cap. 19. n. 1.* Atqui hoc contingit in hoc casu: ergo.

**2** At verò Graff. 1. p. *decis. lib. 4. cap. 23. nu. 12.* negat posse superiores religionum in his pœnis dispensare.

Mihi autem videtur aliquanto distinctius, & explicatius ad hanc quæstionem esse respondendum. Vnde dico quod si res sit ad forum contentiosum deducta, Iudicisque sententia accesserit, certum est, neminem præter Romanum Pontificem posse in his pœnis dispensare.

### QVÆST. CCXXXII.

*Sed dubiū est, quando res est occulta.*

**1** **E**T quidem tenendo pœnas has non incurri absque Iudicis sententia, non habet locū difficultas. Sed defendendo eas absque aliqua sententia incurri, dico posse Religionum Prælatos, vt Generales, Prouinciales, & Priores ordinum Mendicantium, & fruentium eorum priuilegiis in prædictis pœnis dispensare. Et ratio est, quia per priuilegium concessum à Pio V. & relatum à Roder. 10. 1. *de Regul. q. 61. art. 9.* omnes superiores S. Dominici, & consequenter omnium ordinum Mendicantium, & fruentium eorum priuile-

giis gaudent prorsus eadem facultate erga Religiosos, quia gaudent Episcopi erga suos subditos. At virtute Concil. Trid. sess. 24. c. 6. *de reform.* Episcopi possunt in his pœnis iure latis proueniētibz ex delicto occulto dispensare: ergo.

Immo per priuilegium concessum à Paulo III. societati Iesu, per quod datur facultas absoluedi ab omnibus peccatis etiam sedi Apostolicæ reservatis, & à quibuscunque censuris, & pœnis ecclesiasticis ex illis resultantibus, possunt confessarii gaudentes tali priuilegio, prout omnes nostræ Congregationis confessarii gaudent, in foro conscientie à prædictis pulationibus, & inhabilitatibus absolvere. Quia prædictæ priuationes, & inhabilitates sunt pœnæ impostæ contra violatores prædictæ constitutionis.

Nec obstat Decretum sacre Congregationis Illustr. Card. super negotiis Episcoporum, & Regularium publicatum Romæ die nona Mensis Ianuarij 1601. quia fuit declaratum Romano P. D. Ioanni Sipontino Generali Congregationis Ceticorum Regularium, per dictam Congregationem Cardinalem, viuz vocis oraculo, mentem S. Pontificis non fuisse tollere, & annullare per dictum Decretum priuilegia quoad absolutiones Regularium, sed tantum quoad sæculares personas.


*Hæc sunt, quæ de voto paupertatis mihi visa sunt, dicenda.*

Quæ omnia, & singula in hoc opere contenta sacrosanctæ Matris ecclesiæ Romanæ iudicio, & censuræ omnino subiicio, ad honorem, laudē, & gloriam sanctissimæ, & indiuiduæ Trinitatis, & Domini nostri Iesu Christi: Atque sanctissimæ suæ Genitricis Virginis Mariæ. Necnon ad honorem Almi Patris nostri Bernardi, & omnium cælesti curiæ beatorum.

F I N I S.

INDEX

378.550



# INDEX

## QVÆSTIONVM OMNIVM,

### QVÆ IN HOC OPERE

#### CONTINENTVR.

Vbi numerus paginam indicat.

#### PRIMI LIBRI QVÆSTIONES.

<b>Q</b> UID sit votum.	pag. 2	to teneatur.	16
An votum sit opus per se bonum, & ad vitæ perfectionem conducat?	3	An qui verè, & ex animo vouet sine propo- sito adimplendi illud, peccet mortaliter.	16
An opus factum ex voto sit melius, quam sine voto.	4	An votum sine plena, & matura deliberatione emissum, sit validum, & obligatorium.	17
An solum propositum absolutum etiam deli- beratum faciendi aliquid ad honorem Dei, absque vlla promissione tacita, vel expres- sa, sufficiat ad votum.	4	An peccet, qui sine debita, & matura delibera- tione vouet.	19
An vt votum sit validum, necessaria sit forma- lis deliberatio in instanti, in quo emittitur votum, an vero virtualis sufficiat.	6	An peccet mortaliter	19
An promissio quæ ad rationem voti requiri- tur, sufficiat vt sit implicita	6	An qui attentis omnibus circumstantiis est dubius, an votum cum debita, & matura deliberatione emisit, ad illius execu- tionem teneatur.	20
An ad rationem voti verba exigantur.	7	An qui dubitat, an votum vouerit, an non, ad illud obseruandum teneatur	20
Quot modis votum diuidatur.	7	An qui vouit peregrinari, nec determina- uit in voto, an pedester, vel equester peregrinaturus sit, possit equester peregrini- nari.	22
In quonam voti solemnitas consistat.	8	An qui est certus, se emisisse votum, dubitat autem, an animum vouendi, vel se obli- gandi habuerit, tali voto teneatur.	22
Quonam fiat ista ceremoniæ in quibus ea voti solemnitas consistit.	10	An si vouens sit anceps, an dum votum emisit, vsum rationis habuerit, tali voto teneat- ur.	22
An votum simplex, & solenne fiat eiusdem speciei.	10	An qui est certus de voto, dubitat autem an illud emisit ex calore iracundiæ, &c. tali voto teneatur.	23
An qui vouet sine animo vouendi, vel pro- mittendi, tali voto teneatur.	12	An qui est certus de valore voti ex parte suæ voluntatis, dubitat autem an materia voti sit licita, tali voto teneatur.	23
An qui vouet sine animo vouendi, vel pro- mittendi, peccet.	13	An votum quod est irritum ob defectum vso- rationis, vel animi vouendi, aut ob aliam causam, reddatur validum, si postea ratum habeatur.	23
An qui vouet animo quidem promittendi, & se obligandi, non tamen implendi, tali vo-	14		
to teneatur.	14		
An votum sine animo se obligandi emissum, sit validum, & obligatorium, si iuramento firmetur.	15		
An qui vouet animo quidem promittendi, & se obligandi, non tamen implendi, tali vo-	15		

# INDEX QVÆSTIONVM.

- habeatur. 13
- An qui est cæcus de voto, dubitat autem an illud impleverit, teneatur illud seruare. 14
- An vonens dare centum ecclesiæ pro anima sua, si postea noceat proximo in tantumdem, nec potens est utrique obligationi satisfacere, teneatur potius ad votum. 14
- An qui vouit confiteri tali mense, si in eodem mense incidat obligatio præcepti ecclesiastici confitendi, teneatur eodem mense bis confiteri. 14
- An si confessarius alicui in penitentiam iniungat, ut certam elemosynam largiatur, hic confessatio satisfecisse censetur, si elemosynam quam voto erogare tenebatur, pauperi tribuat. 14
- An qui vouit tot missas in honorem Beate Virginis, satisfaciatur voto, si sacerdotem gratis eas facere volentem inueniat. 14
- Sed quid si vonens elemosynam illam æquè principaliter promissam sacerdoti celebranti traderet, & ille sponte sua eam remitteret. 15
- Quænam sit propria materia voti. 15
- Quotnam requirantur, ut bonum possit esse legitima materia voti. 15
- Quænam sit potissima materia voti. 16
- An qui vouet peccatum mortale, ut occidere inimicum, peccet mortaliter. 16
- An si hic voueat peccatum mortale sine animo se obligandi, & faciendi etiam peccet mortaliter. 16
- An votum quod fecit Iephie, Iudienm 12 fuit validum, & obligatorium. 16
- An qui vouit peccatum veniale, ut mentiri iocose, vel proferre verba otiosa, peccet mortaliter. 17
- An qui vouet peccatum veniale cum proposito exequendi, duplex peccatum committit. 17
- An votum rei bonæ potentis malum enentum habere, sit validum. 18
- An votum emissum de opere meliori ob malum finem, sit validum, & obligatorium. 18
- An qui vouet ob malum finem, peccet mortaliter. 19
- An qui vouet ob prauum finem, duplex peccatum committit. 30
- An votum non fornicandi nisi eum Betia, sit validum & obligatorium. 30
- An votum de re indifferenti emissum sit validum, & obligatorium. 30
- An votum vestiendi se veste alba ob honorem Beate Virginis, sit validum. 33
- An votum induendi se veste vili, & aspera, sit validum. 33
- An votum nunquam ingrediendi talem domum, nulla causa adiecta honestante, obliget, si deinde contingat ibi habitare mulierem, quæ præbet occasionem peccandi. 35
- Quid si id votum fuerit ab initio ob aliquem bonum finem, & postea illa boni ratio mutetur in aliam, &c. 35
- An votum non peccandi v.g. cum Betia, relicta facultate peccandi cum aliis, sit validum. 34
- An in dubio, an res de qua sit votum, sit indifferens, an non, obliget votum. 34
- An semper peccet, qui rem indifferentem vouet. 34
- Item an peccet mortaliter. 34
- An votum non ludendi sit validum, & obligatorium. 35
- An votum non ludendi, nisi tali ludo sit validum. 35
- An votum non ludendi ob solum finem non amittendi bona temporalia, sit validum. 35
- An qui vouit non ludere, possit tradere aliis nummos, ut uomine ipsius ludant. 36
- An qui vouit non ludere, possit ludere nomine alieno. 36
- An votum ob bona temporalia assequenda, sit validum. 36
- An qui vouit dare certam pecuniam pauperi, ita ut velis per nullam aliam satisfacere voto, tali voto teneatur. 37
- An votum de rebus negatiue oppositis consiliis euangelicis sit validum. 37
- An qui vouit se nunquam infecturum ordines, tale votum sit validum, & obligatorium. 38
- An qui vouit se nunquam futurum Episcopum, vel Prælatum, tali voto teneatur. 38
- An votum non querendi indulgentiam sit validum. 39
- An votum de non ingrediendo strictiorem religionem, sit validum. 39
- An votum de ingrediendo laxiorem Religionem, sit validum. 39
- An votum de seruando in perpetuum alicui hospitali, sit validum. 39
- Sed quid, si in tali voto præcluderetur via ad altiorem statum, ut si voneas te in seruum venditum, ut pretio captiuos redimas. 40
- An votum de non ingrediendo aliam Religionem, nisi hanc sancti Dominici sit ratum. 40
- An votum de contrahendo matrimonium, sit validum, & obligatorium. 40
- An votum nubendi, firmissimo animo ingrediendi, & profrendi Religionem ante matrimonij consummationem, sit validum. 41
- An qui vouit se meretricem ducturum, ut eam liberet à malo statu tali voto teneatur. 41
- An quando matrimonium est sub præcepto, possit esse apta materia voti. 42
- An qui vouit non contrahere matrimonium, &c.

# INDEX QUESTIONVM.

- & postea contrahit, possit licitè debitum reddere, & petere. 42
- An qui vouit ob finem, qui est contra consilia euangelica, tali voto teneatur. 43
- An votum non vouendi, sit validum. 43
- An qui vouet, se amplius non voturum nisi in scriptis, tale votum sit validum. 43
- An qui vouet se in posterum non voturum nisi in manu sui confessorij, tali voto teneatur. 43
- An si is qui tale votum emisit, postea huius voti memor, sine voti expressione in scriptis, vel sine consilio sui confessorij voueat, tale votum sit validum. 43
- An votum non petendi dispensationem, irritationem, vel commutationem voti, sit validum. 44
- An votum non petendi dispensationem, commutationem, aut irritationem absque iusta causa, sit validum. 45
- An qui vouit se non petiturum dispensationem, vel irritationem, possit petere puram commutationem. 45
- An votum non petendi dispensationem, vel commutationem ab alio, quam à Romano Pontifice, sit validum. 45
- An peccet, qui contra consilia vouet. 45
- An votum de rebus positum sub præcepto, vt de non futando &c. sit validum. 46
- An votum emissum de rebus necessariis, necessitate præcepti, sit verè, & propriè votum. 47
- An Christiani in baptismo emittant votum seruandi legem euangelicam. 48
- An penitentes qui in confessione promittunt se amplius non peccaturos, mortaliter, voueat. 49
- An votum de re simpliciter necessaria, vel impossibili, sit validum. 49
- An votum nunquam peccandi absolute, sit validum. 50
- An votum nunquam peccandi mortaliter, sit validum. 50
- An homo fragilis peccet, id votum emittendo. 50
- An votum nunquam peccandi venialiter, sit validum. 51
- An votum de nunquam committendo certum peccati venialis genus, vt mendacia iocosa, sit validum. 51
- An votum quo quis pollicetur se nunquam peccaturum in eogitationibus luxuriæ, vel iudicij semerarij, &c. sit validum. 51
- An qui vouit absolute se amplius non peccaturum, teneatur sistem ex vi voti ab his peccatis abstinere, quæ saltem vitare potest. 51
- Sed quid, si intentio vouentis esset, non se obligare ad vitandum omnia peccata, sed solum ad specialem diligentiam, tale votum valeret ne. 52
- An votum facendi omnia venialia, teneat. 52
- An qui vouet se facturum confessionem omnium peccatorum suorum, & post factam confessionem aliorum meminere, teneatur ex vi voti illa confiteri. 53
- An votum factum ex metu, quā: umvis graui ab intrinseco illato, sit validum. 53
- An votum factum ex metu graui ab extrinseco, puta ab homine incusso ob alium finem, quā: ad extorquendum votum sit validum. 53
- An votum emissum ex metu graui, & ab extrinseco, puta ab homine per iniuriam incusso, gratia extorquendi votum, sit validum. 54
- An votum factum ex metu graui iuste incusso ab homine ad extorquendum votum, sit validum. 54
- An votum quod ex metu graui per iniuriam incusso est irritum, etiam si postea iuramentum confirmetur, adhuc sit nullum. 55
- An votum ex metu graui extortum, sit iure diuino, & naturali irritum. 56
- An votum ex metu graui extortum, sit irritum saltem iure ecclesiastico. 57
- An metus sufficiens ad reddendum votum nullum, vouentem etiam ab eius executione liberet. 57
- An metus sufficiens ad liberandum aliquem ab executione voti, à culpa transgressionis legis diuinæ, aut naturalis excolet. 58
- An metus levis, qui in virum constantem non cadit, irritum reddat votum in foro conscientie, si per iniuriam gratia extorquendi votum, incussus sit. 58
- An votum ex errore factum sit validum. 58
- An finis voti cadat sub votum. 60
- An modus implendi votum, cadat sub votum. 60
- An votum factum de meliori bono, obliget vouentem ad eius obseruantiam sub peccato. 60
- An violatio voti sit aliquando venialis. 61
- An votum obliget ad sui obseruantiam sub mortali. 61
- An fractio voti de re leui, quæ res levis est tota materia voti, sit peccatum mortale. 62
- Quomodo cognosci possit paruitas, aut magnitudo materiæ in voto, vt inde culpa mortalis, aut venialis censetur transgressio. 63
- An vouens in materia graui, possit se ad solam culpam veniale obligare. 63
- An vouens in re graui, possit se, ad solam peccatum obligare. 64
- An vouens in re leui, possit se obligare ad mortale. 64
- An qui centies, idem votum reperit, & confirmat, centuplicem obligationem contrahat. 65
- An qui votum violat, vnum speciale peccatum committat. 65

# INDEX QVÆSTIONVM.

- An peccata contra votum sint eiusdem speciei. 66
- An peccata contra votum simplex, & solemne sint eiusdem speciei. 66
- An magis peccet, qui frangit votum solemne, quam qui simplex circa eandem maiorem. 66
- An obligatio voti sit maior, quam iuramentum. 67
- An qui vult dicere singulis diebus *vaum Pater noster*, & postea illud quotidie præcermittit peccet mortaliter. 67
- An qui vult se nunquam bibiturum vinum, aut comesturum carnes, toties peccet mortaliter, quoties illud bibit, & carnes comedit. 68
- An qui vult non bibere vinum, possit ad sacerdotium ascendere, aut post promotionem, ministrare. 68
- An votum non bibendi vinum violenter bibita ceruissa. 69
- An qui vult certum diem ieiunare, ab ouis, & lacticiis abstinere teneatur. 69
- An qui vult certa die ieiunare, toties peccet mortaliter, quoties in illa die comedit. 69
- An hic toties peccet mortaliter, quoties ea die carnes edit. 69
- An qui vult ieiunare cum pane, & aqua, peccet bibendo vinum. 70
- An qui vult non comedere lacticioia, teneatur à carnibus abstinere. 70
- An qui vult abstinere ab ouis, teneatur à lacticiis, & à contra abstinere. 71
- An vouens abstinere carnibus, teneatur ab ouis, & lacticiis abstinere. 71
- An vouens abstinere à carnibus, teneatur à iure abstinere. 71
- An qui iusta de causa comedit oua, & lacticia in ieiunio, ad quod tenebatur de voto, suæ obligationi satisfaciatur. 71
- An is, cui medicus cooecedit vsum oorum propter infirmitatem, sit reus voti, si edidit casum. 71
- An is, cum quo est dispensatum, quod possit comedere carnes in die ieiunij, sit reus voti, si coenat. 71
- An qui habet votum ieiunandi, possit ex vi Bullæ vesci lacticiis. 71
- An idem sit dicendum de carentibus Bulla. 71
- An Religiosi professi minutes viginti vooannis, teneantur ad Regulæ ieiunia. 73
- An vouens abstinere carnium, sit voti reus, edendo carnes in casu morbi, si alias carnes illæ sint sanitati noxiæ. 74
- An vouens non vesci lacticiis, possit illis vt, si ratione necessitatis concedantur sibi carnes. 74
- An qui vult se nuquam comesturum carnes in die veneris, si postea in ea eueniat festum Natalis Domini, teneatur in ea die à carnibus abstinere. 74
- An voto, vel statuto Regulari stricti ad carnes non edendas in die veneris, possint eas edere, coenante in ea festo Natalis Domini: si votum, vel statutum tollatur per priuilegium Apostolicum. 75
- An qui statuit voto, & Regulari statuto, in tali die carnes edit, peccet contra ius commune, an contra solum votum, vel regulare statutum. 75
- An qui ex voto tenetur ieiunare vigiliam Natalis Domini, possit serotinam refectiorem tam longam somnare, vt in ea die visitetur. 76
- An votum quod est incompatible cum aliquo præcepto ecclesiastico sit validum. 76
- An votum factum contra superioris præceptum sit validum. 76
- An qui vult Rosarium, satisfaciatur suæ obligationi, si illud solamente recitet. 77
- An qui vult officium B. Virginis, vel psalmos penitenciales, vel litanias recitare, voto satisfaciatur, si alternatim perfoluar. 77
- An qui vult dicere coronam B. Virginis, suæ obligationi satisfaciatur, si eam alternatim recitet. 77
- An qui pollicetur se ieiunaturum, vel auditurum sacrum, teneatur ieiunare, vel audire sacrum eodem prorsus modo, & attentione, qua obligat præceptum ecclesiasticum. 77
- An qui vult se inuisurum imaginem B. Virginis distantem itine tritium dierum, suæ obligationi satisfaciatur, visitando imaginem illam delatam in locum vouentis, vel in alium multo minus distantem. 78
- An qui vult se iturum ad domum Lauretanam, suæ obligationi satisfaciatur, si illuc causa alterius negotij inuisit templum illud. 78
- An qui vult se equum datum alicui loco pio, teneatur equum emere, vt votum suum impleat, si omnes sui equi perierunt. 78
- An qui vult dare dorem puellæ ob amorem Dei, teneatur, si illa antequam nuberet, obire. 79
- Sed quid, si puella illa ex hac vira migraverit, postquam vouens tunc in motu implendi suum votum. 79
- An qui habet votum celebrandi suo voto satisfaciatur, si postea stipendio conductus, celebraret. 79

# INDEX QUESTIONVM.

- An difficultas noua superueniens, excuset à  
voti obligatione? 79
- An qui duo vota incompatibilia emittit, ad  
vtrumque teneatur. 80
- An qui vouit in vigilia S. Bernardi se non  
comesturum panem, & postea, vel ante vo-  
uit se nihil omnibus festis festis sumptu-  
rum præter panem, si vigilia illa in sextam  
feriam incidat, teneatur vtrumque votum  
seruare. 81
- An qui non potest suum votum adimplere,  
teneatur illud in aliquid aliud possibile  
in illo non inclusum commutare. 82
- An qui vouit se aliquid facturum, & non po-  
test ex toto illud implere, teneatur saltem  
partem, quam potest. 82
- An votum, quo quis pollicetur se nudum pe-  
reginarum Domum Lauretanam, sit  
validum. 82
- An qui in die ieiunij votiui, sciens esse ieiun-  
ium sumpsit tentaculum, siue cum cul-  
pa, siue absque culpa, teneatur eadem die  
ieiunare. 83
- An causa vrbauitatis, vel hospitalitatis mihi  
liceat aliquem ieiunio votiuo adstrictum  
inuitare, vt comedat. 83
- An caupo peccet, si die ieiunij votiui, cenam  
apponat. 83
- An peccet mortaliter, quem sui facti voti  
pernitent. 84
- An qui virginitatem vouit, si eam semel ami-  
sit, teneatur deinceps ex vi voti castitatem  
seruare. 85
- An qui vouit se daturum elemosynam Ec-  
clesiæ, suo voto satisfaciatur, et rogato vno di-  
pendio. 85
- An votum volendi religionem ingredi, sit vo-  
tum religionis. 86
- An votum nolendi viuere in sæculo, sit vo-  
tum Religionis. 86
- An votum moriendi in Religione, sit votum  
Religionis. 86
- An votum vitæ eremiticæ, sit votum Reli-  
gionis. 86
- An qui vouit Religionem ingredi, suo voto  
satisfaciatur, ingrediendo ordinem Equi-  
tum D. Iacobi Alcantaræ, & Alcantaræ,  
qui vulgo Commédatores appellantur. 86
- An qui habet votum Religionis in commu-  
ni, satisfaciatur suo voto assumendo habi-  
tum Equitum Melitenium. 87
- An qui strictiorem Religionem vouit, ingre-  
diens postea laxiorem, peccet, & proficiens  
maneat liber. 87
- An qui aliquam particularem Religionem  
vouit, licet possit aliam illa arctiorem, &  
præstantiorem ingredi. 87
- An qui certam aliquam Religionem vouit,  
possit in aliam, & quæ arctam propterea au-  
thoritate transire. 87
- An qui vouit se ingressurum Religionem,  
possit fieri Episcopus. 88
- Ad quid teneatur, qui absolutè Religionem  
vouit. 88
- An qui certam Religionem vouit, nec in ea  
admittitur, teneatur aliam adire. 88
- An voto Religionis satisfaciatur, qui crimina  
patrat, ob quæ Religionis ingressus sibi in-  
terdicitur. 89
- An qui vouit Religionem in communi, te-  
neatur omnia Religiosorum eorum nobia per-  
lustrare, vt admittatur. 90
- Quid quando non constat de speciali vouen-  
tis intentione. 90
- Quor Religiosorum Monasteria teneatur ex-  
plorare in suo Regno, qui ingressum in  
Religionem vouit. 91
- An si vouens Religionem in communi, non  
admittitur nisi in solam Religionem ar-  
ctissimam, vt Carthusianam, teneatur ad  
illam. 92
- An vouens Religionem in communi, si in  
nullam aliam admittitur, teneatur ordi-  
nem Equitum D. Iacobi Alcantaræ, Cala-  
træ, & D. Iohannis, iurare. 92
- An semel repulsus, teneatur aliquantulum  
expectare, vt in ea recipiatur. 92
- An qui vouit Religionis ingressum, cum eam  
petit, propalare teneatur, se Deo Religio-  
nem vouisse. 93
- An interdum sufficiat alicui passum esse re-  
pulsam a Generali, vel Prouinciali Religio-  
nis, quam vouit, vt censetur omnino li-  
ber ab eo voto. 93
- An qui vouit ingredi certam Religionem, &  
postea inuenit eam quoad substantialia  
esse collapsam, teneatur eam ingredi. 93
- An qui vouit Religionem in communi, & in  
vnam admittitur, quam postea iustā de  
causa deseruit, teneatur ex vi voti ad aliam  
transire. 94
- An a Religione promissa, & semel suscepta  
expulsus ob iustam causam temporalem,  
teneatur ea cessante, ex vi voti iterum  
ingredi. 94
- An voto Religionis ligatus & in vnam bonā  
sede ingressus, a qua sua culpa fuit expul-  
sus, teneatur se corrigere, vt iterum ad-  
mittatur. 95
- An exclusus à Religione, cui se per votū sim-  
plex obligauit, teneatur in exulo manens  
ea, quæ sunt Religionis, nempe paupertatem,  
castitatem, & obedientiam. 95
- Ad quid teneatur, qui in sæculo vouit cui-  
dam Priori paupertatem, castitatem, &  
obedientiam. 96
- An vouens Religionem vt sit sacerdos, & non  
admittitur, nisi vt sit conuersus, vel e-

# INDEX QUESTIONVM.

- contra, teneatur ingredi. 97
- An qui vovit Religionem ingredi, & in ea non recipitur, quia indoctus, aut quia nullum scit artificium, teneatur literas, vel artificium addiscere, vt in eam admittatur. 97
- An is qui Religionem vovit, & sciebat se ineptum esse ad discendum linguam Latinam, teneatur ad gradum conuersorum ascendere. 98
- Sed quid, si hic tempore voti de neuro gradu cogitauit, & non admittatur, nisi ad statum conuersorum. 98
- An qui vovit Religionem ingredi, ex vi voti teneatur perpetuo in Religione perseuerare, & profiteri. 99
- An qui vovit se Religionem ingressurum, possit sine peccato intra annum probationis absque ulla causa iusta ab ea exire. 100
- Sed quando is votum Religionis emisit, & nil prorsus de exeundi libertate determinat ad quid teneatur. 101
- An qui Religionem vovit, suo voto satisfaciatur, si absque ulla probationis experimentis statim a Religione recedit. 101
- An si Nouitius dum in anno probationis austeritates Religionis experitur, sua culpa eiicitur, aut ante ingressum peccatum aliquod committit, ob quod in Monasterium non admittitur, suo voto ingrediendi Religionem satisfacere censetur. 102
- Quamam siot iuste egressus causæ, vt vovens Religionem egredietur censetur voto satisfecisse. 102
- An Religionem ingressus absque voto, possit licite sine causa iusta ad seculum redire. 103
- An votum sub conditione factum, sit validum, & obligatorium. 103
- An votum sub conditione necessaria factum, sit statim validum, & obligatorium? Vt si quis dicat, *voueo Religionem, si sol ab hinc duobus annis orietur.* 103
- An votum factum sub conditione contingente futuri temporis, & honesta, sit validum, & obligatorium? Vt si quis dicat, *voueo Religionem, si filius meus ex Sicilia sanus redierit.* 103
- An votum sub conditione impossibili factum, sit validum, & obligatorium, vt si quis voueat se ingressurum religionem, si celum digito tetigerit. 104
- An votum sub conditione turpi emissum, sit validum, & obligatorium. 104
- An votum sub pluribus conditionibus factum, sit validum, & obligatorium, si vna ex illis exiit, & non alia. 104
- Sed quid, si conditio euenerat tempore voti, & vouens hoc ignorabat, an tale votum sit validum, & obligatorium. 105
- An vt votum vim habeat, sufficiat, vt conditio non in propria forma, sed in æquiuallenti impleatur. 105
- An vouens sub conditione, ex cuius culpa conditio non impletur, teneatur nihilominus votum adimplere. 105
- Ad quid teneatur, qui distinetuè aliquid vouit? Vt si promisit dare quotidie vnum argenteum, vel Rosarium recitare. 107
- An votum sub conditione pœnali factum, sit validum, & obligatorium. 107
- An quando principalis voti pœnalis materia est inepta, ita vt votum de illa emissum sit irritum, vt votum non ludendi cum certa persona, vel in certo loco, vel ludo in casu, quo hæc indifferentia fuerit, sub pœna peregrinationis, aut elemosynæ, votum quoque de pœna imposita sit nullum. 107
- An votum pœnale obliget ad pœnam, quando violatio voti cõtingit absque culpa? 107
- An votum pœnale obliget pro sola prima transgressione ad pœnam. 108
- An votum facti alieni sit validum, & obligatorium. 108
- An qui per seipsam non potest votum suum pœnale implere, teneatur per alium illud perficere. 108
- Sed quid si votum erat homini intimatum, & ab eo acceptatum, & vouens sua culpa in eam impotentiam incidit. 110
- An filius teneatur ad vota parentum nomine ipsius emissæ. 110
- Sed quid, si pœscentibus filiis doli capacibus, & tacentibus, parentes vota, eorum nomine, emittant. 111
- An qui per seipsam non potest vota realia adimplere, teneatur ea perficere per alium. 111
- An vouens qui aliter nequit suum votum adimplere, teneatur pecuniam illam mendiicare, aut officio alicui vacare, quod suum statum dedecet, vt votum adimpleat. 111
- An hæres teneatur adimplere vota defuncti. 111
- An hæres qui à testatore habetur personalia ipsius vota implere, teneatur ad id iure mandati. 112
- Quo iure teneatur hæres adimplere vota realia defuncti. 112
- An hæres teneatur adimplere vota testamenti mixta, id est partim realia, & partim personalia. 112 & 113
- Ad Monasterium iure hæreditario in bona professi succedens, teneatur ad vota realia, quæ professus existens in seculo fecerat, sed non expleat. 113
- Sed quid, si Religiosus professus voluit sua vota realia per solemnem professionem non extinguat. 114
- An donatarius omnium bonorum, teneatur vota

# INDEX QUESTIONVM.

- vota realia donantis persolvere. 114
- An hæres qui promissit vota realia testatoris implere, sed postea mutato consilio non adiit hæreditatem, teneatur ea persolvere. 114
- An hæres teneatur persolvere omnia vota realia defuncti, si vires hæreditatis excedant. 114
- An saltem sequuta sententia iudicis, teneatur hæres integre ad omnia debita defuncti. 114
- An hæres necessarius teneatur explere vota realia defuncti, etiamsi suæ legitimæ præiudicent. 115
- Quando vires hæreditatis non sufficiunt pro omnibus votis soluendis, quæ vota teneatur hæres explere. 115
- An quilibet hæres teneatur in solidum vota realia defuncti, aut debita de iustitia, vel legata solvere. 115
- An quando hæres dubitat, an testator plus, vel minus vouerit, teneatur ad id quod plus est. 116
- An successores teneantur ad implenda vota de obseruatione alicuius festi, aut ieiunij à populo emissæ. 116
- An Regulares exempti teneantur hæc vota seruare. 116
- An votum statim sit persoluumdum. 117
- An qui statim votum non implet post natam commodam illius implendi opportunitatem, peccet mortaliter. 118
- An qui vouit se aliquid certa die facturum, puta ieiunare vigiliam alicuius sancti, & sua culpa illud non expleuit, teneatur ea transacta adhuc votum suum adimplere. 118
- Sed quid si vouens sit anceps, an tempus sit assignatum, præcipue ob eius deuotionem, an potius ut determinatum executionis ipsius voti. 120
- An qui non potest implere votum tempore præfixo, teneatur tempus præuenire, ut illud adimpleat. 120
- An vota extinguantur morte, ita ut vouens ad vitam reuocatus liber ab eis maneat. 121
- An qui sua culpa non impleuit votum tempore præfixo, ad aliquam recompensationem postea teneatur. 122
- An qui vouit ieiunare vigiliam S. Ioannis Baptistæ, si postea vigilia illa incidat in dominicam, teneatur ieiunare in dominica, vel potius in sabbatho. 122
- An Deus possit vouere. 122
- An Christus ut homo potuerit vouere. 122
- An Christus ut homo de facto votum misisset. 123
- An Angeli, & beati possint votum emittere. 123
- An Angeli, & beati de facto votum emittant. 123
- An qui sunt alterius potestati subiecti possint licite aliquid vouere sine consensu superioris. 123
- An subditi possint firmiter aliquid vouere sine consensu superioris. 124
- An pueri possint aliquid vouere. 124
- An pueri ante annos pubertatis, si vsum rationis habent, possint vouere. 124
- An possit filius existens sub potestate patris facere votum dandi elemosynam bonorum castrensiū, aut quasi castrensiū, quæ habet. 125
- An sernus possit firmiter aliquid vouere. 125
- An coniugati possint firmiter aliquid vouere. 125
- An vota longæ peregrinationis, magnæ abstinentiæ, & aliorum quæ debito coniugali præiudicant, sint ipsi inretrita, an potius valida, donec irritentur. 126
- An coniuges possint sine alterius consensu habitum mutare? V.g. indui vestibus eremitæ, vel tertij ordinis S. Francisci. 127
- An possit vir absque vxoris licentia votum peregrinationis emittere. 127
- An possit vxor absque viri consensu aliquam peregrinationem promittere. 127
- An quando vxor ante matrimonium contractum, aut post contractum & consummatum ex licentia mariti votum peregrinationis, aut abstinentiæ emisit, teneatur ea vota seruare, si maritus eam postea reuocet. 127
- An vir absque vxoris consensu possit votum adeundi Hierosolymam emittere. 127
- An vxor sine licentia mariti possit simile votum emittere & adimplere. 128
- An alter coniugum post matrimonium consummatum possit sine alterius licentia castitatem vouere. 129
- An votum continentiæ, & non petendi debitum coniugale sit licitum. 131
- An si coniux voto castitatis strictus post matrimonium consummatum debitum petat, alter qui non vouit reddere teneatur. 131
- An in casu, quo coniux non tenetur reddere debitum alteri tali voto castitatis ligato, ut ratione adultetij, vel priori bimestri ante consummatum matrimonium, peccet, si debitum reddat. 131
- An si coniux adultetium committat, teneatur alter, qui voto castitatis ligatur, ei denegare debitum. 132
- An si coniux, cui iuxta prædicta debiti redditio est libera, & vir instant, & quasi cogens petat, possit absque culpa ei reddere debitum. 132
- An coniux qui continentiam vouit, possit aliquando debitum petere. 132



# INDEX QVÆSTIONVM.

- An si is qui votum castitatis emisit, periculum incontinentiæ pariatur, possit petere. 132
- An is, cui ratione voti prohibitum est petere, possit indicare alteri coniugi suum votum, ne eius petitionem expectet, reddaturque ei matrimonium onerosum. 133
- An voto castitatis strictus possit prouocare alterum coniugem, qui non vult, vt debitum petat. 133
- An talis impeditus possit alteri, qui non vult signa petitionis ostendere. 133
- An is qui non vult, possit prouocare vuentem vt petat. 134
- An coniuges voto castitatis ligati, sentientes se affectare copulam, & petitos, si eis liceret, possint licet committere. 134
- An qui cum voto castitatis matrimonium contraxit, teneatur post matrimonium consummatum debitum reddere, si à coniuge expressè vel tacitè exigatur. 134
- An coniux conscius voti alterius, peccet si cum ipso matrimonium contrahat. 134
- An qui voto castitatis strictus, matrimonium contraxit possit debitum petere. 134
- An qui post simplex votum castitatis matrimonium contraxit, toties peccet mortaliter, quoties coniugale debitum petat. 135
- An si uterque coniugum simplici voto castitatis ligatus matrimonium contraxit, tuta conscientia possit vicissim petere, & reddere debitum. 135
- An coniux qui consensit voto continentie alterius, possit postea ab eo debitum petere, & subinde alter reddere teneatur. 136
- An si vnus coniux consentiat, vt alter omnimodam continentiam voueat, ita vt non possit petere, nec reddere debitum, is qui vult possit reddere alteri petenti. 136
- An si coniux qui de licentia alterius castitatem vult, debitum petat, is qui talem licentiam concessit, non tamen vult, teneatur debitum reddere. 136. & 137
- An si uterque coniux communi consensu post matrimonium contractum vult continentiam, possit vicissim petere, aut reddere debitum. 137
- An votum non petendi, nec reddendi mutuo coniugum consensu emissum sit licitum. 137
- An mutuum pactum non petendi, nec reddendi communi placito emissum, sit validum. 137
- An pactum de non petendo, vel reddendo debuius iuramento firmatum, possit mutuo consensu remitti. 138
- An votum vnus emissum de licentia alterius coniugis, teneat, si alter postea licentiam reuocet. 138
- An talis reuocatio sine iusta causa facta, sit valida. 138
- An qui votum castitatis emisit, & deinde voto neglecto matrimonium contraxit, & consummauit, possit eo matrimonio soluto ad secundas nuptias transire. 139
- An peccet mortaliter, qui post votum simplex castitatis matrimonium contrahit. 139
- An is qui post votum emissam, voluntate ingrediendi religionem ante consummationem contrahit, valide contrahat. 139
- An qui post votum simplex castitatis matrimonium peccando contraxit, illud prima vice consummando peccatum denuo committat. 140
- An qui post huiusmodi votum matrimonium contraxit, antequam illud consummet ingredi Religionem teneatur, vt suo voto satisfaciatur. 140
- An qui post votum assumendi ordines sacros matrimonium contraxit, peccet prima vice consummando. 141
- An qui votum non contrahendi matrimonium emisit, teneatur eo contracto à debiti petitione abstinere. 141. & 142
- An qui vult Religionem ingredi, peccet mortaliter contrahendo. 142
- An Religiosus sine superioris sui licentia possit aliquid valide vouere. 142
- An votum de materia per Regulam prohibita obliget vouentem ad petendam licentiam à Prælato ad præstandum promissum. 144
- An in hoc casu teneatur Religiosus votum suum patefacere superiori. 144
- An si quando Religiosus votum illud emisit, intendebat absolute se obligare, etiamsi Prælatus prohiberet, tale votum sit validum. 145
- An Religiosus qui rem à Prælato, vel à Regula prohibitam vouet, ante concessum Prælato peccet. 145
- An integrum sit Religioso huiusmodi vota Prælato indicare, vt irritentur, vel potius teneatur illa celare. 145
- An sufficiat taciturnitas Prælati, vt votum de rebus vetitis possit à Religioso impleri. 145
- An Religionum Prælati quippiam vouere possint. 146
- An Episcopi, & alij superiores Antistites quippiam vouere possint. 146
- An si Episcopus votum Religionis emisit, id votum adimplere teneatur. 146
- An in hoc casu teneatur consensus pontificum petere. 146
- An Episcopus possit absque Romani Pontificis licentia votum peregrinationis emitte. 147
- Item an votum magis peregrinationis. 147
- An Episcopus, cui talis licentia à Pontifice denegatur.

# INDEX QUESTIONVM.

denegatur, ad aliquid faciendum ex vi voti  
teneatur. 147  
An Episcopus possit inconsulto Romano  
Pontifice vouere peregrinationem in sub-  
sidium terræ sanctæ 148  
An clerici omnes, præter Episcopos, possint  
votum Hierosolymitanum emittere. 148  
An denegata sibi tali licentia, teneantur sol-  
uere impensas, quas inter euodam, com-  
morandum, & redeundū fecissent, & redime-  
re laborem itineris, ieiunij, vigilijs & ora-

tionibus. 148  
An clerici in dignitate constituti, aut coram  
animarum, & beneficia residentiam exigen-  
tia habentes, quales sunt Parochi, Archi-  
presbyteri, Archidiaconi, Præpositi, Prio-  
res, & similes quippiam vouere possint. 148  
An quisvis Ecclesiæ Præfatus, vel clericus be-  
neficiatus possit absque alicuius licentia  
votum Religionis emittere. 148  
An teneantur hi, petere Episcopij licentiam,  
vt id votum explcant. 149

## SECUNDI LIBRI QUESTIONES.

Quidnam sit irritatio voti. 150  
Quotuplex sit irritatio. 150  
An votum quod irritari potest, antequam  
irritetur sit validum. 151  
An ad irritationem voti causa legitima re-  
quiratur. 151  
An irritatio ex potestate dominaria, sine ius-  
ta causa facta sit licita? Quod est querere:  
An peccet superior dum sine causa iusta vo-  
tum subditi irritat. 152  
Item an peccet venialiter. 152  
An subditus in hoc casu peccet, si sui voti  
à superiore irritationem petat. 153  
Quidnam possint vota irritare. 153  
An Episcopus possit vota secularium irritare. 153  
An licet Romanus Pontifex possit omnia  
vota Christianorum secularium irritare. 153  
An Romanus Pontifex possit vota clericorum  
secularium irritare. 154  
An vota Episcoporum, & clericorum, quæ  
Papa irritat, verè, & propriè irritet, ita vt  
non reuiuiscant. 154  
An Romanus Pontifex possit irritare vota Re-  
ligiosorum, quæ alij Regulares eorum Præ-  
lati irritare valent. 155  
An Episcopus possit vota clericorum secula-  
rium irritare. 155  
An vota clericorum beneficium habentium,  
quæ Episcopus irritat, verè irritentur, ita  
vt nunquam reuiuiscant. 155  
An Episcopus possit vota religiosorum irri-  
tare. 155  
Quo iure potestas irritandi vota competat  
superioribus, habentibus potestatem do-  
minatiuam. 155  
An si quis extra Religionem approbatam vo-  
tum obedientiæ emittat in manibus alicui-  
us, possit hic illius vota irritare. 156  
An possit quis sua sponte ita sua vota alteri  
subiicere, vt ab eo irritari queant. 156  
An superior possit irritare vota subditi non-  
dum emissæ, sed in posterum emittenda. 156  
An superior possit subdito prohibere, ne ipso

inconsulto voueat. 156  
An vota contra huiusmodi prohibitionem  
facta sint valida. 156  
An superior possit facultatem irritandi alicui  
concedere. 157  
An superior qui potest vota sibi subditorum  
irritare, possit quoque propria vota irrita-  
re, vel suo confessori committere, vt illa  
irritet. 157  
An irritatio voti fieri possit, vouenti iouito. 157  
An votum semel autoritate legitima irrita-  
tum, reuiuiscat, si superior suam irritatio-  
nem retractet. 157  
An possit superior irritare votum subditi  
de sua licentia emissum. 157  
An superior peccet, irritando votum ex licen-  
tia sua emissum. 159  
An peccet superior qui pro voluente sibi li-  
bito absque iusta causa irritat votum sub-  
diti de sua licentia emissum. 159  
An in hoc casu superior peccet mortaliter. 159  
An superior absque iusta causa irritans vo-  
tum subditi sua licentia factum, teneatur  
implere votum illud, aut nouam licentiam  
concedere. 159  
An subditus in hoc casu peccet, si absque cau-  
sa iusta irritationem petat. 160  
An superior æqualis succedens ei, qui vouen-  
di licentiam concessit, possit absque causa  
irritare votum subditi de licentia præde-  
cessoris emissum. 160  
An petens irritationem voti de licentia supe-  
rioris emissæ, à superiore illius superioris,  
aut ab æquali successore, teneatur illi expli-  
care votū esse ex alterius licentia emissum.  
160  
An censetur votum de licentia superioris  
emissum, quando subditus obtenta licen-  
tia à superiore aliquid faciendi, voueat se  
id facturum. 160  
An si superior voti inferioris conscius ræceat,  
& dissimulet, censetur consentire, ac vo-  
tum illius approbare, ita vt in posterum  
Z. 22. non

# INDEX QUESTIONVM.

non possit amplius absque causa illud irritare. 161  
 An si superior audito voto taceat, habens internum illius approbandi consensum, talis taciturnitas sit sufficiens illius, approbatio. 161  
 An votum subditi semel legitima auctoritate irritatum, finita superioris potestate, reuiviscat. 162  
 An superior possit irritare votum subditi emissum ab eo ante servitutem, cum esset sui iuris. 163  
 An possit superior irritare vota conditionalia subditi emissam tempore liberationis, si conditio impletur tempore subjectionis. 163  
 An votum quod emisit subditus sine superioris licentia implendum tempore quo fuerit sui iuris, possit à superiore irritari. 163  
 An superior possit irritare promissionem homini factam de eius licentia. 164  
 An censetur superior votum irritare, quando illius ignarus petitam licentiam illius exequendi denegat. 164  
 An subditus qui vovit rem, quam absque superioris licentia adimplere nequit, quia nimirum tempore voti materia erat prohibita, teneatur ex vi voti, antequam sit in mora solvendi, petere illius implendi licentiam. 164  
 An si superior voti ignarus denegat licentiam exequendi opus, teneatur subditus ei aperire votum. 165  
 An si superior voti ignarus denegat omnino licentiam, teneatur subditus iterum, atque iterum eam petere. 166  
 Sed quid, si superior omnino, & simpliciter neget licentiam, dicens se nolle, ut vnumquam impleat, teneatur subditus cessante illius superioris potestate, iterum petere licentiam. 166  
 An superior censetur votum irritare, quando voti confectus, dicit subdito, *nolo, ut facias, quod vovisti.* 166  
 An vir possit irritare omnia vota vxoris, dempto castitatis v o.) emissam in toto matrimonio pro tunc implenda. 167  
 An vxor subdatur viro quoad solam voti materiam, an etiam quoad voluntatem, quia vovet. 167  
 An vir possit irritare votum castitatis constante matrimonio ab vxore absque sua licentia emissum, & pro tunc implendum. 168  
 An vir irritare possit votum vxoris, quod de eius licentia emisit. 169  
 An si maritus talem licentiam reuocet, & votum irritet, peccatum committat. 169  
 An vxor possit irritare aliqua viri vota, absque sua licentia emissam. 169

An quando ea vota debitam mensuram excedunt, possit vxor ea vota in totum reuocare, an solum excessum sibi præiudicantem. 169  
 An vxor possit irritare votum vltimarinum, quod maritus inuita vxore emisit. 170  
 An vxor possit irritare votum de non petendo debitum, factum à viro absque eius licentia. 170  
 An vir irritare possit votum de non petendo debitum vxoris, quod absque eius licentia emisit. 171  
 An vir irritare possit votum castitatis vxoris, quod post consummatum matrimonium de eius licentia emisit. 171  
 An vir consentiendo, ut vxor voueat castitatem, possit petere debitum. 173  
 An quando ambo de communi consensu votum castitatis emittunt, possit vir id vltum irritare, & è contra. 173  
 An maritus possit vota ab vxore emissam post matrimonium ratum, nondum tamen consummatum, irritare. 174  
 An si mulier ante consummatum matrimonium Religionem voueat, possit id votum à viro irritari. 174  
 An vxor possit irritare vota facta à viro post matrimonium ratum, nondum consummatum, animo ingrediendi Religionem, & ibi implendi. 174  
 An possit vir irritare vota vxoris ante matrimonium emissam. 174  
 An vota vxoris irritata à viro, aut viri irritata ab vxore, soluto matrimonio reuiviscant. 175  
 An votum quod emisit vxor implendum post mortem mariti, possit à marito irritari. 176  
 An vir qui de licentia vxoris votum integre castitatis emisit, possit ab vxore irritari. 176  
 An possit vir irritare vota vxoris sine sua licentia emissam implenda post mortem viri. 176  
 An possit vir irritare votum castitatis factum ab vxore sine sua licentia implendum pro tempore, quo sui iuris erit. 176  
 Sed maius dubium est, de voto Religionis. 177  
 Quando votum emissum, sit exequendum post mortem viri. 177  
 An vir succedens possit irritare vota vxoris facta tempore prioris viri, absque eius licentia. 177  
 An vir possit irritare obligationem, quam vxor ante, vel post matrimonium de eius licentia cum homine contraxit. 177  
 An vota coniugum emissam tempore integri matrimonij, nec post diuortium confirmata, possint tempore diuortij ab altero coniuge

# INDEX QUESTIONVM.

- coningere irritari. 177
- An votum coniugum emissum tempore diuortij, aut post diuortium confirmatum, possit ab altero coniuge irritari. 177
- An si maritus dicat vxori se illi date sagollatam irrevocabilem vouendi, possit adhuc validè irritare. 178
- An Pater possit vota omnia impuberum irritare. 178
- An vota personalia, aut realia, aut mixta quæ filius impubes emisit exequenda tempore pubertatis, aut plenæ libertatis, pater possit irritare. 179
- An vota personalia, aut realia filijfamilias ante pubertatem emissã exequenda post pubertatem, si semel à patre irritentur, eo tamen mortuo reuiviscant. 179
- An si pater vota personalia, aut realia à filiofamilias emissã dum erat sub potestate patris, idest impubes, non irritauit, possit postea dum est extra illius eam, id est pubes, illa irritare. 179
- An si pater dubitet, an filiusfamilias 14. annum habeat ratione voti, possit adhuc illud irritare. 181
- An si filiusfamilias post adeptam pubertatem votum antea factum denuo ratificet, possit à patre illud irritari. 181
- An impubes censetur votum ratificare, quando post annos pubertatis credens suum votum valere, decreuit illud seruare. 181
- An censetur votum ratificari, quando pubes ille memor prioris voti illud ratificat, ignorans id esse irritabile. 181
- An sit ratificatio, quando impubes post pubertatem votum suum in aliud commutat. 182
- An pubes censetur votum ratificare, si post pubertatem voueat se non perituro irritatiõnem, dispensationem, aut commutationem voti tempore impubertatis emisit. 182
- An stante hoc posteriori voto, possit irritatio prioris illius voti concedi. 182
- An possit pater irritare vota, quæ impubes ex sua licentia emisit. 182
- An si impubes votum personale emisit, implendum post pubertatem, possit post illam pater irritare. 182
- An si pater dicat filio impuberi, se illi conferre facultatem irrevocabilem vouendi, scilicet illum eximere à sua potestate quoad id votum, possit adhuc illud validè irritare. 183
- An votum impubertis semel irritatum à patre aliquando reuiviscat. 183
- An vota personalia facta à filiofamilias post annos pubertatis possint à patre irritari. 184
- An pater possit irritare vota personalia puberum; si ea vota patris potestati præiudicent. 184
- Quando vota personalia dicantur patris potestati præiudicare. 184
- An pater possit hæc vota integrè irritare, an veto quareus eius obsequium, & potestatem perscrutetur. 184
- An hæc vota personalia puberis sibi præiudicantia, possit pater irritare propriè, ita vt cessante patria potestate, non reuiviscant, an vero tantum suspendere, donec pubes fuerit sui iuris. 185
- An pater possit irritare votum, quod pubes minor 25. annis emisit eundi Hierosolymam. 184
- An pater possit irritare vota realia, quæ filiusfamilias, etsi pubes minor tamen 25. annis emisit. 185
- An pater possit irritare vota realia puberis exequenda pro tempore quo fuerit sui iuris. 186
- An pater possit irritare vota realia, quæ pubes de sua licentia emisit. 186
- An pater possit irritare vota realia, emissã à pubere ante 25. annum expletum de peculio suo castrensi, vel quasi castrensi acquisito. 186
- An vota realia emissã à filiofamilias ordine sacro insignito possint à patre irritari. 186 & 187.
- An vota realia, quæ filiusfamilias ante pubertatem emisit, & post illam confirmauit, possit à patre irritari. 186 & 187.
- An vota realia facta à filio pubere non emancipato, quæ durante patria potestate irritata non fuerunt, possint à patre post emancipationem irritari. 187
- Quandiu duret hæc potestas in patre ad irritandum votum filij puberis 187
- An pater nouicius possit irritare vota filij nati in saculo, vel existentis etiam in nouitiatu. 188
- An pater professus possit vota filij siue puberis, siue impubertis irritare. 188
- An pater possit irritare vota filij professi. 188
- An tutor possit omnia impuberum vota realia, & personalia irritare instar patris. 188
- An sicut pater vota filij emissã ante pubertatem, irritare potest pubertate inchoata, si confirmata non sint, possit etiam Tutor. 188
- An Curator possit irritare vota realia, & mixta pubertis minoris 25. annis, sicut, & pater. 189
- An Curator possit irritare vota realia, quæ minor de peculio castrensi, vel quasi castrensi emisit. 189
- An si votum reale Minoris iuramento confirmetur, possit à Curatore irritari. 189

# INDEX QVÆSTIONVM.

- An possit Curator irritare vota personalia puberis, quæ liberum, ac expeditum domus regimen impediunt, inquit pater. 189
- An votum reale quod impubes ante pubertatem emisit, nec post eam confirmauit, aut post pubertatem emisit, aut tunc confirmauit, possit à Curatore irritari, quando pubes est sui iuris effectus, nec in hoc tempore confirmauit. 189
- An Curator possit irritare vota personalia, quæ impubes emisit tempore quo pater, vel Tutori erat subiectus, nec post pubertatem confirmauit. 189
- An mater possit vota filij impuberis, aut minoris 25. annis irritare. 190
- An possint herus, confessarius, dominus serui impuberis, & Tutori earentis, & nutritius expoliti vota irritare. 190 & 191
- An dominus possit quæcumque vota serui irritare. 191
- An Dominus vota serui sibi præiudicantia possit in totum irritare, an tantum quatenus præiudicant. 192
- An dominus possit irritare vota personalia, vel realia, quæ seruus de sua licentia emisit. 192
- An dominus possit vota irritare, quæ seruus ante seruitutem emisit. 192
- An Dominus irritare possit vota serui implenda tempore libertatis. 192
- An si votum serui expressè referatur ad utrumque tempus, nempe subiectionis, & libertatis possit dominus illud irritare. 193
- An si dominus vota à seruo emissæ, dum erat sub ipsius potestate non irritauit, postea soluta eius domini potestate, possit illa irritare, si post eam libertatem non sunt confirmata. 193
- An paterfamilias possit vota famulorum irritare. 193
- An Prælatus Regularis possit irritare votum Religiosi transcundi ad strictiorem religionem. 193
- An in viuensum omnia alia vota à Religioso emissæ, siue sint realia, siue personalia possint à Prælato irritari. 193
- An votum à Religioso emissum de rebus possit sub præcepto, vt de non mentiendo, de non furando, &c. possit à Prælato irritari. 194
- An Prælatus Religionis possit irritare vota religiosi emissæ in Religione, quando hic Religiosus est à Monasterio ciectus. 195
- An Prælatus possit irritare vota, quæ Religiosus emisit exequenda pro tempore quo fuerit sui iuris. 195
- An superior possit irritare vota Religiosi in Religione emissæ, licet ille Religiosus sit tam creatus Episcopus. 196
- An vota Religiosi ante ingressum Religionis emissæ possint à Prælato irritari. 196
- An Prælatus possit irritare votum Religiosi cundi Hierosolymam. 196
- Quo iure Religiosorum superiores possint vota irritare. 197
- An potestas irritandi vota Religiosorum competat quibuscumque Religionis Prælatis. 197
- An superiores Equitum militantium, quos vulgo commendatores appellant, possint eorum vota irritare. 197
- An superior in absentia Prioris possit ea vota Religiosorum irritare, quæ potest Prior. 197
- An Abbatissa possit vota Monialium irritare. 198
- An votum à Religioso emissum ex licentia Prælati possit postea à Prælato irritari. 198
- An idem Prælatus, qui vouendi licentiam dedit, postea queat illud votum irritare. 198
- An irritatio voti facta à Prælato siue causa iusta, sit valida. 199
- An peccet Religiosus votum irritatum implens. 199
- An inferior Prælatus possit irritare votum subditi factum ex superioris licentia. 199
- An superior Prælatus, vt Generalis, vel Provincialis, possit irritare votum subditi emissum ex licentia inferioris, vt v.g. Prioris. 199
- An Prælatus æqualis alteri succedens in eodem officio, possit vota subditi de prædecessoris sui licentia emissæ, irritare. 199
- An Prælatus possit ea vota irritare, ita vt nunquam reuocant. 200
- An si Prælatus irritans præster assensum, teneatur subditus votum irritatum adimplere. 200
- Sed quid si votum non fuit verè irritatum, sed suspensum, teneatur subditus votum illud adimplere. 200
- An si Prælatus dicat Religioso se illi concedere facultatem irrevocabilem vouendi, possit adhuc validè irritare. 200
- An peccet Religiosus qui à superiore petit irrationem voti. 200
- An peccet Prælatus, qui siue causa iusta votum sui subditi irritat. 201
- An peccet Religiosus, si absque ulla causa petit à Prælato suum votum irritari. 201
- An hic peccet mortaliter. 201
- An successor qui in votum non consensit, peccet, si votum illud irritet. 201
- An Religiosus qui de prohiitis votum emisit, atque ad id sui conditio, c. si Prælato placuerit, votum fecit, teneatur ex vi illius exquirere, an ei placeat. 201
- An Religiosus dum talem facultatem petit, teneatur

# INDEX QVÆSTIONVM.

tenetur dicere Prælato se de eo votum fecisse.	102
An ad irritandum votum, vt videlicet non habeat vim obligandi, requiratur in superiore noticia voti.	102
An Prælati Religionis possint vota Nouitiorum irritare.	102
An Prælatus possit vota Nouitiorum suspen-	

dere, durante nouitatu.	103
An Magister Nouitiorum possit vota Nouitiorum suspendere.	103
An vota personalia Nouitiorum, quæ ex tertia operum Religionum impediunt, sint ipso facto suspensa.	103
An Prælatus possit in votis Nouitiorum dispensare.	104

## LIBRI TERTII QVÆSTIONES.

<b>Q</b> uid sit dispensatio voti.	105
An dispensare in voto sit idem, quod declarare meretriciam voti non esse Deo gratam.	105
An ecclesia possit in votis dispensare.	106
An possit quis facere suum votum indispensabile.	108
An Cardinales qui Apostolici legati non sunt, possint in votis dispensare.	108
An legatus Papæ, seu Nuntius Apostolicus possit in tota sua Prouincia sibi commissâ dispensare in votis, in quibus potest Episcopus in sua diocesi.	108
An summus Pœnitentiarius Romani Pontificis possit iure ordinario in votis dispensare.	108
An Episcopus possit iure ordinario in votis dispensare in sua diocesi.	108
An Episcopus existens extra diocesim possit in votis dispensare cum subdito extra illam ad tempus commoranti.	109
An Episcopus possit in votis catechumeni dispensare.	109
An Archiepiscopus possit in votis dispensare cum subditis suorum suffraganeorum.	109
An Archiepiscopus saltem quando visitat, possit dispensare in votis cum subditis suffraganeorum.	110
An Archiepiscopus possit in votis Episcopi sui suffraganei dispensare.	110
An capitulum sede vacante possit in omnibus votis dispensare, in quibus potest Episcopus.	110
An Generalis Episcopi Vicarius possit in votis dispensare.	110
Vtrum Abbates habentes diocesim sibi subditam, possint cum suis subditis in votis dispensare.	110
An Archiepiscopi, Archidiaconi, Pœnitentiarij, & alij Episcopo inferiores, possint in votis dispensare.	110 & 111
Quantum temporis exigatur ad hanc præscriptionem.	111
An simplex sacerdos possit in votis dispensare.	111

An Parochus possit in votis non reservatis suorum subditorum dispensare.	111
An Prælati Regulares possint in votis suorum Religiosorum dispensare.	111
An hæc iurisdictio sit in Prælatis Religionum ordinaria.	111
Quid nomine Prælati hoc loco intelligatur.	111
An Abbatissa possit in votis suarum Monialium dispensare.	112
Quis possit cum ipsis Prælatis Religionum dispensare.	112
An Prælatus Regularis possit in votis Nouitiorum dispensare.	113
An Episcopus possit in votis Nouitij dispensare.	114
Quis censetur proprius Episcopus Nouitij.	114
An Prælatus Regularis possit iusta de causa, cum consensu tamen capituli dispensare, vt professus ex archiori transeat ad laxiorem.	114
An Religionum Prælati possint dispensare in votis suorum subditorum de eorum licentia factis.	114
An Prælati Regulares possint dispensare in voto quod Religiosus emisit de non committendo aliquod præcatum, vt de non mentiendo, &c.	114
An Prælati Regulares possint dispensare cum Religiosis factis Episcopis, aut alias exemptis, aut in perpetuum inſtit. electis.	115
An Prælati nostræ Congregationis possint dispensare in votis volentium eandem Congregationem intrare.	115
An Romanus Pontifex possit in votis Religiosorum dispensare.	115
An Romanus Pontifex possit cum Religioso in tribus votis solemnibus dispensare.	115
An legatus Apostolicus possit in votis simplicibus Regularium dispensare.	115
An Episcopus loci possit in votis Religiosorum dispensare.	115
An Regulares possint ex licentia suorum superiorum se Episcopo subiacere, vt ab eo	

# INDEX QVÆSTIONVM.

- absoluantur, & dispēsentur in omnibus casibus, & irregularitatibus etiam referuatis, in quibus Episcopus ex Conc. Trid. potest eum suis subditis. 119
- An secluso priuilegio, Religiosus exemptus possit de licentia superioris subiaci Episcopo, vt ipsum absoluat, aut eum eo dispēset. 119
- An Prelati Religionis possint seipsos subiacere Episcopo, vt ab eo absoluantur, & cum eis in votis dispēset. 120
- An Prelati Regulares dispētare possint cum seipsis in calibus, in quibus dispētare possunt cum sibi subditis. 120
- An etiam in aliis, in quibus id non est iure diuino interdictum. 121
- Quæ, & quoniam sint vota Romano Pontifici referuata. 123
- An qui absque Romani Pontificis licentia in his quinque votis referuatis dispētat, ac ea commutat, sit ipso facto excommunicatus. 124
- An possit augeri numerus votorum referuatorum ex voluntate, & intentione vouentis. 124
- An possit quis ita se voto suo obligare, vt intendant nullum posse in suo voto dispētare præter Pontificem. 125
- An concessio absoluta omnium votorum a Romano Pontifice facta, extendatur ad huiusmodi quinque referuata. 125
- An concessis absolutè votis referuatis, intelligantur concessa vota Religionis, & castitatis. 125
- An concessis absolutè omnibus votis præter votum castitatis, & Religionis, censeantur concessa reliqua tria peregrinationum referuata. 125
- An Pontifice concedente omnia vota præter peregrinationem ultramarinam, censeantur concessa alia duo peregrinationis vota. 125 & 126
- An Pontifice concedente omnia vota, præter triplex votum peregrinationis referuata, censeantur concessa vota castitatis, & Religionis. 126
- An si concessio fiat sub hac forma; *concedimus omnia vota, etiam castitatem*, tacito Religionis, vel è contra, censeatur utramque concedi. 126
- An legatus à latere possit in his votis referuatis dispētare. 126
- An Episcopus possit in his votis dispētare, quoties de eorum valore sit dubium. 126
- An possit Episcopus dispētare in votis referuatis, quoties ea emittuntur ab impuberibus, & a parentibus irritari possunt. 127
- An quoties vota referuata solent frequenter emitti, possit in eis Episcopus dispētare. 127
- An quoties hæc vota sunt ex metu leui facta, licet non sufficienti ad ea irrita reddenda, possit Episcopus in eis dispētare. 127
- An Episcopus possit dispētare in votis referuatis, quoties sunt emissa ex metu graui per iniuriam inuisso ad extorquendum votum. 128
- An Episcopus possit in his votis referuatis dispētare, quoties magnum periculum imminet transgressionis voti, aut alia æquiualens necessitas urget, postulans dispensationem, nec præ inopia, aut alia iusta causa potest conueniri Pontifici. 128
- An si in omnibus his casibus facile adici possit Nuntius, vel alius habens dispensandi commissionem, possit Episcopus dispētare. 129
- An confessarii Regulares, qui virtute suorum priuilegiorum possunt commutare, & dispētare in omnibus votis Episcopo iure commuoi, & ordinario referuatis possint id ipsum facere in votis, quæ ipsi iure speciali, id est ratione urgentis necessitatis competunt. 129
- An possit Episcopus eos casus delegare, qui iure ordinario Romano Pontifici referuantur, & solum sibi competunt ratione urgentis necessitatis. 129
- An Episcopus possit dispētare in voto sub distinctione facta de materia referuata, & non referuata, vt de castitate perpetua, vel de ieiunio perpetuo. 130
- An Episcopus possit dispētare in voto sub distinctione facta circa utramque materiam referuatam, vt circa castitatem, vel Religionem. 130
- An si votum non obliget præcisè ad rem referuatam ex vouentis electione, sed quia altera pars non referuata est reddita impossibilis, possit Episcopus in eo voto dispētare. 130
- An quando votum referuatum est commutatum a Pontifice in non referuatum, possit postea Episcopus in hoc dispētare. 130
- An si vouens voluit se his votis astringere solum ad culpam venialem, aut ad solam penam, possit Episcopus in illis dispētare. 131
- An possit Episcopus dispētare in voto seruandi castitatem ad tempus, puta decem, vel viginti annorum. 131
- An possit Episcopus dispētare in voto seruandi castitatem vique ad ætatem centum annorum. 131
- An possit Episcopus dispētare in voto expressè promiscuè castitatem. 131
- An possit Episcopus dispētare in voto non fornicandi, aut non tangendi mulierem. 132
- An possit Episcopus dispētare in voto non nubendi. 132

# INDEX QVÆSTIONVM.

nubendi. 131  
 An possit Episcopus dispensare in voto non nubendi emissio non solum causa deuotionis, verum etiam in gratiam alterius coniugis, qui tale votum acceptauit. 132  
 An Episcopus possit cum eo qui post votum simplex castitatis, ratum solum matrimonium contraxit, sed nondum consummari, dispensare vt debitum petat. 131  
 An Episcopus possit dispensare in voto non petendi debitum coniugale. 132  
 An Episcopus possit dispensare cum eo, qui post matrimonium consummatum, votum castitatis emittit, vt debitum petat. 133  
 An Episcopus dispensare possit cum eis qui post matrimonium consummatum de communi consensu simplex votum castitatis emiserunt. 133  
 An possit Episcopus dispensare in voto, quo alter vel utriusque coniux ex licentia alterius, vel communi consensu promissum non petiturum debuit. 133  
 An Episcopus possit dispensare in voto seruandi castitatem coniugalem. 133  
 An Parochus possit aliquando dispensare in votis in quibus potest Episcopus. 133  
 An Episcopus possit dispensare in votis populi. 134  
 Item an in eius successoribus. 134  
 An Episcopus possit dispensare in voto emissio non solum in fauorem Dei, sed etiam certæ ecclesiæ aut pauperis abique illius consensu. 134  
 An huiusmodi votum possit propria auctoritate in melius commutari. 134  
 An si votum dirigatur ad sanctum illius ecclesiæ, possit Episcopus in eo dispensare. 135  
 An in voto emissio in fauorem tertij, & ab eo acceptato possit Episcopus abique illius tertij consensu dispensare. 135  
 Quando dicatur votum fieri soli Deo, vel etiam alteri. 135  
 An vota realia defuncti transeuntia in hæredem possint irritari, commutari, & dispensari, licet poterant, quando defunctus vivebat. 137  
 An Episcopus possit dispensare, vt qui simplici castitatis voto ligatus, matrimonio contraxit, possit in posterum debitum petere. 136  
 An Episcopus possit dispensare cum coniuge habente votum Religionis ad petendum, vel reddendum debitum, quando nondum est matrimonium consummatum. 136  
 An cum eo qui habet votum virginis, possit Episcopus dispensare. 136  
 An possit Episcopus dispensare in voto assumendi ordines sacros. 137  
 An Episcopus possit iusta de causa dispensare cum eo, qui habet votum Religionis arctius, vt laxiorem ingreditur. 137

An Episcopus possit dispensare in voto religionis non approbata, & in voto paupertatis, & obedientiæ perpetuæ in tali Religione. 137  
 An Episcopus possit relaxare votum ingrediendo ordinem equitum militarium. 138  
 An possit Episcopus dispensare in voto petendi in Religione. 138  
 An possit Episcopus dispensare in differenda executione voti Papæ referuari. vi Religionis. 138  
 An votum Romanum, & Compostellanum, quæ sunt solæ causa deuotionis non autem in subsidium, possint auctoritate Episcopi dispensari. 139  
 An possit Episcopus dispensare in voto peregrinationis Romanæ, vel Compostellanæ, non in eius loci deuotionem emissio. 139  
 An referuatio voti Hierosolymitani in subsidium terræ sanctæ, sit extendenda ad omnia vota crucis. 139  
 An votum ultramatinum quod sit tantum causa deuotionis, non autem in subsidium terræ sanctæ, possit auctoritate Episcopi dispensari. 139  
 An Episcopus possit dispensare in circumstantiis peregrinationibus adiunctis. Vt si vouisti pedibus peregrinari, & eques adeas. 139, 140  
 An Episcopus possit dispensare in voto nunquam petendi dispensationem ab alio, quam à Romano Pontifice. 140  
 An quando ista quinque Romano Pontifici referuata, sunt poenalia, possit Episcopus in eis dispensare. 140  
 Quando hæc vota dicantur poenalia. 140  
 An quando ista quinque Romano Pontifici referuata, sunt poenalia, possint per Episcopum, vel alios habentes generalem facultatem dispensari. 140  
 An quando ista quinque vota sunt merè conditionalia possint per Episcopum dispensari. 141  
 Quando hæc vota dicantur conditionalia. 141  
 An quando ista quinque vota sunt merè conditionalia, possit Episcopus in eis dispensare. 141  
 An Episcopus possit dispensare in voto castitatis, quod alter coniux abique alterius licentia emittit. 143  
 An quando alter solus cum licentia alterius continentiam vovit, possit Episcopus in hoc voto dispensare. 144  
 An Episcopus possit dispensare in voto castitatis, quod uterque coniux emittit absque alterius licentia. 144  
 An quando uterque coniux scorsum continentiam vovit cum alterius licentia, non per modum contractus, & reciproce conventionis, facit, vt faciat, sed independenter ab alterius voto, possit Episcopus in eo voto dispensare. 145  
 An possit Episcopus dispensare in voto castitatis, quod uterque coniux cum communi consensu

per



# INDEX QUESTIONVM.

- per modum contractus emisit. 245
- An quando ratinne necessitatis sit hæc Episcopi dispensatio, sit solum ad petendum, & reddendum debitum in eo matrimonio 245
- An Episcopus possit dispensare cum eo qui voto castitatis astrictus matrimonium contraxit, ut petat debitum. 245
- An Episcopus possit dispensare cum eo qui voto castitatis ligatus matrimonium contraxit, quando nondum matrimonium est consummatum. 246
- An qui ex emmissione potest dispensare in votis, vel iuramentis Deo factis, possit eadem etiam commutare. 246
- An is, cui conceditur facultas dispensandi vota, iure possit quoque iuramenta relaxare. 248
- Item an ea quæ soli Deo sunt. 248
- An facultas quam Conc. Trid. sess. c. 6. concedit Episcopis absolvendi, & dispensandi citra casus omnes occultos, excepta irregularitate ex homicidio voluntario, comprehendat etiam alius Prælati habentibus iurisdictionem quasi Episcopalem & Prælati Religionum. 248
- An dispensatio absque consensu Prælati facta valeat. 249
- An dispensatio absque consensu subditi acceptantis facta, sit valida. 249
- An ut dispensatio conualescat ob defectum consensus, satis sit, ut si tunc consentiens internum consensum præstet. 249
- An voto astrictus, teneatur aliquando eius relaxatorem petere. 249
- An ad dispensationem voti iusta, & rationalis causa requiratur. 250
- An dispensatio facta sine iusta causa teneat: ut si prælatus sine iusta causa dispense in voto, vel iuramento, & quæcumque alio præcepto obligante ex iure diuino. 250
- An is, cum qui Prælatus in voto, vel iuramento, aut lege humana dispensauit, sit tutus in conscientia, si postea constet causam non fuisse omnino iustam. 251
- An si Prælatus nulla causæ cognitione præmissa dispense in lege diuina, ut voto, aut humana. Superioris, cum reuera erat causa legitima, talis dispensatio sit valida. 252
- An ut dispensatio sit valida, requiratur ut causa sit manifestè iusta. 252
- An si causa est notoria, peccet Prælatus si absque causæ cognitione dispense. 252
- An cum dubia sit sufficientia causæ ad dispensandum dispensante superiore, qui habente ad id privilegium, subditus sit tutus in conscientia. 253
- An quando Prælatus in voto dispensat, censetur ex iusta causa dispensare, cum de ea non constet. 253
- An qui absque causa legitima in lege dispensat, peccet. 253
- An legislator qui in propria lege dispensat absque iusta causa, peccet mortaliter. 253
- An qui talem dispensationem petit, sciens deesse causam iustam, peccet. 254
- An qui dispensatione sine causa concessa, utitur, peccet. 254
- An hic qui tali dispensatione utitur, peccet mortaliter. 254
- An hic, cum quo sine causa legitima est dispensatum in lege, teneatur iure naturæ, non obstante dispensatione, talem legem adimplere. 254
- An ad dispensandum in voto, requiratur causa illius executioni obstant. 255
- An eadem causa executioni voti obstant sit necessaria, dum votum commutatur in minus. 255
- Quænam sint causæ iustæ, dispensandi in votis. 255
- An peccet, si facultatem dispensandi, ac commutandi habens, dispense omnino, nulla commutatione admixta. 258
- An maior causa exigatur ad dispensandum in voto, quam in lege humana. 258
- An minor causa exigatur ad dispensandum in tempore executionis voti, quam in ipso voto. 258
- An quando votum sæpius repetitur, dispensatio illius maiorem causam requirat, quam si semel tantum emissum esset. 259
- An sit causa iusta ad dispensandum in voto castitatis, morbus, cui petiri medicæ iudicant actibus venereis salis succurri posse. 259
- Quænam causa sit iusta dispensandi cum aliquo Religioso, ut ad aliam Religionem laxiorem se transferat. 259
- An causa sufficiens ad dispensandum, ut quis possit ad laxiorem ordinem transire, sit difficultas, & molestia obseruandi præcepta Religionis. 260
- An si difficultas ex aliqua causa accidat post professionem, utpote ex aliqua infirmitate, vel ex quacumque alia ratione, sit causa iusta ad dispensandum ut quis ad aliam laxiorem Religionem transeat. 260
- An persequutio magna sit sufficiens causa ad dispensandum, ut ille qui paritur persequutionem ad aliam laxiorem Religionem transeat. 260
- An ex iacturante veri, aut falsi expressione contrahatur dispensatio. 260
- An omnis expressio falsi vitiet dispensationem. 262
- An dispensatio sit subrepticia, si votum non contrahendi matrimonium sit factum in fauorem

# INDEX QUESTIONVM.

- fauorem tertij, qui illud accepit, & hæc circumstantia taceatur. 161
- An dispensatio quæ sit ex duplici causa, vna vera, altera falsa sit valida. 161
- An quando substantia voti falsa exprimitur, v. dicendo esse votum non contrahendi matrimonium, eum sit castitatis, aut Religionis, dispensatio sit subreptitia. 163
- Sed quid, si proponatur votum grauius, cum sit minus, vt si non fornicandi sit, & castitatis proponatur, aut sit votum Compostellatum, & proponatur vltimatum. 163
- Sed quid si sit votum, & proponatur iuramentum. 163
- An ad dispensandum, irritandum, & commutandum vota, sufficiat interna superioris voluntas. 164
- An ad dispensandum, irritandum, & commutandum vota, certa verborum forma requiratur. 164
- An is qui potestatem dispensandi habet, censetur facto ipso dispensare, quoties admittit ad aliquem actum, eum quem scit impedimentum iuris habere. 164
- An inferiores admittentes iure impeditos censentur dispensare. 164
- An Prælati inferiores admittentes scienter iure communi inhabiles ad actum, quem dispensare possunt, censentur dispensare. 165
- An dispensatio prolixa à tempore concessionis. 165
- An qui facultatem habet relaxandi voti, possit id facere per alium. 166
- An confessorij nostræ Congregationis possint ex vi privilegiorn in votis dispensare. 166
- An virtute huius privilegiij possint confessorij nostri dispensare in quinque votis sedi Apostolicæ reservatis, quando in eis potest Episcopus dispensare. 166
- An virtute huius privilegiij possint confessorij nostri in co voto dispensare, si nondum sit matrimonium consummatum. 167
- An virtute huius privilegiij possint confessorij nostri dispensare ad petendum debitum, si votum castitatis sit emissum post matrimonium. 167. & 168
- An confessorij nostri virtute huius privilegiij possint dispensare, vt petat, vel reddat debitum, si id votum sit Religionis, & matrimonium nondum sit consummatum. 168
- An confessorij nostri possint vt hac dispensandi, aut commutandi vota facultate cum solis subditis Episcopo diocesis in qua sunt Religiosi. 169
- An confessorij hac dispensandi in votis facultate, possint in solo sacramento confessionis vt. 169
- An privilegia dispensandi, & commutandi vota, & absolendi à reservatis concessa Religiosis nostræ Congregationis quoad seculares, suspendantur per Bullam cruciatam. 170

## LIBRI QVARTI QUESTIONES.

- Q**uid sit commutatio voti. 171
- An ad commutationem voti regulariter superioris auctoritas requiratur. 171
- Quinam possint vota commutare. 171
- An Prælatus possit cogere subditum, vt commutationem accipiat. 171
- An commutatio sine consensu subditi acceptantis sit valida. 171
- An vt commutatio valeat ratione ficti consensu, sufficiat, vt ficti consentiens, consensum internum præstet. 171
- An ad commutandum votum in melius, & magis Deo acceptum, superioris auctoritas requiratur, an potius propria videntis auctoritate commutari valeat. 173
- An vota quæ in alienos tertij vtilitatem sunt, possint propria auctoritate in euidenter melius commutari. 174
- An ad voti commutationem in id, quod est æquale bonum, Prælati auctoritas requiratur. 175
- Quid per nomen maioris boni intelligatur. 174
- An commutatio voti in bonum euidenter æquale, possit arbitrio, vel iudicio pzinati confessoris fieri. 176
- An qui vouit rem vsu consumptibilem, vt v. vinum, satisfaciat voto dando oleum eiusdem valoris. 176
- An hæc æqualitas in votis commutandis, sit accipienda mathematicè. 177
- An qui absque debita æqualitatis investigatione commutat vota, peccet mortaliter. 177
- An commutatio sepi possit in maiorem, de cuius æqualitate dubitatur. 177
- An qui priuata auctoritate commutat suum votum in rem euidenter æqualem, peccet mortaliter. 178
- An ad commutandum votum in minus bonum superioris auctoritas requiratur. 178
- An commutatio absque consensu Prælati facta sit valida. 178
- An cum in subditis, aut per Bullam cruciatam, vel privilegium confessorio datur absolute facultas commutandi vota, intelligatur

# INDEX QVÆSTIONVM.

concedi facultas etiam commutandi in id, quod est minus bonum. 178  
 An ad commutandum votum iusta, & legitima causa requiratur. 179  
 An ad commutationem voti, requiratur causa illius executioni obstant. 180  
 An commutatio quæ sit in æquale, aut minus bonum, sine iusta causa, sit ipso facto irrita. 180  
 An Prælati commutans votum in bonum æquale, aut minus absque causa iusta, peccet mortaliter. 181  
 Quænam sint iustæ causæ dispensandi, & commutandi vota. 181  
 An qui a Papa privilegium habet commutandi vota, possit eadem reservata commutare. 181  
 Quot, & quænam vota commutanda Romano Pontifici reserventur. 181  
 An possint hæc commutari in opera euidenter meliora, præter Religionem. 182  
 An votum Religionis possit commutari in perpetuam continentiam. 183  
 An votum petegrandi in terram sanctam possit propria auctoritate in votum solemnæ Religionis commutari. 183  
 An qui a Papa privilegium habet commutandi vota, possit vnum reservatum in aliud reservatum euidenter melius præter Religionem commutare. 83  
 An hæc possint in votum solemnæ Religionis commutari. 184  
 An omnia vota etiam Religionis possint in Episcopatum commutari. 184  
 An vota personalia Nouitiorum ante professionem emissæ, possint durante novitatu commutari in exercitia consuetæ Religionis. 184  
 Sed de votis talibus Novitiorum est maior difficultas. 185  
 An votum ingrediendi Religionem ætiorum possit auctoritate Episcopi in laxiorem commutari. 185  
 An qui vult Religionem strictiorem ingredi, possit id votum commutare in votum proficendi in laxiori. ibidem.  
 An qui potest vota, vel iuramenta commutare, possit etiam in eisdem dispensare. ibidem.  
 An qui potest voti vinculum commutare, vel dispensare, possit quoque iuramentum soli Deo factum commutare, vel dispensare, & è contra. 186  
 An qui per Bullam, aut Iubileum, aut privilegium potest vota commutare, vel dispensare, possit quoque commutare, vel dispensare iuramenta adiecta contrahit, in quo est turpitudine ex parte creditoris, ut quando

est metu extortum, aut solvendi usus, &c. ibidem.  
 An huiusmodi iuramenta possint relaxari, vel commutari virtute privilegiorum concedentium relaxationem, vel commutationem iuramentorum absque tertij præiudicio. 187  
 An qui ita iuravit possit adire Iudicem, ut compellat creditorem ad remittendum huiusmodi iuramenta. ibidem.  
 An is, cui per privilegium concessa est facultas delegata ad vota commutanda, possit quoque vota iurcitando communita commutare. 188  
 An privilegia Bullæ, & Iubilæi sint favorabilia. 189  
 An qui potest commutare, vel relaxare vota possit etiam commutare, aut relaxare peccatum ob eorum violationem incursum. ibidem.  
 An per privilegium possint commutari, aut dispensari non solum ea vota, quæ quis fecerat ante id privilegium, sed etiam alia, quæ fecit post illud. 190  
 An votum factum in suorum vnius ecclesiæ possit commutari in opus quod sit in commodum alterius. 191  
 An si votum dirigatur ad sanctum illius ecclesiæ Patronum possit propria auctoritate in melius commutari. 192  
 An confessarius requisitus per Bullam, aut Iubileum vi votum commutet, si velit sine iusta causa commutare peccet. ibidem.  
 An confessarij Regulares habentes privilegium absolventi a subus reservatis, vel dispensandi, aut commutandi vota teneantur pernitentes ab eisdem absolvere, seu cum ipsis dispensare, aut ipsorum vota commutare. ibidem.  
 An commutatio voti virtute Bullæ, vel Iubilæi, vel Privilegij necessarium fieri debeat in confessione. ibidem.  
 An confessarius vi Bullæ, vel Iubilæi, vel privilegiorum Religionis possit commutare vota emissæ sub spe obtinendi prædicta privilegia. 193  
 An possint virtute Bullæ, vel Iubilæi, vel privilegiorum commutari vota reservata in eis excepta, quando potest in eis Episcopus dispensare. 194  
 An virtute Bullæ, vel Iubilæi, vel Privilegij possit commutari votum castitatis eius, qui eo ligatus matrimonium contraxit, ut possit petere debitum. ibidem.

# INDEX QVÆSTIONVM.

- An virtute Bullæ, vel Iubilei possit commutari votum arctioris Religionis in laxiorem 195
- An vorum quod iam fuit alias per potestatem habentem legitime commutatum, possit iterum quoad illam materiam subrogatam virtute horum trium privilegiorum commutari. ibidem.
- An possit Iubileus bis obtineri illis duabus hebdomadis. ibidem.
- An commutatio voti necessario fieri debeat præcite intra tempus, quo Bulla, vel Iubileus durat. 196
- An hic peccet contra votum, si antequam confessor, aut virille doctus materiam præscribat, prius votum frangat. ibidem.
- An qui tempore Iubilei, aut Bullæ per obliuionem, vel alia de causa non curauit vota sua commutari, vel relaxari, possit postea votorum illorum commutationem ab eodem confessore, aut ab alio approbato ab ordinario petere etiam post annum. ibidem.
- An si pœnitens tempore Iubilei voti emissi memor noluit commutationem petere, possit postea, Iubileo transacto, eam petere. 197
- An qui tempore Iubilei nullam confessionem fecit, quia præmissis diligenti examine non inuenit in se culpam mortalem, impleuit tamen cætera opera in Iubileo præscripta, possit eo transacto a reseruatis oblitis tempore Iubilei absolutionem, & votorum commutationem, & aliorum in eo concessorum obtinere. 198
- An virtute Iubilei possit quis initio hebdomadæ a reseruatis absolui, ac eius vota commutari, antequam requisita ad illud comparandum perficiantur. ibidem.
- An si absolutus a reseruatis per Iubileum, postea præmittat ieiunium, orationes, vel alia opera necessaria ad consequendam indulgentiam, reincidat in pristinum casum reseruationem, a quibus absolutus erat. ibidem.
- An qui in ea confessione oblitus est aliquod peccatum reseruatum, vel censuram confiteri, extincta sit reseruatio, adeo vt postea possit eicunque confessori illud confiteri. 199
- An vota commutata, virtute Iubilei, quæ postea pœnitens non lucratur, quia negligit facere opera ad Iubileum necessario requisita, reuult. ant. ibidem.
- An si is intendebat lucrari Iubileum, & fuit virtute illius absolutus a reseruatis, & votorum commutationem obinuit, & postea voluntarie omittit onera Iubilei, peccet mortaliter. 300
- An quando virtute alienius Iubilei, vel Bullæ datur facultas commutandi vota in subsidium ceræ rei verbi gratia belli contra infideles, possit arbitrio confessorij fieri commutatio in subsidium spirituale, quales sunt orationes, sacrificia, ieiunia pro felici belli exitu. ibidem.
- An vota commutatio debeat esse in temporale belli subsidium. 301
- An commutato voto in aliam materiam, omnino extinguatur prioris voti obligatio. ibidem.
- An si is, cui votum commutatum sit, non impleuit commutationem teneatur ad prius votum. 302
- An qui absolute Religionem vouit, & ingressus eiciatur post professionem in perpetuum, reuultat prius id votum, ac proinde teneatur hic aliam Religionem ingredi. 303
- An post factam commutationem, liceat vouenti redire ad priorem materiam, & omittere commutationem. ibidem.
- An voto sæpius commutato, fas sit ei qui vouit, ad quamcumque materiam ex eis, in quas facta est commutatio, redire. 304
- An postquam vouens rediit ad prius votum, nolens commutatione uti, possit iterum pœnitere, & ad materiam commutationis redire. ibidem.
- An in commutatione faciendâ, seruanda sit etiam similitudo? id est, An votum personale possit in seale, & è contra commutari. 305
- An commutatio voti peregrinandi in terram sanctam, sit in eius fauorem faciendâ. ibidem.
- An ad commutationem voti sit attendendum maius, aut minus, aut æquale bonum materię promissæ, & eius in quam commutatio fit, iuxta excellentiam virtutis, cuius est actus, ira vt semper censeatur commutatio fieri in melius, quoties commutatur in opus excellentioris virtutis. Vt si commutetur ieiunium in orationem. ibidem.

# INDEX QVÆSTIONVM.

- An io votis commutandis habenda sit ratio difficultatis impleodi rem promissam, ac materiam subrogatam. 306
- An ad commutandum votum peregrinationis, expendi debeat expensæ, quas facturus erat, qui vouit. 306
- An in hoc casu sit deducendæ expensæ, quas ipse vouens domi erat facturus. 306
- An in hoc casu habenda sit ratio expensarum, quas vouens iuxta sui status decentiam, & diuitias scilicet equorum, & famulorum facturus erat. 306
- An in his omoibus commutationibus habenda sit ratio expensarum, & laboris in cundo, non autem in redeundo. 307
- An ad huiusmodi expensas computandas, sit habenda ratio periculatorum itioeris, damni ex absentia immioentis rebus voueoris, & tributorum soluendorum ipsidelibus, vt transitum in Hierosolymam permittant. 307
- An in commutatione voti sit ratio habenda expensarum, quas vouens in peregrinatione mendicando fecisset. 307
- An io commutatione voti sit considerandus labor itinetis. 307
- An is, cui concessa est potestas dispensandi, & commutandi vota, possit licitè vti pura dispensatione, si commutatio sufficiat ad subueciendum necessitati subditi. 308

## LIBRI QVINTI QVÆSTIONES.

- Q**uid sit status. 309
- Quoam dicantur, ac dici debeant Monachi. 310
- Quotnam sint genera Monachorum. 311
- Quotnam sint in ecclesiâ Religiosorum Regula a sede Apostolica approbatæ, sub quarum aliqua militat omoes religiosi ecclesiæ catholice. 311
- In quot, & quibus votis essentia Religionis consistat. 311
- An fratres conuersi sint verè, & propriè Religiosi. Vtrum Donati sint verè, & propriè Religiosi. 313
- An Donati sint, & dici possint personæ ecclesiasticæ, & gaudcant priuilegio fori, & canonicæ, si quis fundente diabolo. 314
- An Doctari possint matrimonium contrahere. 314
- An Milites, & Equites ordinis sancti Ioannis Hierosolymitani. & hospitalarij, qui communiter Equites Melitæ ounepancor, sint, ac dici debeant verè & propriè Religiosi. 314
- An Equites S. Iacobi in Hispania Calatræ, & Alcantare. & similia sint, & dici possint verè, & propriè Religiosi. 315
- Vtrum ad essentiam Religionis solemnitas trium votorum requiratur. 315
- Vtrum ad essentiam Religionis requiratur, vt professioem emittens voueat certam Regulam. 316
- An Religio ecclesiæ approbationem requirat. 316
- An talis approbatio sit de essentia Religionis. 317
- A quo hæc approbatio fieri debeat. 317
- Vndè proueniat Religiosorum diuersitas. 317
- An ad perfectionem religionis necessarius sit chorus. 318
- An status Episcoporum sit perfectior statu Religiosorum. 321
- An vita Erémitarum, qui vitam solitariam agunt, sit melior, quam vita Religiosorum, qui io societate viuunt. 321
- An perfectio christianæ vitæ essentialiter in charitate consistat. 321
- An aliquis io hac vita possit esse perfectus. 321
- Vtrum perfectio consistat in præceptis, an in consilijs. 322
- An Religiosi sint in statu perfectionis. 323
- An Religiosus teneatur ad vitæ perfectionem tendere. 323
- An præceptum hoc tendendi ad perfectionem, sit peculiare præceptum distinctum à præcepto seruandi tria vota, ac reliqua religionis statuta. 325
- An Religiosus teneatur in vitæ perfectione proficere. 326
- An Religiosus peccet, si in vitæ perfectione non proficiat. 326
- An Religiosus cæteris paribus deterios peccet, quam secularis. 327
- An ingressus Religionis magnam requirat deliberationem. 327
- An nobis liceat alicui persuadere religionis ingressum. 328
- An sit simonia aliquem manusculis ad ingressum Religiosis inuitare. 329
- An aliquis possit ad Religionem compelli. 330
- An qui vi, vel metu, vel fraude quempiam ad Religionem impellit, sit ipso iure excommunicatus. 331
- An qui alicui dissuadet Religionis ingressum, peccet mortaliter. 331
- An qui iniquo animo, atque peruersa intentione quempiam ab ingressu Religionis retrahit, ad aliquam restitutionem teneatur. 331

# INDEX QVÆSTIONVM.

An quilibet possit Religionem ingredi. 331  
 An filij sine consensu, & voluntate patrum possint Religionem ingredi. 331  
 An qui post Religionis votum, Episcopatum acceptat, teneatur Episcopatu dimisso Religionem ingredi. 433  
 An Episcopus sine expressa licentia Papæ ad Religionem possit admitti. 334  
 An Episcopus teneatur votum Pontifici manifestare, dum eam licentiam petit. 335  
 An si Episcopus absque summi Pontificis licentia votum Religionis emittat, tale votum sit validum, & obligatorium. 335  
 An coniux possit licite sine alterius licentia emitte re votum simplex Religionis. 335  
 An votum simplex Religionis ab altero coniuge absque alterius consensu emissum, sit validum. 335  
 An coniux post contractum matrimonium possit altero invito Religionem ingredi. 335  
 An si huiusmodi crimina sint occulta, alter possit Religionem ingredi, & profiteri. 336  
 Sed quid, si huiusmodi delicta sint publica, an tunc separatio fieri debeat Iudicis auctoritate. 337  
 An coniux qui tria memorata crimina patitur post diuortium auctoritate Ecclesiæ factum, possit altero coniuge contradicente se ad Religionem conferre. 337  
 An mulier, quæ ante consummatum matrimonium ad Religionem transiit, debeat iure compelli, vt post bimestre professionem emittat. 337  
 An coniuges accedente mutuo consensu, etiam consummato matrimonio possint Religionem ingredi, & profiteri. 337  
 Quid exigatur, vt matrimonio consummato licite alter coniux ad Religionem transeat. 338  
 An si vxor dispositionis iuris conscia, sciuit se non posse ad ingressum mariti consentire, nisi ipsa in Religionem transeat, possit ad Religionem compelli. 338  
 An qui ad Religionem transiit, quo alter licite profiteatur teneatur eandem profiteri. 338  
 An in hoc casu sufficiat, si vir profiteatur in ordine Equirum sancti Ioannis. 339  
 An sufficiat votum temporale castitatis coniugis eo manentis in sæculo nimirum dum coniux professus superites fuerit. 339  
 An id votum castitatis coniugis remanentis in sæculo efficiatur solenne, eo ipso quod alter coniux professionem emittit, ita vt post proficentis obitum, nequeat manens in sæculo matrimonium contrahere. 339  
 An sufficiat votum castitatis, si coniux sexagenaria manens in sæculo sit de incontinentia suspectus. 339  
 An sufficiat id votum castitatis coniugis 60.

non suspectæ de incontinentiæ vitio, sed de alijs, vt de veneficijs, de furtis, &c. 339  
 An vxor sexagenaria manens in sæculo cum voto castitatis, sed incontinenter viuens post voti professionem, cogenda sit ingredi Religionem. 340  
 An in hoc casu teneatur vxor profiteri. 340  
 An vir egressus ante professionem, sit cogendus redire ad vxorem manentem cum voto castitatis in sæculo. 340  
 An valeat coniugis professio, altero iuvene, & suspecto de incontinentia non proficiente, sed manente in sæculo cum voto castitatis. 340  
 An professio coniugis facta de licentia alterius non-vouentis castitatem sit valida. 341  
 Quid faciendum, si vxoris consensu vir professus sit, & ipsa continentis votum non fecit, nec Religionem intrauit. 341  
 An licentians reuocare possit facultatem semel concessam. 341  
 An hanc reuocato perenti debitum, alter reddere teneatur. 341  
 An hic reuocatus possit debitum petere. 341  
 An coniux professus de consensu alterius iuuenis, aut de incontinentia suspecti manentis in sæculo cum voto castitatis, possit è Monasterio extrahi, vt coniugi restituatur. 341  
 An talis professus sit è Monasterio reuocandus, si coniux manens in sæculo nullum votum emisit. 341  
 An quoties professus hic potest renocari, possit propria auctoritate è Monasterio egredi. 341  
 An professio vnius coniugis facta absque alterius licentia, aut cum ea dolo, aut metu graui extorta, sit valida. 342  
 An professio coniugis post consummatum matrimonium facta, altero contradicente, vim habeat voti simplicis ingressus Religionis. 342  
 An si vir inuira vxore sit professus, & Iudicis auctoritate restitutus vxori, teneatur post eius mortem ad Religionem redire. 342  
 An coniux absque alterius licentia professus, possit propria auctoritate è Monasterio exire, si alter non repetat. 342  
 An professio sine alterius licentia facta, reddatur valida, accedente postea eius consensu. 346  
 An professio vnius coniugis facta sub tali conditione, vt si alter non contradixerit, sit in conscientia valida. 346  
 An coniux sine alterius licentia professus, nec ab eo in vita reuocatus, teneatur post eius mortem in Religione perseuerare. 346  
 An coniux sine alterius licentia professus, conscius mortis illius, in Religione persistat,

# INDEX QVÆSTIONVM.

- stat, censetur habere ratam priorem professionem. 347
- An quando spoliatus dum viveret, consentit expresse, vt professus persisteret in Religione, possit post eius obitum exire. 347
- An coniux spoliatus, altero absque eius licentia professio, possit quoque professio inuito, Religionem ingredi. 347
- An si vterque coniux absque mutua licentia proficatur, talis professio sit valida. 347
- An quando coniux expoliatus nec consentit, nec dissentit, sed sciens alterius ingressum tacuit, & dissimulauit, possit professum repetere. 347
- An si toto vitæ suæ curriculo coniux in sæculo relictus dissimulauit, cum posset commodè reclamare, rata efficiatur professio. 348
- An quando licentia coniugis fuit metu viti constantis, aut dolo graui extorta, possit alter in sæculo manens professum repetere. 348
- An si coniux in sæculo relictus, post alterius professionem, adulterium commisit, possit sic professum reuocare. 348
- An si tale adulterium sit oculum professio, possit hic in sæculo relictus in foro conscientie eum reuocare. 348
- An coniux sine alterius licentia professus, post eius obitum in Religione persistens, ignorans illius nullitatem, aut nolens ratificare, possit tuta conscientia reclamare. 349
- An inualidè professus possit reclamare, qui nisi habitu deposito potest causas nullitatis proponere coram ordinario. 349
- An Consilium denegans audientiam post quinquennium, funderet in presumptione ratificationis professionis factæ in illo quinquennio. 349
- An possit superior sciens hunc non ratificasse professionem, occultè illum dimittere non obstante Tridentino. 349
- An superior debeat fidem adhibere huic dicecxi se esse sicte professum, aut eo quinquennio non ratificasse. 350
- An si inualidè professus non possit à Monasterio fingere, teneatur ratificare professionem. 350
- An hic Religiosus volens suam professionem ratificare, teneatur nouitiatum iterare. 350
- Quid exigatur ad hoc, vt hic censetur suam professionem inualidam ratificare. 350
- An volens hic Religiosus professionem a se inualidè factam, ratam habere indigeat noua Monasterij acceptatione. 351
- An possit vir factis initiari absque vxoris licentia. 351
- An coniux, vxore consentiente, possit ad sacros ordines promoueri. 351
- An si vir ante matrimonium consummatum habeat animum ingrediendi Religionem, possit absque vxoris licentia ad sacros ordines ascendere. 351
- An votum assumendi ordines sacros absque vxoris licentia emissum, sit validum. 351
- An de licentia Romani Pontificis possit vir ante matrimonium consummatum sacris initiari absque vxoris consensu. 351
- An possit vir ad minores ordines transire absque vxoris licentia. 351
- An si vir absque licentia vxoris sacris inicietur, possit ab ipsa ad debitum coniugale reuocari. 352
- An si vir absque licentia vxoris ad summum Pontificatum promoueatur, possit ab ipsa reuocari. 353
- An si licentia vxoris metu cadente in virum constantem, aut dolo graui ad ordines promoueatur, possit ipsa virum reuocare. 353
- An quando vxor nec consentit, nec dissentit, sed dissimulauit, possit virum repetere. 353
- An vir factis initiatus matrimonio, nondum consummato inuita vxore, teneatur ad Religionem transire. 353
- An si hic promotus, ingredi Religionem voluit, teneatur ad coniugale commercium redire. 353
- Sed quid, si ante matrimonium consummatum, in Romanum Pontificem absque vxoris licentia promoueretur, nolens ad Religionem transire. 353
- An vir factis initiatus matrimonio consummato, absque licentia vxoris, & ab ea reuocatus, teneatur reddere debitum. 354
- An si vir promotus ad ordines absque vxoris licentia & sibi officio ludicis restitutus peccat debitum, vxor ipsa ei reddere teneatur. 354
- An matrimonium contractum post vxoris obitum, ab eo qui ea inuita ad sacros ordines ascendit, sit validum. 354
- An vt vir ad ordines promoueatur, opus sit, vt vxor in sæculo manens, votum castitatis emit. 354
- An vltra votum castitatis, opus sit, vt vxor Religionem ingreditur, quo possit licet vir ad ordines promoueri. 355
- An vir ad ordines promotus ex vxoris licentia manentis in sæculo cum voto castitatis, possit simul habitare cum vxore. 355
- An vir factis initiatus sola vxoris licentia promotus non seruata forma iure præscripta, possit ab ipsa reuocari. 356
- An vxor quæ voto castitatis emissio concessit licentiam

# INDEX QUESTIONVM.

licentiam viro sacris initiandi, possit post eius mortem validè aliud matrimonium inire. 356

Quid exigitur, vt vir Episcopus efficiatur. 356

An quando viri, aut vxores cum supradictis conditionibus Religionem ingrediantur post emissam solemnem professionem, remaneant verè vxorati. 357

An vir post diuortium legitimè factum possit iure absque vxoris licentia sacris initiari. 357

An qui simplici voto tenetur sacros ordines suscipiendi, peccet mortaliter, matrimonio contrahendo. 357

An post matrimonium contractum alicuius consummetur, teneatur hic Religionem ingredi, vt suum votum adimpleat. 357

An qui sponsalia contraxit, iure possit Religionem ingredi. 357

An qui virginem sub promissione vera, vel ficta matrimonij desoriatur, possit ingredi Religionem absque ipsius consensu. 358

Quid, si puella sciuit eius votum, an tunc promittens teneatur eam ducere. 358

An seruus perpetuus qui emi, & vendi potest possit Religionem ingredi, domino suo inuero. 358

A quo die huiusmodi triennium sit computandum. 359

An talis professio serui sit valida. 359

An si huiusmodi seruus Religionem professus domino repetenti restituatur, teneatur in saeculo manens seruare castitatem. 359

Ad ad rationem obligatus, possit Religionem intrare. 359

An xre alieno granatus, possit ad Religionem transire. 360

An equites sancti Ioannis, sancti Iacobi, sancti Lazari & similium in ea constitutione comprehendantur. 363

An debitor ad Religionem admissus, laborare teneatur, vt creditoris satisfaciatur. 363

An qui promisit se aliquid alicui sine iuramento, vel eum illo in eius utilitatem facturum, possit eo non impleto Religionem ingredi. 364

An filij possint ingredi Religionem, si habent parentes in saeculo graui egestate oppressos. 364

An illa parentum necessitas debeat esse actualis. 366

An si de facto filius parentibus in graui necessitate constitutis Religionem ingrediat, & profiteatur, talis professio valeat. 366

An filius professus teneatur è Monasterio egredi, vt parentum necessitati subueniat, & in Monasterio manens eorum indigentiam commodè lubucire non potest. 366

An in hoc casu possit is professus dimittere habitum. 367

Quisnam possit hanc licentiam indulgere Religioso, vt dimisso habitu extra Monasterium sit, ad subueniendū parentibus. 368

An teneatur superior in hoc casu eam licentiam concedere Religioso, vt habitu retento extra Monasterium sit, ad subueniendum parentibus. 368

An teneatur filius professus intra Monasterium parentibus subuenire. 369

An si filius ex ingressu Religionis efficiatur impotens ad subueniendum parentibus, teneatur Monasterium alimenta eius parentibus subministrare. 369

An si voto simplici castitatis, vel religionis ligatus non possit parentibus subuenire, nisi vxorem ducat, teneatur eam ducere. 370

An qui habet fratres, & sorores, nepotes, & alios simili egestate laborantes, possit Religionem ingredi. 370

An fratres qui habent sorores peticulo impudici expositas, si ab ipsis dimittantur, possint Religionem ingredi. 370

An si tunc sit voto Religionis astrictus possit in tali casu eius ingressum differtre. 370

An si Parentes filios habeant in simili necessitate constitutos, possint prætermisissimorum cura, ad Religionem transire. 371

Quisnam possit ad nouitium admitti. 371

Vt probatio valida sit, & sufficiens ad professionem, quanto tempore durare debeat. 371

An in anno bissexto duplex dies pro vna debeat computari ad effectum implendi annum probationis. 371

An annus, ex quo Gregor. XIII. abtulit decem dies, censeatur integer ad ætatem professioni, vel ordini lacto petitam. 371

An vt nouitatus sit legitimus, & valeat professio, requiratur, vt annus sit continuus. 371

Sed quid, si interpolatio sit modica, vt duorum dierum, vel trium. 373

An si Nouicius, expleto nouitatus anno defeceret Religionem, & postea rediret, egeret nono probationis anno ad proficiendum. 373

An sit reuocatum privilegium Iulij II. concessum Minoribus, vt nouitatus interruptus possit continuari. 373

An Nouitij interdum possint ante annum probationis expletum proficere. 373

An annus Nouitiorum ex causa iusta possit prorogari. 374

An Nouitij ordinum militarium possint proficere ante 16. annum, & annum Nouitatus. 375

An



# INDEX QUESTIONVM.

- An ex peculiari aliqua causa iusta, Nouitius, & Monasterium possint anno nouitatus renunciare. 375
- An possit Nouitius cedere iuri suo, vt nouitatus ante legitimam ætatem fiat. 375
- An valeat professio, habito nouitatu ante legitimam ætatem. 375
- An ingressus ante pubertatis annos, gaudeat Nouitiorum privilegiis, ita vt ipsum percutiens sit excommunicatus. 376
- An Nouitius etiam si prima tonsura careat, gaudeat privilegio canonis, si quis suauiter diabolo. 17. q. 4. 376
- An Nouitij qui non sunt aliquo ordine insigniti, sint à solutione gabeliarum immunes. 376
- An Nouitatus sit necessariò in Monasterio peragendus. 376
- An Religiosis habitus sit de essentia nouitatus. 377
- An Nouitij possint de suis bonis disponere. 377
- Quid nomine obligationis hoc loco intelligatur. 378
- An nomine renunciationis, & obligationis, donatio inter viuos comprehendatur. 378
- An Nouitius habens beneficium Ecclesiasticum possit validè illud renunciare, non seruata solemnitate huius decreti. 378
- An Nouitius possit cum solemnitate ad id iure requisita renunciare beneficium, cuius titulo est ad sacros ordines promotus. 379
- An secularis ante habitus susceptionem possit validè de suis bonis disponere. 379
- An donatio facta à Nouitio cum huius decreti solemnitate, possit ante professionem reuocari. 380
- An donatio, seu renuntiatio bonorum temporalium facta à Nouitio statim post susceptionem habitum, ea conditione, vt sit irrita, non sequuta professione, sit valida. 380
- An si non sequatur professio, quia mortuus est nouitius, antequam eam faceret, habeat vim & effectum donationis. 380
- An vt donatio Nouitij facta cum solemnitate huius decreti sit firma, requiratur vt professio sit valida. 381
- An Nouitius possit quocumque tempore voluerit testamentum condere. 381
- An donatio causa mortis facta à Nouitio post susceptionem habitum absque forma in eo decreto præscripta, sit valida. 382
- An Nouitio exanti à Religione ante professionem, debeant restitui omnia bona sua que in Monasterium tulerat. 382
- An Nouitius à Monasterio discedens, teneatur solvere sumptus, quos in eo alendo, Monasterium fecit. 382
- An necessariò huiusmodi renuntiatio fieri debeat integro bimestri ante professionem. 382
- An id bimestre debeat esse mathematicum, & de momento in momentum computandum. 383
- An Episcopus confirmatus, nondum tamen consecratus possit hanc licentiam concedere. 383
- An capitulum sede vacante possit eandem licentiam concedere. 383
- An Abbates, & alij Prelati nulli Episcopo subiecti, in suis diocesis possint hanc licentiam concedere. 383
- An Vicarius Capituli sede vacante possit hanc licentiam concedere. 383
- An Vicarius foraneus possit hanc licentiam concedere. 384
- An hæc licentia possit delegari. 384
- An ea licentia debeat esse in scriptis. 384
- An hæc licentia debeat esse obtemperata. 384
- An Nouitius statum Religionis seruare teneatur. 384
- An casum reservatio in Religione comprehendat etiam Nouitios. 385
- An Nouitius delinquens incurrat in prædictas, & censuras, quas Religionis statuta delinquentibus imponunt. 385
- An Nouitij possint à Religione Prelato excommunicari. 385
- An Nouitius delinquens à Monasterij superiore puniri debeat. 385
- An Nouitius à casibus reservatis, & censuris etiam ante ingressum incurris à Prelato Religionis absolui possit. 386
- An si Nouitius interrogatus ante professionem, an habeat aliquod impedimentum, pro quo non possit iure profiteri secundum statuta Religionis, respondet se non habere, & mentitur, peccet mortaliter. 386
- Sed dubium est, an professio postea facta sit valida. 386
- An is, qui sic professus est, propter huiusmodi fraudem, possit puniri, & habitu Religionis spoliari. 387
- An professus peccet mortaliter, qui absque iusta, & rationabili causa denegar votum alicui Nouitio alias idoneo ad proficiendum. 387
- Quot modis professio Religiosa iure fieri possit. 388
- An tacitè professus possit compelli, vt expressè in scriptis proficiatur. 389
- An professio expressa per procuratorem fieri possit. 389
- Quæ conditiones requirantur, vt professio per procuratorem facta sit valida. 390
- An professio necessariò sit facienda in Monasterio. 390
- An

# INDEX QUESTIONVM.

- An professio excommunicati valeat.** 390  
**An si excommunicatus ante absolutionem profiteatur, peccet.** 390  
**An hic sic profitendo, peccet mortaliter.** 390  
**An Prælati admittens excommunicatum ad professionem peccet.** 390  
**An in excommunicatione professus acquirat ius ad victum à Monasterio percipiendum.** 391  
**An professio sit valida, si Prælati qui eam acceptat, sit excommunicatus nominatim denunciatus, aut publicus percussor clerici.** 391  
**An professio sit valida, si superior qui eam acceptat, sit suspensus denunciatus ab admissione eiusdem.** 391  
**An professio simoniacè facta in Religione sit valida.** 391  
**An sit valida professio viri in Monasterio monialium, vel forminx in Monasterio virorum.** 391  
**An professio hermaphroditi sit valida.** 391  
**An professio ex calore iracundiæ facta, sit valida.** 391  
**An professio ob malum finem emissã, sit valida.** 391  
**Quot, & quænam de necessitate requirantur ad professionem.** 394  
**An votum solemne Religionis ante annum tæ. expletum factum, sit validum, & obligatorium.** 394  
**An talis professio valeat, vt votũ simplex.** 394  
**An sit irregularis, qui ita suspensus aliquem ad professionem admittit.** 395  
**An quando professio fuit nulla ex parte emittentis, vt quia fictè professus est, sufficiat ad eius validitatem, nonus eius consensus absque nouo Prælati consensu.** 395  
**An vt valeat admissio non potentis admittente, satis sit ratihabitio subsequens potentis.** 396  
**An vi Prælati aliquem ad habitum, & professionem admittat, teneatur audire consilium sui capituli.** 396  
**An in hoc casu Prælati teneatur illud sequi.** 396  
**An possit Abbatisa cum consensu sui capituli Moniales ad professionem admittere.** 397  
**An quoties professio est irrita, maneat proficiens obligatus Deo vt voti simplicis.** 398  
**An Religiosi qui sub aliqua conditione professionem emiserit, sit valida professio.** 398  
**An valida sit professio Religiosi facta sub ea conditione, vt valeat in propria domo remanere.** 399  
**An professio emissã sub conditione de futuro, fiat valida adimpleta conditione absque nouo consensu.** 399  
**An si hic ante conditionis cucursum, in alia Religione proficiatur, talis professio sit valida.** 400  
**An qui morbo, vel senectute impotens est ad Regulæ statuta seruandum, possit licitè, & validè proficere.** 400  
**An professio sit valida, si proficiens intendat nolle seruare tria vota.** 401  
**Quot, & quænam requirantur, vt inuvalida professio ratificetur.** 401  
**An in hoc casu repetendæ sint ceremoniæ solemnes, quæ in professione fieri solent.** 401  
**An sollemnis professio transferat Religiosum in ius, & potestatem Religionis.** 401  
**An sollemnis professio faciat Religiosum inhabilem ad matrimonium contrahendum.** 403  
**Quo iure solemne votum castitatis faciat Religiosum ad matrimonium inhabilem.** 403  
**An si Religiosus post solemnem professionem matrimonium contrahat, tale matrimonium sit validum.** 404  
**An si professus, aut in sacris constitutus de facto matrimonium contrahat, sit ipso facto excommunicatus.** 404  
**An Religiosus hanc excommunicationem incurrit, si cum consensu legitimo de facto contrahat, si constet alterum contrahentem non consentire.** 405  
**An huius peccati cognitio ad Inquisitores sancti officij pertineat.** 406  
**An professus, matrimonium contrahens sit irregularis.** 406  
**An si in sacris constitutus matrimonium contrahat, sit irregularis.** 406  
**Vtrum ad hanc irregularitatem incurtendam requiratur copula.** 406  
**An in hoc casu mandantes, consilium auxilium, vel fauorem præstantes, hanc excommunicationem incurrant.** 407  
**An Sacerdos qui hoc matrimonium solemnizat, hanc excommunicationem incurrit.** 407  
**An per ingressum Religionis sponsalia dissoluantur.** 407  
**An per ingressum Religionis professione solemni non sequuta, dirimantur protus sponsalia ex parte vtriusque.** 407 & 408  
**An qui sponsalia iurauit, possit ante implicationem iuramenti, ad Religionem migrare.** 408  
**An qui post sponsalia iurata votum Religionis emisit, possit licitè contrahere matrimonium animo firmo ingrediendi Religionem ante eius consummationem.** 408  
**An qui sponsalia iurauit, possit matrimonium contrahere animo ingrediendi Religionem, antequam consummet.** 409  
**An qui post votum Religionis, aut castitatis virginem deflorauit sub spe eam ducendi** 409

# INDEX QUESTIONVM.

in vxorem, teneatur matrimonium inire, vel potius ingredi Religionem, vel vitam celibem tenere. 409

An qui Religionem vouit, & postea matrimonium contraxit, teneatur Religionem ingredi antequam illud consummet. 410

An votum simplex castitatis sponsalia dissoluat. 410

An huiusmodi votum post sponsalia emissum sit validum. 410

An qui post sponsalia votum castitatis emisit, teneatur ad religionem transire vt suum votum impleat. 411

An qui sponsalia promisit, possit tuta conscientia ad sacros ordines ascendere. 411

An per solemnem Religionis professionem vinculum matrimonij dissoluatur. 412

An per professionem in Religionibus militaribus emissam soluatur matrimonium ratum. 412

An per insecptionem sacri ordinis matrimonium duntaxat ratum, necdum consummatum dissoluatur. 413

Quenam sit ratio, ob quam matrimonium ratum per solemnem professionem dissoluatur, non autem consummatum. 414

Quo iure, quave ratione per solemnem professionem vinculum matrimonij rati dissoluatur. 414

An quando vterque coniux communi consensu proficetur, vinculum matrimonij rati dissoluatur. 414

An Pontifex possit in matrimonio rato dispensare quoad vinculum, ita vt vterque possit secundum matrimonium inire. 415

An Romanus Pontifex possit sine iusta causa dispensare in matrimonio rato. 415

An si absque iusta causa dispense, talis dispensatio teneat. 415

An Romanus Pontifex possit dispensare cum professo, vt matrimonium ad tempus ineat, ea lege, vt habita prole, ad Religionem redeat. 415

Quid exigatur, vt matrimonium censetur consummatum, ac proinde per solemnem Religionis professionem indissolubile. 416

Ad ad consummationem matrimonij sufficiat valis penetratio absque seminis emissionem intra vas. 416

An matrimonium sit consummatum, si solus vir intra vas sine semine semen emittit. 417

An per copulam vi extortam consummetur matrimonium. 417

An sponsa vi cognita intra bimestre sibi à iure concessam, possit Religionem ingredi. 417

An sponsa timore graui cognita possit ad Religionem transire. 418

An sponsus qui vi vel metu graui extorquet copulam à sponsa de presenti, peccet. 418

An id bimestre sit à iure concessum ad deliberandum de Religionis ingressu, an vero ad profutendum. 419

An si sponsi nolint intrare Religionem, teneantur itatim contracto Matrimonio sibi inuicem reddere debitum. 419

An si intra illud bimestre sponsus non intrat Religionem, possit eo transacto ingredi. 419

An solennis professio priuet Religiosum omni dominio rerum honorum temporalium. 419

An solennis professio priuet potestate vtendi rebus absque consensu superioris. 420

An solennis professio soluat omnia vota simplicia. 420

An idem dicendum sit de iuramentis personalibus, & realibus soli Deo emissis. 420

Sed quid, si votum reale, vel iuramentum esset homini prestitum, & ab eo acceptatum. 420

An votum Principis eundi in subsidium terræ sanctæ cum copioso exercitu possit in votum solemne Religionis commutari. 421

An eo ipso quod quis in Religionem proficetur, censentur vota in seculo emissæ commutari, & prorsus extinguí, absque aliqua proficentis intentione commutandi. 421

Quo iure vota in seculo facta censentur in votum solennæ Religionis commutari. 421

Quid si proficiens haberet expressam intentionem non commutandi priora vota, siue in seculo, siue in nouitiatu emissæ. 422

Sed maius dubium est de votis à professo emissis, & transiit ad aliam Religionem siue strictiorem, siue laxiorem. 422

An hæres obligatus ad vota defuncti realia ingrediendo Religionem, ab illis sit liber. 423

An vota vniuersa in seculo emissæ possint propria auctoritate commutari in simplicem ingressum Religionis. 423

An votum solius ingressus in actiorem Religionem, possit propria auctoritate commutari in votum ingrediendi laxiorem, & in ea permanendi. 423

An per professionem peccata omnia quoad penas Deo debitas remittantur. 423

An professio per se sola habeat hoc priuilegiū remittendi penas peccatis debitas. 424

An qui cum conscientia peccati mortalis professionem emittit, postea vero resipiscit, plenariam suorum peccatorum remissionem consequatur, quam ab initio id peccato mortali impediēte non obtinuit. 425

An Religionis professio in omnibus æquetur baptismo. 425

An per professionem omnis irregularitas in vita seculari contracta tollatur. 425

An etiam per nouitiatum hæ irregularitas deleatur. 426

An illegitima possit esse Abbatissa. 426

An

# INDEX QUESTIONVM.

- An per professionem filiusfamilias patri potestatis liberetur. 426
- An liceat ex vna ad aliam Religionem transire. 426
- Quznam Religio debeat diet melior, vt ex alia ad ipsam licetè possit fieri transitus. 427
- Quotnam requirantur, vt hic transitus sit licitus. 428
- Quo iure hic transitus ad strictiorem Religionem sit licitus. 429
- An Moniales possint ad arctiorem Religionem transire. 429
- An Prælati Regulares possint ad strictiorem Religionem transire. 430
- An postquam Religiosus facultatem transendi petiuit, teneatur expectare responsum. 430
- Sed quid, si Prælatus nihil respondeat subdito, aut iudicans causam esse iustam, licentiam denegat. 430
- A quonam peti debeat hæc transeundi facultas. 431
- An Religiosus huic obligationi satisfaciat petendo licentiam post transitum ad strictiorem Religionem. 431
- An Religiosus teneatur causam sui transitus superiori patefacere. 431
- An ad licentiam hanc concedendam consensus capituli requiratur. 431
- An transiens ad strictiorem Religionem possit absque literis dimissoriis superioris prioris Religionis admitti. 431
- An qui licentia minimè petita ad aliam Religionem etiam strictiorem transit, peccet mortaliter. 432
- An qui absque superioris licentia ad Religionem arctiorem, vel laxiorem transit, sit apostata. 432
- Vtrum autem hic excommunicationem contrahat, dubie questionis est. 432
- An hic saltem sit fugitiuus. 432
- An professio sit valida, quando transitus fit non zelo melioris, & rationis viæ, sed temeritate, odio, vel qualibet alia animi perturbatione. 433
- An quando bonus zelus adest, at transitus est in præce Religionis defectus detrimentum, talis professio sit valida. 433
- An quando quis bono zelo, & studio melioris viæ ad strictiorem Religionem transit, non petita licentia talis professio sit valida. 433
- An Prælatus qui absque iusta causa negat licentiam subdito transeundi ad strictiorem Religionem, peccet mortaliter. 433
- An transitus ab vna Religione ad aliam æquè laxam, aut laxiorem, sit licitus. 434
- Quisnam possit hæc facultatem concedere. 434
- An Prælatus Papa inferior, vt Generalis, iure possit eam licentiam concedere transeundi ad laxiorem Religionem. 434
- An vna cum Prælato, requiratur quoque consensus capituli ad hunc transitum in æquè strictum Monasterium. 435
- An summus Pontifex possit pro libito, & sine iusta causa cum aliquo Religioso dispensare, vt de vna Religione ad aliam laxiorem transeat. 435
- An Religiosi ex vno ordine Mendicantium ad alium licitè transire possint. 435
- An Mendicantes iure communi possint ad non Mendicantes transire. 435
- Vtrum Prælati superiores omnium Religionum etiam Mendicantium possint licentiam dare suis subditis, vt ad Carthusienses se transferant. 436
- An etiam Carthusiani iure possint ad Mendicantes transire. 436
- Quotnam sint legitimæ huius transitus causæ, ad aliam æquè laxam, aut laxiorem Religionem. 437
- An quando quis ad aliam æquè strictam, aut laxiorem Religionem transit absque legitima dispensatione, talis professio sit valida. 438
- An qui iustè ad aliam Religionem transit, & in ea professus non est, teneatur ad pristinam Religionem redire. 438
- An qui iniustè ad aliam Religionem transit, teneatur ad priorem Religionem redire. 438
- An qui non seruatio iuris præscripto ad laxiorem Religionem transit, nec ad suam rediens admittitur, quia est senior effectus, peccet remanendo in laxiori. 438
- An qui habet iustam licentiam a suo superiore transeundi ad aliam Religionem, non facta mentione de laxiore, possit virtute huius licentiæ ad laxiorem transire. 438. & 439
- An habens iustam licentiam a suo superiore transeundi ad alium quemcumque ordinem Mendicantem, vel non Mendicantem strictiorem, vel laxiorem possit transire ad aliquem ordinem militariem. 439
- An habens a Prælato licentiam iusta de causa se transferendi ad aliam Religionem, si postea non inuenit se recipiendum, an non possit in ea perseuerare, teneatur ad priorem Religionem redire. 439
- Quznam in iure interdicta sint Religiosis transeuntibus in casu licito ad alias Religionem. 439
- An his pœnis subiiciantur Mendicantes transeuntibus ad aliam Religionem Mendicantem, vel non Mendicantes transeuntibus ad quameumque aliam Religionem. 440
- An si Mendicantes transeant ad Carthusiam his pœnis subiiciantur. 440

## INDEX QVÆSTIONVM.

An Nouitij Mendicantes, & inualidè pofeffi  
in hac elementina comprehendantur. 440  
Quid nomine Mendicantium hoc loco in-  
telligatur. 440  
An fi Mendicans legitimè tranfiuit ad non  
Mendicantes, & poftea pœnitentia ductus  
redit ad Mendicantes, has pœnas incur-  
rat. 441  
An nomine Mendicantium comprehendan-  
tur ij, quibus Regula, vel constitutiones  
non prohibent habere bona stabilia in  
communi. quamuis actu mendicent. 441  
An nomine Mendicantium comprehendan-  
tur ij, quibus Regula, vel constitutiones  
à fêde Apostolica approbatæ interdiciunt  
habere bona stabilia in communi, quam-  
uis illa illicitè habeant, vel licitè ex priu-  
legio Romani Pontificis, ficut hodie ha-  
bent *ex Conc. Trid. felf. 25. cap. 3.* omnes  
Mendicantes; exceptæ Capueinis, & Mi-  
noribus de obferuantia. 441  
An nomine Mendicantium comprehendan-  
tur Moniales fubicte ordinibus Men-  
dicantibus. 441

An qui ex vna Religione ad aliam legitimè  
tranfit, teneatur de nouo profiteri. 441  
An Religiofus ex vna Religione ad aliam  
tranfiens, fi vult in ea profiteri, teneatur  
per integrum annum in probatione perfi-  
tere. 441  
An tranflatus de vna ad aliam Religionem,  
vt in ea fit Prælat, teneatur de nouo in ea  
profiteri. 441  
An præficiendus certo Monafterio in Abba-  
tem, vel Priorem, poffit ante annum profi-  
teri. 441  
Cuiusnam Monafterij fit filius Religiofus  
tranflatus ad aliam Religionem, vt fit Præ-  
latus, finito officio. 441  
An qui de vna ad aliam Religionem migrat,  
poffit fecum deferre omnia bona, quæ ra-  
tione eius, prius Monafterium acquifitar. 441  
Quid de eo, qui de Religione, quæ poffidere  
poteft in communi, ad aliam, quæ tali fa-  
cultate caret, migravit, & poft fecundam  
poffeffionem in ea factam, per obitum pa-  
tris, hæreditas ad eum peruenit. 444

## LIBRI SEXTI QVÆSTIONES.

Quid fit præceptum. 445  
An præceptum, & confilium diftinguan-  
tur. 446  
An præceptum, & constitutio diftinguantur. 447  
An Regula, & constitutiones diftinguantur. 447  
An præceptum quod folum ad pœnam obli-  
gat, fit verè, & propriè præceptum. 447  
An ad fubftantiam, & rationem præcepti  
promulgatio requiratur. 447  
An ad fubftantiam, & rationem præcepti feu  
legis, requiratur, vt fit vlu receptum. 447  
An omne præceptum humanum obliget ad  
culpam. 448  
An Prælat, poffit in re leui obligare fubdi-  
tam ad mortale. 449  
An Prælat, poffit in materia graui obligare  
fubditum ad culpam venialem. 450  
Quomodo cognofci poteft, an Regula, vel  
præceptum fuperioris obliget ad mortale,  
vel ad veniale. 450  
An quando præceptum fertur fub excommu-  
nicationis pœna, non ipfo facto illata, fed  
comminata, & intimata vt inferenda, tale  
præceptum ad mortale femper obliget. 453  
Quænam pœnæ temporales, quæ transgrefforibus  
legum imponi folent, fint fufficiens  
iudicium obligationis fub mortali. 454

An in Religione pœna carceris fit iudicium  
fufficiens obligationis Regulæ, aut fupe-  
rioris ad mortale. 454  
An pœna grauis infamix fit fufficiens iudi-  
cium obligationis præcepti fub mortali. 454  
Quid agendum, quando omnibus perpenfis  
manet res adhuc dubia, nec cognofci po-  
teft, an præceptum legis obliget ad morta-  
le, necne. 455  
Sed quid, fi effet dubium, an præceptum legis  
obliget fub culpa veniali, an vero ad folam  
pœnam. 455  
An omne præceptum legis pœnalis obliget  
ad culpam. 456  
An in exteris cafibus omne præceptum legis  
humanae pœnalis obliget ad culpam. 456  
An qui ftatutum non obligans nifi ad pœ-  
nam, transgreditur, peccatum committit,  
fi pœnam ftatuto taxatam non implet. 457  
An transgreffor ftatuti, teneatur foluere pœ-  
nam ante iudicis fententiam. 458  
An transgreffor ftatuti pœnalis teneatur fu-  
bire pœnam poft iudicis fententiam. 460  
Quotnam modis dignofci queat ftatutum  
aliquod pœnale continere pœnam fen-  
tentia iudicis ferendam. 460  
Quot modis dignofci poffit ftatutum conti-  
nere pœnam ipfo iure latam. 461  
An

# INDEX QVÆSTIONVM.

An pœna in foro conscientie debeat, quando statutum addit, ad pœnâ contrahendam nullam requiri Iudicis sententiam. 461  
Sed quid, si statutum dicas, ad pœnam contrahendam nullam requiri sententiam, quæ declaratur commissum esse delictum vt habetur in *Constit. Pauli II. quæ incipit Ambrosio*, &c. 461  
An cessante causa statuti, statutum quoque ipsum cessare censetur. 462  
An conscientia erronea plus obliget, quam Prælati præceptum. 462  
An qui non valet implere totum præceptum, teneatur ad partem quam potest. 462  
An præceptum superioris sufficienter promulgatum obliget etiam eum, qui ignorantiam iuauincibilem habet. 463  
Vtrum ignorantia Regulæ, ac præceptorum eius excuset transgressores à peccato. 463  
Quid sit obedientia. 466  
Quotuplex sit obedientia. 466  
An obedientia formalis sit sub præcepto. 467  
An Prælati possit iubere Religioso vt hoc modo operetur. 468  
Quoniam requiratur, vt obedientia sit Deo grata, & meritoria. 468  
An Religiosus rectè voueat obedientiam. 470  
Quidnam cadat sub voto obedientie. 470  
An obedientie vobum sit præcipuum inter omnia essentialia vota. 470  
An Prælati possit actus voluntatis simpliciter internos subditi imperare, aut prohibere. 471. & 472  
An Religiosus teneatur obedire Prælati in actibus interioribus, & in his quæ simpliciter spectant ad interiorē motū voluntatis. 473  
Vtrum intentio, & voluntas exequendi præceptum exigatur, vt quis præceptum superioris adimpleat. 473  
An Religiosus sit excommunicatus, qui omnino inuitus implet præceptum superioris latum sub pœna excommunicationis. 474  
An intentio, & voluntas satisfaciendi præcepto per illud opus, sit necessaria, vt quis præceptum superioris adimpleat. 474  
An qui expresse statuit se nolle præcepto per illud opus impletum satisfacere, verè ei satisfaciatur. 475  
An per opus quod est peccatum, possit impleri præceptum. 476  
An idem possit dici de voto. 476  
An vnicui actui possit diuersis præceptis satisfieri. 476  
An pœnitens pœnitentie sacramentali satisfaciatur per opus aliis debitum, vt per ieiunium voto, aut præcepto debitum. 477  
An possit quis vno, & eodem tempore diuersis actibus duobus præceptis satisfacere. 477  
An obligatus ad duplicem missam audien-

dam, satisfaciatur simul audiens dum in duobus altaribus missa duplex celebratur. 477  
An duplex peccatum committat, qui opus duplici præcepto debitum omittit. 477  
An vt Religiosus teneatur suo Prælati obedire, satis sit, vt ipsius voluntas ei innotescat. 478  
An Religiosus teneatur suo Prælati obedire in his quæ sunt contra Deum. 478  
An Religiosus teneatur obedire Prælati in iis quæ sunt contra ius canonicum, vt sacros canones, ac summorum Pontificum decreta. 479  
An subditus dubitans, an id quod præcipitur, sit licitum, teneatur superiori obedire. 479  
An subditus dubitans, an id quod iubetur, sit licitum, teneatur, priusquam obediatur, investigare an licitum sit. 481  
An idem dicendum sit de militibus exteris stipendio ad bellum conductis. 482  
An subditi in hoc casu excusentur, quando præcepto superioris compulsi ad bellandum vadunt. 482  
Quid nomine subditorum hoc loco intelligatur. 482  
An si ex obedientia aliquod graue incommodum in persona, honore, vel rebus ei qui obicit, vel alteri timeatur, & ex inobedientia nihil incommodi appareat, & dubium sit de bonitate operis, teneatur subditus superiori obtemperare. 483  
An subditus teneatur obedire, si ipse certus sit superiorem præcipientem dubitare quoque an id, quod iubetur sit licitum. 484  
An si superior dubitet, aut credat id quod iubet esse illicitum, aut excedens suam potestatem, subditus nō dubitet, sed credat illud esse licitum, teneatur tunc subditus obedire. 484  
An subditus dubitans practicè, an hic, & nunc sibi liceat obedire, obtemperare teneatur. 484  
An Religiosus teneatur Prælati suo obedire, quando certus est, esse licitum, quod præcipitur, dubitat tamen, an Prælati possit id sibi præcipere. 484  
An subditus teneatur obedire, quando est dubius, an superior sit legitime electus, aut confirmatus. 485  
An Religiosus teneatur obedire Prælati coarctati immunitates, & libertates à Regula, vel ab altiori superiore concessas. 485  
An quando constat de præcepto, sed dubium est, an sit vsu receptum, vel consuetudine, vel dispensatione sublatum teneatur subditus ad illud. 485  
An si subditus dubitet circa factum, an videlicet hominem interfecerit, aut aliud crimen perpetraverit, ob quod irregularetur, aut censuram incurrerit, an tunc iussus à superiore non habente auctoritatem in ea

B b b b b j dispen

# INDEX QUESTIONVM.

- dispenſandi, vt celebret, teneatur ei obedi-  
te. 486
- An qui dubitat an 21. annum expleuerit, re-  
neatur ieiunare. 486
- An qui dubitat, an ſit tranſacta media nox,  
cum dies ſit ieiunij, poſſit edere carnes. 486
- An qui adhibita diligentia, adhuc eſt anceps,  
an in aliqua te, impoſitum ſit præceptum,  
teneatur ad illud. 486
- An quando præceptum eſt certum, ſed dubius  
eſt, an ſatisfecerit, teneatur integrè ſatisfa-  
cere. 487
- An ſubditus teneatur obedire, quando eſt di-  
uerſitas opinionū, an ſuperior poſſit id præ-  
cipere, & an inferior teneatur obedire. 487
- An Religioſus teneatur obedire Prælato ali-  
quid contra propriam opinionem ſibi præ-  
cipienti. 487
- An Religioſus potius teneatur obedire ſuo  
Prælato, quam parentibus. 487
- An quando Religionis regula, conſuetudine  
laxata eſt, reneantur illi profeſſi in ſuo pri-  
ſtino rigore ſeruare, an veto ſecundū conſue-  
tudinē, quæ in tali Religione viget. 488. & 489
- An Religioſus teneatur obedire Prælato in  
omnibus, quæ expreſſè, vel tacitè ſunt ſe-  
cundum regulam. 489
- An Religioſus teneatur obtemperare ſuo Præ-  
lato præcipienti aliquid contra præceptum  
regulæ, aut altioris ſuperioris. 490
- An Religioſus teneatur ſuo Prælato obedire in  
his quæ ſunt infra, & præter regulam. 490
- An Religioſus teneatur obedire ſuo Prælato in  
his, quæ ſunt ſupra regulam. 490. & 491
- An Religioſi ex vi voti teneantur Romano  
Pontifici obedire. 492
- An Episcopopus poſſit Religioſos exemptos cen-  
ſuris compellere ad obediendum in caſibus,  
in quibus ipſi ſubduntur. 493
- An Prælati regulares poſſint aliquid præcipe-  
re ſub pœna excommunicationis reſeru-  
ando ſibi eius abſolutionem. 493
- An Abbatiffa poſſit aliquid præcipere Moni-  
alibus ſub mortali. 493
- An mulier ſit capax ſpiritualis poteſtatis ec-  
cleſiaſticae. 493
- An Prælatus poſſit id committere ſuæ iuriſ-  
dictioni. 494
- An mulier ſit capax iuriſdictionis ordinariæ.  
494
- An ſi Prælatus in virtute ſanctæ obedientiæ  
præcipiat, vt Moniales teneantur obedire Abba-  
tiſſæ, ſit peccatū mortale ei non obedire. 495
- An Abbatiffa poſſit cū Monialibus diſpenſare  
in ieiuniis, & legibus eccleſiaſticis. 495
- An Prælatus Religionis poſſit ſubditum obli-  
gare ad acceptandum Episcopatum. 495
- An Romanos Pontifex poſſit compellere reli-  
gioſos ad acceptandum episcopatum. 495
- An Prælatus poſſit compellere religioſos, vt  
Parochorum munus exerceant. 496
- An ſuperior poſſit cogere ſibi ſubditos ad ſuſ-  
cipiendum beneficium regulare alterius  
Monafterij ſui ordinis. 496
- An ſuperior Generalis poſſit Religioſos obli-  
gare, vt munus Prælati intra ipſam religio-  
nem exerceant. 496
- An ſuperior poſſit aliquid præcipere cum pe-  
ticulo mortis. 497
- An liceat metu mortis excommunicato cele-  
brare, & audire confeſſiones, &c. 498
- An liceat ob metū mortis excommunicato no-  
minatim denūciato, aut nototio elctici per-  
cuſſori miniſtrare ſacramētū cōfeſſionis. 498
- An ſi Prælatus tēpote peſtis præcipiat Religio-  
ſo vt ſacramēta inſermis adminiſteret, teneat-  
ur obedire, non obſtante quod ex cuſtodia  
huius præcepti debeat ſequi mors. 498
- An Religioſus teneatur obedire Prælato iubētī  
etiā ſeruare externis peſte inſectis. 498. & 499
- An Prælatus poſſit præcipere Religioſis, vt ad  
Indos adeant, vel inter hæreticos ad ſemi-  
nandum euangelium commorentur. 499
- An ſummus Pontifex poſſit id Religioſis præ-  
cipere. 500
- An Romanus Pontifex iure poſſit aſteriorē, &  
arctiorem vitam Religioſis indicare. 500
- An Superior Generalis cum conſenſu maioris  
partis capituli generalis poſſit ſibi ſubditis  
nouam aliam Regulam imponere, aut præ-  
cipere aliqua noua ſtatuta arctiora facien-  
tia nouam Religionem. 500
- An Superior Generalis cum conſenſu capituli  
poſſit ſibi ſubditis aliqua effecere ſtrictiora,  
& arctiora ſtatuta pertinentia ad reſor-  
mandam regulam promiſſam, & ad plenio-  
rem eius obſeruantiam. 501
- An quando maior pars capituli generalis ve-  
terem regulam collapſam, arctiorem reſti-  
tuit, & intermiſſam reuocat, minor pars ad  
eam ſeruandam compellatur. 501
- An Religionum præſecti abſque conſenſu ca-  
pituli, poſſint præcepta imponere obligatā  
ad ea, quæ prudenter iudicant neceſſaria ad  
reformationem ſtatus Religionis. 502
- An Religionū præſecti poſſint regulā ex toto,  
vel ex parte abrogare, vel mutare. 502
- An regula conſuetudine ex toto, vel ex parte  
abrogari, aut tolli poſſit. 502
- An ſi conſuetudine laxata ſit regula, cuius pro-  
feſſores tui ſunt in conſcientia. 503
- An ſuperioris ſtatutum, ſuum ſucceſſorem ad-  
ſtringat. 503
- An ſuperiores præceptis à ſe factis teneantur.  
503
- An qui proficetur ſeruare aliquam regulam,  
teneatur ſub mortali ſeruare omnia quæ  
ſunt in ipſa. 504
- An in hoc caſu ſit duplex peccatum neceſſario  
in

# INDEX QVÆSTIONVM.

in confessione facendum, alterum contra id præceptum, alterum vero contra regulam § 5  
 An omnia in regula S. Benedicti contenta obligent sub præcepto. § 6  
 An omnia in regula S. Benedicti contenta obligent ad mortale. § 6  
 An Romanus Pontifex possit solemnem votum obedientiæ in Religionis professione factum relaxare. § 7  
 An Romanus Pontifex possit super totam regulam dispensare. § 8  
 An Religionum Prælati possint in legibus superiorum dispensare. § 8  
 An Religionum Prælati possint in omnibus obseruantis regularibus dispensare. § 9  
 An Religionum Prælati possint pro libito voluntatis in regulæ statutis dispensare. § 10  
 An Prælatus qui absque iusta causa cum subdito dispensat in obseruantia regulari peccet. § 10  
 An dispensatio inferioris circa legem sui superioris sine iusta causa facta, teneat. § 10  
 An qui ab obseruantia regulari dispensatione petir, sciens deesse causam, peccet. § 11  
 An hic peccet mortaliter. § 11  
 An postquam dispensatio fuit iniuste concessa, quam impetrauit, possit in foro conscientie ea uti. § 11  
 An Prælatus possit in suis præceptis dispensare. § 11  
 An Prælatus peccet, si absque iusta causa cum aliquo in suis præceptis dispensat. § 11  
 An hic qui in propriis præceptis dispensat absque iusta causa, peccet mortaliter. § 11  
 An qui dispensatione sine causa concessa utitur, peccet. § 12  
 An hic qui tali dispensatione utitur, peccet mortaliter. § 12  
 An hic cum quo sine causa legitima est dispensatio in præcepto, teneatur iurenaturæ, non obstante dispensatione, tale præceptum adimplere. § 12  
 An dispensatio Prælati in suis præceptis concessa absque legitima causa valeat. § 12  
 An superior, vel æqualis valide dispense in præcepto inferioris, vel æqualis prædecessoris § 13  
 An si subditus proponat causas, de quatum sufficientia dubitat, peccet. § 13  
 An quando necessitas est oeculca, subdito eam propagandi debeat Prælatus fidē adhibere. § 13  
 An si inferior Prælatus, puta Prior præcipiat subdito, vt non utatur dispensatione facta à superiore, nimirum à Prouinciali, vel Generali, teneatur subditus obedire. § 13  
 An Generalis, vel Prouincialis possit eximere subditum ab obedientia sui Prioris. § 14  
 An virtute privilegiorum ipsi superioris nostræ Congregationis ieiunia, & abstinentias relaxare. § 14

An Monachis esus carniū sit interdictus § 15  
 An Monachus qui absque iusta causa carnes comedit, peccet mortaliter. § 15 & § 16  
 An qui habet propositum faciendi contra omnes, vel præcipuas sex Religionis regulas etiam ad culpam non obligantes, peccet mortaliter. § 16  
 An Religiosus qui passim statuta sex Religionis, etiam ad culpam non obligantia, violat, peccet mortaliter. § 17  
 An qui Religionis statuta etiam ad solam pœnam obligantia ideo violat, vt impediatur quantum in se est, finem illorum, peccet mortaliter. § 17  
 An Religiosus violans præceptum superioris in re graui duplex lethale peccatum committat. § 17  
 An qui ex contemptu agit contra regulam, aut præceptum superioris, peccet mortaliter. § 18  
 An qui ex contemptu agit contra regulam, aut præceptum superioris, duplex peccatum committat. § 18  
 An Religiosus qui in re leui præcepta sui superioris contemnit peccet mortaliter. § 18  
 An regulares ad claustrum teneantur. § 19  
 Quo iure sit claustrum regularibus indicta. § 19  
 An regularis de licentia sui superioris possit extra Monasterium manere. § 20  
 Quodnam peccatum committit Prælatus qui sine iusta causa dat licentiam exeundi è Monasterio, & qui ea utitur, sciens illam non esse iustam. § 20  
 An summus Pontifex possit facultatem concedere alicui Religioso, vt absque iusta causa extra Monasterium maneat. § 20  
 An superiores possint dispensare cum Monialibus infemis, vt exeant à Monasteriis, vt curentur in domibus parentum. § 21  
 An sit iusta egressus Abbatis causæ, vt visitet Monasteria sibi subiecta. § 22  
 An Religiosi ad chorum professi, horas canonicas persolvere teneantur. § 22. & § 23  
 An Religiosi ad chorum professi, nondum sacris initiati, qui ex præcepto nostræ regulæ ad recitandum diuinum officium teneantur, obligentur ad illud sub mortali. § 23  
 An Nouiss ad chorum destinati persolvere diuinum officium teneantur. § 23  
 An laici, seu conuersi ad diuinum officium persoluendum teneantur. § 24  
 An si Religiosus destinatus ad chorum instat aliqua de causa superioris auctoritate ad conuersorum ordinem transferatur, eo ipso à diuino officio persoluendo sit liber. § 24  
 An si regularis deputatus ad chorum Romani Pontificis privilegio extra Monasterium uiuat, ab



# INDEX QVÆSTIONVM.

- ab horis canonicis sic liber. 525
- An Regulares ad diuinum officium publicè,  
& in communi in suis Monasteriis per-  
agendum teneantur 525
- An si Regularis absque rationabili causa cho-  
ro noo interfuit, peccet. 525
- An aliquando hic peccet mortaliter. 525
- Qualis numerus fratrum sufficiat, vt Regula-  
res teneantur publicè, & 10 commuoi horas  
canoicas persolvere. 526
- An Religiosus choro deputatus possit supe-  
rioris auctoritate ad statum conuersorum  
transferri. 526
- Cuius Prælati auctoritate hæc translatio fieri  
possit. 526
- An Regulares qui in Religione non laborant,  
nec aliis spiritualibus exercitiis deferuire  
volunt, peccent mortaliter. 527
- Vtrum Moachii teneantur vno quoque men-  
se confiteri. 527
- Vtrum Monachi teneantur omni prima do-  
mioica cuiuslibet mensis communicare. 527
- Quid nomine Monachorū hic intelligatur. 528
- An hoc præceptū obliget etiam Moniales. 528
- Quomodo computandi sint menses, quibus  
Religiosi sacram peccatorum confessionem  
facere tenentur. 528
- An si Religiosus solum peccata venialia ha-  
beat, teneatur singulis mensibus confiteri. 528
- An si in prima dominica mensis Religiosus  
extra Monasterium commoretur, accedere  
ad eucharistiam teneatur. 528
- An hoc præceptum vsu, & consuetudine ab-  
rogari queat. 529
- An Religiosus factus Episcopus, vel Cardina-  
lis eo ipso à tribus Religionis votis sit li-  
ber. 529
- An Religiosus Episcopus creatus à poto obe-  
dientia, & paupertatis sit liber. 529
- An Religiosus Poorifex electus eo ipso à tribus  
Religionis votis sit liber. 529
- An Religiosus ad dignitatem Episcopalem  
euectus à Regularibus obseruationis sit li-  
ber. 529
- An si Religiosus ille Episcopus creatus, esset ex  
familia Minimorum, peccaret mortaliter  
edocdo carnes. 530 & 533
- A quo tempore Religiosus Episcopus crea-  
tus eximatur ab obedientia regulæ, &  
Prælatorum. 533
- An Religiosus ad dignitatē Episcopalem eue-  
ctus priuilegiis suæ Religionis gaudeat. 533
- An ea omnia dicta de Religioso Episcopo ele-  
cto, locum habeant in Religioso ad Cardina-  
latus dignitatem promotio. 533
- An Religiosus Episcopus creatus teneatur de-  
ferre habitum sui ordinis. 533
- An si Religiosus factus Episcopus sine causa  
habitum Religionis deponat sit excommu-  
nicatus. 534
- An Religiosus Episcopus creatus ratione Re-  
gulæ, constitutionisve socium ex eodem or-  
dine habere teneatur. 534
- An si postea Religiosus pastorem dignitatem  
deponat, ad Monasteriū tedite compellatur. 535
- An qui temerè suæ Religionis habitum dimit-  
tit, sit ipso iure excommunicatus. 535
- Quæ, & quotnam conditiones exigantur, ad  
hanc excommunicationem incurrendā. 536
- Quænam ignorantia à temeraria habitus di-  
missione excuset. 536
- An ad hanc excommunicationē contrahendā  
necessario apostasia à Religione requiratur. 537
- An ad hanc excommunicationem contrahen-  
dam necessaria sit vna eum sui habitus di-  
missione, alterius habitus assumptio. 537
- An Religiosus qui in casu illicito habitū depo-  
nit, eo ipso in excommunicationē incidat. 537
- An qui ad breue tempus habitum dimittit  
causa diuagandi, aut eundi ad lupanat, vt  
dimittens incognitus incedat, hanc excom-  
municationem incurrat. 538
- An Religiosus qui intra Monasterij claustra  
temerè habitum deponit, sit excommuni-  
catus. 539
- An Religiosus qui sine habitu dormit, peccet  
mortaliter. 539
- An qui noo totum habitum, sed aliquam  
partem eius dimittit, hanc excommunica-  
tionem incurrat. 539
- An qui suæ Religionis habitum ita abscondit  
sub pallio, vt nihil foris prorsus appareat,  
sit excommunicatus. 540
- An qui suæ Religionis habitu dimisso, alt-  
erius Religionis habitum assumit, sit excom-  
municatus. 540 & 541
- An qui suæ Religionis habitu dimisso, alte-  
rius sumit, vt ad tempus illi Religionis obse-  
quium præstet, concionando, vel disputan-  
do, sit excommunicatus. 541
- Quænam sit differentia inter Religiosum fu-  
gitium, eiectum, & apostatam. 541
- An qui à Religioe discedit animo ad eam  
nunquam reuertendi, sed viuendi semper  
seculariter, habitu tamen ipsius Religionis  
retento, sit verè, & propriè apostata 542
- An hic apostata atreoso iure communi in ex-  
communicationem incurrat. 542
- An apostata promotus ad ordinem sacrum,  
possit in ordine sacro ministrare. 543
- An apostata possit ad superiores ordines  
ascendere. 543
- An apostata ad solos ordines minores promo-  
tus, possit in eis ministrare. 543
- An apostata rediens ad Religionem possit ad  
omnes ordines promoueri. 543
- An Religiosus nb aliqua gratia, atque enor-  
mia delicta possit à Monasterio repelli. 544

# INDEX QVÆSTIONVM.

**An solus incorrigibilis possit è Monasterio expelli.** 546  
**Quinam Religiosus censetur incorrigibilis, ita vt possit ob eius contumaciam ab ordine expelli.** 546  
**An quando Religiosus per iustam sententiam eiectus, ad pristinam Religionem etiam correctus non admittitur, teneatur ex vi voti ad aliam Religionem transire.** 547  
**An Prelatus possit incorrigibilem è Monasterio eiecere, iubendo ei, vt intra certum tempus ad aliam Religionem transeat.** 547  
**Sed quid, si ante ingressum in illum ordinem, vouerat Religionem in genere.** 548  
**An si Religio aliquem professum expellat absque iusta causa, peccet contra iustitiam,** 548  
**An inistè à Religione expulsus, ad seruandam castitatem teneatur.** 548  
**An Religiosus per iustam sententiam eiectus, sit à voto obedientie liber.** 548  
**An si expulsus, ad seruandum votum paupertatis teneatur.** 549  
**An iustè eiectus ad reliquas Religionis obseruantias, vt ad leiunias, vigiliis, delectum ciborum, silentia teneatur.** 549  
**An iniustè expulsi, ab obseruantia Regule sint liberi.**  
**An Religiosi ad triremes damnati ab obseruantis regularibus sint liberi.** 550  
**An in perpetuum eiectus ad horas canonicas teneatur.** 550  
**Quinam maneat subiectus eiusmodi Religiosus per iustam sententiam à Religione expulsus.** 550 & 551  
**An Religiosus eiectus teneatur Episcopo obedire eo modo quo ante ex vi voti tenebatur obedire suis Prælati.** 551  
**Quinam Religiosus fugitiuus acquirat extra Monasterium.** 552  
**Quinam acquirat Religiosus è Monasterio eiectus.** 552  
**Cui igitur talis Religiosus acquirit, si nec sibi, nec Monasterio acquirit.** 552  
**An si eiectus ea bona in vsus vanos, & illicitos expendat, sit proprietarius.** 553  
**An si in vsus superfluos, & illicitos ea bona expendat, recipiens ad restitutionem teneatur.** 553  
**Quid si aliqua Religio in vniuersum deleatur, & Religiosi permittentur priuatim viuere, quinam acquirereut id quod donatione, industria, arte, vel labore compararent.** 553  
**554**  
**An eiectus in perpetuum deferre habitum suæ Religionis teneatur.** 554

**An circums teneatur deferre habitum clericalem conditioni suæ conuenientem.** *ibid.*  
**An Religiosus per iustam sententiam eiectus, teneatur emendare vitam, & ad Monasterium redire, si cum suis superior vellet recipere, ibidem.**  
**An si per iustam sententiam eiecti, tenenti vobis lucrint, superiores eos pleuè correctos admittere teneantur.** 555  
**An inistè è monasterio expulsus possit propria autoritate ad aliam religionem licet laxiorem transire.** 556  
**An si Religiosus per iustam sententiam eiectus aliam Religionem ingrediatur, teneatur redire, si cum Religio reuertatur.** 557  
**An si eiectus ad aliam Religionem transierit, teneatur in ea iterum profiteri.** *ibid.*  
**An si Religiosus eiectus velit ad suum proprium ordinem redire, teneatur in eo iterum profiteri.** *ibid.*  
**An Religiosus eiectus teneatur labore manuum suarum victum sibi querere.** 558  
**An Prælari Regulares teneantur requirere fratres apostatas, & fugitiuos.** *ibid.*  
**An apostata, & fugitiui ad Religionem redeuntes, sint à suis Prælatis benigne suscipiendi.** *ibid.*  
**An Prælati possint vbique capere apostatas, & fugitiuos.** 559  
**An Monasterium teneant eiectos, aut fugitiuos, & apostatas, teneatur soluere expensas, quas Religiosi illo tempore quo fuerunt extra Monasterium pro alimentis fecerunt.** 560  
**An Nouitius à Monasterio discedens teneatur soluere sumptus, quos in eo alendo Monasterium fecit.** *ibid.*  
**An quæ dicta sunt de Religiosis eiectis locum habeant in Monialibus.** *ibid.*  
**Quinam acquirant apostata, seu fugitiui à Religione.** *ibid.*  
**An Religiosus possit appellare à transaminibus suorum superiorum?** *ibid.*  
**An Religiosus à Superiore iniquo supra modum vexatus possit sine licentia ad suum Maiorem confugere, vt tanquam pater cum protegat.** 562. & 565.  
**An Religiosus perpetuo carceri damnatus possit fugere ab eo.** 562  
**An Religiosus ad carcerem coniectus, iussu quo à superiore ibi manere, possit licitè fugere, si pœna mortis, aut mutilationis ei immineret.** 563  
**An Religiosus inistè ad triremes damnatus, possit licitè fugere.** *ibid.*

LIBRI SEPTIMI QUESTIONES.

- Q**uid sit castitas. 565  
 An castitas religiosa sit virtus. 565  
 An castitas sit præstantior coniugio. 566  
 An virginitas propterea sit virtus necessaria, & intrinsece inuoluat integritatem corporis. 566  
 An virginitas reperitur in utroque sexu. 566  
 Vtrum virginitas possit amitti abique illo peccato. 566  
 An virginitas possit per penitentiam recuperari. 567  
 An castitas sit Sacris ordinibus annexa, iure diuino, an potius ex sola Ecclesie constitutione. 567  
 An in vtraque Ecclesia, sc. Græca, & Latina semper fuerit seruatum, vt clerici post sacros ordines à matrimonio contrahendo abtineantur. 568  
 An votum castitatis sit ordini episcopali annexum de iure diuino. 568  
 An qui Sacris initiatur, continentiam seruare tenentur ex vi voti, an vero solo Ecclesie statuto. 569  
 An qui sciens, & prudens sacros ordines suscipiat, ac continentie votum eis annexum prorsus ignorauit, teneatur continere ex voto, an ex solo Ecclesie statuto. 569  
 An qui sacris initiatus habens expressam intentionem minime se ad continentiam obligandi, teneatur se continere. 570  
 An tunc teneatur ex voto. 570  
 An qui verè promoueri voluit, sed deficiente aliquo substantialiter requisito, fuit inualide promotus, possit matrimonium inire. 571  
 An hic teneatur voto simplici seruate castitatem, ac proinde peccet mortaliter matrimonium contrahendo. 571  
 An votum solennis ordinis facti, sit per se, & essentialiter solenne. 571  
 An si professus in sacris constitutus cum muliere habeat, teneatur in confessione sacri ordinis, & professionis circumstantiam fateri. 572  
 An si simul professus, & in sacris constitutus cum muliere commiscetur, teneatur vtramque circumstantiam voti explicare. se & se esse professum, & sacris ordinibus initiatum. 572  
 An si Episcopus fornicetur, teneatur in confessione circumstantiam Episcopatus explicare. 573  
 An qui per vim, vel mercedem co sacro ordine est insignitus, castitatem seruare teneatur, ita vt matrimonium contrahere non possit. 573. & 574  
 An qui huiusmodi mercedem ad sacros ordines ascendit, gaudeat clericorum privilegijs. 575  
 An qui ante usum rationis est ordine facto insignitus, cum ad ætatem adultam peruenit, continere teneatur. 575  
 An qui post rationis usum, ante tamen pubertatem sacris est insignitus, ad castitatem seruandam teneatur. 575  
 An qui per ignorantiam ad sacros ordines promouetur, continere teneatur. 576  
 An matrimonium post sacros ordines contractum sit validum. 576  
 Quo iure ordo sacer matrimonium subsequens dissoluatur. 576  
 An si clericus in sacris constitutus de facto matrimonium incai, sit ipso iure excommunicatus. 577  
 An si clericus existens in sacris matrimonium contrahat, sit irregularis. 577  
 An huius peccati cognitio ad tribunal sancti officij pertineat. 577  
 An matrimonium ratum, nondum consummatum per sacerdotum ordinem suspensionem dissoluatur. 577  
 An qui post matrimonium consummatum ad sacros ordines ascendit in Ecclesia Latina, possit licite uti matrimonio antea contracto. 577  
 Quid iuris de eo qui post matrimonium contractum, nondum consummatum, ad sacros ordines ascendit. 577  
 An in hoc casu uxori petenti debitum, maritus soluere iure possit. 578  
 An viro defuncto, vxor relicta possit ad alias nuptias transire. 578  
 Quid iuris de eo, qui sciens, & relicta vxore, est ad sacros ordines promotus. 578  
 An Papa possit in voto solenni ordinis sacri dispensare. 578  
 An ad hanc dispensationem causa publicæ vilitatis sequatur. 579  
 An matrimonium valeat, si Papa absque iusta causa dispensat in voto ordinis sacri. 579  
 An hic dispensatus peccet lethaliter, matrimonium contrahendo. 579  
 Vtrum omnes Religiosi professi necessarii obseruare castitatem teneantur. 579  
 An Religiosi rectè voueant e castitatem. 579  
 Quidam eadem sub voto castitatis. 580  
 An quando Religiosus peccat contra votum castitatis, duplex peccatum committat. 580  
 An summus Pontifex possit dispensare in voto solenni castitatis per professionem Religiosis facto. 580  
 Qualis debeat esse causa ad dispensandum in voto solenni castitatis Religiosorum. 581  
 An Papa possit dispensare, vt matrimonium professi

# INDEX QUESTIONVM.

festi ad tempus duret, nempe donec habeat prolem, & postea statim ad Religionem redeat. 583  
 An Papa possit ita cum professo dispensare, vt teneatur vxor, manente matrimonij vinculo indissolubili continere, vt habita prole, professus ad Religionem redeat. 583  
 An possit Papa ita cum professo dispensare, vt si habita prole, vxor liberè consentiat, vel ob adulterium causam disortij detraha, ad Religionem redire teneatur. 583  
 An matrimonium valeat, si Pontifex absque iu-

sta causa dispense in voto solemnì Religionis. 583  
 An h. c. Religiosus, cum quo dispensatum est, vt contrahat matrimonium, teneatur ad dicendas horas canonicas. 584  
 An qui post simplex Religionis votum, matrimonium contraxit, teneatur à debito patendo abstinere. 584  
 Quæ, & quotnam sint utilitates, seu fructus castitatis. 584  
 Quæ, & quotnam sint illa, quibus castitas conseruatur. 585

## LIBRI OCTAVI QUESTIONES.

**Q**uid sit dominium. 592  
 Quotplex sit dominium. 592  
 Vtrum dominium, & ritus dominiij distinguantur. 592  
 Quot, & quæ conditiones ad dominiij acquisitionem requirantur. 592  
 Quid, & quotplex sit proprium. 592  
 Quid sit vsus. 593  
 Quotplex sit vsus. 593  
 Quid sit vsus fructus. 594  
 Quid sit administratio. 594  
 Quid sit possessio. 595  
 Quid sit peculium. 595  
 Quid sit paupertas religiosa. 595  
 Quotplex sit paupertas. 596  
 An paupertas religiosa sit potissimum perfectionis instrumentum. 597  
 An paupertas religiosa sit virtus. 599  
 An votum paupertatis fuerit à Christo Dominò institutum. 600  
 An Religiosi rectè voueant voluntariam paupertatem Deo. 600  
 Quidam sit illud, ad quod Religiosi obligantur, quando in solemnì professione vouent paupertatem. 601  
 An Religiosus possit habere aliquid proprium. 601. & 602.  
 An valeat professio Religiosi facta sub ea conditione, vt possit sibi aliqua reseruare & de his liberè sine scientia & voluntate superioris dispensare. 604  
 An quispiam possit Religionem profiteri ea conditione tacita, vel expressa, vt domus suæ maneat, & certam suorum bonorum portionem habeat. 605  
 Quo iure solemnè votum paupertatis faciat Religiosum in eapem dominiij retinendi, vel in posterum acquirendi. 605  
 Vtrum summus Pontifex possit in voto solemnì paupertaria dispensare. 606  
 An in indiuiduo possit dari causa aliqua legitima, ob quam oporteat auctoritate Pontificia

votum solemnè paupertatis dissolui. 606  
 An si Romanus Pontifex absque iusta causa in tali voto dispense, talis dispensatio valeat. 608  
 An Religiosus professus saltem de licentia Prelati possit habere proprium. 608  
 An Regulares possint licitè habere peculium. ibid.  
 An post decretum Conc. Trid. adductum, id liceat. 610  
 An de superioris licentia iusta aliqua de causa magnæ utilitatis, vel necessitatis Monasterij, vel ordinis liceat ipsi priuato bona stabilia possidere. 611  
 Quæ, & quotnam sint causæ rationabiles, ob quas iuste aliquibus Religiosis peculium concedi possit. 612  
 An possit superior aliquid concedere Religioso ad vsum irrevocabilem. 613  
 An Pontifex possit aliquid concedere Religioso ad vsum irrevocabilem. 613  
 An Romanus Pontifex possit licentiam concedere Religioso vt aliquid habeat ad vsum irrevocabilem à superiore inferiore ipso. 613  
 An superior concedens aliquid Religioso, & promittens eum iuramento se non reuocaturum possit postea illud reuocare. 613  
 An quando non est iuramentum, peccet superior reuocando contra promissionem. 614  
 An Religiosi possint hæredes institui. ibid.  
 An fratres Minores possint institui hæredes cum clausula apposita, vt hæreditas vendatur, & in necessaria illis pretium dedatur. 614  
 Vtrum bona Religiosi ipso iure post emissam professionem transeant in Monasterium, si aliter de illis antea non disposuerit. ibid.  
 Quo iure Monasterium successionis capax, succedat in omnia profecti bona, de quibus ante professionem non disposuerat. 615  
 Cui acquirat Religiosus post professionem. 615

# INDEX QUESTIONVM.

Quinam Capucini, & Minores de Obseruantia  
acquirant ea quæ donatione, aut elemosy-  
nis acquirunt. 616  
An in rebus vsu consumpçibilibus, possit vsus à  
dominio distingui. 617  
An quicquid Religiosus acquirit, Monasterio,  
vel ordini acquirat. 610. & 611  
An Religiosi habentes bona in communi sint  
capaces legati. 611  
An fratres Minores sint capaces legati? 611  
An si fratres Minores ad legatum immodera-  
tarum accipiant sint proprietarii. 611  
Quinam acquirat Religiosus Episcopus crea-  
tus. 611  
Quinam acquirat Religiosus factus Episcopus  
titularis, qui sedem, & ecclesiam non habet.  
613  
A quo tempore Religiosus creatus Episcopus  
desinat acquirere Monasterio, incipiatque  
Ecclesie acquirere. 613  
Veram omnia, quæ Religiosus beneficiarius ex-  
tra Monasterium, vel ordinem quouis modo  
acquirat, beneficio, an vero Monasterio ac-  
quirat. 613  
Cui acquirat Religiosus, qui Romano Pontifi-  
cis priuilegio, extra Monasterium viuit ex  
certa pensione in singulos annos sibi assigna-  
ta. ibid.  
An si Religiosus ad Monasterium eiusdem, aut  
• alterius Religionis transeat, bona primo  
Monasterio acquisita ad secundum Monaste-  
rium transferantur. 614. & 615  
Quot modis votum paupertatis à Religiosis  
rum superioribus, tum inferioribus violetur.  
615  
An Religiosus professus possit validè testamen-  
tum condere. 618  
An superior Religionis possit testari. 618  
An Religiosus ad Episcopalem dignitatem, vel  
Cardinalatum promotus, possit testari. 619  
An Religiosus ad paparum assumptus testari  
queat. ibid.  
An Religiosus possit de superioris Pontifice in-  
ferioris licentia testari, etiam ad pias causas.  
619  
An Religiosus Romani Pontificis priuilegio tes-  
tamentum condere possit. 619  
An concedere Religioso licentiam testandi, sit  
dispensare in voto paupertatis. 619  
An desinere iusta causa, vt à Papa concedatur  
predicta testandi licentia Religiosis. ibid.  
An talis licentia absque iusta causa concessa sit  
valida. ibid.  
An hæc licentia testandi debeat esse expressa.  
611  
An Religiosus possit ex superioris licentia Co-  
dicillos facere. 611  
An cui concessa est licentia testandi, intelliga-  
tur exarcessa licentia faciendi codicillum.

612  
An Religiosus possit de superioris Religionis  
licentia aliquid donare causa mortis. ibid.  
An censetur Religiosus testari, si facit memo-  
riale significans suam voluntatem de suis  
bonis, sibi ad vsum concessis, vel sic distri-  
buendis. ibid.  
Quo iure Religiosus professus testamentum  
condere nequeat. 613  
An consuetudine introduci possit, vt Religiosus  
testetur. • ibid.  
An Religiosus possit testamentum ante profes-  
sionem factum irritare, vel alterare? ibid.  
An auctoritate Pontificis Religiosus possit tes-  
tamentum ante professionem confectum reuo-  
care. 614  
An licentia testandi concessa à Papa, Religioso  
intelligatur de primo testamento, ita vt si il-  
lud reuocet, nequeat postea secundum consue-  
cere. ibid.  
An Equites ordinum militarium possint testa-  
mentum condere. 614  
An Equites D. Iacobi Calatræ, Alcántara, &c.  
possint testari. 615  
An Doctores, & Eremitæ possint testari. ibid.  
An Religiosus possit esse executor testamenti.  
ibid.  
An Religiosus possit esse fideiussor. 616  
An Religiosus possit esse Tutor. 616  
An si testator aliquid relinquat Religioso ea  
lege, vt illud ad ipsum, non autem ad Monaste-  
rium pertineat tale testamentum valeat. 616  
Sed quid si testator dicat, vt id legatum quoad  
dominium ad Religiosum, & nullo modo ad  
Monasterium pertineat. 617  
An si testator aliquid relinquat Religioso ea  
lege, vt Prelatus non possit illud à Religioso  
auferre, & in casu quod illum molesteret, à ta-  
li legato cadat, tale legatum sit validum.  
ibid.  
An si testator aliquid relinquat Religioso ea  
condicione, vt illud expendat in vsus quos  
voluerit tale legatum sit validum. ibid.  
Sed quid, si expresse diceret, relinquo rem hanc  
cum condicione, vt illam expendat in vsus  
vanos, & prophanos. ibid.  
An Religiosus peccet, qui dicit hic liber est  
meus, hæc vestis est mea, &c. 618  
An superiores Religionum possint pro libito  
sux voluntatis bona Monasterij expendere,  
in quos voluerint vsus. 618  
An Prelatus qui in vsus vanos, & superfluos aut  
illicitos, ac proinde absque iusta causa bona  
Monasterij expendit, peccet peccato proprie-  
tatis. 619  
An Prelatus possit concedere licentiam Reli-  
gioso vt bona quorum vsum habet, in quos-  
cunque vsus etiam prophanos expendat.  
ibid.

# INDEX QVÆSTIONVM.

An Religiosus sit proprietarius qui de licentia superioris multa superflua respectu sui status possidet. 640. & 641

An huiusmodi Religiosus peccet peccato proprietatis. 642. & 643

Quidam in hoc loco dici debet necessarium, quid verò superfluum Religiosis. 644

An Religiosus possit tuta conscientia stare arbitrio superioris quoad mobilia superflua tantum, vel conuenticilia. 647

An superior vna cum consensu capituli possit licentiam concedere, vt Religiosus aliquid in vsus vanos & superfluos expendat. 647

An si Religiosus de superioris sui licentia aliquid in vsus carpes, vanos, & superfluos expendat teneatur accipiens restituere. 647

An Religiosus sit proprietarius qui habens pecuniam sibi à superiore deputatam ad emendos v.g. libros, eam expendit in aliquid aliud, ad quod emendum, probabiliter creditur superiorem non consensisse. 648

An Religiosus qui sciens, & annuente superiore penes se retinet, aut in cubiculo suo habet pretiosa, sit proprietarius. ibid.

An Religiosus qui habet aliquid de licentia iusta Prælati, peccet peccato proprietatis. 649

An Prælati qui cum subditi dispensat, vt aliquid teneat, vel distribuatur sine iusta causa, sit proprietarius. 650

An Religiosus possit absque superioris licentia aliquid sibi donatum recipere, vel retinere. 650. & 651

An Religiosus qui ex communi loco aliquid ad vsum suum temporalem absque superioris licentia accipit, & deinde ad eundem locum reponit, sit proprietarius. 652

An Religiosus qui in seio superiore pecuniam ab extraneis recipit, non sibi nec Monasterio datam, sed vt alteri deferat, sit proprietarius. 652. & 653

An Religiosus qui absque consensu Prælati, accipit aliquid, eum animo non acquirendi dominium, neque possessionem, neque aliud ius politicum, nec eo vtendi sine facultate Prælati, donec licentia alterius superioris accedat. 653

An Religiosus sit proprietarius, si ea quæ recipit sunt comestibilia, & ad eum solum vsum sunt concessa, vt ipse ea comedat, nec acquiritur Monasterio. 654

An qui pecuniam ab externis accipit in seio superiore ad emendum libros, quos postea palam in cubiculo eum aliis ex licentia habitis tenet, sit proprietarius. 654

An Religiosus qui aliquid accipit, dubitans de Prælati voluntate, peccet mortaliter. ibid.

An vt Religiosus tuta conscientia aliquid sumat, vel donet sufficit Prælatum vidisse, vel

scuisse, & tacuisse. ibid.

An si secularis quispiam aliquid Religioso daret, non sibi retinendum, nec pro suo libito distrahendum, sed vt cum muliere coiret, & solueret fornicationis pretium, teneatur mulier illud restituere Monasterio. 655

An Religiosus sit proprietarius, qui absque superioris licentia rogat aliquem sibi amicum, vt pecuniam apud tertium deponat, vt ab eo illam exigere possit, cum ea indiguerit. ibid.

An in hoc casu Religiosus sit proprietarius, qui absque superioris licentia depositario præcipit, vt in hos vel in illos vsus pecuniam expendat. ibid.

An Religiosus sit proprietarius, qui volentem sibi aliquid donare, rogat, vt suis parentibus, aut consanguineis donet, aut si ipse Religiosus talem elemosynam accipiat, vt eam parentibus deferat. 656

An Religiosus sit proprietarius, qui absque superioris licentia reliquias sanctorum accipit. ibid.

An Religiosus sit proprietarius, qui sine licentia Prælati honores cupit, & habet. ibid.

An Religiosus sit proprietarius, qui sine licentia superioris beneficia ecclesiastica procurat, & habet. 656

An Religiosus sit proprietarius, qui manu propria pecuniam tangit. 657

An fratres Minores, qui per se, vel per alium recipiunt pecuniam, sint proprietarii. 657

An consuetudo aliquid dandi, vel accipiendi sit tacita licentia excusans à vitio proprietatis?

An Religiosus qui nulla iusta causa ductus non acceptat rem donatam, peccet contra votum paupertatis. 658

An Religiosus qui scribit, aut recipit litteras sine superioris licentia sit proprietarius. 658. & 659

An Religiosus qui aliquid Prælato occultat, ne sibi auferatur sit proprietarius. 660

An Religiosus, qui contra Regulam, aut constitutiones aliquid apud se retinet, etiam si id faciat de superioris licentia sit proprietarius. 660

An Religiosus sit proprietarius, qui contra suas constitutiones recipit iustum stipendium pro prædicationibus, confessionibus, aut missis, &c. 661

An in hoc casu talis Religiosus teneatur sibi acceptum restituere. 661

An talis Religiosus possit pacisci, vt quis det elemosynam pauperi, & ipse faciat sacra. 662

An Religiosi qui ratione suæ Regulæ, vel constitutionum in eapaces sunt hereditariæ successione, si contra Regulam, vel constitutiones capiant, sint proprietarii, & teneantur in conscientia bona sic acquisita restituere. 662

# - INDEX QVÆSTIONVM.

An qui absque expressa, vel tacita superioris licentia ludit, sit proprietas, & lucrans teneatur restituere. 662

An Religiosus qui de superioris licentia ludit, sit proprietas. ibid.

An Religiosus qui nequit ludo perdere, possit lucrari. 663

An Religiosus possit sibi retinere innocentia. 664

An Religiosus sine licentia expressa superioris possit aliquid recipere. ibid.

An Religiosus qui ex his quæ proprio labore monasterio acquirit, aliquid assumit sine prælati licentia, sit proprietas. 664

An Religionum Prælati possint facere donationes. 665

An Monasterij Prælati habens iuxta ordinis statuta facultatem donandi vnum autem, possit absque vitio proprietatis plures donationes facere, quæ simul sumptæ quantitatem sibi præscriptam excedunt. 665

An Religiosus sine licentia Prælati possit extraneis aliquid donare. 666

An Religiosus qui sine consensu Superioris aliquam rem donat extraneis, peccet mortaliter, & sit proprietarius? ibid.

An Religiosus possit sine licentia Prælati aliquid dare alteri Religioso eiusdem Monasterij. 667

An Procuratores, seu cellerarij, & quotquot alij qui bona Monasterij administrant, possint absque licentia Prælati aliquid donare. 667

An Religiosi qui Monasterio quantum ad proprietatem acquirunt, sibi vero quantum ad commoditatem, & liberum bonorum usum, possint donationes ad pias causas facere. 667

Quid nomine beneficij sustentationis hoc loco intelligatur. 667

An Religiosus habens peculium possit absque superioris consensu quicquam expendere in elemosynam. 669

An Procuratores vel cellerarij possint absque superioris licentia elemosynas largiri? 670

An sint aliqui casus, in quibus liceat Religioso, inconsulto superiore elemosynam erogare. 671

An hoc idem possint Religiosi, qui commorantur in Monasterijs, quibus prædicto modo certa summa ad sustentationem tribuitur. 671

An Religiosus qui de rebus Monasterij aliquid mutuat absque superioris licentia sit proprietas. 672

An Religiosus qui absque licentia Prælati aliquid commodat, sit proprietas? 673

An Religiosus qui aliquid pro alio commutat sine licentia Prælati sit proprietas. 673

Dubium est de religiosis alterius ordinis. 673

Quenam superioris licentia sit necessaria, ac

sufficiat ad hoc ut Religiosus possit habere, vel facere, quod sine illa non liceret? 674

Quod in dubium vertitur est, an hic dispensans peccet mortaliter. 674

An sufficiat ad præsumendam licentiam tacitam, quod Prælati videat Religiosum aliquid accipere vel expendere sine licentia, & taceat? 677

Ex quo, & quibus principiis, vel circumstantiis conici possit consensus approbatus Prælati? 677

Ex quibus circumstantiis conici possit consensus permissus Prælati? 678

An ubi consuetudo inolevit dispensandi cum licentia tacita, possit Religiosus cum illa etiam in præsentia Prælati aliquid dispensare? 678

An licentia, quæ ut diximus est necessaria, ut Religiosus possit aliquid habere, vel dare, requiratur ut sit iusta? 679

Quot, & quoniam condiciones requirantur, ut talis licentia sit iusta? 679

An fieri possit, ut Religiosus teneatur, ac contradicente Prælati, quippiam de rebus Monasterij disponat, vel ab externis accipiat? 680

Quoniam sint, quæ occasionem dant Religiosis habendi proprium? 681

Utrum is, qui de tacita licentia Prælati aliquid accipit, vel expendit, teneatur ex utroque potest id Prælati manifestare? 681

An religiosus qui non adhibet diligentiam in conseruandis rebus sibi à superiore concessis, quoniam homines communiter adhibere solent, sit proprietas? 681

An sit proprietas qui Religiosis vel secularibus dat ea, quæ ex licentia superioris habet, quando ex eorum qualitate colligunt licentiam priorem extendi ad donandum? 682

An in alijs rebus licentia concessa Religioso dandi aliquid, extendatur ad donandum alteri Religioso, ita ut alter possit absque licentia acceptare. 682

Quam quantitatē expendendi possit dare licentiam superior Religiosis. 683

An superior possit alicui subdito beneficium regulare, aut administrationem alicuius Ecclesie in perpetuum, hoc est ad eius vitam conferre. 683

An cum Religiosus sine Prælati sui consensu contrahit, licet non euulit, saltem naturaliter, seu in foro conscientie obligetur? 683

An si Religiosus sine licentia Prælati contrahat cum seculari, vel alio, Monasterium ad aliquid teneatur. 684

An Monasterium teneatur ex delicto Religiosi. ibid.

An Religiosus in hoc casu teneatur salua sue Religionis decencia, ac superioris consensu conari?

# INDEX QVÆSTIONVM.

- ednati, vt debita in Religione contracta cum seculari, vel alio, soluat. 684
- Quænam sit iusta summa, quam potest Religiosus expendere de licentia tacita Superioris. 685
- An qui inuito Prælati, vel eo consentiente extra piam, & licitam causam rem aliquam à Religiosis accipit, furtum committat, cum onere restituendi acceptum. 686
- Cui hæc restitutio facienda sit? 687
- An Religiosus qui absque consensu superioris aliquid donat, vel dispensat, ad restitutionem teneatur. 687
- An Religiosus qui aliquid furatur ab externis ad vtilitatem Monasterij, sit proprietarius. 688
- An quando plures Religiosi cellam illicitius expoliant, ita vt singuli modicum quid accipiant, omnes peccent mortaliter, teneanturque in solidum ad restitutionem. 688
- An Religiosus transgrediens votum paupertatis donando aliquid duplex lethale peccatum committat, alterum furti, alterum vero sacrilegij. 689
- An Religiosus grauius peccet, qui ab alio confratre ex his, quibus vitat, aliquid surripit, quam si ab extraneo vel à communibus Monasterij bonis aliud furaretur. 689
- An Religiosus qui inuito Prælati sibi appropriat denarium vnam &c. peccet mortaliter. 690
- An Religiosus, qui inuito Prælati surripit modicum v. g. lex viciis panis, parum vini &c. quasi singulis diebus, peccet mortaliter, & ad restitutionem teneatur. 691
- Sed totum controuersia dissidium consistit de eo Religioso, qui paulatim repetitis vicibus, ex rebus Monasterij surripit vnum vel duos denarios sine intentione perueniendi ad magnam quantitatem: an cum illam attingit peccatum mortale committat cum obligatione restituendi.
- Sed quid, si Religiosus fecit multa furtula, & peccauit mortaliter ob id, quia peruenit ad materiam notabilem teneatur sub mortali totam summam restituere. 693
- An sufficiat ad constituendum peccatum mortale furti contra votum paupertatis, quod Religiosus habeat animum furandi, nihil de notabili, aut paruo cogitare. 694
- Quæ summa requiratur, vt Religiosus peccet mortaliter peccato proprietatis, accipiendo, aut expendendo sine licentia Prælati? 694
- Quæ quantitas requiratur ad constituendum peccatum mortale furti. 695
- An Religiosi sint in peccato mortali, qui post publicationem Conc. Trid. non agunt vitam communem. 699
- An talis status post Conc. Trid. possit defendi.
- di. 702
- Quot, & quænam sint Religiosi proprietarii pœnæ. 703
- An constitutio hæc obliget ad culpam. 79
- An constitutio hæc obliget ad mortale. Ibid.
- An in hac constitutione omnes Regulares tam mares quàm feminae comprehendantur. Ibid.
- An in hac constitutione omnes superiores ordinum comprehendantur. Ibid.
- An Equites Melitæ, & sancti Iacobi Calatæ, & Alcantaræ in hac constitutione comprehendantur. 710
- An Anachoretæ, & Eremitæ, & soli vagi ligentur hac constitutione. Ibid.
- An B. Iosephus, seu Montellæ & Tertiarij tertij ordinis B. Dominici, & B. Francisci in hac constitutione comprehendantur. Ibid.
- An Religiosum Nouitij, vel Nouitiæ, hac constitutione ligentur. Ibid.
- An comprehendantur in hac constitutione illi Regulares, qui iusta aliqua de causa ex Pontificis privilegio non viuunt in Monasterio. 711
- Quotnam sint fines, seu causæ finales huius constitutionis. Ibid.
- An Religiosus, qui non ex ambitione aliquam motus, sed ex mera liberalitate munus largitur, pœnas huius constitutionis incurrit. Ibid.
- An Monialis, quæ ultra decem assignatam Monasterio referuauit sibi quædam bona paraphernalia, possit de eis quicquam donare. Ibid.
- An Religiosus ex eo quod sua industria, & labore acquirat possit quicquam donare. 711
- An Religiosus ex eo quod ludo alearum acquisit, possit quicquam donare. Ibid.
- An Religiosus qui quod sibi debebatur remittit, donare censetur. Ibid.
- An donatio indirecta in Bulla prohibeatur. Ibid.
- An Religiosus qui volentem sibi donare, rogat vt donet alicui tertio, in pœnas huius constitutionis incidat. Ibid.
- Quotnam sint casus, in quibus iuxta Bullam Religiosi possunt licite donare. 713
- An in hoc casu maior pars capituli generalis sufficiat. Ibid.
- Quænam sint esculenta, & poculenta lentiora, & ad quem valorem ascendere possint? 715
- Quis sit hic superior qui potest hanc licentiam dare. 715
- An Abbatisa, vel Priorissa possit eandem licentiam donandi concedere Monialibus, quam potest Prælati Religionis, suis Religiosis. Ibid.
- An quoties Religiosus vult donare, toties con-



# INDEX QUESTIONVM.

- errere debeat consensus capituli, & licentia superioris. 715
- An superior possit suam auctoritatem alteri inferiori, delegate vt possit concedere hanc licentiam illis. ibid.
- An in his casibus in Bulla non concessis donatarius teneatur statim in conscientia restituere. 717
- Cuinam hæc restitutio fieri debeat. 719
- Quot, & quoniam sint casus extra Bullam, in quibus integrum est Religiosis aliquid donare absque eo quod incidant in Bullam. ibid.
- Quotnam sint huius constitutionis pœnæ. 719
- Quid nomine dignitatum, graduum, munerum, & officiorum hæc loco intelligatur. ibid.
- An qui aliquid præmissorum committunt, statim in foro conscientie has pœnas incurrant. 719
- Quis possit in pœnis in hac constitutione statutis dispensare. 720

F I N I S.







